


Lataiqui' loya'apa
ite al c'a
lixpic'epa EanDios



New Testament in Chontal, Highland Oaxaca (MX:chd:Chontal,
Highland Oaxaca)

Lataiqui' loya'apa ile al c'a lixic'epa LanDios
New Testament in Chontal, Highland Oaxaca (MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 30 Dec 2021
6400fb6e-80e3-5cbe-8b37-1a879c9db6c6

Contents

San Mateo	1
San Marcos	60
San Lucas	95
San Juan	157
Los Hechos	204
Romanos	264
1 Corintios	292
2 Corintios	318
Gálatas	335
Efesios	345
Filipenses	355
Colosenses	362
1 Tesalonicenses	369
2 Tesalonicenses	375
1 Timoteo	378
2 Timoteo	386
Tito	391
Filemón	394
Hebreos	396
Santiago	416
1 Pedro	423
2 Pedro	431
1 Juan	436
2 Juan	443
3 Juan	444
Judas	445
Apocalipsis	448

LATAIQUI' LINIŁPA SAN MATEO LOYA'APA IŁE AL C'A LIXPIC'EPA ŁANDIOS

¹ Jifa'a iłniya iłpuftine litatahueló Jesucristo łecui'impá łi'hua cal rey David: Abraham itatahuelo David.

² Abraham i'ailli' Isaac.

Isaac i'ailli' Jacob.

Jacob i'ailli' Judá jouc'a lipimaye.

³ Judá i'ailli' Fares y Zara, qui'máma' iłniya cuftine Tamar.

Fares i'ailli' Esrom.

Esrom i'ailli' Aram.

⁴ Aram i'ailli' Aminadab.

Aminadab i'ailli' Naasón.

Naasón i'ailli' Salmón.

⁵ Salmón i'ailli' Booz. Qui'máma' Booz cuftine Rahab.

Booz i'ailli' Obed. Qui'máma' Obed cuftine Rut.

Obed i'ailli' Isaí.

⁶ Isaí i'ailli' cal rey David.

David i'ailli' Salomón. Qui'máma' Salomón iłque łaca'no' ate'a ilecopa cal xans
Urías.

⁷ Salomón i'ailli' Roboam.

Roboam i'ailli' Abías.

Abías i'ailli' Asa.

⁸ Asa i'ailli' Josafat.

Josafat i'ailli' Joram.

Joram i'ailli' Uzías.

⁹ Uzías i'ailli' Jotam.

Jotam i'ailli' Acáz.

Acáz i'ailli' Ezequías.

¹⁰ Ezequías i'ailli' Manasés.

Manasés i'ailli' Amón.

Amón i'ailli' Josías.

¹¹ Josías i'ailli' Jeconías jouc'a lipimaye.

Lan xanuc' iłniya quiyouyomma łamats' Babilonia ilecom'mola' cal rey Jeconías jouc'a lixanuc', icuai'entsola' łamats' Babilonia.

¹² Jeconías i'ailli' Salatiel, iłque nipajnyota łamats' Babilonia.

Salatiel i'ailli' Zorobabel.

¹³ Zorobabel i'ailli' Abiud.

Abiud i'ailli' Eliaquim.

Eliaquim i'ailli' Azor.

¹⁴ Azor i'ailli' Sadoc.

Sadoc i'ailli' Aquim.

Aquim i'ailli' Eliud.

¹⁵ Eliud i'ailli' Eleazar.

Eleazar i'ailli' Matán.

Matán i'ailli' Jacob.

¹⁶ Jacob i'ailli' José. Iłque José ipe'ailli' María. Małque María iłpo'nopa Jesús, iłque cuftine cal Cristo.

¹⁷ Toxhuej'metsola' iłputine litatatahueló cal Cristo, iłne liniliya jifa'a, toxhuej'me'mola' oquej nuxans oquexi'.

Topangocola' Abraham, cocuaiya cal rey David, jounpa oxhuej'mepola' imbamaj malujxi litatahueló cal Cristo.

Ti'hua toxhuej'metsola', topangococonla' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' lamats' Babilonia". Jiŕpe joupa oxhuej'mepola' ocuenaye imbamaj malujxi litatahueló cal Cristo.

Tijoula' topangococonla' petsi liniliya: "... ilecom'mola'... icuai'entsola' lamats' Babilonia", ti'hua toxhuej'metsola', cocuaiya liniliya loya'apa: "... María ŕipo'nopa Jesús, iŕque cuftine cal Cristo", jiŕpiya joupa oxhuej'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Iŕquiya joupa epi'ipa cataiqui' José. Iŕniya aiquejonŕiyotŕsi. María ma' ahuats', iximpoxi innay. Toŕta'a li'e'epa cal Espíritu Santo.

¹⁹ José liximpa innay María, ¿te co'eya? Iŕque José tihuequi lataiqui' locuxepa LanDios. Iŕe lataiqui' ticua: "Iŕniya lan xujc'a cacal'no' tocuftsola". José ixim'ma cuanuc' María, aimicua micufya. Ticua: "A'i cacufya. Aicuya'aya. Ma le'a aicalecoya."

²⁰ Micua toŕta'a lipicuejma' José ipaiyo'ma. Imaxcaitsi anuli ŕepaluc LanDios. Iŕque ŕepaluc timi:

—José, ima' otatahuelo cal rey David. Itsiya camihuo': Aimoxhueŕmot'ŕe'ma. Tapenufla' María copeno. A'i xans hitai'ipa María. Ma cal Espíritu Santo itai'ipa.

²¹ Tipo'no'ma li'hua amijcano. Ima' tacui'i'ma Jesús. Iŕque tunŕu'e'mola' lixanuc'. LanDios aimecani'eyacola'. Iŕe lipuŕtine lofme cui'iya tuhualquemma: Lonŕu'eyale.

²² Iŕe li'ipa María enanŕpa lataiqui' linespa cal profeta luya'apa linespa LanDios, tuya'e':

²³ ¡Toŕcujle! Lahuats' ti'i'ma quinnay, tipo'no'ma qui'hua.

Iŕque li'hua tecui'im'me Emanuel.

Lipuŕtine lacui'inyacu tuhualquemma: Fa'a tipa'a LanDios, almana' anuli.

²⁴ José imaf'i'ma, itsahuemma, i'e'ma ma to limipa ŕepaluc LanDios. Epenuf'ma María. Iŕeco'ma lejut'ŕ.

²⁵ Mi'huaijma tipajntsi cal te'a qui'hua María, tama imajm'me anuli lajut'ŕ, aiqui'eyotŕsi anuli. Lipajntsi lamijcano, José ecui'i'ma lipuŕtine Jesús.

2

¹ Iŕniya litiné, micuxe cal rey Herodes, Jesús ipajnyotŕsi liŕya' cuftine Belén, lopa'a al distrito Judea.

Maŕniya litiné lan xanuc' linxingufale icuaitŕa al distrito Judea, al cuecaj quiŕya' Jerusalén. (Iŕniya tecui'innila' lam Mago.) Quiyoyomma ŕilemats' pe liyuf'maj 'ora.

² Icuitsuf'me. Timinnila' lan xanuc' nomana' Jerusalén:

—Imanc' unc'ijudío, ¿pe copa'a lamijcano iŕque toŕrey? Aŕsimpá liyuf'ma ŕixamna loya'apa joupa ipajnta iŕque cal rey. Aŕcuai'me laxc'onŕingolai'me.

³ Licuej'ma iŕe lataiqui' cal rey ixhueŕconni. Jouc'a ixhueŕconca jahuay lan xanuc' nomana' jiŕpe liŕya' Jerusalén.

⁴ Cal rey ijoc'i'mola' lixanuc' cal cuecaj ca'ailli' jouc'a lomxiye no-muc'iyalepá locuxepa LanDios. Icuis'e'mola', timila':

—Al Paxi Linŕingiya, ¿te quicuapa? ¿Pe copajnyoya cal Cristo?

⁵ Iŕniya timiyi:

—Cal Cristo tipajnyota liŕya' Belén, lopa'a al distrito Judea. Toŕta'a licuapa cal profeta linŕpa linespa LanDios, tuya'e':

⁶ Ima' Belén, miŕya' loŕpa'a al distrito Judea, aimetets'i'mo' iŕne nocuxempola' lan xanuc' nomana' lamats' Judá.

Ima' ti'i'mo' quipiŷya' anuli cal cuecaj nocuxeya.

İŷque ac'a ticuxe'mola' laixanuc', iŷniya lixanuc' Israel.

⁷ Herodes i'e'moxi ch'ix. İjoc'i'mola' iŷne linxingufale, iŷne lam Mago, timila':
—¿Te quitine limaxcaita cal xamna? Lu'İta'.

⁸ İniya u'i'me. Cal rey Herodes umme'mola' tiyeŷe liŷya' Belén. Timila':
—Tonŷeŷe, jilpe liŷya' tolahuetsa łamijcano. Litine toŷsintsa, alu'i'ma. İya' jouc'a ca'hua'ma. Caxc'onŷingaita.

⁹ Lam Mago iquimf'e'me cal rey limipola', iye'me.

Milmana' hilemats' iŷne iximpá limaxcaita cal xamna. İtsiya maŷque cal xamna i'hua'j'me'mola'. Licuaitsi lajut'İ pe lopa'a łamijcano, imaxcaiconno, ecaxemma al toncay.

¹⁰ İxoconni quileta lam Mago lixim'me cal xamna.

¹¹ İtsulfołai'me lajut'İ, ixim'me łamijcano jouc'a María, iŷque i'máma'. Exc'onŷingołai'me łamijcano. Exi'e'me liŷcaxax, icuf'i'me łamijcano liŷtaic'. Tipa'a al 'oro, tipa'a al 'inciensu, tipa'a laceite ipitali juaiconapa, tujuej c'a, lipuŷtine mirra.

¹² Lam Mago ipaiyo'me. ŁanDios timila':

—Aimoluyalaiconata pe lopa'a cal rey Herodes.

Licuej'me tołta'a, ocuena cane iyena'me, icuainatsa liłpiŷya'.

¹³ Liyena'me lam Mago, José ipaiyocona'ma. İxim'ma anuli łepaluc ŁanDios. Łapaluc timi:

—Totsahuenni. Tolecotsola' łamijcano jouc'a qui'máma'. İŷque cal rey Herodes tumme'mola' lixanuc' tehue'me łamijcano tima'anŷe. Aimicol'molhuo' tonŷeŷe łamats' Egipto. Tołmajntsa jilpiya. İya' cu'ito' te quitine tołpailinacu.

¹⁴ José itsahuenni iŷe lipuqui', ileco'mola' łacamijcano jouc'a qui'máma'. İye'me, icuaitsa łamats' Egipto.

¹⁵ Jilpe imajnhuo'me. Timanła' cal rey Herodes iŷne tipailinacu, ticuainata hilemats'. İŷe lo'iya tenanł'ma luya'apa cal profeta, iŷque uya'apa locuapa ŁanDios, ticua: “Aijoc'İpa łai'hua, tipanni jilpe łamats' Egipto”.

¹⁶ Lixim'ma cal rey Herodes lam Mago lifel'mipa, ixtunni juaiconapa. İnujuaitsi lu'i'me lam Mago. İŷne ines'me: “İtsiya joupa uyaipa to oquej camats' lałsimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liŷya' Belén jouc'a liŷelołya' lomana' huejnca. Tima'antsola' jahuay laicami-jcanó, ja'ni lixhuaitola' oquej camats', o ja'ni aiqixhuaiyila', ma' anuli tima'antsola'.

¹⁷ Tołta'a enanł'ma linespa cal profeta Jeremías, tuya'e':

¹⁸ Jilpe łamats' Ramá ticuequinni anuli łaca'no' tijoqui, tija'e'.

İŷquiya Raquel, tijoqui, tixhuełma li'ipola' linaxque'.

Aimicua miłonc'e'enyacu lipixhuejma', linaxque' joupa ima'ampola'.

¹⁹ José mipa'a łamats' Egipto imana'ma Herodes. İpaiyocona'ma, ixim'ma anuli łepaluc ŁanDios.

²⁰ Łapaluc timi:

—Totsahuenni. Tolecotsola' łamijcano jouc'a qui'máma'. Tołpailinanca, tonŷeŷe łolamats' Israel. Joupa imanapola' iŷne nehuepá tima'anŷe łamijcano.

²¹ José itsahuenni, ileco'mola' łamijcano jouc'a qui'máma'. İpailinanca, ticuainata hilemats' Israel.

²² Licuaitsa jilpe José icuej'ma: “Arquelao, li'hua Herodes, ticuxe al distrito Judea”. İxpaiconni. Ticua: “Jilpe al distrito Judea, aimi'İya małeyacu”.

İpaiyocona'ma. ŁanDios u'i'ma lo'eya. İye'me, ticuainata al distrito Galilea.

²³ Icuaitsa, iye'me liŷya' Nazaret, jiŷpe imanenca. Toŷta'a enanŷco'ma linespa lam profeta, iŷne uya'apá loyaicoya Jesús. Icuapá: “Iŷque tecui'im'me ŷas Nazaret”.

3

¹ Iŷniya hitiné Juan Bautista icuaitsi al distrito Judea, ipajm'ma pe ailopa'a quiŷya'. Jiŷpe tuya'e',

² tu'ila' lan xanuc':

—Imanc' toŷsuej'menanca, ŷanDios cal Rey icuaico'ma, timajm'me anuli lix-anuc'.

³ Cal profeta Isaías inesco'ma Juan Bautista locuaicoya, tuya'e':

Petsi ailopa'a quiŷya' tuya'e' anuli cal xans, tu'ila' lan xanuc':

“Toŷŷanc'ele lipene ŷaŷPoujna. Toŷ'e'ele aŷijca lane pe loyaicoya.”

⁴ Lipijahua' Juan ipuficoya ipimij camello. Lifi'ecoyoxi ixmi. ŷitejua' axa'muŷ'ŷ, acujua c'ec.

⁵ Axpela' lan xanuc' itsehuc'me pe lopa'a Juan. Iŷniya lan xanuc' quiyouy-omma liŷya' Jerusalén, jouc'a quiyouyomma locuenaye quiŷelolŷya' al distrito Judea, jouc'a quiyouyomma jiŷpe lihuojma' al cuecaj pana' Jordán. Icuaitsa pe lopa'a Juan.

⁶ Luya'a'me liŷjunac', Juan epo'i'mola' al pana' Jordán.

⁷ Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc' ti'onŷcospolhuo' to lacaŷpo', a'ijc'a loŷ'ejma'. ¿Te ja'ni u'impolhuo': “Tolapolite. Toŷta'a aimoŷteŷcoyacu al cueca' cateŷcoya locuaicoya”?

⁸ Iya' camilhuo': A'i toŷta'a molunŷulyacu. Ticuicomma tonŷ'ele al c'a, ma to mi'eyi iŷniya niŷhuej'menamma.

⁹ Imanc' toŷcuayi: “Abraham aŷtatahuelo. Illanc' ixanuc' ŷanDios. Iŷquiya aimalacani'eyaconga'.” Iya' camilhuo': ŷanDios aimehue'eyacola' quixanuc'. Iŷna'a lapiŷ' niŷpajnya ti'e'e'mola' quinaxque' Abraham.

¹⁰ ŷanDios ti'onŷcolhuo' to al 'ec. Joupa ipo'nompa cal hacha huejnca ŷime al 'ec. Ja'ni ti'atsi a'ijc'a li'as, tetequinam'me, tixanc'on nata ŷunga.

¹¹ Ja'ni joupa oŷsuej'menamma lixcay lonŷ'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, iŷque xonca acueca'. Iya' aimal'onŷpa iŷque, ni aimi'iya catac'ueya lic'ej'. Iŷque tepo'iyaleco'ma cal Espiritu Santo jouc'a ŷunga.

¹² Iŷque ticuaiyunni ti'onŷcospa to cal xans tifus'ma ŷitriŷo. Ti'noŷ'ma lofus-coya, tequeyof'ma ŷitriŷo, tiŷojm'ma lipifuc cal triŷo. Cal c'a triŷo ti'huejnata lihua. Lipifuc tipi'enghua petsi ŷunga aimipica.

¹³ Jesús lipanni al distrito Galilea icuaitsi al pana' Jordán, jiŷpe copa'a Juan Bautista. Timi:

—Lapo'ila'.

Juan aimicua. Ticua aimi'iya.

¹⁴ Timi Jesús:

—Ticuicomma ima' lapo'ila' iya'. ¿Te co'iya caifnepo'icoyaco' ima'?

¹⁵ Jesús italai'e'e'ma, timi:

—Itsiya' to'ela' laifxahue'epo'. Jahuay al c'a laŷcuxe'eponga' ŷanDios laŷeyacu ticuicomma lanant'ŷile.

Juan i'e'ma lixahue'e'ma Jesús. Epo'i'ma.

¹⁶ Lijoupa lepopa Jesús aiŷuicoŷ'ma, ipanni laja'. Maŷpe 'hora itsaŷquenni lema'a. Ixim'ma cal Espiritu Santo ti'onŷcospa to anuli cal ja'mu', icuaico'ma timumma tihuoxaf'caita.

¹⁷ Tipalay jipu'hua lema'a, ŷamats' icuequim'me, ticua:

—Itca'a ai'Hua, ca'ay capic'a juaiconapa. Latentma lipicuejma' jouc'a li'ejma'.

4

¹ Cal Espíritu Santo i'hua'a'ma Jesús, icuai'etsi pe ailopa'a quiya', ailopa'a xanuc'. Jilpiya lonta'a Satanás ehuaitsi.

² Micoli oquej nuxans quitine, oquej nuxans quipuqui', aimitesma, ixnet'i'ma. Lixhuaitsi itne litiné, unle'enni juaiconapa.

³ Licuaitsi lonta'a, itque linahuaiyalepa, timi:

—Ima' ja'ni i'Hua LanDios tocuxe'etsola' itna'a lopic'. Tomitsola': "Ti'itsolhuo' ca'i".

⁴ Jesús italai'e'e'ma, timi:

—Al Paxi Linilingiya ticua: "Loteja cal xans aimites'miya lipitine. Ticuicomma jouc'a Litaiqui' LanDios, jahuay lonespa itque."

⁵ Lonta'a ileco'ma al Paxi Quiya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma.

⁶ Timi:

—Ima' ja'ni i'Hua LanDios, taiyuła' al 'ocay. Al Paxi Linilingiya ticua: LanDios tumme'mola' lepaluc' titoc'i'mo'. Tipulnuf'mo' litmane, tołta'a lopic' cane ailopa'a co'eyaco'. Aimixcai'eyaco'.

⁷ Jesús timi:

—Al Paxi Linilingiya jouc'a ticua: "Aimahuai'ma LanDios itque omenDios".

⁸ Lonta'a ehuaicona'ma. I'hua'a'ma al toncay anuli hijuala xonca i'nof'quiya. Imuc'i'ma jahuay lan nación jouc'a lit'huexi.

⁹ Timi Jesús:

—Laxc'onlingaila'. Iya' capi'ina'mo' comane. Tocuxena'ma jahuay itiya.

¹⁰ Jesús timi:

—Ima' monta'a to'huanła'. Ałpo'noła' caituca'. Al Paxi Linilingiya ticua: "Taxc'onlingaila' LanDios itque omenDios. Ma le'a itque tomi'ma: Ima' un-Cueca'."

¹¹ Lonta'a i'huana'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: "Juan Bautista itats'iya", itsecona'ma Galilea.

¹³ Ux'maspa lipiyya' Nazaret, i'hua'ma ipajntsi jilpe liyya' cuftine Capernaum. Ite liyya' copa'a lema al cuecaj quin'nuhua', jilpe filemats' Zabolón y Neftalí.

¹⁴ Tołta'a enantpa linespa cal profeta Isaías.

¹⁵ Itque inescopa lo'iya jilpiya "... filemats' Zabolón y Neftalí, lane lotsepa lema caja, lamats' locuena quiyu' al pana' Jordán, Galilea pe lomana' lan xanuc', itne pe aimimetsaicoyi LanDios".

¹⁶ Jouc'a ticua:

Lan xanuc' nomana' jilpiya tocomma tiyelocoyi al muf, itne ixim'me al cueca' quepalc'o'.

Jilpe lamats' ti'hua lamaya, tunxamu'ela', tixpaic'ela'.

Itsiya ihic'enapa, epalc'onapola'.

¹⁷ Licuaitsi jilpiya al distrito Galilea, Jesús ipango'ma uya'a'ma Lataiqui' loya'apa ite al c'a lixpicepa LanDios. Timila' lan xanuc':

—¡Tolsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

18 Anuli litine Jesús ti'hua lema al cuecaj quin'nuhua' Galilea. Ixim'mola' loquexi' lapimaye, Simón y Andrés. Itque Simón tecui'impa Pedro. Itne in'notá catuye. Tecajm'miyi hixami lin'nuhua'.

19 Jesús timila':

—¡Lihuejla! Itsiya to'notá catuye. Iya' capi'i'molhuo' ocuena colpenic'. Tolahuetola' lan xanuc', ihniya lihuejla'.

20 Pedro y Andrés aiqico' mola'. Ipo'no'me hixami, ihuej'me Jesús.

21 Jesús uyai'ma nihuata, ixim'mola' ocuenaye oquexi' lapimaye, ihniya inaxque' Zebedeo. Li'puftine Jacobo y Juan. Ihniya qui'aili' Zebedeo ticus'olanna al barco. Tenaj'mot'hiyi hixami ti'notcota latuye. Jesús ijoc'i'mola', timila':

—¡Lihuejla!

22 Aiqico' mola'. Ipo'no'me al barco jouc'a qui'aili'. Ihuej'me Jesús.

23 Jesús ti'huaf'cay jahuay al distrito Galilea. Ti'hua timuc'iyale jilpiya lajut'hi pe lafolyomma. Tuya'e' te ts'i'ic' lixp'ic'epa LanDios, ite lataiqui' loya'apa al c'a. Tixa'mela' lan xanuc' jahuay li'pumla, jahuay li'cuana. Ite litaiqui' loya'apa ticua: "Icuai'ma LanDios cal Rey. Timajm'me anuli lixanuc'."

24 Jahuay lamats' Siria lan xanuc' icuej'me lo'epa Jesús. Icuai'enca jahuay lilefcuallay, jouc'a noxingufcopá li'pumla, jouc'a litsufilai'ila' contahue, jouc'a lan mac'ojay, jouc'a luhualqueya. Jesús ixat'mena'mola'.

25 Ihuej'me axpela' lan xanuc' lun Galilea, jouc'a lan xanuc' hi'pitolotya' cuftine lan Decápolis, jouc'a lun Jerusalén, jouc'a lan xanuc' nomana' ni petsi al distrito Judea, jouc'a nomana' locuena quiju' el cuecaj pana' Jordán.

5

1 Jesús ixim'mola' axpela' lan xanuc' tihuejyi, if'aj'ma hijuala. Jilpiya icutshuai'ma. Hoc'olai'me ts'ilihuequi.

2 Ipango'ma imuc'i'mola', timila':

3 —Lan xanuc' ts'isina' tehue'ela' juaiconapa, itne linca tuyalaicoyi al c'a. Mañiya timajm'me anuli LanDios hi'Rey.

4 'Lan xanuc' nohuotsopá, itne linca tuyalaicoyi al c'a. Mañiya tihonc'e'em'mola' li'pихuejma'.

5 'Lan xanuc' pe aimi'e'eyo'ltsi tsila', itne linca tuyalaicoyi al c'a. Mañiya ixanuc' LanDios, itque tepi'i'mola' qui'mane ticuxe'me fa'a li'a lamats'.

6 'Lan xanuc' nojanajpá latentcocolpa LanDios, nocuapá: "LanDios at'e'etsonga' hijca la'picuejma'", itne linca tuyalaicoyi al c'a. Mañiya ti'e'em'mola' hijca li'picuejma'.

7 'Lan xanuc' noximpá cuanuc' li'pimaye, itne linca tuyalaicoyi al c'a. Mañiya tixinim'mola' acuanuc'la.

8 'Lan xanuc' ts'anuli li'picuejma', itne linca tuyalaicoyi al c'a. Mañiya tixim'me LanDios.

9 'Lan xanuc' nocuapá: "Catoc'i'ma laipima. Tuyaila' al c'a itque", itne linca tuyalaicoyi al c'a. Mañiya timetsaicom'mola' inaxque' LanDios.

10 'Lan xanuc' notecopá mihuejyi al hijca cane, itne linca tuyalaicoyi al c'a. Mañiya timajm'me anuli LanDios hi'Rey.

11 'Imanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni tite'mitsolhuo', ja'ni tinesc'etsolhuo' ma mifel'miyaleyi, imanc' linca tuluyalaicoyi al c'a.

12 To'la'a imanc' ti'on'coto'luo' to lam profeta. Luyaipa quitine ma toliya lile'copa ihniya. ¡Toliyuc'tsele tixojla' cunlata! Jipu'hua lema'a tipa'a al cueca' lapi'inyacolhuo'.

13 'Imanc' ma mołmana' li'a łamats' ti'onłcospolhuo' to ło'hue. ¡Tołe tipajnlá! Aimi'i'molhuo' to ło'hue łuyaipa lic'a. Itque ło'hue aimi'iya milajn-naya. Lan xanuc' tejuajaispá łuna, ti'huailequinna.

14 'Mołmana' fa'a li'a łamats' imanc' ti'onłcospolhuo' to lepalc'o', ti'onłcospolhuo' to liłya' lilajmpa al toncay hijuala, aikuemiya.

15 Munai'im'me lepalc'o' aivic'ommumiquinni anuli c'ec. Tipo'nonni pe lopiypa. Tołta'a tepalc'o'ila' jahuary nomana' lajut'ł.

16 Ma tołta'a ti'ila' loł'ejma' imanc'. Tolapalc'o'itsola' loł'as xanuc'. Tonł'e'etsola' al c'a. Tołta'a ticua'me: “Acueca' conł'Ailli' Nopa'a lema'a. Ac'a itque.”

17 '¿Te aga tołnesyi: “Jesús icuaicoco'ma fa'a li'a łamats' tetella' locuxepa ŁanDios, ite lataiqui' linihijmpa Moisés, jouc'a linihijmpa lam profeta”? A'i. Aicuaicoco'ma canant'ila' locuxepa ŁanDios, aicateya.

18 Iya' camilhuo' al linca: Ma mipa'a lema'a li'a łamats', aimehue'eya ni anuli łainila' xonca łaca'hua, ni tołta'a anuli łacumi. Ite litaiqui' ŁanDios jahuary tipanehuo. Ma' mi'hua menanki lixpíc'epa ŁanDios, jouc'a ti'hua tipanehuo litaiqui'.

19 Anuli cal xans ja'ni aimihuejma itiya litaiqui' ŁanDios locuxepa, tama lataiqui' xonca aca'hua, ja'ni timuc'itsola' tołta'a lif'as xanuc', itque cal xans tixinim'me xonca aca'hua pe lomana' lan xanuc' naihuejcopá cal Rey Nopa'a lema'a. Locuena cal xans naihuejcopa ŁanDios, timuc'itsola' lan xanuc' ti-huejcołe, itque tixinim'me acuecaj xans pe lomana' lan xanuc' naihuejcopá ŁanDios cal Rey Nopa'a lema'a.

20 'Iya' camilhuo': Aimoł'onłico'mołtsi to lam fariseo ni lomxiye nomuc'iyalepá locuxepa ŁanDios. Tonł'ełe xonca al c'a. Ti'ila' xonca al hijca loł'ejma'. Ja'ni a'i, aimołtsuflaiyacu pe lomana' naihuejcopá ŁanDios, itque cal Rey Nopa'a lema'a.

21 'Imanc' ołsina' lataiqui' lu'impola' lan xanuc' itniya nimajmpá luyaipa quitine. U'impola': “Aimołma'ahuale'me. Naitsi noma'ahualepa titai'ma lijunac'. Tecani'em'me.”

22 Iya' camilhuo': Cal xans ja'ni ti'hua tixtuc'o łipima, titai'ma lijunac'. Cal xans ja'ni timilojla' cataiqui' łipima, tilecom'me pe lafołyomma lan xanuc' nox-pijpá lataiqui'. Cal xans ja'ni tetets'ila' łipima, timila': “Ima' uncue camac'ta”, itque titelcota łunga pe lopa'a al muf.

23 'Tocuaitsi pe lotsufcoyompa ŁanDios, ma mopa'a jilpiya pe loftsufcoyoya, ja'ni to'nujuaitsi łopima tixtuc'ohuo',

24 topo'noła' jilpiya loftsufcoya, to'huala' toxintsi łopima. Topac'etsi lipoyac' łopima, tołmajnle al c'a, tołpac'enatsołtsi. Tijouła' topainanni, tocuainata pe loftsufcoyoya, totsufcoła' ŁanDios.

25 'Itque naixtuc'opo' ja'ni ti'hua'atso' cal juez, aimicoł'mo', topac'ela'. Topalaic'ola' ma monłeyi lane. Ja'ni a'i, itque ticufto' cal juez, cal juez ticuto', lapaluc' titats'e'mo'.

26 Iya' camihuo' al linca: Ma mi'hua cotaiyinge, tama tutani le'a, jilpiya topajnta, aimaipaya.

27 'Imanc' ołsina' lu'impola' lan xanuc' nimajmpá luyaipa quitine. U'impola': “Aimoxhuico'ma lipeno łof'as xans”.

28 Iya' camilhuo': Cal xans mehuelonge anuli łaca'no', ja'ni ticua lipicuejma': “Caxhuicoła'”, itque cal xans joupa itaipa lajunac'. Tocomma to joupa ixhuicopa.

29 'Camihuo': Ja'ni iŕe lofmehuelojmpa timenac'ihuo', topulcufla' lo'u, taca'níla' aculi', tama iŕiya lo'u al c'a camane. Toŕta'a ma le'a anuli lo'u tejac'ma aimimef'minyaco' lunga.

30 Ja'ni lomane timenac'ihuo', tama iŕiya al c'a comane, tatejla', taca'níla' aculi'. Toŕta'a ma le'a anuli lomane tejac'ma, aimimef'minyaco' lunga.

31 'Luyaipa quitine uya'ampá: “Cal xans nixpic'epa tux'masla' lipeno, tepi'íla' lije'e, tijouŕa' tux'masnala'”.

32 Iya' camilhuo': A'i. Cal xans aimi'iya mux'masya lipeno. Ja'ni ŕaca'no' joupá ihuejpa ocuenaj xans, lipe'ailli' nipajnya tux'masla'. Ja'ni a'i aimi'iya. Iŕque ŕaca'no' joupá ŕux'masquimpa ja'ni tihuejla' ocuenaj xans, titai'ma lajunac'. Naitsi nolecoya ŕaca'no' jouc'a titai'ma lajunac'.

33 'Jouc'a oŕsina' lu'impola' lan xanuc' nimajmpá fa'a luyaipa quitine, ticuayi: “Ja'ni o'epa jurar, aimopai'i'ma jiliya lotaiqui'. Lotaiqui' joupá o'epa jurar ŕanDios, tanant'li'ma. Ja'ni aimanant'li, totai'ma lajunac'.”

34 Iya' camilhuo': Aimo'e'ma jurar. Aimocua'ma: “Por lema'a”. Jilpiya ticutsu ŕanDios cal Cuecaj Juez.

35 Aimocua'ma: “Por li'a ŕamats'”. Li'a ŕamats' tocomma to lipitas ŕanDios lacaxaf'i'ipa li'mitsi'. Aimocua'ma: “Por al cuecaj quiŕya' Jerusalén”. Jilpiya ipiŕya' ŕanDios cal Rey.

36 Jouc'a aimocua'ma: “Por ŕaijuac”. Ima' cotuca' aimi'iya mocuxe'eya lojuac. Anuli lajuac lumi aimi'iya mo'eya fujca. Jouc'a lajuac al fujca aimi'iya mo'eya umi.

37 Aimo'e'ma jurar. Ma le'a tocua'ma: “Toŕta'a ca'e'ma”, o “A'i, aica'eya”. Aimoŕof'i'ma cataiqui'. Ja'ni toŕof'i cataiqui' a'i ŕanDios micuxe'ehuo' iŕiya lofnespa. Ma le'a lonta'a ticuxe'ehuo'.

38 'Oŕsina' luya'ampá luyaipa quitine, ticuayi: “Anuli cal xans ja'ni joupá ipa'empá anuli li'u, iŕque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, iŕque mipai'iconghua, tipa'econa'ma ma le'a anuli li'ay.”

39 Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufiŕa' lopeque loxa camane tuntafcontso'.

40 Ja'ni ticuxecotso', texic'e'mo' lotsamalo, tommi'íla' lotsamalo jouc'a tommi'íla' lopuquiya.

41 Ja'ni ts'ipenic' ticuxe'etso' timitso': “Lacantumf'eta cane oquej kilometro. Altoc'íla' ŕainitay”, ima' tacantumf'eta amalpu kilometro.

42 Naitsi noxahue'epo', tapi'íla'. Ja'ni tixahue'etso', timitso': “Lapi'íla', tijouŕa' cacuai'enaco'”, aimocuanaj'ma.

43 'Imanc' oŕsina' luya'ampá luyaipa quitine, ticuayi: “To'e'ma capic'a ŕopima. Aimo'e'ma capic'a naixtuc'opo'. Iŕque to'e'ma laic'.”

44 Iya' camilhuo': Tonŕ'e'mola' capic'a naixtuc'opolhuo'. Toŕsahue'ete ŕanDios titoc'itsola' iŕniya notel'mipolhuo'.

45 Ja'ni toŕe loŕ'ejma' aŕinca ti'i'molhuo' inaxque' ŕanDios, iŕque coŕ'Ailli' Nopa'a lema'a. Iŕque ticuxe'e li'ora tepalc'o'itsola' jahuy lan xanuc'. Ja'ni lan c'a xanuc', ja'ni lixcay xanuc' tepalc'o'íla'. Jouc'a ticuxe'e ticuiŕa' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e.

46 Ja'ni toŕ'etsola' capic'a ma le'a iŕne no'epolhuo' capic'a, ¿te cululijpa? Ma toŕta'a mi'eyi lin'najts'i'iyale.

47 Ja'ni ma le'a toŕnonnila' loŕpimaye, ¿te ma tonŕ'eyi xonca al c'a? A'i. Lan xanuc' pe aimimetsaicoyi ŕanDios toŕe mi'eyi.

48 Coŕ'Ailli' Nopa'a lema'a ti'ay pangay al c'a. Imanc' jouc'a tonŕ'ete pangay al c'a.

6

¹ 'Ja'ni imanc' tolapi'i'mola' lan xanuc' quíltomí, aimotcua'me: "A'sintsonga' lan xanuc'. Limetsaico'monga' ninc'ic'a xanuc'." Ja'ni tole tolcuayi ailopa'a capi'iyacolhuo' col'Ailli' Nopa'a lema'a.

² Monlapi'ila' quíltomí lan xanuc' pe aiquil'hueca, aimot'e'me to mi'eyi lan xanuc' ilne no'e'epoltsi to joupa ixanghuaitola' li'picuejma'. Ilne micu'me al tomí tifus'miyi li'trompeta, ticuayi: "¡A'sinla'! Iya' capi'i'ma quíltomí ilca'a cal xans, ilque aiqui'hueca." To'tta'a mi'eyi mimana' lajut'hi pe lafo'yomma lan xanuc' o miyeyi lexpats'qui cane, to'tta'a mi'eyi. I'niya ticuayi: "Alimetsaicontsonga' xonca ac'a la'picuejma', la'ejma'". Iya' camilhuo': Ne', ¡tole timetsaicontsola'! Ailopa'a capi'iyacola' LanDios.

³ Ima' to'tta'a aimo'e'ma. Ja'ni tapi'itsola' quíltomí lan xanuc' pe aiquil'hueca, to'ela' ch'ixca. Aimoya'a'ma lof'eya. Ni ima' cotuca' aimo'nujuais'ma locupa. Ni loxa camane mixim'ma lo'epa al c'a camane.

⁴ To'tta'a aimixininyaco' motoc'ila' ilne lan cuanuc'la. Co'Ailli' Nopa'a lema'a ilque linca tehuelojnhuo' ile lof'epa jilpe petsi aimehuelojnhuo' lan xanuc'. Ilque tepi'i'mo' lofmulijya.

⁵ Ma' mo'palaic'oyi LanDios, aimot'e'e'moltsi to i'niya lan xanuc' no'e'epoltsi to joupa ixanghuaitola' li'picuejma'. I'niya mipalaic'oyi LanDios tecaxolanna jilpiya lajut'hi pe lafo'yomma lan xanuc'. Jouc'a tipalaic'oyi LanDios mecaxingolaiyi pe latenuficipa laneya. Ma to'tta'a ilpic'a. Ticuayi: "¡A'sintsonga' lan xanuc' ma'palaic'oyi LanDios!" Iya' camilhuo': Ne'. Joupa ixinimpola'. Joupa tipa'a lolijyacu. Ailopa'a xonca.

⁶ Ima' aimo'e'ma to i'niya. Ja'ni topalaic'o'ma LanDios totsufai'ma lomejut'í, tati'i'ma lopuserta. Jilpiya cotuca' topalaic'o'ma co'Ailli', ilque Nopa'a petsi lan xanuc' aimi'iya mixinyacu. Ilque co'Ailli' linca tehuelojnhuo' lof'epa, ile to'ay petsi aimehuelojnhuo' lan xanuc'. Ma' ilque tepi'i'mo' lofmulijya.

⁷ 'Imanc' mo'palaic'oyi LanDios aimot'e'me to mi'eyi lan xanuc' pe aimimetsaicoyi LanDios. Ilne mixahue'eyi lilendiosla' timiyi axpe' cataiqui'. Aiquil'sina' te locupa. Ticuayi: "A'mitsola' axpe' cataiqui', to'tta'a lalandiosla' alquimf'e'monga'".

⁸ Imanc' aimot'onfico'moltsi to li'ejma' ilnu'hua. Co'Ailli' ixina' ile lahue'epolhuo' ai'a to'sahue'e'me.

⁹ Mo'palaic'oyi LanDios to'lime:

Ima' al'Ailli' cofpa'a lema'a,

timetsaicontso' apaxi lopusfine.

¹⁰ Ticuaiti litine petsi jahuay lan xanuc' timetsaicotso' ima' ilRey.

Pu'hua lema'a jahuay tihuejcohuo', to'tta'a tihuejcotso' fa'a li'a lamats'.

¹¹ La'tepa itine itine, lapi'itsonga' itsiya.

¹² Illanc' joupa limenc'e'ecopola' ilne ts'altaiyinc'enga'.

Ima' jouc'a limenc'e'ecotsonga' ile la'taiyinc'ehuo'.

¹³ Aimafeco'monga' petsi lalahuaiyonyacongá'.

Ja'ni tiloc'huai'ma pe la'mana' lixcay xans, jima' lun'u'etsonga'!

¹⁴ 'Imanc', ja'ni tolimenc'e'ecotsola' lof'as xanuc' ile lo'epolhuo', jouc'a co'Ailli' Nopa'a lema'a timenc'e'eco'molhuo' ile lixcay lonf'epa.

¹⁵ Ja'ni imanc' aimolimenc'e'ecola' lof'as xanuc' lo'epolhuo', co'Ailli' Nopa'a lema'a jouc'a aimimenc'e'ecoyacolhuo' lixcay lonf'epa.

¹⁶ 'Imanc' mo'snet'íyi aimotetsoyi, aimonf'e'me to lan xanuc' ilne no'e'epoltsi to joupa ixanghuaitola' li'picuejma'. Ilne mixnet'íyi aimitetsoyi, ti'e'eyoltsi to nohuotsopá. Tupaxc'eyoltsi li'f'a, tixinintsola' lan xanuc' tixnet'íyi i'niya. Iya'

camilhuo': Ne'. Joupá ixinimpola' tohiya. Joupá tipa'a lolijyacu. Ailopa'a xonca.

17 Ima' moxnet'iqui, to'huaɫcufla' al c'a lojuac, to'ot'híla' laceite, tapajla' lo'a.

18 Tohta'a tixinim'mo' to aimoxnet'iqui, tocomma ma totesma. Ma le'a co'Ailli' tixina, iique Nopa'a pe lan xanuc' aimi'iya mixinyacu. Iique linca tehuelojnhuo' lof'epa jípe petsi aimixinghuo' lan xanuc'. Ma' iique' tepi'i'mo' lofmulijya.

19 'Imanc' aimolafot'le'me col'huexi fa'a li'a lamats'. Jifa'a íte loł'huexi ti-jouna'ma. Lan huoxmi tite'me o tunxilai'ma, o lan namats' titsufilai'me lomejut'ł, tinantsej'mo'.

20 Ma mołmana' fa'a li'a lamats' xonca tonf'ele ti'íla' loł'huexi jipu'hua lema'a. Jípe aimiteji lan huoxmi, ailopa'a. Aimunxilaiya. Ni lan namats' aimitsu-flaiyacu lomejut'ł minantsejyaco'. Jípiya ailopa'a.

21 Pe lopa'a loł'huexi małpiya copa'a lołpíxojma cata.

22 'Lo'u tepalc'o'ihuo'. Ja'ni ac'a lo'u toxim'ma pe lof'huaya, toxim'ma íte lof'epa.

23 Ja'ni a'ijc'a lo'u topanehuo al muf. Ma' anuli ja'ni to'ehuale laic', joupá i'ípa a'ijc'a lopicuejma', aimepalc'o'ihuo'. Ja'ni joupá imufc'opa lopicuejma', jacueca' juaiconapa íte al muf!

24 'Cal xans ticuicomma ma le'a anuli lipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli lołpoujna, iique LanDios. Aimi'iya molihuej-coyacu al tomí jouc'a.

25 'Iya' camilhuo': Aimołsuełmot'le'me lonluyalaicoyacu lapajnya fa'a li'a lamats', ja'ni ti'i'ma o aimi'iya. Aimołcua'me: "¿Te całtejacu? ¿Te całsnayacu? ¿Te całju'ecoyacołtsi?" Lołcuerpo linca xonca acueca' lipitali, lołju'ecoyacołtsi aijtine. Jouc'a loł'alma xonca acueca' lipitali, lołtejacu aijtine.

26 Tołsinle lacał'hui naiyulpá lema'a. Ihiya aimifayi, aimefot'leyi, ailopa'a quił'huecołma mi'huejyacu łotejacu. Coł'Ailli' Nopa'a lema'a tites'mila'. Iique, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' lołpitali.

27 Imanc' tama tołsueł'mecoyi juaiconapa, ¿te aga ti'i'ma tonf'e'e'mołtsi xonca unc'itołqui? Ai. Aimi'iya ni huata.

28 '¿Te cołsuełcocopa? Tołcuayi: "¿Te quijahua' całpo'noyacu?" Tołsinle łaiquitamqui łotojpa cal 'ec'. Tipa'a łaiquiłpipa'. Ihe łaiquitamqui aimucuiyi, aimi'eyi canic'.

29 Ma LanDios tiju'ecojma łaiquipipa'. Iya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, iłquiya aiqui'onłi to łaiquipipa' łaiquitamqui.

30 LanDios tiju'e'ela' juaiconapa ac'a łaiquitamqui cal 'ec'. Ihe łaiquitamqui aimicołila'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te LanDios aimiju'eyacolhuo'? Ah imanc', huata toł'huaiyijnyi LanDios.

31 'Aimołsuełco'me. Aimołnes'me: "¿Petsi całsi'neyacu całtejacu, całsnayacu? ¿Petsi całsi'neyacu całpijahua'?"

32 Lan xanuc' pe aimimetsaicoyi LanDios tuyalaicoyi lapajnya tehueyi íma'a. Coł'Ailli' Nopa'a lema'a ixina' te ts'i'ic' lahue'epolhuo'. Iique tepi'i'molhuo'.

33 Tołpo'nołe lołpicuejma' tolihuejcołe LanDios cal Cuecaj Rey, tonf'ele al c'a ma to locuxe'epolhuo'. Tijoula' tepi'i'molhuo' jahuay. Aimehue'eyacolhuo', ni tohta'a.

34 'Aimołsuełmot'le'me. Aimołcua'me: “¿Te caluyalaicoyacu mouqui?” Mouqui tołsim'me lo'iyacolhuo'. Ma' itsiya tipa'a lołtełcopa. Ja'ni tołsuełcoyi lo'iya mouqui xonca ipime tołsim'me itsiya.

7

1 'Imanc' aimołnesc'e'mola' lołf'as xanuc', tołta'a aiminesc'econayacolhuo'.

2 Ma to imanc' tołpalaicola' lołf'as xanuc' ma tołta'a tipalaicom'molhuo'. Ma to mołspif'caleyi, ma tołta'a tixpif'quim'molhuo'.

3 Ima', ¿te cofmehuelojncopa łopima mipa'a anuli łaquifuc li'u? Ima' aicoxina' to jipu'hua anuli laxma tipa'a lo'u.

4 Mipa'a laxma jilpe lo'u, ¿te cofmicoya łopima: “Lapi'ila' lane quipa'e'e'mo' łaquifuc łopa'a lo'u”?

5 Ma le'a to'e'eyoxi xonca unc'a. Ate'a' taipa'ala' laxma łopa'a lo'u. Tijoula' ja'ni joupa mipa'apa, ti'i'ma toxim'ma łaquipifuc łopa'a li'u łopima, taipa'e'ena'ma.

6 'Aimolapi'i'mola' lan tsilqui li'huexi ŁanDios. Lajune' lilanc'ecompa aperla, iłniya acueca' lipitali, aimolacani'i'mola' lijna'. Iłniya ti'huailej'me lam perla, tijoula' tits'aletsuftolhuo' imanc'.

7 'Ti'hua tołsa'huele, tijoula' tepi'im'molhuo'. Ti'hua tolahuele, tijoula' tołsim'me. Ti'hua tołumf'asle al puerta, tijoula' texi'em'molhuo'.

8 Lan xanuc' noxa'huepa', tepi'im'me. Jouc'a nahuepa', tixim'me. Jouc'a nomf'axpa', texi'em'me.

9 'Imanc' unc'ixanuc', ja'ni tixahue'etsolhuo' ła'i lołnaxque', ¿te tołapi'i'mola' łapic?

10 Ja'ni tixahue'etsolhuo' łatu, ¿te tołapi'i'mola' łainofal? Łınca ailopa'a no'eya tołta'a.

11 Imanc', tama tipa'a lołjunac', tipa'a lołpicuejma', tonłapi'i'mola' al c'a lołnaxque'. Conł'Ailli' Nopa'a lema'a, xonca acueca' ilque lipicuejma'. Tołta'a tepi'i'molhuo' al c'a ja'ni tołsahue'ele.

12 'Ja'ni aimetenłcocolhuo' lo'e'epolhuo' lołf'as xanuc', aimoł'e'me jouc'a imanc' tołiya. Ma tołta'a loya'apa locuxepa ŁanDios, jouc'a lomuc'iyalepa lam profeta.

13 'Tołtsulfołaitsa ile al tansca al puerta. Tipa'a ocuena al puerta, jiliya expats'qui, jilpiya copa'a lotsufaicopa lexpats'qui cane. Jile lane lotsepa pe lajac'eyacola'. Ihe al puerta lexpats'qui axpela' noximpá.

14 Ma le'a oquexi' afantsi noximpá locuenaj al puerta, iłiya atansca, lotsufaicopa al tansca cane. Jile lane lotsepa pe lolijyacu al ts'e liłpitine aimijouya.

15 '¡Toł'e'etsoltsi cuenna! Ticuaicu pe lołmana' lam profeta nofelaiquepa'. Iłniya ti'onłcospola' to lam mot'ł. Tocomma ailopa'a co'epa iłniya. A'ij linca. Ituca' lił'ejma'. Iłniya oyac'la to lan lobo, iłne linneja notepá lam mot'ł.

16 Iłne lił'ejma' timuc'i'molhuo' te ts'i'ic' liłpicuejma'. Al 'ec li'as timuc'i'molhuo' jale c'ec ilta'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iya.

17 Jahuay al c'a c'ec mi'atsi, ac'a li'as. Lixcay c'ec mi'atsi, ixcay li'as.

18 Al c'a c'ec aimi'iya mi'asya lixcay qui'as. Lixcay c'ec aimi'iya mi'asya cal c'a qui'as.

19 Al 'ec, ja'ni a'ijc'a li'as, tetequim'me, tixanc'onna łunga, tipi'enna.

20 Iya' camilhuo': Tolahuelojntsola' iłne lam profeta te ts'i'ic' lił'ejma'. Tołta'a tołimetsaicona'mola' infel'miyale.

21 'Lan xanuc' tama ałmıla': “¡MaiPoujna, maiPoujna!”, a'i jahuay iłniya mitsuflaiyacu pe locuxeyopa ŁanDios, ilque Nopa'a lema'a. Pe naihuejcopá

lixpic'epa cai'Ailli' Nopa'a lema'a, ilne linca titsuflaita. Locuenaye aimitsu-flaiyacu.

²² Ticuaitsi ile al Cuecaj Quitine axpela' almi'ma: “¡MałPoujna, małPoujna! Illanc' oxanuc', tołta'a aluya'apá lonespa ŁanDios, jouc'a lipa'apola' lontahue, jouc'a al'epá axpe' acueca'.”

²³ Iya' catalai'e'e'mola', cami'mola': “Iya' aicainimetsaicolhuo'. ¡Tonłełe! ¡Tonłolijnle! Imanc' aimont'eyi locuxepa ŁanDios.”

²⁴ 'Cal xans łalquimf'epa laitaiqui' jouc'a lihuejma, ilque ipicuejma' cal xans. Ca'onłico'ma to cal xans nolanc'epa lejut'ł. Ipucufpa qui'huajcopa łapic, jilpiya litsahue'emma lejut'ł.

²⁵ Lijoupa lilanc'epa lejut'ł icui'ma juaiconapa. Ixpe'ma laja' cal panay, ipac'o'ma. I'hua'ma łahua'. I'hua'ma ujfxi, unajm'ma lajut'ł. Iłe lajut'ł aits'ifentsi, aiquecangenni. Joupa ilajmpa pe litsahueyomma apic. Ailopa'a qui'ipa.

²⁶ 'Cal xans łalquimf'epa laitaiqui', ja'ni aimalihuejma, ilque a'i quipicuejma' cal xans. Ca'onłico'ma to cal xans nilanc'epa lejut'ł litsahueyomma acuixa.

²⁷ Icu'i'ma juaiconapa. Ixpe'ma laja' cal panay, ipac'o'ma. I'hua'ma ujfxi łahua', unajm'ma lajut'ł. Etełquemma. Ecanipa nulemma.

²⁸ Lijou'ne'ma Jesús ilna'a łitaiquí lan xanuc' ticuayi:

—Linca acueca' ile łitaiqui' łalmuc'iponga'.

²⁹ Lomxiye nomuc'iyalepá locuxepa ŁanDios a'i mimuc'iyaleyi to lomuc'iyalepa Jesús. Ilque linca joupa epi'impá limane timuc'iyaleysi, ilniya a'i.

8

¹ Limunanni łijuala Jesús ihuej'me axpela' lan xanuc'.

² Icuaiyunni anuli cal xans iteca cahui. Iłe al cuana cuftine lepra. Exc'onłingai'ma Jesús, timi:

—Maipoujna, ima' nipajnya latufc'entła', caxinxoxi al'inła' limpio. ¿Ja'ni to'e'ma?

³ Jesús i'nij'ma limane, ilaf'ma łafcuana, timi:

—Ca'e'ma. Ti'intso' limpio.

Aiquicol'ma, ilojn-na'ma lehui. I'ina'ma limpio.

⁴ Jesús timi:

—Aimoya'a'ma ile lai'e'epo'. ¡To'huanła'! Jilpe al cuecaj xoute' tomujtoxi ła'ailli'. Totsufcota ma to licuxepa Moisés. Tołta'a alsim'monga' illanc' lihuejcoyi ile łitaiqui'.

⁵ Jesús itsufai'ma liłya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ila'.

⁶ Timi:

—Maipoujna, łaimozo textafque, tunouya lainejut'ł. Joupa uhuaquemma. Tixina acueca' cumla.

⁷ Jesús timi:

—Ai'huapa, caxal'menna.

⁸ Ilque nocuxepola' lisoldado timi:

—Maipoujna, aimo'e'ma tołta'a. A'i caxa'huehuo' mo'huaya motsufaiya lainejut'ł. Iya' caxinyoxi juaiconapa na'hua xans. Ma le'a tocułta': “Tixałconala' łomozo”, tijoułta' ma tixałcona'ma. Tołta'a aixina'.

⁹ Iya' jouc'a quihuejma łalcuxepa, cacuxela' laisoldado. Cami'ma anuli: “To'huala'”, ilque ti'hua'ma. Locuena cami'ma: “To'huanni”, ilque ti'huamma. Cami'ma łaimozo: “To'ełta'”, ilque ti'e'ma.

¹⁰ Licuejpa Jesús tołta'a linespa lincuxepa, etenłcoco'ma juaiconapa. Timila' ilne ts'ilenc'e:

—Imanc' ixanuc' Israel olimetsaijma ËanDios. Itca'a cal xans lixanuc' aimimetsaicoyi ËanDios. Camilhuo' al finca: Ni anuli imanc' caixina to itca'a cal xans. Itca'a finca xonca ti'huaiyinge ËanDios.

¹¹ Camilhuo': Ticuaita locuenaye lan xanuc', itniya nomana' pe liyuf'ma cal 'ora, jouc'a lan xanuc' nomana' pe lof'acaiyopa cal 'ora. Jouc'a loftatahueló Abraham, Isaac, y Jacob, ticutsohaita anuli pe locuxeyopa ËanDios, itque cal Cuecaj Rey.

¹² Ituca' lo'iyacola' itniya nocuapá: “Ma' illanc' inaxque' ËanDios cal Rey”. Itne tihuescufinnola' luna, jilpiya al muf. Matpe tijolijta, ti'itc'ta li'ay.

¹³ Timi nocuxepola' lisoldado:

—Ima' al'huaiyijmpa, tonesqui: “Tixañcona'ma ñaimozo”. To'huaña'. Ma to lonespa, toña'a ti'ña'.

Mañe 'hora ixañcona'ma ñaimozo itque nocuxepola' lisoldado.

¹⁴ Jesús icuaitsi lejut'í Pedro, jilpe ixim'ma hi'maco Pedro tunouya textafque, tepi'i quinu'.

¹⁵ Jesús i'noñ'e'e'ma limane. Hojn-na'ma hipinu'. Itque ñaca'no' itsahuenanni, ites'mi'mola'.

¹⁶ Lummuhuaitsi i'hua'am'mola' pe lopa'a Jesús axpela' lan xanuc' lit-sufilai'ila' contahue. Jesús ma le'a icuxe'e'mola' lontahue tipalunca, itniya ipalumma. Jouc'a ixañmena'mola' jahuary lafcualñay.

¹⁷ Toña'a enañcopa linespa cal profeta Isaías luya'apa: “Ma itque añsañmeponga' lañtafc'eponga', liñonc'e'enaponga' lañcuana”.

¹⁸ Lixim'mola' axpela' lan xanuc' ts'itenc'e, Jesús timila' ts'ilihuequi:

—Ñepá, añquiepá al cueca' quin'nuhua'.

¹⁹ Ai'a tiye'me icuaitsi anuli ñomxi nomuc'iyalepa locuxepa ËanDios, timi Jesús:

—Momxi, ni petsi loftseya, iya' jouc'a quihuej'mo'.

²⁰ Jesús timi:

—Lan t'ñeya tipa'a liñpunts'ejay. Lacañhui naiyulpá lema'a tipa'a liñpuxil'na. Iya' itque cal Xans Liximpa cal profeta pu'hua lema'a, iya' ailopa'a caifx-mai'eya.

²¹ Ocuena cal xans mihuequi Jesús timi:

—Momxi, lapi'ña' lane ca'hua'ma. Quimaf'i cai'ailli' capajnta jilpe lainejut'í. Tijouña timañña', caminna, quihuejcona'mo'.

²² Jesús timi:

—Lihuejla' itsiya. Lomapola' ti'i'ma temitsa liñ'as lomapola'.

²³ Itsufai'ma al barco. Ts'ilihuequi itsufilai'me jouc'a.

²⁴ Muyalaicoyi ipanni ujfxi ñahua'. Ñaja titsahuemma, tuyanc'ne al barco. Tixc'uaf'caispa caja'. Jesús tixmay.

²⁵ Ts'ilihuequi Jesús icuaiyunca, ummef'me, timiyi:

—Mañpoujna, jilunñu'etsonga'! ¡Añma'monga'!

²⁶ Jesús timila':

—Ah imanc', ¿te coxpailijcopolhuo'? Ma' ahuata al'huaiyinge.

Itsahuenni, itale'mola' ñahua', ñaja. Jahuary i-ch'ixco'mola'.

²⁷ Ts'ilihuequi ixim'me acueca' ite li'epa Jesús. Timiyotñsi:

—¿Naitsi itca'a cal xans? Ticuxe'ela' ñahua', ñaja, tihuejcoyi.

²⁸ Icuaitsa locuena quiju' al cueca' quin'nuhua'. Jilpiya ilemats' itne lan xanuc' gadareno. Oquexi' ipalunca pe lamu'empola' lomapola', icuai'me pe lopa'a Jesús. Lontahue jounpa itsufilai'pa itne loquexi'. I'ipola oyac'la. Lan xanuc' aimi'iya muyalaicoyacu jilte lane.

²⁹ Itniya loquexi' tija'ayi, timiyi Jesús:

—Ima' i'Hua ŁanDios, ¿te cocuaiyoco'ma fa'a lałmana'? ¿Te ts'opic'a? Itsiya aimateľ'miyacongá' ŁanDios. Aiquicuaiya litine, tehue'e. ¿Te itsiya ima' aateľ'mi'monga'?

³⁰ A'ij culi' jilpiya timana' axpela' lijná titeji quilpitamqui.

³¹ Lontahue ixa'hue'me Jesús, timiyi:

—Ja'ni lipa'a'monga' ihniya lan xanuc', lapi'itsonga' lane ałtsuflaita ihne lijná.

³² Jesús timila':

—Ne', tonłełe.

Lontahue ipalunca lan xanuc', itsuflai'me lijná. Jahuay ihniya lijná inul'me liculhuo, i'nijmolaita laja', unxałac'mola'.

³³ Nohuic'ipola' lijná inul'me. Iyena'me, icuaitsa liłya', uya'atsa jahuay li'ipa, ihne li'ipola' loquexi' lan xanuc' litsuflai'ila' contahue.

³⁴ Licuej'me jiliya, ipalunca jahuay lan xanuc' nomana' liłya', italefcuftsá Jesús. Lixim'me, ixa'hue'me ti'huanła', tipananni hilemats'.

9

¹ Jesús if'aj'ma al barco, uyaiconá'ma al cueca' quin'nuhua'. Icuaitsi lipiłya'.

² Jilpiya icuai'entsá anuli cal xans textafque, uhuaquemma licuerpo. Tunafya cal huijm-ma'. Jesús ixim'mola' ihne lan xanuc' ti'huaiyijnyi, timi luhuaqueya:

—Mai'hua, aimoxhuełmot'łe'ma. Joupa ilošn-ńapa lojunac'.

³ Licuej'me tołta'a lonespa Jesús oquexi' afantsi lomxiye nomuc'iyalepá locuxepa ŁanDios timiyoltsi: “Iłque cal xans Jesús ti'e'eyoxi to ŁanDios”.

⁴ Jesús ixina' locuapa jilpe liłpicuejma' ihne lan xanuc', timila':

—Imanc', ¿te colcuacopa quixcay jilpe lołpicuejma'?

⁵ Ja'ni tołsinyi ipime ihniya laimipa cal xans: “Lojunac' joupa ilošn-ńapa”? Ja'ni camila': “Totsahuenni, to'huała'”, ¿te tołsim'me a'i quipime ihne lataiqui'?

⁶ Itsiya camuc'i'molhuo' icueya laimane. Iya' iłque cal Xans Łiximpa cal profeta pu'hua lema'a. Ma capa'a fa'a li'a łamats' nipajnya quilonc'e'e'mola' lan xanuc' liłjunac'.

Timi luhuaqueya:

—Totsahuenni, tonif'la' lohuijm-ma'. To'huanła' lomejut'ł.

⁷ Cal xans itsahuenni. I'hua'ma lejut'ł.

⁸ Lan xanuc' ixim'me acueca' ihne li'epa Jesús. Tix'ńajtsi'iyi ŁanDios, ticuayi:

—Linca, ŁanDios epi'ipa tołta'a limane iłque cal xans.

⁹ Jesús tuyaipa jilpiya. Mi'hua lane ixim'ma anuli cal xans lipuftine Mateo. Ticutsu pe lo'ńajtsi'iyaleyompa. Jesús timi:

—¡Lihuejla'!

Mateo itsahuenni, ihuej'ma Jesús.

¹⁰ Jesús jouc'a ts'ilihuequi icuai'me lejut'ł Mateo. Jilpiya titetsoyi anuli axpela' lan xanuc', ihniya in'ńajtsi'iyale jouc'a ocuenaye xanuc' pe aimihuejcoyi locuxepa ŁanDios.

¹¹ Lan xanuc' fariseo ixim'me Jesús ticutsu jilpe. Icuis'e'me, timinnila' ts'ilihuequi Jesús:

—Imanc' lołpomxi, ¿te cotetsocopa anuli ihniya lan xanuc'? Ihne in'ńajtsi'iyale jouc'a ocuenaye xanuc' pe aimihuejcoyi locuxepa ŁanDios.

¹² Jesús icuej'mola' ihne laicuitsufpa, timila':

—Lan xanuc' pe ailopa'a quılcuana aimicuicomma no'eyacola' cafxi. Laxtafpola' linca ticuicomma no'eyacola' cafxi.

¹³ Imanc' tonłełe, tolihuic'itsa lohualquemma ihne lataiqui' liniliya loya'apa lonespa ŁanDios, ticua:

Imanc' ti'hua altsufma lołpinneja lołma'apola'.

Iya' xonca latentłcoco'ma tołtsintsola' cuanuc'la ihne lołf'as xanuc'.

Iya' aicuaicoco'ma fa'a li'a łamats' cajoc'itsola' pe ts'ıltaic' quiłjunac', tix-huej'menanca. Aicajoc'ıla' pe ailopa'a quiłjunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—İllanc' alsnet'lyi, aimatetsoyi. Ma' anuli lił'ejma' lan xanuc' fariseo. İhniya lihuejhuo', ¿te cotetsocopa, aimixnet'lyi?

¹⁵ Jesús italai'e'e'mola', timila':

—Mipa'a łamijcano lijuic lipemaná, ihniya lijoc'impola', ¿te tihuotso'me? Ticuaitsi litine texic'e'entsola' łamijcano namaneya, iłe litine łınca tihuotso'me, aimitetsoyacu, tixnet'ł'me.

¹⁶ 'Ja'ni tanajmot'lıła' anuli lafane quijahua', aimi'iya moxhuicoya al ts'e quijahua'. Lafane quijahua' aimi'ommaiya. Tits'alquemma xonca.

¹⁷ Al ts'ej vino aimoc'ej'miya lafane pontalay quixmi. Ja'ni tołta'a loł'epa tits'al'mola' lam pontalay quixmi, tic'ejaiquehuo al vino, timinsco'mola' łixmi. Al ts'ej vino toc'ej'mi'ma al ts'e ponta quixmi. Tołta'a aimecaniyacola' al vino ni al ponta quixmi.

¹⁸ Jesús mipalay tołta'a icuaitsi anuli cal xans, ilque nocuxepa lajut'ł pe lafołyomma lan xanuc'. Exc'onłngai'ma pe lopa'a Jesús, timi:

—Łai'hua caca'no' ji'hua imanapa. Łepá. Toxpayaf'ta lomane, timaf'inna.

¹⁹ Jesús itsahuenni, iyejmale'me cal xans jouc'a ts'ilihuequi.

²⁰ Miyeyi lane icuaiyunni anuli łaca'no' textafque. I'ipa imbama' coque' camats' ti'hua cajuats' licu'u. İloc'huai'ma lixpula' Jesús. İłafc'e'e'ma laquiju' lipijahua'.

²¹ Ticua: “Ja'ni calafc'e'ela' Jesús, ma le'a laquiju' lipijahua', alsalcona'ma”.

²² Jesús ipai'e'moxi, ehuelojm'ma łaca'no', timi:

—Mai'hua, aimoxhuełmot'łe'ma. Al'huaiyinge, tołta'a ixalconapo'.

Małe 'hora łaca'no' ixalconapa.

²³ Jesús icuaitsi lejut'ł łincuxepa. İxim'mola' lo'epa lan xanuc' nomana' jilpiya lajut'ł. Tunayi, tijolijyi, tixingufcoyi al cueca' quixhuejma', tija'ayi.

²⁴ Timila':

—Tolipalunca imanc', łahuats' aiquimac'. Ma le'a tixmay.

Lan xanuc' ixoco'me.

²⁵ Jesús ipa'a'mola' lan xanuc'. Itsufai'ma pe lopa'a łahuats'. I'noł'e'e'ma limane. Łahuats' itsahuenanni, imaf'ina'ma.

²⁶ Ni petsi jilpe łamats' lan xanuc' icuej'me li'epa Jesús.

²⁷ Jesús jilpiya ipayomma, ti'hua lane. İhuej'me oquexi' lan fohue. Tija'ayi, timiyi:

—İma', łacui'impo' i'Hua David, alsintsonga' ninc'icuanuc'la.

²⁸ Jesús itsufai'ma lajut'ł. Lan fohue ihuej'me, itsuflai'me jouc'a. Jesús icuis'e'mola', timila':

—¿Te imanc' al'huaiyinge? ¿Ja'ni tołcuayi: “Łınca Jesús alłoc'i'monga', alsal'me'monga' lał'u”?

İhniya italai'e'e'me, timiyi:

—Małpoujna, al'huaiyijnhuo'. Ti'i'ma to'e'ma.

²⁹ Jesús ilafc'e'e'mola' lił'u', timila':

—İmanc' al'huaiyinge. Ma to lołcuapa tołta'a ti'itsolhuo'.

³⁰ İxał'me'mola' lił'u'. Jesús ixc'ai'i'mola' juaiconapa, timila':

—Aimoluyout'łe'me iłe lai'e'epolhuo'. Aimicuej'me lan xanuc'.

³¹ İhniya ipalunca, ni petsi jilpe łamats' tuya'ayi li'e'epola' Jesús.

³² Mipalumma ihniya, icuai'entsa pe lopa'a Jesús anuli cal xans litsufaipa anuli liponta'a Satanás. İłque cal xans aimi'i mipalay.

³³ Lijoupa lipa'apa Jesús liponta'a Satanás cal xans tipalay. Lan xanuc' etenlcoco'mola', ticuayi:

—¡Xinla! Acueca' lo'epa Jesús. Fa'a łalamats' illanc' ixanuc' Israel, a'i calsina' tołta'a, ni anulemma.

³⁴ Lan xanuc' fariseo a'i metenlcocola' lo'epa Jesús, timiyot̄si:

—İt̄que Jesús tipa'ala' lontahue. Ma łincuxepa contahue lepi'ipa limane ti'ela' tołta'a.

³⁵ Jesús ti'huaf'cay jahuay łitelołya' al distrito Galilea, lan tsila' quitelołya' jouc'a lan tsocay quitelołya'. Timuc'iyale jilpe łajut'łi pe lafołyomma lan xanuc'. Tuya'e' lixpice'epa ŁanDios. İle lataiqui' loya'apa al c'a, tuya'e' te ts'i'ic' micuxe ŁanDios cal Rey. İxał'me'mola' lan xanuc', jahuay łıtcuana, jahuay łıtpumla.

³⁶ İxim'mola' juaiconapa axpela' lan xanuc' ihuej'me. Tixinnila' acuanuc'la. İxim'mola' tıhuotsoyi, titafquemmola'. Ti'onłcospola' to lam mot'ł, ilne lam mot'ł lahue'epola' quılpojna, ailopa'a. Ailopa'a no'eyacola' cuenna.

³⁷ Timila' ts'ilihuequi:

—Łinca acueca' łafolya. Tehue'ela' nafot'leyacu.

³⁸ Camilhuo': Tołsa'huełe łıpojna caifa. Tołmiłe: “İma' tommetsola' no'eyacu canic' jilpe łomemats'”.

10

¹ Jesús ijoc'i'mola' limbamaj coquexi' ts'ilihuequi ticuaiyunca pe lopa'a. Epi'i'mola' łımane tipa'antsola' lontahue, jouc'a tixał'mentsola' lafcualłay, jahuay łıtcuana, jahuay łıtpumla.

² İhniya limbamaj coquexi' lecu'i'impola' lan Apóstole. Jifa'a inılıya łıtpuftine: Cal te'a Simón, ilque łecui'impa Pedro, jouc'a Andrés ilque ipima Simón. Jacobo i'hua Zebedeo, jouc'a Juan, ilque ipima Jacobo.

³ Felipe, jouc'a Bartolomé,

Tomás, jouc'a Mateo ilque in'najtsi'iyalepa.

Jacobo i'hua Alfeo, jouc'a Tadeo.

⁴ Łocuena Simón, ai'a tihuej'ma Jesús ilque anuli łıłpicuejma' lan xanuc' nocuapá: “Łunłu'e'me łalamats'”, jouc'a Judas Iscariote, ilque nocuya Jesús.

⁵ Jesús umme'mola' ihniya limbama' coquexi'. U'i'mola' lo'eyacu. Timila':

—Aimonłe'me petsi aimimetsaicoyi ŁanDios. Aimołtsuflai'me łıłpılelołya' lun Samaria.

⁶ Tonłełe pe lomana' lixanuc' Israel, ihniya lałpimaye ti'onłcospola' to lam mot'ł lejac'pola'.

⁷ Tulu'itola': “ŁanDios cal Cuecaj Rey Nopa'a lema'a itsiya ti'hua tijoc'ila' lixanuc'. Tolapenufle.”

⁸ İmanc' tołsał'metola' lafcualłay, tołmaf'i'itola' limanapola'. Tołsał'metola' litejpola' cahui lepra, timanenca limpio. Tolıpa'atola' lontahue ilne litsuflaipá lan xanuc'. İya' nepi'ıpolhuo' lołmane. A'i cai'najtsi'ilhuo'. İmanc' jouc'a aimoł'najtsi'i'mola' lan xanuc', ma le'a tołsał'metola'.

⁹ Jilpe lołfi'ejma' lołxinidoł, aimołtai'me tomı, ni axpe', ni huata.

¹⁰ Aimołtai'me ponta lane. Aimołtai'me oque' lołtsamalo. Aimołtai'me colc'eji'. Aimołtai'me colummejcofcoyacu. Ticuanni: “No'epa canic' tepi'im'me łoteja”. Jouc'a imanc' aimehue'eyacolhuo'.

¹¹ 'Ni petsi quılıya' lołtsuflaiyacu, ja'ni al cueca' quılıya' o ja'ni a'hua quılıya', tolahueta lejut'ł anuli cal c'a xans. Mołmana' jilpe łılıya' ma le'a jilpe lajut'ł tołmajnta.

12 Mołtsuflai'me lajut'ł tołnontsola' lan xanuc' nomana' jilpiya. Tołmitsola': "ŁanDios tipaxnetsolhuo".

13 Ja'ni jilpe timana' lan c'a xanuc' ŁanDios tipaxne'mola'. Ja'ni a'i, ŁanDios tipaxne'molhuo' ma le'a imanc'.

14 Ni petsi liya' o ni petsi lajut'ł ja'ni aimepenuffinilhuo', aimiquimf'ennilhuo', tolipalunca jilpiya. Tolunafle loł'mitsi', aimitajim'molhuo' loł'mitsi' ni tołta'a łepi camats'.

15 Iya' camilhuo' al łınca: Ticuaihuo al Cuecaj Quitine titeł'mim'mola' lan xanuc' nimajmpá Sodoma y Gomorra, łniya lixcay quiteloła'. Ĥe Litine xonca titeł'mim'mola' lan xanuc' nomana' łiteloła' petsi aimepenuffinilhuo' imanc'.

16 'Imanc' laixanuc' ti'onłcospolhuo' to lam mot'ł, łne aimi'iya mipa'neyacołtsi. Iya' cummelhuo' tonłe'me pe lomana' lan xanuc' lo'onłcospola' to lan lobo, łne oyac'la quinneja. Tołta'a ticuicomma ti'łla' acueca' lołpicuejma' to łainofał. Łınca aimi'onłcotołhuo' loł'ejma' to łainofał' łil'ejma'. Imanc' xonca ti'onłcotsolhuo' to lam paloma, łniya aimi'eyi quixcay.

17 'Tonł'e'etsoltsi cuenna. Aimoł'huaiyijm'mola' loł'as xanuc'. Ĥne ticu'molhuo' ticuaita quılmane lan xanuc' noxpıjpa' lataiqui'. Tileco'molhuo' lajut'łi petsi lafołyomma. Jilpe titeł'mitolhuo', titajncotołhuo' ixmi.

18 Imanc' ts'alihuequi, tileconnolhuo', ticuai'ennolhuo' pe lomana' nocuxepá, jouc'a pe lomana' lan tsila' quincuxepá. Imanc' tolu'itola' naitsi iya'. Tołta'a tolu'itola' locuenaye xanuc' pe aimimetsaicoyi ŁanDios.

19 Ja'ni ticutsolhuo' aimołsuełmot'łe'me, aimołcua'me: "¿Te całmiyacola' łniya? ¿Te całtalai'ecoyacu?" Ticuaitsi al 'hora lołpalaiyacu, małpe 'hora, tołapenuf'me cołtaiqui'.

20 Ĥe lataiqui' lołpalaiyacu a'i cołtaiqui' imanc', tołpalai'me lataiqui' lomiyacolhuo' łi'Espıritu Santo coł'Ailli'.

21 'Łapima ticu'ma łipima tima'anłe. Cal xans ticu'ma łi'hua. Lanaxque' titsolicu ti'e'me laic' quıl'ailli' quıl'máma', ticu'me, lan xanuc' tima'antsola'.

22 Ni petsi lołmanc'eyacu ti'e'molhuo' laic', imanc' ts'alihuequi. Toł'ommołaitsa lo'iyacolhuo', ti'hua toł'ommołaitsa, tijoula' tołuntul'me.

23 Ja'ni jilpe anuli liya' tihuetsoquinnilhuo', ti'ennilhuo' lixcay, aimo-coł'molhuo' tunłełe locuena quıl'ya'. Iya' łque cal Xans Łiximpa cal profeta pu'hua lema'a. Camilhuo' al łınca: Aimoł'ommaiayacu mołcuaiyacu jahuay łipiteloła' łamats' Israel, ma mehue'e cacuaiconanni.

24 'Cal xans mihuequi łipomxi, ja'ni łque łomxi titełcoła', cal xans jouc'a titełco'ma. Jouc'a łapoujna y łimozo ma' anuli tuyalaico'me.

25 Ja'ni tuyaicoła' ma to muyaicojma łipomxi, tıxoj'ma queta łque cal xans. Jouc'a cal mozo, tıxoj'ma queta ja'ni tuyaicoła' ma to muyaicojma łipoujna. Ja'ni timinłe łapoujna cajut'ł: "İma' monta'a Beelzebú", łınca xonca lixcay tinesc'e'em'mola' lixanuc'.

26 'Aimołsuełmot'łe'me. Aimołcua'me: "Łan xanuc', ¿te cał'eyaconga?" Ticuaita litine texiquim'me letamuyiya, tixim'me jahuay lemiya.

27 Ĥe laifmıpolhuo' lipuqui' imanc' tołuya'ałe litine. Ĥe lołquimf'epa mixolai'innilhuo', imanc' tołuya'ałe ułfxi al toncay lajut'łi.

28 Aimołsuełmot'łe'me. Aimołcua'me: "¿Te cał'eyaconga' lan xanuc', łne noma'ahualepá?" Ĥniya ma le'a tima'ayi al cuerpo. Loł'alma aimi'iya mima'ayacu. Tołspaic'ełe łque łacani'eyacola' lan xanuc' jıpu'hua łunga. Jilpe timajnta, łılcuerpo jouc'a łıl'alma.

29 'Oquexi' lan gorrión ticuquinnila' ma le'a to oquej centavo. Tama ahuata łıłpitali łne lacal'hui coł'Ailli' aimetets'ıla'. Ja'ni anuli tecangemma łamats' coł'Ailli' ixina' łe li'ipa.

³⁰ Xonca ti'nujuaitsilhuo' imanc'. Joupá ixhuej'meya tojua mipa'a łajuac quitefque łojuac, ixina' ja'ni tecangemma anuli.

³¹ Aimotsuełmot'le'me, aimixpailij'molhuo' lo'iyacolhuo'. LanDios tixinnilhuo' acueca' lołpitali. Tama axpela' lacał'hui aimi'iya mulijyacolhuo'.

³² 'Ja'ni anuli cal xans timitsola' lif'as xanuc': "Iya' nimetsaijma Jesús", iya' ninJesús jouc'a quimetsaico'ma itque cal xans. Camita cai'Ailli', itque Nopa'a lema'a: "Itque lihuequi iya".

³³ Ja'ni anuli cal xans timitsola' lif'as xanuc': "Iya' aicainimetsaijma Jesús", iya' jouc'a aiqumetsaicoya itque cal xans. Camita cai'Ailli', itque Nopa'a lema'a: "Itque aicalihuequi iya".

³⁴ 'Aimołcua'me: "Itque Jesús icuaicoco'ma fa'a li'a łamats' ti'e'e'mola' anuli lan xanuc'". A'i. Aicuaicoco'ma tifuli'i'mołtsi.

³⁵ Aicuaicoco'ma tenajtsołtsi. Cal xans tixtuc'o'ma qui'ailli'. Łahuats' tixtuc'o'ma qui'máma'. Łahuahua tixtuc'o'ma łihuahua.

³⁶ Cal xans, ma lipimaye tixtuc'o'me, ti'e'me laic'.

³⁷ 'Cal xans xonca no'epola' capic'a qui'ailli', qui'máma', itque aimi'iya malihuejya. Jouc'a ja'ni xonca no'epola' capic'a łi'hua camijcano o łi'hua cahuats' aimi'iya malihuejya.

³⁸ Iya' linca catełco'ma. Cal xans noxpicepa aimitelco'ma, itque nocuapa: "Aicapenufya lainencruz", itque aimi'iya malihuejya.

³⁹ Cal xans ts'ipic'a tixinł'a al c'a capajnya itque tejac'ma lipitine. Cal xans łalihuequi tama tima'ante, itque tulij'ma lipitine.

⁴⁰ 'Cal xans łapenufpolhuo' lapenufinga' iya'. Itque łalapenufpa lapenufinga' itque Łalummepa.

⁴¹ Lapi'inyacu anuli cal profeta, ma' anuli tepi'im'me cal xans łapenufpa cal profeta, ticua: "Itque tuya'e' lonespa LanDios". Lapi'inyacu cal xans naihuejpa łataiqui' locuxepa LanDios ma' anuli tepi'im'me itque łapenufpa.

⁴² Cal xans nopalaicopola' itna'a lan tsocay, nocuapa: "Itna'a ilihuequi Jesús", tijouł'a tuhui'i al c'a caja' tixnał'a anuli itniya, itque nocupa caja' linca ti'najtsem'me. Al linca ita'a laifmipolhuo'.

11

¹ Jesús ixc'ai'i'mola' limbamaj coquexi' ts'ilihuequi ipanni jłpiya. Ti'huaf'caita locuenaye quitelolya' Galilea. Timuc'itola' lan xanuc', tuya'ata te ts'i'ic' lixpicepa LanDios, ite łataiqui' ac'a loya'apa.

² Itne łitiné Juan Bautista itats'iya. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonłete.

³ Tolicuis'etsa Jesús, tołmitsa: "Itsiya ał'huaicoyi łocuaiya anuli Łommeya LanDios. ¿Te ma' ima'? o ¿te ti'hua ał'huaico'me łocuaiya?"

⁴ Tołta'a icuis'e'me Jesús. Itque italai'e'e'mola', timila':

—Ne'. Tonłete, tołcuaitsa pe lopa'a Juan tolu'itsa lołcuejpa, lołsimpa. Tołmitsa:

⁵ Tehuetsaleyí lan fohue, tiyenayi lan coxo, tixałconnala' ts'ilehui lepra, ti'inala' limpio, ticuejnayi lan tałpe, timaf'inayi limanapola', lan xanuc' pe aiquil'hueca tu'innila' Łataiqui', ite loya'apa al c'a lixpicepa LanDios.

⁶ Jouc'a tołmitsa Juan: "Cal xans natentłcocopa lai'ejma', itque linca ac'a loy-aicoya".

⁷ Iyena'me loquexi' ts'ilihuequi Juan. Jesús ipango'ma ipalaico'ma itquiya. Timila':

—¿Te coltsecohuo'me jipu'hua pe ailopa'a quitya'? ¿Te colsinhuo'me jilpiya? ¿Te oñnespá oñsinhuo'me anuli al jaxa tife'ne lahua'?

⁸ Ja'ni a'i, ¿te coltsecohuo'me? ¿Naitsi colsinhuo'me jilpiya? ¿Te oñsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá lipijahua' acueca' al c'a timajnyi kilejut'hi lan rey.

⁹ ¿Te coltsecohuo'me? ¿Naitsi colsinhuo'me? ¿Te oñsinhuo'me anuli cal profeta? Alinca oñsinhuo'me anuli cal profeta, itque Juan. Itque tuliquila' lam profeta, xonca acuecaj xans.

¹⁰ Al Paxi Linilingiya joupa ipalaicopa Juan ticuaihuo. Ticua:

¡Atquimf'ela'! Cumme'ma lainepaluc.

Itque ti'hua'j'me'mo', tuya'a'ma ima' tocuaihuo.

Tilanc'e'e'mo' lopene, pe lofmuyaicoya.

¹¹ Camilhuo' al linca: Itque Juan acueca' xans. Ailopa'a caca'no' quipo'nopa hi'hua to itquiya. Tama aimi'iya mi'onlyacola' to Juan, ja'ni joupa itsufaipa petsi locuxeyopa LanDios Nopa'a lema'a, tama xonca aca'hua xans, itque cal xans joupa ulijnapa Juan.

¹² Lan xanuc' niquimf'epá loya'apa Juan Bautista ehue'me te co'iya mepen-ufyacola' LanDios cal Rey Nopa'a lema'a. Itsiya ma' anuli tehueyi, itpic'a tepenuftola'.

¹³ Li'huamma Juan enantcopa lataiqui' loya'apa lo'iya, ite linitijmpa Moisés jouc'a linitijmpa lam profeta.

¹⁴ Inijimpá: “Ticuaicohuo cal profeta Elías”. Joupa enantpa ite lataiqui'. Juan Bautista ma' itque Elías. Ja'ni tolapenuf'me laifmipolhuo' tolsim'me toltá'a.

¹⁵ Naitsi nocuejpa atquimf'ela' iya' laitaiqui'.

¹⁶ ¿Te caif'onlicoyacolhuo' imanc' molmana' itsiya'? ¿Te ts'i'ic' loñejma'? Ca'onlico'molhuo' to jipu'hua laica'uhuyay nocutshuolanna pe locucaleyompa. Tijoc'iyi, timinnila' liñ'as ca'uhuyay:

¹⁷ “Illanc' alfus'mipá lañjaja, atpic'a tolsoute. Aicolñahua'. Lunac'lipá ihuotso-queya, aicolñoliqui'.”

¹⁸ Ma toltá'a imanc' loñejma'. Ailopa'a catenñcocoyacolhuo'. Juan Bautista aimitesma to molñetsoyi, aimixnay vino. Toñcuayi: “Itque itsufaipa liponta'a Satanás”.

¹⁹ Iya' itque cal Xans ñiximpa cal profeta pu'hua lema'a. Iya' aicuai'ma fa'a li'a lamats' catesma to molñetsoyi imanc', caxnay al vino. Imanc' añnesc'e'e, toñcuayi: “¡Toñsinñe! Itca'a cal xans intetsopa, in-xnatsaipa. Lilejmale in'najtsi'iyale jouc'a locuenaye lan xanuc' pe aimihuejcoyi locuxepa LanDios.”

Linca LanDios acueca' ac'a lipicuejma', toltá'a timujyi itne pe naihuejcopá, jouc'a acueca' ac'a lipicuejma'.

²⁰ Jesús ipango'ma inesco'mola' itne ñileloña' petsi li'ehuo'ma axpe' acueca'. Ipalaico'mola' itne lan xanuc' pe aiquisuej'meya. Ines'ma te ts'i'ic' loyalaicoyacu. Ticua:

²¹ —Ima' miña' Corazín, jacueca' loñtelcoya! Jouc'a ima' miña' Betsaida, jacueca' loñtelcoya! Jilpiya loñxanuc' ixim'me al cueca' lo'epa LanDios, aiquisuej'meya. Luyaipa quitine lan xanuc' nomana' ñileloña' Tiro y Sidón ja'ni coña' ixim'me toltá'a itniya coña' tixhuej'menacu, tipo'no'me lipijahua' ayolca, timet'li'me capi' liñ'a, timujco'molñsi ixhuej'menamma liñjunac'.

²² Al Cuecaj Quitine Locuaicoya LanDios titeñ'mi'mola' itne ñileloña' Tiro y Sidón jouc'a liñxanuc', xonca titeñ'mi'molhuo' imanc' miñelolña' Corazín y Betsaida.

²³ Ima' miña' Capernaum, ¿te to'nof'e'moxi xonca al toncay? ¿Te ti'onñcoto' to LanDios? A'i. Ti'oc'em'mo'. Toxinnoxi jilpe al muf. Jilpe liña' loñxanuc'

ixim'me al cueca' lo'epa LanDios, aiquisuej'meya. Luyaipa quitine lan xanuc' nimajm'me liya' Sodoma, ja'ni cola' ixim'me tohta'a ihniya tixhuej'menacu, cola' a'i mecaniya lipiya'.

²⁴ Iya' camilhuo': Al Cuecaj Quitine Locuaicoya, LanDios titef'mi'mola' liya' Sodoma jouc'a lixanuc', jouc'a titef'mi'molhuo' ima' miya' Capernaum jouc'a loxanuc', xonca titef'mi'molhuo'.

²⁵ Ihniya litiné Jesús ipalaic'opa qui'Ailli', timi:

—Mai'Ailli', ima' ihPoujna lema'a y li'a lamats'. Cax'najtsi'ihuo' lof'epa. Tomuc'ila' laixanuc', ihne lo'onkospola' to la'uhuy. Mepi'ipola' lipicuejma', ticuec'ete laitaiqui'. Lan xanuc' ts'ifsina', xonca nixhuepá, aicomepi'ila' tohta'a lipicuejma'. Ihniya iximpá ipime laitaiqui', to emiya. Aimi'i muhuałcufyi.

²⁶ Atinca mai'Ailli', tohta'a loxpicepa, toliya latentcoco'.

²⁷ 'Cai'Ailli' jahuay lapi'ipa cacuxe'etsola'. Iya' i'Hua LanDios lan xanuc' aimi'ia malsingufya iya' laipicuejma'. Ma le'a cai'Ailli' alsingufi. Lan xanuc' jouc'a aimi'ia mixingufyacu cai'Ailli' te ts'i'ic' lipicuejma'. Ma le'a iya' ih'Hua aixingufi. Iya' caxpic'e naihe laifmuc'iyacola', ihne camuc'ila' te ts'i'ic' lipicuejma' cai'Ailli'. Ihne linca timetsaicoyi cai'Ailli'.

²⁸ 'Imanc', ja'ni joupa ixojtolhuo', ja'ni tohsinyi ipime lapajnya, tonlouyunca, capenuf'molhuo'. Iya' cunxac'i'molhuo'. Tuyai'ma tohpixoqui. Cunxoc'i'molhuo' cunlata.

²⁹ Lihuejcola', iya' camuc'i'molhuo'. Iya' ai' noyac'. Iya' nin manxu. Catinu'ena'molhuo' lolunxajma'. Aimołsinconayacu ipime ni acumta lapajnya.

³⁰ Ihe laitaiqui' laifcuxe'eyacolhuo' a'ij cumta, jouc'a laifmuc'iyacolhuo' a'ij quipime lananc'oya.

12

¹ Ihniya litiné, anuli litine conxajya, Jesús jouc'a ts'ilihuequi tuyalaicoyi jilpe lifayiya cal trigo. Ts'ilihuequi tunle'eyi. Ipango'me ipa'a'me fixpaj trigo, titeji.

² Lan xanuc' fariseo ixim'me, timiyi Jesús:

—iToxinla' lo'epa ts'ihuejhuo'! ¿Nai lepi'ipola' lane ti'e'me tohta'a? Itsiya litine conxajya.

³ Jesús timila':

—Imanc', ¿te a'i colsuc' li'epa cal rey David, munle'eyi juaiconapa ilque jouc'a liyejmalepá?

⁴ David itsufai'ma lejut'f LanDios, itepa lam paxi ca'í lopa'a jilpe, epi'i'mola' la'i lilejmale, itepá jouc'a. Ilque la'i ma' i'huexi LanDios. Aimi'ia mitejnyacu. Ma le'a la'aillí notepá.

⁵ 'Al Paxi Linikingiya tuya'e' lo'eyacu la'aillí litine conxajya. Imanc', ¿te aicolsuc' ile lataiqui'? Itine conxajya ihniya ti'eyi canic'. Tama itine conxajya ailopa'a quiljunac', malpe al cuecaj xoute' ti'eyi canic'.

⁶ Iya' camilhuo': Fa'a tipa'a anuli xonca acueca'. Ilque tuliqui al cuecaj xoute'.

⁷ 'Imanc' aicolcueca litaiqui' LanDios lonespa:

Imanc' tama tohma'ala' linneja, alsufco'ma, aimalatenlcocojma ile lonf'epa.

Xonca aipic'a tołsintola' cuanuc'la loł'as xanuc'.

Cola' olcuj'me jiliya lataiqui' aimolcufyacola' lalihuequi, ihniya ailopa'a tohta'a quiljunac'.

⁸ Iya' ilque cal Xans Liximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu ile litine.

⁹ Jesús uyaico'ma jilpiya. Icuaitsi lajut'f pe lafołyomma lan xanuc', itsufai'ma.

¹⁰ Jilpe tipa'a anuli cal xans ijułpa limane. Jouc'a timana' lan xanuc' tehueyi te co'iya micufyacu Jesús. Ihne icuis'e'me, timiyi:

—Litine conxajya, ¿te ËanDios ticu lane tixał'mentsola' lan xanuc'?

¹¹ Jesús timila':

—Anuli imanc', ja'ni ñimoł timefmaitsi al pu'hua litine conxajya, ¿te a'i mipa'aya? Ëinca tipa'a'ma. Tama itine conxajya ailopa'a nonesya, aimiminyacu: “Aimi'iyá”.

¹² Cal xans aimi'onłspa to cal moł, xonca ipitali ñłque. Litine conxajya ñinca tipa'a lane ał'ele al c'a.

¹³ Lijoupa linespa tołta'a, timi cal xans:

—To'nijla' lomane.

Cal xans i'nij'ma limane. Ixałcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jilpe lajut'ł. Efot'le'mołtsi, tixpic'eyi lo'eyacu tima'anle Jesús.

¹⁵ Jesús ixina' lonespa ñne lam fariseo, i'huaana'ma. Axpela' lan xanuc' ihuej'me. Ixał'mena'mola' jahuay lafcualłay.

¹⁶ Ixc'ai'i'mola', timila':

—Aimoluyout'le'me lai'e'epolhuo'.

¹⁷ ñe li'ejma' Jesús tenanłi lataiqui' loya'apa cal profeta Isaías, ñe lataiqui' tuya'e' lonespa ËanDios, ticua:

¹⁸ Jifa'a ñai'huijł'epa, ñłca'a lo'epa laipenic'.

Ma ñłca'a ca'ay capic'a, latenłcocojma lipicuejma'.

Capi'i'ma ñai'Espíritu Santo.

Tuya'a'ma pe lomana' locuenaye lan xanuc', ñne aicalimetsaijma, tu'i'mola' pe lopa'a al ñıca cane.

¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi.

²⁰ ñłque juaiconapa amanxu, aimunłajyacola' nulemma ñniya lo'onłcospola' to lix'meya jaxa.

Jouc'a aimipic'eyacola' ñłpepalc'o' tama timufqui.

Ma muliquila' no'epá laic', timuj'ma nulemma te ts'i'ic' al c'a cane.

²¹ Itsiya timana' lan xanuc' a'i calimetsaijma,

ñniya ti'huaiyijm'me ñłca'a ñai'huijł'epa,

tines'me: “Ñłca'a ñinca lunłu'e'monga”.

Tołta'a luya'apa cal profeta Isaías.

²² ñlec'mentsa Jesús anuli cal xans ñitsufaipa anuli liponta'a Satanás. Lonta'a i'e'epa cal xans afo', jouc'a aimipalay. Jesús ñxał'mena'ma cal xans. Ipalaina'ma, ehuetzalena'ma.

²³ Lan xanuc' ixoconni quileta. Ticuayi:

—ıXinła'! ñłque Jesús ti'ay al cueca'. ¿Te aga ñłque ñacui'impa ñi'Hua David?

²⁴ Lan fariseo icuej'me ñe lonespa lan xanuc', ticuayi:

—Ñłque cal xans, epi'ipa limane nocuxepola' lontahue cuftine Beelzebú, tołta'a tipa'ala' lontahue.

²⁵ Jesús ixina' locuapa ñłpicuejma', timila':

—Anuli al cuecaj nación, ja'ni tenajtsołtsi lixanuc', ñniya al nación tejac'ma. Jouc'a anuli ñıya', o anuli lajut'ł, ja'ni tenajtsołtsi ñłsanuc', ñniya ñıya' o jıñniya lan xanuc' aimipajnya quıłpujfxi, tijou'mola'.

²⁶ 'Ma' anuli Satanás ja'ni ñłque tipa'ala' lipontahue joupa enajpołtsi ñniya. Coła' aimipajnya quıpujfxi. Ja'ni tołta'a li'ipa, ¿tej co'huacopa limane itsiya?

²⁷ 'Iya' ja'ni ñłque Beelzebú nalapi'ipa laimane, ja'ni tołta'a quipa'ala' lontahue, ¿ñaitsi nepi'ipola' ñłmane ñne lołxanuc' naipa'apá lontahue? Ma ñniya lołxanuc' timuc'i'molhuo' imanc' imenajpolhuo'.

28 O ¿te ja'ni ËanDios nalapi'ipa hi'Espíritu quipa'atsola' lontahue? Ja'ni to'ta'a laimane, ti'ila' co'sina' jifa'a tipa'a ËanDios cal Cuecaj Rey. Itque ticuxe.

29 'Nij naitsi mi'iya mitsufaiya lejut'í cal xans ts'ipujfxi, mi'lonc'e'eya hi'hueca. Ate'a tifi'e'mola' limane', li'mitsi' itque cal xans ts'ipujfxi. Tijoula', linca nipajnya titsufai'ma lejut'í, ti'lonc'e'e'ma hi'hueca.

30 'Naitsi aicalihuequi, itque al'ay laic'. Naitsi aimefot'tela' lan xanuc' to laif'epa, itque tica'nennala'.

31 'Iya' camilhuo': Jahuay lixcay li'epa, jahuay linesc'epo'tsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'iya mimenc'e'econyacola'.

32 Cal xans nahesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, itque aimimenc'e'econyacu. Mipa'a fa'a li'a lamats' o jipu'hua locuenaj quitine, itquiya titai'ma lijunac'.

33 'Ja'ni tolimetsaicoyi ac'a hi'as, jouc'a tolimetsaico'e ac'a al 'ec. O ja'ni tolimetsaicoyi a'ijc'a hi'as, jouc'a tolimetsaico'e a'ijc'a al 'ec. Al 'ec hi'as timuj'ma te ts'i'ic' ile al 'ec, ja'ni ac'a c'ec o a'ijc'a.

34 Imanc' lo'picuejma' ti'on'cospa to lipicuejma' la'ca'po'. Imanc' unc'ixcay xanuc'. ¿Te co'ya mo'palaiyacu al c'a cataiqui'? Ma to lipicuejma' cal xans, ja'ni al c'a o ixcay, ma to'ta'a lopalaicoya.

35 Cal c'a xans tipalaijma al c'a litaiqui', ma to mipa'a lipicuejma'. Cal xans ts'ixcay quipicuejma' tipalaijma ixcay litaiqui' ma to mipa'a lipicuejma'.

36 'Iya' camilhuo': ¡To'po'no'e cuenna te ts'i'ic' lo'nesyacu! Ticuaitsi al Cuecaj Quitine ËanDios cal Juez ticuis'etolhuo' anuli anuli, timitolhuo': "¿Te co'nescopa to'ta'a?"

37 Ja'ni o'nes'me al c'a, ËanDios tepenuftolhuo', tixinnolhuo' unc'ic'a xanuc'. Ja'ni o'nes'me lixcay, ËanDios aimepenufyacolhuo', tixinnolhuo' a'ijc'a.

38 Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa ËanDios, italai'e'e'me Jesús, timiyi:

—Momxi, al'pic'a al'sinte ja'ni al'ınca lepi'ipo' lomane ËanDios. Al'mihuo': To'ela' al cueca'.

39 Jesús italai'e'e'mola', timila':

—Lixcay xanuc' pe necanujpá ËanDios, pe aimihuejyi, ma le'a il'pic'a al'sinta' ca'ela' al cueca'. Ma to'ta'a imanc' lo'ejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma to'ta'a al'i'ma iya'. He linca to'sim'me.

40 Jonás ico'l'ma afane quitine afane quipuqui' jil'pe licu'u cal cueca' catu linuc'ma. Iya' itque cal Xans Liximpa cal profeta pu'hua lema'a. Al'co'ta afane quitine afane quipuqui' licu'u lamats'.

41 'Ticuaitsi al Cuecaj Quitine imanc' tolacaxingo'aita ËanDios cal Cuecaj Juez. Jouc'a tecaxingo'aita lan xanuc' nimajmpá li'ya' Níneve, jil'piya Jonás luya'ahuo'ma litaiqui' ËanDios. Iniya lun Níneve ticuftolhuo'. Ine iquimf'e'me lu'i'mola' Jonás, ixhuej'menanca. Itsiya imanc' to'quimf'eyi anuli xonca cal cueca', aimo'suej'memma.

42 'Jil'pe al Cuecaj Quitine lan xanuc' tecaxingo'aita ËanDios cal Cuecaj Juez. Imanc' tolacaxingo'aita. Jouc'a tecaxhuaita la'ca'no' nicuxepa anuli lamats' juaiconapa aculi' al 'ocay. Itque la'ca'no' ticuftolhuo'. Xonca al c'a li'ejma' itque. I'hua'ma juaiconapa itoqui lane. Icuaitsi icuej'ma locuapa cal rey Salomón. Itque acueca' lipicuejma'. Itsiya, imanc' tama to'quimf'eyi anuli cal cueca' xonca, tolatets'iyi.

43 'Anuli lixcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina.

⁴⁴ Ticua: “Aipainamma. Ai'huanapa lainejut'í pe lainipayomma.” Licuaitsi jilpiya tixim'ma ixcuajma', itaf'uyiya, i'huáqui al c'a.

⁴⁵ Tixinla' tohta'a ti'hua'ma, tilecotola' ocuenaye acaitsi lontahue xonca ixcay. Titsuflai'me jilpiya licuerpo cal xans, timajm'me. Tohta'a xonca acueca' loyaicoya ilque cal xans. Al te'a le'a anuli lonta'a i'hueca, tijoula' ti'i'mola' apaico lontahue. Tohta'a loluyalaicoyacu imanc' mołmana' itsiya. A'ij hijca lołpicuejma'.

⁴⁶ Jesús mipalaic'ola' lan xanuc', icuaiyunca qui'máma' jouc'a lipimaye. Ecaxol'me łuna. Ilpic'a tipalaic'ole.

⁴⁷ U'im'me Jesús, imim'me:

—Icuai'me co'máma' jouc'a lopimaye. Tecaxolanna łuna. Ilpic'a tipalaic'otso'.

⁴⁸ Jesús italai'e'e'ma, timi:

—Fa'a, ¿ja'ni ailopa'a cai'máma', ailomana' laipimaye?

⁴⁹ Tenats'ila' ts'ilihuequi, ticua:

—Jifa'a comana' cai'máma' jouc'a laipimaye.

⁵⁰ Ilque naihuejcopa Cai'Ailli' Nopa'a lema'a, ma jilque aipima o ai'máma'.

13

¹ Małpiya litine Jesús ipanni jilpe lajut'í, icutshuai'ma łema al cueca' quin'nuhua'.

² Axpela' lan xanuc' icuaitsa pe lopa'a Jesús. Ilque if'aj'ma anuli al barco, icutsmi'ma jilpiya. Ihe al barco tecaxc'o jilpe laja', jahuay lan xanuc' tecaxolanna łema al cueca' quin'nuhua'.

³ Jesús axpe' i'onfico'ma lo'epa ŁanDios fa'a li'a łamats'. Timila':

—Cal xans ipanni ica'nehuo'ma lam fanuj trigo.

⁴ Mica'ne lam fanu' hualca ecangolaitsa lane. Lacał'hui naiyulpa łema'a icuaitsa, itejn-na'me.

⁵ Hualca lam fanu' i'nif'colaitsa jilpiya lixmi capic, tejuaf'ya huata łacamats'. Ma axolof łacamats' aiquicoł'ma, lam fanu' ila'ma.

⁶ Lif'aj'ma cal 'ora, epatsi linu', lam fanu' lilapa ipi'e'mola'. Huata ilanc'epoxi łaiquime, ijułna'ma.

⁷ Hualca lam fanu' itsuc'huaita pe lopa'a hitac'. Ilque hitac' itoj'ma, ejec'ona'ma lilapa cal trigo.

⁸ Hualca lam fanu' etojmłaitsa cal c'a camats'. Ihe linca ila'ma, itoj'mola', ipanni lixa. Anuli ipammaitsi amaxnu, ocuena ipammaitsi afanej nuxans, łocuena ipammaitsi anuxans quimbama'.

⁹ Naitsi nocuejpa, alquimf'ela' iya' laitaiqui'.

¹⁰ Ts'ilihuequi Jesús iloc'olai'me. Icuis'e'me, timiyi:

—Ima', ¿te cofmuc'icopola' tołiya? Aimo'ila' acuajmaica cataiqui'.

¹¹ Jesús italai'e'e'mola', timila':

—Imanc' ŁanDios epalc'o'ipolhuo' lołpicuejma'. Olcueca lipime cataiqui'. Olcueca lo'iya jilpiya petsi lan xanuc' tihuejcoyi ŁanDios, ilque cal Cuecaj Rey Nopa'a lema'a. Locuenaye lan xanuc' aiquicueca.

¹² Cal xans ja'ni ticueca, xonca ticuej'ma, tuyaf'ma lipicuejma'. Cal xans ja'ni aiquicueca, tejac'e'ma ile lixina'.

¹³ Ihe: “Tama tehuelojnyi, aimixinyi; tama tiquimf'eyi, aimicuejyi.” Tołiya laifpalaic'opola' ihniya a'ij cuajmaica cataiqui'.

¹⁴ Jiłne lo'ipola' enancłopa luya'apa cal profeta Isaías, ticua:

Tołquimf'e'me, ti'hua tołquimf'eyi, aimolcuc'eyacu.

Tolahuelojm'me, ti'hua tolahuelojnyi, aimolšinyacu.

¹⁵ Al linca lipicuejma' ilne lan xanuc' i'ipa ta.

Tama tipa'a liš'mats'i', afule micuec'eyi.

Ixpoł'mipá lił'u'.

Ja'ni coła' aimi'e'me tołta'a tixingo'me lił'u', tiquimf'eco'me liš'mats'i',

lataiqui' titsufai'ma liłpicuejma', ałcuc'e'ma,

tipailinacu, titsuflaina'me al c'a cane,

tołta'a caxał'mena'mola', quiłonc'e'ena'mola' liłjunac'.

¹⁶ 'Imanc' linca tuluyalaicoyi al c'a. Tołsinyi, tołquimf'eyi.

¹⁷ Iya' camilhuo' al linca: Luyaipa quitine axpela' lan xanuc' tijanajyi coła' tixinle ile lołsimpa itsiya imanc'. Iłniya lam profeta jouc'a locuenaye lan xanuc' naihuejpa locuxepa ŁanDios, aikuixim'me. Tijanajyi coła' tiquimf'ełe ile lołquimf'epa itsiya imanc'. Aicu'innila' iłiya lataiqui'.

¹⁸ 'Ałquimf'ełe'. Cuhuałc'e'e'molhuo' lataiqui' loya'apa te ts'i'ic' li'ipa jilpiya leca'nimpa cal trigo.

¹⁹ Itsiya ŁanDios cal Rey Nopa'a lema'a tijoc'ila' lan xanuc' tihuejcołe. Cal xans noquimf'epa ile lataiqui' ja'ni aimicueca ti'i'ma to li'ipa jilpiya łecangemma lane lam fanu'. Ticuaihuo łonta'a, tipa'ena'ma lataiqui', iłiya lifapa lipicuejma' cal xans.

²⁰ 'Iłe huata łacamats' lifaf'impá jilpe lixmi capic ti'onłcospa to cal xans micuej'ma lataiqui' loya'apa ile al c'a lixpicepa ŁanDios, tepenuf'ma, tixojco'ma queta.

²¹ Iłque tihuequi le'a oque' fane' quitine, lataiqui' aimif'acay łime jilpe lipicuejma'. Ticuaisi lixhuejma', o lan xanuc' tixtuc'oyi mihuequi ile lataiqui', iłque aimihuejcoya, tenaj'moxi.

²² 'Łamats' lifampa jilpiya litojpa łitac' ti'onłcospa to łocuena cal xans. Iłque tiquimf'e lataiqui' loya'apa al c'a lixpicepa ŁanDios. Tijoułe' tixhuełma juaiconapa, ticua: "¿Te caifnuyaicoya laipitine?" O tifel'mi'moxi quituca', tijanaca tulijla' axpe' qui'huexi. Iłe lataiqui' lopa'a lipicuejma' ejec'opa, aikuipammaic'.

²³ 'Cal c'a camats' lifampa ti'onłcospa to łocuena cal xans, iłque tiquimf'e lataiqui' loya'apa ile al c'a lixpicepa ŁanDios, ticueca. Iłe lataiqui' ipammaita. Iłque cal xans lo'iya ti'onłcospa to li'ipa cal fanuj trigo lipammaita amaxnu, o lipammaita afanej nuxans, o lipammaita anuxans quimbama'.

²⁴ Jesús i'onłiconapa lo'epa ŁanDios fa'a li'a łamats', timila':

—Anuli cal xans eca'ni'ma lan c'a fanuj trigo łemats', li'ipa jilpe ti'onłcospa to lo'iya petsi ŁanDios tijoc'ila' lan xanuc' tihuejcołe. Iłque cal Cuecaj Rey Nopa'a lema'a.

²⁵ Joupa eca'nipa lan c'a fanuj trigo, mixmaiya lan xanuc', icuaisi no'epa laic' iłque cal xans, eca'ni'ma ocuenaj fanu'. Iłque lixcay fanu' eca'ni'ma małpe pe leca'nimpa lan c'a fanuj trigo. I'huana'ma.

²⁶ 'Itoj'mola' cal trigo jouc'a lixcay quitamqui. Lipanni lixpa imetsaicom'me uhuantsi lixcay quitamqui.

²⁷ Icuaisa limozó lipoujna camats'. Icuis'e'me liłpoujna, timiyi: "Małpoujna, ¿te aicomeca'ni cal c'a fanuj trigo łememats'? ¿Pe qui'huayomma iłquiya lixcay quitamqui?"

²⁸ Łapoujna italai'enni, timila': "Tołta'a li'epa nał'epa laic'". Limozó icuis'e'me, timiyi: "¿Te cal'eyacu? ¿Te alyaxta iłque lixcay quitamqui?"

²⁹ Liłpoujna timila': "A'i, aimi'iya. Ja'ni tolyaxtsa, jouc'a tiyaxc'ehuo cal trigo.

³⁰ Ma tołe tipanenni. Titojtsola' ma' anuli cal trigo jouc'a lixcay quitamqui. Ticuaisi litine tefot'lenle, iya' cami'mola' no'eyacu canic': Tonlele, ate'a tolyaxtsa jile lixcay quitamqui, tołfi'ot'łetsa atotsa atotsa tipi'em'me. Tijoułe', tołafot'łetsa cal trigo, toł'hua'anca fa'a lainejut'ł."

³¹ Jesús ti'hua ti'onhcongghua lo'epa ÆanDios fa'a li'a Æamats'. Timila':

—Anuli cal xans itai'ma anuli Æajfanu' juaiconapa aca'hua cuftine sinapí, ifatsi Æemats'. Li'i'ma Æique cal fanu' ti'onhcospa to lo'iya petsi ÆanDios cal Cuecaj Rey tijoc'ila' lan xanuc' tihuejcole.

³² Æique cal fanu' xonca aca'hua, titoj'ma tulij'ma jahuay lofampa jilpe Æaqueya. Æique xonca titoqui. Ti'i'ma to al 'ec. Laca' hui naiyulpá lema'a jilpe al 'ec tilanc'e'me Æilpuxi'na, timajm'me.

³³ Jesús ti'hua ti'onhcongghua lo'epa ÆanDios fa'a li'a Æamats'. Timila':

—Anuli Æaca'no' ilai'i'ma Æilevadura axpe' li'harina. Li'i'ma cal harina Æilai'ipa cal levadura ti'onhcospa to lo'iya petsi ÆanDios cal Cuecaj Rey Nopa'a lema'a tijoc'ila' lan xanuc' tihuejcole. Æe cal levadura ti'hua tilai'i cal harina. Lijou'ma umfunni jahuay Æax'e.

³⁴ To'Æta'a limuc'iyalepa Jesús. Ma le'a i'onhcopa lo'epa ÆanDios. Aimimuc'ila' acuajmaica cataiqui'.

³⁵ To'Æta'a enan'copa linespa cal profeta. Æique uya'a'ma linespa ca'Æailli', ticua:

Capalaic'o'mola' lan xanuc', ca'onhico'ma lo'epa ÆanDios.

Lilajnyopa li'a Æamats', emiya Æiya lataiqui'.

Itsiya cu'i'mola' lan xanuc'.

³⁶ Jesús ipo'no'mola' lan xanuc' nomana' jilpiya. Ts'ilihuequi Æoc'o'Æai'me, timiyi:

—Lu'itsonga', luhua'Æc'etsonga' lataiqui', Æe loya'apa te ts'i'ic' li'ipa jilpe Æemats' cal xans pe litojyopa Æixcay quitamqui.

³⁷ Jesús timila':

—Iya' Æique cal Xans Æiximpa cal profeta pu'hua lema'a. Iya' al'onhcospa to Æique cal xans neca'nipa lan c'a fanu'.

³⁸ To Æemats' lifapa cal xans to'Æe ti'onhcospa Æica'a li'a Æamats'. Naihuejcopá ÆanDios, Æique cal Cuecaj Rey, Æine ti'onhcospola' to lan c'a fanu'. Naihuejcopá Æonta'a, Æine ti'onhcospola' to Æixcay quitamqui, Æe Æitamqui lifapa Æique Æin'ehuale laic' cal xans.

³⁹ Æonta'a Satanás, Æique Æin'ehuale laic'. Li'i'ma litine lafot'Æeya ti'onhcospa to lo'iya Lijoujma Quitine. Nefot'Æepá trigo, Æine ti'onhcospola' to lapaluc' quema'a, ma'Æniya tefot'Æem'mola' lan xanuc'.

⁴⁰ 'Ma to miyaxquim'me Æixcay quitamqui, tipi'em'me, ma to'Æta'a lo'iya Lijoujma Quitine.

⁴¹ Iya' Æique cal Xans Æiximpa cal profeta pu'hua lema'a. Iya' cumme'mola' laine'paluc' quema'a. Ma to miyaxquim'me Æixcay quitamqui, to'Æta'a tepa'am'mola' lomints'eyalepá Æilpicuejma' lan xanuc'. Jouc'a tipa'am'mola' pe aimihuejcoyi locuxepa ÆanDios. Æniya aimimajnyacu anuli naihuejcopá ÆanDios, Æique cal Cuecaj Rey.

⁴² Æine Æixcay xanuc' ti'nij'mim'mola' al cuecaj capa lonajpa Æunga. Jilpiya lan xanuc' tijolijta, ti'Ælc'ta Æil'ay, tixinna acuecaj cumla.

⁴³ Lan xanuc' naihuejcopá locuxepa ÆanDios, ma Æniya timanecu pe locuxeyopa ÆanDios Æique qu'il'Æailli'. Jilpiya ti'huájtola' to mi'huájta cal 'ora tuyai'Æa' hummahuay.

'Naitsi nocuejpa, alquim'Æe'Æa' iya' laitaiqui'.

⁴⁴ 'To li'epa anuli cal xans Æiximpa axpe' al tomí lemuyiya Æamats', to'Æta'a ti'onhcospa to lo'eyacu lan xanuc' noquim'Æepá, naihuejcopá ÆanDios lo-joc'ipola', Æique cal Cuecaj Rey. Cal xans Æiximpa Æe al tomí emucona'ma. Tixoqui queta i'hua'ma icujtsi jahuay li'huexi. Æe lulij'ma i'naco'ma Æamats' jilpe lamuya al tomí.

⁴⁵ 'To li'epa anuli cal xans hincuale mehuay lam perla, ihniya acueca' lipitali, tohta'a ti'onlcospa to lo'eyacu lan xanuc' noquimf'epá, naihuejcopá LanDios lojoc'ipola', itque cal Cuecaj Rey.

⁴⁶ Cal xans iximpa anuli cal perla acueca' lipitali, i'hua'ma icujtsi jahuay hi'huexi. He lulij'ma i'naco'ma itque cal perla.

⁴⁷ 'To li'ipa petsi lin'nohpá catuye lecajm'mi'me hitxami al cuecaj quin'nuhua', tohta'a ti'onlcospa to lo'iyacola' lan xanuc' noquimf'epá, naihuejcopá LanDios lojoc'ipola', itque cal Cuecaj Rey. Itque cal xami i'nohpola' jahuay latuye, ihe lotempola' jouc'a pe aimitejn-nila'.

⁴⁸ Namma i'i'ma cal xami, lin'nohpá catuye ipa'a'me laja'. Icuscolenca, i'huijf'e'me lan c'a catuye, ti'nij'miyi litstiquihuit'í. Locuenaye latuye, ihe pe aimitejn-nila', eca'ni'me.

⁴⁹ Tohta'a ti'i'ma Lijoujma Quitine. Ticuaicu lapaluc' quema'a, tenaj'mola' lan xanuc'. Ti'huijf'e'mola' lan xanuc' naihuejcopá locuxepa LanDios. Lixcay xanuc' tipa'am'mola'.

⁵⁰ Tecajm-mim'mola' lapa petsi lonajpa hunga. Jitpe lan xanuc' tijolijta, ti'ilc'ta lit'ay.

⁵¹ Jesús icuis'e'mola', timila':

—¿Te oluhuałpá lainu'ipolhuo'?

Ihe italai'e'e'me, timiyi:

—Ma luhuałpá.

⁵² Timila':

—Imanc' unc'omxiye, joupa olihuic'ipá te ts'i'ic' lo'iya petsi LanDios timu-
jyoxi, itque cal Cuecaj Rey Nopa'a lema'a. Toliya ti'onlcospolhuo' to lapoujnalá
cajut'hi. Itque lapoujna cajut'í tipa'e, timuqui hi'huexi. Tipa'e łafane hi'huexi, jouc'a
tipa'e cal ts'e, timuc'ila' lan xanuc'.

⁵³ Lijoupa limuc'iyalepa ihe łataiquí, ipanni jitpiya.

⁵⁴ Icuaitsi lipiıya' pe litojyopa. Ipango'ma imuc'i'mola' lan xanuc' jitpe lajut'í
pe lafoıyomma. Ihe lan xanuc' ticuayi:

—¡Xinla! Acueca' juaiconapa lonespa jouc'a lo'epa. Itque cal xans, ¿naitsi
nimuc'ipa? Juaiconapa ixina'. ¿Naitsi nepi'ipa limane ti'eła' tohta'a? Itque ti'ay
acueca' to lo'epa LanDios.

⁵⁵ Itque i'hua cal xans hinc'alhuałpa, María i'máma'. Jacobo, José, Simón y
Judas ipimaye.

⁵⁶ Lipimaye cacal'no' jouc'a timana' fa'a. ¿Naitsi nimuc'ipa lonespa? ¿Naitsi
nepi'ipa limane?

⁵⁷ Ihe ixim'me Jesús to jipu'hua ni naitsi xans. Ixtulenca. Aimicuayi
mepenufyacu. Jesús timila':

—Cal profeta mipa'a lipiıya' o lejut'í, jitpiya aimepenufyacu. Ja'ni ti'hua'ma
ocuena quiıya', jitpe linca tepenufta.

⁵⁸ Ma' ahuata al cueca' li'e'ma Jesús jitpe lipiıya'. Lan xanuc' aiquit'huaiyinge.

14

¹ Ihniya litiné Herodes icuejpa lo'epa Jesús. Jitque Herodes ticuxe jitpe łamats'
Galilea.

² Timila' lixanuc':

—Itque aJuan Bautista. Imaf'inapa, ipanamma pe lomana' lamizhua. Toliya
tipa'a limane, ti'ay al cueca'.

³⁻⁴ Tohta'a licuapa Herodes i'nujuaitsi li'e'epa Juan.

Itque Herodes ilecopa hi'maxi cuftine Herodías, exic'e'epa lipima Felipe.
Juan Bautista italepa Herodes. Timi: “Ima' o'epa lixcay. Aimolmajncona'me

anuli ima' łaca'no'." Herodes aits'etenłcoco'ma ihiya lines'ma Juan Bautista. Ixtuc'opa, i'nołpa, ifi'ecopa acadena, i'nicopa lacarza.

⁵ Ticua: "Cama'a'ma". Aiquima'e. Tixpaic'ela' lan xanuc' aga tixtulecu. Jahuay ticuayi: "Juan aprofeta. ŁanDios ummepa."

⁶ Ixhuaitsi łemats' Herodes i'e'ma juic. Jilpe efołyomma Herodes lijoc'ipola'. Ixou'ma li'hua caca'no' Herodías. Juaiconapa icuaitsi quipic'a Herodes.

⁷ Icuaj'mipa ŁanDios, epi'ipa cataiqui', timi łahuats': "İtsiya, ¿te caifnepi'iyaco'? Ałsahue'ela'?"

⁸ Łahuats' ihuejco'ma qui'máma' lixc'ai'i'ma, timi: "Ałtai'etsi lijuac Juan Bautista. Tipo'nof'intsa laxpef' pime."

⁹ Herodes ixhuełconni. ¿Te co'eya? Joupa icuaj'mipa ŁanDios, icupa cataiqui'. Lijoc'ipola' jouc'a icuejco'me licuaj'mipa. Aimi'iya micuanac'eya łahuats'. Icuixe'ma ti'enle to lixahue'epa łahuats'.

¹⁰ Umme'ma anuli cal soldado pu'hua lacarza tetec'entsa łejoc' Juan.

¹¹ Ipo'nof'intsa lijuac laxpef' pime, i'hua'anni, uhui'itsi łahuats'. İlque itai'ma, uhui'itsi qui'máma'.

¹² Icuaiyunca ts'ilihuequi Juan. İtaina'me licuerpo emunatsa. İye'me u'itsa Jesús.

¹³ Jesús, licuej'ma li'ipa Juan, if'aj'ma al barco, i'hua'ma petsi ailopa'a quııya' ni cajut'ł. Aicu'ıla' lan xanuc'.

Li'i'ma quıısina' lan xanuc', ilne ipalunca liłpilelołya', iye'me lił'mis. Ticuaitsa pe licuaita Jesús.

¹⁴ Jesús iquie'ma al cueca' quin'nuhua', icuaitsi locuena liju'. Lipanni al barco ixim'mola' axpela' lan xanuc' joupa icuaita jilpiya. İxim'mola' acuanuc'la. İxał'mena'mola' lilefcuallay.

¹⁵ Joupa ummuhuita, ts'ilihuequi Jesús iloc'olai'me. Timiyi:

—Jifa'a ailopa'a quııya', ailopa'a cajut'ł. Joupa ummuhuita. Toxc'ai'itsola' lan xanuc'. Tomitsola' tiyente łaiquitelołya', ti'natsa łotejacu.

¹⁶ Jesús timila':

—¿Te coyecoyacu? İmanc' tołtes'mitsola'.

¹⁷ İhniya timiyi:

—Jifa'a tipa'a ma le'a amaque' la'ı y oquexi' latuye.

¹⁸ Timila':

—Toł'hua'anca fa'a.

İ'hua'a'me.

¹⁹ Jesús icuxe'e'mola' lan xanuc' ticutsołaitle łaiquitamqui. Epef'mola' lam maque' la'ı, loquexi' latuye. Ehuelojm'ma al toncay lema'a, ix'najtsi'i'ma ŁanDios. İxquenuf'mola' la'ı, epi'i'mola' ts'ilihuequi. Ts'ilihuequi eca'nem'mola' lan xanuc'.

²⁰ Jahuay itetso'me ixhuaitsole'. Ts'ilihuequi Jesús efoł'le'me łaijhualcay lipanecomma. İma'ni'me imbama' coque' lan tsiquihuit'ł.

²¹ İhniya litetso'me tixhuaispola' oquej nuxans quimbama' maxnu lan xanuc'. Jouc'a itetso'me lacał'no' jouc'a la'uhuay.

²² Aiquicoł'ma. Jesús icuxe'e'mola' ts'ilihuequi, timila':

—Toł'ajlıle al barco. Tołquiełe al cuecaj lin'nuhua'.

İlque tipanenni tixc'ai'ıla' lan xanuc' tiyente liłejut'li.

²³ Lijoupa lixc'ai'ipola' lan xanuc' Jesús if'aj'ma quituca' lijualay, tipalaic'otsi ŁanDios. İ'ipa quipuqui', tipa'a quituca' jilpiya.

²⁴ Ts'ilihuequi noyecopá al barco joupa icuaita aculi'. Łamats' canujnca ailopa'a. Afule mi'hua al barco. Łahua' ti'hua titalecufi. İtsahuemma laja', ułfxi tipange al barco.

²⁵ Liłic'ejma icuainatsi jilpiya Jesús, ti'huailsetsaf'que laja'.

26 Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuaico'ma cal cueca' quinxpaic'ale.

Tija'ayi caxpaiqui'.

27 Aiquico'l'ma. Jesús ipalaic'o'mola', timila':

—Aimixpailij'molhuo'. Ma' iya'. Aimotsuełmot'le'me. Ailopa'a tintsi.

28 Pedro timi:

—Maipoujna, ja'ni alinca ima', ałmıla': "To'huanni". Iya' ca'hua'ma, ca'huailsaf'la' laja', cacuaitsi pe lofpa'a.

29 Jesús timi:

—To'huanni.

Pedro emunni al barco, i'huailsaf'tsi laja' ticuaitsi pe lopa'a Jesús.

30 Lixim'ma łahua' ti'hua juaiconapa ipujfxi, ixpaiconni. Ipango'ma if'acaina'ma laja'. Ija'a'ma, timi Jesús:

—Maipoujna, łunlu'eta'!

31 Aiquico'l'ma. Jesús i'nij'ma limane, i'noł'ma Pedro, timi:

—Ima' le'a ahuata ał'huaiyinge. ¿Te qui'ico'po' a'ij nuli lopicuejma'?

32 Jesús jouc'a Pedro if'ajli'me al barco. Ipanenanni łahua'.

33 Ihe nomana' al barco exc'onłingotaime Jesús, timiyi:

—Ima' ma' i'Hua ŁanDios.

34 Ti'hua tiquieyi al cueca' lin'nuhua'. Icuaitsa łamats' Genesaret.

35 Ihe lun Genesaret imetsaico'me Jesús, ummem'mola' lilepaluc' tiyełe ni petsi łilpiya łamats', tuya'atsa joupa icuai'ma Jesús. Licuej'me tołta'a lan xanuc' icuai'enca jahuay lilefcualłay.

36 Ixa'hue'me ma le'a tiłafc'ele łema lipijahua' lafcualłay. Jahuay niłafc'e'me ixałcona'mola'.

15

1 Lan xanuc' fariseo jouc'a lomxiye nomuc'iyalepá locuxepa ŁanDios, quiyomma Jerusalén, icuaitsa pe lopa'a Jesús. Icuise'e'me, timiyi:

2 —Iłniya lałtatahueló tipa'a lił'ejma' tulouyi lił'mane ai'a titetso'me. Ts'ihuejhuo', ¿te aimulouyi lił'mane? ¿Te co'ecopa tołta'a? ¿Te aimihuejcoyi lił'ejma' lałtatahueló?

3 Jesús italai'e'e'mola', timila':

—Imanc' xonca tolihuejyi lił'ejma' lołtatahueló, ołpic'a. Tołta'a tolatets'iyi locuxepa ŁanDios. ¿Te conł'ecopa tołta'a?

4 ŁanDios ticuxe, ticua: "Taihuejco'mola' co'ailli', co'máma'. Totoc'i'mola'." Jouc'a ticua: "Cal xans nomipola' cataiqui' qui'ailli' qui'máma' tipa'a lijunac'. Tima'anłe."

5-6 'Ituca' lołcuapa imanc'. Tołcuayi: "Cal xans a'i mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. Ihe łai'hueca coła' catoc'icotsolhuo' joupa nenajpa, catsufcota ŁanDios." Łinca tolihuejyi lił'ejma' lołtatahueló. Litaiqui' ŁanDios locuxepa aimolanant'iyi. Toł'e'eyi to ni naitsi cataiqui'.

7 'Imanc' aijc'a loł'ejma'. Ma le'a toł'e'eyołtsi, imanc' a'i cunc'ic'a xanuc'. Cal profeta Isaías inescopolhuo'. Ihe litaiqui' tuya'e' lonespa ŁanDios, ticua:

8 Iłniya lan xanuc' ałmi: "Ima' alanDios, ima' unCueca".

Jilpe łilunxajma' latets'i, aimalihuequi.

9 Lataiqui' lomuc'iyalepa iłniya, a'i laitaiqui'.

Timuc'iyaleyi iłniya locuxepa lan xanuc'.

Tama alaxc'onłingaila', aimalatenłma ihe lił'ejma'.

10 Jesús ijoc'i'mola' lan xanuc' ticuaiyunca, timila':

- ¡Aiquimf'ela'! ¡Aicuec'ela' ite laifmipolhuo'!
- 11 Cal xans lo'nicoya lico, ite aimi'iya mixis'meya. Laipayomma lico, ite litaiqui' locuapa, ja'ni ixcay cataiqui', ite linca tixis'me'ma cal xans.
- 12 Ts'ilihuequi icuaiyunca pe lopa'a Jesús, timiyi:
—¿Te conescopa to'ta'a? Lan xanuc' fariseo juaiconapa ixtuc'opo'.
- 13 Jesús italai'e'e'mola', timila':
—Al 'ec pe aiquifac' cai'Ailli', itque Nopa'a lema'a, ite al 'ec tiyaxquim'me.
- 14 Timajnle. Aimolquimf'e'mola'. Itne afohue, ti'huaj'me'eyi lif'as fohue. Ja'ni cal fo' ti'huaj'me'ela' lif'as fo', loquexi' timefmo'aita lina.
- 15 Pedro timi:
—Luhua'c'e'etsonga' ite lataiqui'.
- 16 Jesús timila':
—Imanc' jouc'a, ¿te ailopa'a colpicuejma'?
- 17 Cal xans lo'nicopa lico, ite aimitsufaiya lipicuejma', titsufay licu'u, tijou'la' tipanamma. ¿Te aicol'sina' to'ta'a?
- 18 Laipayomma lico cal xans, ite lataiqui' qui'huayomma lipicuejma', ite linca tixis'me'ma itque cal xans.
- 19 'Jahuay lonespa, lo'epa cal xans tipayomma lipicuejma'. Ma'piya qui'huayomma jahuay lixcay. Jilpe lipicuejma' lan xanuc' tixpic'eyi ti'ete lixcay. Tixpic'eyi tima'ahuale'me. Tixpic'eyi tif'iltsaicote lipeno lif'as xans. Tixpic'eyi tixhuico'mola' locuenaye cacal'no' a'i lipeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.
- 20 'Jahuay itna'a ti'e'e'mola' xujc'a, to'ta'a tixis'me'mola'. Cal xans ja'ni aimulouhuo limane to lif'ejma' litatahueló, ma le'a titetso'ma, a'i to'ta'a mixis'meya.
- 21 Jesús ipanni jilpiya. I'hua'ma hilemats' itne hilelo'ya' Tiro y Sidón.
- 22 Icuaiyunni pe lopa'a Jesús anuli laca'no' qui'huayomma jilpe lamats'. Itque a'ij judía. Litatahueló cuftine lan cananeo. Lan xanuc' judío tetets'innila' itne lan cananeo. Ticuayi: “Atsilqui itniya”.
- Laca'no' tija'e', timi Jesús:
—Maipoujna, ima' tecui'inghuo' i'Hua David, jalsinta' nincuanuc'! Lai'hua caca'no' titehma juaiconapa. Itsufaipa anuli liponta'a Satanás.
- 23 Jesús aiquitalai'e'. Ts'ilihuequi itoc'olai'me, timiyi:
—Itca'a laca'no' ti'hua tija'e' lihuequinga'. Tocuxe'ela' ti'huan'la'.
- 24 Jesús italai'e'ma, timi laca'no':
—LanDios lumme'pa catoc'itsola' lixanuc' Israel, itne lo'on'cospola' to lam mot'it lejac'pola'. Aimi'iya catoc'iyacola' locuenaye lan xanuc'.
- 25 Laca'no' itoc'huai'ma exc'on'lingai'ma, timi:
—Maipoujna, jaltoc'it'la'!
- 26 Jesús italai'e'e'ma, timi:
—Aimi'iya mifonc'e'enyacola' hile'i la'uhuy, meca'ni'enyacola' lan tsilqui.
- 27 Laca'no' timi:
—Maipoujna, al linca lotaiqui'. Iya' cacua: Itniya lan tsilqui, tama atsilqui, itne titeji laijhualcay ca'i lacangemma limesa lipoujna.
- 28 Licuej'ma jilhiya lataiqui' Jesús timi:
—Maca'no', acueca' al'huaiyijmpa. Ma to lalsahue'epa, to'le ti'it'la'.
- Ma'le 'hora ixal'cona'ma li'hua laca'no'.
- 29 Jesús ipanni jilpiya. Ti'hua lema al cuecaj quin'nuhua' Galilea. If'aj'ma hijualay, licuaitsi icutshuai'ma jilpiya.
- 30 Icuaiyunca axpela' lan xanuc'. Icuai'etsa axpela' lilefcual'lay, itne lan coxo, latumane, lan fohue, jouc'a ocuenaye lan xanuc' itne aimi'i mipalaiyi, jouc'a ocuenaye lafcual'lay. Ipo'nom'mola' huejnca li'mitsi' Jesús. Itque ixal'mena'mola'.

³¹ Lan xanuc' ixim'me ñe li'ipola' lafcuallay. Ñe pe aimipalaiyi ipalaina'me. Ñe latumane joupá íxalconapola'. Lan coxo tiyenayi. Lan fohue tixinalenayi. Lixim'me tołta'a lan xanuc' timiyoltsi:

—¡Xinla' ja'a! Ñque Jesús ti'ay al cueca'.

Íx'najtsi'i'me LanDios, ñenDios ñne lan xanuc' Israel.

³² Jesús íjoc'i'mola' ts'ilihuequi, ticuainanca. Timila':

—Iya' caxinnila' cuanuc'la ñna'a lan xanuc'. Íxhuaita afane' quitine małmana' anuli fa'a. Ailopa'a cotejacu. Aimi'ya cummeyacola' tołta'a. Aimi'ya miyeyacu ñipitelolaya'. Titafquecola' lane.

³³ Ts'ilihuequi timiyi Jesús:

—Jifa'a ailopa'a quilya'. ¿Petsi calsi'neyacu ña'i łotejacu ñna'a axpela' lan xanuc'?

³⁴ Jesús icuis'e'mola' ts'ilihuequi, timila':

—¿Tojua mipa'a łola'i?

Timiyi:

—Acaitsi la'í, oquexi' afantsi latuye.

³⁵ Jesús timila' lan xanuc':

—Tołcutsolaike łamats'.

³⁶ Epef'mola' lan caitsi la'í jouc'a latuye. Íx'najtsi'i'ma LanDios. Íxquenuf'mola', epi'i'mola' ts'ilihuequi. Ts'ilihuequi eca'neyale'me.

³⁷ Jahuay itetso'me, íxhuaitola'. Ts'ilihuequi efot'le'me lan hualcay li-panecomma. Imantsi acaitsi cal tuc'pay.

³⁸ Lan xanuc' nitetsopá tixhuaispola' oquej nuxans maxnu. Lacał'no', la'uhuay itetsopá jouc'a, aiquixhuej'mem'mola' ñniya.

³⁹ Jesús íxc'ai'ina'mola' lan xanuc' tiyente ñipitelolaya'. Íf'aj'ma al barco, í'hua'ma łamats' pe lopa'a liłya' cuftine Magdala.

16

¹ Lam fariseo jouc'a lan saduceo icuaitsa pe lopa'a Jesús. Ehuai'me. Timiyi: —To'ela' al cueca' to lo'eya LanDios, ñque Nopa'a lema'a. Tołta'a al'huaiyjm'mo'.

² Jesús italai'e'e'mola', timila':

—Mif'acai'ma cal 'ora, ja'ni tunxał'o lema'a, tołcuayi: “Mouqui ti'i'ma ac'a quitine”.

³ Mi'i'ma quitine tołcuayi: “Xinla', tunxał'o lema'a, unxamuhua, ti'hua'ma łahua', ticui'ma”. Imanc' a'í cunc'ic'a xanuc', ma le'a tonł'e'eyoltsi. Tołsuefyi lema'a, tijoula', aimi'ya colšina' te ts'i'ic' lomuc'ipolhuo' LanDios itsiya litine.

⁴ Lan xanuc' nomana' itsiya ux'maspá lipene LanDios. Mi'eyi al xujc'a timiyi: “Ałmuc'itsonga' al cueca'”. A'í mimuc'inyacola'. Linca ti'i'ma to li'ipa cal profeta Jonás mipa'a luyaipa quitine. Ñiya lo'ya tixim'me.

Ipo'no'mola' í'huana'ma.

⁵ Iquiecona'me al cueca' quin'nuhua' Jesús jouc'a ts'ilihuequi. Jíñiya ts'ilihuequi aiquiłtaic' quile'i, imenc'ecopá.

⁶ Jesús timila':

—Tołpo'nołe cuenna. Aimolapenuf'me liłhevadura lam fariseo, ni aimolapenuf'me liłhevadura lan saduceo.

⁷ Ñniya timiyoltsi:

—¿Te calmicoponga' tołta'a? O ¿íłque inescopa aicaltaic' cala'i?

⁸ Jesús íxina' locuapa ñniya, timila':

—¿Te colmicopoltsi: “Íllanc' aicaltaic' cala'i. ¿Te cal'eyacu?”? Imanc' huata al'huaiyinge.

9 ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'ł lołma'ne'mola' cal hualcay ca'i lipanecomma?

10 ¿Te jouc'a olimenc'ecopá lacaitsi la'í litempa lam malpuj mil lan xanuc'? ¿Te olimenc'ecopá tojua lan tuc'pay lołma'ne'mola' cal hualcay ca'i lipanecomma?

11 ¿Te aimołcuejcoyi laitaqui' laimipolhuo'? He laitaqui' laimipolhuo': "Tołpo'nołe cuenna. Aimolapenuf'me liłevadura lam fariseo. Ni aimolapenuf'me liłevadura lan saduceo", iya' aicapalaijma la'i.

12 Itsiya ts'ilihuequi Jesús iłcueca iłque limipola'. Jesús tipalaicola' lam fariseo jouc'a lan saduceo lomuc'iyalepa. Aimipalaijma cal levadura iłe łolai'impa cal harina milanc'em'me la'i.

13 Jesús jouc'a ts'ilihuequi icuaitsa łemats' iłe liłya' cuftine Cesarea de Filipino. Jiłpe Jesús icuis'e'mola' ts'ilihuequi, timila':

—Iya' iłque cal Xans Łiximpa cal profeta pu'hua lema'a, ¿te limetsaijma lan xanuc'? ¿Te cocuapa iłniya? ¿Naitsi iya'?

14 Iłniya timiyi:

—Timana' iłne nocuapá ima' unJuan Bautista. Ocuenaye ticuayi ima' unprofeta Elías. Locuenaye ticuayi ima' unprofeta Jeremías o mocuenaj profeta.

15 Jesús timila':

—Imanc', ¿te colcuapa? ¿Naitsi iya'?

16 Pedro italai'e'e'ma, timi:

—Ima' unCristo, łummepo' ŁanDios. Ima' i'Hua ŁanDios Łimaf'i'.

17 Jesús timi:

—CunSimón, i'hua Jonás, ima' ipaxnepo' ŁanDios. A'ij xans łimuc'ipo' tołta'a. Ma le'a cai'Ailli' Nopa'a lema'a, iłque łınca imuc'ipo'.

18 Iya' camihuo': Ima' umPedro. He lopuftine ja'ni tuhuałcufinłe, tecui'im'me Apic. Itsiya omujpoxi to łapic petsi laifpo'nof'iya lainejut'ł, iłe lolanc'ecoya axanuc' pe laifnefot'leyacola'. Iłniya ni lamaya aimulijyacola' nulemma.

19 Capi'i'mo' lomane tomuc'itsola' lan xanuc' ti'ila' quıtsina' pe lołtsuflaiyacu, tiyente lipene ŁanDios, ticuaitsa pe locuxeyopa ŁanDios, iłque Nopa'a lema'a. Pu'hua lema'a ja'ni ticuanni: "Ailopa'a lane, aimi'e'me", tołta'a ima' jouc'a tomi'mola' lof'as xanuc': "Aimo'e'ma. Ailopa'a lane. Aimi'iya mo'eya tołta'a." Pu'hua lema'a ja'ni ticuanni: "Ne', ti'i'ma ti'e'me", ima' jouc'a tomi'mola' lof'as xanuc': "Ti'i'ma to'e'ma, tipa'a lane. Ne', to'ełta'."

20 Ixc'ai'i'mola' ts'ilihuequi, timila':

—Aimonluya'a'me naitsi iya', iya' ninCristo.

21 Ipangocopa iłe litine Jesús tu'ila' ts'ilihuequi te ts'i'ic' lo'iya. Tu'ila' ticuicomma titelco'ma, ti'huana'ma Jerusalén. Jiłpiya iłniya lan xanuc' noxpıjpa' lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios, titel'mita juaiconapa. Tima'ata. Afane' quitine timaf'ina'ma.

22 Pedro aiquetenłcoco'ma iłe lines'ma Jesús. Iłeco'ma lijuqueya, itale'ma, timi:

—Maipoujna, aimocua'ma tołta'a. Aimi'iya mi'iyaco' tołiya.

23 Jesús ipai'e'moxi, timi Pedro:

—¡To'huanła! ¡Tanajxoxi fa'a! Ima' monta'a. Ima' opic'a ałsnic'e'eta laipene. Ima' toxpıc'e to mixpic'eyi lan xanuc'. Ituca' tıxpıc'e ŁanDios.

24 Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. Iya' lapałts'inginna lan-cruz. Naitsi nalihuejya titaiła' lencruz jouc'a. Tixpic'ela' tixnet'Ha' latełcoya. Tołta'a lihuejla'.

²⁵ Naitsi no'epoxi cuenna juaiconapa, ja'ni aimicua mitełcoya, iłque cal xans tecani'e'moxi. Naitsi nocuyacoxi latełcoya, nalihuejya, tama tima'anle, iłque tulij'ma lipitine, iłe al ts'e lipitine aimijouya.

²⁶ Cal xans nulijpa jahuay lopa'a fa'a li'a łamats', ja'ni tecani'exoxi ¿te tixhuico'ma iłe lulijpa? A'i, aimi'ıya. ¿Te ti'i'ma ti'najtse'ma, ti'e'econa'moxi ac'a lipicuejma? A'i. Aimi'ıya.

²⁷ 'Iya' iłque cal Xans Łiximpa cal profeta pu'hua lema'a. Caculaiconanni jifa'a li'a łamats', alejmalecu lainepaluc' quema'a. Tołta'a ałsim'ma iya' nin-cueca', al'onłcota to ŁanDios cai'Ailli'. Iłe litine iya' ca'najtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a łamats' ma tołta'a ca'najtse'mola'.

²⁸ Iya' camilhuo' al łınca: Iya' iłque cal Xans Łiximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuołanna fa'a itsiya, ai'a timana'molhuo' tołsim'me tołta'a laif'epa.

17

¹ Uyai'ma acamts'us quitine Jesús ileco'mola' Pedro jouc'a loquexi' capi-maye Jacobo jouc'a Juan. If'ajli'me quituca' hi'nof'quiya łijuala.

² Licuaitsa jilpe ipaico'ma lixans Jesús. Iłne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'onłcospa to lipepalc'o' litine.

³ Ixim'me imaxcaitsola' Moisés y Elías. Ts'ilihuequi ixim'me mipalaic'oyi Jesús.

⁴ Pedro timi Jesús:

—Maipoujna, ma jifa'a ałmanecu. Tołta'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

⁵ Mipalay Pedro, imunni łummahuay, ummaf'cai'mola'. Łummahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Iłca'a ai'Hua, ca'ay capic'a juaiconapa, latenłma lipicuejma'. ¡Tołquimf'ete!

⁶ Licuej'me iłiya lataiqui', ts'ilihuequi Jesús ixpailij'mola' juaiconapa. Ix-pats'huołai'me łamats'.

⁷ Jesús icuaitsi pe loxpats'huołanna, iłaf'mola', timila':

—Tołtsolinanca. Aimixpailij'molhuo'.

⁸ Iłniya ehuelojm'me. Ixim'me ma le'a quituca' Jesús. Moisés y Elías ailomana'.

⁹ Mimulnamma łijuala, Jesús ixc'ai'i'mola', timila':

—Itsiya aimoluyout'le'me lołsimpa. Nij naitsi nocuejya. Iya' iłque cal Xans Łiximpa cal profeta pu'hua lema'a. Ticuaitsi litine camaf'inła', quipayonahuo pe lomana' lamizhua, iłe litine tolu'i'mola' lan xanuc' lołsimpa.

¹⁰ Ts'ilihuequi icuis'e'me, timiyi:

—Lomxiye nomuc'iyalepá locuxepa ŁanDios tinesyi: “Elías ticuaiconahuo ate'a, tijouła' ticuaihuo cal Cristo”. ¿Te conescopa tołta'a?

¹¹ Jesús italai'e'e'mola', timila':

—Al łınca lonespa iłniya: “Elías ticuaiconahuo ate'a”. Iłque tixanu'ma jahuay.

¹² Iya' camilhuo': Elías joupa icuai'ma. Iłniya aiqulimetsaijma. Iteł'mipá, i'e'epá ma to ts'iłpic'a. Ma tołta'a to ts'iłpic'a, ałteł'mi'ma iya' jouc'a. Iya iłque cal Xans Łiximpa cal profeta pu'hua lema'a.

¹³ Ts'ilihuequi Jesús icuec'e'me tipalaijma Juan Bautista, iłque ti'onłcospa to Elías.

¹⁴ Icuainatsa pe lomana' axpela' lan xanuc' lafoŷomma. Anuli cal xans icuaitsi pe lopa'a Jesús, exc'onŷingai'ma, timi:

¹⁵ —Maipoujna, toxinŷa' cuanuc' lai'hua. I'huajcopa mac'ojay. Titeŷma juaiconapa. Camna tecajm-maispa ŷunga, o camna tecajm-maispa laja'.

¹⁶ Aicuai'e'ma pe lomana' ts'ihuejhuo'. Iŷne aimi'i mixaŷ'meyi.

¹⁷ Jesús italai'e'ma, ticua:

—¡Ah imanc'! Aimoŷ'huaiyijnyi ŷanDios, a'ij ŷijca loŷpicuejma'. ¡Coŷa' aicapajm-cona'ma pe loŷmana'! ¿Te iya' ti'hua caxnet'ŷma xonca?

Timi cal xans:

—Aŷhec'metsi lo'hua.

¹⁸ Jesús itale'ma ŷiponta'a Satanás, iŷque ŷitsufaipa ŷamijcano. Ipanni. Aiquicoŷ'ma, ixaŷcona'ma hi'hua cal xans.

¹⁹ Ts'ilihuequi icuaitsa quiliŷuca' pe lopa'a Jesús, timiyi:

—Iŷlanc', ¿te aiqui'ic' calipa'e ŷonta'a?

²⁰ Jesús timila':

—Imanc' aicoŷ'huaiyinge ŷanDios. Toŷta'a aiqui'ic' colipa'e ŷonta'a. Iya' camilhuo' al ŷinca: Tama ajhuata iŷe loŷ'huaiyijncopa ŷanDios, tama ti'onŷospa to anuli cal fanu' xonca aca'hua, ja'ni toŷ'huaiyijnyi ti'i'ma toŷ'e'me al cueca'. Toŷcuxe'e'me iŷque ŷijuala, toŷmi'me: “Aimopajm'ma xonca fa'a. To'huanŷa' pu'huanni.” Ma toŷta'a ti'i'ma.

²¹ Jouc'a camilhuo': Lontahue to iŷcu'hua afule mipalumma. Ticuicomma toŷŷnet'ŷe, toŷsa'hueŷe ŷanDios, toŷta'a toŷipa'e'mola'.

²² Miyelocoyi al distrito Galilea, Jesús jouc'a ts'ilihuequi, iŷque timila':

—Iya' iŷque cal Xans ŷiximpa cal profeta pu'hua lema'a, aŷcunna. Lan xanuc' aŷ'e'eta to mixpic'eyi liŷpicuejma'.

²³ Aŷma'ata. Afane' quitine camaf'ina'ma, quipayohuo pe lomana' lamizhua.

Licuej'me jiliya lataiqui' ts'ilihuequi Jesús ixhueŷconca juaiconapa.

²⁴ Icuaitsa liŷya' Capernaum. Jiŷpe iyouyunca lin'najtsi'iyalepá al cuecaj xoute'. Icuis'e'me Pedro, timiyi:

—ŷopomxi, ¿te ti'najtse'e loxa'huempa al cuecaj xoute' o a'i?

²⁵ Pedro italai'e'e'mola', timila':

—Ti'najtse'e.

Icuaitsi lajut'ŷ. Jesús ixina' licuis'epa iŷne lin'najtsi'iyale. Ipalaic'o'ma Pedro, timi:

—Simón, ¿naitsi iŷne no'najtsepá impuesto? Iŷe al tomí lapenufyacu lincuxepá nomana' fa'a li'a ŷamats', ¿te liŷnaxque' lincuxepá ti'najtseyi? o ¿locuenaye lan xanuc'?

²⁶ Pedro timi:

—Locuenaye lan xanuc' no'najtsepá, liŷnaxque' a'i.

Jesús timi:

—Al ŷinca loŷcuapa. Liŷnaxque' aimi'najtseyi.

²⁷ Iya' i'Hua ŷanDios, iŷne aimi'iyá maŷmiya: “To'najtseŷa' lejut'ŷ ŷanDios”, iŷe ejut'ŷ cai'Ailli'. Tama al ŷinca iŷe laifcuapa, itsiya camihuo': Aŷ'najtse'me. Ja'ni a'i ticua'me latets'ila'. To'huaŷa' al cuecaj quin'nuhua', tacajm'mitsi ŷomecuxa. Cal te'a catú tinuc'la' ŷacuxa, to'noŷa'. Tacuaŷ'etsi lico, taipa'atsi al tomí lopa'a jiŷpe lico ŷatu. Totaitsi, to'najtse'etsola' iŷe laŷahue'emponga'.

18

¹ Iŷne ŷitiné ts'ilihuequi Jesús icuaitsa, icuis'e'me Jesús, timiyi:

—Jiŷpiya pe lomana' iŷniya naihuejcopá cal Rey Nopa'a lema'a, ¿naitsi xonca cal cueca'?

² Jesús ijoc'i'ma anuli ŷahuac'hua. Ecaxu'e'mola' ts'ilihuequi,

³ timila':

—Iya' camilhuo' al linca: Ticuicomma tołsuej'menca, toł'etsotłsi to jilca'a łacahuac'hua. Ja'ni a'i, aimołsufłaiyacu pe lomana' naihuejcopá ŁanDios, cal Rey Nopa'a lema'a.

⁴ Ja'ni cal xans ti'oc'exoxi, ti'onlıcoxoxi to ilca'a łacahuac'hua, ilque cal xans ti'i'ma xonca cal cueca' pe lomana' naihuejcopá cal Rey Nopa'a lema'a.

⁵ Cal xans nocuapa: “Jesús ti'ela' capic'a la'uhuay”, tijouła' tepenufi anuli ilna'a, ilque cal xans lapenufinga' iya'.

⁶ Cal xans naimenac'iya anuli ilna'a laica'uhuay nał'huaiyijmpa, acueca' titeł'mim'me. Ilque coła' ifi'em'me łejoc', coła' ifinc'im'me cal cuecaj capic, ecajm'mintsa lin'nuhua' coła' unxala'c'ma, ima'ma. Tołta'a ticuicomma lo'iya ilque cal xans.

⁷ Micołi li'a łamats' ti'hua timajm'me lan xanuc' naimenac'iyacu lił'as xanuc', tołta'a aimunłuya li'a łamats', titeł'mim'me. Ma' anuli cal xans naimenac'iya lił'as xans a'ijc'a loyaicoya, jouc'a aimunłuya.

⁸ Ja'ni lomane o lo'mis timenac'ihuo' najmay tatejla', taca'nıla'. Ja'ni tecajm'minno' petsi aimipica łunga, łte cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsufłaiyacu ilne nepenufpá al ts'e liłpitine aimijouya, tama le'a anuli lomane o anuli lo'mis.

⁹ Ja'ni anuli lo'u timenac'ihuo', taipa'ala', taca'nıla' aculi'. Ja'ni tecajm'minno' al muf pe lonajpa łunga, łte cof'ecoyacola' oque' lo'u'? Najmay totsufaitsi jilpiya pe lotsufłaiyacu ilne nepenufpá al ts'e liłpitine aimijouya, tama le'a anuli lo'u.

¹⁰ Imanc' tołpo'nołe cuenna. Aimonlatets'i'mola' ilna'a laica'uhuay. Iya' camilhuo', jilpe lema'a timana' lilepaluc' ilna'a laica'uhuay. Ilne lapaluc' quema'a itine itine timana' anujnca cai'Ailli', ilque Nopa'a lema'a.

¹¹ Iya' ilque cal Xans Łiximpa cal profeta pu'hua lema'a. Aicuaicoco'ma fa'a li'a łamats' cuntu'e'mola' lan xanuc' lejac'pola'. Ille ma' aipenic'.

¹² ¿Te cołcuapa? Anuli cal xans timana' amaxnu limot'ł, ja'ni anuli tejac'la', łte co'eya? Ilque tipo'no'mola' lam malpuj nuxans quimbamaj pelła jilpiya liłmuc'o, ti'hua'ma tehueta łejac'pa.

¹³ Linca lam malpuj nuxans quimbamaj pelła limot'ł, ilne pe aiquejac'ila', ilniya tixoc'iyi queta cal xans. Tixinnatsi limot'łejac'pa, xonca tixoc'i'ma queta.

¹⁴ Tołta'a lipicuejma' coł'Ailli', ilque Nopa'a lema'a. Ilque ticua: Aimejac'mola' laitsocay ca'uhuay, ni anuli.

¹⁵ Ja'ni a'ijc'a li'epo' łopima, to'huala' ima' cotuca' pe lopa'a ilque. Tomitsi: “¿Te cal'ecopa tołta'a?” Ja'ni ticueca joupa oxanu'epa. Tołpalaic'ona'mołtsi, ailopa'a tintsi.

¹⁶ Ja'ni aimicueca, topo'noła', to'huala', tahuetsola' anuli o oquexi' lapimaye. Tolecotsola' pe lopa'a łopima. Tołta'a to'e'ma ma to loya'apa al Paxi Linilingiya, ticua: “Ticuicomma oquexi' afantsi lan xanuc' ticuejcota lotalai'ecoya anuli cal xans”.

¹⁷ Ja'ni ilque łopima aimicueca, ja'ni aimiquimf'ela' ilniya, to'hua'ma, to'itola' lapimaye jilpiya pe lafot'leyopołtsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimonłejmaleyacu lan xanuc' pe aimimetsaicoyi ŁanDios, jouc'a pe aimihuejcoyi locuxepa ŁanDios aimonłejmaleyacu. Ma tołta'a aimonłejmalecona'me ilque cal xans.

¹⁸ Iya' camilhuo' al linca: Pu'hua lema'a ja'ni ticuanni: “Ailopa'a lane, aimi'e'me”, tołta'a imanc' jouc'a tołmi'mola' loł'as xanuc': “Aimo'e'ma. Ailopa'a lane. Aimi'iyi mo'eya tołta'a.” Pu'hua lema'a ja'ni ticuanni: “Ne', ti'i'ma ti'e'me”, imanc' jouc'a tołmi'mola' loł'as xanuc': “Ti'i'ma to'e'ma, tipa'a lane. Ne', to'ela'”

19 'Jouc'a camilhuo': Mołmana' fa'a li'a łamats', ja'ni oquexi' imanc' ti'ila' anuli lołpicuejma', ja'ni tołsahue'ete cai'Ailli' Nopa'a lema'a tepi'itsolhuo', itque tepi'i'molhuo' ite lołsahue'epa.

20 Petsi lafołyomma oquexi' afantsi lan xanuc' nał'huaiyijmpa, iya' jouc'a capa'a.

21 Pedro i'hua'ma pe lopa'a Jesús, icuis'e'ma, timi:

—Maipoujna, łtojuwa quimenc'e'eco'ma lijunac' łaipima, itque a'ijca' łal'e'epa? Iya' cacua tixhuaitsi acaitsi.

22 Jesús timi Pedro:

—Iya' camihuo': A'i nica acaitsi taimenc'e'eco'ma li'e'epo' lixcay łopima. Cojouya lan caitsi ti'hua taimenc'e'eco'ma afanej nuxans quimbama', tijouła' ti'hua taimenc'e'eco'ma, aimi'iya moxhuej'meya.

23 'Micuxe ŁanDios cal Cuecaj Rey Nopa'a lema'a, itque li'ejma' ti'onłospa to li'ejma' anuli cal cuecaj quincuxepa. Itque ixpic'epa ti'najtsi'itsola' limozó.

24 Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'.

25 Itque cal mozo aimi'iya mi'najtseya. Łipoujna, itque cal cuecaj quincuxepa, icuxe'ma ticuquintsa limozo. Jouc'a ticuquint sola' łipeno, linaxque', jahuay łi'huexi. Tołta'a ti'najtseco'ma litaiyinc'e.

26 Cal mozo exc'onłingai'ma, ixa'hue'ma łipoujna, timi: “Ti'ila' c'a łomunxajma'. Ał'huaicoła'. Ca'najtse'ena'mo' jahuay litaiyinc'ehuo'.”

27 Łapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

28 'Ipanni cal mozo łimenc'e'ecompa litaiyinge. Italecuf'ma anuli łif'as mozo. Itque itaiyinc'e huata. Cal mozo łimenc'e'ecompa litaiyinge i'noł'ma łif'as mozo. Ipango'ma ummit'le'e'ma łejoc', tija'e', timi: “iAł'najts'e'ela' lałtaiyinc'e!”

29 Łif'as mozo exc'onłingai'ma, tixahue'e, timi: “Ti'ila' c'a łomunxajma'. Ał'huaicoła'. Ca'najtse'ena'mo' jahuay litaiyinc'ehuo'.”

30 Itque cal mozo aikuicua'. I'hua'ma icuxe'ma titats'entsa, tipajntsi lacarza. Ticua: “Ma całtaiyinc'e tipajnla' jilpiya”.

31 'Locuenaye lam mozó ixim'me li'i'ma. Ixhuełco'me. Iye'me u'itsa łipoujna jahuay li'i'ma.

32 Łapoujna, itque cal cuecaj quincuxepa, ijoc'i'ma cal mozo, itque łimenc'e'ecompa litaiyinge, itale'ma, timi: “Ima' mixcay mozo. Ima' ałsa'huepa, iya' nimenc'e'ecopo' lotaiyinge jahuay.

33 Iya' aiximpo' uncuanuc'. Ima', łte aicoxina' cuanuc' łof'as mozo?”

34 Łapoujna ixtuc'o'ma juaiconapa itque limozo. Icuxe'mola' ti'hua'anłe pe lo-mana' lin'nołale ti'nołta, titeł'minna. Ma mi'hua mitaiyinge, ti'hua titeł'minna. iTi'najtse'ela' jahuay litaiyinc'e!

35 'Imanc' jouc'a ja'ni aimolimenc'e'ecoyacola' nulemma lołpimaye li'e'epolhuo', tołiya titeł'mi'molhuo' cai'Ailli' Nopa'a lema'a.

19

1 Lijoupa lu'ipola' iłiya lataiqui', Jesús ipanni jilpe al distrito Galilea, i'hua'ma łamats' lopa'a locuenaj liju' al pana' Jordán.

2 Axpela' lan xanuc' tihuejyi, jilpe ixal'me'mola'.

3 Icuaitsa lan xanuc' fariseo tehuaile. Icuis'e'me, timiyi:

—Cal xans, ja'ni łipeno tipa'a li'epa, łte tipa'a lane tecanai'ma itque łaca'no'? O łaimi'iya?

4 Jesús italai'e'e'mola', timila':

—Łte aicołsuec' ite li'epa ŁanDios lilanc'epa li'a łamats'? Ilanc'epola' oquexi', anuli cal xans anuli łaca'no'.

⁵ Lijoupa lilanc'epola' iñe loquexi', ËanDios uya'a'ma: “Cal xans tipo'no'mola' quítuca' qui'ailli' qui'máma', tileco'ma hipeno. Ti'e'e'mołtsi anuli.”

⁶ Ai'a tileco'mołtsi timana' oquexi'. Lijou'ma i'i'mola' anuli. ËanDios tołta'a ejonłipola'. Imanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tinił'ma al je'e lacanaicoya hipeno, tijoułta' ti'i'ma tecanai'ma”. Ja'ni cal xans aimi'ya mecanaiya hipeno, ¿te quinescopa tołta'a Moisés?

⁸ Jesús italai'e'e'mola', timila':

—Moisés iximpolhuo' imanc' lołpicuejma'. Imanc' unc'incuejlocale. Tołta'a epi'ipa lane cal xans tecanaiłta' hipeno. Al te'a a'i tołta'a licuxepola' ËanDios.

⁹ Iya' camilhuo', cal xans aimi'ya mecanaiya hipeno. Tipa'a lane tecanaiłta' ma le'a ja'ni łaca'no' ihuejpa ocuena' cal xans. Ja'ni a'i, aimi'ya mecanaiya. Cal xans necanaipa hipeno, ja'ni ilecopa ocuenaj caca'no', ilque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni tołta'a cal xans aimi'ya mecanaiya hipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—A'i jahuary lan xanuc' mi'ya mepenufyacu ile lataiqui' lołnescopa. Tepenuf'me iñe lan xanuc' joupa lepi'ipola' tołta'a liłpicuejma' ËanDios.

¹² Timana' iñe aimilecoyi caca'no', tołta'a liłsans. Ocuenaye, liłf'as xanuc' i'e'empola', tołta'a aimi'ya milecoyacu caca'no'. Jouc'a timana' iñiya quítuca' ixpic'epá aimileco'me caca'no', inespá: “Capajm'ma caituca'. Tołta'a xonca ca'e'ma lipenic' ËanDios cal Cuecaj Rey Nopa'a lema'a.”

'Naitsi ti'i'ma tepenuf'ma iłta'a lataiqui', ne', tepenufla'.

¹³ Icuai'entsola' la'uhuary pe lopa'a Jesús. Ticuayi tixpayaf'tsola' Jesús limane liłjuac la'uhuary, tixa'huela' ËanDios titoc'itsola'. Ts'ilihuequi ixtulencia, italem'mola' iñiya nocuai'espá liłnaxque'.

¹⁴ Jesús timila':

—Tolapi'itsola' lane tiyouyunca la'uhuary pe laifpa'a. Aimołcuanac'e'mola'. Pe lo'onłcospola' to iłna'a la'uhuary, iñe linca titsuflai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaitsi pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ¿Tej c'a caif'eya?

¹⁷ Jesús italai'e'e'ma, timi:

—Ima', ¿te calicuis'ecopa te ts'i'ic' al c'a? Anuli ma le'a cal C'a, ilque ËanDios. Ja'ni totsufai'ma pe lofmepenufya al ts'e lopitine aimijouya, taihuejcołta' locuxepa ËanDios.

¹⁸ Cal xans icuis'e'ma, timi:

—Iñe łataiqui' loya'apa locuxepa ËanDios, ¿jale ile caifnihuejcoya?

Jesús timi:

—“Aimoma'ahuale'ma. Aimoxhuico'ma hipeno lołf'as xans, ma le'a quituca' loopeno toxhuico'ma. Aimonantse'ma. Ja'ni topalaicotsola' lołf'as xanuc' tonesla' al linca, aimofel'miyale'ma.

¹⁹ Taihuejco'mola' co'ailli', co'máma', totoc'i'mola'. Ima' to'eyoxi capic'a, ma tołta'a to'ełta' capic'a lołf'as xans, naitsi lołtalecufya.”

²⁰ Ëamijcano timi:

—Lałtojomma ile lataiqui' canant'li, ti'hua canant'li. ¿Te calahue'epa?

²¹ Jesús timi:

—Ja'ni ma tanant'li'ma locuxepa ÆanDios, to'huanla', tocujtsi lo'huexi, ihiya al tomí lofmulijya tapi'itsola' lan xanuc' pe ailopa'a quihueca. Tohta'a ti'i'ma acueca' lo'huexi jipu'hua lema'a. To'ela' ma to laifmipo', tijoula' topaiconanni, lihuejla'.

²² Licuej'ma jiliya lataiqui', lamijcano ihuotsonni, i'hueca juaiconapa li'huexi. I'huana'ma.

²³ Jesús timila' ts'ilihuequi:

—Iya' camilhuo' al hınca: Cal xans ts'i'hueca acueca' tixim'ma ipime mitsufaiya pe locuxeyopa ÆanDios cal Cuecaj Rey Nopa'a lema'a.

²⁴ Ticuanni: “Cal camello, iique inneja juaiconapa acueca', jilquiya aimi'iyá muyaicoya laquipihuo lacuxa”. Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa ÆanDios.

²⁵ Licuej'me ihiya lataiqui' ts'ilihuequi Jesús juaiconapa ixpailij'mola'. Timiyoltsi, icuis'e'moltsi:

—¿Te calmicoponga' tohta'a? Aicalcueca. ¿Te ailopa'a conhuaya?

²⁶ Jesús ehuelojm'mola', timila':

—Lan xanuc' quihueca' aimi'iyá munlu'eyacoltsi. ÆanDios hınca nipajnya tunlu'e'mola'. Nipajnya ti'e'ma jahuay.

²⁷ Pedro italai'e'e'ma, timi Jesús:

—¡Toxinla'! Illanc' aipo'nopá jahuay la'huexi, lihuejnahuo'. ¿Te calapi'inyacongá?

²⁸ Jesús timila':

—Iya' camilhuo' al hınca. Ticuaihuo litine jahuay tipaico'ma, ti'i'ma al ts'e. Iya' iique cal Xans Liximpa cal profeta pu'hua lema'a. Cacutsai'ma laicuecaj asiento, cacuxena'ma to ÆanDios. Jilpe ti'i'mola' locuenaye limbamaj coque' lan cuecaj asiento. Jilpe tolcutsolaita imanc' ts'alihuequi. Tolspijta cataiqui', tolcuxe'mola' loipimaye ilne jouc'a lixanuc' limbamaj coquexi' linaxque' Israel.

²⁹ 'Cal xans ninespa: “Iya' quihuej'ma Jesús”, ja'ni ux'maspola' lejut'í o lipimaye, o qui'ailli' o qui'máma', o linaxque' o lemats', iique cal xans tulij'ma xonca axpela' ihna'a, jouc'a tulij'ma al ts'e lipitine aimijouya.

³⁰ 'Itsiya timana' lan xanuc' tocomma xonca lan tet'la. Locuaicoya quitine axpela' ihniya ti'i'mola' lijoucola'. Jouc'a itsiya timana' ilne tocomma lijoucola'. Locuaicoya quitine axpela' ihniya ti'i'mola' lan tet'la.

20

¹ 'Tohta'a micuxe ÆanDios, iique cal Cuecaj Rey Nopa'a lema'a. Iique li'ejma' ti'onlcospa to li'ejma' anuli cal xans ehue'mola' no'eyacu canic'. Iique cal xans apoujna, tipa'a lemats', ifapa cal 'uva. Li'i'ma quitine ipanni, ixim'mola' lan xanuc' tehueyi quihpenic'.

² Imi'mola': “Ca'najtse'molhuo' to muliqui anuli litine cal xans no'epa canic”. Umme'mola' ti'etsa canic' jilpiya pe lifaiya li'uva.

³ 'Joupa uyaipa ma to afanej 'hora ipaiconanni. Ixim'mola' ocuenaye tecaxolanna locucaleyompa. Tecaxolanna le'a, ailopa'a quihpenic'.

⁴ Timila': “Imanc' jouc'a tonlele, ton'etsa canic' jilpiya pe laifapa lai'uva. Iya' ca'najtse'molhuo' to mi'najtsenni.” Iye'me.

⁵ 'Al menac'o ipaiconanni lapoujna, jouc'a ipaiconanni mexailma cal 'ora. Ixim'mola' no'eyacu canic', imipola' jouc'a: “Ca'najtse'molhuo' to mi'najtsenni”.

⁶ 'Tehue'e anulij hora tif'acai'ma cal 'ora. Ipaiconanni. Ixim'mola' ocuenaye tecaxolanna. Icuis'e'mola', timila': “Imanc' tunlacaxolanna fa'a jahuay litine. ¿Ailopa'a colpenic'?”

7 Italai'e'e'me, timiyi: “Nij naitsi nałmiponga': Toł'eta canic'.” Łapoujna timila': “Jouc'a imanc' tonłełe, tonł'etsa canic' jilpiya lifafiya łai'uva. Ca'najtse'molhuo' to mi'najtsenni.”

8 'Joupa if'acolaipa. Łapoujna camats' petsi lifafiya li'uva, ijoc'i'ma nocuxepola' lam mozó, timi: “Tojoc'itsola' no'epá canic'. Ał'najtse'mola', lapi'i'mola' quiltomí. Lijoucola' ał'najtse'mola' ate'a, lan tet'ła ał'najtse'mola' tijouco'ma.”

9 'Icuaiyunca ilne nitsuflaipá lanic' ma mehue'e anulij hora tif'acai'ma cal 'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

10 'Lijou'ma icuaiyunca lan tet'ła. Iłniya ticuayi: “Xonca ał'najtse'monga'”. I'najtse'mola' to lepi'ipola' lijoucola'.

11 Lepenuf'me liłtomí aikuētencoco'mola'. Timiyi łapoujna:

12 “Ilanc' xonca lulijle. Ał'epá canic' jahuay litine. Ałsnet'łpá linu'. Iłniya lijoucola' i'epá canic' ma le'a anulij hora, o'najtsepola' ma to lalulijpa illanc'.”

13 Łapoujna italai'e'e'ma anuli ilne lan tet'ła, timi: “Maipima, aicafel'mihuo'. Aimipo': To'huala', to'etsi canic'. Ca'najtse'mo' to muliqui anuli litine cal xans no'epa canic'. Ima' ałmipa: Ne', ai'huapa. Ca'eta canic'.

14 Tapenufla' lotomí, to'huanła' lomejut'ł. Joupa ai'epa ilne laixpic'epa. Ai'najtsepa hijoujma ma to lai'najtsepo' ima'.

15 ¿Te iya' aimi'iya caxpic'eya te ts'i'ic' caxhuicoya laitomí? O, ilne laif'epa al c'a, ¿te ima' ał'e'e laic'?”

16 'Tołta'a lo'iya. Lijoucola' ti'i'mola' lan tet'ła, lan tet'ła ti'i'mola' lijoucola'.

17 Jesús tiyeyi lane jouc'a ts'ilihuequi, ticuaita al cuecaj quilya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quiltuca', timila':

18 —Itsiya ał'ajlijyi liłya' Jerusalén. Iya' ilque cal Xans Łiximpa cal profeta pu'hua lema'a. Jilpiya liłya' Jerusalén ałcunna. Ilne lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, ał'eta to mixpic'e ilpicuejma', ałcuxecota ałma'anła'.

19 Ałcunna, ałtaluntseta, luntafquinna quixmi laixpula' ilne lan xanuc' pe aimimetsaicoyi ŁanDios. Tijouła' lapalts'ijnta lancruz, ałma'ata. Afane' quitine camaf'ina'ma, quipayonahuo pe lomana' lamizhua.

20 Icuaitsi quil'máma' Jacobo y Juan, ilne inaxque' Zebedeo. Quil'máma' ilecola' loquexi', exc'onłingai'ma Jesús, tixa'hue'ma.

21 Jesús timi łaca'no':

—¿Te ts'opic'a?

Łaca'no' timi:

—Aipic'a tapi'itsola' lainaxque' quilpenic'. Ima' tocuxe'ma to cal Cuecaj Rey. Ticuxełe jouc'a ilna'a. Anuli ticutsai'ma al c'a camane, łocuena ticutsai'ma loxa camane.

22 Jesús ipalaic'o'mola' loquexi' lapimaye, timila':

—Imanc' aimołcuejyi te ts'i'ic' ilne lałsahue'epa. ¿Te nipajnya tołtelco'me ma to iya' catełco'ma? ¿Te nipajnya tołsnet'ł'me latełcoya?

Timiyi:

—Nipajnya.

23 Jesús timila':

—Ma to iya' laiftełcoya, ma tołta'a imanc' tołtelco'me. Iya' aimi'iya camiyacolhuo': “Ałcutsingaila', ima' al c'a camane, łopima loxa camane”. Aimi'iya caxpic'eya tołta'a. Cai'Ailli' joupa ixpic'epa naitsi ilne nocutsołaiyacu jilpe. Tołta'a tepi'i'mola' ilniya.

24 Locuenaye limbamaj ts'ilihuequi Jesús ilłsina' ilne loxahue'epa Jacobo y Juan. Ixtuc'om'mola' ilne loquexi' lapimaye.

²⁵ Jesús ijoc'i'mola' jahuay ihniya ts'ilihuequi, timila':

—Imanc' ołsina' lo'ipa jilpiya petsi lan xanuc' aimimetsaicoyi ŁanDios. Lilpincuxepá ti'e'eyołtsi to jipu'hua quılpujnalá, lan tsila' quılpenic' ticuxe-nai'ennila' juaiconapa.

²⁶ Imanc', aimonł'e'me tołta'a. Ja'ni anuli imanc' tixpic'e ti'e'exoxi cal cueca', ilque titoc'itsola' lipimaye.

²⁷ Ja'ni anuli imanc' tixpic'e ti'e'exoxi cal te'a, ilque ti'e'exoxi to cal mozo.

²⁸ Iya' ilque cal Xans Łiximpa cal profeta pu'hua lema'a. Imanc' tonł'ełe to laif'epa. Iya' aicuaicoco'ma jifa'a li'a łamats' catoc'itsola' lan xanuc'. Aicainesqui: Ałtoc'ila' iya'. Aicuaicoco'ma cacula' laipitine, ca'najtseła' liljunac' axpela' lan xanuc', cunłu'etsola'.

²⁹ Jesús jouc'a ts'ilihuequi ipalunca jilpe liya' Jericó. Ihuej'me axpela' lan xanuc'.

³⁰ Jilpe liju' cane ticutsołanna oquexi' lam fohue. Icuej'me tuyaipa Jesús. Ija'a'me, timiyi:

—¡Mał'ailli', ima' łacui'impo' i'Hua cal rey David, ałsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Ihniya ti'hua tija'ayi, timiyi:

—¡Mał'ailli', ima' łacui'impo' i'Hua cal rey David, ałtsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'olpic'a? ¿Te caif'e'eyacolhuo'?

³³ Timiyi:

—Mał'ailli', jalaxi'enatsonga' lał'u'! ¡Alahuetsalele!

³⁴ Jesús ixim'mola' acuanuc'la juaiconapa. Ilafc'e'mola' lił'u'. Aiquicoł'ma, ehuetdalena'me. Ihuej'me Jesús.

21

¹ Icuaitsa liya' Betfage jilpiya hijuala cuftine Lijuala Olivo. Jerusalén ahuejnc'a. Jesús umme'mola' oquexi' ts'ilihuequi.

² Timila':

—Tonlele liya' lehuoc'ocojma. Tołtsuflaitsa, tołsinna tifijnya anuli łacaca'no' burro, jouc'a hi'hua tecaxijnya liju'. Toluhuaiłta łaca'no' burro, ałlec'me'etsi jouc'a hi'hua.

³ Ja'ni tinanc'ontsolhuo', tołtalai'eta, tołmita: “Lilpujna ipicuicoya. Tijouła' tixhuicotsi ticuai'enacola', aimicołya.”

⁴ Ti'ila' tołta'a tenanł'ma locuapa cal profeta, ilque luya'apa linespa ŁanDios, ticua:

⁵ Tomitsola' lan xanuc' nomana' liya' Sión:

“¡Tolsinle! Icuai'ma fa'a lołRey.

Ilque amanxu, enaf'caic' cal burro,

i'hua linneja lintaipe caitay.”

⁶ Iye'me ts'ilihuequi. I'e'me to lixc'ai'i'mola' Jesús.

⁷ Ilcotsa łaca'no' burro jouc'a hi'hua. Ixpef'i'me lilpuquiya łaca'hua burro. Jesús enaf'cai'ma.

⁸ Axpela' lan xanuc' ixpou'me lane lilpuquiya. Ocuenaye etej'me limane' cal 'ec' ixpou'me lane jilpe pe loyaicoya Jesús.

⁹ Lanxpela' ts'iliejme, jouc'a lanxpela' ts'ilenc'e tija'ayi ma' anuli timiyi:

—¡Hosana! ¡ŁanDios tunłu'eatso'! Ima' łacui'impo' i'Hua cal rey David. Joupalu'iponga' tocuaihuo ima', ałminga' ma ŁanDios łalPujna tummeto'. Itsiya ocuai'ma. ¡Ałs'najtsi'ihuo' juaiconapa! Ilne nomana' lema'a xonca al toncay tinesle: ¡Hosana! ¡ŁanDios tunłu'eatso'!

10 Jesús itsufai'ma Jerusalén. Jilpiya jahuay lan xanuc' tipailoyi, ticuitsufyi:
—¿Naitsi ilca'a?

11 Lilejmale Jesús italai'enca, timinnila':

—Ilca'a cal profeta Jesús, qui'huayomma liya' Nazaret, jilpe al distrito Galilea.

12 Jesús itsufai'ma pe lopa'a al cuecaj xoute'. Ihuescuf'mola' jahuay ihniya no'najualepá jouc'a nocucalepá nomana' jilpe. Ejualaif'e'e'mola' liñmesa pe nopai'ipaj tomí, jouc'a liñbanco nocujpá paloma.

13 Timila':

—Al Paxi Linilingiya tuya'e': "Lainejut'í tecui'im'me: Lajut'í petsi lan xanuc' tipalaic'oyo'me ÑanDios", itsiya imanc' toñ'onñicoyi ilta'a lajut'í to jipu'hua lafoñyomma lan namats'.

14 Mipa'a Jesús jilpe pe lopa'a al cuecaj xoute' icuaitsa lam fohue, jouc'a lan coxo, ixat'mena'mola'.

15 Jilpe timana' la'uhuy tija'ayi, timiyi Jesús: "¡Hosana! ¡ÑanDios tunñu'eatso'! Ima' lacui'impo' i'Hua cal rey David."

Lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios ixim'me acueca' lo'epa Jesús, iquimf'e'me la'uhuy noja'apá, ixtulencia.

16 Itale'me Jesús, timiyi:

—¿Te ima' aimocueca locuapa jilñu'hua la'uhuy?

Jesús italai'e'e'mola', timila':

—Cacueca. Imanc', ¿te aicoñsuec' al Paxi Linilingiya loya'apa? Ticua: Ihniya la'uhuy jouc'a lan tsocay notupá, ima' ManDios ocuxe'epola' tunac'cotso'.

17 Jesús ipo'no'mola' quiñtuca'. Ipanni jilpe liya'. I'hua'ma liya' Betania. Jilpe ipanenni lipuqui'.

18 Lihic'ejma ipaiconanni, i'huacona'ma Jerusalén. Mi'hua lane tunle'e.

19 Ixim'ma anuli al 'ec icux jilpe liju' cane. Illoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicoñ'ma, al 'ec icux ijuñna'ma.

20 Ts'ilihuequi Jesús lixim'me jile al 'ec icux, timiyi:

—¡Xinñá! Jilhiya al 'ec icux aiquicoñi, joupa ijuñnapa. ¿Te qui'ipa?

21 Jesús timila':

—Iya' camilhuo' al linca: Imanc' ja'ni aimoñnesyi: "¿Te ti'i'ma o aimi'iya?", ja'ni toñ'huaiyijnle ÑanDios, jouc'a nipajnya tonñ'e'me to lai'e'epa al 'ec icux. Xonca al cueca' tonñ'e'me. Ja'ni toñmi'me ilca'a hijuala: "To'huanñá, to'nij'mixoxi ñaja", ma toñta'a ti'i'ma.

22 Moñjoc'iyi ÑanDios ja'ni toñ'huaiyijnle, jahuay loñxahue'epa tepi'im'molhuo'.

23 Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpipjá lataiqui'. Icuis'e'me, timiyi:

—¿Naitsi nepi'ipo' lomane toñta'a to'e'ma? ¿Naitsi nummepo'?

24 Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. Añtalai'eñá, tijouñá cu'i'molhuo' naitsi nalapi'ipa laimane ca'eñá toñta'a laif'epa.

25 ¿Naitsi nummepa Juan tepo'itsola' lan xanuc'? ¿Te ÑanDios o cal xans nummepa?

Iñe ipalaic'o'moñtsi quiñtuca', timiyoiñtsi:

—¿Te calmiyacu? Ja'ni añmiñe: "ÑanDios ummepa", ilque alicuis'e'monga', añmi'monga': "Imanc' ¿te aicolapenufi?"

²⁶ Ja'ni ałmife: “Cal xans nummepa”, tixtulecu lan xanuc'. Jahuay ticuayi Juan aprofeta, LanDios ummepa.

²⁷ Timiyi Jesús:

—İllanc' aicałsina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'ela' tołta'a.

²⁸ 'İmanc' ałquimf'ela' laifnu'iyacolhuo'. Tijoułta' alu'ila' te colcuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huala' to'etsi canic' jilpe łainemats' pe łafapa łai'uva”.

²⁹ “A'i, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a locuena qui'hua, ma' anuli lataiqui' imitsi. İłque italai'e'ma: “Ne', mai'ailli', ai'huapa”. Aiqui'huac'.

³¹ 'İtsiya lu'ila', iłne loquexi' linaxque' cal xans, łnaitsi ni'e'ma licuxe'epola' quił'ailli'?

İtalai'e'e'me, timiyi:

—Cal te'a.

Jesús timila':

—Iya' camilhuo' al łınca. İtsiya timana' lan xanuc' jouc'a lacał'no' tuliquilhuo' imanc'. İłniya lan xanuc' lin'najtsi'iyale jouc'a lacał'no' notepá łilcuerpo, małniya tihuejconayi LanDios, titsuflaiyi petsi locuxeyopa cal Cuecaj Rey Nopa'a lema'a.

³² 'İcuai'ma Juan Bautista imuc'i'molhuo' al c'a lane, aicolapenufi imanc'. Lin'najtsi'iyale jouc'a lacał'no' notepá łilcuerpo, iłniya łınca epenufpá. İmanc' ołsimpola' iłnu'hua iłsuej'menamıa, aımołsuej'memıa, aicolapenufi Juan.

³³ 'Ałquimf'ela'. Ca'onlıcocona'ma lo'epa LanDios fa'a li'a lamats'.

'Anuli cal xans łipoujna camats', ifapa cal 'uva. Eti'icopa apic. İpupa pe lot-suj'miyacu, loxoc'eyonyacu lan 'uva, tipa'a'me laquija'. Lijou'ma ilanc'e'ma anuli litoqui cajutł, jilpe tipajm'ma no'epa cuenna łamats'. Lijou'ma icu'ma łemats', epi'i'mola' lan xanuc' ti'ele canic'. Łaipammaiya tepi'im'me onlıca. Lijou'ma i'hua'ma aculi' camats'.

³⁴ 'Joupa tixpinaf'quiya litine timaj'ma lan 'uva. Łapoujna umme'mola' limozó pe lomana' no'epá canic', titaita ło'iya onlıca.

³⁵ İłniya no'epá canic' i'noł'e'e'me lummepola'. Untaf'me anuli, ocuena ima'a'me, locuena ipa'me capic, ima'a'me.

³⁶ 'Lijou'ma łapoujna ummecona'mola' ocuenaye xonca axpela'. İye'me pe lomana' no'epá canic', i'econa'me ma' anuli.

³⁷ 'Lijouco'ma umme'ma li'hua. Ticua: “İłca'a ai'hua. Łınca tixpaic'eta.”

³⁸ 'No'epá canic' lixim'me icuaico'ma li'hua łapoujna camats' timiyoltsi: “İłca'a tulij'ma jahuay łemats' qui'ailli', ilque łapoujna camats'. ¡Łepá! ¡Ałma'ata! İłque łamats' tipanenno, alulijna'me illanc'.”

³⁹ 'İnoł'me, eca'ni'me lixpula' leti'icoya łamats' pe łifayiya 'uva, ima'a'me.

⁴⁰ 'Ticuaiyunnı łipoujna camats' petsi łifayiya 'uva, łte co'e'eyacola' iłne no'epá canic'?

⁴¹ Timiyi:

—Tima'atola', tijou'netola' nulemma iłniya lixcay xanuc'. Łemats' joupa ifayiya cal 'uva, tepi'i'mola' ocuenaye xanuc', tixhuico'me łamats', tepi'i'me ło'iya onlıca łaipammaiya.

⁴² Jesús timila':

—İmanc', łte aicolısuc' te loya'apa al Paxi Linilıngiya? İle tuya'e': Łapic łetets'ipa nolanc'epá lajutł joupa i'ipa xonca łaicuicoya. İłque łapic xonca tilanc'e łaitał, aımecangeya lajutł.

ŁanDios łafPoujna łta'a łecuej'micopa.
 Illanc' aksinyi acueca' iŁe li'ipa.

⁴³ Camilhuo': Linca ŁanDios jounpa epi'ipolhuo' lołpenic', icuxe'epolhuo' toluya'aŁe: "Małque ŁanDios cal Cuecaj Rey ticuxela' lan xanuc'". Itsiya texic'e'molhuo' iŁe lołpenic'. Aimołtsuflaiyacu pe locuxeyopa ŁanDios, iŁque Nopa'a lema'a. IŁe lołpenic' tepi'i'mola' locuenaye. IŁniya linca tenant'li'me iŁe lataiqui' locuxe'eyacola'.

⁴⁴ 'Cal xans ja'ni tixc'uałaf'caitsi, tecanaf'caitsi cal Cuecaj Capic, iŁque cal xans tixquelequehuo. Ja'ni Łapic tecangenni tetof'caitsi cal xans, iŁque cal xans tuxpats'i'ma nulemma.

⁴⁵ Tołta'a i'onłico'ma JesŁs lo'epa ŁanDios. Licuej'me iŁiya litaiqui' lixanuc' cal cuecaj ca'ailli' jouc'a lan xanuc' fariseo i'i'ma quĩsina' JesŁs ma tinescola'.

⁴⁶ Ehuepá te co'iya mi'nołyacu. Aiquił'nołi. Tixpaic'ennila' lan xanuc', iŁne ticuayi: "JesŁs aprofeta. ŁanDios ummepa".

22

¹ JesŁs ti'hua ti'onłijma. Timila':

² —ŁanDios cal Cuecaj Rey Nopa'a lema'a, licuxejma ti'onłcospa to li'ejma' anuli cal cuecaj quincuxepa nopa'a fa'a li'a łamats'.

'Litine lemane'ma li'hua, łincuxepa icuxe'ma imac'ot'łem'me łotejacu al juic.

³ Umme'mola' limozó iye'me tilecontsola' lijob'ipola'. IŁniya lijob'ipola' aiquiłcuac', aiquicuaiyunca al juic.

⁴ 'Ummecona'mola' locuenaye limozó. Timila': "TonłeŁe, tołłecotsola' lai-job'ipola'. Tolu'itsola': Jounpa ima'ampola' laihuacax jouc'a locuenaye linneja lifujmpola'. Aillac'epa łaltejacu. Ailopa'a cahue'epa. Tonłouyunca al juic temane'ma łai'hua."

⁵ 'IŁniya lijob'ipola' aiquiłcueca. Iyena'me ocuena cane. Anuli i'hua'ma ixintsi łemats'. Łocuena i'hua'ma petsi locucaleyopa.

⁶ Locuenaye i'noł'e'e'me limozó łincuxepa, ixcai'em'mola', ima'am'mola'.

⁷ 'Łincuxepa ixtuc'o'mola'. Umme'mola' lisoldado tima'antsola' iŁne linma'ahuale, tipi'entsa liłcuecaj quĩya'.

⁸ Timila' limozó: "Jounpa imacołpa łaltejacu lijuic łamaneya łai'hua. Lai-job'ipola' jounpa imujpołtsi a'ijc'a xanuc'. Etets'ipá łajtejua'. Aiquiłcuaiya.

⁹ Itsiya tonłeŁe lotalejmaleyopa łaneya. Jahuay lan xanuc' lołsinyacola' tołjob'itsola', tołmitsola': Łepá lejut'ł łincuxepa, ti'i juic, temane'ma li'hua."

¹⁰ 'Łam mozó ipalunca ipa'netsa łaneya. Efot'łem'mola' iŁne lixinim'mola', ja'ni lan c'a xanuc', ja'ni lixcay xanuc', ma' anuli efot'łem'mola'. Łajut'ł imantsi xanuc'.

¹¹ 'Itsufai'ma łincuxepa tixingułtsola' iŁne notetsopá jilpiya. Ixim'ma anuli cal xans a'i quetejyoxi, aiquipo'nohuo al ts'e lipijahua' to liłpo'nohuo iŁne nomana' jilpe al juic łamanepa.

¹² Icuis'e'ma, timi: "Maipima, aicopo'nohuo al ts'e lopijahua' to liłpo'nohuo iŁne nomana' fa'a al juic. ¿Te qui'ipa lotsufaiyumma fa'a?" Cal xans aiquitalai'e. Ailopa'a quitaiqui'.

¹³ 'Łincuxepa ijoc'i'mola' limozó no'huapá pime małpe al juic. Timila': "IŁque cal xans tołfi'Łe limane li'mitsi'. Tolaca'nitsa jipu'hua al muf. Jilpe lan xanuc' tijolijta, ti'ılc'ta lił'ay."

¹⁴ 'Linca, axpela' lijob'impola', ahuata li'huijf'empola'.

¹⁵ Iye'me lam fariseo. Ixpıc'e'me te co'iya mi'nołyacu JesŁs. Timiyołtsi:
 —Licuis'e'me, ałtalai'e'monga', tołta'a ałcufta.

¹⁶ Ummem'mola' liyejmalepá. Jouc'a iye'me lixanuc' cal rey Herodes. Icuaitsa pe lopa'a JesŁs, timiyi:

—Momxi, alsina' ima' tocua al linca, a'i ma le'a metentcoyacola' lan xanuc'. Tomuc'iyale lipene LanDios. Ma' anuli topalaic'ola' jahuay. Aimahuelongila' ja'ni ts'if'hueca o aiquif'hueca.

17 Itsiya lu'itsonga'. ¿Te cofcuapa? ¿Te añ'najtse'me cal cuecaj quincuxepa César? ¿Aicu'me al tomí lahsahue'eponga'? o ¿aimacuyacu? ¿Nipajnya o aimi'iya?

18 Jesús imetsaico'mola' ixcay lipicuejma', timila':

—¡Imanc' cunc'infel'miyale! ¿Te calmicuapa tohta'a? Aixina' le'a lahuaijma.

19 Amuc'itá' anuli al tomí lohcuyacu.

Imuc'i'me al tomí.

20 Icuise'mola', timila':

—¿Naitsi itca'a ts'i'a? ¿Naitsi itta'a ts'ipuftine?

21 Iniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ile César; ja'ni i'huexi LanDios, tonlapi'ile LanDios.

22 Licuej'me tohta'a iniya icuapá:

—¡Xinla'! Itque Jesús acueca' lipicuejma'.

Ipo'no'me quituca', iyena'me.

23 Mañe litine lan xanuc' saduceo icuaitsa pe lopa'a Jesús. Iniya lan xanuc' saduceo ticuayi: “Lan xanuc' timala' anulemma, aimimaf'iconayacu”. Iniya tehuiyi Jesús, ticuis'eyi,

24 timiyi:

—Momxi, Moisés uya'apa: “Timañá' cal xans ja'ni ailopa'a qui'hua, limanapa hipima tileco'ma hi'maxi. Tipajntsi cal te'a qui'hua, itque tecui'i'me to lipuftyne limapa. Ti'i'ma ma to qui'hua limapa, hi'huexi limapa tulij'ma.”

25 Illanc' alimetsaicola' acaitsi lapimaye. Cal te'a emanepa, imapa, aiquixina' qui'hua. Limapa hipima ileco'ma hi'maxi.

26 Ma to li'ipa cal te'a, ma tohta'a li'ipa hipima, jouc'a tohta'a li'ipa locuena. Ma' anuli li'i'mola' lan caitsi.

27 Lijou'ma imana'ma ñaca'no'.

28 'Lan caitsi capimaye ilecopá anuli ñaca'no'. Ticuaitsi litine timaf'iconñe limanapola', ¿naitsi co'iya hipe'ailli' ñaca'no'?

29 Jesús italai'e'e'mola', timila':

—Imanc' timenaquilhuo'. Aicoñsina' loya'apa al Paxi Linilingiya, aicolimet-saijma al cueca' lo'epa LanDios.

30 Jilpe litine timaf'inñe limanapola', aimemalliyacu, ni lan xanuc' ni lacañno'. Ti'onñcotola' to lapaluc' quema'a.

31 Imanc' tohcuyai aimimaf'iyacu limanapola'. ¿Te aicoñsuec' lomipolhuo' LanDios jilpe Lipaxi Linilingiya? Jilpe tuya'e':

32 “Iya' NanDios, ilenDios Abraham, Isaac, Jacob”. Ja'ni anulemma imanapola' Abraham, Isaac, Jacob, LanDios aiminesya: “Iya' ilenDios iniya”. LanDios ilenDios ts'itmaf'i', a'i limanapola' nulemma.

33 Licuej'me jilhiya licua'ma Jesús, lan xanuc' ticuayi:

—¡Xinla'! Acueca' litaiqui' lomuc'iyalepa itque Jesús.

34 Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'le'moñtsi, iye'me pe lopa'a Jesús.

35 Anuli iniya, itque lomxi nomuc'iyalepa locuxepa LanDios, ehui'ma Jesús, icuis'e'ma, timi:

36 —Momxi, jilpe litaiqui' locuxepa LanDios, ¿te t'le cataiqui' xonca al cueca'?

37 Jesús italai'e'e'ma, timi:

—“To'nujuaisla' ÆanDios loPoujna, iŕque omenDios. Taihuejla' jahuay lomunxajma', jahuay lo'alma, jahuay lopicuejma'.”

³⁸ Toŕta'a loya'apa al te'a litaiqui', iŕiya xonca al cueca' cataiqui' locuxepa ÆanDios.

³⁹ Locuena lataiqui' lihuequi ma' anuli ti'onŕspa, ticua: “Ima' to'eyoxi capic'a. Ma toŕta'a to'ela' capic'a lof'as xans, naitŕi loftalecufya.”

⁴⁰ Ja'ni tolihuejcoyi jiŕta'a loque' lataiqui', linca tolanant'ŕiyi jahuay locuxepa ÆanDios, jahuay linespa lam profeta.

⁴¹ Mefot'ŕeyoŕtsi jiŕpe lan xanuc' fariseo,

⁴² Jesŕs icuis'e'mola', timila':

—Imanc', ¿te coŕcuapa? Cal Cristo, ¿naitŕi litatahuelo?

Iŕniya italai'e'e'me, timiyi:

—David itatahuelo cal Cristo.

⁴³ Jesŕs timila':

—Maŕque David inescopa cal Cristo, ticua “... ŕaiPoujna”. Ja'ni David itatahuelo cal Cristo, ¿te quinescopa toŕta'a? Cal Espŕitu Santo icuxe'epa toŕta'a licuapa, luya'apa, ticua:

⁴⁴ ÆanDios tipalaic'o ŕaiPoujna, timi:

“Tocutsaiŕa' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijouŕa', ima' tocuxena'mola'.”

⁴⁵ Ja'ni David itatahuelo cal Cristo, ¿te quinescopa, ticua “... ŕaiPoujna”?

⁴⁶ Ailopa'a cotalai'ecoyacu, ni anuli lataiqui'. Lipangopa jiŕte litine aimicuis'mot'ŕeconayacu. Iŕsina' tulijna'mola' Jesŕs.

23

¹ Jesŕs ipalaic'o'mola' lan xanuc' jouc'a ts'ilihuequi.

² Timila':

—Lomxiye nomuc'iyalepá locuxepa ÆanDios, jouc'a lan xanuc' fariseo, tipa'a liŕmane timuc'iyale'me licuxepa Moisés.

³ Imanc' tolihuejcoŕe jahuay locuxe'epolhuo'. Liŕ'ejma' iŕniya aimolihuej'me. Iŕniya ma le'a tinesyi, aimi'eyi.

⁴ 'Tetonc'iyi lataiqui' locuxepa ÆanDios. Ticuxennila' lan xanuc' tenant'ŕite jahuay iŕta'a liŕtaiqui'. Lan xanuc' tixinyi ipime jiŕiya liŕtaiqui'. Ti'onŕcospa to cal cumta caitay lipo'no'impola' liŕspula'. Afule mixnet'ŕyi. Maŕniya lomxiye jouc'a lan xanuc' fariseo aimentant'ŕiyi lataiqui' locuxepa tenant'ŕite liŕ'as xanuc'. Tixinyoŕtsi to ailopa'a nocuxeyacola'. Ticuxeyoŕtsi quŕitua'.

⁵ Jahuay lo'epa iŕniya ti'eyi ma le'a tehuelojnle lan xanuc', tixinintsola' lan c'a xanuc'. Iŕpic'a tixinintsola' menant'ŕiyi locuxepa ÆanDios. Iŕniya lomxiye jouc'a lam fariseo tilanc'eyi xonca lexpats'qui iŕe laca'hua caxax lofi'ecopa liŕmane o hilepali. Jiŕpe lacaxax ti'nico hualca al Paxi Linŕŕingiya. Ti'e'eyi itoqui loŕuits' ŕema liŕpijagua'. Ticuayi liŕpicuejma': “Lan xanuc' aŕsintsonga' ninc'itsila' comxiye”.

⁶ 'Mixmucota ticuŕoŕaita jiŕpe petŕi locuŕoŕaiyacu lan tsilaj xanuc'. Toŕta'a iŕpic'a. ŕajut'ŕi pe lafoŕyomma lan xanuc', iŕne ticuŕoŕaita lan tet'ŕa asiento.

⁷ Miyelocoyi locucaleyompa iŕpic'a lan xanuc' tinonintsola', timintsola': “¡Rabí, Rabí!” (Iŕe lataiqui' lohualcuf'ipa ticua: Nomuc'iyalepa.)

⁸ 'Imanc' aimecui'im'molhuo' “Rabí.” Tipa'a ma le'a anuli Nomuc'ipolhuo', imanc' unc'apimaye.

⁹ Fa'a li'a ŕamats', ja'ni anuli cal xans a'i coŕ'ailli', aimoŕmi'me “Mai'ailli”. Tipa'a ma le'a anuli coŕ'ailli', iŕque Nopa'a lema'a.

¹⁰ Aimecui'im'molhuo' imanc' "Momxi". Imanc' a'i cunc'omxiye. Ma le'a iya' lołpomxi, iya' ninCristo.

¹¹ Imanc', naitsi xonca cal cueca' ti'ila' to cal mozo, titoc'itsola' lipimaye.

¹² Cal xans no'e'epoxi acueca', ilquiya ti'oc'em'me. Naitsi no'e'epoxi aca'hua, ti'e'em'me xonca acueca'.

¹³ 'A'ijc'a lo'iyacolhuo' cunc'omxiye, imanc' nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Miquimf'ennilhuo' lołmuc'iyalepa, lan xanuc' tixinyi to joupa eti'iya al puerta. Tixinyi aimi'iya mitsuflaiyacu jilpe pe locuxeyopa ŁanDios cal Cuecaj Rey Nopa'a lema'a. Linca imanc' aimołtsuflaiyi, jouc'a aimolapi'ila' lane lan xanuc'. Ine ts'itpic'a titsuflaiite, imanc' tołpa'nela'.

¹⁴ 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' unc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tolaxic'ela' hi'huexi lam potsateya cacal'no'. Moł'eyi tołta'a ticołilhuo' mołpalaic'oyi ŁanDios. Tołcuayi: "Ałsinintsonga' illanc' lihuejcoyi ŁanDios". Imanc' xonca acueca' lotelminyacolhuo'.

¹⁵ 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tolahuela' lan xanuc' tihuequintsolhuo'. Tonłeyi ni petsi li'a lamats', tołqueyi łaja. Tołsintsa ma le'a anuli cal xans naihuejyacolhuo' tolixoc'i'mołtsi conlata. Tijoułta' ilque tulij'molhuo'. Imanc' lołpicuicoya tonłe'me pu'hua al cuecaj capa. Ilque xonca lipicuicoya ti'huałta' pu'hua.

¹⁶ 'A'ijc'a lo'iyacolhuo' imanc' unc'ifohue. Imanc' aimi'iya mołmuc'iyacola' lan xanuc' al c'a cane. Imanc' tołcuayi: "Cal xans nocuaj'mipa al cuecaj xoute' ja'ni aimentant'li litaiqui' ailopa'a tintsi. Locuenaj cal xans nocuaj'mipa al oro lopa'a jilpe al cuecaj xoute', linca tenant'lıla' litaiqui', ja'ni a'i titai'ma lijunac'."

¹⁷ 'Imanc' unc'ifohue! Tocomma ailopa'a colpicuejma'. ¿Te jale xonca al cueca', ja'ni al oro o al cuecaj xoute'? Ałınca xonca acueca' al xoute'. Ie al oro ja'ni ailopa'a jilpe al cuecaj xoute' aimi'iya qui'huexi ŁanDios.

¹⁸ Jouc'a tołcuayi: "Cal xans nocuaj'mipa cal altar, ja'ni aimentant'li litaiqui' ailopa'a tintsi. Locuena cal xans nocuaj'mipa lotsufcompa jilpe cal altar, linca tenant'lıla' litaiqui', ja'ni a'i titai'ma lijunac'."

¹⁹ 'Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jilpe cal altar aimi'iya qui'huexi ŁanDios.

²⁰ Cal xans nocuaj'mipa cal altar jouc'a tipalaijma jahuay lopa'a jilpiya cal altar.

²¹ Ja'ni icuaj'mipa al cuecaj xoute', jouc'a tipalaijma ŁanDios ilque Nopa'a jilpiya.

²² Ja'ni nocuaj'mipa lema'a tipalaijma lema'a pe locutsaf'ya ŁanDios jouc'a tipalaijma ŁanDios ilque Nocutsaf'ya jilpiya.

²³ 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios jouc'a imanc' cunc'ixanuc' fariseo. Ma le'a tonł'e'eyołtsi, imanc' a'i cunc'ic'a xanuc'. Imanc' jahuay ts'ol'huca tipa'a lołtsufcoyacu ŁanDios. Ja'ni ti'ila' amaxnu, tołtsufcoyi imbama', ja'ni ti'ila' imbama' tołtsufcoyi anuli. Tołta'a monł'eyi, tama łaiquitamqui xonca atsocay, ja'ni al xaimu, ja'ni al anís, ja'ni al comino, tołtsufcoyi anuli ŁanDios. Lataiqui' locuxepa ŁanDios ticuxe'elhuo' tonł'ełe al c'a xonca al cueca'. Ticuxe'elhuo' tonł'ełe al hijca, tołsintsula' cuanuc'la lołpimaye, tonlanant'lıte lołnesyacu. Ie lataiqui' aimonlihuejyi. Linca ac'a lonł'epa mołtsufcoyi łaiquitamqui. Ticuicomma tolanant'lıte jahuay locuxe'epolhuo' ŁanDios, tonł'ełe al c'a xonca.

24 Imanc' aimi'iya mołmuc'iyacola' lan xanuc' al c'a cane. ;Unc'ifohue! Tipa'a lataiqui' loya'apa: “Tołtsaic'oyi al vino aimołmuc'me calxc'huił. Ti-jouła' aimołsinyi cal cuecaj quinneja, iłque cal camello, tołmuc'yi.” Tołta'a ma ti'onłcospolhuo' to loł'ejma' imanc'.

25 'Aijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Ma le'a toł'e'eyołtsi, imanc' a'i cunc'ic'a xanuc'. Aijc'a lołpicuejma'. Ti'hua tołjanajyi tepi'intsolhuo' xonca. Ton-laxic'ela' liłtomí loł'as xanuc', tołta'a tołma'neyi lołtaza, lołpime. Tijouła', ma to moł'eyi, tolapajyi liłspula' lołtaza, lołpime.

26 Ima' umfo' fariseo, ate'a taipa'ala' al xujc'a lopa'a jilpe licu'u lotaza, lopime. Tijouła' liłspula' ti'i'ma limpio jouc'a.

27 'Aijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Ti'onłcospolhuo' to cal puł'hua li'e'empa afujca juaiconapa. Licu'u al pu'hua imanna quecala camizhua, imanna axisca.

28 Ma' anuli imanc'. Tocomma to tolihuejcoyi locuxepa ŁanDios. Aij linca. Ma le'a ixcay lołpicuejma'. Jilpe tołspic'eyi toł'e'eyołtsi, imanc' a'i cunc'ic'a xanuc', aimolihuejcoyi locuxepa ŁanDios.

29 'Aijc'a lo'iyacolhuo' imanc' cunc'omxiye nołmuc'iyalepá locuxepa ŁanDios jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Imanc' tołhanc'e'ela' liłpu'hua limanapola' iłne lam profeta jouc'a lan xanuc' naihuejcopá locuxepa ŁanDios.

30 Imanc' tołcuayi: “Lałtatahueló ima'a'me lam profeta. Ja'ni coła' illanc' ałmana' jilpe litine, aimal'eyacu tołta'a.”

31 Mołnesyi “Lałtatahueló...”, le'a tołcufyołtsi, tonlimetsaicoyołtsi imanc' iłmaxque' iłniya nima'a'me iłne lam profeta.

32 Ne'. ;Ti'hua monł'eyi jiliya lixcay to li'epá lołtatahueló! ;Tołjou'nele nulemma!

33 'Imanc' ti'onłcospolhuo' to lacałpo'. Imanc' lołpicuejma' ti'onłcospa to lipicuejma' łainofał. Linca tejac'ennolhuo', tecajm'minnolhuo' łunga lopa'a al muf. O ;te ti'i'ma tołunłulta? A'i. Aimi'iya.

34 Cumme'elhuo' lam profeta, iłne noya'apá lołpic'epa ŁanDios. Cumme'elhuo' lan xanuc' acueca' liłpicuejma'. Cumme'elhuo' lomxiye. Imanc' tołma'a'mola' hualca iłniya lan xanuc', tolapałts'ijm'mola' lancruz. Locuenaye tołheco'mola' łajut'hi pe lafołyomma lan xanuc', jilpe tołunfa'e'e'mola'. Tolihuejtso'mola' iłya' iłya'.

35 Tołta'a imanc' tołtai'me liłjunac' iłne lołxanuc' nima'a'me naihuejcopá locuxepa ŁanDios. Cal te'a ĩma'ampa iłque cal c'a xans Abel, ĩjoujma Zacarías ĩ'hua Berequías, ĩma'ayompa jilpe al cuecaj xoute' lixpula' cal altar, jilpe lotsuflaiyacú al Paxi Lugar.

36 Iya' camilhuo' al linca: Jahuay iłe lajunac' tołtai'me imanc' nołmana' fa'a itsiya litine.

37 ;Miłya' Jerusalén! ;Miłya' Jerusalén! Loxanuc' inma'ahuale, ima'a'me lam profeta, tipannila' capic', tima'ayi lixanuc' ŁanDios, iłniya lummepola' jilpiya. Iya' axpe' canesqui: Cafot'le'mola' jahuay loxanuc' ma to mi'ay cal tsana mefot'le'mola' laiquipuyu, mipuxc'i'mola' lixał. Ima' aicocuc'.

38 Miłya', ;tahuelojnla' locuecaj xoute'! ŁanDios ipo'nopa quituca'. Tocomma joupa etełquemma.

39 Iya' camilhuo' lo'iya. Ticuaitsi litine ałmiła': “Ima' unC'a. ŁanDios ĩałPoujna ĩnca ummepo”, iłe litine ałsingona'ma. Ai'a ticuaita iłe litine aimal'singonaya.

24

¹ Jesús ipayonni jilpe al cuecaj xoute', icuaitsa ts'ilihuequi. Iñiya ts'ilihuequi ipalaico'me lajut'hi al cuecaj xoute'. Timiyi:

—Toxintsola' ilangila' juaiconapa iña'a lajut'hi.

² Jesús italai'e'mola', timila':

—Itsiya tolahulajny'i lajut'hi iñiya ilangila'. Iya' camilhuo' al linca: Ticuaihuo litine jahuay tetelquehuo. Ni anuli lapic mi'nif'queya lipima capic.

³ Micutsuya Jesús hjuala Olivo, icuaitsa quituca' ts'ilihuequi, icuis'e'me, timiyi:

—Lu'itsonga', ¿tej hora mi'iyá tołta'a? ¿Te co'iyá małsinyacu ja'ni ima' toucaiconahuo? ¿Te co'iyá małsinyacu ja'ni tijou'ma li'a lamats'?

⁴ Jesús italai'e'mola', timila':

—Tołpo'nołe cuenna. Ja'ni aimołpo'noyi cuenna tifel'mim'molhuo'.

⁵ Ticuaicu axpela' linfel'miyale. Anuli anuli tines'ma: “Iya' linca cunlu'e'molhuo'. Iya' ninCristo. LanDios alummepa.” Iñiya tifel'miyale'me axpela'.

⁶ Litine tołcujle: “Pu'hua tifulenni”, o “Lu'hua tifulem'me”, aimixpailij'molhuo'. Tołta'a lo'iyá. Ticoł'ma locuaicoya Lijoujma Quitine.

⁷ Lan xanuc' anulij nación tixtuc'om'mołtsi locuenaj nación, tifule'me. Lan tsilaj quincuxepá tixtuc'om'mołtsi, tifule'me. Ni petsi tixim'me cumemma, tinu'ma lunanto.

⁸ Iñe latełcoya ti'onłcota to łaca'no' linnay lipumla. Tumlej'ma ate'a, tijoułá' tipajnta cal ts'e qui'hua. Fa'a li'a lamats' ate'a tipango'ma latełcoya, tijoułá' ti'i'ma al ts'e lema'a, ti'i'ma al ts'e li'a lamats'.

⁹ 'Imanc', ticum'molhuo', ticuaita quilmene lan xanuc', iñe titełmi'molhuo', tima'a'molhuo'. Imanc' ts'alihuequi, tołiya ni petsi lołmanc'eyacu fa'a li'a lamats' lan xanuc' tixtuc'o'molhuo'.

¹⁰ Axpela' ts'alihuequi tipai'i'me liłpicuejma', ti'e'mołtsi laic' liłpimaye ts'alihuequi. Ticuf'me.

¹¹ Ticuaicu axpela' lam profeta nofelłaiqueyacu, tifel'miyale'me axpela' lan xanuc'.

¹² Lan xanuc' xonca tenaj'mołtsi, aimihuej'me lataiqui' locuxepa LanDios. Ti'e'me ma le'a lixcay. Aimipalaic'oyacołtsi to li'ipa, aimi'eyołtsi capic'a.

¹³ Cal xans ja'ni tixnet'Ha' latełcoya, ja'ni ti'hua tihuejla', ilque linca tunlu'ma.

¹⁴ Jahuay li'a lamats' tuya'ata lataiqui' loya'apa iñe al c'a liłpic'epa LanDios. Ni petsi lomana' lan xanuc' tuya'ata te co'iyá mitsuflaiyacu pe lopa'a LanDios, ilque cal Cuecaj Rey Nopa'a lema'a. Tijoułá' ticuaihuo Lijoujma Quitine.

¹⁵ 'Ma to luya'apa cal profeta Daniel luyaipa quitine tołta'a tołsim'me lo'iyá. Iñe pe LanDios tilaiqui topo'nom'me al cuecaj xoute'. Tijoułá' LanDios tipo'no'ma quituca' iñe al cuecaj xoute'. Naitsi noxhuf'iyacola' lipimaye jilta'a lataiqui' ticuec'ela'.

¹⁶ Iñiya litiné ja'ni tołmana' al distrito Judea tolinul—le, toł'ajliñe hjualay.

¹⁷ Ja'ni cof'nif'ya al toncay lomejut'ł, aimicoł'mo'. Aimaipa'a'ma iñe lopa'a lomejut'ł, le'a taimunni, tainuła'.

¹⁸ Ja'ni to'ay canic' jilpe limuc'o', aimopaiconahuo mommaiya lopuquiya, ma tainuła'.

¹⁹ Iñiya litiné juaiconapa titełco'me linnaila cacal'no', jouc'a lacal'no' notu'ipá liłmaxque'. Iñiya afule minulyacu.

²⁰ Tołsahue'ele LanDios ticuaitsi latełcoya aimi'i'ma litiné caxita, ni litine conxajya. Jilpiya aimi'iyá molinulyacu.

²¹ Lan xanuc' nomana' fa'a li'a lamats' aiqilsingufma latełcoya to loxinyacu jilpiya litine. Tijoułá' jilta'a latełcoya aimixinconayacu latełcoya to jilta'a.

²² LanDios tixinnila' cuanuc'la lixanuc', jilne li'huijf'epola', toliya ixpic'epa aimicoi'ya jile lateicoya, tetec'oyehuo. Ja'ni cola' ticoi'ma ile lateicoya, ailopa'a conluya, cola' jahuay tima'mola'. Aimicoi'ya lateicoya.

²³ 'Ihniya litiné ja'ni timintsolhuo': "¡Tolsinte! Jifa'a icuai'ma cal Cristo", o "Jilpe icuaita", aimolapenuf'me ihniya lataiqui'.

²⁴ Ticuaicu linfel'miyale. Tecui'i'moltsi: "Iya' ninCristo", o "Iya' ninprofeta, cuya'e' lixic'epa LanDios". Ihniya ti'e'me al cueca', axpe' timuj'me. Tines'me: "Lan xanuc' limetsaicotsonga' LanDios lummeponga'". Ma le'a tifel'miyaleyi. Cola' tifel'mintsola' jouc'a li'huijf'epola' LanDios. Aimi'ya mifel'minyacola'.

²⁵ 'Joupa aimipolhuo' ile lo'iya. Aimolimenc'eco'me ile laimipolhuo'. Ma to lo'iya, toita'a nu'ipolhuo'.

²⁶ Ja'ni timintsolhuo': "Icuaita cal Cristo pu'hua. Tipa'a petsi ailopa'a quilya'", aimonte'me pu'hua. O ja'ni ticuanni: "Icuai'ma fa'a, itsufaipa lajut'í", imanc' aimolihuejco'mola'.

²⁷ 'Iya' ilque cal Xans Liximpa cal profeta pu'hua lema'a. Cacuaiyoconanni jahuay alsim'ma ma to moltsinyi lixcuaflay mixcuaf'ma jilpiya liyuf'maj 'ora. Lixcuaflay tepalc'o'i a'i ma le'a jilpe liyuf'maj 'ora. Lepalc'o' ticuaita pe lof'acaiyopa cal 'ora.

²⁸ Pe lopa'a limac' jilpiya tefot'le'moltsi lapote.

²⁹ 'Tuyaila' ihniya litiné lateicoya:

Timufco'ma cal 'ora, cal mut'la aimepalc'o'iya,
lan xamna nomana' lema'a tecangolecu lamats',
jahuay lopa'a jilpe lema'a tife'nem'mola'.

³⁰ Iya' ilque Cal Xans Liximpa cal profeta pu'hua lema'a. Ile litine jipu'hua lema'a lan xanuc' tixim'me ile lomuc'iyacola' joupa aicuaicocona'ma. Ni petsi li'a lamats' lan xanuc' tijolij'me, alsim'ma cacuaiconno cacutsafya lummahuay quimumma. Alsim'ma iya' ninCuecaj Rey, al'onlcospa to LanDios. Iya' ilque cal Xans Liximpa cal profeta pu'hua lema'a.

³¹ Ile litine tifus'mi'me al cuecaj trompeta, iya' cumme'mola' lainepaluc' tiyete tefot'lentsola' laixanuc' lai'huijf'epola'. Ni petsi lomana' tileconnola': Ihniya nomana' layuf'maj 'ora, ihniya nomana' lof'acaiyopa cal 'ora, ihniya nomana' pe lo'huayomma lahua', ihniya nomana' pe lotsepa lahua', ni petsi canumicay li'a lamats' tileconnola' laixanuc'.

³²⁻³³ 'Ja'ni toipo'nole cuenna ile lo'ipa al 'icux ti'i'ma colsina' icuaico'ma linu'. Toita'a timuc'i'molhuo' al 'icux tuxcuaf'ela' limane', tilala' laxhuaica lipela. Ma' anuli ja'ni toipo'nole cuenna ile lo'iya fa'a li'a lamats' ti'i'ma colsina' joupa cacuaiconno. Ti'ila' ma to laimipolhuo', joupa icuai'ma al puerta.

³⁴ Iya' camilhuo' al linca: Litine ti'ila' to laimipolhuo', lan xanuc' nomajnyacu fa'a li'a lamats' ti'i'ma li'ejma' to li'ejma' lan xanuc' nomana' fa'a itsiya litine.

³⁵ Lema'a y li'a lamats' tipaico'mola'. Laitaiqui' aimipaiya, tipanehuo.

³⁶ 'Nij naitsi ts'ixina' litine ni al 'hora cacuaicoconanni li'a lamats'. Jouc'a lapaluc' quema'a aiquilsina'. Jouc'a iya' i'Hua LanDios, aicaixina'. Ma le'a cai'Ailli', ilque linca ixina'.

³⁷ 'Ma to li'ipa luyaipa quitine mipa'a Noé fa'a li'a lamats', toita'a lo'iya litine cacuaicoconanni li'a lamats'.

³⁸ Milanc'e Noé al arca, lan xanuc' tuyalaicoyi lilpepajnya ma to mi'eyi. Titetsoyi, tixnayi, temalliyi, ticuyi lilmunque' temallile. Litine Noé litsufai'ma al barco toita'a ti'eyi.

³⁹ 'Ihne aiquilsina' lo'iyacola', ticui'ma. Ma' icui'ma laxpaiqui' cacui. Lacui ileco'mola', ima'a'mola'.

'Ihe li'ipa ti'onłcospa to lo'iya cacuaiconanni iya'. Lan xanuc' aimi'iya quilsina' lo'iyacola'.

⁴⁰ Oquexi' lan xanuc' timajm'me ĩmuc'o'. Anuli tilecom'me, łocuena tipanehuo.

⁴¹ Oquexi' lacał'no' tutsi'me anuli. Anuli tilecom'me, łocuena tipanehuo.

⁴² 'Imanc' toł'huaicołe, tołpo'nołe cuenna. Aicołsina' te quitine ticuaihuo łołPoujna.

⁴³ ĩpoujna cajutł ja'ni ixina' tej hora ticuaihuo cal namas, ĩque łapoujna aimixmaiya, tipo'no'ma cuenna, ticuanajco'ma lejutł, cal namas aimi'iya mitsufaiya.

⁴⁴ Imanc' tołpo'nołe cuenna. Ticuaitsi al 'hora aimoł'huaicoyi, tołnesyi: "Aimicuaiya", małpe al 'hora cacuaihuo. Iya' ĩque cal Xans ĩximpa cal profeta pu'hua lema'a.

⁴⁵ 'Łapoujna ti'huał' aculi', tepi'i'ma quipenic' ĩmozo. ¿Te co'eya ĩque cal mozo? Ja'ni cal c'a mozo, ja'ni tipa'a ĩpicuejma', tenant'hi'ma ĩpenic', ĩle lipo'no'ipa ĩpoujna. Ti'e'mola' cuenna locuenaye lam mozó nomana' ĩłpe lajutł. Ti'huaicoł' al 'hora, tites'mi'mola'.

⁴⁶ Ticuainatsi ĩpoujna, tixim'ma ĩmozo ti'ay to licuxe'epa. ĩque cal mozo loyaicoya al c'a.

⁴⁷ Camilhuo' al ĩnca: ĩpoujna tepi'i'ma xonca al cueca' łanic'. Tepi'i'ma quimane ticuxeł' jahuay ĩ'huexi.

⁴⁸ Ja'ni ĩxcay xans, cal mozo timi'moxi: "Łaipoujna ticołi, aimicuaiya".

⁴⁹ Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iya ĩque cal mozo?

⁵⁰ Anuli litine, ĩłpe litine aimi'huaijma ĩpoujna, ĩłe al 'hora aimixhuełma, ticuainahuo ĩpoujna.

⁵¹ Tetetsuf'ma, tecajm'mita pe lomana' ĩnfel'miyale, ĩłpe tijolijta, ti'ĩc'ta ĩł'ay.

25

¹ 'Licuaitsi litine ticuaihuo cal Cuecaj Rey Nopa'a lema'a, tepenuftsula' lixanuc', ĩne naihuejcopá, ti'i'ma to li'ipa litine ĩpalunca imbama' lahuats'la. ĩe litine titalecufta, tecanna łamaneya, ticuai'ecu ĩłpiya lo'iyoya ĩjuic łamaneyoya. Anuli anuli ĩłtaic' ĩłpepalc'o'.

² Amajxi lahuats'la ts'ĩłpicuejma', locuenaye amajxi lahuats'la ailopa'a quĩłpicuejma'.

³ Lamac'ta lahuats'la, ĩtai'me ĩłpepalc'o' aiquĩłtaic' quileceite timanumf'eta ĩłpepalc'o'.

⁴ Lahuats'la ts'ĩłpicuejma' ĩtai'me ĩłpepalc'o' jouc'a ĩłtaic' ĩleceite.

⁵ Ticołi łamaneya, aiquicuaiyunni. Jahuay lahuats'la icuinni quilehui, ĩxmai'me.

⁶ 'Nolojmay quipuqui' icuej'me tija'anni, ticuayi: "Icuai'co'ma fa'a łamaneya. Tuntouyunca, ałtalecufta."

⁷ Jahuay lahuats'la ĩmaf'i'me. Etuf'me ĩłpepalc'o', ĩnai'i'me.

⁸ Lamac'ta lahuats'la ĩpalaic'om'mola' ts'ĩłpicuejma', timinnila': "¿Tolsinłe! ĩna'a ĩłpepalc'o' joupá tipica. Ałc'i'itsonga' tutani calaceite."

⁹ Lahuats'la ts'ĩłpicuejma' ĩtalai'e'me, timinnila': "A'ĩ. Aimi'iya. Ja'ni ałc'i'ĩsolhuo' ĩllanc' lahue'e'monga'. Tonłełe petsi locuquimpá, toł'natsa colaceite."

¹⁰ Miyeyi ti'nata quileceite, icuaiyunni łamaneya. Lahuats'la ts'ĩłpicuejma' iyejmale'me łamaneya. ĩsufłai'me jouc'a łamaneyoya. ĩx'nifcom'me al puerta.

11 Icuaitsa locuenaye lahuats'la. Ija'a'me, timiyi: “Maɫpoujna, maɫpoujna, laxi'e'etsonga' lopuserta”.

12 Łamaneya timila': “Iya' camilhuo' al ĩnca: Aicainimetsaicolhuo'.”

13 Jesús timila' ts'ilihuequi:

—Imanc' ti'hua toɫpo'note cuenna. Aicoɫsina' ni litine ni al 'hora cacuaiconanni.

14 'Lo'iya ti'onɫcospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quiɫ'huexi, iħne tixinte lo'e'eyacu.

15 Anuli epi'i'ma amaquej tomí, locuena epi'i'ma oquej tomí, locuena epi'i'ma ma le'a anuli, ma to mipa'a liɫpicuejma'. Lijou'ma ipanni, i'hua'ma aculi'.

16 'Cal mozo łepenufpa amaquej tomí ixhuico'ma al tomí, ulij'ma i'nif'caitsi amaquej tomí.

17 Cal mozo łepenufpa oquej tomí jouc'a i'nif'caitsi oquej tomí.

18 Cal mozo łepenufpa anuli al tomí itai'ma, i'hua'ma, ipu'ma łamats', emu'ma ĩle al tomí lepi'ipa ĩpoujna.

19 'Axpe' quitine icoɫhuo'ma ĩɫpoujna lam mozó. Lijou'ma icuainanni. Icuis'e'mola', timila': “¿Te conɫ'ecopa al tomí lainepi'ipolhuo'?”

20 Cal mozo łepenufpa amaquej tomí itaic' imbamaj tomí. Timi ĩpoujna: “Maipoujna, alapi'ipa amaque' al tomí. ¡Toxinɫa! Nulijpa amaque', i'ipa imbama'.”

21 ĩpoujna timi: “Ac'a lo'epa. Ima' unc'a mozo. Latenɫcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a aɫmajm'me anuli. Tixoj'ma calata.”

22 'Icuaitsi cal mozo łepenufpa oquej tomí. Timi ĩpoujna: “Maipoujna, alapi'ipa oquej tomí. ¡Toxinɫa! Nulijpa oque', i'ipa amalpu'.”

23 ĩpoujna timi: “Ac'a lo'epa. Ima' unc'a mozo. Latenɫcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a aɫmajm'me anuli. Tixoj'ma calata.”

24 'Lijoujma icuaitsi cal xans łepenufpa anuli al tomí. Timi ĩpoujna: “Maipoujna, ima' aiximhuo' te ts'i'ic' lopicuejma'. Aiximhuo' ima' untá xans. Aimoxina' cuanuc'. Ima' aimofaya, tijouɫa' tapenuf'ma jahuay łaiपा'ampa. Aimaca'neya cal trigo, tijouɫa' jahuay lafot'leya tapenuf'ma.

25 Lai'nujuaitsi toɫta'a lo'ejma', iya' aɫspaicunni, ai'hua'ma nemutsi łamats' al tomí, ĩle lalapi'ipa. ¡Toxinɫa! ĩta'a ja'a lotomí. Tapenufnaɫa'.”

26 Łapoujna timi ĩmozo: “Ima' mixcay mozo. Mahui. ¿Te aɫnca oxina' aicafaya, tijouɫa' capenuf'ma jahuay łaiपा'ampa? ¿Te oxina' aicaca'neya cal trigo, tijouɫa' jahuay lafot'leya capenuf'ma?”

27 Ne', ne'. ¿Te comemucopa laitomí? Najmay mecantsi al banco. Toɫta'a capainanni, capenufna'ma jouc'a lulijpa laitomí.

28 ¡Txic'enale al tomí! Tepi'inaɫe ĩque ts'i'hueca imbama' al tomí.

29 Pe ts'i'hueca ĩle lulijpa, xonca tepi'im'me. ĩque ti'huej'ma xonca. Pe aiqui'hueca, aiculiqui, txic'em'me ĩle lepi'impa.

30 ĩca'a cal mozo pe aiqui'aic' canic', tolacanguf'me pe lopa'a al muf. ĩɫpe tijolijta, ti'ĩlc'ta liɫ'ay.”

31 'Iya' ĩque cal Xans Łiximpa cal profeta, cacuaiconanni aɫsim'ma aɫ'onɫcota to ŁanDios. Jahuay lainepaluc' aɫejmalecu. Cacutshuai'ma laicuecaj asiento, iya' ninCuecaj Juez.

32 ĩɫpiya tefot'lena'moɫsi lan xanuc' quiyouyomma ni petsi li'a łamats', jahuay lan nación. Ma to łapoujna mot'ɫ tenaquila' lipinneja, ĩħne

ihuantseyołtsi lam mot'ł jouc'a lan chivo, ma tołta'a iya' canaj'mola' lan xanuc'.

³³ Al c'a camane capo'no'mola' lam mot'ł. Loxa camane capo'no'mola' lan chivo.

³⁴ Tijołta' iya' ninRey capalaic'o'mola' ihniya nomana' al c'a camane, cami'mola': "Imanc', cai'Ailli' joup'a ipaxnepolhuo'. Tuntouyunca. Tolapenufle lapi'iyacolhuo' LanDios. Tepi'i'molhuo' lołmane tołcuxete. Lilanc'epa li'a lamats' tołta'a joup'a ixpic'epa LanDios. Itsiya tepi'i'molhuo'.

³⁵ Luyaipa quitine ałtoc'ipa, itsiya lo'iyacolhuo' al c'a. Iya' ma cunle'e, imanc' ałtes'mipa. Iya' micui caija', imanc' aluhui'ipa caija', aixnapa. Iya' nipayomma aculi', laicuita lołpıya' imanc' lapi'ipa cainejut'ł.

³⁶ Iya' ma lahue'e' cai pijahua', imanc' alummi'ipa cai pijahua', aipo'nopa. Iya' lalaxtafpa, imanc' al'epa cuenna. Iya' ma capa'a lacarza, imanc' alahuejnhuo'ma."

³⁷ 'Ihne lan xanuc' naihuejcopá locuxepa LanDios ałmi'ma: "Małpoujna, ¿te quitine lałsimpoltsi ima' tonle'e, ałtes'mipo'? ¿Te quitine lałsimpoltsi ima' ticui coja', luhui'ipo', oxnapa coja'?"

³⁸ ¿Te quitine lałsimpoltsi ima' mipayomma aculi', locuaita lałpıya' lapi'ipo' comejut'ł? ¿Te quitine lałsimpoltsi ima' ailopa'a copijahua', lummi'ipo' copijahua' opo'nopa?"

³⁹ ¿Te quitine lałsimpoltsi ima' textafhuo' o topa'a lacarza lahuejnhuo'mo'?"

⁴⁰ Iya' ninRey catalai'e'e'mola', cami'mola': "Iya' camilhuo' al linca: Imanc' lołtoc'ipola' ihna'a laipimaye, tama anuli xonca aca'hua ilque lołtoc'ipa, linca ałtoc'iponga' iya'."

⁴¹ 'Tijołta' iya' capalaic'o'mola' ihne nomana' loxa camane, cami'mola': "Imanc' joup'a ecanipolhuo'. Tonłolijle pe laifpa'a. Tontełe petsi łunga aimipica. Ti'hua tunaqui. Ilque łunga LanDios ipo'nopa titeł'mitsola' łonta'a Satanás jouc'a lepaluc'.

⁴² Imanc' aicaltoc'i, itsiya ixcay lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i.

⁴³ Iya' nipayomma aculi', laicuita lołpıya' aicalapi'i cainejut'ł. Lahue'e' cai pijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

⁴⁴ 'Ihne lan xanuc' titalai'e'me, ałmi'ma: "Małpoujna, ¿te quitine lałsimpoltsi ima' tonle'e, o ticui coja'? ¿Te quitine lałsimpoltsi ima' o'huayomma aculi', ocuaita lałpıya', o ailopa'a copijahua', o textafhuo', o topa'a lacarza, y aicaltoc'ihuo'?"

⁴⁵ Iya' catalai'e'e'mola', cami'mola': "Iya' camilhuo' al linca: Imanc' olatets'ipola' ihna'a laipimaye, aicołtoc'ila', tołta'a latets'iponga' iya'. Tama xonca aca'hua ilque lołatets'ipa, ma latets'iponga' iya'."

⁴⁶ Ihniya tiyena'me petsi latełcoya aimijouya. Lan xanuc' naihuejcopá locuxepa LanDios, ituca' loyalaicoyacu ihniya. Jiłne titsuflai'me petsi liłpitine aimijouya.

26

¹ Jesús lijoupa limipola' ts'ilihuequi ihniya łataiquí, ipalaic'ocona'mola', timila':

² —Joupa ołsina' tehue'e' oquej quitine ti'i'ma al juic Pascua. Iya' ilque cal Xans Liximpa cal profeta pu'hua lema'a. Ałcu'ma, lapalts'inginna lancruz.

³ Lixanuc' cal cuecaj ca'ailli' jouc'a lan tsilaj xanuc' noxpıjpa łataiqui' efot'le'moltsi lejut'ł cal cuecaj ca'ailli' cuftine Caifás.

⁴ Jiłpe ixpic'e'me łataiqui' tifel'mi'me Jesús, ti'nołte, tima'anłe.

⁵ Ticuayi:

—Mi'i juic aimał'nołyacu, tixtulecu lan xanuc', titsolhuicu.

⁶ Jesús tipa'a liłya' Betania, lejut'ł Simón, iłque lixałconapa lehui lepra.

⁷ Jiłpe anuli łaca'no' icuaitsi pe lopa'a Jesús. Itaic' lipulu ilajncopa apic cuf-tine alabastro. Ite lipulu tinango laceite tujuej c'a, acueca' lipitali. Micutsuya Jesús titesma łaca'no' iłoc'huai'ma, ic'ef'i'i'ma lijuac iłe laceite.

⁸ Lixim'me tołta'a lo'epa łaca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali.

⁹ Coła' icule'ma. Jiłe al tomí lolijya tepi'im'mola' lan xanuc' pe aiqul'hueca.

¹⁰ Jesús ixina' lonespa. Timila':

—¿Te colıueł'micopa łaca'no'? Ac'a iłta'a li'epa. Latenłma.

¹¹ Jahuay iłiné ma fa'a timana' lan xanuc' pe aiqul'hueca. Iya' aicapajnconaya. Aimałmajnconayacu anuli.

¹² Lałc'if'ipa iłta'a laceite lojuepa ac'a, joupa enanłpa iłe lał'e'nya ai'a laminna.

¹³ Iya' camilhuo' al linca: Aimimenc'ecoyacu li'epa iłca'a łaca'no'. Ni petsi li'a łamats' loya'anyacu Lataiqui' loya'apa iłe al c'a lixpıc'epa ŁanDios, tuya'am'me jouc'a iłe li'epa iłca'a łaca'no'. Lan xanuc' ti'nujuaisnata.

¹⁴ Anuli iłniya limbamaj coquexi' ts'ilihuequi Jesús, iłque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'.

¹⁵ Timila':

—¿Tojua lapi'i'ma ja'ni cacu'ma Jesús? Imanc' toł'nołta.

Iłniya inefo'me ti'najtse'e'me anuxans quimbamaj tomí aplata.

¹⁶ Małpe 'hora Judas ipango'ma ehue'me te co'eya micuya Jesús.

¹⁷ Joupa icuai'ma litine titem'me la'i aiqulajncojma levadura. (Tołta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi calłanc'eyoyacu calsmocoyoyacu al juic Pascua? ¿Te cofcuapa?

¹⁸ Timila':

—Tonłte leliłya' Jerusalén, lejut'ł anuli cal xans, tołmitsa: “Łałpomxi timihuo': Joupa icuaico'ma laiftełcoya. Lomejut'ł alsmocoyo'me al juic Pascua, iya' jouc'a ts'alihuequi.”

¹⁹ Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua.

²⁰ Joupa ummuhuita, Jesús tixmocoyi jouc'a limbamaj coquexi' ts'ilihuequi.

²¹ Mitetsoyi, Jesús timila':

—Iya' camilhuo' al linca: Anuli imanc' alcu'ma.

²² Iłniya ixhuełconca juaiconapa, ihuotsonca. Anuli anuli timiyi:

—Maipoujna, ¿te iya'? Iya' a'i.

²³ Jesús italai'e'e'mola', timila':

—Ma małtetsoyi nalacajm'miyacu lałmane al pime anuli, iłque łalcuya.

²⁴ Iya' iłque cal Xans Liximpa cal profeta pu'hua lema'a. Tama ca'hua'ma laipene ma to loya'apa al Paxi Linilingiya, iłque cal xans łalcuya, a'ijc'a loyaicoya. Juaiconapa acueca' titełco'ma iłque, ticuaj'moxi, ticua'ma: “Coła' aicaipajntsi iya”.

²⁵ Judas, iłque łocuya Jesús timi:

—Momxi, ¿te iya'?

Jesús italai'e'e'ma, timi:

—Al linca lofcuapa.

²⁶ Mitetsoyi Jesús epef'ma la'i, ix'najtsi'i'ma ŁanDios, ixquetsuf'ma, epi'i'mola' ts'ilihuequi, timila':

—Tolapenufle. Tołtele. Iłta'a aicuerpo.

27 Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':
—Tołsnate jahuay imanc'.

28 İta'a aijuats' tilinc'i'ma al ts'e cataiqui' LanDios lopo'no'ipola' lixanuc'. Caxcuajai'ma laijuats' tołta'a cunłu'e'mola' axpela' lan xanuc', tilonc'e'em'mola' liłjunac'.

29 İya' camilhuo', jifa'a li'a lamats' aicaxnaconaya al vino. Litine tixinle cai'Ailli' LanDios ticuxe, ile litine caxnaconna. İhya al ts'e vino ałsnata anuli.

30 Unac'li'me anuli al salmo, ipalunca. İye'me İjuala Olivo.

31 Jesús timila' ts'ilihuequi:

—İta'a lipuqui' imanc' tonlanaj'mołtsi. Ałpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma İłpoujna lam mot'ł, İłque tima'ma. Lam mot'ł tica'ne'mołtsi.”

32 Camaf'ina'ma. Tijoula' ti'ila' tołta'a ca'hua'ma al distrito Galilea. İłpe ca'huaicotolhuo'.

33 Pedro timi Jesús:

—Tama tixtuc'otso' jahuay laipimaye, tenajtsołtsi, İya' a'i. İya' ma qui-huej'mo'.

34 Jesús italai'e'e'ma, timi:

—İya' camihuo' al linca: İta'a lipuqui', ai'a tija'a'ma langiti, ima' tones'ma afanemma: “Aicainimetsaijma Jesús”.

35 Pedro timi:

—Tama ałma'atsonga' anuli, aicanesya: “Aicainimetsaijma Jesús”.

Ma' anuli licua'me jahuay locuenaye ts'ilihuequi Jesús.

36 Jesús jouc'a ts'ilihuequi icuaitsa İłpe cuftine Getsemanı. Jesús timila':

—Imanc' tołcutsołtaile jifa'a. İya' ai'huapa lu'hua, capalaic'ota cai'Ailli'.

37 İleco'mola' Pedro jouc'a loquexi' linaxque' Zebedeo. İpango'ma İhuotso'ma. Tixina ipime İile lo'İya.

38 Timila':

—Juaiconapa cahuosma, tocomma ałma'a'ma lixhuejma'. Tołmanenca fa'a. İłpe capalaic'ota LanDios. Imanc' ałtoc'i'ma. Ma fa'a tołpalaic'o'me LanDios jouc'a. Aimołsmai'me.

39 Uyai'ma nihuata, İxpatshuai'ma lamats', tixa'hue LanDios, timi:

—Mai'Ailli', ja'ni nipajnya ti'i'ma liłonc'e'ełta' İta'a laiftełcopa. Ja'ni aimi'İya, ne', ti'ila' lołxpicepa, a'i to İya' lalatenłcocoa.

40 İpainanni, icuai'ma pe lomana' ts'ilihuequi. İxim'mola' tixmaiİyi. Timi Pedro:

—¿Te ailopa'a cołpujfxi? ¿Ni' anulij hora aimi'İya mołmaf'İyacu? ¿Te aimi'İya mołtoc'İya?

41 Tołmaf'İle. Aimołsmai'me. Tołsahue'ełe LanDios titoc'itsolhuo', aime-huaiyim'molhuo'. Imanc' tołcuayi: “Ałsnet'İ'me”. A'i, lołcuerpo aimitoc'ilhuo'. Aimi'İya mijucoya.

42 İ'huacona'ma, İxa'huecona'ma LanDios, timi:

—Mai'Ailli', ja'ni aimi'İya malılonc'e'eya laiftełcopa, ja'ni joupa oxpic'epa catełco'ma, ma tołta'a ti'ila'. Ne', tixhuaitsi laiftełcopa.

43 İpaiconamma pe lomana' ts'ilihuequi. İxingona'mola' tixmaiconayi. Tixinyi timufquemma lił'u'. Ticui quilehui.

44 İpo'nocona'mola' quıłtuca'. Joupa i'İpa afanemma mipalaic'o LanDios. Ma' anuli tixa'hue.

45 İcuaiconanni pe lomana' ts'ilihuequi. Timila':

—¿Te ti'hua tołsmaiİyi? ¿Te ti'hua tulunxajyi? ;Tołsinle! Joupa icuai'ma lai'hora. İya' İłque cal Xans İximpa cal profeta pu'hua lema'a, joupa ałcumpa. İcuaita quıłmane lan xanuc' pe aimihuejcoyi LanDios.

46 ¡Tołsolinca! ¡Ĥenapá! TołsinĤe jĥcu'hua icuaico'ma Ĥalcuya.

47 Mipalay Jesús icuaitsi Judas, ĥque anuli ĥniya limbamaj coquexi' ts'ĥlihuequi Jesús. Ĥlecola' axpela' lan xanuc', ĥtaic' ĥĥ'espada, ĥĥ'ec. Ummem-pola' lixanuc' cal cuecaj ca'ailli' jouc'a lan tsilaj xanuc' noxpĥjpá lataiqui'.

48 Ĥque nocuya Jesús joupā imipola' ĥne lan xanuc': "Ĥya' camuc'ĥtolhuo' naitsi Jesús. Ĥque Ĥaĥtuc'oya maĤque Jesús. ¡Toł'noĥe!"

49 Aiquicoł'ma. Judas icuaitsi pe lopa'a Jesús, inom'ma, timi:

—¡Momxi!

Ituc'o'ma.

50 Jesús timi:

—Maipima, ĥe lof'eya, ĥto'eĥa'!

Lan xanuc' icuaitsa, i'noł'me Jesús.

51 Anuli ĥĥejmale Jesús ipa'a'ma ĥ'espada, ixcai'e'ma ĥimozo cal cuecaj ca'ailli', etec'e'e'ma lix'mas.

52 Jesús timi:

—Tamuf'minĤa' lo'espada licubierta. Jahuay noma'ahualecopá a'espada, ĥne tima'acom'mola' jouc'a a'espada.

53 Ĥya' nipajnya cajoc'i'ma cai'Ailli', ĥque aimicoĤya, tumme'mola' lepaluc' quema'a, ticuaicu pe laifpa'a. Juaiconapa axpela' tumme'mola', tixhuais-pola' to imbamaj coquexi' lincuxepa jouc'a lanxpela' ĥlepaluc', o xonca. LunĤu'ena'ma. ¿Te aicołsina' toĤta'a?

54 Ĥya' aicajoc'iya cai'Ailli'. Ja'ni cajoc'ĥa', ¿te co'iya menanĤya al Paxi Linĥingiya loya'apa? Ĥe lataiqui' tuya'e' toĤta'a laĥ'iya.

55 Jesús ipalaic'o'mola' lanxpela' xanuc' ĥicuaiyunca ti'noĥe. Timila':

—¿Te cołcuaiyoco'me fa'a oĤtaic' lo'espada, lo'ec aĥ'noĥa'? ¿Te tołcuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ĥla' lan xanuc', a'ĥ cal'noli.

56 Ne'. TenanĤa' ĥĥtaiqui' luya'apa lam profeta. Ĥniya joupā uya'apá laĥ'iya toĤta'a.

Lixanuc' Jesús inulai'me, ipo'no'me Jesús quituca'.

57 Lan xanuc' li'noł'me Jesús ĥleco'me pe lopa'a cal cuecaj ca'ailli' cuftine Caifás. Jĥpe joupā efot'ĥeyołtsi lomxiye nomuc'iyalepá locuxepa ĤanDios, jouc'a lan tsilaj xanuc' noxpĥjpá lataiqui'.

58 Pedro ĥhuej'ma aculi'. Ĥicuaitsi lejut'Ĥ cal cuecaj ca'ailli' ĥtsufai'ma ĥipuna quejut'Ĥ, ĥcutsingai'mola' lepaluc' al cuecaj xoute'. Ti'ĥuaico'ma lo'iya.

59 Lixanuc' cal cuecaj ca'ailli' jouc'a lan tsilaj xanuc' noxpĥjpá lataiqui' ĥpic'a tixpic'enĤe tima'anĤe Jesús. Tehuennila' nofelĥaiquepá ticufle, tinesle: "ToĤta'a, toĤta'a lo'epa".

60 Axpela' ĥinfel'miyale ĥcuf'me Jesús. Ĥniya aiqui'ic' quilecani'e. Ĥcuaitsa oquexi' ĥinfel'miyale.

61 Ĥniya ĥcuf'me Jesús, ĥnes'me:

—Ĥca'a cal xans ĥcuapa: "Ĥya' cateł'ma lejut'Ĥ ĤanDios. Ti'ĥa' afane' quitine, iya' joupā ailanc'enapa."

62 Ecax'ma cal cuecaj ca'ailli', timi Jesús:

—Ĥne lan xanuc' ticufhuo'. ¿Te aimotalai'eyacola'?

63 Jesús i-ch'ixco'ma. Cal cuecaj ca'ailli' timi:

—ĤanDios Ĥimaf'i' joupā lapi'ipa ĥaimane cacuxe'e'mo', lu'itsonga'. AĤmĥla' ¿te ima' unCristo i'Ĥua ĤanDios?

64 Jesús timi:

—Al ĥinca lofcuapa. Ĥya' camĥhuo' jahuay imanc', ticuaihuo' litine imanc' ałsim'ma ma cacutsu al c'a camane cal Cuecaj CanDios. Ĥya' ĥque cal Xans

Liximpa cal profeta pu'hua lema'a. Imanc' ałsim'ma quimuhuo lema'a, cacuaiyoconno łamats' nolojmay cummahuay lema'a.

⁶⁵ Licuej'ma jilpiya licuapa Jesús, cal cuecaj ca'ailli' its'ał'ma lipijahua'. Tołta'a imujpa lipoyac'. Aiquetenłcoco'ma licuapa Jesús. Ipalaic'o'mola' lixanuc', ilne nomana' jilpe, timila':

—Ilque cal xans tetets'i ŁanDios. Ixcay linespa. ¿Te calahuecoyacola' ocuenaye xanuc' ticufle? Joupa ołcuejpa imanc' linespa, etets'ipa ŁanDios.

⁶⁶ Imanc', ¿te colcuapá?

Ilne italai'e'e'me timiyi:

—Tipa'a lijunac'. ¡Tima'anle!

⁶⁷ Ipango'me itsułco'me li'a, untaf'me, ete'me.

⁶⁸ Timiyi:

—Ima' unCristo, tocua'ała' naitsi luntafpo'. Ima' lu'itsonga'.

⁶⁹ Pedro ticutsu łuna. Iloc'huai'ma anuli łahuats', timi:

—Ima' jouc'a unłejmale Jesús łas Galilea.

⁷⁰ Pedro icuanaj'ma, timi:

—Aicaicueca lofnespa.

Lan xanuc' nomana' jilpiya icuej'me locuapa.

⁷¹ Pedro enaj'moxi, i'hua'ma jilpiya lotsufaicompa lane. Jilpe ocuena łahuats' ixim'ma. Ilque ipalaic'o'mola' lan xanuc' nacaxołanna, timila':

—Ilque cal xans iyejmalepa Jesús łas Nazaret.

⁷² Pedro inescona'ma, icuanajcona'ma. I'e'ma jurar, timi:

—Aicainimetsaijma ilque cal xans.

⁷³ Uyai'ma nihuata. Ilne nacaxołanna iloc'huai'me małpe lacaxu Pedro. Timiyi:

—Ma' ałınca ima' onłejmale Jesús. Ma to mipalaiyi lun Galilea, jouc'a ima' topalay. Ima' mas Galilea.

⁷⁴ Pedro i'econa'ma jurar, timila':

—Iya' camilhuo' al łınca. Ja'ni a'i, ałma'ała' ŁanDios. Aicainimetsaijma ilque cal xans.

Aiquicoł'ma. Ija'a'ma łangiti.

⁷⁵ Pedro i'nujuaitsi ilne lu'i'ma Jesús, limi'ma: “Ai'a tija'a'ma łangiti, ima' tones'ma afanemma: Aicainimetsaijma Jesús.” Ipanni, ijojpa talay łunxajma'.

27

¹ Li'ipa quitine, lixanuc' cal cuecaj ca'ailli' jouc'a lan tsilaj xanuc' noxpjipá lataiqui' efot'łecona'mołtsi. Ixpice'me tima'anle Jesús.

² Ifi'e'me Jesús, ileco'me jilpiya pe lopa'a cal gobernador romano cuftine Pilato.

³ Łicupa Jesús, cuftine Judas, lixim'me tima'anna Jesús, ixhuej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. Icuftintsola' liłtomí.

⁴ Timila':

—Aiximpa ixcay lai'epa. Aicupa ilque cal xans tima'anle. Ailopa'a quijunac'.

Ilne italai'e'e'me, timiyi:

—Illanc', ¿te cał'eyacu? Ima' cotuca' o'epa. ¡Toxinła' ima'!

⁵ Judas eca'nipa al tomí al cuecaj xoute'. Ipanni, i'hua'ma ijujnyoxi.

⁶ Lixanuc' cal cuecaj ca'ailli' epef'napá liłtomí. Timiyołtsi:

—¿Te cał'e'eyacu ilta'a al tomí? Ilta'a ał'najtse'ecopá Judas ticuła' Jesús tima'anle. Aimi'iya mał'huantsiyacu al tomí li'huexi al cuecaj xoute'.

⁷ I'e'mołtsi anuli liłpicuejma'. Timiyołtsi:

—Ita'a al tomí ał'naco'me łemats' łintalhuałpa capixu. Jıłpe lamutola' lan xanuc' noyouyomma ocuenaye nación.

⁸ Jıłpe łamats' ecui'impá ocuena quipuftine, ecui'ipá: Amats' cajuats'. Itsiya litine tołta'a tecui'inni.

⁹ Tołta'a enanłpa licuapa cal profeta Jeremías luya'apa: “Epef'na'me al nuxans quimbama' tomij plata. Jıłpiya pe lomana' lan xanuc' İsrail İhiya al tomí ti'ommaita lo'nacompa anuli cal xans.

¹⁰ Lijou'ma małe al tomí i'nacopá łemats' łintalhuałpa capixu. Tołe lałcuxe'epa łalPoujna ŁanDios.”

¹¹ Jesús tecaxu pe lopa'a Pilato, cal gobernador romano. İłque icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?

Jesús italai'enni, timi:

—Al łınca lofcuapa.

¹² Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' icuf'me Jesús. İłquiya aikuipalaic', aikuitalai'e.

¹³ Pilato icuis'e'ma, timi:

—¿Te aimocueca locuapa İhiya? Juaiconapa ticufhuo'.

¹⁴ Jesús aikuitalai'e. Ailopa'a quitaiqui'. Pilato ixhuełco'ma. Icuapa lipicuejma': “İłca'a Jesús, ¿te qui'icopa aimitalai'e?”

¹⁵ Ajuic ajuic Pascua cal gobernador romano tux'masqui anuli łitats'İya, to mixahue'eyi lan xanuc'.

¹⁶ İhe litine tipa'a anuli cal xans łitats'İya cuftine Barrabás. İłque jahuay imetsaiconni.

¹⁷ Lijoupa lefołunni, Pilato icuis'e'mola', timila':

—¿Naitsi caifnux'masya? ¿Naitsi ts'olıpic'a? ¿Olıpic'a Barrabás? O ¿olıpic'a Jesús, İłque łacui'İmpa cal Cristo? ¿Te colıcuapa?

¹⁸ Tołta'a licuapa Pilato, timetsaicola' İhiya lan xanuc' liłpicuejma', İhne nicuai'eta Jesús. İxina' ma ti'eyi laic'.

¹⁹ Micutsu Pilato ti'ay lipenic' to cal juez, łıpeno umme'ma cataiqui', ticua: “İma' topo'noxoxi cuenna. İłque cal xans ailopa'a quijunac', aimo'e'e'ma ni tıntsi. Lipuqui' aipaiyocopa İłquiya. Ałspaijpa juaiconapa.”

²⁰ Lixanuc' cal cuecaj ca'ailli' jouc'a lan tsilaj xanuc', joupa İxc'ai'İmpola' lan xanuc', imimpola':

—Tołsahue'ełta' Pilato, tołmiłe: “Tox'masla' Barrabás, tocuxełta' tima'anłe Jesús”.

²¹ Pilato icuis'e'mola', timila':

—İłna'a loquexi' litats'İla', ¿naitsi caifnux'masya? ¿Nai ts'olıpic'a?

İtalai'enca, timiyi:

—İBarrabás!

²² Pilato icuis'e'cona'mola', timila':

—¿Te caif'e'eya Jesús, İłque łacui'İmpá cal Cristo?

Jahuay italai'enca, timiyi:

—İTapałts'İjnla' lancruz!

²³ Pilato icuis'e'cona'mola', timila':

—¿Te qui'epa? ¿Te caifnepałts'İjncoya lancruz?

Lan xanuc' xonca ułfxi İja'a'me, timiyi:

—İTapałts'İjnla' lancruz!

²⁴ Pilato İxina' aimulijya. İxim'mola' İxtulencia, epat'ł-tola' liłpicuejma'. İcuxe'ma ti'hua'anca quija' tulouco'ma, tixinłe lan xanuc' İle lo'eya. Timila':

—Ja'ni imanc' tołspic'eyi tima'anłe İłca'a cal İjca xans, İya' aıcataiyinge lajunac'. İmanc' łınca tołtaiyijm'me lołjunac'.

25 Jahuay italai'enca, timiyi:

—Ne'. Altaite laɬjunac' illanc' jouc'a laɬnaxque'. ¡Tima'ante!

26 Pilato ux'masna'ma Barrabás, ma to lixahue'e'me lan xanuc'. Icuixe'ma tipaɬe Jesús. Lijou'ma icu'ma Jesús tileco'me lan soldado, tepaɬts'ijnta lancruz.

27 Iɬniya lisoldado cal gobernador ileco'me Jesús, itsufai'e'me lejut'ɬ Pilato. Jiɬpiya efot'ɬe'moɬtsi jahuay liɬ'as soldado.

28 Ipa'e'me lipijahua', ipo'no'i'me anuli litoqui lijahua' unxali, to lopo'nopa lan rey.

29 Ipuɬ'me anuli al corona quitac, ic'ommof'i'i'me ɬijuac. Al c'a camane i'noɬ'i'i'me anuli al jaxa. Exc'onɬingai'me, ixoco'me, timiyi:

—Aɬnonghuo', ima' unrey. Ima' tocuxe'mola' lan xanuc' judío.

30 Itsuɬco'me. Exic'e'ena'me al jaxa, ipango'me untaɬ'e'eco'me al jaxa ɬijuac.

31 Lijoupa lixocopa, ipa'ana'me lijahua', ipo'no'icona'me ma lipijahua'. Ileo'me petsi lapaɬts'ijnyoyacu lancruz.

32 Lipalunca, licuaitsa lane, italecuɬ'me anuli cal xans cuftine aSimón. Iɬque cal xans a'i quipiɬya' jiɬpe Jerusalén. Lipiɬya' lipuɬtine Cirene. Iɬque icuxe'e'me titaiɬa' lencruz Jesús.

33 Icuaitsa petsi cuftine Gólgota, iɬta'a lataiqui' lohuaɬquemma: Pe lopa'a ɬecoye.

34 Jiɬpiya icuɬim'me Jesús al vino uhuantsi acuaj c'ec. Tixnaɬa' iɬe al vino aijtine mixingufcoya ɬumla. Jesús ixnac'opa, lijoupa aikuixnaic'.

35 Epaɬts'ingim'me lencruz.

Iɬniya lan soldado no'epaj cuenna Jesús if'ilco'me, ixim'me naitsi nolijya lipijahua'.

36 Icutsoɬai'me, i'e'me cuenna.

37 Al toncay ɬijuac Jesús epaɬts'ingimpa lacaxma, jijiya iniɬiya licuɬcopa. Tuya'e': "Ica'a Jesús, ɬiɬrey lan xanuc' judío".

38 Jouc'a Jesús epaɬts'ingila' oquexi' lan namats'. Anuli tipa'a al c'a camane, ɬocuena loxa camane.

39 Lan xanuc' luyalaico'me jiɬpiya imiloj'me cataiqui', ife'ne'me ɬijuac,

40 timiyi:

—Ima' noɬmeteɬya al cuecaj xoute', tuyaiɬa' afane' quitine joupa olanc'enapa, jiɬsiya tonɬu'exoxi! Ja'ni ima' i'Hua LanDios, ¡taimunni lancruz!

41 Toɬiya ixoco'me jouc'a lixanuc' cal cuecaj ca'ailli', jouc'a lomxiye no-muc'iyalepá locuxepa LanDios, jouc'a lan tsilaj xanuc' noxpipjá lataiqui', tinesyi:

42 —Iɬquiya unɬu'e'mola' locuenaye. Itsiya aimi'i munɬu'eyoxi. Illanc' ixanuc' Israel, ja'ni iɬque aɬrey, ¡timunni lancruz! Toɬe ɬinca lapenuɬ'me.

43 Iɬquiya ti'huaiyinge LanDios. Ticua: "Iya' i'Hua LanDios". Ne'. Ja'ni LanDios timetsaicojma, tunɬu'eɬa'.

44 Loquexi' lan namats' lepaɬts'ingila' jouc'a, iɬniya ixoco'me.

45 Al menac'o imuɬc'o'ma lema'a. Ni petsi jiɬpiya ɬamats' tocomma ipuqui'. Afanej hora icoɬpa al muɬ.

46 Ixhuaitsi to al fanej hora, Jesús ija'a'ma ujɬxi, ticua:

—Elí, Elí, ¿lama sabactani?

Iɬiya lataiqui' luhuaɬquemma: Ima' mainenDios, ¿te calacanuɬcopa?

47 Lan xanuc' nacaxhuoɬanna jiɬpiya, oquexi' afantsi iɬniya icuej'me lines'ma Jesús, ines'me:

—Tijoc'i' cal profeta Elías.

48 Anuli iɬniya aikuicoɬ'ma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'noɬ'e'ma, icuai'etsi lico Jesús, titsif'la'.

49 Ocuenaye ticuayi:

—¡Tole! Ałsim'me ja'ni ticuaihuo Elías tunlu'e'ma.

50 Jesús ija'acona'ma ujfxi. Ummena'ma ti'huanla' hi'espíritu, imana'ma.

51 Jiłpe al cuecaj xoute' al paxi lajut'l' lotsufaicompa etemf'icoya anuli lijahua'. Limana'ma Jesús, iłe lijahua' its'ałnuf'i'ma, ijof'ico'ma al toncaj, xejmay i'i'ma. Inu'ma łunanto, ixquetsuf'i'ma lapic'.

52 İna'a liłpu'hua limanapola' exinni. Axpela' limapola' imaf'ina'me, iłne ma li'huij'epola' ŁanDios.

53 İne ipalunca liłpu'hua. Limaf'ina'ma Jesús iłniya itsuflaipá Jerusalén, iłe al paxi quiłya'. Axpela' lan xanuc' ixinim'mola' iłniya nimaf'inapá.

54 Liłpincuxepa lan soldado, jouc'a lan soldado iłne no'epá cuenna Jesús, lixingufco'me łunanto, jouc'a jahuary li'i'ma, tixpailiquila' juaiconapa, timiyoltsi:

—Ma ałınca iłca'a cal xans i'Hua ŁanDios.

55 Jiłpe timana' axpela' lacał'no'. Huata caj culi' tecaxolanna, tehuelojnyi lo'ipa. İne lacał'no' itoc'ipá Jesús. İpalunca al distrito Galilea, ihuej'me Jesús, icuaitsa Jerusalén.

56 Anuli iłniya lipuftine María łas Magdala, łocuena cuftine María, iłque ił'máma' Jacobo y José. Jouc'a tipa'a quił'máma' Jacobo y Juan, iłniya loquexi' quił'ailli' Zebedeo.

57 İf'acolaipa. İcuaitsi anuli cal xans łas Arimatea, cuftine aJosé. İłque cal xans acueca' qui'huexi. İhuequi Jesús.

58 İ'hua'ma pe lopa'a Pilato. İxahue'etsi tepi'inle licuerpo Jesús. Pilato icuxe'ma tepi'inale.

59 José epenuf'ma licuerpo Jesús, iju'e'ma anuli al ts'e lijahua' ipuficoya alino.

60 İ'hua'a'me lamu'enyacu Jesús, iłe unts'eja', ats'e. Małque José ipuc'opa łapic, ilanc'epa łunts'eja'. Jiłpiya i'nicotsi Jesús. İmelfai'etsi anuli cal cuecaj capic teti'ico'ma lico cunts'eja'. İ'huaana'ma.

61 Jiłpe ticutsołanna María łas Magdala y łocuena María, tehuelojnyi al pu'hua cunts'eja'.

62 Jiłpe litine avispera. Lihuequi litine ti'i'ma itine conxajya. İłe litine conxajya lixanuc' cal cuecaj ca'ailli' jouc'a lam fariseo iyehuo'me, ixintsa Pilato.

63 Timiyi:

—Małpoujna, ał'nujuaisyi linespa iłque łinfel'miyale. Mipa'a iłque ines'ma: “Tuyaila' afane' quitine camaf'ina'ma, quipayonno pe lomana' lamizhua”.

64 İtsiya ałsahue'ehuo' tocuxela' tiyele łunts'eja', ti'entsa cuenna afane' quitine. Ja'ni a'i, aga tiye'me lipuqui' ts'ilihuequi tinantsenna, tipa'anna. Tijoula' tu'innola' lan xanuc': “İłque imaf'inapa, ipanamma pe lomana' lamizhua”.

65 Pilato timila':

—Ne'. Tonłente. Tołsinna loł'eyacu. Tołhecole colsoldado. Ti'etsa cuenna jiłpiya.

66 İye'me. Jiłpe łapic łopa'a lico cunts'eja' ipa'ninc'itsa łisello cal gobernador romano. İmanenca lan soldado i'e'me cuenna. Ticuayi:

—Aimexi'em'me.

28

1 Joupa uyaipa litine conxajya. İ'ipa quitine al te'a quitine al xamano. María łas Magdala jouc'a łocuenał María iye'me ixintsa łunts'eja'.

2 Licuaitsa nungay łunts'eja' iximpá joupa inupa acuecaj cunanto.

Li'ipa liya imunni lema'a anuli lepaluc laPoujna LanDios. Itque lepaluc quema'a joupa icuaita pe lopa'a hunts'aja', itonc'epa lapic leti'icompá lico cunts'aja', icutsafcaic'.

³ Li'a tunts'ifi to lixcuaflay. Lipijahua' ma afujca to cal nieve.

⁴ Lixim'me lan soldado ixpailij'mola', iyu'mola', imanenca to limac'la.

⁵ Licuaitsa jilpe laca'no', lepaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. Tolahueyi Jesús, itque lepalts'ingimpa lancruz.

⁶ Fa'a ailopa'a. Ma to luya'apa joupa imaf'inapa. Tonloyunca. Tołsinna pe lipo'no'empa.

⁷ Tijoula' aimicoł'molhuo' tonlele pe lomana' ts'ilihuequi. Tołmitsola': "Jesús imaf'inapa. Ipayonamma pe lomana' lamizhua. I'huanapa Galilea. Imanc' tonlele jilpiya. Tołsinnata." Tołta'a laitaiqui', joupa nu'ipolhuo'.

⁸ Laca'no' aits'icoł'mola' jilpiya hunts'aja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixoqui quileta.

⁹ Miyeyi lane italecuf'mola' Jesús. Itque inom'mola' ma to mi'ay. Laca'no' itoc'olai'me, exc'onlingolai'me, i'noł'e'e'me li'mitsi'.

¹⁰ Jesús timila':

—Aimixpailij'molhuo'. Tonlele. Tołmitsola' laipimaye tiyele Galilea. Jilpiya atłsinnołtsi.

¹¹ Lan soldado, itne ni'epá cuenna hunts'aja', joupa iyenapá. Miyeyi laca'no' hualca itniya lan soldado icuainatsa ate'a Jerusalén. Jilniya ipalaic'om'mola' lixanuc' cal cuecaj ca'ailli', uya'a'me jahuay liximpa.

¹² Lixanuc' cal cuecaj ca'ailli' jouc'a lan tsilaj xanuc' noxpajpá laitaiqui' efot'lepołtsi. Ixpice'e'me lo'eyacu. Epi'im'mola' lan soldado acuecaj tomí.

¹³ Icuixe'em'mola', timinnila':

—Toluya'a'me: "Li'ipa lipuqui' icuaita ts'ilihuequi Jesús, ipa'ahuona'me. Illanc' atłsmaipá."

¹⁴ Cal gobernador romano, ja'ni ticuejla' imanc' atłsmaipá, illanc' atłpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaitsa hijuala petsi itque limipola' tiyele.

¹⁷ Jilpiya ixim'me Jesús. Jahuay exc'onlingolai'me. Hualca ixhuelco'me, ticuayi: "¿Te małque Jesús o ocuena?"

¹⁸ Jesús itoc'ai'mola', timila':

—Joupa lapi'impá laimane, cacuxe jahuay lopa'a lema'a, jahuay lopa'a li'a lamats'.

¹⁹ Itsiya camilhuo': Tonlele jahuay li'a lamats'. Ni petsi lomanc'eyacu lan xanuc' tolu'itsola' laitaiqui', lihuejla'. Tolapo'itsola' ti'itsola' ixanuc' cai'Ailli' LanDios, jouc'a aixanuc', iya' i'Hua LanDios, jouc'a ixanuc' cal Espíritu Santo. Tołiya tołcuaj'mi'me lam fane' laftine.

²⁰ Tołmuc'itsola' tihuejcole jahuay laitaiquí laicuxe'epolhuo'. Aicapo'noyacolhuo' cołtuca'. Itine itine atłmajm'me anuli. Ticuaitsi Lijoujma Quitine ma tołta'a atłmajm'me.

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a liniliya lixplic'epa ŁanDios. İhe lataiqui' ac'a loya'apa, tipalaijma Jesucristo, iłque ĩ'Hua ŁanDios. Cu'i'molhuo' te ts'i'ic' lipangopa luya'ampá ĩhe lataiqui'.

² Jiłpe lije'e cal profeta Isaías inilijmpa lo'iya. İhe liniłpa tuya'e' te ts'i'ic' linespa ŁanDios, ticua:

¡Ałquimf'ela'! İya' cumme'ma łainepaluc,
iłque ticuaita ate'a, tilanc'e'eto' lopene.

³ Pe ailopa'a quiłya' iłque tuya'ata, tu'itola' lan xanuc' lafot'leyacołtsi,
tu'itola': "Tołłanc'e'ele lipene łakPoujna.
Toł'e'ele ałijca lane pe loyaicoya."

⁴ Licuaiyunni Juan Bautista enanłpa ĩhe lataiqui'. Małque Juan epaluc ŁanDios ĩpalaicoa Isaías.

Icuaitsi Juan al pana' Jordán pe ailopa'a quiłya'. Jiłpe tepo'iyale. Tu'ila' tixhuej'menanca lo'epa lixcay. Tepoliłe. ŁanDios tiłonc'e'e'mola' liłjunac'.

⁵ Lan xanuc' ni petsi lomana' al distrito Judea, jouc'a jahuary lan xanuc' nomana' liłya' Jerusalén, ipalunca ĩłpilelołya', iye'me, icuaitsa pe lopa'a Juan. Uya'a'me li'epa lixcay. Ticuayi: "Ałsuej'menammas". Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Łitejua' łotepa axamuł y acujua c'ec.

⁷ Tuya'e', tu'ila':

—İya' aicuai'ma ate'a. Tijouła' ticuaihuo ocuena xonca acueca'. İya' aimal'onspa to iłque, caxina alaic'ata, aimi'iya cuhualc'eya lic'ejj'.

⁸ İya' capo'icolhuo' aja', iłque ticuaiyunni tepo'ico'molhuo' cal Espıritu Santo.

⁹ İhe litiné Jesús ipanni al distrito Galilea, jiłpe liłya' Nazaret. İcuaitsi al pana' Jordán jiłpe Juan epo'i'ma.

¹⁰ Lipanni Jesús laja', ixim'ma eximma lema'a, ixim'ma cal Espıritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi.

¹¹ Jesús icuej'ma jiłpe lema'a tipalay, timi:

—İma' mai'Hua, ca'ehuo' capic'a juaiconapa. Latenłma lopticuejma' jouc'a lo'ejma'.

¹² Lijou'ma aiquicoł'ma, cal Espıritu Santo i'hua'a'ma Jesús, icuaitsi pe ailopa'a quiłya'.

¹³ Jiłpiya ipajntsi oquej nuxans quitine pe lomana' lan ximalo quinnejja. Łonta'a Satanás ehua'i'ma. İcuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. İ'hua'ma al distrito Galilea. Jiłpe tuya'e' lixplic'epa ŁanDios, ĩhe lataiqui' ac'a loya'apa.

¹⁵ Tu'ila' lan xanuc':

—Fa'a li'a łamats' ŁanDios cal Cuecaj Rey ticuxela' lixanuc'. Tołsuej'menca. Tolapenufle Lataiqui' loya'apa ĩhe al c'a lixplic'epa ŁanDios.

¹⁶ Anuli litine Jesús ti'hua łema al cuecaj quin'nuhua' cuftine Galilea. İxim'mola' Simón jouc'a Andrés, iłque ipima Simón. İhe lapimaye in'nołpá catuye, tecajm'miyi liłxami laja.

¹⁷ Jesús timila':

—¡Lihuejla'! Capi'i'molhuo' ocuena colpenic'. Aimolahueconayacola' latuye. Tolahuetola' lan xanuc' lihuejla'.

18 Aits'icol'mola'. Simón jouc'a Andrés ipo'no'me hixami. Ihuej'me Jesús.

19 Iye'me nihuata, Jesús ixim'mola' Jacobo i'hua Zebedeo, jouc'a Juan, itque ipima Jacobo. Ihe ticusc'olanna al barco, tipufmot'leyi hixami.

20 Aiquicol'ma, Jesús ijoc'i'mola'. Ihiya ipo'nom'mola' Zebedeo qui'l'ailli' jouc'a no'epá canic' imanenca al barco. Ihuej'me Jesús.

21 Iye'me liya' Capernaum. Litine conxajya i'hua'ma Jesús lajut'l pe lafoiyomma. Jilpiya imuc'i'mola' lan xanuc'.

22 Ihe lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' itque litaiqui'. Laipomxiye nomuc'iyalepá locuxepa LanDios, ihe aimi'onlspola' to Jesús.

23 Jilpiya pe lafoiyomma tipa'a anuli cal xans litsufaipa conta'a. Cal xans ija'a'ma ujfxi.

24 Timi:

—Ima' conJesús mas Nazaret, ¿te cof'epa? ¿Te cotsufaicomma ima' fa'a pe laimana'? ¿Te aga ocuai'ma fa'a ma le'a aljou'ne'monga'? Iya' nimetsaicohuo'. Ima' umPaxi, o'huayomma LanDios.

25 Jesús itale'ma, timi:

—¡Ti-ch'ixcotsó! ¡Taipanni itca'a cal xans!

26 Lonta'a ife'ne'ma ujfxi cal xans, ija'a'ma ujfxi, ipananni.

27 Lan xanuc' nomana' jilpe lajut'l ixim'me acueca' li'ipa. Icuise'e'moltsi, timiyoltsi:

—¿Te jale ita'a lataiqui'? Itca'a Jesús ituca' lomuc'iyalepa. Icueya limane, jouc'a lontahue ticuxela', ihe ticuec'eyi.

28 Aiquicol'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

29 Jesús jouc'a ts'ilihuequi, ihiya Simón, Andrés, Jacobo y Juan, ipalunca lajut'l pe lafoiyomma, iye'me lilejut'l Simón y Andrés.

30 Li'maco Simón tunouya textafque. Tepi'i quipinu'. Aiquicol'ma, u'i'me Jesús textafque laca'no'.

31 Jesús iloc'huai'ma pe lopa'a laxtafpa. I'no'l'e'ma limane. Icutsu'ma lafcuana. Ihojn-na'ma lipinu'. Ixalcona'ma. Itsahuenanni, ites'mi'mola'.

32 Ihe litine joupa if'acoñai'pa i'ipa ipuqui', lan xanuc' itaic' lilefcualay, jouc'a litsufaiyila' contahue.

33 Jahuay lan xanuc' nomana' liya' icuaiyunca, efoñni lico lajut'l.

34 Jesús ita'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Itque ticua: “Lontahue aimuya'acona'me”. Toliya i-ch'ixc'e'mola'.

35 Icuaitsi lili'e'ejma ma' aquipuqui', Jesús itsahuenni, ipanni liya', i'hua'ma petsi ailopa'a quiya'. Jilpe ipalaic'o'ma LanDios.

36 Simón jouc'a lilejmale ehue'me Jesús.

37 Ixim'me, timiyi:

—Lan xanuc' tehuehuo'.

38 Jesús timila':

—Lepá. Lepá laiquitelolaya' lan huejnca lomana'. Ticuicomma cu'itsola' jouc'a ihiya Lataiqui' loya'apa ihe al c'a lixplic'epa LanDios.

39 Ti'huaf'cay jahuay al distrito Galilea, lajut'li pe lafoiyomma lan xanuc', jilpe tu'iyale ihe Lataiqui'. Tipa'e'ela' lan xanuc' lilepontahue.

40 Anuli litine icuaitsi pe lopa'a Jesús anuli cal xans iteca cahuí, ihe al cuana cuftine al lepra. Itque exc'onlingai'ma. Tixahue'e, timi:

—Ja'ni ima' opic'a, nipajnya alsal'mena'ma laicuana. Al'inla' limpio.

⁴¹ Jesús ixim'ma acuanuc' łafcuana. I'nij'ma limane. Ixpayaf'ma, timi:
—Ne', aipic'a. Iya' caxal'me'mo'. ¡Tixałcontso! ¡Ti'intso' limpio!

⁴² Aiquicol'ma, iłojn-na'ma lehui, ixalçona'ma.

⁴³ Aiquicol'ma, Jesús ixc'ai'i'ma,

⁴⁴ timi:

—Aimo'itola' lan xanuc' ile lai'e'epo'. Aimoyout'le'ma. Nij naitsi nocuejya. To'huanła', tomujxoxi pu'hua ła'ailli'. Totsufcota ŁanDios to Moisés licuxe'epola' ts'iłepra, iłne joupa i'ınapola' limpio. Tołta'a ałsim'monga' lihuejcoyi ile litaiqui' Moisés.

⁴⁵ İłque łixałconapa i'hua'ma, ipango'ma uya'a'ma li'e'epa Jesús. Tołta'a Jesús aimi'ıya mitsufaiya łiteloıya'. Tipanemma petsi ailopa'a quııya'. Lan xanuc' quıyouyomma ni petsi łiteloıya', tiłcuaiyumma pe lopa'a Jesús.

2

¹ Lijoupa luyaıpa oquej fanej quitine, Jesús ipainanni, itsufaıcona'ma liıya' Capernaum. Lan xanuc' icuej'me Jesús tipa'a lajut'ı.

² Aiquicol'ma icuaiyunca axpela' lan xanuc', efot'le'mołtsi. Imantsi lajut'ı jouc'a lıco cajut'ı. Jesús tu'ıla' Lataiqui' loya'apa ile al c'a lixpıc'epa ŁanDios.

³ Ocuenaye lan xanuc' icuaiyunca jıłpe łuna. Amalujxi iłniya iłtaic' anuli łuhuaqueya xans.

⁴ İpa'ne'mola' lefoıya, aimi'ıya muyalaıcoyacu, micuaiyacu pe lopa'a Jesús. İf'ajlı'me lajut'ı, enai'e'me łuhua'e lajut'ı jıłpe al toncay pe lacaxu Jesús. Małpiya ecajm'mi'me cal xans łonafya łihuijm-ma', ipo'ningaitsi li'mitsi' Jesús.

⁵ Jesús ixim'mola' iłniya ti'huaıyijnyi, ticuayi: “Tixałmena'ma”. Timi łuhuaqueya:

—Mai'hua, joupa iłojn-napa lojunac'.

⁶ Ticutshuołanna jıłpiya hualca lomxiye nomuc'ıyalepá locuxepa ŁanDios. İłniya ticuayi liłpicuejma':

⁷ “İłque cal xans, ¿te conescopa tołta'a? Ma le'a quituca' ŁanDios nipajnya tiłonc'e'e'mola' liłjunac' lan xanuc'. İłque ti'onlıcoyoxi to ŁanDios.”

⁸ Jesús aiquicol'ma i'i'ma quixina' te lonespa lan xanuc'. Timila':

—Imanc', ¿te cołnescopa tołta'a lołpicuejma'?

⁹ ¿Pe copa'a xonca lipime? ¿Te cataiqui' caıfmiya łafcuana? ¿Camıla': “Łojnac' joupa iłojn-napa”, o camıla': “Totsahuenanni, tonif'nałta' łohuijm-ma', to'huanła'”?

¹⁰ İtsiya camuc'i'molhuo' icueya laımane. İya' iłque cal Xans Łiximpa cal profeta pu'hua lema'a. Ma capa'a fa'a li'a łamats' ti'i'ma quıımenc'e'eco'mola' liłjunac' lan xanuc'.

İpalaic'o'ma łuhuaqueya, timi:

¹¹ —İya' camıhuo', totsahuenanni, tonif'nałta' łohuijm-ma', to'huanła' lomejut'ı.

¹² Łuhuaqueya aiquicol'ma itsahuenanni, inif'ma łihuijm-ma'. Mehuelojnyi lan xanuc', ixim'me ipanni, i'huana'ma. İxpailij'mola', tinesyi:

—Acueca' juaıconapa li'epa ŁanDios. Tołta'a li'ıpa aıcałsına', ni anulemma.

¹³ İ'huacona'ma Jesús lema al cuecaj quin'nuhua'. Jahuay lan xanuc' iye'me pe lopa'a. Timuc'ıla'.

¹⁴ Lijoupa limuc'ıyalepa, ti'hua tuyaıpa, ixim'ma anuli cal xans cuftine Levı, i'hua Alfeo. İłque Levı ticutsu petsi lo'nałts'i'ıyaleyompa. Jesús timi:

—Lihuejla'.

Levı itsahuenni, ihuej'ma Jesús.

¹⁵ Jesús jouc'a ts'ilihuequi icuaitsa lejut'l Levi, ticutshuolanna, titetsoyi. Titetsoyi jouc'a axpela' lin'najts'iyale jouc'a ocuenaye lan xanuc'. Jahuay ihniya a'i mihuejyi locuxepa LanDios. Axpela' ihniya tihuejyi Jesús.

¹⁶ Lomxiye nomuc'iyalepá locuxepa LanDios jouc'a lan xanuc' fariseo ehuelojm'me Jesús titetsoyi anuli lin'najts'iyale y locuenaye lan xanuc'. Imetsaiconnila' ihne aimihuejyi locuxepa LanDios. Timinnila' ts'ilihuequi Jesús:

—Tohsinte, lohpomxi titetsoyi anuli lin'najts'iyale y locuenaye lan xanuc'. Jahuay ihniya aimihuejyi locuxepa LanDios.

¹⁷ Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay linca tucuicomma no'eyacola' cafxi. Iya' aicuaicoco'ma cajoc'i'mola' ts'ihjunac'. Aicajoc'iyacola' petsi ailopa'a quihjunac'.

¹⁸ Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihne lihuejhuc', ¿te aimixnet'lyi?

¹⁹ Jesús italai'e'e'mola', timila':

—Ma mipa'a lamijcano lamaneya, ¿te tixnet'l'me, aimitetsoyacu ts'ihnejmale? A'i. Anuli milmana' lamaneya, aimi'iya mixnet'lyacu.

²⁰ Ticuaihuo litine aimimajnconayacu anuli, ihne litine linca tixnet'l'me.

²¹ 'Al ts'e quijahua' aimi'iya manajmot'licoya lafane quijahua'. Ja'ni tohta'a to'ela', al ts'e quijahua' tetehuo, tijoula' lafane quijahua' tits'alquehuo xonca.

²² Aimoc'ej'miya al ts'e vino petsi lafanej ponta quixmi. Ja'ni to'etsi tohta'a, al ponta quixmi tits'alquehuo, timinsco'ma al vino, timinsco'ma jouc'a al ponta quixmi. Al ts'e vino tic'ej'minni al ts'e ponta quixmi.

²³ Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me hixpaj trigo.

²⁴ Lam fariseo timiyi Jesús:

—¡Toxintsola' lihuejhuc'! Itsiya itine conxajya. Ailopa'a lane mi'eyacu tohta'a.

²⁵ Jesús timila':

—Imanc', ¿te a'i cohsuec' liniliya loya'apa li'epa cal rey David? Icuaitsi litine unle'enca ihque jouc'a lihejmale, ailopa'a cotejacu.

²⁶ David itsufai'ma lejut'l LanDios. Jihpe tipa'a lam paxi ca'í. Ihne la'í tipa'a lane tite'me ma le'a la'ailli, a'i lan xanuc'. David ite'ma jouc'a epi'i'mola' lihejmale, ite'me. Tohta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a.

²⁸ Iya' ihque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu ihne litine conxajya.

3

¹ Ocuena quitine conxajya, Jesús itsufaicona'ma lajut'l petsi lafolyomma lan xanuc'. Jihpe tipa'a anuli cal xans ijulpa limane.

² Lam fariseo tehuelojnyi Jesús. Ti'huilaic'oyi ja'ni tixa'l'me'ma cal xans ihne litine conxajya. Tehueyi te co'iya micuxecoyacu.

³ Jesús ipalaic'o'ma cal xans, ihque ts'ijul quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuise'e'mola' lam fariseo, timila':

—Lu'ila', litine conxajya, ¿te lapi'inga' lane al'ele al c'a? O ¿alcuxe'enga' al'ele lixcay? ¿Nipajnya lunlu'e'me lipitine cal xans o alma'a'me?

Ihniya aiquiltalai'e. Ch'ix le'a.

⁵ Jesús ehuelojm'mola' ihne lam fariseo. Tixtuc'ola'. Tixhuełma, ixina' ihniya joupa ipo'nopá liłpicuejma', aiquiltcueca.

Jesús timi cal xans:

—To'nijla' lomane.

Cal xans i'nij'ma limane. Ixałcona'ma.

⁶ Lam fariseo aiqicol'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'hua'na'ma. Iłque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyouyomma al distrito Galilea.

⁸ Lan xanuc' ni petsi lomana' icuej'me al cueca' lo'epa Jesús. Icuej'me ihne nomana' al distrito Judea jouc'a nomana' al cuecaj quiłya' Jerusalén, jouc'a nomana' łamats' Idumea, jouc'a nomana' lu'hua quiyay al pana' Jordán, jouc'a nomana' hilemats' hilełołya' Tiro y Sidón. Axpela' ihniya icuaiyunca pe lopa'a Jesús.

⁹ Lixim'mola' axpela' quefołya Jesús icuxe'e'mola' ts'ilihuequi ti'hua'anca anuli al barco, tipo'nołe łema al cuecaj quin'nuhua'. Ja'ni lan xanuc' tipango'me titantsi'me Jesús, iłque titsufai'ma al barco.

¹⁰ Joupa axpela' ixał'mepola', tołiya itsiya jahuay lafcualłay, axpej cuana, tummetsaiyołtsi, tiyełe ahuejnca Jesús, tiłafle.

¹¹ Lan xanuc' pe litsufaiyila' contahue, lixim'me Jesús, ecanghuołaitsa li'mitsi'. Lontahue tija'ayi, timiyi:

—Ima' i'Hua ŁanDios.

¹² Jesús itale'mola' ujfxi. Timila':

—Aimunlu'itola' lan xanuc' tołta'a.

¹³ Lijou'ma if'aj'ma hıjuala. Joupa ixpic'epa naiłniya ts'ilihuequi tiyouyunca. Ijoc'i'mola'. Icuaitsa pe lopa'a.

¹⁴ I'huijf'e'mola' imbamaj coquexi' timajnle anuli. Tumme'mola' tuya'ata Lataiqui' loya'apa iłe al c'a lixpıc'epa ŁanDios.

¹⁵ Epi'i'mola' liłmane tipa'ata lontahue litsufaiyila' lan xanuc'.

¹⁶ Jifa'a tipa'a liłpuftine ihniya limbamaj coquexi':

Simón, łecui'impa Pedro,

¹⁷ Jacobo y Juan, inaxque' Zebedeo. Ihne loquexi' Jesús łecui'ipola' Boanerges. Iłe laftine locuajmaispa: Ihne noquimf'epá, nocuec'epá lonespa ŁanDios.

¹⁸ Andrés y Felipe,

Bartolomé y Mateo,

Tomás y łocuena Jacobo, iłque i'hua Alfeo,

Tadeo y łocuena Simón, iłque łecui'impa cal cananeo,

¹⁹ jouc'a Judas Iscariote, iłque nocuya Jesús.

²⁰ Jesús itsufaipa anuli lajut'ł. Efoł'łecona'mołtsi axpela' lan xanuc'. Jesús jouc'a ts'ilihuequi aiqıi'i'ma quietetso'me.

²¹ Licuejpá lipimaye Jesús tołta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

²² Jiłpe pe lopa'a Jesús timana' hualca lomxiye nomuc'iyalepá locuxepa ŁanDios, quiyouyomma liłya' Jerusalén. Ihniya ticuayi:

—Jesús itsufaipa łonta'a cuftine Beelzebú. Iłque nocuxepola' contahue epi'ipa limane Jesús tipa'atsola' lontahue.

²³ Jesús ijoc'i'mola' ihniya lomxiye, timila':

—¿Te cañtalai'e'eya imanc'? ¿Te aga ñonta'a Satanás tihuescuf'ma ñipima conta'a?

Ti'hua tipalaic'ola'. I'onñicopa to lo'ipa. Timila':

²⁴ —Ja'ni tenajtsołtsi lan xanuc' anuli al nación, ja'ni ti'etsoltsi oque', ñe al nación tijou'ma lipujfxi.

²⁵ Ja'ni lan xanuc' nomana' anuli lajut'ł tenajtsołtsi, ja'ni ti'etsoltsi oque', aimimajñconayacu anuli, jilpe teca'nena'moltsi, ailopa'a co'eyacu.

²⁶ Ñonta'a Satanás ja'ni joupá ehuoc'huaipola' lif'as contahue, itsiya cola' aimi'hua limane.

²⁷ Ja'ni anuli cal xans ixpic'epa titsufaila' lejut'ł ocuena cal xans juaiconapa ipujfxi, ja'ni ixpic'epa tiñonc'e'eta' li'huexi, ñque notsufaiya, ate'a tifi'eta' ñque cal xans ts'ipujfxi, tijoula' nipajnya titsufai'ma, tiñonc'e'eta' li'huexi. Ja'ni aimifi'e, aimi'iya mitsufaiya lajut'ł, miñonc'e'eya li'huexi.

²⁸ 'Iya' camilhuo' al ñinca: Jahuay lo'epa o lonespa cal xans, ti'i'ma timenc'e'ecom'me.

²⁹ Ma le'a ja'ni aimimetsaicoyi lo'epa cal Espíritu Santo, ñniya aimiñonc'e'enyacola' liñjunac'. Titai'me nulemma.

³⁰ Toñta'a Jesús limipola' ñniya nonespá: “Jesús itsufaipa conta'a”.

³¹ Icuaiyunca qui'máma' jouc'a lipimaye Jesús. Eaxoñ'me ñuna. ñojf'i'me anuli cal xans tijoc'itsi Jesús.

³² Jesús ticusc'o nolojmay cajut'ł, timuc'iyale. Jilpiya timana' axpela' lan xanuc' ticutshuolanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' ñuna tehuehuo'.

³³ Jesús timila':

—¿Naitsi cai'máma'? ¿Naiñe caipimaye?

³⁴ Ehuelojm'mola' lan xanuc' nocutshuolanna, ticua:

—¿Toñcuejle! Jifa'a ticutshuolanna cai'máma' jouc'a laipimaye.

³⁵ Pe naihuejcopa ÑanDios, ñquiya aipima xans, o aipima caca'no', o ai'máma'.

4

¹ Mipa'a Jesús ñema al cuecaj quin'nuhua', ipango'ma imuc'icona'mola' lan xanuc'. Efoñunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efoñunna ñema caja.

² Juaiconapa imuc'i'mola' lan xanuc'. Ipalaico'ma lo'epa ÑanDios fa'a li'a ñamats'. I'onñico'ma. Timila':

³ —Añquimf'eta' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo.

⁴ Meca'ni lam fanuj trigo, oquej afane' lam fanu' ecangenni lane. Icuaiyunca lacañ'hui naiyulpá, itejñ-na'me.

⁵ 'Oquej afane' lam fanu' i'ñif'colaitsa ñixmi capic, tipa'a ahuata ñacamats'. Lam fanu' aiñquicoñ'mola' ñla'mola'.

⁶ Lijou'ma ipammaiyunni cal 'ora, ñinu' ipi'epola' lilapola' lam fanu'. Ijuñnapola'. Aiquif'acaic' ñime.

⁷ 'Hualca lam fanu' itsuc'huaita jilpe ñitac'. Litoj'ma ñitac', ejec'opola' laifa'. Aiquixpaj'ma.

⁸ 'Ocuenaye lam fanu' etojmoñaitsa cal c'a camats'. ñla'mola', itoj'mola', i'ipola' quixpa. Anuli ñajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

⁹ Lijoupa luya'apa ñe litaiqui', Jesús timila':

—Naitsi nocuejpa, añquimf'eta' ñya' litaiqui'.

¹⁰ Lijoupa liyeyoɫnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iñiya ixa'hue'me Jesús, timiyi:

—Lu'itsonga', luhualc'e'etsonga' iñe lotaiqui'.

¹¹ Jesús timila':

—ŁanDios epalc'o'ipolhuo' imanc' loɫpicuejma', tołta'a tołcuc'eyi lipime cataiqui'. Iñe lataiqui' tuya'e' lo'ipa petsi lan xanuc' tihuejcoyi ŁanDios, iñque cal Cuecaj Rey. Ocuenaye lan xanuc' petsi aimihuejcoyi ŁanDios, iñe ma le'a tiquimf'eyi. Iñe lataiqui' lo'onłicopa lo'epa ŁanDios iñe lan xanuc' aimi'iya miñhualc'eyacu.

¹² Tołta'a ti'ila' to loya'apa al Paxi Linilingiya, ticua:

Ti'hua tehuelojnle, tijoułta' aimixinyacu.

Ti'hua tiquimf'ele, tijoułta' aimicuejyacu.

Ja'ni a'i tołta'a li'ejma' tixhuej'menacu, ŁanDios timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca iñe laitaiqui' lai'onłicopa lo'epa ŁanDios fa'a li'a łamats', ¿te co'iya mołcuc'eyacu ja'ni ca'onłico'ma xonca lo'epa ŁanDios?

¹⁴ 'Cal xans nofapa ti'onłcospa to iñquiya noya'apa litaiqui' ŁanDios.

¹⁵ Łamats' lane pe lecangeyonni lam fanu' ti'onłcospa to lan xanuc' iñiya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' lifayipa liɫpicuejma'.

¹⁶ 'Łaj huata łacamats' łopa'a lixmi capic ti'onłcospa to locuenaye lan xanuc' miquimf'eyi litaiqui' ŁanDios tixoquei quileta tepenufyi.

¹⁷ Iñe Lataiqui' aimifayiya liɫpicuejma', oquej fanej quitine tihuejcoyi. Ticuaiti lixhuejma', o lił'as xanuc' tixtuc'ontsola' iñiya naihuejpá litaiqui' ŁanDios, iñe aimicołyacola', tenajna'mołtsi, aimihuejconayacu.

¹⁸ 'Łamats' pe łopa'a litac' litsuc'huaita lam fanu' ti'onłcospa to locuenaye lan xanuc' noquimf'epá litaiqui' ŁanDios.

¹⁹ Iñe xonca tixhuej'mecoyi te co'iya muyalalayacu lapajnya. Tifel'miyołtsi, ticuayi: "Lulijle acuecaj całtomi. Tołta'a luyalaico'me al c'a." O tixhuej'mecoyi te co'iya mulijyacu xonca quili'huexi. Ma to litac' ejec'opola' laifa', a'i quixpaj'ma, ma tole iñe lan xanuc' li'ipola'. Tama joupa ifapa liɫpicuejma' litaiqui' ŁanDios, tiłmanemma tołta'a, tocomma a'i quilepenufi iñe lataiqui'.

²⁰ 'Cal c'a camats' pe lifampa ti'onłcospa to locuenaye lan xanuc' noquimf'epá litaiqui' ŁanDios. Iñe tepenufyi iñe lataiqui', tipammolaispa liɫpepajnya. Hualca ti'onłcospa to łamats' petsi cal fanu' lipammaita anuxans quimbama', locuenaye petsi lipammaita afanej nuxans, locuenaye petsi lipammaita amaxnu.

²¹ Jouc'a timila':

—Imanc' molunai'i'me lołpepalc'o', aimołc'ommumijyacu alxpicołma c'ec, ni aimoł'nicoyacu licu'u hualfa. Toł'nof'e'me pe lołxu'epa.

²² Ticuaihuo litine ti'huájta lemiya, jouc'a ti'huájnata letemiquiya, tix-inim'me.

²³ 'Naiti nocuejpa, ałquimf'ela' iya' laitaiqui'.

²⁴ Ti'hua timuc'iyale, tu'ila':

—Tołpo'nołe cuenna laifmipolhuo': Imanc' iñe lołspic'ecopola' locuenaye, tołta'a iñiya tepi'icona'molhuo'. Xonca axpe' tepi'im'molhuo'.

²⁵ Cal xans ts'i'hueca, xonca tepi'im'me. Łocuena, ja'ni aiqui'hueca, texic'ena'me.

²⁶ Jouc'a tu'ila':

—He li'ipa anuli cal xans leca'nipa lam fanuj trigo lemats', ti'onlcospa to lo'ipa petsi LanDios cal Cuecaj Rey tijoc'ila' lan xanuc' tihuejle.

²⁷ Lijoupa leca'nipa litrigo, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui laifa'. Cal xans aiqixina' te co'ipa mitoj'ma laifa'.

²⁸ Lamats' quituca' timaf'i'i' laifa'. Ate'a titoqui, tijoula' tixpaqui, tijoula' tumfumma lixpa, titoqui lifanu'.

²⁹ Lunta'amma lixpa cal xans ixina' joupa icuai'ma litine tefot'leta cal trigo. Aimicoŷa, tetejta.

³⁰ Jouc'a tu'ila':

—¿Te cal'onlcoyacu lo'ipa petsi LanDios tijoc'ila' lan xanuc' timetsaicoŷe, tihuejle itque cal Cuecaj Rey? ¿Te ts'i'ic' ma'onlcoyacu?

³¹ 'Lo'ipa jilpe ti'onlcospa to lo'ipa cal fanu' sinapí. Mifam'me, i'huáqui tuquini lajfanu'. Pesti jahuay cal fanu' lofampa lamats', ailopa'a xonca caca'hua.

³² Lijoupa lifampa tila'ma, titoj'ma acueca' laifa'. Ailopa'a quitamqui mitoqui to ita'a lifampa. Limané itoqui, atsila'. Laca' hui naiyulpá tunxajyoyi jilpe lipunxahua.

³³ Ma to ina'a lataiquí toŷta'a juaiconapa i'onlico'ma lo'epa fa'a li'a lamats' LanDios cal Cuecaj Rey. Lo'huajcocoyacola' lipicuejma' toŷta'a timuc'ila' Jesús.

³⁴ Ti'hua ti'onlijma ite lo'epa LanDios. Aimipalay acuajmaica. Jesús y ts'ilihuequi limanenca quituca', itque tuhuaŷ'e'ela' lataiqui'.

³⁵ Maŷe litine joupa if'acolaipa timila' ts'ilihuequi:

—Atqueŷe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefoŷa jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi.

³⁷ Aiquicoŷ'ma, i'hua'ma ujfxi lahua'. Itsahuenni laja', ic'ejmaitsi caja', imantsi al barco.

³⁸ Jesús tunouya lipo al barco. Tixmay, unaf'caipa al punta quijahua'. Ts'ilihuequi ummef'me, timiyi:

—Momxi, aŷma'a'monga' laja'. ¿Te aimatsueŷcoconga'?

³⁹ Jesús itsahuenni, itale'ma lahua', timi laja':

—Ch'ixca. Aimofe'necona'ma.

I-ch'ixco'ma lahua'. Ipanenni.

⁴⁰ Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimaf'huaiyinge'?

⁴¹ Ixpailijpola' juaiconapa itniya ts'ilihuequi. Timiyotŷi:

—¿Naitsi xans itca'a? ¡Jouc'a lahua', laja ticuec'eyi itque locuxe'epola'!

5

¹ Icuaitsa locuena lema caja jilpe hilemats' lan xanuc' gadareno.

² Ipanni Jesús al barco. Aiquicoŷ'ma, icuaico'ma anuli cal xans qui'huayomma jilpiya lamuhuoŷanna lomanapola'. Itque cal xans hitsufaipa conta'a.

³ Lipanga jilpe lamu'empola' lomanapola'. Aimi'iya mifi'enyacu ni cadena catejma'.

⁴ Tifi'econni acadena, inic'e'econni atejma' limane li'mitsi'. Itque tits'atquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya.

⁵ Ipuqui' itine tipa'a pe lamu'empola' lomanapola', jouc'a pe hijualay, tija'e', tits'alyoxi capic, tixcai'eyoxi.

⁶ Cal xans ixim'ma icuaico'ma Jesús aculi'. Aiquicoŀ'ma, i'hua'ma italecuftsi, exc'onŀngai'ma li'mitsi' Jesús.

⁷ Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacua'j'mi'ma lipuftine LanDios, caxa'huehuo' aimalteŀ'mi'ma.

⁸ Toŀta'a linespa ŀonta'a. Jesús jounpa imipa:

—¡Ima' monta'a, taipanni ilca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

¹¹ Jiŀpe laquemala timana' juaiconapa axpela' lijná tehueyi quiŀtejua'.

¹² Lontahue ixahue'me Jesús, timiyi:

—Lummetsonga' pe lomana' ilne lijná. Jiŀpe aŀtsuflaita lijná.

¹³ Jesús epi'i'mola' lane. Lontahue ipalunca ilque cal xans, itsuflai'me lijná. Iŀniya lijná timana' to oquej mil. Inul'me, imul'me al'ocay. If'alcoŀai'me laja'. Unxaŀac'mola'.

¹⁴ Lan xanuc' linhuic'ipola' quiŀjná inul'me. Jiŀpe liŀpiya' jouc'a calx'huiyaŀma' uya'atsa il'e' li'ipa. Lan xanuc' ipalunca tehuelojnta.

¹⁵ Icuaitsa pe lopa'a Jesús, ixim'me cal xans, ilque coŀta liŀsufaipa axpela' contahue, ticutsu, ipo'nohuo lipijahua', i'inapa lipicuejma'. Lan xanuc' ixpailij'mola'.

¹⁶ Ilne niximpá li'ipa uya'a'me te qui'ipa lixaŀconapa cal xans, ilque liŀsufaipa contahue. Uya'a'me te qui'ipola' lijná.

¹⁷ Lan xanuc' ipango'me ixa'hue'me Jesús tipanni hilemats', ti'huanŀa'.

¹⁸ Jesús if'ajna'ma al barco, ti'huana'ma. Cal xans li'ipa liŀsufaipa contahue tixa'hue, timi:

—Aŀŀecoŀa' jouc'a.

¹⁹ Jesús aiquepi'i' lane. Timi:

—To'huanŀa' lomejut'ŀ, jiŀpe lomana' lopimaye. To'itsola' al cueca' li'e'epo' LanDios. Tomitsola' te ts'i'ic' liximpo' cuanuc'.

²⁰ Cal xans i'huana'ma, itsehuc'ma petsi lecu'i'impá: Limbamaj Quiŀeloŀya'. Jiŀpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

²¹ Jesús iquiecona'ma al cuecaj quin'nuhua'. Licuaiyocontsi al barco ŀocuena lema, icuaitsa axpela' lan xanuc', efot'le'moŀtsi anuli Jesús lema caja.

²² Jiŀpiya icuaitsi anuli cal xans ipenic' lajut'ŀ pe lafoŀyomma lan xanuc'. Cuftine Jairo. Lixim'ma Jesús, exc'onŀngai'ma li'mitsi',

²³ tixa'hue juaiconapa, timi:

—Lai'hua cahuats' juaiconapa textafque. Timana'ma. Lepá. Ma le'a toxpayaŀ'ta lomane, toxaŀ'menna, ti'hua tipajnlá'.

²⁴ Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús.

²⁵ Jiŀpe tipa'a anuli laca'no' textafque. Imbamaj coque' camats' ti'hua cajuats' licu'u.

²⁶ Iteŀcopa juaiconapa. Axpela' lin'e'ehuale cafxi iteŀ'mipá. I'najtsepola' iŀniya, jounpa ijou'nenapa li'hueca. Aiquixaŀma. Ti'hua tiŀsípa licuana. Ilque laca'no' icuejpa lo'epa Jesús.

27 Nolojmay xanuc' itoc'huaipa lixpula' Jesús. Itafc'e'e'ma lipijahua'.

28 Itque tinesqui lipicuejma': "Ma le'a lipijahua' catafla', tofe atsalcona'ma". Tot'liya itafc'e'epa lipijahua' Jesús.

29 Aiquicoi'ma, ipanenni licu'u. Ixim'moxi ixalconapa. Aimitelcoconaya.

30 Aiquicoi'ma, Jesús ixingufco'ma lipaxi ixal'meyalepa. Ipai'e'moxi nolojmay xanuc', icuis'e'mola', timila':

—¿Naitsi itaf—lafpa?

31 Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ¿te cofmicuitsufcopa: "¿Naitsi itaf—lafpa?"?

32 Jesús ti'hua tehuetsale lijuihuay. Tehuay naitsi itque itafpa.

33 Itaca'no' tixpaiqui juaiconapa, tiyu, iximpoxi ailopa'a quicuana. Itoc'huai'ma, exc'onlingai'ma li'mitsi' Jesús. Imi'ma Jesús al finca. Tuya'e' te ts'i'ic' lixalconapa, timi:

—Aitafpo' lopijahua'.

34 Jesús timi:

—Mai'hua, al'huaiyijmpa, toliya ixalconapo'. Aimoqxueitmot'le'ma. Ithe al cuana aimitel'miconayaco'.

35 Ma mipalaic'o itaca'no', icuaiyunca lan xanuc' quiyouyomma lejut'it Jairo, itque ts'ipenic' lajut'it pe lafoiyomma lan xanuc'. Timiyi Jairo:

—Joupa imanapa lo'hua. ¿Te ti'hua cofxoc'icoya lomxi?

36 Jesús icuej'ma lu'impa Jairo. Timi:

—Aimixpaij'mo'. Ma le'a al'huaiyijnla'.

37 Jesús ileco'mola' Pedro, Jacobo, jouc'a Juan, itque ipima Jacobo. Timila' locuenaye xanuc' aimiyocu.

38 Icuaitsa lejut'it cal xans, itque ts'ipenic' lajut'it pe lafoiyomma lan xanuc', Jesús ehuelojm'mola' lo'epa lan xanuc', tijolijyi, tija'ayi.

39 Itsufai'ma lajut'it, timila':

—¿Te colja'acopa? ¿Te coljolijcopa? Itahuats' aiquimac', ma le'a tixmay.

40 Aiquil'aic' finca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' itahuats', jouc'a lam fantsi ts'ilihuequi. Itsuflai'me pe lonouya itahuats'.

41 Jesús i'not'e'e'ma limane itahuats', timi:

—Talitá kumi.

(Ite litaiqui' lohuatquemma ticua: Macahuats', camihuo', totsahuenni.)

42 Aiquicoi'ma, itahuats' itsahuenanni, ipango'ma i'hua'ma. Ixhuaita imbamaj coquej temats'. Ithe lan xanuc' lixim'me li'ipa ixpailij'mola' juaiconapa.

43 Jesús juaiconapa ixc'ai'i'mola', timila':

—Aimoluya'ata lai'e'epa itahuats'. Nij naitsi nocuejya.

Lijoupa limipola' toita'a, icuxe'e'mola', timila':

—Toites'mite itahuats'.

6

1 Jesús ipanni jilpiya, icuaitsi lipi'ya'. Jouc'a ts'ilihuequi iye'me.

2 Licuaitsi litine conxajya itsufai'ma lajut'it pe lafoiyomma lan xanuc'. Jilpe ipango'ma imuc'iyale'ma. Licuej'me ite litaiqui', axpela' lan xanuc' etenlcoco'mola', timiyoltsi:

—Itque cal xans, ¿naitsi lepi'ipa lipicuejma'?

3 ¿Te matque hinc'alhua'pa? O ¿a'i itque? ¿Te itque i'hua María? ¿Te a'i itquiya ipima Jacobo, José, Judas y Simón? Fa'a jouc'a timana' lipimaye cacal'no'.

Iti'ya lan xanuc' aiquicuaitsi qui'pic'a lo'epa Jesús, etets'i'me.

⁴ Jesús timila':

—Anuli cal xans lummepa ÑanDios, mipa'a ocuena quilya' pe lomana' locue-naye lan xanuc', ihniya ticuaispa quipic'a lo'epa ilque. Tipainanni, ticuaitsi lipilya' pe lomana' lixanuc', lopa'a lejut'l, jilpe linca tetets'ita.

⁵ Mipa'a Jesús lipilya' aici'aic' cueca' jilpe. Ma le'a ixpayaf'mola' oquexi' afantsi lafcualtay, ixal'me'mola'.

⁶ Ixim'mola' ihne lipilya' xanuc' aici'huaiyinge. Ixhuelco'ma juaiconapa.

I'hua'ma ehuentsole' laiquilelo'ya' anujnca. Jilpe imuc'itsola' lan xanuc'.

⁷ Ihne litiné ijoc'i'mola' limbamaj coquexi' ts'ilihuequi. Ihne icuaiyunca, ipango'ma umme'mola' tiyete oquexi' oquexi'. Epi'i'mola' li'lane tipa'atsa lontahue.

⁸ Tixc'ai'ila', timila':

—Tonlete, toltai'me ma le'a lo'paluc. Aimoltai'me cumla'i. Aimol'nij'mi'me tomí jilpe lo'fi'ejma lo'cu'u.

⁹ To'c'uaicole lo'c'ejí. Aimol'po'no'me oque' lo'tsamalo, ma le'a anuli.

¹⁰ Lajut'l petsi tepenuftsolhuo', mol'mana' jilpiya litya', malpe tolmajntsa.

¹¹ Ja'ni to'cuaitsa petsi aimepenuffinnilhuo', ni aimiquimf'ennilhuo', imanc' tulunafle lo'mitsi', tipanni ilque lamats' litajimpa lo'c'ejí'. To'la'a ti'ila' quilsina' ma ihne quiltuca' ti'najtse'me li'junac'.

¹² Ts'ilihuequi ipalunca, uya'a'me Lataiqui' loya'apa ile al c'a lixpica'epa ÑanDios. U'iyale'me tixhuj'menanca lixcay lo'epa.

¹³ Ipa'a'me axpela' lontahue. I'ot'hi'me laceite axpela' lafcualtay. Ihniya ixal'cona'mola'.

¹⁴ Ni petsi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús ilquiya aJuan Bautista, jounpa imaf'inapa ipanamma pe lomana' limanapola'. To'la'a juaiconapa apaxi ilque, ti'ay acueca'.

¹⁵ Ocuenaye ticuayi:

—Ilque aElías, icuaiyocona'ma fa'a li'a lamats'.

Ocuenaye ticuayi:

—Ilque aprofeta lummepa ÑanDios, ti'on'cospa to lam profeta limajmpá fa'a luyaipa quitine.

¹⁶ Li'i'ma quixina' Herodes ile lonespa lan xanuc', ilque ines'ma:

—Ilque ma Juan Bautista. Linca aicuxe'ma etec'em'me lejoc', jounpa imaf'inapa.

¹⁷⁻¹⁸ Herodes jounpa exic'e'epa hipeno hipima Felipe. Ilquiya laca'no' cuftine Herodías. Ilcopa. Juan timi Herodes: “O'epa quixcay. ¿Te comexic'e'ecopa hipeno lopima? ¿Te colecocopa? Ilque a'i copeno. Ipeno lopima.” Juan limi'ma to'la'a ixtunni Herodes. Icuxepa i'no'intsá, ifi'entsá, itats'entsá.

¹⁹ Laca'no' Herodías ti'ay quipilaic' Juan. Ijanaj'ma tima'anle. Aiqui'ic'.

²⁰ Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

²¹ Herodías jounpa iximpa lo'eya tima'anle Juan.

Herodes lixhuaita lamats' i'e'ma juic. Ihiya lipuqui' titetsoyi anuli lijoc'ipola', ihne lan tsila' quipenic', jouc'a lincuxepá soldado, jouc'a lan tsila' xanuc' nomana' al distrito Galilea.

²² Jilpiya lefo'ya itsufai'ma li'hua caca'no' Herodías. Ixau'ma. Icuaitsi quipic'a Herodes jouc'a lijoc'ipola', ihne nocutshuolanna jilpiya. Cal rey timi lahualts': “Ahsahue'ela' jale ts'opic'a, capi'i'mo”.

²³ I'e'ma jurar, icuaj'moxi: “Ile lahsahue'eya, tama ti'ila' on'ca lafcuxepa, capi'i'mo”.

²⁴ Ipanni ľahuats'. I'hua'ma, icuaitsi pe lopa'a qui'máma', timi: “¿Te caifx-ahue'eya?” Qui'máma' timi: “Toxahue'etsi tepi'intso' ľijuac Juan, tetoj'minte al cuecaj pime”.

²⁵ Aiquicol'ma, ľahuats' ipanni, i'huacona'ma ixintsi cal rey. Ixahue'e'ma, timi: “Lapi'ila' ľijuac Juan Bautista, to'nij'mila' anuli al pime”.

²⁶ Cal rey ixhueľconni juaiconapa. ¿Te co'eya? Aimi'iya micuanac'eya lox-ahue'epa ľahuats'. Lan xanuc' nocutshuoľanna jilpiya joupa icuejpá licuajpoxi.

²⁷ Aiquicol'ma, umme'ma anuli ľisoldado, icuxe'ma, timi: “Totaitsi ľijuac Juan”. Cal soldado i'hua'ma, icuaitsi la carza, etec'etsi ľejoc' Juan,

²⁸ i'nij'mitsi al pime ľijuac, uhui'i'ma ľahuats'. Łahuats' i'hua'ma pe lopa'a qui'máma', uhui'itsi.

²⁹ Ts'ilihuequi Juan icuej'me toľta'a li'ipa. Icuaitsa pe lima'ayompa Juan, itaina'me licuerpo, emunatsa.

³⁰ Ts'ilihuequi Jesús icuainanca pe lopa'a Jesús, efot'ľecona'moľtsi. Joupa iyehuo'me uya'a'huo'me Lataiqui' loya'apa ľte al c'a lixpíc'epa ŁanDios. U'i'me jahuary li'ehuo'me, jahuary limuc'iyalehuo'me.

³¹ Jesús timila':

—Łepá illanc' caľtuca'. Łepá pu'huanni pe ailopa'a quiľya'. Lunxajta.

Jilpe pe lomana' Jesús jouc'a ts'ilihuequi, lan xanuc' tiľcuaispa, tiyenayi. Aimi'iya mitetsoyacu, ni Jesús ni ts'ilihuequi.

³² If'ajli'me anuli al barco, iye'me quiľtuca' ticuaitsa pe ailopa'a quiľya'.

³³ Axpela' lan xanuc' quiyoyomma jahuary ľiteloľya' ixinim'mola' lif'ajli'me al barco. Imetsaico'mola'. İne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

³⁴ Jesús jouc'a ts'ilihuequi icuaitsa ľocuena quema caja, ipalunca al barco. Jesús lixim'mola' İne axpela' lan xanuc' efot'ľeyoľtsi jilpiya, ixim'mola' acuanuc'la. İxim'mola' to lam mot'ľ, İne lam mot'ľ lahue'epola' quiľpoujna. Ailopa'a nohuic'iyacola'. Ipango'ma imuc'i'mola'. Axpe' ľataiqui' imuc'i'mola'.

³⁵ Joupa if'acoľaipa, ts'ilihuequi Jesús İhoc'oľai'me, timiyi:

—Jif'a'a ailopa'a quiľya'. Joupa if'acoľaipa.

³⁶ Tommetsola' lan xanuc' tiyeľe. Pu'huanni calx'uiyaľma' o ľiteloľya' ti'nata łotejacu.

³⁷ Jesús timila':

—İmanc' toľtes'mitsola'.

İtalai'e'e'me, timiyi:

—Ticuicomma axpe' ľa'i, lipitali to lolijya cal xans no'eya canic' apaicoj mut'la. ¿Te tipa'a caľtomí aľ'nacota toľta'a ľa'i? Aimi'iya maľtes'miyacola'.

³⁸ Jesús icuis'e'mola', timila':

—¿Tojua tipa'a ľa'i? Tonľeľe, toľsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

³⁹ Jesús icuxe'e'mola' ts'ilihuequi ticuxe'entsola' lan xanuc' ticutsoľaite jahuary jilpe calxhuaica pajac.

⁴⁰ Enaj'moľtsi lan xanuc' amaxnu amaxnu, jouc'a oquej oquej nuxans quimbama', icutshuoľai'me.

⁴¹ Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma ŁanDios. İxquenuf'ma ľa'i, epi'i'mola' ts'ilihuequi, İne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'.

⁴² Jahuary itetso'me, ixhuaitso'la'.

⁴³ Ts'ilihuequi efot'lena'me lipanecomma la'i jouc'a latuye. Imantsi imbamaj coque' lan tsiquihuit'í.

⁴⁴ Lan xanuc' litetso'me tixhuaispola' oquej nuxans quimbamaj maxnu. Jouc'a timana' laca'no', la'uhuay.

⁴⁵ Aiquico' ma, Jesús icuxe'e'mola' ts'ilihuequi tif'ajlite al barco, tiquiele al cuecaj quin'nuhua', ticuaitsa pe lopa'a liya' Betsaida.

⁴⁶ Hque ixc'ai'ina'mola' lan xanuc', if'aj'ma hjuala, tipalaic'ota LanDios.

⁴⁷ Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a lamats' quituca'.

⁴⁸ Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiele, aimi'i miquieyi. Italecuf'me hujfxi cahua'. Al fanej hora lipuqui' jounpa uyaipa, tehue'e' micuaiya al camts'us 'hora. Icuai'co'ma Jesús ti'huayaf' que laja'. Icuaitsi pe lopa'a al barco, ti'hua mi'hua, tocomma tuyaicota.

⁴⁹ Ts'ilihuequi ixim'me, ticuayi: "Acuecaj quinxpaic'ale". Ija'a'me.

⁵⁰ Jahuay ixim'me. Ixpailij'mola' juaiconapa. Jesús aiquico' ma, ipalaic'o'mola', timila':

—Aimixpailij'molhuo'. To'etsotsi acueca' lolunxajma'. Ma iya'.

⁵¹ If'aj'ma al barco pe lomana' ts'ilihuequi. I-ch'ixcona'ma lahua'. Ixim'me acueca' ile li'epa Jesús. Aiquilcueca.

⁵² Tama jounpa iximpá al cuecaj li'epa Jesús ile litine lites'mi'mola' lan xanuc', ite'me la'i, ilne ts'ilihuequi aimicuec'eyi. Amuf lihpicejma'.

⁵³ Lijou'ma liquie'me al cuecaj quin'nuhua', icuaitsa lamats' Genesaret. Jilpiya ifijm'me al barco.

⁵⁴ Ipalnanca. Aiquico' ma, lan xanuc' imetsaico'me Jesús.

⁵⁵ Ni petsi jilpe lamats' icuej'me lan xanuc': "Icuai'ma Jesús, pu'hua o hu'hua tipa'a". Iyec'olaitsa tehueyi Jesús, itaic' lilefcualtay tunaf'colanna lihpuxcuif' que.

⁵⁶ Jilpiya lan tsocay quitelotya', o lan tsila' quitelotya', o calx'huiyalma', ni petsi licuaitsi Jesús, lan xanuc' itaic' lilefcualtay jilpe pe lafoloyoya. Tixahue'eyi Jesús tepi'itsola' lane lilefcualtay tilafle, tama ma le'a lipijahua'. Jahuay nilafpá, tixatconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye no-muc'iyalepá locuxepa LanDios. Ilne quiyoyomma al cuecaj quilya' Jerusalén.

² Ti'huilaic'oyi lo'epa ts'ilihuequi Jesús. Ticuayi: "Ilne titetsoyi aiquilulahua al c'a lihmane'. Aimepenufyacola' LanDios."

³ Lan xanuc' fariseo tihuejyi liltatahueló li'ejma'. Tepajyi lihmane' ticuaispa lihluxluc.

⁴ Miye'me laplaza, miyelocota, micuainacu lilejut'í ate'a tepo'me, tijoula' titetso'me. Tihuejyi axpe' quif'ejma'. Tipa'a li'ejma' mepaj'me lihpime, lihcatsitu, hilepixú, lolanc'ecompa atejma' cuftine acobre, jouc'a lihualfa. Ticuayi: "Tohta'a ipic'a LanDios".

⁵ Ilne icuis'e'me Jesús, timiyi:

—Ilne lihuejhuo', ¿te co'ecopa aimihuejyi la'ejma' ile lahuc'iponga' lahatahueló? Mane titetsoyi, aimepajyi al c'a lihmane'.

⁶ Jesús italai'e'e'mola', timila':

—Imanc' ma le'a tonl'e'eyotsi to unc'ic'a xanuc'. Luyaipa quitine cal profeta Isaías uya'a'ma linespa LanDios te ts'i'ic' lohpicejma'. Ticua:

Ilne lan xanuc' ałmi: "Ima' malanDios", ma le'a tipalotaiyi.

Ilniya aimalcuec'e, ma ti'eyi quiluca' ts'ilpic'a.

⁷ Tama laxc'onlingaila' aicapenufila',

ihne timuc'iyaleyi ma le'a locuxepa lan xanuc', a'i laifcuxepa.

⁸ 'Tole lołpicuejma' imanc', tolatets'iyi ŁanDios, tolihuequila' lan xanuc' lił'ejma'.

⁹ Jouc'a timila':

—Imanc' xonca tolihuequila' lołtatahueló lił'ejma', tołta'a tolatets'iyi litaiqui' ŁanDios.

¹⁰ 'Moises icuxepa: “Taihuejco'mola' co'ailli', co'máma', totoc'i'mola’”. Jouc'a icuxepa: “Cal xans nomipola' cataiqui' qui'ailli' qui'máma', tipa'a lijunac'. ¡Tima'anle!”

¹¹ 'Imanc' ituca' lołmuc'iyalepa. Ja'ni anuli cal xans timitsola' qui'ailli', qui'máma': “Aimi'iya catoc'iyacolhuo'. Jahuay łai'huexi joupá nenajpa, iłe catsufco'ma ŁanDios.”

¹² Imanc' tołcuayi: “Ne', iłque aimitoc'i'mola' qui'ailli' qui'máma’”.

¹³ 'Ile lataiqui' lolihuejpa ma le'a liłtaiqui' lołtatahueló limuc'ipolhuo', iłiya cołmuc'ipola' lan xanuc'. Ma' anuli tołta'a axpe' tonł'eyi. Litaiqui' locuxepa ŁanDios tołsinyi to nij naitsi cataiqui'.

¹⁴ U'icona'mola' lan xanuc' lefot'łepołtsi jilłpiya, timila':

—¡Ałquim'elá' anuli anuli imanc'! ¡Ałcuc'elá'!

¹⁵ Fa'a li'a łamats' tipa'a iłe pe imanc' lolacui'ipa axujc'a. Iya' cacua a'i. Ja'ni anuli cal xans titelá', ti'nicola' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal xans, iłe linca tixis'me'ma.

¹⁶ Naitsi nocuejpa, ałquim'elá' iya' laitaiqui'.

¹⁷ Jesús ipo'no'mola' quiltuca' lan xanuc', itsufai'ma lajut'ł. Ts'ilihuequi ixa'hue'me tuhualc'e'etsola' iłe lataiqui'.

¹⁸ Timila':

—¿Te imanc' jouc'a ailopa'a cołpicuejma'? Cal xans no'nicopa lico al xujc'a, tinuc'a, aimixis'meyacoxi tołta'a. ¿Te aicołcuc'elá'?

¹⁹ Iłe loyaicopa lico, aimitsufaiya lipicuejma'. Ticuaispa licu'u, tijoułá' tipanamma.

Minesqui tołta'a Jesús ipalaicopa łotempa fa'a li'a łamats'. Ticua jahuay iłe ac'a. Aimi'iya minesyacu: “Iłe axujc'a, aimi'iya catec'oya”.

²⁰ Ti'hua timila':

—Al xujc'a laipa'apa lipicuejma', iłe linca tixis'me'ma cal xans.

²¹ Jilłpe liłpicuejma', lan xanuc' tixpic'eyi ti'ełe al xujc'a. Tihuennaiquila' cacal'no', tinantseyi, tima'ahualeyi, tixhuicoyi liłpenoye liłf'as xanuc',

²² tijanajyi ti'huejle xonca, ti'eyi al xujc'a liłf'as xanuc', tifel'miyaleyi, tipalaiyi o ti'eyi petsi aimetenłcocojma, ti'e'ehualeyi laic', tinescoyi liłf'as xanuc', tetets'iyaleyi, tixinyołtsi xonca lan tsila' xanuc', ti'eyi pangay camac'ta.

²³ Jahuay iłna'a tipa'a liłpicuejma'. Ja'ni tipa'ale, ti'ełe tołta'a, tixis'me'mołtsi, ti'e'e'mołtsi xujc'a.

²⁴ Jesús ipanni jilłpiya. I'hua'ma icuaitsi łamats' huejnca liłya' cuftine Tiro. Itsufai'ma anuli lajut'ł. Ticua: Nij naitsi nocuejya.

²⁵ Anuli łaca'no' icuej'ma jilłpe tipa'a Jesús. Icuaitsi, exc'onłingai'ma li'mitsi' Jesús. Iłque łaca'no' tipa'a li'hua cahuats' litsufaipa conta'a.

²⁶ Łaca'no' a'i judía, qui'huayomma małpiya łamats' cuftine Sirofencia. (Lan xanuc' judío tetets'innila' iłniya lun Sirofencia. Tecui'innila' atsilqui.)

Łaca'no' tixahue'e tipa'ala' łonta'a, tixal'mela' li'hua.

²⁷ Jesús timi:

—Ate'a altes'mi'mola' lałnaxque'. Ałtoc'itsola' lałxanuc'. ¿Te ja'ni ac'a lał'eyacu laxic'e'mola' iłe'i la'uhuyay, tijoułá' łaca'ni'i'mola' lan tsilqui?

²⁸ Łaca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji laiquepi' ca'i lopa'a licu'uj mesa, loc'aipa la'uhuy.

²⁹ Jesús timi laca'no':

—Ita'a lalmipa icuaicota caipic'a. Ma to'huanla'. Lonta'a joupa ipanamma lo'hua.

³⁰ Laca'no' i'huana'ma, icuainatsi lejut'l ixim'ma li'hua tunouya. Lonta'a joupa ipanamma.

³¹ Jesús ipanni pe lopa'a liya' Tiro, uyaicotsi liya' Sidón, jouc'a pe lopa'a Limbama' Quileloya'. Icuaicontsi al cuecaj quin'nuhua' Galilea.

³² Jilpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' itque cal xans.

³³ Jesús ileco'ma lijuqueya jilpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsulof'i'ma lipal cal xans.

³⁴ Ehuenaf'ma lema'a, ixnalif'ma acueca' timi:

—¡Efata!

Ile lataiqui' locuajmaispa ticua: ¡Texinanni!

³⁵ Aiquicol'ma. Cal xans iximpoxi exinamma lix'mats'i', ux'masquenanni lipal. Ipango'ma ipalai'ma ac'a.

³⁶ Jesús icuxe'e'mola' lan xanuc' aimuyout'le'me. Nij naitsi nocuejya. Ilniya aimicuec'eyi. Tama Jesús timila': "Aimuluyout'le'me, nij naitsi locuejya", ilne lan xanuc' xonca tuya'ayi lo'epa.

³⁷ Imetsaico'me acueca' juaiconapa lo'epa Jesús. Ticuayi:

—¡Tolsintle! Tixa'l'menala' lan talpe ilne ticuejnayi. Tixa'l'menala' jouc'a lan ta'ay, ilne tipalainayi ac'a. Jahuay lo'epa juaiconapa ac'a.

8

¹ Jilne litiné lan xanuc' efolconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

² —Iya' caxinnila' cuanuc'la ilne lan xanuc'. Joupa ixhuaita afane' quitine malmana' fa'a, iya' jouc'a ilniya.

³ Timana' quiyoyomma aculi'. Aiquiltesma. Aimi'iya miyeyacu. Ai cummeyacola'. Ticuaitsa nolojmay cane timatola' cumemma.

⁴ Ts'ilihuequi italai'e'e'me, timiyi:

—Jifa'a ailopa'a quilya'. ¿Petsi caltac'ueyacu la'i tinajntsola' ilniya lan xanuc'?

⁵ Jesús icuis'e'mola', timila':

—Imanc', ¿tojua mimana' lola'í?

Ihne italai'enca, timiyi:

—Tipa'a acaitsi lala'í.

⁶ Jesús icuxe'e'mola' lan xanuc' ticutshuolaile lamats'. Epenuf'ma lan caitsi la'í, ix'najtsi'i'ma LanDios, ixquenuf'ma la'i, epi'i'mola' ts'ilihuequi. Ilniya eca'nem'mola' lan xanuc'.

⁷ Timana' jouc'a oquexi' afantsi laicatuye. Jesús ix'najtsi'icona'ma LanDios, timila' ts'ilihuequi:

—Tolaca'netsola' lan xanuc'.

⁸ Jahuay itetso'me. Inajntsola' al c'a. Lefot'le'me lipanecomma, imantsi acaitsi lan tsangay.

⁹ Ihne lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

¹⁰ Aiquicol'ma, if'ajli'me al barco jouc'a ts'ilihuequi. Iye'me icuaitsa lamats' liya' cuftine Dalmanuta.

¹¹ Icuaiiconanca lan xanuc' fariseo. Ipango'me icuis'mot'lecona'me Jesús. Ixa'hue'me ti'ela' al cueca', ilne to lo'eya LanDios. Tehuaiyi.

12 Jesús ixnalif'ma acueca, ticua:

—Lan xanuc' nomana' itsiya, ¿te calsa'huecopa ca'ela' al cueca'? Iya' cacua: Linca aicamuc'iyacola', ni tołta'a.

13 Ipo'no'mola' quiltuca', if'ajcona'ma al barco. Iye'me, iquie'me al cuecaj quin'nuhua'.

14 Ts'ilihuequi aiqultaic' ca'i. Imenc'ecopá.

15 Jesús ixc'ai'i'mola' iłniya, timila':

—Tołpo'nołe cuenna. Aimolapenuf'me hilevadura lan xanuc' fariseo, ni hilevadura cal rey Herodes.

16 Iłne aiqultcueca iłe limipola' Jesús. Timiyoltsi:

—¿Te calmicoponga' tołta'a? O ¿alminga': "Imanc' olimenc'ecopá, aicołtaic' ca'i"?

17 Jesús ixina' lonespa, timila':

—Imanc', ¿te colnescopa: "Ailopa'a cala'i"? ¿Teaicolcueca laimipolhuo'? ¿Te aicolapaic' cuenna lai'epa? O ¿i'ipolhuo' muf lołpicuejma'?

18 ¿Te unc'ifohue? ¿Te aimolsinyi loł'u'? ¿Te unc'italpe? ¿Te aimolcuejyi lołs'mats'i'? ¿Te olimenc'ecopá lai'epa?

19 Lu'ila': Jilpe litine laixquenuf'ma lam maque' la'í lolaca'nepola' iłne lam maquej mil lan xanuc', ¿tojua lan tsiquihuit'ł lołma'ne'me lipaneconni?

Italai'e'e'me, timiyi:

—Imbamaj coque'.

20 —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

21 Timila':

—Itsiya, ¿te aimi'iya molcuc'eyacu?

22 Icuaitsa liłya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'.

23 Jesús exal'ma cal fo', iye'me lema quiłya'. I'otłi'ma łitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

24 Cal xans ipango'ma ehuetale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

25 Jesús ixpayaf'cona'ma li'u' cal xans. Iłque ixim'moxi exilinamma li'u'. Ehuetsale'ma. Tehuelonge jahuay.

26 Jesús umme'ma ti'huanla' lejut'ł, timi:

—Aimotsufai'ma liłya'. Aimo'itola' lan xanuc'. Nij naitsi nocuejya li'ipo'.

27 Jesús jouc'a ts'ilihuequi iye'me, ticuaitsa łaiquilelołya' lomana' jilpe al distrito cuftine Cesarea de Filipo. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

28 Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

29 Icuais'econa'mola':

—Imanc', ¿te colnespa? ¿Te colcuapa? ¿Naitsi iya'?

Pedro italai'e'e'ma, timi:

—Ima' unCristo. LanDios ummepo'.

30 Jesús u'i'mola':

—Aimolu'i'mola' lan xanuc'. Nij naitsi nocuejya.

31 Ipango'ma imuc'i'mola' loyaicoya. Timila':

—Iya' itque cal Xans Liximpa cal profeta pu'hua lema'a. Catełco'ma juaiconapa. Lan tsila' xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, ihniya latets'i'ma, ałcu'ma alma'anła'. Afanej quitine camaf'ina'ma, catsahueno.

³² Acuajmaica u'ipola': "Alma'a'ma". Pedro aikuicuaitsi quipic'a ite lines'ma Jesús. Ixoulai'ipa, itale'ma, timi:

—¿Te cofnescopa tołta'a?

³³ Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanła'. Tanajxoxi fa'a. Ima' topalay ma to minesqui łonta'a Satanás. Ima' toxpice to mixpic'eyi lan xanuc'. Ituca' tixpic'e LanDios.

³⁴ Ijoc'i'mola' lan xanuc' jouc'a ts'ilihuequi tiquimf'ete, timila':

—Cal xans ja'ni ipic'a lihuejla', aimicuxe'moxi quituca'. Iya' lapałts'inginna lancruz. Naitsi nalihuejya titaiła' lencruz jouc'a. Tixpic'eła' ticuxoxi itelcoła'. Tołta'a lihuejla'.

³⁵ Cal xans ja'ni ti'exoxi cuenna juaiconapa, ja'ni aimicua mitelcoya, itque cal xans tecani'e'moxi. Cal xans ts'ipic'a tihuejla' Lataiqui' loya'apa ite al c'a lixpicepa LanDios, tołta'a lihuej'ma iya', itque łınca ticu'moxi latełcoya. Tama tima'anle, itque tulij'ma lipitine aimijouya.

³⁶ Cal xans nolijpa jahuay lopa'a fa'a li'a łamats', tijouła' tecani'exoxi, ¿te tixhuico'ma ite lulijpa?

³⁷ ¿Nipajnya ti'najtse'ma tunłu'eła' hi'alma? A'i, aimi'iya.

³⁸ 'Itsiya litine lan xanuc' enajpołtsi LanDios, ti'eyi al xujc'a. Cal xans noximpa calaic'ata, ja'ni tinesla': "İne laif'as xanuc' lahuelongue, aikuihuejya Jesús, aicapenufya litaiqui', aimi'iya"; litine cacuaiconanni fa'a li'a łamats', iya' jouc'a aicapenufya itque cal xans. Iya' itque cal Xans Liximpa cal profeta pu'hua lema'a'. Cacuaiyoconno. Alcuaiconacu iya' jouc'a lam paxi capaluc' quema'a. Jilpe litine ałsim'ma ninCueca' ma to LanDios cai'Ailli'.

9

¹ Ti'hua timila':

—Iya' camilhuo' al łınca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a łamats'. Tołta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quituca'. If'ajli'me li'nof'quiya hijuala. Mehuelojnyi Jesús itque ipaicomma lixans.

³ Lipijahua' i'i'ma afujca juaiconapa, tunts'iflay. Fa'a li'a łamats' tama tepajle lijahua' aimi'iya mi'onliyacu tołta'a.

⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Típalaic'oyi Jesús.

⁵ Pedro timi Jesús:

—Momxi, jac'a fa'a małmana'! Ałanc'e'me afanej lihuoxqui, anuli ima', anuli Moisés, locuena Elías.

⁶ Pedro aikuixina' te ts'i'ic' ite licuapa, ma le'a tipalay. İne lam fantsi ts'ilihuequi Jesús ixpailij'mola' juaiconapa.

⁷ Ixim'me ipoxc'i'mola' cummahuay. Icuej'me tipalay małpe łummahuay, timila':

—İca'a ai'Hua, ca'ay capic'a juaiconapa. Tołquimf'ete itque lonespa.

⁸ Ehuelojncona'me Jesús, itque tecaxu quituca'. Moisés y Elías ailomana'. Ma ejac'na'mola'.

⁹ Mimulnamma hijuala Jesús ipalaic'ocona'mola', timila':

—Iya' itque cal Xans Liximpa cal profeta pu'hua lema'a, ma capa'a fa'a li'a łamats' aimoluya'ata lołsimpa jilpe hijuala. Nij naitsi nocuejya. Alma'a'ma,

catsahuenahuo quipayonahuo pe lomana' limapola', tijoula' ti'ila' tohta'a tolu'i'mola' lan xanuc'.

¹⁰ Ihe ts'ilihuequi Jesús ma quiltuca' tipalaic'oyołtsi, i'nujuaista ihe lixinghuo'me lijuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuis'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiy-oconno fa'a li'a lamats'. Tijoula' ticuaihuo cal Cristo.” ¿Te conescopa tohta'a?

¹² Jesús timila':

—Al linca lonespa iñiya lomxiye ihe nocuapá: “Ate'a ticuaihuo Elías. Ihe que tixanu'ma jahuay.” Jouc'a tipa'a liniiya loya'apa te ts'i'ic' laifnuyaicoya iya'. Iya' ihe que cal Xans Liximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ 'Iya' camilhuo', joupa i'huamma Elías. Lan xanuc' ma to lixpice'pa tohta'a i'e'epá ihe que. I'e'epá ma to muya'e' jilpe al Paxi Cataiqui' Linilingiya.

¹⁴ Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efot'leyołtsi canumicay. Jouc'a timana' lomxiye nomuc'iyalepá locuxepa LanDios. Ihe lomxiye tifuli'iyi cataiqui' ts'ilihuequi Jesús.

¹⁵ Lixim'me Jesús lan xanuc' ixoconni quileta. Aiquicoł'mola', iyoyunca, inontsa.

¹⁶ Jesús icuis'e'mola' lomxiye nomuc'iyalepá locuxepa LanDios, timila':

—Imanc', ¿te colicuis'epola' ihe lalihuequi?

¹⁷ Jilpiya lefołya anuli cal xans ipalai'ma, timi Jesús:

—Momxi, ailec'mehuo' lai'hua. Itsufaipa conta'a. Ihe lonta'a i'e'epa ata'ay.

¹⁸ Lonta'a mulij'ma lai'hua tecanghuaıspa. Tijoula' lai'hua ti'i quipehuoxco lico, ti'ılca' li'ay, tuhuaquemma. Aixa'hue'mola' lihuejhuo' tipa'ale lonta'a. Aiqui'ic' quilipa'e.

¹⁹ Jesús italai'e'ma, ticua:

—Itsiya litine imanc' nołmana' fa'a li'a lamats' aimoł'huaiyijnyi LanDios, olanajpołtsi. Iya' cacua, coła' aicapajncona'ma pe lołmana'. ¿Te iya' ti'hua caxnet'i'ma? Ahec'metsi lo'hua.

²⁰ Ihe conntsa lamijcano. Aiquicoł'ma, lixim'ma lonta'a Jesús, ihe'ne'ma ujfxi lamijcano. Ihe ecanghuaitsi, ti'huałtsay, ipa'a'ma ipehuoxco lico.

²¹ Jesús icuis'e'ma qui'ailli' lamijcano, timi:

—¿Tojua camats' tohta'a mi'i lo'hua?

Italai'e'ma timi:

—Caca'hua.

²² Lonta'a tummetsay, tecajm-maispa laja' jouc'a titanc'aispa lunga. Tehuay te co'iya mima'aya. Itsiya ja'ni nipajnya, ¡altoc'itsonga! ¡Ałsintsonga' ninc'icuanuc'la!

²³ Jesús timi cal xans:

—¿Te calmicopa: “Ja'ni nipajnya”? Ja'ni ima' al'huaiyijnla', ti'i'ma. Naihe la'huaiyijmpa ałsim'ma iya' nipajnya, ałsim'ma jahuay ti'i'ma ca'e'ma.

²⁴ Aiquicoł'ma, qui'ailli' lamijcano ija'a'ma ujfxi, timi Jesús:

—Ca'huaiyijnhuo', ¡altoc'ila' ca'huaiyijntso' xonca!

²⁵ Ixim'mola' Jesús tiloc'olaiyumma xonca lan xanuc', itale'ma lonta'a, timi:

—Ima' monta'a, ima' o'e'epa atape y ata'ay ilca'a lamijcano. Iya' cacuxe'ehuo', ¡taipanni ilca'a lamijcano! Aimotsufaiconama.

²⁶ Lonta'a ija'a'ma. Ihe'ne'ma ujfxi lamijcano. Ipananni. Lamijcano i'i'ma to lomapa. Axpela' lan xanuc' ticuayi: “Joupa imanapa”.

27 Jesús i'not'e'ma limane icutsu'ma lamijcano, itque ecaxna'ma.

28 Lijou'ma litsufilai'me lajut'ł Jesús jouc'a ts'ilihuequi, mimana' quítuca' itne icuis'e'me, timiyi:

—Illanc', ¿te cal'icoponga' aicalipa'e lonta'a?

29 Italai'e'e'mola', timila':

—Ticuicomma tołsa'huele LanDios, aimołtetso'me, tołsnet'He. Ja'ni a'i, aimi'iya molipa'ayacola' itniya lontanue.

30 Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajnle quítuca' itque y ts'ilihuequi.

31 Mimuc'ila' timila':

—Iya' itque cal Xans Liximpa cal profeta pu'hua lema'a. Alcu'ma, al'not'ma lan xanuc', alma'a'ma. Afane' quitine, camaf'ina'ma.

32 Itne aiqúitcúeca ite lonespa Jesús. Aiquilicuis'e. Tixpailiquila'.

33 Icuaiyocontsa liłya' Capernaum. Mimana' lajut'ł, Jesús icuis'e'mola' ts'ilihuequi, timila':

—¿Te cataiqui' colfuli'icopoltsi maleyi lane?

34 Itniya aiqúitłalai'e. Miyeyi lane tifuli'iyoltsi cataiqui' naitsi itque xonca cal te'a.

35 Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi łaquijoujma, ti'e'exoxi to łaquintahuaicopa lif'as xanuc'.

36 Exal'u'ma anuli łahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

37 —Naitsi napenufya anuli łahuac'hua to itca'a, ja'ni tinesla': “Jesús ti'ay capic'a itca'a łahuac'hua, iya' jouc'a capenuf'ma”, itque linca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Łalummepa.

38 Juan timi Jesús:

—Momxi, alsimpá anuli cal xans tipa'ala' lontanue. Itque ticuaj'mi lopuftine. Illanc' alcuanaac'epá. Itque a'i catejmale.

39 Jesús timila':

—Aimołcuanaac'e'me. Anuli cal xans no'epa acueca' micuaj'mi laipuftine, itque cal xans aimalnesc'eya cataiqui'.

40 Itne lan xanuc' ja'ni aimal'enga' laic' tama a'i malejmaleyi, itne linca alłoc'inga'.

41 'Iya' camilhuo' al linca: Cal xans naimetsaicopolhuo' imanc' alihuequi iya', ja'ni tinesla': “Itne ilihuequi cal Cristo. Cuhui'i'mola' quítja'”, itque cal xans tipa'a lolijya, LanDios tipaxne'ma.

42 'A'ijc'a loyaicoya cal xans naimenac'iya anuli itna'a la'uhuyay, itne al'huaiyinge iya'. Colá' ifinc'im'me łejoc' anuli cal cuecaj capic molino, colá' ecajm'mim'me łaja. Colá' ima'ma ate'a ai'a ti'e'ma itiya lixcay.

43 'Ja'ni lomane ti'e'ma lixcay, itatejla' nulemma! Ja'ni tocuaitsi al muf petsi łunga aimipica, ¿te cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

44-46 'Ja'ni lo'mis ti'hua'a'mo' petsi to'e'ma lixcay, itatejla' nulemma! Ja'ni tecajm-mitso' al muf, ¿te cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

47-48 'Ja'ni lo'u timenac'ihuo', itaipa'ala'! Ja'ni tecajm-mitso' al muf petsi lapimí aimimala', ti'hua titeji, petsi aimijaf'que latełcoya, aimipica łunga, ¿te cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi LanDios, itque cal Cuecaj Rey, xonca al c'a toyaicota.

⁴⁹ 'Jahuay łotsufconyacu ŁanDios tucuicomma tetenlinle, tołiya ti'em'me co'hue, tole ŁanDios tepenuf'ma. Jouc'a lan xanuc' liłpicuejma' tucuicomma tetenlintsola', tucuicomma titełco'me, tole ŁanDios tepenufna'mola'.

⁵⁰ Ło'hue ipenic'. Ja'ni tejac'la' lic'a, ¿te conł'ecoyacu ło'hue? Imanc' aimi'i'molhuo' to łque ło'hue łejac'pa lic'a. Aimołfuli'i'mołtsi cataiqui'. Tołnanc'otsołtsi.

10

¹ Jesús ipanni al distrito Galilea, icuaitsi al distrito Judea. Ie łamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Iłque ma to mi'ay timuc'iyale.

² Icuaiyunca jouc'a lam fariseo. Ehuaicona'me, icuis'e'me:

—¿Te cal xans nipajnya tecanai'ma łipeno, o aimi'iyaya?

³ Jesús italai'e'e'mola', timila':

—¿Te quiniłpa Moisés? ¿Te coya'apa lonł'eyacu?

⁴ Italai'e'e'me, timiyi:

—Moisés iniłpa: “Cal xans tiniłła' anuli lije'e lacanaicoya łipeno. Tijouła' tecanai'ma.”

⁵ Jesús timila':

—Moisés ixina' ata lołpicuejma' imanc', tołta'a quiniłcopa.

⁶ Al te'a a'i tołta'a licuxeyalepa ŁanDios. Lilanc'epa li'a łamats' ŁanDios ilanc'e'mola' “... cal xans y łaca'no”.

⁷ Icuama: “Cal xans tipo'no'mola' qui'ailli' qui'máma', tileco'ma łipeno. Tejonłi'mołtsi.

⁸ Loquexi' ti'e'e'mołtsi to anuli le'a.” Tołta'a i'ipola' anuli, a'i oquexi'.

⁹ ŁanDios ixpic'epa tołta'a tejonłi'mola', tołta'a ti'e'e'mola' anuli. Lan xanuc' aimi'iyaya menajyacola'.

¹⁰ Licuaitsa lajut'ł ts'ilihuequi Jesús icuis'e'me to joupa licuis'epa lan xanuc' fariseo.

¹¹ Jesús timila':

—Tama cal xans tecanaiłta' łipeno, ma' ipeno. Ja'ni tilecołta' ocuena caca'no', ixcay iłe lo'eya. Ma' anuli lo'eya to iłne nahuepá quilecal'no'.

¹² Jouc'a łaca'no'. Tama tecanaiłta' łipe'ailli', ma' ipe'ailli'. Ja'ni tihuejla' ocuenaj xans ixcay iłe lo'eya. Ma' anuli lo'eya to lacał'no' nahuepá quiłxanuc'.

¹³ Jilpiya pe lopa'a Jesús ticuai'enspolá' la'uhuy. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' iłniya ts'ilejma quiłnaxque'.

¹⁴ Jesús lixim'mola' ts'ilihuequi tołta'a lo'epa aiquetenłcocojma, ixtuc'o'mola'. Timila':

—Aimołpa'ne'mola' la'uhuy. Tiyouyunca pe laifpa'a. Lan xanuc' notsuflaiyacu pe locuxeyopa ŁanDios ti'onłcospola' to iłna'a la'uhuy.

¹⁵ Iya' camilhuo' al linca: Cal xans ja'ni jahuay łunxajma' tihuequi litaiqui' ŁanDios locuxepa, ma to laihuejpa la'uhuy, iłque cal xans titsufai'ma pe lopa'a ŁanDios. Ja'ni a'i, aimitsufaiya.

¹⁶ Jesús ipulc'o'mola' la'uhuy, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onłingai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

¹⁸ Jesús timi cal xans:

—¿Te calmicopa iya' ninc'a? Le'a ŁanDios copa'a cal C'a. Ailopa'a cocuena.

¹⁹ Ima' oxina' locuxepa ŁanDios. Iłe lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni

topalaicotsola' lof'as xanuc' tonesla' al linca, aimofel'miyale'ma. Taihue-jco'mola', totoc'i'mola', co'ailli', co'máma'."

²⁰ Cal xans timi Jesús:

—Momxi, całtojomma ca'ay tołta'a, jahuay iliya.

²¹ Jesús ehuelojm'ma cal xans, etenłcoco'ma lipicuejma', timi:

—Linca, tipa'a lahue'epo'. To'huanła', tocułtsi jahuay ło'hueca. Al tomí lofmulijya tapi'itsola' pe lahue'epola'. Tołta'a ti'i'ma co'huexi jipu'hua lema'a. Tijouła' tocuaicoconno pe laifpa'a, lihuej'ma.

²² Licuej'ma jile lataiqui' ic'omma'ma. Acueca' juaiconapa li'huexi. I'huana'ma tixhuełma.

²³ Jesús ehuelojm'mola' ts'ilihuequi, timila':

—Lan xanuc' ts'ił'hueca juaiconapa afule mitsuflaiyacu pe locuxeyopa ŁanDios.

²⁴ Ts'ilihuequi aiquiłcueca jile lines'ma Jesús. Ticuayi: "¿Te conescopa tołta'a?" Jesús timiconala':

—Cunc'ainaxque', lan xanuc' no'huaiyijmpá lił'huexi afule mitsuflaiyacu pe locuxeyopa ŁanDios.

²⁵ ¿Te aga cal camello tuyaico'ma laquipihuo łacuxa? Iya' camilhuo': Cal xans ts'i'huca juaiconapa tixim'ma xonca lipime mitsufaiya pe locuxeyopa ŁanDios.

²⁶ Licuej'me tołta'a ts'ilihuequi Jesús ixim'me ipime juaiconapa ile lataiqui'. Imiconam'oltsi:

—Aicalcueca ile lataiqui'. ¿Te ailopa'a conłuya?

²⁷ Jesús ehuelojm'mola', timila':

—Lan xanuc' quiltuca' aimi'iya monłueyacołtsi. ŁanDios linca nipajnya tunłue'mola'. Iłquiya jahuay nipajnya ti'e'ma, aimixina quipime.

²⁸ Pedro timi Jesús:

—Illanc' alpo'nonapá jahuay, lihuejhuo'.

²⁹ Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: "Quihuequi Jesús, jouc'a quihuequi Lataiqui' loya'apa lixpicepa ŁanDios", ja'ni joupa ipo'nopa lejut'ł, ipo'nopola' lipimaye o qui'máma' qui'ailli' o linaxque' o łemats',

³⁰ iłque cal xans mipa'a fa'a li'a łamats' tulij'ma amaxnu xonca. Tama ti-huetsoquinle tulij'mola' axpela' qui'máma', quipimaye, quinaxque', quejut'łi, quemats'. Ticuałtsi locuaicoya quitine tulij'ma lipitine aimijouya.

³¹ Axpela' lan tet'ła xanuc' ti'i'mola' lijoucola'. Jouc'a lijoucola', axpela' iłniya, ti'i'mola' lan tet'ła.

³² Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me iłniya. Tixhuełmot'łeyi, ticuayi liłpicuejma': "¿Te co'iya Jesús?" Lan xanuc' locuenaye tihuejyi tixpailiquila'. Jesús iłojf'i'mola' limbamaj coquexi', u'i'mola' loyaicoya małque quituca'.

³³ Timila':

—Imanc' olłsina' ałł'ajliyi al cueca' quilya' Jerusalén. Iya' iłque cal Xans Łiximpa cal profeta pu'hua lema'a. Jiłpiya alłcunna. Lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, alacani'eta ałma'anła' locuenaye xanuc', iłniya a'i judío.

³⁴ Iłniya ałtaluntseta, ałtsułc'ota lai'a, luntafquinna, ałma'ata. Afanej quitine camaf'ina'ma.

³⁵ Jacobo jouc'a Juan, iłne linaxque' Zebedeo, iłoc'olai'me pe lopa'a Jesús, timiyi:

—Momxi, ałpic'a ima' lapi'itsonga' ma to lałsahue'eyaco'.

³⁶ Jesús timila':

—¿Te ts'olpic'a? ¿Te caifnepi'iyacolhuo'?

³⁷ Iñiya timiyi:

—Lapi'itsonga' lane alcuxeta anuli ima'. Alcusingaito', anuli illanc' al c'a camane, locuena loxa camane.

³⁸ Jesus timila':

—Imanc' aicołsina', aicołcueca ile lałsahue'epa. Almiła': ¿Te imanc' nipajnya toluyalaico'me to iya' laifnuyaicoya? ¿Te nipajnya tołtełco'me to laiftełcoya?

³⁹ Iñiya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Tołtełco'me to iya' laiftełcoya.

⁴⁰ Iya' aimi'iya camiyacolhuo': “Alcusingaita anuli al c'a camane, locuena loxa camane”. Ailopa'a tołta'a laimane. LanDios joupa ixpic'epa naiłne nocutsołaiyacu jilpiya. Ma' iñiya ticutsołaita.

⁴¹ Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia.

⁴² Jesús ijoc'i'mola', timila':

—Imanc' olłsina' lił'ejma' lan xanuc' pe aimimetsaicoyi LanDios. Iłne liłpincuxepá ti'e'eyolłsi to lapoujnalá. Ts'ilpenic' ticuxenaiyi juaiconapa.

⁴³ Imanc' aimonł'e'me tołta'a. Ja'ni anuli imanc' ipic'a ti'e'exoxi xonca acueca', ilque titoc'itsola' lipimaye.

⁴⁴ Ja'ni anuli imanc' ipic'a ti'e'exoxi cal te'a, tixpic'eła' titoc'itsola' jahuay lif'as xanuc'.

⁴⁵ Iya' ilque cal Xans Liximpa cal profeta pu'hua lema'a. Laicuai'ma fa'a li'a lamats' aicanesqui: “Lan xanuc' alłoc'ila' iya’”. Aicuaicoco'ma catoc'itsola', cacula' laipitine. Ca'najcuf'mola' liłjunac' axpela' lan xanuc', cunłu'e'mola'.

⁴⁶ Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Iłque cuftine Bartimeo, i'hua Timeo.

⁴⁷ Icuej'ma tinesyi lan xanuc': “Icuaiico'ma Jesús łas Nazaret”. Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Alłsinła' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Alłsinła' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Tołjoc'ile cal fo'.

Ijoc'i'me, timiyi:

—Aimixpaij'mo', aimoxhuelmot'le'ma. Totsahuenni. Tijoc'ihuo'.

⁵⁰ Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús.

⁵¹ Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsaleła'.

⁵² Jesús timi:

—To'huanła'. Joupa al'huaiyijmpa, ixalconapo'.

Aiquicoł'ma, exilinanni li'u'. Ipango'ma ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' ile li'ya'. Icuaita hijuala Olivo pe lopa'a hilelo'ya' Betfagé jouc'a Betania. Jesús umme'mola' oquexi' ts'ilihuequi, ² timila':

—Tonlete li'ya' lehuoc'ocojma. Ji'pe lo'itsuflaiyacu li'ya' to'sinna tifijnya anujnca anuli la'hua burro. I'que cal burro ai'quenafcaiyinni. Toluhua'tsa. To'lhua'anca.

³ Ja'ni ticuis'entsolhuo', timintsolhuo': “¿Te culuhua'tcopa cal burro?”, imanc' to'htalai'e'e'me, to'imi'me: “La'Poujna ipicuiya tixhuicota. Tijoula' ticuai'enacu.”

⁴ Iye'me ts'ilihuequi. Ixintsa la'hua burro tifijnya lane pe lopa'a al puerta. Uhua'l'ma.

⁵ Oquexi' afantsi tecaxo'anna ji'piya icuis'e'me, timinnila':

—Imanc', ¿te culuhua'tcopa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa la'hua burro pe lopa'a Jesús. Ixpefi'me li'pijehua' lixpula' cal burro. Jesús icutsafcai'ma.

⁸ Axpela' lan xanuc' ixpou'me lane li'pijehua', ocuenaye ixpou'me imane' c'ec joupa ixquejpá.

⁹ Lan xanuc' i'ej'me jouc'a ts'ilenc'e tija'ayi, ticuayi:

—¡Hosana! ¡LanDios tun'hu'eatso', tipaxnetso'! LanDios ummepo'.

¹⁰ ¡Ima' a'cuxe'monga' al c'a! ¡A'cuxe'monga' to cal rey David licuxepola' la'htahueló! ¡To'hta'a a'paxne'monga' LanDios! I'ne nomana' lema'a jouc'a tinesle: “¡LanDios tun'hu'eatso'!”

¹¹ Jesús itsufai'ma li'ya' Jerusalén. I'hua'ma al cuecaj xoute'. Joupa if'acolaipa. Ehuelojm'mola' lan xanuc', te ts'i'ic' lo'epa ji'piya. Ipanni. Jouc'a limbamaj coquexi' ts'ilihuequi iye'me lane li'ya' Betania.

¹² Lihuequi litine ipalunca ji'pe li'ya Betania ipailiconamma Jerusalén. Miyeyi lane Jesús tunle'e.

¹³ Tehuelonge aculi' ixim'ma anuli la'icux. Ixim'ma tipa'a h'pela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui h'as icux.

¹⁴ Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

¹⁵ Licuaicontsa Jerusalén Jesús itsufaicona'ma pe lopa'a al cuecaj xoute'. Ji'piya ipango'ma ipa'a'mola' nocucalepá jouc'a no'najualepá. Ejualaif'e'e'mola' li'mesa i'ne nopai'ipaj tomí. Jouc'a nocujpá lan cucú ejualaif'e'e'mola' liletayats'.

¹⁶ I'ne li'htaic' locujyacu aiquepi'ila' lane muyalaiyacu luna xoute'.

¹⁷ Timuc'ila' lan xanuc' nomana' ji'piya, timila':

—Lataiqui' loya'apa locuxepa LanDios ticua: “Ji'pe lainejut'l' ticuaicu lan xanuc', i'ne tiyoyunca ni petsi li'a lamats', ji'pe a'palaic'o'ma”. LanDios ecuej'micopa i'hta'a lejut'l'. Itsiya tocomma a'i quejut'l' LanDios. Ti'on'cospa to hunts'aja' pe lafo'lyomma lan namats'. To'hta'a lon'epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' i'pic'a lomuc'iyalepa i'que.

Ehue'me te co'iya mima'ayacu.

¹⁹ Lif'acola'ijma Jesús jouc'a ts'ilihuequi ipalconanca li'ya'.

20 Lihuequi litine uyalaicocona'me male lane. Ixim'me la'icux joupa ijuhnapa jouc'a hime.

21 Pedro i'nujuaitsi lines'ma Jesús, timi:

—Momxi, jtoxinla' la'icux! Ima' omi'ma cataiqui', joupa ijuhnapa.

22 Jesús italai'enni, timila' ts'ilihuequi:

—Imanc', ti'hua to'l'huaiyijnle LanDios.

23 Iya' camilhuo': Cal xans no'huaiyijmpa LanDios nipajnya ticuxe'ma itca'a hijuala, timila': “To'huala', to'nij'mixoxi laja”. Ja'ni ma ti'huaiyinge, ja'ni ailopa'a conesya, itque tixim'ma ti'i'ma ma to licuxe'epa.

24 Iya' camilhuo': Ja'ni to'l'huaiyijnyi LanDios, ja'ni to'cuayi: “Joupa lapi'iponga' lahsahue'epa”, iliya linca tepi'i'molhuo'.

25 'Mo'palaic'oyi LanDios, ja'ni tolixuc'oyi anuli to'pima aimi'hua molixuc'ocona'me. Itque to'pima tolimenc'e'ecole lixcay li'e'epolhuo'. To'ta'a co'l'Ailli' Nopa'a lema'a timenc'e'eco'molhuo' jouc'a lixcay lo'l'epa.

26 Ja'ni aimolimenc'e'ecoyi, co'l'Ailli' Nopa'a lema'a jouc'a aimi-menc'e'eyacolhuo'.

27 Icuaiyocontsa li'ya' Jerusalén Jesús ti'hua jilpe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan xanuc' noxpijpá lataiqui', itoc'olai'me pe lopa'a Jesús,

28 timiyi:

—¿Naitsi nummepo' to'ela' to'ta'a? ¿Naitsi nepi'ipo' lane?

29 Jesús timila':

—Iya' quicuis'e'molhuo' jouc'a. A'talai'ela'. Tijoula' cami'molhuo' naitsi nalapi'ipa laimane ca'ela' to'ta'a.

30 Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni LanDios nepi'ipa o ma le'a lan xanuc' epi'i'me?

31 Ihiya ticuis'eyo'tsi, timiyot'si:

—Ja'ni a'mile: “LanDios epi'ipa limane”, Jesús a'mi'monga': “¿Te aicolapenufi itque?”

32 O ¿a'mile: “Lan xanuc' epi'ipá limane”? A'i, aimi'iya ma'miyacu to'ta'a. Lixuc'o'monga' lan xanuc'.

Ihe lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tixpailiquila'. Lan xanuc' ticuayi: “Juan Bautista aprofeta, LanDios ummepa”.

33 Italai'e'e'me Jesús, timiyi:

—Aicahsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

1 Jesús ipango'ma i'on'ico'ma lo'epa LanDios fa'a li'a lamats'. Timila':

—Anuli cal xans ifapa lamats' laifa' uva. Eti'ico'ma aita'. Ipupa pe lot-suj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nof'quiya lajut'l, jilpiya tipajm'ma no'eya cuenna lan 'uva. Icu'ma lamats' lan xanuc' ti'etsa canic', tulij'me on'ca laipammaiya. Aculi' i'hua'ma.

2 Licuaitsi litine lipammaitsi lan 'uva umme'ma anuli himozo. Timitola' lin'epá canic': “Lapi'ila' hi'huexi laipoujna”.

3 Lin'epá canic' i'no'l'me cal mozo. Ummena'me. Aiquilepi'i.

4 Lapoujna ummecona'ma ocuena quimozo. Licuaitsi jilpiya lin'epá canic' ixcai'e'me hijuac, imiloj'me cataiqui'.

5 Ummecona'ma ocuenaj mozo. Itque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

6 'Ipanenni ma le'a anuli naitsi lommeya. Hque i'hua, ti'ay capic'a jauiconapa. Umme'ma. Icu'a'ma: "Tixpaic'eta lai'hua".

7 Lin'epá canic' timiyotsti: "Hque i'hua lipoujna camats'. Alma'ate. Tijoula' alma'ate illanc' ticuainata calmane cal 'huexi."

8 Hne i'no'l'me lamijcano, lima'a'me, ipa'a'me ile lamats' pe lifapa laifa'.

9 'Lipoujna camats', ¿te co'e'eyacola' hne lin'epá canic'? Iya' camilhuo': Lapoujna ti'hua'ma pe lomana' ihniya lan xanuc', tima'atola'. Lemats' lifapa laifa' uva tepi'i'mola' ocuenaye lan xanuc'.

10 '¿Te a'i colsuc' al Paxi Linilingiya loya'apa te ts'i'ic' lo'iya? Ticua:

Lapic hetets'ipa nolanc'epá lajut'l, i'ipa xonca laicuicoya.

Hque lapic xonca tilanc'e laita' aimecangeya lajut'l.

11 LanDios laPoujna to'ta'a lecuej'micopa.

Illanc' alsinyi acueca' ile li'ipa.

12 Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios ixtuc'o'me Jesús, ticuayi: "Hque Jesús al'onhcongá to hne lixcay lin'epá canic' jilpe lamats' lifampa cal 'uva". Ehue'me te co'iya mi'no'lyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

13 Ummem'mola' lan xanuc' fariseo jouc'a lixanuc' cal rey Herodes. Ticuis'mot'heta Jesús. Tehuaita. Ehue'me te co'iya micufyacu.

14 Icuaitsa, timiyi Jesús:

—Momxi, alsina' ima' tonesqui al linca. Aimahuay latencocopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aqui'hueca. Tomuc'iyale lipene LanDios. Itsiya licuis'ehuo', ¿te al'najtse'eta al tomí la'sahue'eyaconga' cal cuecaj quincuxepa, hque César? O ¿aima'najtse'eyacu? Alu'itsonga', ¿nipajnya o aimi'iya?

15 Jesús ixina' te ts'i'ic' lipicuejma' ihniya. Hpic'a tifel'mile. Ma le'a ti'e'eyotsti to lan c'a xanuc'. Timila':

—¿Te calahuaicopa? Aitai'etsi anuli al tomí, caxinta'.

16 Itai'etsa. Jesús icuis'e'mola', timila':

—Ita'a al tomí, ¿naitsi ilca'a ts'i'a? ¿Naitsi ita'a ts'ipuftine?

17 Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ile César. Ja'ni i'huexi LanDios, tolapi'ile LanDios.

Licuej'me Jesús litalai'epola' icuapá:

—¡Xinta'! Acueca' lipicuejma' Jesús.

18 Lijou'ma icuaitsa pe lopa'a Jesús lan xanuc' saduceo. Hne naihuejpa lataiqui' loya'apa: "Lan xanuc' tima'mola' nulemma, aimimaf'iyacu". Jouc'a tehuaiyi Jesús, icuis'e'me, timiyi:

19 —Momxi, pe lini'pa Moisés alcuxenga', tuya'e': "Cal xans timala', ma' imaf'i' lipeno ailopa'a qui'hua, lipima tileco'ma hi'maxi. Tipajntsi qui'hua tecui'i'me lipuftine limanapa. Timetsaicom'me to qui'hua limanapa. Tepi'im'me hi'huexi limanapa."

20 Itsiya lu'i'mo' li'ipa.

'Timana' acaitsi lapimaye. Cal te'a ileco'ma lipeno. Ailopa'a qui'hua. Imanapa.

21 Lipima limanapa ileco'ma hi'maxi. Ailopa'a qui'hua, jouc'a imana'ma.

22 Jouc'a locuena lipima ileco'ma hi'maxi. Ma' anuli uyaico'ma. Locuenaye amalujxi lipimaye ma to'ta'a luyalaico'me. Jouc'a ileco'me hi'maxi, anuli anuli imana'mola'. Aiquilsina' qui'hua. Lijou'ma imana'ma la'ca'no' jouc'a.

23 Lan caitsi jounpa ilecopá la'ca'no'. Itsiya lu'itsonga': Ticuaitsi litine timaf'ina'le limanapola', ¿naitsi co'iya hipe'ailli'?

24 Jesús timila':

—Imanc' timenaquilhuo'. Aicołsina' loya'apa al Paxi Linilingiya, aicolimet-saijma al cuecaj lo'epa ŁanDios.

25 Timaf'inłe lan xanuc' tipalnacu pe lomana' limanapola', ihniya aimemalliyacu, ni laculhue ni lacał'no'. Ti'onłcotola' to lapaluc' quema'a.

26 'Imanc' tołcuayi: "Aimimaf'iyacu limanapola'". ¿Te aicołsuec' liniłpa Moisés? Jiłpe tuya'e' li'ipa litine lonajpa lac'ec. Iłe litine ŁanDios timi: "Iya' NanDios, ilenDios Abraham, Isaac y Jacob".

27 ŁanDios a'i quilenDios limanapola'. Iłque ilenDios ts'ihmaf'i'. Imanc' juaiconapa timenaquilhuo'.

28 Jiłpe tipa'a anuli łomxi nomuc'iyalepa locuxepa ŁanDios. Tiquimf'e ihnu'hua laicuis'mot'łepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa ŁanDios?

29 Jesús italai'e'ma, timi:

—Iłe lataiqui' xonca al cueca' tuya'e': "Ałquimf'ela', imanc' ixanuc' Israel. ŁanDios, łalanDios, ma' iłque anDios. Ailopa'a cocuena.

30 Ima' to'nujuaitsi ŁanDios łoPoujna. Iłque omenDios. Taihuejla' jahuay łomunxajma', jahuay ło'alma, jahuay łopicuejma', jahuay łopujfxi."

31 Locuena lataiqui' locuxepa ŁanDios tuya'e': "Ima' to'eyoxi capic'a. Ma tołta'a to'ela' capic'a łof'as xans, naitsi łoftalecufya." Iłna'a atsila' cataiqui'. Xonca atsila' ailopa'a.

32 Łomxi timi:

—Momxi, ac'a lotaiqui' lonespa. Ma' al linca lofcuapa. Tipa'a anuli ŁanDios, ailopa'a cocuena.

33 Ał'nujuaisle ŁanDios, alihuejle jahuay łalunxajma', jahuay łalpicuejma', jahuay łalpujfxi. Ał'etsola' capic'a łal'as xanuc' ma to mał'eyołtsi capic'a. Ja'ni tołta'a ał'eyi, ticuaispa quipic'a ŁanDios. Ja'ni aimal'eyacola' capic'a łal'as xanuc', tama ałtsufcole łopi'epa jiłpe al altar, iłe łal'ejma' aimicuaispa quipic'a ŁanDios.

34 Jesús ixim'ma łomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ŁanDios, iłque cal Cuecaj Rey.

Lijou'ma ailopa'a quicuis'epa, ni anuli. Iłsina' tulijna'mola' Jesús.

35 Mipa'a Jesús pe łopa'a al cuecaj xoute' ti'hua timuc'ila' lan xanuc'. Timila':

—Łomxiye nomuc'iyalepá locuxepa ŁanDios ticuayi: "Cal rey David itatahuelo cal Cristo". ¿Te conescopa tołta'a?

36 Ituca' lonespa iłque cal rey David. Muya'e' lataiqui' lu'ipa cal Espíritu Santo tuya'e':

ŁanDios ipalaic'o'ma łaiPoujna, timi:

"Tocutsaiłta' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijoułta', ima' tocuxena'mola'."

37 Małque David inesco'ma cal Cristo, ticua "... łaiPoujna". Ja'ni David itatahuelo cal Cristo, ¿te conescopa tołta'a?

Axpela' lan xanuc' noquimf'epá lomuc'iyalepa Jesús icuaitsi quilpic'a juaiconapa litaiqui'.

38 Mimuc'iyale Jesús tu'ila':

—Tołpo'nołe cuenna, aimifel'mi'molhuo' lomxiye nomuc'iyalepá locuxepa ŁanDios. Iłniya iłpic'a tipo'nołe liłpijahua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', iłpic'a tinonintsola'.

³⁹ Łajut'li pe lafołyomma lan xanuc' iłpic'a ticutsolaife xonca jipu'hua li'huáqui. Ja'ni tijoc'innila' tixmocota iłpic'a ticutsolaife petsi locutsołaiyacu lan tsilaj xanuc'.

⁴⁰ Tijoutsaf'ennila' li'huexi lacał'no' lam potsateya. Mi'eyi tołta'a ti'e'eyołtsi to lan c'a xanuc'. Ticoli tipalaic'oyi ŁanDios. Tijoułta', xonca titeł'mi'mola' ŁanDios.

⁴¹ Jesús ticutsu al cuecaj xoute' tehuelongila' lan xanuc' mi'nij'mi'me liłtomí jilpe al caxax. Axpela' lan xanuc' ts'ih'huca xonca ti'nij'miyi acueca'.

⁴² Icuaitsi jilpiya anuli łaca'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali.

⁴³ Jesús ijoc'i'mola' ts'ilihuequi, timila':

—Iya' camilhuo' al linca: Iłque cal potsate, aici'huca, ulijpola' locuenaye. Etoj'mipa xonca.

⁴⁴ Locuenaye ni'nij'mipá liłtomí jilpe, ihniya aimehue'ela'. Tipanemma acueca' liłtomí. Iłquiya łaca'no' ailopa'a quipaneya, etoj'mipa jahuay, ailopa'a co'nacoya łoteja.

13

¹ Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, ¡toxinła'! ¡Atsila' iłne lapic' lilanc'ecompa al xoute'! ¡Atsila' łajut'li!

² Jesús timi:

—Itsiya toxina ihnu'hua atsila' łajut'li. Ticuaihuo litine jahuay tetełquehuo. Ni anuli lapic mipo'nof'queya łocuena capic.

³ Micutsu Jesús lijuala Olivo, al huenajmay al cuecaj xoute', Pedro, Jacobo, Juan jouc'a Andrés iłoc'olai'me pe lopa'a. Icuis'e'me, timiyi:

⁴ —Lu'itsonga', ¿te quitine mi'iyá lofnespa? ¿Te co'iyá mi'iyá całsina' aimicołya lo'iyá ihniya? ¿Te jale małsinyacu?

⁵ Jesús ipango'ma u'i'mola' timila':

—Tołpo'nołe cuenna. Ja'ni a'i tifel'mi'molhuo'.

⁶ Ticuaicu axpela' linfel'miyale, tines'me anuli anuli: “Iya' ninCristo, ŁanDios alummepa”. Ihniya tifel'miyale'me. Axpela' lan xanuc' tepenuf'me liłtaiqui'.

⁷ Imanc' tołcuj'me tifulenni jouc'a tifulem'me. Aimixpailij'molhuo'. Ma tołta'a ti'i'ma. Ticoł'ma locuaicoya Lijoujma Quitine.

⁸ Lan xanuc' nomana' anuli al nación tixtuc'o'me, tifule'me lan xanuc' locuenaj nación. Lixanuc' anuli cal cuecaj quincuxepa tifule'me lixanuc' łocuena cal cuecaj quincuxepa. Ni petsi tinu'ma łunanto, ti'i'ma cumemma. Ma ti'onłcota to lipumla łaca'no', tołta'a tipango'ma al cueca' latełcoya.

⁹ Tołpo'nołe cuenna. Ticum'molhuo', ticuaita liłmane lan tsilaj xanuc' noxpipá lataiqui'. Tilecom'molhuo' łajut'li pe lafołyomma lan xanuc'. Jilpe tipam'molhuo'. Imanc' ts'alihuequi, tołta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Tołta'a iłne lan xanuc' ti'ila' quilsi'na' naitsi iya'. Imanc' tulu'i'mola'.

¹⁰ Ai'a ticuaihuo Lijoujma Quitine ni petsi li'a łamats' tuya'am'me te ts'i'ic' liłpic'epa ŁanDios, iłe lataiqui' ac'a loya'apa.

¹¹ Litine ti'nołintsolhuo', tilecotsolhuo' pe lomana' lincuxepá, aimołsuełmot'le'me. Aimołcua'me lołpicuejma': “¿Te całtalai'e'ecoyacu?” Małpe al 'hora ŁanDios tepi'i'molhuo' lołpicuejma' tołtalai'eco'me al c'a. Iłe lołnesyacu a'i cołtaiqui' imanc', ma' itaiqui' cal Espíritu Santo. Iłque tipo'no'i'molhuo' lołpicuejma'.

12 'Ēapima tiku'ma ĥipima tima'anĕ. Cal xans tiku'ma ĥi'hua. La'uhuay titsolicu, tixtuc'o'me quiĥ'ailli' quiĥ'máma'. Tiku'moĥtsi, tima'antsola'.

13 Imanc' ts'alihuequi ni petsi loĥmanc'eyacu lan xanuc' ti'ejco'molhuo' laic'. Ja'ni toĥsnet'ĥ'me, ticuaitsi Lijoujma Quitine tolunĥul'me.

14 'Ma to luya'apa cal profeta Daniel toĥta'a lo'iya. Ĥe pe ĒanDios tilaiqui tipo'nom'me petsi ailopa'a lane mipo'nonyacu.

(Naitsi noxhuef'iyacola' ĥta'a lataiqui' ticuec'ĕta'.)

'Ti'ĥa' toĥta'a lo'iya, ja'ni toĥmana' al distrito Judea, tolinul—le, toĥ'ajle ĥijualay.

15 Ja'ni topa'a al toncay lomejut'ĥ aimaimuhuo motsufai'ma lomejut'ĥ. Aimocua'ma: “Tĥpa'a laifpa'aya”. Aimicoĥ'mo'. Ma tainuĥa'.

16 Ja'ni topa'a pu'huanni cal 'ec, aimopaiconahuo mommaf'huo lopusuiya. Ma tainuĥa'.

17 'Acuanuc'la lacaĥ'no' linnaila' jouc'a notoc'alepá. Ĥe litine juaiconapa titeĥco'me.

18 Toĥsa'hueĕe ĒanDios aimicuaihuo lateĥcoya ĥitiné caxita.

19 'Li'a ĥamats' tama joupa ixhuaita axpe' camats' mipa'a, lan xanuc' nomana' aiquiteĥma to lotĕcoyacu ĥe locuaicoya quitine. Tijouĥa' aimiteĥcoconayacu toĥta'a.

20 Ja'ni ĒanDios tixpic'ĕta' ticoĥtsola' ĥne ĥitiné ailopa'a conĥuya. Joupa ixpic'epa aimicoĥyacola' ĥne ĥitiné. Tixinnila' cuanuc'la lixanuc' ĥĥne li'ĥuij'epola', ipic'a tunĥul—le.

21 'Ĥĥne ĥitiné ja'ni timintsolhuo': “ĤToĥsinĕ! Jifa'a icuai'ma cal Cristo”, o “Ĥipu'hua icuaita”, aimoĥ'e'me ĥinca ĥĥtaiqui'.

22 Ticuaicu lan xanuc' nonespá: “Ĥya' ninCristo”, o “Ĥya' ninprofeta. Ĥya' canesqui lala'ipa ĒanDios.” Ĥniya ĥinfel'miyale. Ti'e'me al cueca'. Ĥpic'a tinesle lan xanuc': “Ĥĥque ĥinca ummepa ĒanDios”. Ma le'a tĥfel'miyaleyi. Coĥa' tĥfel'mintsola' jouc'a li'ĥuij'epola' ĒanDios. Aimi'iya mĥfel'minyacola'.

23 Toĥpo'noĕe cuenna. Joupa nu'ipolhuo' jahuay ĥe lo'iya.

24 'Tijoutsola' ĥne ĥitiné cateĥcoya ticuaihuo litine: “Timuĥc'o'ma cal 'ora, cal mut'ĥa aimepalc'o'iya.

25 Lan xamna timeĥcoĕecu lema'a, jahuay lopa'a ĥĥpe lema'a tĥfe'nem'mola'.”

26 Tijouĥa' aĥsim'ma iya'. Ĥya' ĥĥque cal Xans Ĥiximpa cal profeta pu'hua lema'a. Cacaiconanni ĥummahuay quimuyohuo. Aĥsim'ma ninCuecaj Rey. Aĥsim'ma aĥ'onĥpa ma to ĒanDios.

27 Ĥĥe litine cumme'mola' ĥainepaluc' quema'a tĥyeĕe tefot'ĥentsola' laixanuc' lai'ĥuij'epola'. Tileconnola' ni petsi lomana', ĥne nomana' lo'huayomma ĥahua', nomana' lotsepa ĥahua', nomana' pe liyuf'ma cal 'ora, nomana' pe loĥ'acaiyopa cal 'ora. Jahuay lipitoqui lipexpats'qui li'a ĥamats' tileconnola'.

28 'Lo'ipa al 'ec 'icux ti'onĕcospa to lo'iya. ĤToĥcujle! Toĥsinĕ tuxcuaf'ĕta' limane' al 'ec 'icux ti'i'ma coĥsina' icuaico'ma ĥinu'.

29 Jouc'a litine toĥsinĕ lo'ipa ma to ĥainu'ipolhuo' ti'ĥa' coĥsina' joupa aicuaico'ma.

30 Ĥya' camilhuo' al ĥinca: Ĥitiné ti'ĥa' to laifmipolhuo', lan xanuc' nomajnyacu fa'a li'a ĥamats' ti'onĕtola' to lan xanuc' nomana' fa'a ĥsiya litine. Anuli ti'i'ma ĥĥpicuejma'.

31 Lema'a jouc'a li'a ĥamats' tijou'mola'. Ĥaitaiqui' aimijouya.

32 'Nĥ naitsi ts'ixina' litine ni al 'hora cacuaiconaya. Aiquĥsina' ĥapaluc' quema'a, ni iya' i'Hua ĒanDios aicaxina' jouc'a. Ma le'a cai'Ailli' ĥinca ixina'.

33 'Imanc' toĥpo'noĕe cuenna. Ti'hua toĥmaf'ĥe. Aimi'i'molhuo' to noxmaipá. Tipantsi cumlata. Ti'hua toĥsa'hueĕe ĒanDios. Aicoĥsina' te quitine cacuaiyocoono.

³⁴ Itsiya lo'ipolhuo' imanc' ti'onłcospa to li'ipola' lam mozó mi'huana'ma hı́poujna. Itque łapoujna epi'ipola' liłmane ti'ele cuenna lajut'ł. Epi'ipola' liłpenic', anuli anuli. Anuli ixc'ai'ipa ti'ela' cuenna al puerta, timi: “Aimoxmai'ma”.

³⁵⁻³⁶ Jouc'a imanc' aimołsmi'me. Tołpo'note cuenna. Ja'ni a'i cacuaiyunni ca'huajcoco'molhuo' tołsmiayi. Aicołsina' te quitine cacuaiyoconno iya' ołPoujna. Aicołsina' te 'hora, ja'ni if'acołaiipa, ja'ni nolojmay quipuqui', ja'ni mija'a'ma łangiti, ja'ni liłic'ejma'.

³⁷ Ma to laifmipolhuo' imanc' jouc'a laifnu'ipola' jahuay, camila': “Tipantsi cumlata, aimołsmi'me”.

14

¹ Tehue'e ma le'a oquej quitine ti'i'ma al juic Pascua. Itne łitiné titem'me łai' petsi aiqilai'inni levadura. Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixpic'e'me tifel'miyale'me. Tehueyi te co'iya mi'nołyacu Jesús, tima'ale.

² Ticuayi:

—Tijouł' al juic. Itsiya efołumma axpela' lan xanuc', tixtulecu.

³ Jesús tipa'a liłya' Betania lejut'ł Simón, itque lixałconapa licuana cuftine lahui lepra. Ticutsu Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. Ixcua'fi'ma laceite lijuac Jesús.

⁴ Oquexi' afantsi mimana' jı́pe ixtulencia, timiyołtsi:

—Joupa ejac'pa laceite. ¿Te qui'ecopa tołta'a łaca'no'?

⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', itne petsi aiqil'hueca.

Tipalaicoyi quixcay łaca'no'.

⁶ Jesús timila':

—Tołe ti'ıla'. ¿Te cołpo'nocopa quixhuejma' łaca'no'? Itque i'epa al c'a. Latenłcocopa li'epa.

⁷ Imanc' tiłmana' lołpiłya' xanuc' petsi aiqil'hueca. Aimijouyacola' itniya. Jahuay łitiné ti'i'ma tołpic'e'me te co'iya mołtoc'iyacola'. Iya' a'i. Iya' aimalcołya capajconaya fa'a li'a łamats'.

⁸ Itca'a łaca'no' i'epa ma to li'ommaita. Ai'a ałma'ma ał'huaf'impal laceite laicuerpo. Joupa ałanc'epa ai'a laminna.

⁹ Iya' camilhuo' al łınca: Ni petsi loya'anyacu Lataiqui' loya'apa ite al c'a lixpice'pa ŁanDios, jouc'a tuya'acom'me li'epa itca'a łaca'no'.

¹⁰ Judas Iscariote, itque anuli limbamaj coquexi' ts'ilihuequi Jesús, i'hua'ma pe lomana' lixanuc' cal cuecaj ca'ailli', ticuta Jesús.

¹¹ Itniya la'aillí licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'iya micuya Jesús, ticuaita quılmane la'aillí.

¹² Icuaitsi al te'a litine al juic. Itiya al juic titem'me łai' aiqilai'inni levadura. Jı́te litine tite'me lam mot'ł loma'anyacola' jı́pe al juic. Ts'ilihuequi Jesús timiyi:

—¿Pe ts'opic'a calsmocoyoyacu al juic Pascua? Ałanc'eta jahuay.

¹³ Jesús umme'mola' oquexi' ts'ilihuequi, timila':

—Tonłe al cueca' quıłya' Jerusalén. Jı́piya tołtalecufta anuli cal xans itaic' lijuti caja'. Tolihuejtsa.

¹⁴ Itque titsufaitsi anuli lajut'ł, imanc' jouc'a tołsufłaitsa. Tołmita lipoujna cajut'ł: “ŁalPomxi ticuis'ehuo': ¿Pe copa'a lajcuarto pe lałsmocoyoyacu al juic Pascua, iya' jouc'a ts'alihuequi?”

15 Timuc'itolhuo' anuli al cuarto lopa'a al toncay, joupa ixhueya. Imanc' toltaita lattejacu, jilpiya alsmocota.

16 Iye'me ts'ilihuequi, itsuflai'me al cuecaj quiŷya', ixim'me jahuay to limipola' Jesús. Ilanc'e'me lotejacu alxmocojma al juic.

17 Lif'acolaipa icuaiyunca Jesús jouc'a limbamaj coquexi' ts'ilihuequi.

18 Micutsołanna, mixmocoyi, Jesús timila':

—Camilhuo' al linca: Anuli imanc' alcuna'ma, anuli jifa'a loxmocopa.

19 Ts'ilihuequi ixhuełmot'le'me. Anuli anuli icuitsuf'ma, timiyi:

—¿Te aga iya'? Iya' a'i.

20 Jesús timila':

—Unc'imbamaj coquexi' anuli imanc' alcu'ma. Itque aljac'eyi lala'i anuli al pime.

21 Iya' itque cal Xans Liximpa cal profeta pu'hua lema'a. Cuyaico'ma ma to micua al Paxi Linilingiya. Tama tołta'a laifnuyaicoya, cal xans lałcuya a'ijc'a loyaicoya itque. Juaiconapa acueca' titełco'ma, ticua'ma: “Coła' aicaipajntsi iya”.

22 Mitetsoyi Jesús epef'ma anuli la'i, ix'najtsi'i'ma LanDios, ixquenuf'ma. Epi'i'mola' ts'ilihuequi, timila':

—Tołtele. Itta'a aicuerpo.

23 Ihuof'ma al vaso. Lix'najtsi'i'ma LanDios, uhui'i'mola' ts'ilihuequi. Jahuay ixna'me.

24 Timila':

—Itta'a aijuats', tilinc'i'ma al ts'e quitaiqui' LanDios lopo'no'ipola' lixanuc'. Iya' caxcuajai'ma laijuats' tunchul—le axpela'.

25 Iya' camilhuo' al linca: Jifa'a li'a lamats' aicaxnaconaya vino. Ticuaitsi litine lan xanuc' tixinle LanDios micuxe, jile litine caxnacona'ma al ts'e vino.

26 Lijoupa lunac'copa LanDios ipalunca. Iye'me lijuala Olivo.

27 Jesús timi ts'ilihuequi:

—Itta'a lipuqui' imanc' tolanaj'mołtsi, alpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma lipoujna lam mot'ł, itque tima'ma. Lam mot'ł teca'ne'mołtsi.”

28 Tijoula' camaf'inala' ca'hua'ma al distrito Galilea. Ca'huaicotolhuo' jilpiya.

29 Pedro timi Jesús:

—Tixtuc'otso' jahuay laipimaye, tama tenajtsołtsi, iya' a'i.

30 Jesús timi Pedro:

—Cami'mo' al linca: Itsiya lipuqui' ai'a tija'a'ma langiti oquemma, ima' tones'ma afanemma: “Aicainimetsaijma Jesús”.

31 Pedro ti'hua tipalaic'o Jesús, ihui'ipa, timi:

—Tama alma'atsonga' iya' ima', aicanesya: Aicainimetsaijma Jesús. Ni anulemma canesya tołta'a.

Ma' anuli ines'me jahuay locuenaye.

32 Icuaitsa al lugar cuftine Getsemani'. Jesús timila' ts'ilihuequi:

—Imanc' tołcutsolaile fa'a. Iya' capalaic'ota LanDios.

33 Ileco'mola' Pedro, Jacobo jouc'a Juan. Ipango'ma tixina acueca' juaiconapa ile lo'iya, tixhuełma juaiconapa.

34 Timila' lam fantsi:

—Juaiconapa cahuosma, ma tocomma alma'ma quixhuejma'. Tołmanenca jifa'a. Aimołsmal'me.

35 Uyai'ma huata, ixpats'huai'ma lamats'. Tixa'hue LanDios ja'ni ti'i'ma tuyaicotsi jile al 'hora.

36 Timi:

—Abba, mai'Ailli', ima' jahuay nipajnya to'e'ma. Liñonc'e'eta' ita'a laiftelcopa. Ma caxa'huehuo' to'ta'a jouc'a camihuo': Ti'ila' lofxpic'epa ima', a'i latencocopa iya'.

³⁷ Ipaiconanni, icuaitsi pe lomana' lam fantsi ts'ilihuequi. Ixim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij hora?

³⁸ Tołmaf'ile jahuay imanc'. Tołsa'huele LanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'ime”. A'i, aimi'iya. Lołcuerpo ailopa'a quipujfxi.

³⁹ I'huacona'ma, tixa'hueconata LanDios. Ma' anuli ixahue'econa'ma.

⁴⁰ Ipaiconanni icuaiyocontsi pe lomana' lam fantsi, ixingona'mola' tixmaiconayi. Tixinyi timufquemma li'u'. Ticui quilehui. Aiquiłsina' te cotalai'e'eyacu Jesús.

⁴¹ I'huacona'ma. Ipaiconanni. Joupa i'ipa afanemma. Icuaiyocontsi pe lomana' lam fantsi. Timila':

—Imanc', ¿ti'hua tołsmaiya? ¿Tolunxajyi? Ne', ti'ila'. Ixhuaita lai'hora. Iya' itque cal Xans Liximpa cal profeta pu'hua lema'a. ¿Tołsinte! Ałcu'ma. Ał'noł'ma lan xanuc', itne aimimetsaicoyi LanDios.

⁴² ¿Tołsolinca! ¿Lepá! Joupa icuaico'ma itquiya łalcuya.

⁴³ Mipalay Jesús icuaitsi Judas, itque anuli limbamaj coquexi' ts'ilihuequi Jesús. Iłcola' axpela' lan xanuc' ittaic' li'espada jouc'a li'ec. Itne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpıjpa lataiqui'.

⁴⁴ Itque łocuya Jesús joupa u'ipola' te ts'i'ic' mimetsaicoyacu Jesús. Joupa imipola': “Cal xans łaftuc'oya jıłque toł'nołe. Tołłecole. Aiminuc'e'molhuo'.”

⁴⁵ Licuaitsi jıłpiya Judas aiquicoł'ma itoc'huai'ma pe lopa'a Jesús, timi:

—¿Momxi!

Ituc'o'ma.

⁴⁶ Lan xanuc' i'noł'me Jesús. Aicux'mas'me.

⁴⁷ Tipa'a anuli ts'ihuequi Jesús tecaxu jıłpe. Itque ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas.

⁴⁸ Jesús ipalaic'o'mola' itniya licuai'me ti'nołe, timila':

—¿Te cołcuaiyoco'me fa'a ołtaic' loł'espada jouc'a lonł'ec? ¿Ja'ni tołna'a ał'nołla'? ¿Aga tołcuayi: “Itque inma'ahuale”?

⁴⁹ Itine itine ałmajmpá anuli jıłpe al cuecaj xoute', aical'nołi. Ne', ti'ila' ma to loya'apa al Paxi Linıłingiya. Ticuicomma tenanłla' jahuay ite lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jıłpe tipa'a anuli łamijcano ihuequi Jesús. Itque łamijcano iju'eyoxi ma le'a lisábana. Jouc'a i'nołim'me.

⁵² Łamijcano ipanenni lisábana, inu'ma amila.

⁵³ Iłeco'me Jesús pe lopa'a cal cuecaj ca'ailli'. Jıłpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpıjpa lataiqui', jouc'a lomxiye nomuc'iyalepá locuxepa LanDios.

⁵⁴ Pedro i'huanc'e'ma aculi'. Itsufai'ma łipuna quejut'ł cal cuecaj ca'ailli'. Jıłpe icutsingai'mola' lepaluc' cal cuecaj ca'ailli'. Jıłpe łunga tifununc'eyołtsi anuli.

⁵⁵ Lixanuc' cal cuecaj ca'ailli' jouc'a jahuay noxpıjpa lataiqui' tehueyi naitsi nocufya Jesús. Tołta'a ti'i'ma tima'anłe. Aiqui'ic'.

⁵⁶ Axpela' lan xanuc' tuyout'łecoyi Jesús, ma le'a tifellaiqueyi. Anuli anuli, ituca' ituca' tinesqui. Aiqui'ic' anuli liłtaiqui' lonespa.

⁵⁷ Oquexi' afantsi itsolinca uya'a'me ocuena lafellaiqueya, timiyi:

58 —Illanc' ałcuejpá itque linespa, ticua: “Iya' nulemma cateł'ma ita'a al cuecaj xoute' lilanc'epa lan xanuc'. Tuyaił'a afane' quitine iya' joupá ailanc'econapa ocuena. İe a'i quıllanc'e'e lan xanuc'.”

59 Ni ilne nonespá aiqui'ic' anuli lıłtaiqui'.

60 Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ilē lataiqui', o aiconesqui?

61 Aiquitalai'e. Ailopa'a quitaiqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

62 Jesús timi:

—Ma' iya'. Iya' itque cal Xans Liximpa cal profeta pu'hua lema'a. Imanc' ałsim'ma cacutsuya al c'a camane cal Cuecaj Rey. Ałsim'ma quimuyohuo lema'a, cacuaiyoconno łamats' nolojmay cummahuay lema'a.

63 Cal cuecaj ca'ailli' its'ał'ma lipijahua', imujpa lipoyac'. Aiquetenłcocojma locuapa Jesús. Timila' lixanuc':

—Itsiya, ¿te calahuecoyacola' ocuenaye lan xanuc' ticufle?

64 Imanc' ołcuejpá lonespa. Etets'ipa LanDios. ¿Te cołcuapa imanc'?

Jahuay icuxeco'me Jesús, ticuayi:

—Tıpa'a lijunac'. ¡Tıma'anle!

65 Oquexi' afantsi ipango'me itsułco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ał'a, ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

66 Pedro ipanenni al 'ocay, ticutsu łuna. Uyai'ma anuli łicriada cal cuecaj ca'ailli'.

67 İxim'ma Pedro tifununc'eyoxi jıłpe łunga. Ehuelojm'ma, timi:

—İma' jouc'a omihuequi cal xans łas Nazaret, itque Jesús.

68 Pedro icuanajpa, timi:

—Aicaixina'. Aicaicueca lofnespa.

İpanni, ecax'ma pe lopa'a al puerta. İja'a'ma łangiti.

69 Łajcriada nopa'a jıłpe ixim'ma Pedro. İpalaic'o'mola' nacaxhuołanna, timiconala':

—İłca'a anuli itniya ts'ilihuequi Jesús.

70 Pedro icuanajcona'ma. Uyai'ma ni huata, ilne nacaxhuołanna jıłpiya timiyi Pedro:

—İma' jouc'a mihuequi Jesús. İma' mas Galilea.

71 Pedro ipango'ma i'e'ma jurar, timila':

—İya' camilhuo' al łınca. Ja'ni a'i, jałma'ał'a' LanDios! İya' aicainimetsaijma itque cal xans łołpalaicopa.

72 Aiquicoł'ma, İja'acona'ma łangiti. Pedro i'nujuaitsi limipa Jesús: “Ai'a tija'a'ma oquemma łangiti, ima' tones'ma afanemma: Aicainimetsaijma Jesús.” Li'nujuaitsi ilē lataiqui' Pedro İjoj'ma.

15

1 Lılic'ejma lixanuc' cal cuecaj ca'ailli', lan tsilaj xanuc', lomxiye no-muc'iyalepá locuxepa LanDios jouc'a jahuay noxpıjpá lataiqui' İxpıc'e'me lo'e'eyacu Jesús. Aiquicoł'ma, ifi'e'me, ileco'me pe lopa'a Pilato, itque incuxepa romano. Jıłpe icu'me.

2 Pilato icuis'e'ma Jesús, timi:

—¿İma' itrey lan xanuc' judío?

Jesús italai'e'e'ma, timi:

—Al łınca lofcuapa.

3 Lixanuc' cal cuecaj ca'ailli' icuf'me juaiconapa.

- 4 Pilato icuis'econa'ma, timi:
—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.
- 5 Jesus aiqitalai'e. Pilato aiqixina' te cocuaya. Icuapa lipicuejma': "Itca'a Jesús, ¿te aimalai'e?"
- 6 Ajuic ajuic Pascua, Pilato ticu lane lan xanuc' tixahue'ele anuli litats'iya, tux'mas'ma.
- 7 Itta'a al juic tipa'a anuli litats'iya cuftine Barrabás. Itquiya i'notinc'innila' jouc'a liyejmalepá. Itniya itsolimma ehuoc'huaipá cal gobierno romano. Ima'apá lan xanuc'.
- 8 Icuaitsa lan xanuc' pe lopa'a Pilato. Ixa'hue'me ti'ela' ma to mi'ay.
- 9 Pilato icuis'e'mola', timila':
—¿Nai ts'olpic'a? Imanc' unc'ijudío, ¿te cux'mas'ma torey?
- 10 Tohta'a licua'ma Pilato, imetsaicola' itne lixanuc' cal cuecaj ca'ailli'. Ixina' te ts'i'ic' lipicuejma'. Ixina' ti'eyi laic' Jesús, toliya joupa icupá.
- 11 Lixanuc' cal cuecaj ca'ailli' icuxe'me, imi'me lan xanuc' timile Pilato tux'masna' Barrabás.
- 12 Pilato icuis'econa'mola', timila':
—Itque tolacui'ipa torey, ¿te caif'e'eya itquiya?
- 13 Ija'acona'me, italai'e'me, timiyi:
—¡Tapa'ts'ijnla' lancruz!
- 14 Pilato icuis'e'mola', timila':
—¿Te caifnepa'ts'ijncoya lancruz? ¿Te quixcay qui'epa?
Ija'a'me ujfxi, timiyi:
—¡Tapa'ts'ijnla' lancruz!
- 15 Pilato ipic'a tetencocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipalojle Jesús. Epi'ipola' lan soldado tepa'ts'ijnta lancruz.
- 16 Lan soldado ileco'me Jesús luna lejut'l cal gobernador. Jitpiya luna cuftine al Pretorio. Jitpiya efot'le'mo'tsi jahuay lit'as soldado.
- 17 Itats'mi'me Jesús lunxali cumi quijahua', ma to lipijahua' lan rey. Ipuf'me anuli al corona quitac, ic'ommof'i'i'me lijuac Jesús.
- 18 Ipango'me inom'me, ija'a'me:
—¡Anonghuo', ima' itrey lan xanuc' judío!
- 19 Tuntaf'e'eyi lijuac ajaxa, titsulc'oyi. Exc'onlingai'me.
- 20 Lijoupa lixocopa, ipa'e'e'me lunxali cumi quijahua', itats'micono'me ma lipijahua'. Ileo'me ipa'anca lema quitya', tepa'ts'ijnta lancruz.
- 21 Miyeyi lane italecuf'me anuli cal xans cuftine Simón, las Cirene. Itque it'ailli' Alejandro jouc'a Rufo. Icuai'co'ma qui'huayonamma cal'ec. Icuxe'e'me titaita' lencruz Jesús.
- 22 Icuai'etsa Jesús petsi cuftine Gólgota, luhualquemma: Lamats' Quecoye.
- 23 Jitpiya icufi'me al vino ihuantsi al mirra. Ja'ni tixna'la' aijtine mixinguf-coya humla. Jesús aiqixnaic'.
- 24 Epa'ts'ingim'me lancruz. Lan soldado if'ilco'me lipijahua', naitsi nolijya. Anuli anuli tulij'ma locuaiya quimane.
- 25 Ixhuaita al pella 'hora lepa'ts'ijm'me Jesús lencruz.
- 26 Ipo'nompá lacaxma loya'apa licuxecompa Jesús, ticua: "Itca'a itrey lan xanuc' judío".
- 27 Jesús epa'ts'ingimpola' oquexi' linma'ahuale. Anuli tipa'a al c'a camane, locuena loxa camane.
- 28 Ma tohta'a enancopa al Paxi Linilingiya loya'apa: "I'e'empá ma to lo'e'enyacola' lan xanuc' ni'epá lixcay".

29 Lan xanuc' noyalaicopá jilpiya imiloj'me cataiqui', ife'ne'me hiljuac, timiyi:

—Ima' lofmetetya al cuecaj xoute', tijoula' afane' quitine joupa olanc'econapa,

30 ne', taimunni lomencruz. ¡Tonku'exoxi!

31 Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios ixoco'me, timiyoltsi:

—Itque unlu'epola' locuenaye. Itsiya aimi'iya munlu'eyacoxi.

32 Illanc' ixanuc' Israel, ja'ni itque atrey, ja'ni aCristo, ¡timunni lencruz! Atsinte illanc', tijoula' lapenuf'me.

Ihniya lepats'ingimpola' Jesús imiloj'me cataiqui'.

33 Li'i'ma menac'o imufc'o'ma jahuay lema'a. Ni petsi li'a lamats' tocomma ipuqui'.

34 Al fanej hora lummuhuijma' Jesús ija'a'ma ujfxi, ticua:

—Eloí, Eloí, ¿lama sabactani?

Ihniya lohualquemma ticua: “Ima' mainenDios, ¿te calacanjcopa?”

35 Timana' lan xanuc' nacaxolanna jilpiya icuej'me lines'ma Jesús, ihniya lines'me:

—¡Xinla'! Tijoc'i cal profeta Elías.

36 Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Itque cal xans ticua:

—¡Tole! Atsim'me ja'ni ticuaihuo Elías, tipulna'ma lencruz.

37 Jesús ija'a'ma ujfxi. Exnalif'ma, imana'ma.

38 Lijahua' lojujnya al cuecaj xoute' its'alquenni quituca', al toncay itejmay lamats'. Ihe lijahua' lipa'ne jilpe Lajut'l Xonca al Paxi.

39 Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' tola'a. Ticua:

—Ma' aínca itca'a cal xans i'Hua LanDios.

40 Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui'máma' Jacobo y José. Itque Jacobo lecu'i'impá: Lijoujma. Jouc'a tipa'a laca'no' cuftine Salomé.

41 Mipa'a Jesús al distrito Galilea ihniya laca'no' ihuejpá Jesús, itoc'ipá, ites'mipá. Ma'piya tehuelojnyi Jesús mipa'a lencruz timana' locuenaye laca'no' jouc'a. Ihe y Jesús anuli icuaiyunca Jerusalén.

42 Ihe litine avispera. Lihuequi litine itine conxajya. Joupa if'acolaipa.

43 Anuli cal xans cuftine José, las Arimatea, i'hua'ma ixintsi cal gobernador Pilato. Itque José acuecaj xans, anuli pe ihniya nafot'lepołtsi noxpijpá lataiqui'. Itque i'huaijma ticuaitsi litine jahuay lan xanuc' tihuejcole LanDios hilCuecaj Rey. José i'e'e'moxi acueca' hunxajma'. Itsufai'ma pe lopa'a Pilato, ixahue'etsi tepi'inale licuerpo Jesús.

44 Pilato ticua: “Ma' imaf'i' Jesús, aiqumac”. Ijoc'i'ma nocuxepola' lan soldado. Icu'is'e'ma ja'ni joupa imapa Jesús.

45 Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.

46 José ipulna'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. I'nicohuo'ma anuli hants'aja', ipuc'o'iya lapic. Imef'ma anuli cal cueca' capic, ipa'neco'ma lico hants'aja'.

47 María las Magdala, jouc'a María qui'máma' locuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María las Magdala, María qui'máma' Jacobo, jouc'a łaca'no' Salomé, iye'me i'natsa laceite tujuej c'a ti'huof'ita licuerpo Jesús.

² I'i'ma quitine al te'a quitine al xamano. (Iiya adomingo.) Tipam-maiyumma cal 'ora, icuaitsa łunts'eja'.

³ Timiyotłsi:

—¿Naitłi lalilłonc'e'eyacong'a łapic łeti'icoya lico cunts'eja'?

⁴ Lixim'me lico cunts'eja' ixim'me joup'a ilłonc'empa łapic, ipo'nompa jilpe anuli liju'. Ilłque łapic juaiconapa acueca'.

⁵ Itsuflai'me łunts'eja', ixim'me al c'a camane ticutsu anuli łamijcano. Afujca lipijahua', axehuay. Ixpailij'mola'.

⁶ Łamijcano timila':

—Aimixpailij'molhuo'. Tolahueyi Jesús las Nazaret, małque łepalłts'ingimpa. Ilłque ailopa'a fa'a. Joup'a imaf'inapa. ¡Tolahuelongunca! Jifa'a lipo'no'empa licuerpo.

⁷ Imanc' tonłełe, tolu'itsola' ts'ilihuequi Jesús, jouc'a Pedro, tołmitsola': "Jesús ti'hua'ma Galilea. Tołcuaitsa jilpiya tołtalecufta ma to limipolhuo'."

⁸ Lacał'no' ipalunca łunts'eja'. Inul'me. Juaiconapa tixpailiquila', tiyula'. Nij naitłi lu'ipa.

⁹ Jesús imaf'ina'ma lilic'ejma' al te'a quitine al xamano, iłiya adomingo. Imuj'moxi ate'a María las Magdala, ilłque łaca'no' lipa'empa acailłi lontahue.

¹⁰ Ilłque i'hua'ma u'itsola' liyejmalepá Jesús. Iłniya tihuotsoyi, tijolijyi.

¹¹ María timila':

—Jesús imaf'i'. Iya' aiximpa.

Iłniya aiquil'aic' linca locuapa.

¹² Jesús imujcon'a'moxi pe lomana' oquexi' ts'ilihuequi. Jilniya tiyeyi lane ticuaita cal 'ec. Imuj'moxi tocomma ipaicomma.

¹³ Ilłne loquexi' ipailiconanca, licuaitsa pe lomana' lilłpimaye, uya'a'me lix-imp'a Jesús. Lilłpimaye inescona'me: "A'ij linca".

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Iłniya titetsoyi. Itale'mola' iłniya nonespá: "A'ij linca ilłe loya'apa lilłpimaye. Aiquimaf'i' Jesús." Ixim'mola' ata lilłpicuejma'.

¹⁵ Jesús timila':

—Tonłełe ni petłi li'a łamats'. Toluya'atsa Lataiqui' loya'apa ilłe al c'a lixpice'pa ŁanDios. Tolu'itsola' jahuay lan xanuc'.

¹⁶ Ilłne napenufyacu Lataiqui', tepolilłe, iłniya tunłul'me. Naitłi aimepenufi Lataiqui', ilłque tecani'ma.

¹⁷ "Tixinim'me al cueca' lo'eyacu ilłne napenufyacu Lataiqui'. Tipa'a'me lontahue litsuflaipá lan xanuc', tipalai'me ituca' lilłtaiqui'.

¹⁸ Ja'ni ti'nołłe lainofat'ł o tixnałe cafxi cummaiya ailopa'a co'e'eyacola'. Tixpayaf'me lilłmane lafcualłay, ilłne tixałcona'mola'.

¹⁹ Lijoupa limipola' tołta'a cał'Ailli' Jesús if'ajna'ma lema'a. Jilpe icutsingaitłi al c'a camane ŁanDios.

²⁰ Ts'ilihuequi Jesús ipalunca. Ni petłi uya'atsa Lataiqui', ilłe loya'apa al c'a lixpice'pa ŁanDios. ŁanDios liyejmalepa, i'e'ma acueca'. Tołta'a imuc'i'mola' lan xanuc' ałinca Lataiqui' loya'apa ts'ilihuequi Jesús.

LATAIQUI' LINIĒPA SAN LUCAS LOYA'APA IĒ AL C'A LIXPIC'EPA ĒANDIOS

¹⁻⁴ Ima' cumTeófilo, iya' ninLucas cumme'ehuo' coje'e. Ita'a al je'e tuya'e' li'ipa fa'a lamats'. Lapimaye nepenufpá liĕpenic' tuya'ayi Lataiqui', iĕ loya'apa al c'a lixpíc'epa ĒanDios. Iñiya joupá lu'iponga' li'ipa, iximpá.

Axpela' lapimaye joupá iniĕpá liĕje'e loya'apa toĕta'a li'ipa. Iya' jouc'a aixpic'epa quiniĕ'ma laiĕje'e. Cacia: Iĕque Teófilo joupá imuc'impá litaiqui' Jesucristo. Jouc'a ipic'a quiĕje'e loya'apa te ts'i'ic' li'ipa.

Iya' joupá aixhuepa jiĕ li'ipa, aipalaic'opola' lapimaye ts'iĕsina' te ts'i'ic' li'ipa iñiya ĕitiné. Aixpot'ĕnapa lataiqui'. Cuya'e' te ts'i'ic' lipangopa, jouc'a cuya'e' te ts'i'ic' lijoucopa. Ima' toxhueĕa', toĕta'a ti'i'ma coxina' te ts'i'ic' Lataiqui' limuc'impo', iĕ tuya'e' al linca.

⁵ Micuxe Herodes al distrito Judea tipa'a anuli ĕa'ailli' cuftine Zacarías. Iĕque jouc'a lif'as ca'ailli' ti'e'me canic' al cuecaj xoute'. Mi'huajco'mola' munaitola' ti'e'me canic'. Iñiya ixanuc' Abías.

Zacarías ĕipeno cuftine Elisabet. Iĕque Elisabet ĕitatahuelo cuftine Aarón.

⁶ Loquexi' ac'a xanuc', tihuejcoyi jahuay locuxepa ĒanDios, jahuay loya'apa litaiqui' ĒanDios. Aiquimenaquila'.

⁷ Tama etenĕcocopa ĒanDios iñiya liĕ'ejma' ailopa'a quiĕ'hua. Elisabet ijuiqui caca'no'. Loquexi' joupá itsilojnapola'.

⁸ Icuaitsi litine ti'eta canic' lixanuc' Abías, Zacarías i'hua'ma al cuecaj xoute', ti'eta canic' ma to locuxepa ĒanDios, iĕque a'ailli'.

⁹ Zacarías ec'aĕlmaita ĕipenic' titsufai'ma al paxi cajut'ĕ, tipi'eta ĕipac'ec. Toĕta'a mi'eyi la'ailli' jiĕpe al cuecaj xoute'.

¹⁰ Locuenaye lan xanuc' aimitsuflaiyi al paxi cajut'ĕ. Ailopa'a lane. Iñiya tiĕmanemma ĕuna. Jiĕ litine mipi'e ĕipac'ec Zacarías, axpela' lan xanuc' comana' ĕuna jiĕpe al paxi cajut'ĕ.

¹¹ Maĕpiya lajut'ĕ imaxcaitsi anuli ĕapaluc quema'a ĕummepa caĕ'Ailli' ĒanDios. Ēapaluc quema'a ecax'ma al c'a camane al altar petsi lopi'eyompá ĕipac'ec.

¹² Lixim'ma ĕapaluc quema'a Zacarías ixhueĕconni. Ticua: “¿Te iĕca'a?” Ixim'ma axpaiqui' juaiconapa.

¹³ Ēapaluc quema'a timi:

—CunZacarías, aimixpaij'mo'. ĒanDios joupá icuejpa loxahue'epa. Elisabet ĕopeno tipo'no'e'mo' co'hua amijcano. Ima' tacui'i'ma Juan.

¹⁴ Iĕque ĕa'hua tetenĕcoco'mo' juaiconapa, tixoc'i'mo' meta. Tipajntsi iĕque tixoj'ma quileta axpela' lan xanuc'.

¹⁵ 'Titojĕa' iĕque ĒanDios timetsaico'ma acueca' xans. Aimixnaya al vino, jouc'a aimixnaya mimeyojya. Iĕque Juan, ma litine tipajntsi, joupá ticuxe ĕipicuejma' cal Espiritu Santo.

¹⁶ Tilanc'e'e'mola' ĕipicuejma' axpela' lan xanuc', iñiya ixanuc' Israel. Toĕta'a tihuejcona'me ĕilenDios.

¹⁷ Ti'huaj'me'ma caĕ'Ailli' ĒanDios. ĕipicuejma' ti'onĕcota to ĕipicuejma' cal profeta Elías. ĒanDios tepi'i'ma quimane ma to lepi'ipa ĕimane Elías. Tilanc'e'e'mola' ĕipicuejma' lan xanuc' jouc'a liĕnaxque', ti'itsola' anuli. Tilanc'e'e'mola' ĕipicuejma' ĕincuejlocale, ti'i'ma aĕijca ĕipicuejma', tihuejcoĕe ĒanDios. Toĕta'a caĕ'Ailli' ĒanDios tixim'mola' ixanuc' joupá ixanghuaitola' ĕipicuejma', timetsaico'mola'.

¹⁸ Zacarías icuis'e'ma, timi ĕapaluc quema'a:

—¿Te ts'i'ic' mi'iyá caixina' ja'ni lo'iyá to lahmipa? Iya' joupa altojpa, jouc'a laipeno joupa itojpa caca'no'.

¹⁹ Łapaluc quema'a italai'e'ma timi:

—Iya' ninGabriel. Itine itine cacaxu pe lopa'a ŁanDios. Itque nalummepa capalaic'otso', cu'itso' ita'a lataiqui', ite loya'apa al c'a lixic'epa ŁanDios.

²⁰ Itsiya cami'mo' lo'iyaco'. Aimopalaiconaya. Tijoula' tipajntsi co'hua topalaina'ma. Tama ima' aimatcuc'e' laitaiqui', toxim'ma al finca ite laimipo'. Tixhuaitsi litine tenant'ma laitaiqui'.

²¹ Lan xanuc' nacaxhuołanna łuna it'huaijma tipanni Zacarías ticuayi: “¿Te qui'ipa? ¿Te cocołcopa?”

²² Lipanni Zacarías aimipalay, aimi'i. Ipanenni ch'ix. Tołta'a i'ipa quiłsina' te ts'i'ic' li'ipa jilpe al paxi cajut'ł. Jilpe iximpa limucaipa ŁanDios. Itsiya Zacarías le'a timuc'icola' limane. Aimipalay.

²³ Mi'ay lanic' Zacarías ipanenni jilpe al cuecaj xoute'. Lijou'netsi lipenic' i'huana'ma lejut'ł.

²⁴ Lijou'ma ixim'me innay lipeno Elisabet. Amaquej mut'ła emi'moxi, ipajm'ma lejut'ł.

²⁵ Ticua: “Itē lał'ipa al'e'epa cal'Ailli' ŁanDios. Itque atsimpa nincuanuc', liłonc'e'epa laipelaic'ata. Lan xanuc' aimalatets'iconaya.”

²⁶ Lixhuaitsi acamts'us mut'ła ŁanDios icuxe'epa ti'huala' łapaluc quema'a cuftine Gabriel. Umme'ma liłya' Nazaret lopa'a al distrito Galilea.

²⁷ Jilpe Nazaret tipalaic'otsi anuli łahuats'. Joupa inanc'opołtsi temalli'me anuli cal xans cuftine José. Cal rey David itatahuelo itque José. Łahuats' cuftine María.

²⁸ Icuaitsi łapaluc quema'a, itsufai'ma pe lopa'a María, timi:

—CumMaría, canonhuo'. Cu'ihuo' linespa ŁanDios. Itque titoc'i'mo' acueca', etenłcocopa lopicuejma', aimecanujyaco'. Ima' xonca acueca' lipaxnepo'. Tołya aiquipaxnela' lof'as cacał'no'.

²⁹ Licuej'ma ite lataiqui' Maria ixhuełco'ma juaiconapa. Timiyoxi: “¿Te calnonacopa tołta'a?”

³⁰ Łapaluc quema'a timi:

—María aimixpaij'mo'. Linca titoc'i'mo' ŁanDios.

³¹ Ima' toxim'moxi minnay. Tipajntsi co'hua tacui'i'ma Jesús.

³² Itque ti'i'ma acueca' xans. Tecui'im'me: Li'Hua ŁanDios, itque cal Cuecaj Xonca. ŁanDios tepi'i'ma quimane ticuxe'ma to licuxepa cal rey David, itque itatahuelo.

³³ Ło'hua ticuxe'mola' lixanuc', itne ixanuc' Jacob. Nij naitsi naipa'eya limane. Locuxeya aimijouya.

³⁴ María icuis'e'ma łapaluc quema'a, timi:

—¿Tełe co'iyá? Iya' nahuats'. Ailopa'a caipe'ailli'.

³⁵ Łapaluc quema'a italai'e'ma timi:

—Cal Espíritu Santo timuhuo pe lofpa'a. Toxinguf'moxi lipepaxi ŁanDios, itque cal Cuecaj Xonca. Ło'hua łopajnya ma' i'huexi ŁanDios. Tecui'im'me: Li'Hua ŁanDios.

³⁶ Łopima Elisabet, tama itojpa caca'no', itsiya innay. Luyaipa quitine tinescoyi, timiyi: “Ima' mijuiqui’”. Itsiya ixhuaita acamts'us mut'ła' innay.

³⁷ ŁanDios aimixina quipime. Jahuay nipajnya ti'e'ma.

³⁸ María timi:

—Ne'. ŁanDios aiPoujna. Ma to lahmipa, tołta'a ti'ila'. Tołta'a cuyaicoła'.

Łapaluc quema'a ipanni pe lopa'a María, i'huanapa.

³⁹ Itniya litine ipanni María lipiłya'. Aiquicoł'ma, i'hua'ma hijualay, ticuaita anuli liłya' lopa'a al distrito Judea.

40 Icuaitsi liŷya' itsufai'ma lejut'ŷ Zacarías, inom'ma Elisabet.

41 Jiŷpe al 'hora licuej'ma Elisabet tinoninni, hi'hua ŷo'nico licu'u iyuf'conni. Cal Espíritu Santo ticuxe lipicuejma' Elisabet.

42 Ipalai'ma ujfxi, timi María:

—Ima', xonca acueca' lipaxnepo' LanDios. Toŷta'a aiquipaxnela' lof'as cacal'no'. Joupa apaxi ŷo'hua ŷo'nico locu'u.

43 Itsiya aixina' acueca' laŷ'ipa. Iya' ni naitsi caca'no'. Ima' ŷotaic' ŷaiPoujna, ti'i'mo' i'máma' iŷque. Itsiya ocuai'ma pe laifpa'a, lahuenge.

44 ¡Xinŷa! Laicuejpa laŷnompá, jiŷpe 'hora, ŷai'hua ŷo'nico laicu'u iyuf'comma. Juaiconapa ixocomma queta.

45 Al linca, ima' toyaijma al c'a. Mepenufpa linespa LanDios, iŷe limipo'. Onespa: “Iŷe lataiqui' tenanŷ'ma”.

46 María ines'ma:

Iya' cax'najtsi'i cal'Ailli' LanDios.

47 Tixoqui neta ca'nujuaitsi LanDios, iŷque Lalunŷu'eya.

48 Iya' tama ni naitsi cahuats' iŷque aicalatets'i', aŷpaxnepa.

Lan xanuc' ticua'me: “Iŷque María al c'a tuyaijma”.

Toŷta'a tines'me lan xanuc' nomana' itsiya, jouc'a nomajnyacu locuaicoya quitine.

49 Cal Cuecaj CanDios aŷtoc'ipa juaiconapa aŷpaxnepa.

Ma' iŷque cal Paxi CanDios.

50 Iŷque tixinnila' acuanuc'la jahuay lixanuc', iŷne noxpaic'epá.

Iŷne nomana' itsiya litine, jouc'a nomajnyacu locuaicoya quitine.

51 Iŷne lan xanuc' nonescopoŷtsi: “Illanc' ninc'tsilaj xanuc”,

LanDios joupa eca'nepola' ni petsi li'a ŷamats'.

Toŷta'a imuc'ipola' acueca' lipujfxi, acueca' lo'epa.

52 Iŷonc'e'epola' liŷmane lan tsilaj quincuxepá.

Lijoupa epi'ipola' liŷmane lan xanuc' xonca a'ojca.

53 Pe nonle'epá ites'minapola' xonca ixhuaitola'.

Iŷne pe ts'iŷ'hueca acueca' quiŷ'huexi,

ummenapola' ixcuajma liŷmane, ailopa'a quepi'ipola'.

54-55 LanDios ŷaŷPoujna aŷtoc'iponga',

illanc' ixanuc' ŷaŷtatahuelo Israel, iŷque inieto Abraham.

LanDios joupa inespa: “Caxim'mola' acuanuc'la, catoc'i'mola' iŷniya Abraham, hi'hua jouc'a linaxque' hi'hua.

Catoc'i'mola' jahuay lixanuc' Abraham, iŷque itatahuelo iŷniya.”

LanDios aiquimenc'ejma iŷiya litaiqui' limipola' laŷtatahueló.

Ma to limipola', toŷta'a li'epa.

56 María ipajnhuo'ma to afanej mut'ŷa lejut'ŷ Elisabet. Lijou'ma i'huana'ma ipainanni lejut'ŷ.

57 Lixhuaitsi al pelŷa mut'ŷa Elisabet ipo'no'ma hi'hua. Ipajntsi amijcano.

58 Lan huejnca lan xanuc' jouc'a lipimaye Elisabet icuej'me li'epa ŷaŷPoujna LanDios, iŷque iximpa cuanuc' Elisabet, acueca' litoc'ipa.

59 Lixhuaita al paico quitine efot'ŷunni ti'e'me ma to liŷ'ejma'. Coŷa' tecui'i'me Zacarías ma to lipuftine qui'ailli'.

60 Qui'máma' italai'e'e'mola' timila':

—A'i. Lacui'i'me Juan.

61 Italai'e'me, timiyi:

—¿Te colacui'icoyacu Juan? Laŷpimaye, ailopa'a quecui'impa toŷta'a.

62 Ipalaic'oco'me le'a liŷmane qui'ailli' ŷahuac'hua. Icuis'e'me:

—¿Te cofcuapa? ¿Te caŷtine calacui'iyacu ŷamijcano?

⁶³ Zacarías ixahue'e'ma tini'inle anuli la'hua caxma tini'ima. Ini'im'me. Itque inil'ma: “Lipuftine aJuan”. Lan xanuc' aiquitcuc'e li'ipa. Ticuayi:

—¡Tolsintel! ¡Inilpa: “Juan”!

⁶⁴ Aiquicol'ma, ixalna'ma lejoc' Zacarías, uhualquenamma hipal, tipalay. Ix'najtsi'i'ma LanDios.

⁶⁵ Lan huejnca lan xanuc' ixpailij'mola'. Ixim'me acueca' li'ipa. Lan xanuc' ni petsi hijualay al distrito Judea tuya'ayi li'ipola' Elisabet y Zacarías.

⁶⁶ Licuej'me ticuis'eyo'ltsi, timiyot'si:

—Itque lamijcano: ¿Te co'eya? y ¿te co'iya?

LanDios itoc'i'ma lamijcano, ipaxne'ma.

⁶⁷ Cal Espíritu Santo icuxe'ma lipicuejma' Zacarías. Ma to Landios mimi, ma to'ta'a Zacarías tuya'e'. Tuya'e':

⁶⁸ ¡Ais'najtsi'i'me LanDios, itque lalanDios illanc' ixanuc' Israel!

Aitoc'iponga', tocomma aluhualponga' petsi ilne la'e'eponga' laic'.

Ihniya aimalulijyaconga' illanc' ixanuc' LanDios.

⁶⁹ LalanDios, itque iPoujna cal rey David, lapi'iponga' Lalunlu'eyaconga'.

Matque cal rey David itatahuelo itque.

⁷⁰ Luyaipa quitine LanDios u'ipola' lipaxij profeta to'ta'a lo'eya.

Ihniya u'iyale'me, u'im'mola' la'tatahueló.

⁷¹ Ite litaiqui' LanDios tuya'e' te ts'i'ic' la'toc'iyaconga'.

Ticua: “Cunlu'e'molhuo'; ilne naixtuc'opolhuo' aimulijyacolhuo'.

Jouc'a no'epolhuo' laic' ailopa'a co'eyacolhuo'.”

⁷² Ticua: “Iya' aiquimenc'ecoyacola' laixanuc'”.

Ihne lixanuc' LanDios ma'niya a'tatahueló illanc'.

LanDios i'nujuait'si lipaxi cataiqui', ite lipo'no'ipola' lixanuc'. q

⁷³⁻⁷⁵ Joupa inespa lunlu'e'monga', aimalulijyaconga' ihniya nalixtuc'oponga'.

LanDios to'ta'a limipa la'tatahuelo Abraham.

Joupa icuapa alpo'no'monga' pe ailopa'a caxpaiqui', jilpiya laxc'on'ingolai'me lalanDios.

Jahuay lalunxajma' lihuej'me LanDios, aimal'econayacu lixcay.

Ma'mana' fa'a li'a lamats', jahuay la'pitine, luyalaico'me to luyalaicopa lixanuc' LanDios, itque cal Paxi.

⁷⁶ Ima' mai'hua Juan, tecui'im'mo' umprofeta.

Toya'a'ma litaiqui' LanDios, itque cal Cuecaj Xonca.

Ima' to'huaj'me'ma la'Poujna, tolanc'e'ma lipene.

⁷⁷ Tomuc'i'mola' lixanuc' LanDios.

To'ta'a ti'i'ma quilsina' LanDios tunlu'e'mola', timenc'e'eco'mola' li'epa.

⁷⁸ LanDios alsimponga' ninc'icuanuc'la.

Tiyuf'tsi cal 'ora lapalc'o'i'monga'; ma to'ta'a lapalc'o'iponga' LanDios, itque Nopa'a lema'a.

⁷⁹ To'ta'a tulif'ena'mola' lan xanuc', ma'niya itsiya aiquepalc'o'ila'.

Ihniya tocomma amuf lipicuejma', ti'huaicoyi ma le'a lamaya.

A'hecona'monga' al c'a cane, jilpe aimalsuelmot'heconayacu.

⁸⁰ Lamijcano ti'hua titoqui. I'i'ma acueca' lipicuejma'. Ai'a ti'e'ma lipenic' LanDios, itque Juan aiquimujyoxi. Tipa'a pe ailopa'a quilya'. LanDios tu'i'ma te litine timuj'moxi. Tuya'a'ma litaiqui' LanDios, tiquimf'ete lipimaye, ilne lixanuc' Israel.

2

¹ Ihniya litiné cal cuecaj quincuxepa cuftine César Augusto. Ni petsi lomana' lan xanuc' ticuxe'ela' tiyente lipitelotya' pe limajnllyota litatahueló. Jilpiya tinilinginnola' lipuftine.

2 Tołta'a lipangopa lan censo fa'a li'a łamats'. Li'ipa aimi'eyi tołta'a. Iłniya hitiné hincuxepa cuftine Cirenio ticuxe łamats' Siria.

3 Jahuay lan xanuc' itsehuo'me łiłpitoloy'a' łiłtatahueló, inilinginhuo'mola' łiłpuftine.

4-5 José y María ipalunca łiłpiłya' Nazaret lopa'a al distrito Galilea. Iye'me al distrito Judea, łiłya' Belén, tinilinginnola' jilpiya łiłpuftine. Iłe łiłya' Belén ipiłya' łitatahuelo José, iłque cal rey David. Iłniya José y María inonc'opoltsi temalłi'me. Aiquejonłiyoltsi. María innay.

6 Mimana' łiłya' Belén, ixhualtsi litine tipajnta łi'hua María.

7 Jilpiya ipo'no'ma cal te'a łi'hua, iłque amijcano. Iju'e'ma quijahua', unaj'mi'ma pe lotetsoyopa linneja. José y María epi'impola' lajut'ł pe loxmaipa linneja. Locuena lajut'ł imanna xanuc', ailopa'a comanc'eyacu.

8 Małpiya łiłya' Belén, ma' ahuejnca, timana' nohuic'ipá mot'ł. Iłe lipuqui' comana' łimuc'o', ti'eyi cuenna łiłmot'ł.

9 Pe lomana' iłniya nohuic'ipá mot'ł icuai'ma anuli łepaluc ca' Ailli' ŁanDios. Epalc'o'i'mola' al cueca' al paxi łipepalc'o' ŁanDios. Lixim'me, ixpailij'mola' juaiconapa.

10 Łapaluc quema'a ipalaic'o'mola', timila':

—Aimixpailij'molhuo'. Cu'i'molhuo' al c'a li'ipa. Ni petsi lomana' lan xanuc' tixoj'ma quileta.

11 Itsiya jilpe łiłya' pe lipajnyota cal rey David, małpiya ipajnta Łonlu'eyacolhuo'. Iłque aCristo łalPoujna.

12 Jilpe łiłya' tołsinna łaca'hua camijcano, iju'eya quijahua', tunouya pe lotetsoyopa linneja. Tołsinta tołta'a ti'i'ma colłsina' lainu'ipolhuo' al linca.

13 Aiquicol'ma ixim'me axpela' łapaluc' quema'a icuai'me jilpiya pe lopa'a łapaluc łummepa ŁanDios. Iłniya tix'najtsi'iyi ŁanDios ticuayi:

14 Jahuay nomana' xonca al toncay lema'a tix'najtsi'ile ŁanDios, timile:

Ima' manDios, linca umCueca'.

Lan xanuc' nomana' li'a łamats', iłniya pe latentłocopa ŁanDios, aimixhuelmot'łecona'me.

15 Łapaluc' quema'a ipailinamma lema'a. Nohuic'ipá mot'ł ipalaic'o'moltsi, timiyoltsi:

—jCuej! jŁepá łiłya' Belén! ŁalPoujna ŁanDios joupa ałmiponga' te ts'i'ic' li'ipa. jŁepá, ałsinna!

16 Aiquicol'mola' iye'me. Licuaitsa Belén ixintsa María jouc'a José jouc'a łacapími', iłque tunouya petsi lotetsoyopa linneja.

17 Liximpá łapími' nohuic'ipá mot'ł uya'a'me limipola' łapaluc quema'a, iłque ipalaicopa łacapími'.

18 Lan xanuc' licuej'me loya'apa nohuic'ipá mot'ł ticuayi: “jXinła! Acueca' li'ipa.”

19 María ailopa'a quicuapa. Jahuay ti'nujuaitsi. Itine itine ti'nujuaitsi, timiyoxi: “Tołta'a tołta'a li'ipa”. Aiquimenc'ejma.

20 Nohuic'ipá mot'ł ipailinamma, ticuaita pe lomana' łiłmot'ł. Miyeyi lane tix'najtsi'iyi ŁanDios. Tix'najtsi'iyi liximpa, tix'najtsi'iyi lataiqui' licuejpa. Ticuayi: “ManDios, acueca' ima', acueca' lof'epa”.

21 Lixhualtsi al paico quitine i'e'me circuncidar łamijcano, ipo'no'i'me quiseña licuerpo. Ecuim'me Jesús. Tołta'a laftine łapaluc quema'a lu'ipa ma quinnay María.

22 María ihuejco'ma litaiqui' Moisés, i'huej'moxi. Lixhualtsi iłniya hitiné María y José ileco'me ła'hua Jesús, i'hua'a'me al cuecaj xoute' lopa'a Jerusalén. Timuc'ita ŁanDios łalPoujna, tipaxnela'.

²³ Ti'e'eta ma to licuxepa laPoujna LanDios. Ite lataiqui' linilijmpa Moisés, tuya'e': "Cal te'a lo'hua lopajnya, itque i'huexi LanDios".

²⁴ Jouc'a titsufcota ma to loya'apa lataiqui' petsi linilijmpa locuxepa LanDios. Jiŋpe ticua: "Totsufco'ma oquexi' laijcucú, o oquexi' lan jaŋmu".

²⁵ Jiŋpe al cuecaj quiŋya' Jerusalén tipa'a anuli cal xans cuftine Simeón. Itque aŋjca xans, ihuequi jahuay locuxepa LanDios. I'huaijma ticuaiti litine LanDios acueca' titoc'iconatsola' lixanuc', ihniya ixanuc' Israel. Cal Espíritu Santo ticuxe lipicuejma'.

²⁶ Itque cal Espíritu Santo joupa lu'ipa: "Toxim'ma cal Cristo. Toxim'ma ai'a tima'mo'."

²⁷ Cal Espíritu Santo umme'ma Simeón ti'huaŋa' al cuecaj xoute'. Maŋpiya al 'hora icuaiti José y María, itejma la'hua Jesús. Ti'e'me ma to micua locuxepa LanDios.

²⁸ Simeón lixim'ma la'hua Jesús ipulai'ma, ix'najtsi'i'ma LanDios, timi:

²⁹ ManDios maiPoujna: Itsiya lapi'itá' lane, iya' aicaxhueŋcoconaya, aŋmanŋa'. Joupa enanŋpa lotaiqui' ima' lalu'ipa.

³⁰ Cahuelonge itca'a lomummepa, itca'a Lalunŋu'eyacongá'.

³¹ Mummepa, icuai'ma fa'a li'a ŋamats'.

Ni petsi lomana' lan xanuc' ti'itá' quiŋsina' toŋta'a li'ipa.

³² Itque Epalc'o', tepalc'o'i'mola' liŋpicuejma' lan xanuc', itne aimimetsaicohuo' ima' manDios.

Illanc' oxanuc', ima' malanDios, itque lixoc'i'monga' acueca' calata.

Aŋes'me: "Illanc' ixanuc' Israel, itque aŋpiŋya' xans".

³³ José jouc'a qui'máma' Jesús ticuayi: "¿Te copalaicocopa toŋta'a la'hua? Aicalcueca'."

³⁴⁻³⁵ Simeón ipaxne'mola', timi María qui'máma':

—LanDios joupa ixpic'epa lo'iya itca'a lo'hua. Ummepa fa'a li'a ŋamats' LanDios tipa'a lomuc'iyacola' lan xanuc'. Itne aimepenufyacu, tinesc'e'me. Ima' jouc'a totelco'ma acueca' cumla, toxim'ma to lix'ay al cutsilo titsufai'ma lomunxajma', tixcai'e'mo'.

'Hualca aimetenŋcocoyacola' lo'hua, itne tejac'mola'. Hualca tetenŋcoco'mola', itne tualai'co'me al c'a. Jiŋpe tixinim'me te ts'i'ic' liŋpicuejma' axpela' lan xanuc', itne ixanuc' Israel. Timuj'moŋtsi ja'ni ac'a o ja'ni ixcay liŋpicuejma'.

³⁶ Ihniya litiné tipa'a jiŋpiya al cuecaj xoute' anuli ŋaca'no' lipuftine Ana. Qui'ailli' cuftine Fanuel, joupa imanapa. Litatahuelo cuftine Aser. ŋaca'no' Ana aprofeta, tuya'e' lixp'ic'epa LanDios. Joupa itojnapa caca'no'. Itque Ana apotsate, ilecopoŋtsi ipe'ailli' acaiti camats', joupa imanapa.

³⁷ Itsiya ixhuaita amalpuj nuxans malpuj camats' apotsate. Aimipamma al cuecaj xoute'. Itine ipuqui' jiŋpiya texc'onŋu. Aimitesma, tipalaic'o LanDios.

³⁸ Mipalay toŋta'a Simeón icuaiti jiŋpiya Ana. Ixinti ŋahuac'hua Jesús, ix'najtsi'i'ma LanDios.

Jiŋpe al cuecaj xoute' timana' lan xanuc' ts'it'huaijma LanDios tunŋu'eŋa' lipiŋya' Jerusalén. Ticuayi: "Aimaŋcuxecona'monga' laŋ'eponga' laic'". Ana ipalaic'o'mola' jahuay ihniya, ipalaico'ma Jesús.

³⁹ Jiŋpe al cuecaj xoute' José y María i'e'me locuxepa LanDios, enant'ŋipá jahuay. Lijou'ma ipailinamma, icuaiti Nazaret lipiŋya' lopa'a al distrito Galilea.

⁴⁰ ŋamijcano ti'hua titoqui, jouc'a lipicuejma'. LanDios ti'hua tipaxne.

⁴¹ Amats' amats' micuaita al juic Pascua José jouc'a qui'máma' Jesús tiyeyi liŋya' Jerusalén.

⁴² Ixhuaiti Jesús imbamaj coque' ŋemats' itse'me al juic ma to liŋ'ejma'. Ileo'me Jesús.

⁴³ Lijou'ma al juic Jesús ipanenni Jerusalén. José y qui'máma' Jesús aiqúisina'. Tiyeyi lane ticuainata liḡpiya'.

⁴⁴ Ticuayi: “Lalḡimaye iḡemale Jesús”. Anuli litine tiyeyi lane. Lijou'ma ehue'me Jesús. Ehue'me pe loyepa liḡimaye, jouc'a limetsaicoyot̄si.

⁴⁵ Aiquixim'me. Ipailiconamma. Icuaicontsa Jerusalén ehuet̄sa jḡpe.

⁴⁶ Ehuehuo'me afane' quitine.

Ixinghuona'me jḡpe al cuecaj xoute' pe lomana' lan tsilaj comxiye. Tiquimf'ela', ticuis'ela'.

⁴⁷ Jahuay noquimf'epá timiyot̄si: “¡Xinḡa! Acueca' lipicuejma'. Ac'a juaiconapa titalai'e.”

⁴⁸ Lixim'me qui'máma' y José ticuayi: “¿Te qui'ipa? ¿Te co'ecopa toḡta'a?” Quimáma' timi:

—Mai'hua, ¿te cal'ecoponga' toḡta'a? Co'ailli' jouc'a iya' juaiconapa lahuehuo'. Aḡsueḡcoyi juaiconapa.

⁴⁹ Jesús timila':

—Imanc', ¿te calahuecopa? Ticuicomma iya' capajm'ma lejut'ḡ cai'Ailli'. ¿Te aga aicoḡsina' iḡta'a?

⁵⁰ Iḡniya aiqúicuec'e lomipola'.

⁵¹ Lijou'ma, iyena'me jouc'a Jesús. Icuainatsa liḡpiya' Nazaret. Jesús ihuejco'mola'. Qui'máma' aiqúimenc'ecojma li'ipa. Jahuay i'huejpa lipicuejma'.

⁵² Jesús ti'hua titoqui. Ti'hua ti'i xonca acueca' lipicuejma'. Etenḡcoco'ma LanDios, lan xanuc' jouc'a etenḡcoco'mola'.

3

¹⁻² Juan, i'hua Zacarías, mipa'a pe ailopa'a quiḡya' LanDios ipalaic'o'ma, u'i'ma te ts'i'ic' lo'eya. Iḡniya litiné ixhuait̄si imbamaj maque' camats' micuxe cal cuecaj quincuxepa cuftine Tiberias César. Poncio Pilato ticuxe al distrito Judea; Herodes ticuxe al distrito Galilea; Felipe ipima Herodes, ticuxela' lan distrito Iturea jouc'a Traconite. Lisania's ticuxe al distrito Abilinia.

Mimana' lan tsila' la'ailli' Anás y Caifás LanDios ipalaic'opa Juan.

³ Juan ihuejcopa limipa LanDios, ipanamma pe lopa'a, ti'hua jahuay lamats' lamaj panaj Jordán. Tuya'e', tu'ila' lan xanuc':

—Toḡsuej'menanca loḡ'epa lixcay. Tijouḡa' capo'i'molhuo'. LanDios tiḡonc'e'ena'molhuo' loḡjunac'.

⁴ Luyaipa quitine cal profeta Isaías inescopa Juan, uya'a'ma te ts'i'ic' lo'eya iḡque. Toḡta'a tuya'e' litaiqui' linḡingiya lije'e, ticua:

Petsi ailopa'a quiḡya' tuya'e' anuli cal xans, tu'ila' lan xanuc':

“Toḡḡanc'ele lipene ḡaḡPoujna, toḡ'e'ele aḡjca lane pe loyaicoya.

⁵ Jahuay ḡiculhuay tima'nim'me, jahuay ḡijualay ti'oquehuo, lan juentsolay laneya ti'ina'mola' ḡijca, laneya petsi juaiconapa capic, tilajn-na'mola'.

⁶ Jahuay lan xanuc' tixim'me LanDios munḡu'ela' lixanuc'.”

⁷ Icuaiyunca axpela' lan xanuc' iḡpic'a tepo'itsola' Juan. Juan timila':

—Imanc' ti'onḡcospolhuo' to lacaḡpo'. A'ijc'a lonḡ'ejma'. ¿Nait̄si limipolhuo' toḡcuaiyunca tolapoḡe? Imanc' toḡcuayi: “Lapo'itsonga'. Toḡta'a aimat̄teḡco'me al cueca' cateḡcoya locuaicoya.”

⁸ 'Iya' camilhuo': Ja'ni oḡpic'a tolunḡul—le, tonḡ'ele al c'a ma to mi'eyi petsi al linca lixhuej'menamama. Aimoḡnescona'me: “Abraham aḡtatahuo. Iḡque aimalacani'eyacongá.” Camilhuo': LanDios aimehue'e' lixanuc'. Iḡna'a lapic' nipajnya ti'e'e'mola' inaxquej Abraham.

⁹ LanDios ti'onhicolhuo' to al 'ec. Joupá ipo'nompá latef'conyacu huejnca lime al 'ec. Ja'ni ixcay hi'as, tixanc'onata lunga.

¹⁰ Lan xanuc' icuis'e'me, timiyi:

—¿Te cal'eyacu illanc'?

¹¹ Juan italai'e'e'mola', timila':

—Ja'ni tipa'a oque' lotsamalo, anuli tommi'ila' petsi aiqui'hueca. Ja'ni tipa'a lofteja, tapi'i'ma pe ailopa'a coteja.

¹² Jouc'a icuaiyunca lin'najts'i'iyale, ihpic'a tepo'itsola' Juan. Icuis'e'me, timiyi:

—Momxi, illanc', ¿te cal'eyacu?

¹³ Juan timila':

—Toh'najtsi'iyalele al lijca. Aimohfel'miyale'me.

¹⁴ Jouc'a lan soldado icuaiyunca, icuis'e'me, timiyi:

—Illanc', ¿te cal'eyacu?

Timila':

—Aimohnantsej'mola' lan xanuc'. Aimohcuf'mola' lan xanuc' petsi ailopa'a co'epa. Tetenhocotsolhuo' lo'najtsempolhuo'.

¹⁵ Lan xanuc' timiyohsi:

—¿Te co'iya itsiya? ¿Naisi xans ihca'a Juan? ¿Te ihca'a aCristo, ihque Lommeya LanDios?

¹⁶ Juan timila':

—Iya capo'icolhuo' aja'. Ticuaihuo ocuena ihque xonca acueca'. Iya' aimah'onhsa to ihque. Aimi'iya cuhuatc'e'eya lic'ejí'. Ihque tepo'ico'molhuo' cal Espiritu Santo jouc'a lipal cunga.

¹⁷ Ihque ticuaiyunni ti'onhospa to cal xans nofusya litrigo. Ti'noh'ma lofuscoya, tequeyaf'ma litrigo, tilohm'ma lipifuc cal trigo. Cal c'a trigo ti'huejnata lihua. Lipifuc tipi'enghua petsi lunga aimipica.

¹⁸ Tohta'a Juan ixc'ai'i'mola' lan xanuc'. Ti'hua tixc'ai'ila'. Jouc'a tu'ila' Lataiqui' loya'apa íte al c'a lixpí'epa LanDios.

¹⁹ Juan jouc'a ixc'ai'i'ma Herodes. Ihque Herodes exic'e'epa lipeno lipima. Laca'no' cuftine Herodías. Juan itale'ma Herodes tohta'a li'epa. Jouc'a titale jahuary nixpiya lo'epa.

²⁰ Herodes i'e'ma xonca acueca', itats'etsi Juan, i'nicotsi lacarza.

²¹ Ai'a titats'em'me Juan ihque tepo'ila' lan xanuc'. Mepo'iyale icuaiti Jesús. Jouc'a epo'i'ma. Jesús mijoc'i LanDios eximma lema'a.

²² Cal Espiritu Santo imunni ihuoxaf'caitsi Jesús. Ihque cal Espiritu lixans to anuli cal ja'mu'. Lema'a tipalay, timinni Jesús:

—Ima' ai'Hua ca'ehuo' capic'a juaiconapa. Latenhma lopicuejma' jouc'a lo'ejma'.

²³ Lipango'ma Jesús lipenic' ixhuaita to anuxans quimbama' lemats'. Lan xanuc' ticuayi i'hua José. Li'ahuelo José cuftine Elí.

²⁴ Elí i'hua Matat,

Matat i'hua Leví,

Leví i'hua Melqui,

Melqui i'hua Jana,

Jana i'hua José,

²⁵ José i'hua Matatías,

Matatías i'hua Amós,

Amós i'hua Nahum,

Nahum i'hua Esli,

Esli i'hua Nagai,

²⁶ Nagai i'hua Maat,

Maat i'hua Matatías,
Matatías i'hua Semei,
Semei i'hua Josec,
Josec i'hua Judá,
²⁷ Judá i'hua Joanán,
Joanán i'hua Resa,
Resa i'hua Zorobabel,
Zorobabel i'hua Salatiel,
Salatiel i'hua Neri,
²⁸ Neri i'hua Melqui,
Melqui i'hua Adi,
Adi i'hua Cosam,
Cosam i'hua Elmodam,
Elmodam i'hua Er,
²⁹ Er i'hua Josué,
Josué i'hua Eliezer,
Eliezer i'hua Jorim,
Jorim i'hua Matat,
³⁰ Matat i'hua Leví,
Leví i'hua Simeón,
Simeón i'hua Judá,
Judá i'hua José,
José i'hua Jonam,
Jonam i'hua Eliaquim,
³¹ Eliaquim i'hua Melea,
Melea i'hua Mena,
Mena i'hua Matata,
Matata i'hua Natán,
³² Natán i'hua David,
David i'hua Isaí,
Isaí i'hua Obed,
Obed i'hua Booz,
Booz i'hua Sala,
Sala i'hua Naasón,
³³ Naasón i'hua Aminadab,
Aminadab i'hua Admin,
Admin i'hua Arni,
Arni i'hua Esrom,
Esrom i'hua Fares,
Fares i'hua Judá,
³⁴ Judá i'hua Jacob,
Jacob i'hua Isaac,
Isaac i'hua Abraham,
Abraham i'hua Taré,
Taré i'hua Nacor,
³⁵ Nacor i'hua Serug,
Serug i'hua Ragau,
Ragau i'hua Peleg,
Peleg i'hua Heber,
Heber i'hua Sala,
³⁶ Sala i'hua Cainán,
Cainán i'hua Arfaxad,
Arfaxad i'hua Sem,
Sem i'hua Noé,

Noé i'hua Lamec,
³⁷ Lamec i'hua Matusalén,
 Matusalén i'hua Enoc,
 Enoc i'hua Jared,
 Jared i'hua Mahalaleel,
 Mahalaleel i'hua Cainán,
³⁸ Cainán i'hua Enós,
 Enós i'hua Set,
 Set i'hua Adán,
 Adán i'hua ŁanDios.
 Joupa icula'apa.

4

¹ Jesús ipainamma pe lopa'a al panaj Jordán, cal Espíritu Santo ticuxe lipicuejma'. Małque cal Espíritu i'hua'a'ma pe ailopa'a quiŷya', ailopa'a xanuc'.

² Mipa'a jilpe łonta'a Satanás ehui'ma. Oquej nuxans quitine oquej nuxans quipuqui' icol'ma lehuaipa. Jahuay ihniya łitiné aiqutesma. Lixhuaitsi ihne łitiné unle'enni juaiconapa.

³ Łonta'a timi:

—Ima' ja'ni i'Hua ŁanDios tocuxe'etsi ilca'a łapic. Tomiła': "To'exoxi ca'i".

⁴ Jesús italai'e'e'ma, timi:

—Al Paxi Linilingiya ticua: "Łoteja cal xans aimites'miya lipitine. Ticuicomma jouc'a jahuay litaiqui' lonespa ŁanDios."

⁵ Lijou'ma łonta'a ileco'ma anuli hi'nof'quiya quijuala. Jilpe imuc'i'ma nulemma jahuay lan tsilaj nación lomana' li'a łamats'.

⁶ Timi:

—Capi'i'mo' comane, tocuxena'ma jahuay ihna'a. Timetsaicom'mo' umcuc-caj xonca. Itsiya iya' cacuxela', joupa lapi'impá laimane. Ja'ni caxpic'ela' ticuxela' ocuena iya' capi'i'ma quimane, ilque ticuxena'ma.

⁷ Ima' ma le'a laxc'onłingaiła', tijouła' tocuxena'ma jahuay.

⁸ Jesús italai'e'e'ma, timi:

—Ima' monta'a to'huanła'. Al Paxi Linilingiya ticua: "Taxc'onłingaiła' ŁanDios, ilque omenDios. Ma le'a ilque tomi'ma: Ima' umCueca'."

⁹ Lijou'ma łonta'a i'hua'a'ma liŷya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma, timi:

—Ima', ja'ni i'Hua ŁanDios taiyuła' al 'ocay.

¹⁰ Al Paxi Linilingiya ticua:

ŁanDios tumme'mola' lepaluc' quema'a, titoc'i'mo', ti'e'mo' cuenna.

¹¹ Tipulnuf'mo' liłmane, tołta'a łapic' cane ailopa'a co'eyaco'.

Aimixcai'eyaco'.

¹² Jesús italai'e'e'ma, timi:

—Jouc'a ticua: "Aimahuai'ma ŁanDios; ilque omenDios."

¹³ Łonta'a lijou'nepa lehuaipa Jesús ipo'nona'ma quituca'. Aime-huaiconaya.

¹⁴ Jesús ipainamma, icuaita al distrito Galilea. Jilpe ixinguf'moxi acueca' lipaxnepa cal Espíritu Santo. Jilpe łamats' ni petsi lomana' lan xanuc' ihniya icuej'me lo'epa, lonespa Jesús.

¹⁵ Łajut'hi pe lafołyomma lan xanuc' judío, jilpiya timuc'iyale. Jahuay ticuayi ac'a lipicuejma'.

¹⁶ Icuaitsi liŷya' Nazaret pe litojyopa. Jilpe i'e'ma ma to mi'ay. Litine conxajya itsufai'ma lajut'ł pe lafołyomma lan xanuc'. Ecax'ma tixhue'ma al Paxi Linilingiya.

17 Ini'im'me lijuisquiya je'e liniñgiya litaiqui' cal profeta Isaías. Ux'malaif'ma al je'e, tixhuef'i'mola' liniñgiya, ticua:

18 LanDios alapi'ipa hi'Espíritu Santo.

Al'huij'epa, aľajpa cu'itsola' Lataiqui' loya'apa iľe al c'a lixp'ic'epa LanDios.

Tiquimf'ele lan xanuc' pe aiquil'hueca.

Lummepa camitsola' litats'ila': "Cuhuaľna'molhuo".

Jouc'a cu'itsola' lan fohue: "Caxaľ'mena'molhuo', toľahuetsalena'me".

Pe noximpá ipime lapajnya quĩonc'e'e'mola' cal cunta.

19 Alummepa camitsola' lan xanuc': "Itsiya linca LanDios titoc'i'molhuo', tepenuf'molhuo".

20 Lijoupa lu'ipola' iľiya, ijuitsaf'ina'ma al je'e, ini'ina'ma notoc'iyalepa jilpe lajut'ľ. Icutshuaina'ma. Jahuay nomana' jilpe lajut'ľ tehuelojnyi Jesús.

21 Iľque timila':

—Imanc' joupa oľcuejpá iľe laixhuepa. Itsiya enanľcopa jilpe lataiqui' liniľiya.

22 Jahuay etenľcoco'mola' lonespa Jesús. Icuaitsi quĩpic'a. Ticuis'eyoľtsi, timiyoľtsi:

—Iľque, ¿te ma aľinca i'hua José? o ¿a'í?

23 Jesús timila':

—Imanc' aľmi'ma: "Ima' oxina' ľafxí, jtoxaľ'mexoxi cotuca!" Aľmi'ma: "Aľcuejpá lo'epa ľiľya' Capernaum. Jouc'a to'ela' toľta'a jifa'a loľiľya'."

24 Jouc'a timila':

—Iya' camilhuo' al linca: Ja'ni anuli cal profeta ticuaitsi ma lipiľya', aimepenufyacu.

25 'Litiné lipajmpa cal profeta Elías fa'a li'a ľamats' uyaipa afane' camats' y onľca aiquicuic'. Jahuay ľamats' i'ipa cumemma. Jilpe ľamats' Israel pe lopa'a Elías timana' axpela' lacaľ'no' lam potsateya.

26 LanDios aicummaic' Elías pe lomana' iľniya lacaľ'no'. Umme'ma ti'huaľa' locuenaj nación, ľiľya' Sarepta, pu'hua titoc'ita anuli ľaca'no' apotsate. Iľe ľiľya' Sarepta ahuejnca al cuecaj quĩľya' cuftine Sidón.

27 'Litiné lipajmpa cal profeta Eliseo fa'a ľamats' Israel, timana fa'a axpela' lan xanuc' titelcoyi al cuana lepra. Iľne ľafcuallay ailopa'a quixaľcopa. Anuli ľafcuana cuftine Naamán qui'huayomma ocuena camats' cuftine Siria, linca ixaľcona'ma iľque.

28 Liquimf'epa toľta'a locuapa Jesús lan xanuc' nomana' jilpiya lajut'ľ, jahuay ixtulencia juaiconapa.

29 Itsolinanca, i'noľ'me Jesús, ipa'a'me lema quĩľya'. Liľya' copa'a letefcaic' quijuala. I'hua'a'me li'huesca ľijuala, teca'nita liculhuo.

30 Jesús uyaico'ma nolojmay xanuc', i'huana'ma.

31 Icuaitsi ľiľya' Capernaum, lopa'a al distrito Galilea. Litine conxajya imuc'i'mola' lan xanuc'.

32 Imetsaico'me acueca' comxi. Ixim'me tipa'a limane, al c'a timuc'iyale.

33 Lajut'ľ pe ľafolyomma lan xanuc' jilpe tipa'a anuli cal xans itsufaipa conta'a. Cal xans ija'a'ma ujfxi, timi Jesús:

34 —Ima' cunJesús, mas Nazaret, ¿te cotsufaicomma pe ľaľmana' illanc'? ¿Ja'ni ocuaiyoco'ma aľjou'netsonga'? Aľpo'notsonga' caľtuca'. Iya' nimetsaico-huo' naitsi ima'. Ima' umPaxi, co'huayomma LanDios.

35 Jesús itale'ma ľonta'a, timi:

—¡Ti-ch'ixcotso! ¡Taipanni iľca'a cal xans!

Mehuelojnyi jahuay lan xanuc' ľonta'a eca'ni'ma cal xans ľamats', ipananni. Aiquixcai'e cal xans.

36 Lan xanuc' ixpailij'mola', timiyoľtsi:

—¿Te cataiqui' jilta'a? Hque cal xans ti'hua limane ticuxe'ela' lontahue, ihniya tilipalnamma.

³⁷ Jahuay ile lamats' ni petsi lomana' lan xanuc' icuej'me lo'epa jouc'a lonespa Jesús.

³⁸ Jesús ipanni jilpe lajut'l pe lafoiyomma lan xanuc'. I'hua'ma itsufai'ma lejut'l Simón. Jilpe hi'maco Simón tunouya textafque, tepi'i linu' juaiconapa. Ixa'hue'me Jesús titoc'ila' jilque laca'no'.

³⁹ Jesús icuaitsi pe lopa'a laca'no' laxtafpa, ic'ommai'ma itale'ma lipinu'. Lipinu' iloyn-na'ma. Aiquico'l'ma, laca'no' itsahuenanni, ites'mi'mola' lan xanuc'.

⁴⁰ Joupá if'acolaipa cal 'ora, lan xanuc' ihejma jahuay lilefcuallay pe lopa'a Jesús, ituca' ituca' lihcuaana. Jesús ixpayaf'mola' anuli anuli, ixal'mena'mola'.

⁴¹ Axpela' lontahue ipalumma lafcuallay. Ine lontahue tija'ayi timiyi:

—Ima' i'Hua LanDios.

Jesús itale'mola'. Timila':

—Aimoluya'acona'me tohta'a.

Ihniya ihkina' naitsi Jesús, iheque cal Cristo.

⁴² Lihuequi litine lihc'ejma Jesús ipanni i'hua'ma petsi ailopa'a quilya'. Lan xanuc' tehueyi. Ixim'me, timiyi:

—Aimo'huana'ma, topajnlá fa'a lahpilya'.

⁴³ Jesús timila':

—Iya' ai'huanapa cuyaicota ocuenaye quileloya'. Jouc'a cu'itola' ihniya lan xanuc': “LanDios cal Rey tijoc'ila' lixanuc' tihuejcole”. LanDios alummepa tohta'a ca'ela'.

⁴⁴ Lijou'ma i'huana'ma. Jilpiya hilemats' lan xanuc' judío ni petsi lomana' lajut'li pe lafoiyomma lan xanuc' ti'hua tuya'e' Lataiqui' loya'apa ile al c'a lixpicepa LanDios.

5

¹ Anuli litine Jesús tecaxu lema al cuecaj quin'nuhua' Genesaret, jouc'a lacui'impá lin'nuhua' Galilea. Axpela' lan xanuc' efoya jilpiya tiquimf'eyi mu'ila' litaiqui' LanDios. Titants'iyi Jesús.

² Jesús ixim'ma tipa'a oque' lam barco jilpe lema caja. Lihpoujnalá ailomana', imulumma tipajyi lihxami.

³ Jesús if'aj'ma anuli al barco, ile libarco Simón. Ixahue'epa Simón tiloc'ai'ela' nihuata libarco. Tohta'a i'e'ma. Jesús micutsu jilpe al barco timuc'ila' lan xanuc' nomana' lema caja.

⁴ Lijoupa limuc'iyalepa, timi Simón:

—Ima' jouc'a lof'as lin'nohpá catuye to'hua'ale al barco. Tohcuaitsa nolojmay caja tolacajm'mita lihxami, ti'nijmohtaita latuye.

⁵ Simón italai'e'e'ma, timi:

—Momxi, ahpé canic' jahuay lipuqui'. Aical'nohi. Itsiya ima' ahpinga': “Tolacajm'mita lihxami”. Ne', ima' ahcuxe'enga', lihuejco'mo'. Cacuxe'etola' laipin'nohpá catuye tecajm'mita lihxami.

⁶ Ecajm'mihuo'me lihxami, imantsi catuye, cola' tits'ahquehuo.

⁷ Lih'as quin'nohpá catuye timana' locuenaj barco. Simón jouc'a lihejmale ijoc'i'me ihniya ticuaiyunca titoc'im'mola'. Icuaitsa imantsola' catuye loquej lam barco. Juaiconapa icuntaj'mola' lam barco, cola' ti'nijmohtecu laja'.

⁸ Lixim'ma tohta'a Simón Pedro exc'onhngai'ma li'mitsi' Jesús, timi:

—Maipoujna, ahpo'nohá' caituca'. Iya' ninxans juaiconapa acueca' laijunac', catay calaic'ata malejmaleyacu.

9 Simón jout'a liñemale nomana' jilpe libarco ixpailij'mola' juaiconapa liximpá i'no!me axpela' latuye.

10 Liñemale Simón nomana' locuenaj barco, ihne Jacobo y Juan inaxque' Zebedeo, jout'a ixpailij'mola'. Jesús timi Simón:

—Aimixpaij'mo'. Capi'i'mo' locuena copenic'. Aimahueconayacola' latuye. Tahuetola' lan xanuc' lihuejla' iya'.

11 I'hua'a'me liñbarco lema caja. Ipo'no'me jahuay, ihuej'me Jesús.

12 Mipa'a Jesús anuli liña' icuaiyunni anuli cal xans tipa'a licuana cuftine lepra. Jahuay licuerpo imanna cahuí. Ixim'ma Jesús ic'ommof'cai'ma lamats', tixahue'e titoc'ila', timi:

—Maipoujna, ima' nipajnya latufc'enta', caxinxoxi a!inla' limpio. ¿Ja'ni to'e'ma?

13 Jesús i'nij'ma limane, ilaf'ma lafcuana, timi:

—Ca'e'ma, ti'intso' limpio.

Aiquicol'ma ihojn-na'ma lehui.

14 Jesús ixc'ai'i'ma, timi:

—Aimo'itola' lan xanuc' te ts'i'ic' li'ipo'. Nij naitsi mi'iya quixina'. To'huala', tomujxoxi la'ailli'. Moisés jout'a icuxepa te ts'i'ic' mitsufcoyacu ihniya pe lixaconapola' liñcuana ile alepra, ima' totsufcotsi jout'a. To!ta'a a!sim'monga' lihuejcoyi ile lataiqui'.

15 Tama Jesús timi: “Nij naitsi mi'iya quixina'”, lan xanuc' xonca icuej'me lo'epa. Icuaiyunca axpela' lan xanuc'. I!pic'a tiquimf'ele Jesús lomuc'iyalepa, i!pic'a tixa!menatsola' liñcuana.

16 Camna, camna Jesús tijuc'iyoxi. Itsehuo'ma pe ailopa'a quiña', pe ailopa'a xanuc', jilpe tipalaic'o qui'Ailli'.

17 Anuli litine timuc'ila' lan xanuc'. Jilpe timana' lan xanuc' fariseo, jout'a lomxiye nomuc'iyalepá locuxepa LanDios. Ihniya quiyoyomma jahuay hileloña' al distrito Galilea, jout'a al distrito Judea, jout'a al cuecaj quiña' Jerusalén. Jilpiya LanDios timuqui lipepaxi, Jesús tixa!menala' lafcualtay.

18 Icuaiyunca hualca lan xanuc' itaic' anuli luhuaqueya xans, tunaf'ya hihujm-ma'. Ehue'me te co'iya muyai'eyacu liñpecuana ticuai'etsa pe lopa'a Jesús.

19 Jilpe efot'leyo!tsi axpela' lan xanuc' aimi'iya mitsufai'eyacu. If'ajli'me al toncay lajut!l, enai'e'me luhua'e cajut!l, jilpiya ecajnco'me luhuaqueya xans. Ecajmpá to qui'ic' hihujm-ma' nolojmay xanuc', ma!pe pe lopa'a Jesús.

20 Jesús ixim'mola' ti'huaiyijnyi tixa!mena'ma cal xans, timi:

—Maipima, lojunac' jout'a ihojn-napa.

21 Lan xanuc' fariseo jout'a lomxiye nomuc'iyalepá locuxepa LanDios ticuayi liñpicuejma': “¿Naitsi ilca'a cal xans? Ti'e'eyoxi to LanDios. Ma le'a LanDios tiñonc'e lajunac', ilca'a a'i.”

22 Jesús ixina' to!ta'a ticuayi liñpicuejma'. Icuis'e'mola':

—Imanc', ¿te colnescopa to!ta'a lo!picuejma'?

23 ¿Ja'ni to!sinyi ipime ihniya laimipa cal xans: “Lojunac' jout'a ihojn-napa”? Ja'ni camila': “Totsahuenni, to'huala'”, ¿te to!sim'me a'i quipime ile lataiqui'?

24 Itsiya camuc'i'molhuo' icueya laimane. Iya' ilque cal Xans liximpa cal profeta pu'hua lema'a. Ma capa'a fa'a li'a lamats' ti'i'ma quiñonc'e'e'mola' liñjunac' lan xanuc'.

Timi luhuaqueya xans:

—Totsahuenni. Tonif'la' lohujm-ma'. To'huan!a' lomejut!l.

25 Mehuelojnyi jahuay lan xanuc' aiquicol'ma, cal xans itsahuenanni, ecaxna'ma. Inif'ma hihujm-ma', i'huaana'ma lejut!l, tix'najtsi'i LanDios.

26 Jahuay nomana' jilpe lajut'ł tocomma tipailo liłpicuejma'. Ixim'me jauiconapa acueca' li'e'ma Jesús. Ix'najtsi'i'me ŁanDios. Ixpailij'mola', timiyoltsi:

—Itsiya ałsimpá acueca' li'ipa.

27 Jesús ipanni jilpe i'hua'ma, ixim'ma anuli lin'najtsi'iyale cuftine Leví, ticutsu pe lo'najtsi'iyaleyompa. Jesús timi:

—Lihuejla'.

28 Leví itsahuenni, ipo'no'ma jahuay, ihuej'ma Jesús.

29 Jilpe lejut'ł Leví i'eyo'ma lijuic Jesús. Jilpe Jesús titetsoyi ts'ilihuequi jouc'a axpela' lin'najtsi'iyale jouc'a ocuenaye xanuc'.

30 Jilpiya timana' lan xanuc' fariseo jouc'a lomxiye nomuc'iyalepá locuxepa ŁanDios, ihniya tihuejcoyi lił'ejma' lam fariseo. Tixtuc'oyi Jesús. Timinnila' ts'ilihuequi:

—Imanc', ¿te coltetsocopa, te colsnacopa anuli lin'najtsi'iyale y locuenaye lan xanuc', ihne aimihuejcoyi locuxepa ŁanDios?

31 Jesús italai'e'e'mola', timila':

—Lan xanuc' pe ailopa'a quilcuana aimicuicomma no'eyacola' cafxi. Laxtafpolá linca ticuicomma no'eyacola' cafxi.

32 Iya' aicuaicoco'ma cajoc'itsola' ts'iltaic' quiljunac', tixhujmenanca. Aicajoc'ila' pe ailopa'a quiljunac'.

33 Lijou'ma, timiyi Jesús:

—Ts'ilihuequi Juan itine itine tixnet'lyi, aimitetsoyi, tijoc'iyi ŁanDios. Ma' anuli lo'epa ts'ilihuequi lam fariseo. Ima' ts'ihuejhuo' aimixnet'lyi, titetsoyi, tixnayı, ma to lo'epa jahuay lan xanuc'.

34 Jesús italai'e'e'mola', timila':

—Mipa'a namaneya, ¿te ticuxe'e'mola' liłejmale aimitetso'me?

35 A'i. Ticuaitsi litine tilonc'e'enatsola' namaneya, ihne liłejmale timanecu quiltuca', ihniya litiné linca tixnet'ł'me, aimitetsoyacu.

36 Jesús ti'hua timuc'ila'. Ipango'ma i'onhico'ma lomuc'iyalepa. Timila':

—¿Te tolipa'a'me tutani anuli al ts'e lołpijahuá', tolanajmot'lıco'me lafane lołpijahuá'? A'i. Ailopa'a no'eya tołta'a. Ja'ni tołta'a tonł'ele aimetenłcoco ya lafane lijahua'. Aimi'eya quipenic' ni lafane ni al ts'e.

37 'Jouc'a aimolc'ej'miyacu al ts'ej vino lafane' pontalay quixmi. Ja'ni tołta'a tonł'ele al ts'e vino tits'al'mola' lafane' pontalay quixmi, tic'ejaiquehuo al ts'ej vino, timinsco'mola' lixmi.

38 Al ts'ej vino tołc'ej'mi'me al ts'ej ponta quixmi.

39 Jouc'a camilhuo': Pe noxnapa litojpa vino aiquipic'a al ts'ej vino. Ticua: "Xonca ac'a litojpa vino".

6

1 Anuli litine conxajya Jesús jouc'a ts'ilihuequi tuyalaicoyi nolojmay cal trigo. Ts'ilihuequi ipa'apá lixpaj cal trigo, untaijco'me liłmane, ite'me.

2 Hualca lan xanuc' fariseo icuis'em'mola' ts'ilihuequi Jesús, timinnila':

—Imanc', ¿te col'ecopa tołta'a? Ailopa'a lane mi'enyacu tołta'a. Itsiya itine conxajya.

3 Jesús italai'e'e'mola', timila':

—¿Te aga aicol'suec' li'epa David anuli litine tunle'eyi jouc'a liłejmale?

4 Itsufai'ma lejut'ł ŁanDios. Epenuf'ma lam paxi ca'i lopa'a jilpe, ilque łá'i i'huexi ŁanDios. Lan xanuc' aimi'iya mitejacu, ma le'a la'aillí tite'me. Linca David ite'ma, epi'i'mola' liłejmale, jouc'a ite'me.

⁵ Iya' itque cal Xans Liximpa cal profeta pu'hua lema'a. Iya' naPoujna. Iya' caxpic'e te ts'i'ic' lo'eyacu laixanuc' litine conxajya.

⁶ Ocuena quitine conxajya Jesús timuc'iyale lajut'l pe lafoiyomma lan xanuc'. Jiŕpe tipa'a anuli cal xans ijuŕpa al c'a quimane.

⁷ Jiŕpe timana' lan xanuc' fariseo, jouc'a lomxiye nomuc'iyalepá locuxepa LanDios. Tehuelaifyi Jesús. Ticuayi: "Itsiya itine conxajya. Aga tixaŕ'meyale'ma. Ja'ni toŕta'a ti'eŕa', aŕcufta."

⁸ Jesús ixina' locuapa itne liŕpicuejma'. Timi cal xans hiŕpa quimane:

—Totsahuenni. To'huanni. Tacaxla' jifa'a.

Cal xans itsahuenni, i'hua'ma, ecax'ma jiŕpe limipa Jesús.

⁹ Jesús timila':

—Aŕtalai'e'eŕa' imanc'. Litine conxajya, ¿te ts'i'ic' caŕ'eyacu? ¿Te ts'ipic'a LanDios? ¿Aŕ'e'me al c'a o aŕ'e'me lixcay? ¿Lunŕu'e'me anuli cal xans? O ¿alacani'e'me?

¹⁰ Jesús ehuelojm'mola' lan xanuc' micutshuoŕanna jiŕpiya. Timi cal xans:

—To'nijla' lomane.

Cal xans i'nij'ma limane, ixaŕcona'ma nulemma.

¹¹ Lan xanuc' fariseo jouc'a lomxiye nomuc'iyalepá locuxepa LanDios ix-tulencia juaiconapa. Ipalaic'o'moŕtsi, timiyotŕsi: "¿Te caŕ'e'eyacu itque cal xans Jesús?"

¹² Iŕniya litiné Jesús if'aj'ma hiŕualay tipalaic'ota LanDios. Iŕpe ipanenni jahuary lipuqui', tipalaic'o LanDios.

¹³ Joupá epalc'opa ijoc'i'mola' ts'ilihuequi ticuaiyunca pe lopa'a. I'huij'f'e'mola' imbamaj coquexi'. Iŕniya ecui'i'mola' lan apóstole. Liŕpuftine iŕniya:

¹⁴ Simón, Jesús ecui'i'ma locuena quipuŕtine, iŕe aPedro. Andrés, itque ipima Simón.

Jacobo jouc'a Juan, Felípe jouc'a Bartolomé,

¹⁵ Mateo jouc'a Tomás, Jacobo itque i'hua Alfeo, jouc'a locuena Simón. Ate'a itquiya Simón anuli liŕpicuejma' lan xanuc' nocuapá: "Lunŕu'e'me ŕalamats'".

¹⁶ Judas, itque i'hua anuli cal xans cuftine Jacobo, jouc'a Judas Iscariote, itque nocuya Jesús.

¹⁷ Jesús jouc'a ts'ilihuequi imulnanca hiŕuala. Icuaiyunca lihuojma, ecaxma jiŕpiya Jesús. Jiŕpe timana' axpela' ts'ilihuequi Jesús jouc'a axpela' lan xanuc', iŕniya quiyoyomma ni petsi al distrito Judea, jouc'a quiyoyomma al cuecaj quiŕya' Jerusalén, jouc'a ŕamats' lema caja pe lopa'a liŕeloŕya' Tiro y Sidón. Icuaiŕcoco'me tiŕuimf'eŕe litaiqui' Jesús, tixaŕ'menatsola' liŕcuana.

¹⁸ Loteŕ'mipola' ŕonta'a, ixaŕcona'mola'.

¹⁹ Lafcuallay noxpayaŕ'pá Jesús tixingufyi lipepaxi. Jahuary lafcuallay ixaŕcona'mola'. Toŕiya jahuary lan xanuc' tehueyi tixpayaf'le Jesús.

²⁰ Mehuelongila' ts'ilihuequi Jesús timila':

—Imanc', ja'ni ailopa'a coŕ'hueca, linca tuluyalaicoyi al c'a. Pe loŕmana' tipa'a LanDios cal Rey, toŕmana' anuli.

²¹ Ja'ni itsiya tulunle'eyi, linca tuluyalaicoyi al c'a. Ticuaihuo litine tinajntolhuo'.

Ja'ni itsiya toŕjolijyi, linca tuluyalaicoyi al c'a. Ticuaihuo litine tixojna'ma cunlata.

²² Iya' itque cal Xans Liximpa cal profeta pu'hua lema'a. Ticuaitŕi litine ti'entsolhuo' laic' imanc' ts'alihuequi, ja'ni tenajtsolhuo', aimepenufilhuo', ja'ni timintsolhuo' quixcay cataiqui', ja'ni tilaiquintsolhuo' jouc'a loŕpuftine, ti'ila' coŕsina' tuluyalaicoyi al c'a.

23 ¡Toliyuc'tsele tixojla' cunlata! Jipu'hua lema'a tipa'a al cueca' lapi'inyacolhuo'. Imanc' ti'onłcospolhuo' to lam profeta. Lotsanuc' ti'elhuo' laic'. Lołtatahueló ma' anuli li'epá, iteł'mim'mola' lam profeta.

24 'Imanc' ja'ni ts'acueca' col'huexi, a'ijc'a muluyalaicoyi. Joupa olapenufpá.

25 'Imanc' ja'ni itsiya ixhuaiyilhuo', linca a'ijc'a muluyalaicoyi. Ticuaihuo litine tulunle'e'me.

'Imanc', ja'ni itsiya tixoqui cunlata, tunlixoyi, linca a'ijc'a muluyalaicoyi. Ticuaihuo litine tołhuotso'me, tołjolij'me.

26 'Ja'ni jahuay lan xanuc' tinescolhuo' ma le'a al c'a, linca a'ijc'a muluyalaicoyi. Ja'ni tołta'a lo'ipolhuo' imanc' ti'onłcospolhuo' to lam profeta nofelłaiquepá. Lan xanuc' nonescopolhuo' al c'a itsiya, liłtatahueló ihniya tołta'a linescopa. Aiquilimetsaijma ja'ni nofelłaiquepá profeta.

27 'Imanc' nałcuc'epa camilhuo': Toł'etsola' capic'a laixtuc'opolhuo'. Toł'etsola' al c'a ihne no'epolhuo' laic'.

28 Tołpaxnetsola' pe nomipolhuo' quixcay cataiqui'. Tołsahue'ete ŁanDios titoc'itsola' ihne no'epolhuo' lixcay.

29 Ja'ni tuntaftso' lopeque, tomuc'ila' locuena lopeque. Ja'ni texic'e'etso' lopuquiya, aimocuanaj'ma lotsamalo, tommi'ila' jouc'a.

30 Ja'ni tixahue'etso', tapi'itsola' jahuay ihniya. Ja'ni texic'e'etso' ło'huexi, aimomi'ma: "Ałpai'inła".

31 Ma to imanc' ołpic'a ti'entsolhuo' al c'a, tołta'a toł'etsola' loł'as xanuc'.

32 'Ja'ni toł'etsola' capic'a ma le'a ihniya no'epolhuo' capic'a, łte ŁanDios tetenłcoco'ma loł'ejma'? A'i. Ma tołta'a mi'eyi locuenaye lan xanuc', ihne pe aimihuejyi locuxepa ŁanDios.

33 Ja'ni tołtoc'itsola' ma le'a ihniya notoc'ipolhuo', łte ŁanDios tetenłcoco'ma loł'ejma'? A'i. Ma tołta'a mi'eyi locuenaye lan xanuc', ihne pe aimihuejyi locuxepa ŁanDios.

34 Ja'ni tołapi'itsola' ma le'a ihniya nopai'iconayacolhuo', łte ŁanDios tetenłcoco'ma loł'ejma'? A'i. Tołta'a mi'eyi locuenaye lan xanuc', ihne pe aimihuejyi locuxepa ŁanDios. Ihniya tepi'innila' quiłtomí petsi lopai'iconayacola'.

35 'Imanc' toni'e'mola' capic'a pe no'epolhuo' laic'. Tołtoc'itsola' jahuay loł'as xanuc'. Ja'ni tixahue'etsolhuo' tonlapi'i'mola'. Aimolnes'me: "Ne', lapi'iconala'". Imanc' ja'ni lihuejcola' ilta'a laitaiqui' tunlulij'me acueca'. Ti'onłcopolhuo' loł'ejma' to li'ejma' col'Ailli', ihque Nopa'a lema'a xonca al toncay. Ihque tama aimix'najtsi'iyi, tama ixcay xanuc', ma ti'hua titoc'ila'.

36 'Col'Ailli' Nopa'a lema'a tixinnila' acuanuc'la jahuay lan xanuc'. Imanc' jouc'a tołsintsola' acuanuc'la loł'as xanuc'.

37 'Imanc' aimolnesco'mola' loł'as xanuc', tołta'a aiminescoyacolhuo'. Aimolacani'e'mola' locuenaye, tołta'a aimecani'enyacolhuo' imanc'.

38 Tolimenc'e'ecotsola' liłjunac' loł'as xanuc', tołta'a timenc'e'ecom'molhuo' lołjunac' imanc'. Tolapi'itsola' locuenaye, tołta'a tepi'icona'molhuo'. Tepi'icom'molhuo' al c'a alxpijma', lixhueya tentenca ipijuala, ti'e'em'mo' titsujołaiquemma.

39 Jesús ti'hua tipalaic'ola', i'onłico'mola' lo'iyacola' lan xanuc' petsi amuf liłpicuejma', ticua:

—Anuli cal fo', łte ti'i'ma texał'ma lił'as fo', timuc'i'ma lane? A'i. Loquexi' tecajm'molłaita lina.

40 'Cal xans naihuejpa lipomxi ma le'a tihuequi, a'i xonca acueca' xans. Aimicuxeya lipomxi. Tijoula' joupa ihuic'ipa ti'onłcota to lipomxi.

41 'Ima', łte cofmehuelojncopa łopima lipifuc li'u? Łte aimahuelojnyoxi lo'nico laxma lo'u?

42 Mipa'a laxma jilpe lo'u, ¿te cofmicoya łopima: “Maipima, lapi'ila' lane quifonc'e'e'mo' lipifuc lo'u”? Ma le'a to'e'eyoxi xonca. Ate'a taipa'ala' al cuecaj laxma lo'nico lo'u. Tijoula', tahuelojm'ma al c'a, nipajnya taipa'a'ma lipifuc łopa'a li'u łopima.

43 'Ja'ni ac'a al 'ec aimi'iya mi'asya lixcay qui'as. Ja'ni ixcay al 'ec aimi'iya mi'asya cal c'a qui'as.

44 Toxinla' hi'as, tołta'a taimetsaico'ma jale c'ec ilca'a. Petsi litac cantsinni aimoxinya lan higo. Petsi al xummi aimoxinya lan 'uva.

45 Cal c'a xans tipa'e al c'a li'hueca jilpe lipicuejma'. Lixcay xans tipa'e lixcay li'hueca jilpe lipicuejma'. Ma to quimanna lipicuejma', ja'ni al c'a ja'ni ixcay, tołta'a litaiqui' tipamma lico.

46 'Imanc', ¿te całmicopa: “MałPoujna, małPoujna”, tijoula' aimonł'eyi ma to laifmipolhuo'?

47 Camuc'i'molhuo' lo'onłcoya cal xans nocuaiya pe laifpa'a, ałquimf'e litaiqui', lihuejma.

48 Ca'onłico'ma to cal xans nilanc'epa lejutł. Ipu'ma a'ojca, i'huaјco'ma lixmi capic. Małpiya titsahue'ehuo quejutł. Litine lipanni axpe' al pana', lixpe'ma laja', unts'af'i'ma lajutł, iłe lajutł aiqweifenna. Ailopa'a qui'ipa, joupa ilange juaiconapa.

49 'Cal xans ja'ni ma le'a ałquimf'epa litaiqui', iłque ca'onłico'ma to cal xans ituca' li'ejma'. Iłque lilanc'epa lejutł aiquipucufi. Litsahue'eyomma pe lixali camats'. Lipanni al pana', acueca' unts'af'i'ma laja', lajutł aiquicoł'ma, etelquemma. Ecanipa nulemma.

7

1 Lijoupa lipalaic'opola' tołta'a lan xanuc' nomana' jilpiya, Jesús i'hua'ma, itsufai'ma liłya' Capernaum.

2 Jilpe tipa'a anuli cal mozo juaiconapa textafque, tima'ma. Lipoujna ticuxela' amaxnu lisoldado. Iłque nocuxepola' lan soldado ti'ay capic'a juaiconapa limozo.

3 Licuej'ma tixał'menala' Jesús lafcualłay umme'mola' hualca lan tsilaj xanuc' judío, iłne noxpipá lataiqui', tiyełe pe łopa'a Jesús. Tilecotsa, ticuaiyunnı lejutł, tixał'me'ma limozo.

4 Iłne lan tsilaj xanuc' judío icuaitsa pe łopa'a Jesús. Inonc'o'me, timiyi:

—To'huanni, todoc'ita jilque nocuxepola' lan soldado. Iłque ac'a xans.

5 Ał'enga' capic'a illanc' ixanuc' Israel. Ałanc'e'eponga' anuli lajutł pe lalafotł'eyopołtsi.

6 Jesús iyejmale'me. Ai'a ticuaita lejutł nocuxepola' soldado italecuf'me locuenaye lummeconapola'. Timiyi Jesús:

—Nocuxepola' soldado timihuo': “Maipoujna, aimocuaicohuo. Aimoxoc'i'moxi. Iya' caxinyoxi juaiconapa na'hua xans. Aimi'iya motsufaiya lainejutł.

7 Iya' aimi'iya catalecufyaco'. Caxina calaic'ata. Ma le'a tonesla': Tixałconła' łomozo, tijoula' tixałcona'ma.

8 Iya' quihuejma nałcuxepa, jouc'a cacuxela' laisoldado. Cami'ma anuli: To'huała', iłque ti'hua'ma. Cami'ma łocuena: To'huanni, iłque ti'huamma. Cami'ma łaimozo: To'eła', ma ti'e'ma.”

9 Licuej'ma Jesús tołta'a linespa łincuxepa, etenłcoco'ma juaiconapa. Ipai'e'moxi ipalaic'o'mola' lan xanuc' liłenc'e, timila':

—Iłque cal xans lixanuc' aimimetsaicoyi ŁanDios. Imanc' ixanuc' Israel tolimetsaicoyi ŁanDios. Camilhuo': Ailopa'a caximpa nij naitsi imanc' to iłque cal xans. Iłque linca xonca ti'huaiyinge ŁanDios.

¹⁰ Ipailinamma lummeconapola', licuainata lejut'hincuxepa iximpá lafcuana joupa ixatconapa.

¹¹ Lijou'ma Jesús i'hua'ma anuli liŷya' cuftine Naín. Hejmale ts'ilihuequi jouc'a axpela' lan xanuc'.

¹² Jesús micuaispa huejnca pe lotsufaicompa liŷya' jilpiya tilipalumma lan xanuc' iltaic' anuli limanapa. Itque limanapa, laca'no' anuli qui'hua. Qui'máma' apotsate. Axpela' lan xanuc' ilpe liŷya' lilejmale laca'no'.

¹³ Jesús ehuelojm'ma laca'no', ixim'ma cuanuc', timi:
—Aimojoj'ma.

¹⁴ Hoc'huai'ma pe lopa'a limanapa. Ixpayaf'ma lonaf'ya limanapa. Ine ts'iltaic' ecaxof'me. Jesús timi:

—Mamijcano, camihuo': Totsahuenni.

¹⁵ Limanapa icutsaina'ma, ipango'ma ipalai'ma. Jesús exat'hina'ma qui'máma'.

¹⁶ Jahuay lan xanuc' ixpailij'mola'. Ixim'me acueca' li'ipa. Ix'najtsi'i'me LanDios, ticuayi:

—Anuli cal cuecaj profeta icuai'ma pe laimana'. LanDios icuai'ma, atoc'inga' illanc' ixanuc'.

¹⁷ Ni petsi al distrito Judea, jouc'a lamats' ahuejnca jilpiya, lan xanuc' icuej'me li'epa Jesús.

¹⁸ Jouc'a Juan Bautista icuej'ma jahuay ina'a. Ts'ilihuequi u'ipá. Juan ijoc'i'mola' oquexi' ts'ilihuequi,

¹⁹ umme'mola' pe lopa'a Jesús, ticuis'etsa, timitsa: “Itsiya al'huaicoyi locuaicoya lommeya LanDios. ¿Te ima'? o ¿te ti'hua al'huaico'me locuaicoya?”

²⁰ Ine icuaitsa pe lopa'a Jesús, timiyi:

—Juan Bautista alummeponga' licuis'e'mo', timi'mo': “Al'huaicoyi locuaicoya lommeya LanDios, ¿te ima'? o ¿te ti'hua al'huaico'me locuaicoya?”

²¹ Maŷe litine Jesús tixa'l'mela' axpela' lafcualŷay, ituca' ituca' liŷcuana. Jouc'a ipa'apola' lontahue litsufŷaipá lan xanuc'. Jouc'a axpela' lam fohue tehuet-salenayi, joupa ixal'menapola' Jesús.

²² Itque timila' lummepolaj Juan:

—Ne', tonŷente. Toŷcuaitsa pe lopa'a Juan tolu'itsa te ts'i'ic' loŷsimpa, loŷcujpa. Toŷmita:

Tehuetsalenayi lam fohue, tiyenayi lam coxo,

tixaŷconnala' ts'ilehui lepra, ti'inala' limpio,

ticuejnayi lan taŷpe, timaf'inayi limanapola'.

Lan xanuc' pe aiŷuil'hueca tu'innila' Lataiqui' loya'apa ite al c'a lixplic'epa LanDios.

²³ Jouc'a toŷmitsa Juan: “Cal xans natenŷocopa lai'ejma' itque linca al c'a loyaicoya”.

²⁴ Iyena'me lummepolaj Juan. Jesús ipango'ma ipalaic'o'mola' lan xanuc' lefoŷya jilpiya. Tipalaijma Juan, timila':

—Imanc', ¿te coŷtsecohuo'me jipu'hua pe ailopa'a quiŷya'? ¿Te coŷsinhuo'me jilpiya? ¿Te oŷsinhuo'me anuli al jaxa tife'ne lahua'?

²⁵ Ja'ni a'i, ¿te coŷtsecohuo'me? ¿Naitsi coŷsinhuo'me jilpiya? ¿Te oŷsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá lipijahua' acueca' al c'a, notetsopá al c'a, iniya timajnyi ilejut'hi lan rey.

²⁶ ¿Te coŷtsecohuo'me? ¿Naitsi coŷsinhuo'me jilpiya? ¿Te oŷsinhuo'me anuli cal profeta? Alinca oŷsinhuo'me anuli cal profeta, itque Juan. Itque aimi'onŷpola' to lam profeta, xonca acuecaj xans.

²⁷ Al Paxi Linilngiya joupa ipalaicopa Juan ticuaihuo, ticua:

¡Aiquimf'ela! Cumme'ma lainepaluc.
 Itque ti'huajme'mo', tuya'a'ma ima' tocuaihuo.
 Tilanc'e'e'mo' lopene pe lof'huaya.

²⁸ Iya' camilhuo': Itque Juan acuecaj xans. Ailopa'a caca'no' quipo'nohuo hi'hua to itquiya. Tama aimi'iya mi'onlyacola' to Juan, ja'ni joupá itsufaipa petsi locuxeyopa LanDios Nopa'a lema'a, tama xonca aca'hua xans, itque joupá ulijnapa Juan.

²⁹ Lan xanuc' jouc'a no'najtsi'iyalepá iquimf'epá linespa Juan, itne imet-saico'me LanDios ahijca lo'epa, epo'i'mola' Juan.

³⁰ Lan xanuc' fariseo jouc'a lomxiye nomuc'iyalepá locuxepa LanDios etets'i'me loxpic'epa LanDios, aikuilepoc', aimicuayi.

³¹ Jesús ti'hua tipalaic'ola' lan xanuc', timila':

—¿Te caif'onlicoyacolhuo' imanc' nołmana' fa'a itsiya? ¿Te ts'i'ic' loł'ejma'?

³² Ca'onlıco'molhuo' to la'uhuay nocutshuołanna pe locucaleyompa, ti-jaic'oyołtsi. Anuli itne timila' lif'as ca'uhuay: “İllanc' ałfus'mipá lałjaja, tołsoule. Aicołtsahuo. Lunac'lipá ihuotsoqueya, aicołjoqui.”

³³ 'Tołta'a loł'ejma' imanc'. Ailopa'a catenłcocoyacolhuo'. Juan Bautista aimitesma to mołtetsoyi imanc', aimixnay vino. Imanc' tołcuayi: “Itque itsufaipa conta'a”.

³⁴ Iya' itque cal Xans Liximpa cal profeta pu'hua lema'a. Iya' aicuai'ma fa'a li'a lamats' catesma to mołtetsoyi imanc', caxnay al vino. Imanc' ałnesc'e, tołcuayi: “Tołsinle, itca'a cal xans intetsopa, in-xnatsaipa. İhejmale itne lin'najtsi'iyalepá jouc'a locuenaye lan xanuc' pe aimihuejcoyi locuxepa LanDios.”

³⁵ 'Iya' cacua: Linca LanDios acueca' ac'a lipicuejma', tołta'a timujiyi itne naihuejcopá, jouc'a acueca' ac'a liłpicuejma'.

³⁶ Anuli cal xans fariseo ijoc'i'ma Jesús titetsota. Jesús i'hua'ma, icuaitsi lejut'ł cal xans fariseo, icutshuai'ma titetso'ma.

³⁷ Jiłpe liłya' tipa'a anuli łaca'no' ixçay lo'epa. Itque icuej'ma ijoc'impá Jesús lejut'ł cal xans fariseo. Łaca'no' i'hua'ma lejut'ł cal xans. İtai'ma anuli al cuecaj pulu ilajncopa apic cuftine alabastro. Al pulu imanna caceite tujuej c'a.

³⁸ Łaca'no' itoc'huai'ma li'mitsi' Jesús. İpango'ma tijoqui. Łujuay ijac'eco'ma li'mitsi' Jesús, etufc'eco'ma hıjac. İtuc'o'ma li'mitsi' Jesús, ic'ef'i'i'ma laceite lojuepa c'a.

³⁹ Cal xans fariseo, itque nijoc'ipa Jesús, ixim'ma lo'epa łaca'no'. Itque timiy-oxi: “Ja'ni ałınca aprofeta itque cal xans Jesús, ti'i'ma quixina' te ts'i'ic' lipicuejma' itca'a łaca'no', ti'i'ma quixina' tipa'a acueca' lijunac'. Ticuanaj'moxi, ticua'ma: Aimał—laf'ma.”

⁴⁰ Jesús ipalaic'o'ma cal xans fariseo, timi:

—CumSimón, tipa'a laifmiyaco'.

Timi:

—Ne', Momxi, ałmıla'.

Jesús timi:

⁴¹ —Timana' oquexi' lan xanuc' itaiyinc'e anuli cal xans. Anuli itaiyinc'e to lolijya anuli camats' y onłca. Łocuena itaiyinc'e to lolijya anulij mut'ła y onłca.

⁴² İtne loquexi' lan xanuc' ailopa'a co'najtsecoyacu. Itque lepi'ipola' quıłtomı imenc'e'eco'mola' loquexi' liłtaiyinc'e. İtsiya ałmıla': ¿İtne loquexi' naitsi xonca co'eya capic'a itque nimenc'e'ecopola' ts'itaiyinc'e?

⁴³ Simón timi:

—Iya' cacua: İtque nitaiyinc'e xonca, xonca ti'e'ma capic'a.

Jesús timi:

—Otalai'epa ma' al linca.

⁴⁴ Ipai'e'moxi, ehuelojm'ma łaca'no', timi Simón:

—Toxina lo'epa ilca'a łaca'no'. Iya' aicuai'ma lomejut'ł. Aicaluhui'i caija' capajcoya lai'mitsi'. Ilca'a łaca'no' lapac'e'ecopa łujuay lai'mitsi', etufcopa łujuac.

⁴⁵ Ima' aicaltuc'o'. Ilca'a łaca'no' laicuai'ma fa'a ipangopa altuc'opa lai'mitsi', ti'hua altuc'o'.

⁴⁶ Ima' aicalc'ef'i'i caceite łajuac. Ilca'a łaca'no' alc'ef'i'ipa caceite lojuepa c'a lai'mitsi'.

⁴⁷ Iya' camihuo': Ilca'a łaca'no' joupa imenc'e'ecompa al cueca' li'epa, toliya al'epa capic'a juaiconapa. Cal xans aijtine li'epa, ja'ni timenc'e'ecom'me, aijtine ti'e'ma capic'a.

⁴⁸ Jesús ipalaic'opa łaca'no', timi:

—Joupa imenc'e'ecompo' lo'epa.

⁴⁹ Locuenaye lijoc'impola' ipango'me imi'mołtsi:

—¿Naitsi ilca'a cal xans? Timi: “Joupa imenc'e'ecompo' lo'epa”. Tołta'a aimi'iya.

⁵⁰ Jesús timi łaca'no':

—Ima' al'huaiyijmpa, toliya joupa unłupo'. To'huanła' tixojla' meta. Aimox-huelmot'łecona'ma.

8

¹ Lijou'ma Jesús iłya' iłya' ti'huaf'cay, lan tsilaj quilełołya' jouc'a lan tsocay quilełołya'. Tuya'e' Lataiqui' loya'apa ihe al c'a lixp'ic'epa ŁanDios. Tijoc'ila' lan xanuc' tihuejcole ŁanDios cal Rey. Limbamaj coquexi' ts'ilihuequi iłejmale.

² Jouc'a tiyeyi lacał'no'. Ihe lacał'no' Jesús joupa ixal'menapola'. Hualca iłniya ipa'epola' lontahue litsufłaipá, locuenaye ituca' quilecuana. Anuli iłniya aMaría łas Magdala łipa'empa acałtsi lontahue.

³ Jouc'a tiyeyi axpela' lacał'no' ts'il'huca. Iłniya ixhuico'me łil'huexi, itoc'im'mola' Jesús jouc'a ts'ilihuequi. Anuli iłniya cuftine aJuana, ipeno anuli cal xans cuftine aChuza, iłque ticuxe łil'huexi cal rey Herodes. Ocuena cuftine aSusana.

⁴ Axpela' lan xanuc' quipalyomma łilełołya' iyoyunca pe lopa'a Jesús. Lijoupa lefot'łepołtsi iłniya lan xanuc' Jesús i'onłico'ma lo'epa ŁanDios fa'a li'a łamats'. Timila':

⁵ —Cal xans ipanni ica'nehuo'ma lam fanuj trigo. Mica'ne lam fanu' hualca ecangołaitsa lane. Lan xanuc' i'huailetsuf'me. Lacał'hai naiyulpá lema'a icuałtsa, itejn-na'me.

⁶ Hualca lam fanu' i'nifcołaitsa łixmi capic. Lila'mola' lam fanu' aiquicoł'ma ijułna'mola'. Aiquix'minuhua łamats'.

⁷ Hualca lam fanu' itsuc'a ita pe lopa'a łitac'. Ila'mola' łai'fa' trigo jouc'a łitac'. Łitac' eiec'o'ena'ma łai'fa' trigo.

⁸ Ocuenaye lam fanu' etojmołaitsa cal c'a camats'. Itoj'ma, ipaj'ma, ipammaita. Anuli cal fanu' ipammaita amaxnu.

Lijou'ma luya'a'ma iłta'a lataiqui' Jesús ipalai'ma ułfxi, timila' lan xanuc':

—Naitsi nocuejpa, alquim'f'ela' iya' lałtaiqui'.

⁹ Ts'ilihuequi Jesús icuis'e'me te cohualquemma jile lataiqui' li'onłicopa lo'epa ŁanDios fa'a li'a łamats'.

¹⁰ Jesús timila':

—Imanc' epalc'o'ipolhuo' lołpicuejma'. Tołcuc'eyi lipime lataiqui' loya'apa lo'ipa petsi lan xanuc' tihuejcoyi ŁanDios łil'Rey. Ocuenaye a'i, aimicuec'eyi. Ihe ma le'a alquim'f'e ca'onłicojma lo'epa ŁanDios, aimi'iya muhualyacu. Ti'ila'

to loya'apa al Paxi Linilingiya ticua: “Mehuelojnyi aimixim'me, miquimf'eyi aimicuej'me”.

11 'Itsiya cu'ilhuo' lohuałquemma iŕe lataiqui'.

'Lam fanu', iŕne itaiqui' ŁanDios.

12 Iŕe li'ipola' lam fanu' lecanğolaita jilpe lane, ti'onłcospa to lo'ipola' lan xanuc' petŕi ma le'a tiquimf'eyi litaiqui' ŁanDios. Ticuaiyunnı hıxcay xans tiŕonc'e'e'mola' lataiqui' liłpicuejma'. Iŕque hıxcay xans ticua: “Aimihuej'me iŕe litaiqui' ŁanDios. Aimunłul'me.”

13 'Iŕe li'ipola' lam fanu' li'nif'colaita hıxmi capic petŕi ahuata łamats', ti'onłcospa to lo'ipola' lan xanuc' noquimf'epá lataiqui', tepenufyi tixoqui quileta. Lataiqui' aimif'acay liłpicuejma'. Oquej fanej quitine iŕniya tihuejyi lataiqui'. Ticuaitsi latełcoya tenajnayoltsi.

14 'Iŕe li'ipola' lam fanu' litsuc'aita nolojmay quitac', ti'onłcospa to lo'ipola' locuenaye xanuc' noquimf'epá lataiqui'. Iŕne muyalaicoyi liłpitine tixhuelmot'leyi juaiconapa, o tehueyi te co'ıya mulıjyacu acuecaj quılomı, o tehueyi te co'ıya mixojya quileta. Tolta'a lataiqui' licuaita liłpicuejma' eiec'opa, aimipammaıya.

15 'Iŕe li'ipola' lam fanu' letojmołaita cal c'a camats' ti'onłcospa to lo'ipola' lan xanuc' ac'a liłpicuejma', aimifellaiqueyi. Iŕniya ticuejyi litaiqui' ŁanDios, aimimenc'ecoyi. Itine itine tihuejyi. Tipammołaispa al c'a.

16 'Munai'ıme anuli lepalc'o' aimic'ommumıjcoyi al cutse ni aımi'nicoyi licu'u hualfa. Tipo'nof'ıyi al toncay. Titsuflaiyinle lajut'ł tixim'me jile lepalc'o'.

17 Jahuay lic'ommuf'ınya ti'huájnata, jahuay lemiya timetsaicom'me. Jahuay tepalc'o'im'me.

18 'Mołquimf'eyi jouc'a tołpo'nole cuenna. Cal xans ja'ni i'hueca, xonca tepi'im'me. Ja'ni aıqui'hueca, tıxic'ena'me jahuay. Tolta'a timuc'im'me li'ıpa aılopa'a qui'hueca. Ma le'a ines'ma: “Joupa ai'hueca”. A'ıj linca iŕe lonespa.

19 Icuaitsa qui'máma' jouc'a lipimaye Jesús. Iłpic'a tipalaic'o'me. Jilpiya timana' axpela' lan xanuc'. Aımi'ıya mıloc'olaiyacu.

20 Lan xanuc' timiyi Jesús:

—Tecaxolanna łuna co'máma' jouc'a lopimaye. Iłpic'a tipalaic'otso'.

21 Jesús italai'e'e'mola', timila':

—Cai'máma', laipimaye, comana' noquimf'epá naihuejcopá litaiqui' ŁanDios.

22 Anuli litine Jesús jouc'a ts'ilihuequi if'ajli'me al barco. Jesús timila':

—Ałque'me locuenaj liju lin'nuhua'.

I'hua'a'me al barco, tuyalaico'me łaja.

23 Miquieyi Jesús ixmai'ma. Iłpiya lin'nuhua' aiquicol'ma i'hua'ma uıjxi łahua', ixtunni łaja. El barco imantsi caja'. Ts'ilihuequi Jesús ixim'me acuecaj caxpaiqui'.

24 Iŕne iloc'olai'me pe loxmai'epa Jesús. Ummef'me, timiyi:

—ıMomxi! ıMomxi! ıAłma'monga'!

Jesús itsahuenni. Itale'ma łahua' jouc'a łaja. Aıquicol'ma i-ch'ıxco'mola'. Jahuay ipanenanni ach'ıxca.

25 Timila' ts'ilihuequi:

—Imanc', ¿te aimal'huaiyinge?

Iŕne ixpailıj'mola' juaiconapa, timiyoltsi:

—¿Te qui'ıpa li-ch'ıxc'epa? ¿Naitsi ilca'a cal xans? Ticuxela' łahua' łaja, tihuejcoyi.

²⁶ Lijoupa luyalaipá al cuecaj quin'nuhua' icuaitsa hilemats' lan xanuc' cuftine lan gadareno. Jitpiya lamats' lopa'a al huoc'ojmaica lemats' al distrito Galilea.

²⁷ Lipanni Jesús jitpe al barco ixim'ma icuaico'ma anuli cal xans matpe itya' xans, itsuflaipá contahue. Ixpepa quitine aimipo'nohua lipijahua', aimipanga lejut'í. Tipanga pe lemumpola' limanapola'.

²⁸ Cal xans lixim'ma Jesús ija'a'ma eca'ni'moxi, ixpats'huai'ma huejnca li'mitsi' Jesús. Ipalai'ma ujfxi, timi Jesús:

—Ima' cumJesús, i'Hua cal Cuecaj CanDios Nopa'a lema'a xonca al toncay, ¿te cocuaiyoco'ma pe laifpa'a? ¿Te ts'opic'a fa'a? Iya' caxa'huehuo' aimatte' mi'ma.

²⁹ Tohta'a locuapa cal xans. Jesús joupa icuxepa lonta'a, imipa: “Taipanni itque cal xans”. Itque lonta'a juaiconapa ti'noli cal xans. Lan xanuc' tifi'ecoyi cadena limane' li'mitsi', ticuayi: “Itsiya ailopa'a co'eya”. Lonta'a tepi'i quipujfxi, cal xans tits'alqui al cadena. Lijou'ma lonta'a tihuetsoqui cal xans, ti'hua'e pe ailopa'a quitya'.

³⁰ Jesús icuis'e'ma, timi:

—¿Tej muftine?

Italai'e'e'ma, timi:

—Iya' laipuftine Legión.

Ite laftine ticua: Axpela'. Axpela' lontahue itsuflaipá itque cal xans.

³¹ Ihe lontahue tixahue'eyi Jesús aimipa'a'mola'. Aimiye'me al muf, jitpe al pu'hua liculhuo.

³² Jitpe lemala timana' axpela' lijná titeji quilpitamqui. Lontahue ixahue'e'me Jesús tepi'itsola' lane titsuflaite ihe lijná. Jesús epi'i'mola' lane.

³³ Lontahue ipalunca itque cal xans, itsuflai'me lijná. Jahuay ihe lijná inul'me, if'alcolai'me al 'ocay, i'nijmolaitsa al cuecaj quin'nuhua', unxalac'mola', ima'mola'.

³⁴ Lixim'me li'ipa lan xanuc' nohuic'ipá lijna aikuico'l'mola', inul'me, iyena'me li'ya'. Jitpe uya'atsa li'ipa. Jouc'a calx'huiyalma' uya'atsa.

³⁵ Lan xanuc' ipalunca iye'me ixintsa li'ipa. Icuaitsa pe lopa'a Jesús. Ixim'me cal xans ticutsijnya li'mitsi' Jesús. Joupa lontahue ipalnamma. I'inapa lipicuejma'. I'po'nopa lipijahua'. Lixim'me li'ipa lan xanuc' ixpailij'mola' juaiconapa.

³⁶ Jitpiya timana' lan xanuc' joupa iximpá jahuay li'ipa. Ihiya uya'a'me li'ipa lixaiconapa itque cal xans pe hitsufaic' contahue.

³⁷ Jitpe al distrito Gerasa lan xanuc' ixpailij'mola' juaiconapa. Jahuay ihiya ixahue'e'me Jesús ti'huanla', tipo'notsola' quiltuca'. Jesús if'aj'ma al barco, tipainahuo, ticuainata locuena quema lin'nuhua'.

³⁸ Cal xans pe lipa'empa lontahue tixahue'e Jesús tilecola' jouc'a. Jesús aikuicuac'. Ixc'ai'ina'ma, timi:

³⁹ —Topainanni lomejut'í. To'itsola' loxanuc' al cueca' li'e'epo' LanDios.

Cal xans i'huana'ma, icuaitsi lipitya'. Ni petsi jitpiya u'itsola' lan xanuc' al cueca' li'e'epa Jesús.

⁴⁰ Icuaitsi Jesús locuenaj quema lin'nuhua', itpe it'huaijma axpela' lan xanuc'. Lixim'me ixoconni quileta.

⁴¹ Icuai'ma anuli cal xans lipuftine ajairo. Itque ipenic' itpe lajut'í pe lafolyomma lan xanuc'. Hoc'huai'ma exc'onlingai'ma li'mitsi' Jesús. Tixahue'e, timi:

—Eepá lainejut'í.

⁴² Ipic'a tixinne'etsi li'hua caca'no'. Itque textafque, tima'ma. Lahuats' ixhuaita imbamaj coque' lemats', anuli qui'hua.

Jesús iyejmale'me Jairo. Miyeyi lane lanxpela' xanuc' titantsiyi Jesús.

⁴³ Nolojmay xanuc' ti'hua anuli łaca'no' textafque. Ixhuaita imbamaj coquej camats' mextafque. Ti'hua cajuats' licu'u. Jahuay li'hueca i'najtse'ecopola' lin'ehuale cafxi. Aiquixałma.

⁴⁴ Łaca'no' iloc'huaipa pe lopa'a Jesús. Icuaitsi lixpula', ilafc'e'e'ma łema lipijahua'. Aiquicoł'ma, ipanenni licuana, aimi'huaconghua cajuats'.

⁴⁵ Jesús icuis'e'mola', timila' lan xanuc':

—¿Naitsi nał—lafpa?

Jahuay italai'e'e'me, timiyi:

—Illanc' aical—lafhuo'.

Pedro timi:

—Momxi, to'hua nolojmay xanuc', titantsihuo'.

⁴⁶ Jesús ihui'i'ma, timi:

—Iya' aixingufcopa joupa ał—lafquimpa. Iłquiya epenufpa laipaxi, ixałconapa.

⁴⁷ Łaca'no' ixim'ma aimi'iya memiyacoxi. Illoc'huai'ma pe lopa'a Jesús, tixpaiqui tiyu licuerpo. Exc'onłingai'ma li'mitsi' Jesús. Jiłpe miquimf'eyi lan xanuc', uya'a'ma te quilałcopa, timi: “Aiquicoł'ma, ałsałconapa laicuana”.

⁴⁸ Jesús timi łaca'no':

—Mai'hua, ima' ał'huaiyijmpa caxał'mentso'. Joupa ixałconapo'. To'huanła'. Aimołxhuełmot'łecona'ma.

⁴⁹ Mipalaic'o Jesús łaca'no' icuaiconni anuli cal xans titalecuf'ma Jairo. Iłque Jairo ipenic' lajut'ł pe lafołyumma lan xanuc'. Timi:

—Ło'hua joupa imanapa. ¿Te cofxoc'icoya Łomxi?

⁵⁰ Jesús icuej'ma locuapa cal xans, italai'e'e'ma, timi Jairo:

—Aimołxhuełmot'łe'ma. Ma le'a ał'huaiyijnla'. Ło'hua tixałcona'ma.

⁵¹ Licuaitsa lejut'ł Jairo, Jesús i'huij'epola' Pedro, Jacobo y Juan, jouc'a qui'ailli' qui'máma' łahuats'. Itsuflai'me pe lopa'a łahuats'. Aiquepi'ila' lane ocuenaye xanuc' mitsuflaiyacu.

⁵² Jahuay lan xanuc' nomana' jiłpe lajut'ł tihuotsoyi, tijolijyi, tija'ayi, joupa imanapa łahuats'. Jesús timila':

—Aimołjolijconame. Łahuats' aiquimac'. Ma le'a tixmay.

⁵³ Iłne ixoco'me, ilłsina' joupa imanapa łahuats'.

⁵⁴ Jesús i'noł'e'e'ma limane łahuats', ijoc'i'ma, timi:

—Mahuats', totsahuenni.

⁵⁵ Imaf'ina'ma, aiquicoł'ma itsahuenni, ecax'ma. Jesús timila':

—Tołtes'mile.

⁵⁶ Qui'ailli' qui'máma' tipailo liłpicuejma', ticuayi: “¿Te ałınca imaf'inapa łal'hua?” Jesús ixc'ai'i'mola':

—Aimoluyout'łe'me. Nij naitsi mi'iya quixina'.

9

¹ Jesús ijoc'i'mola' limbamaj coquexi' ts'ilihuequi. Epi'i'mola' liłmane tipa'atsa lontahue, jouc'a tixał'metsa lafcualłay.

² Umme'mola' illelołya' tuya'atsa te ts'i'ic' micuxe ŁanDios ilłque cal Rey. Jouc'a tixał'mentsola' lafcualłay.

³ Timila':

—Tonłełe. Nij tintsı mołtai'me lane. Jouc'a lołpaluc, lołponta, łonla'i, lołtomı, ocuena' cołtsamalo aimołtai'me.

⁴ Tołcuaitsa anuli liłya' ja'ni tepi'intsolhuo' lajut'ł pe lołmanc'eyacu, mołmana' liłya' jiłpiya lajut'ł tołmajnle.

⁵ Anuli liya' ja'ni lan xanuc' aimepenufilhuo' tolipalunca, tolunafle lohmitsi', aimoltaime lohmitsi' ni lepi camats' jilpe liya'. Ti'ita' quiltsina' ma' ilne quiltsuca' ti'najtse'me lijunac'.

⁶ Limbamaj coquexi' ts'ilihuequi ipalunca. I'huaf'colai'me iya' iya', tuya'ayi Lataiqui', ile loya'apa al c'a lixpicepa LanDios. Jahuay hileloya' ixal'mentsola' lafcualtay.

⁷ Cal rey Herodes icuej'ma jahuay lo'epa Jesús ilpe lamats'. Ixhuelco'ma. Ticua: "¿Naitsi lo'epa tola'a?" Timana lan xanuc' nocuapá: "Juan Bautista imaf'inapa, ipanamma pe lomana' limanapola".

⁸ Ocuenaye ticuayi: "Imaxcainata cal profeta Elías". Locuenaye ticuayi: "Anuli ilne lam profeta li'ipa lomana' fa'a li'a lamats', itsiya imaf'inapa, icuaina'ma".

⁹ Herodes timiyoxi: "Iya' joupá aicuxepa etec'empá lejoc' Juan. Itsiya cacueca tinesconni anuli cal xans acueca' lo'epa. ¿Naitsi ilque xans? ¿Te co'iya caxinya?" Ehue'ma te co'iya mixinya Jesús.

¹⁰ Limbamaj coquexi' lummepola' Jesús ipailinamma, icuainatsa pe lopa'a Jesús. U'i'me jahuay li'epa. Jesús ileco'mola' iye'me quiltsuca', ticuaita anuli liya' cuftine Betsaida.

¹¹ Lan xanuc' icuej'me pe lotseyacu, iyenc'ot'le'me, ihuej'me Jesús. Icuaita pe lopa'a Jesús. Ilque epenuf'mola'. U'i'mola' te tsi'ic' micuxe LanDios. Laxtafpola' nahuepá tixal'contsola', ixal'mena'mola'.

¹² If'acolaipa iloc'olai'me limbamaj coquexi', timiyi:

—Tommetsola' lan xanuc'. Tiyenle hileloya', jouc'a calx'huiyalma' lomana' huejnca, tehueta lotejacu. Ma fa'a ailopa'a cotejacu.

¹³ Italai'e'e'mola', timila':

—Imanc' tolt'es'mitsola'.

Ilhiya italai'e'e'me, timiyi:

—Aical'hueca. Tipa'a le'a amaque' la'í y oquexi' latuye. ¿Te aga lepá illanc' al'nata lotejacu jahuay ilne lan xanuc'?

¹⁴ Jilpe timana' to amaquej mil lan xanuc'. (Jouc'a timana' laca'no' la'uhuay.)

Jesús timila' ts'ilihuequi:

—Tohmitsola' ticutso'laife oque' oque' nuxans quimbama'.

¹⁵ Toita'a li'epa to licuxe'empola'. Jahuay icutso'laime.

¹⁶ Jesús epef'mola' lam maque' la'í, loquexi' latuye, ehuenaf'ma lema'a, ix'najtsi'i'ma LanDios, ixquenuf'mola'. Epi'i'mola' ts'ilihuequi tica'nentsola' lan xanuc'.

¹⁷ Jahuay itetso'me, ixhuitsola'. Ts'ilihuequi efot'lepá lan hualcay ca'i lipanecomma. Imantsola' imbamaj coque' lan tsiquihuit'.

¹⁸ Anuli litine Jesús tipalaic'o LanDios. Jilpiya timana' ts'ilihuequi quiltsuca'. Timila':

—¿Te cocuapa lan xanuc'? ¿Naitsi iya'?

¹⁹ Italai'e'e'me, timiyi:

—Timana' nocuapá ima' umJuan Bautista. Ocuenaye ticuayi ima' un'Elías. Locuenaye ticuayi ima' umprofeta. Ticuayi li'ipa opajmpa, imanapo', itsiya omaf'inapa, ocuaina'ma.

²⁰ Timila':

—Imanc', ¿te colcuapa? ¿Naitsi iya'?

Pedro italai'e'e'ma, timi:

—Ima' unCristo, ma Li'huij'epo' LanDios, ummepo'.

²¹ Jesús ixc'ai'i'mola', timila':

—Aimoluyout'le'me. Nij naitsi mi'iya quixina'.

22 Timila':

—Iya' itque cal Xans Liximpa cal profeta pu'hua lema'a. Catełco'ma juaiconapa. Lan tsilaj xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, alatets'i'ma nulemma. Alma'a'ma. Afane' quitine camaf'ina'ma.

23 Ipalaic'o'mola' jahuay lan xanuc', timila':

—Ja'ni anuli cal xans lihuej'ma, itque aimi'ya micuxeyacoxi quituca'. Iya' lapałts'inginna lancruz. Itque łalihuejya itine itine titaila' lencruz jouc'a. Tixpic'ela' titełco'ma. Tołta'a linca lihuej'ma.

24 Naitsi aimicua mitelcoya, itque no'epoxi cuenna juaiconapa, tecani'e'moxi. Naitsi nocuyacoxi latełcoya, itque łalihuequi tama tima'anłe, tunłu'e'moxi.

25 Cal xans nolijya jahuay lopa'a fa'a li'a łamats', ja'ni tecani'e'moxi, łte quipenic' ite lulijpa?

26 'Iya' itque cal Xans Liximpa cal profeta pu'hua lema'a, cacuaicocono. Ite litine ałsim'ma ninCueca', ałsim'ma ał'onłcota to ŁanDios cai'Ailli', lapalc'o'i'ma lam paxi lapaluc' quema'a. Anuli cal xans ja'ni titaila' calaic'ata, tołta'a aicalihuequi, ite litine cacuaicohuananni fa'a li'a łamats' iya' jouc'a aicapenufy a itque cal xans.

27 Iya' camilhuo' al linca: Fa'a timana' lan xanuc' tixim'me, timetsaico'me lo'eya ŁanDios micuxe li'a łamats'. Tołta'a tixim'me ai'a tima'mola'.

28 Lijoupa luyaipa to apaico quitiné Jesús tipalaic'ota ŁanDios jilpe hįjuala. Iłeco'mola' Pedro, Juan, Jacobo, if'ajli'me.

29 Mipalaic'o ŁanDios ipaico'ma li'a. Lipijahua' i'i'ma afujca afujca, tunts'iflay.

30 Icuaitsa oquexi' lan xanuc' ipalaic'o'me Jesús. Anuli itne Moisés, łocuena Elías.

31 İniya tulif'ela' al cuecaj quipepalc'o' ŁanDios. İne jouc'a Jesús tipalaicoyi lo'ya ticuaitsi Jesús Jerusalén. Jilpe tipo'no'ma li'a łamats'.

32 Pedro jouc'a liłejmale tama itafquengcola' cahuí, aiquilismaic'. Ehuelojm'me Jesús, ixim'me ipaicopa li'a, lipijahua' tunts'iflay. İxim'me oquexi' lan xanuc' tecaxołanna pe lopa'a Jesús.

33 Miłolijnayi loquexi' lan xanuc' Pedro ipalaic'o'ma Jesús, timi:

—Momxi, ma jifa'a ałmanecu. Tołta'a luyalaico'me al c'a. İllanc' ałłanc'e'me afane' lihuoxqui, anuli ima', ocuena Moisés, locuena Elías.

Pedro ma le'a tipalay, aiquixina' lonespa.

34 Mipalay Pedro imunni łummahuay. İpoxc'i'mola'. İxpailij'mola' juaiconapa.

35 Jilpe łummahuay icuej'me tipalay, timila':

—İłca'a łai'Hua, łai'Huijł'epa. ¡Tołquimł'ele!

36 Lijoupa limipola' tołta'a, ts'ilihuequi Jesús ixim'me itque quituca'. Moisés y Elías ailomana'.

İniya łitiné lam fantsi ts'ilihuequi Jesús i'ipola' ch'ix. Aiquiluya'e' ite liximpa jilpe hįjuala.

37 Lihuequi litine imulnanca hįjuala. Axpela' lan xanuc' icuai'me tehueyi Jesús.

38 Anuli İniya ija'a'ma, ipalaic'o'ma Jesús, timi:

—Momxi, caxahue'ehuo' toxılta' łai'hua. İtque cal nuli cai'hua.

39 Anuli łonta'a ti'noli. Łai'hua tija'e'. Łonta'a tife'ne ułfxi. Tipamma łitsulu lico. Łonta'a tixcai'e łai'hua, afule mux'masya.

40 Aixahue'epola' lihuejhuo' tipa'ale łonta'a, aiqui'ic' quilipa'e.

41 Jesús itala'e'e'ma, ticua:

—¡Ay imanc'! Aimol'huaiyijnyi ËanDios, a'ij hijca lołpicuejma'. Coła' aicapajn-cona'ma pe lołmana'. ¿Te iya' ti'hua caxnet'í'ma?

Timi cal xans:

—Alhec'metsi lo'hua.

⁴² Ai'a ticuaita łamijcano łonta'a eca'ni'ma łamats', ife'ne'ma ujfxi. Jesús itale'ma łonta'a, ixal'mena'ma łamijcano, exat'łina'ma qui'ailli'.

⁴³ Nahuelojmpá tołta'a li'ipa jahuay tipailo liłpicuejma'. Iximpá acueca' lo'epa ËanDios. Ixpailij'mola'.

Mi'nujuaisyi lan xanuc' jahuay lo'epa Jesús ti'hua tipailo liłpicuejma'. Jesús ipalaic'o'mola' ts'ilihuequi, timila':

⁴⁴ —Imanc' tołpo'note cuenna laifmipolhuo'. Iya' itque cal Xans Ëiximpa cal profeta pu'hua lema'a. Alcum'ma ticuaita quiłmane lan xanuc'.

⁴⁵ Ts'ilihuequi aiquiłcueca limipola' Jesús. Aiquepalc'o'ila' liłpicuejma'. Aimi'iya mepenufyacu ite lataiqui'. Aiquilicuis'e Jesús. Ixpailij'mola'.

⁴⁶ Ipalaic'o'moltsi, icuis'e'moltsi: “¿İllanc', naitsi no'iya xonca cal cueca'?”

⁴⁷ Jesús imetsaicola' liłpicuejma', exat'łu'ma anuli łacamijcano, ecaxijm'moxi.

⁴⁸ Timila' ts'ilihuequi:

—Cal xans nocuapa: “Jesús ti'ela' capic'a la'uhuay”, tijouła' tepenufi łacamijcano, jouc'a iya' lapenufi. Cal xans pe łalapenufpa ma anuli lapenufinga' Ëalummepa. Iya' camilhuo': Ja'ni anuli imanc' ti'exoxi xonca aca'hua, itque xonca acueca'.

⁴⁹ Juan ipalaic'o'ma Jesús, timi:

—Momxi, alsimpá anuli cal xans ticuaj'mi lopuftine, tipa'ala' lontahue. İllanc' almpá: “Ailopa'a lane. Aimo'e'ma tołta'a. İma' a'i całejmale.”

⁵⁰ Jesús timila':

—Aimolcuanac'e'me. Ja'ni aimixtuc'olhuo' tocomma to onłejmale.

⁵¹ Licuaico'ma litine tepenufinnata Jesús pu'hua lema'a, ixpic'epa nulemma ti'huanła' Jerusalén.

⁵² Umme'mola' ts'ilihuequi tuya'atsa liłelołya', tu'iyaletsa Jesús ticuaihuo. İhne lummepola' icuaitsa liłpiłya' lun samaritano. Tehueyi lajut'í pe lopanc'eya Jesús.

⁵³ Lan xanuc' jilpe liłya' ticuayi: “İtque Jesús ti'hua'ma Jerusalén. Aimalapenufyacu.” (İłniya iłpilaic' al cuecaj xoute' lopa'a Jerusalén.)

⁵⁴ Lixim'me lił'ejma' ihne lan xanuc' Jacobo y Juan icuis'e'me Jesús, timiyi:

—Małpoujna, ¿te ts'opic'a? ¿Te aga aljoc'ite ËanDios, tummeła' łunga, tipitsola' nulemma ihne lan xanuc'? Tołta'a li'epa cal profeta Elías.

⁵⁵ Jesús ipai'e'moxi, itale'mola', timila':

—Imanc' aicołsina' te ts'i'ic' lołcuapa. Tocomma tunlihuejyi ocuena, a'i iya'. İmanc' ituca' lołpicuejma'.

⁵⁶ Iya' itque cal Xans Ëiximpa cal profeta pu'hua lema'a. Aicuaicoco'ma fa'a li'a łamats' cunłu'etsola' lan xanuc', a'i cajac'eyacola'.

Lijou'ma iye'me ocuena quiłya'.

⁵⁷ Miyeyi lane icuaitsi anuli cal xans ipalaic'o'ma Jesús, timi:

—İma' ni petsi lołtseya iya' jouc'a quihuej'mo'.

⁵⁸ Jesús italai'e'e'ma, timi:

—Lant'leyá tipa'a liłpunts'ejay, lacał'hui naiyulpá lema'a tipa'a liłpuxil'na'. Iya' itque cal Xans Ëiximpa cal profeta pu'hua lema'a. Iya' ailopa'a caifx-mai'eya.

⁵⁹ Jesús ipalaic'o'ma ocuena xans, timi:

—İma' lihuejla'.

Cal xans timi:

—Maipoujna, lapi'ila' lane, ca'huała' lainejut'ł. Mipa'a cai'ailli' capajnta jilpe. Tijouła timanła', caminna, quihuejna'mo'.

⁶⁰ Jesús timi:

—A'i. Lomapola' ti'i'ma temile lił'as lomapola'. Ima' to'huała', toya'atsi te ts'i'ic' micuxe ŁanDios cal Rey.

⁶¹ Ocuena xans ipalaic'o'ma Jesús, timi:

—Maipoujna, quihuej'mo'. Ate'a lapi'ila' lane ai'huanapa caxc'ai'itola' ilne nomana' lainejut'ł, tijouła' capaiconahuo, quihuej'mo'.

⁶² Jesús timi:

—Cal xans lipangopa tepa'ma lemats' ja'ni tipaicof'ila' tehuelojnla' lixpula', aimi'iya mi'eya lipenic' ŁanDios, ilque cal Cuecaj Rey.

10

¹ Lijou'ma lałPoujna Jesús i'huijf'e'mola' ocuenaye ts'ilihuequi. Ilniya lam fanej nuxans quimbama'. Umme'mola' tiyele oquexi' oquexi' lilelołya'. Tiyef'colaitsa ate'a, tijouła' tuyaicota Jesús.

² Timila':

—Itsiya lixhuaita litine cafot'leya. Tipa'a acueca' lanic', ahuata lan xanuc' nafot'leyacu. Tołsahue'ele laPoujna camats' tummetsola' no'eyacu canic' petsi lipammaita lemats'.

³ Imanc' laixanuc' ti'onłcospolhuo' to lam mot'ł, ilne aimi'iya mipa'neyacołtsi. Iya' cummelhuo' tonlele pe lomana' lan xanuc' lo'onłcospola' to lam lobo, ilne oyac'la quinnejá.

⁴ Aimolłtai'me lołponta. Jouc'a aimolłtai'me lołmorrál, ni lołc'ejí. Aimolłpalaic'otola' lan xanuc' lołtalecufyacola' lane.

⁵ Lajut'ł pe lołtsuflaiyacu tołmitsola': “ŁanDios tipaxnetsolhuo' imanc' nołmana' fa'a lajut'ł”.

⁶ Ja'ni tipa'a anuli cal c'a xans jilpe lajut'ł, ŁanDios tipaxne'ma. Ja'ni ailopa'a, ŁanDios tipaxne'molhuo' ma le'a imanc'.

⁷ Petsi lapenufynyacolhuo' malpiya tolunxac'eta. Lapi'inyacolhuo' tołteta, tołsnata. Aimolłcua'me: “Aimi'iya maltejacu. Ailopa'a calłomí.” Cal xans no'epa lanic' tipa'a lapi'inyacu. Imanc' toł'eyi lipenic' ŁanDios, jouc'a tipa'a lapi'inyacolhuo'.

⁸ 'Lilelołya' pe lołtsuflaiyacu, ja'ni lan xanuc' tepenuftsolhuo' tołtetsa lapi'inyacolhuo'.

⁹ Tołxał'metsola' lafcualłay. Tołmitola' lan xanuc': “Ma fa'a pe lołmana' icuai'ma ŁanDios cal Rey”.

¹⁰ 'Lilelołya' pe lołtsuflaiyacu ja'ni aimepenuffinnilhuo', toluyalaicotsa laneya ilpe liłya', monłeyi toluya'ata:

¹¹ “Illanc' ni lepi camats' lotalijmpa lał'mitsi' fa'a lołpilya' aimalłtaiyacu. Tołsinle, lunafnayı, tipanenni fa'a. Tama aluyalai'me illanc', ti'ila' colłsina' imanc': ŁanDios cal Rey icuai'ma fa'a pe lołmana'”.

¹² Iya' camilhuo': Al Cuecaj Quitine locuaicoya tama ŁanDios titeł'mi'mola' lun Sodoma, xonca acueca' titeł'mi'mola' lan xanuc' ilpe liłya' petsi aimepenuffinnilhuo'.

¹³ 'Ima' miłya' Corazín, acueca' lołtełcoya. Ima' miłya' Betsaida acueca' lołtełcoya jouc'a. Jiłne lołxanuc' joupá iximpá al cueca' lo'epa ŁanDios. Aiquilłsuej'meya. Luyaipa quitine Tiro y Sidón colła' ixim'me tołta'a, lan xanuc' limajmpá colła' tixhuej'menacu, colła' ticutshuolai'me tixhuełco'me, tipo'no'me liłpijahua' ayolca, timets'hi'me capi' lił'a, timujco'molłtsi ixhuej'menamma liłjunac'.

14 Al Cuecaj Quitine locuaicoya tama LanDios titef'mi'mola' lun Tiro y lun Sidón, xonca acueca' titef'mi'molhuo' imanc' unc'itelolŷa' Corazín y Betsaida jouc'a lołxanuc'.

15 Ima' miŷya' Capernaum, ¿te to'nof'e'moxi xonca al toncay? ¿Te ti'onlto' to LanDios? A'i. Ti'oc'em'mo'. Toxinnoxi jilpe al muf.

16 'Imanc' ts'alihuequi, iya' camilhuo': Ja'ni anuli cal xans tiquimf'elhuo', itque cal xans alquimf'enga' iya', imanc'. Ja'ni anuli cal xans tetets'ilhuo', itque cal xans latets'inga' iya', imanc'. Ja'ni anuli cal xans latets'i iya', itque cal xans latets'inga' iya' y LanDios Lalummepa.

17 Ipalunca lam fanej nuxans quimbamaj ts'ilihuequi Jesús, uya'ahuo'me. Lijou'ma ipailinamma. Licuainatsa pe lopa'a Jesús tixoqui quileta, timiyi:

—Mał'ailli', alcuaj'mihuo'me lopuftine tołta'a lontahue lihuejcoponga', ipalumma.

18 Jesús timila':

—Lonta'a Satanás itsiya ailopa'a pu'hua lema'a. Joupa ecangimpa. Iya' aiximpa lecangemma to lixcuaflay.

19 Alcuac'ela' imanc'. Iya' nepi'ipolhuo' lołmane, ti'i'ma toł'huaillets'uf'mola' lainofat'l jouc'a linnaispó. Tama icueya quimane Satanás aimi'ya mulijya-colhuo' imanc'. Ailopa'a co'eyacolhuo'.

20 Imanc' tixoqui cunlata lipalunca lontahue lołcuxe'e'mola'. Itsiya camilhuo': Xonca tixojla' cunlata, LanDios timetsaicolhuo'. Lołpuftine inilingiya jilpe linilingiya lipuftine lixanuc' LanDios.

21 Małpe al 'hora cal Espíritu Santo juaiconapa ixoc'i'ma queta Jesús. Itque ipalaic'o'ma LanDios, timi:

—Mai'Ailli', ima' maPoujna lema'a y li'a lamats'. Cax'najtsi'ihuo' lof'epa. Tomuc'ila' laixanuc', itne lo'onłcospola' to la'uhuy. Mepi'ipola' lipicuejma' ticuec'ele laitaiqui'. Lan xanuc' ts'ifina', xonca nixhupá, aicomepi'ila' tołta'a lipicuejma'. Itne iximpá ipime laitaiqui', to emiya. Aimi'i muhuałcufyi. Alinca mai'Ailli', tołta'a lołpic'epa, tołiya latentłcoco' ima'.

22 Jesús ti'hua tipalay, ticua:

—Cai'Ailli' jahuay lapi'ipa cacuxe'etsola'. Iya' i'Hua LanDios, lan xanuc' aimi'ya małsingufya iya' laipicuejma'. Ma le'a cai'Ailli' alsingufi. Lan xanuc' jouc'a aimi'ya mixingufyacu cai'Ailli' lipicuejma'. Ma le'a iya' i'Hua, linca aixingufi.

'Iya' caxpic'e nailne laifmuc'iyacola', itne camuc'ila' te ts'i'ic' lipicuejma' cai'Ailli'. Itne linca timetsaicoyi cai'Ailli'.

23 Lijou'ma, Jesús ipalaic'o'mola' ts'ilihuequi quituca', timila':

—Imanc' alinca tuluyalaicoyi al c'a, tolahuelojnyi lo'epa LanDios.

24 Iya' camilhuo': Luyaipa quitine axpela' lan xanuc' tijanajyi cola' tix-inle lołsimpa itsiya imanc'. Itniya lam profeta jouc'a lan rey aiqixim'me. Ijanaj'me cola' tiquimf'ele lołquimf'epa itsiya imanc'. Aicu'innila' jiliya lataiqui'.

25 Lijou'ma itsahuenni anuli lomxi nomuc'iyalepa locuxepa LanDios, tehuai'ma Jesús. Icuis'e'ma, timi:

—Momxi, aipic'a culijla' al ts'e laipitine aimijouya. ¿Te caif'eya?

26 Jesús timi:

—Lataiqui' Linilingiya loya'apa locuxepa LanDios, ¿te cocuapa?

27 Lomxi italai'e'e'ma, timi:

—“To'nujuaisla' LanDios loPoujna, itque omenDios. Taihuejla' jahuay lomunxajma', jahuay lo'alma, jahuay lopujfxi, jahuay lopicuejma'. Ima' to'eyoxi capic'a, ma tołta'a to'ela' capic'a lof'as xans, naitsi lołtalecufya.”

28 Jesús timi:

—Al c'a ałtalai'e'epa. Tołta'a to'e'ma, tapenuf'ma lopitine.

29 Łomxi timiyoxi: “Tixinłá' Jesús iya' aipicuejma”. Icuis'econa'ma Jesús, timi:

—¿Naitsi xans caif'eya capic'a?

30 Jesús italai'e'e'ma, timi:

—Anuli cal xans ipanni liya' Jerusalén, imunni lane Jericó. Mi'hua lane lan namats' linma'ahuale i'noł'me, umets'ai'me, untaf'me, exic'e'e'me lipijahua', ipo'no'me tocomma joupa tima'ma. Inulna'me.

31 Jiłpe al 'hora anuli łá'ailli' ti'hua małpe lane. Lixim'ma łixcaiyołpa cal xans aikuicoł'ma, uyai'ma locuena liju' lane.

32 Ma' anuli i'e'ma łocuena cal xans notoc'ipa ca'ailli'. Icuaitsi huejnca łixcaiyołpa cal xans. Lixim'ma aikuicoł'ma, uyai'ma locuena liju' lane.

33 'Anuli cal xans łas Samaria jouc'a ti'hua małpe lane. Icuaitsi huejnca łixcaiyołpa cal xans. Lixim'ma, ixim'ma cuanuc'.

34 Łoc'huai'ma pe lopa'a cal xans, ic'ef'i'ma laceite jouc'a al vino iłe lehui. Ifi'e'ma lehui. Lijou'ma ipulaf'ma enaf'i'ma łiburro, ileco'ma anuli lajut'ł pe lonxac'eyoyacu. Jiłpe i'e'ma cuenna.

35 Lihuequi litine ai'a tuyai'ma, cal xans ipa'a'ma liponta oque' al tomí plata, (lolijpa cal xans oquej quitine), epi'i'ma lipoujna cajut'ł, timi: “Łca'a cal xans to'e'ma cuenna. Ja'ni aimixhuaicospa iłta'a al tomí laifnepi'ipo', ima' taipa'a'ma lotomí, to'naco'ma lahue'eya. Aimoxhuełmot'łe'ma. Cacuaiy-oconno, ca'najtse'ena'mo'.”

36 'Afantsi lan xanuc' niximpá iłque łixcaiyołpa cal xans. ¿Naitsi nihuejcopa iłe lataiqui' loya'apa: “To'ełá' capic'a łof'as xans, naitsi łoftalecufya”?

37 Łomxi italai'e'e'ma, timi:

—Iłque łiximpa cuanuc'.

Jesús timi:

—Ne'. Ima' to'huałá', to'etsi ma to li'epa iłque cal xans.

38 Miyeyi lane Jerusalén Jesús jouc'a ts'ilihuequi icuaitsa anuli laca'hua quilya'. Jiłpe tipa'a anuli łaca'no' cuftine aMarta. Marta epenuf'ma lejut'ł.

39 Tipa'a łipima caca'no' cuftine aMaría. María icutsingai'ma li'mitsi' Jesús. Tiquimf'e litaiqui'.

40 Marta tipa'a acueca' lipenic'. Tihuejnyoxi. Tixhuełmot'łe juaiconapa. Łoc'huai'ma pe lopa'a Jesús. Ipalaic'o'ma, timi:

—Maipoujna, ¿te aicoxina' lo'ipa fa'a? Łaipepo ałpo'nohua. Iya' ca'ay jahuay lanic'. Tomiła': “Totoc'itsi łopima”.

41 ŁałPoujna Jesús italai'e'e'ma, timi:

—Ima' cumMarta, acueca' lof'epa. Toxhuełma juaiconapa, taihuejnyoxi.

42 Ticuicomma ma le'a anuli lof'eya. María i' huijf'epa xonca al c'a. Aimi'iya mixic'enyacu.

11

1 Anuli litine Jesús mipalaic'o ŁanDios jiłpe timana' ts'ilihuequi. Jesús lijou'ma lipalaic'o'ma ŁanDios anuli iłne ts'ilihuequi ipalaic'o'ma, timi:

—Mai'ailli', Juan imuc'i'mola' ts'ilihuequi te ts'i'ic' mipalaic'oyacu ŁanDios. Ima' ałmuc'itsonga' jouc'a.

2 Jesús timila':

—Mołpalaic'oyi ŁanDios tołmi'me:

Ima' mał'ailli' cofpa'a lema'a.

Timetsaicontso' apaxi loPuftine.

Ticuaitsi litine petsi jahuay lan xanuc' timetsaicotso' ima' iłRey.

Pu'hua lema'a jahuay tihuejcohuo', tołta'a tihuejcotso' fa'a li'a łamats'.

³ Łaltepa itine itine, lapi'itsonga' itsiya.

⁴ Illanc' joupá limenc'e'ecopola' ilne lał'e'eponga' lixcay. Ima' jouc'a alimenc'e'ecotsonga' petsi lalimenajponga'.

Aimałłeco'monga' lalahuaiyoyacongá'.

Ja'ni tiłoc'huai'ma lałmana' lixcay xans, ima' lunłu'etsonga'.

⁵ Jouc'a timila':

—Anuli imanc' ja'ni nolojmay quipuqui' liłejmale ticuaitsi lejutł, timitsi: “Maipima, lapi'ila' afane' caine'í.

⁶ Anuli łalimetsaicoyołtsi icuai'ma lainejutł. Ilque in'huaya xans. Iya' ailopa'a caifnepi'iya.”

⁷ Ilque łonanc'ompa nopa'a lejutł, łte timi'ma: “Amalapi'i'ma coyac'. Aimałtsa'huot'le'ma. Joupá aix'nifconapoxi. Lainaxque' joupá lunahuołainapá. Aimi'iya catsahueya. Aimi'iya capi'iyaco'”?

⁸ Iya' camilhuo': Tama inespa: “łTe caif'eya? Łinca ałejmale. Aicatsahueya, aicapi'iya”, ja'ni ti'hua tixahue'e, łinca titsahuehuo, tepi'i'ma jahuay loxahue'epa.

⁹ 'Iya' camilhuo': Ti'hua tołsa'huełe, tijouła' tepi'im'molhuo'. Ti'hua tolahuełe, tijouła' tołsim'me. Ti'hua tołumf'asle al puerta, tijouła' texi'em'molhuo'.

¹⁰ Lan xanuc' noxa'huepá tepi'inni, jouc'a nahuepá tixim'me, jouc'a nomf'axpá texi'em'me.

¹¹ 'Imanc' unc'a'aillí, ja'ni lołmaxque' tixahue'etsolhuo' quile'i, łte to-lapi'i'mola' łapic? A'í. O ja'ni tixahue'etsolhuo' łatu, łte tołapi'i'mola' łainofal? A'í.

¹² O ja'ni tixahue'etsolhuo' łapi'e, łte tołapi'i'mola' łinnaispo? A'í. Aimi'iya monłeyacu tołta'a.

¹³ 'Imanc' tama ołtaic' lołjunac', tipa'a lołpicuejma' tołapi'ila' al c'a lołmaxque'. Conł'Ailli' Nopa'a lema'a, xonca acueca' lipicuejma'. Ilquiya łinca tepi'i'molhuo' cal Espíritu Santo ja'ni tołsahue'elē.

¹⁴ Jesús tipa'e łonta'a łitsufaipa cal xans. Łonta'a mi'nico, cal xans aimipalay. Lipanni łonta'a cal xans ipalaína'ma. Lan xanuc' lefot'łepołtsi jilpiya ticuayi:

—łXinła'! Acueca' lo'epa Jesús.

¹⁵ Timana' nocuapá:

—A'í. Beelzebú, łincuxepa contahue, ilque łepi'ipa limane, tołta'a tipa'ala' lontahue.

¹⁶ Ocuenaye ehui'me Jesús, ixa'hue'me timuc'itsola' al cueca', to lo'epa ŁanDios Nopa'a lema'a.

¹⁷ Jesús ixina' te ts'i'ic' minesyi jilpe liłpicuejma', timila':

—Ja'ni tenajtołtsi lan xanuc' anuli al cuecaj nación, jilpiya al nación tejac'ma. Jouc'a ja'ni tenajtołtsi lan xanuc' nomana' anuli lajutł, ilniya lan xanuc' aimipajnya liłpujłfxi, tijou'mola'.

¹⁸ Imanc' tołcuayi Beelzebú, ilque Satanás, lapi'ipa laimane, tołta'a quipa'ala' lontahue. Iya' cacua: Ja'ni łonta'a Satanás tipa'ala' lipontahue joupá enajpoxi Satanás. Ilque y ts'ilihuequi a'ij nuli liłpicuejma'. Ja'ni tołta'a li'ipa, łte ti'hua ticuxe Satanás? A'í. Aimi'iya.

¹⁹ Iya', ja'ni Beelzebú lalapi'ipa laimane, ja'ni tołta'a quipa'ala' lontahue, lołxanuc' naipa'apá contahue, łnaitsi nepi'ipola' liłmane ilniya? Małniya timuj'me imanc' timenaquilhuo'.

²⁰ O łte colcuayacu ja'ni ŁanDios lalapi'ipa laimane quipa'atsola' lontahue? Ja'ni tołta'a lo'ipa, łinca jifa'a tipa'a ŁanDios cal Rey. Ilque ticuxe.

21 'Anuli cal xans ts'ipujfxi, mipa'a lofulecopa ticuanajco'ma lejut'ɬ jouc'a hi'hueca. Ailopa'a tintsi.

22 Ticua: "Tipa'a laifulecopa. Aimi'iya malulijya." Ticuaitsi locuena xonca ts'ipujfxi, tilonc'eta lofulecopa, tulijnata. Tica'neta hi'huexi cal xans.

23 'Naitsi aicalihuequi aɬ'ay laic'. Naitsi aimefot'ɬela' lan xanuc' to laif'epa, iɬque tica'nennala'.

24 'Lonta'a lipanni licuerpo cal xans ti'hualeco'ma hijuɬ camats' pe ailopa'a caja'. Tehue petsi conxac'eya. Aimixina. Ticua: "Aipainamma. Ai'huanapa lainejut'ɬ pe lainipayomma."

25 Licuaitsi jilpiya tixim'ma itaf'uyiya, i'huáqui al c'a.

26 Lixim'ma toɬta'a ti'huacona'ma, tilecotola' acaitsi lontahue xonca ixcay. Titsuflai'me jilpiya licuerpo cal xans, timajm'me. Toɬta'a iɬque cal xans xonca acueca' a'ijc'a loyaicoya. Al te'a le'a anuli lonta'a i'hueca, tijouɬa' ti'i'mola' apaico lontahue.

27 Mu'ila' toɬta'a Jesús lan xanuc' lafoɬyomma jilpiya, anuli ɬaca'no' ipalai'ma ujfxi, timi:

—Joupa ipaxnempa co'máma', iɬque ipo'nopo', itoc'epo'.

28 Jesús italai'e'e'ma:

—Ja'ni tiquimf'eyi litaiqui' LanDios jouc'a tihuejcoyi, xonca ipaxnempá ihniya.

29 Lan xanuc' efot'ɬepoɬtsi pe lopa'a Jesús. Ipango'ma u'i'mola', timila':

—Lan xanuc' nomana' itsiya litine ixcay liɬpicuejma'. Iɬpic'a LanDios timuc'itsola' al cueca'. Iya' cacua: Aimimuc'iyacola'. To li'ipa cal profeta Jonás luyaipa quitine ma toɬta'a aɬ'i'ma iya'. He linca toɬsim'me, timuc'i'molhuo'.

30 He li'ipa Jonás imuj'ma al cueca' lo'epa LanDios. Toɬta'a ixim'me lan xanuc' nimajmpá liɬya' Nínive. He laɬ'iya iya' ma' anuli timuc'i'mola' lan xanuc' nomana' itsiya al cueca' lo'epa LanDios. Iya' iɬque cal Xans Liximpa cal profeta pu'hua lema'a.

31 'Ticuaitsi al Cuecaj Quitine imanc' tolacaxingoɬaita LanDios cal Cuecaj Juez. ɬaca'no' nicuxepola' lan xanuc' nomana' anuli ɬamats' juaiconapa aculi' al 'ocay jouc'a tecaxhuaita. Iɬque ɬaca'no' xonca al c'a li'ejma', toɬiya ticuftolhuo'. I'hua'ma juaiconapa itoqui lane. Icuaitsi pe lotseya. Jilpe icuej'ma locuapa cal rey Salomón, iɬque acueca' lipicuejma'. Itsiya imanc' tama toɬquimf'eyi anuli xonca acueca', tolatets'iyi.

32 'Al Cuecaj Quitine tolacaxingoɬaita LanDios cal Cuecaj Juez. Jouc'a tecaxingoɬaita lun Nínive, jilpiya Jonás uya'ahuo'ma litaiqui' LanDios. Ihniya lun Nínive ticuftolhuo'. Ihe iquimf'e'me lu'i'mola' Jonás, ixhuej'menanca. Itsiya tama imanc' toɬquimf'eyi anuli xonca acueca', aimoɬsuej'memma.

33 'Munai'im'me lepalc'o' aimeminyacu, aimic'ommumiquinyacu. Tipo'nonni pe lopyopa. Toɬta'a titsuflaiɬe lan xanuc' jilpe lajut'ɬ tixim'me lepalc'o'.

34 Lo'u' tepalc'o'ihuo'. Ja'ni ac'a lo'u' toxinna pe lof'huapa, te lof'epa. Ja'ni a'ijc'a lo'u' topanehuo al muf.

35 Ma' anuli lo'e'eyaco' ja'ni to'ehuale laic', topanehuo al muf. Ti'i'mo' a'ijc'a lopicuejma', aimepalc'o'ihuo'. Topo'noɬaj cuenna. Ja'ni timufc'otsi lopicuejma', acueca' juaiconapa ti'i'ma iɬe al muf.

36 Ja'ni ac'a lopicuejma' aimopajnya al muf. Ti'i'mo' to lo'e'eyaco' lepalc'o'. Ja'ni toɬoc'aɬa' lepalc'o' tepalc'o'i'mo' juaiconapa.

37 Jesús lijoupa lipalaipa iɬe lataiqui' anuli cal xans fariseo ijoc'ihuo'ma tijeɬe lejut'ɬ titetsota. Jesús itsufai'ma iɬe lajut'ɬ icutsai'ma, titetso'ma.

³⁸ Cal xans fariseo ehuelojm'ma Jesús, ixim'ma aimi'ay to lif'as xanuc' fariseo. Aiculou'ma al c'a limane ai'a titetso'ma. Cal fariseo timiyoxi: “Íca'a cal xans Jesús, ¿te qui'ecopa to'ta'a? Aiculouhuo al c'a limane to ma'eyi illanc'.”

³⁹ Ła'Poujna Jesús timi:

—Imanc' unc'ifariseo tolapajyi pe li'huáqui. Tolapajyi li'pula' lo'vaso, lo'pime. Pe aici'huáqui, jilpe aimo'eyi cuenna. Imanc' lo'picuejma' tipanemma a'ijc'a, imanna pangay quixcay. Jilpe lo'picuejma' to'janajyi tepi'intsolhuo' xonca, to'pic'eyi to'le' quixcay.

⁴⁰ Imanc', unc'itonno. Íque Łolanc'epa li'huáqui, ¿ja'ni ai'quilanc'e jouc'a íe pe aici'huáqui?

⁴¹ Imanc' ts'o'hueca tolap'i'sola' pe ailopa'a qui'hueca. Tijoula' ŁanDios tetent'coco'ma lo'ejma', tixim'molhuo' unc'ilimpio, jouc'a lo'pime, lo'vaso.

⁴² 'A'ijc'a lo'iyacolhuo' imanc' unc'ifariseo. Lo'xaimu, lo'ruda jahuay lo'pitamqui, ja'ni o'hueca imbama' to'hsufco'me anuli, tijoula' aimo'n'ujuais'mola' lo'f'as xanuc'. Aimo'ela' capic'a. Aimo'ela' al c'a, aimo'ela' al ijca to'locuxepa ŁanDios. ¡Ne'! Aimonlimenc'eco'me to'hsufco'me ŁanDios lo'pitamqui, jouc'a ton'le' jahuay locuxepa ŁanDios.

⁴³ 'A'ijc'a lo'iyacolhuo' imanc' unc'ifariseo. Jilpiya lajut'hi pe lafo'yomma lan xanuc', imanc' o'pic'a to'cutsola'ite pe locutsola'ipa lan tsilaj xanuc'. Monte'me la plazá locucaleyompa o'pic'a lan xanuc' tinontsolhuo'.

⁴⁴ 'A'ijc'a lo'iyacolhuo'. Ti'on'cospolhuo' to jilpe lamu'empola' lamizhua. Lan xanuc' muyalaico'me jilpiya aimixinyi te ts'i'ic' jilpe. To'le qui'ic' lo'picuejma'.

⁴⁵ Anuli íne lomxiye nomuc'iyalepa locuxepa ŁanDios italai'e'e'ma, timi:

—Momxi, lo'cuapa to'ta'a jouc'a illanc' a'miloquina' cataiqui'.

⁴⁶ Jesús italai'e'e'ma, timi:

—Imanc' unc'omxiye no'hmuc'iyalepá locuxepa ŁanDios, a'ijc'a lo'iyacolhuo'. Imanc' tolatonc'iyi lataiqui' locuxepa ŁanDios. To'cuxe'ela' lan xanuc' tenant'íte jahuay íe lo'taiqui'. Íniya tixinyi ipime lo'cuxe'epola', afule mixnet'íyi. Jouc'a imanc' aimolanant'íyi. To'sinyo'tsi uhua'quelhuo'. To'cuxeyo'tsi co'tuca'.

⁴⁷ Imanc' a'ijc'a lo'iyacolhuo'. Lo'tatahueló inma'ahuale, ima'a'me lam profeta. Imanc' to'ħanc'e'ela' ílejut'hi íne lam profeta.

⁴⁸ To'ta'a to'hmujyo'tsi tetent'cocolhuo' li'epa lo'tatahueló. Íne linma'ahuale ima'a'me lam profeta, imanc' to'ħanc'e'ela' quilejut'hi pe lemu'empola' íniya.

⁴⁹ 'ŁanDios acueca' lipicuejma'. Joupa iximpa te ts'i'ic' lo'ejma'. Joupa ipalaicopolhuo', icuapa: “Cumme'e'mola' lam profeta, jouc'a lan apóstole, t'icuaitsa pe lomana' íniya lan xanuc'. Íne tima'ata hualca, locuenaye ti'e'ennola' acueca'.”

⁵⁰ 'Imanc' ma to'ta'a lo'ejma'. To'ta'a jouc'a to'tai'me li'junac' lo'xanuc', íne inma'ahuale, ima'a'me lam profeta. Ma lipangopa li'a lamats' ma'pe ipangopa jouc'a li'epa lixcay. ŁanDios jahuay ti'najtsi'i'molhuo' imanc'.

⁵¹ Ti'najtsi'im'molhuo' limacopa Abel, ti'hua ti'najtsi'im'molhuo' lima'ampola' lam profeta, cocuaiya lima'ampa Zacarías. Íque ima'ayom'me jilpe al cuecaj xoute' lixpula' al altar, jilpe lotsuflaiyacu al paxi lugar.

⁵² 'Imanc' unc'omxiye no'hmuc'iyalepa locuxepa ŁanDios a'ijc'a lo'iyacolhuo'. Joupa o'cuapá: “Ma le'a illanc' aksina'. Ma le'a illanc' a'hmuc'iyale'me.” Joupa o's'nifcopá al puerta, olamipá cal llave. Imanc' aico'hsuflaic' pe locuxeyopa ŁanDios, jouc'a aicolapi'ila' lane lan xanuc'. Pe nocuapá: “A'hsufla'ite”, imanc' o'pa'nela'.

⁵³ Lomxiye nomuc'iyalepá locuxepa ŁanDios jouc'a lam fariseo juaiconapa ixtulencia. Lipanni Jesús jilpe lajut'hi ipango'me icuis'mot'le'me juaiconapa.

⁵⁴ Tehueyi te co'iyá mic'aiñqueya Jesús. Tinesla' cataiqui', tijoula' ticuxecota, ticuaita químane ts'ihpenic'.

12

¹ Mipa'a Jesús lajut'í jilpiya efoñuni axpela' lan xanuc', ti'huañsijnyoñtsi. Ate'a ipalaic'o'mola' ts'ihuequi. Lipangopa lipalaic'opola' timila':

—Imanc', tołpo'noñe cuenna. Aimolapenuf'me jile lilevadura lan xanuc' fariseo. Capalaicola' liñ'ejma' ihniya. Ine ma le'a ti'e'eyoñtsi ac'a xanuc'.

² Camilhuo': Letamuyiya tiñonc'e'em'me, ti'huájta. Tixim'me ile lemiya.

³ Ile lołpalaipa joupa imufc'opa, ticuaihuo litine tepalc'o'ina'me, ticuec'ena'me. Jile loñsoulai'ipoñtsi moñmana' letemiquiya lajut'í, mañiya lataiqui' tuya'am'me al toncay lajut'í.

⁴ 'Imanc' lañejmalepa, iya' camilhuo': Aimoñspaic'e'mola' noma'ahualepá. Ihniya ma le'a tejac'eyi al cuerpo. Tijoula' aimi'iya mi'eyacu xonca.

⁵ Iya' cu'ilhuo' naitsi loñspaic'eyacu. Iñque icueya limane. Ti'i'ma tima'a'mola' lan xanuc', tijoula' ti'nij'mi'mola' al muf, pe lopa'a ñunga. Iñque ñinca axpaiqui'. Tolihuejcoñe iñque.

⁶ 'Joupa oñsina' tojua liłpitali lan gorrión. Ticujconnila' amajxi ma le'a oque' centavo. Tama ahuata liłpitali inñe lacañ'hui, ñanDios aimimenc'ejma ni anuli.

⁷ Xonca ti'nujuaitsilhuo' imanc'. Joupa ixhuej'miya tojua mipa'a ñajuac quitefque loñjuac. Ixina' ja'ni tecangemma anuli. Aimoñsueñmot'ñe'me. Aimixpailij'molhuo' lo'iyacolhuo'. ñanDios tixinnilhuo' acueca' lołpitali. Tama axpela' lan gorrión aimi'iya muliyacolhuo'.

⁸ 'Iya' camilhuo': Anuli cal xans mipa'a fa'a li'a ñamats', ja'ni alimetsaicoñla', ja'ni timitsola' lif'as xanuc': “Iya' ñihuequi Jesús”, iya' jouc'a quimetsaico'ma. Iya' iñque cal Xans ñiximpa cal profeta pu'hua lema'a. Pe lomana' lepaluc' ñanDios cuya'ata: “Iñque cal xans lihuequi”.

⁹ Anuli cal xans ja'ni tinesla': “Iya' aicainihuequi Jesús”, iya' jouc'a aicainimetsaicoya iñque cal xans. Pe lomana' lepaluc' ñanDios cuya'ata: “Iñque aicalihuequi”.

¹⁰ 'Iya' iñque cal Xans ñiximpa cal profeta pu'hua lema'a. Cua naitsi añnesc'e'ela' cataiqui', iñque cal xans ti'i'ma tiñojm'ma lijunac'. Cal xans nonesc'e'eya cataiqui' cal Espíritu Santo, iñque aimiñonc'e'enyacu lijunac', aimi'iya. Ita'a lapajnya jouc'a locuenaj quitine titai'ma lijunac'.

¹¹ 'Ticuaihuo litine ticufquinnoñhuo', ti'hua'am'molhuo' ñajut'hi pe lafoñyomma lan xanuc', tileconnoñhuo' pe lomana' lan tsilaj quincuxepá, mañe anuli tileconnoñhuo' pe lomana' ts'ihpenic'. Ti'itsolhuo' toñta'a aimoñsueñmot'ñe'me, aimoñcua'me: “¿Te co'iyá catalai'ecoyacoxi? ¿Te caifmiyacola?”

¹² Mañe al 'hora cal Espíritu Santo tu'i'molhuo' loñtalai'ecoyacu.

¹³ Jilpe lefoñya anuli cal xans ipalaic'o'ma Jesús, timi:

—Momxi, ñaipima joupa efot'ñumijnapa hi'huexi cañ'ailli'. Tomita lapi'ila' onñca locuaiya caimane.

¹⁴ Jesús italai'e'e'ma, timi:

—Cunxans, ¿te aga añaquimpa cacuxetsolhuo' toñta'a? A'i. Aimi'iya capit'ñiyacolhuo'.

¹⁵ Jesús ipalaic'o'mola' lan xanuc', timila':

—Imanc' toñ'etsoñtsi cuenna. Aimonlahue'me acueca' coñ'huexi. Cal xans tama acueca' hi'huexi, iñque hi'huexi aimi'iya mepi'iya lipitine.

¹⁶ Jesús ti'hua tipalaic'ola'. I'onñico'ma to li'ipa anuli cal xans nulijpa acueca' qui'huexi. Timila':

—Anuli cal xans i'hueca acueca' ñemats', ipammaita juaiconapa.

17 Itque ipalaic'o'moxi, timiyoxi: “¿Te caif'eya? Ailopa'a caif'huec'e'eya hipammaita acueca' lainemats'.”

18 Lijou'ma timiyoxi: “Ne', joupa aixina' laif'eya. Catel'ma lainejut'hi pe laif'huec'eyopa lai'huexi. Tijoula' calanc'econa'ma xonca atsila' lainejut'hi. Jilpe ca'huej'ma laitrigo jouc'a jahuay locuena lai'huexi hipammaita lainemats'.

19 Tijoula' cami'moxi: Cunxans, joupa' o'hueca acueca'. Tijuco'ma axpe' camats'. Itsiya linca tonxaj'ma, totetso'ma, toxna'ma, topajm'ma tixoj'ma meta.”

20 LanDios ipalaic'o'ma timi: “Ima' cunxans umtonno. Ita'a lipuqui' tilonc'e'enam'mo' lopitine. Tijoula' jahuay lomefot'lepa, ¿naitsi lapenufya inna'a?”

21 'Iya' camilhuo': Tohta'a cal xans ja'ni tixhuej'mecoyoxi itque quituca', lo'epa aimetenlcocojma LanDios. Itque tama acueca' efot'lepa, LanDios tixina to aici'hueca, aimepenufi itque cal xans.

22 Jesús lipangoconapa lipalaic'oconapola' ts'ilihuequi, timila':

—Aimołsuelmot'le'me te co'iya muluyalaicoyacu lapajnya fa'a li'a lamats'. Aimołcua'me: ¿Te caltejacu? ¿Te calju'ecoyacołtsi?

23 Lołpitine acueca' lipitali, lołtepa aijtine. Lołcuerpo linca xonca acueca' lipitali, lołju'ecoyacołtsi aijtine.

24 'Tołsinle lan colpe'. Iniya aimifayi, ni mefot'leyi. Ailopa'a quilejut'hi ni quih'huecołma pe lo'huejyoyacu lotejacu. Ma LanDios tites'mila'. Imanc' aimi'onłyacolhuo' to iniya lacał'hui. Xonca acueca' lołpitali.

25-26 Imanc', ¿te aga ti'i'ma toł'e'e'mołtsi xonca unc'itołqui? A'i. Aimi'iya, ni huata. Tama tołsuelcocoyi aimi'iya mon'eyacu ite a'ij cueca'. Tijoula' ¿te colšuelcocopa te co'iya muluyalaicoyacu lapajnya?

27 'Tołsinle te ts'i'ic' mitoqui inna'a laic'ua' c'ec. Tama aimucui ni mipufi lipipa' tetejcoyoxi to quipijahua'. Cal cuecaj rey Salomón lipo'nopa ac'a lipijahua', tama i'huáqui juaiconapa acueca' quincuxepa, aici'onłcotsi to jilpe lipipa' c'ec.

28 LanDios tiju'e'ela' juaiconapa ac'a laic'ua' c'ec. Itque laic'ua' c'ec aimijujma. Anuli quitine titoqui ac'a, lihuequi litine tiyaxquinni, tipi'enni pe lopa'a lapa. Imanc', ¿te LanDios aimiju'eyacolhuo'? Ah imanc', huata toł'huaijny LanDios.

29 'Muluyalaicoyi lapajnya aimolahue'me ma le'a coltejacu o colšnayacu. Aimołcua'me: “LanDios, ¿te lapi'i'monga', o aimalapi'iyaconga?”

30 Tohta'a li'ejma' lan xanuc' pe aimimetsaicoyi LanDios. Coł'Ailli' ixina' te laicuicom'molhuo'.

31 Imanc' tołpo'nołe lołpicuejma', tolihuejcołe LanDios cal Cuecaj Rey, tonł'ełe al c'a ma to locuxepolhuo'. Tohta'a tepi'i'molhuo' jahuay, aimehue'eyacolhuo'.

32 'Imanc' aixanuc' aimixpailij'molhuo', aimołsuelmot'le'me. Tama imanc' unc'ihuata tołcuxeta pe lopa'a LanDios cal Cuecaj Rey. Tohta'a lixpicepa LanDios, itque oł'Ailli'.

33 Tołcujle loł'hueca. Al tomí loluliyacu tołapi'itsola' lan xanuc' petsi aici'ihueca. Ja'ni tohta'a tonł'ełe ti'i'ma acueca' loł'huejyacu jipu'hua lema'a. Jifa'a li'a lamats' ti'hua tijaf'quila' lołpontalay tomí, tijou'ma lołtomí. Pu'huanni a'i. Aimijouya. Jipu'hua nonantsepá aimiłoc'huaiyacu. Lan huoxmi aimitejacu, ailopa'a.

34 Imanc' pe lopa'a loł'huexi małpiya copa'a lołpinoxma cata.

35-36 'Imanc' ti'onłcospolhuo' to lam mozó ts'il'huaijma ticuaitsi lipoujna, itque joupa ipainamma lijuic lipemaná, ticuainata lejut'hi. Ine lam mozó joupa il'huaijma lipoujna ti'e'me lipenic'. Joupa unai'ipa lipepalc'o'. Ticuainatsi lipoujna małpe lejut'hi tijoc'i'mola' limozó, ine aimicołyacola' texi'e'me.

37 Ac'a juaiconapa loyalaicoyacu ine lam mozó ts'il'huaijma lipoujna ticuaihuananni. Camilhuo' al linca: Ticuaitsi lipoujna itque tifi'e'moxi to

cal mozo, timi'mola' ihniya limozó: “Imanc' tołcutsolaife, tołtets'o'me. Iya' cates'mi'molhuo'.”

³⁸ Ticuaitsi hipoujna nolojmay quipuqui' o ticuaitsi ai'a tihic'e'ma, ja'ni tixintsola' limozó ts'ih'huaijma, linca ac'a loyalaicoyacu ihniya.

³⁹ 'Tołcuc'ete ita'a laifmipolhuo' jouc'a: Lipoujna cajut'ł coła' ti'ila' quixina' te 'hora ticuaihuo linnantsepa, coła' aimixmai'ma. Ti'huaico'ma lipuqui', ticuanajco'ma lejut'ł. Tołta'a linnantsepa aimi'iya mitsufaiya.

⁴⁰ Imanc' tołpo'nole cuenna. ¡Tołmaf'ife! Litine tołnesle: “Łałpoujna aimicuaiya, ticołi”, małpiya al 'hora cacuaiyoconno iya'. Iya' itque cal Xans Łiximpa cal profeta pu'hua lema'a.

⁴¹ Pedro icuis'e'ma timi Jesús:

—Maipoujna, ihe lotaiqui' lof'onłicopa tocuaiconanni, ¿te lu'inga' ma le'a illanc' o jouc'a to'ila' jahuay lan xanuc'?

⁴² ŁałPoujna Jesús italai'e'e'ma, timi:

—Ima', ¿te cofcuapa? Ja'ni łapoujna tipahuo lejut'ł, ¿naiti co'huijf'eya ti'ela' cuenna? Ti'huijf'e'ma cal xans ts'ipicuejma'. Itque tenant'li'ma, ticuxe'e'mola' lif'as mozó, tites'mi'mola' lacuej'micoya al 'hora.

⁴³ Cal xans lipo'no'impa lajut'ł, ja'ni tołta'a lo'eya, ac'a juaiconapa loyaicoya. Ticuaitsi lipoujna tixim'ma ac'a lo'epa, tetenłcoco'ma.

⁴⁴ Iya' camilhuo' al linca: Tepi'i'ma xonca al cueca' lipenic'. Jahuay li'hueca hipoujna ticuxe'ma.

⁴⁵ 'Itque cal xans lipo'no'impa lajut'ł ja'ni timixoxi: “Łaipoujna ticołi”, tijoula' tipango'ma tuntafej'mola' lif'as mozó, lan xanuc' jouc'a lacał'no', tuyaico'ma litine ma le'a titesma, tixnay, timeyoqui.

⁴⁶ Litine aimi'huaijma, al 'hora aimixhuejcocojma, małiya litine ticuaita hipoujna. Tetetsuf'ma, tihuescufinna tipajntsi pe aikuilhuejma.

⁴⁷ 'Cal mozo ts'ixina' lipic'a lipoujna, itque ja'ni aimihuejnyoxi, ja'ni aimi'ay loxpicepa lipoujna, titeł'minna juaiconapa.

⁴⁸ Cal mozo pe aikuixina' lipic'a lipoujna, tama ti'ela' ixgay, itque titeł'minna huata. Cal xans ja'ni joupa epi'impa axpe', jouc'a tipai'ntsi axpe'. Cal xans ja'ni joupa ix'ai'impa acueca', ticuxe axpe', ticuicomma xonca tenant'ila'.

⁴⁹ 'Iya' aicuaicoco'ma cunai'ila' lunga jifa'a li'a łamats'. Cacua: Coła' joupa unnaita.

⁵⁰ Tehue'e'. Catełco'ma xonca. Ma cai'huaijma ti'ila' ihe laiftełcoya caxhuełma juaiconapa. Cacua: Aimicoł'ma. Ma ti'ila'.

⁵¹ '¿Te aga imanc' tołcuayi: “Itque Jesús icuaicoco'ma lan xanuc' aime-naj'mołtsi”? A'i. Iya' aicuaicoco'ma tixtulete lan xanuc'.

⁵² Joupa i'ipa tołta'a, ti'hua ti'i'ma. Anuli lajut'ł ja'ni timana' amajxi, jikniya tenaj'mołtsi. Afantsi tixtuc'o'mola' oquexi', loquexi' tixtuc'o'mola' lam fantsi.

⁵³ Ła'ailli' tixtuc'o'ma li'hua camijcano. Li'hua tixtuc'o'ma qui'ailli'. Ła'máma' tixtuc'o'ma li'hua cahuats'. Łahuats' tixtuc'o'ma qui'máma'. Cal fi'no tixtuc'o'ma lihuahua. Łahuahua tixtuc'o'ma cal fi'no cahuahua.

⁵⁴ Timila' lan xanuc':

—Ja'ni tołsinle łummahuay qui'huayomma pe lof'acaiyopa cal 'ora tołnes'me: “Ticui'ma”. Linca tołta'a ti'i'ma.

⁵⁵ Jouc'a ja'ni ti'hua linu' cahua' tołnes'me: “Ti'i'ma inu'”. Linca tołta'a ti'i'ma.

⁵⁶ Imanc' ai' cunc'ic'a xanuc'. Ma le'a tonł'e'eyołtsi. Tołsuef'yi lema'a. Ihe ołsina'. ¿Te aimolimetsaicoyi lo'epa ŁanDios itsiya litine?

⁵⁷ 'Jouc'a camilhuo': ¿Te aimolahuelojnyołtsi cołtuca' lonł'epa, ja'ni tonł'eyi al łijca o a'i?

⁵⁸ Monłeyi lane ima' jouc'a łaxtuc'o'po', iłque no'hua'apo' cal juez, ima' tahue'ma te co'iya mopac'eya lipoyac', tux'masnatso'. Ja'ni a'i, tileco'mo' pe lopa'a cal juez. Iłque ticuto', tepi'inna quimane łapaluc, ti'nicoto' lacarza.

⁵⁹ Iya' camilhuo': Ma cotaiyinge, tama ma le'a anuli al centavo, ti'nicocunno' jilpiya lacarza, aimaipaya.

13

¹ Iłniya łitiné lan xanuc' u'ipá Jesús te ts'i'ic' li'ipola' lan xanuc' quiyouy-omma al distrito Galilea. Iłniya icuaita Jerusalén titsufcota liłpinneja. Ma mitsufcoyi Pilato icuxe'ma tima'antsola' iłne lan xanuc'. Letequim'mola' lipanni liłjuats' iłne lun Galilea jouc'a ipanni liłjuats' liłpinneja, inu'ma anuli.

² Jesús timila':

—Jilniya lun Galilea li'empola' tołta'a, łte imanc' tołcuayi xonca acueca' liłjunac', lił'as xanuc' Galilea a'ij cueca' liłjunac'?

³ Iya' camilhuo': A'i xonca acueca' liłjunac'. Imanc' ja'ni aimołsuej'memma jouc'a tejac'molhuo', jahuay imanc'.

⁴ Lecangenni iłe li'nof'quiya lajut'ł lopa'a Siloé, ima'a'mola' imbamaj paico lan xanuc', uxpats'i'mola'. Łte cołcuapa? Łte xonca acueca' liłjunac' iłniya lima'mola'? Locuenaye xanuc' nimajmpá Jerusalén, łte ailopa'a acueca' quiljunac'?

⁵ Iya' camilhuo' a'i xonca acueca' liłjunac' iłne lima'a'mola' li'nof'quiya lajut'ł. Imanc' ja'ni aimołsuej'memma jouc'a tejac'molhuo', jahuay imanc'.

⁶ Imuc'icona'mola', i'onłicopola' anuli al 'ec icux, timila':

—Anuli cal xans petsi lifapa li'uva jouc'a ifapa li'icux. Litine lehuehuo'ma hi'as li'icux ailopa'a qui'as.

⁷ Cal xans ipalaic'o'ma łimozo no'epa cuenna hi'uva, timi: “Joupa ixhuaita afane' camats' ca'huanetsomma, cahuy hi'as icux. Ailopa'a qui'as. łTatejla' nulemma! Ma le'a tixhuijma łamats', aimi'atsi.”

⁸ Iłque no'epa cuenna cal 'uva italai'e'e'ma, timi: “Maipoujna, łtipajnlal! Tipanenni ocuena camats'. Capu'ma łamats' luxi al icux, cajuaj'mi'ma łumi'na.

⁹ Locuena camats' tocuaiiconamma toxim'ma ja'ni tipa'a hi'as. Ja'ni aimi'atsi, ne' tetequim'me.”

¹⁰ Anuli litine conxajya tipa'a Jesús anuli lajut'ł pe lafołyomma lan xanuc'. Timuc'iyale.

¹¹ Jilpe tipa'a anuli łaca'no' łitsufaipa conta'a. Iłque łonta'a ixmec'e'epa lixpula'. Aimi'iya mecaxhuaya. Joupa ixhuaita imbamaj paico camats' tołta'a łonta'a titeł'mi łaca'no'.

¹² Lixim'ma łaca'no' Jesús ijoc'i'ma, timi:

—Maca'no', joupa uhuałquenam'mo', ixałconapo'.

¹³ Jesús ixpayaf'ma limane. Aiquicoł'ma, łaca'no' ecaxna'ma łic'. Ix'najtsi'i'ma ŁanDios.

¹⁴ Jesús lixał'mena'ma łaca'no' itine conxajya, łincuxepa jilpe lajut'ł ixtunni. Timila' lan xanuc':

—Cal xans ti'e'ma canic' acamts'us quitine, ixahuiya. Itsiya itine conxajya. Ja'ni ołpic'a tixał'mentsolhuo' tołcuaiyunca ocuena quitine.

¹⁵ ŁałPoujna Jesús italai'e'e'ma, timi:

—Imanc' a'i cunc'ic'a xanuc'. Ma le'a tonł'e'eyołtsi. Ti'ila' litine conxajya, łte aimoluhuałquila' łołhuacax, łołburro? Łinca tołuhuałyi, toł'hua'ala' tixnatsa quilja'.

¹⁶ Iłca'a łaca'no' a'i quinneja, inieto łołtatahuelo Abraham. Ixhuaita imbamaj paico camats' łonta'a Satanás ifi'e'. Itsiya itine conxajya, łte aimi'iya cuhuałya?

17 Linespa tołta'a Jesús i-ch'ixco'mola' iłne no'epá laic'. Iłniya aikuilalai'e. Ailopa'a cotalai'ecoyacu. Locuenaye lan xanuc' tixoqui quileta, ixim'me acueca' ac'a juaiconapa lo'epa Jesús.

18 Timila':

—Itsiya ŁanDios cal Cuecaj Rey tijoc'ila' lan xanuc' tihuejcołe. ¿Te co'onłcospa iłe lo'ipa? ¿Te caif'onłicoya?

19 Ti'i to li'ipa anuli łaca'hua fanu'. Iłque cal fanu' cuftine sinapí. Anuli cal xans itai'ma łaca'hua fanu', ifatsi łequeya. Ila'ma, i'i'ma acueca' al 'ec. Lacał'hui naiyulpá lema'a tiłcuaispa tunxajyi jilpe, ti'huoxof'cołaiyi łimané jilpe al 'ec.

20 Timiconala':

—¿Te caif'onłicoya lo'ipa pe ŁanDios cal Cuecaj Rey tijoc'ila' lan xanuc' tihuejcołe?

21 Jilpe ti'i'ma to li'ipa lilai'ipa łilevadura łaca'no' acueca' łi'harina. Iłe cal levadura ti'hua tihuantsi cal 'harina. Lijou'ma umfunni jahuay łax'e.

22 Lijou'ma Jesús ti'hua lane, ticuaita łiłya' Jerusalén. Tehuengila' łitelołya', lan tsila' jouc'a lan tsocay. Timuc'iyale jilpiya łitelołya'.

23 Anuli cal xans ipalaic'o'ma, icuis'e'ma, timi:

—Maipoujna, ¿te aga ahuata lan xanuc' tunłul'me?

Jesús ipalaic'o'mola' lan xanuc' noquimf'epá timila':

24 —Tolahuete te co'iya mołtsuflaiyacu al tansca al puerta. Iya' camilhuo': Axpela' lan xanuc' tehue'me te co'iya mitsuflaiyacu, tijouła' aimi'iya.

25 Titsahuenni łiPoujna cajut'ł tix'nifco'ma lejut'ł. Ja'ni imanc' tołmanemma łuna tołjoc'i'me, tołsa'hue'me, tołmi'me: “MałPoujna, taxi'ela' lopuseta. Ałpic'a ałtsuflaite.” Iłque timi'molhuo': “Aicaixina' pe conłouyomma. Aicainimetsaicolhuo'.”

26 Imanc' tołtalai'e'me, tołmi'me: “Iłlanc' ałejmalepá, ałtetsopá, ałsnapá anuli ima'. Ima' o'hua'ma łalpeneya, tomuc'iyale jilpiya łalpiłya'.”

27 ŁaPoujna timi'molhuo': “Iya' aicaixina' pe conłouyomma. Aicainimetsaicolhuo'. Imanc' aimonł'eyi al łijca. Tonłipalunca pe laifpa'a. Tonłente.”

28 'Iłniya łitiné imanc' tołsinnola' lołtatahueló, iłniya Abraham, Isaac y Jacob, jouc'a jahuay lam profeta. Iłne itsulfaipá petsi locuxeyopa ŁanDios cal Cuecaj Rey. Imanc' a'i. Tołmanecu łuna. Imanc' tołjolij'me, tołtetola' lonł'ay. Acueca' cunla lołtetcoyacu.

29 Lan xanuc' naihuejcopá ŁanDios tipalcu ni petsi li'a łamats', tipalcu pe laipammaiyomma cal 'ora, jouc'a pe lof'acaicopa cal 'ora, jouc'a pe łinu' camats', jouc'a pe lo'huayomma łujfxi cahua'. Iłniya ticuaita al juic. Titsuflaita, ticuolaita, titetsota pe locuxeyopa ŁanDios, iłque łilCuecaj Rey.

30 Tołcuc'ele, locuaicoya quitine tixin-nim'mola' lijoucola' joupa i'ipola' lan tet'ła. Tixin-nim'mola' lan tet'ła joupa i'ipola' lijoucola'.

31 Małe 'hora icuaiyunca hualca lam fariseo. Iłniya timiyi Jesús:

—To'huanła'. Taipanni fa'a. Cal rey Herodes tehuehuo' tima'atso'.

32 Jesús italai'e'e'ma, timila':

—Iłque cal Herodes ti'onłcospa to cal t'le, ma le'a infel'miyale. Tonłente. Tulu'itsa: “Jesús timihuo': Itsiya y mouqui quipa'ala' lontahue, caxał'menala' lan xanuc'. Pitsu cajou'ne'ma laipenic'.”

33 Itsiya, mouqui y pitsu ca'huana'ma laipene. Cacuita Jerusalén. Jilpe łiłya' quima'ayompola' lam profeta. Iya' ninprofeta, małpiya Jerusalén ałma'ayonna, a'i ocuena quilya'.

34 'iMilya' Jerusalén! iMilya' Jerusalén! Loxanuc' inma'ahuale tima'annila' lam profeta, tipangila' capic' tima'antsola' lixanuc' ŁanDios, iłne lummepola' jilpiya.

'Iya' axpe' canesqui: Cafot'le'mola' jahuay loxanuc' ma to mi'ay cal tsana mefot'le'mola' laiquipuyu, mipuxc'i'mola' hixala'. Ima' aicocuac'.

³⁵ ¡Milya! ¡Tahuelojnla' locuecaj xoute! LanDios ipo'nopa quituca'. Tocomma to joupa etelquemma. Iya' camilhuo' al linca. Ticuaitsi litine ałmıla': "Ima' unC'a. LanDios łalPoujna linca ummepo'", ile litine ałsingona'ma. Ai'a ticuaita ile litine aimalsingonaya.

14

¹ Anuli litine conxajya Jesús i'hua'ma titetsota lejut'ł anuli cal xans fariseo, ilque nocuxepola' lif'as fariseo. Jilpe lajut'ł tehuelaifyi Jesús, ¿te co'eya?

²⁻³ Jouc'a ticutsuya anuli łafcuana, ifunapa jahuay licuerpo. Jesús tehuelongue, ipalaic'o'mola' lam fariseo jouc'a lomxiye nomuc'iyalepá locuxepa LanDios, ihniya nomana' jilpiya, icuis'e'mola', timila':

—Litine conxajya, ¿nipajnya tixał'meyale'ma anuli? o ¿aimi'iya? ¿Te tipa'a lane? o ¿ailopa'a?

⁴ Ihe i-ch'ixco'mola'. Jesús i'noł'ma łafcuana, ixał'mena'ma, ummena'ma ti'huanła' lejut'ł.

⁵ Ipalaic'o'mola' ihe lam fariseo jouc'a lomxiye nomuc'iyalepá locuxepa LanDios, timila':

—Imanc', ja'ni tecajm-maitsi al pu'hua łoburro o łobhuacax, tama itine conxajya, ¿te aimonlipa'ayacu? Ałınca tonlipa'a'me.

⁶ Ihe aiquıtalai'e ile limipola' Jesús, ailopa'a quıtaiqui'.

⁷ Jilpiya timana' lijoc'impola' tehueyi te co'iya micutsołaiyacu pe locutsołaiyacu lan tsilaj xanuc'. Lixim'mola' Jesús i'onlıco'mola' lił'ejma', timila':

⁸ —Ja'ni tijoc'intso' anuli al juic lamaná, tocuaitsi lajut'ł aimocutshuai'ma pe li'huáqui xonca al c'a. Aga ticuaita anuli xonca cal cuecaj xans.

⁹ Timi'mo' nijoc'ipolhuo': "Totsahuenni. Ica'a ticutshuai'ma jilpe lofcutsuya ima'. Totsahuenni." Tijouła' toxim'ma calaic'ata. To'hua'ma, tocutshuai'ma pe li'huáqui a'ijc'a.

¹⁰ Ja'ni tijoc'intso' anuli al juic tocutshuai'ma pe li'huáqui xonca a'ijc'a. Ticuaiyunni nijoc'ipo', ilque timi'mo': "Maipima, to'huanni fa'a. Jifa'a tocotshuai'ma xonca al c'a." Tijouła' locuenaye lijoc'impola' tixim'mo' ima' uncuecaj xans.

¹¹ 'Iya' camilhuo': Naitsi cal xans no'e'epoxi acueca', ilque ti'oc'em'me. Naitsi cal xans no'e'epoxi a'ojca, ilque tif'ac'em'me.

¹² Jesús ipalaic'o'ma nijoc'ipa, timi:

—Litine lof'eya al juic aimojoc'i'mola' lonłejmalepá ni lopimaye. Ni aimojoc'i'mola' nomana' huejnca lomejut'ł ihe pe ts'il'hueca xonca lił'huexi. Ihe linca ti'e'econa'mo', tijoc'icona'mo'.

¹³ Ja'ni to'e'ma juic tojoc'itsola' lan xanuc' pe aiquil'hueca. Tojoc'itsola' latumane, lan coxo, lan fohue.

¹⁴ Tołta'a, tama ihniya aimi'iya mi'najtse'eyaco', toyaiconama al c'a. Ticuaihuo litine timaf'ina'me lan hijca xanuc', LanDios ti'najtse'mo' jouc'a.

¹⁵ Licuej'ma lonespa Jesús anuli jilpe titesma timi:

—LanDios cal Cuecaj Rey ti'eta juic jilpe pe locuxeyopa. Linca al c'a loyaicoya cal xans notsufaiya jilpe, titetsota.

¹⁶ Jesús italai'e'e'ma, timi:

—Anuli cal xans ti'e'ma al cuecaj juic. Ijoc'ipola' axpela' lan xanuc'.

¹⁷ Icuai'ma jile litine al cuecaj juic, umme'ma limozo, timitsola' lijoc'impola': "Tonłouyunca. Joupa imacołpá. Tołtetsota."

18 'Jahuay ihniya lijoc'impola' ipango'me ines'me: "Aimi'iya ca'huaya". Cal te'a timi: "Joupa ai'napa lainemats'. Ai'huapa caxinna. Tomitsi lopoujna: Aimi'iya micuaicoya."

19 Locuena timi: "Iya' ai'napola' imbamaj lai huacax. Ai'huapa caxinnola', ja'ni ti'e'me canic' o a'i. Tomitsi lopoujna: Aimi'iya micuaicoya."

20 Locuena timi: "Joupa nemanepa. Aimi'iya ca'huaya."

21 'Ipainanni cal mozo. U'i'ma lipoujna linespa lijoc'impola'. Lipoujna cajut'ł ixtunni. Ummecona'ma limozo, timi: "Aimicol'mo'. To'huata' laneya liya', lan tsila', lan tsocay caneya. Tolecotsola', tocuai'ecola' fa'a lan xanuc' pe aiquil'hueca jouc'a latumane, lan coxo, lan fohue."

22 I'huacona'ma cal mozo. Ipaiconamma, ipalaic'ocona'ma lipoujna, timi: "Joupa ai'epa la'cuxe'epa. Tehue'ela' lan xanuc', ticuaiyunca xonca axpela'."

23 Lapoujna timi limozo: "To'huata' liya'. To'huata' lan tsila' caneya, jouc'a lēma cati'i. Tojoc'itsola' lejmaica, tiyouyunca fa'a. Aipic'a timantsi nulemma lainejut'ł.

24 Iya' camilhuo': Ihe lan xanuc' laijoc'ipola' al te'a, nij naitsi ihniya notec'oya laitejua'."

25 Axpela' lan xanuc' ilihuequi Jesús lane. Lipai'e'moxi ipalaic'o'mola', timila':

26 — Cal xans nocuaiyumma pe laifpa'a, nocuapa: "Quihuej'ma Jesús", ilque xonca al'e'ma capic'a iya'; qui'ailli', qui'máma', lipeno, linaxque', lipimaye, lipitine, aijtine. Ja'ni a'i to'łta'a li'ejma' aimi'iya malihuejya.

27 Iya' linca cate'co'ma. Cal xans noxpice'epa aimete'coya, nocuapa: "Iya' aicataiya lainencruz", ilque aimi'iya malihuejya.

28 'Ja'ni anuli imanc' tixpic'ela' tilanc'ela' li'nof'quiya lajut'ł, ate'a ticutshuai'ma, tixim'ma tojua lipitali lolajncoya. Tixim'ma ja'ni ti'ommaicota litomí o a'i.

29 Ja'ni aimi'ay to'łta'a aga aimi'ommaicoya litomí. Tipu'ma tifa'mola' lapic', tijoula' aimi'iya mijou'neya lejut'ł, ailopa'a quitomí. Lan xanuc' tixim'me li'ipa, jahuay ihniya tixoco'me,

30 ticua'me: "Ilque cal xans ipangopa tilanc'e'ma lejut'ł. Aiquijou'ne. Aiqui'ic'."

31 'O lan rey, cal nuli ja'ni timana' anuxans mil lisoldado, locuenaj timana' le'a imbamaj mil, tifule'me. Ilque ts'ahuata quisoldado ticutshuai'ma, tixpic'e'ma lo'eya, ja'ni nipajnya ti'i'ma tulij'ma lif'as rey o aimi'iya.

32 Ti'ila' quixina' aimi'iya mulijya, mipa'a aculi' lif'as rey, tumme'mola' lixanuc', ticuis'eta, timita: "Łapoujna ticua: Lu'ila', łte ts'opic'a? łTe capi'iyaco? łTe caif'eya?" To'łta'a aimifuleyacu.

33 Iya' camilhuo': Imanc' ticuicomma tolatets'ile jahuay łol'hueca, to'łta'a lihuej'ma. Ja'ni anuli aimicua, ilque aimi'iya malihuejya.

34 'Ło'hue ipenic'. Ja'ni ło'hue joupa iminscopa, łte co'iya? Aimi'iya milajn-naya to al te'a.

35 Ilque ło'hue liminscopa aimi'iya mi'eya canic', ni jilpe łamats' ni pe lafot'leyompa łumi'na. Aimi'iya mixhuiconyacu. Le'a teca'nim'me.

'Naitsi nocuejpa, alquimf'ela' iya' laitaiqui'.

15

1 Jahuay lin'najtsi'iyale jouc'a locuenaye lan xanuc' pe aimihuejcoyi locuxepa ŁanDios tiloc'olaiyi pe lopa'a Jesús, tiquimf'e'me.

2 Lan xanuc' fariseo jouc'a lomxiye nomuc'iyalepá locuxepa ŁanDios ixtulēca. Ticuayi:

—Itque cal xans tepenufla' lan xanuc' pe aimihuejcoyi locuxepa ËanDios. Titetsoyi anuli.

³ Jesús italai'e'e'mola', i'onhico'moxi li'ejma' to lo'epa cal xans lejac'pa limot. Icuis'e'mola', timila':

⁴ —Anuli imanc' amaxnu limotł, ja'ni tejac'la' anuli, ¿te co'eya? Tipo'no'mola' locuenaye lam malpuj nuxans quimbamaj pella, timanecu limuc'o', tehueta lejac'pa, aga tixinnata.

⁵ 'Tixinnatsi limot tipulaf'nata, tipo'nof'inna lixaya, tixoj'ma queta tipaino.

⁶ Ticuaitsi lejutł tijoc'i'mola' lipimaye jouc'a nomana' huejnca, timi'mola': "Tixoquinghua neta juaiconapa. Aixinhuona'ma łaimot lejac'pa. Tonłouyunca. Ma' anuli tixoj'ma calata."

⁷ 'Iya' camilhuo': Ëinca, ja'ni axpela' lan xanuc' aimicuicomma mix-huej'meyacu, nomana' lema'a tixoj'ma quileta. Ti'ila' ma le'a anuli cal xans pe aimihuejma, ja'ni tixhuej'menanni itque, xonca acueca' tixoj'ma quileta itniya nomana' lema'a.

⁸ 'Jouc'a anuli łaca'no' i'hueca imbamaj litomí aplata, ja'ni anuli ejac'pa, ¿te aimehueya? Ëinca tehue'ma. Tunai'i'ma lipepalc'o', titaf'u'ma lejutł, aga tixinna'ma litomí lejac'pa.

⁹ Tixinnał' litomí tijoc'i'mola' liyejmalepa łacał'no' jouc'a nomana' huejnca lejutł, timi'mola': "Juaiconapa tixoquinghua neta, aixinnapa laitomí lejac'pa. Tunłouyunca. Ma' anuli tixoj'ma calata."

¹⁰ 'Iya' camilhuo': Anuli cal xans pe aimihuejma ja'ni tixhuej'menanni, nomana' pu'hua pe lomana' lapaluc' quema'a tixoj'ma quileta.

¹¹ Ti'hua timuc'iyale, timila':

—Anuli cal xans timana' oquexi' linaxque'.

¹² Ëi'hua łapepo timi qui'ailli': "Mai'ailli', litine timantso' capenuf'ma łai'huexi. Cacia: Lapi'ila' itsiya." Quił'ailli' epi'it'li'mola' loquexi' linaxque' hił'huexi.

¹³ 'Uyai'ma oque' fane' quitine li'hua łapepo icuj'ma li'huexi łepi'impá, ulij'ma litomí. I'hua'ma aculi', ocuenaj camats'. Iłpe ipajntsi. Ipajnhuo'ma tixoj'ma queta ma mi'ay nixpiya. Ejac'ehuona'ma litomí.

¹⁴ Ijoutsaf'huana'ma, ipanenni ma le'a limane. Jiłpe łamats' i'i'ma cumemma. Ëamijcano juaiconapa unle'enni.

¹⁵ Ehue'ma quipoujna. Ixim'ma anuli cal xans jiłpe łamats', i'e'ma quipoujna. Łapoujna tipa'a łemats', umme'ma łamijcano ti'etsola' cuenna lijná.

¹⁶ Ëamijcano tunle'e juaiconapa, tianaca titela' łotecopa lijná. Aiquepi'inni, ni tołta'a.

¹⁷ 'Lijou'ma ixhuej'menanni juaiconapa, timiyoxi: "Cai'ailli' timana' axpela' limozó. Jahuay titetsoyi, tijouł' tipanemma łotecopa. Iya' capa'a fa'a ałma cumemma.

¹⁸ Itsiya capainahuo, ca'huana'ma pe lopa'a cai'ailli'. Camita: Mai'ailli', aixina' acueca' lai'epa. Netets'ipa ËanDios, netets'ipo' ima'.

¹⁹ Itsiya aimal'onhico'ma to co'hua. Lapenufla' to comozo."

²⁰ 'Ipainanni, ti'hua lane ticuainata lejutł qui'ailli'. Qui'ailli' tehuelonge, ixim'ma li'hua icuaicona'ma aculi'. Ixinna'ma cuanuc'. Inu'ma tepenufnatsi. Litalecuftsi ipulc'o'ma, ituc'o'ma.

²¹ Ëi'hua timi: "Mai'ailli', aixina' acueca' lai'epa. Netets'ipa ËanDios. Netets'ipo' ima'. Itsiya aimal'onhico'ma to co'hua."

²² 'Qui'ailli' ijoc'i'mola' limozó, timila': "Tołtaitsa xonca al c'a lijahua', tołpo'no'ite. Tołpo'no'ite anuli cal anillo limane. Tołc'uaic'ite lic'ejí.

²³ Tołhecotsa ła'hua huacax lifujmpa, tołma'ale. Al'e'me juic. Altetso'me tixoj'ma calata.

24 Hca'a lai'hua, iya' cacua: Joupa imanapa. Itsiya imaf'inapa. Iya' cacua: Joupa ejac'pa. Itsiya imaxcainata.” Ipango'ma al juic, tixoqui quileta.

25 'Cal te'a qui'hua ti'ay canic' pu'hua lemats' qui'ailli'. Icuaicona'ma lejut'í. Licuaitsi icuej'ma tunanni, tixahuinni.

26 Ijoc'i'ma anuli cal mozo, icuis'e'ma, timi: “¿Te conl'epa?”

27 Cal mozo italai'e'ma timi: “Icuaina'ma lopima. Co'ailli' iximpa ailopa'a qui'ipa, aimextafque, toliya epenufpa tixoqui queta. Icuxepa ticua: Tolma'ate la'hua huacax lifujmpa.”

28 Cal te'a qui'hua ixtunni. Aiquitsufaic' lajut'í. Aimicua. Qui'ailli' ipanni. Tixa'hue titsufaina'la' lajut'í.

29 Li'hua italai'e'e'ma, timi: “¡Toxinta! Axpe' camats' iya' ca'ay lopenic'. Quihuejcohuo' jahuay la'cuxe'epa. Ima' aicalapi'i ni to'la'a. Co'la' a'imi'ma: Toleco'la' ilca'a laca'hua chivo, ton'ele juic anuli lon'ejmalepa. Aicalmic' to'la'a.

30 Itsiya icuaina'ma lo'hua. I'quiya inonc'ohuo'mola' laca'no' notepá li'cuerpo. Lo'huexi lomepi'ipa joupa ijou'nehuo'ma. Ima', ¿te co'epa? ¡Oma'apa la'hua huacax lifujmpa, tite'la' i'quiya!”

31 Qui'ailli' timi: “Mai'hua, itine itine a'mana' anuli. Jahuay lai'huexi ima' o'huexi.

32 Itsiya tetencocola' tixoj'ma calata. I'que lopima iya' cacua: Joupa imanapa. Imaf'inapa. Iya' cacua: Joupa ejac'pa. Itsiya imaxcainata.”

16

1 Jesús ipalaic'ocona'mola' ts'ilihuequi, timila':

—Anuli cal xans ts'i'hueca acueca', tipa'a limozo icueya limane, ti'ej cuenna li'huexi lipoujna. Lan xanuc' tinesc'eyi cataiqui' cal mozo, ticuayi: “I'que, a'ijc'a mi'ay cuenna li'huexi lipoujna”.

2 Cal xans ijoc'i'ma limozo. Licuaiyunni timi: “¿Te copalaicocopo' to'la'a ihnu'hua lan xanuc'? ¿Te co'epa? Totaitsi loje'e. Aipic'a caxinta' te co'epa lai'huexi. Aimi'hua mo'eya cuenna lai'huexi.”

3 Cal mozo timiyoxi: “¿Te caif'eya? Laipoujna li'onc'e'e'ma laipenic'. Aimi'iya capuya lamats'. Ailopa'a caipujfxi. Aimi'iya caxahue'eya al tomí. Catay calaic'ata.”

4 Timiconayoxi: “Joupa aixpic'epa laif'eya. Tijou'la', ticuaitsi litine ailopa'a caipenic' lan xanuc' lapenuf'ma lilejut'hi.”

5 'Ijoc'i'mola' jahuay ihne lan xanuc' ts'iltaiyinc'e lipoujna. Anuli anuli ipalaic'o'mola'. Cal te'a icuis'e'ma, timi: “¿Tojua otaiyinc'e laipoujna?”

6 I'que italai'e'e'ma: “Amaxnu lam tamboj laceite”. Cal mozo timi: “Ja'a ilta'a loje'e. Tocutshuaila', topai'ila' lotaiyinge, ti'ila' oquej nuxans quimbama'. Nuya nuya tainilla'.”

7 Locuena icuis'e'ma, timi: “Ima', ¿tojua otaiyinge?” I'que italai'e'e'ma: “Anuli maxnu cal cuxtal trigo”. Cal mozo timi: “Ja'a ilta'a loje'e. Topai'ila' lotaiyinge, ti'ila' amalpuj nuxans.”

8 I'que cal mozo tama infel'miyale, lipoujna imetsaico'ma acueca' lipicuejma'. Lan xanuc' naihuejpá quil'uca' lipicuejma' xonca ilsina' te co'iya muyalaicoyacu al c'a. Lan xanuc' joupa lepalc'o'impola' lipicuejma' aijtine.

9 'Iya' camilhuo': Ja'ni tipa'a lo'tomí lolulijpa fa'a li'a lamats', to'loc'itsola' lo'f'as xanuc'. To'la'a ton'ejmale'me. Tijou'la' tijouna'la' lo'tomí tepenufinnatolhuo' pe lo'manc'eyacu nulemma.

10 Cal xans ts'ixina' tixhuico'ma li'hueca tama ahuata, ja'ni tixpe'la' loxhuicoya, jouc'a tixim'ma tixhuico'ma. Cal xans pe aiqixina' mixhuicoya li'hueca, tama ahuata, ja'ni tixpe'la' loxhuicoya jouc'a aimi'iya quixina' mixhuicoya.

11 Imanc' ja'ni aicołsina' mołxhuicoyi al tomí lolulijpa fa'a li'a łamats', ¿te aga tepi'im'molhuo' al c'a xonca?

12 Ja'ni aicołsina' cołxhuijma łocuena'j 'huexi, ¿te aga tepi'im'molhuo' cołtuca' coł'huexi?

13 'Cal mozo tucuicomma ma le'a anuli łipoujna. Ja'ni oquexi' tixtuc'o'ma anuli, łocuena ti'e'ma capic'a. O tixinc'ne'ma anuli, tetets'i'ma łocuena. Imanc' jouc'a tucuicomma ma le'a anuli łołpoujna, itque ŁanDios. Aimi'iya molihuej-coyacu al tomí jouc'a.

14 Lan xanuc' fariseo, iłne ts'itpic'a juaiconapa al tomí, tiquimf'eyi lonespa Jesús, ixoco'me.

15 Jesús timila':

—Łoł'as xanuc' mixinnilhuo' lonł'epa tucuayi: “Ac'a xanuc' lam fariseo”. ŁanDios imetsaicolhuo' te ts'i'ic' lołpicuejma'. Tipa'a latentłocopola' lan xanuc', iłe linca aimetenłcocojma ŁanDios. Itque tixina ixcaj.

16 'Luyaipa quitine uya'ampá locuxepa ŁanDios jouc'a uya'ampá lonespa lam profeta. Icuaitsi Juan Bautista ipango'ma uya'a'ma te co'iya mitsuflaiyacu pe lopa'a ŁanDios cal Cuecaj Rey. Itsiya ti'hua tuya'anni iłe lataiqui'. Lan xanuc' tipa'ayi liłpujfxi titsuflaiıe jilpiya pe locuxeyopa ŁanDios.

17 Linca, tama tipaiconni lema'a jouc'a li'a łamats' aimi'iya mipai'inyacu locuxepa ŁanDios, ni łainila' aca'hua xonca.

18 'Cal xans tecanaıła' łipeno, ja'ni tilecoła' ocuena caca'no', itque cal xans joupa i'epa quixcaj, tipa'a lijunac'. Ma' anuli cal xans ja'ni tilecoła' łaca'no' łecanaıyimpa, itque cal xans jouc'a i'epa quixcaj, tipa'a lijunac'.

19 'Anuli cal xans ts'i'hueca acueca' tipo'nohuo ac'a juaiconapa lipijahua', umanc'ecompa amorada, xonca acueca' lipitali. Itine itine titeja quitejua' xonca cal c'a.

20 Jouc'a tipa'a anuli cal xans pe ailopa'a qui'hueca, cuftine aŁázaro. Tounouya liju' lipuerta lejut'ł cal xans ts'i'hueca. Licuerpo titeja lahui.

21 Tunle'e. Ticua: “Itque ts'i'hueca coła' cateła' łacangemma limesa łotecopa”. Lan tsilqui tilcuaispa tipełc'e'eyi lehui.

22 Lijou'ma imana'ma Łázaro, itque aici'hueca. Lapaluc' quema'a ileconanca, icuai'etsa pe lopa'a Abraham, mane liju' itque.

'Cal xans ts'i'hueca acueca', jouc'a imana'ma. Eminghuo'me.

23 Icuaitsi pe lotelcoyopa locuenaye limanapola', jouc'a itelco'ma juaiconapa. Ehuelojm'ma al toncaj. Aculi' ixim'mola' Abraham jouc'a Łázaro. Itque Łázaro ac'a mipa'a, mane liju' Abraham.

24 Ijoc'i'ma Abraham, timi: “Mai'ailli' Abraham, ałsınła' nincuanuc'. Tommeła' Łázaro, ti'huanni fa'a. Ti'nij'mita laja' lidedo, ałjac'e'e'ma łaipał. Tołta'a titinu'ma łumla catełma jifa'a łunga ałpi'e.”

25 Abraham italai'e'e'ma, timi: “Mai'hua, to'nujuaitsi lomuyaicopa mopa'a jilpe li'a łamats'. Ima' o'hueca jahuay al c'a, itca'a Łázaro aici'hueca, ma itelcopa. Itsiya itca'a tixoquinghua queta, ima' totełma.

26 Jouc'a cami'mo': Tipa'a al cueca' lina latełnufinna. Nomana' fa'a, tama itpic'a tuyałaiıe, ticuaitsa pe lołmana', aimi'iya muyalaiyacu. Jouc'a imanc' aimi'iya mołcuaiyacu fa'a pe lałmana'.”

27 Italai'e'e'ma, timi: “Mai'ailli', caxahue'ehuo' tommela' Łázaro ti'huała' lejut'ł cai'ailli'.

28 Jilpiya timana' amajxi laipimaye. Timitsola' te ts'i'ic' laifnuyaicopa. Aimicuaicu jouc'a fa'a pe laiftelcoyopa.”

29 Abraham italai'e'e'ma, timi: “Tipa'a lije'e linilijmpa Moisés jouc'a liłje'e linilijmpa lam profeta. Tiquimf'etsa lataiqui' jilpe linilijmpa.”

³⁰ Timi: “A'i, mai'ailli' Abraham. Ti'huała' anuli hucuai'ma fa'a pe lałmana' illanc' lałmanaponga', tołta'a laipimaye tixhuej'mecu.”

³¹ Abraham timi: “Ja'ni aimihuejyi liłtaiqui' Moisés jouc'a lam profeta, tama anuli limanapa timaf'iconła', ti'huała' tipalaic'otsola', ihniya aimihuejyacu.”

17

¹ Jesús timila' ts'ilihuequi:

—Micoli li'a lamats' timajm'me lan xanuc' naimenac'iyalepa. A'ijc'a loy-alaicoyacu ihniya no'epá tołta'a.

² Cal xans naimenac'iyacola', tama ma le'a anuli ihna'a laica'uhuyay, coła' ifinc'im'me lejoc' anuli cal cuecaj capic molino, coła' ecajm'mintsa łaja, tunxalač'la' nulemma, timatsi.

³ Imanc' toł'etsotsi cuenna. Toł'pic'ete tonł'ete ma le'a al c'a.

Ja'ni a'ijca li'epo' łopima, ima' tomiła': “Tołta'a lał'epa aimal'econa'ma”. Ti-jouła', ja'ni tixhuej'menanni taimenc'e'ecola' iłe li'epo'.

⁴ Ja'ni ti'hua ti'ehuo', tama anuli litine tixhuaitsi acaitsi, ja'ni jouc'a ti'hua tixa'huehuo' acaitsi, timihuo': “Linca aixhuej'menammas iłe lai'epo', limenc'e'ecola'”, ima' taimenc'e'ecola'.

⁵ Ts'ilihuequi Jesús timiyi liłPoujna:

—Altoc'itsonga', xonca al'huaiyijnle.

⁶ Timila':

—Imanc' ja'ni aimi'iya moł'huaiyijnnyacu acueca', tama iłe loł'huaiyijmpa to-comma ahuata, ti'onł'cospa to cal fanu' xonca aca'hua cuftine sinapí, ti'i'ma toł'e'me acueca'. Toł'cuxe'e'me iłta'a al 'ec sicómoro, tołmi'me: “Toyax-xoxi, tofaxoxi pu'hua łaja”. Tijouła' iłe al 'ec tihuejco'molhuo'.

⁷ Imanc', ticuainanni lajut'ł' lołmozo, joupas i'ehuo'ma canic', epahuo'ma lamats', i'ehuo'ma cuenna lan huacax jilpe łolamats', ¿te cołmiyacu cal mozo? ¿Te tołmi'me: “Ne', tocutshuaila', totetsoła'”?

⁸ A'i tołta'a mołmiyacu. Xonca tołmi'me: “Tomac'eła' laifteja. Toc'ejmot'łila' cal pime. Catetso'ma, caxna'ma. Tijouco'ma ima' totetso'ma, toxna'ma.”

⁹ ¿Te tołs'najtsi'i'me lołmozo li'epa lołcuxe'epa? Iya' cacua: Amołs'najtsi'iyacu.

¹⁰ Imanc' ti'onł'cospolhuo' to lam mozó. Tolihuejco'me jahuay locuxe'epolhuo' ŁanDios. Tijouła' tołmi'me: “Iya' le'a ninmozo. Ai'epa ma le'a lałcuxe'epa.”

¹¹ Jesús ti'hua lane ticuaita Jerusalén. Tuyaijma pe loniquecomma al distrito Galilea jouc'a lilemats' lun Samaria.

¹² Ma micuaispa anuli liłya' italecuf'mola' imbamaj lan xanuc' textafquila', liłcuana ahui cuftine lepra.

¹³ Ecaxoł'me aculi', tija'ayi, timiyi:

—CumJesús, momxi, ałsintsonga' ninc'icuanuc'la.

¹⁴ Jesús timila':

—Tonłente. Tołmujtsotsi jipu'hua pe lomana' la'aillí.

Miyenayi lane ixałcona'mola'. I'ina'mola' limpio.

¹⁵ Anuli ihniya lixim'moxi ixałconapa ipaiconanni, tija'e', tipalay ujfxi, tix'najtsi'i ŁanDios, timi:

—ManDios, al'epa acueca'.

¹⁶ Icuaitsi pe lopa'a Jesús, ixpats'huai'ma li'mitsi', timi:

—X'najtseco'.

Iłque cal xans łas Samaria.

¹⁷ Jesús ticua:

—¿Te aikuixałcola' imbamaj lan xanuc'? Ma le'a anuli fa'a icuaicona'ma. ¿Pe comana' locuenaye lam pełła?

18 ¿Ma le'a itca'a cal xans ipaiconamma tix'najtsi'i ËanDios? Itque ocuena quipitaya', las Samaria.

19 Timi cal xans:

—Totsahuenni, to'huanla'. Al'huaiyijmpa, tohta'a joupa ixalconapo'.

20 Lijou'ma lan xanuc' fariseo icuis'e'me, timiyi Jesús:

—¿Te 'hora alsim'me ËanDios cal cuecaj Rey ticuxe'mola' lixanuc'?

Jesús italai'e'e'mola', timila':

—Tama imanc' aimolsinyi, itsiya linca ËanDios ticuxela' lixanuc'.

21 Aimi'iya molu'iyacola' lan xanuc': “¡Tolahuelojnle! Jifa'a ËanDios ticuxela' lixanuc'.” Jouc'a aimi'iya molu'iyacola': “¡Tolahuelojnle! Ëu'hua ticuxela' ËanDios lixanuc'.” Jifa'a pe lołmana' ËanDios ti'hua ticuxela' lixanuc'.

22 Timila' ts'ilihuequi:

—Iya' itque cal Xans Liximpa cal profeta pu'hua lema'a. Ticuaihuo litine imanc' tołjanaj'me juaiconapa alsinla'. Tołnes'me: “Tama anuli litine almajne anuli”. Aimalsinya.

23 Lan xanuc' timi'molhuo': “Fa'a copa'a”, o “Pu'hua copa'a”. Tołmanenca. Aimalahue'ma. A'ij linca ita'a lominyacolhuo'.

24 Mixcuaf'ma tepalc'o'i a'i ma le'a jilpe lo'huayomma. It lepalc'o' tixinyi ni petsi li'a lamats'. Tohta'a ti'i'ma cacuaicohuananni iya'. Iya' itque cal Xans Liximpa cal profeta pu'hua lema'a. It litine alsim'ma jahuay lan xanuc'.

25 'Ate'a catełco'ma juaiconapa. Lan xanuc' nomana' itsiya litine latets'i'ma.

26 'Ma to li'ipa itniya litiné lipajmpa Noé jifa'a li'a lamats', ma tohta'a ti'i'ma litine cacuaiconanni iya'. Iya' itque cal Xans Liximpa cal profeta pu'hua lema'a.

27 Milanc'e Noé al cuecaj barco lan xanuc' tuyalaicoyi lapajnya, titetsoyi, tixnayi, temalliyi, ticuyi lihnaxque' temallite. Litine litsufai'ma Noé al cuecaj barco ma' anuli mi'eyi. Aiquicoł'ma. Icuima łaxpaiqui' cacui, ijou'ne'mola' jahuay lan xanuc', ima'mola'.

28 'Mipa'a Lot jifa'a li'a lamats' ËanDios itel'mi'mola' lan xanuc'. Itniya tuyalaicoyi lapajnya, titetsoyi, tixnayi, ti'naji, ticujyi, tifayi, tilanc'eyi quilejut'hi.

29 Litine Lot lipanni jilpe liłya' Sodoma, małe litine, icui'ma cunga, icui'ma azufre. Ima'a'mola' jahuay, acueca' caxpaiqui' i'i'ma.

30 'Tohta'a ti'onłcospa to lo'iya litine cacuaiconanni jifa'a li'a lamats'. Alsim'ma naitsi iya', iya' itque cal Xans Liximpa cal profeta pu'hua lema'a.

31 It litine ja'ni anuli if'ajnapa al toncay lejut'ł, aimines'ma: “Quimuhuananni, quipa'ahuatsi łai'huexi”. Aimicoł'ma. Tinuła'. Jouc'a ja'ni anuli i'huapa ti'eta canic' łimuc'o', aimipaihuo, aimines'ma: “Capulaf'nata laipo'nopa lu'hua”.

32 Toł'nujuaisle li'ipa lipeno Lot.

33 'Cal xans no'epoxi cuenna, nocuapa: “Cuyaicoła' al c'a lapajnya”, itque tejac'e'moxi. Cal xans nocupoxi latełcoya, tama a'ijc'a loyaicopa lapajnya, itque tunłu'ma.

34 'Iya' camilhuo': It lipuqui' ja'ni tunahuołanna oquexi', tixmaiya anuli al hualfa, tileconam'me anuli, łocuena tipanehuo.

35 Jouc'a lacał'no', ja'ni oquexi' anuli mutsiyi, anuli tileconam'me, łocuena tipanehuo.

36 Ja'ni oquexi' lan xanuc' tiłmana' łimuc'o' anuli tileconam'me, łocuena tipanehuo.

37 Ts'ilihuequi icuis'e'me Jesús, timiyi:

—Małpoujna, łpe co'iya tohta'a?

Italai'e'e'mola', timila':

—Pe lopa'a himac', jilpiya lapote tefolyomma.

18

¹ Jesús ti'hua timuc'ila' ts'ilihuequi, tu'ila':

—Ti'hua toljoc'ife LanDios, tohta'a aimitafqueyacolhuo'.

I'onlicopa li'ejma' anuli laca'no' apotsate.

² Timila':

—Anuli lihya' tipa'a anuli cal juez aimixpaic'e LanDios ni aimixpaic'ela' lan xanuc'.

³ Maŕpe lihya' tipa'a anuli laca'no' apotsate. Itine itine ticuaiyumma pe lopa'a cal juez. Tixa'hue, timi: “Altoc'ila'. Toteŕ'miŕa' lalixtuc'opa.”

⁴ Muyaipa axpe' quitine cal juez aimicua mitoc'iya. Lijou'ma timiyoxi: “Tama aicaxpaic'e LanDios ni aicaxpaic'ela' lonespa lan xanuc',

⁵ catoc'i'ma ilca'a cal potsate caca'no' nocuaiyumma itine itine. Cateŕ'mi'ma ilque laixtuc'opa. Ja'ni a'i, ti'hua ticuaihuo, aicaxnet'lya.”

⁶ LaŕPoujna Jesús timila' ts'ilihuequi:

—Joupa oŕcuejpá iŕe litaiqui' locuapa cal juez. Iŕque tama a'ij hijca li'ejma' itsiya ticua: “Catoc'i'ma ilca'a laca'no'”.

⁷⁻⁸ Jouc'a LanDios, ¿te aimitoc'iyacola' lixanuc', li'huij'epola'? Iŕniya tijoc'iyi itine ipuqui' tixa'hueyi titoc'itsola'. Linca LanDios aimixtuc'oyacola', ti'hua tixnet'iqui. Iya' camilhuo': Aimicolya, titoc'i'mola'. Titeŕ'mi'mola' laixtuc'opá lixanuc'.

'Tama alinca ilta'a laimipolhuo', cacuaicohuananni li'a lamats', ¿te ti'i'mola' axpela' lan xanuc' nepenuŕpá iŕe laitaiqui' laifnu'ipolhuo' itsiya? Iya' ilque cal Xans Liximpa cal profeta pu'hua lema'a.

⁹ Jesús ti'hua timuc'iyale. I'onlico'mola' lan xanuc' nocuapá: “Illanc' ma ninc'ic'a xanuc'”. Iŕne tetets'iyi liŕf'as xanuc'.

¹⁰ Timila':

—Oquexi' lan xanuc' iye'me al cuecaj xoute', tipalaic'ota LanDios. Anuli afariseo, locuena in'najtsi'iyale.

¹¹ Cal fariseo tecaxuya tu'i LanDios jahuay lo'epa, timi: “ManDios, iya' cax'najtsi'ihuo' iya' aica'ay to lo'epa locuenaye lan xanuc'. Iŕniya tinantseyi, ti'eyi a'ij hijca, texit'e'eyi liŕf'as xanuc' liŕpenoye. Iya' a'i to iŕniya ni to ilca'a lin'najtsi'iyale.

¹² Iya' oque' quitine al xamano caxnet'iqui, aicatesma. Laifnulijpa amaxnu capequi, capi'ihuo' imbama'.”

¹³ Lin'najtsi'iyale tixina calaic'ata, tecaxu lico al xoute'. Ni aiquehuelonge lema'a, tixhueŕma juaiconapa, tuntafque lunxajma'. Timi LanDios: “MainenDios, tama tipa'a acueca' laijunac', amalixtuc'o'ma. Alsinŕaj cuanuc'.”

¹⁴ Iya' camilhuo': Lipalnamma al cuecaj xoute' iŕniya loquexi' lan xanuc', liyenapá hilejut'li, LanDios joupa iximpa lin'najtsi'iyale to ailopa'a quijunac', epenufpa. Locuena a'i.

'Cal xans no'e'epoxi acueca', ti'oc'enam'me. Ja'ni ti'oc'exoxi, tilof'em'me.

¹⁵ Lan xanuc' tiŕcuai'emma liŕnaxque' pe lopa'a Jesús. Iŕpic'a tixpayaf'tsola'. Liximpa tohta'a ts'ilihuequi Jesús aiquetenŕcoco'mola' lo'epa iŕne lan xanuc'. Italem'mola'.

¹⁶ Jesús ijoc'i'mola' ticuaiyunca la'uhuy. Timila' ts'ilihuequi:

—Tolapi'itsola' lane la'uhuy, tiyoyunca pe laifpa'a. Aimolcuanac'e'mola'. Lan xanuc' lo'onŕcospola' to iŕna'a la'uhuy maŕniya titsuflai'me pe locuxeyopa LanDios cal Cuecaj Rey.

17 Iya' camilhuo' al linca: Lan xanuc' notsulfotaiyacu pe locuxeyopa LanDios cal Cuecaj Rey, ticuicomma ti'onlcotsola' to la'uhuay. Ja'ni a'i aimi'iya mitsuflaiyacu.

18 Anuli hincuxepa ipalaic'o'ma Jesus, icuis'e'ma, timi:

—Momxi, ima' unc'a xans, lu'ila', ¿te caif'eya culijla' laipitine aimijouya?

19 Jesús italai'e'e'ma timi:

—Ima', ¿te calmicuapa: “Unc'a xans”? Le'a anuli copa'a cal C'a, ilque LanDios.

20 Ima' oxina' loya'apa locuxepa LanDios, ticua: “Aimoxhuico'ma hipeno lof'as xans. Aimoma'ahuale'ma. Aimonantse'ma. Aimonescoyale'ma. Taihuejco'mola' co'ailli', co'máma'. Totoc'i'mola'.”

21 Cal xans timi:

—Laltojyomma ile lataiqui' canant'li. Itsiya ixpic' ca'ay tohta'a.

22 Licuej'ma limi'ma cal xans, Jesús timi:

—Tehue'ehuo' huata. Jahuay lo'hueca tocujsi. Al tomí lofmulijya tapi'itsola' lan xanuc' pe aiquil'hueca. Tohta'a ti'i'ma acueca' co'huexi pu'hua lema'a. To'etsi to laifmipo', tijoula' tocuaiconamma lihuejna'ma.

23 Licuej'ma jiliya lataiqui' cal xans ihuotsonni juaiconapa. I'hueca acueca' qui'huexi.

24 Liximpa cal xans ihuotsonni, Jesús ticua:

—Lan xanuc' ts'i'hueca acueca' qui'huexi tixim'me ipime, afule mitsuflaiyacu pe locuxeyopa LanDios.

25 Ticuanni: “Anuli cal camello, ilque linneja juaiconapa acueca', aimi'iya muaicoya laquipihuo lacuxa”. Cal xans ts'i'hueca acueca', ti'i'ma xonca ipime, afule mitsufaiya pe locuxeyopa LanDios.

26 Licuej'me iliya lataiqui' ilniya timiyotsti:

—Ja'ni tohta'a, ailopa'a conluya.

27 Jesús italai'e'e'mola', timila':

—Tama lan xanuc' aimi'iya mi'eyacu, LanDios linca nipajnya ti'i'ma ti'e'ma.

28 Pedro timi:

—¡Toxinla'! Illanc' joupa alpo'nonapá jahuay la'huexi. Lihuejnahuo'.

29-30 Jesús timila':

—Iya' camilhuo' al linca: Cal xans naihuejcopa LanDios ja'ni tipo'no'la' lejut'l o hipeno, o tipo'no'mola' lipimaye, qui'ailli', qui'máma' o linaxque', mipa'a fa'a li'a lamats' tepi'im'me acuecaj xonca. Tijoula', ticuaiti locuena quitine tulij'ma lipitine aimijouya.

31 Lijou'ma Jesús ileco'mola' quiltuca' limbamaj coquexi' ts'ilihuequi, timila':

—Iya' ilque cal Xans Liximpa cal profeta pu'hua lema'a. Luyaipa quitine lam profeta inilpá la'iya. Itsiya alf'ajliyi, alcuaitsa li'ya' Jerusalén, pu'hua jahuay ile lataiqui' tenanla.

32 Alcunna, ticuaita quilmane lan xanuc' ocuena nación. Lilotsocota, almiolojta cataiqui', altsucota lai'a,

33 luntafta f'ix'ec, alma'ata. Al fane' quitine camaf'inna.

34 Ts'ilihuequi aiquilcueca ile lataiqui' limi'mola'. Aimuhualyi, aimi'iya.

35 Jesús joupa ticuaispa huejnca li'ya' Jericó. Jilpe tipa'a anuli cal fo' ticutsu lema cane, tixa'hue tepi'inle caquitomí.

36 Icuej'ma tuyalaiyi axpela' lan xanuc', icuis'e'mola', timila':

—¿Te co'ipa?

37 Italai'e'e'me, timiyi:

—Icuai'ma Jesús las Nazaret, joupa tuyaipa.

38 Cal fo' ija'a'ma, timi:

—Jesús, ima' lacui'impo' i'Hua David, ¡Alsinla' nincuanuc'!

³⁹ Lan xanuc' lilej'me timiyi:

—¡Ti-ch'ixcotso'!

Xonca tija'e', timi:

—Mi'Hua David, ¡alsinla' nincuanuc'!

⁴⁰ Jesús ecaxhuenni, icuxe'ma, timila':

—Añec'metsi.

Icuai'etsa pe lopa'a Jesús. Ìque icuis'e'ma, timi:

⁴¹ —¿Te caif'e'eyaco'? ¿Te ts'opic'a?

Timi:

—Maipoujna, cahuetsalela'.

⁴² Jesús timi:

—¡Tahuetsalela'! Añ'huaiyijmpa, joupa ixatconapo'.

⁴³ Aiquicol'ma, ehuetzalena'ma. Ipango'ma ihuej'ma Jesús. Tix'najtsi'i ÌanDios. Jahuay nomana' jilpiya, liximpa tołta'a jouc'a ix'najtsi'i'me ÌanDios. Ticuayi: “Acueca' lo'epa ÌanDios”.

19

¹ Jesús itsufai'ma liya' Jericó, uyaicohuo'ma.

² Jilpe liya' tipa'a anuli cal xans cuftine aZaqueo. Ìque cal xans nocuxepola' lif'as xanuc' quin'najtsi'iyalepá. Acueca' qui'huexi i'hueca.

³ Tehuay te co'iya mixinya Jesús. Ipic'a timetsaicoła'. Jesús ti'hua nolojmay axpela' lan xanuc', Zaqueo aca'hua xans. Tixina aimi'iya mixinya.

⁴ Inu'ma, i'huaj'me'ma. If'aj'ma anuli al 'ec sicómoro. Jilpiya tuyaico'ma Jesús. Tixim'ma.

⁵ Jesús icuaitsi jilpiya, ehuelojm'ma al toncay al 'ec. Ipalaic'o'ma, timi:

—CumZaqueo, nuya taimunni. Itsiya ai'huapa lomejut'ł, cunxac'eta.

⁶ Zaqueo aiquicol'ma, imunni. Ixoj'ma queta juaiconapa. Jilpe lejut'ł epenuf'ma Jesús.

⁷ Lan xanuc' lixim'me tołta'a li'i'ma ixtulencia jahuay, tipalaicoyi lo'epa Jesús, tinesyi:

—Ìque cal xans Zaqueo aimihuejma locuxepa ÌanDios, Jesús itsufaipa lejut'ł.

⁸ Zaqueo ecax'ma, ipalaic'o'ma łalPoujna Jesús, timi:

—Toxinla', maipoujna, itsiya onłca łai'hueca capi'ina'mola' lan xanuc' pe aiquil'hueca. Naitsi cal xans łafel'mipa, nexic'epa litomí, capi'icona'ma amalpemma.

⁹ Jesús mehuelonge Zaqueo ticua:

—Itsiya jifa'a lajut'ł unłupa anuli cal xans, ìque jouc'a i'hua łotatahuelo Abraham.

¹⁰ Iya' ìque cal Xans Liximpa cal profeta pu'hua lema'a. Aicuaicoco'ma fa'a li'a łamats' cahue'mola', cunłu'e'mola' lan xanuc' lejac'pola'.

¹¹ Miquimf'eyi lan xanuc', Jesús ti'hua timuc'iyale. Ìniya lan xanuc' ticuayi: “Liya' Jerusalén a'ij culi'. Ticuaitsi jilpiya Jesús tulijtola' łal'eponga' laic'. Tijoula' illanc' y ÌanDios ałcux'e'me anuli.” Jesús ipic'a ti'ila' quilsina' a'ij linca ìle lonespa. I'onłico'moxi lo'iya,

¹² timila':

—Anuli cal xans ìque i'hua łincuxepa i'huapa aculi', ocuenaj nación. Jilpiya tepi'inna lipenic'. Tijoula' tipaino, ticuxena'mola' lixanuc'.

¹³ Ai'a tipahuo ijoc'i'mola' limbamaj limozó. Anuli anuli epi'i'mola' quiltomí, lipitali to cal xans lolijpa no'eya canic' afanej mut'ła. Timila': “Iya' aicapajnya, ma cai'huayaic' aculi' imanc' tołsuicołe ìłta'a al tomí”.

14 'Lilpiya' xanuc' ixtuc'o'me cal xans. Ummem'mola' lan xanuc' tiyele pe litsepa, tuya'ata: "Ique cal xans aimalapenufyacu. Aimałcuxeyacongá' illanc'."

15 'Cal xans, epi'impá lipenic' ticuxetsola' lixanuc', ipaiconanni. Licuaitsi łemats' icuxe'ma tijoc'intsola' limozó, ilne nepenufpá al tomí. Tixim'ma lulijpa.

16 'Icuaiyunni cal te'a. Timi lipoujna: "Maipoujna, lotomí lalapi'ipa joupa ulijpa imbama".

17 Timi: "Ima' unc'a mozo. Ac'a lo'epa. Ahuata lainepi'ipo'. Oxhuicopa ac'a. Itsiya capi'i'mo' imbamaj łilelołya', tocuxetola' lan xanuc' nomana' jilpe łilelołya'."

18 'Icuaiyunni łocuena, timi lipoujna: "Maipoujna, lotomí lalapi'ipa joupa ulijpa amaque".

19 Jouc'a epi'i'ma lipenic'. Timi: "Ima' jouc'a capi'i'mo' copilelołya'. Tocuxetola' lan xanuc' nomana' jilpe lam maquej łilelołya'."

20 'Lijou'ma icuaiyunni łocuena. Timi lipoujna: "Toxinła', maipoujna, jilta'a lotomí. Ai'huejpa. Aifi'ecopa ijahua'.

21 Cai'ecopa caxpaic'ehuo'. Aixina' ima' unxans maftsile. Ni tołta'a aimocu, ma le'a tapenuf'ma. Aimofa, ma le'a tafot'le'ma."

22 Timi: "Ima' mixcay mozo. Małta'a lonespa joupa mecani'epoxi. ¿Te ima' oxina' iya' ninxans naftsile? ¿Te al linca iya capenufi tama aicacu? Jouc'a, ¿te cafot'le tama aicafa?"

23 Joupa oxina' tołta'a. Itsiya ilta'a laitomí, ¿te aicomecana al banco? Tołta'a coła' capenufna'ma laitomí jouc'a lulijpa."

24 Timila' lixanuc' nacaxhuołanna jilpiya: "Tolaxic'ete al tomí, tonlapi'ile ilque ts'i'hueca limbama".

25 Ilne italai'e'e'me, timiyi: "Małpoujna, joupa i'hueca imbama".

26 Italai'e'e'mola', timila': "Iya' camilhuo': Jahuay ilne nulijpá, tepi'im'mola' xonca. Lan xanuc' pe aiquiluliqui, texic'ena'mola' lił'hueca.

27 Itsiya, toł'hua'ancola' fa'a pe laifpa'a lan xanuc' nalixtuc'opa ilniya nocuapá: Ique cal xans aimalapenufyacu, aimałcuxeyacongá'. Tołma'atsola'."

28 Lijoupa limipola' jile lataiqui', ti'hua tuyaipa. Tif'aqui lane Jerusalén.

29 Icuaitsi łijuala cuftine Łijuala Olivo, ahuejnca łilelołya' Betfagé jouc'a Betania. Jilpiya umme'mola' oquexi' ts'ilihuequi,

30 timila':

—Tonłete jilpe liłya' lehuoc'ocojma. Jilpiya lołtsuflaiyacu tołsinna tifijnaya anuli łaca'huaj burro. Nij naitsi xans lenafcaipa. Toluhuaiłtsa, tołcuai'ecu fa'a.

31 Ja'ni ticuis'etsolhuo', timitsolhuo': "¿Te cunluhuaiłcopá ła'huaj burro?", tołmitsa: "Łipoujna tixhuicota".

32 Iye'me ilne loquexi' lummem'mola', ixintsa łaca'huaj burro ma to limipola' Jesús.

33 Muhuaiłyi łaca'huaj burro lipoujnalá ipalaic'om'mola', timinnila':

—¿Te cunluhuaiłcopá łala'huaj burro?

34 Italai'e'e'me, timiyi:

—Łipoujna ipicuicoya tixhuicota.

35 Icuai'etsa łaca'huaj burro pe lopa'a Jesús. Ixpefi'me liłpuquiya lixpula' łala'huaj burro. Jesús enafcai'ma.

36 Pe loyaicoya, lan xanuc' ixpou'me liłpuquiya.

37 Icuaitsa huejnca jilpe laimuc' łijuala Olivo, lanxpela' ts'ilihuequi Jesús ilnejmale ixoj'ma quileta. Jahuay ipango'me ija'a'me, tix'najtsi'iyi ŁanDios. Joupa iximpá al cueca' li'ipa.

38 Ticuayi:

—¡Itsiya ocuai'ma ima' a!Rey! Joupa lu'imponga' tocuaihuo, a!minga' LanDios la!Poujna tumme'mo'. ¡Itsiya ocuai'ma! ¡A!s'najtsi'ihuo' juaiconapa! ¡LanDios Nopa'a lema'a aimalixtuc'oconayaconga', a!paxnenga'! ¡Nomana' lema'a xonca al toncay timi!e: “Ima' xonca umCueca”!

³⁹ Ji!pe pe lomana' lan xanuc' jouc'a timana' lam fariseo. I!niya timiyi Jesús: —Momxi, to-ch'ixc'etsola' i!ne ts'ihuejhuo'.

⁴⁰ Jesús italai'e'e'mola', timila':

—Iya' camilhuo': Ja'ni ti-ch'ixcotsola' lalihuequi', lapic' tija'a'me, tix'najtsi'i'me LanDios.

⁴¹ Hoc'olai'me xonca Jerusalén. Lixim'ma li!ya' Jesús ijoj'ma,

⁴² timi:

—Iya' caxhue!cocojma i!e lo'iyaco', mi!ya' Jerusalén. Itsiya LanDios ipic'a tipaxnetsola' loxanuc'. Ipic'a titoc'itsola', tuyala!e al c'a. ¡Cola' ticuec'ele! Aimi'iya micuec'eyacu.

⁴³ Ticuaita litine ticuaicu laixtuc'opo'. Tejuajmi'me camats' lixpula' lomita!. Tilanc'e'me lof'ajcoyacu. Tipa'nem'me canumicay, loxanuc' ailopa'a caipal-coyacu.

⁴⁴ Laixtuc'opo' tif'ajli'me lomita!, teca'not'li'me lomitalot'!, jouc'a loxanuc'. Laixtuc'opo' tijou'ne'mo' nulemma. Ni anuli !apic mipo'nof'queya locuena capic. LanDios joupa icuai'ma cola' tipaxnetso'. Ima' aicoxingufi to!ta'a lo'eya, aicocuac'. To!iya tite!mi'mo' to laifmipo'.

⁴⁵ Lijou'ma Jesús itsufai'ma al cuecaj xoute' lopa'a Jerusalén. Ji!pe ipa'a'mola' nocucalepá.

⁴⁶ Timila':

—El Paxi Linil!ngiya tuya'e': “Lainejut'! lecui'impá: Lajut'! petsi lan xanuc' tipalaic'oyo'me LanDios.” Itsiya imanc' ton!onlicoyi i!ta'a lajut'! to !unts'eja' lafo!yomma lan namats'.

⁴⁷ Itine itine Jesús ti'hua al cuecaj xoute'. Timuc'ila' lan xanuc'. Lixanuc' cal cuecaj ca'ailli', lomxiye nomuc'iyalepá locuxepa LanDios jouc'a lan tsilaj xanuc' noxpijpá lataiqui', tehueyi te co'iya mima'ayacu Jesús.

⁴⁸ Aiquilsina' te co'eyacu. Jahuay lan xanuc' icuaitsi qu!pic'a litaiqui' Jesús, tipo'noyi cuenna lomuc'iyalepa.

20

¹ Anuli litine mipa'a Jesús al cuecaj xoute' timuc'ila' lan xanuc', tu'ila' Lataiqui' loya'apa i!e al c'a loxp!c'epa LanDios. Ji!piya icuaiyunca lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpijpá lataiqui'. Icuaitsa pe lopa'a Jesús,

² icuis'e'me, timiyi:

—¿Naitsi nepi'ipo' lomane to!ta'a to'e'ma? ¿Naitsi nummepo'?

³ Jesús italai'e'e'mola', timila':

—Iya' jouc'a tipa'a laifnicuis'eyacolhuo'. A!talai'e!a'.

⁴ ¿Naitsi nummepa Juan? ¿Naitsi nicuxe'epa tepo'itsola' lan xanuc'? ¿Ja'ni LanDios? o ¿anuli cal xans?

⁵ I!ne ipalaic'o'mo!tsi qu!tuca', timiyoltsi:

—¿Te calmiyacu? Ja'ni a!mi!e: “LanDios ummepa”, alicuis'e'monga', a!mi'monga': “Imanc', ¿te aicolapenufi Juan?”

⁶ Ja'ni a!mi!e: “Anuli cal xans nummepa”, lan xanuc' a!ma'aco'monga' apic'. I!ne ticuayi Juan aprofeta. Ticuayi LanDios ummepa.

⁷ Italai'e'e'me, timiyi:

—Illanc' aic!sina' naitsi nummepa.

⁸ Italai'e'e'mola' Jesús, timila':

—Iya' jouc'a aicu'iyacolhuo' naitsi nalapi'ipa laimane ca'ela' toлта'a.

⁹ Ipango'ma ipalaic'ocona'mola' lan xanuc'. I'onlicopola' ihniya ts'ilpenic' lan judío, timila':

—Anuli cal xans ifapaj 'uva lemats'. Hualca lan xanuc' epi'i'mola' lane ti'ele canic'. Tijoula' lanic', tijoula' tefot'lele, tepi'ina'me onlca lipammaita.

'Lapoujna camats' i'hua'ma aculi'. Jilpe icothuo'ma.

¹⁰ Icuaitsi litine tefot'lele umme'ma anuli limozo, ti'huala' titaita hi'as 'uva, ilque locuaiya quimane. Lin'epá canic' ailopa'a quilepi'i', ni toлта'a. Untaf'me cal mozo, icuxe'e'me ti'huanla'.

¹¹ 'Ummecona'ma ocuenaj mozo. Ilque jouc'a untaf'me, i'e'me lixcay, etets'i'me. Ailopa'a quilepi'i', ni toлта'a. Icuxe'e'me ti'huanla'.

¹² Ummecona'ma ocuenaj mozo, ilque lo'icoya afantsi. Ilque ixcai'e'me, exalcut'me, ipa'apá lamats' pe lifayiya cal 'uva.

¹³ 'Lijou'ma lapoujna camats' pe lifayiya cal 'uva ticua: “¿Te caif'eya?” Ixpíc'e'ma, ticua: “Cumme'ma lai'hua, laif'epa capic'a juaiconapa. Aga aime-tets'iyacu ilque. Tepenufta.”

¹⁴ Lin'epá canic' lixim'me icuaico'ma li'hua lipoujna timiyoltsi: “Ilque tepenuf'ma li'huexi qui'ailli'. Alma'a'me. Toлта'a alulijna'me cal'huexi.”

¹⁵ Exalcut'me, ipa'apá lamats' pe lifayiya cal 'uva, ima'a'me.

Jesús icuis'e'mola', timila':

—Imanc', ¿te colcuapa? Lipoujna camats' pe lifayiya cal 'uva, ¿te co'eyacola'?

¹⁶ Iya' cami'molhuo' lo'eya: Ti'hua'ma, ticuaitsi pe lomana' ihniya lin'epá canic', tima'acola'. Lemats' pe lifayiya 'uva, male lamats' tepi'i'mola' ocuenaye xanuc'.

Licuej'me toлта'a litaiqui' Jesús lan xanuc' noquimf'epá ticuayi:

—¿LanDios aimicu'ma lane mi'i'ma toлта'a!

¹⁷ Jesús ehuelonc'e'e'mola' li'a, timila':

—Al Paxi Linilingiya tuya'e':

Lapic letets'ipa nolanc'epá lajutl, i'ipa xonca laicuicoya.

Ilque lapic xonca tilanc'e laital aimecangeya lajutl.

Ja'ni a'i mi'iya to itsiya laifnu'ipolhuo', ¿te conescopa toлта'a al Paxi Linilingiya?

¹⁸ Cal xans tixc'ualaf'caitsi, tecanafcaitsi cal Cuecaj Capic, ilque tunla'moxi. Ja'ni ilque Lapic tecangenni tetof'caitsi cal xans, ilque cal xans tuxpats'i'i'ma nulemma.

¹⁹ Lomxiye nomuc'iyalepá locuxepa LanDios jouc'a lixanuc' cal cuecaj ca'ailli' ixtulencia. Hsina' Jesús tipalaicola' ihniya li'ejma'. Ehuepá te co'iya mi'nohyacu Jesús. Malpe 'hora ilpic'a ti'nohe. Aiqui'ic'. Tixpaic'eyi lan xanuc'.

²⁰ Ti'hua tehueyi te co'iya mi'nohyacu Jesús. Umme'me lihxanuc' tiyete pe lopa'a Jesús, tehuelaifta. Ma le'a ti'e'eyoltsi; ilne a'ijc'a xanuc'. Ticuis'eta Jesús. Ticuayi: “Tinesc'ela' cataiqui' cal gobernador. Tijoula' alcu'me, ticuaita quimane ilque ts'ipenic'.”

²¹ Icuais'e'me Jesús, timiyi:

—Momxi, aksina' ac'a lotaiqui', ac'a lofmuc'iyalepa. Ima' toxinnila' lan xanuc' ipacoya. Al linca tomuc'ila' lipene LanDios.

²² Itsiya licuis'e'mo', lu'itsonga': ¿Te al'najtse'e'me cal cuecaj quincuxepa César? o ¿aimalapi'iyacu? ¿Te ti'i'ma o aimi'iya?

²³ Jesús ixina' ma le'a tehueyi tic'aiquenni. Timila':

—¿Te calahuaicopa?

²⁴ Almuc'ila' anuli al tomí. ¿Naitsi jilta'a ts'i'a? ¿Naitsi ilta'a ts'ipuftine?

Timiyi:

—Li'a César, lipuftine César.

²⁵ Timila':

—Ja'ni i'huexi César, ne', tonlapi'ile César. Ja'ni i'huexi ÆanDios, ne', tonlapi'ile ÆanDios.

²⁶ Toŧta'a iŋniya ailopa'a co'eyacu. Aiquilc'aiŋqui Jesús. Ixim'me acueca' lipicuejma', i-ch'ixco'mola'.

²⁷ Lijou'ma hualca lan xanuc' saduceo icuaitsa pe lopa'a Jesús. Iŋne tinesyi: Limanapola' aimimaf'iconayacu. Icuis'e'me Jesús,

²⁸ timiyi:

—Momxi, pe linitpa Moisés alu'iponga': “Anuli cal xans timanŧa', joupa ilejma ŧaca'no', ja'ni ailopa'a quii'hua ŧamizhua tipa'a lipima tileco'ma hi'maxi. Tipajntsi quii'hua tecui'i'me lipuftine lipima limanapa, tepenuf'ma hi'huexi.”

²⁹ 'Li'ipa timana' acaitsi lan xanuc' apimaye. Cal te'a ilecopa anuli ŧaca'no', lijou'ma imana'ma. Ailopa'a quii'hua.

³⁰ Locuena lipima ilecopa hi'maxi, imana'ma jouc'a. Ailopa'a quii'hua.

³¹ Lijou'ma locuena lipima jouc'a ileco'ma hi'maxi, imana'ma jouc'a. Ailopa'a quii'hua. Ma' anuli li'i'mola' locuenaye lan malujxi' capimaye. Anuli anuli ileco'me ŧaca'no', imana'mola'. Ailopa'a quii'hua.

³² Lijou'ma imana'ma ŧaca'no' jouc'a.

³³ 'Itsiya, lu'itsonga': Ticuaitsi jile litine timaf'inaŧe limanapola', ¿te co'iya iŋque ŧaca'no'? Lan caitsi capimaye ilecopá. ¿Naitsi co'iya quipe'ailli'?

³⁴ Jesús timila':

—Mimana' fa'a li'a ŧamats' lan xanuc' temalŋiyi, liŋ'ailli' ticuyi liŋmaxque'.

³⁵ Locuena Quitine a'i toŧta'a mi'eyacu. Timana' lan xanuc' laca'no' ÆanDios tixinnila' ti'i'ma titsuflaita jilpe Locuena Capajnya, tixinnila' ti'i'ma timaf'icona'me nulemma. Iŋniya tipo'no'mola' locuenaye limanapola'. Iŋniya aimemalliconayacu.

³⁶ Ti'onŋcotola' to lapaluc' quema'a. Aimimayacola'. Iŋniya linca inaxque' ÆanDios, timaf'i'ina'mola' nulemma.

³⁷ 'Maŧque Moisés tuya'e': ÆanDios timaf'i'ina'mola' limanapola'. Toŧta'a tuya'e' lije'e. Jilpe tuya'e' li'ipa litine lonajpa lac'ec. Iŋe litine ÆanDios imipa: “Iya' NanDios; ilenDios Abraham, Isaac, Jacob.”

³⁸ Ja'ni nulemma imanapola' iŋniya, ÆanDios aimimiya: “Iya' ilenDios iŋniya”. ÆanDios ilenDios ts'iŋmaf'i', a'i limanapola'. ÆanDios jahuay tixinnila' to ts'iŋmaf'i'.

³⁹ Hualca lomxiye nomuc'iyalepá locuxepa ÆanDios italai'e'me, timiyi Jesús: —Momxi, ac'a lonespa.

⁴⁰ Lijou'ma, ailopa'a quilicuis'ot'ŧeconghua. Tixpailiquila'.

⁴¹ Jesús timila':

—¿Te conescompa: “Cal rey David itatahuelo cal Cristo, ÆanDios Lommeya”?

⁴² Petsi linitiya al je'e lan Salmo, David tuya'e':

ÆanDios ipalaic'o'ma ŧaiPoujna, timi:

“Tocutshuaita' fa'a al c'a camane.

⁴³ Ima' topajnlá' fa'a al c'a camane, ma' iya' ti'hua culiquila' lo'epoj laic'. Tijouŧa' ima' tocuxena'mola'.”

⁴⁴ 'David linesco'ma cal Cristo ticua: “... ŧaiPoujna”. ¿Te conescopa “ŧaiPoujna”, ja'ni iŋque cal Cristo i'hua David?

⁴⁵ Miquimf'eyi lan xanuc', Jesús timila' ts'ilihuequi:

⁴⁶ —Toŧ'etsotŧsi cuenna lomxiye nomuc'iyalepá locuxepa ÆanDios. Iŋpic'a tiyelococo'me tipo'no'me liŋpijähua' itoqui. Tetentŧocola' tixinintsola' to lan c'a xanuc', tinonintsola' miyelocoyi la plazá. Ni petsi locuaicoyacu, ja'ni ŧajut'ŧi pe lafoŧyomma lan xanuc', ja'ni anuli al juic, tehueyi te co'iya micutshuoŧaiyacu pe li'huáqui xonca al c'a.

⁴⁷ Hniya ma mi'e'eyołtsi to lan c'a xanuc' texic'e'eyi hł'huexi lam potsateya. Ticołi tipalaic'oyi LanDios. Linca xonca titeł'mi'mola'.

21

¹ Lijou'ma Jesús ehuelojm'mola' lan xanuc' ts'it'hueca acueca' mecajm'miyi liłpimoxna al caxax lopa'a jilpiya al cuecaj xoute'.

² Ixim'ma jouc'a anuli łaca'no' apotsate, ailopa'a qui'hueca. Iłque ti'nij'mi oque' al tomı. Ailopa'a quipitali, toco'ma to oque' centavo.

³ Jesús timila' ts'ilihuequi:

—Iya' camilhuo' al linca: Xonca acueca' lipimoxna licupa łaca'no' cal potsate, ailopa'a qui'hueca.

⁴ Iłne lan xanuc' ts'it'hueca acueca', ma le'a i'nij'mipá loyaf'pa. Iłque łaca'no' tehue'e', i'nij'mipa jahuay li'hueca. Ailopa'a co'nacoya łoteja.

⁵ Hualca ts'ilihuequi Jesús tehuelojnyi al cuecaj xoute'. Ticuayi juaiconapa i'huáqui al c'a. Ilajncopa lan c'a capic'. Lan xanuc' joupa icupá liłtomı, ilanc'empa xonca al c'a. Jesús timila':

⁶ —Itsiya i'huáqui juaiconapa al c'a. Aimipaneya tołta'a. Ticuaita litine jahuay tetełquehuo. Ni anuli łapic mipo'nof'queya lipima capic. Jahuay tica'nico'ma.

⁷ Iłne icuis'e'me, timiyi:

—Momxi, ¿te quitine tołta'a ti'i'ma? ¿Te calsinyacu ai'a ti'i'ma tołta'a?

⁸ Timila':

—Tołpo'nołe cuenna. Aimifel'mim'molhuo'. Axpela' ticuaicu, ticua'me: “Iya' ninCristo. LanDios alummepa.” Jouc'a ticua'me: “Joupa icuaico'ma al Cueca' Quitine”. Imanc' aimonlihuej'mola' nocuapá tołta'a.

⁹ Tołcuj'e'me lan xanuc' tifuleyi o tifuliquemma. Aimixpailij'molhuo'. Ticuicomma ti'i'ma tołta'a. Li'a łamats' ti'hua ticoł'ma.

¹⁰ Jesús ti'hua tipalaic'ola' ts'ilihuequi, timila':

—Lan xanuc' nomana' anuli al nación tifule'me nomana' locuenaj nación. Lan xanuc' nomana' anuli hilemats' tehuoc'ai'mołtsi nomana' łocuena camats', tifule'me.

¹¹ Ni petsi li'a łamats' tinu'ma acuecaj cunanto, titełco'me lumemma, jouc'a al cuana lolecopola'. Jilpiya lema'a acueca' lo'iya. Lan xanuc' tixim'me, tixpailij'mola'.

¹² Ai'a ti'i'ma tołta'a imanc' tołtełco'me. Lan xanuc' ti'noł'molhuo', tihuetsoquim'molhuo', ticum'molhuo' ticuaita quiłmane lan xanuc' nocuxepá łajut'hi pe lafołyomma lan xanuc', ti'nicom'molhuo' lacarza, tilecom'molhuo' pe lomana' lan rey jouc'a pe lomana' locuenaye quincuxepá. Imanc' ał'huaiyijmpa iya', tołiya tołtełco'me tołta'a.

¹³ Ni petsi loleconyacolhuo' tulu'i'mola' lan xanuc': “Ilanc' lihuejyi Jesús”.

¹⁴ 'Itsiya aimołsuełmot'he'me, aimołnes'me: “¿Te calcuayacu? ¿Te całtalai'e'ecoyacola' lan xanuc'?” Tołpo'nołe lołpicuejma', tołnesle nulemma: “Aimatsuełmot'he'me”.

¹⁵ Iya' cu'i'molhuo' lołnesyacu. Capi'i'molhuo' cołpicuejma' acueca'. Naix-tuc'opolhuo' aimi'iya mitalai'eyacolhuo'. Ni aimimiyacolhuo': “A'ij linca lołnespa imanc'”. Aimi'iya minesyacu tołta'a.

¹⁶ Loł'aillı, lołpimaye jouc'a lonłejmalepá ticuftolhuo', ticuaita quiłmane lincuxepá. Tima'am'molhuo' hualca imanc'.

¹⁷ Imanc' ts'alihuequi, tołiya ni petsi lomana' lan xanuc' tixtuc'o'molhuo'.

¹⁸ Imanc' aimejac'yacolhuo', ni anuli lijuac lołjuac aimejac'ya.

¹⁹ Tołsnet'he jahuay lo'iyacolhuo', tołta'a tulunłul'me.

20 'Litine mołsinyacu lan soldado canumicay al cuecaj quilya' Jerusalén ti'ila' cołsina' aimicołya lilya', tijouna'ma.

21 Ite litine ja'ni tołmana' jilpe al distrito Judea tolinul'me, tonle'me hijualay. Ja'ni tołmana' al cuecaj quilya' tolipalcu. Ja'ni tołmana' pu'hua limuc'o', aimołtsuflai'me lilya'.

22 Jilniya litiné fa'a al cueca' quilya' tixim'me latełcoya. Ma to muya'e' al Paxi Linilingiya ma tołta'a tenanłco'ma jahuay.

23 Acuanuc'la lacał'no' linnaila', jouc'a lacał'no' notu'ipá liłnaxque'. Titełco'me acueca' juaiconapa jifa'a li'a łamats'. Lan xanuc' nomana' tixim'me al cueca' lipoyac' ŁanDios.

24 Lin'ehuale laic' tima'acom'mola' a'espada. Jouc'a tifi'em'mola' ts'itmaf'i', tilecom'mola' ni petsi li'a łamats'. Lan xanuc' ocuena quilnación, ilne aimimet-saicoyi ŁanDios, ticuxe'me fa'a lilya' Jerusalén. ŁanDios tepi'i'mola' lane ti'hua ticuxe'me. Tijouła' texic'e'ena'mola' licueya quilmane, aimicuxeconayacu lilya'.

25 'Cal 'ora timuj'ma lo'iya. Jouc'a cal mut'ła jouc'a lan xamna timuj'me. Lan xanuc' nomana' li'a łamats', jahuay lan nación, tixhuełco'me. Aiquilłsina' te co'eyacu. Łaja tife'ne'moxi juaiconapa, titsahuehuo. Tixtu'ma łaja, ticuequehuo acueca'.

26 Titafquecola' lan xanuc', ailopa'a co'eyacu. Tixim'me lan xamna tipai'i'me liłpene. Tixpailij'mola' juaiconapa, tixhuełco'me, tines'me: "¿Te xonca cantełcoyacu fa'a li'a łamats'?"

27 'Iya' ilque cal Xans Łiximpa cal profeta pu'hua lema'a. Ilne litiné ałsim'ma cacuaiconahuo jilpe łummahuay. Ałsim'ma acueca' laipepaxi, ałsim'ma ma' anuli ŁanDios.

28 'Tipangoła' ilte lo'iya aimixpailij'molhuo'. Tixojla' conlata. Aimicołya lołtełcoyacu, tulunłul'me.

29 Lijou'ma Jesús ipangopa i'onłicopa lo'ipa al 'icux, jouc'a jahuay cal 'ec'. Timila' ts'ilihuequi:

—Tołpo'nołe cuenna lo'ipola' al 'icux jouc'a jahuay locuenaye cal 'ec'.

30 Tuxcuaf'caitsi lipela imanc' ołsina' joupa icuaico'ma linu'.

31 Ma' anuli, litine ti'ila' to laimipolhuo', ti'i'ma cołsina' joupa icuaico'ma ŁanDios cal Cuecaj Rey. Jahuay tihuejco'me.

32 Iya' camilhuo' al linca: Ma to lił'ejma' lan xanuc' nomana' itsiya litine, ma tołta'a ti'i'ma lił'ejma' lan xanuc' nomajnyacu ilte litine lo'iya to laimipolhuo'.

33 Lema'a y li'a łamats' tejac'mola', aimołsingonayacu. Laitaiqui' aimejac'ya, tipanehuo.

34 'Imanc' toł'etsolłsi cuenna. Aimoł'e'me nixpiya, aimimeyoj'molhuo', aimołsuełmot'le'me te co'iya moluyalaicoyacu jifa'a lapajnya. Tolihuejcołe ŁanDios. Ja'ni a'i, timufc'o'molhuo' lołpicuejma', ticuaiti al Cuecaj Quitine tixpaic'e'molhuo'.

35 Ticuaiyunni al Cuecaj Quitine lan xanuc' ni petsi lomana' li'a łamats' tixingufco'me.

36 ¡Tołmaf'ile! ¡Ti'hua tołjoc'ile ŁanDios! Joupa nu'ipolhuo' ilte al cueca' lo'iya. Tołsa'huele ŁanDios, tołmi'me: "Ałtoc'itsonga', lunłu'etsonga'". Tijouła' tixoj'ma cunlata tołacaxingołaita pe laifpa'a. Iya' ilque cal Xans Łiximpa cal profeta pu'hua lema'a.

37 Ilne litiné Jesús timuc'ila' lan xanuc' jilpe el cuecaj xoute'. Lipuqui' tipamma lilya', ti'hua hijuala Olivo. Ilpe tipajnsa łic'ayca lipuqui'.

38 Mi'i'ma quitine jahuay lan xanuc' tiyeyi al cuecaj xoute', tiquimf'eta litaiqui' Jesús.

22

¹ Tehue'e' huata ti'i'ma al juic cuftine al Pascua. Mi'eyi juic titeji la'i aiqilai'inni levadura.

² Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tehueyi te co'iya mima'anyacu Jesús. Tixpailiquila', ja'ni tixtulecu lan xanuc'.

³ Lonta'a Satanás itsufaipa lipicuejma' anuli iñe limbamaj coquexi' ts'ilihuequi Jesús, iñque cuftine Judas. Locuena lipuftine Iscariote.

⁴ I'hua'ma pe lomana' lixanuc' cal cuecaj ca'ailli' jouc'a lapaluc' no'epá cuenna al cuecaj xoute'. Ipalaic'o'mola'. Ixpice'ma te co'iya micuya Jesús, ticuaitsi quitmane.

⁵ Ixoj'ma quileta iñiya. U'i'me tojua mulijya al tomí.

⁶ Judas icupa cataiqui' ticu'ma Jesús. I'huana'ma, ehuepa te co'iya micuya iñque. Ticua: "Aimicuej'me lan xanuc'".

⁷ Icuaitsi al juic titem'me la'i aiqilai'inni levadura. I'huajcopa litine tima'am'mola' laicanaxque' mot'í, iñe lotejnyacola' jilpe al juic Pascua.

⁸ Jesús umme'mola' Pedro y Juan, timila':

—Tonlele. Tolafot'letsá lañejacu ałsmocota al juic Pascua.

⁹ Icuise'me, timiyi:

—¿Petsi calsmocoyoyacu? ¿Te cofcuapa?

¹⁰ Timila':

—Tonlele liñya', ma mołtsuflaiyi liñya' tołsinna anuli cal xans itaic' lijuti caja'. Tolihuejtsa. Iñque titsufaita anuli lajut'í.

¹¹ Tołpalaic'ota lapoujna, tołmita: "Łalpomxi alummeponga' pe lofpa'a, ticuis'ehuo', timihuo': ¿Pe copa'a lajut'í pe lałsmocoyoyacu al juic Pascua, iya' jouc'a lalihuequi?"

¹² Iñque tilecotolhuo' al toncay lajut'í. Timuc'itolhuo' anuli al cuecaj cajut'í. Jilpe tipa'a jahuay, joupá ixhueya. Małpiya tołpo'nota lañejacu.

¹³ Iñe loquexi' ts'ilihuequi iye'me. Ixim'me ma to limipola' Jesús. Jilpe lajut'í ilanc'e'me calxmocojma'.

¹⁴ Ticuaitsi al 'hora tixmocolé Jesús jouc'a li'apóstole icutshuołai'me, titetso'me.

¹⁵ Jesús timila':

—Aijanajpa juaiconapa ałsmocolé anuli iłca'a litejua' al Pascua. Aixina' icuaico'ma laiftelcoya. Ate'a ałsmoco'me anuli.

¹⁶ Iya' camilhuo': Jifa'a li'a łamats' aicatetsoconaya iłta'a al juic. Ticuaitsi litine lan xanuc' tihuejcolé LanDios liłCuecaj Rey, iñe litine ti'icona'ma iñe al juic, ti'i'ma ituca'. Jilpe linca catetsoconna.

¹⁷ Lijou'ma uhuof'ma al taza, ix'najtsi'i'ma LanDios, timila' ts'ilihuequi:

—Tuluhuanuf'le iłta'a al taza. Tołsnañe jahuay imanc'.

¹⁸ Jifa'a li'a łamats' aicaxnaconaya lija' uva. Ticuaitsi litine tixinle LanDios micuxe, iñe litine, linca caxnaconna.

¹⁹ Epef'ma anuli la'i. Ix'najtsi'icona'ma LanDios. Ixquenuf'ma, epi'i'mola' ts'ilihuequi, timila':

—Jilca'a aicuerpo laifcuya cunłu'e'molhuo'. Tolihuej'me tołta'a, ał'nujuaisco'ma iya' laif'eya.

²⁰ Lijoupa lixmocopa ix'najtsi'icona'ma LanDios, icufi'mola' al taza. Uhuof'ma timila':

—Iłta'a aijuats' laifxcuajaiya cunłu'e'molhuo'. Ma mixcuajaiquemma laijuats' calinc'i'ma al ts'e cataiqui', LanDios lopo'no'ipolhuo' imanc' ixanuc'.

²¹ 'Jahuay imanc' a'i ixanuc' LanDios. Jifa'a tipa'a iñque lañcuya. Ałpo'nof'iyi lałmane al mesa anuli.

²² Iya' itque cal Xans Liximpa cal profeta pu'hua lema'a. Itsiya ca'huana'ma laipene. Ma toŕta'a laŕ'iya. Tijouŕa' acueca' a'ijc'a juaiconapa tuyaico'ma cal xans laŕcuya.

²³ Ts'ilihuequi ipango'me icuis'e'moŕtsi, timiyotŕsi:

—¿Naitŕi illanc' ti'e'ma toŕta'a?

²⁴ Lijou'ma ipango'me ifuli'i'moŕtsi cataiqui', naitŕi xonca cal cueca'.

²⁵ Jesús timila':

—Lan xanuc' pe aimimetsaicoyi LanDios lan tsilaj quincuxepá ti'e'eyotŕsi quiŕpoujnalá. Ts'ilŕpenic' ticuayi: “Illanc' linca atoc'ila' laŕxanuc', atcuxela' al c'a”.

²⁶ Imanc' aimonŕ'e'me toŕta'a. Toŕ'eŕe ituca' loŕ'ejma'. Imanc', itque xonca ts'i'huaj'me ti'e'exoxi ti'onŕcotsi to la'hua. Itque nocuxepa xonca, ti'e'exoxi ti'onŕcotsi to cal mozo.

²⁷ ¿Naitŕi itque xonca cal cuecaj xans? ¿Ja'ni itque ŕocutsuya notetsopa? o ¿ja'ni cal mozo ŕo'hua'apa al pime? Itque ŕocutsuya linca xonca acuecaj xans. Laŕmajmpa anuli iya' al'onŕcospa to cal mozo.

²⁸ Imanc' aixanuc' aicalpo'nohuo caituca'. Capa'a fa'a li'a lamats' atetŕcopá anuli.

²⁹ Jouc'a atcuxena'me anuli. Cai'Ailli' joupa lapi'ipa laimane cacuxe'ma. Jouc'a iya' capi'ilhuo' loŕmane toŕcuxe'me.

³⁰ Ticuaitŕi litine lihuejco'ma jahuay lan xanuc' iya' imanc' atcutsolai'me anuli, atetŕo'me, aŕsna'me. Imanc' toŕcutsolai'me loŕcuecaj asiento, toŕspijta lataiqui', toŕcuxe'mola' loŕxanuc', ilne liŕxanuc' limbamaj coquexi' linaxque' loŕtatahuelo Israel.

³¹ Jesús ipalaic'opa Simón Pedro, timi:

—CumSimón, Satanás ixa'huepa lane tehuai'molhuo' imanc'. Cal xans nofusya litrigo tipa'a'ma lipifuc, tipanehuo pangay c'a. Toŕta'a ti'i'molhuo' imanc' lahuaiyinyacolhuo'.

³² Aixahue'epa LanDios titoc'itso' ima' cumSimón. Toŕta'a ima' ti'hua al'huaiyinge, aimalpo'nohuo nulemma. Tijouŕa' tehuaiyintso' ima' toxhuej'meconahuo, lihuejcona'ma. Ilniya litiné totoc'itsola' lopimaye, tapi'itsola' liŕpujfxi jouc'a.

³³ Pedro timi:

—Maipoujna, joupa aipo'nopa laipicuejma'. Ni petŕi loŕtŕeya ca'hua'ma jouc'a. Ja'ni ti'noŕintŕo' ti'hua'antŕo' lacarza, ja'ni tima'antŕo', jahuay ti'e'entŕo' iya' cacua: Ma al'e'entŕonga' anuli. Aicalpo'noyaco' cotuca'.

³⁴ Timi:

—CumPedro, camihuo': Ilta'a lipuqui', ai'a tija'a'ma langiti, ima' tones'ma afanemma: “Aicainimetsaijma Jesús”.

³⁵ Icuis'e'mola' ts'ilihuequi, timila':

—Ilne litine lainumme'molhuo' aicoŕtai'me coŕponta, ni coŕmorral, ni coŕc'ejí, ¿te ehue'e'molhuo'?

Timiyi:

—Ailopa'a calahue'ehuo'monga'.

³⁶ Timila':

—Itsiya ituca' lo'iya. Camilhuo': Naitŕi ts'i'hueca liponta tomí, titaila'. Naitŕi ts'i'hueca limorral, titaila' jouc'a. Ja'ni ailopa'a qui'espada, ticujla' lipuquiya, ti'nacola'.

³⁷ Al Paxi Linilingiya tuya'e': “Itque itel'mim'me to lotel'mimpola' ilne no'epá quixcay”. Ilne liniliya aŕnescopa iya' laŕ'iya. Camilhuo': Tenanŕ'ma.

³⁸ Timiyi:

—Maŕ'ailli', jifa'a tipa'a oquej lan 'espada.

Timila':

—Ne', tipajnla'.

39 Jesús ipanni lajut'ł, ma to mi'ay i'hua'ma hijualaj Olivo. Ts'ilihuequi ihuej'me.

40 Icuaicontsa petsi lotsepa. Jiłpiya timila' ts'ilihuequi:

—Tołjoc'ite LanDios. Tołsa'huefe aimehuaiyim'molhuo'.

41 Ipo'no'mola' quiltuca', i'hua'ma ni huata, iłojf'e'moxi le'a lipiculi' to taca'niła' anuli łapic. Exc'onłhuai'ma, tijoc'i LanDios, timi:

42 —Mai'Ailli' liłonc'e'ela' iłca'a al cueca' laiftełcopa, ja'ni tołta'a oxpic'epa. Tama tołta'a laifmipo' jouc'a camihuo': To'ela' ma to lołxpic'epa a'i to iya' laifxpic'epa.

43 Iximpa icuaico'ma anuli łapaluc quema'a. Tepi'i' quipujfxi, ti'ommais.

44 Lijou'ma ipango'ma ihuotsonni xonca, unlejma łunxajma'. Xonca ihui'i'ma ixa'hue'ma LanDios. Ijaftsi, titats'quemma łamats', tocomma ajuats'.

45 Lijoupa lijoc'ipa LanDios itsahuenanni, i'hua'ma pe lomana' ts'ilihuequi. Ixim'mola' tixmaiya. Lihuotsoqueya ulij'mola', i'noł'mola' łahuı.

46 Timila':

—¿Te colšmaicopa? Tołtsolinca, tołjoc'ite LanDios. Tołsa'huefe titoc'itsolhuo', aimehuaiyim'molhuo'.

47 Ma mipalay Jesús icuaitsa axpela' lan xanuc'. Judas, iłque anuli ihniya limbamaj coquexi' ts'ilihuequi Jesús, i'huaj'me'ela' lan xanuc'. Icuaitsi pe lopa'a Jesús, tituc'o'ma.

48 Jesús timi:

—Judas, ¿te ałtuc'o'ma? Iya' iłque cal Xans Liximpa cal profeta pu'hua lema'a. ¿Te ałtuc'o'ma, tijoułta' ałcu'ma?

49 Niyejmalepá Jesús lixim'me lo'ipa timiyi:

—Mał'ailli', ¿ałfuleco'me a'espada?

50 Anuli ts'ilihuequi ixcai'e'ma limozo cal cuecaj ca'ailli'. Etec'e'e'ma lix'mas, al c'a camane.

51 Jesús timila' lan xanuc':

—Lapi'ila' lane.

Iłafc'e'e'ma lix'mas iłque cal xans. Ixał'mena'ma.

52 Ipalaic'o'mola' iłne nicuaitsa ti'noł'me. Ihniya ixanuc' cal cuecaj ca'ailli', jouc'a incuxepá łapaluc' no'epá cuenna al cuecaj xoute', jouc'a lan tsilaj xanuc' nołpijpá lataiqui'. Timila':

—Imanc', ¿te colcuaiyoco'me fa'a ołtaic' loł'espada, lonł'ec, ał'nołta'? ¿Te ał'onłcospa to linma'ahuale?

53 Itine itine ałmana' anuli jiłpe al cuecaj xoute'. Aimał'nołi. Itsiya linca tonł'e'me ts'olpic'a. Itsiya ti'hua limane nocuxepa al muf.

54 I'noł'me Jesús, ileco'me lejut'ł cal cuecaj ca'ailli'. Pedro ihuequi aculi'.

55 Jiłpiya łipuna quejut'ł cal cuecaj ca'ailli' icue'empá łunga, icutsingolai'me. Pedro icutsingai'mola'.

56 Lipał cunga tulif'e' li'a Pedro. Anuli cal mozo aca'no' ehuelojm'ma, timila' lan xanuc' nomana' jiłpiya:

—Iłque cal xans jouc'a iłejmale Jesús.

57 Pedro icuanajpa, timi:

—Maca'no', aicainimetsaijma.

58 Lijou'ma nihuata ocuena cal xans ixim'ma Pedro, timi:

—Ima' jouc'a unlejmale Jesús.

Pedro timi:

—Cunxans, a'i iya'.

59 Uyai'ma to anulij hora. Ocuenaj cal xans ihui'i'ma, timila' locuenaye nomana' jiłpe:

—Ma' al linca iłca'a cal xans iłejmale Jesús. Iłca'a jouc'a łas Galilea.

⁶⁰ Pedro timi:

—Cunxans, aicaixina' te cofnespa, ni aicaicueca.

Mipalay Pedro tołta'a ija'a'ma łangiti.

⁶¹ ŁałPoujna Jesús ipai'e'moxi, ehuelojm'ma Pedro. Pedro i'nujuaitsi lataiqui' limipa: “Ita'a lipuqui' ai'a tija'a'ma łangiti ima' tones'ma afanemma: Aicainimetsaijma Jesús.”

⁶² Ipanni, ijojtsi talay.

⁶³ Lan xanuc' no'epá cuenna Jesús ipango'me ilotsoco'me. Untaf'me c'ec.

⁶⁴ Ifi'e'e'me li'u', ticuis'eyi, timiyi:

—¿Tocua'ala! ¿Naitsi nuntafpo'?

⁶⁵ Jouc'a imiloj'me axpe' quixcay cataiqui'.

⁶⁶ Liłic'ejma' ileco'me Jesús pe lefołya lan tsilaj xanuc' noxpipjá lataiqui' jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios.

⁶⁷ Timiyi:

—Ja'ni ima' unCristo, ummepo' ŁanDios, lu'itsonga'.

Timila':

—Ja'ni cu'itsolhuo' imanc' aimoł'eyacu linca laıtaiqui'.

⁶⁸ Ja'ni quicuis'etsolhuo' aimalalai'eya.

⁶⁹ Iya' ilque cal Xans Łiximpa cal profeta pu'hua lema'a. Tuyaila' itsiya cacutsainata al c'a camane ŁanDios. Ilque jahuay nipajnya ti'e'ma.

⁷⁰ Licuejpá ille linespa Jesús jahuay ilniya lan xanuc' timiyi:

—¿Te ima' i'Hua ŁanDios?

Timila':

—Ma to imanc' mołnesyi, ma' iya'.

⁷¹ Ticuayi:

—Itsiya' linca aimalahueyacola' nocufyacu xonca. Ilca'a quituca' ecani'epoxi. Joupa alcuejpá.

23

¹ Jiłpe lefołya jahuay ilniya itsolinamma, i'hua'a'me Jesús pe lopa'a Pilato, ilque cal gobernador.

² Ipango'me icuf'me, timiyi Pilato:

—Alquimfepá ituca' lomuc'iyalepa ilque cal xans. Tipai'ila' liłpicuejma' lałxanuc'. Tu'ila' aimi'najtse'eyacu loxahue'epola' cal cuecaj quincuxepa César. Ticua: “Iya' ninCristo, ninRey”.

³ Pilato icuis'e'ma, timi:

—¿Te ima' ilrey lan xanuc' judío?

Italai'e'ma timi:

—Al linca lofcuapa.

⁴ Pilato ipalaic'o'mola' lixanuc' cal cuecaj ca'ailli' jouc'a locuenaye liyej-malepá, timila':

—Ilque cal xans iya' aiximpa ailopa'a qui'epa. Ailopa'a quijunac'.

⁵ Ihui'i'me, timiyi:

—Tipai'ila' liłpicuejma' lałf'as xanuc' judío. Ni petsi timuc'iyale. Ipangocopa imuc'iyalepa jiłpe al distrito Galilea, itsiya icuai'ma fa'a liłya' Jerusalén.

⁶ Pilato licuej'ma tinesyi al distrito Galilea, icuis'e'ma ja'ni Jesús qui'huayomma Galilea.

⁷ Ticuayi: “Linca, qui'huayomma Galilea”. Jiłpe Galilea ticuxe cal rey Herodes, itsiya copa'a Jerusalén. Pilato aiqicol'ma, umme'ma Jesús jiłpe pe lopa'a Herodes.

8 Lixim'ma Jesús, Herodes ixoconni queta. Axpe' mut'la tijanaca tixinla' Jesús. Joupa icuejpa acueca' lo'epa. Ticua: “Iya' jouc'a ałmuc'i'ma al cueca”.

9 Licuaitsi Jesús juaiconapa icuis'mot'le'ma. Ique aiqitalai'e.

10 Jiłpe jouc'a tecaxołanna lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Ticufyi juaiconapa Jesús.

11 Herodes jouc'a lisoldado etets'i'me Jesús, ilotsoco'me. Itats'mi'me al c'a lijahua', to lopo'noyacu lan rey. Ipai'econanca pe lopa'a Pilato.

12 Li'ipa Herodes y Pilato ti'eyołtsi laic'. Iiya litine ipalaic'ona'mołtsi.

13 Pilato efot'le'mola' lixanuc' cal cuecaj ca'ailli' jouc'a ts'ipenic' lan xanuc' judío, jouc'a ocuenaye xanuc',

14 timila':

—Imanc' ałcuai'e'ma iłca'a cal xans. Ałmi: “Tipai'ila' liłpicuejma' lan xanuc”.

Imanc' joupa ołcujpá lainicuis'epa iłque. Iya' cacua: Ailopa'a tołta'a quijunac'.

15 Ma' anuli ticua Herodes. Ique ipai'emma, ummeconapa jifa'a pe lałmana'. Ailopa'a qui'epa Jesús. Aimi'iya canesya: Tima'anle.

16 Cacuxe'ma tipalojle, tijoula' cux'masna'ma.

17 He al juic Pascua ticuicomma Pilato tux'mas'ma anuli litats'iya.

18 Jahuay ija'a'me, timiyi:

—Iłque cal xans, ¡Tocuła'! ¡Tileconle! ¡Tima'antsa! Illanc' ałpic'a Barrabás. Tox'masla' iłque.

19 Iłque Barrabás ehuoc'aipola' lan xanuc' nomana' liłya' Jerusalén. Inma'ahuale. Tohiya itats'iya.

20 Pilato ipic'a tux'masna' Jesús. Ipalaic'ocona'mola', timila':

—Cux'masna'ma Jesús.

21 Italai'e'e'me, ija'a'me timiyi:

—¡Tapałts'ijnla' lancruz! ¡Tapałts'ijnla' lancruz!

22 Ipalaic'ocona'mola'. I'ipa afanemma mipalaic'ola'. Timiconala':

—¿Te caifnepałts'ijncoya lancruz? ¿Te quixcay qui'epa? Ailopa'a qui'epa. Aimi'iya mima'anyacu. Cacuxe'ma tipalojle, tijoula' cux'masna'ma.

23 Ija'a'me juaiconapa. Ihui'i'me, timiyi:

—¡Tapałts'ijnla' lancruz!

Lijou'ma ulij'me iłniya lan xanuc'.

24 Pilato icuxe'ma ti'ila' ma to ts'ipic'a.

25 Ux'masna'ma litats'iya loxahue'epa, iłque Barrabás, lehuoc'aipola' lan xanuc', inma'ahuale xans. Icu'ma Jesús, ti'e'ete ma to lan xanuc' lonespa ti'ila'.

26 Ileco'me Jesús. Miyeyi lane italecuf'me anuli cal xans i'ehuo'ma canic' limuc'o', ipainamma cotsenapa liłya'. Iłque cal xans cuftine Simón, las Cirene. I'noł'me, ipo'nof'i'me lixpula' lancruz Jesús, titaila', ti'huanc'ołeta'.

27 Henc'e axpela' lan xanuc' jouc'a lacał'no', tijolijyi tihuotsoyi lo'e'enyacu Jesús.

28 Jesús ipai'e'moxi, ipalaic'o'mola', timila':

—Imanc' cunc'acał'no' Jerusalén, aimatıojcumle'ma iya' lał'iya. Toıojcumletsołtsi lo'iyacolhuo' imanc', lo'iyacola' lołmaxque'.

29 Ticuaihuo litiné tu'i'mołtsi: “Lacał'no' lijuilqui xonca tixoqui quileta iłniya, aimixhuełmot'leyi. Iłne pe aiqıilsina' quıl'hua, aiqııtu'i, jouc'a tixoqui quileta, aimixhuełmot'leyi.”

30 Iłniya litiné lan xanuc' tixim'me acuecaj caxpaiqui'. Tipalaic'o'me cal tsilaj quijualay, timi'me: “Tacangenni lacanał'caitsonga”. Lan tsocay quijualay timi'me: “Lamitsonga”.

31 Iya' ał'onłcospa to lic'axhui c'ec. Ja'ni tołta'a lał'ipa iya', ¿te ts'i'ic' lo'iyacola' iłniya lo'onłcospola' to al 'ec joupa ijulpa? Acueca' xonca lotelcoyacu iłniya.

³² Juc'a ilecom'mola' oquexi' lan xanuc', ilne i'epá quixcay. Tepahts'ingintsa Jesús juc'a tepahts'inginnola' ihniya.

³³ Icuaitsa jilpe cuftine Ecoye. Jilpiya epahts'ingintsa Jesús lencruz. Juc'a epahts'ingim'mola' jilne loquexi' ni'epá quixcay. Anuli epahts'ingim'me al c'a camane Jesús, locuena loxa camane.

³⁴ Jesús tixa'hue qui'Ailli', timi:

—Mai'Ailli', taimenc'e'ecotsola' lo'epa. Aiquisina' lo'epa.

Lan soldado tif'ilcoyi lipijahua' Jesús, naitsi nolijya.

³⁵ Lan xanuc' tecaxolanna jilpiya tehuelojnyi. Lincuxepá tipalaicoyi Jesús, tetets'iyi, ticuayi:

—Ocuenaye xanuc' unlu'e'mola'. Ja'ni maque aCristo, lummepe LanDios, hi'Huij'epa LanDios, itsiya tunlu'exoxi.

³⁶ Ma' anuli lan soldado imiloj'me quixcay cataiqui'. Icuaitsa icufi'me al cuxac vino,

³⁷ timiyi:

—Ima', ja'ni ima' ilrey lan xanuc' judío, tonlu'exoxi.

³⁸ Al toncay hijuac Jesús epahts'ijnya lancruz anuli laca'hua caxma, jilpe iniliya ticua: “Ica'a ilrey lan xanuc' judío”.

³⁹ Anuli ni'epa lixcay, juc'a ilpe tepahts'ijnya lencruz, timiloqui quixcay cataiqui', timi:

—Ima', ja'ni umCristo, tonlu'exoxi juc'a lunlu'etsonga' illanc'.

⁴⁰ Locuena itale'ma lif'as quixcay xans, timi:

—¿Te aimoxpaic'e LanDios? Ima' juc'a ecani'empo', alma'a'monga'.

⁴¹ Illanc' lapi'imponga' al hijca. Al'epa quixcay, alte'minninga'. Ica'a cal xans ailopa'a qui'epa.

⁴² Timi Jesús:

—Maipoujna, ticuaitsi litine tocuxetsola' lan xanuc', ja'nujuaisla' iya'!

⁴³ Jesús timi:

—Iya' camihuo': Itsiya linca alcuaita anuli jilpe al Paraíso.

⁴⁴ I'ipa to menac'o. Ni petsi jilpe lamats' imufc'o'ma. Al muf icol'ma afane' hora.

⁴⁵ Emi'moxi cal 'ora. Jilpe al cuecaj xoute' tipa'a lijahua' lojujnya ts'ipa'ne lajut'x onca al Paxi. Lixhuaita al fanej hora ilre lijahua' its'alquenni tejmay lamats', i'i'ma oque'.

⁴⁶ Jesús ija'a'ma ujfxi, timi qui'Ailli':

—Mai'Ailli', capi'inahuo' lai'espíritu, tapenufnala'.

Tohta'a licua'ma exnalif'ma, imana'ma.

⁴⁷ Nocuxepola' lan soldado lixim'ma li'i'ma imetsaico'ma acueca' LanDios. Ipalaicopa Jesús, ticua:

—Ihque cal xans linca ailopa'a qui'epa, alijca xans.

⁴⁸ Jilpiya timana' lan xanuc' icuaicoco'me tixinle lo'iya. Lehuelojmpá tohta'a li'ipa, ihniya ixpailij'mola'. Tuntafyi hilunxajma', iyena'me tixhueicoyi.

⁴⁹ Lilejmale Jesús juc'a laca'no' ilne quiyouyomma Galilea ilihuequi, jahuay ihniya tecaxolanna aculi'. Tehuelojnyi lo'iya.

⁵⁰ Jilpe liya' Jerusalén tipa'a anuli cal xans cuftine José. Ihque anuli lan tsilaj xanuc' noxpijpá lataiqui'. Ac'a xans, ti'ay ma le'a al hijca.

⁵¹ Ihque aiquetenlocojma quilspic'e lif'as xanuc' noxpijpá. Ilne ixpic'epá tima'anle Jesús, ima'apá. Lipiya' José cuftine Arimatea, lopa'a al distrito Judea. I'huaijma ticuaitsi litine tihueicole LanDios hi'Rey jahuay lan xanuc'.

⁵² José i'hua'ma pe lopa'a Pilato. Ixahue'e'ma tepi'inle lane tipuñata licuerpo Jesús, titaina'ma teminna.

⁵³ José ipu'huona'ma licuerpo Jesús, iju'eco'ma anuli al cuecaj quijahua' lilanc'ecompa alino, i'nicotsi anuli al pu'hua cunts'eja' lipupa lapic. Ailopa'a quemimpa jilpe lipu'hua capic.

⁵⁴ Ihe litine aviernes, ai'a litine conxajya. Ni huata tehue'e' ticuaitsi litine conxajya.

⁵⁵ Laca'no', ihe quiyouyomma Galilea liyejmalepá Jesús, ihenc'ot'he ilihuequi José. Ixim'me al pu'hua. Ixim'me jouc'a pe li'nicompa licuerpo Jesús.

⁵⁶ Lijou'ma iyena'me liya' Jerusalén. Tefot'leta hitamqui, tipo'no'i'me licuerpo Jesús. Jouc'a tilanc'eta laceite lojuepa c'a, ti'ot'hi'me licuerpo.

Licuaitsi litine conxajya tunxajyi ma to loya'apa locuxepa LanDios.

24

¹ Lihuequi litine, al te'a litine al xamano, ihe al domingo, ai'a ti'i'ma quitine, ipalunca laca'no', iye'me al pu'hua. Itai'me hitamqui tefot'lepa.

² Licuaitsa jilpiya ixim'me cal cuecaj capic leti'icompa lico cunts'eja' joupá ihonc'empa, imelfai'empa, tipo'noya liju'.

³ Itsuflai'me. Aiquixim'me licuerpo laPoujna Jesús.

⁴ Aiquihueca li'ipa. Aiquihina' te co'eyacu. Aiquico' ma ixim'me oquexi' lan xanuc', ma'piya lileju' tecaxolanna. Lipijahua' tunts'ifi to lepalc'o'.

⁵ Laca'no' ixpailij'mola' juaiconapa. Ic'ommo'laipá uhuenacopá lamats'. Ihiya lan xanuc' timinnila' laca'no':

—Fa'a tipo'nom'mola' lomanapola', ¿te colahuecopa itque timaf'i cal xans?

⁶ Itque lolahuepa fa'a ailopa'a. Imaf'inapa, itsahuenamma. To'nujuaitsa limipolhuo' ma mo'mana' anuli al distrito Galilea.

⁷ Imi'molhuo': “Iya' itque cal Xans Iximpa cal profeta pu'hua lema'a. Aicu'ma lan xanuc', ihe pe aimihuejcoyi locuxepa LanDios. Alapa'ls'inginna lancruz. Afane' litine camaf'ina'ma, catsahueno.”

⁸ Licuej'me to'la'a, laca'no' i'nujuaitsa limipola' Jesús.

⁹ Ipailinamma. Icuaitsa liya' uya'a'me li'ipa. U'intsole' limbamaj nuli lan apóstole jouc'a locuenaye liyejmalepá Jesús.

¹⁰ Ihe laca'no' anuli aMaría las Magdala, locuena aJuana, locuena María itque qui'máma' Jacobo. Jouc'a tilmana' locuenaye laca'no' liyejmalepá. Ihiya nuya'apá timinnila' lan apóstole.

¹¹ Lan apóstole aimi'eyi linca ihe lilitaiqui' laca'no' luya'apa. Imi'mo'lsi: “Ma le'a ticuayi”.

¹² Pedro itsahuemma, inu'ma ticuaita pe lopa'a al pu'hua. Licuaitsi jilpiya ehuelojmhuo'ma al c'a. Ixim'ma ma le'a lijahua' liju'ecompa licuerpo Jesús. Ipainanni, i'huana'ma liya'. Timiyoxi: “¿Te qui'ipa?”

¹³ Ma'le litine oquexi' liyejmale Jesús tiyeyi lane ticuaita liya' cuftine Emaús. Lipiculi' Jerusalén to imbamaj nuli kilómetro.

¹⁴ Ihe tipalaic'oyo'lsi, ti'nujuaisyi jahuay li'ipa.

¹⁵ Mipalaic'oyo'lsi, micuis'eyo'lsi, mu'iyoy'lsi icuaitsi Jesús. Iyejmale'me anuli.

¹⁶ Ihe aimimetsaicoyi Jesús. LanDios aiquepi'ila' lane.

¹⁷ Jesús timila':

—Imanc' mon'eyi lane, ¿te colmipoy'lsi?

Eaxolencia. Ixhuelconca. I'i'ma cafcuana lixans.

¹⁸ Anuli ihiya, itque lipuftine Cleofas, italai'e'e'ma, timi:

—Lan xanuc' nomana' Jerusalén, jahuay ihiya ihsina' li'ipa jilpiya ihna'a litiné. Ja'ni ma lun Jerusalén, ja'ni locuenaye xanuc', jahuay ihsina'. ¿Te ma le'a ima' aicoxina'?

¹⁹ Timila':

—¿Te qui'ipa?

İne timiyi:

—Al'nujuaisyi li'ipa Jesús las Nazaret. İtque aprofeta, acueca' litaiqui', li'epa acueca' jouc'a. LanDios jouc'a lan xanuc' imetsaicopá.

²⁰ Lixanuc' cal cuecaj ca'ailli' jouc'a lałxanuc', ilne lan tsilaj xanuc' noxpijpá lataiqui', icupá tima'anle, epalts'ingimpá lancruz.

²¹ İllanc' alcuapá itque alunlu'e'monga' illanc' ixanuc' Israel, tulij'mola' la'eponga' laic'.

'İtsiya ixhuaita afane' quitine quima'anni, joupa imanapa.

²² Hualca laca'no' ilne lalejmalepá alšpaic'ehuo'monga'. Ai'a ti'i'ma quitine iniya itsehuc'me pe lopa'a al pu'hua.

²³ Licuaita jilpiya aiqiułsina' licuerpo Jesús. İpailinamma. Alu'iponga': "Alsimpola' oquexi' lapaluc' quema'a. İniya almpionga' Jesús imaf'i'."

²⁴ 'Lijou'ma hualca lalejmale itsehuc'me al pu'hua. İxinghuo'me ailopa'a licuerpo ma to luya'apa laca'no'. Małque Jesús aiqiułsina'.

²⁵ İtque timila':

—Imanc' tocomma ailopa'a colpicuejma'. ¿Te aimi'iya molapenufyacu linespa lam profeta?

²⁶ ¿Ja'ni aicołsina' joupa ixpic'empá titełcoła' cal Cristo y tijoula' tepenuf'ma limane ticuxe'ma jahuay?

²⁷ Jesús ipango'ma uhual'ma lataiqui' linilpa Moisés, lijou'ma uhual'ma linespa lam profeta, ti'hua tuhualque jahuay loya'apa al Paxi Linilingiya petsi lopalaicopa małque Jesús.

²⁸ İcuaita liłya' pe loyepá, Jesús tocomma to tuyai'ma.

²⁹ Loquexi' timiyi:

—Aimoyai'ma. Topanenni. Joupa if'acołaipá cal 'ora. Almanenca.

Jesús itsuflaipá lajut'ł anuli ilne. İmanenca.

³⁰ İcutsołai'me titetso'me. Jesús epef'ma la'i, ix'najtsi'i'ma LanDios, ixquenuf'ma, epi'i'mola'.

³¹ Tocomma to exi'enni lił'u'. İmetsaico'me Jesús. Aiquicoł'ma, aits'ixim'me, tocomma to joupa i'huanapa.

³² İ'nujuaita li'ipola' miyeyi lane, imi'mołtsi:

—Małeyi lane anuli, małpalaic'onga' itque, muhualque al Paxi Linilingiya, linca alšingufcopá acuecaj mafca lałunxajma'.

³³ Małpe 'hora itsolinca, iye'me Jerusalén. Licuaita ixinim'mola' limbamaj nuli lan apóstole, jouc'a locuenaye liyejmalepá Jesús efołya,

³⁴ ticuayi:

—Al linca imaf'inapa Cał'ailli', joupa itsahuenamma, Simón iximpa.

³⁵ Loquexi' uya'a'me li'ipola' miyeyi lane. Timiyi:

—Lixquenuf'ma la'i, jilpe limetsaicopá Jesús.

³⁶ Mipalaic'oyołtsi tołta'a icuaita Jesús. Ecax'ma nolojmay. Timila':

—Aimołsuełmot'le'me.

³⁷ İniya ixpailij'mola' juaiconapa. Aiquiłsingufi ja'ni Jesús. Ticuayi:

—Acue quinxpaic'ale.

³⁸ Jesús timila':

—¿Te colšuełmot'łecopa? Jilpe lołpicuejma' tołcuayi: "¿Ja'ni Jesús o a'i?" ¿Te colšescocopa tołta'a?

³⁹ Tołsinle laimane', lai'mitsi'. Ma' iya'. Al—lafla', tołta'a ti'i'ma colšina' ma' al linca capa'a iya'. Lahuelojnla', tipa'a laipixic', laipecał. Linxpaic'ale ailopa'a quipixic' quipecał.

⁴⁰ Lijoupa limipola' tołta'a imuc'i'mola' limane', li'mitsi'.

41 Hne ixoj'ma quileta juaiconapa. Afule micuec'eyi tipa'a Jesús. Ixim'me juaiconapa acueca' li'ipa.

Jesús timila':

—¿Te tipa'a laifteja?

42 Epi'i'me łaj hualca łamixqui' catu.

43 Epenuf'ma, mehuelojnyi ilniya, ite'ma.

44 Timila':

—Ma małmana' anuli iya' nu'ipolhuo' lał'iya. Nu'ipolhuo': “Jilpe litaiqui' Moisés, jouc'a liłtaiqui' lam profeta, jouc'a jilpe lan Salmo uya'a'me lał'iya iya'. Ticuicomma tenanłła' jahuay.” Itsiya enanłpa.

45 Lijou'ma, epalc'o'i'mola' liłpicuejma', ticuec'ełe al Paxi Linilingiya.

46 Timila':

—Al Paxi Linilingiya tuya'e': “Cal Cristo titełco'ma, tima'am'me. Afane' litine titsahueno, timaf'ina'ma, tipano pe lomana' limanapola'.”

47 Jouc'a ticua: “Ni petsi li'a łamats' tuya'am'me: Tołsuej'menca, tołapenufle cal Cristo, tołta'a ŁanDios timenc'e'eco'molhuo' loł'epa lixcay.”

Jifa'a liłya' Jerusalén tipangołta' ilē loluya'ayacu.

48 Imanc' joupa ołsimpá jahuay lał'ipa, toluya'a'me.

49 Cai'Ailli' joupa icupa cataiqui', icuapa te ts'i'ic' lapi'iyacolhuo'. Tołta'a iya' cumme'etolhuo'. Cai'Ailli' Nopa'a lema'a tepi'i'molhuo' cołmane. Tołmanenca fa'a Jerusalén, toł'huaicołe ti'ila' tołta'a.

50 Lijou'ma, Jesús ileco'mola', ipalyonca liłya' Jerusalén. Icuaitsa liłya' Betania. Jilpiya i'nof'e'ma limane, ipaxne'mola'.

51 Mipaxnela' enaj'moxi, ilecom'me al toncay.

52 Ts'ilihuequi exc'onłcolinca.

Lijou'ma ipailinamma juaiconapa ixoj'ma quileta, iyena'me Jerusalén.

53 Itine itine tiyeyi al cuecaj xoute'. Jilpe tix'najtsi'iyi ŁanDios.

Amén. Tołta'a li'ipa.

LATAIQUI' LINIŁPA SAN JUAN LOYA'APA ILE AL C'A LIXPIC'ĒPA ŁANDIOS

¹ Al te'a ai'a tipango'ma jahuay, tipa'a anuli łecui'impá Lataiqui'. Iłque łecui'impá Lataiqui' copa'a pe lopa'a ŁanDios. Iłque ma' anDios.

² Ai'a tipango'ma jahuay, iłne ŁanDios y Lataiqui', anuli tiłmana'.

³ Jiłquiya Lataiqui' ilanc'epa jahuay. Jahuay lopa'a lilanc'epa iłquiya. Ailopa'a cocuena nilanc'epa. Małquiya ilanc'epa jahuay.

⁴ Jiłquiya tipa'a lipitine. Nij naitsi lepi'ipa, ma iłquiya quituca' i'hueca lipitine. Iłque tepi'ila' liłpitine lan xanuc', tepalc'o'ila' liłpicuejma'.

⁵ Ji fa'a li'a łamats' lan xanuc' juaiconapa amuf liłpicuejma'. Jiłquiya ti'hua tepalc'o'ila'. Jihiya al cuecaj muf aimi'iya mipijya jiłque lipepalc'o'.

⁶ Tipa'a anuli cal xans cuftine Juan. ŁanDios epi'i'ma lipenic', ti'ela' ma to limipa.

⁷ Icuixe'epa tu'itsola' lan xanuc' naitsi iłque Łapalc'o'iyacola'. Jahuay ti'huaiyjnle jiłquiya Lepalc'o'.

⁸ Jiłque Juan a'i jiłquiya Lepalc'o'. Aimi'iya mepalc'o'iyacola' lan xanuc'. Le'a tipalaico'ma Łapalc'o'iyalepa.

⁹ Jiłquiya łopalaicopa Juan, iłque linca Epalc'o'. Icuai'ma fa'a li'a łamats', tepalc'o'ila' lan xanuc' ni petsi lomana'.

¹⁰ Łilanc'epa li'a łamats' icuai'ma fa'a, lan xanuc' aiqulimetsaijma.

¹¹ Petsi lomana' lipiıya' xanuc' małpiya icuaiyinni. Iłniya aiqulepenufi.

¹² Lan xanuc' nepenufpá, iłne no'huaiyijmpá, jiłquiya epi'i'mola' liłmane timetsaicontsola' inaxque' ŁanDios.

¹³ Iłne, ¿te ts'i'ic' li'ipola' inaxque' ŁanDios? ¿Te quił'ailli' acueca' xans? A'i. O, ¿te iłniya quiłtuca' liłpicuejma' ixpic'e'me ti'itsołtsi inaxque' ŁanDios? A'i. O, ¿te anuli cal cuecaj quincuxepa ixpic'epa, imipola': "Iya' cacua: Ti'itsola' inaxque' ŁanDios"? A'i. Ma ŁanDios ixpic'epa, tołta'a li'ipola' iłniya inaxque' ŁanDios.

¹⁴ Iłque łecui'impá Lataiqui' małque anDios, i'epoxi xans, icuaiyinni ma fa'a li'a łamats'. Ipajmpa pe lałmana', ałsimpá te ts'i'ic' lipicuejma' jiłquiya, małque cal Nuli qui'Hua ŁanDios. Ałsimpá ituca', ailopa'a xonca tołquiya. Iłque ma le'a ac'a lixpicejma'. Aimifellaıque. Ałtoc'inga'. Lu'inga' al linca.

¹⁵ Juan Bautista tu'ila' lan xanuc':

—Ticuaihuo li'Hua ŁanDios.

Ujfxi ipalaic'o'mola', timila':

—Fa'a tipa'a iłque łaipalaicopa, aimipolhuo': "Iya' icuai'ma ate'a. Tijouł'a ticuaihuo ocuena xonca cal cueca'. Jiłque linca cal te'a. Iya' ma ailaiıpa'a, jiłquiya tipa'a." Itsiya tołsinle, joupa icuai'ma. Ma fa'a tipa'a.

¹⁶ Iłquiya ixhuaiya lipicuejma'. Iłlanc' a'i quixhuaiya lałpicuejma', lahue'enga' axpe'. Iłquiya linca ixhuaiya lipicuejma'. Ałhanc'e'enga' lałpicuejma', ti'ila' al c'a. ŁanDios joupa ałtoc'iponga'. Itsiya' xonca ałtoc'inga'.

¹⁷ Lummepa Moisés, ałtoc'iponga'. Iłque uya'a'ma locuxepa ŁanDios. Itsiya xonca ałtoc'inga', ummepa Jesucristo. Małque ałtoc'inga', ałmuc'inga' jahuay al linca.

¹⁸ Nij naitsi niximpa ŁanDios. Cal Nuli qui'Hua ŁanDios tiłmana' anuli, ma' iłque ałmuc'iponga' li'ejma' ŁanDios.

¹⁹ Lan xanuc' judío, małniya nomana' liıya' Jerusalén, ummem'mola' la'aillí, jouc'a notoc'iyalepá la'aillí. Icuaiyunca pe lopa'a Juan Bautista, icuis'e'me, timiyi:

—¿Naitsi ima'?

²⁰ Juan u'i'mola' al linca, aikuemi'e'mola', timila':

—Iya' a'i ninCristo.

²¹ Icuis'econa'me, timiyi:

—Lu'itsonga', ¿naitsi ima'? ¿Te ima' unElías?

Timila':

—Iya' a'i.

Icuis'econa'me, timiyi:

—EanDios icuapa: “Cumme'e'molhuo' anuli łaiprofeta”. Itsiya illanc' licuis'ehuo', ¿te ima' itque cal profeta?

Italai'e'e'mola', timila':

—Iya' a'i.

²² Icuis'econa'me, timiyi:

—Lu'itsonga', ¿naitsi ima'? Ticuicomma lu'itola' lalumpeponga'. ¿Te cofnescoyacoxi? ¿Te ts'i'ic' lopenic'?

²³ Juan italai'e'e'mola', ipalaico'moxi. U'i'mola' litaiqui' cal profeta Isaías, tuya'e':

Petsi ailopa'a quilya' tuya'e' anuli cal xans, tu'ila' lan xanuc':

“Tołanc'e'ete lipene łapoujna”.

Tołta'a ipalaico'moxi Juan Bautista.

²⁴ Iñiya lummempola' nopalaic'opá Juan afariseo.

²⁵ Ti'hua tipalaic'oyi Juan, timiyi:

—Ima' tocuá: “Iñiya cal Cristo, cal Elías, cal profeta łommeya EanDios, itne ocuenaye, a'i iya’”. Ne'. Itsiya ¿te cofmepo'icopola' lan xanuc'?

²⁶⁻²⁷ Juan italai'e'e'mola', timila':

—Iya' capo'icola' aja'. Itsiya fa'a pe lołmana' tipa'a ocuena. Imanc' aicol-imetsaijma. Jitquiya xonca acueca' xans. Iya' ni aimi'iya cuhuał'e'eya lic'eji'. Tijoułta' cajou'nełta' iya' laipenic' itque tipango'ma lipenic'.

²⁸ Tołta'a li'ipa jitpe cuftine Betábara, lu'huał quiyay al pana' Jordán, małpiya Juan tepo'iyale.

²⁹ Lihuequi litine Juan ixim'ma Jesús icuaico'ma. Timila' lan xanuc':

—¿Tolsinle! Itque liMoł EanDios. Tilonc'e'e'mola' liłjunac' lan xanuc' nomana' fa'a li'a łamats'.

³⁰ Iya' joupá aipalaicopa itquiya. Joupá nu'ipolhuo': “Cajou'nełta' laipenic' itque tipango'ma lipenic'. Itque xonca acueca'. Iya' ma' ailaifpa'a jitque tipa'a.”

³¹ Iya' aicainimetsaijma. Iya' aicuaicoco'ma capo'itsolhuo' imanc' ixanuc' Israel, tolimetsaicote jitquiya.

³²⁻³⁴ Juan ma ti'hua tipalaijma Jesús. Tuya'e' li'ipa, ticua:

—Iya' aicainimetsaijma Jesús. Aicaixina' naitsi jitquiya. Aiximpa cal Espíritu Santo ti'onłcospa to anuli cal paloma, imumma ehuxaf'caipa hijuac Jesús. Małque EanDios łalumpepa capo'iyalełta' aja', ałmipa: “Toxim'ma timuy-ohuo lema'a cal Espíritu Santo. Tehuxaf'cai'ma hijuac anuli cal xans. Jitquiya aimepo'icoyacolhuo' aja'. Tepo'ico'molhuo' cal Espíritu Santo.” Tołta'a lałmipa EanDios. Itsiya camilhuo' jitquiya Jesús i'Hua EanDios.

³⁵ Lihuequi litine tecaxhuołanna Juan jouc'a oquexi' ts'ilihuequi.

³⁶ Juan ixim'ma Jesús ti'hua lane. Timila' ts'ilihuequi:

—¿Tolahuelojnle! Jitquiya iMoł EanDios.

³⁷ Iñiya loquexi' ts'ilihuequi Juan icuej'me lonespa. Ihuejna'me Jesús.

³⁸ Jesús ipai'e'moxi, ixim'mola' loquexi' itenc'e, timila':

—¿Te colahuepá?

Iñiya italai'e'e'me Jesús, timiyi:

—Rabí, ¿pe copanc'epa?

(Lataiqui' "Rabí", ihe ahebreo, ticuajmaispa: Omxi.)

³⁹ Jesús timila':

—Tonlouyunca. Lepá. Tolsinna.

Iye'me, ixintsa jilpe pe lipanc'epa Jesús. Joupa uyaipa nolojmay cum-muhuijma'. Imanequenca jilpe litine.

⁴⁰ Lijoupa licuejpá linesma Juan ihe loquexi' ihuejna'me Jesús, anuli cuftine Andrés, ilque ipima Simón Pedro.

⁴¹ Andrés ehueti lipima, ilque Simón, timi:

—Illanc' alsimpá cal Mesías.

Ihe lataiqui' "Mesías" ticuajmaispa: Cal Cristo, ilque lommeya LanDios.

⁴² Andrés ilecohuona'ma Simón, icuaitsa pe lopa'a Jesús. Jesús ehuelojm'ma Simón, timi:

—Ima' unSimón, mi'hua Jonás. Ima' tecui'im'mo' unCefas.

"Cefas" ataiqui' hebreo. Mahe lataiqui' griego "aPedro", ticuajmaispa: Acueca' capic.

⁴³ Lihuequi litine Jesús ixpic'e'ma ti'hua'ma al distrito Galilea. Mi'hua lane italecuf'ma anuli cal xans cuftine Felipe. Timi:

—Lihuejna'la'.

⁴⁴ Jilquiya Felipe qui'huayomma Betsaida, lipi'ya' Andrés y Pedro.

⁴⁵ Felipe ehuenta'ma anuli cal xans cuftine Natanael, timi:

—Moisés jouc'a lam profeta ipalaicopá anuli cal xans. Joupa alsimpá ilque. Ma'que Jesús las Nazaret, i'hua José.

⁴⁶ Natanael timi:

—Lilya' Nazaret, ¿jilpiya tipa'a al c'a?

Felipe timi:

—Lepá. Toxinna.

⁴⁷ Jesús lixim'ma icuaico'ma Natanael. Inesco'ma, ticua:

—Jifa'a tipa'a anuli cal c'a xans. Ma' al linca i'hua Israel. Aimifellaique.

⁴⁸ Natanael icuis'e'ma, timi:

—¿Te li'ipa lalimetsaicopa? ¿Pe calsinyopoltsi?

Jesús timi:

—Ai'a tijoc'i'mo' Felipe, aiximpo'. Cofpa'a lipunxahua la'icux.

⁴⁹ Natanael timi:

—Rabí, ima' i'Hua LanDios. Ima' ma'Rey illanc' ixanuc' Israel.

⁵⁰ Jesús timi:

—Ma le'a aimipo': "Aiximpo' cofpa'a lipunxahua la'icux", to'la'a al'huaiijm'ma. Toxim'ma xonca' al cueca'.

⁵¹ Imicona'ma:

—Iya' camilhuo': Tolsim'me lema'a exiya. Als'im'ma al'onkospa to al hual-ijm'ma peti tif'ajliyi, tilimulumma lepaluc' LanDios. Iya' ilque cal Xans Liximpa cal profeta pu'hua lema'a.

2

¹ Uyaipa oquej quitine, lihuequi quitine i'i'ma juic camana jilpiya lilya' Caná, al distrito Galilea. Jilpiya i'hua'ma qui'máma' Jesús.

² Jjoc'impola' Jesús jouc'a ts'ilihuequi. Jilpiya icuaitsa al juic.

³ Ijouna'ma al vino. Qui'máma' Jesús u'i'ma, timi:

—Joupa ijounapa al vino. Ailopa'a.

⁴ Jesús italai'e'e'ma qui'máma', timi:

—Momá, ¿te calmicopa to'la'a? Ai' quixhuaiya lai'hora.

⁵ Qui'máma' timila' notoc'iyalepá:

—Tonl'ele lomiyacolhuo' jilquiya.

⁶ Jiłpiya timana' acamts'us lan tsila' capixú lilanc'ecompolá' apic. Anuli anuli timangospa amalpu' nuxans o amaxnu litro laja'. Lan xanuc' ixhuico'me laja' epajco'me liłpime o liłmane' o lił'mitsi', ma to lił'ejma'.

⁷ Jesús timila' notoc'iyalepá:

—Tołma'nile caja' ilne łapixú.

⁸ Timiconala':

—Itsiya tonlipa'ałe tutani, tołmuc'itsa tixnac'otsi cal mayordomo.

Itai'me.

⁹ Notoc'iyalepá, ihniya nipa'apá al vino, ilsina' petsi quipa'apa. Cal mayordomo aiqixina'. İxnac'o'ma laja' joupá ipai'ipa, i'ipa avino. İjoc'i'ma łamanepa,

¹⁰ timi:

—İma', itsiya quite' luhua'inga' al c'a vino. A'i tołta'a mi'enni. Ate'a ticunni al c'a vino. Tijoula' tixnale axpe' vino lijoc'impola', tuhua'i'mola' a'ijc'a vino.

¹¹ Mipa'a Jesús liłya' Caná al distrito Galilea tołta'a ipango'ma imujpa lo'epa acueca'. Ts'ilihuequi imetsaico'me jiłquiya ituca', xonca acueca', a'i to locuenaye lan xanuc'. I'huaiyijm'me.

¹² İmu'ma al 'ocay, icuaitsi liłya' Capernaum. Qui'máma' jouc'a lipimaye jouc'a ts'ilihuequi iyejmalena'me. Jiłpe imanenca oque' afane' quitine.

¹³ Joupá icuaico'ma liłjuic lan xanuc' judío. Jiłiya al juic cuftine al Pascua. Jesús if'aj'ma al cueca' quıłya' Jerusalén.

¹⁴ Jiłpe linujnca al cuecaj xoute' ixim'mola' lincucale ticujyi huacax, mot'ł jouc'a paloma. Lan xanuc' ti'naji titsufco'me ŁanDios jiłpe al cuecaj xoute'. Jouc'a ixim'mola' nopai'ipá tomí ticutsołanna jiłpe liłmesá.

¹⁵ Uxcui'ma lixmı, ihuetsai'mola' lan mot'ł jouc'a lan huacax. İhniya nopai'ipá tomí eca'ni'i'mola' liłtomı, ecanait'h'i'mola' liłmesá.

¹⁶ Timila' nocujpá paloma:

—Tunlipa'antsola'. Jifa'a ejut'ł cai'Ailli'. Aimonł'e'e'me to laplaza.

¹⁷ Ts'ilihuequi licuej'me lines'ma Jesús i'nujuaitsa loya'apa al Paxi Linııngiya, tuya'e':

Juaiconapa aipic'a lomejut'ł, aicaxnet'łya latets'icopa lan xanuc'.

Juaiconapa acueca' laipixhuejma', tocomma ałma'a'ma.

¹⁸ Lan xanuc' judío icuis'e'me Jesús, timiyi:

—¿Te cof'ecopa tołiya? Ałmuc'itsonga' al cueca' lof'eya. Tołta'a ałcua'me al linca epi'impo' lomane.

¹⁹ Jesús italai'e'e'mola', timila':

—Ne'. Tolatela'fle ilca'a lejut'ł ŁanDios. Ti'ıla' afane' quitine, iya' joupá aitsahue'enamma.

²⁰ Lan xanuc' judío italai'e'e'me, timiyi:

—Lilanc'empa jiłta'a lejut'ł ŁanDios icolpa oquej nuxans camts'us camats'. İtsiya ima' tocuá: “Ti'ıla' afane' quitine joupá aitsahue'enamma”. Aimi'ıya.

²¹ Jesús aimipalajma al cuecaj xoute'. Lines'ma: “... ilca'a lejut'ł ŁanDios”, tinescoyoxi licuerpo.

²² Ts'ilihuequi Jesús lixim'me limaf'inapa, lipanamma pe lomana' limanapola', ihniya i'nujuaisnatsa ihıya litaiqui' Jesús. İcuapá: “Al linca linııngiya al Paxi Cataiqui'. Al linca linespa Jesús.”

²³ Jiłpe al cuecaj quıłya' Jerusalén ti'eyi al juic Pascua. Małpiya tipa'a Jesús. Ti'ay al cueca'. İmuc'i'mola' lan xanuc' acueca' lipaxi. Lixim'me acueca' lo'epa, axpela' lan xanuc' ticuayi: “Lihuejna'me Jesús”.

²⁴ Jesús aimi'huaiyingila' ihniya. İxinguf'mola' jahuay lan xanuc'.

²⁵ Aiquicuis'ela', ¿te ts'i'ic' cu'hua cal xans lipicuejma'? İmetsaicola' lan xanuc' te ts'i'ic' liłpicuejma', ja'ni ac'a o ja'ni a'ijc'a.

3

1-2 Anuli cal xans cuftine Nicodemo icuai'ma pe lopa'a Jesús. Itque Nicodemo afariseo, ipenic' pe lomana' lif'as xanuc' fariseo. Icuaitsi joupa imufc'opa. Timi:

—Momxi, aksina' ima' xonca tomuc'iyale, LanDios ummepo'. Ima' to'ay al cueca'. LanDios epi'ipo' lomane, ja'ni a'i aimi'iya mo'eya tofta'a.

³ Jesús italai'e'e'ma, timi Nicodemo:

—Iya' camihuo' al linca: Lan xanuc' tucuicomma timajnicontsa, ja'ni a'i aimi'iya mitsuflaiyacu pe locuxeyopa LanDios.

⁴ Nicodemo timi:

—Cal xans litojpa, ¿te co'iya mipajnconaya? ¿Te nipajnya titsufai'ma licu'u qui'máma', tijoufa' tipajnconna?

⁵ Jesús italai'e'e'ma, timi:

—Iya' camihuo' al linca: Tucuicomma tuyaicofta' laja' jouc'a tepenufla' cal Espíritu Santo. Itque cal xans linca ipajnconna. Ja'ni a'i, aimi'iya mitsufaiya pe locuxeyopa LanDios.

⁶ Lan xanuc' linaxque' lailepá ti'onlcospola' to ihniya, mane axanuc'. LanDios linaxque' ti'onlcospa to itque. Ihe linaxque' LanDios tipa'a al ts'e lihpitine, joupa lepi'ipola' cal Espíritu Santo.

⁷ Aimoxhueftmot'fe'ma laimipo': “Imanc' unc'ixanuc' tucuicomma tolmajnicontsa”.

⁸ Lahua' ni petsi ti'hua. Tocueca lona'apa, aicoxina' pe lo'huayomma, ni petsi lotsepa. Ma toftiya aimi'iya mocuejya li'ipa cal xans pe cal Espíritu Santo i'e'epa i'hua LanDios. Itque cal xans joupa ipajnconna. Ituca' li'ejma'.

⁹ Nicodemo italai'e'e'ma Jesús, timi:

—¿Te co'iya ita'a lafmipa?

¹⁰ Jesús italai'e'e'ma, timi:

—Ima', lof'as xanuc' Israel imetsaicohuo' uncueca' momxi. ¡Aimocueca' laifmipo'!

¹¹ Iya' camihuo' al linca: Illanc' alpalaicoyi ite laksina', luya'ayi laksimpa. Imanc' aimolapenufyi laluya'apa.

¹² Nu'ipolhuo' lo'ipola' lan xanuc' mimana' fa'a li'a lamats', aimalcuec'e. Ja'ni cu'itsolhuo' loxpicepa LanDios itque Nopa'a lema'a, ¿te co'iya malcuec'eya?

¹³ 'Nij naitsi nif'ajpa lema'a. Ma le'a cal Xans li'ipa Liximpa cal profeta pu'hua lema'a, itque linca imuyommma lema'a.

¹⁴ 'Limajmpá petsi ailopa'a quiya' Moisés y lixanuc', lainofat' ticala' lan xanuc', tima'annila'. Moisés ilanc'e'ma anuli lainofat' catejma', ipo'nopa al 'ec, i'nof'e'ma. Lan xanuc' lehuelojm'me itque lainofat' unful'me. Ma tofta'a tucuicomma ti'nof'em'me cal Xans, itque li'ipa Liximpa cal profeta.

¹⁵ Lan xanuc' no'huaiyijmpá itque, jahuay ihniya, tepi'im'mola' al ts'e lihpitine aimijouya.

¹⁶ LanDios i'nujuais'mola' lan xanuc' nomana' li'a lamats', ixim'mola' acuanuc'la. Tipa'a ma le'a anuli li'Hua. Icupa itque, aimejac'mola' ihniya no'huaiyijmpá li'Hua LanDios, tepi'im'mola' al ts'e lihpitine aimijouya.

¹⁷ LanDios lummepa itque li'Hua li'a lamats' a'i mecani'eyacola' lan xanuc'. Ummecopa tunlu'e'mola'.

¹⁸ Cal xans no'huaiyijmpa li'Hua LanDios a'i mecani'eya. Ja'ni aimi'huaiyinge, joupa ecanipa. Aiqui'huaiyinge cal Nuli qui'Hua LanDios.

¹⁹ 'Lepalc'o' icuai'ma fa'a li'a lamats'. Lan xanuc' ti'eyi lixcay, toftiya xonca itpic'a al muf.

20 Mi'eyi lixcay jahuay ihniya, ti'eyi laic' lepalc'o'. Aimitoc'otaiyummma. Ticuayi: "Aimatsim'monga' illanc' la'epa".

21 Ihniya no'epá al c'a tehueyi lepalc'o'. Ticuayi: "Lan xanuc' ti'ila' quilsina' lihuejcoyi LanDios. Małque ałcuxenga'."

22 Jesús ipamma, i'hua'ma al distrito Judea. Ts'ilihuequi jouc'a iye'me. Icuaitsa imanequencia jilpiya. Ihe ts'ilihuequi Jesús epo'iyale'me.

23-24 Ihniya litiné Juan Bautista jouc'a tepo'iyale. Aiquitats'enni, ma ti'hua ti'ay lipenic'. Juan tipa'a petsi cuftine Enón, huejnca Salim. Jilpiya tipa'a axpe' caja'. Tılcuaiyumma lan xanuc' tepo'ila'.

25 Ts'ilihuequi Juan ipalaic'o'mołtsi lan judío, ifuli'i'mołtsi cataiqui', tipalaicoyi lo'eyacu ja'ni LanDios tixintsola' alimpio, tepenuftsola'.

26 Ts'ilihuequi Juan icuaitsa pe lopa'a itque, timiyi:

—Momxi, tipa'a ocuena comxi tepo'iyale. Mołmana' lu'hua al panaj Jordán, imanc' onłejmale. Ima' lopalaic'opola' lan xanuc' onesco'ma itque. Itsiya jahuay lan xanuc' tiyeyi pe lopa'a.

27 Juan italai'e'e'mola', timila':

—Ma LanDios tixpic'e te ts'i'ic' lałpenic' la'epa. Ja'ni a'i, ailopa'a całpenic'.

28 Imanc' jounpa ołcujpá laimipolhuo': Iya' a'i ninCristo. LanDios alummepa cacuaiyunni ate'a, cu'itsola' lan xanuc' ticuaihuo cal Cristo.

29 Temaneła' łamijcano tipa'a hıejmale. Ma le'a łamijcano łamaneya tileco'ma hipeno. Lıejmale titoc'i'ma tiquimf'e, tixoqui queta ticueca lonespa. Itsiya iya' ał'onkiconno itque hıejmale. Iya' tixoqui neta nulemma.

30 Itsiya ca'oc'ena'moxi. Tołta'a lan xanuc' tixim'me itque cal Cristo acuecaj xans.

31 'Illanc' ninc'ixanuc' małmana' fa'a li'a łamats' ma le'a ałsina' te ts'i'ic' mipa'a fa'a łamats'. Małe całnescopa. Itque łimuyomma lema'a, itque linca xonca ixina'.

32 Itque tuya'e' liximpa licuejpa mipa'a pu'hua. Itsiya aimetentococla', aimepenufyi.

33 Naitsi napenufpa litaiqui' loya'apa nimuyomma lema'a, itque cal xans timuqui te ts'i'ic' LanDios lipicuejma'. LanDios aimifellaique.

34 Itque łimuyomma lema'a LanDios ummepa, tuya'e' ma lonespa LanDios. LanDios epi'ipa cal Espıritu Santo ticuxela' jahuay lipicuejma'.

35 'LanDios qui'Ailli' Jesucristo ti'ay capic'a hi'Hua. Epi'ipa limane ticuxela' jahuay.

36 Cal xans nepenufpa hi'Hua LanDios ma tipa'a al ts'e lipitine aimijouya. Naitsi natets'ipa hi'Hua LanDios ailopa'a al ts'e lipitine. Ma mi'hua metets'i hi'Hua LanDios, małque LanDios tixtu'hua, titeł'mi'ma.

4

1 Lam fariseo icuej'me lonespa lan xanuc', ihe tinesconni: "Jesús tepo'ila' axpela' lan xanuc'. Tıxpela' ts'ilihuequi. Itsiya Juan Bautista tepo'ila' ahuata."

2 Jesús aiquepo'ila' lan xanuc'. Ma ts'ilihuequi tepo'iyaleyi.

3 Jesús li'ipa quixina' tołta'a tinescoyi ipayonni al distrito Judea. Jouc'a ts'ilihuequi iye'me al distrito Galilea.

4 Tuyaıcota łamats' Samaria.

5 Icuaitsa anuli lıpııya' lun samaritano. Lııya' cuftine Sicar. Ihe lııya' tipa'a huejnca anuli łamats' li'ipa i'huexi cal xans Jacob. Itque epi'ipa hi'hua José.

6 Małpiya tipa'a al pu'hua caja' lipupa Jacob. Jesús i'huacopa cane jounpa ixocaita, icutsafcai'ma lico al pu'hua caja', tunxaj'ma. I'ipa to menac'o.

7 Anuli łaca'no' asamaritana icuai'ma al pu'hua caja', tipa'a'ma quija'. Jesús timi:

—Luhui'ila' caija', caxna'ma.

⁸ Ts'ilihuequi Jesús ailomana'. Iyepá liŷya' ti'nata łotejacu.

⁹ Łaca'no' italai'e'e'ma Jesús, timi:

—Ima' umjudío, iya' naca'no' ninsamaritana. Ima', ¿te całpalaic'ocopa? ¿Te całsahue'ecopa caja'?

(Lun judío aimiyejmaleyí lun samaritano.)

¹⁰ Jesús timi:

—Ima' aicoxina' naitsi iya'. Jouc'a aicoxina' te ts'i'ic' iŷe lapi'iyacola' ŁanDios lan xanuc'. Ja'ni cola' oxina', ałsahue'e'ma iya' cuhui'itso' coja'. Iya' cuhui'i'mo' al c'a caja' lainupa.

¹¹ Łaca'no' timi:

—Mai'ailli', iłta'a laja' a'ojca, ailopa'a cofmipa'acoya. ¿Petsi cofxi'ne'eya jiliya al c'a caja' lainupa?

¹² Iłta'a al pu'hua ałpo'no'eponga' łatahuelo Jacob. Małque Jacob jifa'a ixnapa iłta'a laja'. Jouc'a linaxque', lipinneja ixnapá.

¹³ Jesús italai'e'e'ma, timi:

—Cal xans noxnaya jilta'a laja' tucuiconahuo quija'.

¹⁴ Cal xans noxnaya laja' laifcupa aimicuiconaya quija'. Iŷe laja' laifcupa tipanehuo łunxajma', ti'onłcospa to luxi caja', ti'hua tinu, tucu al ts'e lipitine aimijouya.

¹⁵ Łaca'no' timi:

—Mai'ailli', jiliya laja' lofnescopa, luhui'ila'. Tijoułta' aimicuiconaya caija', ni aicuyaiconaya liŷya' quipa'aconaya caija'.

¹⁶ Jesús timi:

—To'huała', tojoc'itsi łope'ailli'. Tołcuaiyunca fa'a.

¹⁷ Łaca'no' timi:

—Ailopa'a caipe'ailli'.

Jesús timi:

—Al linca lofnespa: “Ailopa'a caipe'ailli”.

¹⁸ Joupa ołhatsufcopołtsi amajxi loxanuc'. Itsiya ołhatsufcoyołtsi anuli cal xans ma a'i cope'ailli'. Al linca lofnespa.

¹⁹ Łaca'no' timi:

—Mai'aill', iya' cacua ima' umprofeta.

²⁰ Illanc' łatahueló jilca'a hijuala exc'onłingołai'me ipalaic'o'me ŁanDios. Ma' anuli illanc' laxc'onłingołaiyi fa'a. Imanc' unc'ijudío ałminga': “Imanc' jouc'a jahuay lan xanuc' tonłe'me Jerusalén”. Tołcuayi, ma le'a jilpiya al cuecaj xoute' laxc'onłingołaita, ałpalaic'ota ŁanDios.

²¹ Jesús timi:

—Maca'no', camihuo' al linca. Icuaiico'ma litine imanc' aimołnesyacu: “Jifa'a hijuala laxc'onłingołai'me ŁanDios”. Ni lan xanuc' judío minesyacu: “Łepá Jerusalén. Jilpe laxc'onłingołaita ŁanDios.”

²² Imanc' mołnesyi: “Laxc'onłingołaiyi ŁanDios”, aicolimetsaijma ŁanDios. Illanc' ninc'ijudío limetsaicoyi ŁanDios. A linca laxc'onłingołaiyi, ałpalaic'oyi. Petsi lan xanuc' judío ti'huayohuo jilquiya Nonłu'eyacola' lan xanuc'.

²³ Ticuaitsi litine locuaicoya, iya' cacua joupa icuai'ma, lan xanuc' aimehueyacu anuli al lugar texc'onłingołaita ŁanDios. Ma jilpe liłpicuejma' ti'nujuaisnata ŁanDios, tihuejco'me locuxe'epola', timetsaico'me. Latenłcocopa ŁanDios texc'onłingołaita tołta'a.

²⁴ ŁanDios a'Espíritu, ailopa'a quicuerpo, ma le'a ipicuejma'. Lan xanuc' tama tucuayi: “Laxc'onłingołaiyi ŁanDios”, ja'ni jilpe liłpicuejma' aimi'nujuaisyi iłque, ja'ni aimihuejcoyi locuxe'epola', ŁanDios aimetenłcocoya laxc'onłingołaita iŷe lan xanuc'.

²⁵ Łaca'no' timi:

—Aixina' ticuaihuo cal Mesías, jilquiya lecu'impá “cal Cristo”, lommeya LanDios. Itsiya tehue'e' laipicuejma' aicalcueca. Ma ticuaiyunni jilquiya lu'ina'monga' jahuay.

²⁶ Jesús timi:

—Maique tipalaic'ohuo' itsiya. Iya' ninCristo.

²⁷ Maípe mipalaic'oyoltsi icuainanca ts'ilihuequi Jesús. Ihe aiquilicuis'e: “¿Te cofpalaic'ocopa jilquiya laca'no'? ¿Te cahue'epo'?” Mane liipicuejma' ticuayi: “Xinla', Jesús tipalaic'o anuli laca'no'”.

²⁸ Laca'no' ipo'no'ma lijuti, ipainanni, i'hua'ma lipi'ya'. Timila' lan xanuc' jilpiya:

²⁹ —Tonlouyunca. Camuc'itolhuo' anuli cal xans nalu'ipa jahuay lai'epa. ¿Te ma jilquiya cal Cristo?

³⁰ Lan xanuc' ipalunca jilpe lipi'ya', iye'me pe lopa'a Jesús.

³¹ Ai'a ticuaicu lan xanuc', ts'ilihuequi Jesús ihui'i'me, timiyi:

—Momxi, totetso'la'.

³² Jesús timila':

—Imanc' aico'sina'. Tipa'a laifteja.

³³ Maíne ts'ilihuequi Jesús ticuis'eyoltsi, timiyoltsi:

—¿Naitsi nepi'ipa lotēja?

³⁴ Jesús timila':

—A'i. Aicalapi'inno. Iya' ca'ay lipenic' LanDios, íe lixpíc'epa Lalummepa, cajou'ne'ma. Ma ca'ay lipenic' LanDios tocomma catesma, ti'hua ti'i caipujfxi.

³⁵ Imanc' to'cuayi: “Tehue'e' amalpuj mut'la, tijou'la' tetequim'me lan trigo”. Iya' camilhuo': To'sinte jipu'hua pe lifaiya. Tocomma joupa unta'anamma, itojpa. I'huá'ita afujca. Iya' cacua joupa i'huajcopa litine tetequim'me.

³⁶ Ti'najtsem'me latejpa trigo. LanDios jouc'a ti'najtse'ma ilque lafot'lepola' lan xanuc', íhe nolijyacu al ts'e lipitine aimijouya. Anuli lifapa, locuena tetequi, tefot'le, tijou'la' loquexi' tixojna'ma quileta.

³⁷ To'ta'a ti'i'ma al linca lataiqui' loya'apa: “Tipa'a anuli nofapa, locuena nafot'leya”.

³⁸ Iya' nummepolhuo' imanc' tonlafot'leta petsi aico'fac'. Locuenaye ifapá, imanc' tonlafot'leta ma'piya li'eyopa canic' ihniya.

³⁹ Jilpe li'ya' Sicar laca'no' joupa uya'ahuo'ma: “Ihque alminapa jahuay lai'epa”. Licuej'me íe licuapa laca'no' axpela' ihniya lun samaritano i'huaiyijmpá Jesús.

⁴⁰ Icuaiyunca pe lopa'a ilque, timiyi:

—Lepá la'pi'ya'. Jilpiya topajnta.

Jesús i'hua'ma lipi'ya'. Ipajnhuo'ma oquej quitine.

⁴¹ Jilpe li'ya' lan xanuc' tiquimf'eyi Jesús lines'ma. Xonca axpela' i'huaiyijm'me.

⁴² Ihe timiyi laca'no':

—Ate'a ima' opalaico'ma Jesús. Illanc' alcuayi ma' al linca ima' lofnespa. Itsiya illanc' caltuca' alcuejnapá linespa jilquiya, to'ta'a alsina' alinca ilque lunlu'e'monga' jouc'a tunlu'e'mola' lan xanuc' ni petsi lomana' li'a lamats'.

⁴³ Luyaipa oquej quitine Jesús ipanni jilpe li'ya', i'hua'ma al distrito Galilea.

⁴⁴ Aiqui'huacona'ma al distrito Judea. Ma'quiya ines'ma: “Cal xans, tama aprofeta hummepa LanDios, mipa'a maípe lipi'ya' aimipalaicoyacu c'a lan xanuc', tetets'iyacu”.

⁴⁵ Ma licuaitsi Galilea lan xanuc' jilpiya linca epenuf'me. Ihniya iyehuo'me al juic Jerusalén, jouspa ixinghuo'me lo'epa jilpiya.

⁴⁶ Mipa'a Jesús al distrito Galilea i'huacona'ma Caná, jilpiya petsi lipai'ihuo'ma laja', i'ipa vino. Jilpe Caná tipa'a anuli cal xans, ts'ipenic' cal rey, hi'hua textafque. Ique lafcuana tipa'a liya' Capernaum, malpe al distrito Galilea.

⁴⁷ Ts'ipenic' icuejpa Jesús ailopa'a Judea, joupa icuaiconata Galilea, i'hua'ma, i'huajcotsi Jesús, ixahue'etsi ti'huata' liya' Capernaum, tixa' meta hi'hua, ique tima'ma.

⁴⁸ Jesús timi:

—Imanc' tolcuayi: “Ique Jesús ałmuc'itsonga' al cueca'”. Ja'ni aicamuc'ilhuo' tołta'a aima' huaiyijnya.

⁴⁹ Ts'ipenic' cal rey timi:

—Mai'ailli', aimicoł'mo'. Lepá lajutł. Ja'ni a'i, timana'ma lai'hua.

⁵⁰ Jesús timi:

—To'huanla'. Lo'hua imaf'i'. Aimimaya.

Cal xans i'huaiyijmpa Jesús limipa, i'huana'ma.

⁵¹ Ma mi'huanghua lane Capernaum, iłniya notoc'ipá italecufunca, timiyi:

—Joupa ixalconapa lo'hua.

⁵² Icuis'e'mola', timila':

—¿Tej hora lixalconapa?

Timiyi:

—Tsumjma lixhuaita anulij hora luyaipa menac'o iłojn-na'ma lipinu'.

⁵³ Cal xans i'nujuaitsi li'ipa. Tsumjma malpe 'hora Jesús limipa: “Lo'hua imaf'i'. Aimimaya.” Cal xans jouc'a lixanuc' nomana' lejutł, i'huaiyijmpa Jesús.

⁵⁴ Itsiya i'ipa oquemma li'epa al cueca' Jesús jilpe al distrito Galilea. Ique joupa itsehuo'ma Judea, icuaiconata Galilea.

5

¹ Lijou'ma jiliya i'huajcopa lijuic lan xanuc' judío. Efołunni pu'hua Jerusalén. Jesús i'hua'ma, icuaitsi jilpe liya'.

² Ahuejnca pe lotsuflaicoyacu lam motł jilpe liya' Jerusalén ipa'nempá laja' acueca' quin'nuhua' i'empa. Lipuftine ataiqui' hebreo aBetesda. Jilpe lin'nuhua' canumicay tipa'a amaque' linujnca.

³ Malpe linujnca timana' axpela' lafcualay tunahuolanna. Timana' lan fohue, lan coxo, jouc'a luhualqueya. Jahuay iłniya i'huaijma tifentsi laja'.

⁴ Camna camna anuli łapaluc quema'a timuyomma, tife'ne jiliya laja'. Ti-joula' tife'nela' laja' cal te'a lo'nijmaispa tixałma. Ni naitsi cuana tuyainapa.

⁵ Ma jilpiya tipa'a anuli cal xans ixhuaita anuxans quimbamaj paico camats' mextaf'ma.

⁶ Jesús ixim'ma iłque cal xans tunouya. Joupa ixina' axpe' camats' i'ipa licuana. Timi:

—¿Opic'a tixałcontso'?

⁷ Lafcuana italai'enni, timi:

—Mai'ailli', mifenna laja' ailopa'a nał'nij'miya. Ma ca'hua'ma ocuena ti'nij'miyoxi ate'a. Ique tixałconghua, iya' capanemma.

⁸ Jesús timi:

—¡Tacaxla! ¡Tonif'la' łohuijm-ma! ¡To'huanla'!

⁹ Ixalcona'ma nulemma iłque cal xans, inif'na'ma łohuijm-ma'. I'huana'ma. Ite litine lixalcona'ma małe itine conxajya.

¹⁰ Lan judío timiyi cal xans lixalcona'ma:

—Itsiya litine conxajya. Aimi'iya motaiya łohuijm-ma'.

¹¹ Cal xans timila':

—Itque latsal'menapa almipa: “Tonif'la' lohuijm-ma', to'huanla'”.

¹² Iniya icuis'e'me, timiyi:

—¿Naitsi itque limipo': “Tonif'la' lohuijm-ma', to'huanla'”?

¹³ Cal xans lixa'cona'ma aiqixina' naitsi itque limipa toliya. Axpela' lan xanuc' jilpiya timana'. Jesús joupa itsufainapa pe lomana'. Cal xans aiqixina' petsi lo'huapa.

¹⁴ Lijou'ma italecufcona'mohtsi pu'hua al cueca' xoute'. Jesús timi:

—¡Toxinxoxi! Joupa ixal'conapo'. Aimo'econa'ma quixcay. Ja'ni to'econghua quixcay, ti'i'ma xonca acueca' lofte'coya.

¹⁵ Cal xans i'hua'ma, u'ihuo'mola' lan judío, timila':

—Latsal'menapa ma'que Jesús.

¹⁶ Lan judío ihsina' Jesús tixa'l'mela' lafcual'ay litine conxajya, ixtulencia, tihuetsojyi.

¹⁷ Jesús timila':

—Cai'Ailli' ti'hua ti'ay canic', iya' jouc'a ca'ay canic'.

¹⁸ Lan judío xonca ixtulencia tohta'a linesma Jesús. Icuame: “Itque Jesús ti'ay quixcay, ti'ay canic' litine conxajya. Ti'ay xonca lixcay, tinesqui: LanDios ai'Ailli'. Ma' ti'onliyoxi LanDios.”

Xonca tehueyi te co'ia mima'ayacu.

¹⁹ Jesús timila':

—Iya' i'Hua LanDios, camilhuo' al linca: Iya' caituca' ailopa'a caif'eya. Aimi'ia. Iya' i'Hua LanDios, ate'a cahuelojm'ma lo'epa cai'Ailli', tijoula' ca'e'ma to lo'epa itque.

²⁰ Iya' i'Hua LanDios, itque cai'Ailli' a'ay capic'a, almuc'i jahuay lo'epa. Tijoula' almuc'i'ma xonca acueca', iya' ca'e'ma. Imanc' tohsim'me, tix-pailij'molhuo'.

²¹ 'Cai'Ailli' ixina' timaf'i'ina'mola' limanapola'. Tepi'ina'mola' lipitine. Iya' i'Hua LanDios jouc'a aixina' camaf'i'ina'mola' limanapola'. Caxpic'e ja'ni capi'ina'mola' lipitine, jouc'a caxpic'e ja'ni aicapi'iyacola'.

²² 'Ticuaiyunni Lijoujma Quitine cai'Ailli' aimimu'iyacola' lan xanuc' te ts'i'ic' loyalaicoyacu ni'epá lixcay. Joupa lapi'napa laimane, iya' cu'itsola' te ts'i'ic' loyalaicoyacu iniya. Iya' ninJuez.

²³ Cai'Ailli' ixpic'epa lihuejcola' lan xanuc' ma to mihuejcoyi jilque cai'Ailli'. Cal xans pe aimalihuejma iya' i'Hua LanDios jouc'a aimalihuejcong'a cai'Ailli'.

²⁴ 'Iya' camilhuo' al linca: Cal xans ja'ni ticueca laitaiqui', ja'ni ti'huaiyinge cai'Ailli', itque Lalummepa fa'a li'a lamats', itque cal xans joupa ulijpa al ts'e lipitine aimijouya, aimecaniya. Itque, ai'a ticuej'ma laitaiqui', LanDios tecani'e'ma, itsiya a'i. Aimijouya lipitine itque cal xans.

²⁵ Iya' camilhuo' al linca: Iya' i'Hua LanDios cajoc'i'mola' limanapola'. Iniya nocuejyacu laitaiqui' timaf'ina'me. Litine ca'e'ma tohta'a ti'hua ticuaihuo. Iya' cacua: Joupa icuai'ma.

²⁶ Cai'Ailli' i'hueca lipitine, nij naitsi nepi'ipa. Jouc'a iya' ai'hueca laipitine, iya' i'Hua, tohta'a lixpic'epa cai'Ailli'.

²⁷ 'Iya' itque cal Xans Liximpa cal profeta pu'hua lema'a. Tohta'a cai'Ailli' alfajpa ninJuez, lapi'ipa laimane cu'i'mola' lan xanuc' ja'ni ac'a o ja'ni a'ijc'a li'epa. Cu'i'mola' te ts'i'ic' loyalaicoyacu.

²⁸ Aimixpailij'molhuo' ile laimipolhuo'. Aimomes'me: “¿Te co'ia tohta'a? Aimi'ia.” Iya' camilhuo': Limanapola' nomana' lipu'hua, jahuay iniya ticuej'me cajoc'itsola' iya'. Iya' itque cal Xans Liximpa cal profeta pu'hua lema'a. Ticuaihuo litine ti'i'ma tohta'a.

29 Jahuay limanapola' tipalcu liŋpu'hua. Ja'ni li'epa al c'a timaf'ina'me nulemma, tuyalaina'me al c'a. Ja'ni ixcay li'epa jouc'a timaf'ina'me, iŋne titeŋco'me, nulemma titai'me liŋjunac'.

30 'Iya' caituca' ailopa'a caif'eya. Aimi'iya. Cai'Ailli' aŋcuxe'e laifmiyacola' lan xanuc'. Iya' caituca' aicu'iya cal xans ja'ni ti'ay al c'a o ja'ni ti'ay lixcay. To maŋcuxe'e cai'Ailli' toŋe laifmiya. Ma le'a aŋjca laitaiqui'. Iya' aicahuay te co'iya ca'eya laifpirc'epa. Ma to loxpirc'epa cai'Ailli', iŋque ŋalummepa, toŋta'a caxpic'e.

31 'Ja'ni iya' caituca' canescoyoxi, aimi'ommaicoya iŋe laitaiqui'.

32 ŋinca tipa'a anuli noya'apa naitsi iya'. Iya' aixina' iŋque tuya'e al ŋinca.

33 'Imanc' olummepola' loŋxanuc' tiyeŋe pe lopa'a Juan Bautista. Jiŋnu'hua icuis'e'me naitsi iya'. Juan imi'mola' al ŋinca.

34 Iya' aicahuay caŋescoya toŋta'a anuli cal xans. Le'a aipic'a tunŋu'entsolhuo' imanc', toŋta'a ca'nujuaitsi'ilhuo' linespa Juan.

35 Juan Bautista ti'onŋcospa to anuli lepalc'o'. Tepalc'o'ila' lan xanuc'. Micoti iŋque lipenic' imanc' tolihuejyi tixoqui conlata. Iŋque epalc'o'ipolhuo'.

36 Iŋque u'i'mola' lan xanuc' naitsi iya'. Itsiya imanc' toŋsinyi laif'epa. Iŋe xonca tuya'e naitsi iya', ma' anuli tuya'e naitsi ŋalummepa, iŋque cai'Ailli'. Iŋe laif'epa, cai'Ailli' joup'a aŋcuxe'epa ca'eŋa'. Lapi'ipa laipenic' cajou'neŋa'.

37 'Cai'Ailli' ŋalummepa jouc'a u'ipolhuo' naitsi iya'. Iŋque lopalaipa aicoŋcucua ni aicoŋsina' te ts'i'ic' iŋque.

38 ŋanDios cai'Ailli' lummepa, imanc' aimalapenufi. Litaiqui' aimipanemma jiŋpe loŋpicuejma', toŋta'a imanc' aimalapenufi.

39 'Toŋsueŋe al c'a al Paxi Liniŋgiya. Toŋcuayi: "Iŋe al Paxi Liniŋgiya lapi'inga' laŋpitine aimijouya". Maŋiya lataiqui' aŋpalaijma iya'.

40 Imanc' tama toŋsueyi iŋe lataiqui' aimalihuejma. Aicoŋcuac'. ¿Te co'iya moluliyacu loŋpitine? A'i, aimi'iya.

41 'Aicahuela' lan xanuc' caŋmiya: "Ima' uncuecaj xans". A'i. Iŋta'a aicapenufi.

42 Iya' aixinnilhuo' imanc' te ts'i'ic' loŋpicuejma'. Aixina' aimoŋ'nujuaisyi ŋanDios.

43 Iya' ma cai'Ailli' lapi'ipa laipenic'. Toŋta'a aicuai'ma fa'a li'a ŋamats'. Imanc' aimalapenufi. Anuli cal xans nocuxepoxi quituca', ja'ni ticuaiyunni, imanc' ŋinca tolapenuf'me.

44 Imanc', ¿te co'iya malapenufya? Tolahuela' loŋ'as xanuc' timetsaiconsolhuo'. Aimolahueyi te co'iya mimetsaicoyacolhuo' cal Nuli ŋanDios.

45 Aimomes'me: "Iŋque Jesús aŋcuftonga'. Timita ŋanDios a'ijc'a la'epa." Ocuena tipa'a lozufyacolhuo'. Iŋquiya aMoisés. Imanc' toŋcuayi: "Moisés aŋtoc'i'monga', aŋtalai'ecotonga'". Iya' cacua: Aimitoc'iyacolhuo'. Maŋque Moisés lozufyacolhuo'.

46 Imanc' toŋcuayi: "Lihuejcoyi licuapa Moisés". A'i molihuejcoyi Moisés. Ja'ni tolihuejcoyi Moisés jouc'a iya' lihuejco'ma. Ma' iya' aŋpalaicopa Moisés jiŋpe liniŋpa.

47 Imanc' aimolihuejcoyi liniŋpa Moisés. Toŋta'a, ¿te co'iya molihuejyacu laifmipolhuo'? Imanc' aimi'iya.

6

1 Jesús iquie'ma al cuecaj quin'nuhua'. Iŋe lin'nuhua' tipa'a oque' lipuftine, aGalilea jouc'a aTiberias.

2 Axpela' lan xanuc' ehuelojm'me axpe' al cueca' lo'epa Jesús, ehuelojm'me mixaŋ'menala' lafcualŋay. Iŋe nehuelojmpá toŋta'a tihuejnayi.

3 Jesús jouc'a ts'ilihuequi if'ajli'me lijuala, icutsolai'me jiŋpiya.

4 Tehue'e' oque' afane' quitine ti'i'ma lijuic lan xanuc' judío. Ihiya al juic cuftine al Pascua.

5 Jesús ehuelojm'ma, ixim'mola' ticuaico'me axpela' lan xanuc'. Timi Felipe:

—¿Pe cal'na'eyacu axpe' la'i titele ihniya?

6 Jesús joupá ixina' lo'eya. Icuís'e'ma Felipe titalai'etá' itque, timujxoxi te ts'i'ic' lipicuejma'.

7 Felipe italai'e'ma, timi:

—Ja'ni at'natsa axpe' la'i lipitali lolijya no'eya canic' oquej maxnu quitine, ni tofta'a aimi'ommaicoyacola', ni aimatec'oyacu anuli anuli ihniya.

8 Locuena ts'ihuequi ipalaic'o'ma Jesús. Itque Andrés, lipima Simón Pedro, timi:

9 —Toxinla', jifa'a tipa'a anuli lamijcano, itaic' amaque' la'í lilajncopa acébada, jouc'a oquexi' laicatuye. ¿Ja'ni ite litaic' ti'ommaico'mola'? A'i. Aimi'iya. Timana' axpela'.

10 Jesús timila' ts'ilihuequi:

—Tofcuxe'etsola' lan xanuc' ticutsołaitē lamats'.

Jilpiya tipa'a axpe' cal pajac. Lan xanuc' icutsołai'me. Tilmána' to amaquej mil lan xanuc', jouc'a timana' lacał'no', la'uhuay.

11 Jesús epef'ma la'i, ix'najtsi'i'ma LanDios, epi'i'mola' nocutshuolanna jilpiya. Ma tofta'a i'e'ma jouc'a latuye. Aiquixpij'ma ite lotejacu.

12 Lan xanuc' itetso'me ixhuaitsołai'. Jesús timila' ts'ilihuequi:

—Tolafot'lele lan hualcay lipanecomma, aimica'nico'ma.

13 Ts'ilihuequi Jesús efot'lena'me lan hualcay ca'i lilajncopa acébada lipanecomma, imane'me imbamaj coque' lan tsiquihuit'ł.

14 Lan xanuc' ixim'me acueca' lipepaxi Jesús, acueca' li'epa, ticuayi:

—Itca'a cal xans aprofeta. Itca'a ma' itque Lommeya LanDios, joupá icuai'ma.

15 Ipic'a ti'nohe Jesús, ti'e'e'me quitrey. Jesús ixina' tofta'a lo'eyacu lan xanuc', enaj'moxi, i'hua'ma quituca' hijualay.

16 Lummuhujma' ts'ilihuequi Jesús imulna'me, icuai'me al cuecaj quin'nuhua'.

17 Itsuflai'me al barco, ipango'me uyalaico'me laja'. Ticuaitsa locuena quiju' lin'nuhua' jilpe liya' Capernaum. Imufaj'mola'. Ts'ilihuequi imanenca quituca'. Jesús ailopa'a.

18 Juaiconapa ti'hua lahua'. Ihiya laja' tiyuf'comma acueca'.

19 I'hua'a'me al barco. Tixhuaispa to amaque' o acamts'us kilómetro li'hua'apa, ts'ilihuequi Jesús ixim'me itque icuaico'ma, ti'hua ti'huaf'que laja', tixpailiquila'.

20 Jesús timila':

—Aimixpailij'molhuo'. Ma' iya'.

21 Licuej'me tofta'a linespa Jesús tixoqui quileta tepenuf'me tif'ajla' al barco. Aiquicołi, icuainatsa lamats' pe lotsepa.

22 Lihuequi litine timana' lan xanuc' lefot'lepołtsi tecaxolanna liju' al cuecaj quin'nuhua'. Itne ticuayi: “¿Te qui'ipa? Tsumjma tipa'a le'a anuli al barco. Ihiya al barco i'hua'a'me ts'ilihuequi Jesús, ihniya quituca'. Itsiya, ¿pe copa'a Jesús?”

23 Ixim'me icuai'me lam barco quiyouyumma liya' Tiberias, timanemma huejnca jilpe lamats' petsi lan xanuc' itepá la'i lepi'ipola' Jesús lijoupa lix'najtsi'ipa LanDios.

24 Lijoupa li'ipa quilšina' ailopa'a Jesús, ailomana' ts'ilihuequi, itne lan xanuc' if'ajli'me lam barco, iye'me Capernaum, tehueta Jesús.

25 Icuaitsa locuenaj liju' lin'nuhua' ixinna'me Jesús, timiyi:

—Momxi, ¿tej hora locuai'ma fa'a?

²⁶ Jesús timila':

—Iya' camilhuo' al linca: Tama lašimpa ma ca'ay al cueca', aimuc'ipolhuo' laipepaxi, imanc' aicołcueca. Joupa ottepá la'i, inajncotolhuo', tołta'a lahuay.

²⁷ Tonlipa'acoyi lołpujfxi tonlulijcołe lołtejacu, iłe lołmingscoya. Iya' camilhuo': Tonlipa'acole lołpujfxi, tonlulijcołe lołcuena catetsoya, iłe aimimingscoya, ti'hua ticoli, tepi'i'mola' lan xanuc' liłpitine aimijouya, tites'mi'ma iłe liłpitine. Iłque cal tejua' iya' nipajnya capi'i'mola' lan xanuc'. Iya' iłque cal Xans Liximpa cal profeta pu'hua lema'a. LanDios cai'Ailli' joupa lacuej'micopa, lapi'ipa laimane ca'ela' tołta'a.

²⁸ Lan xanuc' timiyi:

—Ja'ni ał'e'me latenłcocoya LanDios, ¿te cal'eyacu?

²⁹ Italai'e'e'mola' timila':

—Imanc' toł'huaiyijnle iłque lummepe LanDios. Ja'ni tonł'e'me tołta'a ma tonł'eyi latenłcocopa LanDios.

³⁰ Timiyi:

—To'ela' al cueca', tijoułta' ał'huaiyijm'mo'. Ne'. Itsiya ałmuc'itsonga' tołta'a loł'eya.

³¹ Lałtatahueló mimana' petsi ailopa'a quiłya' iximpá al cueca' li'ipa. Iłniya ite'me iłe cuftine “al maná”. Tołta'a loya'apa al Paxi Linilingiya, ticua: “Iłque epi'i'mola' la'i qui'huayomma lema'a titełe”.

³² Jesús timila':

—Iya' camilhuo' al linca: La'i qui'huayomma lema'a aiquepi'ilhuo' Moisés. Ma cai'Ailli' nicupa la'i qui'huayomma lema'a. Iłque linca la'i.

³³ La'i qui'huayomma lema'a iłque le'i LanDios. Fa'a li'a lamats', ni petsi lomana' lan xanuc' iłque la'i tepi'i'mola' liłpitine aimijouya.

³⁴ Lan xanuc' timiyi:

—Mał'ailli', itsiya lapi'itsonga' iłque la'i, ti'hua lapi'i'monga'.

³⁵ Timila':

—Iya' ma Na'i. Naitsi lałapenufpa tulijta lipitine aimijouya. Naitsi lał'huaiyijmpa aimi'hua micui quija'.

³⁶ 'Iya' joupa nu'ipolhuo' te ts'i'ic' loł'ejma'. Tama joupa ałsimpa, aimał'huaiyinge.

³⁷ Timana' laixanuc', iłniya lalapi'ipa cai'Ailli'. Iłne linca ałejmale'me. Iłniya lałejmalepá ałmajm'me anuli, aicatets'iyacola'.

³⁸ 'Iya' nimuyomma lema'a aicuaicoco'ma fa'a li'a lamats' ca'ela' liłpic'epa LanDios, iłque Lałummepa. A'i caxpic'e caituca' laif'eya.

³⁹ Iłque Lałummepa lapi'inapa laixanuc'. Małque LanDios joupa iłpic'epa iya' ca'etsola' cuenna, jahuay iłniya. Ni anuli mejac'ya. Ticuaiyunni Lijoujma Quitine iya' camaf'i'ina'mola'.

⁴⁰ Tołta'a liłpic'epa cai'Ailli'. Iłpic'epa te ts'i'ic' loyaicoya cal xans lałimetsaicopa iya' i'Hua LanDios. Iłque cal xans lał'huaiyijmpa tulij'ma al ts'e lipitine aimijouya. Ticuaiyunni Lijoujma Quitine iya' camaf'i'ina'ma.

⁴¹ Lan xanuc' judío aiquicuaicocotsi quiłpic'a iłe linespa Jesús licuapa: “Iya' Na'i nimuyomma lema'a”.

⁴² Tinesyi:

—Iłque cal xans Jesús i'hua José, o ¿ja'ni ocuena? Limetsaicola' illanc' qui'ailli', qui'máma'. ¿Te całmicoponga', ticua: “Iya' nimuyomma lema'a”?

⁴³ Jesús italai'e'mola', timila':

—Imanc' ¿te colixtulecomma? ¿Te colpalaicopa tołta'a?

⁴⁴ Cai'Ailli' jilque Ëalummepa, ja'ni tijoc'itá' anuli cal xans, itque titoc'huainahuo pe laifpa'a, afejmalena'me. Ticuaitsi Lijoujma Quitine camaf'i'ina'ma. Ja'ni cai'Ailli' aimijoc'i aimi'iyá mifoc'huaiya.

⁴⁵ Lam profeta ninipá tuya'ayi: “ËanDios timuc'ina'mola' jahuay ihniya”. Al linca ita'a lataiqui'. Lan xanuc' noquimf'epá locuapa cai'Ailli', itne tihuic'iyi lomuc'ipola', ihniya linca titoc'otainacu pe laifpa'a, afejmalena'me.

⁴⁶ 'Nij naitsi niximpa cai'Ailli'. Ma' iya' cai'huayomma ËanDios. Iya' linca aiximpa cai'Ailli'.

⁴⁷ Iya' camilhuo' ma' al linca: Cal xans ita'huaiyijmpa joupa ulijpa al ts'e lipitine aimijouya.

⁴⁸ 'Ma' iya' Na'i. Naitsi italapenufpa tulijta lipitine aimijouya.

⁴⁹ Imanc' lohtatahueló mimana' pe ailopa'a quilya', tama itepá ita'i cuftine “al maná”, ihniya imanapola'.

⁵⁰ Jifa'a tipa'a ituca' ca'i. Itque imuyomma lema'a. Ja'ni lan xanuc' titefe aimimayacola' nulemma.

⁵¹ Ita'i itepa lohtatahueló, itque ita'i a'i quimaf'i'. Iya' aimaf'i', iya' Na'i nimuyomma lema'a. Iya' cacu'moxi laicuerpo. Tohta'a lan xanuc' ni petsi nomajnyacu li'a lamats', ja'ni lapenufla' aimimayacola' nulemma, aimijouya lipitine. Itca'a laicuerpo linca ita'i.

⁵² Lan xanuc' judío ipango'me ifuli'i'moitsi cataiqui'. Timiyotitsi:

—Itque cal xans, ¿te co'iyá micuya licuerpo? ¿Maliya licuerpo ite'me?

⁵³ Jesús timila':

—Iya' camilhuo' al linca: Ja'ni imanc' aimoiteji laicuerpo, ja'ni aimoitsnaya laijuats', ailopa'a colpitine. Iya' itque cal Xans Liximpa cal profeta pu'hua lema'a.

⁵⁴ Naitsi notepa laicuerpo, noxnapa laijuats', itque linca tipa'a lipitine aimijouya. Ticuaiyunni Lijoujma Quitine iya' camaf'i'ina'ma.

⁵⁵ Laicuerpo linca atepua', laijuats' linca loxnayacu lan xanuc'.

⁵⁶ Naitsi notepa laicuerpo, noxnapa laijuats', ma lapenufi iya', iya' capenufi itquiya.

⁵⁷ 'Iya' ca'huaiyinge itque Ëalummepa, maítque cai'Ailli' ËanDios Limaf'i'. Tohta'a aimijouya laipitine. Ma' anuli aimijouya lipitine cal xans itatpa iya', itque ita'huaiyijmpa.

⁵⁸ Capalajjma ita'i imuyomma lema'a, ca'onhicojma laicuerpo. Ita'i ite'me lohtatahueló aimi'onhspa laicuerpo, ituca' ca'i. Tama ihniya itepá ite hile'i, imanapola'. Naitsi itatpa iya' laicuerpo, itca'a ita'i, itque tepenufi al ts'e lipitine aimijouya.

⁵⁹ Tohta'a licuapa Jesús mipa'a itiya' Capernaum, mimuc'iyale jilpe lajut'it pe lafoiyomma lan xanuc'.

⁶⁰ Ite lines'ma Jesús aiquetenitocola' axpela' ts'ilihuequi. Liquimf'e'me ihniya ticuayi:

—Ipime itiya lataiqui'. ¿Naitsi nocuejya? Illanc' aimi'iyá malapenufyacu.

⁶¹ Jesús ixina' ihniya ts'ilihuequi aiquetenitocola' linespa. Timila':

—Ja'ni imanc' aiquetenitocolhuo' ite lainespa,

⁶² ¿te colcuayacu ja'ni itainta' caf'aquinghua, cacuaita pu'hua, petsi lai'huayomma? Iya' itque cal Xans Liximpa cal profeta pu'hua lema'a.

⁶³ Laipalaic'opolhuo' a'i canescojma laipixic'. Lixic' ailopa'a co'eya. Al cuerpo ticuicomma it'espíritu. Itaitaqui' tit'onhospa to cal espíritu. Ja'ni tolapenuf'me ihniya itaitaqui', tolulij'me loipitine aimijouya.

⁶⁴ Linca hualca imanc' aimait'huaiyinge.

Jesús tixinnila' naitsi ihniya aimi'huaiyijnyi. Jouc'a imetsaijma naitsi itque cal xans locuya. Tofta'a ixina' al te'a.

⁶⁵ Timila' ts'ilihuequi:

—A'i jahuay imanc' ma'huaiyinge. Iya' joupá aimipolhuo': Ja'ni cai'Ailli' a'i mijoc'i anuli cal xans, itque aimi'iyá mihoc'huaiya pe laifpa'a.

⁶⁶ Ts'ilihuequi licuej'me ite licuapa Jesús, axpela' ihniya ipailinanca. Aiquil-ihuejcong Hua.

⁶⁷ Jesús timila' limbamaj coquexi' ts'ilihuequi:

—Imanc', ¿te conf'eyacu? ¿Jouc'a imanc' atpo'no'ma caituca'?

⁶⁸ Simón Pedro italai'e'ma, timi:

—Mai'ailli', ¿pe cahtseyacu? Ocuena comxi to ima' ailopa'a. Ailopa'a co'onhiyaco'. Ima' ma'palaic'onga' lapenufyi la'pitine aimijouya.

⁶⁹ Illanc' joupá a'huaiyijmpo'. Joupá i'ipa ca'sina', ima' unCristo, ima' i'Hua LanDios Limafi.

⁷⁰ Jesús timila':

—Unc'imbamaj coquexi' linca ai'huij'epolhuo'. Tipa'a anuli imanc' onta'a.

⁷¹ Jesús ipalaicopa Judas, h'hua Simón Iscariote. Itque anuli ihniya limbamaj coquexi' ts'ilihuequi Jesús, ticuna'ma.

7

¹ Jesús ipanenni jilpiya al distrito Galilea. Aimicua mi'huaya al distrito Judea. Joupá icuejpa lixp'ic'epa lan judío nomana' jilpiya. Ihniya tehueyi te co'iyá mima'ayacu.

² Tehue'e' oque' afane' quitine ti'i'ma li'juic lan xanuc' judío. Mi'i'ma ite li'juic lan xanuc' tilanc'eyi li'punxahualqui, timajm'me jilpe.

³ Lipimaye Jesús timiyi:

—Taipanni, to'huata' al distrito Judea petsi lo'iyoya al juic. Pu'hua to'etsi al cueca'. Tofta'a tixinno' lof'eya ihniya ts'ihuejhuo' nomana' jilpiya.

⁴ Anuli cal xans, ja'ni ipic'a timetsaicote lan xanuc', itque ti'e'ma al cueca' petsi lahuetsaleyompa, aimemiyacoxi. Ima', ¿te cofpanecoya fa'a petsi lan xanuc' aimixinyaco', aimehuelojnyaco' lof'epa al cueca'? Tomujtoxi jipu'hua pe lomana' axpela' lan xanuc'.

⁵ Tofta'a lonespa lipimaye Jesús, aimi'huaiyijnyi.

⁶ Jesús timila':

—Itsiya aica'eya to lahmipa. Aimi'iyá. Iya' aiquicuaiya lai'hora. Imanc' linca jahuay hitiné ti'i'ma tonl'e'me ma coltuca' lo'xp'ic'eyacu.

⁷ Loft'as xanuc' nomana' fa'a li'a lamats' aimi'iyá mi'eyacolhuo' laic'. Iya' linca a'le'e' laic'. Aiquilpic'a laifnu'ipola', camila': “Tonl'eyi lixcay”.

⁸ Imanc', ne', toft'ajlite al juic. Itsiya aica'huaya. Capanehuo. Aiquicuaiya lai'hora.

⁹ Lijoupa linespa tofta'a Jesús ipanenni Galilea.

¹⁰ Lipimaye iye'me al juic lo'iyá Jerusalén. Lijou'ma Jesús i'hua'ma quituca' Jerusalén. Aicuya'e'.

¹¹ Jilpiya al juic lan xanuc' judío ehue'me Jesús. Icuise'moltsi:

—Itque cal xans, ¿pe copa'a?

¹² Lan xanuc' nomana' jilpe al juic ixoulo'itai'me. Timana' nonespá ticuayi: “Itque ac'a xans”. Locuenaye ticuayi: “A'ijc'a xans. Ma tifel'miyale.”

¹³ Le'a tixoulo'itaiyi. Aiminesyi ujfxi. Tixpaic'ennila' ts'ilpenic' judío.

¹⁴ Li'ipa nolojmay juic Jesús if'aj'ma al cuecaj xoute'. Jilpe ipango'ma imuc'i'mola' lan xanuc'.

¹⁵ Licuej'me lan xanuc' judío ticuayi:

—¡Xinla! Itque cal xans aiqumuxejma. ¿Petsi quihuic'iyohuo'ma ite litaiqui' lomuc'iyalepa?

¹⁶ Jesús italai'e'mola', timila':

—Laifmuc'ipolhuo' a'i caituca' laipicuejma'. Ite lalupa LanDios, itque Lalummepa, maite laifmuc'ipolhuo'.

¹⁷ Cal xans nixpic'epa ti'eta' latencocopa LanDios, itque cal xans timet-saico'ma laifmuc'ipolhuo'. Itque ti'i'ma quixina' ja'ni LanDios amuc'i o ja'ni quipa'e iya' caituca' laipicuejma'.

¹⁸ Cal xans nahuepa te co'iya mimetsaiconyacu ja'ni ac'a xans, itque timuc'iyale'ma ma le'a lonespa quituca' lipicuejma'. Ai tohta'a li'ejma' cal xans loya'apa al linca, ahjca lipicuejma'. Itque aimehuay latencocoyacola' lan xanuc'. Tehuay te co'iya mimetsaicoyacu ac'a itque lummpa. Tohta'a lai'ejma' iya'.

¹⁹ 'Litaiqui' Moisés tu'ilhuo' locuxe'epolhuo' LanDios. Toicuayi: “Linca Moisés lapi'iponga' illanc' litaiqui' LanDios. Ma ite litaiqui' laicuxeponga'.” Ma molnesyi tohta'a imanc' aimolanant'hiyi locuxe'epolhuo' LanDios. Imanc' ailopa'a colanant'lipa. Itsiya, ¿te colahuecopa te co'iya ma'ama'aya?

²⁰ Lan xanuc' judío lefot'lepołtsi jilpiya timiyi:

—¿Naitsi noma'ayaco'? Ima' itsufaipo' conta'a. Ailopa'a noma'ayaco'.

²¹ Jesús italai'e'mola', timila':

—Le'a anuli cal xans aixal'menapa litine conxajya, imanc' ołsuełcopá, toicuayi: “¡Xinla! ¡Jesús ti'ay canic' litine conxajya!”

²² Imanc' toicuayi: “Moisés alcuxe'eponga' al'ele circuncidar lahnaxque' camijcanó. Tama ti'ila' litine conxajya tohta'a al'e'me.” Linca Moisés a'i itque copa'a cal te'a nicuxepa tohta'a. Ai'a tipajnta Moisés tohta'a lo'epa lan tatahueló.

²³ Imanc' tixoquei cunlata ton'eyi circuncidar lohnaxque', tama ti'ila' litine conxajya. Toicuayi: “Ma' al'eyi laicuxe'eponga' Moisés”. Imanc' tetencocolhuo' tetec'enle lipixic' lamijcano. Tołsinyi ilajmpa al c'a laqueca. Itsiya camilhuo': ¿Te calixtuc'ocopa imanc' iya' lai'epa litine conxajya? Aixal'menapa anuli cal xans. Ac'a ilajn-napa jahuary licuerpo.

²⁴ Imanc' aicolcueda, ma le'a toicuayi. Ate'a tołspic'ete lołnesyacu, tijoula' tołpalaite al linca.

²⁵⁻²⁶ Lan xanuc' lun Jerusalén ixim'me Jesús timuc'iyale. Ticuayi:

—¡Xinla! Ticuanni: “Alma'a'me itque Jesús”. Itsiya małque timuc'iyale. Jahuary tehuelojnyi, ailopa'a co'empa. ¿Te cocuapa lan tsila' quitpenic'? ¿Te ticuayi małque Jesús copa'a cal Cristo?

²⁷ Illanc' alcuyi: Ai itque cal Cristo. Alsina' lipi'ya' li'huayomma. Ticuayunni cal Cristo aimi'ya calsina' tohta'a.

²⁸ Jesús mimuc'iyale jilpe al cuecaj xoute', tipalay ujfxi, tiquimf'ete jahuary, timila':

—Imanc' toicuayi: “Limetsaicoyi Jesús”. Toicuayi: “Alsina' lipi'ya' li'huayomma”. Ai. Aicolłsina' pe cai'huayomma. Iya' a'i caituca' caixpic'e cacuaihuo fa'a li'a lamats'. Tipa'a Lalummepa. Itque aimifellaique. Imanc' aicolimetsaijma.

²⁹ Iya' linca nimetsaijma. Iya' małque cai'huayomma. Itque alummepa.

³⁰ Lan judío ixtulencia licuapa Jesús. Ehue'me te co'iya mi'nołyacu. Aiquil'noti. Aiquicuaiya li'hora, aimi'ya mima'ayacu.

³¹ Axpela' lan xanuc' i'huaiyijm'me Jesús. Tinesyi:

—Ticuayunni cal Cristo, ¿ja'ni xonca lo'eya? Acueca' lo'epa Jesús.

³² Lam fariseo iquimf'e'me ihniya lan xanuc' mixoulolaiyi, tipalaicoyi Jesús. Lixanuc' cal cuecaj ca'ailli' jouc'a ihniya lam fariseo umme'me lapaluc' xoute' tiyele, ti'noitsa Jesús.

³³ Jesús ti'hua timuc'iyale, timila' lan xanuc':

—Ahuata capajncona'ma jifa'a pe lołmana'. Tijoula' ca'huana'ma pe lopa'a Lalummepa.

³⁴ Imanc' lahue'ma, aimalsingonaya. Pe laifpa'a imanc' aimi'iyaya mołcuaiyacu jilpiya.

³⁵ Lan judío tipalaic'oyołtsi, tinesyi:

—Ja'ni aimalsingonayacu ilque cal xans, ¿pe cotseya? ¿Te ti'hua'ma hlemats' lan xanuc' griego pe lomana' lałpimaye? ¿Te timuc'itola' jilne lan xanuc' griego?

³⁶ Jilque Jesús alminga': "Imanc' lahue'ma, aimalsingonaya. Pe laifpa'a jilpiya imanc' aimi'iyaya mołcuaiyacu." ¿Te cohualquemma ihniya? ¿Te conescopa ilquiya? Aicalcueca.

³⁷⁻³⁸ Icuai'ma lijoujma quitine al juic. Ihiya litine xonca al cueca'. Ecax'ma Jesús. Tipalay ujfxi, tiquimf'ele jahuay, timila':

—Cal xans laicuipa quija' tiloc'huaiyunni pe laifpa'a. Tixnala' ita'a laja' laifcupa. Ilque lał'huaiyjmpa.

'To muya'e' al Paxi Linilingiya tołta'a ti'i'ma. Tuya'e': "Jilpe lunxajma' tipahuo axpe' caja'. Ihiya laja' ti'hua tipahuo. Aimixnajya."

³⁹ Lines'ma tołta'a Jesús ipalaico'ma cal Espíritu Santo, ilque lapenufyacu ihniya no'huaiyjmpá Jesús. Mipa'a Jesús li'a lamats' aicummaic' ilque cal Espíritu Santo. Ticuainatsi lema'a tumme'etola'.

⁴⁰ Liquimf'epá ihniya licuapa Jesús timana' nonespá:

—Linca LanDios alumme'eponga' liprofeta, małque Jesús.

⁴¹ Timana' nonespá:

—Jilque linca cal Cristo.

Locuenaye tinesyi:

—Cal Cristo aimi'huayoya Galilea.

⁴² Tuya'e' al Paxi Linilingiya: "Cal rey David itatahuelo cal Cristo". Jouc'a tuya'e': "Cal Cristo co'huayoya liłya' Belén. Małpe lipiłya' cal rey David."

⁴³ Tołta'a ihniya lan xanuc' aqui'ic' anuli lipicuejma'. Timana' nocuapá: "Małque cal Cristo".

⁴⁴ Timana nocuapá: "Al'nołta". Ailopa'a no'nołya.

⁴⁵ Lepaluc' al cuecaj xoute' ipailinamma. Icuaitsa pe lomana' lixanuc' cal cuecaj ca'ailli' jouc'a lam fariseo. Ihniya icuis'e'me, timinnila' lilepaluc':

—¿Te qui'ipolhuo'? Aicolihuaic' cal xans.

⁴⁶ Italai'e'me:

—Illanc' alcuayi ac'a tipalay ilque. Ocuena aimipalay to ilque lopalaipa.

⁴⁷ Lan fariseo italai'e'me:

—¿Te ifel'mipolhuo' imanc' jouc'a?

⁴⁸ ¿Te ti'huaiyinge anuli nalcuxeponga'? O anuli lał'as fariseo, ¿te ti'huaiyinge? A'i. Le'a lan xanuc' aquiłmuxejma, ma' ihniya ti'huaiyjnyi.

⁴⁹ Ihe ni aquiłsina' lataiqui' locuxepa LanDios. Joupa ecanipola'.

⁵⁰ Jilpiya tipa'a anuli hıł'as fariseo cuftine Nicodemo. Małque Nicodemo i'huahuo'ma anuli lipuqui', ipalaic'otsi Jesús. Itsiya timila':

⁵¹ —Litaiqui' LanDios lałcuxe'eponga', lu'inga': "Anuli cal xans titalai'e'ecotsi. Tołquimf'ele locuaya. Ja'ni aicolquimf'e aimi'iyaya molacani'eyacu."

⁵² Timiyi Nicodemo:

—¿Te ima' unGalilea jouc'a? Toxhuela' xonca al Paxi Linilingiya. Jilpe toxim'ma ailopa'a profeta co'huayoya Galilea.

⁵³ Jahuay iyena'me hilejut'li.

8

¹ Jesús i'hua'ma hjuala cuftine Lijuala Olivo.

² Li'ipa quitine ipaiconanni, i'huacona'ma al cuecaj xoute'. Jilpiya jahuay lan xanuc' tefot'leyoltsi. Jesús icutshuai'ma timuc'iyale'ma.

³ Mimuc'iyale Jesús icuaita jilpiya lomxiye nomuc'iyalepá locuxepa LanDios jouc'a lam fariseo. Ihejma anuli laca'no'. Iximpá laca'no' tunahuolanna cal xans, itque a'i quipe'ailli'. Ecaxu'me laca'no' nolojmay lan xanuc' noquimf'epá mimuc'iyale Jesús.

⁴ Timiyi Jesús:

—Momxi, joupa alsimpola' tunahuolanna. Cal xans a'i quipe'ailli'.

⁵ Litaiqui' Moisés, ile loya'apa locuxepa LanDios, male lataiqui' alcuxe'enga' alma'acotsola' apic laca'no' no'epá tolt'a. Ima', ¿te cofcuaya? ¿Te cal'e'eyacu itca'a laca'no'?

⁶ Ihe tehuaiyi Jesús. Ipic'a tinesla': "Aimont'e'me ile locuxepa Moisés". Tijoula' ticuxeco'me.

Jesús ic'omai'ma. Inilco'ma lidedo lamats'.

⁷ Ihiya ihui'i'me, icuis'mot'le'me. Jesús ecaxna'ma hijca, timila':

—Anuli imanc' ja'ni ailopa'a quijunac', ne', ate'a teca'nila' lapic.

⁸ Lijou'ma ic'omaicona'ma, inilcona'ma lamats'.

⁹ Lan xanuc', ilne ts'ihhejma laca'no', imetsaico'moltsi jouc'a itaic' lijunac'. Anuli anuli iyena'me. Ate'a i'huana'ma xonca hitojpa xans, lijou'ma ipalnanca anuli anuli, ijouco'ma ts'atesca quemats'. Jesús laca'no' imanenca quiltuca'. Laca'no' ti'hua tecaxu jilpiya.

¹⁰ Jesús ecaxcona'ma hijca, ehuelojm'ma laca'no' tecaxu quituca'. Timi:

—Maca'no', ¿te qui'ipola' ilne lan xanuc'? Joupa iyenapá. ¿Nij naitsi nitac'ui'po' cajunac'? ¿Nij naitsi nicufpo' tima'antso'?

¹¹ Ique timi:

—Mai'ailli', nij naitsi.

Jesús timi:

—Iya' jouc'a aicatac'uiyaco' cajunac'. Iya' aicacua: Tima'antso'. To'huanla'. Aimo'eonna quixcay.

¹² Jesús imuc'icona'mola' lan xanuc', timila':

—Fa'a li'a lamats' iya' Nepalco'. Capalc'o'ila' ihniya nalihuejpa, ilne tipa'a lilitine aimijouya. Ihniya liliticuejma' aimi'iconaya muf, ticuec'e'me, ti'e'me al c'a.

¹³ Lam fariseo timiyi:

—Ima' tonescoyoxi cotuca'. A'ij linca lofnespa.

¹⁴ Timila':

—Tama canescoyoxi ma canesqui al linca. Iya' aixina' pe lai'huayomma, aixina' pe laiftseya. Imanc' aicolsina' pe lai'huayomma, aicolsina' pe laiftseya.

¹⁵ Imanc' ma coltuca' toltac'uila' lajunac' loh'as xanuc', tolpic'eyi ja'ni ac'a ja'ni a'ijc'a lo'epa. Iya' aicatac'uila' cajunac'.

¹⁶ Ja'ni catac'uila' lajunac' ma ahijca ile laif'eya. Iya' a'i caituca' caxpic'e. Illanc' ma' anuli alpic'eyi iya' cai'Ailli', itque Lalummepa.

¹⁷ 'Litaiqui' LanDios locuxepa ticua: "Oquexi' lan xanuc', ja'ni ma' anuli lonespa, ne', tapenufla' ile locuapa".

¹⁸ Iya' canescoyoxi. Jouc'a cai'Ailli' itque Lalummepa, ma' anuli ahesma.

¹⁹ Timiyi:

—¿Pe copa'a co'ailli'?

Timila':

—Imanc' aicalimetsaijma naitsi iya'. Jouc'a aicolimetsaijma cai'Ailli'. Ja'ni limetsaijma iya', jouc'a cai'Ailli' tolimetsaico'me.

²⁰ To'hiya licuapa Jesús mipa'a al cuecaj xoute', mimuc'iyale. Ticutsuya liju' al caxax pe latoj'mimpá al tomí. Nij naitsi ni'no'pa Jesús. Aiquicuaiya li'hora.

²¹ U'icona'mola', timila':

—Ca'huana'ma. Imanc' lahue'ma. Timaco'molhuo' co'taic' lo'junac'. Iya' caituca' ca'hua'ma, aimi'iya ma'eyacu anuli.

²² Lan xanuc' judío ticuayi:

—¿Te conescopa: “Iya' caituca' ca'hua'ma, aimi'iya ma'eyacu anuli”? ¿Ja'ni tima'a'moxi?

²³ Jesús ti'hua tipalaic'ola', timila':

—Iya' cai'huayomma al toncay. Imanc' con'ouyomma al 'ocay. Lo'pitine, fa'a li'a lamats' ipangoyopa. Iya' a'i.

²⁴ Joupa aimipolhuo': Timaco'molhuo' co'taic' lo'junac'. Joupa aimipolhuo' naitsi iya'. Aimolapenufi i'e laifnescopoxi. Ma' aimolapenufi i'e laifpalaicopoxi, o'taic' lo'junac', to'ta'a timaco'molhuo'.

²⁵ Icu'is'e'me, timiyi:

—¿Naitsi ima'?

Jesús timila':

—Joupa aimipolhuo'. Joupa o'sina'.

²⁶ Tipa'a axpe' laifpalaicoyacolhuo' imanc'. Aiximpolhuo' a'ijc'a lon't'epa. Cai'Ailli', i'que Lalumme'pa, aimif'el'ique, tinesqui mane al linca. I'e lal'u'ipa iya' cu'iyale fa'a li'a lamats'.

²⁷ I'niya aiqui'cueca Jesús lipalaicopa LanDios qui'Ailli'.

²⁸ Jesús timila':

—Iya' i'que cal Xans Liximpa cal profeta pu'hua lema'a. Tijoula' al'nof'enala' imanc' limetsaico'ma naitsi iya'. Limetsaico'ma ma to joupa ainescopoxi iya'. Ti'i'ma co'sina' te ts'i'ic' laipicuejma'. Iya' caituca' aicaxpic'e laif'eya. Ji'e la'muc'ipa cai'Ailli', ma'e cu'ilhuo'.

²⁹ Alejmale anuli iya' y Lalumme'pa. Iya' ti'hua ca'ay laten'cocopa i'que. To'ta'a aical'po'nohuo caituca'.

³⁰ Miquimf'eyi lan judío, axpela' i'niya ticuayi:

—Al linca locuapa i'que. ¡Lihuej'me!

³¹ Jesús ipalaic'o'mola' i'ne lan xanuc' judío no'huaiyijmpá, timila':

—Ja'ni laitaiqui' tipanenni lo'picuejma' imanc' lihuejna'ma al c'a.

³² To'sim'me al linca laitaiqui', to'lihuejco'me. To'ta'a imanc' co'tuca' to'cuxe'mo'tsi al c'a.

³³ I'niya timiyi:

—Illanc' inaxque' la'tatahuelo Abraham. Aimi'iya ma'cuxeyaconga'. Ailopa'a cal'poujna. Ima', ¿te cal'micoponga': “Imanc' co'tuca' to'cuxe'mo'tsi al c'a”?

³⁴ Jesús italai'e'mola':

—Iya' camilhuo' al linca: Cal xans ja'ni ix'cay lo'epa i'e lixcay ticuxe. I'que cal xans ti'on'cospa to cal mozo.

³⁵ Cal mozo aimipaneya lejut'i' lipoujna. Li'hua lapoujna, i'que linca tipanehuo.

³⁶ 'Iya' i'Hua LanDios, ja'ni iya' cuhua'natsolhuo' imanc' linca to'cuxena'mo'tsi al c'a nulemma.

³⁷ Imanc' to'cuayi: “Illanc' inaxque' la'tatahuelo Abraham”. Ma' aixina' to'ta'a. Itsiya tama imanc' inaxque' Abraham to'lahueyi te co'iya ma'ma'aya. Aimalapenufi iya' laitaiqui'.

³⁸ Iya' ma to la'muc'ipa cai'Ailli', to'ta'a cu'ilhuo'. Cu'ilhuo' ma laiximpa pu'hua pe lopa'a cai'Ailli'. Imanc' ocuena co'ailli'. Ton't'eyi lomuc'ipolhuo' i'que.

39 Iñiya timiyi:

—Abraham ał'ailli'.

Jesús timila':

—Imanc' ja'ni inaxque' Abraham, tonł'e'me anuli to li'epa Abraham.

40 Ituca' loł'ejma' imanc'. Tołspic'eyi ałma'ala', iya' ninxans cu'ilhuo' ma le'a al linca, iłe lałmuc'ipa cai'Ailli'. Tołe a'i qui'aic' Abraham.

41 Lonł'epa imanc' ti'onłcospa to lo'epa col'ailli'.

Iñiya timiyi:

—Illanc' a'i ninc'ahuaic'la. LanDios ał'Ailli'.

42 Timila':

—Ja'ni LanDios ol'Ailli' imanc' ał'e'ma capic'a. Iya' cai'huayomma LanDios, aicuai'ma fa'a li'a łamats'. A'i iya' caxpic'e caituca' cacuaiyunni. Cai'Ailli' lummepe.

43 Imanc' aimi'iya małquimf'eya iya' laitaiqui', tołta'a aicolcueca iłe laif-palaic'opolhuo'.

44 Lonta'a ol'ailli'. Imanc' inaxque'. Iłque imanc' ma' anuli lołjanajpa. Lipangopa li'a łamats' iłque inma'ahuale, aiquepenufi al linca. Ma to micua lipicuejma' tipalay pangay mifel'miyale. Ate'a iłque ifel'miyalepa. Lijou'ma lan xanuc' tihuejyi li'ejma', jouc'a ti'hua tifel'miyaleyi.

45 'Iya' cu'ilhuo' al linca. Xonca ticuaispa colpic'a lafelłaiqueya cataiqui'. Aimalapenufi iya' laitaiqui'.

46 Imanc', łte anuli ti'i'ma ałtac'ui'ma cajunac'? A'i. Aimi'iya małmiya: "Ima' ałfel'minga". Ja'ni olłsina' camilhuo' al linca, łte aimalapenufi iya' laitaiqui'?

47 'Cal xans ja'ni i'hua CanDios, iłque tepenufi lonespa LanDios. Imanc' a'i quinaxque' LanDios, tołta'a aimi'iya molapenufyacu lonespa.

48 Lan judío timiyi:

—Illanc' joup ałnespá ima' unsamaritano. Itsufaipo' conta'a. Al linca iłe lałnescopo'.

49 Timila':

—Iya' a'i calłsufaic' conta'a. Iya' quihuejma cai'Ailli'. Imanc' latets'i'.

50 Iya', łte aga cahuay te co'iya małnescoya al c'a? A'i tołta'a lai'ejma'. Linca tipa'a anuli tehuay te co'iya malimetsaicoya lan xanuc'. Iłque ma cal Cuecay Juez.

51 'Iya' camilhuo' al linca: Cal xans nalihuejcopa iya' laitaiqui' iłque aimi-maya nulemma.

52 Lan judío timiyi:

—Itsiya linca ałsina' itsufaipo' conta'a. Joup a imanapa lałtatahuelo Abraham jouc'a imanapola' lam profeta. Ima' tonesqui: "Cal xans nalihuejcopa iya' laitaiqui', iłque aimimaya nulemma".

53 Linca joup a imanapa Abraham. Ima', łja'ni xonca uncueca'? Lam profeta imanapola' jouc'a. łNaitsi col'onłicopoxi?

54 Timila':

—Iya' ja'ni caituca' canescoyoxi nincueca', iłe laifnescopoxi ailopa'a co'eya. Cai'Ailli' ałnescojma al c'a. Małque cai'Ailli' imanc' tołpalaicoyi tołcuayi: "Iłque łalanDios".

55 Imanc' aicolimetsaijma. Iya' linca nimetsaijma. Aicacua aicainimetsaijma. Ja'ni canesla' tołta'a iya' ca'e'moxi acueca' ninfeloye, ca'onłico'moxi to imanc' unc'ifeloye. Iya' linca nimetsaijma, quihuejma litaiqui'.

56 Lołtatahuelo Abraham ijanajpa juaiconapa ałsintołtsi fa'a li'a łamats'. Joup a łsimpolłtsi, ixojma queta Abraham.

57 Lan xanuc' judío timiyi:

—Ima' aiqixhuaiya oquej nuxans quimbama' lomemats'. ¿Te qui'ipa lox-
impa Abraham?

⁵⁸ Jesús timila':

—Iya' camilhuo' al linca: Ai'a tipajnta Abraham, iya' capa'a.

⁵⁹ Lan judío ipef'me lopic'. Tipa'me capic, tima'a'me Jesús. Jesús temiyoxi.
Ipanni al cuecaj xoute'. Iñiya aiqixim'me pe quitsecopa.

9

¹ Jesús ti'hua lane, ixim'ma anuli cal fo'. Cal xans ma lipajnta afo'.

² Ts'ilihuequi Jesús icuis'e'me, timiyi:

—Momxi, ¿te qui'ipa lipajnta afo'? ¿Naitsi ilque ts'ijunac'? ¿Te mañque cal fo'
o qui'ailli', qui'máma'?

³ Jesús italai'e'mola', timila':

—Nij naitsi ts'ijunac', ni cal fo' ni qui'ailli' qui'máma'. Ipajnta afo' cal xans,
toñta'a LanDios timuc'i'mola' lan xanuc' al cueca' lipepaxi. Jiñpe licuerpo cal fo'
ti'i'ma al cueca'.

⁴ Micoñi litine a'e'me loxpica'epa LanDios, ilque Lalummepa. Tijouñta' timufc'ola'
aimi'ya mañeyacu lanic'.

⁵ Ma capa'a fa'a li'a lamats' iya' Nepalco'.

⁶ Lijoupa licuapa toñta'a Jesús, itsuñof'ipa lamats', ilanc'eco'ma litsulu'
laquixitsqui. Ilque lixitsqui imet'hi'ipa li'u' cal fo'.

⁷ Timi cal fo':

—To'huañta' jipu'hua lin'nuhua' cuftine Siloé. Iñpiya tapajtsi lo'u'.

Iñe lipuftine Siloé tuhuañquemma: Ummempa.

Cal fo' i'hua'ma, epajtsi li'u'. Lipainamma, tehuetsalenghua.

⁸ Nomana' lan huejnca jouc'a locuenaye xanuc', iñe li'ipa iximpá mixa'hue
quitomí, iñe tipalaic'oyoñtsi, ticuayi:

—¿Te mañca'a cal xans nocutshuaipa, noxa'huepa? ¿Te qui'ipa?

⁹ Hualca ticuayi:

—Mañca'a cal xans.

Locuenaye ticuayi:

—A'i. A'i ilque, ma le'a ti'onñcospa.

Cal xans timila':

—Ma' iya'.

¹⁰ Timiyi:

—¿Te qui'e'empo'? ¡Ma' ixañconapo' lo'u'!

¹¹ Timila':

—Cal xans cuftine Jesús, i'epa lixitsqui. Ilque lixitsqui añmet'hi'ipa lai'u'.
Alummepa lin'nuhua' Siloé. Añmipa: “Jiñpiya tapajtsi lo'u'”. Ai'hua'ma, nepajtsi
lai'u', itsiya exilinamma lai'u', cahuetsalenghua.

¹² Icuis'e'me, timiyi:

—¿Pe copa'a ilque cal xans?

Timila':

—Aicaixina'.

¹³ Ilque cal fo' joupa ixañconapa ileco'me petsi lomana' lan xanuc' fariseo.

¹⁴ Litine Jesús li'e'ma lixitsqui, lixañ'mena'ma li'u' cal fo', iñe litine conxajya.

¹⁵ Lam fariseo aiqusetenñcocola' iñe li'epa Jesús litine conxajya. Icuis'e'me cal
xans, timiyi:

—¿Te qui'ipo'? Itsiya tahuetsalenghua. ¿Te qui'e'empo' lo'u'?

Cal xans timila':

—Ilque añmet'hi'ipa lixitsqui lai'u', ai'hua'ma nepajtsi lai'u', itsiya cahuetsalenghua,
exilinamma lai'u'.

¹⁶ Hualca lam fariseo nomana' jiñnu'hua ines'me:

—ŁanDios a'i cummaic' iłque cal xans Jesús. Ihiya litine conxajya tetets'i, ti'ay canic'.

Locuenaye tinesyi:

—Ja'ni a'ijc'a xans, ¿te co'iya mi'eya tołta'a al cueca'?

Enaj'mołtsi onłca, aiqúi'i'ma anuli liłpicuejma'. Timana' pe aiqúetenłcocola' lo'epa Jesús, timana' locuenaye icuaitsi quiłpic'a lo'epa.

¹⁷ Icuis'econa'me cal xans lixałconapa li'u'. Timiyi:

—Iłque lixał'menapo' lo'u', ima', ¿te cofnesya iłque?

Cal xans timila':

—Iya' cacua aprofeta.

¹⁸ Lan xanuc' judío ticuayi:

—A'ij linca locuapa iłque cal xans lonespa: “Laipajnta ninfo”. Lipajnta ailopa'a quicuana, ac'a li'u', tołta'a tehuetsalenghua itsiya.

Ijoc'i'me ticuaiyunca qui'ailli' qui'máma' cal xans lixałconapa li'u'.

¹⁹ Icuis'em'mola', timila':

—¿Te ma' al linca iłque oł'hua? ¿Ma ipajnta afo'? Itsiya tehuetsale. ¿Te qui'ipa?

²⁰ Qui'ailli' qui'máma' italai'enca, timinnila':

—Ałsina' iłque ał'hua. Ałsina' ipajnta afo'.

²¹ Itsiya tehuetsalenghua. A'i calsina' te qui'ipa. Ni aicalsina' naitsi nixał'menapa li'u'. Iłque joupá itojpa. Titalai'ełá' iłque quituca'.

²² Tołta'a linespa qui'ailli' qui'máma' cal xans. Timiyoltsi: “¿Te cal'eyaconga' lan xanuc' judío?” Ihiya joupá inefopá, ixpic'epá, icuapá: “Cal xans, ja'ni tinesla': Jesús iłque aCristo, iłque cal xans lihuescuf'me petsi lalafot'leyopoltsi. Tijoułá' aimalapi'iconayacu lane mitsufaiconaya. Aimalmajnconayacu anuli.”

²³ Tołiya ticuayi: “Iłque joupá itojpa. Titalai'ełá' quituca'.”

²⁴ Lan xanuc' judío ijoc'icona'me cal xans lixałconapa li'u'. Timiyi:

—ŁanDios tiquimf'ehuo'. Lu'itsonga' al linca. Illanc' limetsajma cal xans Jesús. Ałsina' titay cajunac'.

²⁵ Timila':

—Iya' aicaixina' ja'ni titay cajunac'. Aixina' iya' li'ipa ninfo', itsiya cahuet-salenghua. Ihiya linca aixina'.

²⁶ Iłne icuis'e'me, timiyi:

—¿Te qui'e'epo'? ¿Te qui'ipa lixał'menapo' lo'u'?

²⁷ Cal xans italai'e'mola', timila':

—Joupá nu'ipolhuo', aicołcueca. ¿Te ts'ołpic'a cu'itsolhuo'? ¿Te aga imanc' ołpic'a tunlihuej'me?

²⁸ Ixtulencia. Imilojpá cataiqui'. Timiyi:

—Ima' linca mihuequi iłque cal xans Jesús. Illanc' a'i. Illanc' lihuejyi Moisés.

²⁹ Ałsina' ŁanDios ipalaic'opa Moisés. Iłque cal xans Jesús aicalsina' pe qui'huayomma.

³⁰ Italai'e'mola' cal xans timila':

—¡Xinłá'! Iłque cal xans ałsał'menapa lai'u'. Itsiya imanc' tołcuayi: “Aicalsina' pe qui'huayomma”.

³¹ Ałsina' ŁanDios aimiquimf'ela' petsi ixcay lo'epa. Aimitoc'iyacola'. Cal xans noxpaiç'epa ŁanDios, ja'ni ti'ełá' loxpaiç'epa, iłque cal xans linca ŁanDios tiquimf'e, titoc'i.

³² Jifa'a li'a łamats' anuli cal xans ja'ni lipajnta afo', ni anulemma aicalsina' quixał'menni li'u'.

³³ Iya' cacua: ŁanDios ummepa iłque Jesús. Ja'ni a'i, ailopa'a co'eya.

³⁴ Iłniya italai'e'me, timiyi cal xans:

—Litine lopajncota ima' otaic' lojunac'. ¡Itsiya opic'a ałmuc'itsonga' illanc'!

Ihuescufna'me pe lefot'leyołtsi. Timiyi:

—To'huanła'. Aimotsufaiconno jifa'a lajut'ł.

³⁵ Jesús icuej'ma ihuescufimpa pe lefot'leyołtsi. Ehuepa, ixinnapa, timi:

—Ima', ¿te ma to'huaiyinge iłque cal Xans Liximpa cal profeta?

³⁶ Cal xans timi:

—Mai'ailli', lu'ıła' naitsi iłque. Tijouła' ca'huaiyijm'ma.

³⁷ Jesús timi:

—Joupa oximpa. Tipalaic'ohuo'. Ma' iya'. Iya' iłque cal Xans Liximpa cal profeta.

³⁸ Cal xans timi:

—Mai'ailli', ca'huaiyijnhuo'.

Exc'onłingai'ma.

³⁹ Jesús timi:

—Aicuaicoco'ma fa'a li'a łamats' ti'i'ma tenaj'mołtsi lan xanuc'. Lan fohue tehuetsalena'me. İne nahuetsalepá ti'e'e'mola' afohue.

⁴⁰ Lam fariseo nomana' jıłpe pe lopa'a Jesús icuej'me lines'ma. İhniya icuis'e'me, timiyi:

—¿Te ma illanc' jouc'a ninc'ifohue?

⁴¹ Timila':

—Ja'ni unc'ifohue aimitac'uim'molhuo' cajunac'. Ma mołcuayi: “Ałsinyi”, aimiıonc'enyacolhuo' lołjunac'.

10

¹ 'Iya' camilhuo' al łınca: Cal xans notsufaiya petsi leti'ıla' lam mot'ł, ja'ni ocuena lotsufaicoya, a'i pe lotsuflaicopa lam mot'ł, iłque cal xans innantsepa, inma'ahuale.

² Notsufaicoya ma al puerta, łınca ti'e'e'mola' cuenna lam mot'ł. İłque iłpoujna, nohuic'iyacola'.

³ Ma ticuaiyunni nohuic'iyacola' lam mot'ł, no'epa cuenna al puerta texi'e'ma. Nohuic'iyacola' lam mot'ł titsufai'ma, tijoc'i'mola' lam mot'ł. Tijoc'i'mola' anuli anuli iłpuftine. Tipa'a'mola'. İne lam mot'ł tiquimf'eyi litaiqui' nohuic'iyacola', ticuec'eyi.

⁴ Nohuic'iyacola' tipa'atsola' limot'ł ti'huaj'me'e'mola' İhniya. Limot'ł tihuej-nayi, ilimetsaijma litaiqui'.

⁵ Ja'ni tijoc'itsola' ocuena, lam mot'ł aimihuejyacu. Tinul'me, tipo'no'me quituca'. Aimimetsaicoyacu liłtaiqui' locuenaye xanuc'.

⁶ Tołta'a litaiqui' Jesús u'iyalepa. İne lan xanuc' aiqııłcueca, aimi'ıya muhualyacu lataiqui'.

⁷ Jesús ipalaic'oconamola', timila':

—Iya' camilhuo' al łınca: Iya' ipuerta łileti'i' lam mot'ł.

⁸ Ocuenaye icuai'me ai'a cacuaihuo, ijoc'im'mola' lam mot'ł. İhniya ma innantsepá, inma'ahuale. Lam mot'ł aiqııłquimf'e liłtaiqui', aiqııłcueca locuapa.

⁹ Iya' łınca ipuerta łileti'i' lam mot'ł. Naitsi ts'alimetsaijma iya' ipuerta łileti'i' lam mot'ł, ja'ni titsufaila' tołta'a, iłque tunłu'ma. Titsufai'ma, tipahuo, tehueta quıltejua' lam mot'ł, tixinna.

¹⁰ 'Cal namas joupa ipo'nopa lipicuejma' tinantsetola', tilecotola' lam mot'ł, tima'atola', tejac'ematola'. Tołıya itsehıo'ma jıłpe łileti'i' lam mot'ł. Iya' a'i. Aicuaicoco'ma cunłu'e'mola' laimot'ł, capi'i'mola' liłpitine, iıe xonca al c'a.

¹¹ Liłpoujna lam mot'ł, iłque nohuic'iyacola', ja'ni ac'a xans ticu'ma lipitine, tunłu'etsola' limot'ł. Tołta'a lai'ejma'. Iya' ninC'a caPoujna, cunłu'e'mola' laimot'ł.

12 Cal mozo, ituca' lipicuejma'. Itque a'i quipoujna lam mot'í. Lam mot'í a'i qui'huexi. Mixim'ma icuaico'ma cal lobo tinunghua cal mozo. Tipo'no'mola' quituca' lam mot'í. Cal lobo tipango'ma ti'no'lamola', tica'niyo'ltsi lam mot'í.

13 Cal mozo a'i quipoujna lam mot'í, itne a'i qui'huexi. To'íta'a tinuna'ma, aimixinnila' acuanuc'la.

14 'Iya' linca itpoujna lam mot'í. Iya' ninC'a caPoujna. Quimetsaicola' laimot'í. Jouc'a laimot'í limetsaijma iya'.

15 Cai'Ailli' limetsaijma iya', jouc'a iya' quimetsaijma cai'Ailli'. Ma' anuli to ita'a iya' quimetsaicola' laimot'í. Iya' cacu'ma laipitine, cunhu'e'mola' laimot'í.

16 'Timana' ocuenaye laimot'í. Iniya tiyelocoyi, aiqultsuflaic' hileti'i' liff'as mot'í. Iniya jouc'a caleconatola', cajoc'itola', atquimf'e'ma iya' laitaiqui', atcuc'e'ma. Tijoula' ti'i'ma le'a anuli lati'i', anuli itPoujna, ma' iya'.

17 Iya' cacu'ma laipitine cunhu'e'mola' laimot'í, to'hya cai'Ailli' al'ay capic'a. Tijoula' al'ma'ala' capenufna'ma laipitine, camaf'ina'ma.

18 Ailopa'a nalitonc'e'eya laipitine. Ma' caituca' cacu'moxi. Tipa'a laimane cacu'ma laipitine. Tipa'a laimane capenufna'ma laipitine. Cai'Ailli' atcuxepa ca'ela' to'íta'a.

19 Lan xanuc' judío noquimf'epá ite linespa Jesús tifuli'iconayi cataiqui'. Hualca eten'coco'mola' ite linespa. Locuenaye a'i queten'cocola'.

20 Axpela' tinesyi:

—Itsufaipa conta'a. Imintse'epa lipicuejma'. ¿Te colquimf'ecopa?

21 Locuenaye tinesyi:

—Cal xans litsufaiya conta'a a'i to'le mipalaiya. Lixcay conta'a aimixa' meya cal fo'.

22 Itne itiné li'ya' Jerusalén ti'eyi al juic cuftine “Lipaxneconapa al cueca' xoute”. Jounpa uyaipa linu'. I'ipa axita quitine.

23 Jesús ti'hualejma pe lopa'a al cuecaj xoute'. Ti'hua linujnca cuftine “Lipinujnca cal rey Salomón”.

24 Lan xanuc' ituf'micolai'me Jesús, timiyi:

—Ima' almitsonga' naitsi ima'. ¿Te ticol'ma xonca axpe' quitine aimal'minga' naitsi ima'? Ja'ni unCristo, lu'itsonga' nulemma.

25 Jesús italai'e'mola', timila':

—Jounpa nu'ipolhuo'. Imanc' aicalapenufi iya' laifmipolhuo'. Cai'Ailli' lapi'ipa laimane, to'le ca'ay al cueca'. Itne al cueca' laif'epa tuya'e' naitsi iya'.

26 Imanc' a'i caimot'í, to'íta'a aimalapenufi ite laifnuya'apa.

27 Laimot'í atquimf'e, timetsaicoyi laitaiqui'. Iya' quimetsaicola' laimot'í. Iniya lihuequi.

28 Iya' capi'ila' litpitine aimijouya. Aimecaniyacola'. Iya' ca'e'mola' cuenna laimot'í. Ailopa'a nalaxic'e'eyoya iya' laimane.

29 'Cai'Ailli' jounpa lapi'ipa itne laimot'í. Itque xonca cal Cueca', ailopa'a co'on'coya itque. Ailopa'a naipa'ayacola' cai'Ailli' limane, aimi'iya.

30 Iya' cai'Ailli' al'on'cosponga'. Itque iya' ma' anuli.

31 Lan xanuc' judío epef'cona'me lopic'. Tipaco'me Jesús. Tima'a'me.

32 Itque timila':

—Imanc' jounpa o'simpá axpe' ai'epa al c'a, itiya la'muc'ipa cai'Ailli'. Itsiya to'ltspic'eyi al'ma'a'ma. Lu'ila': ¿Jale lai'epa aicol'pic'a?

33 Lan xanuc' judío italai'e'me, timiyi:

—Aimal'ma'acoyaco' capic lof'epa al c'a. Ima' metets'ipa LanDios, ite cal'e'ecoyaco'. Ima' unxans, to'on'hcocoyoxi LanDios.

34 Jesús timila':

—Lo'je'e pe liniliya locuxepa LanDios ticua: “Iya' NanDios cacua: Imanc' unc'andiosla'.”

³⁵ Iñiya lan xanuc' nepenufpá litaiqui' ËanDios, itque ecui'ipola' "... unc'andiosla". Ite lataiqui' ma' al linca. Aimi'iya mołpai'iyacu. Joupá inihijmpa.

³⁶ Iya' ma' al'huij'epa ËanDios, alummepa fa'a li'a lamats'. Iya' laifnescopoxi ja'ni cacua: "Iya' i'Hua ËanDios", ¿te calmicopa: "Tatets'i ËanDios"?

³⁷ Linca, ja'ni aica'ay to lo'epa ËanDios cai'Ailli', aimalapenuf'ma.

³⁸ Ja'ni olsina' ca'ay ma to lo'epa ËanDios, tama aimalapenufi, tonlimet-saicote laif'epa, ite ti'onłspa to lo'epa cai'Ailli'. Tołta'a ti'i'ma colłsina' te ts'i'ic' małmana' iya' cai'Ailli'. Alłmana' anuli. Pe laifpa'a iya' małpe tipa'a cai'Ailli'; pe lopa'a cai'Ailli', małpe caifpa'a iya'.

³⁹ Iñiya noquimf'epá tołta'a linespa Jesús ticuayi: "Al'noHe". Ailopa'a qui'e'e'me. Itque unłupa.

⁴⁰ I'huacona'ma locuenaj liju' al panaj Jordán. Ipanenni ma jilpiya petsi Juan lepo'iyaleyopa.

⁴¹ Axpela' lan xanuc' icuaita pe lopa'a Jesús. Tinesyi:

—Li'epa Juan a'ij cueca'. Ma le'a inescopa cal xans Jesús. Itsiya joupá i'ipa calłsina' ma al linca jahuay ite linespa Juan.

⁴² Miłmana' jilpiya axpela' i'huaiyijm'me Jesús.

11

¹ Liłya' Betania tipa'a anuli lafcuana cuftine Lázaro. Itque timana' lipimaye cacal'no', liłpuftine María y Marta. Iñiya ilpiłya' Betania.

² Lipima lafcuana, itque María, tixcuaf'i'ma laceite lojuepaj c'a li'mitsi' Jesús, tetufco'ma lijuac.

³ Iñiya loquexi' lipimaye Lázaro umme'me cataiqui', tu'inna Jesús:

—Mał'ailli', lonfejmalepa, itque Lázaro, textafque.

⁴ Licuej'ma Jesús lataiqui' ticua:

—Ite licuana aimima'aya nulemma Lázaro. Lo'iya itque timuc'i'mola' lan xanuc' te ts'i'ic' laimane, iya' i'Hua ËanDios. Tixinłe acueca' ËanDios.

⁵ Jesús ti'ela' capic'a juaiconapa lapimaye Marta, María jouc'a Lázaro.

⁶ Licuej'ma textafque Lázaro icol'ma, aiqui'huac'. Jilpe pe lopa'a ipanemma oquej quitine.

⁷ Lijou'ma timila' ts'ilihuequi:

—Łepá, alecona'me al distrito Judea.

⁸ Ts'ilihuequi timiyi:

—Momxi, lan judío nomana' jilpiya ma quite' colła' tipato' capic', tima'ato'. Itsiya, tocua: "Ca'huacona'ma pu'hua".

⁹ Jesús timila':

—Anuli litine tipa'a imbamaj coque' hora. Ja'ni to'huała' litine aimuc'uiyaco'. Cal 'ora tepalc'o'i'mo'.

¹⁰ Ja'ni to'huała' lipuqui', tuc'ui'mo'. Ailopa'a napalc'o'iyaco'. To'hua al muf.

¹¹ Lijou'ma timila':

—Łatejmalepa Lázaro tixmay. Ai'huapa jilpe, cummef'nata.

¹² Ts'ilihuequi timiyi:

—Mał'ailli', ja'ni tixmay, tixalłonna.

¹³ Jesús linespa: "Lázaro tixmay", tuya'e: "Joupa imapa". Ts'ilihuequi aiquilłcueca. Ticuayi: "Lázaro ma le'a tixmay".

¹⁴ Jesús ipalaic'o'mola' al cuajmaica cataiqui', timila':

—Lázaro joupá imapa.

¹⁵ Itsiya aicacua: "Colła' pu'hua caifpa'a". Aicaxhuełcocojma. Aixina' ite li'ipa titoc'i'molhuo' imanc'. Xonca al'huaiyijm'ma iya'. Itsiya łepá. Alłcuaita pe lopa'a itque.

- 16 Tomás łacui'ipa cal Cuatsi, timila' liłejmale:
—¡Łepá! Ja'ni tima'antsa Jesús, illanc' jouc'a alma'atsonga'. Alma'monga' anuli.
- 17 Licuaitsi Jesús jilpe liłya' joupa ixhuaita amalpuj quitine queminni Lázaro.
- 18 Liłya' Betania ahuejnca Jerusalén. Laquipiculi' to afane' kilómetro.
- 19 Axpela' lan xanuc' judío quiyouyumma Jerusalén, icuaitsa lilejut'ł Marta y María, tiłonc'e'entsola' liłpixhuejma', joupa imapa liłpima Lázaro.
- 20 Marta icuej'ma icuaico'ma Jesús. Ipanni titalecuftsi. María ipanenni lajut'ł.
- 21 Marta timi Jesús:
—Mai'ailli', coła' topa'a fa'a, aimimaya łaipima. Joupa imanapa.
- 22 Tama imanapa łaipima, iya' ti'hua ca'huaiyijnhuo'. Aixina' ja'ni toxa'hue'ma ŁanDios ilque tepi'i'mo' lofxahue'eya.
- 23 Jesús timi:
—Timaf'ina'ma łopima.
- 24 Marta timi:
—Ne'. Ticuaitsi Lijoujma Quitine timaf'ina'ma. Tołta'a aixina'.
- 25 Jesús timi:
—Ma' iya' camaf'i'ina'mola' limanapola'. Capi'ina'mola' liłpitine. Naitsi łal'huaiyijmpa tama timanła' timaf'ina'ma.
- 26 Ihe nał'huaiyijmpa ja'ni ts'ihmaf'i' aimimayacola' nulemma. Ima', ¿te cofcuapa? ¿Ja'ni canesqui al linca?
- 27 Marta timi:
—Mai'ailli', iya' cacua tonesqui al linca. Aixina' ŁanDios tumme'ma li'Hua, ilque jifa'a ticuaihuo li'a łamats'. Iya' cacua: Ima' i'Hua ŁanDios, joupa ocuai'ma. Ima' unCristo.
- 28 Lijoupa tołta'a linespa Marta, i'hua'ma ijoc'itsi liłpima María. Ipalai'c'o'mołtsi caquiltuca'. Marta lipalai'c'opa liłpima, timi:
—Icuai'ma Łomxi. Tijoc'ihuo'.
- 29 Licuej'ma iłe lataiqui', María aiquicołi, itsahuenni i'hua'ma titalecuftsi Jesús.
- 30 Jesús ai'a titsufai'ma liłya' ipanemma małpiya pe litalecufhuo'ma Marta.
- 31 Jilpe lejut'ł María timana' lan judío, icuaita tiłonc'e'e'me lipixhuejma'. Ihe ixim'me María itsahuenni. Ixim'me aiquicołi, ipanni. Ticuayi:
—I'huapa al pu'hua. Jilpiya tijoja.
Ihuej'me.
- 32 María icuaitsi pe lopa'a Jesús. Exc'onłingai'ma li'mitsi', timi:
—Mai'ailli', coła' topa'a fa'a, aimi'ya tołta'a. Łaipima aimimaya.
- 33 Jesús ixim'mola' tijolijyi María jouc'a lan xanuc' judío lilihuequi María, ihuotsonni juaiconapa. Ixnalif'ma acueca'.
- 34 Icuis'e'mola', timila':
—¿Petsi colamu'ehuo'me?
Italai'e'me, timiyi:
—Mai'ailli', łepá. Ałsinna.
- 35 Licuaitsa pe lamuya, Jesús ijoj'ma.
- 36 Lan xanuc' judío tinesyi:
—¡Tolsinłe! Juaiconapa i'epa capic'a Lázaro.
- 37 Locuenaye ticuayi:
—Ilque ixal'me'e'ma li'u' cal fo'. ¿Te aikuixal'me Lázaro? ¿Te quipo'nocopa quimacopa?

³⁸ Jesús icuaitsi petsi lamuya Lázaro. Ihuotsoconamma juaiconapa. Ixnal-ifcona'ma. Lamuya Lázaro unts'eja'. Lico cunts'eja' eti'icoya acueca' capic.

³⁹ Jesús icuxe'e'mola' lan xanuc', timila':

—Tonlihonc'ele itque lapic.

Marta ipima limapa timi Jesús:

—Mai'ailli', itsiya tujuelojma. Ixhuaita amalpuj quitine quimac'.

⁴⁰ Jesús timi:

—Joupa aimipo': “Ja'ni ima' al'huaiyinge, toxim'ma acueca' LanDios, acueca' lo'eya”.

⁴¹ Honc'em'me lapic.

Jesús ehuelojm'ma al toncay lema'a, timi qui'Ailli':

—Mai'Ailli', cax'najtsi'ihuo' joupa atquimf'epa.

⁴² Tama aixina' itine itine atquimf'e, aimipo': “Cax'najtsi'ihuo' joupa atquimf'epa”. Aipic'a atcuejla' ite laimipo' lan xanuc' nacaxhuolanna fa'a. Joupa ainu'ipola': “Cai'Ailli' lummepa fa'a li'a lamats’”. Itsiya aipic'a ti'ele linca ite lainuya'apa.

⁴³ Lijoupa tohta'a licuapa Jesús ija'a'ma, timi:

—¡Lázaro! ¡Taipanni!

⁴⁴ Limapa ipanni hunts'eja'. Limane' li'mitsi' ifiyicoya ijahua', li'a iju'ecopa apa'yu. Jesús timila' lan xanuc':

—Toluhuaiite lijahua'. Ti'huanla'.

⁴⁵ Lan xanuc' judío itne nahuejmpá María, axpela' itniya lixim'me li'epa Jesús, tixpic'eyi tihuejle.

⁴⁶ Locuenaye iye'me pe lomana' lam fariseo, u'intsola' li'epa Jesús.

⁴⁷ Lixanuc' cal cuecaj ca'ailli' jouc'a lam fariseo ijoc'im'mola' lan tsilaj xanuc' itne noxpijpá lataiqui'. Efo'te'moltsi, timiyoltsi:

—¿Te cal'eyacu? Itque Jesús ti'ay al cueca'.

⁴⁸ Ticuicomma atpa'nele, ja'ni a'i jahuay lan xanuc' tihuej'me. Tijoula' tix-tulecu lan romano, tetel'me la'cuecaj xoute', atjou'ne'monga' illanc' ninc'judío.

⁴⁹ Malpe lefot'leyopoltsi tipa'a anuli cal xans cuftine Caifás. Jitniya litiné itque Caifás copa'a cal cuecaj ca'ailli'. Itque timila' lif'as xanuc':

—Imanc' ailopa'a colsina'.

⁵⁰ Aimolspic'eyi. Xonca al c'a luyalaico'me ja'ni timala' le'a anuli cal xans, tohta'a tuntu'e'mola' jahuay la'xanuc'. Aimaljouyaconga' illanc' ninc'ixanuc' judío.

⁵¹ Caifás a'i quituca' lipicuejma' tohta'a tipalay. Itniya litiné itque copa'a cal cuecaj ca'ailli', ma tuya'e' lixp'ic'epa LanDios. Malque LanDios joupa ixpic'epa tima'anle Jesús, tohta'a tuntu'e'mola' lixanuc' LanDios, jitniya nomana' jitpiya lamats'.

⁵² Ai' ma le'a lixanuc' LanDios nomana' jitpiya lamats', tuntu'e'mola' jouc'a jahuay lixanuc', ni petsi lomana', tefot'lena'mola' anuli.

⁵³ Ma jitniya litine itniya lan judío ixpic'e'me tima'anle Jesús.

⁵⁴ Lijou'ma Jesús aimuyaicoconghua pe lomana' lan xanuc' judío. Ipanni jitpiya al distrito Judea. Icuaitsi anuli li'ya' cuftine Efraín. Itpe li'ya' tipa'a huejnca anuli lamats' petsi ailopa'a qui'ya'. Jitpe imanenca anuli, Jesús y ts'ilihuequi.

⁵⁵ Joupa icuaico'ma al juic cuftine al Pascua. Axpela' lan xanuc' ipalunca hitp'ilelo'ya', if'ajli'me al toncay, ticuaita al cuecaj qui'ya' Jerusalén. Ticuaita ai'a ti'i'ma al juic. Tenant'li'me lataiqui' loya'apa locuxepa LanDios. Tohta'a la'ailli' timi'mola': “Ima' unlimpio. Ti'i'ma tote'ma lotejacu jitpe al juic.”

⁵⁶ Iñe lan xanuc' ehue'me Jesús, ecaxhuoñai'me pe lopa'a al cuecaj xoute', timiyotshi:

—¿Te coñcuapa? ¿Te ticuaihuo Jesús fa'a al juic, o aimicuaiya?

⁵⁷ Lixanuc' cal cuecaj ca'ailli' jouc'a lam fariseo joupa icuxepá, timinnila' lan xanuc':

—Anuli imanc' ja'ni ti'ila' quixina' pe lopa'a Jesús, lu'itsonga'.

Iñe tehueyi te co'iyá mi'noñyacu Jesús.

12

¹ Tehue'e' acamts'us quitine ti'ila' al juic cuftine al Pascua. Jesús ipainanni liña' Efraín, icuainatsi liña' Betania, pe lopa'a Lázaro, ñque ñimapa joupa imaf'i'ina' Jesús.

² Jiñpiya ñlanc'e'e'me ñitejua' tixmoco'ma Jesús. Lázaro, Jesús jouc'a lan xanuc' lijoc'impola' icutshuoñai'me anuli. Marta ites'mi'mola'.

³ María itaic' onñca litro laceite cuftine nardo. ñe laceite tujuej c'a. Ic'ef'i'ma laceite li'mitsi' Jesús, etufco'ma lijuac. Imantsi lajut'ñ lojuepaj c'a.

⁴ Anuli ñihuequi Jesús cuftine Judas Iscariote, ñque lo'cuya Jesús, ixtunni, ticua:

⁵ —Ñe laceite acueca' lipitali, to mulij'ma anuli cal xans no'eya canic' afanej maxnu quitine. ¿Te aiñuicquinni tepi'inatsola' al tomí lan xanuc' pe ailopa'a quítomí?

⁶ Judas aimixinnila' acuanuc'la ñne lan xanuc' pe aiñuic'hueca quítomí. ñque innaminnai'pa. I'hueca al punta pe lo'ñij'mimpa al tomí. Tinantse.

⁷ Jesús timila':

—Toñe. Aimohuos'mi'ma. ñaca'no' joupa ixpic'epa lo'e'eya laceite. Ticua: “Ca'huej'ma. Ai'a temim'me Jesús caxcuaf'ila' laceite.”

(Lan judío ti'huañ'iyi toñta'a liñcuerpo lomapola'.)

⁸ Jesús ti'hua timila':

—Petsi loñmana' aimicuaiya litine pe aimehue'eyacola' quítomí lan xanuc'. Itine itine nipajnya toñtoc'i'mola'. Ticuaihuo litine iya' aicapajñconaya.

⁹ Axpela' lan xanuc' judío icuej'me tipa'a Jesús lejut'ñ María. Icuaiyunca jiñpiya. ñpic'a tixinñe Jesús. Xonca ñpic'a tixinñe Lázaro, ñque cal xans imaf'i'ina' Jesús, itsahue'emma, ipa'apa pe lomana' limanapola'.

¹⁰ Lixanuc' cal cuecaj ca'ailli' aimixoquei quileta, ixtulencia. Ticuayi: “Alma'ale Lázaro jouc'a”.

¹¹ ñsina' lo'epa liñ'as xanuc' judío. ñniya liñimpá Lázaro imaf'ina' ihuej'me Jesús.

¹² Liña' Jerusalén timana' axpela' lan xanuc' icuaita al juic. Lihuequi litine ñniya icuej'me: “Icuai'co'ma Jesús”.

¹³ Etej'me limane' xanghue, ipalunca italecuftsa Jesús. Miyeyi lane ñniya ija'a'me:

—¡Hosana! ¡Tunñu'ematso' ñanDios! ¡Tipaxnetso' ñanDios ñque ñummepo'! ¡Ima' joupa ocuai'ma! ¡Ima' mañrey, illanc' ixanuc' Israél!

¹⁴ Jesús joupa iximpa ñaca'huañ burro, enafca'i'ma. Toñta'a li'ipa ma to loya'apa al Paxi Linñingiya, ticua:

¹⁵ Cunc'ixanuc' loñpiña' Sión: Aimixpailij'molhuo', aimoñsueñmot'ñe'me.

¡Toñsinñe! Icuai'co'ma loñrey ñanafcaic' li'hua cal burro.

¹⁶ ñe litine ts'ilihuequi Jesús aiñuic'ueca li'ipa. Lijoupa lepenufina' Jesús pu'hua lema'a, i'nujuaisnatsa linesma ñe linñiya. I'ipa quíñsina' ñe lataiñqui' tinesqui lo'iyá Jesús.

¹⁷ Lan xanuc' nixinghuo'me Lázaro litine lipananni lipu'hua, ñniya uya'ahuo'me Jerusalén.

¹⁸ Lan xanuc' nicuejpá ìle al cueca' li'epa Jesús ipalunca liḡpiya' Jerusalén, italecufhuo'me Jesús.

¹⁹ Lam fariseo ipalaic'o'moḡtsi, timiyot̄si:

—¡Tolsin̄te! ¿Te cal'eyacu? Jahuay lan xanuc' tihuejnayi Jesús.

²⁰ Timana' hualca lan xanuc' griego jḡpiya liya' Jerusalén. Iñiya jouc'a icula'apá tixinna quijjuic, texc'onḡḡoḡaita ÌanDios.

²¹ Iñiya icuaita pe lopa'a Felipe. Felipe lipiya' Betsaida lopa'a al distrito Galilea. Timiyi:

—Maḡpima, aḡpic'a aḡsin̄te Jesús.

²² Felipe i'hua'ma u'itsi Andrés. Iñe loquexi' iye'me u'itsa Jesús.

²³ Jesús timila':

—Iya' ìḡque cal Xans Ìiximpa cal profeta pu'hua lema'a. Joupa icuai'ma lai'hora. Aḡsim'ma naitsi iya'.

²⁴ 'Iya' camilhuo' al linca: Anulij ḡaj fanu' trigo ja'ni aimifanni, ja'ni aimemunni ḡamats', ìḡque tipanehuo quituca'. Aimi'asya. Ja'ni tifan̄te, ja'ni temun̄te ḡamats' ìḡque ti'as'ma, ticuef'ma axpe'.

²⁵ Cal xans noximpoxi cuanuc' lipitine, ìḡque tejac'ma lipitine. Petsi aimixinyoxi cuanuc' lipitine, petsi aimixhueḡmecoxyi te coyaicoya fa'a li'a ḡamats', ìḡque linca tulijna'ma lipitine aimijouya.

²⁶ Nai ts'ipic'a ti'eḡa' laipenic', lihuejla'. Pe laifpa'a iya' jḡpiya jouc'a tipajnta ìḡque ḡatoc'ipa, aḡmajnta anuli. Naitsi no'epa laipenic', cai'Ailli' timet-saiconama.

²⁷ 'Itsiya caxhueḡma juaiconapa. ¿Te caifmiya cai'Ailli'? ¿Te cami'ma: “Mai'Ailli', joupa icuai'ma lai'hora, lunḡu'eḡa'. Toḡta'a aicatelcoya”? A'i. Aimi'ia camiya toḡta'a. Iya' aicuaicoco'ma fa'a li'a ḡamats' cateḡco'ma.

²⁸ Jesús ti'hua tipalay, tipalaic'o' qui'Ailli', timi:

—Mai'Ailli', caxahue'ehuo' tomuc'itsola' lan xanuc' ima' linca unCuecaj CanDios.

Lan xanuc' icuej'me tipalaiyinni jipu'hua lema'a, timi Jesús:

—Iya' joupa aimuc'ipola' lan xanuc' iya' ninCuecaj CanDios. Ma toḡta'a camuc'icona'mola'.

²⁹ Lan xanuc' nacaxhuoḡanna jḡpiya iquimf'e'me. Iñe ticuayi:

—Una'apa.

Locuenaye ticuayi:

—A'i cuna'e'. Anuli ḡapaluc quema'a ipalaic'opa Jesús.

³⁰ Jesús timila':

—Joupa aixina' ìle lataiqui' laḡmipa. Iḡque nipalaipa ipic'a imanc' jouc'a toḡquimf'eḡe, toḡapenufle.

³¹ Itsiya ÌanDios tipango'ma timuc'i'molhuo' te ts'i'ic' loḡpicuejma' imanc' noḡmana' fa'a li'a ḡamats'. Timuc'i'molhuo' petsi al c'a, petsi a'ijc'a. Itsiya tuliquinam'me nocuxepola' lan xanuc', iñiya pe aimihuejyi ÌanDios. ÌanDios teca'nita.

³² Aḡ'nof'e'ma jifa'a li'a ḡamats'. Tijouḡa' lapi'i'ma laimane, cajoc'i'mola' lan xanuc' ni petsi lomana', aḡcuc'e'ma.

³³ Locuapa Jesús: “Aḡ'nof'e'ma”, ìle linespa timuc'ila' lan xanuc' te ts'i'ic' mimaya.

³⁴ Lan xanuc' timiyi:

—Laḡje'e linihiya locuxepa ÌanDios tuya'e': “Cal Cristo tipajm'ma, aimimaya”. Ja'ni cal Cristo aimimaya, ¿naitsi ìḡque cal Xans Ìiximpa cal profeta pu'hua lema'a? Ima' tocua: Ti'nof'em'me.

³⁵ Jesús timila':

—Fa'a tipa'a łapalc'o'ipolhuo'. Itque aimicołya fa'a li'a łamats'. Ma mipa'a lepalc'o' tonlihuejle itque. Ticuaitsi lipuqui' timufaj'molhuo'. Naitsi no'huapa al muf aimixina pe cotseya.

³⁶ Mipa'a itque Lepalc'o' tolapenufle Lepalc'o'. Tołta'a ti'onłcotołhuo' to Lepalc'o'. Jouc'a tonłapalc'o'i'mola' loł'as xanuc'.

Lijoupa limipola' tołta'a Jesús aiquipalaic'oconala' itniya. I'hua'ma petsi lan xanuc' aimixingonayacu.

³⁷ Tama axpe' ixim'me Jesús lo'epa al cueca', itniya lan xanuc' aimepenufyi. Ticuayi: “A'ij łınca lonespa”.

³⁸ Tołta'a enanłcopa ite lataiqui' linespa cal profeta Isaías, tuya'e':

Mai'Ailli', ailopa'a nalapenufponga' illanc' lałtaiqui'.

Ailopa'a nonesya: Iya' łınca aiximpa al cueca' lo'epa ŁanDios.

³⁹⁻⁴⁰ Isaías inescopola' itne lan xanuc' pe aimepenufyi Jesús. Ticua itniya aimi'ya mi'huaiyijnyacu, tuya'e':

I'e'empola' afohue, i'e'empola' ata łipicuejma'.

Tołta'a tama tipa'a lił'u' aimixinyacu,

tama tipa'a łipicuejma' aimicuec'eyacu, aimipailiyacu, aimixhuej'meyacu.

Tołta'a aimi'ya caxał'meyacola'.

⁴¹ Tołta'a linespa Isaías mixina Jesús jilpe lema'a, ai'a ticuaihuo li'a łamats'. Iximpa te ts'i'ic' itque lixans. Lijou'ma ipalaico'ma.

⁴² Tama al łınca ite licuapa Isaías timana' lan xanuc' i'huaiyijm'me Jesús, hualca itniya itpenic'. Itne i'e'mołtsi ch'ix. Tixpaic'eyi lo'eyacu lam fariseo. Itniya ticuayi: “Ja'ni lan xanuc' tepenufle Jesús łitaiqui' aimalapi'iconayacola' lane mitsuflaiconayacu lajut'ł pe lalafot'leyopołtsi”.

⁴³ Lan xanuc' no'epołtsi ch'ix xonca itpic'a tepenufintsola', itpic'a tixinintsola' lan c'a xanuc'. Aimehueyi ŁanDios latentłcocopa. Tołta'a aimuya'ayi ja'ni ti'huaiyijnyi Jesús.

⁴⁴ Jesús uya'a'ma, timila':

—Cal xans łalapenufpa iya', lapenufinga' illanc', iya' jouc'a itque Łalummepa, a'i iya' caituca'.

⁴⁵ Itque łalahuelojmpa iya', itque lahuelonginga' illanc', iya' jouc'a Łalummepa.

⁴⁶ 'Iya' aicuaicoco'ma li'a łamats' capalc'o'i'mola' lan xanuc'. Cua naitsi łalapenufpa itque aimipaneya muf lipicuejma'.

⁴⁷ Cal xans ja'ni aimalihuejma, ja'ni ma le'a ałquimf'e iya' lałtaiqui', iya' aicacani'e itque cal xans. Iya' a'i cacani'eyacola' lan xanuc' nomana' fa'a li'a łamats'. Ai'łiya caicuaicoco'ma. Aicuaicoco'ma cunłu'e'mola'.

⁴⁸ 'Cal xans ja'ni aimalapenufi iya' lałtaiqui', latets'ipa, tipa'a lacani'eya. Ticuaitsi Lijoujma Quitine ite lałtaiqui' lainespa, ma ite lałtaiqui' tecani'e'ma itque.

⁴⁹ Ite lałtaiqui' aiquipayoya laipicuejma' iya' caituca'. Cai'Ailli', itque Łalummepa, małquiya ałsc'ai'ipa laifpalaicoya.

⁵⁰ Iya' jounpa nimetsaicopa ac'a ite lałtaiqui' lałsc'ai'ipa cai'Ailli'. Ite lałtaiqui' lapi'ipa cu'itsola' lan xanuc'. Aixina' ja'ni lapenufla' iya' lałtaiqui', itne lan xanuc' tulij'me łipitine aimijouya. Ma lałmipa cai'Ailli', tołta'a capalaic'ocola' lan xanuc'.

13

¹ Icuaiico'ma al juic cuftine al Pascua. Jesús jounpa ixina' icuai'ma li'hora. Tipanno fa'a li'a łamats', ti'huana'ma, ticuainata pe lopa'a qui'Ailli'. Jesús ti'ela' capic'a ts'ilihuequi itniya nomana' li'a łamats'. Itsiya timuc'i'mola' juaiconapa lo'epola' capic'a.

² Judas li'hua Simón Iscariote, Satanás joupa icuxe'epa te ts'i'ic' lo'eya. Ticu'ma Jesús.

Jesús y ts'ilihuequi tixmocoyi anuli.

³ Ixina' qui'Ailli' epi'ipa limane ticuxe'ma jahuay. Ixina' qui'huayomma pe lopa'a LanDios. Ixina' ti'huana'ma, ticuainata maŕpe pe lopa'a LanDios.

⁴ Mixmocoyi ts'ilihuequi, Jesús itsahuenni, ipa'a'ma litsamalo, ipo'no'ma jipe liju', ixpejm'moxi al toalla.

⁵ Uhuaf'ma al cutse caja'. Ipango'ma epac'e'e'mola' li'mitsi' ts'ilihuequi, tetufc'e'ecola' al toalla.

⁶ Ti'hua tepac'e'ela' li'mitsi' ts'ilihuequi, icuaitsi pe locutsuya Simón Pedro. Pedro timi Jesús:

—Mai'ailli', ima' a'i malapac'e'e'ma lai'mitsi'.

⁷ Jesús timi:

—Itsiya ima' aicocueca laif'epa. Ticuaihuo litine tocuec'ena'ma.

⁸ Pedro timi:

—¡Ima' aimi'iya malapac'e'eya lai'mitsi'! Aicapi'iyaco' lane.

Jesús italai'e'ma, timi:

—Ja'ni aicapac'e'ehuo' lo'mitsi', aimi'iya maŕmajnyacu anuli.

⁹ Simón Pedro timi:

—Ne'. Mai'ailli', lapac'e'ela' lai'mitsi', lulahuila' laimane', aljuitsai'ila' laijuac.

¹⁰ Jesús timi:

—Ma le'a capac'e'e'mo' lo'mitsi'. Cal xans joupa lepapa, itque alimpio. Ma le'a li'mitsi' tixisma. Imanc' lalihuequi unc'ilimpio. Tama toŕta'a laifmipolhuo', a'ij limpio jahuay imanc'.

¹¹ Jesús joupa ixina' naitsi locuya. Toŕta'a ticua: “A'ij limpio jahuay imanc”.

¹² Lijoupa lepac'e'epola' li'mitsi' ts'ilihuequi, ipo'nocona'ma litsamalo, icutsaiconama. Timila' ts'ilihuequi:

—¿Te oŕcuc'epá ite lai'e'epolhuo'?

¹³ Imanc' aŕmi “Momxi”, “Mapoujna”; ma' al linca ita'a loŕnespa. Iya' Nomxi, iya' naPoujna.

¹⁴ Iya' Nomxi, naPoujna, joupa nepac'e'epolhuo' loŕ'mitsi', imanc' ts'alihuequi. Itsiya camilhuo': Imanc' tolapac'e'e'moŕtsi loŕ'mitsi'.

¹⁵ Iya' aimuc'ipolhuo' lonŕ'eyacu. To iya' lai'epa, imanc' jouc'a tonŕ'e'me.

¹⁶ Iya' camilhuo' al linca: Lotoc'iyalepa aimi'iya mulijya hipoujna. Itque linca xonca acueca'. Ma' anuli ŕommempa aimi'iya mulijya ŕommeyalepa, itque xonca acueca', locuena ma le'a apaluc.

¹⁷ Ja'ni imanc' joupa oŕcueca iŕiya, ma tolihuejle. Toŕta'a tuluyalaico'me al c'a.

¹⁸ A'i capalaicolhuo' toŕta'a jahuay imanc'. Nimetsaicolhuo', aixina' naiŕne lai'huijf'epola'. Jouc'a aixina' tenanŕco'ma al Paxi Linilŕingiya. Ite lataiqui' tuya'e': “Petsi ŕatetsumlepa, maŕque ŕatŕepa ŕala'i anuli, itque aŕ'epa laic”.

¹⁹ Itsiya cu'ilhuo' laifnuyaicoya. Ticuaitsi litine ti'ila' toŕta'a toŕ'nujuais'me laifmipolhuo'. Toŕcua'me: “Al linca linespa Jesús. Ma to linescopoxi ma toŕta'a itque.”

²⁰ Iya' camilhuo' al linca: Cal xans napenufpa laifnummepa, lapenufinga' iya' jouc'a itque. Cal xans ŕalapenufpa, lapenufinga' iya' jouc'a ŕalummepa.

²¹ Lijoupa licuapa itne ŕataiqui' Jesús ixhueŕconanni juaiconapa. Timila' ts'ilihuequi:

—Iya' camilhuo' al linca: Anuli imanc' aŕcu'ma.

²² Ts'ilihuequi ixhueŕconca. Ehuelojm'moŕtsi, ticuayi liŕpicuejma': “¿Naitsi copalaicopa Jesús? ¿Naitsi lo'eya toŕta'a?”

²³ Maŕpe liju' Jesús ticutsu anuli ts'ihuequi. Jesús ti'ay capic'a juaiconapa itque ts'ihuequi.

²⁴ Simón Pedro tife'ne hijuac, i'e'ma seña ñque ts'ihuequi Jesús. Icu'e'e'ma ticuis'e'la' Jesús: “¿Naitsi ñque locuyaco?”

²⁵ ñque ts'ihuequi ñoc'huai'ma xonca ahuejnca Jesús, icuis'e'ma, timi:

—Mai'ailli', ¿naitsi ñque lo'e'eyaco' to'la'a?

²⁶ Jesús italai'e'ma, timi:

—Cajac'e'ma ñca'a lahualca ca'i, capi'i'ma anuli ñajemale tite'la'. ñque ñinca ñacuya.

Jesús ijac'e'ma ñe'i, epi'i'ma Judas Iscariote ñ'hua cal xans cuftine Simón.

²⁷ Ma miteja ña'i ñonta'a titsufay ñque cal xans. Jesús timi:

—Ima' oxina' lof'eya. Aimico'ñmo'. To'le to'e'la'.

²⁸ Locuenaye ts'ilihuequi Jesús nocutshuolanna jilpiya aiqulñsina' te quimicopa Jesús to'la'a Judas.

²⁹ Judas ñitaic' al ponta pe lo'ñij'mimpa al tomí. Oquexi' afantsi ticuayi: “¿Ja'ni tipa'a lalahue'eponga' al juic? ¿Te Jesús ummepa ti'nata? O ¿ja'ni ummepa tepi'itola' quiltomí lan xanuc' pe aiqul'hueca?”

³⁰ Lijoupa litepa ña'i Judas aiqucol'i, ipanni. Joupa i'ipa quipuqui'.

³¹ Lijoupa lipanni Judas, Jesús ipalaic'o'mola' ts'ilihuequi, timila':

—Itsiya joupa i'ipa, aimehue'e'. Iya' ñque cal Xans ñiximpa cal profeta pu'hua lema'a. ñanDios timuqui naitsi iya'. To'la'a iya' jouc'a camuqui te ts'i'ic' lipicuejma' ñanDios.

³² Ma camuqui te ts'i'ic' lipicuejma' ñanDios, ñque xonca timuj'ma naitsi iya'. Aimico'ña. Timuj'ma nulemma naitsi iya'.

³³ 'Cunc'ainaxque', aimac'olña jifa'a pe lo'ñmana'. Ca'huana'ma. Lahue'ma imanc'. Joupa aimipola' lan xanuc' judío: “Iya' ca'hua'ma caituca'. Aimi'iya ma'eyacu anuli.” Ma to'la'a camilhuo' imanc'.

³⁴ Itsiya cacuxe'elhuo' lon'eyacu. ñe al ts'e cataiqui'. Cacuxe'elhuo': Ton'le'etsoltsi capic'a. Ma to iya' ca'elhuo' capic'a, to'le imanc' ton'le'etsoltsi capic'a.

³⁵ Ja'ni ton'le'etsoltsi capic'a, jahuay lan xanuc' timetsaico'molhuo' imanc' alihuequi.

³⁶ Simón Pedro timi:

—Mai'ailli', ¿pe coftseya?

Jesús italai'e'ma, timi:

—Iya' ca'hua'ma laipene. Itsiya aimi'iya ma'eyacu anuli. Tijou'la' ima' to'hua'ma lopene ti'on'cota to laipene. To'la'a ñinca ñihuej'ma.

³⁷ Pedro timi:

—Mai'ailli', ja'ni aimi'iya ma'eyacu anuli itsiya, ¿te co'iyaco'? Tama a'ña'ala' iya' cacu'ma laipitine cun'ñeco'mo'.

³⁸ Jesús timi:

—¿Te a'ñinca tocu'ma lopitine lun'ñeco'ma? Iya camihuo' al ñinca: ñta'a lipuqui' ai'a tija'a'ma ñangiti, ima' tones'ma afanemma: “Iya' aicainimetsaijma Jesús”.

14

¹ Jesús ti'hua tipalaic'ola' ts'ilihuequi, timila':

—Itsiya to'ñsue'coyi. Iya' camilhuo': Aimosue'ñmot'le'me. Imanc' to'ñhuaiyijny ñanDios. Jouc'a iya' a'ñhuaiyijnla'.

² Cai'Ailli' acueca' lejut'ñ. Tipa'a axpela' lejut'ñi petsi lomanc'eyacu laixanuc'. Ma' al ñinca ñe laifnespa. Ja'ni a'i co'ña' aicu'iyacolhuo' to'la'a. Iya' ca'huana'ma calanc'e'etolhuo' colmanc'eyacu. A'ñmajnta anuli.

³ Tijou'la' calanc'etsi lo'ñmanc'eyacu capaiconno. Calaitsufconatolhuo'. A'ñmajnta anuli.

⁴ Imanc' joupá ołsina' pe laiftseya, joupá ołsina' lane.

⁵ Tomás timi:

—Mai'ailli', aicałsina' pe coftseya. ¿Te co'iyá małsinyacu iłe lane?

⁶ Jesús timi:

—Cal xans ts'ipic'a ticuaitsi pe lopa'a cai'Ailli' ŁanDios ticuicomma tixinł'a lipene lo'huaya. Jouc'a ticuicomma tixinł'a al linca cataiqui'. Jouc'a ticuicomma tepi'inłe lipitine aimijouya. Imanc' ja'ni joupá lapenufpa, joupá ołsimpá lane, tolihuejyi al linca, tipa'a lołpitine aimijouya. Cal xans pe aimalapenufi iłque aimicuaiya pe lopa'a cai'Ailli'.

⁷ 'Imanc', ja'ni joupá alimetsaicopa, limetsaiconga' illanc', iya' y cai'Ailli'. Itsiya iłque cai'Ailli' tolimetsaicoyi, joupá ołsimpá.

⁸ Felipe timi:

—Mai'ailli', ałmuc'itsonga' ŁanDios, iłque co'Ailli'. Tijouł'a aimahue'eyaco' xonca.

⁹ Jesús timi:

—Axpe' mut'ła i'ipa małmana' anuli. ¿Te aicalimetsaijma? Naitsi łalahuelojmpa iya', iłque joupá lahuelojmponga' illanc', iya' y cai'Ailli'. ¿Te całmicopa: "Ałmuc'itsonga' co'Ailli'?"

¹⁰ ¿Te ima' aicomepenufi iłe lainespa? Joupá nuya'apa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli.

'Laifnu'ipolhuo' iya' aiqui'huayoya laipicuejma' iya' caituca'. Imanc' ałsimpa lai'epa acueca'. Małpe tołsinyi lo'epa cai'Ailli', illanc' ałmana' anuli.

¹¹ Tonł'ełe linca laifnespa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli. O ja'ni aimi'iyá monł'eyacu linca iłe laifnespa, tołnujuaitsa lai'epa acueca'. Iłe timuc'ilhuo' ałnca laifnespa.

¹² 'Iya' camilhuo' al linca. Cal xans łalapenufpa ti'e'ma to laif'epa. Iya' ca'hua'ma pe lopa'a cai'Ailli'. Tijouł'a ca'huanł'a xonca acueca' ti'e'ma iłque łalapenufpa.

¹³ Imanc' ja'ni tołsinyi naitsi iya', ja'ni limetsaijma, nipajnya tołsa'hue'me ŁanDios cai'Ailli' titoc'itsolhuo'. Tijouł'a ca'e'ma to lołsahue'epa, catoc'i'molhuo'. Tołta'a iya' i'Hua ŁanDios camuc'i'mola' lan xanuc' te ts'i'ic' lipicuejma' ŁanDios.

¹⁴ Camilhuo': Ja'ni i'ipa cołsina' naitsi iya', ja'ni limetsaijma, tołsa'huełe. Tijouł'a iya' ca'e'ma małe to lołsahue'epa.

¹⁵ 'Imanc', ja'ni ał'ay capic'a tołanant'i'me laitaiqui', tonł'e'me laifcuxe'epolhuo'.

¹⁶ Caxahue'e'ma cai'Ailli' tepi'itsolhuo' ocuena Łotoc'iyacolhuo'. Iłque ticuaihuo pe lołmana', tołmajm'me anuli. Aimipo'noyacolhuo' cołtuca'.

¹⁷ Iłque cal Espiritu tuya'a'ma al linca. Lan xanuc' nomana' fa'a li'a łamats' aimehuelojnyi iłque, aiquilimetsaijma. Tołta'a aimi'iyá mepenufyacu. Imanc' linca olimetsaijma. Itsiya tipa'a pe lołmana'. Ticuaihuo litine titsufai'molhuo' iłque.

¹⁸ 'Iya' aicapo'noyacolhuo' quecaniya. Capaicunno, cacuaiconno pe lołmana'.

¹⁹ Aimałcołya fa'a. Lan xanuc' nomana' fa'a, iłne naihuejpa' quıłtuca' lipicuejma', iłniya aimahsingonaya. Imanc' linca ti'hua ałsinna. Iya' tipa'a laipitine aimijouya. Imanc' jouc'a tołsim'me lołpitine aimijouya.

²⁰ 'Ticuaitsi iłe litine ti'i'ma cołsina' iya' y cai'Ailli' ałmana' anuli. Ti'i'ma cołsina' imanc' y iya' ałmana' anuli, iya' y imanc' ałmana' anuli.

²¹ Cal xans napenufpa laitaiqui' iłe laifcuxepa, iłque łalihuequi, linca ał'ay capic'a. Iłque cal xans łal'epa capic'a cai'Ailli' ti'e'ma capic'a. Iya' jouc'a ca'e'ma capic'a, camuc'i'ma naitsi iya'.

22 Judas, itque locuena Judas, a'i Judas Iscariote, timi Jesús:

—Mai'ailli', ¿te calmuc'icoyaconga' ma le'a illanc'? Aimomuc'iyacola' naitsi ima' locuenaye lan xanuc' nomana' li'a lamats'. ¿Te co'ia?

23 Jesús italai'e'ma, timi:

—Naitsi la'epa capic'a, itque naihuejcopa laitaqui', cai'Ailli' ti'ena'ma capic'a jouc'a. Alcuainacu pe lopa'a. Almajn-na'me anuli.

24 Naitsi aima'ay capic'a, itque aimihuequi laitaqui'. He altaiqui' illanc', iya' y cai'Ailli', itque Lalummepa.

25 'Ma malmana' anuli fa'a li'a lamats' iya' cu'ilhuo' laitaqui'.

26 Tijoula' ticuaiyunní Notoc'iyacolhuo', itque cal Espíritu Santo, itque timuc'i'molhuo' jahuay. Ti'nujuaitsi'ina'molhuo' laifmipolhuo'. Iya' joupá aixahue'epa cai'Ailli' tumme'la'. Itque tumme'e'molhuo'.

27 'Tolunxac'e'etsotsi lolunxajma', ailopa'a tintsi. To'ta'a laitaqui' laifpaxnepolhuo', laifnepi'ipolhuo'. Linca jifa'a li'a lamats' lan xanuc' naihuejpa' quilituca' li'picuejma' itne jouc'a timi'molhuo': "Ailopa'a tintsi". Itne li'taqui' aimi'on'tspa iya' laitaqui' laifnu'ipolhuo' itsiya.

28 Joupá o'cujepá laimipolhuo'. Joupá nu'ipolhuo': "Ca'huana'ma. Tijoula' ca'huana'la' capaiconno, cacuaicoconno." Ja'ni al'ay capic'a ti'ima lo'píxojma cata. Ca'huana'ma pe lopa'a cai'Ailli'. Itque cai'Ailli' xonca acueca'.

29 Itsiya nu'ipolhuo' lo'ia. Tijoula' ti'ila' to'ta'a to'nujaista itiya laimipolhuo', to'nes'me: "Linespa Jesús ma' al linca".

30 'Itsiya huata capalaic'o'molhuo'. Ticuaihuo itque nocuxepola' lan xanuc' nomana' fa'a li'a lamats', itne naihuejpa' quilituca' li'picuejma'. Itque aima'cuxe iya'.

31 Ma to la'cuxe'epa cai'Ailli' ma to'ta'a ca'ay, ca'e'ma. Ti'ila' quilsina' lan xanuc' iya' ca'ay capic'a cai'Ailli'.

'To'tsolinca. ¡Lepá!

15

1 'Iya' al'on'cospa to lujxi al 'ec 'uva. He al 'ec tipa'a himané. Iya' alinca capa'a ite lujxi al 'ec. Cai'Ailli' la'eponga' cuenna, iya' jouc'a laimané.

2 Itne laimané, ja'ni anuli ailopa'a qui'as, cai'Ailli' tetejna'ma. Pe lo'aspa ti'huij'ma. To'ta'a ti'ila' limpio. Ti'asla' xonca.

3 Itsiya joupá olapenufpá laitaqui', ite lainu'ipolhuo'. To'ta'a LanDios iximpolhuo' unc'ilimpio.

4 Aimolanaj'mot'si iya'. Iya' jouc'a aicanajyacoxi imanc'. Anuli limane al 'ec ja'ni tenajxoxi pet'si lipujxi c'ec, ite limane tipanehuo' quituca', aimi'asya. To'ta'a imanc' ja'ni tolanajtsot'si, ti'on'coto'lhuo' to limane al 'ec pe lipanemma quituca', aimi'asyacolhuo'. Ticuicomma malmajm'me anuli. Ja'ni a'i ailopa'a con'teyacu al c'a.

5 'Iya' Nujxi C'ec. Imanc' aimané. Ja'ni aimolanajyo't'si iya' jouc'a aicanajyacoxi, malmajm'me anuli. To'ta'a ti'on'coto'lhuo' to himané al 'ec no'aspa juaiconapa.

6 Ja'ni tolanajtsot'si imanc' ti'on'coto'lhuo' to himané al 'ec leca'nimpa aculi'. Tijul'mola'. Tijoula' tiju'lsola' tefot'lena'me jouc'a lif'as quijul'pa, ti-huoxc'ona'me lonajpa lunga, tipi'em'me.

7 Ja'ni aimolanajyacot'si, ja'ni aimolimenc'ecoyi laitaqui', nipajnya to'tsa'hue'me, tepi'im'molhuo' ite lo'sahue'epa.

8 Ja'ni ti'on'cospolhuo' to himané al 'ec no'aspa juaiconapa, anuli anuli ti'atsi, imanc' linca alihuequi. To'ta'a lan xanuc' tixim'me acueca' cai'Ailli'.

9 'Ma to cai'Ailli' aŕ'ay capic'a, toŕta'a iya' ca'elhuo' capic'a. Aimolanaj'moŕtsi. Maŕmajm'me anuli, toŕta'a ti'hua ca'elhuo' capic'a.

10 Imanc' ja'ni tolihuejcoyi laifcuxe'epolhuo', itine itine toŕsim'me ca'elhuo' capic'a. Toŕta'a iya' lai'ejma'. Iya' quihuejma laŕcuxe'epa cai'Ailli', itine itine aixina' aŕ'ay capic'a iŕque.

11 'Tolapenufle laitaiqui' laifnu'ipolhuo'. Toŕta'a ti'i'ma acueca' loŕpixoŕjma cata. Ma to iya' tixoqui neta, toŕta'a imanc' tixoŕj'ma cunlata. Aimi'iya moŕsueŕmot'leyacu.

12 Itsiya cacuxe'elhuo' lonŕ'eyacu. Camilhuo': Tonŕ'etsotŕsi capic'a. Ma to iya' ca'elhuo' capic'a, toŕe imanc' tonŕ'etsotŕsi capic'a.

13 Cal xans, ja'ni acueca' ti'ela' capic'a nonanc'opoŕtsi ticu'ma lipitine tunŕu'e'mola' iŕniya. Ailopa'a xonca acueca' co'eya.

14 Imanc' aŕnanc'oyotŕsi ja'ni tonŕ'eyi laifcuxe'epolhuo'.

15 'Itsiya capalaic'olhuo' a'i lopalaic'onyacola' lam mozó. Cal mozo aiŕquixina' lo'eya lipoujna. Iŕque lipoujna aimu'iya. Illanc' aŕejmaleyi. Camilhuo': Iya' aŕnanc'oyotŕsi. Ailopa'a cainemi'epolhuo'. Jahuay lalupa cai'Ailli' joupa nu'ipolhuo' imanc'.

16 Iya' ai'huij'epolhuo'. Imanc' a'i caŕ'huij'e iya'. Camilhuo': Nimetŕsaicopolhuo' aixanuc'. Caxpic'e tonŕeŕe. To al c'a c'ec tipammaispa toŕta'a tipammaitolhuo' imanc'. He al c'a lonŕ'eyacu tipanehuo. Imanc' aixanuc'. Limetsaijma naitŕsi iya'. Toŕta'a cai'Ailli' tepi'i'molhuo' loŕsahue'eyacu.

17 Tonŕ'etsotŕsi capic'a. Toŕta'a laifcuxe'epolhuo' imanc'.

18 'Lan xanuc' naihuejpá quiŕtuca' liŕpicuejma', ja'ni ti'elhuo' laic', aŕ'nujuaisla' iya' lai'epa. Ate'a aŕ'epa laic' iya'.

19 Imanc' ja'ni coŕa' tolihuejyi coŕtuca' loŕpicuejma' iŕniya lan xanuc' ti'e'molhuo' capic'a. Timi'molhuo': "Ninc'apimaye". Imanc' aimolihuejyi coŕtuca' loŕpicuejma'. Iya' ai'huij'epolhuo'. Toŕta'a ocuena loŕ'ejma'. Toŕiya iŕniya ti'e'molhuo' laic'.

20 'Aŕ'nujuaisla' iya' laitaiqui'. Joupa aimipolhuo': "Notoc'iyalepa aimi'iya mulijya lipoujna. Iŕque lipoujna linca xonca acueca'." Ma to li'e'empa lipoujna, toŕta'a lo'e'enyacu cal mozo. Iya' joupa lihuetsoquimpa jouc'a tihuetsouquim'molhuo'. Iŕniya ja'ni coŕa' ihuej'me laitaiqui', jouc'a tihuej'me loŕtaiqui'.

21 Imanc' aixanuc', toŕta'a iŕne lan xanuc' ti'e'molhuo' laic', tihuetsouquim'molhuo'. Iŕniya aiŕuilimetsaijma iŕque ŕalummepa.

22 'Iya' ja'ni coŕa' aicaicuaiyunni fa'a li'a ŕamats', ja'ni coŕa' aicaipalaic'o'mola', iŕniya ti'i'ma tines'me: "Ailopa'a caŕjunac'". Iya' aicuai'ma, aipalaic'o'mola'. Itsiya aimi'iya minesyacu: "Ailopa'a caŕjunac'". Iŕne ailopa'a cotalai'ecoyacu.

23 Iŕque ŕalixtuc'opa jouc'a tixtuc'o cai'Ailli'.

24 Iya' pe lomana' lan xanuc' joupa ai'epa acueca'. Ailopa'a no'eya to iŕta'a lai'epa iya'. Ja'ni coŕa' aicai'aic' toŕta'a iŕniya ti'i'ma tines'me: "Ailopa'a caŕjunac'". Itsiya aimi'iya minesyacu toŕta'a. Joupa aŕsimpa acueca' lai'epa. Joupa aŕ'eponga' laic', iya' y cai'Ailli'.

25 'He lai'e'epa ma tenant'hi al Paxi Linilingiya loya'apa: "Tama ailopa'a caif'e'epola' iŕniya aŕ'epa laic'".

26 'Pe lopa'a cai'Ailli' jilpe tipa'a Notoc'iyacolhuo', iŕque cal Espíritu Santo nonespa al linca. Iŕque co'huayoya ma le'a ŕanDios. Iya' cumme'e'molhuo' pe loŕmana'. Ticuaiyunni fa'a li'a ŕamats' iŕque aŕnesco'ma iya'.

27 Imanc' jouc'a aŕnesco'ma. Lipangopa laipenic' fa'a li'a ŕamats' aŕejmalepá, iya' y imanc'. Imanc' aŕsimpa acueca' lai'epa, limetsaicopa laipicuejma'. Toŕta'a aŕnesco'ma, tolu'i'mola' lan xanuc'.

16

¹ 'Joupa nu'ipolhuo' te ts'i'ic' moluyalaicoyacu. Tolapenufle ite laimipolhuo'. Toŧta'a aimolanajyacoltsi.

² Itsiya camiconam'olhuo' te ts'i'ic' moluyalaicoyacu: Tipa'am'olhuo' lajut'li pe lafot'leyopoŧtsi. Ticuaihuo litine ihniya noma'ayacolhuo' tines'me: "Joupa aima'apa itque lihuejpa Jesús. He lai'epa etentocopa LanDios."

³ Ihniya pe noma'ayacolhuo' aicalimetsaiconga' iya' ni cai'Ailli'.

⁴ Toŧta'a laifnu'ipolhuo'. Ticuaitsi litine toŧteŧcole toŧ'nujuaisnata laimipolhuo'. Ma maŧmana' anuli aicainu'ilhuo' toŧta'a.

⁵ Itsiya ai'huanapa, cacuainata pe lopa'a itque Lalummepa. Imanc' aimalicuis'e: "¿Pe coŧseya?" Nij anuli nalicuis'epa toŧta'a.

⁶ He laimipolhuo' epi'ipolhuo' acueca' quixhuejma'.

⁷ Iya' camilhuo' al linca: Ticuicomma ca'huanama. Ja'ni a'i, Notoc'iyacolhuo' aimicuaiya pe loŧmana'. Ja'ni ca'huanla' linca ticuaihuo. Iya' cumme'etolhuo' pe loŧmana'. Toŧta'a xonca al c'a loluyalaicoyacu.

⁸ Itque cal Espíritu Santo ticuaiyunni li'a lamats' timuj'ma ailopa'a cotalai'e'ecoyacu LanDios ihne lan xanuc' naihuejpa' quilituca' lipicuejma'. Timuj'ma te ts'i'ic' lajunac', timuj'ma te ts'i'ic' al c'a, timuj'ma atinca LanDios titeŧ'mi'mola' ihne ts'itai'ic' quiljunac'.

⁹ Ihne aical'huaiyinge, toŧta'a cal Espíritu Santo timuj'ma itai'ic' lipjunac'.

¹⁰ Iya' ca'huanama pe lopa'a cai'Ailli', imanc' aimalahuelojnconaya aicapanconaya fa'a li'a lamats', cai'Ailli' lapenufnata pu'huanni. Toŧta'a cal Espíritu Santo timuj'ma ac'a lai'epa iya'.

¹¹ Ticuaiyunni cal Espíritu Santo LanDios joupa ulijpa Satanás, iteŧ'mipa itque nocuxepola' lan xanuc', ihne naihuejpa' quilituca' lipicuejma'. Toŧta'a cal Espíritu Santo timuj'ma atinca LanDios titeŧ'mi'mola' lan xanuc', ihne ts'itai'ic' quiljunac'.

¹² Tipa'a xonca laifnu'iyacolhuo'. Itsiya aimi'ia cu'iyacolhuo'. Imanc' toŧsim'me ipime ite laitaiqui'.

¹³ Ticuaiyunni cal Espíritu Santo itque noya'apa al linca, panca panca timuc'i'molhuo'. Toŧta'a ti'i'ma coŧsina' jahuay al linca cataiqui'. Cal Espíritu aimuya'aya quituca' lipicuejma'. Tu'i'molhuo' ma loquimf'epa, ihniya lataiqui' lu'ipa LanDios. Tu'i'molhuo' lo'ia.

¹⁴ Itque limetsaijma, aŧnesco'ma. Aiminescoyacoxi. Ma le'a aŧnesco'ma iya' lai'ejma', laipicuejma', laimane.

¹⁵ Ma to li'ejma', lipicuejma', limane cai'Ailli', ma' anuli iya' lai'ejma', laipicuejma', laimane. Toŧiya joupa aimipolhuo': "Itque cal Espíritu aiminescoyacoxi. Ma le'a aŧnesco'ma iya' lai'ejma', laipicuejma', laimane."

¹⁶ Tuyaiŧa' nihuata aimasingonaya. Tuyaiŧonŧa' nihuata asingona'ma.

¹⁷ Hualca ts'ilihuequi ipalaic'opoŧtsi, timiyoltsi:

—¿Te calmicoponga' toŧta'a? Ticua: "Tuyaiŧa' nihuata aimasingonaya. Tuyaiŧonŧa' nihuata asingona'ma." Jouc'a ticua: "Ai'huanapa pe lopa'a cai'Ailli'".

¹⁸ Ti'hua tipalaic'oyoŧtsi, ticuayi:

—¿Te cocuajmaispa licuapa: "Tuyaiŧa' nihuata"? Aicalcueca ite litaiqui'.

¹⁹ Jesús ixina' ipic'a ticuis'ete te cocuapa ihniya lataiqui'. Timila':

—¿Te colicuis'ecopoŧtsi te cocuapa ihniya lataiqui': "Tuyaiŧa' nihuata aimasingonaya, tijouŧa' tuyaiŧonŧa' nihuata asingona'ma"?

²⁰ Iya' camilhuo' al linca. Imanc' toŧhuotso'me, toŧjolij'me. Lan xanuc' nomana' fa'a li'a lamats', ihne naihuejpa' quilituca' lipicuejma', ihniya tixoj'ma quileta. Imanc' toŧhuotso'me juaiconapa. Tijouŧa' aimoŧhuotsoconayacu. Tiŧonc'e'em'molhuo' loŧpixhuejma', tixoj'ma cunlata.

²¹ Łaca'no' titełco'ma tipajntsi h'hua. Tixhuełma, ticua: “Joupa ixhuaita litine. Joupa ał'huajcopa łaipunla.” Tijouła' tipajntsi h'hua, timence'co'ma łipunla. Tixoqui queta. Ticua: “Łacapími' joupa ipajnta, icuai'ma fa'a li'a łamats”.

²² Tołta'a loluyalaicoyacu imanc'. Itsiya tołhuotsoyi, tołsuełcoyi. Caxingona'molhuo'. Jilpe litine tixoj'ma cunlata. Ailopa'a nailonc'e'eyacolhuo' ile lołpinoxjma cata.

²³ Jilpiya litine aimalicuis'econaya. Iya' camilhuo' al linca: Imanc' ołsina' naitsi iya', limetsaijma, jahuay lołsahue'eyacu cai'Ailli' tepi'itsolhuo', ilque tepi'i'molhuo'.

²⁴ Aicołsahue'e tołta'a cai'Ailli'. Itsiya camilhuo': Imanc' ołsina' naitsi iya', limetsaijma, tołmile tołta'a cai'Ailli', tołsahue'e'me. Tołta'a linca tepi'i'molhuo'. Tijouła' ti'i'ma xonca juaiconapa acueca' lołpinoxjma cata.

²⁵ 'Iya' laipalaic'opolhuo' a'ij cuajmaica cataiqui', ma le'a ai'onłicopa. Ticuaihuo litine aica'onłicoya. Cu'ina'molhuo' al cuajmaica. Cami'molhuo' te ts'i'ic' cai'Ailli'.

²⁶ Imanc' ołsina' naitsi iya', limetsaijma. Ticuaiyunni jilpe litine imanc' tołmile tołta'a cai'Ailli', tołsa'hue'me.

'Iya' a'i camilhuo': “Caxahue'e'ma cai'Ailli' tepi'itsolhuo'”. A'i. Aicamiya tołta'a. Małque cai'Ailli' ti'elhuo' capic'a. Małque tepi'i'molhuo' lołsahue'epa.

²⁷ Imanc' ał'epa capic'a, lapenufpa iya' lainespa, joupa nu'ipolhuo': “Ilque ŁanDios Łalummepa”. Toliya małque ŁanDios ti'elhuo' capic'a.

²⁸ Iya' cai'huayomma cai'Ailli', aicuai'ma fa'a li'a łamats'. Itsiya ca'huana'ma, quipanahuo li'a łamats', cacuainata pe lopa'a cai'Ailli'.

²⁹ Ts'ilihuequi timiyi:

—Itsiya ałpalaic'onga' al cuajmaica, aimal'onłiconga' cataiqui'.

³⁰ Itsiya ałsina' ima' jahuay oxina', aimalicuis'econayaco'. Itsiya joupa i'ipa całsina' ałinca o'huayomma ŁanDios.

³¹ Jesús timila':

—Itsiya, łte ałinca limetsaijma naitsi iya'?

³² Ticuaihuo al 'hora, itsiya icuai'ma, imanc' tolinul'me. Tonłeyołna'me lołajut'hi, tołaca'ne'mołtsi. Ałpo'no'ma caituca'. Tama tołta'a lał'e'eya aicapajnya caituca'. Cai'Ailli' tipa'a.

³³ Iya' cacua: Aimołsuełmot'le'me. Toliya joupa nu'ipolhuo' lo'iya. Ma mołmana' fa'a li'a łamats' linca tołtelco'me. Aimixpailij'molhuo'. Tixojla' cunlata. Iya' joupa nulijpa.

17

¹ Tołe limipola' Jesús ts'ilihuequi. Lijou'ma ehuelojm'ma lema'a. Ipango'ma ipalaic'o'ma qui'Ailli', timi:

—Mai'Ailli', joupa icuai'ma lai'hora. Caxahue'ehuo' tomuc'itsola' laixanuc' naitsi iya'. Iya' o'Hua. Tołta'a camuc'i'mola' naitsi ima', ima' ai'Ailli'.

² Ima' joupa lapi'ipa laimane cacuxena'mola' jahuay lan xanuc'. Tołta'a capi'i'mola' laixanuc' liłpitine aimijouya. Iłniya laixanuc' ima' lapi'ipa.

³ Ihe pe lepi'impola' liłpitine aimijouya, ma' iłniya timetsaicohuo' ima' manDios. Jouc'a limetsaijma iya' ninJesucristo, ima' alummepa.

⁴ Fa'a li'a łamats' aimuc'ipola' naitsi ima'. Ihe laipenic' lalapi'ipa ima', joupa aijou'nepa.

⁵ Ai'a tilajm'ma li'a łamats' ałmana' anuli. Ailopa'a cał'onłcosponga'. Itsiya mai'Ailli', lapenufnał' jilpiya pe lołpa'a. Jilpiya ałmajnta anuli. Ti'ila' ma to li'ipa ai'a tilajm'ma li'a łamats'.

6 'Ima' joupá lapi'ipa iñe laixanuc'. Iya' aimuc'ipola' naitsi ima'. Iñiya laixanuc' aimi'onłspola' locuenaye lan xanuc' nomana' li'a łamats' pe naihuejpa' quilituca' liłpicuejma'. Ima' joupá o'huij'epola'. Iñiya ihuejcopá lotaiqui'.

7 Jahuay lapi'ipa ima'. Laixanuc' joupá iłsina' pe qui'huayomma iñe lalapi'ipa. Jahuay iñe lalapi'ipa o'huexi ima'.

8 Lataiqui' ima' lalapi'ipa iya' nu'ipola' loxanuc'. Iñiya epenufpa' iñiya lotaiqui'. Iłsina' cai'huayomma ma' ima'. Joupá i'huaiyijmpá li'ipa, ima' alummepa.

9 'Iya' caxahue'ehuo' totoc'itsola' iñe loxanuc'. A'i camihuo' motoc'iyacola' locuenaye xanuc' nomana' li'a łamats'. Caxahue'ehuo' totoc'itsola' laixanuc', iñiya lalapi'ipa. Jiñe o'huexi.

10 Jahuay lai'huexi jouc'a o'huexi. Jahuay ło'huexi jouc'a ai'huexi. Iñiya laixanuc', iñe ał'huexi, joupá alimetsaicopa, imuj'me naitsi iya'.

11 'Itsiya aicapajñconaya fa'a li'a łamats'. Laixanuc' linca timajm'me fa'a. Iya' joupá ca'huana'ma, cacuainata pe lofpa'a. Mai'Ailli', ima' umPaxi. Caxahue'ehuo' totoc'itsola' iñe laixanuc', to'etsola' cuenna. Ti'hua lihuejla' iñiya. Ima' lopusfine ma laipufine jouc'a, tołta'a lacui'ipa ima'. Laixanuc' ja'ni lihuejla' al c'a, iñe ti'i'ma anuli ma to anuli iya' y ima'.

12 Ai'epola' cuenna laixanuc' małmana' fa'a li'a łamats'. Iñe aiquicuanaj'me lopusfine, ima' ilenDios. Le'a anuli łejac'pa, iłque łejac'eyoxi, toke lipicuejma'. Tołta'a enanłcopa al Paxi Linilñgiya.

13 'Itsiya aicuaiconna pe lofpa'a. Ma capa'a fa'a li'a łamats' caxahue'ehuo' totoc'itsola' laixanuc'. To iya' tixoqui neta, aipic'a tixojla' quileta jouc'a laixanuc'.

14 Nu'ipola' lotaiqui'. Iñiya epenufpa'. Locuenaye lan xanuc' nomana' fa'a li'a łamats' pe naihuejpa' quilituca' liłpicuejma', iñiya ti'eyi laic' laixanuc'. Tixinyi ituca' lił'ejma' ma to tixinyi ituca' lai'ejma'.

15 A'i caxa'huehuo' maipa'ayacola' laixanuc' fa'a li'a łamats'. Ma caxahue'ehuo' to'etsola' cuenna. Tołta'a ailopa'a co'eyacola' łixcay xans.

16 Iñiya ituca' lił'ejma' ma to iya' ituca' lai'ejma'. Aimal'onłsponga' to lan xanuc' naihuejpa' quilituca' liłpicuejma'.

17 'Mai'Ailli', totoc'itsola' iñiya laixanuc', ti'ila' o'huexi ima', ti'hua tihuejle al linca. Iñe lotaiqui' al linca.

18 Ima' alummepa fa'a li'a łamats'. Toliya iya' nummepola' laixanuc' tiyeke ni petsi li'a łamats'.

19 Iya' ma' o'huexi. Cacumoxi cunłu'etsola' laixanuc', ti'e'etsola' o'huexi jouc'a. Tihuejle al linca.

20 'Iya' caxahue'ehuo' totoc'itsola' jahuay laixanuc'. A'i camihuo': Totoc'itsola' ma le'a laixanuc' petsi joupá lapenufpa iya'. Iñe tuya'a'me laitaiqui', tijouła' lił'as xanuc' jouc'a lapenuf'ma, lihuej'ma. Caxahue'ehuo' totoc'itsola' iñiya jouc'a.

21 Aipic'a ti'e'etsola' anuli iñe laixanuc'. Mai'Ailli' illanc' ałmana' anuli. Ima' iya' anuli, iya' ima' anuli. Tołta'a ał'e'etsonga' anuli, iñiya y illanc'. Ja'ni ti'ila' tołta'a locuenaye lan xanuc' nomana' li'a łamats' tines'me: "Alinca ma LanDios ummepa Jesús".

22 'Ima' joupá ałpaxnepa, limetsaicopa iya' o'Hua. Tołta'a iya' aipaxnepola' iñiya laixanuc', nimetsaicopola' onaxque'. Ma to illanc' ałmana' anuli, iya' y ima', tołta'a ti'e'etsola' iñiya.

23 Iya' y iñiya ałmajm'me anuli. Ima' y iya' ałmana' anuli. Tołta'a ti'e'etsola' ma' anuli iñiya. Locuenaye lan xanuc' nomana' li'a łamats' ti'i'ma quilsina'

naitsi itque Lalummepa, ma' ima' mai'Ailli'. Jouc'a ti'i'ma quihsina' lof'epola' capic'a itne laixanuc'. Ma to ima' at'ay capic'a tohta'a to'ela' capic'a itniya.

²⁴ 'Mai'Ailli', ai'a tilajm'ma li'a lamats', ima' at'ay capic'a, atpaxnepa, alimet-saicopa. Itsiya caxahue'ehuo' totoc'itsola' laixanuc', itne lalapi'ipa. Camihuo': Aipic'a ticuaitsa jilpiya, timajnta pe laifpa'a. Ahsinta' ma to li'ipa. Ahsintsonga' anuli iya' cai'Ailli'.

²⁵ 'Mai'Ailli', ima' cotuca' atijca lopicuejma'. Locuenaye lan xanuc' nomana' li'a lamats', itne aiquimetsaicohuo'. Iya' hınca nimetsaicohuo'. Laixanuc' jouc'a timetsaicohuo'. Hsina' ima' alummepa.

²⁶ Aimuc'ipola' laixanuc' naitsi ima'. Ti'hua camuc'i'mola', timetsaicotso' xonca, ti'etsotsi capic'a ma to ima' at'ay capic'a. Tohta'a at'e'etsonga' anuli iya' y laixanuc'.

18

¹ Jesús lijoupa lipalaic'opa qui'Ailli' ipanni, ileco'mola' ts'ilihuequi. Iye'me laca'hua pana' cuftine Cedrón. Uyalaico'me locuena liju'. Jilpiya tipa'a anuli laqueya. Itsuflai'me.

² Judas, itque pe joupa icupa cataiqui' ticu'ma Jesús, imetsaijma jilpiya laqueya. Itsenaihuo'me jilpe Jesús jouc'a ts'ilihuequi.

³ Matpiya icuaiconca Judas ilecola' lan soldado romano jouc'a lapaluc' lummempola' lixanuc' cal cuecaj ca'ailli', jouc'a lummempola' lam fariseo. Itniya itaic' lolif'ecopołtsi, jouc'a litpepalc'o', jouc'a locuanajcoyacołtsi lofulecoyacu.

⁴ Jesús joupa ixina' jahuay lo'iya. Ipanni, timila':

—Imanc', ¿naitsi conlahuepa?

⁵ Timiyi:

—Lahueyi Jesús, las Nazaret.

Jesús timila':

—Ma' iya'.

Matpe tipa'a Judas, itque pe joupa icupa cataiqui' ticu'ma Jesús. Jilpe jouc'a tecaxhuołanna lan soldado jouc'a lapaluc'.

⁶ Licuej'me lines'ma Jesús: “Ma' iya'”, itniya ipailiconca quihsipula', enghuołaitsa lamats'. Ixpailij'mola' juaiconapa.

⁷ Jesús icuis'econa'mola', timila':

—Imanc', ¿naitsi conlahuepa?

Itniya italai'e'econa'me, timiyi:

—Lahueyi Jesús, las Nazaret.

⁸ Jesús timila':

—Joupa aimipolhuo': Ma' iya'. Ja'ni ma le'a iya' lahuay, tolapi'itsola' lane tiyente itna'a ts'alihuequi.

⁹ Tohta'a enantcopa limipa Jesús qui'Ailli', locuapa: “Iya' ai'epola' cuenna laixanuc', itne lalapi'ipa ima'. Ailopa'a quejac'pa.”

¹⁰ Simón Pedro itaic' li'espada. Ipa'a'ma, ixcai'e'ma limozo cal cuecaj ca'ailli'. Nulemma etec'e'e'ma lix'mas al c'a camane. Itque cal mozo cuftine Malco.

¹¹ Jesús icuxe'e'ma Pedro, timi:

—To'huejnała' lo'espada. Cai'Ailli' joupa ixpic'epa tohta'a laifnuyaicoya. ¿Te ma iya' catets'i'ma itque lixic'ejma'? Ma catetco'ma.

¹² Lan soldado romano jouc'a nocuxepola', jouc'a lapaluc' lummempola' lan tsilaj judío, itniya i'noł'me Jesús, ifi'e'me.

¹³ Ileco'me pe lopa'a Anás. Itque a'hua cunas cuftine aCaifás. Jitniya litiné matque Caifás cal cuecaj ca'ailli'.

14 Jounpa inespa: “Tima'anle le'a anuli cal xans, tunhu'etsola' jahuay lahxanuc'”.

15 Milecoyi Jesús iyenc'e'me oquexi' ts'ilihuequi. Iñiya Simón Pedro jouc'a ñejmale. Pedro ñejmale imetsaijma cal cuecaj ca'ailli'. Icuaitsa lejut'ñ cal cuecaj ca'ailli'. Litsufai'e'me Jesús, Pedro ñejmale jouc'a itsufai'ma ñipuna quejut'ñ ña'ailli'.

16 Pedro aiquitsufaic'. Ipanenni tecaxu lixpula' al puerta. Ts'ihuequi Jesús, ñque pe ñimetsaijma cal cuecaj ca'ailli', ipaiconanni icuaitsi pe lopa'a ñahuats' no'epa cuenna al puerta. Ipalaic'opa. Lijou'ma itsufai'e'ma Pedro.

17 Ñahuats' no'epa cuenna al puerta icuis'e'ma Pedro, timi:

—¿Te ma ima' jouc'a omihuequi cal xans Jesús?

Pedro timi:

—A'i iya'.

18 I'i'ma juaiconapa caxita. Jñpe lam mozó jouc'a lapaluc' icue'epá quñpunga. Jññiya ecaxoñgoñai'me, epat'le'moñsi. Pedro jouc'a ecaxingai'ma jññiya, epat'le'moxi.

19 Cal cuecaj ca'ailli' Anás ticuis'e Jesús, timi:

—¿Nañsi ññiya ts'ihuejhuo'? ¿Te cofmuc'ipola'?

20 Jesús italai'e'e'ma, timi:

—Iya' aipalaipa petsi jahuay añsimpa, añquimf'epa. Camuc'ila' lan xanuc' mimana' jññiya ñejjut'ñ pe lafoñyomma, jouc'a pe lopa'a al cuecaj xoute'. Camuc'ila' mañiya pe lafoñyomma lan xanuc' judío. Ailopa'a caimuc'ipola' quemiya.

21 Itsiya, ¿te calicuis'ecopa te cañf'uc'ipola'? Taicuis'etsola' nañquimf'epa. Iñe ññina' te ts'i'ic' laimipola'.

22 Licuejpa toñta'a linespa Jesús, una'ma camane li'a anuli ñapaluc nacaxuya huejñca. Timi:

—Ima', ¿te cofñalai'ot'ñecopa toñta'a cal cuecaj ca'ailli'?

23 Jesús timi:

—Ja'ni a'i canesqui al ñjca, lu'ila'. Ja'ni ainespa al ñjca, ¿te calunñaf'ocopa camane?

24 Ma to quifi'iya Jesús, Anás ummepa pe lopa'a cal cuecaj ca'ailli' Caifás.

25 Pedro ipanenni ñipuna ña'ailli', ma mecaxu tepat'ñeyoxi. Icuis'e'me, timiyi:

—¿Te ma ima' jouc'a omihuequi ñque?

Pedro icuanajpa, timi:

—A'i iya'.

26 Anuli ñimozo cal cuecaj ca'ailli' ipalaic'o'ma Pedro. ñque ma ñipima ñetec'epa quix'mas Pedro. Timi:

—Iya' cacua jounpa aiximpoñhuo' jññiya ñaqueya, ima' jouc'a Jesús.

27 Icuanajcona'ma Pedro, timi:

—Iya' a'i.

Aiquicoñi. Ija'a'ma ñangiti.

28 Ipa'a'me Jesús lejut'ñ Caifás. Iñeco'me pe lopa'a cal gobernador romano, ñque cuñtine Pilato. Jounpa i'ipa quitine. Lan judío aiquiñsufñaic' lejut'ñ Pilato. Imanenca ñuna. Timiyoiñsi: “Aimi'iya mañsufñaiyacú. Añpic'a ñandios añsintsonga' ñinc'ñlimpio. Toñta'a ñipajnya añteta lixic' lotejnyacu al juic Pascua.”

29 Pilato ipanni pe lomana' ññiya, timila':

—¿Te ts'i'ic' loñcuxecocopa cal xans?

30 Italai'e'e'me, timiyi:

—I'epa quixcay. Ja'ni ailopa'a qui'aic', ¿te cañcuai'ecoyacu fa'a ima'?

31 Pilato timila':

—Imanc' toñeconle. Tiñinc'ita loñjuez. Tixanuta ita'a lataiqui'. Tonñ'e'ete to minesqui lataiqui', ite locuxe'epolhuo'.

Lan judío italai'e'e'me, timiyi:

—Illanc' aimi'hua lañmane, aimi'iyá malacani'eyacu. Aimi'iyá mañpic'eyacu tima'anle.

³² Jesús joupa uya'apa te co'iyá mima'ayacu. Itsiya tenant'ma linespa.

³³ Pilato ipainanni, itsufaicona'ma lejut'. Ijoc'i'ma Jesús ti'huanni. Icuís'e'ma, timi:

—¿Te ima' itrey lan xanuc' judío?

³⁴ Jesús timi:

—¿Te ima' toñta'a topalay cotuca', o lan xanuc' añnescopa toñta'a?

³⁵ Pilato italai'e'e'ma, timi:

—Iya', ¿te ninjudío? Loxanuc', itniya ixanuc' cal cuecaj ca'ailli', icupo'. ¿Jale co'epa?

³⁶ Jesús italai'e'e'ma, timi:

—Iya' aicacuxela' lan xanuc' to micuxeyi lan rey nomana' fa'a li'a lamats'. Ituca' laifcuxepola' iya'. Ja'ni coña' cacuxe to micuxeyi lan rey nomana' li'a lamats', itniya ts'alihuequi joupa ifulepá, añcuanajco'ma aimañcuya ticuaita quiñmane lan xanuc' judío. Itsiya aicacuxe fa'a li'a lamats'.

³⁷ Pilato timi:

—¿Te ima' unrey?

Jesús timi:

—Ma to lofnescopa iya' ninrey. Iya' aipajncota aicuaicoco'ma li'a lamats' cu'itsola' lan xanuc' al ñinca. Pe naihuejpá al ñinca cataiqui', itniya añcuc'e.

³⁸ Pilato timi:

—¿Te jale al ñinca?

Lijoupa linespa toñta'a Pilato ipaconanni pe lomana' lan xanuc' judío, timila':

—Iya' cacua, itque cal xans ailopa'a quijunac'.

³⁹ Ajuic ajuic Pascua toñcuaiyumma, añsahue'e cux'mas'ma anuli hitats'iyá, toñ moñ'eyi. Itsiya, ¿jale ts'oñpic'a cux'masla'? ¿Ja'ni cux'masla' itca'a loñrey imanc' unc'ijudío?

⁴⁰ Lan judío ija'acona'me, timiyi:

—Aimox'mas'ma itque. Tox'masla' Barrabás.

Itque Barrabás innantsepa, inma'ahuale.

19

¹ Pilato icuxe'ma tileconle Jesús tipatsa.

² Lijou'ma lan soldado ipuf'me anuli al corona quitac. Ipo'nof'i'me lijuac Jesús. Itats'mi'me lijahua' unxali cumi.

³ If'iltsaico'me. Tiñcuaiyumma pe lacaxu to mi'e'enni cal cuecaj xans. Inom'me, timiyi:

—Añnom'mo' ima' itrey lan xanuc' judío.

Ti'hua ti'econayi. Lijou'ma tuntafc'e'eyi li'a.

⁴ Pilato ipaconanni ñuna. Timila' lan judío:

—Toñsinle. Quipa'a'ma ñuna itca'a Jesús. Ti'itá' coñsina' joupa aiximpa ailopa'a quijunac'.

⁵ Ipa'a'ma ñuna. Lijouac itaic' licorona quitac. Titatsma lijahua' unxali cumi. Pilato timila' lan judío:

—Toñsinle. Jifa'a copa'a cal xans.

⁶ Lixim'me Jesús lixanuc' cal cuecaj ca'ailli' jouc'a lilepaluc', itniya ija'a'me ujfxi, timiyi Pilato:

—¡Tapałts'ijnla' lancruz! ¡Tapałts'ijnla' lancruz!

Pilato timila':

—Tolhecole imanc' coltuca'. Tolapałts'ijntsa lancruz. Iya' aiximpa ailopa'a quijunac'.

⁷ Lan judío timiyi:

—İlque ticua: “Iya' i'Hua LanDios”. Tipa'a lataiqui' lałcuxeponga' illanc'. İe lataiqui' ticua: “Tima'antsola' ilne nocuapá tolta'a”.

⁸ Licuej'ma ilne lonespa, Pilato xonca ixpaij'ma.

⁹ Itsufaiconama lejutł, icuis'econa'ma Jesús, timi:

—İma', ¿pe co'huayomma?

Jesús aiquitalai'e.

¹⁰ Pilato timi:

—¿Te aimatłalai'e? ¿Te aicoxina' ti'hua laimane? Nipajnya cux'masna'mo', nipajnya capałts'ijm'mo'.

¹¹ Jesús italai'e'ma, timi:

—Tipa'a anuli xonca acueca'. İlque lepi'ipo' comane. İma' cotuca' ailopa'a cal'e'eya. Naitsi cal xans nałcupa, ilque xonca tipa'a lijunac'.

¹² Licuej'ma iliya lataiqui' Pilato xonca ehue'ma te co'iya mux'masya Jesús.

Lan xanuc' judío ti'hua tija'ayi, timiyi:

—Cal xans nonespa: “Iya' ninRey”, ilque ti'ay quipilaic' César cal cuecaj rey. Ja'Ni tox'masqui Jesús, jouc'a to'ay laic' lopoujna César.

¹³ Licuej'ma Pilato lonespa lan judío i'hua'a'ma Jesús luna petsi cuftine “Litat'luyiya”. Liłtaiqui' lan judío cuftine Gabata. Jiłpe icutshuai'ma to cal juez.

¹⁴ İe litine avispera al juic cuftine al Pascua. Joupa ti'i'ma to menac'o. Pilato timila' lan xanuc' judío:

—Tolınte. Jifa'a copa'a lolrey.

¹⁵ İlne ija'a'me ujfxi, timiyi:

—¡Tolcola', tolecola', tapałts'ijntsi lancruz!

Pilato timila':

—¿Te calfnepałts'ijncoya lolrey?

Lixanuc' cal cuecaj ca'ailli' italai'e'e'me, timiyi:

—Ma le'a César alrey. Ailopa'a cocuena.

¹⁶ Lijou'ma Pilato icu'ma Jesús tepałts'ijntsa lancruz. Lan soldado ileco'me.

¹⁷ Jesús itai'ma lencruz. I'hua'ma lane ticuaita Lamats' Quecoye. Liłtaiqui' lan xanuc' judío cuftine Gólgota.

¹⁸ Jiłpiya epałts'ingim'me lencruz Jesús. Jouc'a epałts'ingim'mola' oquexi' lan xanuc', anuli al c'a camane Jesús, locuena loxa camane. Jesús epałts'ingimpa nolojmay ilniya.

¹⁹ Pilato joupa inilijmpa anuli lacaxma. Epałts'ijm'me laquitoncay hijuac Jesús. İe liniliya tinesqui: “İlca'a Jesús las Nazaret, ilrey lan xanuc' judío”.

²⁰ Jiłpe pe lapałts'ijnnya Jesús ahuejnca liya' Jerusalén. Axpela' lan xanuc' judío uyalaico'me jiłpiya. İxhue'me lainilá linilingiya lacaxma. İnilingiya afane' lataiquí, liłtaiqui' lan judío, liłtaiqui' lan romano, liłtaiqui' lan xanuc' griego.

²¹ Lixanuc' cal cuecaj ca'ailli' aiquicuaicotsi quilpic'a linilpa Pilato, timiyi:

—¿Te cominilcopa: “İlca'a ilrey lan xanuc' judío”? Topai'inla'. Tuya'ala': “İlca'a Jesús, małque timiyoxi: Iya' ilrey lan xanuc' judío.”

²² Pilato italai'e'e'mola', timila':

—Joupa aininilpa. Tipanenni tolta'a.

²³ Lam malujxi lan soldado, ilne lepałts'ijm'me lancruz Jesús, tumma'me lip-ijahua'. Anuli anuli tumma'me lipijahua'. İpanenni anuli litoqui lipijahua'. İliya lipijahua' aiquenanc'iya. Apufi ipangocopa lejoc xejmay li'mitsi'.

24 Lan soldado timiyotsti:

—Aimałts'alyacu. Alf'ilcołe ałsim'me naitsi nolijya.

Tołta'a enanłcopa al Paxi Linilingiya tuya'e': "Anuli anuli ummana'me laipijahua'. If'ilco'me naitsi tulijla' litoqui laipijahua'."

Tołta'a li'epa lan soldado.

25 Tecaxu María qui'máma' Jesús huejnca pe lepałts'ijnyompa lencruz. Jouc'a tecaxhuołanna lipima qui'máma' cuftine María, itque ipeno Cleofas, jouc'a María las Magdala.

26 Jesús ehuelojm'ma qui'máma' tecaxu jilpiya. Jouc'a ixim'ma anuli ts'ihuequi tecaxu liju' qui'máma'. Itque ts'ihuequi, Jesús xonca ti'ay capic'a juaiconapa. Jesús timi qui'máma':

—Momá, jilpe tipa'a lo'hua.

27 Timi ts'ihuequi:

—Toxinla', jilquiya o'máma'.

Ite litine ts'ihuequi Jesús epenuf'ma qui'máma' Jesús. Ilaitsufcotsi.

28 Lijou'ma Jesús ipalaiconama. Joupa ixina' ixhuaita jahuay litełcopa. Ticua:

—Ticui caija'.

Tołta'a loya'apa al Paxi Linilingiya. Itsiya iliya lataiqui' tenanli.

29 Jilpe tipa'a anuli al catsitu imanna al cuxac vino. Ijac'ecom'me al vino anuli al esponja. Ifinc'i'me lupa limane c'ec cuftine hisopo, i'nof'e'me ti'huajcoła' lico Jesús.

30 Jesús lijoupa lixnapa ticua:

—Joupa ixhuaicota.

Ic'ommai'ma lijuac, ummena'ma li'espíritu ti'huanla'.

31 Ite litine avíspera. Lihuequi litine itine conxajya. Ite acuecaj quitine.

Lan judío ilpic'a tilonc'en-natsola' liłcuerpo itne lepałts'ingimpola', aimicoł'mola' jilpiya lilencruz. Ticuayi: "Icuaico'ma al cuecaj quitine. Jilne liłcuerpo aimi'ya mimajnyacu jilpe lam fane' lancruz." Ixahue'e'me Pilato tummetsola' lan soldado tepatsuf'entsola' lił'mitsi' napalts'ingolanna. Tijoula' tepatsuf'entsola' lił'mitsi' itne, tilonc'enatsola' lilencruz.

32 Lan soldado icuaitsa petsi cal te'a lepałts'ingiya lencruz. Epatsuf'e'me lił'mitsi', jouc'a epatsuf'e'me lił'mitsi' locuena.

33 Ipailiconanca, icuaitsa pe lopa'a Jesús. Ixim'me joupa imapa. Aiquepat-suf'e'me lił'mitsi'.

34 Anuli cal soldado i'nif'ma lianza, ena'ma lanza liju' Jesús. Aiquicołi, ipanni lajuats', ipanni laja'.

35 Itque nainilpa ite lataiqui' iximpa tołta'a li'ipa. Ma' ałınca ite linilijmpa. Tu'ilhuo' imanc' nołsueyacu. Ipic'a imanc' jouc'a tonlapenufle itla'a lataiqui'.

36 Ite li'ipa enanłcopa al Paxi Linilingiya lonespa: "Aimepatsufiya ni anuli lipecał".

37 Al Paxi Linilingiya jouc'a tinesqui: "Tehuelojncona'me itque tenampa liju'".

38 Lijou'ma anuli cal xans cuftine José las Arimatea i'huapa pe lopa'a Pilato. Itque José joupa epenufpa litaiqui' Jesús. A'i cuya'e'. Tixpaic'ela' lan judío. Ixa'huehuona'ma Pilato tepi'ila' lane tileconna licuerpo Jesús. Pilato epi'i'ma lane. I'hua'ma itainatsi licuerpo Jesús.

39 Jouc'a icuaiyunni Nicodemo, itque nehuejnhuo'ma lipuqui' ixinghuo'ma Jesús. Nicodemo itaic' cal pomada ilanc'ecompa itamqui lojuepaj c'a. Itla'a litamqui cuftine amirra, ihuomptsi a'áloes. Itque cal pomada lipicumta to oquej nuxans quimbamaj kilo.

⁴⁰ Loquexi' i'e'epá licuerpo Jesús ma to mi'eyi itne lan xanuc' judío ai'a teminnola' limanapola'. Iju'eco'me licuerpo ijahua' jouc'a cal pomada.

⁴¹ Pe lepałts'ijnyompa Jesús jilpiya tipa'a huejnca anuli łaqueya. Jilpe łaqueya tipa'a anuli łunts'eja' capic, ilanc'empa ti'huejyom'me łomaya. Jilpe łunts'eja' ailopa'a quemimpa.

⁴² Joupá avíspera litine conxajya. Jilpe litine aimi'iya miyeyacu aculi'. Lan xanuc' judío aimicuyi lane. Jilta'a łunts'eja' ma' ahuejnca pe lepałts'ijnyompa Jesús. Jilpiya i'huequintsa licuerpo Jesús.

20

¹ Icuaitsi al te'a quitine al xamano, ite al domingo, aquipuqui' María łas Magdala i'hua'ma łunts'eja' pe li'nico'enghuo'me Jesús. Icuaitsi ixim'ma joupá ilonc'empá cal cuecaj capic łetemf'ecompa.

² María ipainanni łunts'eja', tinu. Icuaitsi pe lomana' Simón Pedro y łocuena łihuejpa Jesús. Jilque Jesús łi'epa capic'a. María timila':

—Joupá ipa'anapá Cai'ailli'. Jilpe łunts'eja' ailopa'a. Aicałsina' pe quipo'no'empa.

³ Pedro jouc'a łitejmale ipalunca, iye'me pe li'nico'enghuo'me Jesús.

⁴ Loquexi' inul'me. Łitejmale Pedro ulij'ma. Icuaitsi ate'a.

⁵ Ehuenac'o'ma licu'u łunts'eja'. Ixim'ma łijahuaki tummac'o. Aiquitsufaic'.

⁶ Simón Pedro i'huanc'e'ma itque łitejmale. Icuaitsi łunts'eja' itsufai'ma. Jouc'a ixim'ma łijahuaki tummac'o.

⁷ Ixim'ma łijahua' łifi'ecompa li'a, łijuac Jesús. Ite łijahua' iximpa ijuisquiya, a'i mipa'a anuli jilpe łocuena łijahuaki.

⁸ Lijoupa łitsufaipa Pedro, itsufai'ma łocuena ts'ihuequi Jesús, itque łicuaita ate'a, ixim'ma li'ipa. Ticua: “Jesús ma' imaf'inapa”.

⁹ Iłniya aiquilcueca al Paxi Linilngiya loya'apa ticua: “Timaf'ina'ma łipayonno pe lomana' łamizhua”.

¹⁰ Loquexi' ts'ilihuequi Jesús iyena'me łilejut'li.

¹¹ María łas Magdala icuaiyocontsi pe lopa'a łunts'eja'. Tecaxu łuna, łijoqui. Mijoqui łehuenac'o licu'u łunts'eja'.

¹² Ixim'mola' oquexi' łapaluc' quema'a, afujca łilpijahua'. Ticutsołanna pe lunahuai'epa licuerpo Jesús. Anuli łicutsu łijuac, łocuena łicutsu li'mitsi'.

¹³ Iłniya łimiyi María:

—Maca'no', ¿te cofjojcopa?

María łimila':

—Ileconapá Cai'ailli' Jesús. Aicaixina' petsi quipo'no'empá.

¹⁴ Lijoupa linespa tołta'a ipai'e'ma li'a. Iximpa Jesús tecaxu jilpiya. Aiquimetsaico'ma Jesús.

¹⁵ Jesús łimi:

—Maca'no', ¿te cofjojcopa? ¿Naitsi cofmehuepa?

María łicua łipicuejma': “Iłca'a no'epa cuenna łaqueya”. Łimi:

—Mai'ailli', ja'ni ima' olecopa, lu'ıta' pe copo'no'ehuo'ma. Iya' ai'huapa caleonna.

¹⁶ Jesús łimi:

—ıMaría!

María ipai'e'moxi, ipalaic'o'ma łitaiqui' hebreo, łimi:

—ıRaboni!

Ite łitaiqui' łuhualquemma “Momxi”.

¹⁷ Jesús łimi:

—Aimal'noł'ma. Aicaicuaiya pe lopa'a cai'ailli', itque jouc'a oł'ailli'. Ite ainenDios, imanc' jouc'a olanDios.

18 María las Magdala i'hua'ma pe lomana' ts'ilihuequi Jesús, timila':

—Aiximpa Ca'ailli'.

U'i'mola' licuapa Jesús.

19 Joupá ummuhaita ihe litine, al te'a quitine al xamano. Ihe ts'ilihuequi Jesús tefot'leyo'ltsi anuli, ix'nif'miya lajut'ł. Tixpaic'ennila' lan judío. Jiłpe icuaitsi Jesús. Ecax'ma małpe pe lomana', timila':

—Aimołhuotso'me. Toluyalaıhe al c'a.

20 Imuc'i'mola' limane, liju'. Lixim'me ca'ailli' iłniya ts'ilihuequi ixojna'ma quileta.

21 Jesús timiconala':

—Aimołhuotso'me. Ma to cai'Ailli' alummepe, tołta'a iya' cummelhuo'.

22 Lijoupa limipola' tołta'a, ifusco'mola', timila':

—Capi'ıluo' cal Espıritu Santo. Tolapenufle.

23 Ja'ni tołmıe anuli cal xans: “Lojunac' iłojn-napa”, linca joupá iłojn-napa lijunac'. Ja'ni tołmıe: “Aiquiłonge lojunac'”, linca aiquiłonge lijunac' cal xans.

24 Ihe lipuqui' licuai'ma Jesús, anuli iłniya limbamaj coquexi' ts'ilihuequi ailopa'a jiłpiya. Iłque cuftine Tomás, łacui'impá cal Cuatsi.

25 Locuenaye ts'ilihuequi Jesús timiyi:

—Aısinnapá Ca'ailli'.

Tomás timila':

—Ja'ni caxınłta' limane petsi lepalt'sijncompa lan clavo, ja'ni cacaj'mıla' laidedo pe lecajm'micompa cal clavo, ja'ni cacanc'olá' laimane pe lixcai'empa liju', canes'ma: “Ma' imaf'inapa Jesús”. Ja'ni aicaxina tołta'a ti'hua canes'ma: “Aiquimaf'inghua Jesús. A'i iłque licuai'ma.”

26 Lijoupa luyaipa apaico quitine, efot'lecona'mołtsi ts'ilihuequi Jesús. Ix'nif'miya lajut'ł. Tomás jouc'a tipa'a. Icuaitsi Jesús. Ecaxingai'mola'. Timila':

—Aimołhuotso'me.

27 Timi Tomás:

—Tacajm'mıla' lodedo iłna'a laimane'. To'nijla' lomane tacanc'olá' lainiju'. Aımonescona'ma: “Jesús aiquimaf'inghua”. A'ıhuaiyijnla'. Joupá aimaf'inapa.

28 Tomás italai'e'e'ma, timi:

—Ima' maiPoujna. Ima' mainenDios.

29 Jesús timi:

—Ima' lahuelonge, tołta'a a'ıhuaiyijmpa. Naitsi la'ıhuaiyijnnya tama aicalahue-longe, iłque linca xonca lipaxnepa łanDios.

30 Mipa'a fa'a li'a łamats' Jesús imuc'i'mola' ts'ilihuequi al cueca' li'epa. Tołta'a imuc'i'mola' ma łanDios łummepa. Jifa'a aiquiniłi jahuay iłta'a li'epa Jesús, ma le'a huata.

31 Łataiquı linııya fa'a timuc'ıluo' naitsi Jesús, iłque cal Cristo, ma' i'Hua łanDios. Tolapenufle iłta'a łataiquı', to'ıhuaiyijm'me iłque Jesús. Tołta'a tepi'im'molhuo' lołpitine aimijouya.

21

1 Lijou'ma imujcona'moxi Jesús. Icuaiyocontsi pe lomana' ts'ilihuequi. Iłniya joupá iyepá al cuecaj quin'nuhua' cuftine Tiberias. (Jouc'a tecui'inni Galilea.) Fa'a cuya'e' li'ipa.

2 Jiłpe efot'le'mołtsi hualca ts'ilihuequi Jesús. Iłniya Simón Pedro, Tomás iłque cal Cuatsi, Natanael iłque lipııya' Caná lopa'a al distrito Galilea. Jouc'a timana' loquexi' linaxque Zebedeo, jouc'a ocuenaye loquexi' ts'ilihuequi Jesús.

3 Simón Pedro timila':

—A'ıhuapa ca'nołta catú.

Locuenaye timiyi:

—Ne'. Jouc'a łepá illanc'.

Ipalunca, if'ajli'me al barco. Ite lipuqui' aiqui'noł'me ni' anuli łatu.

⁴ Li'ipa quitine tipa'a Jesús tecaxu łema caja. Ts'ilihuequi aiquilimetsaijma ja'ni Jesús.

⁵ Jesús ijoc'i'mola', timila':

—Imanc' cunc'ainaxque', ¿te oł'nołpá o a'i?

Italai'e'e'me, timiyi:

—A'i. Ni tołca'a anuli aical'nołi.

⁶ Timila':

—Tolacajm'micontsa cal xami. Tolacajm'mitsa al c'a camane al barco. Jiłpiya linca tululijtola' latuye.

Ecajm'mihuo'me liłxami. Lijou'ma ixim'me acumta i'ipa cal xami, aimi'iya mexałcufyacu, mif'ac'eyacu, minij'miyacu al barco. Imanna catuye.

⁷ Anuli ts'ihuequi Jesús, iłque li'epa capic'a juaiconapa, ipalaic'o'ma Pedro, timi:

—Iłque ał'Ailli' Jesús.

Simón Pedro joupa ipa'apa litsamalo. Licuej'ma icuai'ma Jesús aiquicołi, ijojcocona'ma litsamalo, ecajm'mi'moxi laja', ti'hua'ma łamats'.

⁸ Locuenaye ts'ilihuequi Jesús if'ajli'me al barco. A'ij culi' łema caja, tocomma amaxnu metro. Ihuej'me Pedro, equif'me cal xami imanna catuye.

⁹ Icuaitsa łema caja, ixim'me imac'o łunsuac'. Jiłpiya tipa'a anuli łatu, joupa tixanuya. Ixim'me tipa'a ła'i jouc'a.

¹⁰ Jesús timila':

—Toł'hua'anca hualca latuye loł'nołpa.

¹¹ Pedro if'aj'ma al barco, exał'ma cal xami lijuł camats'. Iłca'a cal xami imanna catuye. Iłne latuye ixhuej'me'mola' ixhuaitsi anulij maxnu oquej nuxans quimbama' fane'. Axpe' catuye cal xami aiquits'ałquenni.

¹² Jesús timila':

—Tonłouyunca. Ałtetso'me.

Ts'ilihuequi Jesús aiquilicuis'e: “¿Naitsi ima'?” Tixinyi calaic'ata. Iłsina' małque ił'Ailli' Jesús.

¹³ Jesús iłoc'huai'ma, epef'ma ła'i, epi'i'mola'. Epi'i'mola' jouc'a łatu.

¹⁴ Joupa i'ipa afanemma mimujyoxi Jesús. Ts'ilihuequi iximpá joupa imaf'inapa, ipanamma pe lomana' lamizhua.

¹⁵ Lijou'ma litetso'me Jesús timi Simón Pedro:

—Simón, ima' i'hua Jonás, lopimaye ał'ay capic'a. ¿Te ima' xonca ał'ay capic'a?

Pedro timi:

—Mai'ailli', ima' oxina' ałejmalepá.

Jesús timi:

—Tohuic'itsola' lan tsocay laimot'ł.

¹⁶ Jesús icuis'econa'ma, timi:

—Simón, ima' i'hua Jonás, ¿te ał'ay capic'a?

Pedro italai'e'e'ma, timi:

—Mai'ailli', ima' oxina' ałejmalepá.

Timi:

—To'etsola' cuenna laimot'ł.

¹⁷ Jesús icuis'econa'ma, timi:

—Simón, ima' i'hua Jonás, ¿te ma ałejmalepá?

Pedro ixhuelco'ma juaiconapa petsi limipa ita'a. Ticua: “¿Te calicuis'ecocopa: Te ma' aŋca aŋemalepá. Joupa afanemma aŋmipa toŋta'a.”
 Timi:

—Mai'ailli', ima' oxina' jahuay. Oxina' aŋca aŋemalepá.

Jesús timi:

—Tohuic'itsola' laimot'.

¹⁸ Iya' camihuo' al ŋca: Ima' li'ipa mamijcano, ima' cotuca' tofi'e' lop-
 ijahua', o'hualecopa ni petsi loŋjanajpa loŋtseya. Titojnatso' ti'i'ma ituca'
 loŋmuyaicoya. Ima' to'ni'j'ma lomane, ocuena tifi'e'mo', tileco'mo' petsi
 aimetenŋcocoŋaco'.

¹⁹ Lines'ma toŋta'a Jesús u'i'ma te ts'i'ic' mimaya Pedro. Ma mima'ayi Pedro,
 lan xanuc' tixim'me acueca' LanDios, acueca' titoc'ila' lixanuc'.

Lijou'ma timi:

—Lihuejla'.

²⁰ Pedro ehuelojm'ma lixpula', ixim'ma loŋcuena ts'ihuequi Jesús i'huanc'e.
 Itque ts'ihuequi Jesús hi'epa capic'a juaiconapa. He lipuqui' lixmoco'me itque
 itoc'huaipa Jesús, icuis'epa: “Mai'ailli', ¿naitsi nocuyaco'?”

²¹ Pedro lixim'ma itque ihuequi Jesús icuis'e'ma Jesús, timi:

—Mai'ailli', ¿te coŋaicoya itque?

²² Jesús timi:

—Ja'ni iya' aipic'a tipanenni, ja'ni cacuaiconanni caxim'ma tipa'a, ¿te
 cofcuaya ima'? Ma' iya' caxpic'e te loŋaicoya itque. Ima' lihuejla'.

²³ Lijou'ma lapimaye, itne naihuejpá Jesús, tinesyi: “Lapima pe Jesús hi'epa
 capic'a juaiconapa, itque aimimaya”. Jesús a'i toŋta'a limipa Pedro. Imipa:
 “Ja'ni iya' aipic'a tipanenni itque, ja'ni cacuaiconanni caxim'ma tipa'a, ¿te
 cofcuaya ima'? Ma' iya' caxpic'e te loŋaicoya itque.”

²⁴ Ts'ihuequi Jesús, itque pe Jesús hi'epa capic'a juaiconapa, ma' itque tu'ilhuo'
 te ts'i'ic' li'ipa, inilpa fa'a. Inilpa al ŋca, toŋta'a aŋsina' illanc'.

²⁵ Jesús axpe' i'epa acueca'. Fa'a aiŋuiniŋgiya jahuay. Ja'ni tinilhe anuli an-
 uli jahuay li'epa Jesús, axpe' je'e tilajm'ma. Fa'a li'a lamats' aimi'ommaicoya.

LI'EPA LAPIMAYE LAN APÓSTOLE

¹ Ima' Teófilo, quiniñ'ehuo' coje'e. Joupa niniñ'epo' anuli loje'e. Jiñe loje'e nu'ipo' acuajmaica te ts'i'ic' lipangopa li'epa Jesús, te ts'i'ic' limuc'iyalepa jouc'a te ts'i'ic' luyaicopa lipepajnya mipa'a li'a lamats'.

² Mipa'a Jesús fa'a li'a lamats', ai'a tepenufinnata al toncay lema'a, mañe litine iñque ixc'ai'ipola' li'apóstole, iñne li'huij'epola'. Iñe litaiqui' lixc'ai'ipola' ma' itaiqui' cal Espíritu Santo.

³ Lixc'ai'ipola' toñta'a Jesús joupa iteñcopa, imapa, imaf'ina'ma, imuj'moxi pe lomana' jiñe li'apóstole. Imuc'i'mola' ma' imaf'i'. Micoli oquej nuxans quitine, li'apóstole tixinyi Jesús ti'hua timujyoxi. Tipalaic'ola', tu'ila' te ts'i'ic' locuxeyalepa LanDios cal Cuecaj Rey.

⁴ Mimana' anuli icuxe'e'mola' timanenca al cuecaj quiñya' Jerusalén. Aimiye'me. Ti'huaicoñe ti'ila' to linespa LanDios. Timila':

—Joupa aimipolhuo' lo'iya.

⁵ Juan epo'iyalecopa aja'. Aimicoñya, tepo'icom'molhuo' cal Espíritu Santo.

⁶ Mefoñumma icuis'e'me Jesus, timiyi:

—MañPoujna, illanc' ixanuc' Israel, iñna'a litiné, ¿te ima' añtoc'i'monga', aimañcuxeconayaconga' locuenaye lan xanuc'?

⁷ Timila':

—Imanc' aimi'iya coñsina' lo'iya. LanDios tixpic'e'ma te quitine lo'iya toñta'a. Iñque ts'ixina' ja'ni ticoñ'ma o aimicoñya.

⁸ Iya' camilhuo': Cal Espíritu Santo timuyohuo lema'a. Tipaxne'molhuo' imanc'. Tepi'i'molhuo' loñmane añpalaico'ma iya'. Añpalaico'ma jifa'a liñya' Jerusalén, jouc'a añpalaicota jahuary al distrito Judea, jouc'a lamats' Samaria, jouc'a ni petsi li'a lamats', xonca al culi'.

⁹ Lijoupa limipola' toñta'a, mehuelojnyi li'apóstole, Jesús if'ajna'ma. Ileconama anuli ñummahuay. Aiquixingona'me.

¹⁰ Mif'aquinghua Jesús, tehuenaf'yi lema'a li'apóstole, icuaitsa oquexi' lan xanuc', afujca liñpijahua'. Ecaxoñai'me huejnca.

¹¹ Timiyi:

—Imanc' ixanuc' Galilea, ¿te colahuenaf'copa lema'a? Joupa iñonc'e'enapolhuo' Jesús, ileconapa lema'a. To jiñta'a moñsinyi lif'ajnapa lema'a, ma toñta'a ticuaiyoconno mañque Jesús.

¹² Toñta'a li'ipa mimana' jiñpiya hijuala Olivo. Iñque hijuala ahuejnca Jerusalén, to anuli kilómetro. Tama litine conxajya ticunni lane to'hua'ma iñe lipiculi'. Lan apóstole ipailinanca, iye'me Jerusalén.

¹³ Icuaitsa Jerusalén itsuflai'me lajut'i. If'ajli'me al toncay. Jiñe lajut'i ixa'huepá, imajmpá iñne lan apóstole, Pedro, Juan, Jacobo, Andrés, Felipe, Tomás, Bartolomé, Mateo, Jacobo i'hua Alfeo, Simón jouc'a Judas, i'hua Jacobo. Iñque Simón ai'a tihuej'ma Jesús anuli liñpicuejma' lan xanuc' nocuapá: “Lunñu'e'me lamats'”.

¹⁴ I'i'ma anuli liñpicuejma' lan apóstole, itine itine ti'hua tijoc'iyi LanDios. Jouc'a efot'leyoñtsi lacañno', iñne liyejmalepá Jesús, jouc'a María qui'máma' Jesús, jouc'a lipimaye Jesús.

¹⁵ Iñne litiné Pedro ecañma, ipalaic'o'mola' lipimaye. Timana' to amaxnuj nuxans lefot'leyoñtsi. Timila':

¹⁶ —Imanc' cunc'aipimaye, al Paxi Linilingiya tuya'e' linespa David, iñe itaiqui' cal Espíritu Santo. David uya'a'ma lo'eya Judas, iñque hi'huaj'me'mola'

lan xanuc' li'noh'me Jesús. Jounpa enanlpa ile loya'apa al Paxi Linilingiya, tohta'a ticuicomma.

¹⁷ Hque Judas anuli illanc' ninc'apóstole, anuli laipenic'.

¹⁸ Judas li'epa ile lixcay i'najtsempa, epenuf'ma al tomí, i'naco'ma anuli lamats'. Jilpe ilquiya ecanghuaitsi, untaf'ma licu'u, ipanni lipucuiyale.

¹⁹ Jahuay nomana' Jerusalén icuej'me li'ipa. Hque lamats' li'napa Judas ecui'im'me Aceldama. Ile lataiqui' itaiqui' ilne lan xanuc', tuhuaquemma cuftine: Lamats' cajuats'.

²⁰ Pedro ti'hua tipalaic'ola' lilejmale, timila':

—Tuya'e' ile al je'e lan Salmo linilingiya:

Tipanenni quituca' lejut'l ilque cal xans.

Nij naitsi nopajnconaya.

Jouc'a tuya'e':

Hque, ile lipenic', ti'ela' ocuena.

²¹ 'Fa'a timana' laipimaye, ilne lalejmale malihuejyi laipoujna Jesús jifa'a li'a lamats'.

²² Mepo'iyale Juan, alejmalepá ilne anuli. Litine lileconnapa lema'a laipoujna Jesús, laipo'noponga' caltuca', ti'hua alejmale. Itsiya al'huijf'e'me anuli ilne. Ma' anuli luya'a'me: Imaf'inapa Jesús, alsimpá.

²³ Ifaquim'mola' oquexi' lan xanuc' naitsi lolijya ile lanic'. Ilne loquexi' anuli cuftine José Barsabás, locuena cuftine Matías. Hque José lacui'impá Justo.

²⁴ Ijoc'i'me laipoujna Jesús, timiyi:

—Maipoujna, ima' mimetsaicola' te ts'i'ic' lipicuejma' jahuay lan xanuc'. Oxina' te ts'i'ic' laipicuejma'. Jifa'a timana' oquexi' lalejmalepá. Ima' jounpa o'huijf'epa anuli. Almuc'itsonga' naitsi ilque.

²⁵ Al'ele anuli laipenic' ninc'apóstole. Tohta'a lipenic' Judas. Ipo'nopa i'huapa pe lotsepá lif'as quixcay xanuc'.

²⁶ I'e'me naitsi coc'ailmayia. Ec'ailmaita Matías. Limbamaj nuli lan apóstole epenuf'me.

2

¹ Icuaitsi litine al juic Pentecostés. Male litine lan apóstole jouc'a lilejmale efot'le'moltsi anuli.

² Icuej'me tuna'e' lema'a, to mi'hua'ma ujfxi cahua'. Jilpe lajut'l tocomma imanna lona'apa.

³ Ixim'me to lipal cunga ixc'if'moxi, ipanenni anuli anuli hiljuac ilniya.

⁴ Cal Espíritu Santo icuxe'e'mola' lipicuejma'. Tu'ila' te ts'i'ic' minesyacu. Ipango'me ipalai'me ituca' cataiqui'.

⁵ Ilne litiné liya' Jerusalén timana' axpela' lan xanuc' judío tixantseyi quiljuic. Ilne quiyouyomma ni petsi li'a lamats', tihuejcoyi LanDios.

⁶ Icuej'me tuna'e'. Icuaiyunca pe lomana' lan apóstole jouc'a lilejmale. Aiquilsina' te qui'ipa. Tama ocuena ocuena litaiqui' jahuay ilniya icuec'e'me lonespa lan apóstole.

⁷ Tocomma tipailo lipicuejma', ixpailij'mola'. Ticuayi:

—Ilne nopalai'pá quiyouyomma Galilea.

⁸ Illanc' almajnllyota ituca' ituca' lamats', ocuena ocuena lahtaiqui'. Itsiya, ¿te qui'ipa? Jahuay illanc' alcuec'ela' ilniya lonespa.

⁹ Fa'a ja'ni ninc'iPartia, ninc'iMedia, ninc'Elam, ja'ni calouyomma lamats' Mesopotamia, o Judea, o Capadocia, o Ponto, o Asia,

¹⁰ o Frigia, Panfilia, Egipto, jouc'a lamats' Libia, ile ahuejnca liya' Cirene, ja'ni Roma alpiya' alcuai'me al juic, ja'ni almana' ma ninc'ijudío, o ja'ni ocuena lahraza, lihuejcoyi kilenDios lan judío,

11 ja'ni ałmana' ninc'iCreta, o ałmana' ninc'Arabia, tama ituca' ituca' calouyomma, ocuena ocuena lałtaiqui', itsiya jahuay alcuec'eyi iłne lopalaipa. Alcuejyi tipalaiyi lałtaiquí. Tuya'ayi al cueca' lo'epa ŁanDios.

12 Iłne lan xanuc' miquimf'eyi tocomma tipailo liłpicuejma'. Tixhuełcoyi juaiconapa. Ticuayi:

—¿Te qui'icopa tołta'a liłtaiqui' iłniya?

13 Ocuenaye ixoco'me, ticuayi:

—Iłne nopalaipá joupá imeyojpola'. Ixnapá juaiconapa al ts'ej vino.

14 Limbamaj nuli lan apóstole jouc'a Pedro enaj'mołtsi locuenaye lapimaye nomana' jiłpe, ecaxołai'me. Pedro ipalai'ma ujfxi, ipalaic'o'mola' lefołya, timila':

—Capalaic'olhuo' jahuay imanc' olafot'leyołtsi fa'a Jerusalén. Hualca imanc' nołmana' fa'a olamats' Judea, locuenaye imanc' ocuena colamats'. Itsiya cami'molhuo', cuhuac'e'e'molhuo' iłe li'ipa. ¡Ałquimf'ela'!

15 'Imanc' tołcuayi: Iłnu'hua lan xanuc' joupá imeyojpola'. A'ij linca lołnespa. Itsiya apuqui'iya. Le'a apella 'hora.

16 Itsiya i'ipa to luya'apa Joel cal profeta. Iłque uya'apa tołta'a ti'i'ma, inespa:

17 ŁanDios tuya'e':

Iłna'a iłtiné, ai'a tijou'ma li'a łamats', iya' cumme'ma łai'Espíritu.

Lan xanuc' ni petsi lomana' li'a łamats' tepenuf'me.

Lołmaxque' camijcanó jouc'a lołmaxque' cahuats'la, tuya'a'me laifnu'iyacola'.

Litine lolamijcanó tixim'me laifmuc'iyacola',

lipuqui' litojpola' xanuc' tipaiyo'me, iya' capi'i'mola' quiłpaiyo.

18 Lan xanuc' jouc'a lacał'no', pe nalimetsaicopa iya' iłPoujna,

iłniya tepenuf'me łai'Espíritu, tuya'a'me laifmiyacola'.

Ma' iya' cumme'ma łai'Espíritu, ticuaita pe lomana' iłniya.

19 Lan xanuc' tixim'me acueca' laifmuc'iyacola' fa'a li'a łamats'.

Tehuenaf'le al toncay lema'a tixim'me al cueca'.

Tixim'me to lajuats', jouc'a łunga, jouc'a juaiconapa quicuxis.

20 Łalapalai'enga' timufc'o'ma. Cal mut'ła ti'i'ma to lajuats'.

Tijouł'a ti'ila' tołta'a ticuaihuo' jiłe Litine ŁanDios.

Jahuay tixim'me acueca' Litine iłe; acueca' juaiconapa lo'eya ŁanDios.

21 Naitsi nojoc'iya ŁanDios, naitsi noxa'hueya titoc'ila', iłque linca tuntu'ma.

22 'Imanc' ixanuc' Israel, ałquimf'ela' laifnu'iyacolhuo': Cal xans Jesús łas Nazaret ma ŁanDios epi'ipa limane, tołta'a imuj'moxi ma' anDios. Iłque Jesús li'huamma icuaitsi pe lołmana', i'e'ma al cueca', i'e'ma ma to lo'eya ŁanDios. Tołta'a imuc'ipolhuo' naitsi łummepa. Joupá ołsina' iłe li'ipa.

23 Lijou'ma i'i'ma ma to quixina' ŁanDios lo'iya, ma to lixpice'ma. Iłque cal xans Jesús ŁanDios icupa, epi'ipolhuo' imanc'. Imanc' ołcu'me icuaitsi quiłmane ts'iłpenic'. Tołmila' lan xanuc', iłne pe aimihuejcoyi ŁanDios: “Tonlapałts'ijntsa lancruz”. Tołta'a qui'ic' imanc' ołma'apá.

24 Lijou'ma ŁanDios imaf'i'ina'ma. Aiquipo'nohuo quimac'. Unłu'e'ma. Lamaya aiqui'ic' culiqui nulemma.

25 Li'ipa to linespa David mipalaicojma Jesús, tuya'e':

Iya' aiximpa lo'iya, łalPoujna aimalpo'noya caituca'.

Itine itine ałmajm'me anuli, iłque tipa'a al c'a camane, ałtoc'i.

Ailopa'a calspaice'eya.

26 Tołta'a caxina amaf'ca łainunxajma'.

Cuya'a'ma: Iya' tixoqui neta juaiconapa.

Aixina' cuyaico'ma al c'a jouc'a laicuerpo.

Tijouł'a laipitine fa'a li'a łamats' cunxaj'ma tixoj'ma neta.

27 Iya' lai'alma aimatpo'noya pe lomana' lamizhua.
Iya' o'huexi, ima' aiPoujna, atoc'i'ma, laicuerpo aimihuet'ya.

28 Iya' aixina' laif'eya, joupa atmuc'ipa, culij'ma laipitine.
Capajn-na'ma pe lofpa'a, ima' toxhuai'ni'ma laixojcoya neta.

29 'Cunc'aipimaye, lapi'ila' lane capalaic'o'molhuo' al cuajmaica cataiqui'.
Imanc' joupa o'sina' li'ipa latatahuelo David. Ique imanapa, temuya. Lipu'hua tipanenni fa'a li'ya' Jerusalén.

30-31 Ique David aprofeta. LanDios u'i'ma lo'iya. Joupa epi'ipa cataiqui' imipa:

Ima' lofcuxeya aimijouya.

Ima' ti'i'ma itatahuelo cal Cristo ique laifnummeya ticuxeta'.

David aiqumenc'ejma ile litaiqui' LanDios limipa. Ixina' lo'eya LanDios, ipalaico'ma lo'iya cal Cristo, ticua timaf'ina'ma. To'ta'a li'ipa. Ique cal Cristo h'alma LanDios aiquipo'nohuo nulemma pe lomana' lamizhua, licuerpo aiqihuet'iqui.

32 Ique cal Cristo matque Jesús, LanDios imaf'i'ina'ma, itsahue'enanni. Jahuay illanc' alsimpá imaf'inapa.

33 LanDios qui'Ailli' cal Cristo imi'ma: "Capi'i'mo' cal Espíritu Santo. Tommeta pe lomana' laixanuc'." To'ta'a li'ipa. LanDios if'ac'enapa lema'a, epi'ipa to'ta'a limane. Ique Cristo joupa ummepa cal Espíritu Santo. Imanc' atquimf'enga' latpalaipa, lahuelonginga' la'ejma'. To'ta'a matcuxenga' cal Espíritu.

34 David a'i quif'aqui lema'a. Matque tuya'e':

LanDios tipalaic'o laiPoujna, timi: "Tocutshuai'ma jifa'a al c'a camane.

35 Topanehuo fa'a, iya' mi'hua culiquila' lo'epo' laic'.

Tijoula' ima' tocuxena'mola'."

36 'Imanc' ixanuc' Israel; itsiya jahuay imanc' to'cuc'e'le ile li'ipa. Ique Jesús imanc' olapa'ts'ijmpá lancruz, LanDios imetsaicopa atPoujna, imetsaicopa cal Cristo.

37 Licuej'me ile lataiqui' ecajm-maitsi lataiqui' lipicuejma', icuaitsi hilunxajma'. Ixhuelconca juaiconapa. Icuise'me, timinnila' Pedro jouc'a locuenaye apóstole:

—¿Te cal'eyacu? Imanc' cunc'atpimaye lu'itsonga'.

38 Pedro timila':

—To'tsuej'menca. Tolnesle: "Al linca ique Jesús aCristo". Tepo'intsolhuo' anuli anuli imanc'. LanDios tilonc'e'e'molhuo' lo'junac'. Tepi'im'molhuo' cal Espíritu Santo. Joupa inespa to'ta'a LanDios.

39 Itsiya to'ta'a timila' jahuay nojoc'ipola'. Timilhuo' imanc', timila' lo'na'xque', jouc'a timila' ihniya nomana' aculi'.

40 Lijoupa limipola' to'ta'a, Pedro ti'hua tipalaic'ola' xonca. Ti'hua tixc'ai'ila', tixa'huela', timila':

—Aimolihuej'mola' lan xanuc' nomana' itsiya. Ihe aimihuejyi al hijca lipene LanDios.

41 Ihe litine lan apóstole jouc'a li'ejmale epenufim'mola' to afanej mil lan ts'e capimaye, ihe epenufpá litaiqui' Pedro epo'im'mola'.

42 Jahuay lapimaye tihuejyi lomuc'iyalepa lan apóstole. Tiyejmaleyi, titoc'iyot'si. Ti'eyi to Jesús lixc'ai'ipola' li'apóstole. Tefot'leyot'si, tixquec'iyot'si la'i, titeji. Tijoc'iyi LanDios.

43 Ihniya hitiné jahuay lan xanuc' tixpaic'eyi LanDios. Ailopa'a natets'ipa LanDios. Lan apóstole ti'eyi al cueca'. Timuc'innila' lan xanuc' lipepaxi LanDios.

44 Jahuay ihe naihuejcopá Jesús i'e'e'moltsi anuli. Timiyot'si:

—Maipima, lai'huexi iya' ima' o'huexi jouc'a.

⁴⁵ Ja'ni lamats', ja'ni ocuena quih'huexi, pe ts'ih'hueca ticuji. El tomí lolijpa teca'nennila' lapimaye pe ailopa'a quih'hueca.

⁴⁶ Itine itine tiyeyi al cuecaj xoute', tefot'leyołtsi. I'ipa anuli lihpicejma'. Jouc'a tefot'leyołtsi hilejut'hi. Jiłpe titeji ła'i lixquetsufiya. Linca tixoqui quileta titetsoyi anuli.

⁴⁷ Tix'najtsi'iyi ŁanDios. Locuenaye xanuc' tetenłcocola' li'ejma'. Itine itine łałPoujna Jesucristo tunł'ela' lan xanuc'. Tołta'a ixpepola' lapimaye, tefot'leyołtsi anuli.

3

¹ Anuli litine iye'me al cuecaj xoute' Pedro jouc'a Juan. I'ipa al fanej hora. Małpe lan xanuc' tijoc'iyi ŁanDios.

² Jiłpe ticutsu anuli cal coxo. Tołta'a lipajnta. Itine itine tiłcuai'emma łunaj xoute', pe lopa'a al puerta lacui'impa: Xonca Lilange. Jiłpe cal coxo tixahue'ela' tepi'inni quitomí ilne lan xanuc' mitsuflaiyi al xoute'.

³ Ixim'mola' Pedro jouc'a Juan mitsuflaiyi al xoute', ixahue'e'mola' tepi'ile quitomí.

⁴ Pedro jouc'a Juan ehuelonc'e'e'me li'a. Pedro timi:

—Ima' alahuelojntsonga'.

⁵ Cal xans i'e'ma to limi'ma. Ticua: “Lapi'i'ma caitomí”.

⁶ Pedro timí:

—Iya' ailopa'a caitomí, ni huata ni axpe'. Linca catoc'i'mo'. Cajoc'i'ma Jesús łas Nazaret, ilque tixał'metso'. Ima', ¡totsahuenni! ¡To'huała'!

⁷ Pedro i'noł'e'e'ma al c'a quimane. Ecaxu'ma. Aiquicoł'ma i'ina'ma quih'pujfxi li'mitsi', jouc'a licoxac' qui'mitsi'.

⁸ Iyuf'conni, ecax'ma, ipango'ma i'hua'ma. Itsuflai'me al xoute' ilque jouc'a Pedro y Juan. Ti'hua iyuf'conni, tix'najtsi'i ŁanDios.

⁹ Jahuay lan xanuc' nomana' jiłpiya ixim'me ti'hua, icuej'me tix'najtsi'i ŁanDios.

¹⁰ Imetsaico'me, ticuayi: “Iłca'a cal xans micutsu łunaj xoute' jiłpe al puerta lacui'impa: Xonca Lilange, tixa'hue quitomí. Itsiya, ¿te qui'ipa? Itsiya ti'huanghua.”

¹¹ Jiłpe al cuecaj xoute' lipinujnca Salomón efot'le'mołtsi lan xanuc'. Ixim pá cal coxo joupa ixalconapa, tecaxc'o nolojmay Pedro y Juan, i'nołila' ilniya. Ticuayi: “¿Te qui'ipa lixalcopa?”

¹² Pedro lixim'mola' lan xanuc' lefołya timila':

—Imanc' cunc'ixanuc', ołtatahuelo Israel, ¿te aicołcueca li'ipa? ¿Te calahuelojncoponga' illanc'? ¿Te aga illanc' caltuca' al'e'epa ti'huała' ilque cal xans? ¿Te aga illanc' xonca lihuejcoyi ŁanDios, tołta'a lapi'iponga' lałmane alsał'mete jiłca'a cal xans? A'i.

¹³ Ma ŁanDios i'epa ilta'a al cueca' itsiya. Ilque ilenDios lałtatahueló Abraham, Isaac y Jacob jouc'a ilenDios lał'aillí, itsiya imuc'ipolhuo' joupa imetsaicopa Jesús i'Hua. Imuc'ipolhuo' joupa imetsaicopa ixhuai'nipa lipenic', ilne lanic' lepi'ipa ti'ela'. Małque Jesús imanc' ołcupá icuaitsi limane ilincuxepa Pilato. Pilato ipic'a tux'masnała', imanc' aicołcuac', ołcuanac'epá.

¹⁴ Imanc' ołsa'hue'me Pilato tux'masnała' locuena cal xans, ilque cal cuej quinma'ahuale. Jesús, cal Paxi Xans, cal Łijca Xans, imanc' aicołcuac', aicołapenufi.

¹⁵ Imanc' ołma'a'me Jesús, małque lałapi'iponga' lałpitine. ŁanDios imaf'i'inapa, ipa'apa pe lomana' lamizhua. Jahuay illanc' lałejmalepá alsimpá imaf'inapa.

16 Añ'huaijnyí Jesús. Añsina' ja'ni añnesco'me lipuftine Jesús, ÑanDios tixañ'me'ma cal coxo. Toñta'a li'ipa. Mañque Jesús añtoc'iponga' añ'huaijnyíle toñta'a, toñya imanc' toñsinyí ññca'a cal xans jounpa ññcañona, añlopa'a quicuana.

17 'Cunc'aipimaye, aixina' li'ipa. Litine loñma'apa Jesús imanc' añcoñsina' naitsi ññque. Jounca'a añquísina' ññne nicuxepolhuo'.

18 Ma ÑanDios enant'ñpa litaiqui', ññe loya'apa lam profeta. Jahuay ññniya uya'a'me titelco'ma cal Cristo.

19 'Itsiya toñsuej'menca ññe loñ'epa. Toñpai'ñe loñpicuejma'. Toñta'a ÑanDios tiñonc'e'ena'molhuo' loñjunac', tunxac'i'molhuo', tipaxne'molhuo'.

20 ÑanDios jounpa u'ipolhuo' tumme'e'molhuo' cal Cristo. Ja'ni toñsuej'menanca, ññca tumme'e'cona'molhuo' Jesús, mañque cal Cristo.

21 ññque copa'a pu'hua lema'a, i'huaijma ticuaitsi litine jahuay tilajñla' al c'a, ti'ñña al ts'e lema'a, al ts'e li'a ññmats'. Toñta'a ññnespa ÑanDios. Li'ipa lipaxi profeta uya'a'me ññe litaiqui' ÑanDios.

22 Moisés inesco'ma cal Cristo locuaicoya fa'a li'a ññmats'. U'ipola' lañtatahueló lo'ñya, timila':

ÑanDios loñPounja tepi'i'molhuo' anuli cal profeta.

ññque añ'onñcota to ññya', ti'ñma anuli loñpiñya' xans.

ññque toñquimf'e'me, toñhucuejco'me jahuay lomiyacolhuo'.

23 Naitsi aimihucuejma, ññque tenaj'ma nulemma, aimi'econayacola' anuli lix-anuc' ÑanDios.

24 'Ipangocopa Samuel jahuay lam profeta uya'a'me ma' anuli lo'ñya. Itsiya enant'ñpa luya'apa.

25 Imanc' inaxque' lam profeta, ti'ñma toñapenuf'me ññe al c'a lonescopa ññniya. ÑanDios litine lipalaic'opa Abraham timi: "Tipajñta anuli nopaxñeyacola' lan xanuc' ni petsi lomana' li'a ññmats'. Ima' ti'ñma itatahuelo ññquiya." Mañe lantaiqui' ÑanDios epi'ipola' loñtatahueló jounca'a epi'ipolhuo' imanc' to-lapenufle.

26 ÑanDios lijounpa lepi'ipa ññ'Hua lipenic', umme'ma ate'a pe loñmana'. Umme'ma tipai'itsolhuo' loñpicuejma' anuli anuli imanc', toñta'a aimol'e'cona'me lixcay, ÑanDios tipaxne'molhuo'.

4

1 Mipalaic'ola' lan xanuc' Pedro y Juan jññe icuaitsa lixanuc' cal cuecaj ca'ailli', jounca'a ññcuxepa capaluc' xoute', jounca'a lan xanuc' saduceo.

2 Ixinim'mola' Pedro y Juan timuc'iyaleyi, icuej'me ññne micuayi: "Al ññca timañ'ina'me lamizhua; jounpa imañ'inapa Jesús." Aiquetenñcocola' ññe lonespá Pedro y Juan.

3 I'noñim'mola', i'ññcontsola' lacarza, timajñntsa jññe ññe lipuqui'. Jounpa if'acolaipa. Ticuayi: "Mouqui lipa'a'mola'. Añcuxecotola'."

4 Axpela' lan xanuc' noquimf'epá ññnespa Pedro y Juan i'huaijñmpá Jesús. Ixpe'mola' lapimaye. Jounpa i'ñma to amaquej mil, ma le'a axanuc'. Timana' jounca'a lacañ'no'.

5 Li'ipa quitine efot'ñe'moñtsi jññe Jerusalén ññne ññcuxepá lan xanuc' jounca'a lan tsilaj xanuc' noxpñmpá lantaiqui', jounca'a lomxiye nomuc'iyalepá locuxepa ÑanDios.

6 Jññe icuaitsa cal cuecaj ca'ailli' Anás, jounca'a Caifás, Juan, Alejandro y locuenaye lixanuc' cal cuecaj ca'ailli'.

7 Icuxem'mola' lilepaluc' tilecontsola' Pedro y Juan. Icuai'entsola', ecaxum'mola' petsi lefot'ñeyoñtsi. Timinnila':

—Imanc' oñsañ'mepá cal coxo. ¿Naitsi lepi'ipolhuo' colmane? ¿Te cuftine ññque?

8 Pedro ixim'ma cal Espíritu Santo ticuxe lipicuejma'. Timila':

—Imanc' cunc'incuxepá jouc'a imanc' nołspijpá lataiqui',
 9 itsiya licuis'enga', ałminga': ¿Te cołtoc'icopa cal coxo? ¿Te qui'ipa joupa ixalconapa?

10 Cu'i'molhuo' li'ipa. Ti'ila' cołsina' jahuay imanc' jouc'a jahuay lał'as xanuc' Israel. Illanc' aljoc'i'me Jesucristo, łas Nazaret, ma' ilque Jesús imanc' olapałts'ijmpá lancruz, ŁanDios imaf'i'inapa ipa'anapa pe lomana' lamizhua. Cacia: Aljoc'ipá ilque. Tołta'a ixalconapa ilca'a cal xans fa'a tecaxu. Tolahuelo-jnyi, ailopa'a quicuana.

11 Małque Jesús copa'a "... łapic łetets'impa nolanc'epá lajut'ł". Imanc' mołłanc'eyi lajut'ł aicołshuico'me. Itsiya "... joupa i'ipa xonca łaicuicoya, ilque łapic xonca tilanc'e łaitał, aimecangeya lajut'ł".

12 Ailopa'a cocuena łalunlu'eyaconga'. Jifa'a li'a łamats' ni petsi lomana' lan xanuc', ja'ni tijoc'ile Jesús, tinescołe lipuftine, tunłul'me. Ocuena aimi'iya munlu'eyacola'.

13 Iłne noquimf'epá lonespa Pedro y Juan ixinim'mola' aimixpailiquila', ticuayi: "Iłne ni naitsi xanuc'. Aiquilšuec'. Iłsina' ałtalai'e'enga'. ¿Te qui'ipola'?" Ticuayi: "Iłne iyejmalepá Jesús".

14 Ailopa'a quimiconam'mola'. Ixim'me cal coxo jouc'a Pedro y Juan tecaxołanna. Ilque joupa ixalconapa.

15 Ummem'mola' łuna. Ipalai'c'o'mołtsi ts'ilpenic'.

16 Ticuayi:

—¿Te cał'eyacu? ¿Te całmiyacola' ilne lan xanuc'? Jahuay nomana' fa'a liłya' Jerusalén joupa ilsina' juaiconapa acueca' li'epa. Aimi'iya małnesyacu: A'ij łınca.

17 Ma le'a ałcuxe'e'mola', ałmi'mola': "Aimołpalaicocona'me Jesús. Aimołnesco'me lipuftine." Tołta'a lan xanuc' nomana' ocuenaye quilelołya' aimicuejyacu li'epa ilniya.

18 Ijoc'im'mola' Pedro y Juan titsuflaiconanca. Timinnila':

—Aimołpalaicocona'me Jesús. Aimołmuc'iconayale'me litaiqui'. Aimołnescona'me lipuftine.

19 Pedro y Juan italai'e'me, timinnila':

—¿Te cołcuayacu imanc'? ¿Te ts'ipic'a ŁanDios? ¿Ja'ni lihuejco'molhuo' imanc' o lihuejco'me ŁanDios?

20 Illanc' aimi'iya małtaki'eyacołtsi lałco. Iłe lałsimpa, lałcujpa, aluya'a'me, alu'i'mola' lan xanuc'.

21 Icuxe'econam'mola' Pedro y Juan. Timinnila':

—Ja'ni ti'hua tołpalaicoyi Jesús ałtel'mi'molhuo'. Tonłente.

Aimi'iya miteł'minyacola'. Jahuay lan xanuc' iximpá acueca' ilne li'ipa, tix'najtsi'iyi ŁanDios.

22 Cal xans lixalconapa a'ij camijcano, joupa ixhuaita oquej nuxans y xonca łemats'.

23 Joupa ux'masquinampola' Pedro y Juan ipailinanca, icuaita pe lomana' liłpimaye. Uya'a'me linespa lixanuc' cal cuecaj ca'ailli' jouc'a lan tsilaj xanuc' noxpijpá lataiqui'.

24 Licuej'me tołta'a jahuay ilniya lapimaye ipango'me ijoc'i'me ŁanDios, timiyi:

—MałPoujna, illanc' oxanuc'. Ima' olanc'epa lema'a, olanc'epa li'a łamats', olanc'epa łaja, olanc'epola' jahuay lomana'.

25 Łaıtatahuelo David joupa lu'iponga' lofnespa ima' manDios. Micuxe cal Espiritu Santo lipicuejma' David, ilque ticua:

Lan xanuc', ilne pe aimimetsaicoyi ŁanDios, ixtuc'o'mołtsi, ixpic'epa ti'e'me nixpiya.

²⁶ Lan rey, iñe nocuxepá jifa'a li'a lamats', joupa itsolinamma, tixtuleyi. Nocuxepola' lan xanuc' efot'lepótsi anuli, tifuli'i'me LanDios, tifuli'i'me cal Cristo, iñque ñummepa LanDios.

²⁷ 'Ma' añinca toñta'a li'ipa jifa'a liña'. Efot'lepótsi cal rey Herodes, jouc'a Poncio Pilato jouc'a lipiña' xanuc', jouc'a lañxanuc' iñe ixanuc' Israel. Iñniya jahuay ixtuc'o'me cal Paxi lo'Hua Jesús, iñque no'epa lopenic' lomepi'ipa, iñque lo'Huij'epa ima'.

²⁸ Iñniya naixtulepá tocomma to quítuca' tixpic'eyi lo'eyacu. A'i quítuca' mixpic'eyi, ma' ima' ocuxe'e'mola' lo'epa, ima' joupa oxpic'epa lo'iya.

²⁹ 'Ima' mañPoujna, itsiya aña'huehuo' añtoc'itsonga'. Toquimf'etsola' nalixtuc'oponga', iñe añminga' cataiqui', illanc' oxanuc', ima' malanDios. MañPoujna, lapi'itsonga' cañpujxi aimañspailij'monga', ti'hua luya'a'me lotaiqui'.

³⁰ Illanc' añnescocona'me Jesús lipuñtine, iñque cal Paxi lo'Hua ni'epa lopenic' lomepi'ipa. Ma' añnescoñe iñque lipuñtine, ima' ti'huaña' lomane, toxañ'metsola' lañcuaññay, tomuc'itsola' lan xanuc' al cueca' loñ'epa, to'eña' to aimi'iya mi'eyacu lan xanuc'.

³¹ Lijoupa lijoc'ipa LanDios ixim'me tifenna lañut'ñ pe lañolñomma. Lapimaye nomana' jñpe cal Espñritu Santo icuxe'mola' liñpicueñma' jahuay iñniya. Lijou'ma aiñuñsina' cañpaiqui'. Ti'hua tu'iyaleyi litañqui' LanDios.

³² Jahuay iñniya no'huañijñmpá Jesús ti'e'eyoñtsi cañic'a. Añlopa'a nonesya: "Iñe ai'hueñi ma' iya' cañtuca'". Jahuay ticuayi: "Mañpima iñña'a ñai'hueñi jouc'a o'hueñi".

³³ Lan apóstole ti'hua tuya'ayi: "Añsimpá ñañPoujna Jesús joupa imañ'inaña, ipañamma pe lomana' lamizhua". A'i ma le'a micuayi, jouc'a ti'eyi al cueca'. LanDios juañconaña itoc'i'mola' jahuay iñniya lapimaye.

³⁴ Iñe no'huañijñmpá Jesús aimeñue'ela', ni' anuli. Lapimaye ts'iñ'hueca, ja'ni amañs' o añut'ñ, ticuñyi. Al tomí lolijpa ti'hua'ayi pe lomana' lan apóstole.

³⁵ Teto'ennila' jñpe liñ'mitsi' iñniya. Iñe al tomí teca'nennila' lapimaye pe aiñuññ'hueca.

³⁶ Tipa'a jñpe anuli ñañpima cuñtine José. Lan apóstole ecui'i'me Bernabé. Iñe lañtine tuñhuañquemña: Lañxoc'ipola' quñleta lipimaye. Iñque qui'huañomma lamats' Chipre. Cal te'a qui'ahuelo aLeví.

³⁷ Bernabé icuñj'ma anuli ñemañs', itaic' al tomí lulijpa. Eto'e'mola' liñ'mitsi' lan apóstole.

5

¹ Jñpe pe lomana' lapimaye tipa'a anuli cal xañs cuñtine Ananías. Jouc'a ñipeno Sañira icuñj'me lamats'.

² Al tomí lulijpa Ananías ipa'a'ma, lipañenni i'hua'a'ma, eto'etsola' liñ'mitsi' lan apóstole. Ticuaññe jahuay itaña al tomí, a'ij ñinca. Ñipeno ixina' li'epa ñipe'añlli'.

³ Pedro timí:

—CumAnanías, ¿te comeñi'icopa lane ñonta'a Sañañañs? Iñque icuxeño' jñpe loñicueñma'. Oxpic'epa toñel'mi'ma cal Espñritu Santo. Omññonc'epa lomulijpa al tomí.

⁴ Iñque ñomemañs' ai'a tocuñj'ma, ¿ja'ni ima' cotuca' aimoxpic'e te loñ'e'eya? Lijoupa locuñjpa, al tomí lomulijpa, ¿te aico'hueñi? Ima' cotuca' oxpic'epa aññel'mitsonga'. Metets'ipa LanDios, a'i malatets'inga' illanc' ninc'ixanuc'.

⁵ Licueñj'ma iñe litañqui' Ananías ecañgenni lamats', ima'ma. Licueñj'me lan xanuc' toñta'a li'ipa jahuay ixpañlij'mola' juañconaña.

⁶ Lamijcanó itsolinca, iju'eco'me añábana licuerpo Ananías, itai'me emiñsa.

⁷ Uyai'ma afanej hora. Icuaiyunni lipeno lamizhua Ananías. Hque aiqixina' ihe li'ipa hipe'ailli'.

⁸ Pedro icuis'e'ma, timi:

—Alu'ila'. ¿Te aŋca toŋta'a i'najtse'empolhuo' loŋcujpa ŋolamats'?

Timi:

—Toŋta'a aŋ'najtse'emponga'.

⁹ Pedro timi:

—Imanc' loquexi' oŋefopá olahuaipá cal Espíritu Santo. Toquimf'eŋa'. Icuai'ona'me lamijcanó nemihuo'me hipe'ailli'. Tisolof'que li'mitsi'. Joupai'cuai'me ŋunaj puerta. Tileco'mo' ima'.

¹⁰ Aiquicoŋ'ma. ŋaca'no' ecanghuaitsi imac' jipe li'mitsi' Pedro. Itsuflai'me lamijcanó ixim'me joupai' imanapa. Itai'me emitsa jipe'ya lemi'e'huo'me hipe'ailli'.

¹¹ Lapimaye, ihe lefot'epola' ŋanDios, jouch'a jahuay lan xanuc', licuej'me ihe li'ipa ixpailij'mola' juaiconapa.

¹² Lan xanuc' nomana' jipe'ya ixim'me axpe' acueca' lo'epa lan apóstole, ixim'mola' mi'eyi to lo'eya ŋanDios. Jahuay ihe lan apóstole tefot'leyoŋtsi pe lopa'a al cuecaj xoute', jipe' ŋunajna cuftine ŋipinujna Salomón.

¹³ Locuenaye aiqui'onŋila' to iŋiya lan apóstole, tixpailiquila'. Lan xanuc' ticuayi: “Acueca' lo'epa, acueca' ac'a liŋpicuejma' iŋiya”.

¹⁴ Toŋta'a xonca axpela' i'huaiyijm'me ŋaŋPoujna. Ixpe'mola' axanuc' acaŋ'no'.

¹⁵ Ipa'a'me lilefcualŋay ŋonaf'coŋanna liŋhualfa o liŋhuijm-ma'. Ipo'nom'mola' lema cane, i'huaijma tuyaiŋa' Pedro. Ja'ni tixingufcoŋe ma le'a lipunxahua tixaŋcona'mola'.

¹⁶ Juaiconapa axpela' lan xanuc' quiyoyomma liŋeloy'a lomana' huejna Jerusalén tiŋcuai'em'mola' lilefcualŋay. Jouch'a tiŋcuai'em'mola' locuenaye laxtaf-pola', tipa'antsola' lontahue litsuflaipá. Jahuay ixaŋcona'mola'.

¹⁷ Ixtulencia cal cuecaj ca'ailli' jouch'a liŋejmale, ihe lan saduceo. Juaiconapa ti'eyi laic'.

¹⁸ Umme'me lilepaluc'. Ihe i'noŋ'me lan apóstole, I'nico'me lacarza.

¹⁹ Ihe lipuqui' icuaiyunni lacarza anuli ŋapaluc quema'a ŋummepa ŋaŋPoujna. Exi'e'ma lipuertá lacarza, ipa'ana'mola'.

²⁰ Timila':

—Tonŋeŋe al cuecaj xoute'. Tolacaxoŋtsa jipe'ya. Toŋpalaic'otola' lan xanuc'. Tolu'itola' te ts'i'ic' al ts'e capajnya, te ts'i'ic' mepenufyacu.

²¹ Lijoupa licuej'me toŋta'a, iye'me. Icuaitsa al cuecaj xoute'. Joupai' tiŋic'e itsuflai'me jipe. Ipango'me imuc'iyalecona'me lan xanuc'.

Cal cuecaj ca'ailli' jouch'a liŋejmale icuaitsa pe loxpijyopa cataiqui'. Ijoc'im'mola' jahuay lan tsilaj xanuc' Israel, ihe noxpijpa lataiqui', tefot'letsotŋsi. Lijou'ma ummem'mola' lapaluc' tiyeŋe lacarza. Timinnila':

—Toŋecotsola' ticuaiyunca fa'a pe laŋmana' ihe lan xanuc'.

²² Lapaluc' icuaitsa lacarza. Ailomana' jipe'ya lan apóstole. Ipailinanca, uya'atsa.

²³ Timiyi:

—Laŋcuaita illanc' lacarza eti'ya al c'a. No'epá cuenna tecaxoŋanna ŋunaj puerta. Alaxi'epá cal puertá nij naitsi nopa'a.

²⁴ ŋincuxepa capaluc' al cuecaj xoute', jouch'a cal cuecaj ca'ailli', jouch'a lixanuc' cal cuecaj ca'ailli' iquimf'e'me lonespa lapaluc', icua'me:

—Itsiya ihe li'ipa, ¿te cocula'aya? ¿Te xonca co'ya?

²⁵ Minesyi toŋta'a icuaitsi anuli cal xans, timila':

—¿Tolsiŋe! Ihe lan xanuc' imanc' loŋ'nicopola' lacarza, jipu'hua al xoute' tecaxoŋanna, timuc'iyaley.

²⁶ Lincuxepa lapaluc' al cuecaj xoute' jouc'a lepaluc' iye'me tilecontsola' lan apóstole. Mane ilecontsola', ailopa'a qui'e'empola'. Ihe lin-naihuehualé tixpailiquila'. Ticuayi: “¿Te cal'e'eyaconga' lan xanuc'? Ja'ni lixtuc'o'monga', ałma'aco'monga' apic.”

²⁷ Icuaiyocontsa pe lefołya petsi loxpijyopa cataiqui'. Ecaxum'mola' jilpiya. Cal cuecaj ca'ailli' ipango'ma icuis'e'mola'.

²⁸ Timila':

—Illanc' joupá ałsc'ai'ipolhuo', ałcuxe'epolhuo', ałmipolhuo': “Aimołpalaicocona'me Jesús. Aimołnescocona'me lipuftine.” Itsiya, ¿te con'epa? Joupá oł'nicopá lołtaiqui' liłpicuejma' jahuay lan xanuc' nomana' fa'a Jerusalén. Imanc' ałtac'huinga' cajunac'. Tołcuayi illanc' ałma'apá iłque cal xans Jesús.

²⁹ Pedro jouc'a locuenaye lan apóstole italai'e'e'me, timinnila':

—Ja'ni ŁanDios jouc'a lan xanuc' ałcuxenga', ticuicomma lihuejcołe ŁanDios, a'i lan xanuc'.

³⁰ ŁanDios, hilenDios lałtatahueló, imaf'i'inapa Jesús, ipa'anapa pe lomana' lamizhua. Małque Jesús imanc' olapałts'ijmpá al 'ec, ołma'apá.

³¹ Imanc' ixanuc' Israel, małque ŁanDios ipic'a tepi'itsolhuo' lołpicuejma' tołsuej'menanca, ipic'a timenc'e'eco'molhuo' lołjunac'. Toliya i'epa al cueca'. Imaf'i'inapa Jesús, if'ac'enapa, i'e'epa lałPincuxepa, Łalunlu'eponga'.

³² Illanc' ałsina' al linca iłe lałmipolhuo'. Toliya luya'ayi, lu'ilhuo'. Ma' anuli loya'apa cal Espíritu Santo. Iłque cal Espíritu ŁanDios tepi'ila' jahuay naihuejcopá.

³³ Ihe lan xanuc' noquimf'epá ixtulencia juaiconapa. Coła' tima'antsola' lan apóstole.

³⁴ Jilpiya lefołya tipa'a anuli cal xans fariseo cuftine Gamaliel. Iłque cal xans omxi, timuc'iyale locuxepa ŁanDios. Jahuay lan xanuc' ixim'me ac'a xans, ticuec'eyi. Iłque ecax'ma, timila':

—Tolipa'atsola' iłne lan xanuc'. Illanc' ałpalaic'o'mołtsi całtuca'.

³⁵ (Ipa'am'mola' lan apóstole.) Gamaliel ipalaic'o'mola' iłne lan xanuc' lefołya, timila':

—Cunc'aipimaye, cunc'aif'as xanuc' Israel, tonł'ełe cuenna. Tołspic'ełe al c'a lonł'e'eyacola' iłne lan xanuc'.

³⁶ Li'ipa cal xans Teudas ehuoc'huai'mola' lincuxepá. Ticua: “Iya' nin-cuecaj xans. Lihuejla'.” To amalpuj maxnu lan xanuc' ihuej'me. Lijou'ma ima'am'me. Ts'ilihuequi inulai'me nulemma.

³⁷ 'Lijou'ma, iłniya hitiné minihingaispola' liłpuftine lan xanuc', ocuenaj cal xans ehuoc'huaicona'mola' lincuxepá. Iłque cuftine Judas łas Galilea. Iłque jouc'a efot'le'mola' axpela' lan xanuc'. Ifule'me. Judas jouc'a ima'am'me. Ts'ilihuequi inulai'me.

³⁸ 'Itsiya camilhuo': Tolanałtsołtsi iłne lan xanuc'. Tolux'masnatsola' tiyenté. Iłniya locuapa, lo'epa, ja'ni tipa'acoyi quiltuca' liłpicuejma', aimi'iya, tejac'mola'.

³⁹ Ja'ni ŁanDios ticuxela', imanc' aimi'iya munlulijyacola', mane tolix-tuc'o'me ŁanDios.

⁴⁰ Ihuejco'me limipola' Gamaliel. Ijoc'iconam'mola' lan apóstole titsuflaiconanca. Itsimaf'quim'mola' liłspula'. Timinnila':

—Aimołnescona'me: “Jesús alapi'iponga' lałmane lu'i'molhuo' iłe li'ipa”.

Ux'masquinam'mola'.

⁴¹ Lan apóstole ipalunca jilpe lefołya. Tixoqui quileta. Ticuayi: “ŁanDios tetenłcocojma małnesco'me Jesús. Toliya ałtelcoyi.”

⁴² Itine itine ti'hua timuc'iyaleyi jilpe al cuecaj xoute' jouc'a łajut'hi. Ti'hua tuya'ayi: “Iłque Jesús aCristo, hi'Huij'epa ŁanDios”. Aiquixoquila'.

6

¹ Ìhne ìtiné mixpela' ts'ìlihuequi Jesús timana' lapimaye ixtuc'o'mołtsi. Ìhne nopalaipá ìłtaiqui' griego ixtuc'om'mola' locuenaye lapimaye ahebreo, ìhne ocuena ìłtaiqui' łopalaipa. Ticuayi:

—Imanc' łopotsateya itine itine tepi'innila' łotejacu. Ìllanc' nałpalaicopá griego aimepi'innila' łapotsateya.

² Limbamaj coquexi' lan apóstole ijoc'im'mola' tefot'łetsołtsi jahuay ts'ìlihuequi Jesús. Timinnila':

—Ìllanc' ałmuc'iyaleyi, lu'iyaleyi łitaiqui' ŁanDios. ¿Te ałpo'no'me ìłta'a łapenic'? ¿Ałtes'mi'mola' lan xanuc'? A'i. Aimi'iya.

³ Imanc' ìllanc' ninc'apimaye. Ticuicomma acaitsi lapimaye, timetsaicon-tsola' lan c'a xanuc', ticuxetsola' cal Espíritu Santo ìłpicuejma', ts'ìłsina' tix-pic'e'me al c'a. Małniya toł'huijł'etsola' imanc'.

⁴ Ìllanc' ti'hua ał'econa'me ma to mał'eyi. Ałjoc'i'me ŁanDios, ałmuc'iyale'me łitaiqui' ŁanDios.

⁵ Jahuay lefołya jìłpe etenłcoco'mola' ìle łataiqui'. I'huijł'em'mola' Esteban, Felipe, Prócoro, Nicanor, Timón, Parmenas jouc'a Nicolás. Ìhque Esteban jahuay łunxajma' ti'huaiyinge Jesús. Ma le'a cal Espíritu Santo ticuxe łipicuejma'. Nicolás agriego, łas Antioquía, ìhuejpa lilihuequi lan xanuc' judío. Itsiya ti'huaiyinge Jesús.

⁶ Ìhne lan caitsi ìlecom'mola' pe lomana' lan apóstole. Lan apóstole ijoc'i'me ŁanDios, ipo'nof'i'me ìłmane ìłjuac lan caitsi capimaye.

⁷ Lijou'ma xonca aculi' i'hua'ma łitaiqui' ŁanDios. Łiłya' Jerusalén xonca tixpela' juaiconapa ìhne ts'ìlihuequi Jesús. Jìłpe axpela' la'aillí tihuejcoyi łitaiqui' Jesús.

⁸ ŁanDios juaiconapa titoc'i Esteban, ipaxnepa, epi'ipa limane ti'ela' al cueca' to aimi'iya mi'eyacu lan xanuc'. I'e'ma to lo'eya ŁanDios. Tołta'a timuc'iyale.

⁹ Lan xanuc' judío, ìhne pe lafołyomma lajut'ł cuftine Lilejut'ł Lo'nampola' joupá Ux'masquinnapola', ixtuc'o'me Esteban. Ìhne naixtulepá quiyoyomma łiłya' Cirene jouc'a łiłya' Alejandría, jouc'a łamats' Cilicia jouc'a łamats' Asia. Ìhne ipango'me ifuli'i'mołtsi cataiqui' Esteban.

¹⁰ Esteban imuj'moxi acueca' łipicuejma'. Tıpalay ma le'a lomipa cal Espíritu Santo. Ulij'mola'. Ìhne ailopa'a cotalai'ecoyacu.

¹¹ Ixtulencia xonca. I'najtsem'mola' lan xanuc' ticufle Esteban. Tuya'atsa: “Ìca'a cal xans tetets'i' Moisés, jouc'a tetets'i' ŁanDios. Ałcuejpá lonespa.”

¹² Tołta'a tu'innila' lan xanuc' jouc'a lan tsilaj xanuc' noxpıjpá łataiqui', jouc'a lomxiye nomuc'iyalepá locuxepa ŁanDios. Jahuay ìłniya ixtuc'o'me Esteban. Icuaitsa pe łopa'a, i'noł'me, i'hua'a'me pe lafołyomma lan tsilaj xanuc' noxpıjpá łataiqui'.

¹³ Jìłpiya lefołya icuai'entsola' nofelłaiquepá, ìłniya icuf'me Esteban. Ticuayi: —Ìca'a cal xans ti'hua tetets'i' ìle al Paxi Cajut'ł, jouc'a tetets'i' locuxepa ŁanDios.

¹⁴ Ìllanc' ałcuejpá lonespa. Ticua: “Jesús łas Nazaret tetel'ma ìle al xoute”. Jouc'a ticua: “Jesús tipai'i'ma lał'ejma', aimał'econa'me to mał'eyi”. Ałcuayi: Ìllanc' aimi'iya malapenufyacu tołta'a. Itsiya lihuejyi łitaiqui' Moisés, ìhque ałcuxenga'.

¹⁵ Lan xanuc' nocutsołanna jìłpiya lefołya juaiconapa tehuelojnyi Esteban. Tixinyi li'a ti'onłcospa to li'a anuli łapaluc quema'a.

7

¹ Cal cuecaj ca'ailli' icuis'e'ma, timi Esteban:

—¿Te al linca locuapa ihniya?

² Esteban timila':

—Cunc'aipimaye, imanc' ałtatá lałcuxenga', ałquimf'eta' laifmiyacolhuo'.

'Mipa'a lałtatahuelo Abraham lamats' Mesopotamia, ai'a ti'huana'ma lamats' Harán, cal Cuecaj CanDios, ilque Nopa'a lema'a, imuj'moxi.

³ Timi: “Topo'noła' lomemats', topo'notsola' loxanuc'. To'huanni. Camuc'ito' ocuena camats', jilpe topajnta.”

⁴ Abraham ipanni lamats' Mesopotamia pe lomana' lan xanuc' cuftine lan caldeo. I'huana'ma ipajntsi lamats' cuftine Harán. Quimaf'i' qui'ailli' jilpe imanenca. Lijou'ma limana'ma qui'ailli' LanDios ummepa i'huanni jifa'a lamats' pe lałmana' itsiya.

⁵ 'Fa'a LanDios aiquepi'i' quemats', qui'huexi ni mixpiqueya anuli li'mis. Icupa cataiqui', timi: “Capi'i'mo' ilca'a lamats'. Ti'i'mo' co'huexi. Tijouła' ti'i'ma qui'huexi lo'hua.” He litine Abraham ailopa'a qui'hua.

⁶ Jouc'a LanDios timi: “Timajnlita lonietó. Ihe loxanuc' tiye'me ocuena camats' a'i quilemats'. Jilpiya timajnta. Lan xanuc' ti'e'moltsi quilpoujnalá. Ticuxem'mola' juaiconapa. Ti'e'em'mola' quixcay. Amalpuj maxnu camats' ti'e'em'mola' tołta'a.

⁷ Tijouła' lan malpuj maxnu camats' iya' cateł'mi'mola' lan xanuc', ilne li'epołtsi ilpoujnalá loxanuc'. Ihniya loxanuc' tipalnacu jilpiya. Tipailnacu fa'a. Ma fa'a alaxc'onłingaina'ma.”

⁸ Lijou'ma LanDios ipo'no'ipa cataiqui' Abraham. IcuXe'e'ma ti'exoxi circuncidar. Lijoupa li'epoxi circuncidar Abraham ihpa qui'hua Isaac. Ipajntsi Isaac, lixhuaitsi apaico quitine, Abraham i'e'ma circuncidar. Isaac i'i'ma qui'ailli' Jacob. Jacob i'i'ma quił'ailli' ilne limbamaj coquexi' lałtatahueló.

⁹ Ihe lałtatahueló i'e'me laic' laquilpepo cuftine José. Icu' im'mola' José lan xanuc' cotsepa lamats' Egipto. Ihe ileco'me José. LanDios aiqueca'nicojma.

¹⁰ Unlu'e'ma jahuay latełcoya. Titoc'i, epi'ipa acuecaj quipicuejma'. Tołta'a Faraón, ilque incuxepa jilpe lamats' Egipto, tetenłcocojma li'ejma' José. Ifac'e'ma, epi'ipa lipenic' ticuxetsola' lan xanuc' nomana' lamats' Egipto. Jouc'a ticuxela' jahuay nomana' lejut'ł Faraón.

¹¹ 'Lijou'ma i'i'ma cumemma. Lan xanuc' ni petsi lamats' Egipto ixingufco'me lumemma. Jouc'a lan xanuc' nomana' lamats' Canaán itełco'me juaiconapa. Lałtatahueló nomana' lamats' Canaán aikuixim'me cotejacu.

¹² Jacob, ilque quił'ailli' lałtatahueló, icuej'ma tipa'a cal trigo lamats' Egipto. Ihe lałtatahueló ni anulemma aikuiltsic' Egipto. Quił'ailli' ummepola' tiyełe.

¹³ Iyehuo'me, ipailinanca. Lijou'ma iyecona'me. Licuaiyocontsa lamats' Egipto José imuj'moxi lipimaye. Timila': “Iya' lacolpepo. Iya' ninJosé.” Timi cal rey Faraón: “Ihniya aipimaye”.

¹⁴ Timila' lipimaye: “Tonłełe Canaán. Tołłecotsola' cai'ailli' Jacob jouc'a lałxanuc'.” Tixhuaispola' afanej nuxans quimbamaj maque' ilne lan xanuc'.

¹⁵ 'Jacob jouc'a linaxque', ilne lałtatahueló, imul'me lamats' Egipto. Jilpe imanenca. Jilpe imayo'mola'.

¹⁶ Lijou'ma hilpécał icuai'e'me lamats' Siquem. Emunatsa al pu'hua li'napa Abraham. He al pu'hua lopa'a hilemats' lixanuc' cal xans Hamor. Abraham i'najtse'e'mola' atomí, i'napa.

¹⁷ 'Ti'hua tixhuaispola' litiné LanDios ti'e'ma ma to limipa Abraham, tepi'i'mola' lałtatahueló quilemats'. Mimana' ihniya lamats' Egipto ti'hua ticuef'quila'.

¹⁸ Jilpiya anuli cal ts'e quincuxepa ipango'ma icuxe'ma. Ilque aikuimetsaijma José.

19 Ehuepa te co'iya mijou'neyacola' laŋxanuc'. Icuxenai'mola' juaiconapa. Icuxe'e'mola' teca'nicole linaxque' camijcanó, timatsola'.

20 'Ihne litiné ipajntsi Moisés. LanDios icuaicotsi quipic'a łacapími', etenłcoco'ma. Afanej mut'la itoc'empá lejut'ł qui'ailli'.

21 Lijou'ma eca'nicom'me. Li'hua cahuats' cal rey Faraón ixim'ma, ipulaf'ma, i'hua'a'ma lejut'ł. Itoc'e'ma to qui'hua.

22 Jiłpe łamats' Egipto timana' lan xanuc' acueca' quilsina'. Jahuay liłsina' ihniya imuc'i'me Moisés. Tołta'a Moisés jouc'a imuj'moxi acueca' lipicuejma', ac'a lopalaipa, lo'epa.

23 'Lixhuaitsi oquej nuxans łemats' ipic'a tixintsola' lipimaye, ihne ixanuc' Israel.

24 I'hua'ma pe lomana' lipimaye. Jiłpe ixim'ma anuli titełma. Anuli cal xans egipcio titeł'mi. Moisés i'hua'ma titoc'itsi. Icuanaajco'ma lipima. Ima'a'ma cal xans egipcio.

25 Ticua lipicuejma': "Cunłu'e'mola' laipimaye. Ihne alimetsaico'ma tołta'a laipenic' lalapi'ipa LanDios." Lipimaye aiquiłcueca.

26 'Lihuequi litine tifuleyi oquexi' lipimaye. Icuaitsi Moisés, ticua: "Cananc'otola' ihne laipimaye. Ti'inła' liłpicuejma'. Canajna'mola'." Timila: "Cunc'ixanuc', imanc' unc'apimaye. Aimolłfulecona'me."

27 Hque noxc'ai'epa lipima ixtuc'opa Moisés. Ummetsai'ma. Timi: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' ałcuxe'monga'? ¿Te ima' ałjuez?"

28 Tsumjma oma'a'ma cal xans egipcio. ¿Te itsiya ałma'a'ma iya' jouc'a?"

29 Licuej'ma ihelataiqui' Moisés inuna'ma, i'hua'ma łamats' Madián. Ipajntsi. Jiłpe limajnlitsa oquexi' linaxque'.

30 'Uyai'ma oquej nuxans camats'. Anuli litine tipa'a Moisés limuc'o' ahuejnca lijuala cuftine Sinaí, petsi ailopa'a quiłya' ni xanuc'. Jiłpe tunaqui anuli luxi quitac. Małpiya lipał cunga imaxcaitsi anuli łapaluc quema'a.

31 Moisés ixim'ma acueca' ihel'ipa. I'hua'ma ehuelojntsi xonca ahuejnca. Icuej'ma lałPoujna LanDios tipalay.

32 Timi: "Iya' NanDios, ilenDios lotatahueló. Iya' ilenDios Abraham, Isaac, Jacob." Licuej'ma tołta'a Moisés ixpaiconni. Ipango'ma iyu'ma licuerpo. Aimi'iya mehuelojnconaya.

33 LałPoujna LanDios timi: "Pe lofmecaxu, jiłpe apaxi camats'. Taipa'ala' łoc'ejí.

34 Cahuelongila' laixanuc', ihne nomana' Egipto. Aiximpola' titełcoyi. Aiquimf'epola' tija'ayi. Iya' nimumma lema'a. Cunłu'e'mola' laixanuc'. ¡Tot-sahuenni! ¡Łepá! Cumme'mo', topaiconno, to'huacona'ma łamats' Egipto."

35 'Małque Moisés joupa etets'impá, imimpá: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' ałcuxe'monga'? ¿Te ima' ałjuez?" Ihel litine limaxcaitsi łapaluc quema'a jiłpe munaqui luxi quitac, LanDios ifajpa Moisés, epi'ipa lipenic' ticuxetsola', tunłu'etsola' lixanuc'.

36 Małque Moisés i'e'ma to aimi'iya mi'eyacu lan xanuc'. Tixinłe lan xanuc' al cueca' lo'epa LanDios. Lijou'ma ipa'ana'mola' lixanuc' łamats' Egipto. Licuaitsa Lunxali Caja jouc'a i'e'ma acueca', jouc'a pe ailopa'a quiłya'. Lałtatahueló icol'mola' oquej nuxans camats' muyalaicoyi jiłpiya.

37 Moisés u'i'mola' lixanuc', ihne lixanuc' Israel, timila': "LanDios lałPoujna tepi'i'molhuo' anuli cal profeta ał'onłcota to iya'. Hque olpiłya' xans. Hque tołquimf'e'me."

38 Małque Moisés efot'le'mola' lałtatahueló mimana' pe ailopa'a quiłya'. Jiłpe lijuala Sinaí łapaluc quema'a ipalaic'opa Moisés. Moisés ipalaic'opola'

laŧatahueló. Moisés epenufpa limaf'i cataiqui', iŧe litaiqui' LanDios. Iniŧpa lapenufle illanc'.

³⁹ 'Laŧatahueló etets'ipá Moisés. Aiquilihuejma limipola'. Tiŧ'nujuaispá lilendiosla' lun egipicio.

⁴⁰ Timiyi Aarón: “Aŧanc'e'etsonga' calandiosla'. Iŧne aŧ'huaj'me'e'monga'. Iŧque Moisés laŧipa'ahuo'monga' laŧamats' Egipto itsiya ailopa'a. Aicaŧsina' pe quitsepa. Aicaŧsina' te qui'ipa.”

⁴¹ Iŧne litiné ilanc'e'me anuli la'hua huacax ilanc'eco'me a'oro. Ima'a'me linneja, itsufco'me cal ídolo. Tixoqui quileta. Etenŧcoco'mola' iŧe lilendios, iŧque lilanc'epa, i'e'ecopa quituca' liŧmane'.

⁴² LanDios eca'nico'mola'. Ticua: “Najmay texc'onŧingotaile lopa'a lema'a, iŧniya lan xamna, cal mut'la, cal 'ora”. Toŧta'a tuya'e' al je'e liniŧpa lam profeta. Jiŧpiya LanDios ticua:

Imanc' ixanuc' Israel, loquej nuxans camats' moŧmana' jiŧpe laŧamats' petsi ailopa'a quiŧya', moŧtsufcola' linneja loŧma'am'mola' y locuenaye loŧtsufco'me, ¿te ma al linca aŧtsufcopa iya'?

⁴³ A'i. Oŧtaic' anuli lolandios cuŧtine Moloc, jouc'a oŧtaic' lixamna locuena lolandios cuŧtine Renfán. Iŧniya lolandiosla' coŧhanc'ecopola' tolaxc'onŧingaitsola'.

Iya' cateŧ'mi'molhuo' toŧta'a loŧ'epa, quipa'a molhuo' lolamats', ca'hua'a'molhuo' laŧamats' Babilonia.

⁴⁴ 'Mimana' laŧamats' pe ailopa'a quiŧya' laŧatahueló iŧ'hueca lejut'ŧ LanDios lilanc'ecompa ijahua'. Jiŧpe lajut'ŧ tipa'a oquej lapic' liŧtaic' liniŧiya loya'apa locuxepa LanDios. Ma toŧta'a LanDios icuxe'epa Moisés, timi: “Joupa aimuc'ipo' te ts'i'ic' lajut'ŧ, toŧta'a tolanc'e'ma”.

⁴⁵ Liŧmaxque' laŧatahueló epenuf'me lajut'ŧ, iŧtaic' icuaiyunca jifa'a laŧamats', itsuflai'enca. Iŧniya litiné micuxela' Josué ulicale'me lan xanuc' limajmpá fa'a, iŧne pe aiquilimetsaijma LanDios.

'Icuaitŧi litine cal rey David epenuf'ma lipenic' ma tipa'a iŧe lajut'ŧ.

⁴⁶ LanDios etenŧcoco'ma li'ejma' David. Iŧque ixa'hue'ma LanDios, enDios Jacob. Timi: “Calanc'e'etso' ocuena comejut'ŧ”.

⁴⁷ David aiquilanc'e lajut'ŧ. Salomón, iŧque i'hua David, ilanc'epa lejut'ŧ LanDios.

⁴⁸ 'Tama tipa'a lejut'ŧ, LanDios Nopa'a lema'a aimipanga anuli lajut'ŧ lilanc'epa cal xans. Toŧta'a licuapa cal profeta muya'e' lu'ipa LanDios, ticua:

⁴⁹ Lema'a ti'onŧcospa to laicuecaj asiento, jiŧpe cacutsuya. Li'a laŧamats' ti'onŧcospa to lainitas, jiŧpe lunxajyopa lai'mitsi'.

Ticua LanDios laŧPoujna:

¿Te caŧhanc'e'ecoya anuli lajut'ŧ? ¿Te ailopa'a caifnunxac'eya?

⁵⁰ ¿Te ma' iya' a'i cailanc'e jahuay?

Toŧta'a timila' Esteban iŧne naixtuc'opá. Lijou'ma timiconala':

⁵¹ —Linca imanc' aimacuec'e. Loŧpicuejma' ti'onŧcospa to liŧpicuejma' lan xanuc' pe aiquilimetsaijma LanDios. Imanc' aimolihuejcoyi cal Espíritu Santo, tecaxaispolhuo'. Ma to mi'eyi loŧatahueló toŧta'a lonŧ'epa imanc'.

⁵² Iŧniya loŧatahueló, ¿ja'ni tipa'a anuli cal profeta pe aiquilihuetsoqui? A'i. Ailopa'a. Loŧatahueló ima'a'me iŧne nuya'apá locuaicoya cal Lijca Xans. Imanc' xonca ixcay onŧ'epá. Li'huamma cal Lijca Xans imanc' oŧcupá, oŧma'apá.

⁵³ Lataiqui' loya'apa locuxepa LanDios, maŧe lataiqui' luya'apa lapaluc' quema'a, imanc' olapenufpá, tijouŧa' aicolihuequi.

⁵⁴ Lan xanuc' noquimf'epá litaiqui' Esteban ixtulencia juaiconapa. Ticuayi: “Iŧque aŧcufquina”. I'ilc'ma liŧ'ay.

⁵⁵ Cal Espíritu Santo icuxe'ma lipicuejma' Esteban. Itque ehuelojm'ma lema'a. Ixim'ma te ts'i'ic' jilpe pe lopa'a LanDios. Jilpe tipa'a Jesús tecaxu al c'a camane LanDios.

⁵⁶ Esteban ticua:

—¡Tolsinle! Caxina exiya lema'a. Jilpe tipa'a cal Xans Liximpa cal profeta pu'hua lema'a. Itsiya aiximpa tecaxu al c'a camane LanDios.

⁵⁷ Lan xanuc' ija'a'me ujfxi, um'mit'le'me liłmane' liłs'mats'i'. Ihuo'me, umentsu'me Esteban.

⁵⁸ I'noł'me, i'hua'a'me lema quilya'. Ipango'me ecanijm'me capic' tima'ałe. Linfel'miyale nicufpá Esteban ipa'apá liłsamalo, ipo'no'e'epá li'mitsi' anuli łamijcano cuftine Saulo.

⁵⁹ Mipayi capic' Esteban tijoc'i LanDios, timi:

—MaiPoujna Jesús, tapenufla' łai'espíritu.

⁶⁰ Exc'onłquenni, ipalai'ma ujfxi timi:

—MaiPoujna, tama ał'e'e quixcay, aimotac'ui'i'mola' lajunac'.

Lijou'ma lines'ma tołta'a imana'ma.

8

¹⁻² Saulo tipa'a tecaxu jilpiya, ticua: “Ne', tima'anle Esteban”.

Hualca lan xanuc' pe naihuejcopá locuxepa LanDios itaina'me licuerpo Esteban, emunatsa. Acueca' juaiconapa liłpihuotsoqueya.

Ihne litiné ihuetsoquim'mola' juaiconapa lapimaye nomana' Jerusalén, ihne lefot'łepola' LanDios. Jahuay ica'ne'mołtsi, iye'me ni petsi al distrito Judea jouc'a łamats' Samaria. Ma le'a lan apóstole imanenca Jerusalén.

³ Saulo tixtuc'ola' juaiconapa lapimaye. Ti'nołila', tequifila' lan xanuc' jouc'a lacał'no', ti'nicola' lacarza.

⁴ Ni petsi litsepa ihne lapimaye nica'nepołtsi uya'a'me Lataiqui' loya'apa ite al c'a liłpic'epa LanDios.

⁵ Felipe ipanni jilpe Jerusalén, i'hua'ma anuli liłya' łamats' Samaria. Jilpe uya'a'ma: “Jesús copa'a cal Cristo, LanDios li'Huijł'epa”.

⁶ Lan xanuc' efot'łepołtsi iquimf'e'me locuapa Felipe. Ixim'me Felipe mi'ay al cueca' to lo'epa LanDios. Jahuay ihniya ipo'no'me cuenna juaiconapa litaiqui' Felipe.

⁷ Jilpe liłya' ixałcona'mola' axpela' lafcuallay, ihne litsufai'ila' contahue. Mi-palcu lontahue tija'ayi ujfxi. Axpela' luhuałqueya lan xanuc' jouc'a lan coxo ixałcona'mola'.

⁸ Tołta'a juaiconapa ixoj'ma quileta lan xanuc' nomana' jilpiya.

⁹ Małpe liłya' tipa'a anuli cal brujo cuftine Simón. I'epa al cueca'. Tifel'mila' jahuay lan xanuc' nomana' łamats' Samaria. Timila':

—Iya' a'i ni naitsi xans. Iya' ninCueca'.

¹⁰ Jahuay iquimf'e'me, lan xanuc' ts'it'hueca jouc'a lan xanuc' pe aiqiuł'hueca. Ticuayi:

—Ma LanDios, itque cal Cuecaj Candios, linca ummepa itca'a cal xans. Tołta'a ti'ay al cueca'.

¹¹ Joupa ixhuaita axpe' mut'ła cal brujo ti'hua ti'ay lipixcay xans. Lan xanuc' ixinc'nepá, joupa ifel'mipola', tihuejyi.

¹² Ihne nepenufpá litaiqui' Felipe epo'im'mola', lan xanuc' jouc'a lacał'no'. Felipe uya'a'ma Lataiqui' loya'apa ite al c'a liłpic'epa LanDios. Tu'ila' te co'iya mitsufłaiyacu pe locuxeyopa LanDios. Tu'ila' naitsi Jesús, itque cal Cristo.

¹³ Simón jouc'a epenufpa litaiqui' Felipe, epo'im'me. Lijoupa lepo'impá iyejmale'me Felipe. Iximpa al cueca' lo'epa Felipe, to lo'epa LanDios. Liximpa tołta'a, tocomma tipailo lipicuejma'.

¹⁴ Lan apóstole nomana' Jerusalén icuej'me: “Lan xanuc' nomana' lamats' Samaria epenufpá litaiqui' LanDios”. Ummem'mola' liñ'as apóstole Pedro y Juan tiyele jilpiya.

¹⁵ Iye'me, icuaitsa pe lomana' lapimaye nepenufpá litaiqui' LanDios. Jilpe ijoc'i'me LanDios, ixahue'e'me tepi'itsola' cal Espíritu Santo.

¹⁶ Iñe lun Samaria joupa inespá: “Jesús ałPoujna”. Joupa epo'impola'. Aiquilepenufi cal Espíritu Santo. Iñque aiquimuya pe lomana'.

¹⁷ Lan apóstole lijoupa lijoc'ipa LanDios ipo'nof'i'me liñmane liñjuac iñniya lun Samaria. Iñe epenuf'me cal Espíritu Santo.

¹⁸ Simón iximpola' li'epa lan apóstole, iximpola' lipo'nof'ipa liñmane liñjuac iñniya lapimaye, iximpola' epenufpá cal Espíritu Santo. Liximpa tołta'a li'ipa, icufi'mola' quiltomí lan apóstole,

¹⁹ timila':

—Capi'i'molhuo' cołtomí. Aipic'a ca'eła' ma to lon'epa imanc'. Lapi'ila' caimane. Tijouła' ja'ni capo'nof'ila' laimane anuli cal xans, iñque tepi'im'me cal Espíritu Santo.

²⁰ Pedro timi:

—Ima' tecanitso' joc'a lotomí. Tocua to'naco'ma iñe locupa LanDios.

²¹ Ima' aimi'iya motsufaiya lañpenic'. Ailopa'a capi'iyaco' LanDios. Iñque timetsaicohuo' a'ij liñca lopicuejma'. Aimetenłma.

²² Ima' mixcay xans. Toxhuej'menanni. Tojoc'ila' LanDios. Toxa'hueła' ja'ni ti'i'ma tiñonc'e'e'mo' lojunac', timenc'e'ecotso' lofcuapa jilpe lopicuejma'.

²³ Iya' quimetsaicohuo' lo'ejma'. Ima' pangay to'ehuale laic'. Lixcay lopicuejma' joupa ifi'epo'. Aimi'iya mo'eya al c'a.

²⁴ Simón italai'e'ma, timi:

—Imanc' tołjoc'ile lañPoujna, tołsahue'ele aimal'i'ma to lañmipa.

²⁵ Jilpe liñya' lan apóstole uya'a'me te ts'i'ic' liximpa, te ts'i'ic' licuejpa mipa'a Jesús fa'a li'a lamats'. Uya'a'me litaiqui' lañPoujna. Lijou'ma ipailinamma, tiyeyi lane Jerusalén. Miyeyi lane titsulfołaiyi axpela' liñpikelolaya' lun samaritano, tuya'ayi Lataiqui', iñe loya'apa al c'a lixplic'epa LanDios.

²⁶ Pe lopa'a Felipe imaxcaitsi anuli lepaluc lañPoujna, timi:

—Totsahuenni. To'huała' al sur, iñe lane co'huayomma Jerusalén lotsepa Gaza. Lane pangay quimuc'o'. Ailopa'a quilya'.

²⁷ Felipe itsahuenni, ipanni. I'hua'ma ma to limipa lepaluc quema'a. Małe lane ti'hua anuli cal xans las Etiopía. Iñque ts'ipenic', ticuxe jahuay hi'huexi lipoujna. Iñque lipoujna liñcuxepa aca'no' cuftine Candace, ticuxe lamats' Etiopía. Cal xans joupa itsehuc'ma al cueca' xoute' lopa'a Jerusalén, jilpe exc'onłingaihuo'ma LanDios. Itsiya ipainamma cotsenapa, i'huanapa Etiopía.

²⁸ Ticusc'o licarro, tixhue liliñpa lije'e cal profeta Isaías.

²⁹ Cal Espíritu Santo ipalaic'o'ma Felipe, timi:

—To'huała' pe lo'huapa al carro. Aimanaj'moxi.

³⁰ Felipe inu'ma, i'huałcotsi al carro. Icuej'ma cal xans tixhue liliñpa cal profeta Isaías. Timi:

—Iñe al je'e lofxhuepa, ¿te tocuec'e?

³¹ Timi:

—¿Te co'iya cacuec'eya? Ailopa'a nañmuc'iya.

Ixa'hue'ma Felipe tif'ajla' al carro, ticutsołaiñe huejnca.

³² Al Paxi Liniñgiya loxhuepa ticua:

Ma to milecom'me anuli la'hua moł tima'anna, ma tołta'a ilecom'me iñque cal xans.

Metec'em'me lipimi cal moł, iñque aimija'e', iñque cal xans joc'a aiquija'e'.

Ailopa'a quimipola' iñe lileł'mi'me.

³³ Etets'i'me, ailopa'a notoc'iya.
 ¿Ja'ni jifa'a li'a lamats' tipa'a anuli qui'hua?
 A'i, ailopa'a.

Nulemma etec'oyenni lipitine.

³⁴ Ts'ipenic' icuis'e'ma Felipe, timi:

—Alu'íla'. ¿Naitsi conescopa cal profeta? ¿Te tipalaicoyoxi quituca' o tipalajma ocuena?

³⁵ Felipe italai'e'ma, uhual'ma íte lataiqui'. Lijou'ma xonca u'i'ma Lataiqui' loya'apa íte al c'a lixpíc'epa LanDios. Inesco'ma Jesús.

³⁶ Mipalaiyi ti'hua tinu al carro. Icuaitsa pe lopa'a laja'. Ts'ipenic' timi Felipe:

—Toxinla'. Jifa'a tipa'a laja'. Aipic'a ima' lapo'íla'. ¿Te ti'i'ma?

³⁷ Felipe timi:

—Ja'ni jahuay lomunxajma' to'huaiyinge Jesús, ti'i'ma.

Ts'ipenic' italai'e'ma, timi:

—Iya' linca ca'huaiyinge Jesucristo. Ítque i'Hua LanDios.

³⁸ Icuxe'ma ecaxu'ma al carro. Imulunca loquexi'. Itsuflai'me laja'. Felipe epo'i'ma ts'ipenic'.

³⁹ Ipalnanca laja', if'ajlina'me lamats', cal Espíritu Santo ileco'ma Felipe. Ts'ipenic' aiqixingona'ma. Uyaina'ma tixoqui queta.

⁴⁰ Felipe iximpoxi icuaita jípe líya' cuftine Azoto. I'hua'ma lane lotsepa líya' Cesarea. Jahuay ílelolya' pe loyaicopa tuya'e' Lataiqui' loya'apa íte al c'a lixpíc'epa LanDios. Icuaitsi Cesarea.

9

¹ Saulo ti'hua tixtu'hua. Itine ipuqui' tehue te co'iya mima'ayacola' ts'ilihuequi Jesús. I'hua'ma ipalaic'otsi cal cuecaj ca'ailli'.

² Íxahue'e'ma quije'e. Ti'hua'ma líya' Damasco, jípiya jajut'hi pe lafoiyomma lan xanuc' judío tímuc'itola' ts'ípnic' íte líje'e. Timi cal cuecaj ca'ailli':

—Lapi'íla' caimane. Líya' Damasco timana' ílniya naihuejpa' al ts'e cane. Ja'ni caxintsola', axanuc' o acal'no', ca'noítola', cafijntola', ca'hua'acola' fa'a líya' Jerusalén.

(Cal cuecaj ca'ailli' epi'i'ma Saulo al je'e lixahue'epa.)

³ Mi'hua lane joupá ticuaita líya' Damasco epalc'o'i'ma anuli lepalc'o'. Íle lepalc'o' qui'huayomma lema'a.

⁴ Ecangenni ixc'uat'íhuaitsi lamats'. Icuej'ma tipalaic'o, timi:

—Ima' cunSaulo, ¿te calihuetsoyoca? ¿Te caltel'micopa?

⁵ Timi:

—Maipoujna, ¿naitsi ima'?

ÍalPoujna timi:

—Iya' ninJesús. Ima' altel'mi. Cal huacax ja'ni aimicuec'e lanacompa al puya ti'hua titelma, ma toíta'a totelma ima', aimocuec'e.

⁶ Saulo tiyu tixpaiqui. Timi:

—Maipoujna, ¿te ts'opic'a ca'ela'?

ÍalPoujna timi:

—Totsahuenni, to'huaíla' totsufaitsi líya'. Jípe tu'inno' lof'eya.

⁷ Lan xanuc' lilecola' Saulo ecaxol'me jípe. Ailopa'a conesyacu. Tix-pailiquila'. Icuej'me tipalay. Aiquixim'me.

⁸ Saulo itsahuenni. Lexi'e'ma li'u' joupá i'ipa afo'. Lilecola' exal'me limane. Icuai'etsa líya' Damasco.

⁹ Icol'ma afane' quitine aimehuetsale. Aimitesma, aimixnay.

¹⁰ Jilpe liya' Damasco tipa'a anuli cal xans lipuftine Ananías, ihuequi Jesús. Ma' imaf'i tocomma tipaima. Iximpa lałPoujna Jesús, tijoc'i, timi:

—¡CunAnanías!

Ananías timi:

—MaiPoujna, ma capa'a fa'a.

¹¹ LałPoujna timi:

—Totsahuenni, to'huała' lane cuftine al Łijca Cane, tocuaita lejut'ł Judas. Jilpe taicuitsufta ja'ni tipa'a Saulo las Tarso. Jilpe toxinna, tijoc'i LanDios.

¹² LanDios joupa imuc'ipa lo'ia. Joupa iximpo' ocuaita ima', cunAnanías. Iximpo' otsufaipa lajut'ł, iximpo' topo'nof'i lomane hjuac, iximpa joupa ixalconapa li'u'.

¹³ Ananías italai'e'ma, timi:

—MaiPoujna, axpela' lan xanuc' tipalaicoyi itque cal xans. Ticuayi mipa'a Jerusalén juaiconapa ti'e'ela' quixcay loxanuc', ihne lo'huijf'epola'.

¹⁴ Lipamma pu'hua itaic' lije'e lini'ipa cal cuecaj ca'ailli'. Joupa epi'impa limane al'notsonga' jahuay illanc'. Al'not'monga' illanc' najjoc'ipo' ima' małPoujna Jesús.

¹⁵ LałPoujna timi:

—To'huała'. Iya' ai'huijf'epa itque cal xans. Joupa aixpic'epa lo'eya. Tu'itola' lan xanuc' naitsi iya', iya' ninJesús. Tu'itola' lan xanuc' pe aimimetsaicoyi LanDios, tu'itola' ihniya liřey. Jouc'a tu'itola' lopimaye, ihne ixanuc' Israel.

¹⁶ Itque linca titełco'ma acueca' ma mu'ila' lan xanuc' naitsi iya'. Tołta'a camuc'i'ma, iya' ninJesús.

¹⁷ Ananías i'hua'ma. Icuaitsi lajut'ł pe lopa'a Saulo. Itsufai'ma, ipo'nof'ipa limane hjuac, timi:

—CunSaulo maipima, ima' mo'hua lane fa'a oximpa lałPoujna Jesús. Itque imujpoxi. Małque Jesús alummepa fa'a. Ipic'a toxinalenła', ticuxetso' lopicuejma' cal Espiritu Santo.

¹⁸ Aiquicoł'ma. Saulo ixim'ma tecangemma tocomma to lipic'ala catú jilpe li'u'. Ixalcona'ma li'u', ehuetzalena'ma. Itsahuenni, epo'im'me.

¹⁹ Itetso'ma, icuainanni lipujfxi. Imajm'me anuli ts'ilihuequi Jesús jilpe liya' Damasco, icoł'ma.

²⁰ Ihniya hitiné itsehuo'ma lajut'łi pe lafołyomma lan xanuc' judío, tu'iyale naitsi Jesús. Timila':

—Itque i'Hua LanDios.

²¹ Ihne noquimf'epá ticuayi:

—¿Te qui'ipa? Itque cal xans mipa'a Jerusalén tijou'nela' lan xanuc' nojoc'ipá Jesús. Icuai'ma fa'a ti'notsola' ihniya, tifi'etsola', ti'hua'a'mola' Jerusalén, ticuai'etola' pe lomana' lixanuc' cal cuecaj ca'ailli'. Itsiya, jtołsinłe lo'epa!

²² Saulo i'ipa xonca acueca' lipicuejma'. Timuqui alinca Jesús copa'a cal Cristo, hummepa LanDios. Ti-ch'ixc'ela' lan xanuc' judío nomana' jilpe liya' Damasco. Ihne ma tiquimf'eyi, ailopa'a cotalai'ecoyacu.

²³ Joupa uyaipa axpe' quitine lan xanuc' judío ixpic'e'me, ticuayi:

—Alma'a'me Saulo.

²⁴ Ipuqui' itine ti'huejyi cal puertá canumicay eti'icoya aital jilpe liya'. Saulo i'ipa quixina' lo'eyacu ihne lan xanuc'.

²⁵ Lijou'ma ts'ilihuequi Saulo unlu'e'me. Lipuqui' icus'mi'me anuli al cueca' tsiquihuił, panca panca ecajm'me lixpula caital, ixehuaitsi al tsiquihuił jilpe lamats'.

²⁶ Saulo i'hua'ma, icuaitsi Jerusalén. Ipic'a tiłejmaletsa ts'ilihuequi Jesús. Ihne aiquilcuac'. Tixpaic'eyi. Ticuayi:

—Ihque Saulo a'i mihuequi Jesús, ma le'a ticua.

²⁷ Bernabé i'e'ma linca limi'ma Saulo. Ileo'ma pe lomana' lan apóstole. U'i'mola' te ts'i'ic' li'ipa Saulo. Timila':

—Mi'hua lane Saulo ixim'ma łatPoujna Jesús. Ihque ipalaic'o'ma. Mipa'a Damasco aimitay calaic'ata. Imuj'moxi ummepa Jesús, tuya'e' litaiqui'.

²⁸ Saulo imajmpá anuli lan apóstole. Ti'hualejma ni petsi Jerusalén. Ailopa'a tintsi.

²⁹ Tipalaic'ola' lan xanuc' judío, ihne nopalaipá liłtaiqui' griego. Timila':

—Imanc' timenaquilhuo'.

Ihne ixtulencia. Ehue'me te co'iya mima'ayacu.

³⁰ Lapimaye i'ipa quilsina' lo'eyacu ihne lan xanuc' judío. Ileo'me Saulo liłya' Cesarea. Jiłpiya ummepa ti'huala' lipiłya' Tarso.

³¹ Ihne litiné ailopa'a tintsi. Ti'hua efot'le'mołtsi lapimaye, ihne nomana' al distrito Judea jouc'a nomana' al distrito Galilea, jouc'a nomana' łamats' Samaria. Ifa'epola' liłpicuejma'. Xonca tixpaic'eyi łatPoujna, ti'eyi latentłocopa. Cal Espíritu Santo ixoc'i'mola' quileta. Tołta'a ixpe'mola' lapimaye.

³² Pedro ti'hua iłya' iłya', icuaitsi liłya' Lida. I'hua'ma ehuejntsola' lapimaye nomana' jiłpe, ihne i'huexi ŁanDios.

³³ Jiłpe liłya' ixim'ma anuli cal xans cuftine Eneas. Ixhuita apaico camats' tunouya. Uhuaquemma.

³⁴ Pedro timi:

—CumEneas, Jesucristo ixal'menapo'. Totsahuenni. Tonif'nałta' lohualfa.

Aiquicoł'ma, itsahuenanni.

³⁵ Jahuay lan xanuc' nomana' jiłpe liłya' Lida, jouc'a nomana' łamats' Sarón, icuej'me ixalłconapa Eneas. Ixhuej'menca, ipai'i'me liłpicuejma'. Ipango'me ihuej'me łatPoujna Jesucristo.

³⁶ Liłya' Jope timana' ts'ilihuequi Jesús. Anuli ihniya aca'no' cuftine Tabita. Ihe laftine ja'ni tonesla' ataiqui' griego ticua: Dorcas. Ihque łaca'no' linca ti'ay al c'a. Aimixospa. Itine itine titoc'ila' pe ailopa'a quıl'hueca.

³⁷ Ihne litiné Dorcas extaf'ma, imana'ma. Epo'im'me licuerpo. Ipo'nom'me anuli lajut'ł lopa'a al toncay.

³⁸ Ts'ilihuequi Jesús nomana' liłya' Jope icuej'me a'ij culi' Pedro, tipa'a liłya' Lida. Ummem'mola' oquexi' lan xanuc' tixahue'etsa, timitsa:

—To'huanni pe lałmana' liłya' Jope. Aimicoł'mo'.

³⁹ Pedro jouc'a iye'me. Licuaitsa lajut'ł jiłpe Jope, ileco'me Pedro al toncay pe lipo'no'empa łaca'no' łimanapa. Icuaiyunca lapimaye cacal'no' apotsateya. Ecaxingołai'me Pedro. Tijolijyi. Timuc'iyi lan tsamalo jouc'a hijahuali łilanc'epa Dorcas miłmana' anuli ihniya.

⁴⁰ Pedro ipa'a'mola'. Exc'onłhuai'ma, ijoc'i'ma ŁanDios. Lijou'ma ecaxna'ma, ipai'e'moxi, ehuelojm'ma łimanapa, timi:

—ConTabita, totsahuenanni.

Tabita exi'e'ma li'u'. Ixim'ma Pedro, icutsai'ma.

⁴¹ Pedro i'noł'e'e'ma limane, ecaxu'ma. Ijoc'i'mola' titsulfołaconanca lapimaye, ihne i'huexi ŁanDios, jouc'a lacał'no' lam potsateya. Timila':

—Jifa'a łołpima Dorcas, joupa imaf'inapa.

⁴² Ni petsi jiłpe liłya' Jope icuej'me li'ipa. Axpela' i'huaiyijm'me łatPoujna Jesús.

⁴³ Pedro ipanenni axpe' quitine liłya' Jope. Ipajm'ma lejut'ł anuli cal xans nacof'ejpa quixmi, cuftine Simón.

10

¹ Jilpe liŷya' Cesarea tipa'a anuli cal xans aromano cuftine Cornelio. Iŷque incuxepa. Locuxepola' amaxnu lisoldado. Iŷne lan soldado, jouc'a liŷf'as soldado, tecui'innila' Lan Italiano.

² Iŷque Cornelio tenanŷi locuxepa LanDios. Acueca' titoc'ila' lan xanuc' judío pe aiquil'hueca. Itine itine tijoc'i LanDios. Jahuay nomana' lejut'ŷ jouc'a tixpaic'eyi LanDios.

³ Anuli litine, joupa uyaipa menac'o, icuaita to al fanej hora, LanDios imuc'i'ma lo'iya. Ixim'ma anuli lapaluc quema'a itsufai'ma lejut'ŷ. Lapaluc timi:

—¡CunCornelio!

⁴ Lehuelojm'ma lapaluc quema'a Cornelio ixpaij'ma juaiconapa. Timi:

—Maipoujna, ¿te ts'opic'a?

Timi:

—Lofxa'huepa if'ajpa lema'a pe lopa'a LanDios. Iŷque iximpo' totoc'ila' lan xanuc'. Ti'nujuaishuo' ima'.

⁵ Timihuo': Tommetsola' loxanuc' tiyeŷe Jope. Tiyeye pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ŷ.

⁶ Iŷque Pedro ipanc'ale lejut'ŷ anuli cal xans lacof'ejpa quixmi, cuftine Simón. Simón lejut'ŷ copa'a lema quil'ya', lema caja. Pedro tu'i'mo' lof'eya.

⁷ Lapaluc quema'a nopalaic'opa Cornelio i'huana'ma. Cornelio ijoc'i'mola' oquexi' limozó. Jouc'a ijoc'i'ma anuli cal soldado notoc'ipa. Iŷque cal soldado tenanŷi locuxepa LanDios.

⁸ U'i'mola' iximpa anuli lapaluc quema'a. Jouc'a u'i'mola' linespa. Imi'mola' tiyeŷe liŷya' Jope. Iyepá.

⁹ Lihuequi litine lummepola' Cornelio joupa ticuaita liŷya' Jope. I'ipa to menac'o. Maŷe al 'hora Pedro if'ajma al toncay lajut'ŷ. Tipalaic'ota LanDios.

¹⁰ Mijoc'i LanDios unle'enni, ticui coteja. Tilanc'enni loteja. Mi'huaijma titetso'ma i'huapa lipicuejma'.

¹¹ Ixim'ma exiya lema'a, iximpa to anuli al cuecaj cutse timumma. Iŷe al cuecaj cutse ilanc'ecompa jahua', ifi'iya lam malpu' lupahuay.

¹² Jilpe ti'nicola'anna tocomma to tilmana' jahuay linneja nomana' li'a lamats'. Timana' iŷne noyecopá amalpu' liŷ'mitsi', jouc'a tiyeyi laquifpolti lamats', jouc'a naiyulpá lema'a.

¹³ Pedro icuej'ma tipalaic'onni, timinni:

—CumPedro, toma'aŷa' anuli iŷne linneja, tota'.

¹⁴ Pedro timi:

—A'i maiPoujna, aimi'iya cateja iŷna'a linneja. Caxinnila' axujc'a. Iya' aicaitec'o cal xujc'a.

¹⁵ Ti'hua tipalaic'onni, timinni:

—Pe LanDios liximpa alimpio, ima' aimocua'ma: “Axujc'a”.

¹⁶ Afanemma i'i'ma toŷta'a. Lijou'ma iŷe al cuecaj cutse if'ajna'ma lema'a.

¹⁷ Pedro timiyoxi: “¿Te calmuc'icompa iŷe laiximpa?”

Toŷta'a minesqui icuaita lam fantsi xanuc' lummepola' Cornelio. Iŷne joupa icuitsufpá, imuc'impola' lejut'ŷ Simón. Itsiya tecaxola'anna al puerta.

¹⁸ Ticuitsufyi, tijoc'iyi:

—¿Ja'ni fa'a copa'a Simón ipanc'ale, iŷque lacui'impa Pedro?

¹⁹ Micoŷi Pedro al toncay lajut'ŷ ti'hua timiyoxi: “Iŷe laiximpa, ¿te cocuaj-maispa?” Cal Espíritu Santo timi:

—Timana' afantsi lan xanuc' tehuehuo'.

²⁰ Totsahuenni, taimuŷa'. Taihuej'mola'. Tonŷeŷe. Aimoxhueŷmot'ŷe'ma. Iya' nummepola'.

21 Pedro imunni. Ipalaic'o'mola' lam fantsi lan xanuc' lummepola' Cornelio. Timila':

—Iya' ninSimón. Imanc' lahuay. ¿Te colcuaiyoco'me? ¿Te ts'ot'pic'a?

22 Timiyi:

—Cornelio, itque incuxepa, locuxepola' amaxnu lan soldado, maque alummeponga'. Itque atijca xans, tixpaic'e LanDios. Jahuay lan xanuc' judío ticuayi: “Itque ac'a xans”. Anuli cal paxi capaluc quema'a ixc'ai'ipa timi: “Tojoc'itsi Pedro ticuaiyunni lomejut'í. Toquimf'e'ma litaiqui' lu'iyaco'.”

23 Pedro itsufai'e'mola'. Epi'i'mola' pe loxmai'eyacu ite lipuqui'. Lihuequi litine itsahuenni, iyejmale'me. Hualca lapimaye lun Jope jouc'a iye'me.

24 Lihuequi litine icuaitsa liya' Cesarea. Tipa'a Cornelio jitpe lejut'í, i'huaicola'. Jouc'a tilmana' lijoc'impola', ite lipimaye jouc'a liyejmalepá xonca limetsaicola'.

25 Licuaita Pedro, Cornelio italecufhuo'ma, exc'onkingai'ma li'mitsi'.

26 Pedro i'not'e'e'ma limane, timi:

—Totsahuenni. Iya' jouc'a ninxans.

27 Mipalaic'oyołtsi itsulfołai'me lajut'í. Pedro ixim'mola' axpela' lan xanuc' efołya jilpiya.

28 Timila':

—Illanc' ninc'ixanuc' judío, imanc' ot'sina' la'ejma'. Aimatejmaleyi imanc' unc'ocuenaye xanuc'. Aimate sulfołaiyi lolajut'í. Alcuayi: “LanDios aimepenuflhuo’”. Lacui'ilhuo': “Unc'ixujc'a xanuc’”. LanDios joupa almuc'ipa alimenajpa. Aicanesconaya tołta'a.

29 Tołta'a iya' aicalcoli. Nihuejcopa lamipa itna'a lummepola' Cornelio. Aicainesqui: “Aimi'iya ca'huaya”. Aicuai'ma fa'a. Itsiya lu'ila': ¿Te caljoc'icopa?

30 Cornelio timi:

—Ixhuaita amalpu' quitine, małta'a al fanej hora, capa'a fa'a lainejut'í caxnet'íqui, cajoc'i LanDios, aixim'ma imaxcaita anuli cal xans, tunts'ifi lipijahua'. LacaxinGai'ma.

31 Almi: “CunCornelio, lofxa'huepa if'ajpa lema'a pe lopa'a LanDios. Itque iximpo' totoc'ila' lan xanuc'. Ti'nuhuaishuo' ima'.

32 Timihuo': Tommetsola' loxanuc' liya' Jope. Tiyete pe lopa'a anuli cal xans cuftine Simón, tecui'inni Pedro. Timitsa ti'huanni lomejut'í. Itque ipanc'ale lejut'í anuli cal xans łacof'ejpa quixmi, cuftine jouc'a Simón. Itque Simón lejut'í copa'a lema quitya', lema caja. Itque tu'i'mo' lof'eya.”

33 'Aicalcoli. Nummepola' laixanuc' tiyete pe lofpa'a. Ima' o'epa al c'a, ocuai'ma lainejut'í. Itsiya, lu'itsonga' te quimipo' LanDios. Jahuay ite lixc'ai'ipo' lu'itsonga'. Totiya lafot'leyołtsi, fa'a lahuelonginga' LanDios. Alquimf'e'mo'.

34 Pedro ipango'ma ipalaic'o'mola', timila':

—Itsiya xonca aixina' te ts'i'ic' lipicuejma' LanDios. Ailopa'a catets'ipa.

35 Anuli cal xans, ni petsi li'huayomma, ni petsi linación, ja'ni tixpaic'e LanDios, ja'ni atijca lo'epa, itque cal xans LanDios tepenufi.

36 'Illanc' ixanuc' Israel, tołta'a alu'iponga' LanDios, lumme'eponga' Jesucristo. Itque il'Poujna jahuay lan xanuc', uya'a'ma: “LanDios ipic'a tiyejmalele lan xanuc’”.

37-38 Ate'a Juan Bautista u'i'mola' lan xanuc' tepoliłe. Lijou'ma Jesús i'hualeco'ma łalamats' illanc' ninc'ijudío. Jitpe al distrito Galilea ipango'ma uya'a'ma. LanDios joupa ipaxnepa, joupa epi'ipa cal Espiritu Santo, epi'ipa limane ti'eła' al cueca'. Ni petsi lo'huapa i'e'ma al c'a. Jahuay lan xanuc'

lotel'mipola' Satanás, Jesús ixal'me'mola'. Itque itejmale LanDios, toliya i'e'ma toita'a.

³⁹ Illanc' atsimpá li'e'ma mi'hualejma lamats' Judea, jouc'a mipa'a liya' Jerusalén. Matque Jesús epalts'ijmpá anuli al 'ec. Ima'a'me.

⁴⁰ Licuaitsi al fane' quitine LanDios imaf'i'ina'ma, epi'ipa lane timujxoxi. Imuj'moxi.

⁴¹ Aimimujyoxi pe lomana' jahuay lan xanuc'. LanDios joupa ixpic'epa naitsi noxinyacu. Iniya tuya'a'me: "Imaf'inapa Jesús, joupa atsimpá". Toliya illanc' at'huij'eponga' atsinnapá joupa imaf'inapa. Lijoupa limaf'inapa atetsoconapá anuli, atnaconapá anuli.

⁴² Atcuxe'eponga' luya'a'le, lu'itsola' lan xanuc': "LanDios epi'ipa limane Jesús. Itque cal Cuecaj Juez. Quih'af'i' lan xanuc' jouc'a petsi limanapola', matque Jesús itJuez."

⁴³ Jahuay lam profeta inescopá Jesús, uya'a'me: "Cal xans to'huaiyijmpa Jesús, LanDios timenc'e'eco'ma li'epa lixcay. Ma' itque Nalun'u'eponga'."

⁴⁴ Mipalay Pedro icuaiyunni cal Espiritu Santo. Jahuay lan xanuc' no- quimf'epá iximpá cal Espiritu limunni lema'a, epenuf'me.

⁴⁵ Jitpe timana' lapimaye judío no'huaiyijmpá Jesús, itne itejmale Pedro. Ticuayi:

—¿Te qui'ipa? Itne ocuenaye lan xanuc', a'i judío. Xinta', LanDios tepi'ila' cal Espiritu Santo. Aimicuanac'ela'.

⁴⁶ Itne locuenaye lan xanuc' mix'natsi'iyi LanDios tipalaiyi ituca', a'i quitaqui'. Toita'a itejmale Pedro ixim'me joupa epi'ipola' LanDios cal Espiritu Santo.

⁴⁷ Pedro timila' itejmale:

—¿Ja'ni tipa'a nonesya: "Iniya aimi'iya mepoliyacu aja"? ¿Ja'ni aimalapi'iyacola' lane? Ma to lalapenufpa illanc' cal Espiritu Santo, iniya jouc'a epenufpá. Aimatcuanac'eyacola'. ¡Tepolite!

⁴⁸ Pedro icuxe'e'mola' tepo'intsola', timetsaicom'mola' ilihuequi Jesucristo. Lijou'ma iniya timiyi Pedro:

—Topanenni oquej fanej quitine, atmajnle fa'a anuli.

11

¹ Lan apóstole jouc'a lapimaye nomana' al distrito Judea icuej'me: "Locue- naye lan xanuc', itne a'ij judío, jouc'a epenufpá litaiqui' LanDios".

² Icuaitsi Pedro Jerusalén. Jitpe lapimaye, itne axanuc' judío, tixtuc'oyi Pedro.

³ Ipalaic'o'me, timiyi:

—Ima' otsufaipa pe lomana' lan xanuc' a'ij judío. Oitetsopá anuli.

⁴ Pedro ipango'ma u'i'mola' te ts'i'ic' li'ipa. Ate'a u'i'mola' li'ipa mipa'a liya' Jope, lijou'ma u'i'mola' li'ipa liya' Cesarea. Timila':

⁵ —Iya' capa'a liya' Jope, cajoc'i LanDios, i'huapa laipicuejma'. Aiximpa to jipu'hua al paiyo. Aixim'ma tumumma lema'a to anuli al cutse ilanc'ecompa ijahua', ifiyiya lam malpu' hupahuay. Icuaiyunni pe laifpa'a.

⁶ Nehuelojm'ma lo'nicolanna. Jitpe aixim'mola' linneja pe noyecopá amalpu' li'mitsi', lam manxu jouc'a lan ximalo. Aixim'mola' noyecopá laquifpołtsi lamats', jouc'a aixim'mola' itne naiyulpá lema'a.

⁷ Aicuej'ma tipalay, atpalaic'o, atmi: "CumPedro, totsahuenni, toma'ala' anuli itne linneja, totela'".

⁸ Iya' cami: "A'i maiPoujna, aimi'iya cateja itna'a linneja. Aiximpa axujc'a. Itque cal xujc'a aicai'nico laico ni anulemma."

⁹ Aicuejcona'ma tipalay lema'a, ahtalai'e, ałmi: “Pe ŁanDios liximpa alimpio, ima' aimocua'ma: Axujc'a.”

¹⁰ Afanemma tołta'a i'ipa. Lijou'ma al cuecaj cutse jouc'a lipinneja if'ajna'ma lema'a.

¹¹ 'Małej hora icuaitsa afantsi lan xanuc'. Ecaxoł'me łuna lajut'ł. Iłne lan xanuc' quiyouyomma Cesarea. Ummempola' pe laifpa'a.

¹² Cal Espıritu Santo ałmipa: “To'hua'ma tunłejmale'me. Aimox-huełmot'łe'ma.” Ałtsehuo'me jouc'a iłna'a lan camts'us lałpimaye. Ałcuaitsa liłya' Cesarea. Ałtsulfołaipá lejut'ł cal xans nałjoc'ipa.

¹³ Iłque alu'iponga' liximpa. Ałmiponga': “Iya' aiximpa anuli łapaluc quema'a tecaxu lainejut'ł. Ałmipa: Tommetsola' loxanuc' tiyełe Jope. Tiyełe pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł.

¹⁴ Iłque Pedro tipalaic'o'molhuo', tuya'a'ma. Tołta'a tonłu'ma ima', jouc'a tunłul'me jahuay nomana' lomejut'ł.”

¹⁵ Jiłpe lejut'ł cal xans nałjoc'ipa aipango'ma aipalaic'o'mola'. Ma capalay, aiquicoł'ma, icuaiyunni cal Espıritu Santo imunni lema'a. Ma to licuaiyunni al te'a pe lałmana', ma tołta'a icuaiyunni pe lomana' iłniya.

¹⁶ Iya' ai'nujuaitsi litaiqui' lałPoujna Jesús. Iłque ałmiponga': “Juan lepo'ipola' lan xanuc' epo'icopola' aja'. ŁanDios tepo'ico'molhuo' cal Espıritu Santo.”

¹⁷ Ma to lalapi'iponga' ŁanDios cal Espıritu Santo, illanc' pe nał'huaiyijmpá lałPoujna Jesucristo, ma tołta'a epi'ipola' jouc'a iłniya. Iya' ma le'a ninxans. ¿Ja'ni ti'i'ma capa'ne'ma ŁanDios? A'i. Aimi'iyia.

¹⁸ Licuej'me tołta'a lan apóstole, ailopa'a quıłtaleconghua Pedro. Iximpá acueca' lo'epa ŁanDios. Timiyi ŁanDios:

—Ałs'najtsi'ihuo' joupa mepi'ipola' lane locuenaye xanuc', iłne a'ij judío, tepenufyi al ts'e liłpitine aimijouya. Iłne jouc'a ixhuej'menamma.

¹⁹ Lijoupa lima'ampá Esteban tiłmana' lapimaye niyepá aculi'. Iłniya ipalyomma Jerusalén iłne liłiné liłeł'mimpola'. Ni petsi liyepá uya'a'me litaiqui' Jesús. Icuaita łamats' Fenicia, łamats' Chipre, jouc'a liłya' Antioquía. Litaiqui' Jesús aicu'innila' locuenaye xanuc', uya'apá ma le'a pe lomana' liłf'as xanuc' judío.

²⁰ Hualca iłniya lapimaye quiyouyomma łamats' Chipre y liłya' Cirene. Iłne lipalunca Jerusalén icuaitsa liłya' Antioquía, jiłpe ipalaic'o'me jahuay lan xanuc', a'i ma le'a lan judío. Ipalaic'o'me jouc'a lan griego, tu'innila' litaiqui' Jesucristo.

²¹ Mipalaiyi iłniya, lałPoujna i'e'ma acueca'. Juaiconapa axpela' lan xanuc' epenuf'me lataiqui' loya'apa iłniya. Ipaiconni liłpicuejma'. Ipango'me ihuej'me lałPoujna Jesucristo.

²² Lapimaye lafot'leyopołtsi Jerusalén icuej'me li'ipa Antioquía. Iłne umme'me Bernabé ti'huala' jiłpiya.

²³ Bernabé icuaitsi jiłpe liłya'. Ixim'ma ŁanDios titoc'ila' lan xanuc' nomana' jiłpiya. Tixoqui queta. Ixc'ai'i'mola' jahuay iłne lapimaye tipo'nołe liłpicuejma' tihuejle liłPoujna Jesús. Aimenaj'mołtsi.

²⁴ Iłque Bernabé ma' ac'a xans. Cal Espıritu Santo ticuxe lipicuejma'. Jahuay łunxajma' ti'huaiyinge Jesús. Jiłpe Antioquía juaiconapa ixpepola' iłne ts'ilihuequi Jesús.

²⁵ Lijou'ma Bernabé itsehuo'ma liłya' Tarso, ehuetsi Saulo.

²⁶ Licuaitsi ixim'ma, ilecotsi i'hua'a'ma liłya' Antioquía. Jiłpe imajntsa anuli camats'. Efoł'łe'mołtsi anuli lapimaye. Imuci'mola' axpela' lan xanuc'. Liłya' Antioquía ipangocopa ecui'impola' ts'ilihuequi Jesús: “Imanc' unc'icristiano”.

27 Iñe litiné liya' Antioquía icuaiyunca lam profeta quiyouyomma Jerusalén.

28 Anuli ihniya cuftine Agabo. Ecax'ma pe lafoiyomma lapimaye. Timila' lonespa cal Espíritu Santo. Timila':

—Ticuaihuo litine cumemma. Ni petsi lomanc'eyacu lan xanuc' tixim'me lumemma.

Litiné micuxe cal cueca' quincuxepa cuftine Claudio tohta'a lo'iya.

29 Ts'ilihuequi Jesús jilpe Antioquía ixpic'e'me titoc'intsole' lipimaye nomana' lamats' Judea. Anuli anuli, ma to ts'i'hueca, tixpij'ma tojua tumme'e'mola' lipimaye.

30 Tohta'a i'e'me. Bernabé jouc'a Saulo itai'me al tomí. Epi'intsole' lan tsilaj capimaye noxpijpá lataiqui'. Iñe teca'nem'mola' lapimaye.

12

1 Iña'a litiné cal rey Herodes i'noñ'mola' hualca lapimaye pe lafoiyomma Jerusalén. Ipic'a titeñ'mitsola'.

2 Icuixe'ma tetec'entsa lejoc' Jacobo, ilque ipimaj Juan. Etec'em'me.

3 Herodes ixim'ma ile li'epa icuaitsi quiñpic'a lan xanuc' judío. Lijou'ma umme'mola' lixanuc' ti'noñsa Pedro. Tohta'a i'i'ma ihniya litiné mi'eyi liñjuic lan xanuc' judío. Mañe al juic titeji ña'i petsi aiñuilai'inni levadura.

4 I'noñim'me Pedro. Herodes icuxe'ma i'nicontsa lacarza. Icuixe'e'mola' imbamaj camts'us lisoldado, timila':

—Toñ'etsa cuenna ilque Pedro.

Mi'eyi cuenna tipai'iyotñsi amalujxi, amalujxi. Ticua Herodes: “Tijouñ'a al juic Pascua quipa'anata lacarza. Cacufta jilpiya pe lafoiyomma lan xanuc'.”

5 Ma mipa'a lacarza Pedro, mi'eyi cuenna, lapimaye lafoiyomma jilpe Jerusalén itine itine tijoc'iyi ñanDios, tixa'hueyi titoc'ila' Pedro.

6 Cal Herodes jounpa ixpic'epa, ticua: “Mouqui quipa'anata Pedro. Cacuf'ma.” Iñe lipuqui' Pedro tipa'a jilpe lacarza, tixmay nolojmay oquexi' lan soldado. Ifi'empa limane' uhuahuinc'impola' loquexi' lan soldado. Lixpula' al puerta timana' ocuene lan soldado ti'eyi cuenna lacarza.

7 Jilpe lacarza icuai'ma anuli ñepaluc ñañPoujna. Epalc'o'i'ma juaiconapa. Untañ'ma huata liju' Pedro, umef'ma, timi:

—¡Aimicol'mo', totsahuenni!

Lan cadena lifiyicoyi limane' Pedro uhuailquenanni.

8 Ñepaluc quema'a ipalaic'ocona'ma, timi:

—Tofi'exoxi, toc'uaicoñ'a loc'ejí.

Lijounpa li'epa tohta'a ipalaic'ocona'ma, timi:

—Topoxla' lopuquiya. Alihuejla'.

9 Ipango'me ipalunca. Pedro ihuej'ma ñepaluc quema'a. Ticua: “Aññ linca ile ñañ'ipa, ma' apaiyo”.

10 Uyalaico'me petsi lacaxuya cal te'a soldado no'epa cuenna lacarza. Lijou'ma uyalaico'me locuena. Icuaitsa al cuecaj puerta catejma', ile lopa'a ma lane quilya'. Al puerta exinni quituca'. Ipalunca. Iyejmale'me lane. Lijou'ma ejac'na'ma ñepaluc quema'a.

11 Licuainanni lipicuejma' Pedro ticua: “Itsiya linca aixina' ñañPoujna ummepa ñepaluc. Lunñu'epa limane Herodes. Tama lan xanuc' judío il'huijma te co'iya mañma'aya, itsiya ailopa'a cañ'e'eya. Aimi'iya.”

12 Micua tohta'a icuaitsi lejut'ñ María, ilque i'máma' Juan ñecui'impa Marcos. Jilpe axpela' lapimaye efoya. Tijoc'iyi ñanDios.

13 Pedro umf'ax'ma luna puerta. Anuli cal criada cuftine Rode i'huapa tixinna naitñ ilque. Ipanni jilpe lajut'ñ.

14 Imetsaico'ma litaiqui' Pedro. Juaiconapa ixoj'ma queta aikuexi'e al puerta. Aiquicoŀ'ma, ipaiconanni. Itsufaicona'ma lajut'ŀ, u'itsola' lapimaye, timila':

—Icuaina'ma Pedro. Tecaxu lixpula' al puerta.

15 Iŀne timiyi:

—¡Ima' mamac'ta!

Tihui'i, timiconala':

—Aŀnca icuaina'ma Pedro.

Lapimaye ticuayi:

—A'ij ŀnca laŀmiponga'. A'i maŀque Pedro. Icuai'ma ŀepaluc quema'a.

16 Pedro ti'hua tumf'axqui. Exi'e'me al puerta, ixim'me. Ticuayi:

—¡Xinŀa'! Maŀca'a Pedro. ¿Te qui'ipa?

17 Pedro i-ch'ixc'eco'mola' limane. U'i'mola' li'ipa, timila':

—LaŀPoujna lipa'ahuona'ma lacarza. Tonlu'itsola' Jacobo jouc'a locuenaye lapimaye toŀta'a laŀ'ipa.

I'huana'ma, ijuc'e'moxi.

18 Liŀic'e'ma lan soldado nomana' lacarza ixhueŀco'me juaiconapa. Ticuayi:

—¿Pe copa'a Pedro? Ailopa'a fa'a. ¿Te qui'ipa lipamma? ¿Pe quitsepa?

19 Cal rey Herodes umme'mola' lixanuc' tehuetsa Pedro. Ehuehuo'me, aikuŀsina'. Herodes icuis'e'mola' lan soldado. Ihui'i'ma, timila':

—Lu'ŀla', ¿te qui'ipa?

Lijou'ma icuxe'ma tima'antsola'. Ipanni al distrito Judea, i'hua'ma liŀya' Cesarea. Jiŀpe ipajntsi.

20 Herodes juaiconapa tixtuc'ola' lan xanuc' nomana' ŀileloŀya' Tiro y Sidón. Iŀne lan xanuc' iŀnefo'me quiŀtuca'. Icuaitsa pe lopa'a Herodes. Ate'a ipalaic'opa nocuxepa li'huexi Herodes, iŀque cal xans lipuŀtine Blasto. Timiyi tixahue'eŀa' Herodes aimixtuc'ocona'mola', tixanghuaitsi, tipaneconni toŀta'a. Iŀne lan xanuc' tetenŀcocola' aimixtuc'ocona'mola' cal rey. Jiŀpe ŀilemats' tehue'e' ŀotejacu. Iŀpic'a Herodes tumme'econatsola'.

21 Herodes ixpic'e'ma litine. U'i'mola':

—Jiŀpe litine capalaic'o'molhuo'.

Licuaitsi iŀe litine Herodes etej'moxi, ipo'no'ma lipijahua' ajrey, icutsai'ma al cuecaj li'asiento li'nof'quiya. Ipalaic'o'mola', imuxi'ale'ma.

22 Lan xanuc' jiŀpe leŀot'ŀeyoŀtsi ija'a'me, ticuayi:

—Iŀque laŀquimf'epa, a'i xans. Iŀque andios.

23 Aiquicoŀ'ma. Iteŀ'mi'ma anuli ŀepaluc laŀPoujna LanDios. Lapimí ipango'ma ite'me. Lijou'ma ima'ma. Herodes i'e'e'moxi xonca cal cueca', etets'ipa LanDios, toŀiya li'ipa toŀta'a.

24 Litaiqui' LanDios ti'hua ti'hujcola' xonca lan xanuc'. Ixpepola' juaiconapa ts'ŀlihuequi Jesús.

25 Bernabé y Saulo joupa ecanghuo'me al tomí, epi'inghuo'mola'. Lapimaye nomana' Jerusalén. Lijou'ma ipailinanca icuaitsa liŀya' Antioquía. Iŀleco'me Juan ŀecui'impa Marcos.

13

1 Jiŀpe liŀya' Antioquía petsi laŀot'ŀepoŀtsi lapimaye timana' lam profeta jouc'a lomxiye nomuc'iyalepá litaiqui' Jesucristo. Iŀniya liŀpuŀtine Bernabé, Simón ŀacui'impa ŀumi, Lucio ŀas Cirene, Manaén ŀitojyohuo'ma lejut'ŀ Herodes. Iŀque Herodes ŀacui'impa cal tetrarca. Jouc'a tipa'a Saulo.

2 Iŀniya mixnet'ŀyi, aimitetsoyi, mix'najtsi'iyi LanDios, cal Espíritu Santo timila':

—Tolimetsaicotsola' Bernabé jouc'a Saulo. Iya' aijoc'icopola' ti'ete lanic' laifnepi'iyacola'.

³ Lijou'ma ixnet'Icona'me, ijoc'Icona'me LanDios, ipo'nof'i'me liłmane liłjuac iłne Bernabé jouc'a Saulo. Ixc'ai'Inam'mola', timinnila':

—Tonłente, toł'etsa lanic' lepi'ipolhuo' łalPoujna.

⁴ Lijou'ma cal Espíritu Santo icuxe'mola' tiyete iłne loquexi'. Iye'me liłya' Seleucia. Jiłpiya itsulfołai'me anuli al barco lotseya łamats' Chipre.

⁵ Jiłpe łamats' Chipre ipalunca al barco, icuaitsa liłya' Salamina. Łajut'łi pe lafołyomma lan xanuc' judío uya'a'me litaiqui' LanDios. Tilecoyi Juan Marcos, iyejmale'me. Iłque titoc'ila'.

⁶ Uyalaicotsa jahuay łamats' Chipre, icuaitsa liłya' Pafos. Jiłpiya ixim'me anuli cal xans judío cuftine Barjesús. Iłque abrujo. Tifel'mila' lan xanuc', timila':

—Iya' ninprofeta. Cuya'e' lonespa LanDios.

Iłe lonespa a'ij linca.

⁷ Barjesús hipoujna cuftine Sergio Paulo. Iłque incuxepa jiłpe Chipre, ac'a lipicuejma'. Ijoc'i'mola' Bernabé jouc'a Saulo ticuaiyunca lejut'ł. Ipic'a tiquimf'ela' litaiqui' LanDios.

⁸ Barjesús jouc'a cuftine Elimas. (Iłe laftine tuhualquemma “abrujo”.) I'e'mola' quipilaic' Bernabé y Saulo. Ticua: “Łincuxepa aimihuejco'ma litaiqui' LanDios”. Ehue'ma te co'eya.

⁹ Cal Espíritu Santo icuxe'ma lipicuejma' Saulo. (Iłque jouc'a cuftine aPablo.) Ehuelojm'ma juaiconapa Elimas.

¹⁰ Timi:

—Ima' ma le'a tofel'miyale. Aimi'iya monesya al linca. To'ay ma le'a lixcay. Ima' i'hua łonta'a Satanás. Iłne no'epá al c'a ima' taixtuc'ola'. To'ay capilaic' lipene łalPoujna LanDios, iłe al łijca cane. Tomuc'iyale ituca' cataiqui'. ¿Te quitine tatec'o'ma iłe lof'epa?

¹¹ Alquimf'ela': ŁalPoujna titeł'mihuo'. Aimi'iya mahuetsaleconaya. Micoli iłe loteł'miyaco' ni aimoxinya lipepalc'o' cal'ora.

Aiquicoł'ma. Elimas ixim'ma tocomma to ummahuay, imufc'o'ma li'u'. Ipango'ma ixpailo'ma limane. Tehuay naitsi naxałya.

¹² Lixim'ma tołta'a li'i'ma łincuxepa epenufpa lataiqui' limipa Pablo. Ticua:

—¡Acueca' litaiqui' łalPoujna Jesús! ¡Acueca' lo'epa!

¹³ Jiłpe liłya' Pafos Pablo y liłejmale itsulfołai'me ocuena barco. Licuaitsa liłya' Perge lopa'a łamats' Panfilia, Juan, iłque notoc'ipola', ipo'no'mola' quiltuca'. Ipaınanni, i'hua'na'ma lipiłya' Jerusalén.

¹⁴ Pablo y Bernabé ipalunca Perge, iye'me liłya' Antioquía lopa'a łamats' Pisidia. Litine conxajya itsulfołai'me lajut'ł pe lafołyomma lan xanuc' judío, icutsołai'me.

¹⁵ Iquimf'e'me loxhuecofimpa al je'e liniłiya locuxepa LanDios, jouc'a al je'e iniliya loya'apa lam profeta. Lijou'ma nocuxepá jiłpiya lajut'ł umme'me anuli łapaluc pe locutsołanna Pablo y liłejmale. Timila':

—Cunc'atpimaye, anuli imanc' ja'ni ipic'a tixc'ai'i'mola' lan xanuc' nomana' fa'a, ne', tipalaic'otsola'.

¹⁶ Pablo ecax'ma. I'nof'e'ma limane, ipango'ma ipalaic'o'mola', timila':

—Imanc' cunc'ixanuc' ołtatahuelo Israel, jouc'a imanc' nołspaic'epá LanDios, alquimf'ela'.

¹⁷ LanDios, łalanDios illanc' ixanuc' Israel, joupa i'huijf'epola' lałtatahueló. Miłmana' iłne lałxanuc' łamats' Egipto LanDios i'e'e'mola' axpela'. Lijou'ma itoc'i'mola' juaiconapa, ipa'a'mola' jiłpe łamats'.

18 Muyalaicoyi lamats' pe ailopa'a quilya' to oquej nuxans camats' LanDios ixnet'i'ma li'e'jma', itoc'i'mola'.

19 Małque LanDios ecani'e'mola' lan xanuc' acaitsi lan nación lamats' Canaán. Małpe lamats' Canaán epi'i'mola' lałxanuc' quilemats'.

20 Lijou'ma LanDios ifaj'mola' iłne lecui'impola' lan Juez. To amalpu maxnu oquej nuxans quimbama' camats' lan Juez icuxe'me. Lijou'ma cal profeta cuftine Samuel icuxe'mola' lałxanuc'.

21 'Iłne litiné lałxanuc' ixahue'e'me LanDios tepi'itsola' anuli cal rey, ticuxetsola'. Epi'i'mola' hitrey cuftine Saul, i'hua Cis. Iłque Saul hitatahuelo cuftine Benjamín.

22 Lijou'ma LanDios iłonc'e'ena'ma Saul lipenic', epi'i'ma David. Ti'ila' iłque hitrey lałxanuc'. Małque cal rey David LanDios inescopa ticua:

David i'hua Isaí, ainimetsaijma te ts'i'ic' li'e'jma'.

Iłque lipicuejma' ti'onłcospa to iya' laipicuejma'.

Ałınca ti'e'ma jahuay laifxpica'epa.

23 Małque David LanDios i'e'epa itatahuelo Jesús, iłque Lalunlu'eponga'. Tołta'a li'epa LanDios enant'ma litaiqui' li'ipa linespa. Ummepa Jesús pe lałmana' illanc' ixanuc' Israel.

24 Ate'a icuai'ma Juan Bautista. Uya'a'ma, timila' lan xanuc': "Imanc' cunc'ixanuc', ołtatahuelo Israel, tołsuej'menca, tołapolite".

25 Juan joupa tijou'ne'ma lipenic' ticuis'ela' lan xanuc', timila': "Imanc', ¿te colcuapa? ¿Naitsi iya'? Iya' a'i to lałnescopa. Aicuai'ma ate'a, tijoula' ticuaihuo iłque pe ts'ol'huaijma locuaicoya. Iłque xonca acueca' xans. Iya' aimi'ya cuhualc'e'eya lic'ejj'."

26 'Cunc'aipimaye, imanc' nołspaic'epá LanDios, ja'ni Abraham ołtatahuelo o ja'ni ituca' lołnación, itsiya LanDios tipalaic'olhuo', tu'ilhuo' naitsi iłque Lonlu'eyacolhuo'.

27 Lan xanuc' nomana' Jerusalén jouc'a liłpincuxepá aiqulimetsaijma iłque Lalunlu'eponga'. Iłniya icuxecopa Jesús. Tołta'a enant'lipá loya'apa lam profeta jilpe liłje'e, iłe al je'e tixhuenni itine itine conxajya.

28 Tama aiqulsi'ne quijunac' ixa'hue'me Pilato ticuxela' tima'anle.

29 Lenant'lipá jahuay lo'iya Jesús, iłe luya'apa lam profeta, ipułquinna'me petsi lepałts'ingiya jile al 'ec, ipo'nontsa łunts'eja'.

30 Lijou'ma LanDios imaf'i'inapa iłque Jesús, ipa'apa pe lomana' lamizhua.

31 Ts'ilihuequi Jesús, pe nipalyomma Galilea, iyejmale'me icuaitsa anuli Jerusalén, iłniya ixingona'me Jesús, tu'iyaley iłe liximpa.

32 'Linca, mimana' lałtatahueló LanDios imipola' iłe al c'a lo'iya. Imi'mola': "Tołe, tołe ca'e'ma". Itsiya lu'ilhuo': Joupa i'ipa.

33 LanDios joupa imaf'i'inapa Jesús. Enant'lipa iłe litaiqui' limipola' lałtatahueló. Tołta'a ałmuc'iponga' illanc' iłnietó iłne lałtatahueló. Ma tołta'a loya'apa al salmo lacui'impala loque', tuya'e' lonespa LanDios, ticua:

Ima' ai'Hua,

Itsiya aimuc'ipola' lan xanuc' ałınca iya' o'Ailli'.

34 'Jouc'a tuya'e' timaf'i'ina'ma Jesús, tipa'anata pe lomana' lamizhua. Tuya'e' aimimaconaya, aimihuet'lya licuerpo. LanDios timila' lixanuc':

Joupa aipo'nopa lataiqui', nepi'ipa David.

Iłe laitaiqui' apaxi, canant'hi'ma.

Tołta'a tołsim'me imanc'.

35 Ocuena al salmo jouc'a tuya'e':

To'e'ma cuenna lo'Hua, iłque o'Huexi.

Titoc'i'ma, aimihuet'lya licuerpo.

36 'He lataiqui' aiminescoyoxi David. Itque mipa'a fa'a li'a lamats' i'e'ma lixic'epa ÆanDios, ticuxeyale. Imanapa, eminc'ina'me pe lomana' litcuerpo litatahueló. Lijou'ma ihuet'ina'ma licuerpo.

37 He lataiqui' tinescojma Jesús. Ma' itque ÆanDios imaf'i'ina'ma. Licuerpo a'i quihuet'i'ma.

38 'Cunc'aipimaye, alquimf'ela'. Iya' cu'ilhuo': Ja'ni tof'huaiyijnle Jesús ÆanDios timenc'e'eco'molhuo' lof'epa lixcay.

39 Tama tolihuejcoyi locuxepa Moisés aimimenc'e'ecoyacolhuo' nulemma jahuay lof'epa lixcay. Ti'hua toltai'me lajunac'. Ja'ni tof'huaiyijnle Jesús, aimitac'uinyacolhuo' cajunac', ni tolt'a'a.

40 Iya' camilhuo' imanc' nalquimf'epa: Tołpo'nołe cuenna. Ja'ni a'i ti'i'molhuo' to loya'apa ÆanDios jilpe litaiqui' linilingiya lije'e lam profeta, ticua:

41 Imanc' tolixocoyi, tolahuelojnle laif'epa, tof'huijle lołpicuejma'.

Itsiya, ma mołmana' imanc', ca'e'ma al cueca'.

Ja'ni tu'intsołhuo': Tołe, tołe lo'epa ÆanDios, imanc' tołtalai'e'me: "A'ij linca ite lal'iponga'."

42 Mipalumma lan xanuc' lafołyomma jilpe lajut'f'ixa'hue'me Pablo y Bernabé, timinnila':

—Locuena xamano, ticuaitsi litine conxajya, alpalaic'ocona'monga', lu'i'monga' xonca ite lataiquí.

43 Lijoupa lipalunca jahuay lefołya, axpela' lan xanuc' judío jouc'a locuena naye xanuc' petsi ilihuequi li'ejma' lan judío, iyejmale'me Pablo y Bernabé. Itniya ix'ai'im'mola' lan xanuc', timinnila':

—ÆanDios titoc'i'molhuo'. Aimolanaj'mołtsi itque.

44 Icuaiyocontsi litine conxajya tehue'ela' ma le'a anuli oquexi' lan xanuc'. Jahuay locuena naye nomana' jilpe liya' efołunni tiquimf'e'me litaiqui' ÆanDios.

45 Lan xanuc' judío, lixim'me joupa efołumma axpela' lan xanuc' i'em'mola' laic' Pablo y Bernabé. Timinnila' lan xanuc':

—Itniya ma le'a tifel'milhuo' imanc'. A'ij linca lonespa.

46 Pablo y Bernabé aimixpailiquila'. Timinnila' ite lan xanuc' naixtulepá:

—Ate'a alu'ipolhuo' imanc' litaiqui' ÆanDios. Tołta'a lixic'epa. Imanc' aimetenłcocolhuo', aimolapenufyacu al ts'e lołpitine, tolacani'eyołtsi cołtuca'. Itsiya alpo'no'molhuo'. Ate'me pe lomana' locuena naye xanuc' pe aimimetsaicoyi ÆanDios. Alpalaic'otola' itniya.

47 Ma ÆanDios alcuxe'eponga' ite laf'eyacu. Al Paxi Linilingiya tuya'e' tołta'a lonespa ÆanDios, ticua:

Iya' nepi'ipo' lopenic', tapalc'o'itola' liłpicuejma' pe aimimetsaicoyi ÆanDios.

Ti'i'ma quilsina' cunlu'e'mola' iya'.

Itne nomana' xonca aculi' to'itola' ita'a litaiqui'.

48 Licuej'me lonespa Pablo y Bernabé locuena naye lan xanuc' pe a'ij judío, itniya ixojma quileta. Ticuayi:

—Ac'a litaiqui' lonespa lałPoujna.

ÆanDios joupa ixic'epa naitsi ite lapenufyacu al ts'e liłpitine aimijouya. Ma' itniya i'huaiyijmpá Jesús.

49 Ni petsi jilpe lamats' lan xanuc' icuej'me litaiqui' ÆanDios.

50 Lijou'ma lan xanuc' judío pe aimi'huaiyijnyi lałPoujna Jesús ipalaic'om'mola' lacal'no' pe ts'it'hueca, itniya naihuejcopá locuxepa ÆanDios. Ipalaic'om'mola' jouc'a lan tsilaj xanuc'. Tołta'a ixtuc'om'mola' Pablo y Bernabé, ipa'am'mola' jilpe kilemats'.

⁵¹ Pablo y Bernabé unaf'me lił'mitsi'. Ipa'a'me łepi camats' litalijmpa liłc'ejí. Tołta'a iłne lan apóstole imuc'im'mola' lan xanuc' ja'ni tejac'e'mołtsi iłne quiltuca' iłjunac'. Ipalunca liłpiłya' iłniya lan xanuc', iyepá lane lotsepa liłya' Iconio.

⁵² Le'a cal Espíritu Santo ticuxela' liłpicuejma', tołta'a tixoqui quileta tiyeyi iłniya.

14

¹ Mimana' liłya' Iconio Pablo y Bernabé itsehuc'me lajut'ł pe lafołyomma lan xanuc' judío. Jiłpe uya'a'me Lataiqui' loya'apa iłe al c'a lixpíc'epa ŁanDios. Axpela' noquimf'epá epenuf'me luya'a'me Pablo y Bernabé. Iłne nepenuf'pá ajudío jouc'a agriego.

² Lijou'ma lan xanuc' judío pe aikuilepenufi iłe litaiqui' Jesús ipalaic'o'me locuenaye xanuc' agriego. Etełc'e'e'me liłpicuejma'. Tołta'a iłne lan xanuc' ti'eyi laic' lapimaye.

³ Pablo y Bernabé icol'mola', imanenca jiłpe liłya'. Aimixpailiquila'. Mi'huaiyijnyi ŁanDios ti'hua tuya'ayi litaiqui'. Tu'innila':

—Toł'huaiyijnle ŁanDios. Tołta'a tipaxne'molhuo', titoc'i'molhuo'.

Małque ŁanDios imujpa al linca lonespa Pablo y Bernabé. Epi'i'mola' liłmane ti'ełe al cueca'. Tołta'a lan xanuc' iximpá te ts'i'ic' lo'epa ŁanDios.

⁴ Lan xanuc' jiłpe liłya' i'e'mołtsi onłca. Hualca ihuej'me lan xanuc' judío pe aikuilepenufi Jesús. Locuenaye ihuej'me Pablo y Bernabé.

⁵ Lan xanuc' griego jouc'a lan xanuc' judío pe aikuilihuequi Pablo ipalaic'om'mola' ts'iłpenic' jiłpe liłya'. Inefo'me, ticuayi: “Ałteł'mi'mola' Pablo y Bernabé. Ałma'aco'mola' apic'.”

⁶⁻⁷ Pablo y Bernabé i'ipa quilsina' lo'e'enyacola'. Inul'me, iye'me łamats' cuftine Licaonia. Jiłpiya uya'atsa Lataiqui' loya'apa iłe al c'a lixpíc'epa ŁanDios. U'im'mola' lan xanuc' nomana' hiłelołya' Listra y Derbe, jouc'a nomana' hiłemats' ahuejnca.

⁸ Jiłpe liłya' Listra tipa'a anuli cal coxo. Itine itine ticutsu. Li'mitsi' ailopa'a quilpujxi. Ma tołe ipajncota. Ni anulemma qui'huac'. Aimi'i.

⁹ Anuli litine cal coxo tiquimf'e mipalay Pablo. Pablo ehuelojm'ma. Ixim'ma cal xans ticua lipicuejma': “Linca ałsałcona'ma”.

¹⁰ Pablo ipalaic'o'ma ujfxi, timi:

—iTopo'notsola' łamats' lo'mitsi', tacaxla' hiłc'

Cal coxo iyuf'conni, ecax'ma hiłca, ipango'ma i'hua'ma.

¹¹ Lan xanuc' nomana' jiłpiya ehuelojm'me cal coxo joupá ixalconapa, ipango'me ija'a'me. Tipalaiyi liłtaiqui', iłe lopalaipa lan xanuc' jiłpe łamats' Licaonia. Ticuayi:

—iŁandiosla' i'epołtsi xanuc', imulumma pe lałmana'!

¹² Ipalaicom'mola' Pablo y Bernabé, ticuayi:

—Bernabé iłque andios Zeus. Łocuena andios Hermes.

Pablo xonca tipalay, toliya ecui'im'me Hermes. (Iłne lan xanuc' ticuayi xonca tipalay Hermes. Iłque ilepaluc lif'as candiosla'.)

¹³ Iłne lan xanuc' nomana' łamats' Licaonia hiłendios cuftine “Zeus nopa'a pe lotsufaicompa liłya'”. Le'ailli' Zeus icuaitsi al puerta hiłpuna cajut'ł pe lomana' Pablo y Bernabé. Iłcola' lan huacax, itaic' lan arco lilanc'ecompa ipa'. Tima'a'mola' lihuacax, titsufco'mola' Pablo y Bernabé. Ma' anuli iłpic'a lan xanuc'.

¹⁴ Loquexi' lan apóstole, iłne Pablo y Bernabé, ixim'me lo'eyacu iłne la'ailli' y lan xanuc'. Aiquicol'mola'. Ipalunca lajut'ł, itsulfołai'me nolojmay xanuc'. Tits'ayı liłpijagua', timujyi a'ij c'a iłe lo'eyacu lan xanuc'. Tija'ayi,

¹⁵ timinnila':

—Cunc'ixanuc', ¿te con'eyacu? Illanc' jouc'a ninc'ixanuc'. Jifa'a aluya'ayi Lataiqui' loya'apa ite al c'a lixpicepa ÆanDios. Male Lataiqui' tu'ilhuo': "To'po'notsola' ina'a lolandiosla', aimolihuejcona'me". Lolandiosla' ailopa'a co'epa, aimi'ya mitoc'iyacolhuo'. Tolihuejle ÆanDios Limaf'i. Itque Nilanc'epa lema'a, li'a lamats', aja jouc'a jahuay lopa'a.

¹⁶ 'Luyaipa quitine, imanc' jouc'a locuenaye lan xanuc' pe a'ij judío toluyalaicoyi lapajnya tolihuejyi ma to mo'eyi. ÆanDios ixnet'ipa ite lo'ejma'.

¹⁷ Tama a'ij cuajmaica cu'ilhuo' te ts'i'ic' lipicuejma', ÆanDios imuc'ipolhuo' li'ejma'. Imuc'ipolhuo' ac'a lo'epa. Ma' itque ticuxe ticuila', atcuic'inga' lacui lo'huayomma lema'a. Jouc'a ticuxe ti'ila' litiné cafot'leya. To'ta'a atsinyi lattepa. Juaiconapa alixoc'inga' calata.

¹⁸ Tama to'ta'a limipola' Pablo lan xanuc' afule mihuejcoyi. Juaiconapa itpic'a titsufcole.

¹⁹ Malej hora icuaita lan judío naixtulepá, itne quiyouyomma itelolya' Iconio y Antioquía. Ipalaic'om'mola' lan xanuc' jitpe lefolya. Inesc'em'mola' Pablo y Bernabé. Lan xanuc' ihuejco'me itne lan xanuc' judío, ipaf'me capic' Pablo. Lijou'ma ticuayi: "Joupa imapa". Ipa'a'me jitpe li'ya'. Ipo'no'me lema qui'ya'.

²⁰ Ts'ilihuequi Pablo y Bernabé itoc'otai'me canumicay Pablo. Itque itsahue-nanni, itsufaicona'ma li'ya'.

Lihuequi litine ipalunca Pablo y Bernabé, icuaita li'ya' cuftine Derbe.

²¹ Jitpe uya'acona'me Lataiqui', ite loya'apa lixpicepa ÆanDios. Axpela' lan xanuc' epenuf'me lataiqui', ihuej'me. Lijou'ma Pablo y Bernabé ipailiconanca, iyecona'me itelolya' Listra, Iconio y Antioquía.

²² Imuc'iyalecontsa ts'ilihuequi Lataiqui', ifa'empola' lipicuejma', ixc'ai'im'mola', timinnila':

—Ticuicomma atelcole, tijoula' altsuflainata pe locuxeyopa ÆanDios.

²³ Iya' itya' ni petsi lafolyomma lapimaye Pablo y Bernabé ifaj'me lan tsilaj xanuc' noxpiceyacu lataiqui'. Tixnet'lyi, aimitetsoyi, tijoc'iyi latPoujna, timiyi:

—MatPoujna, ina'a lan xanuc' ti'huaiyijnhuo'. Totoc'itsola'.

²⁴ Ipalunca li'ya' Antioquía. Uyalaico'me jahuay lamats' Pisidia. Icuaiyocon-tsa lamats' Panfilia.

²⁵ Iyecona'me li'ya' Perge. Jitpe uya'a'me Lataiqui'. Lijou'ma ipalunca, imul'me al 'ocay, icuaita li'ya' Atalia.

²⁶ Jitpiya itsulfoaicona'me anuli al barco lotseya locuena qui'ya' cuftine Antioquía.

Pablo y Bernabé limajmpá jitpe Antioquía lapimaye ummempola' tiyenle, ti'etsa lanic' lapi'ipola' ÆanDios. Ixa'huepá titoc'itsola'. Itsiya joupa ix-huai'nipá lanic'. Ticuaiconata.

²⁷ Icuaita Antioquía. Itoc'im'mola' lapimaye itne nefot'lepotsi jitpe li'ya'. U'im'mola' jahuay li'ipola' lan xanuc' pe a'ij judío. ÆanDios joupa itonc'epa lipa'nepola'. Iniya jouc'a titsuflaiyi lane, ti'huaiyijnnyi Jesucristo.

²⁸ Jitpiya li'ya' Antioquía icol'mola'. Imanenca anuli ts'ilihuequi Jesús.

15

¹ Icuaita li'ya' Antioquía hualca lapimaye ts'ilihuequi Jesús quiyouyomma al distrito Judea, ipango'me imuc'iyale'me. Tu'innila' lapimaye nomana' jitpe li'ya':

—Tolanant'ite locuxepa Moisés, ton'etsotsi circuncidar. Ja'ni a'i, aimi'ya molun'ulyacu.

² Pablo y Bernabé ifuli'imołtsi cataiqui' iłne lapimaye, aiquententıccocola' lomuc'iyalepa. Lijou'ma lapimaye ixpic'e'me tiyele Jerusalén Pablo y Bernabé jouc'a hualca lapimaye nomana' jilpe Antioquía. Pu'hua Jerusalén tipalaic'onnola' lan apóstole y lapimaye noxpıjpá lataiqui'. Ticuis'ennola': "Imanc', ¿te colcuapa? Lałpimaye pe a'ij judío, ¿ja'ni ti'e'mołtsi circuncidar o a'i?"

³ Ipalunca Pablo, Bernabé y liłejmale lun Antioquía. Locuenaye lapimaye lafołyomma jilpe Antioquía ecanumf'entsacane. Uyalaico'me łamats' Fenicia jouc'a łamats' Samaria. Jilpe liłelołya' ipalaicom'mola' lapimaye, uya'a'me iłe li'ipola' lan xanuc' a'ij judío, ticuayi: "Ipa'ipá liłpicuejma', tihuejyi Jesús". Licuej'me tołta'a li'ipa jahuay lapimaye ixoconni quileta juaiconapa.

⁴ Pablo, Bernabé y liłejmale icuaitsa liłya' Jerusalén. Lapimaye lafołyomma jilpe, lan apóstole jouc'a lapimaye noxpıjpá lataiqui', epenufim'mola'. Pablo y Bernabé uya'a'me jahuay li'ipa, uya'a'me acueca' litoc'ipola' ŁanDios.

⁵ Jilpe Jerusalén timana' hualca lan xanuc' fariseo no'huaiyijmpá lałPoujna Jesucristo. Iłne ecaxoł'me, ticuayi:

—Lapimaye pe a'ij judío tenant'liłe locuxepa Moisés. Ti'etsołtsi circuncidar.

⁶ Efoł'le'mołtsi lan apóstole jouc'a lapimaye noxpıjpá lataiqui'. Icuıs'e'mołtsi: "¿Te calspic'eyacu?"

⁷ Ipalaic'o'mołtsi juaiconapa. Lijouco'ma ecax'ma Pedro. Timila':

—Cunc'aipimaye, joupa ołsina' li'ipa. ŁanDios ałmuc'iponga' naitsi no'huaya pe lomana' locuenaye lan xanuc', iłne a'ij judío. Al'huij'epa ca'huala' iya', cuya'atsi Lataiqui' loya'apa iłe al c'a lixpıc'epa ŁanDios, ti'huaiyijnle Jesucristo.

⁸ Li'huaiyijm'me Jesucristo ŁanDios ipaxne'mola' to lałpaxneponga' illanc'. Epi'ipola' cal Espıritu Santo. Tołta'a imujpa alinca ti'huaiyijnıy Jesucristo. ŁanDios aimimenajya, timetsaicola' jahuay lan xanuc', te ts'i'ic' liłpicuejma'.

⁹ Iłniya, illanc', ma' anuli lapenufponga'. Lał'huaiyijmpá Jesucristo latufc'e'eponga' lałpicuejma'.

¹⁰ Itsiya, ¿te colahuaicopá ŁanDios? Imanc' tołcuayi: "Ałcuxe'e'mola' lałpimaye tihuejcołe jahuay locuxepa Moisés". Iya' cacua: Lałtatahueló aiquilenant'li iłe lataiqui', ni illanc' aicalanant'hi, aimi'ıya.

¹¹ Joupa i'ipa calsina' ma le'a Jesucristo ałtoc'i'monga'. Iłque ałsimponga' ninc'icuanuc'la, lunı'e'monga'. Ma' anuli tunı'e'mola' iłniya.

¹² Lapimaye lafołyomma jilpiya ailopa'a cotalai'ecoyacu. Iquimf'e'me loya'apa Pablo y Bernabé muya'ayi al cueca' li'epa ŁanDios pe lomana' locuenaye lan xanuc', iłne a'ij judío. Uya'a'me li'ipa ma mi'eyi lipenic' ŁanDios. Iłque joupa epi'ipola' liłmane, tołta'a i'e'me to aimi'ıya mi'eyacu lan xanuc'.

¹³ Lijoupa luya'apa tołta'a Jacobo ipalaic'o'mola' lapimaye lefoł'lepoltsi, timila':

—Cunc'aipimaye, ałquimf'eta'.

¹⁴ Simón Pedro alu'iponga' li'ipa litine ŁanDios imuj'moxi pe lomana' locuenaye lan xanuc', iłne a'ij judío. Iłe litine ipango'ma ijoc'i'mola' tihuejcołe, ti'ıla' quixanuc'.

¹⁵ Lam profeta joupa uya'apá tołta'a lo'eya ŁanDios. Jilpe liłje'e inıliłjmpá lonespa ŁanDios, ticua:

¹⁶ Tijoula' catoc'icona'mola' laixanuc'.

Iya' capi'i'mola' laixanuc' liłrey, cal rey David itatahuelo.

¹⁷ Tołta'a locuenaye lan xanuc' tehuena'me liłPoujna, iłne a'ij judío pe joupa nimetsaicopola' aixanuc', małniya lahuena'ma.

¹⁸ Tołta'a linespa ŁanDios No'epa jahuay iłna'a.

Joupa imuc'ipola' lan xanuc' nomana' luyaipa quitine.

19 Jacobo ti'hua tipalaic'ola' lipimaye, timiconala':

—Iya' cacua: Ine laɓimaye a'ij judío pe joupa ixhuej'menammas, tihuecoyi LanDios, aimalpa'ne'mola'.

20 Alumme'e'mola' quiɓje'e, lu'i'mola': “Imanc' aimolte'me lixic' litsufcompola' landiosla'. Iɓque cal tejua' joupa i'ipa quixcay. Tol'etsoltsi cuenna. Aimoltsuico'mola' ocuenaye cacal'no', ma' le'a loɓpenoye. Aimolte'me liɓpic' linneja lixnajmpola' cajuats', jouc'a aimolte'me lajuats'.”

21 '¿Te calcuxe'ecoyacola' xonca? Jiɓpiya lajut'hi pe lafoɓyomma laɓ'as xanuc' judío, itine itine conxajya tixhuef'yi locuxepa Moisés. Ixhuaita axpe' camats' toɓta'a mi'eyi jahuaɓ hiɓelolɓya'.

22 Lan apóstole jouc'a lapimaye noxpijpa lataiqui', jouc'a jahuaɓ lapimaye lafoɓyomma jiɓpe Jerusalén i'e'e'moltsi anuli liɓpicuejma'. Ticuayi:

—Al'huijfe'mola' laɓimaye. Alumme'mola' tiyeɓe Antioquía. Tiyejmaleɓe Pablo y Bernabé.

I'huijfe'mola' Judas laɓui'impa Barsabás jouc'a Silas. Ine liɓimaye tixininila' ac'a liɓpicuejma'.

23 Ini'impola' al je'e, tini'innola' lapimaye a'ij judío. Iɓe al je'e tuya'e':

“Illanc' ninc'apóstole, ninc'atsila' capimaye naɓpic'epá lataiqui', aɓnonilhuo' imanc' a'ij judío, noɓmana' liɓya' Antioquía, jouc'a noɓmana' ni petsi lamats' Siria, jouc'a noɓmana' lamats' Cilicia. Imanc' illanc' ninc'apimaye.

24 'Joupa aɓmimponga' iɓe luya'apa hualca lapimaye lipalyomma fa'a. Ine imipolhuo': ‘Imanc' tolanant'hiɓe locuxepa Moisés. Tonɓ'etsoltsi circuncidar.' Toɓta'a ixhueɓmipolhuo'. Toɓcuayi: ¿Te cal'eyacu?

'Itsiya lu'ilhuo': Illanc' aicalummela' ihniya. Aicalmila': Toɓta'a toɓmitsola'.

25 Illanc' naɓmana' fa'a joupa al'e'epoltsi anuli laɓpicuejma'. Alɓpic'epá alumme'elhuo' ihna'a laɓ'huijfe'epola', tiyejmaleɓe laicalpimaye Pablo y Bernabé.

26 Ine coɓa' tima'mola' mi'eyi lipenic' laɓPoujna Jesucristo, tocomma to aimunɓulyacu.

27 Loquexi' laɓimaye lalummepola', iɓne Judas y Silas tu'itolhuo' laɓpic'ejma', iɓe lalinilpa ilta'a al je'e.

28 Illanc' y cal Espíritu Santo alɓpic'eyi a'ij cueca' laɓcuxe'eyacolhuo'. Fa'a lu'ilhuo' ma le'a oquej fane' loɓ'eyacu petsi xonca latenɓcocopa LanDios.

29 Lu'ilhuo':

'Aimolte'me lixic' litsufcompola' landiosla'. Aimolte'me lajuats'. Aimolte'me liɓpic' linneja lixnajmpola' cajuats'. Tonɓ'e'etsoltsi cuenna. Aimoltsuico'mola' ocuenaye cacal'no', ma le'a loɓpenoye.

'Ja'ni toluyalaico'me toɓta'a tonɓ'e'me al c'a. Itsiya icula'apa iɓe laɓc'ai'ipolhuo'.”

30 Lapimaye nomana' Jerusalén ixc'ai'im'mola' Pablo, Bernabé y liɓejmale. Ine iye'me. Icuaiɓontsa Antioquía. Jiɓpiya ijoc'im'mola' lapimaye tefolunca. Ini'im'mola' al je'e.

31 Lapimaye ininuf'me ixhue'me. Iɓe loxc'ai'impola' ixoc'i'mola' quileta.

32 Ine Judas y Silas aprofeta. Juaiconapa ixc'ai'im'mola' lapimaye, ifa'em'mola' liɓpicuejma'.

33 Jiɓpiya imanenca, icol'mola'. Icuaitsi litine tiyente lapimaye ixc'aitsona'me, timinnila':

—Tonɓente al c'a. Toɓpailinanca, tonɓente pe lomana' iɓne nummepolhuo'. Toɓmitsola': “Ailopa'a tintsi”.

34 Silas ixpic'epa tipanehuo Antioquía.

35 Pablo y Bernabé imanenca jiɓpe liɓya' tuya'ayi, timuc'iyaleɓi Lataiqui'. Iɓe litaiqui' laɓPoujna. Ma' anuli lo'epa axpela' lapimaye.

³⁶ Ti'hua tuyaipa hitiné. Lijou'ma Pablo ipalaic'o'ma Bernabé, timi:
—Eepá, leconapá jahuay hileloŷya' petsi joupa laluya'apa litaiqui' laŷPoujna. Aŷsinna te ts'i'ic' mimana'.

³⁷ Bernabé ticua:

—Aŷhecocona'me Juan Marcos, aŷejmalecona'me.

³⁸ Pablo timi:

—A'i. Laŷcuaitsa laŷmats' Panfilia itque aŷpo'noponga' caŷtuca'. Aiqui'e'ma canic' anuli illanc'. Aimaŷhecocona'me.

³⁹ Ipalaic'o'moŷtsi juaiconapa. Ifuli'i'moŷtsi cataiqui'. Lijouco'ma anuli anuli i'hua'ma lipene. Bernabé ileco'ma Marcos, itsulfoŷai'me anuli al barco, iye'me Chipre.

⁴⁰ Pablo i'huijf'e'ma Silas. Pablo y Silas y lapimaye efot'le'moŷtsi. Ijoc'i'me LanDios. Ixa'hue'me titoc'itsola' Pablo y Silas. Lijou'ma ipalunca iŷniya.

⁴¹ Iye'me laŷmats' Siria jouc'a laŷmats' Cilicia. Pablo ipalaic'o'mola' lapimaye ni petsi lafoŷyomma. Ifa'e'mola' liŷpicuejma'.

16

¹ Pablo y Silas icuaitsa liŷya' Derbe, uyalaico'me, icuaitsa Listra. Jiŷpe liŷya' tipa'a anuli laŷmijcano cuftine Timoteo. Qui'máma' ajudía, ti'huaiyinge Jesucristo. Qui'ailli' agriego. Timoteo tihuequi Jesús.

² Lapimaye, iŷne nomana' Listra, jouc'a nomana' Iconio ticuayi: “Ac'a xans Timoteo”.

³ Pablo ixpic'epa tiyejmale'me. Ai'a tileco'ma i'e'ma circuncidar. Ticua: “Toŷta'a aimixtulecu lan xanuc' judío nomana' fa'a laŷmats'”. Jahuay iŷniya iŷsina' qui'ailli' Timoteo agriego. Toŷiya Timoteo aiqui'aic' circuncidar.

⁴ Lijou'ma Pablo, Silas y Timoteo iyehuo'me iŷya' iŷya', ehuengintsola' lapimaye nomana'. Imuc'im'mola' al je'e loya'apa locuxepa lan apóstole y lapimaye noxpipá lataiqui', iŷne nomana' Jerusalén. Tixc'ai'innila', tu'innila' tenant'liŷe ile lataiqui'.

⁵ Toŷta'a lapimaye lafoŷyomma iŷniya hileloŷya' xonca ti'huaijinyi. Itine itine tixpela' lapimaye.

⁶ Lijou'ma, ehuengintsola' lapimaye nomana' ni petsi laŷmats' Frigia y laŷmats' Galacia. Aiquiŷsufŷaic' laŷmats' Asia. Cal Espíritu Santo aiquepi'ila' lane muya'ayacu Lataiqui' jiŷpe laŷmats'.

⁷ Icuaitsa lema laŷmats' Misia ixpic'epa titsulfoŷaitsa laŷmats' Bitinia. Cal Espíritu, itque hi'Espíritu Jesús, aiquepi'ila' lane.

⁸ Ti'hua tiyeyi lema laŷmats' Misia. Imul'me liŷya' Troas.

⁹ Lipuqui' Pablo ixim'ma al paiyo. LanDios timuc'i lo'eya. Ixim'ma tecaxu anuli caŷ xans las Macedonia. Tixa'hue, timi: “To'huanni fa'a laŷnemats' Macedonia. Fa'a aŷtoc'i'monga'.”

¹⁰ Iŷe liximpa Pablo alu'iponga' illanc' laŷejmale. Aŷpic'epá le'me laŷmats' Macedonia. Aŷcuayi: Ma LanDios aŷjoc'iponga', alu'itsonga' lan xanuc' nomana' jiŷpe laŷmats' Lataiqui' loya'apa iŷe al c'a lixpic'epa LanDios.

¹¹ Jiŷpe Troas aŷsulfoŷaipá anuli al barco. Aŷepá liŷja laŷmats' cuftine Samotracia. Lihuequi litine aŷcuaitsa liŷya' Neápolis.

¹² Lipalyonca al barco aŷepá Filipos. Iŷe liŷya' xonca imetsaicoquiya jiŷpe laŷmats' Macedonia, i'huexi cal cuecaj quincuxepa romano. Jiŷpe aŷcoŷponga'.

¹³ Litine conxajya lipalunca liŷya', aŷepá petsi tefot'leyoŷtsi lan xanuc' mijoc'i'me LanDios, jiŷpe al pana'. Aŷcutsolaŷanna, aŷpalaic'opola' lacaŷ'no' licuai'me.

¹⁴ Anuli jiŷne lacaŷ'no' lipuftine aLidia. Tihuequi locuxepa LanDios. Lipiŷya' cuftine Tiatira. Ticuqui quijahua' lumanc'ecompa amorada. LaŷPoujna epi'ipa lipicuejma' icuej'ma lonespa Pablo.

¹⁵ Łaca'no' Lidia jouc'a jahuay nomana' lejut'ł epo'im'mola'. Lijou'ma Lidia ałsa'hueponga', ałminga':

—Ja'ni imanc' ałsimpa iya' nepenufpa łalPoujna łepá lainejut'ł. Jilpe ałmanc'aleta.

Ihui'i'ma. Ałehuo'me lejut'ł.

¹⁶ Anuli litine małeyi petsi ałjoc'ita ŁanDios ałtalecuf'me anuli łahuats'. Lipoujnalá joupa i'napá, ticuxeyi. Łahuats' ticua'e, ticuxe lipicuejma' anuli łiponta'a Satanás. Timila' lan xanuc' lo'iyacola'. Tołta'a tuliqui juaiconapa acueca' tomí. Tepi'ila' lipoujnalá.

¹⁷ Illanc' ałejmaleyi Pablo. Łahuats' alihuequinga'. Tija'e, ticua':

—Tołsintola' ilna'a lan xanuc'. Cal Cueca' CanDios ilPoujna ilna'a. Tu'ilhuo' te co'iya molunłulyacu.

¹⁸ Tuyaipa axpe' quitine mi'ay tołta'a łahuats'. Pablo aiquetenłcocojma lo'epa. Tixhuełmot'le juaiconapa. Lijouco'ma ipai'e'moxi, ehuelojm'ma łahuats', ipalaic'o'ma łonta'a, timi:

—Cajoc'i łaiPoujna, canesma lipuftine Jesucristo. Tołta'a cacuxe'ehuo': Taipananni lipicuejma' ilca'a łahuats'.

Aiquicoł'ma. Ipananni łonta'a.

¹⁹ Lipoujnalá łahuats' iximpá ixalconapa, ixtulencia. Iłsina' aimi'iya mulijconayacu quıltomí. I'nołim'mola' Pablo y Silas, exalim'mola' jilpiya pe lomana' ts'ilpenic'.

²⁰ I'hua'am'mola' pe lomana' lan juez romano. Timinnila':

—Iłne lan xanuc' ajudío, fa'a łalpiya' tehueyi cataiqui'.

²¹ Ałmuc'inga' ałpai'inga' lałejma'. Illanc' ma lihuejcoyi cal cuecaj quincuxepa romano. Ma' ilque ałcuxenga'. Aimi'iya malapenufyacu ocuena cataiqui'.

²² Jahuay lefołya jilpiya ixtuc'om'mola' Pablo y Silas. Lan juez icuxe'me textisquintsola' Pablo y Silas, titsimafquintsola' liłspula'.

²³ Itsimafquim'mola' juaiconapa. Ecanc'ontsola' lacarza. Icuxe'e'me cal xans no'epa cuenna lacarza, timiyi:

—To'etsola' cuenna ilna'a lan xanuc'. Aimipalcu.

²⁴ Licuejpa tołta'a no'epa cuenna lacarza i'nicotsola' xonca licu'u cacarza. Icanse'om'mola' liłmitsi' laxma. Aimipalyacu, aimi'iya.

²⁵ Li'i'ma to nolojmay quipuqui' Pablo y Silas tijoc'iyi ŁanDios, tunac'liyi timiyi: “ManDios, ima' unCueca”. Locuenaye litats'ila' tiquimf'eyi.

²⁶ Inu'ma łunanto. Tifenna łamats' petsi lifayiya łaital lacarza. Aiquicoł'ma, exinni jahuay lam puerta. Jahuay litats'ila' ixim'mołtsi uhuailquem'mola' latejmaj cadena.

²⁷ Cal xans no'epa cuenna lacarza tixmay. Imaf'i'ma ixim'ma lam puerta exiya. Ticua: “Itsiya, ¿te caif'eya? Joupa ipalnamma litats'ila'”. Ipa'a'ma li'espada. Ticua: “Cama'a'moxi”.

²⁸ Pablo ixim'ma lo'eya. Ija'a'ma ujfxi, timi:

—Aimo'e'e'moxi. Ma fa'a ałmana' jahuay illanc'.

²⁹ No'epa cuenna lacarza icuxe'e'ma tulif'enłe. Aiquicoł'ma, itsufai'ma pe lomana' litats'empola'. Eca'ni'moxi jilpe liłmitsi' Pablo y Silas. Tiyu tixpaiqui.

³⁰ Tipa'ala' łuna. Ticuis'ela', timila':

—Cunc'ixanuc', ¿te co'iya cunłu'eyacoxi? ¿Te caif'eya?

³¹ Iłne timiyi:

—Ima' to'huaiyijnla' łalPoujna Jesucristo, ilque tunłu'e'mo'. Tołta'a ti'ełe ilne nomana' lomejut'ł. Jouc'a tunłu'e'mola' jahuay ilniya.

³² U'i'me litaiqui' łalPoujna. U'im'mola' jouc'a nomana' lejut'ł.

³³ Maŕpe 'hora lipuqui' no'epa cuenna lacarza ileco'mola' Pablo y Silas, epac'e'etsola' hilehui. Aiquicoŕ'mola', epo'im'mola' itque y jahuay lixanuc'.

³⁴ Lijou'ma ileco'mola' lejut'ŕ Pablo y Silas. Ites'mitsola'. Juaiconapa tixoqui queta ti'huaiyinge LanDios. A'i ma le'a itque jouc'a jahuay lixanuc' ti'huaiyijnyi.

³⁵ Hic'e'ma. Lan juez umme'me lilepaluc' tiyeŕe lacarza. Licuaitsa ipalaic'o'me no'epa cuenna lacarza, timiyi:

—Tox'masnatsola' itne lan xanuc'. Tipalnanca, tiyente.

³⁶ No'epa cuenna lacarza u'i'ma Pablo, timi:

—Lan juez ummepá lilepaluc'. Itne aŕmi: “Tox'masnatsola' itne lan xanuc', tipalnanca”. Itsiya tolipalnanca. Tonŕente al c'a. Ailopa'a tintsi.

³⁷ Pablo ipalaic'o'mola' lapaluc', timila':

—A'i. Aimi'iya maŕeyacu. Illanc' alimetsaiconinga' ixanuc' cal cuecaj quincuxepa romano. Imanc' loŕjuez ni aiquitsina' ja'ni aŕinca o a'ij ŕinca lataiqui' laŕcufponga'. Ma malahuelonginga' lan xanuc' aŕtsimafquimponga'. Itsiya aŕminga' aŕente a-ch'ixca. A'i. Aimi'iya. Ticuaiyunca lan juez. Alipa'atsonga' itniya.

³⁸ Lapaluc' ipailinanca, iye'me pe lomana' lan juez. U'im'mola' limipola' Pablo. Licuej'me lan juez cal cuecaj quincuxepa romano imetsaicola' Pablo y Silas, tixpailiquila' juaiconapa.

³⁹ Iye'me lacarza. Ixa'hue'me aimixtulecu Pablo y Silas. Ipa'am'mola'. Timinnila':

—Tonŕente, tolipalnanca fa'a laŕpiŕya'.

⁴⁰ Lipalunca lacarza Pablo y Silas iye'me lejut'ŕ Lidia. Jiŕpe efot'ŕe'moŕtsi anuli lapimaye. Ixc'ai'im'mola', ixpai'im'mola' quileta. Lijou'ma iyena'me.

17

¹ Pablo y liŕejmale ipalunca liŕya' Filipos, iye'me lane loyaicopa liŕelolŕya' Anfípolis y Apolonia. Icuaitsa liŕya' Tesalónica. Jiŕpe tipa'a anuli lajut'ŕ pe lafoŕyomma lan xanuc' judío.

² Licuaitsi litine conxajya Pablo, ma to mi'ay, i'hua'ma jiŕpe lajut'ŕ. Afane' quitine conxajya i'e'ma toŕta'a. Ipalaic'o'mola' lan xanuc' jiŕpiya. Tu'ila' loya'apa al Paxi Linilingiya.

³ Tuhuaŕqui ite lataiqui', tu'ila':

—Maŕe al Paxi Linilingiya tipalaijma cal Cristo. Tuya'e': “Titelco'ma, timana'ma. Tijouŕa' timaŕ'ina'ma, tipano pe lomana' lamizhua.” Jesús, itque laifpalaic'ocopolhuo', maŕque aCristo.

⁴ Hualca lan xanuc' judío lafot'ŕepoŕtsi jiŕpiya ticuayi: “Ma' al ŕinca locuapa”. I'e'moŕtsi anuli Pablo y Silas. Jouc'a juaiconapa axpela' lan xanuc' griego naihuejpá locuxepa LanDios, jouc'a axpela' lan tsila' cacal'no', epenuf'me lonespa Pablo.

⁵ Lan xanuc' judío pe aimihuejyi Jesús ixtulencia, i'em'mola' laic' Pablo y Silas jouc'a ts'ilihuequi. Ipalaic'om'mola' hualca lixcay xanuc'. Itne nohuina-jpola', aimi'eyi canic', ma le'a tecaxoŕanna jiŕpe locucaleyompa. Efoŕ'ŕem'mola' axpela' lan xanuc', ixahuali'intŕsola' Pablo y Silas. Jahuay lan xanuc' jiŕpe liŕya' ic'of'ma liŕjuats'. Ixtulencia juaiconapa. Aits'icoŕ'mola', iye'me, icuaitsa lejut'ŕ anuli cal xans cuftine Jaŕsón. Tehuennila' Pablo y Silas. Timiyi Jaŕsón:

—Laxat'ŕitsonga' Pablo y Silas. Aŕ'hua'a'mola' jiŕpiya lafoŕyomma lan xanuc'.

⁶ Aiquixinim'mola'. Exaŕim'mola' Jaŕsón y hualca lapimaye. I'hua'ampola' pe lomana' lan juez. Tija'ayi coyac', ticuayi:

—Itniya lan xanuc' nateŕc'eyalepá liŕpicuejma' lan xanuc' ni petŕi li'a ŕamats' joupa icuai'me fa'a laŕpiŕya'.

⁷ Itca'a Jasón epenufpola' jilpe lejut'í. Jahuay ihniya aimihuejcoyi locuxepa cal cuecaj quincuxepa César. Ticuayi tipa'a ocuenaj rey ticuxela', cuftine Jesús.

⁸ Licuej'me tołta'a lan xanuc' y ts'ihpenic' xonca ixtulencia.

⁹ Jasón y lapimaye i'najtse'me ts'ihpenic', i'najcufi'me Pablo y Silas. Tołta'a ts'ihpenic' ux'masquina'me ihne Jasón y lapimaye.

¹⁰ Małe lipuqui' lapimaye itoc'im'mola' Pablo y Silas tipalnanca jilpe liłya' Tesalónica. Iye'me liłya' Berea. Icuaitsa jilpe liłya' itsulfołai'me lajut'í pe lafołyomma lan xanuc' judío.

¹¹ Ac'a xanuc' ihniya lan judío nomana' ihne liłya' Berea, a'i to lan xanuc' nomana' Tesalónica. Ixoico'ma quileta epenuf'me litaiqui' Jesús. Itine itine tixhueyi al Paxi Liniłingiya. Ticuayi: “Ałsim'me ja'ni al linca o a'ij linca lonespa Pablo”.

¹² Axpela' lan xanuc' judío, jouc'a hualca lacał'no' griego pe ts'ih'hueca, jouc'a axpela' lan xanuc' griego epenuf'me.

¹³ Lan xanuc' judío nomana' liłya' Tesalónica icuej'me: “Pablo tipa'a liłya' Berea, tuya'e' litaiqui' LanDios”. Iye'me Berea. Jilpiya ipalaic'om'mola' lan xanuc', i'e'em'mola' tixtuc'ole Pablo.

¹⁴ Lapimaye itoc'i'me Pablo tipanni liłya' Berea, ti'huała' łema caja. Silas jouc'a Timoteo imanenca Berea.

¹⁵ Lapimaye pe li'i'mołtsi anuli Pablo ileco'me liłya' Atenas. Pablo timila':

—Tołmitsola' Silas y Timoteo aimicoł'mola', ticuaiyunca fa'a.

Lijou'ma lapimaye ipailinanca, iye'me Berea.

¹⁶ Pablo ipanenni liłya' Atenas. I'huaijma ticuaiyunca Silas y Timoteo. Ixim'ma ihne liłya' imanna candiosla'. Ixhuelco'ma juaiconapa.

¹⁷ Litine conxajya itsehuc'oma lajut'í pe lafołyomma lan xanuc' judío. Jilpe lajut'í tipalaic'ola' lan xanuc', ihne lan xanuc' judío jouc'a lan xanuc' griego pe naihuejpá LanDios. Itine itine itsehuc'oma laplaza, tipalaic'ola' lotalecufpola' jilpe.

¹⁸ Jilpe laplaza tefot'leyołtsi hualca lan xanuc' naihuejpá liłtaiqui' lan xanuc' lacui'impola' lan epicúreo. Jouc'a tefot'leyołtsi pe naihuejpá liłtaiqui' lan xanuc' lacui'impola' lan estoico. Ihne ipango'me ifuli'i'mołtsi cataiqui' Pablo. Hualca ticuis'eyołtsi:

—Itque łapalgo, łte cohualquemma lonespa?

Ocuenaye ticuayi:

—Tocomma to tinescola' ocuenaye candiosla'.

Icuejpá Pablo lipalaicopa Jesús, jouc'a lipalaicopa łimaf'ina, ipayomma pe lomana' lamizhua. Tołta'a ticuayi: “Ihne oquexi' landiosla”.

¹⁹ Timiyi Pablo:

—Łepá.

Ileco'me pe lafołyomma ts'ihpenic'. Jilpe lacui'impá al Areópago. Icuaitsa jilpe icuis'e'me, timiyi Pablo:

—Ima' lofmuc'iyalepa ats'e cataiqui'. Aluhuałc'e'etsonga'. Ałcuelje te cocuajmaispa ihne lataiqui'.

²⁰ Ałcueljeji ima' tomuc'iyale ituca' cataiqui'. Ti'ila' calsina' te cohualquemma ihne lofnespa.

²¹ Lan xanuc' limajmpá liłya' Atenas, ja'ni ma' Atenas ihpiłya', o ja'ni quiyouyomma ocuena quiłya', jahuay ihniya aimi'eyi canic'. Muica litine tipalaic'oyołtsi. Tu'iyolołtsi, tiquimf'eyolołtsi ituca' ituca' cataiqui'.

²² Pablo ecax'ma jilpe al Areópago. Tipalaic'ola' lefołya, timila':

—Cunc'ixanuc', Atenas ot̄p̄iya, caxinnilhuo' tōspaic'ela' jahuay landiosla'. Aimolatets'iyi ni' anuli.

²³ Cuyaijma laneya fa'a lōp̄iya' cahuelongila' lō'altar. Jouc'a cahuelonge anuli al altar inilingiya tuya'e': "It̄a'a i'altar anuli landios. Aicalimetsaijma naitsi it̄que, aicalsina' te quipuftine." Tama imanc' tōcuayi: "It̄que anuli lalandios", imanc' aicolimetsaijma. Itsiya iya' cu'i'molhuo' naitsi it̄que.

²⁴ 'Māque LanDios ilanc'epa li'a lamats' jouc'a jahuay lopa'a. Aimipanga al xoute' lilanc'epa lan xanuc'. It̄que iPoujna lema'a jouc'a li'a lamats'.

²⁵ Illanc' ninc'ixanuc' aimi'iya mānesyacu: "LanDios tehue'e', alapi'i'me". It̄que aimehue'e'. Jahuay ts'it̄maf'i fa'a li'a lamats' LanDios tepi'ila' līpitine, līpehua', jouc'a jahuay līpicuicoya.

²⁶ 'Lan xanuc' ni petsi quiyoyomma ma' anuli lījuats'. Tōt̄a'a lilanc'epola' LanDios. Māque LanDios ixpicufpa hilemats' anuli anuli lan nación. Ixplic'epa tojua ticō'mola', te quitine tijou'ne'mola'.

²⁷ Lixpic'epa tōt̄a'a LanDios ticua: "Lahuēta' lan xanuc'. Aga tinesle: ¿Pe copa'a? Āsinna'ma."

'It̄que linca a'ij culi', ma' ahuejnc̄a anuli anuli illanc'.

²⁸ Māque āhanc'eponga', lapi'iponga' lāpitine. Maluyalaicoyi lapajnya āt̄oc'inga'. Ja'ni tijuc'ixoxi aimi'iya maluyalaicoyacu, jahuay tijouna'ma. Imanc' lōxanuc' ts'it̄picuejma' jouc'a ipalaico'me LanDios, in̄ipá: "Illanc' ninc'ixanuc' inaxque' LanDios".

²⁹ 'It̄que LanDios ā'Ailli'. Toliya aimi'iya mā'onlicoyacu to it̄ne landiosla' lilanc'empola' a'oro o aplata o apic. It̄na'a ipa'acopa lijuac cal xans, ilanc'ecopola' limane'.

³⁰ Luyaipa quitine lan xanuc' aiquīsina' te ts'i'ic' lipicuejma' LanDios. Aiquilimetsaijma. It̄niya litiné LanDios aiquimila', aiquitalela' ni tōt̄a'a. Itsiya ituca' li'ejma'. Ticuxe'ela' jahuay lan xanuc' ni petsi lomana', timila': "Imanc' tōsuej'menanca".

³¹ LanDios joupa i'huij'epa, ifaquimpa cal Juez no'eya al lījca lipenic'. Ixplic'epa litine timujxoxi it̄que it̄Juez jahuay lan xanuc' ni petsi lomana'. It̄que cal xans LanDios joupa imaf'i'inapa, ipa'anapa pe lomana' lamizhua. Ti'it̄a' qūisina' lan xanuc' āinca tōt̄a'a lo'iya.

³² Licuej'me linespa Pablo: "LanDios imaf'i'inapa, ipa'anapa pe lomana' lamizhua", hualca ixoco'me. Ocuenaye timiyi:

—Āquimf'econa'mo'. Alu'itsonga' xonca it̄e lataiqui'.

³³ Pablo ipanni j̄it̄pe lefōya.

³⁴ Hualca lan xanuc' ihuej'me Pablo. Ti'huaiyijnyi. Anuli it̄niya cuftine Dionisio, it̄que tilai'iyoxi j̄it̄pe al Areópago. Ocuena no'huaiyijmpa it̄que aca'no', cuftine Dámaris. Jouc'a timana' ocuenaye ihuej'me.

18

¹ Pablo ipanni līya' Atenas icuaitsi līya' Corinto.

² J̄it̄pe līya' italecuf'ma anuli cal xans judío cuftine Aquila. It̄que ipajnyota lamats' cuftine Ponto. Lipeno cuftine Priscila, imajmpá lamats' Italia, līya' Roma. Micuxe cal cuecaj quincuxepa romano cuftine Claudio it̄que icuxe'e'mola' lan xanuc' judío t̄ipalunca it̄e līya'. Priscila y Aquila ajudío. Ipalunca līya' Roma, quite' mīcuaispá Corinto. Pablo i'hua'ma ixintsola' lilejut'it̄.

³ J̄it̄pe ipanenni. Pablo y Aquila in-natsot̄pá quixmi. Ti'eyi canic' anuli.

⁴ Litine conxajya Pablo ti'hua lajut'ł pe lafołyomma lan xanuc' judío. Tipalaic'ola' lan xanuc' nomana' jilpe, ihe ajudío jouc'a agriego. Tehue te co'iya micuejyacu, ti'huaiyijnle Jesucristo.

⁵ Silas y Timoteo ipalunca łamats' Macedonia. Licuaitsa liłya' Corinto Silas y Timoteo, Pablo joupa etec'opa lanic' lanatsolya, ma le'a tuya'e' Lataiqui'. Tu'ila' lan xanuc' judío: “Jesús ma' aCristo”.

⁶ Lan judío aikuilepenufi loya'apa Pablo, timilojyi quixcay cataiqui'. Pablo unaf'ma lipijahua'. Tixinle ihe lo'epa aikuientłcocojma ŁanDios. Timila':

—Imanc' coltuca' tołtai'me lajunac'. Tołsim'me lo'iyacolhuo'. Iya' aicataiya cajunac'. Ca'hua'ma pe lomana' locuenaye lan xanuc' pe aimimetsaicoyi ŁanDios.

⁷ Ipanni jilpe lajut'ł pe lafołyomma lan xanuc' judío. I'huapa anuli lajut'ł aquiju', ejut'ł anuli cal xans agriego, cuftine Tito Justo. Iłque tihuequi locuxepa ŁanDios.

⁸ Lajut'ł pe lafołyomma lan xanuc' judío hincuxepa cuftine Crispo. Iłque Crispo jouc'a jahuay nomana' lejut'ł i'huaiyijmpá Jesucristo. Axpela' lun Corinto noquimf'epá i'huaiyijmpá, epo'im'mola'.

⁹ Anuli lipuqui' mixmay Pablo, ixim'ma to apaiyo, icuaitsi łatPoujna Jesús, timi:

—Aimixpaij'mo'. Aimi-ch'ixco'mo'. Ti'hua topalaic'ocontsola' lan xanuc'.

¹⁰ Iya' alejmale. Fa'a liłya' aimi'iya mixcai'enyaco'. Ma fa'a timana' axpela' laixanuc'.

¹¹ Pablo ipanenni liłya' Corinto. Icol'ma anuli camats' y onłca. Timuc'iyale litaiqui' ŁanDios.

¹² Liłya' Corinto copa'a jilpe łamats' Acaya. Micuxe Galión ihe łamats' lan xanuc' judío tixtuleyi. I'noł'me Pablo, i'hua'a'me pe lo'eyopa canic' lan juez.

¹³ Timiyi Galión:

—Iłca'a cal xans tu'ila' lan xanuc', timila': “Aimolanant'li'me locuxepa Moisés. Tołpai'ile loł'ejma'. Ti'ila' ituca' molihuejyacu ŁanDios.”

¹⁴ Pablo colá' joupa titalai'e'ma. Galión ipalaic'o'mola' lan xanuc' judío, timila':

—Iłca'a cal xans, ja'ni aikuenant'li locuxepa łatcuecaj quincuxepa romano, o ja'ni i'epa quixcay, hınca ca'ommaita lołnespa, caquimf'e'molhuo' imanc' unc'judío.

¹⁵ Iłque aikuiaic' tołta'a. Aikuientłcolhuo' lonespa, ja'ni ataiqui' o aftine o lopalaicopa lataiqui' locuxepolhuo'. Ma le'a tołta'a tołixtuc'oyi. Ma' imanc' tołxanghuai'itsoltsi. Iya' aicaxpic'eya.

¹⁶ Lijoupa limipola' tołta'a Galión icuxe'ma tihuescuftsola', tipalunca jilpe lejut'ł pe lo'eyopa lanic' lan juez.

¹⁷ Lan griego ixtuc'o'me anuli cal xans judío nacaxuya jilpe, cuftine Sóstenes, incuxepa lajut'ł pe lafołyomma. I'noł'me, untaf'me. Galión ma le'a ticutsu tehuelongila'. Ailopa'a quitaiqui'. Ni tintsu quimi'mola'.

¹⁸ Pablo ti'hua ticołi Corinto. Lijou'ma ixc'ai'i'mola' lapimaye, ti'hua'ma łamats' Siria. I'hua'ma al puerto cuftine Cencrea. Icuaitsi jilpe isuaf'moxi hijuac. Tołta'a imuj'ma joupa epi'ipa cataiqui' ŁanDios. Lijou'ma Pablo, Priscila y Aquila itsulfołai'me anuli al barco, iye'me.

¹⁹ Icuaitsa liłya' Efeso. Jilpiya liłya' ipo'no'mola' Priscila y Aquila. Pablo i'hua'ma lema quilya', itsufai'ma lajut'ł pe lafołyomma lan xanuc' judío. Jilpe ipalaic'o'mola' lan xanuc', ipalaic'o'moltsi.

²⁰ Ixa'hue'me, timiyi:

—Topanenni.

Pablo timila':

—A'i. Aimi'iyá małcołconaya fa'a.

²¹ Ja'ni ipic'a ŁanDios cacuaiyoconno, cahuejnconacolhuo'.

Ixc'ai'ina'mola'. Itsufai'ma anuli al barco. Ipamma Efeso.

²² Icuaitsa Cesarea. Jiłpiya ipayonni al barco, if'aj'ma liłya' Jerusalén tehuejntola' lapimaye lafołyomma jiłpiya. Inom'mola'. Lijou'ma i'hua'ma liłya' Antioquía.

²³ Jiłpe icolhuo'ma. Lijou'ma ipaiconanni ehuejnconatsola' lapimaye nomana' łamats' Galacia y łamats' Frigia. Ifa'e'mola' liłpicuejma' jahuay lapimaye.

²⁴ Mi'hualejma Pablo imajm'me Efeso Priscila y Aquila. Jiłpe liłya' icuaitsi anuli cal xans judío cuftine Apolos, lipiłya' Alejandría. Tipalay al c'a juaiconapa. Ixina' loya'apa al Paxi Linilingiya.

²⁵ Joupa imuc'impá litaiqui' łalPoujna, ixina' te ts'i'ic' lipene iłque. Al c'a timuc'iyale, aimixospa. Tu'iyale li'epa Jesús. Epo'icompá lipuftine Juan Bautista a'i lipuftine Jesucristo.

²⁶ Aimixpaiqui. Itsehuo'ma lajut'ł pe lafołyomma lan xanuc' judío, jiłpe tipalaic'ola' lan xanuc'. Priscila y Aquila icuej'me lonespa, ijoc'i'me timiyi:

—Łepá lajut'ł.

Jiłpe u'i'me xonca te tsi'ic' mihuejya ŁanDios.

²⁷ Lijou'ma Apolos ipic'a ti'huala' łamats' Acaya. Lapimaye nomana' jiłpe liłya' Efeso inil'e'me liłpimaye nomana' łamats' Acaya, iłne jouc'a ts'ilihuequi Jesús. Timinnila': "Tolapenufle iłque Apolos". Icuaitsi jiłpe łamats' Apolos acueca itoc'i'mola' lapimaye. Iłne joupa ipaxnepola' ŁanDios tołta'a ti'huaiyijnyi Jesús.

²⁸ Jiłpe lefot'łepołtsi lan xanuc' judío Apolos italai'e'epola', ulij'mola'. Imuc'ipola' loya'apa al Paxi Linilingiya, tuya'e': "Jesús copa'a cal Cristo".

19

¹ Mipa'a Apolos łamats' Acaya, liłya' Corinto, Pablo ti'hualejma xonca al toncay łamats' icuaitsi liłya' Efeso. Jiłpe liłya' italecuf'mola' hualca ts'ilihuequi Jesús.

² Icuis'e'mola', timila':

—Imanc' litine loł'huaiyijmpa Jesucristo, ¿te olapenufpá cal Espíritu Santo?

Iłne timiyi:

—A'i. Aicalpalaic'oconinga' cal Espíritu Santo. Aicalmuc'inga' naitsi iłque, ja'ni tipa'a o a'i.

³ Icuis'e'mola':

—Litine lepo'impolhuo', ¿naitsi colihuejcoyacu? ¿Te quipuftine?

Timiyi:

—Lipuftine Juan Bautista. Lihuejcoyi litaiqui' iłque, tołta'a lapo'imponga'.

⁴ Pablo timila':

—Lan xanuc' pe lixhuj'memma, Juan epo'i'mola', tu'ila': "Aimal'huaiyijm'ma iya'. Toł'huaiyijnle nocuaicoya." Iłque łacui'impá "Nocuaicoya", małque copa'a Jesús.

⁵ Licuej'me iłe limipola' Pablo, iłne lan xanuc' epo'iconam'mola'. Tołta'a i'ipola' ilihuequi Jesús.

⁶ Pablo ipo'nof'i'mola' limane' iłjuac. Imunni lema'a cal Espíritu Santo, epenuf'me. Ipango'me ipalai'me ituca' ituca' cataiqui', jouc'a tuya'ayi lu'ipola' ŁanDios.

⁷ Tixhuaispola' to imbama' coquexi' lan xanuc'.

⁸ Litine conxajya Pablo itsehuo'ma lajut'ł pe lafołyomma lan xanuc' judío. Aimixpaiqui. Ipalaic'o'mola', ipalaic'o'mołtsi. Tu'ila' te co'iyá mitsulfołaiyacu pe locuxeyopa ŁanDios. Afane' mut'ła ti'ay tołta'a.

⁹ Hualca aiqulcueca, aiqulihuequi. Ipalaic'om'mola' locuenaye xanuc', u'im'mola':

—A'ijc'a lane lomuc'ipolhuo' Pablo.

Licuej'ma Pablo lonespa ihniya aiqul'huacon-na'ma ile lajut'í pe lafoiyomma lan xanuc' judío. Ipa'a'mola' jilpiya no'huaiyijmpá Jesús. Iye'me, tefot'leyoñsi lejut'í anuli lomxi cuftine Tirano. Itine itine Pablo ti'hua tipalaic'ola' lan xanuc' lafoiyomma lajut'í.

¹⁰ Muyaipa oque' camats' Pablo ti'hua timuc'ila', toñta'a jahuay lan xanuc' nomana' jilpe lamats' Asia icuej'me loya'apa Pablo, lan xanuc' judío jouc'a lan xanuc' griego. Icuej'me litaiqui' ñaPoujna Jesús.

¹¹ ÑanDios timuc'ila' lan xanuc' al cueca' lo'epa. Epi'ipa limane Pablo ti'eña' toñta'a al cueca', to aimi'iya mi'eyacu lan xanuc'.

¹² Lam pa'yu y hijahuati lihuengaicota Pablo itai'em'mola' lafcualñay. Iñe ixañcona'mola'. Lipontahue Satanás pe litsufiaipá liñcuerpo lan xanuc', ipalanca.

¹³ Hualca lan xanuc' judío tiyec'olaiyi ñya' ñya', timinnila' lipontahue Satanás:

—Iya' canesqui lipuftine Jesús, mañque Jesús lopalaicopa Pablo. Cacuxe'ehuo': ¡Taipanni!

¹⁴ Toñta'a lo'epa lan caitsi linaxque' anuli cal xans judío cuftine a'Esceva, ñque anuli pe lixanuc' cal cuecaj ca'ailli'.

¹⁵ Liponta'a Satanás italai'e'ma, timila':

—Jesús nimetsaijma. Aixina' naitsi ñque Pablo. ¿Naitsi imanc'? Aicainimet-saicolhuo'.

¹⁶ Cal xans pe litsufaipa liponta'a Satanás iyuc'o'mola', ulij'mola', ixcai'e'mola'. Aiquicoñ'mola'. Ipalunca lajut'í, aimilñe inulna'me.

¹⁷ Jahuay nomana' Efeso, lan xanuc' judío jouc'a lan xanuc' griego, ñsina' li'ipa, ixpailij'mola'. Imetsaico'me apaxi lipuftine ñaPoujna.

¹⁸ Axpela' no'huaiyijmpá ñaPoujna Jesús icuaiyunca pe lomana' lapimaye, uya'a'me al xujc'a li'epa.

¹⁹ Jouc'a axpela' lam brujo efot'ñe'me liñlibro, itai'me, ipo'no'int sola' petsi lan xanuc' tixim'me lo'epa. Jilpe ipi'em'mola'. Lijou'ma ixhuej'me'me tojua lipitali ñne lan libro. Tixhuaispa oquej nuxans quimbamaj mil lan tomí aplata.

²⁰ Toñta'a lan xanuc' ixim'me acueca' lo'epa litaiqui' ñaPoujna. Iximpá a'i ni naitsi cataiqui'. I'i'mola' xonca axpela' no'epá ñnca.

²¹ Lijoupa li'ipa toñta'a Pablo ixpic'e'ma, ticua: “Ca'hua'ma Jerusalén. Ate'a cahuejntola' lapimaye nomana' lamats' Macedonia, jouc'a nomana' lamats' Acaya. Catseta Jerusalén, tijouña' ca'hua'ma quimetsaicota Roma.”

²² Umme'mola' oquexi' notoc'ipá, ñne Timoteo y Erasto, tiyeñe lamats' Macedonia. Pablo icoñ'ma lamats' Asia, liñya' Efeso.

²³ Ihniya litiné lan xanuc' nomana' jilpe liñya' epat'ñsi liñpicuejma'. Ixtuc'om'mola' naihuejpá lipene ñaPoujna.

²⁴ Tipa'a anuli cal xans cuftine Demetrio, aplatero. Tilanc'ela' lan tsocay xouñte. Anuli anuli al xoute' tipa'a li'imagen Artemisa, ñque ñilendios. ñque Demetrio ñpoujna axpela' lan xanuc' no'epá ñta'a lanic'. Tulijyi acuecaj tomí.

²⁵ Mañque Demetrio ixtunni, tijoc'ila' tefot'ñetsoñsi lixanuc' jouc'a locuenaye no'epá canic' toñniya. Timila':

—Cunc'ixanuc', oñsina' ma mañ'eyi ñta'a lanic' alulijyi cañtomí.

²⁶ Toñsinyi, toñcuejyi li'ipa fa'a ñaPoujna. Ñnca a'i ma le'a fa'a, tocomma to jahuay lamats' Asia ñque Pablo imints'e'e'mola' liñpicuejma' axpela' lan xanuc'. Ticua: “Iñe ilanc'ecomola' amane a'i candiosla”.

²⁷ He lonespa Pablo aicałtoc'inga' illanc'. Aga lan xanuc' latets'i'monga' jouc'a lałpenic'. Tijouła' xonca acueca' ti'i'ma, tetets'i'me Artemisa cal cuecaj cal'máma'. Lamats' Asia, jouc'a ni petsi li'a lamats', texc'onłingołaiyi Artemisa. Ja'ni tihuejle lonespa Pablo aimexc'onłingołaiyonayacu.

²⁸ Lan xanuc' noquimf'epá ihe lataiqui' ixtulencia juaiconapa. Ija'a'me, ticuayi:

—¡Acueca' ilque cal'máma' Artemisa illanc' ixanuc' Efeso!

²⁹ Jahuay lan xanuc' nomana' ihe liya' epat'łtsi liłpicuejma'. Jahuay inul'me, ticuaitsa pe lafołyomma lan xanuc'. Minulyi i'nołim'mola' Gayo y Aristarco noyejmalepá Pablo. Ihe quiyouyomma Macedonia.

³⁰ Pablo coła' titsufai'ma jouc'a, ts'ilihuequi Jesús aiquepi'i'me lane.

³¹ Hualca ts'ilpenic' jilpe lamats' Asia pe nimetsaicopola' Pablo umem'mola' liłxanuc', timiyi Pablo:

—Aimotsufai'ma pe lefołya lan xanuc'. Aga tima'ato'.

³² Jilpe lefołya nica tummulecola'. Anuli anuli ocuena ocuena litaiqui' loja'apa. Axpela' ni aiquilšina' te quicuaicoco'me jilpe. Aiquilšina' te qui'ipa.

³³ Hualca lan xanuc' judío ummetsai'me anuli cal xans cuftine Alejandro. Timiyi:

—Tacaxhuaitsi pe li'huáqui. Topalaic'otsola' lan xanuc'.

Ecax'ma jilpiya. Lan xanuc' ti'hua tija'ayi, tuya'ayi li'ipa. Alejandro ti-ch'ixc'eco'mola' limane. Titalai'e'mola'.

³⁴ Aiquihuejco'me. Imetsaico'me ajudío. Ipango'me ija'a'me, jahuay ticuayi ma' anuli:

—¡illanc' ixanuc' liya' Efeso, acueca' cal'máma' Artemisa!

Lija'apa tołta'a icol'ma to oquej hora.

³⁵ Lijouco'ma, ts'ipenic' limpa'ningołpa jilpe liya' i-ch'ixc'e'mola' lan xanuc', timila':

—Imanc' cunc'aif'as xanuc' Efeso, jahuay lan xanuc' nomana' fa'a li'a lamats' ilšina' alfaquimponga' illanc' ixanuc' liya' Efeso, al'ele cuenna lixoute' cal cuecaj cal'máma' Artemisa. Jilpe al xoute' tipa'a li'imagen lecangaiyomma lema'a.

³⁶ ¿Naitsi nonesya a'ij linca? Ailopa'a nonesya tołta'a. Ti-ch'ixcotsolhuo'. Tołspic'ele al c'a lołeyacu.

³⁷ Iha'a lan xanuc' lołcuai'e'mola' fa'a, ¿te qui'epa? Ihe aiquilnesc'e cataiqui' cal'máma' Artemisa. Aiquilnantseca lixoute'.

³⁸ 'Demetrio jouc'a loyejmalepá, ja'ni ticuxecom'mola' ihe lan xanuc', ne', timana' lan juez. Tipa'a litiné mi'e'me canic'. Jilpe tołcuxecotsola', titalai'e'ecotsoltsi.

³⁹ Ja'ni tipa'a ocuena o ituca' lolicuitsufyacu, ne', tipa'a litiné lafot'le'moltsi, ałspic'eta cataiqui'. Jilpe tolicuitsufta.

⁴⁰ Itsiya a'ij c'a lafot'lepołtsi juaiconapa ninc'xpela'. Ticuaiyunca lan tsilaj ts'ilpenic' romano, licuis'e'monga': "Imanc', ¿te conł'epa? ¿Te conłafot'lecopołtsi?"; illanc', ¿te całtalai'ecoyacola'? Ailopa'a całmiyacola'. Ihe lixtuc'o'monga'.

⁴¹ Limpa'ningołpa lijou'ma limi'mola' tołta'a, icuxe'e'mola' tiyente.

20

¹ Lijoupa i-ch'ixcopola' lan xanuc' Pablo ijoc'i'mola' ts'ilihuequi ticuaiyunca. Ixc'ai'i'mola' tihuejle litaiqui' Jesús. Ipanni, i'hua'ma lamats' Macedonia.

² Jilpe licuaitsi ehuejntsola' lapimaye ni petsi lomana'. Acueca' ixc'ai'i'mola'. Lijou'ma i'huana'ma, icuaitsi lamats' Grecia.

³ Jiłpe ipanenni afane' mut'ła. Lijou'ma ticua: “Ai'huapa łamats' Siria”. Coła' títufaiła' anuli al barco. Icuj' ma jiłpe temiyot'si lan xanuc' judío, tima'a'me. Ixhuj'meconanni, ticua: “Aica'huacoya abarco. Capaino, ca'huacona'ma łamats' Macedonia.”

⁴ Tiyeyi jouc'a liłejmale, ilne liłpuftine: Sopater łas Berea, Aristarco jouc'a Segundo lun Tesalónica, Gayo jouc'a Timoteo lun Derbe, Tíquico jouc'a Trófimo lun Asia.

⁵ Iłniya iyej'me'me. Icuaitsa liłya' Troas. Jiłpiya ał'huaicotonga' ałcuaitsa.

⁶ Illanc' joup'a ałcuaitsa łamats' Macedonia, liłya' Filipos. Jiłpe ałmanemma tuyaiła' al juic Pascua. Lijou'ma ałsulfołai'me anuli al barco lotsepa liłya' Troas. Ałecopá amaque' quitine ałcuaitsa Troas. Lahuepola' lałejmalepá, ilne liyej'me'me. Jiłpe liłya' ałcołponga' acaitsi quitine.

⁷ Al te'a quitine al xamano lafot'łepot'si anuli lapimaye. Ałsquenuf'me ła'i, ałte'me to licuxepa lałPoujna Jesús. Pablo imuc'i'mola' lapimaye. Joup'a ixpic'epa lo'eya, lihuequi litine ti'huana'ma, tołiya ticołi mimuc'iyale. Icuaičot'si nolojmay quipuqui' ti'hua tipalay.

⁸ Jiłpiya lajut'ł pet'si lefot'łeyot'si tipa'a axpe' candil tepalc'o'ila'.

⁹ Małpe al ventana ticutsafya anuli łamijcano cuftine Eutico. Pablo ticołi mipalay, łamijcano ticui quehuí, aiquixnet'łqui, i'noł'ma acueca' cahuí, tixmay. Pe locutsafya al fane' quixpef'a lajut'łi, imefcaiyonni al toncay, icuait'si łamats'. Ipulaf'me, ticuayi: “Joup'a imanapa”.

¹⁰ Pablo aiquicoł'ma, imunni, ixpatsaf'caipa łamijcano, ipulaf'ma, timila' lipimaye:

—Aimixpailij'molhuo'. Aimot'suełmot'łe'me. Ma' imaf'i'.

¹¹ If'ajcona'ma lajut'ł. Itetso'me, ixquenuf'me ła'i jouc'a lapimaye. Pablo ti'hua timuc'ila' jahuay lipuqui'. Li'i'ma quitine i'huana'ma.

¹² Lapimaye ilecona'me łamijcano, imaf'i'. Acueca' ixoc'i'mola' quileta jahuay iłniya.

¹³ Pablo i'huapa li'mis cocuaiya liłya' Asón. Illanc' ałej'mepá, ałecopá abarco ałcuait'sa liłya' Asón. Jiłpe ał'huaicota ticuait'si Pablo.

¹⁴ Iłque icuait'si. Ałsulfołaipá anuli al barco, ałepá ałcuait'sa liłya' Mitilene.

¹⁵⁻¹⁶ Lihuequi litine ałeconapá, ałcuait'sa łamats' lehuoc'ocojma łamats' Quío. Lihuequi litine ałcuait'sa łamats' Samos. Lihuequi litine luyalaicopá pe lopa'a liłya' Efeso. Ałcuait'sa liłya' Mileto. Pablo joup'a ixpic'epa aimi'huaya liłya' Efeso. Ipic'a ticuait'si liłya' Jerusalén. Jiłpe tixinna al juic Pentecostés.

¹⁷ Mipa'a Mileto Pablo umme'mola' lixanuc' tiyełe Efeso tipalaic'ontsola' lapimaye noxpipá lataiqui', tiyoyunca.

¹⁸ Icuait'sa. Pablo ipalaic'o'mola', timila':

—Iya' laicuaitsi łamats' Asia ałcołpa lołpiłya'. Imanc' joup'a ołsimpá te ts'i'ic' laipepajnya ma capa'a jiłpe.

¹⁹ 'Iya' aicai'e'e'moxi to cal cuecaj xans. Camna aixhuełco'ma juaiconapa, cajoqui, camna aitełco'ma. Lan xanuc' judío ehue'me te lał'e'eya. Tołta'a lainuyaicopa ma ca'ay lipenic' lałPoujna Jesús.

²⁰ Imanc' ołsina' aicainemi'elhuo' ni aicaicuanac'elhuo' Lataiqui' loya'apa ilne al c'a lixp'ic'epa ŁanDios. Nuhuałc'e'e'molhuo' Lataiqui', nu'i'molhuo' jahuay lotoc'iyacolhuo'. Aimuc'i'molhuo' jiłpiya pe lafołyomma lołpimaye, jouc'a aimuc'i'molhuo' lołajut'łi.

²¹ Iya' aipalaic'o'mola' jahuay lan xanuc' nomana' lołpiłya', lan xanuc' judío jouc'a lan xanuc' griego. Nu'i'mola': “Tołsuej'menanca, tolihuejcołe ŁanDios, toł'huaiyijnle lałPoujna Jesús”.

22 'Itsiya ca'huana'ma Jerusalén. Linca aimixoqui neta. Caxhuełma. Aicaix-ina' lał'iya pu'hua.

23 Ni petsi laiftseya, iħya' iħya' cal Espířitu Santo ałmi: "Jipu'hua Jerusalén titats'enno'. Totelcota."

24 Itsiya, ĸte caif'eya? LałPoujna Jesús alapi'ipa laipenic'. Ałmipa: "Toya'ala' Lataiqui' loya'apa iħe al c'a lixpıc'epa ŁanDios. To'itsola' lan xanuc' ŁanDios titoc'i'mola', ipic'a." Aicaxhuełcocojma laipitine, aicaxinyoxi cuanuc'. Xonca aipic'a caxhuai'niła' lanic' lalapi'ipa laıPoujna.

25 'Małmana' anuli nuya'a'ma te co'iya mołsulfołaiyacu pe locuxeyopa ŁanDios, iħque cal Rey. Itsiya camilhuo': Joupa aixina' aimalsingonayacołtsi. Aicaxingonayacolhuo' ni anuli imanc'.

26-27 Ja'ni imanc' o lołpimaye aimolunłulyacu, iya' aicataiya lajunac'. Imanc' cołtuca' tołtel'mi'mołtsi. Iya' nu'i'molhuo' acuajmaica te ts'i'ic' lixpıc'ejma' ŁanDios. Aicainemi'elhuo' ni aicaicuanac'elhuo' Lataiqui' loya'apa iħe al c'a lixpıc'epa ŁanDios. Nu'i'mola' jahuay nomana' lołpıya'.

28 'Imanc' tołsinte loł'eyacu. Cal Espířitu Santo joupa ifajpolhuo', epi'ipolhuo' lołpenic'. Imanc' ti'onłcospolhuo' to liłpoujnalá lam mot'ł, iħne lam mot'ł małniya lołpimaye lefot'lepola' ŁanDios. Toł'etsola' cuenna, iħne i'huexi ŁanDios. Ĩque joupa i'najcufpola' liłjunac', ixcuajaipa lijuats', tołta'a i'napola'.

29 Iya' ca'huana'ma. Imanc' jouc'a lołpimaye tołmanecu cołtuca'. Aixina' lo'iyacolhuo' jıłpe. Ticuaicu lan xanuc' ti'onłcospola' to lan lobo. Iħne oyac'la quinnejá aimixinnila' acuanuc'la lam mot'ł. Tixcai'ennila', tijou'nem'mola'. Tołta'a lił'ejma' iħne lan xanuc'.

30 Jouc'a hualca lołpimaye tipai'i'me Lataiqui' loya'apa iħe al c'a lixpıc'epa ŁanDios. Tifel'miyale'me. Lapimaye tihuejcona'me.

31 Ĩtołpo'nołe cuenna! Ałcołpa afane' camats' jıłpiya lołpıya'. Ma capa'a itine ipuqui' cajoqui, anuli anuli aixc'ai'i'molhuo'. Afane' camats' tołta'a lai'ejma'. Aimolimenc'eco'me.

32 'Cunc'aipimaye, itsiya capo'no'i'molhuo' limane ŁanDios. Caxa'hue ti'etsolhuo' cuenna. Joupa nu'ipolhuo' te ts'i'ic' lipicuejma' ŁanDios. Ĩque titoc'ilhuo', tipaxnelhuo'. Aimolimenc'eco'me iħe lainu'ipolhuo'. Ĩque tepi'i'molhuo' cołpujfxi tolihuejle, tołta'a tolapenufta lapi'iyacolhuo' ŁanDios. Ma' anuli lał'iyaconga' jahuay illanc' i'huexi iħque.

33 'Iya' ma capa'a jıłpe lołpıya' ailopa'a cai'epa. Aicaijanaca nij naitsi li'oro ni liplata ni lipijahua'.

34 Imanc' joupa ołsina' ai'ecopa canic' iħma'a laimane'. Tołta'a nulijcopa lałpepajnya, iya' y laipimaye lałejmalepa.

35 Aimuc'i'molhuo' imanc' tonł'ełe canic' jouc'a. Tołtoc'itsola' lołpimaye petsi aimi'iya mulijyacu łotejacu. Aimuc'i'molhuo' toł'nujuaisle litaiqui' lałPoujna Jesús, ticua: "Ja'ni tepi'intso', linca tixoc'i'mo' meta. Xonca tixoj'ma meta ja'ni tocuła'."

36 Tołta'a lipalaic'opola' Pablo. Lijou'ma exc'onłhuołai'me anuli lapimaye. Ijoc'i'ma ŁanDios.

37 Lapimaye ijolij'me juaiconapa. Ipulc'o'me Pablo, ituc'o'me.

38 Ixhuełco'me juaiconapa iħe limipola': "Aimalsingonayacołtsi". Ecanumf'etsa cane quicuaisa al barco.

21

1 Ałpo'nopola' quıłtuca' lałpimaye, ałsulfołaiiconapá al barco, ałepá liħca łamats' Cos. Lihuequi litine ałepá łamats' Rodas, ti'hua ałeyi, ałcuaisa liħya' Pátara.

2 Jıłpiya tipa'a anuli al barco cotseya łamats' Fenicia. Illanc' ałsulfołaiipá jıłe al barco, ałepá.

³ Lijou'ma alahuelojm'me loxa camane copa'a lamats' Chipre. Ma ti'hua aleyi. Alcuaitsa lamats' Siria, liya' Tiro. Jilpe tipo'nota laitay litaic' al barco. Illanc' alepá lamats'.

⁴ Alahuela' lapimaye ilne ts'ilihuequi Jesús, alsim'mola'. Ilne imi'me Pablo limipola' cal Espiritu Santo. Timiyi:

—Aimo'hua'ma liya' Jerusalén.

Jilpe Tiro alcolponga' acaitsi quitine.

⁵ Lijoupa lan caitsi quitine aenapá, altsulfoaiconapá al barco. Lapimaye jouc'a lipenoye jouc'a linaxque' alacantumf'ehuo'monga' cane. Laucuaitsa lema quilya', lema caja, alaxc'onlhuoiaipá, aljoc'iyi LanDios.

⁶ Lijoupa alsca'aitsonapá, altsulfoaiconapá al barco. Laupimaye ipailinanca, iyena'me filejut'li.

⁷ Alipalunca liya' Tiro alcuaitsa liya' Tolemaida. Alpo'nonapá al barco. Jilpe Tolemaida alnontsola' lapimaye. Anuli litine almanenca pe lomana'.

⁸ Lihuequi litine alipalconanca, alcuaitsa liya' Cesarea. Altsehuo'me lejut'l Felipe. Jilpe almanc'aletsa. Ilque Felipe anuli lan caitsi quintoc'iyalepá lan apóstole mimana' ihniya Jerusalén. Itsiya, jilpe Cesarea, tuya'e' Lataiqui' loya'apa ile al c'a lixic'epa LanDios.

⁹ Timana' amalujxi linaxque' cahuats'la a'i quilemane. Ilne aprofeta. Tuya'ayi loxic'epa LanDios.

¹⁰ Jilpiya almajm'me axpe' quitine. Anuli litine icuaitsi anuli cal profeta qui'huayomma lamats' Judea. Ilque cuftine Agabo.

¹¹ Ilhoc'huaiyumma pe lamana'. Ilonc'e'epa Pablo lifi'ecoyoxi. Ifi'eco'moxi quituca' li'mitsi' limane', ticua:

—Cal Espiritu Santo tuya'e' lo'e'enyacu lipoujna ita'a xinidoł. Ticua: “Lan xanuc' judío nomana' liya' Jerusalén pe aimi'huaiyijnyi laPoujna Jesús ti'nołta, tifi'eta, titats'eta. Ticufta ticuaita liłmane locuenaye xanuc' ilne a'ij judío.”

¹² Laucuejpa lonespa Agabo alsca'huepa Pablo, almiyi:

—¿Te cof'huacoya Jerusalén? Aimo'hua'ma.

¹³ Pablo altalai'eponga', alminga':

—Imanc', ¿te coljolijcopa? Tonl'e'eyi aca'hua lainunxajma'. Alcuanae'ca-jou'neya laipenic'. Al'nołintsi, alfi'entsi, alats'entsi, o alma'antsi, iya' joupa aixpic'epa laif'eya. Canant'li'ma laipenic' lalapi'ipa laPoujna Jesucristo.

¹⁴ Tama lihui'iyi, alpalaic'oyi Pablo, ilque aimicua. Aiquipai'i lipicuejma'. Lijoupa al-ch'ixconaponga'. Almiyi:

—Ne', ti'ila' ma to lixic'epa laPoujna.

¹⁵ Lijoupa lamajmpa jilpiya alcaj'menapá laitay, alipalunca, ale'me lane Jerusalén.

¹⁶ Alejmale'me hualca lapimaye ts'ilihuequi Jesús, ilne lun Cesarea. Alheco'monga' lejut'l anuli lapima, jilpe almanc'aleta. Ilque lapima cuftine Mnasón, las Chipre. Litine lan xanuc' ipango'me ihuej'me Jesús, ilque Mnasón jouc'a tihuequi.

¹⁷ Laucuaitsa Jerusalén tixoqui quileta lapenuf'monga' lapimaye.

¹⁸ Lihuequi litine illanc' jouc'a Pablo ale'me alahuejntsa laPima Jacobo. Jilpiya efoya locuenaye lapimaye ilne noxpipá lataiqui'.

¹⁹ Pablo inom'mola'. Ipalaic'o'mola', u'i'mola' li'epa jilpe pe lomana' locuenaye xanuc' a'ij judío. Anuli anuli li'ipa u'i'mola'. U'i'mola' li'epa LanDios mipa'a Pablo pe lomana' ilne lan xanuc', muya'e' Lataiqui' loya'apa ile al c'a lixic'epa LanDios.

²⁰ Iquimf'e'me limipola' Pablo. Ix'najtsi'i'me LanDios, timiyi:

—Ima' oxina' timana' axpej mil lahf'as xanuc' judío ti'huaiyijnyi laPoujna Jesucristo. Jahuay ihniya ti'hua tenant'hiyi licuxepa Moisés.

21 Ihne icuejpá lonescopo' ima'. Ticuanni: Ima' tahuengila' lahf'as xanuc' judío nomana' hilemats' locuenaye xanuc', tomuc'ila' tipai'ite lihpicejma', aimihuejcona'me Moisés, aimi'econa'me circuncidar lihmaxque', aimihuejcona'me ihniya lahtatahueló lih'ejma'.

22 'Itsiya, ¿te ca'eyacu? Lan xanuc' ticuej'me ocuai'ma fa'a. Tixtulecu.

23 Lu'i'mo' lof'eya. Tohta'a to'e'ma.

'Jifa'a pe lahmana' timana' amalujxi lan xanuc' joupa epi'ipá cataiqui' LanDios.

24 Toleco'mola'. Ihniya tenant'hita licuxepa Moisés, tixintsola' alimpio LanDios. Ima' jouc'a tanant'hita. To'najtse'etola' lotsufcoyacu, ihe lotsufcoyacu ai'a tisuaf'im'mola' lihjuac. Tohta'a lan xanuc' ti'i'ma quilsina' a'ij linca ihe lataiqui' lonescopo'. Timetsaico'mo' ima' tanant'hi licuxepa Moisés.

25 'Lapimaye a'ij judío joupa ih'sina' lo'eyacu. Joupa alumme'epola' quih'e, ahmipola':

“Imanc' aimohte'me lixic' litsufcompola' landiosla'. Aimohte'me lajuats'. Aimohte'me lihpixic' ihne linneja lixnajmpola' cajuats'. To'etsotsi cuenna, aimohtsuico'mola' ocuenaye caca'no', ma le'a lohpénoye.”

26 Icuaitsi lihuequi litine Pablo ileco'mola' lan malujxi lan xanuc'. Enant'hi'me to licuxepa Moisés, i'ipola' limpio. Lijou'ma Pablo itsufai'ma al cuecaj xoute', u'i'ma la'ailli' te quitine tixhuaita lataiqui' licupa. Tijoula' tixhuaitsi, anuli anuli ihniya titsufcota LanDios.

27 Tehue'e' ahuata tixhuaita lan caitsi quitine, Pablo i'hua'ma al xoute'. Hualca lan xanuc' judío quiyoyomma lamats' Asia ixim'me jihpiya. Ixtulencia. Ipalaic'om'mola' lan xanuc' nomana' jihpe al xoute'. Ihne jouc'a epat'itsi lihpicejma'. Lun Asia i'noh'me Pablo.

28 Tija'ayi, timinnila' lan xanuc' nomana' al xoute':

—Cunc'ahpimaye, cunc'ixanuc' Israel ohtatahuelo, jaltoc'itsonga! Ihca'a cal xans latets'inga' illanc' ninc'ijudío, tetets'i locuxepa Moisés, tetets'i ihca'a al cueca' xoute'. Ni petsi lotsepa tohta'a lomuc'iyalepa. Itsiya xonca acueca' li'epa. Fa'a al xoute' itsufai'e'mola' lan xanuc' griego, ihne pe aimimetsaicoyi LanDios. Tohta'a ixis'mepa ihca'a al paxi cajut'.

29 Ihne nocuapá tohta'a joupa ixinimpola' tiyelocoyi jihpe lihya' Pablo y Trófimo. Ihque Trófimo agriego, qui'huayomma lihya' Efeso. Tohiya lan xanuc' ticuayi ihne itsehuo'me al cuecaj xoute'. Ticuayi: “Pablo itsufai'ehuo'ma Trófimo”. A'ij linca ihca'a lonespa.

30 Lan xanuc' ni petsi lomana' lihya' epat'itsi lihpicejma'. Aits'ico'hmola', efot'he'mohtsi, i'noh'me Pablo, exah'me, ipa'a'me huna xoute'. Eti'ina'me lipuerta al xoute'.

31 Lan xanuc' judío tehueyi te co'iyá mima'ayacu Pablo. Jihpe tipa'a anuli hincuxepa aromano, ticuxela' imbamaj maxnu lisoldado. U'i'me, timiyi:

—Jahuay lihya' Jerusalén tummule lihpicejma'.

32 Lincuxepa aiqico'hma. Efot'he'mola' lan soldado jouc'a lihcapitán, ileco'mola' pe lopa'a Pablo. Lixim'me icuaitsa hincuxepa jouc'a lisoldado, ihne nontafpá Pablo etec'o'me ihe lo'epa, aimunfafconayacu.

33 Lincuxepa ihoc'huai'ma pe lopa'a Pablo, i'noh'ma. Icuixe'e'mola' lisoldado tifi'ecole limane' acadena catejma', anuli anuli limane. Lijou'ma icuis'e'mola' lan xanuc' timila':

—¿Naitsi ihca'a cal xans? ¿Te qui'epa?

³⁴ Lan xanuc' jilpe lefoya ipango'me ija'a'me. Ocuena ocuena locuapa. Juaiconapa tija'ayi. Lincuxepa aimicueca li'epa Pablo. Icuixe'e'mola' lisoldado tilecole al cuecaj cajut'l, ihe lilejut'l lan soldado pe locuanajyoyaco'tsi.

³⁵⁻³⁶ Icuaitsa jilpe lof'ajyompa lajut'l lan soldado ipul'me Pablo, ipo'nof'i'me lihsaye. To'ta'a i'hua'a'me al toncay, unlu'e'me petsi i'ne lanxpela' xanuc' lihuej'me, i'ne naixtulepá tija'ayi, ticuayi:

—¡Tima'anle! ¡Tima'anle!

³⁷ Icuaitsa al toncay. Titsufai'e'me Pablo jilpe lajut'l. Pablo ipalaic'o'ma hincuxepa, timi:

—¿Lapi'i'ma lane capalaic'o'mo'?

Lincuxepa italai'e'ma, timi:

—¿Te topalaijma agriego?

³⁸ Ima', ¿ja'ni a'i unEgipto? Joupa ixhuaita axpe' quitine, ¿ja'ni ima' ot-sahue'e'mola' lan xanuc' afuli'itsonga' illanc' ninc'iromano? I'ne amalpuj mil inma'ahuale, ¿te ima' oleco'mola' pu'hua pe ailopa'a quilya'?

³⁹ Pablo timi:

—Iya' a'i. Iya' ninxans judío. Aipajnyota li'ya' Tarso jilpe lamats' Cilicia. A'i ni naitsi quilya' i'he laipiliya'. Itsiya caxa'huehuo' lapi'ila' lane capalaic'o'mola' lan xanuc' fa'a.

⁴⁰ Lincuxepa epi'ipa lane. Pablo ecax'ma al toncay al huajm'ma' lof'ajyompa lajut'l. I-ch'ixc'eco'mola' limane lan xanuc' tiquimf'e'le. Ipango'ma ipalaic'o'mola' li'taiqui' i'ne lan xanuc', i'he a'hebreo. Timila':

22

¹ —Cunc'ixanuc', cunc'aipimaye, jouc'a cunc'aitatá, alquimf'e'la'. Cacuanajco'moxi, catalai'e'ma i'he la'cufcompa.

² Licuej'me Pablo mipalaic'ola' li'taiqui' lan xanuc' xonca i-ch'ixco'mola', xonca iquimf'e'me. Timila':

³ —Iya' ninxans judío. Aipajnyota li'ya' Tarso, lamats' Cilicia. Jifa'a li'ya' Jerusalén altojyopa. Gamaliel aipomxi, a'lmuc'ipa licuxepa Moisés, i'he lataiqui' laihuejpá la'tatahueló. Iya' ai'e'mola' laic' i'ne petsi naihuejpá ituca', ma to imanc' ton'ela' laic' itsiya.

⁴ Aite'l'mi'mola' i'ne ts'ilihuequi lipene Jesús. I'niya litiné cahuy te caif'eya mima'anyacola'. Ja'ni axanuc', ja'ni aca'no', ai'no'l'mola', aitats'e'mola'.

⁵ Cal cuecaj ca'ailli' jouc'a lan tsilaj xanuc' noxpipá lataiqui' i'hsina' a'linca i'ta'a laifmipolhuo'. I'niya a'ni'ipa caije'e loya'apa alimetsaicocola' la'pimaye judío nomana' li'ya' Damasco. Ti'ila' quilsina' joupa alapi'ipa laimane ca'no'lsola' naihuejpá lipene Jesús, i'ne nomana' jilpe li'ya'. Cafi'etsola', ca'hua'ancola' tite'l'mintsola' fa'a Jerusalén. To'ta'a nipamma Jerusalén, ai'huapa lane Damasco.

⁶ Ma ca'hua lane to menac'o joupa cacuaita li'ya' Damasco, aixim'ma acueca' lepalc'o' qui'huayomma lema'a. Unts'if'ma jahuay jilpe laifnecaxu.

⁷ Laixim'ma i'he lepalc'o' necangenni, aixc'uat'ihuaitsi lamats', aicuej'ma al'palaic'o, a'ni: “Ima' cunSaulo, ¿te ca'tel'micopa?”

⁸ Aitalai'e'ma, cami: “Maipoujna, ¿naitsi ima?” A'ni: “Iya' ninJesús nas Nazaret. Ima' alte'l'mi.”

⁹ La'ejmale lixim'me jouc'a lepalc'o' ixpailij'mola', ai'quiltueca i'que la'palaic'opa.

¹⁰ Nicuis'e'ma, cami: “Maipoujna, lu'ila', ¿te caif'eya?” La'poujna a'ni: “Totsahuenni, totsufaila' li'ya' Damasco. Joupa ixpic'empa lof'eya. Jilpe li'ya' tu'inno' jahuay i'ta'a.”

11 He laxpaiqui' quepalc'o' a'e'epa ninfo'. Lafejmale alaxaŋpa. Ałtsufai'e'ma liya' Damasco.

12 Jiŋpe liya' tipa'a anuli cal xans cuftine Ananías. Iŋque tihuequi al c'a LanDios, tenant'li licuxepa Moisés. Jahuay lan xanuc' judío nomana' jiŋpiya ticuayi ac'a xans.

13 Iŋque Ananías icuaiyunni jiŋpe laifpa'a, ałmi: “Maipima Saulo, tahuet-salenŋa!”. Aiquicoł'ma, nehuetsalena'ma. Aixim'ma iŋque.

14 Ałmi: “LanDios, ilenDios lałtatahueló, i'huij'epo' ti'ila' cocina' te ts'i'ic' lix-pic'epa LanDios. Tołiya oximpa iŋque la cui'impacal Lijca, ocuejpa lipalaic'opo'.

15 Ima' topalaic'otola' lan xanuc' nomana' fa'a li'a lamats', cua naitsi liŋnación topalaicota iŋque, to'itola' ihe loximpa locuejpa.

16 Itsiya aimicoł'cona'mo'. ¡Totsahuenni! Tojoc'ila' lałPoujna Jesús. Tepo'intso'. Tołta'a ti'itso' limpio. Tetufqueno lojunac'.”

17 Aicuaiconama' fa'a Jerusalén. Capa'a al cuecaj xoute', ma cajoc'i' LanDios i'huapa laipicuejma',

18 aiximpa lałPoujna, ałpalaic'o, ałmi: “Aimicoł'mo'. Taipanni fa'a liya' Jerusalén. Jifa'a aimepenufinyaco'. Aimiquimf'eyaco' lañescoya.”

19 Aitalai'e'ma, cami: “MaiPoujna, ¿te calatets'icoya? Lan xanuc' nomana' fa'a alimetsaijma. Ihsina' iya' aitsehuo'ma lajut'li pe lafołyomma lałpimaye judío. Ai'noł'mola' ihe ts'ihuejhuo', aitats'e'mola', nuntafej'mola'.

20 Jiŋpe litine mima'anni Esteban, iŋque loya'apa lotaiqui', iya' cacaxu jiŋpe, cahuelonge, ca'ay cuenna liłpijahuaki ihe noma'apá. Ma' anuli lałpicuejma' iya' y laif'as xanuc', ihe noma'apá Esteban.”

21 Iŋque lałpalaic'opa ałmi: “Taipanni fa'a. Cummehuo' to'huała' aculi'. To'hua'ma pe lomana' locuenaye lan xanuc', ihe a'ij judío.”

22 Lan xanuc' liquimf'e'me Pablo linespa: “Ałmi: To'hua'ma pe lomana' locuenaye xanuc', ihe a'ij judío”, ixtulencia nulemma. Ipango'me ija'a'me ujfxi, ticuayi:

—¡Tima'anŋe! ¡Tima'anŋe! Juaiconapa ixcaj iŋque cal xans. Aimipajncona'ma jifa'a li'a lamats'.

23 Ti'hua tija'ayi, teca'niyi liłpuquiya, tejuaf'yi łepi' camats', teca'naf'iyi al toncay.

24 Lincuxepa icuxe'e'mola' lisoldado titsuflai'ełe Pablo jiŋpe lajut'ł al fortín. IcuXe'ma titsimafquinŋe, ticuis'ełe, timiŋe: “¿Te co'epa?” Ja'ni aimalai'e' titsimafconŋe. Ticua: “¿Te qui'epa iŋque cal xans? Lan xanuc', ¿te caixtuc'ocopa?”

25 Ifi'e'me titsimafquinŋe. Pablo ipalaic'o'ma anuli cal capitán tecaxijnya jiŋpe liju', timi:

—Imanc' aicoł'sina' ja'ni tipa'a laijunac' o a'i. ¿Te ti'hua lołmane ałtsimaf'ma iya'? Iya' ninciudadano romano.

26 Licuej'ma iłta'a linespa Pablo cal capitán i'hua'ma u'itsi lincuxepa, timi:

—Iŋque cal xans aciudadano romano. ¿Te ma ałtsimaf'me?

27 Lincuxepa icuaitsi pe lopa'a Pablo, timi:

—Lu'ila', ¿te ima' unciudadano romano?

Timi:

—Iya' ninciudadano romano.

28 Timi:

—Iya' ai'najtsepa acueca', tołta'a lapi'impacaije'e loya'apa: “Iłca'a aciudadano romano”.

Pablo timi:

—Iya' aipajncota ninciudadano romano.

²⁹ Iñe notsimafyacu Pablo iholijm'me pe lopa'a. Lincuxepa ixpajma, ticua: "Iñque cal xans aciudadano romano. Iya' aifi'ecopa acadena catejma'. ¿Te ałcufta o aimalcufya?"

³⁰ Lihuequi litine umme'mola' lapaluc' tipalaic'ontsola' lixanuc' cal cuecaj ca'ailli', jouc'a lan tsilaj xanuc' noxpijpá lataiqui', timintsola' tefolunca. Uhuatc'e'ena'ma Pablo licadena catejma'. Ilico'ma pe lefołya iñe lan xanuc'. Ticua: "Pablo tu'itola' iñniya te ts'i'ic' li'epa. Tołta'a ti'i'ma caixina' nulemma te caixtuc'ocopa lif'as xanuc' judío, te cocufcopa."

23

¹ Pablo ehuelojm'mola' al c'a iñe lan tsilaj xanuc' nocutshuolanna jilpe lefołya, timila':

—Cunc'aipimaye, jahuay laipepajnya cacua: ¿Te ts'ipic'a LanDios ca'eła'? Li'ipa tołta'a ai'ejma', itsiya ti'hua ca'ay.

² Cal cuecaj ca'ailli' Ananías icuxe'e'mola' nacaxolanna jilpe pe lacaxu Pablo, timila':

—¡Tolunaf'e'ete lico!

³ Pablo timi:

—Ima' titeł'mi'mo' LanDios. A'ijc'a lopicuejma'. Ti'onłcospo' to ni naitsi caital ilanc'ecompa le'a amats', ma li'e'empa afujca. Jilpe tocutsu to cal juez. Ima' tipa'a lopenic' lu'ila' ja'ni nenant'lipa licuxepa Moisés o ai'epa quixcay. Itsiya ima' aimanant'li licuxepa Moisés, tocuxe alunaf'e'enla'. A'i tołta'a licuxepa Moisés.

⁴ Jilpe nacaxolanna timiyi:

—Iñque cal cuecaj ca'ailli'. ¿Te cofmicopa quixcay cataiqui'?

⁵ Pablo timila':

—Cunc'aipimaye, iya' aicaixina' ja'ni iñque cal cuecaj ca'ailli'. Linca aixina' al Paxi Linilingiya alu'inga': "Aimopalaico'ma quixcay nocuxepolhuo".

⁶ Pablo imetsaico'mola' iñe lan xanuc', ixina' te ts'i'ic' liłpicuejma'. Ixina' hualca asaduceo, locuenaye afariseo. Ipalaic'o'mola' ujfxi, ticuejle jahuay nomana' jilpe, timila':

—Cunc'aipimaye, iya' ninxans fariseo. Cai'ailli' jouc'a afariseo. Iya' laifnespa ma' anuli to lonespa laif'as fariseo. Iya' cacua: Timaf'ina'me limanapola'. Toliya laif'huaiyijncopa alcuxecopa.

⁷ Licuej'me tołta'a licuapa Pablo, lan xanuc' fariseo jouc'a lan xanuc' saduceo ipango'me ifuli'i'moltsi cataiqui'. Ixtuc'o'moltsi. I'e'e'moltsi onłca jilpe lefołya.

⁸ Linca iñe lan xanuc' a'ij nuli liłpicuejma'. Ticuayi lan xanuc' saduceo: "A'i. Aimimaf'iconayacu limanapola', aimitsoliconayacu. Ailopa'a capaluc quema'a, jouc'a ailopa'a espíritu." Lan xanuc' fariseo ticuayi: "Timaf'ina'me limanapola". Jouc'a ticuayi: "Timana' lapaluc' quema'a jouc'a timana' lan espíritu".

⁹ Lan xanuc' jilpe lefołya tummulecola'. Tija'ayi, tijaic'oyołtsi. It-solinca hualca lomxiye nomuc'iyalepá licuxepa Moisés, iñe axanuc' fariseo. Ehuaiico'moltsi cataiqui' lan xanuc' saduceo, timinnila':

—Illanc' alcuyai iñque cal xans ailopa'a qui'epa. Te ja'ni anuli cal 'espíritu, o anuli lapaluc quema'a ipalaic'opa.

¹⁰ Epat'łcontsi xonca liłpicuejma' iñe lan xanuc'. Tixtuleyi juaiconapa. Ixpaj'ma lincuxepa. Ticua: "Ja'ni ti'nołle Pablo, tits'aletsuf'me". Umme'ma anuli lapaluc pe lomana' lisoldado, timitsola' ticuaiyunca pe lopa'a Pablo, tipa'ale liłpujfxi texal'me Pablo, tiłonc'e'e'me pe lomana' iñe lan xanuc', tileco'me al fortín. Tołta'a i'epá.

- 11 He lipuqui' laPoujna Jesús icuaiyunni, ecaxingai'ma Pablo, timi:
—Aimixpaij'mo'. Aimoxhuełmot'le'ma. Jifa'a Jerusalén omipola' lan xanuc' naitsi iya'. Ma' anuli tołta'a tonesta tocuaitsi al cuecaj quııya' Roma.
- 12 Liłic'ejma hualca lan xanuc' judıo efołunni. Inefo'me. Ticuayi:
—Ałma'a'me Pablo. Ma quimaf'i' iłque, aimatetsoyacu, aimatısnayacu. Alanant'lıe iłta'a lałtaiqui'. Ja'ni a'i, jałma'atsonga' LanDios!
- 13 Timana' to oquej nuxans lan xanuc' linefo'me tołta'a.
- 14 Iye'me tipalaic'onnola' lixanuc' cal cuecaj ca'ailli', jouc'a lan tsilaj xanuc' noxpıjpá lataiqui'. Timinnila':
—İllanc' joupa ał'epaj jurar ałma'a'me Pablo. Ma quimaf'i' iłque illanc' aimatetsoyacu, aimatısnayacu. Acueca' cataiqui' iłe lałnespa. Ałcuayi alanant'lıe iłta'a lałtaiqui'. Ja'ni a'i, jałma'atsonga' LanDios!
- 15 'Imanc' tolafot'letsołtsi jouc'a locuenaye lonıejmale. Tołpalaic'otsa łincuxepa, tołmitsa: “Ałpic'a licuis'econa'me Pablo. Mouqui tolecota fa'a.”
'İllanc' alami'mołtsi jıłpe lane. Ałma'ata. Aimicuaiya pe imanc' lo-lafot'leyoyacołtsi. Joupa ałspic'epá lał'eyacu.
- 16 Li'hua łipima caca'no' Pablo icuej'ma lo'eyacu iłne lan xanuc'. I'hua'ma al fortın, itsufai'ma pe lopa'a Pablo, u'i'ma lo'e'enyacu.
- 17 Pablo ijoc'i'ma anuli cal capitán, timi:
—Tolecota' iłca'a łamijcano pe lopa'a łincuxepa. Tıpa'a lomıya.
- 18 Cal capitán ileco'ma łamijcano, itsufai'e'ma pe lopa'a łincuxepa, timi:
—Pablo łıtats'ıya fa'a, ałjoc'ıpa, ałsahue'epa, ałmıpa: “Tolecota' iłca'a łamijcano pe lopa'a łincuxepa. Tıpa'a lomıya.”
- 19 Łincuxepa exat'le'epa limane łamijcano, ijuc'i'mołtsi ipalaitsa quııtuca', timi:
—¿Te całmıya?
- 20 Łamijcano timi:
—Lan xanuc' judıo inefopá. Ticuaicu, tıxahue'e'mo', timi'mo': “Mouqui toleco'ma Pablo ti'huanni jıłpe lafot'leyoyacołtsi. Ałpic'a licuis'econa'me.”
- 21 İma' aimoquım'f'e'ma lomıyaco'. Aımaıhıuejco'ma loxahue'eyaco'. Hualca iłniya tıpa'necota Pablo jıłpe lane. İne tıxhuaispola' to oquej nuxans lan xanuc' y xonca. Joupa inefopá timıyołtsi: “Ałma'ata Pablo. Ma quimaf'i' aimatetsoyacu, aimatısnayacu. Alanant'lıe lałtaiqui'. Ja'ni a'i ałma'atsonga' LanDios.” İne ma le'a ił'huajıma ima' tomıtsola': “Ne', caleco'ma”.
- 22 Łincuxepa ixc'ai'i'ma łamijcano, timi:
—İle lotaiqui' aimo'ıta. Nıj naitsi nocuejya.
- 23 İjoc'i'mola' oquexi' licapıtán, timıla':
—İmanc' tolafot'le'mola' lołsoldado tonıente liłya' Cesarea. Tonııeco'mola' oquej maxnu noyeyacu lił'mis, oquej maxnu nonıyacu liłıanza, afanej nuxans quımbama' nocutsafcaıyacu laıhuale. Tolıpalcu al pelıa 'hora lipuqui'.
- 24 Tonııecotsola' ocıenaye laıhuale, jouc'a Pablo tenafcaıta laıhuala. Tonı'etsa cuenna, nij tıntsi lo'e'enyacu. Ticuaitsi al c'a pe lopa'a cal gobernador Félix.
- 25 Łincuxepa inıł'e'e'ma quıje'e cal gobernador, timi:
- 26 “İya' ninClaudio Lisias, quınił'ehuo' ima' cıngobernador Félix, ima' um-cuecaj xans. Canonhuo'.
- 27 'Cumme'ehuo' iłca'a cal xans li'nołpa lan xanuc' judıo. İne coła' tıma'a'me. Laıcuejpa iya' iłque aciudadano romano ałe'me iya' laısoldado, ałcuaitsa pe lopa'a. İya' nexat'łupa, nunıı'epa.
- 28 Aıpic'a cacuec'ela' te caıxtuc'ocopa, te ts'i'ic' locuxecopa. Tołta'a aıleco'ma petısi lif'as xanuc' judıo, iłne noxpıjpá lataiqui'.

29 Jilpe aiximpa ilque Pablo ailopa'a qui'epa, aimi'iya małma'ayacu, ni małtats'iconayacu. Lan xanuc' nocuxecopá ticuayi aiqenant'hi lataiqui' laihuejpa ilne.

30 'Lijou'ma alu'i'ma, ałmi: Lan xanuc' judío tipa'necota Pablo jilpe lane, tima'ata. Laicuejpa tołta'a aicalcohi, numme'epo'. Ilne nocuxecopá joupa nu'ipola' tu'itso' te caixtuc'ocopa ilca'a cal xans. Ilne tu'ito'.

'Tołta'a laifmipo'. Icula'apa."

31 Lan soldado i'e'me ma to limipola' hincuxepa. Lipuqui' ileco'me Pablo. Icuaitsa liłya' cuftine Antípatris.

32 Icuaitsi lihuequi litine lan soldado noyepá lił'mis ipailinanca icuainatsa liłfortín lopa'a Jerusalén. Ts'ihenafcaic' caihuale ileco'me Pablo.

33 Icuaitsa liłya' Cesarea. Ini'i'me lije'e cal gobernador. Jouc'a Pablo icupá, icuaitsi limane cal gobernador.

34 Cal gobernador ixhue'ma al je'e. Lijou'ma icuis'e'ma, timi Pablo:

—¿Pe co'huayomma? ¿Te cuftine łomemats'?

Pablo timi:

—Cai'huayomma łamats' Cilicia.

35 Timi:

—Ne', ticuaiyunca lan xanuc' nocuxecopo' caquimf'e'ma lałmiya.

Icuxe'ma tileconłe jilpe al cueca' cajut'ł lilanc'epa cal rey Herodes. Jilpe tipajntsi, ti'ełe cuenna.

24

1 Uyai'ma amaque' quitine. Iye'me al toncay cal cuecaj ca'ailli' Ananías y lan tsilaj xanuc' noxpjipá lataiqui'. Icuaitsa liłya' Cesarea. Ileco'me anuli cal xans nopalaipa nomuxeyalepa, cuftine Tértulo. Ilne ipalaic'o'me cal gobernador Félix, icuf'me Pablo.

2 Cal gobernador ijoc'i'ma titsufaiyunni Pablo. Tértulo ipango'ma icuf'ma Pablo. Timi cal gobernador:

—Ima' conFélix, uncuecaj xans. Alcuxenga' juaiconapa al c'a. Tixoqui calata luyalaiyi litine ac'a, ailopa'a tintsi.

3 Ni petsi lomana' lał'as xanuc' judío timetsaicohuo', ticuayi ima' to'ay al c'a. Tix'najtsi'ihuo' ille lof'epa.

4 'Itsiya aicapalaiyołcoyaco'. Caxa'huehuo' alquimf'eła'. Capalaic'o'mo'oquej fane' lataiqui'.

5 Alcuai'me alpalaic'oco'mo' te ts'i'ic' ilca'a cal xans Pablo. Ilque acuej quixcay xans. Timenac'ila' lan xanuc'. Ni petsi li'a łamats' pe lomana' lał'as xanuc' judío, ilque tenaquila', ti'e'ela' tixtuc'otsołtsi, tifuli'itsołtsi. Ilque ilpincuxepa lan xanuc' naihuejpá ocuena quireligión. Ilne lacui'impola': Lan Nazareno.

6 'Jouc'a tetets'i al cuecaj xoute'. Ipic'a ti'e'ela' to ni naitsi cajut'ł. Illanc' al'nołpá, coła' alłeł'mi'me, al'e'e'me ma to licuxepa Moisés.

7 Małpe 'hora icuaitsi ilque hincuxepa Lisias. Ilecola' lisoldado. Ilne acueca' liłpujfxi, alaxic'eponga'.

8 Lijou'ma ticua: "Ilne nocuxecopá Pablo tiyełe pe lopa'a cal gobernador. Jilpe tu'ita te qui'epa." Ima' ja'ni taicuis'e'ma Pablo toxim'ma ma' alinca ilta'a lalul'ipo'.

9 Lan xanuc' judío nomana' jilpe jouc'a ticuxecoyi Pablo, ticuayi alinca lonespa Tértulo.

10 Cal gobernador ijoc'ico'ma limane Pablo tipalaila'. Pablo ipango'ma italai'e'ma, timi:

—Aixina' ima' ixhuaita axpega camats' uncuecaj juez jifa'a łalamats'. Tołta'a tixoqui neta catalai'e'ma, cacuanajco'moxi.

11 Iya' cu'ihuo' al linca. Ite laifmiyaco' ima' cotuca' ti'i'ma toxim'ma ja'ni tofta'a li'ipa o a'i.

'Joupa ixhuaita ma le'a imbamaj coque' quitine aicuaisi liya' Jerusalén. Ainexc'onlingaitsi LanDios.

12 Ihe lafcufpá, ¿te ja'ni alsimpa cafulejma cataiqui'? O, ¿alsimpa cafuli'icola' lan xanuc' nomana' jilpe al cuecaj xoute'? O, ¿jilpiya lajut'hi pe lafoiyomma laif'as xanuc' judío, o malpiya liya'? ¿Ja'ni alsimpa capalaic'ola' lan xanuc', capat'hila' lipicuejma'? A'i. Aica'ay tofta'a.

13 'Ihiya lataiqui' lafcufcopa aimi'iya mifinc'iya.

14 Ihiya ticuayi iya' quihuequi ituca' cataiqui'. Aimetenlcocola'. Alinca iya' quihuequi al ts'e cane. Tofta'a laifnihuejcopa LanDios, hilenDios laftatahueló. Iya' ca'ay linca jahuay loya'apa al Paxi Linilingiya, ite loya'apa litaiqui' Moisés jouc'a loya'apa lam profeta.

15 Iya' ma' anuli ite lafcuxecopa al'huaaijny LanDios, al'huaicoyi ticuaisi litine timaf'ina'me limanapola', ite li'epa al c'a jouc'a li'epa a'ijc'a.

16 Tofta'a iya' cahuay te caif'eya latenlcocoya LanDios. Aica'eyacola' lixcay laif'as xanuc'.

17-18 'Litine lafsimpa capa'a al cuecaj xoute', ite litine quite' aicuita jilpe Jerusalén. Joupa axpe' camats' aicaitsec' jilpe. Iya' aitsehuona'ma aitaic' lotoc'iyacola' laif'as xanuc' judío pe aiqui'hueca, catsufcota LanDios. Tofta'a laif'epa jilpe al cuecaj xoute', ainenant'hipa licuxepa Moisés, ai'epoxi limpio. Male 'hora alsimpa ite lan judío quiyoyomma lamats' Asia. Iya' nij tintsi caif'epa. Ailopa'a cai'ejma'. Aicafot'hela' lan xanuc'. Nij naitsi naixtupa.

19 'Ihe lun Asia nonespá a'ijc'a laif'epa cola' icuai'me fa'a. Ihe quituca' afcuf'ma.

20 Ja'ni aiquitcuac' ite, afcuf'la' lan judío nomana' fa'a itsiya. Tu'itso' te jale lixcay lai'epa. Ihe joupa afcuejpa, ifsina' te ts'i'ic' litalai'e'epola' jilpe pe lafoiyomma lan tsilaj xanuc' noxpipá lataiqui'.

21 Linca tipa'a anuli lataiqui' lainespa aiquetenlcocola' ihiya. Ma capa'a cacaxu jilpe lefoya aipalaipa ujfxi, caja'e': "Iya' aixina' LanDios timaf'i'ina'mola' limanapola', tohiya afcuxecopa imanc', afcufque itsiya".

22 Cal gobernador Félix ixina' te ts'i'ic' ite lataiqui' lacui'impa Ite Lane. Timila' ihiya lan xanuc' judío:

—Tipajnlá. Tonlente. Ticuaiyunki hincuxepa soldado, itque Lisias, caquimf'econa'molhuo'. Caxpic'e'ma laif'eya.

23 Icu'e'e'ma nocuxepola' soldado, timi:

—To'ela' cuenna Pablo. Tipajntsi lajut'í. Topalaic'ola'. Aimaixtuc'o'ma. Tapi'itsola' lane ite limetsaicola' titoc'ite, ja'ni ti'ila' lahue'epa tepi'inte.

24 Uyaipá litiné, icuaicona'me Félix jouc'a lipeno cuftine Drusila. Itque laca'no' ajudía. Félix icuxe'ma ti'hua'anca Pablo. Icuaitsi. Félix iquimf'e'ma lonespa. Itque u'i'ma te ts'i'ic' litaiqui' Jesucristo. Timi: "To'huaaijnlá".

25 Jouc'a timi te ts'i'ic' lo'eyacu lan xanuc' ja'ni LanDios tetenlcoco'ma lo'epa. Ixc'ai'i'ma, timi:

—Tocuxexoxi al c'a. Aimo'econa'ma nixpiya. Ticuaihuo al Cuecaj Quitine. Ite litine LanDios titeh'mi'mola' lan xanuc' ni'epá lixcay.

Félix ixpaij'ma juaiconapa, timi Pablo:

—Tofe ti'ila'. To'huanla'. Ticuaisi ocuena quitine, ja'ni ailopa'a caif'eya, cajoc'iconno'. Tocuaiyoconno fa'a.

26 Félix tipa'a oquej lipicuejma'. Ticua: "Itque Pablo aga almi'ma: Lux'masna'ma, capi'i'mo' cotomí." Tohiya ti'hua tijoc'i', ti'hua tipalaic'o.

²⁷ Uyai'ma oquej camats'. Joupa titsufai'ma ocuena cal gobernador cuftine Porcio Festo. Félix aicux'masqui' Pablo. Ticua: “Ca'e'ma latentcocoyacola' lan xanuc' judío. Añescola' ihniya, tinesle: Itque Félix ac'a xans.”

25

¹ Festo epenuf'ma lipenic', i'i'ma gobernador. Icol'ma afane' quitine liya' Cesarea. Lijou'ma i'hua'ma Jerusalén.

² Mipa'a Festo jilpe Jerusalén lixanuc' cal cuecaj ca'ailli' jouc'a lan tsilaj xanuc' judío noxpijpá lataiqui' ipalaic'o'me. Ipalaico'me Pablo li'epa, u'i'me te ts'i'ic' locuxecopa. Ixahue'e'me ti'ela' latentcocopola' ihniya.

³ Itpic'a tejac'entsa nulemma Pablo. Timiyi:

—Tocuxetsi Cesarea ticuaiyunni Pablo fa'a Jerusalén.

Ihniya joupa ixpic'epa lo'eyacu. Hualca lan xanuc' temi'moltsi jilpe lane, tuyaiconni Pablo tima'a'me.

⁴ Festo italai'e'e'mola', timila':

—A'i cacuxeya. Tipanenni Pablo Cesarea. Iya' aimalcoya fa'a. Capaino.

⁵ Hualca imanc' ts'olpenic' afe'me. Ja'ni itque cal xans i'epa quixcay tolcuxecota pu'hua Cesarea.

⁶ Jilpe Jerusalén Festo icol'ma apaico o imbama' quitine. Lijou'ma i'hua'ma. Icuaiti liya' Cesarea. Lihuequi litine ti'ay canic' to cal juez. Icuixe'ma tilecontsa Pablo.

⁷ Icuaiti Pablo ihoc'olai'me lan xanuc' judío quiyouyomma Jerusalén, ihne y Festo icuai'me anuli. Icu'f'me juaiconapa. Ticuayi:

—Itca'a i'epa axpe' quixcay. Acueca' li'epa.

Aiqui'ic' quilinc'i' ile locuapa. A'ij linca liltaiqui'.

⁸ Pablo italai'e'e'mola', timila':

—Aicai'aic' quixcay. Aicainetets'i' lataiqui' la'cuxeponga' illanc' ninc'ijudío. Aicainetets'i' al cuecaj xoute'. Jouc'a aicainetets'i' locuxepa cal cuecaj quincuxepa César. Ailopa'a cai'epa.

⁹ Jilpe lipicuejma' Festo ticua: “Ca'e'ma latentcocoyacola' lan xanuc' judío”. Timi Pablo:

—Ja'ni ima' opic'a lepá Jerusalén. Jilpe caxpic'eta ja'ni o'epa quixcay o a'i.

¹⁰ Pablo timi:

—A'i. Aica'huaya Jerusalén. Iya' ailopa'a cai'e'epola' lan xanuc' judío. Ima' oxina' ihniya. Jifa'a ima' to'aylopenic' lepi'ipo' cal cuecaj quincuxepa César. Ima' umjuez. Ma fa'a ticuicomma alcuxeco'ma. Jilpe Jerusalén a'i.

¹¹ Linca ja'ni nixpiya lai'epa, ja'ni joupa nulijpa lamaya, lapi'i'ma cajunac', aicacuanajyacoxi alma'ala'. Ja'ni mane lafellaiqueya cataiqui' lonespa ihne na'lcuxecopa, ailopa'a ca'e'eya ihniya. Cacua: ¡Cal cuecaj quincuxepa César tixanutsi lataiqui' la'lcuxecopa lan xanuc' judío!

¹² Festo ipalaic'o'mola' lixanuc', ihniya noxpijpá lataiqui'. Lijou'ma timi Pablo:

—Ne'. Joupa ocuapa: “Cal cuecaj quincuxepa César tixanutsi lataiqui' la'lcuxecopa”. Ne'. Cumme'mo', to'huala' pe lopa'a César.

¹³ Uyai'ma hualca litiné icuaiyunca liya' Cesarea cal rey Agripa jouc'a hipima caca'no' cuftine Berenice. Ihniya ajudío. Ehuejntsa Festo hincuxepa romano.

¹⁴ Icol'mola' jilpiya Cesarea.

Anuli litine Festo ipalaic'o'ma Agripa, ipalaico'ma Pablo, timi:

—Fa'a tipa'a anuli cal xans itats'iya hipo'nopa Félix.

¹⁵ Iya' laitsehuo'ma Jerusalén alpalaic'ohuo'ma lixanuc' cal cuecaj ca'ailli' jouc'a lan tsilaj xanuc' judío pe noxpijpá lataiqui'. Ihne lu'ipa te ts'i'ic' li'epa itque Pablo. Almipa iya' cacani'ela', cacuxela' tima'anfe.

¹⁶ Iya' aitalai'e'e'mola' aimi'mola': "Illanc' ninc'iromano aima'eyi tołta'a. Illanc' alcuayi: Itque hitats'iya jouc'a nocuxecopá ticuaiyunca. Iya' ninjuez. Iya' caxpic'e'ma ja'ni hitats'iya i'epa quixcay o a'i, ja'ni tima'anle o lux'masna'me."

¹⁷ Itne lan judío icuaiyunca fa'a. Aicaicuejloj'mola'. Lihuequi litine ai'e'ma canic', iya' ninjuez. Aicuxe'e'mola' laisoldado tilecotsa itque cal xans.

¹⁸ Cacia: "Pablo i'epa acueca' quixcay". A'i tołta'a li'epa. Itne nocuxecopá ituca' micufcoyi, a'i to laifcuapa iya'.

¹⁹ Tixtuleyi, ticuayi: "Itque aiquihuequi la'religión". Ticuayi joupa imanapa cal xans Jesús, Pablo ticua imaf'i'.

²⁰ It lofulecopa lataiqui' aicaicueca. Aicaixina' te quixcay li'epa Pablo. Tołta'a cami: "Ja'ni ima' opic'a lepá Jerusalén. Jitpiya caxpic'eta ja'ni o'epa quixcay o a'i."

²¹ Pablo aiquicuac'. Ticua: "Cal cuecaj quincuxepa César tixanutsi ite lałcuxecopa". Toliya aicuxe'ma tipanenni fa'a. Tijoula' cumme'ma, ti'huala' pe lopa'a César.

²² Agripa timi Festo:

—Iya' aipic'a caquimf'eła' lonespa itque cal xans.

Festo timi:

—Mouqui toquimf'e'ma.

²³ Lihuequi litine Agripa jouc'a Berenice etej'moltsi juaiconapa al c'a. Icuaiyunca pe locutsuya Festo, ti'ay lipenic' ajuez. Iyejmale'me lincuxepá soldado romano jouc'a lan tsilaj xanuc' jitpe liya' Cesarea. Festo icuxe'ma tilecontsa Pablo.

²⁴ Lijou'ma, Festo ipalaic'o'mola' itniya lefołya jitpiya, timila':

—Ima' conrey Agripa, jouc'a jahuay imanc' cunc'ixanuc' nołmana' fa'a, camilhuo' li'ipa.

Jahuay lan xanuc' judío nomana' fa'a jouc'a nomana' liya' Jerusalén atsahue'epa cacani'eła' itca'a cal xans Pablo. Małca'a lolahuelojmpa itsiya. Itne lan judío mihui'iyi tija'ayi, ałmi: "Ima' tocuxela' tima'anle."

²⁵ Iya' aiximpa ailopa'a qui'epa. Aimi'iya małma'ayacu. Małque quituca' ticua: "Cal cuecaj quincuxepa César tixanutsi lałcuxecopa". Tołta'a aixpic'epa cumme'ma, ti'huala' pe lopa'a César.

²⁶ Ticuicomma quinił'e'ma quije'e César, titai'ma Pablo. ¡Coła' ti'ila' caixina' iya' te ts'i'ic' laifninił'eya laipoujna César! Itsiya aicuxepa tilecontsa fa'a. Aipic'a tołquimf'ełe jahuay imanc'. Xonca' aipic'a toquimf'eła' ima' conrey Agripa. Ima' lu'i'ma te li'epa Pablo. Tołta'a ti'i'ma caixina' te ts'i'ic' laifnu'iya César, ti'i'ma quinił'e'ma quije'e.

²⁷ Iya' cacia: Ja'ni cumme'ma pu'hua itca'a hitats'iya ticuicomma cu'ila' te ts'i'ic' li'epa. Ja'ni a'i, aimi'iya cummeya. Ałnesco'ma iya' namac'ta xans.

26

¹ Agripa ipalaic'o'ma Pablo, timi:

—Capi'i'mo' lane. Ima' ałtalai'e'ma.

Pablo inj'ma limane. Ipango'ma italai'e'ma Agripa, timi:

² —Conrey Agripa, cax'najtsi'ihuo' juaiconapa ima' lapi'ipa lane catalai'e'mo'. Itsiya cacuanajco'moxi jahuay itne lałcufpa lan xanuc' judío.

³ Tixoqui neta catalai'e'mo'. Aixina' ima' limetsaiconga' lał'ejma' il-lanc' ninc'ixanuc' judío, jouc'a taimetsajma lałnespa. Itsiya caxa'huehuo' ałquimf'eła'.

⁴ Iya' ma namijcano anuli laif'as xanuc' judío aluyalaicopá lapajnya liya' Jerusalén. Jitpe lał'ejma' joupa itšina' jahuay itniya lan judío.

⁵ Iñe axpe' camats' alimetsaijma. Ti'i'ma tuya'a'me te ts'i'ic' lai'ejma', ja'ni iñpic'a tuya'a'le. Alimetsaijma iya' ninfariseo, nihuequila' iñe lan fariseo nocuapá: “Illanc' xonca lanant'hiy locuxepa Moisés”.

⁶ Lañtatahueló i'huaico'me ÑanDios ti'e'ma ma to limipola'. Iya' jouc'a ca'ay linca ile lataiqui' lañmiponga' ÑanDios. Toñiya cacaxu fa'a añcuxecompa.

⁷ Lañ'as xanuc' judío, iñniya ixanuc' limbamaj coquexi' lañtatahueló, itine ipuqui' mix'najtsi'iyi jahuary hilunxajma', mexc'onlingoñaiyi ÑanDios, jahuary iñniya ti'huaicoyi tenant'hila' ile lataiqui'.

'Conrey Agripa, iya' jouc'a ca'ay linca linespa ÑanDios. Cacia: Joupá enant'hípa ile lataiqui'.

⁸ Camilhuo': ¿Te coñcuacoyacu ÑanDios aimi'iyá mimaf'i'inayacola' limanap-ola'?

⁹ 'Li'ípa iya' jouc'a cacua ticuicomma cateñ'mitsola' juaiconapa iñe ts'ilihuequi Jesús las Nazaret.

¹⁰ Toñta'a lai'epa capa'a liñya' Jerusalén. Lixanuc' cal cuecaj ca'ailli' lapi'ípa laimane. Axpela' iñe li'huexi ÑanDios ai'nico'mola' lacarza. Iya' jouc'a laif'as judío añcuf'mola' iñe ts'ilihuequi Jesús. Lañpic'epá te la'e'eyacola' iya' cacua: “Ne', ne', tima'antsola”.

¹¹ Iya' laitsehuo'ma jilpe lañut'hi pe lafoñyomma laif'as xanuc' judío ja'ni aixim'mola' iñniya ts'ilihuequi Jesús aiteñ'mi'mola'. Ma canaic'mila' camila': “Ne', tonesc'ela' cataiqui' iñque Jesús”. Iñe lapi'ípa acueca' coyac'. Quihuet-soquila' ni petsi lomana'. Ca'hua aculi' hileloñya'.

¹² 'Icuaitsi litine ca'hua'ma liñya' Damasco. Cahuetola' ts'ilihuequi Jesús. Lixanuc' cal cuecaj ca'ailli' joupá lapi'ípa laimane, añni'ípa laiñe'e. Lapi'ípa lane iya' caxpic'e'ma laif'eyacola' iñniya.

¹³ Conrey, añquim'ela' ma cu'ilhuo' lañ'ípa. Iya' ca'hua lane. To menac'o aixim'ma anuli lepalc'o' qui'huayomma lema'a. Nulemma alulif'epa. Tocomma to cal 'ora, xonca tunts'ifi. Jouc'a ulif'e'mola' lañejmale.

¹⁴ 'Jahuary lacangolenca lañats'. Iya' aicuej'ma añpalaic'o. Tipalay lañtaiqui' illanc' ninc'íjudío. Añmi: “ConSaulo, ¿te cateñ'micopa, calihuetsoyopa? Ima' cotuca' toteñ'miyoxi. To miteñ'mi'moxi cal huacax ja'ni aimicueca lanacompa al puya, ma toñta'a toteñ'miyoxi ima', aimañcueca.”

¹⁵ Iya' cami: “Maipoujna, ¿nañtsi ima'?” Iñque añmi: “Iya' ninJesús. Ima' aiteñ'mi.

¹⁶ Itsiya totsahuenni, tacaxla'. Iya' aicuaicoco'ma pe loñpa'a capi'itso' copenic'. Ima' to'e'ma laipenic'. To'itola' lan xanuc' itsiya añsimpa. Tijouñla' añsingona'ma, xonca camuc'i'mo'. Iñiya jouc'a to'itola' lan xanuc'.

¹⁷ Iya' ca'e'mo' cuenna. Cunñu'e'mo' lo'e'eyaco' loñ'as xanuc' judío. Cumme'mo' to'huañla' pe lomana' locuenaye lan xanuc', iñe a'í judío. Jilpe jouc'a cunñu'eto' lo'e'eyaco'.

¹⁸ Itsiya iñniya tocomma afohue, aiquiñsina' al c'a cane. Ima' taxi'etola' liñ'u'. Itsiya tocomma amuf liñpicuejma'. Ima' tapalc'o'itola'. Toñta'a tipai'i'me liñpicuejma', aimicuxeconayacola' Satanás, ma ÑanDios ticuxe'mola'. Añ'huaiyijm'ma iya'. Toñta'a ÑanDios timenc'e'eco'mola' li'epa a'ijc'a, tilaitsufcotola' anuli jahuary lixanuc', iñe pe limetsaicopola' i'huexi.”

¹⁹ 'Conrey Agripa, ile laixim'ma lañmuc'ípa ÑanDios, iya' nihuejco'ma lañmi'ma.

²⁰ Ate'a jilpe liñya' Damasco nu'i'mola' tixhuej'menanca, tipai'ile liñpicuejma' tihuejcoñe ÑanDios, timujle ja'ni joupá ixhuej'memma. Lijou'ma ma' anuli lainu'iyalepa liñya' Jerusalén jouc'a locuenaye hileloñya' pe lomana' lañ'as xanuc' judío.

'Lijou'ma nu'i'mola' locuenaye xanuc', iñe a'ij judío.

²¹ He laif'epa aiquetenl'cocola' laif'as xanuc' judío. Alixtuc'opa. Capa'a jilpe al cuecaj xoute' al'noh'ma, ehue'me te co'iya ma'ama'aya.

²² LanDios altoc'ipa, alcuanajcopa. Tohta'a ti'hua cu'iyale litaiqui'. Ja'ni lan tsilaj xanuc' o a'ij tsila', ma' anuli cu'ila' ile laiximpa. Laifnespa ma' itaiqui' Moisés y lam profeta. Ocuena o ituca' cataiqui' aicanesma. Ma'niya Moisés y lam profeta uya'apá lo'iya, ticuayi:

²³ “Cal Cristo tite'co'ma, tima'am'me. Tijoula' timaf'ina'ma, ti'ila' cal te'a pe aimimaconaya. Tohta'a tu'i'mola' laif'as xanuc' judío, jouc'a tu'i'mola' locue-naye xanuc' a'ij judío, timi'mola': LanDios tepalc'o'i'molhuo' lo'picuejma'.”

²⁴ Pablo tohta'a ticuanajcoyoxi. Festo icuej'ma litaiqui'. Ipalaic'o'ma ujfxi, timi:

—Pablo, tocomma to mamac'ta. ¿Te copalaicopa tohta'a? Ima' acueca' oxhuepa, iminscopa lo'picuejma'.

²⁵ Pablo timi:

—ConFesto, ima' maigobernador, iya' a'i namac'ta. Jouc'a laifnespa a'i camac'ta cataiqui'. Laifnuya'apa ma le'a al linca.

²⁶ Cal rey Agripa ixina' te ts'i'ic' ile lataiqui', ma'le laifnespa, tixoqui neta capalaic'o ilque. Ixina' jahuay li'ipa. Acujajmaica li'ipa ile laifnescopa, a'ij ch'ixca.

²⁷ 'Conrey Agripa, ¿te ima' to'ay linca litaiqui' lam profeta? Iya' aixina' ima' to'ay linca ile lataiqui'.

²⁸ Agripa timi:

—¿Te cofcuapa? ¿Te tocuca: “Nihuata, Agripa jouc'a tihuej'ma Jesús to illanc' ninc'icristiano”? Ima' tocuca aiquipime iliya.

²⁹ Pablo timi:

—Ja'ni ipime o aiquipime aicaixina'. Cagua: A'i ma le'a iya' ima' conrey Agripa ti'ila' tohta'a anuli la'picuejma', ¡LanDios titoc'itsolhuo' jahuay imanc' na'quimf'epa, ti'ila' anuli la'picuejma', al'onl'songa! Linca ita'a la'fiyiya al cadena catejma' aima'onl'spa tohta'a.

³⁰ Itsolinca cal rey jouc'a cal gobernador, jouc'a Berenice, jouc'a ihniya nocutsingolanna jilpe.

³¹ Ipalnanca. Tiplalaic'oyo'ltsi, ticuayi:

—Ilque cal xans aiqui'aic' quixcay. Aimi'iya malacani'eyacu, aimi'iya ma'atats'econayacu. ¿Te cal'eyacu?

³² Agripa ipalaic'o'ma Festo, timi:

—Aimi'iya malux'masyacu ilque cal xans, joupa icuapa: “He lataiqui' la'cufpa tixanutsi cal cuecaj quincuxepa, ilque César”. Ja'ni a'i tohta'a linespa, lux'masna'me.

27

¹ Lijou'ma ixpic'em'me tumme'me Pablo ti'hua'la' lamats' Italia. (Jilpe li'ya' Roma tipa'a cal cuecaj quincuxepa César.) Ixp'ic'em'me a'leco'me abarco. Icxem'me ti'hua'la' anuli cal capitán lipu'ftine Julio, ti'etsola' cuenna Pablo y locuenaye litats'ila'. Ilque Julio locuxepola' lan soldado lacui'impola': Lisoldado cal cuecaj quincuxepa César.

² Altsulfo'lai'me anuli al barco qui'huayomma li'ya' Adramitio. He al barco ipainamma ticuaita jilpe lipi'ya'. Tuyaicota h'elol'ya' lamats' Asia, ihniya lomana' lema caja. A'ejmale anuli lapima cu'ftine Aristarco. Ilque las Macedonia, lipi'ya' Tesalónica. A'lepá.

³ Lihuequi litine a'cuaita li'ya' Sidón. Cal capitán Julio ac'a lipicuejma'. Ixim'ma cuanuc' Pablo, epi'i'ma lane, timi:

—To'hua'ma tahuejntola' lopimaye. Ja'ni tehue'ehuo' ilne tepi'ito'.

⁴ Lipanni al barco jilpe Sidón, lahua' altalecufponga'. Luyalaicopá liju' camats', jilpe loxa camane copa'a al isla lamats' Chipre. Jilpe aimatpa'nenga' lahua'.

⁵ Aleyi laja lema camats' Cilicia, jouc'a lema camats' Panfilia. Alcuaitsa liya' cuftine Mira jilpe lamats' Licia.

⁶ Jilpiya cal capitán ixim'ma anuli al barco qui'huayomma liya' Alejandria, ti'hua'ma lamats' Italia. Cal capitán altsufai'eponga'.

⁷ He lafbarco ti'hua panca panca. Uyai'ma axpe' quitine. Afule malcuaiyacu huejnca liya' Gnido. Lijou'ma lafbarco aimi'hua hijca lipene. Aimi'ya. Juaiconapa ujfxi ti'hua lahua'. Aluyalaicopá huejnca lamats' isla Salmón. Jilpe liju' Creta aimi'hua ujfxi cahua'.

⁸ Ti'hua aleyi huejnca lamats'. Afule malcuaiyacu pe lacui'impá lan C'a Puerto. Jilpe al puerto a'ij culi' liya' Lasea.

⁹ Juaiconapa alcolponga' al puerto. Joupa uyaipa al cuecaj quitine. He litine lan judío tixnet'lyi, aimitetsoyi. Alsina' ticuaihuo loyac' cahua', al barco aimi'huaya al c'a. Pablo ipalaic'o'mola' nocuxepá al barco,

¹⁰ timila':

—Cunc'ixanuc', aimi'ya maluyalaiyacu. Laja tejac'e'ma lafbarco jouc'a litay tejac'ma. Aga illanc' ninc'ixanuc' jouc'a alma'monga'.

¹¹ Cal capitán aiqiquimf'e locuapa Pablo. Iquimf'e'mola' xonca locuapa cal piloto jouc'a lipoujna al barco.

¹² Axpela' locuenaye xanuc' noyepá jilpe al barco ticuayi:

—¡A!ena'me!

Ticuayi aimi'ya muyalaicoyacu laxita quitine jilpe al puerto. Xonca ilpic'a tiyente, ticuaitsa liya' Fenice, jilpe timajnta mi'i'ma laxita. He Fenice apuerto, jilpe lamats' isla Creta. Jilpe aimi'hua loyac' cahua'. Ti'hua lahua' qui'huayomma loque' liju' lopo'nof'caispa cal 'ora.

¹³ Lixim'me ti'hua panca panca lahuaj sur, ilne ts'ilpic'a tiyente ticuayi: “Itsiya linca ailopa'a tintsi. Alcuaita liya' Fenice.” If'ac'ena'me al cumta catejma' ancla. A!epá. I'hua'a'me al barco huejnca lema caja, jilpe al isla Creta.

¹⁴ Aiquicoli icuaiyurni lujfxi cahua'. Ilque lahua' cuftine: Li'huayomma liju' laipammaiyomma cal 'ora. Ujfxi, ujfxi luntafquina'. Ti'hua tocomma ucuilna.

¹⁵ Ilque lahua' ummetsai'ma al barco. Aimi'i mi'hua hijca. Lalsim'me aimi'ya maluyalaiconayacu, alcuayi:

—He al barco tixinla' pe cotseya. Lahua' tummetsay.

¹⁶ Luyalaico'me lema caja jilpe anuli lamats' isla cuftine Claudia. Jilpe aimi'hua cujfxi cahua'. Al barco exati anuli laca'huaj canoa. (Ti'ila' lo'ya al cuecaj barco altsulfo!ai'me al canoa, luntu'e'moltsi.) He laca'huaj canoa afule mal'notyi.

¹⁷ Exalaf'me, itsufai'enapá al cuecaj barco. Lijou'ma ifi'e'me al cuecaj barco. Ifi'eco'me ujfxi cocuis licu'u lixpula, xonca tixnet'lqui. Tixpailiquila', ticuayi: “Ti'hua ujfxi lahua', aga tummetsai'ma al barco, alcuaitsa jilpe hintuhuale cuixa cuftine Al Sirte”. Exalna'me ijuisna'me al cuecaj lixa! ilanc'ecompa jahua'. Al barco ti'hua mummetsay lahua'.

¹⁸ Lihuequi litine lahua' laja ujfxi tite!minni lafbarco. Ticuayi: “Alscua'ale al barco, al'e'ele huata lipicumta”. Ipango'me eca'ni'me litaic' al barco.

¹⁹ Joupa uyaipa oque' quitine, ilne no'epá canic' jilpe al barco eca'ni'me hi'huexi al barco.

²⁰ Joupa ixhuaita axpe' quitine aiqiu'huáqui cal 'ora, ni lipuqui' aiqiu'huáquila' lan xamna. Ti'hua ujfxi lahua'. Alcuayi: “Aicalsina' ja'ni luntul'me o a'i.”

21 Ixhuaita axpe' quitine aimitetsoyi lam marinero. Pablo ecaxingaitsola', timila':

—Cunc'ixanuc', małmana' łamats' Creta joupa aimipolhuo': "Aimolipa'a'me al barco fa'a". Aimipolhuo': "Ałmanenca". Imanc' aicałcuc'e. Joupa ałtelcopá, joupa lajac'epá acueca'.

22 'Itsiya iya' cu'i'molhuo': Aimołsuełmot'łe'me. Nij naitsi najac'ya lipitine. Al barco linca tejac'na'ma.

23 Lipuqui' i'huamma pe laifpa'a anuli łepaluc ŁanDios. Hque ŁanDios aiPoujna, ainihuequi. Łepaluc quema'a lacaxingaipa lainiju'.

24 Ałmipa: "CumPablo, aimixpaij'mo'. Linca tocaita petsi cal cuecaj quincuxepa César. ŁanDios epi'ipo' loxahue'epa. Tunłu'e'mo'. Jouc'a tunłu'e'mola' jahuay lonłejmale nomana' al barco."

25 'Camilhuo': Aimołsuełmot'łe'me. Iya' ca'huaiyinge ŁanDios. Ma to lałmipa tołta'a ti'i'ma.

26 Linca łaja alaca'ni'monga' anuli łamats' isla.

27 Joupa ixhuaita imbamaj malpu' quitine ma luyalaiyi łaja Adria. Łipujfxi cahua' lummetσαιyinga'. Li'i'ma to nolojmay quipuqui' lam marinero ticuayi: —Tipa'a łamats' ahuejnca.

28 Ixpicuf'me lipitoqui łaja. Ixpicuf'ma anuxans quimbama' acamts'us metro. Iyecona'me nihuata, ixpicuf'cona'me. Lipitoqui łaja ixpicuf'ma anuxans caitsi metro.

29 Ixpailij'mola', ticuayi:

—Ja'ni ałcuai'me pe lopa'a lan tsilaj capic' iłne lapic' teteł'me al barco.

Ecajm'mi'me amalpuj lan cumta catehuaijma' ancla ijungila' lixpulaj barco emuyi'mola' cuixa. Ipanenni jilpe al barco. Ticuayi: "Aimicoł'ma łilic'eta'".

30 Lijou'ma lam marinero ehue'me te co'iya mipalyacu al barco. Ticuayi: "Alunłu'e'mołtsi illanc' całtuca'. Ałcuaita łamats'." Tocomma tecajm'mi'me locuenaye lan cumta catehuaijma' ancla jilpe lopa'a łijuac al barco. Ma le'a tifel'miyi. Tecajm'miyi łaja laca'huaj canoa.

31 Pablo tixina lo'epa. Timila' cal capitán jouc'a lisoldado:

—Timanenca iłniya pe lałmana', jifa'a al cuecaj barco. Ja'ni tiyełe iłniya imanc' aimolunłulyacu.

32 Lan soldado etej'me łocuits' pe lifiyicoya laca'huaj canoa. Itai'ma łaja.

33 Ma łilic'ejma Pablo ipalaic'o'mola' jahuay nomana' jilpe al barco. Tixa'huela', timila':

—Joupa ixhuaita imbamaj malpuj quitine imanc' oł'huaijma, tołcuayi: "¿Te cal'iyaconga'?" Aicołtesma.

34 Itsiya caxa'huelhuo' tołtetsołe. Ja'ni a'i tima'molhuo'. Aimołsuełmot'łe'me. Aimejac'ya ni anuli lijuac łołjuac.

35 Lijou'ma lines'ma tołta'a Pablo epef'ma ła'i. Miquimf'eyi jahuay lan xanuc' tix'najtsi'i ŁanDios. Ixquej'ma ła'i, ipango'ma ite'ma.

36 Lan xanuc' aimixhuełmot'łe'cona'me, itetso'me.

37 Jahuay illanc' lałmana' al barco ałsuaisponga' oquej maxnu afanej nuxans quimbama' camts'us.

38 Lijou'ma linajntsola' lam marinero ecajm'mi'me łaja łaitaj trigo. I'i'ma xonca axnoica al barco.

39 Joupa i'ipa quitine. Ixim'me huejnca łamats'. Aiquilimetsaijma te jale camats' jilpiya. Jilpe łema caja iximpá anuli lotsufaicompa. Ixpice'me lo'eyacu, ticuayi:

—Ałtsulołai'me jilpe lotsufaicompa. Tipa'a pangay cuixa. Ailopa'a capic.

40 Ux'mas'me lan cumta catehuaijma' ancla. Iłne imanenca al 'ocay łaja. Łixala' iłne a'ec lopa'a loquej liju' al barco etec'e'me lifi'icoya, ti'ete canic',

ti'hua'ma al hijca al barco. I'nof'e'me laca'hua quixał quijahua', ile lopa'a hijuac al barco. Tołta'a xonca ac'a ti'hua'ma. Ti'hua'ayi al barco jilpe lotsufaicompa, ticuaitsi łema caja.

⁴¹ Icuaitsi pe lopa'a oquej cal panay. Jilpe tipa'a axpe' cuixa. Al barco ipanenni. Ipa'ne'ma cal cuixa. Itajim'ma hijuac. Łitsilo łaja tuntafqui lixpula' al barco. Ipango'ma ixquetsuf'ma.

⁴² Lan soldado ticuayi:

—¡Alma'a'mola' nulemma lan xanuc' litats'ila! Ja'ni a'i tiquie'me łaja', ticuaitsa łamats' tinulnata.

⁴³ Cal capitán aimicua. Ipic'a tunłula' Pablo. Timila' lisoldado:

—A'i. Aimołma'a'mola'.

Ałcuxe'eponga' lał'eyacu. Alminga' jahuay lałmana' al barco:

—Ja'ni ołsina' mołcafcołaiyi, imanc' ate'a tolacajm'mitsoltsi łaja, tonłecole łaja, tołcuaitsa łamats'.

⁴⁴ Ja'ni aicołsina' mołcafcołaiyi, tonłe'me ma to lo'iya. Tołnile łaxmale' o ni naitsi hualca caxma lopa'a al barco, tonłecole łaja, tołcuaitsa łamats'.

Tołta'a lał'epa. Jahuay alunłulpá. Ałcuaitsa łamats'.

28

¹ Lałcuaitsa łamats' i'i'ma calsina' ile a'isla cuftine Malta.

² Lan xanuc' nomana' jilpe imuj'moltsi ac'a xanuc'. Lapenufponga'. Uncue'e'me łunga, alminga':

—Jifa'a tołapat'łetsoltsi.

Ticui łacui, ti'i caxita juaiconapa.

³ Pablo efot'le'ma laiquijule c'ec', ixanaf'i'mola' łunga. Jilpe lan 'ec' tipa'a anuli łainofał. Ixim'ma quinu' ipanni, icayai'e'e'ma limane Pablo.

⁴ Lixim'me łainofał tijujnya limane Pablo, lun Malta ticuayi:

—İque acuecaj inma'ahuale xans. Tama unłupa łaja itsiya tima'ma. Tipa'a anuli No'eya al hijca. İque ummepa łainofał tima'ala' cal xans.

⁵ Pablo unaf'ma limane. Łainofał ecanc'aitsi łunga. Pablo ailopa'a qui'i'ma.

⁶ Lun Malta tehuelojnyi Pablo. İ'huaijma te co'iya. Ticuayi:

—İque łica'apa łainofał tifu'ma o aimicołya tima'ma, tecangehuo.

Ti'hua tehuelojnyi. Lixim'me ailopa'a qui'i'ma, ipai'i'me liłpicuejma', ticuayi:

—İłque a'ij xans, ma' andios!

⁷ Petsi lałcuaitsa jilpe emats' cal xans łocuxepa al isla. İque cal xans aromano, cuftine Publio. Alapenufponga' lejutł. Jilpe almanenca afane' quitine.

⁸ Qui'ailli' Publio textafque. Tepi'i quinu', i'huajcopa oyaic' cajuats'. Pablo itsufai'ma jilpe łonouya lałcuana. Mijoc'i' LanDios ipo'nof'i'ma limane lałcuana, ixal'mena'ma.

⁹ Lijou'ma icuaitsa ocuenaye lałcuallay nomana' jilpe al isla. Pablo ixal'mena'mola' jouc'a.

¹⁰⁻¹¹ İne ałs'najtsi'inga'. Acueca' alapi'iponga'. Afane' mut'la ixhuaitsi małmana' jilpe. Małpe ipanenni anuli al barco qui'huayomma liłya' Alejandría. İe al barco tipa'a laquiseña lilendiosla' lam marinero. İne landiosla' lan cuatsi, tecui'innila' Cástor y Pólux. Ipanenni al barco mi'i łaxita quitine. İ'huaijma ti'ila' ac'a quitine. Litine li'huana'ma illanc' ałsulfołaipá. Lan xanuc' Malta alapi'iponga' lałtaiyacu lałtejacu lane. Ałepá.

¹² Ałcuaitsa al puerto Siracusa. Jilpe ałcołponga' afane' quitine.

¹³ Lijou'ma lipalconanca. Ałepá huejnca łema camats'. Ałcuaitsa liłya' Regio. Jilpe ałcołponga' anuli quitine. Lihuequi litine ti'hua lahua' sur. Ałeconapá. Lihuequi litine ałcuaitsa liłya' Puteoli.

¹⁴ Jilpiya alsimpola' lałpimaye. Iñiya almpionga' almanenca anuli al xamano małpe pe lomana'. Ixhuaitsi lan caitsi quitine lipalunca, ałepá lane lotsepa Roma.

¹⁵ Lapimaye nomana' liya' Roma icuej'me aleyi lane. Ipalunca jilpiya Roma alalecufsonga'. Hualca alalecufponga' liya' cuftine Foro Apio. Locuenaye al'huaiconga' jilpe pe lacui'impá Lam Fane' Cajut'li Lainunc'empa. Jilpe alalecufpołtsi. Lixim'mola' lipimaye Pablo i'ina'ma xonca acueca' lunxajma', ix'najtsi'i'ma LanDios.

¹⁶ Lałcuaitsa al cuecaj quilya' Roma cal capitán ileco'mola' litats'ila' jilpe pe lopa'a nocuxepola' lan guardia. Iłpe epenuf'mola'. Epi'i'me lane Pablo tipajnlá' quituca' anuli lajut'ł. Anuli cal soldado ti'e'ma cuenna.

¹⁷ Lixhuaitsi afane' quitine Pablo ijoc'i'mola' lan tsilaj xanuc' judío nomana' jilpe Roma, ticuaiyunca pe lopa'a. Icuaitsa. Timila':

—Cunc'aipimaye, ailopa'a cai'e'epola' laif'as xanuc' judío, aicainetets'ila' lałtatahueló li'ejma'. Tama tołta'a lai'ejma' lan judío al'nołpa jilpe Jerusalén. Alcupa icuaitsi liłmane lan xanuc' romano. Alłats'iya.

¹⁸ Iñiya lan romano alicuis'mot'lepa te quixcay cai'epa. Icuej'me ailopa'a cai'epa. Iłpic'a lux'masnała'. Aimi'iya małma'aya.

¹⁹ Lan xanuc' judío ticuayi aimalux'masquim'ma. Tołta'a aicua'ma: “Caxahue'eta cal cuecaj quincuxepa César alsanu'etsonga' lataiqui'”. Linca ailopa'a caifcufyacola' laipimaye judío, ma le'a aipic'a alsanu'etsonga'.

²⁰ Tołiya aijoc'i'molhuo' imanc' unc'aipimaye judío tołcuaiyunca fa'a. Cacia: Limetsaicotsołtsi, alpalaic'o'mołtsi. Linca illanc' ixanuc' Israel ma' anuli al'huaijny'i LanDios ti'e'ma ma to licuapa. Ma tołta'a ca'huiyinge, tołiya al'nołimpa, itsiya capa'a alfiyiya ilta'a al cadena catejma'.

²¹ Iñe lan xanuc' judío timiyi:

—Lałpimaye judío nomana' lamats' Judea aicalinił'enga' całje'e, aicalu'inga' ja'ni ixcay lof'epa. Ni lałpimaye licuai'me fa'a aiquicufhuo'. Acalu'inninga' ja'ni ima' o'epa quixcay o'a'i.

²² Illanc' alpic'a alcuejtso' lofnesya. Lan xanuc' ni petsi nomana' tipalaicoyi iłiya lomihuequi. Ticuayi ilē ixcay.

²³ Iñe ixpic'epá te quitine ticuaiconacu. Tiquimf'econa'me lonesya Pablo.

Lixhuaitsi ilē litine icuaiyoconanca pe lopa'a Pablo axpela' lan xanuc' judío. Muica litine imanenca jilpiya. Icuaitsa al puqui'ya, iyena'me lummuhuijma'. Pablo tu'ila' te ts'i'ic' licuxejma LanDios, ilque cal Cuecaj Rey. Ti'nujuaitsi'ila' te ts'i'ic' litaiqui' Moisés, jouc'a ti'nujuaitsi'ila' te ts'i'ic' litaiqui' lam profeta. Imuc'i'mola', ipalaico'ma Jesús.

²⁴ Hualca epenuf'me limi'mola' Pablo. Locuenaye aiquirepenufi.

²⁵ Tifuli'iyoltsi cataiqui'. Hualca ticuayi:

—A'i, a'ij linca.

Ipango'me ipalnanca. Pablo u'icona'mola' anuli lataiqui'. Timila':

—Al linca ilē lonespa cal Espíritu Santo, ilē limipa cal profeta Isaías. Ilque imi'mola' lałtatahueló, timila':

²⁶ To'huała' pe lomana' ilne lan xanuc', tomitsola':

Tołquimf'e'me, ti'hua tołquimf'eyi, aimołcuejyacu.

Tolahuelojm'me, ti'hua tolahuelojny'i, aimołsinyacu.

²⁷ Iñe lan xanuc' liłpicuejma' i'ipaj ta.

Tama tipa'a liłs'mats'i', afule micuejyi.

Ixpof'mipa lił'u'.

Ja'ni coła' aimi'e'me tołta'a tixingo'me lił'u', tiquimf'eco'me liłs'mats'i', lałtaiqui' titsufai'ma liłpicuejma', alcuec'e'ma.

Tipailinacu, titsufołaina'me al c'a cane,
tijoula' caxal'mena'mola', quilonc'e'ena'mola' liłjunac'.
Tołta'a loł'ejma' imanc', aicołcuc'e.

²⁸ Itsiya ti'ila' cołsina' lo'ipa. Lataiqui' loya'apa te ts'i'ic' alunlu'e'monga'
ŁanDios, małe lataiqui' jounpa ummempa pe lomana' locuenaye xanuc', ilne a'ij
judío. İniya linca tihuejco'me.

²⁹ Pablo ijou'ne'ma ilē limipola' lan xanuc' judío. İyena'me ilniya.
Juaiconapa tifuli'icoyołtsi cataiqui'.

³⁰ Pablo ipajm'ma oquej camats' jilpe lajut'ł lo'najcufpa. Axpela' lan xanuc'
tiłcuaispá tehuejni. Epenuf'mola' jahuay.

³¹ Tu'ila' te ts'i'ic' licuxejma ŁanDios, ilque cal Cuecaj Rey. Aimixpaiqui.
Tipalajma łalPoujna Jesucristo. Timuc'ila' lan xanuc' litaiqui'. Ailopa'a
nocuanac'eya.

LIJE'E SAN PABLO LINIË'EPOLA' LAPIMAYE LEFOT'LEPOËTSI LIËYA' ROMA

¹ Iya' ninPablo ca'ay lipenic' ñaPoujna Jesucristo. ÑanDios añjoc'ipa, añmi: “To'huaña' toya'atsi Lataiqui' loya'apa ñe al c'a lixpíc'epa ÑanDios”. Toña'a iya' nin'apóstol. Mañe laipenic' lalapi'ipa ÑanDios.

² Luyaipa quitiné lam profeta uya'a'me ñe laifnuya'apa iya'. Jiñpe al Paxi Liníñgiya joupa iníñjma linespa ññiya.

³ Lataiqui' loya'apa ñe al c'a lixpíc'epa ÑanDios tipalajma ñi'Hua ÑanDios. Mañque ñaPoujna Jesucristo, ññque i'epoxi xans. Lipajnta fa'a li'a ñamats' cal rey David itatahuelo.

⁴ Jouc'a imujpoxi i'Hua ÑanDios. Imujpoxi ituca' lipicuejma', ailopa'a quixcay. Toña'a ÑanDios imetsaicopa i'Hua. Lijoupa limapa, ÑanDios i'epa al cueca', imaf'i'ina.

⁵ Ma' ññque ñaPoujna añpaxneponga', alapi'iponga' lañenic', illanc' ninc'apóstole, epaluc' Jesucristo. Ni petsi lomana' lan xanuc' pe aimimetsaicoyi ÑanDios illanc' añpalaic'ocola' Jesucristo, lu'ila': “Tolapenufle Lataiqui' loya'apa ñe al c'a lixpíc'epa ÑanDios, tolihuejcoñe”.

⁶ Jouc'a imanc' li'ipa aicolimetsajma ÑanDios. Itsiya joupa olimetsajma, Jesucristo joupa ijoc'ipolhuo'.

⁷ Iya' ninPablo quiniñ'elhuo' imanc' noñmana' jiñpe al cuecaj quíña' Roma. Imanc' ñinca ÑanDios ti'elhuo' capic'a, ijoc'impolhuo' ti'itsolhuo' ma' i'huexi. ÑanDios cañ'Ailli', y ñaPoujna Jesucristo, titoc'itsolhuo', tipaxnetsolhuo', tipac'e'etsolhuo' loñpicuejma'.

⁸ Ate'a' cax'najtsi'i ÑanDios, ññque ñainenDios. Ma ca'nujuaitsilhuo' jahuay imanc' cax'najtsi'i li'e'epolhuo' Jesucristo, imanc' joupa oñ'huaiyijmpá. Cax'najtsi'i ni petsi li'a ñamats' tuya'anni, tipalaicolhuo' imanc' loñ'huaiyijmpa.

⁹ Itine itine ca'nujuaitsilhuo' imanc'. Ma capalaic'o ÑanDios camí: “Totoc'itsola' ññe laipimaye nomana' Roma”. ÑanDios ixina' ma' al ñinca ñe laifmipolhuo'. Mañque ÑanDios aiPoujna. Jahuay laipicuejma' ca'ay lanic' lalapi'ipa. Cuya'e' Lataiqui', loya'apa ñe al c'a lixpíc'epa ÑanDios. Mañe Lataiqui' tipalajma ñi'Hua ÑanDios.

¹⁰ Ma capalaic'o ÑanDios caxahue'e, camí: “Lapi'íña' lane cahuenjntsola' lapimaye nomana' Roma. Ja'ni mouqui, ja'ni mouqui pitsu, ma lapi'íña' lane, ca'huaña'. Añtoc'íña' cacuaitsi.”

¹¹ Acueca' cajanaca caxintsolhuo', catoc'itsolhuo'. Aipic'a tolapenufle xonca loñpujñxi, ñe lalapi'iponga' cal Espíritu Santo. Tifa'e'etsolhuo' nulemma loñpicuejma'.

¹² Iya' cacua: Imanc' y iya' añ'huaiyijnyí Jesucristo. Cacuaitsi jiñpe añmajnta anuli. Añtoc'itsolñsi, añsc'ai'itsolñsi, lixpí'itoñsi calata.

¹³ Cunc'aipimaye, ti'íña' coñsina' aipic'a ca'huaña' jiñpe pe loñmana', cahuejntsolhuo'. Axpe' cacuanc'e, aimi'i. Ocuenaye quíñelolña' pe lomana' lan xanuc' a'ij judío joupa nu'ipola' Lataiqui' loya'apa ñe al c'a lixpíc'epa ÑanDios. Aitoc'ipola'. Itsiya aipic'a catoc'itsolhuo' imanc' jouc'a.

¹⁴ Iya' aixina' ÑanDios lummepa cu'itsola' Lataiqui' jahuay lan xanuc', ññiya a'ij judío. Ja'ni lun griego, ññe noxhupá acueca' o ja'ni ocuenaye lan xanuc' pe aimixhueyi; petsi acueca' quíñpicuejma', petsi a'ij cueca' quíñpicuejma', jahuay cu'itola'.

¹⁵ Toñiya, juaiconapa cajanaca ca'huaña' jiñpe Roma, cu'itsolhuo' jouc'a imanc' ñe Lataiqui'.

¹⁶ Iya' aicatay calaic'ata. Ni petsi lomana' lan xanuc' cu'itola' iŕe Lataiqui' loya'apa iŕe al c'a lixpíc'epa ÑanDios. Petsi no'huaiyijmpá Lataiqui' jahuay iŕniya tixim'me acueca' lo'epa ÑanDios, iŕque tunŕu'e'mola'. Toŕta'a iximpá ate'a lan xanuc' judío, itsiya jouc'a tixinyi lan xanuc' a'ij judío, iŕne lun griego.

¹⁷ Jiŕpe Lataiqui' aŕsinyi te ts'i'ic' iŕne petsi lapenufpola' ÑanDios, tixinnila' to ailopa'a quiŕjunac'. ÑanDios tepenufila' iŕniya no'epá linca linespa ÑanDios, iŕne pe ti'hua ti'huaiyijnyi, ma to micua al Paxi Linifingiya loya'apa, ticua:

Cal xans no'huaiyijmpa tulijta lipitine,
ÑanDios iximpa to ailopa'a quiŕjunac', tepenufi.

¹⁸ ÑanDios Nopa'a lema'a joupa aŕmuc'iponga' tixtuc'ola' lixcay xanuc', iŕne pe aimixpaic'eyi. Iŕniya jiŕpe liŕpicuejma' iŕsina' te ts'i'ic' al linca, iŕsina' naitsi iŕque ÑanDios. Tijouŕa' xonca iŕpic'a ti'eŕe lixcay. Toŕta'a tetets'iyi al linca, ti'eyoŕtsi to aiŕquilsina'.

¹⁹⁻²⁰ Iŕne lan xanuc' ti'i'ma timetsaico'me ÑanDios te ts'i'ic' li'ejma'. Fa'a li'a ŕamats' i'huáqui tipa'a ÑanDios. Maŕque timujyoxi. Toŕiya iŕniya no'epá quixcay aimi'iya minesyacu: “Aicaŕtaic' cajunac'. Aicaŕsina' naitsi ÑanDios.” Linca aimi'iya malahuelojnyacu ÑanDios. Lahuelojnyi lilanc'epa lopa'a li'a ŕamats'. Toŕta'a limetsaicoyi iŕque ma' anDios. Ma' iŕque ticuxe, aimijouya licuxejma'.

²¹ Iŕne lan xanuc' lijoupa li'ipa quiŕsina' naitsi ÑanDios aiŕquilimetsaijma anDios, aiŕquicuac'. Aiŕquils'naŕtsi'i. I'ipa muf liŕpicuejma', tihuejyi ituca' cataiqui', iŕe a'ij linca.

²² Ticuayi: “Iŕlanc' acueca' laŕpicuejma'”. A'ij linca iŕe lonespa. I'e'epoŕtsi camac'ta.

²³ Ipai'i'moŕtsi liŕpicuejma', ipo'no'me ÑanDios. Iŕque ma' anDios, iŕque ti'hua imaf'i', aimimaya. Iŕne tilanc'eyi lilendiosla', iŕna'a lo'onŕcospola' to liŕf'as xanuc' pe nomayacola'. Jouc'a tilanc'eyi lilendiosla' lo'onŕcospola' to lacaŕhui naiyulpá lema'a, jouc'a lo'onŕcospola' to linneja, jouc'a lo'onŕcospola' to laino-fat'i.

²⁴ Li'ipa toŕta'a ÑanDios enajpoxi pe lomana' iŕne lan xanuc'. Ipo'no'mola' quiŕtuca'. Ma tihuejle lojanajpa. Ti'eŕe nixpiya, tixhuicotsoŕtsi, tetets'itsoŕtsi.

²⁵ Iŕne tifel'miyoŕtsi. Aimihuejyi ÑanDios, ma' iŕque cal Nuli CanDios. Tihuejyi ocuenaye candiosla'. Texc'onŕingolaiyi pe lilanc'empa, ticuayi: “Iŕne linca alandiosla’”. Aimihuejyi iŕque Lilanc'epa jahuay. Ma' iŕque laxc'onŕingolai'me. Ocuena ailopa'a. Ni itsiya ni Locuena Quitine mi'iya. Ma toŕta'a ti'íŕa'. Amén.

²⁶ Iŕne ipo'nopá quiŕtuca' ÑanDios. Lijou'ma iŕque jouc'a enajpoxi, ipo'nopola' quiŕtuca', tenant'liŕe liŕxujc'a. Lacaŕ'no' ipai'i'moŕtsi liŕ'ejma'. Aimi'eyi to joupa lixpíc'epa ÑanDios.

²⁷ Jouc'a lan xanuc' ipai'i'moŕtsi liŕ'ejma', aimixhuicocona'me lacaŕ'no'. Juaiconapa ijanaj'moŕtsi, ixhuico'moŕtsi liŕf'as xanuc'. Pangay nixpiya i'e'me. Iŕne linca timenaquila'. Lijou'ma iteŕmi'mola' al cuana. Ixingufco'me te ts'i'ic' lateŕcoya petsi no'epá toŕta'a.

²⁸ Iŕne ixpic'epá timenc'ecoŕe ÑanDios, toŕiya eteŕquemma liŕpicuejma'. ÑanDios enajpoxi pe lomana' iŕne lan xanuc'. Ipo'nopola' quiŕtuca', ti'eŕe lixcay, ti'eŕe nixpiya.

²⁹ Liŕpicuejma' i'ipa ma le'a a'ijc'a. Tixpic'eyi ti'eŕe al xujc'a. Lan xanuc' tehueyi quilecaŕ'no', jouc'a lacaŕ'no' tehueyi quiŕxanuc'. Aimetenŕcocola' liŕ'hueca, ti'hua tehueyi xonca. Tixpic'eyi ti'eŕe lixcay. Ti'ehualeyi laic'. Tima'ahualeyi. Tifulecoyi cataiqui'. Tifellaiqueyi. Tehueyi lo'e'eñyacola' liŕf'as xanuc', ti'entsola' quixcay. Tixahualeyi.

³⁰ Tipalaicoyi quixcay cataiqui' liŕf'as xanuc'. ÑanDios tetets'ila' lo'epa iŕna'a. Titalai'e'ecoyi quixcay liŕf'as xanuc'. Ti'e'eyoŕtsi tsila'. Tipalaiyi atsila'

cataiqui'. Tehueyi te xonca co'eyacu, ti'e'le quixcay xonca. Aimecuc'eyi quif'ailli', quif'máma'.

³¹ Aiquilsina' mixhuicoyi li'picuejma'. Aimenant'liyi li'taiqui' licupa. Aimi'nujuaisyi li'pimaye. Aimixinnila' acuanuc'la.

³² Ihe ilsina' te ts'i'ic' al hijca li'xpica'epa LanDios. Ilsina' it'que tecani'e'mola' ihniya no'epá to'ta'a. Tama ilsina' aimixpaic'eyi. Ma ti'hua ti'eyi nixpiya. Jouc'a tixojma quileta ja'ni locuenaye tihuej'me lixcay lo'epa.

2

¹ Ima' conxans nomecani'epola' lof'as xanuc', linca ima' jouc'a tipa'a lojunac'. Aimi'iya mocuanajcoyacoxi. Ma macani'ela' locuenaye jouc'a ima' ma' anuli to'ay quixcay. Tocua: "Linca LanDios tite'li'mi'mola' i'he no'epá quixcay", ji'pe topalaicoyoxi ima' cotuca'.

² Joupá alsina' LanDios alijca tite'li'mi'mola' lan xanuc' no'epá it'a'a lixcay, tecani'e'mola'.

³ Ima' tacani'ela' lof'as xanuc' ma mo'ay quixcay. ¿Te cofcuapa? ¿Ja'ni tocua: "LanDios aimat'e'li'miya"?

⁴ O ¿ja'ni tatets'i LanDios mipalaic'ohuo'? It'que aimixtuc'ohuo', tixnet'it'qui it'e lo'ejma'. ¿Te aicocueca it'e li'ejma' LanDios? It'que ipic'a toxhuej'menni, aimo'econa'ma quixcay. Toliya aimixtuc'ohuo'.

⁵ Linca, ima' aicocueca. Axna lopicuejma'. Aimoxhuej'memma. Ma mi'hua tuyaf'que lof'epa quixcay, jouc'a tuyaf'que xonca lipoyac' LanDios. Ticuaitsi al Cuecaj Quitine toxim'ma acueca' lipoyac' LanDios. Imanc' no'epá quixcay to'ta'a to'lsim'me. It'que cal Cuecaj Juez ti'e'ma al hijca.

⁶ Ma to li'epa lan xanuc' ma to'ta'a ti'i'ma it'e lapi'iyacola' LanDios.

⁷ Timana' ihniya nonespá: "Tilajnla' la'picuejma', ti'it'a' to lipicuejma' LanDios. Alimetsaicotsonga' to ixanuc'. Lapenuftsonga', almajntsa anuli pu'hua, aimalmaconnonga'." Petsi to'ta'a nonespá ti'eyi al c'a, aimixospola'. LanDios tepi'i'mola' al ts'e li'pitine, it'e aimijouya.

⁸ Ituca' lapenufyacu it'he naihuej'pá quiltuca' lojanajpa, it'he aimihuej'yi al Linca Cataiqui'. LanDios tixtuc'o'mola', tite'li'mi'mola'. Acueca' lipoyac' LanDios tixim'me ihniya.

⁹ Jahuay ihniya no'epá lixcay tite'co'me acueca', acuecaj quixhuejma' tixinguf'me. Linca to'ta'a lo'enyacola' lan xanuc' judío jouc'a locuenaye xanuc'.

¹⁰ Petsi no'epá al c'a, LanDios timetsaicotola' joupá ilajmpa li'picuejma'. I'ipa to lipicuejma' LanDios. Timetsaicotola' ixanuc'. Aimixhue'coconayacu. To'ta'a linca lo'iyacola' lan xanuc' judío jouc'a locuenaye xanuc'.

¹¹ LanDios tixinnila' anuli jahuay lan xanuc'. Ja'ni ajudío, ja'ni locuenaye xanuc' LanDios tixinnila' anuli.

¹² Timana' lan xanuc' ailopa'a quij'e' loya'apa locuxepa LanDios. I'he tama aiquilsina' te loya'apa it'e al je'e, ja'ni ti'eyi quixcay LanDios tecani'e'mola'. Pe ts'itsina' it'e al je'e, ja'ni ti'eyi quixcay LanDios timi'mola': "¿Te aicolihuejcojma it'e linihiya loya'apa laifcuxe'epolhuo'?" Ihniya jouc'a tecani'e'mola'.

¹³ LanDios aimepenufyacola' it'he petsi ma le'a tiquimf'eyi Litaiqui' locuxepa. Tepenuf'mola' it'he no'epá locuxepa. I'he aimicuxecoyacola', tixim'mola' to lan c'a xanuc'.

¹⁴ Lan xanuc' pe a'ij judío, it'he petsi ailopa'a quij'e' loya'apa locuxepa LanDios, ja'ni ti'eyi locuxepa LanDios timujyo'tsi joupá ilsina' te ts'i'ic' al c'a.

¹⁵ Timujyo'tsi ilsina' te ts'i'ic' locuxepa LanDios, ji'pe li'picuejma' inilingiya. Quiltuca' ticuxeco'mo'tsi o ticuanajco'mo'tsi. I'he quiltuca' ilsina' ja'ni a'ijc'a o ac'a lo'epa.

¹⁶ Itsiya lan xanuc' temiyi lixcay lo'epa. LanDios joupa epi'ipa limane Jesucristo, ilque cal Juez. Ticuaitsi al Cuecaj Quitine ilque ti'huac'ina'ma jahuay, ti'huájta. Tołta'a tuya'e' Lataiqui' loya'apa ile al c'a lixp'ic'epa LanDios, małe lataiqui' laifmuc'iyalepa iya'.

¹⁷ Itsiya capalaic'o'mo' ima' lofcuapa: "Iya' ninjudío. LanDios lapenuf'ma. Iya' linca aixina' locuxepa LanDios. Iya' linca quihuequi cal Linca CanDios."

¹⁸ Tocua: "Aixina' lixp'ic'epa LanDios. Aixina' te ts'i'ic' al c'a xonca. Almuc'imp'a locuxepa LanDios, joupa cacuec'e.

¹⁹ Ma' iya' nipajnya caxał'mola' lan fohue, ilne pe aikuilsina'. Al'onłcospa to anuli lepalc'o', nipajnya culif'e'mola' ilniya petsi amuf liłpicuejma'.

²⁰ Nipajnya camuc'i'mola' lamac'ta xanuc'. Iya' linca nomxi. Nipajnya camuc'i'mola' la'úhuay. LanDios joupa lu'ipa te ts'i'ic' locuxepa. Tołta'a acueca' laipicuejma'. Ma' iya' aixina' al Linca Cataiqui'."

²¹ Ima' nofcuapa tołta'a, iya' quicuis'ehuo', camihuo': Ima' tomuc'ila' lof'as xanuc', ¿te ima tomuc'iyoxi cotuca'? ¿Te taihuic'i jouc'a ile lofmuc'iyalepa? Ima' toya'e', tocua: "Aimonantse'ma". Ima', ¿ja'ni tonantse'?

²² Ima' tocuxeyale, tocua: "Aimoxhuico'ma lipeno ocuena cal xans". ¿Ja'ni ima' toxhuijma lipeno ocuena cal xans? Ima' taixtuc'ola' landiosla'. ¿Ja'ni taxic'e'ela' jilpe liłxoute'?

²³ Ima' tocua: "LanDios, linca alu'iponga' locuxepa illanc' ninc'ijudío". ¿Ja'ni ima' taihuequi locuxepa LanDios? O ¿tatets'i LanDios, aimaihuequi ile Litaiqui'?

²⁴ Al Paxi Linilngiya tuya'e':

Imanc' unc'ijudío: Lan xanuc' petsi a'ij judío tixinnilhuo' ixcay lonł'epa, tołta'a aimixpaic'eyi łolanDios, tipalaicoyi quixcay.

²⁵ Ima' unjudío i'e'empo' circuncidar. Lopixic' itaic' liseña loya'apa ima' i'huexi LanDios. Ne', ja'ni ima' to'ay locuxe'epo' LanDios, ile loseña tuya'e' al linca, ima' ma' i'huexi LanDios. Ja'ni aimo'ay locuxepa LanDios, ilque tixim'mo' ma' anuli to locuenaye xanuc', ilne petsi liłp'ixic' aikuil'taic' quilseña.

²⁶ Cal xans pe ailopa'a quiseña jilpe lipixic', ja'ni ilque no'epa al c'a to locuxepa LanDios, ¿te aimimetsaicoya? Linca, tama ailopa'a quiseña LanDios timetsaico'ma.

²⁷ Petsi aikuil'taic' quiseña jilpe lipixic', ilque linca tulij'mo' ima'. Xonca ihuequi locuxepa LanDios. Ima' tixoqui meta otaic' loseña jilpe lopixic', LanDios joupa u'ipo' te ts'i'ic' locuxepa. Oxina' petsi linilngiya, tijoułta' aimaihuejma. Ilque pe aikuil'taic' quiseña tocomma tecani'e'mo' ima'.

²⁸ Lan xanuc' ja'ni ma le'a i'huáquila' ajudío ilniya a'i quixanuc' LanDios. Jouc'a tama i'empola' circuncidar, ja'ni ma le'a jilpe liłp'ixic' il'taic' quilseña, LanDios aimimetsaicola'.

²⁹ Petsi alinca ixanuc' LanDios ilniya il'taic' liłseña ma jipu'hua hilunxajma', ituca' lił'ejma'. Ilne a'i ma le'a tenant'liyi ile lataiqui' loya'apa: "Toł'e'etsolłtsi circuncidar". A'i. Jahuay hilunxajma' tihuejcoyi jahuay locuxepa LanDios. Lan xanuc' no'epá tołta'a, tama aimimetsaiconnila', LanDios timetsaicola'. Ilniya alinca ixanuc' LanDios.

3

¹ Itsiya aga altalai'e'ma, almi'ma: "Ja'ni LanDios tepenufila' ilne lan xanuc' petsi aikuil'taic' quilseña jilpe liłp'ixic', illanc' ninc'ijudío ¿te quipenic' ile lalseña? ¿Te xonca lapi'inga' LanDios?"

² Iya' camihuo': LanDios acueca' lapi'iponga' illanc' ninc'ijudío, xonca acueca' lałpaxneponga'. Ate'a ummenc'ipola' litaiqui' lałtatahueló ti'ełe cuenna.

³ Linca hualca ihniya ipai'i'mohtsi lipicuejma', aiqulihuequi. ¿Te co'iyay? ¿Te ja'ni LanDios linespa: “Ihne aiqulihuequi, iya' jouc'a capai'i'ma ite laitaiqui' laicupa”?

⁴ Ai. Tohta'a aimi'iyay mi'iyay. Tama jahuay tipai'itsohtsi lipicuejma', tifellaiquele, LanDios a'i tohta'a li'ejma'. Itque aimipai'iyay litaiqui' licupa. Tohta'a loya'apa al Paxi Linilingiya tuyay'e:

Tixinintso' ma ac'a lofcuapa.

Lan xanuc' nonespá: “A'ij hijca lo'epa LanDios”, tomuc'i'mola' ihniya a'ij hijca lo'epa, tolij'mola'.

⁵ O, ¿te ałmi'ma: “Illanc' ma ma'eyi al xujc'a, ja'ni tohta'a xonca i'húaqui ac'a li'ejma' LanDios, ¿te calixtuc'ocoyaconga' itque? ¿Te cactel'micoyaconga'? A'ijc'a lipicuejma' LanDios. Aimi'ay al hijca”?

(Laifnespa tohta'a capalay ma to anuli naihuejpa quituca' lipicuejma'.)

⁶ Ai. Tohta'a aimi'iyay małnesyacu. Ja'ni cola' a'ij hijca lo'epa LanDios cola' aimi'iyay mu'iyacola' lan xanuc' ja'ni ac'a o a'ijc'a lo'epa ihniya. Cola' aimi'iyay miteł'miyacola'.

⁷ O ima' tocuay: “Iya' laifellaiqueya ti'ay canic'. Ma cafellaique tixim'me a'ij tohta'a lipicuejma' LanDios. Tixim'me ituca' itque lipicuejma'. Itque aimifellaique, tinesqui ma' al linca. Tijoula', ¿te co'icopa aimetenłma ite laif'epa quixcay? ¿Te calacani'ecoya?”

⁸ Ja'ni tohta'a lałnespa najmay jouc'a ałnesle: “Ał'ete nixpiya, tohta'a tipammaispa al c'a”. Linca hualca ałnesconga' ticuayi: “Pablo y liłejmale tole tole lonespa”. Ai tohta'a lałcuapa. Pe lałnescoponga' tohta'a ite quituca' tecani'eyohtsi.

⁹ Itsiya, ¿te co'iyay? ¿Te illanc' ninc'ijudío LanDios xonca limetsaiconga' to ninc'ic'a xanuc'? Ai. Joupay ałcuapá: Ja'ni ninc'ijudío, ja'ni a'ij judío, jahuay ma' anuli ał'epá quixcay. Aimi'iyay malunł'eyacohtsi.

¹⁰ Tohta'a ticuay al Paxi Linilingiya loya'apa: ¿Te tipa'a anuli cal xans ałijca lipicuejma'?

Ai, ailopa'a ni' anuli.

¹¹ Ma' anuli aimicuec'eyi, ma' anuli aimehueyi LanDios.

¹² Jahuay enajpohtsi, aimihuejyi LanDios, ma' anuli ejac'pola'.

Ma' anuli ailopa'a cal c'a quipicuejma'.

¹³ Liłco ti'onłcospa to liłpu'hua camizhua lexiya, jilpe tipamma ma le'a al xujc'a. Tohta'a liłtaiqui' lopalaipa ihniya.

Liłpał tinescoyi lixcay liłf'as xanuc', tifellaiqueyi.

Małpe liłco tocomma to emiya lipummaya laınofał.

¹⁴ Juaiconapa cumla liłtaiqui' lopalaipa, ticuajyi liłf'as xanuc', tecanitsola'.

¹⁵ Aimixnet'lyi, tixtuc'oyi liłf'as xanuc', itpic'a tima'ahualele.

¹⁶ Ni petsi lotseyacu titeł'miyi liłf'as xanuc', tipo'noyi cuanuc'la, ti'onłcospola' to lecaniya.

¹⁷ Ihne ma le'a tixtuleyi, tifuleyi, aiqulısina' ocuena cane, ite al c'a.

¹⁸ Aimixpaic'eyi LanDios ni tohta'a.

¹⁹ Tohta'a loya'apa litaiqui' LanDios inilingiya al je'e pe liniliya locuxepa LanDios. Joupay ałsina' naitsi ite lopalaicopola' LanDios, jilpe al je'e. Tipalaicola' ma ihniya pe lepi'ipola' ita'a quiłje'e. (Cacua: Illanc' ninc'ijudío ałpalaiconga'.)

Ailopa'a notalai'e'eya LanDios. Aimi'iyay micuanajcoyacohtsi, ni' anuli. Aimi'iyay małcuajcoyacohtsi illanc' ninc'ijudío, jouc'a aimi'iyay micuanajcoyacohtsi imanc' unc'ocuenayay xanuc'. Jahuay nałmana' jifa'a li'a laımats' tipa'a lałjunac'.

²⁰ Aimi'iya mañesyacu: “Nenant'hipa locuxepa ÆanDios. Iñque ałsim'ma ninc'a xans, lapenuf'ma.” A'i. Ailopa'a nonesya tołta'a. Iñe lataiqui' loya'apa locuxepa ÆanDios ałmuc'inga' te ts'i'ic' al c'a lał'eyacu. Limetsaicołe tołta'a te ts'i'ic' lał'epa, iñe aimi'onłspa to loya'apa locuxepa ÆanDios.

²¹ Itsiya, ja'ni aimi'iya malanant'hiyacu locuxepa ÆanDios, ¿te co'iya? Ja'ni lapenufłsonga' ÆanDios to ailopa'a caljunac', ¿te cal'eyacu? Iñe lał'eyacu joupa uya'apa lataiqui' loya'apa locuxepa ÆanDios. Jouc'a uya'a'me lam profeta. Itsiya ÆanDios joupa imujpa xonca al cuajmaica cataiqui'.

²² Pesti no'huaiyijmpá Jesucristo iñiya liximpola' ÆanDios to ailopa'a quijunac', tepenufla' jahuay iñiya. Ja'ni ajudío, ja'ni a'ij judío, ma' anuli tucuicomma ti'huaiyijnle Jesucristo.

²³ Jahuay ał'epá quixcay. Ailopa'a cal xans le'a ac'a lipicuejma'. Lałpicuejma' aimi'onłspa to lipicuejma' ÆanDios, iñque pangay ac'a lipicuejma'. Jahuay illanc' lahue'enga'. Tołiya cacua: Tucuicomma jahuay ma' anuli ał'huaiyijnle Jesucristo.

²⁴ Illanc' cattuca' ailopa'a cal'eyacu. Aimi'iya malunł'eyacołtsi, coła' lani'e'monga' ÆanDios. Małque ÆanDios acueca' ałtoc'iponga' jahuay illanc' nał'huaiyijmpá Jesucristo. Lapenufłponga' to ailopa'a caljunac', lunł'eponga'.

²⁵ Iñque Jesucristo ma ÆanDios ummepa li'a lamats' titsufoxoxi. Ixcuajaipa lijuats' tipac'ela' lipoyac' ÆanDios. Tołta'a iñe no'huaiyijnycu Jesucristo ÆanDios tixim'mola liłejmale. Iñe litine lixcuajaipa Cristo lijuats' ÆanDios imuj'ma titeł'mi'mola' no'epá al xujc'a. Luyaipa quitine ÆanDios ixnet'ł'mola' lan xanuc' no'epá lixcay. Jiłpe lancruz i'epa al hijca, iñic'mipa lajunac'. Jahuay liłjunac' lan xanuc' i'najtsepa Cristo.

²⁶ Iya' cacua: Iñe li'ipa jiłpe lancruz ałmuc'inga' ahijca lo'epa ÆanDios. Iñque imuj'moxi to cal Juez nanaic'mipola' no'epá lixcay. Jouc'a imuj'moxi tepenuf'mola' jahuay no'huaiyijmpá Jesucristo. Tepenufla' to ailopa'a quijunac'. Cristo joupa i'najtsepa.

²⁷ Itsiya, ¿te co'iya? ¿Te ja'ni xonca ałsinyołtsi ninc'ic'a xanuc'? A'i. Aimi'iya. ¿Te ja'ni ate'a ał'epá al c'a, lijou'ma ÆanDios lapenufłponga'? A'i. Ma le'a ał'huaiyijmpá Jesucristo, tołta'a lapenufłnga' ÆanDios.

²⁸ Itsiya ałsina' te ts'i'ic' lo'epa ÆanDios. Iñque aimepenufyacola' lan xanuc' pe nanant'hipá locuxepa. Lan xanuc' aimi'iya menant'hiyacu. Tepenuf'mola' peti no'huaiyijmpá Jesucristo.

²⁹ O ¿ja'ni ÆanDios ma le'a ilenDios lan judío? Iñe iłsina' te ts'i'ic' locuxepa. ¿Ja'ni a'i quilenDios locuenaye lan xanuc'? Iñe aiquiłsina' te ts'i'ic' iñe lataiqui'. Alinca, ÆanDios ilenDios locuenaye xanuc' jouc'a.

³⁰ Tipa'a ma le'a anuli ÆanDios. Lan judío, iñe iłtaic' liłseña jiłpe liłpoxic', ja'ni ti'huaiyijnle Jesucristo, ÆanDios tepenuf'mola'. Ma' anuli locuenaye lan xanuc' pe ailopa'a quilseña, iñe ja'ni ti'huaiyijnle Jesucristo, ÆanDios tepenuf'mola' jouc'a.

³¹ Lałcuapa tołta'a, ¿ja'ni latets'iyi locuxepa ÆanDios? A'i. Aimi'iya malatets'iyacu iñe lataiqui'. Iñe itaiqui' ÆanDios. Illanc' mał'huaiyijnycu Jesucristo xonca alimetsaicoyi ac'a locuxepa ÆanDios, xonca lanant'hiyi.

4

¹⁻³ ¿Te qui'ipa lałtatahuelo Abraham? ¿Te quicuec'epa? ¿Te iñque quituca' i'epa al c'a, lijou'ma ÆanDios epenufpa to ailopa'a quijunac'? Ja'ni coła' tołta'a li'ipa Abraham, iñque tines'ma: “Iya' joupa ai'epa al c'a, tołiya lapenuf'ma ÆanDios, ałsim'ma to ailopa'a caijunac'”. ÆanDios ixina' Abraham aimi'iya minescoyacoxi tołta'a. Al Paxi Linilngiya ¿te aga tuya'e': “ÆanDios iximpa ac'a

li'epa Abraham, toliya epenuf'ma to ailopa'a quijunac'”? A'i. Aimuya'e to'ta'a. Ma tuya'e: “Abraham i'huaiyijmpa LanDios, to'ta'a LanDios iximpa to ailopa'a quijunac', epenuf'ma”.

⁴ Cal xans no'epa canic' tulij'ma lo'najtse'enyacu. Ja'ni ailopa'a qui'epa aiqitaiyinc'enni. Ja'ni ilpic'a titoc'ile, ti'najtse'ente, ti'najtse'e'me. Ja'ni a'i ailopa'a tintsi.

⁵ To'ta'a lo'iya cal xans nocuapa: “Tama ca'ela' acueca' canic' aimi'iya canant'hiya locuxepa LanDios. ¿Te caif'eya? Le'a ca'huaiyijm'ma LanDios.” Lan xanuc' nocuapá to'ta'a, ilne no'huaiyijmpá, LanDios titoc'ila', tepenufila' to ailopa'a quijunac'.

⁶ Ma to'ta'a lonespa cal rey David mipalaijma al c'a loyaicopa cal xans petsi LanDios titoc'i, tepenufi to ailopa'a quijunac'.

⁷ Ticua:
Tuyalaicoyi al c'a ilne petsi LanDios ilonc'e'epola' liljunac',
petsi letamu'epola' li'epa lixcay.

⁸ Ac'a loyaicopa cal xans petsi LanDios aimicuxecoya, aimimiya: “To'e, to'e lixcay lo'epa”.

⁹ Ninc'ixanuc' judío, illanc' altaic' la'seña jilpe la'poxic', ¿te ja'ni ma le'a illanc' to'ta'a luyalaicoyi al c'a? ¿Te aimi'iya muyalaicoyacu al c'a locuenaye xanuc' jouc'a? To'nujuaisle te ts'i'ic' li'ipa Abraham. Joupa a'nespá: “Abraham i'huaiyijmpa LanDios, to'ta'a LanDios iximpa to ailopa'a quijunac', epenuf'ma”.

¹⁰ Litine LanDios lepenufpa Abraham, ¿te ts'i'ic' ilque? ¿Ja'ni itaic' liseña jilpe lipoxic'? O, ¿aiquitaic'? Litine LanDios lepenufpa Abraham ilque aiquitaic' liseña. Aiquetec'enni lipoxic'.

¹¹ Ate'a i'huaiyijmpa LanDios, lijou'ma LanDios icuxe'e'ma, timi: “To'exoxi circuncidar”. Ilque letec'e'em'me lipoxic' imuj'moxi ti'huaiyinge LanDios. Ilque joupa epenufpa Abraham to ailopa'a quijunac'. To'ta'a LanDios imetsaico'ma Abraham to il'ailli' lan xanuc' no'huaiyijmpá, tama aiqultaic' qu'ilseña jilpe lipoxic'. Ja'ni ti'huaiyijnyi to li'huaiyijmpa Abraham, LanDios timetsaicoyi inaxque' Abraham, tepenufila' to ailopa'a quijunac'.

¹² Jouc'a ilniya lo'empola' circuncidar ti'i'ma ti'itsola' inaxque' Abraham. Ilque ai'a ti'e'moxi circuncidar i'huaiyijmpa LanDios. Ja'ni ti'huaiyijnyi ma LanDios, ja'ni a'i mi'huaiyijm'me li'epo'tsi circuncidar, ilniya jouc'a inaxque' la'tatahuelo Abraham.

¹³ ¿Te ja'ni LanDios joupa iximpa Abraham lenant'hipa locuxe'epa? ¿Te toliya limipa te ts'i'ic' loyalaicoyacu ilniya, ilque y lixanuc'? A'i. Abraham le'a i'huaiyijmpa LanDios, i'epa linca limipa. To'ta'a LanDios epenuf'ma to ailopa'a quijunac', u'ipa: “Ima' ti'i'mo' to qui'l'ailli' ilne nocuxeyaleyacu fa'a li'a lamats'. To'ta'a ton'l'e'me imanc', ima' y loxanuc'.”

¹⁴ ¿Naitsi ilne nocuxeyaleyacu jifa'a li'a lamats'? ¿Te ja'ni LanDios tipalaicola' naihuejpá lataiqui' loya'apa locuxepa? A'i. Ja'ni LanDios tipalaicola' ilniya, Abraham co'la' ailopa'a colijya tama i'huaiyijmpa LanDios. Litaiqui' LanDios lepi'ipa Abraham co'la' aimentant'hiya, co'la' ilniya infel'miyale lataiqui'.

¹⁵ Linca aimi'iya malnesyacu: “Lanant'hi'me locuxepa LanDios. To'ta'a lapi'i'monga' ma to limipa Abraham.” Ja'ni to'ta'a la'nesyacu ailopa'a calapi'iyaconga'. Litaiqui' locuxepa LanDios a'lmuc'inga' a'ijc'a la'epa, tipa'a la'junac'. Ja'ni ailopa'a ilne Lataiqui' LanDios aimi'iya malcuxecoyaconga'.

¹⁶ Cagua: LanDios icupa cataiqui' tipaxne'mola' ilne no'huaiyijmpá. A'i quicuac': “Ilniya i'epá al c'a ca'najtse'e'mola”. Ma ticua: “Ilniya a'l'huaiyijmpa, catoc'i'mola”. To'ta'a jahuay lixanuc' Abraham ti'i'ma tepenuf'me ilne lopaxneyacola'. A'i ma le'a ilne petsi lepi'ipola' lataiqui' loya'apa te ts'i'ic' licuxepa LanDios, jouc'a tepenuf'me locuenaye xanuc' ja'ni ti'huaiyijnyi

ŁanDios to li'huaiyijmpa Abraham. Małque Abraham ał'ailli' jahuay illanc' nał'huaiyijmpá ŁanDios.

¹⁷ Tołta'a loya'apa al Paxi Linilingiya, tuya'e':

Ima', axpela' lan xanuc' timetsaico'mo' il'ailli', il'ahuelo;
iħne ituca' ituca' liħnación.

He litine tama quituca' Abraham, ailopa'a qui'hua, ŁanDios liximpa il'ailli' axpela' lan xanuc'. Ľinca ŁanDios ti'i'ma timaf'i'ina'mola' limanapola'. Ľħque tipalaicola' lan xanuc' ai'a timajnlita, tinescola' to jipu'hua timana'. Ma tołta'a li'ejma' ŁanDios li'huaiyijmpa Abraham.

¹⁸ Litine ŁanDios lipvalaic'opa, Abraham tixinyoxi aimi'iya muyaicoya to limipa ŁanDios. Tama tołta'a lixina' ma' i'huaiyijmpa ŁanDios, ticua: "Ma ca'huaico'ma. ŁanDios nipajnya ti'e'ma to lałmipa." Tołta'a li'ipa. Ixpe'mola' lixanuc' Abraham, ma to limipa ŁanDios. I'ipola' axpela' lixanuc' Abraham, ituca' ituca' liħnación; iħque il'ailli'.

¹⁹ Abraham imetsaicoyoxi te ts'i'ic'. Ľħque joupa ixhuaita to amaxnu Ľemats'. Ti'onłcospa to cal xans joupa imapa. Jouc'a imetsaijma Sara te ts'i'ic'. Ľħque Ľipeno ijuiqui caca'no'. Tama ixina' jahuay ilta'a Abraham ti'hua ti'huaiyinge ŁanDios.

²⁰ Aiquinesqui: "Aga a'ij Ľinca ŁanDios lałmipa. Aica'huaiyijnconaya." Xonca ti'huaiyinge ŁanDios. Imetsaicopa acueca'.

²¹ Ixina' ałinca ŁanDios nipajnya ti'e'ma to limipa. Tołta'a ti'hua ti'huaiyinge.

²² ŁanDios liximpa li'huaiyijmpa epenuf'ma to ailopa'a quijunac'.

²³ He lataiqui': "ŁanDios epenuf'ma to ailopa'a quijunac'", tipalaicola' axpela', a'i ma le'a Abraham.

²⁴ Ałpalaiconga' jouc'a illanc' nał'huaiyijmpá ŁanDios. Illanc' ałcuayi: "Ałinca ŁanDios imaf'i'inapa lałPoujna Jesús, ipa'anapa pe lomana' lamizhua". Ja'ni tołta'a ał'huaiyijnyi ŁanDios, iħque lapenufinga' jouc'a. Ałsinninga' to ailopa'a całjunac'.

²⁵ Illanc' Ľinca aical'aic' locuxepa ŁanDios. ŁanDios icupa lałPoujna Jesús tima'anłe, ti'najtse'ma lałjunac'. Jesús lijoupa li'najtsepa, imapa, ŁanDios imaf'i'inapa. Tołiya ŁanDios ti'i'ma lapenuf'monga' illanc', lapenuf'monga' to ailopa'a całjunac'.

5

¹ Itsiya ał'huaiyijnyi Jesucristo, iħque lałPoujna. Tołta'a ŁanDios lapenufinga' to ailopa'a całjunac', aimalixtuc'oconayaconga'.

² Ma' iħque Jesús i'najtsepa lałjunac'. Tołiya ŁanDios ałtoc'inga', lapenufinga', aimalacani'eyaconga'. Tixoqui calata ałcuayi: "Ałħaitsufcotonga' jipu'hua, ałpai'itonga', ał'itonga' pangay c'a lałpicuejma', ma to ŁanDios lipicuejma'".

³ A'i ma le'a tixoqui calata ał'huaicoyi ałħaitsufcotonga' jipu'hua, ma małmana' fa'a li'a Ľamats' ja'ni ałtełcoyi ałs'najtsi'iyi ŁanDios, ałcuayi: "Ac'a luyalaicoyi". Ałsinyi ma małtełcoyi lihuic'i'me ałsnet'ł'me.

⁴ Ja'ni ałsnet'ł'yi tetenłcocojma ŁanDios iħe lał'ejma'. Ja'ni ałsina' joupa etenłcocopa ŁanDios iħe lał'ejma' xonca ał'huaiyijm'me ŁanDios, ałcua'me: "Łinca ałħaitsufcotonga' jipu'hua".

⁵ Ałinca ti'i'ma ał'huaiyijm'me tołta'a. ŁanDios aimalfel'miyaconga', ałħaitsufcotonga'. Ľħque joupa ałmuc'iponga' ał'enga' capic'a. Tołta'a lu'inga' jilpe lałunxajma' cal Espíritu Santo lałapi'iponga' ŁanDios.

⁶ Illanc' aicalihuejma ŁanDios. Litine lixpicepa ŁanDios tima'anłe Cristo, ti'najtsela' iħe lałjunac', ma tołta'a li'ipa. Cristo aical'huaiconga' malunłu'eyacołtsi illanc' całtuca'. Ľħque ixina' aimi'iya malunłu'eyacołtsi.

⁷ Ja'ni lunhu'e'me anuli laf'as xans, itque ahijca lipicuejma', ¿te alcu'me lałpitine lunhu'ele itquiya? Linca tama juaiconapa ac'a lipicuejma' laf'as xans, afule małcuyacu lałpitine.

⁸ LanDios ituca' li'ejma', aimal'onliyaconga' to illanc'. Illanc' ma mał'eyi quixcay Cristo icupoxi tima'anle, i'najtsepa lałjunac'. Tołta'a LanDios al muc'inga' alinca al'enga' capic'a.

⁹ Jiłpe lancruz, lixcuajaiyopa lijuats' Cristo i'najtsepa lałjunac'. Tołta'a LanDios lapenufinga' to ailopa'a całjunac'. Tijoula', ¿te co'iya? ¿Te lapi'icona'monga' lałjunac' anuli locuenaye no'epá quixcay, itne petsi aimi'huaiyijnyi Jesucristo? A'i. Lunhu'e'monga' nulemma.

¹⁰ Illanc' alfuli'ipá LanDios, itque jouc'a alfuli'iponga'. Mi'i tołta'a li'Hua icupoxi tima'anle, al'etsonga' alejmalele LanDios. Itsiya ma tołta'a i'ipa, illanc' alejmale LanDios. Tijoula', ¿te co'iya? ¿Te aimalunhu'eyaconga'? Cristo joupa imaf'inapa, joupa lapi'iponga' al ts'e lałpitine, linca lunhu'e'monga'.

¹¹ A'i ma le'a al'huaicoyi Locuenaj Quitine lunhu'etsonga'. Ma' itsiya tixoqui calata al'huaiyijnyi LanDios. LałPoujna Jesucristo joupa ipac'epa lipoyac', ma' itsiya alejmale anuli.

¹² Al xujc'a lopa'a li'a lamats' icuai'e'ma fa'a anuli cal xans. Icuaiti al xujc'a ipango'ma i'i'ma lamaya. Jahuay lan xanuc' i'e'me al xujc'a, tołta'a jahuay tixinyi lamaya.

¹³ Linca, ihniya litiné LanDios tama iximpola' lixcay lo'epa lan xanuc' aimicuxecola'. Aimi'iya. Ihniya litiné aicu'ila' litaiqui' locuxe'epola' lo'eyacu. Tołta'a aimi'iya micuxecoyacola' petsi aimentant'hiyi.

¹⁴ Litiné ai'a tepenuf'ma Moisés litaiqui' locuxepa LanDios, jahuay itne litiné ti'hua lamaya. Ti'hua limane titeł'mi'mola' lan xanuc'. Tołta'a li'ipola', tama lixcay li'epa a'ij nuli to li'epa Adán, itque aiquihuejma lixc'ai'ipa LanDios. Li'epa Adán acueca' li'e'epola' lan xanuc'. Tołta'a itque Adán ti'onłcospa to locuena cal xans locuaicoya. Itque acueca' al c'a lo'e'eyacola'.

¹⁵ Linca, tama acueca' a'ijc'a li'epa Adán aimi'iya mi'onliyacu ite lałpaxneponga' LanDios. Li'ipa, anuli cal xans, itque Adán, aiquihuejma LanDios. Tołta'a acueca' li'ipola' lan xanuc'. Axpela' timanala'. Lijou'ma xonca acueca' ite al c'a li'epa LanDios. Itque ixpic'epa tipaxnetsola' lanxpela'. Ma' anuli lixpic'epa Jesucristo. Tołta'a itque altoci'iponga' ninc'xpela'.

¹⁶ Iya' cacua: Lałpaxneponga' LanDios tipammaispa al c'a juaiconapa. Lixcay li'epa Adán ipammaitsi jouc'a, ite a'ijc'a. Tołta'a aimi'onłspola'. Adán anulemma aiquihuejma LanDios. Lijou'ma LanDios imetsaico'ma a'ijc'a li'epa Adán, ecani'epa, jouc'a ecani'epola' jahuay lan xanuc'. Illanc' axpe' aicalihuejma LanDios, itque aicalacani'enga', lapenufinga' to ailopa'a całjunac'.

¹⁷ Li'ipa, anuli cal xans i'epa lixcay, lijou'ma epi'impa quimane lamaya, i'huajco'mola' jahuay. Itsiya acueca' juaiconapa altoc'iponga' LanDios, al'eponga' al cueca' al c'a, lapenufponga'. Tijoula', ¿te cał'iyaconga'? ¿Te ja'ni lamaya lulij'monga' jouc'a? A'i. Aimalulijyaconga' lamaya. Locuena cal xans, itque Jesucristo, joupa lapi'iponga' al ts'e lałpitine.

¹⁸ Anulemma ne'a Adán aiquihuejma lixc'ai'ipa LanDios, lijou'ma lan xanuc', jahuay ihniya, ecanipola'. Locuena cal xans ixhuai'nipa nulemma locuxepa LanDios, tołta'a jahuay nipajnya tepi'im'mola' al ts'e liłpitine. LanDios nipajnya tepenuf'mola' to ailopa'a quiłjunac'.

¹⁹ Anuli cal xans aiquihuejma litaiqui' lixc'ai'ipa LanDios, lijou'ma i'ipa ixcay liłpicuejma' axpela' lan xanuc'. Locuena cal xans ihuejcopa jahuay licuxe'epa LanDios, toliya axpela' ti'i'mola' ac'a xanuc'.

²⁰ Ma mi'eyi lixcay lan xanuc' ÑanDios u'ipa Moisés te ts'i'ic' litaiqui' locuxepa. Tołta'a ti'ele xonca al cueca', xonca tihuejle lixcay. Lijou'ma petsi lan xanuc' xonca aimihuejcoyi, xonca itoc'i'mola' ÑanDios, xonca acueca' al c'a li'epola' itque.

²¹ Totiya tama lixcay ti'hua tuliquila' lan xanuc', timala' joupa ecanipola', xonca acueca' altoc'inga' ÑanDios. Jesucristo, itque pangay ac'a li'epa, pangay ac'a lipicuejma', lapi'inga' lałpitine aimijouya. Tołta'a aimalulijyaconga' nulemma lamaya.

6

¹ Itsiya, ¿te cañesyacu? ¿Te aga añes'me: “ÑanDios altoc'iponga', joupa lapenufponga'. Najmay ti'hua al'ete lixcay. Tołta'a ti'hua altoc'iconatsonga', ti'ila' xonca acueca' lałtoc'iyaconga'”?

² A'i. Tołe aimi'iya mañesyacu. Li'ipa, ma ma'eyi lixcay, ¿te lulijyi lałpitine o a'i? Lał'epa lixcay ma lacani'eponga'. ¿Ja'ni ma' anuli al'econa'me? A'i. Aimi'iya.

³ Illanc' nał'huaiyijmpá, ja'ni joupa lapo'imponga' joupa al'epołtsi anuli Cristo, itque limayopa jilpe lancruz. O ¿ja'ni aicołsina' te ts'i'ic' ile li'ipolhuo'?

⁴ Limapa Cristo emumpa. Jilpiya laja' tocomma lamumponga' jouc'a, ałmaponga'. Ite lał'iponga' ti'onłcospa to li'ipa Cristo. Itque lijoupa limapa imaf'i'ina' qui'Ailli', itque cal Cuecaj CanDios. Illanc' jouc'a lapi'iponga' al ts'e lałpitine, ti'ila' ituca' lał'ejma'.

⁵ Ja'ni ałınca ałmaponga' anuli Cristo, anuli mipa'a lałpitine. Cristo aimijouya lipitine. Illanc' lałpitine jouc'a aimijouya, ite al ts'e lałpitine lalapi'iponga' ÑanDios.

⁶ Joupa ałsina' te ts'i'ic' lał'iponga'. Li'ipa, lihuejyi całtuca' lałpicuejma'. Ma to małmana' ihniya łitiné, małtaiyi lałjunac', lapalts'ingimponga' anuli Cristo jilpe lancruz. Tołta'a aimi'iya małcuxeconyaconga', aimalminyaconga': “Tołe, tołe lo'epa lixcay, tecani'em'mo”.

⁷ Anuli łimanapa aimicufquinyacu li'epa lixcay. Aimi'iya.

⁸ Ja'ni ałcuayi: “Ne', ałmaponga' anuli Cristo”, jouc'a añes'me: “Łınca ałmaf'i'inaponga' anuli Cristo”. Cristo joupa imaf'inapa, aimimaconaya. Illanc' jouc'a tipa'a al ts'e lałpitine, ite aimijouya. Lamaya ałlopa'a cał'e'econayaconga'.

⁹ Cristo lijoupa limapa, imaf'inapa, ipayonamma pe lomana' lamizhua. Aimimaconaya. Lamaya aimulijya. Ałlopa'a co'e'econaya. Tołta'a ałsina'.

¹⁰ Cristo limapa jilpe lancruz al'najcufponga' lałjunac'. Tołta'a ÑanDios ecani'epa. Aimi'e'econaya tołta'a. Itsiya ma' imaf'i'. Małque ÑanDios imaf'i'ina'ma.

¹¹ Imanc' jouc'a tolimetsaicotsołtsi to joupa ima'ampolhuo' ma' anuli Cristo. Ite loł'epa lixcay ecani'epolhuo'. Jouc'a tolimetsaicotsołtsi ołmaf'i' ma' anuli Jesucristo. Toł'nujuaisle lepi'ipolhuo' al ts'e lołpitine ÑanDios.

¹² Itsiya lołcuerpo aimicuxecona'molhuo'. Ite łınca tijanaca tixa'huelhuo' toł'ete nixpiya. Toł'nujuaisle, ite lołcuerpo aimijucuya, ti'hua tijaf'quinghua.

¹³ Toł'etsotłtsi cuenna. Aimolapi'i'me lane lołmane', loł'mitsi', loł'u', jahuay lopa'a lołcuerpo, aimi'e'me nixpiya. Tołnesle: “Lai'epa lixcay joupa lacani'epa. ÑanDios ałmaf'i'inapa. Itsiya cacu'moxi ÑanDios, cami'ma: ManDios, ma' ima' ałcuxe'ma. Ite laimane', lai'mitsi', lai'u', jahuay laicuerpo, toxhuico'ma ima'. Tołta'a canant'li'ma lotaiqui' lołcuxepa.”

¹⁴ Iya' camilhuo': Aimulijyacolhuo' lixcay. Litaiqui' locuxepa ÑanDios aimi'iya micuxecoyacolhuo'. ÑanDios joupa itoc'ipolhuo', joupa epenufpolhuo'.

15 Itsiya, ¿te co'iyá? Illanc' joupá ałsina' aimi'iyá malanant'hiyacu locuxepa ŁanDios. Ałsina' aimi'iyá malunhu'eyacołtsi illanc' całtuca'. Tijoułá, ¿te całnescoyacu? ¿Ja'ni ałnes'me: "Ma ŁanDios ałtoc'ipa, iłque lunhu'e'ma. Itsiya ailopa'a tintsí. Ca'e'ma nixpiya"? A'i. Aimi'iyá małnesyacu tołta'a.

16 Jifa'a li'a łamats' ja'ni tolahuełe cołpoujna, ¿te aicołsina' lo'iyacolhuo'? Tijoułá' ti'ila' ołpoujna iłque ticuxe'molhuo'. Imanc' tolıhuejco'me to quimozó. Ja'ni lixcay ołpoujna tolıhuej'me locuxe'epolhuo', tijoułá' tecani'em'molhuo'. Ja'ni ŁanDios ołpoujna, tolıhuej'me iłque. Iłque tilanc'e'e'molhuo' lołpicuejma', tepenuf'molhuo'.

17 Li'ipa, imanc' tolıhuejyi lixcay. Cax'najtsi'i ŁanDios joupá ołpai'ipołtsi lołpicuejma'. Joupá olapenufpa Lataiqui' limuc'impolhuo', jahuay łolunxajma' tolıhuejyi.

18 Itsiya joupá i'ipa ocuena łołpoujna. Lixcay aimi'iyá micuxeconayacolhuo'. Itsiya al łijca cataiqui' ticuxelhuo'.

19 Iya' mane ca'onlıcojma cataiqui'. Aixina' ja'ni ti'ila' xonca ipime cataiqui' imanc' aimi'iyá mołhuałyacu. Camilhuo': Luyaipa quitine ołcu'mołtsi. I'ipa ołpoujna lixcay, aimolihuejyi locuxepa ŁanDios, nixpiya tonł'eyi. Itsiya aimoł'econa'me iłe li'ipa loł'epa. Itsiya tołcutsołtsi. Tołmıłe ŁanDios: "Fa'a tipa'a laicuerpo jahuay h'huexi. Mane ca'e'ma al c'a. Ałcuxela' al łijca cataiqui', quihuejco'ma."

20 Li'ipa, imanc' tołcuayi: "Illanc' lihuejcoyi całtuca' lałpicuejma'". Iłniya łitine łınca tonł'eyi nixpiya. Aimonł'eyi al c'a to locuxepa ŁanDios. Iłe łitaiqui' ŁanDios tocomma to aimicuxelhuo' imanc'.

21 Itsiya tołsinyi alaic'ata iłe lonł'epa. Iłe lixcay lonł'epa, ¿ja'ni i'e'epolhuo' al c'a? A'i. Iłne petsi no'epá tołta'a ma le'a tecani'eyołtsi.

22 Camiconá'molhuo': Itsiya joupá i'ipa ocuena łołpoujna. Aimolihuejcoyi lixcay. Itsiya ma ŁanDios ołpoujna. Ti'hua ti'i'molhuo' pangay c'a lołpicuejma'. ŁanDios tilaitsufcotołhuo' jıłpiya aimijouya lołpitine.

23 Łınca lixcay ti'najtsela' ts'ılıhuequi. Petsi naihuejpa tecani'em'mola'. A'i tołta'a lalulijyaconga' ja'ni ŁanDios ałpoujna. Iłque ma' ałtoc'inga' illanc' nał'huaiyijmpá Jesucristo lałpoujna. Lapi'inga' al ts'e lałpitine, iłe łitine aimijouya.

7

1 Cunc'aipimaye, lataiqui' loya'apa locuxepa ŁanDios aimi'iyá małcuxecoyaconga'. Imanc' joupá ołsina' te ts'i'ic' lał'iponga' ninc'ixanuc' ma małmana' fa'a li'a łamats'. Ma całmaf'i' tipa'a lataiqui' lałcuxeponga'. Ja'ni joupá ałmanaponga' iłe lataiqui' aimi'iyá małcuxecoyaconga'.

2 Tołta'a lo'ipola' lacał'no' iłniya namallipá. Ma quimaf'i' łipe'aıllı' łaca'no' aimi'iyá mıhuejya ocuenaj xans. Ja'ni timanłta' cal xans, tuhuałquenno łaca'no'.

3 Ma quimaf'i' łipe'aıllı', ja'ni łipeno tihuejla' ocuenaj xans, iłque łaca'no' tecani'em'me, tinescom'me ixcay li'epa. Tołta'a loya'apa lataiqui' lałcuxeponga'. Łınca ja'ni joupá imanapa łipe'aıllı', łaca'no' nıpałnya tihuej'ma ocuenaj xans. Ailopa'a conescoyacu.

4 Cunc'aipimaye, iłe łitine lima'ampa Cristo, lepałts'ingımpa licuerpo jıłpe lancruz imanc', ja'ni i'ıpolhuo' anulı iłque, jouc'a ima'ampolhuo'. Tołta'a tama tolıhuejle al ts'e cataiqui', aimi'iyá micuxecoyacolhuo' lataiqui' locuxepa ŁanDios. Tonlıhuejyi Cristo, iłque joupá imaf'ınapa. Małque ołpoujna o ti'onłcospa to cołpe'Aıllı'. Ma monlıhuejyi iłque tipammaıspa lołpitine, tonł'e'me latentłocopa ŁanDios.

⁵ Iñiya litiné ai'a lapenuf'me al ts'e lałpitine, aiqui'ic' calihuequi locuxepa ÑanDios. Mał'nujuaisyi loya'apa ile lataiqui', ałspic'eyi ał'ete nixpiya. Tołta'a lacani'eyołtsi.

⁶ Iñiya litiné coła' ti'i'ma ałcuxecom'monga', aicalanant'hi locuxepa ÑanDios. Itsiya aimi'iya małcuxeconyaconga'. Tocomma to joupa ałmanaponga'. Itsiya tipa'a al ts'e lałpitine. Tołta'a ti'i'ma lihuejco'me ÑanDios lałPoujna. Li'ipa ituca' lał'ejma', ałcuayi: "Iya' caituca' quihuejco'ma ile lataiqui' locuxepa ÑanDios". Itsiya ałsina', ja'ni całtuca' aimi'iya.

⁷ Itsiya, ¿te całnesyacu? ¿Ja'ni ixçay cataiqui' ile locuxepa ÑanDios? A'i. Aimi'iya małnesyacu tołta'a. Al cołta aicainimetsaijma lixçay laif'epa. Tołta'a ałmuc'ipa lataiqui' loya'apa locuxepa ÑanDios. Ile lataiqui' ticua: "Aimojanaj'ma hi'hueca loł'as xans". Ja'ni coła' aicaixina' ile lataiqui', coła' aimi'iya quimetsaicoya a'ijc'a laif'epa ma cajanaca.

⁸ Laicuejpa ile lataiqui', linca aiximpa ixçay laif'epa ma cajanaca. Lijou'ma lixçay lopa'a laipicuejma' xonca tijanaca. Xonca aipic'a coła' ca'huejla' hi'hueca laif'as xans. Ja'ni coła' ailopa'a ile lataiqui' lałcuxeponga' ile lixçay coła' aiquicueya quimane, aimi'iya malacani'eyaconga'.

⁹ Iñiya litiné ma aicaicueca locuxepa ÑanDios tixoqui neta cuyaijma lapajnya. Icuaiti litine laicuej'ma nulemma ile lataiqui' loya'apa: "Aimojanaj'ma hi'hueca loł'as xans". Ile litine linca aiximpa imaf'i' ile lixçay lopa'a laipicuejma'. Aiximpxi ma lacani'e.

¹⁰ Lataiqui' loya'apa: "Aimojanaj'ma hi'hueca loł'as xans", ac'a cataiqui' ihiya. Ja'ni lanant'hi'e, xonca al c'a luyalaico'me lapajnya. Iya' aiximpa ituca' lał'ipa. Aimi'iya canant'hiya. Ma le'a lacani'e.

¹¹ Ma cacueca ile lataiqui', lixçay caipicuejma' i'ipa xonca imaf'i', ałfel'mipa. Lijou'ma xonca aijanaj'ma. Tołta'a ile lataiqui' ma lacani'epa.

¹² Iya' cacua: A'i quixçay cataiqui' ile locuxepa ÑanDios. Jahuay locuxepa ÑanDios ma' apaxi, ma' i'huexi ÑanDios. Lataiqui' loya'apa: "Aimojanaj'ma hi'hueca loł'as xans", ile apaxi cataiqui'. Ałsc'ai'inga' ał'ete al hijca, ał'ete ma le'a al c'a.

¹³ Lijou'ma, ¿te qui'ipa? Ma cainihuequi ile al c'a cataiqui', ¿ja'ni tołta'a cacani'eyoxi? A'i. Aimi'iya canescoyacoxi tołta'a. Ile al c'a cataiqui' ma' ałmuc'ipa te ts'i'ic' laipicuejma'. Ile acueca lixçay. Ma ile laif'epa lixçay lacani'epa. Ile al c'a cataiqui' ałmuc'ipa juaiconapa acueca' ixçay ile lai'epa.

¹⁴ Ałsina' pe qui'huayomma ile lataiqui' locuxepa ÑanDios. I'huayomma mane al tonçay, jilpe lipicuejma' ÑanDios. Iya' ituca' laipicuejma'. Iya' ma ninxans. Ile lixçay i'ipa to laipoujna, ałcuxe.

¹⁵ Iya' aicaxpic'e tołta'a lai'ejma'. Caxhuełma. Petsi lalatenłcocopa, ile aica'ay. Laif'epa capilaic', ile linca ca'ay.

¹⁶ Ja'ni ca'eł'a' lixçay, linca ile laif'epa aimalatenłma. Quimetsaijma ac'a litaiqui' ÑanDios locuxepa, tołta'a xonca aipic'a quihuejla' ÑanDios.

¹⁷ Totiya cacua: A'i caituca' ca'ay ihiya pe aimalatenłma. Ile lixçay caipicuejma' ałcuxe ca'eł'a'.

¹⁸ Linca aixina' iya' caituca' aimi'iya ca'eya al c'a. Ti'i'ma caxpic'e'ma ca'eł'a' al c'a, tijouł'a', ¿ja'ni canant'hi'ma ile laifxp'ic'epa? A'i, aimi'iya.

¹⁹ Ile al c'a laifxp'ic'epa ca'eł'a', aica'ay. Lixçay, ile pe aimalatenłma, linca ca'ay.

²⁰ Iya' cacua: Ja'ni aimalatenłma ile lixçay laif'epa tocomma to a'i iya' caituca' ca'ay ihiya. Ile lixçay caipicuejma' ałcuxe ca'eł'a'.

²¹ Linca, lataiqui' loya'apa locuxepa ÑanDios ałcuxe. Ałsc'ai'i ca'eł'a' al c'a. Ile aipic'a. Cacua: Ca'e'ma. Tijouł'a' aimi'i. Tipa'a lałpa'nepa. Ałpa'ne ile lixçay caipicuejma'.

22 Cagua: Juaiconapa ac'a lataiqui' loya'apa locuxepa LanDios.

23 Ituca' lahsahue'epa laicuerpo. Tama cacua: "Quihuejco'ma locuxepa LanDios, ihe al c'a", laicuerpo aimicua. Tipa'a lipujfxi lulijla', ca'ela' lahcuxe'epa nixpiya.

24 Iya' cacua: Acueca' caxhuehma. ¿Naitsi lahcuanajcoya? Ihe laicuerpo ma le'a ipic'a lacani'e'ma. ¿Naitsi lalunlu'eya?

25 Cax'najtsi'i LanDios. LaPoujna Jesucristo, ique linca alunlu'e'ma. Iya' caituca' aimi'ia culijya. Caxpic'e ca'ela' al c'a. Ja'ni tohta'a quihuejla' linca quihuejco'ma locuxepa LanDios. Ituca' loxahue'epa ihe laicuerpo. Ja'ni tohta'a quihuejla' ca'e'ma nixpiya.

8

1 Itsiya LanDios aimalacani'eyaconga' illanc' na'huaiyimpá Jesucristo, ique joupa lapenufponga'. Illanc' aimalihuejyi lahsahue'eponga' lahcuerpo, lihuejcoyi lahcuxe'eponga' cal Espíritu Santo.

2 Iya' joupa aiximpa aimi'ia canant'liya locuxepa LanDios. Aimi'ia cunlu'eyacoxi. Lixcay laipicuejma' ma ma'hcuxe lacani'e'ma. Itsiya ituca' laifnuyaicopa lapajnya. Ca'huaiyinge Jesucristo, tipa'a al ts'e laipitine, a'hcuxe cal Espíritu Santo.

3 Ihe lataiqui' loya'apa locuxepa LanDios ailopa'a quipujfxi mulijya lixcay laipicuejma'. LanDios linca ti'i'ma, joupa i'epa. Ummepa hi'Hua. Iquiya i'epoxi xans, al'on'cosponga' to illanc' ninc'ixanuc'. Ma le'a ailopa'a quixcay lipicuejma'. I'huamma fa'a li'a lamats' itsufcopoxi, al'najcufponga' la'junac', ecani'epa lixcay laipicuejma'.

4 Tohiya itsiya ti'i'ma lanant'hi'me ihe al c'a lahcuxe'eponga' LanDios. Illanc' lihuejcopá cal Espíritu Santo a'i lahsahue'eponga' lahcuerpo.

5 Lan xanuc' naihuejpa' quituca' li'picuejma' tixpic'eyi latencocoyacola' ihe quituca'. Lan xanuc' naihuejpa' cal Espíritu Santo, tixpic'eyi latencocoya cal Espíritu Santo.

6 Petsi naihuejpa' quituca' li'picuejma' tecani'em'mola'. Petsi naihuejpa' cal Espíritu Santo tipa'a al ts'e lipitine, tuyalaicoyi al c'a. Aimixhuejcoyi, ailopa'a tintsi.

7 Petsi naihuejpa' quituca' li'picuejma', ihe tecaxaispola', mane tifuli'iyi LanDios. Aimihuejyi locuxepa ique. Aimi'ia mihuejyacu.

8 Cal xans, ja'ni ailopa'a al ts'e lipitine locupa cal Espíritu Santo, ique cal xans aimi'ia metencocoya LanDios.

9 Imanc' aimi'on'cotolhuo' to ihniya. Ja'ni joupa olapenufpá cal Espíritu Santo, ja'ni to'mana' anuli ique, ma tipa'a al ts'e lo'pitine. Linca cal xans, ja'ni aiquepenufi hi'Espíritu Cristo, ique cal xans a'i qui'huexi Cristo.

10 Ja'ni joupa olapenufpá Cristo LanDios epenufpolhuo' to ailopa'a coljunac'. Tohta'a tipa'a al ts'e lo'pitine, aimimayacolhuo' nulemma. Linca lon'epa lixcay joupa ecani'epolhuo' lo'cuerpo, ihe tima.

11 Ja'ni joupa olapenufpá cal Espíritu Santo, ja'ni joupa o'haitsufma, ni lo'cuerpo mimaya nulemma. Lijoupa limapa Cristo, LanDios imaf'i'ina. Imanc' ma' anuli timaf'i'ina'molhuo'. Tohta'a lo'eyacolhuo' cal Espíritu Santo, ique hi'Espíritu LanDios, imanc' o'haitsufma.

12 Itsiya cunc'aipimaye, ¿naitsi cal'najtse'econayacu? ¿Naitsi calihuejcoyacu? ¿La'cuerpo a'haiyinc'e? ¿Ja'ni ihe a'poujna? A'i.

13 Ja'ni tolihuejcoyi loxahue'epolhuo' lo'cuerpo mane tecani'em'molhuo'. Ja'ni tolihuejcoyi cal Espíritu Santo tolatec'cona'me lon'epa lixcay, ihe loxahue'epolhuo' lo'cuerpo. Aimon'econayacu ita'a. Tijoula' timaf'i'ina'molhuo' LanDios.

14 Petsi naihuejpa' h'Espíritu LanDios, ihniya inaxque' LanDios.

15 Luyaipa quitine micuxelhuo' lixcay, ile lataiqui' loya'apa locuxepa LanDios ticuxecolhuo'. Tolsuelcoyi, tolcuayi: “Atel'mi'monga' LanDios”. Itsiya joupa olapenufpá cal Espíritu Santo. Itque aimepi'iyacolhuo' to'ta'a lolpихuejma'. Lolapenufpa itque cal Espíritu LanDios epenufpolhuo' to quinaxque'. Ma'que cal Espíritu almuc'inga' te ts'i'ic' lacui'i'me LanDios. Almiyi: “Ima' mai'Ailli”.

16 Ma'pe lalunxajma' alsingufyo'tsi inaxque' LanDios. Ma' anuli lu'inga' cal Espíritu Santo.

17 Ma'mana' fa'a li'a lamats' ja'ni illanc' inaxque' LanDios linca pu'hua LanDios lapi'itonga' ile lapi'iyacola' linaxque'. LanDios joupa imetsaicopa h'Hua, itque Cristo. Illanc' jouc'a limetsaicotonga'. Fa'a ja'ni la'telcopa ti'on'cospa to litelcopa Cristo, pu'hua jouc'a al'on'cotonga' to Cristo, ahaitzufcotonga' LanDios.

18 Itsiya litine aicásina' te ts'i'ic' al c'a lalapi'iyaconga' LanDios. Linca, acueca' juaiconapa ile la'iyaconga' pu'huanni. Ita'a la'telcopa itsiya litine aimi'iya ma'on'coyacu al cueca' al c'a lalapi'inyaconga'.

19 Fa'a li'a lamats' jahuay lilanc'epa LanDios tocomma to ticuitsufyi, tinesyi: “¿Te quitine alsim'mola' ihniya linaxque' LanDios lolaitzufcoyacola'? ¿Te quitine alsim'mola' te ts'i'ic' ihniya?”

20 Linca, itsiya jahuay lilanc'epa LanDios i'huáqui etelquenamma. Ile litine LanDios litel'mipa cal xans ni'epa quixcay jouc'a itel'mipa jahuay lilanc'epa. Tama ailopa'a qui'epa, etelquenamma. Ai' nulemma quetelqueya. Aimipaneya to'ta'a.

21 Itsiya linca lamaya ti'huajcola' jahuay. Ailopa'a cun'uya. Juaiconapa acueca' al c'a lo'e'eyacola' linaxque' LanDios. Tun'u'e'mola'. Lamaya aimi'huajcoconayacola'. Lilanc'epa LanDios jouc'a tulij'ma lamaya, aimimin-scoconaya.

22 Alsina' ai'qui'ic' to'ta'a. Itsiya jahuay lilanc'epa LanDios tocomma to titelma acueca' cumla. Lo'ipa ti'on'cospa to lotelcopa laca'no' nocuaiya h'hua. Itque acueca' cumla titelco'ma.

23 Illanc' jouc'a lumlequina'. A'telcoyi jilpe lalunxajma' ma cal'huaijma LanDios lapenuftsonga' to inaxque', ahaitzufcotonga'. I'iya litine alsim'mo'tsi joupa lun'u'eponga' jouc'a la'cuerpo. LanDios joupa lapi'iponga' cal Espíritu Santo, to'iya alsina' la'iyaconga' to'ta'a.

24 Linca, aimi'iya ma'nesyacu: “Joupa i'ipa. Joupa lun'u'eponga' jouc'a la'cuerpo.” Tehue'e'. Ja'ni lun'u'etsonga' ticuicomma al'huacole, ahnesle: “Al linca to'ta'a lo'iya”. Co'la' joupa alsimpá li'ipa, ¿te cal'huacocoyacu? Ai'. Ailopa'a cal'huacoyacu.

25 Ja'ni alsina' tehue'e', alsina' ai'qui'ic', ma' alsnet't'me, al'huaico'me lo'iya.

26 Illanc' a'i caltuca' alsnet'lyi. Cal Espíritu Santo altoc'inga'. Illanc' caltuca' ailopa'a cal'eyacu. Aicásina' te cal'sahue'eyacu LanDios. Aimi'iya ma'sa'hueyacu. Alsingufcoyi a'telcoyi jilpe lalunxajma'. Ailopa'a cal'taiqui'. Cal Espíritu Santo altoc'inga'. Itque linca tixa'hue'ma LanDios titoc'itsola' lixanuc', ihniya ma' i'huexi LanDios.

27 LanDios lahuelonginga' xonca lemiya jilpe la'picuejma'. Itque ixina' te loxahue'epa cal Espíritu Santo. Imetsaijma ac'a lipicuejma'. Itque cal Espíritu tixahue'e'ma laten'cocoya LanDios.

28 Illanc' na'epá capic'a LanDios, itque al'joc'iponga'. Ma' itque LanDios joupa ixpic'epa te ts'i'ic' al c'a la'iyaconga'. Itsiya alsina' jahuay altoc'inga'. Ja'ni ac'a o ja'ni a'ijc'a laluyalaicoyacu, ma le'a al c'a al'e'monga'. Ailopa'a cal'eyaconga' lixcay.

29 Ai'a ałmajnlita ŁanDios alimetsaicoponga'. Joupa ixpic'epa te ts'i'ic' lał'iyaconga'. Ixplic'epa ałanc'e'etsonga' lałpicuejma'. Ti'ila' to lipicuejma' hi'Hua, ał'onłcotonga'. Ti'ila' cal Cristo ałpima; iłque cal Te'a, illanc' ipepohue. Tołta'a ti'i'mola' axpela' lipimaye.

30 A'i ma le'a ixpic'epa te ts'i'ic' ile lał'iyaconga', jouc'a ałjoc'iponga' lihuejle. A'i ma le'a ałjoc'iponga', jouc'a lapenufponga' to ailopa'a caljunac'. A'i ma le'a lapenufponga' to ailopa'a caljunac', jouc'a limetsaicoponga' inaxque', ałaitsufcotonga'. Jiłpe litine linca ałanc'e'etonga' lałpicuejma', ti'ila' ma to lipicuejma' ŁanDios, pangay c'a.

31 Itsiya łte całnesyacu? Ja'ni tołta'a ał'nujuaitsinga' ŁanDios, ilne petsi nał'eponga' laic', łte cał'e'eyaconga'?

32 ŁanDios ni hi'Hua quixina' cuanuc'. Icupa tima'anle, ti'najtseł'a lixcay lał'epa jahuay illanc'. Ja'ni tołta'a lapi'iponga' iłque Łalunł'eyaconga', łte aimalapi'iyaconga' jahuay lalahue'eponga'?

33 Illanc' nał'huij'eponga' ŁanDios, łnaitsi nałcufyaconga'? łJa'ni ŁanDios? A'i. Ma ŁanDios alapenufponga' to ailopa'a caljunac'.

34 łNaitsi nalacani'eyaconga'? łJa'ni Jesucristo iłque nimapa? A'i. Iłque imaf'inapa. Itsiya tipa'a pu'hua al c'a camane ŁanDios. Jiłpe tixa'hue ŁanDios ałtoc'itsonga'.

35 Cristo ał'enga' capic'a. łJa'ni ti'i'ma lanaj'monga'? A'i, aimi'iya. Ni lał'iyaconga' o lał'iponga' mi'iya. Ja'ni ałtelcołe, ja'ni lapajnya ałsinłe ipime, ja'ni ałtel'mintsonga', ja'ni lumlejma, ja'ni lahue'etsonga' calpijahua', ja'ni ti'ila' caxpaiqui', ja'ni ałma'antsonga', ailopa'a calanajyaconga' Cristo.

36 To loya'apa al Paxi Linilingiya ma tołta'a luyalaicoyi. Iłe lataiqui' ticua: Illanc' lalihuejhuo' ima', ałsinninga' to lam mot'ł, ilne li'huij'empola' tima'am'mola'.

37 Ma al linca iliya lataiqui'. łTe co'iya? Ałsina' Cristo ał'enga' capic'a. Iłque ałtoc'inga'. Tołta'a jahuay lał'iyaconga' lulij'me. Ailopa'a cał'eyaconga'.

38 Iya' cacua: Joupa aixina' aimi'iya malanajyaconga' Jesucristo, ni lamaya, ni lapajnya, ni lapaluc' quema'a, ni lontahue iłpujfxi acueca', ni lo'ipa itsiya, ni lo'iya locuaicoya,

39 ni lopa'a al toncay lema'a, ni lopa'a al 'ocay łamats'. Petsi lilanc'epa ŁanDios ailopa'a calanajyaconga' Jesucristo lał'Poujna, iłque nałmuc'iponga' te ts'i'ic' mał'enga' capic'a ŁanDios.

9

1-3 Iya' camilhuo' caxhuełmot'le juaiconapa. Itine itine tocomma to lumlequi jiłpe łainunxajma'. Iya' ca'nujuaitsila' laipimaye, ilne laif'as xanuc' judío. Tołta'a laifnespa aicafellaique. Tołe ixina' Cristo, iłque łainihuequi. Jouc'a cal Espíritu Santo ałpalaic'o jiłpe laipicuejma', ałmi: "Ma' al linca ille lofcuapa". Iya' cacua: Coł'a ałcuanac'ela' Cristo ja'ni tołta'a tunłul'me ilne laipimaye.

4 Ilne lun Israel acueca' lipaxnepola' ŁanDios. Imetsaicopola' inaxque'. Małque ŁanDios imuj'moxi pe łomana' ilniya. Imaneconca litaiqui', epi'i'mola' litaiqui' loya'apa locuxepa. Imuc'i'mola' te lo'eyacu jiłpe lejut'ł ŁanDios. U'i'mola' litaiqui' licupa, ticua: "Tołe, tołe catoc'i'molhuo'".

5 Ilne lixanuc' Israel ałtatahueló illanc' ninc'ijudío. Jouc'a itatahueló Cristo lipajnta fa'a li'a łamats'. Iłque Cristo ma' anDios, jahuay ticuxe. Ma' iłque laxc'onłingołaiłe. Ocuena aimi'iya malaxc'onłingołaiyac. Ni itsiya ni Locuena Quitine. Tołta'a ti'ila'. Amén.

6 Itsiya, łte qui'ipa? Tocomma to ŁanDios aiqenant'li limipola' ilniya lun Israel. A'i. Ma tenant'li. Petsi ałinca ixanuc' Israel ilniya tepenufyi litaiqui'

ŁanDios. Locuenaye pe aikuilepenufi, tama anuli łıtatahuelo, łne a'i quixanuc' Israel, a'i quixanuc' ŁanDios.

⁷ Ma tołta'a li'ipola' linaxque' Abraham. łne tama le'a anuli quıl'ailli', łque Abraham, ŁanDios aikuimetsaicola' jahuay łniya. Timi Abraham: “Quimet-saico'ma Isaac. łque ma' o'hua.”

⁸ łe lataiqui' almuc'inga' naitsi łne alinca inaxque' ŁanDios. Łan xanuc' no-majnlispa fa'a li'a łamats' ŁanDios aikuimetsaicola' jahuay to quinaxque'. Ma le'a łniya nomajnliconspá, łne tipa'a al ts'e łłpitine, małne inaxque' ŁanDios. Ti'onłcospa to Isaac. Abraham a'i quituca' mixpic'e ti'ıla' łque qui'hua. Ma ŁanDios icupa cataiqui' ti'ıla'.

⁹ Tołta'a litaiqui' ŁanDios limipa Abraham lu'ipa lo'iya, ticua: “Litine laixpic'epa iya' cacuaiyoconno, łpeno Sara tipo'no'ma li'hua”.

¹⁰⁻¹² Ma' anuli li'ipola' linaxque' Rebeca. łniya loquexi', lan cuatsi, anuli quıl'ailli'. łque łıtatahuelo Isaac. łniya mimana' licu'u Rebeca, ai'a timajnlita, aikuıl'aic' ni al c'a ni lixcay, łniya łitiné ŁanDios timi Rebeca: “Łapepo, łque łopajnya lijoujma, ticuxe'ma łpima”.

łłpe ŁanDios timuqui te ts'i'ic' lo'epa. łque quituca' tixpic'e naitsi łne ti'itsola' lixanuc'. Tołta'a aimi'iya minesyacu: “Iya' ac'a lai'ejma', tołiya al'huijf'epa ŁanDios”. A'i. ŁanDios quituca' ti'huijf'e'mola' lixanuc'. łque aikuipai'i lipicuejma'. Ma' anuli ti'hua ti'ay.

¹³ Al Paxi Linilingiya tuya'e' tołta'a li'ejma' ŁanDios, ticua: “Jacob ai'epa capic'a, Esaú ai'epa caipilaic”.

¹⁴ Itsiya, łte całnesyacu? łJa'ni a'ij łjca lo'epa ŁanDios? A'i. Aimi'iya małnescoyacu tołta'a.

¹⁵ ŁanDios timi Moisés: “Iya' catoc'i'ma petsi aipic'a catoc'ıla'. Caxim'ma cuanuc' petsi aipic'a caxinła' cuanuc'.”

¹⁶ Tołta'a alšinyi aimi'iya małpic'eyacu te ts'i'ic' cał'e'eyaconga' ŁanDios. Aimi'iya malipa'ayacu całxi maluliyacu tołta'a małpaxneyaconga' ŁanDios. Ma ŁanDios quituca' tixpic'e naiłne loxinyacola' acuanuc'la.

¹⁷ Ma' anuli loya'apa al Paxi Linilingiya locuapa limipa ŁanDios cal rey Faraón. Timi: Iya' camuc'i'mola' lan xanuc' acueca' laif'epa.

Ni petsi lomana' li'a łamats' ti'ıla' quıl'sina' ma' iya' NanDios.

Tołta'a aifajpo' ima', nep'ipo' loopenic', aixpic'epa te ts'i'ic' lof'eya.

¹⁸ łłpe alšinyi li'ejma' ŁanDios. łque petsi ipic'a titoc'ıla' ma titoc'i'ma. Petsi ipic'a ti'ıla' axna lipicuejma' ma ti'i'ma axna.

¹⁹ Itsiya, łte aga almi'ma: “Ja'ni tołta'a li'ejma' ŁanDios, łte co'icopa aimalatentłcoconga' illanc' lał'ejma'? łTe illanc' całtuca' alšpic'e'me te ts'i'ic' lał'iyaconga'? A'i. Aimi'iya.”?

²⁰ Aímones'ma tołta'a. łTe totalai'ot'le'ma ŁanDios ima' ma' unxans? łTe ja'ni łilanc'empa ti'i'ma titalai'e'ma łque łilanc'epa? A'i. Aimi'iya.

²¹ Łintałpa capixú małque quituca' tixpic'e te ts'i'ic' mixhuicoya łpixitsqui. Małque łpixitsqui tilanc'eco'ma oque' łapixú. Anuli acueca' łipitali, locuena ni naitsi capixu.

²² Ima' totalai'ot'le'ma ŁanDios, aimetentłcocoħuo' łque li'ejma', iya' camihuo': Ima' aimocueca lo'epa ŁanDios. łque joupa ixpic'epa titel'mitsola' łne laixtuc'opola'. Joupa ixpic'epa timuj'moxi ma' anDios. Tama joupa ixhuaita acueca' li'epa lixcay, ŁanDios ti'hua ticołi. Aiquecani'ela' nulemma. Tixnet'łqui.

²³ Łinca aimocueca łe lo'epa ŁanDios. łque jouc'a tipa'a lomuc'iyacola' lan xanuc'. łne lixanuc' loximpola' acuanuc'la. Joupa ixpic'epa titoc'itsola',

tilanc'e'e'mola' lihpicejma', tilaitsufcotsola'. Joupá ixpic'epa timetsaicolé juaiconapa acueca' CanDios.

²⁴ Ihe laifnespa: "... lixanuc' LanDios", canescola' jahuay ihne petsi hijoc'ipola' LanDios. Ja'ni ninc'ijudío, ja'ni unc'ocuenaye xanuc', ma' anuli LanDios a'ljoc'iponga'.

²⁵ Ji'pe lije'e cal profeta Oseas, LanDios tipalaicola' locuenaye xanuc', ihne a'ij judío, ticua:

Ticuaihuo litine cami'mola' locuenaye xanuc': "Imanc' aixanuc".

Itsiya litine a'i caixanuc' ihne.

Itsiya ihne lan nación aimalatenma aicapenufila' li'xanuc'.

Ticuaihuo litine cami'mola' ihne locuenaye nación:

"Ca'elhuo' capic'a, capenuf'mola' lo'xanuc".

²⁶ Jouc'a ticua:

Petsi timila': "Imanc' a'i quixanuc' LanDios",

ma'piya tecui'im'mola': "Ihne inaxque' LanDios Limaf'i".

²⁷ Cal profeta Isaías tuya'e' lo'iyacola' lan xanuc' Israel, ticua:

Tama axpela' lan xanuc' Israel,
tama ti'on'cospola' to cal cuixa lopa'a lema caja,
ma le'a ahuata lonhulyacu.

²⁸ LanDios la'Poujna joupá ixpic'epa ti'e'ma al cueca' fa'a li'a lamats'.

Ma to licuapa, to'ta'a ti'e'ma, ti'e'ma nulemma.

Tixhuai'ni'ma ihe litaiqui' licuapa.

²⁹ Ji'pe lije'e Isaías ai'a tuya'a'ma to'ta'a lo'iya, ticua:

LanDios, ihque jahuay ticuxe, aiqijou'ne nulemma la'nación.

Timanemma to oquexi' afantsi la'naxque'.

Ja'ni a'i, cola' la'iyaconga' ti'on'cota to li'ipola' h'elol'ya' Sodomá y Gomorra.

Ihniya h'elol'ya' ejac'mola' nulemma jouc'a li'xanuc'.

³⁰ Itsiya, ¿te cañescoyacu xonca? ¿Te qui'ipola' lan xanuc' a'ij judío? Luyaipa quitiné ihne lan xanuc' aiqiu'sina' locuxepa LanDios. Aimehueyi te co'iya mixinyacola' LanDios to lan c'a xanuc'. Aimicuis'eyo'tsi: "¿Te ca'eyacu a'sintsonga' to'ta'a?" Itsiya petsi no'huaiyimpá Jesucristo, LanDios tepenufila' to ailopa'a quijunac'.

³¹ Lan xanuc' judío, ihne lixanuc' Israel, ¿te qui'ipola' ihniya? Ihne ih'sina' al c'a locuxe'epola' LanDios. Tixhueyi ihe lataiqui'. Tehueyi te co'iya LanDios mixinyacola' to ailopa'a quijunac', tepenuftsola'. LanDios aiqixinnila' to'ta'a. Aiquepenufila'.

³² ¿Te qui'icopola' to'ta'a? Ihne aimi'huaiyijnyi LanDios. Ma'pe lihpicejma' ticuayi: "Illanc' ninc'ic'a xanuc'. Lanant'hi'me caltuca' ihe la'cuxe'eponga' LanDios. To'ta'a ailopa'a caljunac'. Lapenuf'monga'."

Ihne imenaj'mola'. Ji'pe litaiqui' LanDios, tuya'e' tipa'a "... anuli lapic loc'uilitsufcopola' lan xanuc'". Ihne lan judío linca uc'ui'e'mola'.

³³ To'ta'a loya'apa al Paxi Linilingiya, ticua:

¡Tolsinte!

Ji'pe li'ya' Sión capo'no'e anuli lapic petsi tuc'uilitsufco'mola' lan xanuc'.

Ji'pe cal cueca' capic linca tixcai'e'mola'.

Cal xans no'huaiyijmpa ihque, linca ailopa'a co'iya, aimixhuelcoconaya.

10

¹ Cunc'aipimaye, jahuay lainunxajma' cacua: "Tunhul—le lun Israel". To'ta'a laifxa'huropa LanDios.

² Ihne tama tixoqui quileta tihuejyi LanDios, aiqiu'sina' te ts'i'ic' latentcocoya LanDios.

³ Aiquilcueca lu'ipola' ÆanDios. Ique jounpa uya'apa, u'ipola' naitsi ilne lan xanuc' loxinyacola' to ailopa'a quijunac', tepenuf'mola'. Ituca' lonespa lun Israel. Ticuayi: "Lanant'hi'me locuxepa ÆanDios. Tohta'a alsim'monga' ninc'ic'a xanuc', lapenuf'monga'." Tohiya aimihuejcoyi ÆanDios. Ique jounpa icuapa lo'eyacu lan xanuc' ja'ni tepenuftsola' to ailopa'a quijunac'.

⁴ Ma le'a Jesucristo enant'lipa lataiqui' loya'apa locuxepa ÆanDios. Lan xanuc' aimi'iya menant'hiyacu. Tohiya petsi no'huaiyijmpá Cristo ma' ihniya ÆanDios tepenufla' to ailopa'a quijunac'.

⁵ Jilpe litaiqui' linihiya Moisés titalai'e cal xans nocuapa: "Canant'hi'ma locuxepa ÆanDios, tohta'a alsinla' ninc'a xans, lapenuf'ma". Moisés timi: "Ne', tanant'hi'a' locuxepa ÆanDios, tohta'a toyaico'ma al c'a".

⁶ Cal xans nonespa: "Aimi'iya canant'liya, le'a ca'huaiyijm'ma ÆanDios", ituca' lotalai'e'epa Moisés. Timi: "Aimones'ma: ¿Naitsi nof'ajya ticuaita lema'a?" ¿Te ja'ni tolecota Cristo timunni? Ai. Jounpa i'huamma fa'a li'a lamats'.

⁷ Jouc'a timi Moisés: "Ni aimones'ma, ¿Naitsi naimuya, ticuaita pe lomana' lamizhua?" ¿Te ja'ni taipa'ata Cristo jilpiya? Ai. Jounpa imaf'inapa, ipanamma.

⁸ Ja'ni to'huaiyinge ÆanDios, Moisés timihuo': "A'ij culi' ilne lataiqui' lofmi-huejya. Jilpe lomunxajma' to'ay linca. Tonesqui." Ma ilne lataiqui' illanc' laluya'apa. Lu'iyaleyi: "¡Toh'huaiyijnle!"

⁹ Lu'iyaleyi: Ja'ni tonesla': "Jesús ma' anDios", ja'ni jilpe lomunxajma' tocua: "Linca ÆanDios imaf'i'inapa, ipa'anapa pe lomana' lamizhua", ÆanDios tuntu'e'mo'.

¹⁰ Ticuicomma jahuay lomunxajma' to'huaiyijnla' ÆanDios. Tohta'a ÆanDios tepenuf'mo', tixim'mo' to ailopa'a cojunac'. Jouc'a ticuicomma tonesla': "Jesús ma' anDios", tijoula' ÆanDios tuntu'e'mo'.

¹¹ Al Paxi Linihiyia ticua:

Petsi no'huaiyijmpá, ihniya aimixinyacu calaic'ata, aiminesyacu: "ÆanDios alfel'mipa".

¹² ÆanDios tixinnila' ma' anuli lan xanuc'. Ja'ni ajudío, ja'ni a'ij judío, ma' ilque ilPoujna jahuay. Acueca' titoc'ila' ilne petsi nojoc'ipá. Aimicuanajyoxi.

¹³ Al linca loya'apa lataiqui' locuapa:

Lan xanuc' nojoc'ipá, nomipá: "MaiPoujna, altoc'ila'", jahuay ihniya tuntul'me.

¹⁴ Ja'ni aiquil'huaiyinge Cristo, ¿nai cojoc'iyacu? Ja'ni aiquilsina' naitsi ilque, ¿nai co'huaiyijnyacu? Ticuicomma tuya'ale. Ja'ni a'i, ¿te co'iya mi'iya quilsina'?

¹⁵ Ja'ni ailopa'a commenyacola', ¿nai notseyacu, noya'ayacu? Al Paxi Linihiyia tinescola' noya'apá, ticua:

Tixoj'ma calata lapenuf'mola' noya'apá Lataiqui'.

Ile Lataiqui' tuya'e' ilne al c'a loxpice'epa ÆanDios.

¹⁶ Linca, petsi noquimf'epá Lataiqui' a'i jahuay mihuejcoyi. Tohta'a cal profeta Isaías timi ÆanDios, ticua:

MaiPoujna, ¿naitsi tepenufpa laluya'apa?

Tocomma to ailopa'a quilepenufi.

¹⁷ Cagua: Ticuicomma ate'a tiquimf'ele Lataiqui', tijoula' ti'huaiyijnle Jesucristo. Petsi timetsaicoyi Lataiqui' ma' itaiqui' Cristo, ihniya ti'huaiyijm'me.

¹⁸ Itsiya, ¿te qui'ipola' lun Israel? ¿Ja'ni aicu'innila' ilne? Linca u'im'mola'. Tohiya loya'apa al Paxi Linihiyia, ticua:

Ni petsi li'a lamats' uya'apa Lataiqui'.

Ihne noya'apá, lilitaiqui' icuaita xonca aculi' li'a lamats'.

19 Cacia: Ine lun Israel, ¿te aiqulínsina' tołta'a lo'iya? Linca iłsina'. Moisés uya'apa lo'iya, tuya'e' lonespa LanDios, ticua:

Itsiya imanc' aicolimetsaicola' locuenaye xanuc'.

Tołnescola', tołcuayi: “Iniya amac'ta, aiqulıcueca”.

Pe lołnescompola' tołta'a iya' ca'e'e'mola' al c'a,

tijoułta' imanc' aimetenłcoyacolhuo' laif'eya, tolıxtulecu.

20 Isaías xonca al cuajmaica cataiqui' tuya'e' lonespa LanDios, ticua:

Lan xanuc' petsi aimalahuay, ine ałsinnapa.

Petsi aiqulıcuıtsufi: “¿Pe copa'a LanDios?”,

jilpiya aimuj'moxi, małniya ałsinnapa, limetsaiconapa.

21 LanDios ituca' lonescopola' lan xanuc' Israel, ticua:

Jahuay litine cajoc'ıla' iniya lan xanuc'.

Ca'niquila' laimane', camila': “¡Tonłouyunca!”

Iniya aiqulıcuac', aimalihuejma'.

11

1 Cacia: ¿Te qui'ipola' lun israelita, ine lixanuc' LanDios? ¿Te ja'ni ecani'epola' nulemma? A'i, tołta'a aimi'iya. Iya' jouc'a nin'israelita, aixinyoxi i'hua Abraham, lixanuc' Benjamín aitatahueló.

2 Ine petsi ałınca ixanuc' LanDios imetsaicopola' ai'a timajnlita. Aimi'iya mecani'eyacola'. ¿Ja'ni aicołsina' loya'apa al Paxi Linılingiya? ¿Aicołsina' jilpe lonescopa li'ipa cal profeta Elías micufquila' lixanuc', ine ixanuc' Israel? Tijoc'i' LanDios, tixa'hue titoc'ıla', timi:

3 “MainenDios, maiPoujna, ¡Toxinłta' lo'epa ine lan xanuc'! Ima'apá loprofeta, ummetsaipá lo'altar. Iya' caituca' aimaf'i', iya' lahuenno ałma'a'ma.”

4 LanDios, ¿te quitalai'e'eco'ma Elías? Timi: “A'i, aimopa'a cotuca'. İmaf'i' tixhuaispola' ocuenaye acaıtsi mil lan xanuc'. Ainenaquila', ine ai'huexi, a'i quilexc'onłingolaic' cal ídolo Baal.”

5 Ma itsiya tołe ti'i. Itsiya pe lomana' lan xanuc' Israel tiłmana' hualca iniya ałınca ixanuc' LanDios. LanDios itoc'ipola', i'huijf'epola'.

6 LanDios quituca' tixpic'e nai łotoc'iyacola', nai ło'huijf'eyacola'. Ine notoc'iyacola' aimicuicomma ate'a mi'e'me al c'a, tijoułta' ti'huijf'e'mola'. A'i. Ja'ni tołta'a lo'epa LanDios cołta' aimitoc'iyacola' lixanuc', ma' le'a ti'najtse'mola' lo'epa al c'a.

7 Itsiya, ¿te qui'ipa? Lixanuc' Israel tama tehueyi te co'iya mepenufyacola' LanDios, aiqulıxim'me. Hualca linca ixim'me. Pe niximpá ine ti'huijf'epola' LanDios. Locuenaye i'ipa axna hilunxajma'.

8 Li'ipola' ma to loya'apa al Paxi Linılingiya, tuya'e':

LanDios i'e'epola' muf liłpicuejma', i'e'epola' afohue, atałpe.

Ma tołta'a tuyalaicoyi itsiya litine.

9 Cal rey David jouc'a tinescola' iniya, ticua:

Lan xanuc' ni'epá lixcay, ine notel'mipá lił'as xanuc', ma tołta'a ti'e'em'mola' iniya.

Ma mitetsoyi ticuaitsa no'epá laic', ti'nołıntsola'.

10 Timufc'otsola' lił'u', aimixim'me,

tuliquıntsola' no'epá laic', ti'hua ticuxenaitsola'.

11 ¿Te ja'ni cacia: İniya lixanuc' Israel joupa imenajpola'? ¿Te LanDios ecani'epola' nulemma? A'i tołta'a laıfcuapa. Linca ine aiqulıcueca, aiqulıhuequi loxc'ai'ipola' LanDios. Tołiya LanDios epi'ipola' lane locuenaye xanuc' tihuejle, tunłul—le. Tijoułta' ine lixanuc' Israel tixim'me al c'a li'ipola' locuenaye xanuc', ticua'me: “İllanc' jouc'a ał'e'entsonga' ile al c'a”.

¹² Lixanuc' Israel aiqulihuequi ÆanDios, tohiya ÆanDios acueca' tipaxnela' lan xanuc' ni petsi lomana' li'a Æamats'. Itsiya ìhne lixanuc' Israel tehue'ela', tohiya acueca' al c'a lulijpa locuenaye lan xanuc'. Tijoula', ticuaiti litine ÆanDios tipaxneconatsola' ìhne lun Israel, tepenufconatsola', ¿te co'iyá? Linca xonca al c'a lo'iyá.

¹³ Itsiya capalaic'olhuo' imanc' unc'ocuenaye xanuc'. Toŧe ca'ay lanic' lalapi'ipa ÆanDios. Iya' oŧ'apóŧol. ÆanDios lummepa cu'itsolhuo' Lataiqui'. Cu'itsolhuo' jahuay imanc' a'i cunc'ijudío. Toŧta'a laif'epa.

¹⁴ Cagua: Laif'as xanuc' judío ti'ila' quilsina' te ts'i'ic' li'ipolhuo' imanc', aga tinesle: “Illanc' jouc'a lapenufle ìŧe al c'a”, tijoula' aimecani'eyacola'.

¹⁵ ÆanDios lecanaipola' ìhne lan xanuc' Israel, locuenaye lan xanuc', ni petsi lomana' li'a Æamats', epi'ipola' lane tiyejmaleŧe ÆanDios. Itsiya litine ìhne lun Israel tocomma to lomanapola'. Ticuaiti litine tepenufconatsola' ÆanDios, linca timaf'i'ina'mola'.

¹⁶ Linca ÆanDios tepenufcona'mola'. Æa'i lolanc'ecoyacu cal ts'e trigo ja'ni titsufconŧe ÆanDios tutani Æax'e, a'i ma le'a ìŧe Æax'e i'huexi ÆanDios, hipanemma Æax'e jouc'a i'huexi. Anuli al 'ec, ja'ni ìhne i'huexi ÆanDios ìhmané ìŧe al 'ec jouc'a i'huexi ÆanDios.

¹⁷ ìhne lixanuc' Israel, ÆanDios ti'onŧicola' to lifapa al 'ec, ìŧe al c'a al 'ec olivo jouc'a ìhmané. Imanc' unc'ocuenaye xanuc' ti'onŧcospolhuo' to ìhmané al ximalo olivo. ÆanDios ìhonc'e'epola' hualca ìhmané ìŧe li'olivo, ma jilpiya ifinc'ipolhuo' imanc'. Tenef'molhuo' petsi ìŧe al c'a olivo. Itsiya, imanc' jouc'a i'e'epolhuo' ìhmané al c'a olivo. ìŧe al c'a lime lujay titoc'elhuo'.

¹⁸ Aimolcua'me: “Iya' xonca ninc'a. ìhne ìhmané olivo liŧonc'e'epola' ÆanDios, ìhne a'ijc'a.” Ja'ni toŧta'a toŧnesyi tocomma to imanc' toŧtoc'eyi lime. A'i. Lime titoc'elhuo' imanc'.

¹⁹ Aga toŧcua'me: “ÆanDios liŧonc'epola' ìhmané olivo ipic'a aŧfinc'ila', lanef'la' jilpe”.

²⁰ Ne'. ÆanDios ìhonc'epola' ìhniya petsi aimi'huaiyijnyi. Imanc' ifinc'ipolhuo'. Ma' moŧ'huaiyijnyi toŧmanecu jilpiya. Itsiya aimol—lof'e'molŧsi. Toŧ'etsolŧsi cuenna.

²¹ ÆanDios iteŧ'mi'mola' ìhne ma ìhmané olivo, ìhne ìhnef'pá lime. Aiquixinnila' acuanuc'la. Imanc' ja'ni aimi'hua moŧ'huaiyijnyi, ¿te aimitel'miyacolhuo'? Linca titeŧ'mi'molhuo' jouc'a.

²² ìŧe lo'epa ÆanDios timuqui te ts'i'ic' lipicuejma'. ìŧque tixina cuanuc', jouc'a ti'i'ma tixtu'hua. Petsi lenajpoŧsi, aimihuejconayi, ìhniya ixtuc'o'mola'. Imanc' a'i. Iximpolhuo' unc'icuanuc'la, itoc'i'molhuo'. Ja'ni ti'hua tolihuejcoyi ÆanDios, ìŧque pe joupa iximpolhuo' unc'icuanuc'la, maŧque ÆanDios ti'hua titoc'i'molhuo'. Ja'ni aimolihuejconayi tetec'e'e'molhuo'.

²³ ìhniya liŧonc'epola', ja'ni aimihuejcona'me lixcay cane, ja'ni tehuejcona'me ÆanDios, ìŧque tiŧinc'icona'mola', tenef'cona'mola'. ÆanDios linca nipajnya ti'e'ma toŧta'a.

²⁴ ìhne loquej lan olivo ituca' ituca' liŧsans. Anuli aximalo, locuena al c'a olivo. Imanc' ma mi'onŧcospolhuo' to ìhmané al ximalo olivo ÆanDios etec'e'ena'molhuo', ipa'apolhuo', enef'polhuo' jilpe al c'a olivo. Ja'ni ìŧe lipime joupa i'epa ÆanDios, ¿te aimi'iyá mi'eya ja'ni a'i quipime? Linca, ti'i'ma tiŧinc'icona'mola' jilpe liŧ'ec ìhniya ma ìhmané al c'a olivo.

²⁵ Cunc'aipimaye, ma caŧuca' laŧpicuejma' aimi'iyá maluhuaŧyacu ìŧe lataiqui' lonescopa li'ipola' lixanuc' Israel. ÆanDios linca aŧmuc'inga'. Aipic'a ti'ila' coŧsina' te ts'i'ic' li'ipola' ìhne lan xanuc'. Ja'ni a'i, aga toŧcua'me: “Illanc' xonca ac'a laŧpicuejma', xonca aŧsina'”.

Itsiya lixanuc' Israel le'a huata ihniya ihina' te ts'i'ic' lo'eyacu ja'ni tetenłcocola' LanDios lo'epa. Locuenaye li'ipola' axna lihpicejma'. Ticuaiyunni litine tixhuai'nitsola' ihe a'ij judío pe no'huaiyijmpá Jesucristo, ihe lun Israel jouc'a tilanc'e'e'mola' ac'a lihpicejma', ti'huaiyijm'me.

²⁶ Tołta'a tunłul'me jahuay lixanuc' Israel. Tołta'a loya'apa al Paxi Linilingiya, tuya'e' lonespa LanDios, ticua:

Lonlu'eyacola' lixanuc' Jacob tipaiyohuo laipitya' Sión.

Tipai'i'mola' ihniya lihpicejma', alihuejcona'ma.

²⁷ Tołta'a tenanł'ma laitaiqui' ałmaneconca.

Iya' quılonc'e'ena'mola' liłjunac'.

²⁸ Ihe, ma' aimihuejyi Lataiqui' loya'apa ihe al c'a lixpice'epa LanDios, iłque aimepenufila'. Xonca tepenufilhuo' imanc'. Linca aiquecanai'ila' nulemma. LanDios ti'hua ti'nujuaitsila' ihe lixanuc', joupa i'huijf'epola' liłtatahueló.

²⁹ LanDios aimipai'i lipicejma'. Ja'ni joupa icupa cataiqui', ihe lepi'ipa aimixic'eya. Iłque petsi lijoc'ipa aimetets'iya.

³⁰ Imanc', luyaipa quitine aimolihuejyi LanDios. Itsiya tolihuejyi. Ihe lixanuc' Israel aiqulihuequi. Tołiya LanDios xonca iximpolhuo' unc'icuanuc'la, epenufpolhuo'.

³¹ Linca, itsiya litine ihe lixanuc' Israel aimihuejyi, tołiya LanDios iximpolhuo' unc'icuanuc'la imanc'. Tijouł'a' jouc'a ihniya tixim'mola' acuanuc'la.

³² Ja'ni lixanuc' Israel, ja'ni locuenaye lan xanuc', jahuay ma' anuli aiqulihuequi LanDios, iłque joupa iximpola' jahuay axpennaiqui. Tołta'a ja'ni lixanuc' Israel, ja'ni locuenaye lan xanuc', ma' anuli nipajnya ti'i'ma tixim'mola' acuanuc'la LanDios.

³³ Cacia: ¡Acueca' juaiconapa LanDios! ¡Acueca' juaiconapa lipicejma'! ¡Acueca' juaiconapa lixina'! Aimi'iya mixinyacu te ts'i'ic' loxpice'epa, ni minesyacu: Tołe, tołe lo'eya.

³⁴ ¿Te anuli cal xans ixina' te ts'i'ic' lipicejma' LanDios? ¿Te anuli cal xans i'epoxi lipomxi LanDios? ¿Te timuc'inni LanDios?

³⁵ O ¿te ti'i'ma lapi'i'me LanDios, tijouł'a' ał'najtse'e'monga'? A'i aimi'iya.

³⁶ Jahuay lopa'a LanDios ixpic'epa ti'ila', timajnle, jahuay ma' i'huexi, iłque aPoujna. Ma' iłque tix'najtsi'inłe, timetsaiconłe cal Cueca'.

Tołta'a ti'ila' itsiya litine, Locuena Quitine jouc'a. Amén.

12

¹ Cunc'aipimaye, toł'nujuaisle LanDios liximpolhuo' unc'icuanuc'la, itoc'ipolhuo' acueca'. Tołta'a caxa'huelhuo' tołtsufco'mołtsi LanDios. Itine itine ma colmaf'i' tołsim'mołtsi i'huexi LanDios, tolihuejco'me. Loł'ejma' tetenłcocola' LanDios. Tołmuj'me tolihuejyi jahuay łolunxajma'. Tołta'a, LanDios tepenuf'molhuo' molaxc'onłingolaiyi.

² Camilhuo': Aimolihuejme lił'ejma' lan xanuc' naihuejpa' quıltauca' lihpicejma'. Tołspice'ete tonł'ete ituca'. Tołta'a ti'i'ma colłsina' te ts'ipice'a LanDios. Iłque tixpic'e'ma ma le'a al c'a, tixpic'e'latenłcocola'. Iłque aimimenajya.

³ Iya' a'i caituca' laipicejma' caxc'ai'illo'. Ma LanDios lapi'ipa ihe laipenic'. Itsiya camilhuo': Anuli anuli timetsaicoxoxi lipicejma' li'ejma' te ts'i'ic' mopa'a. Nij nuli imanc' micua'ma: "Iya' xonca nincueca'". Moł'huaiyijnyi LanDios tolimetsaicotsoltsi te ts'i'ic' ihe lołpicuejma' lepi'ipolhuo' LanDios.

⁴ Tama ma' anuli lałcuerpo axpe' mipa'a. Anuli anuli tipa'a liłpenic'.

⁵ Tołta'a illanc'. Tama ninc'xpela', ma' ałmana' anuli. Illanc' icuerpo Cristo. Aimi'iya malanajyacoltsi anuli anuli. Anuli linca locuenaye ił'huexi. Locuenaye linca i'huexi cal nuli.

⁶ LanDios lapi'iponga' anuli anuli lał'eyacu, ituca' ituca'.

Ja'ni epi'icopo' lopticuejma' to'itsola' lan xanuc' loxpicepa ŁanDios, ne' to'i'mola'. Mo'huaiyinge ŁanDios itque tu'i'mo' te ts'ic' lofmuc'iyacola' lopi-maye. Tołta'a to'itsola'.

⁷ Ja'ni epi'icopo' lopticuejma' totoc'itsola' lof'as xanuc', ne', totoc'i'mola'. Ja'ni epi'icopo' lopticuejma' tomuc'iyaleł'a, ne', tomuc'i'mola'.

⁸ Ja'ni epi'icopo' lopticuejma' toxc'ai'itsola', ne', toxc'ai'i'mola'. Ja'ni tapi'i'ma pe lahue'epa, ne', jahuay łomunxajma' tapi'i'ma. Ja'ni ifajpo', epi'ipo' copenic' tocuxeł'a, aimo'e'moxi mahui, ma to'eł'a'. Ja'ni epi'ipo' lopticuejma' toxinł'a cuanuc', ne', tixojla' meta to'eł'a'.

⁹ Imanc' aimoł'e'e'mołtsi le'a. Alınca tonł'e'etsołtsi capic'a. Tolanajtsołtsi jahuay lixcay, tolihuejle al c'a.

¹⁰ Imanc' unc'apimaye tołta'a tonł'e'mołtsi capic'a. Toł'nujuaitsołtsi, tołtoc'itsołtsi. Aimołnes'me: "Iya' xonca ninc'a xans". Tołnesle: "Itque łaipima xonca ac'a xans".

¹¹ Iłe łanic' lepi'ipolhuo' ŁanDios łalPoujna, tołpo'nołe lołpicuejma', tonł'ełe. Aimixojtolhuo'.

¹² Toł'nujuaisle iłe al c'a lapi'iyacolhuo' ŁanDios. Tołta'a aimijouya lołpinoxjma cata. Ja'ni tołtełcoyi, tołsnet'İe. Ti'hua tołjoc'ile ŁanDios. Tołsa'huełe titoc'itsolhuo'.

¹³ Tołtoc'itsola' lołpimaye petsi lahue'epola'. Iłne jouc'a i'huexi ŁanDios. Tolapenuftsola' łolajut'İi.

¹⁴ Pe naihuetsojpolhuo' tołpaxnetsola'. Aimołnesc'e'mola' quixcay cataiqui'. Tołpaxne'mola'.

¹⁵ Petsi naixojpá quileta, imanc' jouc'a tixojla' cumlata. Petsi nohuotsopá tijolijyi, imanc' jouc'a tołjolijle.

¹⁶ Aimolatets'i'mołtsi. Tonł'ełe anuli lołpicuejma'. Aimoł'e'e'mołtsi. Aimołnes'me: "İllanc' ninc'itsila' xanuc'". Tonłejmalełe lołpimaye petsi aiqUIL'hueca. Aimołnes'me: "Iya' xonca aixina".

¹⁷ Aimoł'econa'mola' lixcay petsi li'epolhuo' lixcay. Jahuay loł'eyacu ti'İla' ma' al c'a. Tixinłe tołta'a iłne nahuelojmpolhuo'.

¹⁸ Ni petsi lołtseyacu, ja'ni ti'i'ma, tołmajnle ac'a. Ja'ni iłpic'a tifuli'i'molhuo', imanc' aimołfuli'icona'mola'.

¹⁹ Maicunc'aipimaye, iya' camilhuo': Ja'ni ixcay li'epolhuo' imanc', aimołpai'icona'me. Toł'huaicołe titeł'mıł'a ŁanDios. Tołta'a loya'apa al Paxi Linİingiya, ticua:

Ma le'a iya' ti'hua łaimane capai'icona'ma.

Petsi no'epá lixcay ma' iya' ca'najtse'e'mola', cateł'mi'mola'.

Tołta'a locuapa ŁanDios tołPoujna.

²⁰ Imanc' tolihuejcołe łataiqui' loya'apa:

Ja'ni tumle'e no'epo' laic', ima' totes'mıł'a'.

Ja'ni ticui quija', ima' tohui'İla' quija'.

İma' tołta'a toteł'mi'ma ni'epo' laic'.

²¹ Tołpo'nołe lołpicuejma', tołnesle: "İłe lixcay łal'e'epa aimalulijya. Iya' ca'e'e'ma al c'a, tołta'a culij'ma lixcay."

13

¹ Jahuay imanc' tonł'ełe locuxe'epolhuo' ts'İłpenic'. Cal xans no'huapa limane ticuxeł'a, ma ŁanDios epi'ipa itque limane. İniya ts'İłpenic' pe nocuxepolhuo' itsiya, ma ŁanDios ifajpola'.

² Tołta'a ja'ni aimolihuejcola' ts'İłpenic' locuxe'epolhuo' ma' anuli aimolihuejcoyi ŁanDios İpo'nopola' İniya. Cal xans aimihuejma, ŁanDios tepi'i'ma İjunac'.

³ Iñe ts'ipenic' ipo'nompola' tific'mintsola' no'epá lixcay. A'i miñic'minyacola' no'epá al c'a. Ima' ja'ni aimocua miñic'minyaco', ne' to'ela' al c'a. Tijoula' timi'mo': "Ac'a ima' lof'epa".

⁴ Iñque ts'ipenic' ma ÑanDios epi'ipa lipenic', ixpic'epa titoc'itso'. Toxpaic'etsi. Aimoe'ma lixcay. Li'espada a'i ma le'a quitaic'. Ti'hua limane tite'mitso'.

⁵ Ñinca ts'ipenic' nipajnya ti'i'ma tite'mi'molhuo'. A'i ma le'a toliya tolihuejco'mola'. Jouc'a to'nujuaitsa naiti nipo'nopola'. Mañque ÑanDios ipo'nopola' iñiya. Toñiya tolihuejco'mola'.

⁶ Ma' anuli to'najtseyi ñe lo'najtsi'ipolhuo'. Ts'ipenic' ti'eyi lanic' lepi'ipola' ÑanDios. Itine itine tuyalaicoyi ti'eyi toñta'a.

⁷ Jahuay ts'ipenic' petsi lo'najtsi'ipolhuo' to'najtse'e'mola'. Ja'ni ti'najtsi'ilhuo' ñolamats', ñolajut'hi o ts'oñtaic' lane, ne' to'najtse'ele. Toñpaic'etsola', tolimetsaicotsola'.

⁸ Aimoñtaiyinc'e'me, ni anuli. To'najtse'e'mola' nulemma jahuay. Ñinca tipa'a ñe petsi aimi'iya mo'najtse'eyacola' nulemma. Aimi'iya moñesyacu: "Joupa ai'epa capic'a ñque ñaipima. Aica'econaya capic'a." Ñinca ticuicomma ti'hua to'nujuaitsola' loñpimaye, ti'hua ton'etsola' capic'a. Ja'ni to'ay capic'a loñpima, añinca menant'lipa locuxepa ÑanDios.

⁹ ÑanDios añcuxe'eponga', lu'inga': "Aimoxhuico'ma lipeno lof'as xans. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al ñinca, aimofel'miyale'ma. Aimojanaj'ma li'hueca lof'as xans." Iñiya lataiqui' jouc'a jahuay locuxepa ÑanDios ti'i'ma alafot'leco'me, ti'ña' ma le'a anuli lataiqui' loya'apa: "Ima' to'eyoxi capic'a, ma toñta'a to'ela' capic'a lof'as xans, naiti loñtalecufya".

¹⁰ Ja'ni to'ela' capic'a loñpima aimi'iya mo'e'eya quixcay. Toñta'a tanant'hi'ma locuxepa ÑanDios.

¹¹ To'nujuaitsa lo'iya, toñta'a ton'e'me to ñe laifxc'ai'ipolhuo'. Joupa icuai'ma al 'hora añmaf'ñe, añsolinanca. Litine lipangopa la'huaiyijmpa Jesucristo Ñalunñ'eyaconga' tehue'e' ticuaicoconno ñque. Itsiya xonca ahuata tehue'e'.

¹² Joupa tuyaiipa lipuqui'. Joupa tific'e'ma. Aimañ'econa'me lixcay, ñe lo'epa ñne noyelocopá lipuqui'. Lihuejle lepalc'o'. Toñta'a aña'neco'moñtsi lañpicuejma', aimitsufaiya lixcay.

¹³ Petsi amuf liñpicuejma' tixoqui quileta ti'eyi lixcay juic, timeyoc'iyoltsi, ti'noñyi lacañ'no', ti'eyi niñpiya, tifuleyi, ti'eyoltsi laic'. Ñllanc' aimaluyalaico'me toñta'a, epalc'o' lañpicuejma'. Ticuicomma ti'ña' ituca' lañejma'.

¹⁴ Aimoñcua'me: "¿Te ts'i'ic' latentcoçoya laicuerpo? Capi'i'ma lojanajpa." Ton'ele ma le'a al c'a ma to li'epa Jesucristo. Ñe lon'eyacu tetentcoçola' Jesucristo, ñque ticuanajco'molhuo'.

14

¹ Petsi aiquiñcueda litaiqui' Jesucristo, ja'ni ti'huaiyijnyi tolapenuf'mola'. Tijoula' aimoñnesco'mola' iñiya liñejma'. Nij naiti nocuaya: "Aicañpic'a liñejma' ñaipima".

² Anuli xonca ti'huaiyinge, jahuay tite'ma. Locuena aimicueda, titeja ma le'a itamqui, aimiteja lixic'.

³ Iñque notepa jahuay aimetets'i'ma petsi notepa pangay quitamqui. Notepa pangay quitamqui aiminesco'ma notepa jahuay. Aimines'ma: "Iñque tecani'em'me". A'i. ÑanDios joupa epenufpa.

⁴ Ima' nofnescopa łopima, ¿naitsi ima? Ima' a'i quipoujna łopima. Ma łiPoujna tixpic'e ja'ni ti'hua timetsaicoła' o tecani'e'ma. Łınca timetsaico'ma. ŁiPoujna ti'hua limane titoc'i'ma, aimecani'eyacoxi.

⁵ Anuli łapima ticua: “Acueca' litine ilta'a, iya' aica'eya canic’”. Łocuena ticua: “A'i, ma' anuli jahuay litiné”. Iłque ti'e'ma canic'. Iya' cacua: Anuli anuli, quituca' quituca', tixpic'eła' lipicuejma' lo'eya. Tijouła' ti'eła'.

⁶ Łapima nocuapa: “Acueca' litine ilta'a, aica'eya canic’”, iłque ipic'a tetenłcocoła' ŁanDios. Łocuena nocuapa: “Ma' anuli jahuay litiné, ca'eta canic’”, iłque jouc'a ipic'a tetenłcocoła' ŁanDios. Łapima notepa jahuay ipic'a tetenłcocoła' ŁanDios, tołta'a joupa ix'najtsi'ipa ŁanDios. Łocuena notepa pangay quitamqui jouc'a ipic'a tetenłcocoła' ŁanDios, jouc'a ix'najtsi'ipa ŁanDios.

⁷ Małmana' fa'a li'a łamats' aimalłcuxeyołtsi caltuca'. Aimalłpic'eyi ja'ni ti'hua almaf'i'me o ja'ni alma'monga'.

⁸ Ja'ni ts'almaf'i' łalPoujna łapi'inga' łalpitine. Ja'ni almatsonga' ma' anuli łalPoujna tixpic'e iłe łal'iyaconga'. Ma' anuli małmana' i'huexi łalPoujna.

⁹ Tołta'a alłmuc'iponga' iłe li'ipa Cristo. Iłque imapa, imaf'inapa, tołta'a i'ipa iłPoujna limanapola' jouc'a ts'ılmaf'i'. Jahuay ticuxela'.

¹⁰ Ima', ¿te cofnescocopa łopima? Tocua: “Tecani'em'me”. Ima', ¿te cofmetets'icopa łopima? Anuli tołcuaita pu'hua pe lopa'a ŁanDios cal Cuecaj Juez. Jilpiya jahuay lacaxhuołaita.

¹¹ Tołta'a tuya'e' al Paxi Linilıngiya. Ticua ŁanDios:

Ma' alıncıa iya' NanDios, aimaf'i'.

Iya' cacua:

Laxc'onlıngołai'ma jahuay lan xanuc'.

Jahuay alłmi'ma: “Ma' ima' manDios”.

¹² Iłe łataiqui' alłmuc'inga' te ts'i'ic' łal'iyaconga' anuli anuli illanc'. Ima' cotuca', iya' caituca' alłtalai'eta ŁanDios.

¹³ Itsiya aimalłnescocona'mola' łalłpimaye. Aimalahueloıjncona'mola' te ts'i'ic' lił'ejma'. Najmay tolahueloıjntsołtsi cołtuca' lo'ejma'. Tołspic'ełe nulemma tołtoc'itsola' lołpimaye. Aimol'e'mola' muc'uiyacola'.

¹⁴ Aixina' jahuay ti'i'ma alte'me ja'ni Jesús alPoujna, ja'ni iłque joupa alapenufponga'. Łapima petsi aimicueca ilta'a, iłque nocuapa: “Iłe ixcay. ŁanDios aimalapi'i lane. Aimi'ıya cateja”, ne', aimite'ma.

¹⁵ Ima' toteja jahuay, tijouła' łopima tixhuełco'ma, ticua: “Iłe ixcay, ¿te cote-copa iłque?” Ja'ni tołta'a lo'ıya ima' lıncıa aimo'ay capic'a łopima. Cristo icupoxi, imacopa tunłu'etsi łopima jouc'a. Tijouła', ¿te ima' tatets'i'ma? Tote'ma, tijouła' iłque łopima to'e'e'ma coyac'. Aimihuejconaya, tecani'e'moxi. A'i. Aimo'e'ma tołta'a.

¹⁶ Łıncıa ima' xonca to'huaiyinge ŁanDios, tołta'a jahuay toteja. Ma le'a camihuo': Ja'ni łopima tixim'mo' a'ıjca lo'ejma' moteja jahuay, najmay aimote'ma iłe petsi aimetenłcocojma łopima.

¹⁷ ŁanDios cal Rey aimicuis'eyacola' lixanuc' te ts'i'ic' lıtepa, lixnapa. Iłque timetsaicoła' iłne ixanuc' petsi no'epá al c'a, petsi aimifuleyi, petsi cal Espıritu Santo tıxoc'ıla' quileta.

¹⁸ Ja'ni tołta'a comihuequi łoPoujna Cristo, lıncıa ŁanDios tetenłcocojma lo'ejma'. Lan xanuc' jouc'a tixim'mo' ac'a lof'epa.

¹⁹ Tołiya, alłpo'nołe łalłpicuejma' aimal'e'eyacola' coyac' łalłpimaye. Alłtoc'i'mola' tıhuejle Jesucristo.

²⁰ Ima' ts'opic'a tołeła' jahuay, to'nujuaitsola' lopimaye. ŁanDios joupa ifa'epola' iłne liłpicuejma', ¿te ima' tomınts'e'mola'? Ailopa'a quıxcay

laŧepa. Jahuay ti'i'ma alte'me. Ja'ni loŧepa aimetenŧcocojma loŧpima, ja'ni toc'uilitsuf'e'ma iŧque, jiŧpe linca LanDios tixina ixcay iŧquiya loŧepa.

²¹ Loŧepa lixic' o loŧxnapa vino, o loŧ'epa, ja'ni toŧta'a toc'uilitsuf'e'ma loŧpima, najmay aimoxna'ma iŧe al vino ni aimote'ma iŧe lixic' ni aimo'e'ma to mo'ay.

²² Ima' oxina' loŧ'eya, ja'ni ti'i'ma tote'ma, ja'ni aimi'iya. To'nujuaitsi LanDios jouc'a ixina'. Tixoqui meta ima' ja'ni taimetsaicoyoxi ac'a loŧ'epa, ja'ni oxina' tetenŧcocojma LanDios.

²³ Lapima nonesya: "Aicaixina' ja'ni ti'i'ma o aimi'iya", tijoula' tite'ma, linca a'ijc'a iŧe lo'epa. Titai'ma lajunac'.

Ticuicomma ti'ila' caŧsina' ja'ni tetenŧcocojma LanDios o a'i. Ja'ni aicaŧsina' najmay aimaf'e'me.

15

¹ Illanc', ja'ni aŧcueca litaiqui' Jesucristo, ja'ni jounpa aŧsina' ti'i'ma alte'me ja'huay, ja'ni aŧsina' ailopa'a tintsi, iya' cacua: Aimaŧ'e'me lalatenŧcocoayaconga' illanc' caŧuca'. Xonca' lahuele te co'iya maŧtoc'iyacola' laŧpimaye, iŧne petsi aiqiuŧcueca. Maŧe aŧ'ete.

² Aŧ'ete le'a latenŧcocoyacola' laŧpimaye. Licuis'e'moŧtsi: "¿Te caif'eya catoc'ila' laŧpima? Aipic'a xonca tihuejla' Jesucristo."

³ Aŧ'nujuaisle li'ejma' Jesucristo. Iŧque aiquetenŧcocoyoxi quituca'. Al Paxi Linilingiya tuya'e' lo'iya Cristo. Iŧque lipalaic'opa LanDios timi: "Ima' iya' aŧteŧcopá anuli. Lan xanuc' netets'ipo' ima', maŧniya aŧnescopa jouc'a".

⁴ He lataiqui', jouc'a jahuay loya'apa al Paxi Linilingiya linihjmpa luyaipa quitine, aŧtoc'inga' illanc' naŧmana' itsiya, aŧmuc'inga'. LanDios aimicua maŧtaŧqueyaconga' jiŧpe laŧpicuejma'. Ipic'a ti'hua aŧ'huaicote iŧe lalapi'iyaconga'. Toŧiya lapi'iponga' litaiqui', iŧiya al Paxi Linilingiya. Lapi'iponga' aŧsuele. Toŧta'a lixpi'i'monga' calata, aŧsnet'i'me laŧ'iyaconga'.

⁵ Linca maŧque LanDios aŧtoc'inga' aŧsnet'He laŧ'iyaconga'. Lixoc'inga' calata. Iŧque LanDios ti'e'etsolhuo' anuli loŧpicuejma', ti'ila' loŧ'ejma' to li'ejma' Jesucristo.

⁶ Toŧta'a ti'i'ma anuli loŧpicuejma', jahuay anuli toŧs'najtsi'i'me LanDios, iŧque enDios, i'Ailli' laŧPoujna Jesucristo.

⁷ Cristo jounpa epenufpolhuo'. Toŧiya imanc' unc'apimaye. Tolapenuftsoŧtsi. Toŧta'a tixinim'me te ts'i'ic' lanDios. Tixinim'me ac'a lipicuejma'.

⁸ Jesucristo i'huamma fa'a li'a lamats', i'epoxi to caŧmozo illanc' ninc'ijudío. Toŧta'a iŧinc'ipa linespa LanDios. Enant'lipa lataiqui' LanDios lepi'ipola' laŧtatahueló.

⁹ Jouc'a i'huacomma li'a lamats' toŧs'najtsi'ile LanDios imanc' a'i cunc'ijudío. Licuai'ma Cristo iŧque imuc'i'molhuo' te ts'i'ic' LanDios lipicuejma'. Iŧque LanDios tixinnilhuo' unc'icuanuc'la. Al Paxi Linilingiya tuya'e' toŧta'a lo'iya ticua:

Pe lomana' lan xanuc' a'ij judío cax'najtsi'ito', camito': "¡Acueca' iŧta'a lo'epa!" Maŧpiya cunac'ta, camito': "¡Ma' ima' manDios!"

¹⁰ Jouc'a tuya'e':

Unc'ocuenaye xanuc', jouc'a lixanuc' LanDios, tixoŧla' cunlata anuli.

¹¹ Jouc'a tuya'e':

Unc'ocuenaye xanuc', toŧs'najtsi'ile LanDios.

Imanc' ni petsi loŧmana', toŧnesle: "¡Acueca' lanDios!"

¹² Jouc'a pe liniliya linespa Isaías tuya'e':

Tama jounpa imanapa Isaí, (iŧque i'ailli' cal rey David),

ti'i'ma anuli lanef'eya, ticuxe'mola' locuenaye lan xanuc', iŧne a'ij judío.

Iŧniya ti'huaiyijm'me iŧque.

13 Aisa'hueyi LanDios tepi'itsolhuo' colpicuejma' to'huaicote al c'a lapi'iyacolhuo', tixoc'itsolhuo' cunlata. Tohta'a tohsim'me acueca' lotoc'ipolhuo' cal Espiritu Santo. Aimixojyacolhuo', ti'hua to'huaico'me.

14 Cunc'aipimaye, joupa aixinnilhuo' te ts'i'ic' lo'ejma'. Aixinnilhuo' juaiconapa ac'a lo'picuejma'. Aixina' joupa olsina', tohsc'ai'iyoltsi.

15 Tama aixinnilhuo' tohta'a nini'epolhuo' ita'a colje'e. Petsi petsi tocomma to ujfxi laitaiqui'. Aipic'a to'nujuaita, aimolimenc'eco'me ite al c'a olsina'. LanDios joupa lapi'ipa laimane catoc'itsolhuo' tohta'a.

16 LanDios lummepa ni petsi lomana' lan xanuc' a'ij judío. Lummecopa capalaicota Jesucristo. Tohta'a ca'ay lipenic' lahPoujna. Cuya'e litaiqui' LanDios, Lataiqui' loya'apa ite al c'a loxplic'epa LanDios. Cami LanDios: "Ja'a, toxintsola' ite locuenaye xanuc' a'ij judío. Itne jouc'a o'huexi, joupa epenufpa cal Espiritu Santo. Joupa aitoc'ipola'. Tetenlocotso' ima'. Tapenuftola'."

17 Iya' tixoqui neta quihuequi Jesucristo. Tohta'a ca'ay lanic' lalapi'ipa LanDios. Ma' ilque Jesucristo altoc'i.

18 Aicapalajma lanic' ite li'epa ocuena calpima. Aicacua: "Itne laif'epa iya". Ma le'a capalaico'ma li'epa Cristo jilpiya laitsehuo'ma iya'. Jilpe petsi lan xanuc' a'ij judío atquimf'epa iya' lainuya'apa. Ahsimpa lai'epa, lijou'ma ihuejco'me LanDios.

19 Lainipamma jilpe al cuecaj quilya' Jerusalén aitsehuo'ma aculi' cacuaita lamats' Ilríco, ca'hua cuya'e' Litaiqui' Jesucristo. Ni petsi lomana' lan xanuc' nu'iyalepa Lataiqui' loya'apa ite al c'a loxplic'epa LanDios. Lan xanuc' ixim'me acueca' lo'epa LanDios. Ixim'me acueca' lipepaxi cal Espiritu Santo.

20 Iya' cahuela' lan xanuc' petsi aimimetsaicoyi Jesucristo. Pe lomana' ihniya jilpe cuya'e' Lataiqui' loya'apa ite al c'a lixplic'epa LanDios. Aica'eya canic' petsi ocuena joupa ipangopa.

21 Cacia: Ti'ila' ma to micua al Paxi Linilingiya loya'apa: Lan xanuc' petsi aiquilsina' naiti ilque, petsi aicu'innila', ihniya timetsaico'me. Petsi aiquilcueca, ma' ihniya ti'i'ma quilsina'.

22 Joupa aimipolhuo', aixpic'epa ca'hua'ma pe lomana' lan xanuc' petsi aimimetsaicoyi Jesucristo. Capalaic'otsola' ihniya. Toliya aicaitsec' pe loimana' imanc'.

23 Ixhuaita axpe' camats' aipic'a ca'huala'. Aipic'a cacuaiti jilpiya pe loimana'. Itsiya cacua: Fa'a pe laifpa'a joupa ijoupa laipenic'. Linca ca'hua'ma.

24 Litine ca'huala' España, ihniya litiné cuyaicota pe loimana' imanc', cahuejntolhuo'. Oque' afane' quitine ahmajnta anuli, tixoj'ma calata. Tijoula' imanc' altoc'ita cuyaita.

25 Ate'a ca'hua'ma Jerusalén. Capi'itola' quiltomí lapimaye nomana' jilpe. Itne i'huexi LanDios.

26 Lapimaye nomana' lamats' Macedonia, jouc'a nomana' lamats' Acaya, itne ixpic'e'me tefot'le'me litomí, titoc'iconnola' lipimaye petsi aiquilhueca, itne i'huexi LanDios nomana' Jerusalén.

27 Cacia: Ixplic'epa titoc'ite lipimaye ihniya ajudío nomana' Jerusalén. Tohta'a tix'najtsi'im'mola'. Itne lipimaye ajudío joupa itoc'impola'. Aiquicuanac'ennila' Lataiqui' loya'apa ite al c'a lixplic'epa LanDios. Ticuayi: "Tuyalaicotsa al c'a Locuena Quitine". Itsiya itne lapimaye a'ij judío tix'najtsi'im'mola' lipimaye. Tumme'ennila' quiltomí. Tuyalaicotsa al c'a itsiya litine.

28 Toliya ca'hua'ma Jerusalén. Ma' iya' capi'itsola' lapimaye quiltomí; ite lefot'lepa lapimaye a'ij judío, itne nomana' Macedonia y Acaya. Tijoula' cuyaiti pu'hua España catsa'aitolhuo' imanc' noimana' Roma.

29 Jesucristo ałtoc'ipa. Ałpaxnepa juaiconapa. Cacuaitsi iya' pu'hua pe lołmana' ma' anuli ałtoc'i'monga', ałpaxne'monga'.

30 Cunc'aipimaye, imanc' illanc' anuli łapPoujna, iłque Jesucristo. Iłque ałtoc'inga'. Jouc'a ma' anuli cal Espíritu łalapi'iponga' łalpicuejma' ał'etsoltsi capic'a. Iłque cal Espíritu Santo. Toliya caxa'huelhuo' tołjoc'ite ŁanDios ałtoc'ıla'. Ti'hua tołjoc'i'me.

31 Tołta'a ŁanDios ał'eta cuenna. Lan xanuc' nał'epa laic', iłniya nomana' łamats' Judea aimi'iya mał'e'eya to micuayi. Jouc'a tołsa'huele ŁanDios ałtoc'itsi jilpe Jerusalén. Tetencocotsola' laif'eya lapimaye nomana' jilpiya, lapenufta al c'a.

32 Tołsa'huele ŁanDios ałtoc'ıla' tixojla' neta cacuaitsi pe lołmana'. Ma' anuli lunxajta. Lixpi'itołtsi calata.

33 ŁanDios nipajnya ti'i'ma tipac'e'e'molhuo' lołpicuejma'. Imanc', iłque, tołmajnle anuli. Tołta'a ti'ıla'. Amén.

16

1 Fa'a tipa'a Febe łapima caca'no'. Iłque ti'ay lanic' lepi'ipa ŁanDios, titoc'ıla' lapimaye nomana' liłya' Cencrea, iłne lafołyomma jilpiya. Iya' nimetsaijma ac'a caca'no'.

2 Imanc' i'huexi ŁanDios jouc'a tolimetsaicotsa łapima, tolapenufle. Ma' anuli łapPoujna. Ja'ni tehue'e' tołapi'ite, tołtoc'ite. Iłque itoc'ipola' axpela' lapimaye, iya' jouc'a ałtoc'ipa.

3 Tolu'itsola' Aquila y lipeno Priscila: “Pablo tinonilhuo’”. Ma' anuli illanc' ał'eyi lanic' łalapi'iponga' Jesucristo.

4 Linca iya' jouc'a jahuay lapimaye a'ij judío, ni petsi lafołyomma, ałs'najtsi'ila' iłne Aquila y Priscila. Iłne ałcuanajcopa iya'. Tocomma to aimunł'eyacołtsi iłniya.

5 Lapimaye lafołyomma lilejut'ł Aquila y Priscila, jouc'a cal c'a łai'amigo Epeneto, tolu'itsola': “Pablo tinonilhuo’”. Jilpe łamats' Asia Epeneto i'ipa cal te'a lihuejpa Jesucristo.

6 Jouc'a tolu'itsa María: “Pablo tinonhuo’”. Iłque María acueca' itełcopa itoc'ipolhuo'.

7 Ma' anuli tolu'itsola' Andrónico y Junias, iłne aipiłya' xanuc'. Iya' iłniya ałtats'emponga' anuli. Iłne alulijpa iya'. Ate'a i'huaiyijmpá Jesucristo. Iłne jouc'a a'apóstole, lummepola' ŁanDios. Ti'eyi acueca' canic'.

8 Jouc'a tołta'a tolu'itsa Ampliato. Iłque linca ca'ay capic'a. Tołta'a lapi'ipa laipicuejma' łapPoujna.

9 Jouc'a tolu'itsa Urbano. Illanc' ałejmale. Ał'eyi lanic' łalapi'iponga' Jesucristo.

Jouc'a tolu'itsa Estaquio, łacaipima.

10 Jouc'a tolu'itsa Apeles. Jilque linca imuj'moxi cal c'a ts'ihuequi Jesucristo. Aiquenajyoxi.

Jouc'a tolu'itsola' iłniya nomana' lejut'ł Aristóbulo.

11 Jouc'a tolu'itsa Herodión. Iłque aipiłya' xans.

Jouc'a tolu'itsola' iłniya nomana' lejut'ł Narciso, iłne ti'huaiyijnyi łapPoujna Jesucristo, joupalepenufpola'.

12 Jouc'a tolu'itsola' Trifena y Trifosa. Iłne ti'eyi lanic' lepi'ipola' łapPoujna Jesucristo.

Jouc'a tolu'itsa łal'amiga Pérsida. Iłque juaiconapa i'epa lanic' lepi'ipa łapPoujna.

13 Jouc'a tolu'itsa Rufo. Iłque linca timujyoxi i'huif'epa łapPoujna, ac'a tihuequi. Jouc'a tolu'itsa qui'máma' Rufo. Iya' jouc'a cami: “Ai'máma’”.

¹⁴ Jouc'a tolu'itsola' iñe Asíncrito, Flegonte, Hermes, Patrobas, Hermas, y jilpiya nomana' locuenaye capimaye.

¹⁵ Jouc'a tolu'itsola' iñe Filólogo, Julia, Nereo, lipima caca'no' Nereo, Olimpás y jahuay lapimaye i'huexi ÑanDios lafołyomma iñiya.

¹⁶ Jahuay imanc' tołmontsołtsi. Tołtuc'otsołtsi lołpeque to tituc'otsołtsi lapimaye i'huexi ÑanDios.

Tinonilhuo' imanc' jahuay lapimaye i'huexi Cristo ni petsi lafołyomma.

¹⁷ Cunc'aipimaye, jilpiya pe lołmana' timana' lan xanuc' nacui'ipoltsi apimaye. Iñe ocuenaj lił'ejma'. Iñe mane tifuli'ilhuo', ti'e'e'molhuo' onłca. Tołta'a anuli anuli ti'hua lipene. A'i tołta'a limuc'ipolhuo' lataiqui' lolihuic'ipa. Imanc' ti'ila' cołsina' naitsi iñe, tolanajtsołtsi.

¹⁸ Iñe aimihuejyi locuxepa lałPoujna Jesucristo, le'a tehueyi te co'iya mulijyacu quiłtomí, titetsołe al c'a. Tipalaiyi tocomma ac'a cataiqui', tetentłcocola' lapimaye. Tifel'minnila' iñe lapimaye petsi noximpá jahuay lataiqui' tocomma ma' anuli. Iñe lapimaye aimimetsaicoyi petsi a'ijc'a capicuejma'.

¹⁹ Iya' jouc'a jahuay lapimaye ni petsi lomana' alsina' imanc' linca tolihuejcoyi. Iñe loł'ejma' lixoc'i neta iya'. Iya' aipic'a ti'ila' cołsina' te ts'i'ic' al c'a. Tolihuejle y toł'ele tołiya. Ja'ni a'ijc'a, cacua: Ni aimi'i'ma cołsina' te ts'i'ic', amolihuejyacu.

²⁰ ÑanDios lipac'e'eponga' lałpicuejma' aimicołya timuj'moxi acueca' ipujfxi. Tołsim'me joupa i'oc'enapa Satanás, toł'huailletsuf'me. Tijoułta' ailopa'a co'e'econayacolhuo'.

LałPoujna Jesucristo titoc'itsolhuo' itine itine.

²¹ Tinonilhuo' Timoteo. Iłque anuli ał'epá lanič' lalapi'iponga' Jesucristo. Lucio, Jasón, Sosípater jouc'a tinonilhuo'. Iñe aipiłya' xanuc'.

²² Iya' ninTercio quiniłi iłta'a al je'e. Iya' jouc'a nihuequi Jesucristo. Canonilhuo' imanc' unc'aipimaye.

²³ Iya' ninPablo aipanc'ale fa'a lejut'ł Gayo. Iłque tinonilhuo' jouc'a. Jifa'a lejut'ł tefołyomma lapimaye.

Erasto, iłque ipenic' ti'huejla' al tomí fa'a liłya', jouc'a lałpima Cuarto, tinonilhuo'.

²⁴ Itine itine lałPoujna Jesucristo titoc'itsolhuo' jahuay imanc'. Tołta'a ti'ila'. Amén.

²⁵⁻²⁷ Iya' cacua: ¡Als'najtsi'ile ÑanDios! Iłque ti'i'ma titoc'i'molhuo'. Tołta'a aimolanajyacołtsi al c'a cane. Małta'a loya'apa Lataiqui' laifnuya'apa iya'. Iñe Lataiqui' tuya'e' te ts'i'ic' al c'a loxpıc'epa ÑanDios, tipalaijma Jesucristo. Iya' cuya'e' naitsi iłque.

Iña'a litiné ÑanDios ałmuc'iponga' al cuajmaica te ts'i'ic' lixpıc'epa. Iñe lixpıc'epa uya'a'me lam profeta, inil'me. Li'ipa tipanemma to lemiya cataiqui'. Ailopa'a nicuejpa. ÑanDios, iłque aimijouya lipitine, joupa icuxepa ticuejle jahuay lan xanuc' ni petsi lomana', tihuejcołe, ti'huaiyijnle. Cacua: Ti'huaiyijnle Jesucristo. Tołta'a timetsaico'me acueca' ÑanDios. Ma' iłque anDios, acueca' lipicuejma'. Timetsaiconle itsiya litine, Locuena Quitine jouc'a. Tołta'a ti'ila'. Amén.

LIJE'E SAN PABLO AL TE'A LINIË'EPOLA' LAPIMAYE LEFOT'LEPOËTSI LIËYA' CORINTO

¹ Iya' ninPablo, Jesucristo aŋjoc'ipa ca'ela' lanic' lalapi'ipa. Toŋiya iya' nin'apóstol, epaluc Jesucristo. Toŋta'a lixpíc'epa ËanDios.

² Iya' jouc'a ñaipima Sóstenes lini'elhuo', aŋnonilhuo' imanc' lefot'lepolhuo' ËanDios jilpe liya' Corinto. Imanc' joupá epenufpolhuo' Jesucristo. Toŋiya i'ipolhuo' ixanuc' ËanDios. Iŋque joupá imetsaicopolhuo' i'huexi. Jahuay laŋpimaye nojoc'ipá Jesucristo, ni petsi lomana', aŋnonila' jouc'a. Maŋque Jesucristo aŋPoujna, illanc' iŋniya.

³ ¡Caŋ'Ailli' ËanDios jouc'a laŋPoujna Jesucristo titoc'itsolhuo', tipac'e'etsolhuo' loŋpicuejma'!

⁴ Itine itine cax'najtsi'i ñainenDios acueca' itoc'ipolhuo', ipaxnepolhuo' imanc' lepenufpolhuo' Jesucristo.

⁵ Cax'najtsi'i xonca ac'a loluyalaicopa imanc' lepenufpolhuo' Cristo. Juaiconapa ac'a loluya'apa litaiqui'. Ac'a olapenuf'me iŋe litaíqui', oŋcúejpá.

⁶ Toŋta'a li'ipolhuo' lijoupa lolapenufpa laŋtaiqui' laŋpalaicopa Cristo.

⁷ ËanDios ipaxnepolhuo' acueca'. Jahuay lapi'ipola' lixanuc' joupá epi'ipolhuo' imanc'. Itsiya oŋ'huaijma ticuaiconanni laŋPoujna Jesucristo.

⁸ Iŋque ti'hua titoc'i'molhuo' aimolanajyacoŋtsi al c'a cane. Ticuaiconanni laŋPoujna Jesucristo aimitac'uinyacolhuo' cajunac'.

⁹ Toŋta'a ti'e'ma ËanDios. Iŋque tenant'hi litaiqui', aimifellaíque. Joupá ijoc'ipolhuo' tonŋejmale'me hi'Hua, laŋPoujna Jesucristo.

¹⁰ Unc'aipimaye, caxahue'elhuo' toŋpic'e'ete ti'ila' ac'a loŋ'ejma', tetenŋcocola' Jesucristo. Camilhuo': Aimofŋuli'i'moŋtsi cataíqui', aimolixtuc'o'moŋtsi. Toŋ'etsoŋtsi anuli loŋpicuejma', anuli loŋtaiqui'. Aimolanajcona'moŋtsi ocuena ocuena lipicuejma'.

¹¹ Unc'aipimaye, lapimaye nomana' lejut'ŋ Cloé tinescolhuo' imanc', ticuayi toŋfuli'iyotŋtsi cataíqui'.

¹² Joupá aicuejpa loŋ'ejma'. Hualca imanc' toŋcuayi: “Illanc' aŋcuxenga' Pablo, iŋque lihuejyi”. Ocuenaye ticuayi: “Lihuejyi Apolos”. Ocuenaye ticuayi: “Lihuejyi Cefas”. (Iŋque aPedro.) Locuenaye ticuayi: “Illanc' lihuejyi Cristo”.

¹³ Itsiya quicuis'elhuo', camilhuo': ¿Te tipa'a axpela' lan Cristo? ¿Te iya' ninPablo lapatŋ'ingimpa lancruz? ¿Te iya' naiŋonc'e'epolhuo' loŋjunac' imanc'? ¿Te ma maŋ'huaiyinge iya' ninPablo epo'icompolhuo'?

¹⁴ Cax'najtsi'i ËanDios iya' nij naitsi imanc' ñainepo'ipa. Ma le'a nepo'ipola' Crispo y Gayo. Locuenaye imanc' aicainepo'ila' iya'.

¹⁵ Toŋta'a aimi'iya moŋnesyacu imanc': “Iya' nihuequi Pablo, iŋque lapo'ipa”. A'i. Nij naitsi nonesya toŋta'a.

¹⁶ Linca nepo'ipola' lapimaye nomana' lejut'ŋ Estéfanas. Aicaixina', aica'nujuaitsi ja'ni nepo'ipola' ocuenaye o a'i.

¹⁷ Cristo lummecopa cuya'atsi Lataíqui', iŋe loya'apa al c'a lixpíc'epa ËanDios. Aicalu'ic': “Tapo'iyaletsi”. Iya' a'i nincueca' comxi cataíqui'. Cristo aical'e'e toŋta'a. Ipic'a ti'ila' quilsina' te ts'i'ic' al cuecaj li'ipa jilpe lancruz, tixingufcole jilpe hilunxajma'.

¹⁸ Lan xanuc' ts'iltaic' liŋjunac' aiqulŋcúeca li'ipa jilpe lancruz. Ticuayi: “Amac'ta cataíqui' iŋiya”. Illanc' a'i. ËanDios alunŋu'enga', toŋta'a aŋsinyi acueca' cataíqui' iŋiya, aŋsingufcoyi al cueca' laŋ'eponga' ËanDios.

¹⁹ Al Paxi Liniŋgiya tuya'e' lo'iya, ticua:

Timana' lan xanuc' nocuapá: “Acueca' laipicuejma', iya' linca aixina”.

ŁanDios ticua: “Iya' camuc'i'mola' te ts'i'ic' liƀpicuejma', aiqũĩsina”.

Jouc'a timana' nocuapá: “Iya' linca cacueca”.

ŁanDios ticua: “Ihniya aiqũĩcũeca, camuc'i'mola' tołta'a”.

²⁰ Itsiya, ¿te qui'ipola' nocuapá: “Acueca' laƀpicuejma'”? ¿Te qui'ipola' ihniya nipa'acopá lijuac lan tsilaj cataiqui', ihne lomxiye cataiqui'? ŁanDios joupa imujpa ihne aiqũĩsina'. Łiłtaiqui' tipa'acoyi małpe liƀpicuejma' pangay camac'ta cataiqui'.

²¹ Jifa'a li'a łamats' lan xanuc' naihuejpa' quĩtuca' liƀpicuejma' tama tocomma acueca' liƀpicuejma' ihniya aiqũĩlimetsaijma' ŁanDios. Iłque linca acueca' lipicuejma', tołta'a ixpic'epa tunłu'etsola' lan xanuc' nepenufpa' lataiqui' laluya'apa. Iłe tocomma to łamac'ta cataiqui', tinescojma li'ipa jilpe lancruz.

²² Lan judío ticuayi: “Ti'ełá' al cueca' ŁanDios, ałsinłe illanc', tijoułá' ał'huaiyjm'me”. Lan griego ticuayi: “Ałsinłe, ałquimf'ełe anuli ts'acueca' lipicuejma', acueca' quitaiqui' loya'apa, tijoułá' ał'huaiyjm'me”.

²³ Illanc' ma' ałnescoyi Cristo, iłque łummepa ŁanDios. Luya'ayi: “Iłque łepałts'ingimpa lancruz”. Licuejpa' tołta'a lan xanuc' judío ixtulencia. Ticuayi: “Ja'ni łepałts'ingimpa lancruz aicummaic' ŁanDios”. Petsi a'ij judío, ihne lan griego, tetets'iyi laluya'apa, ticuayi: “Amac'ta cataiqui' ihya”.

²⁴ Petsi lojoc'ipola' ŁanDios, ja'ni ajudío, ja'ni agriego, ihne linca timetsaicoyi Cristo łummepa ŁanDios. Jilpe iximpá al cueca' lo'epa ŁanDios, iximpá acueca' lipicuejma'.

²⁵ Liximpá li'ipa Cristo jilpe lancruz, lan xanuc' ticuayi: “ŁanDios ailopa'a quipicuejma', ailopa'a co'eya”. A'ij linca iłta'a locuapa. Xonca acueca' lipicuejma' ŁanDios, xonca acueca' lo'epa.

²⁶ Unc'aipimaye, imanc' lojoc'ipolhuo' ŁanDios, tolimetsaicoyołtsi te ts'i'ic' mołmana'. Imanc' a'i cunc'itsila' xanuc'. Ma le'a oquexi' afantsi imanc' acueca' loƀpicuejma'. Ma le'a oquexi' afantsi ti'hua lołmane, tołcuxeyi. Ma le'a oquexi' afantsi loł'aillí ts'ił'hueca, acueca' quĩł'huexi.

²⁷ ŁanDios ixpic'epa tulijtsola' ihniya nocuapá: “Iya' aixina', acueca' laipicuejma'”. Tołiya i'huif'epolhuo' imanc' petsi a'ij cueca' cołpicuejma', epi'ipolhuo' loƀpicuejma' ti'ila' acueca' cołsina'. Ma' anuli ixpic'epa tulijtsola' nocuapá: “Acueca' ti'hua łaimane, acueca' laif'eya”. I'huif'epolhuo' imanc' petsi aimi'hua cołmane, ailopa'a al cueca' loł'eyacu.

²⁸ Ixplic'epa tulijtsola' lan tsilaj xanuc', ihne limetsaiconna' fa'a li'a łamats'. Imanc' joupa ti'onłcospolhuo' to ninaitsi xanuc', etets'impolhuo', tocomma aimołmana' fa'a li'a łamats', ŁanDios i'huif'epolhuo', timetsaico'molhuo'. Ihne lan tsilaj xanuc' aimimetsaiconyacola' tołta'a. Tejac'e'mola'.

²⁹ Aimi'iyi małnesyacu: “ŁanDios ałsimpa nincuecaj xans, tołiya lapenufpa”. A'i. Nij naitsi nonesya tołta'a.

³⁰ Imanc' cołtuca' aicołspic'e. Ma ŁanDios ixpic'epa tepenuftsolhuo' Jesucristo. Małque ŁanDios ipo'nopa Cristo ałmuc'itsonga' te ts'i'ic' al cueca' lipicuejma' ŁanDios. Ja'ni ał'huaiyijnyi Cristo ŁanDios lapenufinga' to ailopa'a całjunac'. Iłque Cristo ał'e'eponga' i'huexi ŁanDios. Joupa i'najtsepa lałjunac'.

³¹ Tołta'a tenant'li loya'apa al Paxi Linilingiya, ticua: “Ja'ni topalałta' al c'a li'ipo', ne', toya'ala' al cueca' li'epa lałPoujna”.

2

¹ Unc'aipimaye, li'ipa małmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa ŁanDios.

² Joupá aixpic'epa te ts'i'ic' lo'iya lai'ejma'. Cagua: Ma capa'a liya' Corinto ca'nujuais'ma ma le'a Jesucristo, ique lepaits'ingimpa lancruz. Capalaico'ma ique.

³ Laicuaitsi jilpe lo'pilya' tocomma amajaiquemma. Laipicuejma' cagua: ¿Te ca'lya? Tiyu caxpaiqui' laicuerpo.

⁴ Imanc' alsimpa a'ij cueca' laipicuejma', a'ij cueca' laitaqui', laifpalaipa. Olsimpá ma le'a al cueca' lo'epa cal Espíritu Santo. He linca olsimpá.

⁵ To'ta'a aica'huaiyinge iya'. Aico'nesqui: "Acueca' lipicuejma' Pablo". Imanc' ma' o'huaijimpá LanDios, to'cuayi: "Acueca' lo'epa ique".

⁶ Linca tipa'a lataiqui' xonca acueca', ipime. He lataiqui' camuc'ila' lapimaye ts'ipicuejma', ihe ticuec'eyi, aimi'on'cospola' to la'uhuay.

He laifnuya'apa ituca' cataiqui', a'i to li'taiqui' lopalaipa ihe naihuejpá quilituca' li'picuejma'. He laifnuya'apa jouc'a a'i to li'taiqui' lan tsilaj quincux-epá, i'niya petsi LanDios tijou'ne'mola'.

⁷ Lataiqui' laifnu'iyalepa tuya'e' al cueca' lixp'ic'epa LanDios, tocomma emiya cataiqui'.

Lipangopa li'a lamats' LanDios joupá ixina' lo'eya, joupá ixpic'epa lo'iya. A'e'e'monga' pangay c'a la'picuejma', ti'ila' to lipicuejma' LanDios, a'haitsufcotonga'.

⁸ Lincuxepá nomana' fa'a li'a lamats' ai'quilsina', ai'quicueca to'ta'a lixp'ic'epa LanDios. Ja'ni co'la' i'sina' aimepaits'ijnyacu la'Poujna, ique ma' anDios.

⁹ Ma' al linca loya'apa al Paxi Linilingiya, ticua:
Lan xanuc' ai'quilehuelojm'ma li'u', ai'quiquimf'ejma li's'mats'i'.

Jilpe li'picuejma' ai'quilsina' te ts'i'ic' li'hueca LanDios.

LanDios joupá ilanc'epa, tepi'i'mola' lixanuc', ihe no'epá capic'a hilenDios.

¹⁰ Illanc' linca alsina'. LanDios joupá amuc'iponga'. Cal Espíritu Santo alu'iponga'. Ique cal Espíritu ixina' lipicuejma' LanDios, ixina' jahuay xonca lipime, ixina' xonca lemiya.

¹¹ Anuli cal xans, ¿te ja'ni ixina' te ts'i'ic' lipicuejma' lif'as xans? A'i. Ma le'a ixina' te ts'i'ic' mixpic'e quita' lipicuejma'. Jouc'a LanDios, ma le'a hi'Espíritu, ique cal Espíritu Santo, ixina' te ts'i'ic' lipicuejma' LanDios.

¹² Illanc' lapenufpá cal Espíritu Santo, lalapi'iponga' LanDios. A'i calapenufi locuenaj espíritu, ique nocuxepola' lan xanuc' naihuejpá li'picuejma'. LanDios ipic'a ti'ila' calsina' te ts'i'ic' lalapi'iponga', to'lya lapi'iponga' cal Espíritu Santo. Ique amuc'inga'.

¹³ Lalu'ipola' lapimaye, ihe la'taiqui', aimalipa'acoyi ca'tuca' la'picuejma'. Ma'que cal Espíritu Santo amuc'inga' te ts'i'ic' la'palaicoyacu. He lonespa cal Espíritu Santo amuc'ila' lapimaye, ihe pe joupá nepenufpá ique cal Espíritu, tihuejcoyi.

¹⁴ Anuli cal xans ja'ni aiquepenufi cal Espíritu Santo aimicueca te ts'i'ic' malapi'inga' cal Espíritu. Jahuay i'ya tixina to amac'ta cataiqui'. Aimi'iya mihuic'iya. Ma le'a cal Espíritu Santo ti'i'ma timuc'i'ma.

¹⁵ Ja'ni joupá mepenufpa cal Espíritu Santo jahuay i'ya to'cueda. Cal Espíritu timuc'ihuo'. Linca, lan xanuc' tixinghuo' ocuena lopicuejma', aimicuec'ehuo', aimixingufhuo'.

¹⁶ Aimi'iya mixingufyaco'. El Paxi Linilingiya ticua:

¿Te ja'ni tipa'a naitsi niximpa te ts'i'ic' lipicuejma' LanDios?

¿Te ja'ni ti'i'ma timuc'i'ma LanDios?

A'i aimi'iya.

Illanc' la'picuejma' i'ipa anuli lipicuejma' Cristo. To'ta'a aimac'uec'enyaconga'.

3

1 Unc'aipimaye, laɬmajmpá anuli jilpiya aicaimuc'ilhuo' lipime cataiqui'. Aiqui'ic'. Tocomma afule molihuejyi Cristo. Aimolihuejyi cal Espíritu Santo. Xonca tolihuejyi coɬtuca' loɬpicuejma'. Aiximpolhuo' ti'onɬcospolhuo' to la'uhuay.

2 Toɬiya iya' laites'mipolhuo' ti'onɬcospa to aleche a'i quixic'. Cacia: Laimuc'ipolhuo' a'i quipime cataiqui', pangay aiquipime.

Ihniya hitiné aiqui'ic' colihuic'i lipime cataiqui', itsiya jouc'a aimi'iya.

3 Ma' itsiya tolihuejcoyi coɬtuca' loɬpicuejma'. Toɬejcoyoɬtsi laic'. Toɬfuli'icoyoɬtsi. Tolanajyoɬtsi, anuli anuli ti'hua lipene. ¿Te ja'ni toɬta'a tolihuejcoyi cal Espíritu Santo? Toɬta'a liɬ'ejma' ihniya pe aiquirepenufi cal Espíritu Santo.

4 Hualca imanc' toɬcuayi: “Illanc' lihuejyi Pablo”. Hualca toɬcuayi: “Illanc' lihuejyi Apolos”. Mi'i toɬta'a loɬ'ejma' linca tolihuejcoyi coɬtuca' loɬpicuejma'.

5 Iya' ninPablo, ¿naitsi iya'? Apolos, ¿naitsi itque? Illanc' ma le'a ninc'ixanuc', aɬ'eyi lanic' lalapi'iponga' LanDios. Aluya'ayi litaiqui' LanDios. Imanc' oɬ'huaiyimpá itque. Anuli anuli tipa'a laɬpenic' lalapi'iponga' LanDios.

6 Iya' aifapa, Apolos ic'ejpa, LanDios itoc'epa.

7 Illanc' aɬfapá, aɬc'ejpá, a'ij cueca' ile lanic'. Al cueca' xonca lo'epa LanDios Notoc'epa.

8 Ja'ni aɬfayi, ja'ni aɬc'ejyi, ma' anuli aɬ'eyi lanic' lalapi'iponga' LanDios. Tijouɬa' anuli anuli lulij'me lalapi'iyaconga' LanDios. Ituca' ituca' lalapi'iyaconga' ma to laɬpenic' laɬ'epa.

9 Aɬ'eyi canic' anuli LanDios. Imanc' ti'onɬcospolhuo' to quequeya LanDios. Ti'onɬcospolhuo' to lajut'ɬ lolanc'epa LanDios.

10 LanDios lapi'ipa laipenic', cuya'atsi litaiqui' Jesucristo. Toɬta'a jilpe lai'epa ti'onɬcospa to lo'epa lomxi canic' ts'ixina' lo'eya tilanc'eɬa' al c'a cajut'ɬ. Tocomma to aipupa camats', aipo'nopa lopo'nof'inyacu ɬaitaɬ. Itsiya ocuenaye tuyai'eyi ɬaitaɬ. Camila' ihniya: “Toɬpo'noɬe cuenna te ts'i'ic' lonɬ'eyacu.

11 Ne', toluyai'etsa ɬaitaɬ. Aimolpo'nocona'me lopo'nof'inyacu ɬaitaɬ. Iya' joupa aipo'nopa, itque Jesucristo. Ailopa'a cocuena.”

12-13 Ticuaitsi al Cuecaj Quitine ti'huájta acuajmaica te jale lanic' li'epa ilne nolanc'epá ɬaitaɬ. Jilpe litine tiɬic'eyo'ma cunga. Lunga tuyaico'ma jahuay, hualca tipi'e'ma nulemma, hualca tipanehuo. Toɬta'a ti'huájta te lilanc'ecompa ɬilpitaɬ, ja'ni a'oro, aplata, apic' juaiconapa ipitali, o ja'ni a'ec, ajaxa, apajac.

14 Cal xans ja'ni tipanehuo ɬaitaɬ lipo'nof'ipa, itque tulij'ma lalapi'iya LanDios.

15 Ja'ni tipita' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munɬu'enyacola' lan xanuc' mipila' hilejut'ɬi, toɬiya afule munɬuya itque.

16 Imanc' nolafot'ɬepoɬtsi jilpe, ¿ja'ni aicoɬsina' ti'onɬcospolhuo' to ejut'ɬ LanDios? Jilpe tipanga cal Espíritu Santo.

17 Cal xans najac'eya lejut'ɬ LanDios, maɬque LanDios tejac'e'ma itque cal xans. He lajut'ɬ apaxi, ma i'huexi LanDios. Imanc' noɬmana' ejut'ɬ LanDios, imanc' i'huexi itque.

18 Imanc' aimoɬfel'mi'moɬtsi. Aimoɬ'onɬico'moɬtsi to lan xanuc' naihuejpa quiltuca' liɬpicuejma'. Aimoɬnes'me: “Joupa aixina'. Acueca' laipicuejma'.” Ja'ni tonesqui toɬta'a najmay taimetsaico'moxi mamac'ta. Toɬta'a tapenuf'ma copicuejma'.

19 Ilne naihuejpa quiltuca' liɬpicuejma' tama tocomma acueca' quiɬsina', LanDios tixinnila' amac'ta. Toɬta'a loya'apa al Paxi Linilngiya, ticua:

Ihne petsi acueca' liꝑicuejma' linca ihsina' lixcay.

Ma mi'eyi ihe lixpice'epa, LanDios tic'aiñ'mola'.

²⁰ Jouc'a tuya'e':

LanDios ixina' te ts'i'ic' liꝑicuejma' ihne nocuapá: "Iya' aixina".

Tixinnila' ailopa'a al c'a lo'eyacu.

²¹ Itsiya imanc' aimoñnescona'me: "Ihque cal xans tipa'a xonca acueca' lipicuejma', ihque nañcuxepa, quihuej'ma". Ihniya loꝑpomxiye lepi'icopolhuo' LanDios titoc'itsolhuo'.

²² Iya' camilhuo': Imanc' ja'ni aꝑalajma iya' ninPablo, o toꝑpalaicoyi Apolos, o Cefas (ihque aPedro), o toꝑpalaicoyi li'a lamats', o lapajnya, o lamaya, o lopa'a itsiya, o lo'ia locuaicoya quitine, toñnujuaitsa LanDios epi'icopolhuo' jahuay ihna'a titoc'itsolhuo', a'i micuxeyacolhuo'.

²³ Linca tipa'a Nocuxepolhuo', ihque Cristo. Mañque Cristo tipa'a nicuxepa, ihque LanDios.

4

¹ Ma Cristo lummeponga' aꝑtoc'itsolhuo' imanc'. Ihe lañenic'. Camilhuo': Limetsaicotsonga'. LanDios lapi'iponga' lañmane lu'itsola' lan xanuc' litaiqui', ihe xonca lemiya, luhuañc'e'e'mola'.

² Ja'ni tepi'inte cal xans lipenic' ticuicomma tenant'ñña' ihe lanic' lapi'impa.

³ Itsiya, ¿te co'ia? ¿Te ja'ni imanc' ti'i'ma añmi'ma te ts'i'ic' laif'epa ihe laipenic', ja'ni ac'a o a'ij c'a? O ¿tipa'a anuli cal juez fa'a li'a lamats' ti'i'ma añmi'ma toñta'a? A'i, aimi'ia. Ni iya' caituca' canescoyacoxi ac'a laif'epa.

⁴ Tama iya' caituca' caxina ac'a laif'epa laipenic', aicaixina'. Le'a LanDios ixina' ihta'a. Ma' ihque lu'i'ma.

⁵ Aimoñnescona'mola' loꝑpimaye, ja'ni ac'a o a'ijc'a lo'epa. Toñhuaicoñe ticuaicoconno lañPoujna. Fa'a li'a lamats' ti'onñcospa to lipuqui'. Axpe' aiqui'huáqui. Ihque lañPoujna tepalc'o'i'ma jahuay. Aimi'ia memiconaya, jahuay tixinim'me. Jahuay lixpice'epa lan xanuc' jilpe hilunxajma' tixinim'me. Ja'ni ac'a añ'epá lañenic' ma LanDios lu'i'monga'. Anuli anuli añmi'monga'.

⁶ Unc'aipimaye, ja'ni iya' camilhuo': "Toñe toñe lañ'ejma' iya' y Apolos", ma le'a aipic'a toñta'a camuc'itsolhuo' aimoñcuxecona'moñtsi coñtuca', aimoñmiconam'oñtsi: "Nij nañtsi nañcuxeyaconga' illanc'", aimoñfuli'icona'moñtsi. Aimolahuecona'me te co'ia molulijcoyacoñtsi.

⁷ Ima', ¿te aimi'onñcospo' lopimaye? ¿Te xonca ts'o'hueca? Ja'ni o'hueca, ¿nañtsi lepi'ipo'? Ja'ni LanDios Nepi'ipo', ¿te coñof'ecopoxi? Tocomma cotuca' ima' mepi'ipoxi.

⁸ Imanc' tocomma ixhuaita loꝑpicuejma'. Ailopa'a cahue'epolhuo'. Ti'i'ma toñcuxe'moñtsi coñtuca' imanc', latets'inga' illanc'. ¿Te toñcuayi: "Joupa lulijpá. Aimañtoc'icona'monga'"? Iya' cacua: ¡Coñ'a olulij'me! Toñta'a illanc' jouc'a lunxaj'me.

⁹ Illanc' ninc'apótole tocomma LanDios aꝑo'noponga' fa'a li'a lamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, ihne ma le'a ih'huajma titeñ'mintsola', tima'am'mola'. Ma le'a lixoconga' illanc'. Lapaluc' nomana' lema'a jouc'a lan xanuc' nomana' fa'a li'a lamats' lahuelonginga' lañ'iaconga'.

¹⁰ Imanc' moñ'huaijnyi Cristo toñsinyoñtsi acueca', ac'a loꝑpicuejma'. Illanc' aimañnescoyacoñtsi toñta'a. Mañ'eyi lanic' lalapi'iponga' Cristo, lan xanuc' añnescoponga', ticuayi: "Ihne amacta". Imanc' nipajnya toñ'e'me al cueca', illanc' a'i. Nij tintsi mi'ia mañ'eyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'.

11 Illanc' ti'hua atetcoyi, lunle'eyi, lahue'enga' calsnayacu, lahue'enga' calpijahua', luntafquina', ailopa'a calajut'i, ma le'a atelocoyi.

12 Al'ecoyi canic' lałmane', acueca' quixoqui.

Ja'ni almieloquina' cataiqui', alpaxnela'. Ja'ni lihuetsolina', alsneti'yi.

13 Ja'ni alnesconga' quixcay, altalai'e'mola' al c'a. Illanc' al'onficonga' to cal cueca' lifuc, ilpic'a ma lilonc'etsonga' nulemma. Tołta'a al'e'enga'.

14 Laifpalaic'opolhuo' tołta'a aicatalahuo'. Caxinnilhuo' to cainaxque', ma le'a caxc'ai'ilhuo'.

15 Imanc' tama ti'ila' axpela' lołpomxiye, tixhuaispola' to imbamaj mil, a'ijxpela' loł'ailli'. Ma le'a iya' col'ailli'. Iya' ma' ca'ay lanic' lalapi'ipa Cristo, nu'ipolhuo' Lataiqui' loya'apa ile al c'a lixpicepa LanDios. Imanc' olapenufpá, i'ipolhuo' ainaxque'.

16 Iya' to ol'ailli' caxa'huelhuo', camilhuo': Lihuejla' iya' lai'ejma'.

17 Tołta'a tu'itolhuo' Timoteo. Iłque ai'hua, aipic'a. Linca tihuequi lałPoujna. Cumme'ma ti'huala' pu'huanni tixintsolhuo', ti'nujuaitsi'itsolhuo' te ts'i'ic' cainihuequi Cristo, te ts'i'ic' lataiqui' laifmuc'ipola' lapimaye ni petsi lafołyomma.

18 Jiłpe hualca ti'e'eyołtsi, ticuayi: "Iłque Pablo aimicuaiya fa'a. Illanc' al'sina' lał'epa."

19 Iya' ja'ni ipic'a lałPoujna Jesucristo aimalcołya, ca'hua'ma jiłpiya. Cacuaitsi caxinnola' te ts'i'ic' lo'epa ilniya no'e'epołtsi. Iłne linca acueca' locuapa. Caxinnola' ja'ni acueca' ac'a lo'epa.

20 Petsi LanDios ticuxe a'i ma le'a mipalołaiyi, jouc'a ti'i'ma acueca' ac'a lo'epa.

21 Itsiya, ¿te ts'olpic'a? ¿Cacuaitsi quixtu'hua cataletolhuo'? O ¿cacuaitsi tixoquei neta, cahuejntolhuo', capalaic'otolhuo' al c'a? Imanc' coltuca' tołsim'me.

5

1 Iya' aicuejpa lopalaicompolhuo' imanc'. Pe lołmana' tipa'a anuli ixcay lo'epa. Lan xanuc' pe aimimetsaicoyi LanDios aimi'eyi to lo'epa iłque. Joupá ilecopa lihuomi'máma'.

2 Imanc' aimołsuełmot'leyi, ti'hua tołnescoyołtsi: "Illanc' xonca ac'a lihuejyi". Coła' olipa'a'me iłque ni'epa lixcay.

3 Iya' tama jifa'a capa'a, tocomma ma' anuli to jipu'hua almana'. Iya' joupá aixpic'epa lał'e'eyacu iłque cal xans ni'epa ile lixcay.

4 Tolafot'letsoltsi toł'etsa ma to lałcuxe'eponga' lałPoujna. Imanc' jiłpiya lołmana'. Iya' tama capa'a fa'a, laipicuejma' ti'hua'ma pu'huanni, tołta'a ti'i'ma to lafot'leyołtsi anuli. Jiłpe ti'hua'ma acueca' limane lałPoujna Jesucristo.

5 Tołiya laca'nico'me iłque cal xans, alcu'me ticuaitsi limane Satanás, titeł'mila'. Titełcoła' licuerpo aimixahue'econa'ma lixcay. Tunłula' li'alma litine ticuaiyunni lałPoujna Jesús.

6 Imanc' ti'hua tixoquei cunlata, tocomma coła' ailopa'a tintsí. A'ijc'a ile loł'ejma'. ¿Ja'ni aicołsina' lo'eya tułcanni cal levadura lohuants'impa łax'e? Tama tucanni titoj'ma jahuay łax'e.

7 Iłe lixcay lonł'ejma' ti'onłcospa to cal levadura, tonlaca'nile. Ti'itsolhuo' to cal ts'e harina łax'e pe ailopa'a qui'ic'. La'i lołanc'ecompa cal ts'e harina łax'e titejn-ni al juic Pascua. Jiłpe al juic ti'nujuaitsinni li'epa LanDios litine lunłu'epola' lixanuc', ilniya lijoupa ima'apá laca'huaj moł. Illanc' al'nujuaisyi liMoł LanDios, joupá lima'ampa, iłque Cristo.

8 Al'nujuaitsa iłque, tołta'a al'e'me juic. Jiłpe al juic aimixinim'me iłque cal levadura. Laifnescopa "cal levadura", canescojma lixcay. Cacia: Aimal'e'me

lixcay. Aimahnescocona'mola' quixcay lahpimaye. A'i ma le'a ma'e'e'moltsi to lan c'a xanuc', al linca al'itsonga' ac'a lahpicuejma'.

⁹ Lainini'epolhuo' aimipolhuo': "Tolanajtsołtsi ilne no'epá al xujc'a. Aimolhejmale'me ilne pe noxhuicopá ocuenaye cacal'no' a'i quipenoye."

¹⁰ Laimipolhuo' tołta'a aicapalaicocola' lan xanuc' pe aimimetsaicoyi LanDios. Linca ihniya tixhuicoyi lacał'no', tijanajyi lił'huexi lił'as xanuc', tifel'miyaleyi, texic'eyaleyi lił'as xanuc', text'onłingołaiyi landiosla'. A'i camiyacolhuo' tołanajtsołtsi ihniya. Ja'ni tołta'a lonł'eyacu tołipalcu nulemma jifa'a li'a łamats'.

¹¹ Iya' canescola' lił'ejma' lapimaye. Camilhuo' lonł'eyacu ja'ni anuli łolpima tixhuijma ocuena cacal'no' a'i quipeno, ja'ni tijanaca ocuenaj 'huexi, ja'ni text'onłingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifel'mila' lipimaye mexic'e'ela' liłtomí. Camilhuo': Ja'ni tołta'a li'ejma' anuli łapima tołanajtsołtsi, ni aimoltetso'me anuli ilque.

¹²⁻¹³ Ihniya pe a'i calpimaye, ¿ja'ni iya' iljuez? ¿Ja'ni cateł'mi'mola' ihniya? A'i. Ma LanDios iljuez ilne. Łolpimaye nomana' jilpiya, imanc' ti'hua łolmane ti'i'ma tołteł'mi'mola'. Ilque ni'epa lixcay, tołipa'ale.

6

¹⁻² Imanc', ja'ni ticuicomma tixanutsi lataiqui', ¿te colpalaic'ocopola' ts'ilpenic', ilne pe aimimetsaicoyi LanDios? ¿Te ja'ni aimolšinyi calaic'ata? Aimol'econa'me tołta'a. Imanc' i'huexi LanDios. Małpiya pe lomana' łolpimaye tołxanu'etsołtsi lołtaiqui'. Imanc' illanc' i'huexi LanDios. ¿Ja'ni aicolšina' te ts'i'ic' laluyalaicoyacu? LanDios lapi'i'monga' lałmane, al'i'monga' iljuez lan xanuc', ilne pe aimimetsaicoyi LanDios. Locuaicoya quitine, ja'ni tołta'a acueca' ti'i'ma loł'eyacu, itsiya litine, ¿te aimi'iyaya monł'eyacu ilne a'ij cueca'?

³ ¿Te aicolšina' lo'iyaya Locuena Quitine? LanDios alpo'no'monga' iljuez lapaluc' quema'a. Itsiya litine, ¿te aimi'iyaya mołsanuyacu ilne lo'ipolhuo' jifa'a li'a łamats'?

⁴ Ma muluyalaicoyi lapajnya ja'ni tipa'a lo'ipa jilpiya pe lolafot'leyopoltsi, najmay tołnanc'otsola' ma łolpimaye, ilne tixanule lataiqui', tama tocomma nij naitsi xanuc' ihniya.

⁵ Camilhuo' tołta'a aipic'a tołsintsołtsi te ts'i'ic' loł'ejma', tołsinle calaic'ata. Jilpe, ¿ja'ni ailopa'a ni' anuli łapima ts'ixina'? ¿Ja'ni ailopa'a ni' anuli ti'i'ma ti'e'ma tixanue'mola' liłtaiqui' lipimaye?

⁶ Tocomma to ailopa'a. Tołiya lapimaye ticuxecoyołtsi, tiyeyi pe lomana' lan juez, ilne pe aimimetsaicoyi LanDios.

⁷ Linca ma mołfuli'iyolołtsi, mołcuxecoyołtsi timenaquilhuo' juaiconapa. Xonca ac'a lonł'eyacu ja'ni tołsnet'ł'me lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'moltsi.

⁸ Imanc' ituca' loł'ejma'. A'ijc'a lonł'epola' łolpimaye, olfel'mipola'. Tama olpimaye tołta'a lonł'epa.

⁹ ¿Te aicolšina' lo'iyacola' ilne no'epá al xujc'a? Aimitsuflaiyacu pe locuxeyopa LanDios. Imanc' aimolfel'mi'moltsi. Aimolcua'me: "Tama tołiya laif'epa catsufaita". Ilne nahuepá cacal'no', jouc'a naxc'onłingołaipá landiosla', jouc'a noxhuicopá ocuenaye cacal'no', a'i quipenoye, jouc'a lan xanuc' no'e'epołtsi to lacał'no', jouc'a nonangołaiपोłtsi lił'as xanuc', ma to li'epa lan xanuc' jilpe liłya' Sodoma,

¹⁰ jouc'a nonantsepá, jouc'a nojanajpá locuenaj 'huexi, jouc'a noxnatsaipá, jouc'a nopalaicopá quixcay, jouc'a nofel'miyalepá mulijyi acueca' quiltomí, jahuay ihniya LanDios aimepi'iyacola' lane, aimitsuflaiyacu pe locuxeyopa.

11 Linca, li'ipa tołta'a lonł'epa hualca imanc'. Itsiya a'i. Joupa ołnespá: "Ca'huaiyinge Jesús, itque aiPoujna", joupa epo'impolhuo', i'e'epolhuo' limpio, olapenufpá cal Espíritu Santo. Tołta'a i'ipolhuo' i'huexi ŁanDios. Itque tepenufilhuo' to ailopa'a coljunac'.

12 ¿Te ja'ni anuli ticua: "Tipa'a lane. Jahuay ti'i'ma ca'e'ma."? Linca jahuay ti'i'ma al'e'me. Ai jahuay metenłcocoya. Cacia: Ja'ni ti'i'ma lulij'ma, ite aica'eya.

13 Tinesyi: "ŁanDios ilanc'epa lałcu'u ti'nijmaispa lałtejacu. Jouc'a ilanc'epa lałtejacu ti'nijmaitsi lałcu'u." Linca ma małmana' fa'a li'a łamats' ti'hua ti'nijmaita lałcu'u lałtejacu. Ticuaitsi Locuena Quitine itiya lałcu'u ailopa'a, jouc'a lałtejacu ailopa'a. Tołta'a lixpica'epa ŁanDios. ¿Te ŁanDios lapi'iponga' lałcuerpo lahuecotsola' lacał'no'? Ai. Lapi'iponga' al'ełe lanic', ite lalapi'iponga' lałPoujna. Itque i'Poujna lałcuerpo jouc'a.

14 ŁanDios joupa imaf'i'ina'pa lałPoujna Jesucristo. Tołta'a alsim'me al cueca' lo'eya ŁanDios. Almaf'i'ina'monga' jouc'a lałcuerpo.

15 Lałcuerpo joupa i'ipa i'huexi Cristo, tocomma to limane', li'mitsi' itque. ¿Te aicołsina' ita'a? ¿Te liłonc'e'e'me li'huexi lałPoujna Jesucristo? ¿Te lapi'i'me anuli laca'no' notepa licuerpo? Itque tixhuico'ma ma to mijanaca. Ai, aimi'iya.

16 Lan xanuc' lacał'no' ja'ni joupa ejonłipołtsi i'epołtsi anuli. Jouc'a ma' anuli cal xans tejonłixoxi laca'no' notepa licuerpo, ti'i'mola' anuli itniya. ŁanDios ticua: "Loquexi' tejonłi'mołtsi, ti'i'ma anuli liłcuerpo". ¿Te aicołsina' ita'a?

17 Jouc'a cal xans itejmale lałPoujna Jesucristo, itque y lałPoujna i'ipołtsi anuli, anuli liłpicuejma' itniya.

18 Tołpo'note lołpicuejma', aimoł'noł'mola' lacał'no'. Tolinuc'etsola' itniya. Ticuanni: "Ja'ni a'ijc'a lał'epá ailopa'a co'iya lałcuerpo, tołe almanecu". Iya' camilhuo': Ai. Naitsi no'nołpa ocuena caca'no' tixis'mecoyoxi, titeł'miyoxi quituca', tecani'e licuerpo.

19 ¿Te aicołsina' lołcuerpo ti'onłcospa lajut'ł pe lopa'a ŁanDios? Jiłpe tipa'a cal Espíritu Santo, itque lumme'epolhuo' ŁanDios. Itsiya aimi'iya mołcuxeyacołtsi coltuca'.

20 Acueca' li'najtsecopa ŁanDios, tołta'a i'epolhuo' i'huexi. Jiłpiya lołcuerpo tołs'najtsi'ite ŁanDios. Tonł'ełe ma le'a latentłcocoya.

7

1-2 Itsiya quinił'elhuo', catalai'e'elhuo' lalicuis'epa jiłpe lołje'e. Licuis'epa, almi ja'ni ac'a loxpica'epa anuli cal xans nonespa: "Iya' capajm'ma caituca'. Aicahueya caipeno." Ne'. Tama ac'a loxpica'epa itque cal xans, najmay lan xanuc' anuli anuli temallite. Jouc'a lacał'no' anuli anuli temallite. Tołta'a aimi'eyacu nixpiya.

3 Cal xans aimicuanaj'moxi, ti'e'exoxi anuli lipeno. Jouc'a laca'no' aimicuanaj'moxi, ti'e'exoxi anuli lipe'ailli'.

4 Aimines'ma laca'no': "Laicuerpo ai'huexi. Ja'ni aipic'a ca'e'e'moxi cuenna." Ai. Licuerpo laca'no' i'huexi lipe'ailli'. Jouc'a cal xans aimines'ma: "Laicuerpo ai'huexi. Ja'ni aipic'a ca'e'e'moxi cuenna." Ai. Licuerpo cal xans i'huexi lipeno.

5 Imanc', aimołcuanac'e'mołtsi. Ma le'a tołcuanac'e'mołtsi ja'ni tołspic'ełe loquexi' imanc'. Ja'ni tołnesle: "Alanajle oquej afane' quitine, alsnat'He, alpalai'c'o'me ŁanDios. Muyaipá itne litiné al'e'e'mołtsi cuenna." Ja'ni tołta'a ołspic'epá, ne', toł'e'etsołtsi cuenna. Tuyaila' itne oquej afane' quitine tonł'e'econatołtsi anuli. Ja'ni a'i aimołsnet'lyacu. Tijoula' łonta'a Satanás tehuai'molhuo'.

6 He laitaqui' laifmipolhuo': "Anuli anuli cal xans temanela'", aicacuxe'elhuo' tołta'a. Ma le'a camilhuo': Tipa'a lane ti'ila' tołta'a lonf'eyacu.

7 Iya' xonca aipic'a timajnle quitta' lan xanuc', al'onłcota to iya'. Iya' capa'a caituca'. Tama tołta'a laifcuapa hualca aimi'iya mi'eyacu. Ituca' ituca' lapi'iponga' lał'ejma' ŁanDios. Anuli ti'i'ma tixnet'ł'ma, łocuena aimi'iya mixnet'ł'ya.

8 Imanc' pe aiconlamalliyi, jouc'a ja'ni apotsateya cacal'no', iya' camilhuo': Tołmajnle cołtuca', ma to iya' capa'a caituca'. Tołta'a xonca al c'a tuluyalaico'me.

9 Ja'ni tołjanajyołtsi juaiconapa, tocomma tołpi'eyołtsi, najmay tonlamallile.

10 Imanc' unc'apimaye joupá nalamallipá camilhuo' lonf'eyacu. Iya' a'i caituca' ilta'a laifcuxe'epolhuo'. Camilhuo' ma lałcuxe'eponga' lałPoujna.

Imanc' unc'acał'no' camilhuo': Aimaginuc'e'ma łope'ailli'.

11 Ja'ni ominuc'epa aimahueta ocuenaj xans. Topajnla' cotuca'. O ja'ni aimi'iya, taihuejnał' łope'ailli', tołxanunatsołtsi lataiqui', tolimenc'e'ecotsołtsi loł'epa.

Jouc'a cunc'aipimaye xanuc' camilhuo': Aimaihuescuf'ma łopeno.

12 Locuenaye imanc' nalamallipá petsi le'a anuli imanc' naihuejcopa Jesucristo, camilhuo' lonf'eyacu. Iłta'a laifmipolhuo' aicalmic' lałPoujna. Iłque aiquito'nohuo cataiqui' lonf'eyacu. Ma' iya' caituca' caxc'ai'ihuo', camilhuo': Unc'apimaye, ja'ni anuli imanc' łipeno, tama aimihuejma Jesucristo, tixpic'e tipajnla', ne', timajnle anuli, aimihuescuf'ma.

13 Jouc'a unc'apimaye cacal'no', ja'ni anuli imanc' łipe'ailli', tama aimihuejma Jesucristo, tixpic'e tipajnla', ne', timajnle anuli, aiminuc'e'ma.

14 Ima' taihuequi Jesucristo, tama łope'ailli' aimihuequi, ŁanDios joupá imetsaicopa iłque to cope'ailli'. Ma' anuli maipima, ima' taihuequi Jesucristo, tama łopeno aimihuequi, ŁanDios joupá imetsaicopa iłque to copeno. Ja'ni a'i tołta'a ŁanDios coł' aiqumetsaicola' lołmaxque' ilne i'huexi. Itsiya linca timetsaicola' ilniya.

15 Ilne pe aimihuejyi loquexi' Jesucristo, axans o aca'no', petsi aiqihuequi ja'ni ipic'a tenaj'moxi, ima' petsi mihuequi tapi'ila' lane. Aimones'ma: "Joupa alfi'inga'. Aimi'iya malux'masyacołtsi." ŁanDios aljoc'iponga' almajnle al c'a, aimalfulołque'me.

16 Ima' maipima caca'no', ja'ni łope'ailli' aimihuequi Jesucristo, mipa'a iłque ima' aicoxina' ja'ni ti'i'ma to'e'e'ma tixhuej'menanni, tunł'u'ma. Jouc'a ima' maipima, ja'ni łopeno aimihuequi, mipa'a iłque ima' aicoxina' ja'ni ti'i'ma to'e'e'ma tixhuej'menanni, tunł'u'ma.

17 Iya' cacua: Ma to lał'ejma' lalapi'iponga' lałPoujna, tołta'a al'ełe. Jouc'a ma to qui'ic' lałpo'noponga' ŁanDios tołta'a luyalaico'me lapajnya. Tołta'a laifmuc'ipola' lapimaye ni petsi lafołyomma.

18 Ilne litine lijob'ipo' ŁanDios ja'ni joupá etec'empo' lopixic', i'ipa loseña, tipanenni tołta'a. Aimones'ma: "¿Te caif'eya? Quiłonc'e'e'moxi ilne laiseña." O ja'ni aiqetec'enghuo' lopixic', topanenni tołta'a. Amones'ma: "Alatec'e'enł' laipixic'".

19 Ailopa'a tintsi. Ja'ni etec'empo' lopixic' o a'i, ma' anuli ilne. Taihuejla' locuxepa ŁanDios. Tołta'a linca tetenłcocojma ŁanDios.

20 Jahuay imanc', ma to mipa'a lołpepajnya litine ŁanDios lijob'ipolhuo', ma tołta'a tołmajnle.

21 Ima' joupá ijoc'ipo' ŁanDios, ja'ni ummozo, i'huexi łopoujna, aimox-huełmot'le'ma. Ja'ni tixpic'enle tux'masnatso' ima' tones'ma: "A'i. Najmay capanehuo. Fa'a quihuejco'ma Cristo."

²² Litine lijoc'ipolhuo' LanDios, iŕe litine Cristo iŕonc'epolhuo' limane ŕonta'a. Itsiya, ja'ni ima' ummozo, ima' i'huexi ŕopoujna fa'a li'a ŕamats', o ja'ni ailopa'a copoujna fa'a, ma' iŕque Cristo oŕPoujna loquexi' imanc'.

²³ Toŕnujuaitsa, LanDios i'najtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. Iŕque linca oŕPoujna.

²⁴ Unc'aipimaye, ma to mipa'a loŕpepajnya iŕe litine LanDios lijoc'ipolhuo', ma toŕta'a toŕmajnle. To qui'ic' tonŕ'eŕe latencocoya LanDios.

²⁵ Lapimaye cahuats'la jouc'a lamijcanó, ŕaŕPoujna Jesucristo aicalu'ic' lo'eyacu iŕniya. Iya' cu'i'molhuo' laifxp'ic'epa iya' caituca' laipicuejma'. Linca LanDios joupa aŕsanu'epa laipicuejma', aicafel'miyale.

²⁶ Camilhuo': Itsiya ipime lapajnya, afule maluyalaicoyi. Iŕne lahuats'la o lamijcanó xonca al c'a tuyalaico'me ja'ni timajnle to mimana'.

²⁷ Ima' maipima, ¿te fi'ilhuo' ŕopeno? Aimoxhueŕmot'ŕe'ma. Aimahue'ma tolu'x'mas'moŕtsi. O ima', ¿te ailopa'a copeno? Ne', aimahue'ma copeno. Topajnla' toŕe.

²⁸ O ja'ni tamane'ma, nipajnya, tamaneŕa', ailopa'a tintsí. Jouc'a anuli lahuats', ja'ni temane'ma ailopa'a tintsí. Ma' aŕinca iŕne namallipá xonca ipime liŕpepajnya. Iya' aipic'a aimoŕteŕ'mi'moŕtsi. Toŕiya cu'ilhuo': Xonca al c'a tuluyalaico'me iŕne pe aimemalliyi.

²⁹ Itsiya LanDios ipic'a ti'ila' ituca' laluyalaicopa lapajnya. Etec'opa litiné, aimicoŕya li'a ŕamats'. Toŕiya iŕne nemallipá ti'onŕcotola' liŕ'ejma' to iŕne pe aikuilemalli. Tixojma quileta ti'e'me lanic' lapi'ipola' LanDios.

³⁰ Jouc'a nohuotsopá, ticuicomma ti'e'ma ma to ailopa'a quiŕpihuotsoqueya. Jouc'a noyalaicopá al c'a, aimi'e'me ma le'a liŕpixo'jma cata iŕne quiŕtuca', ti'nujuaisle liŕpimaye. Jouc'a no'najualepá, tama tipa'a liŕ'hueca aimi'nujuais'me iŕiya.

³¹ Jouc'a nolijpá quiŕtomí fa'a li'a ŕamats', aimixhuej'me'me ma le'a iŕe lanic'. Li'a ŕamats', jahuay laŕsimpa fa'a itsiya, ti'hua tijaf'que, tijouna'ma.

³² Aipic'a aimoŕsueŕcocoyacu lapajnya fa'a li'a ŕamats'. Lapima nopa'a quituca' itine itine ti'nujuaitsi Jesucristo. Tehuay tetencoco'ma iŕque liPoujna.

³³ Lapima nemanepa itine itine ti'nujuaitsi lapajnya fa'a li'a ŕamats'. Tehuay tetencoco'ma lipeno.

³⁴ I'ipa oque' lipicuejma'.

Ma' anuli lo'ipa lapima cahuats'. Itine itine ti'nujuaitsi Jesucristo. Ticua: "Aipic'a aŕ'ila' i'huexi Cristo, ŕai'alma jouc'a laicuerpo. Le'a iŕque aiPoujna." Lapima caca'no' nemanepa ti'nujuaitsi lapajnya fa'a li'a ŕamats'. Tehuay tetencoco'ma lipe'ailli'.

³⁵ Laixc'ai'ipolhuo' toŕta'a aipic'a catoc'itsolhuo'. Aicacuxenai'ilhuo'. Aicamilhuo': "Toŕe, toŕe tonŕ'eŕe". A'i. Ma le'a cacua: "Tetencocola' loŕ'ejma' LanDios". Toŕta'a itine itine jahuay ŕolunxajma' toŕjoc'i'me ŕaŕPoujna. Ja'ni acueca' toŕsueŕcocoyi xonca toŕ'nujuais'me lapajnya fa'a li'a ŕamats', aimi'iya moŕjoc'iyacu LanDios.

³⁶ Cal xans y anuli lahuats', petŕi aiquejonŕiyotŕsi ma le'a tiyejmaleyi mi'eyi lanic' lapi'ipola' ŕaŕPoujna Cristo, ja'ni ticuaitŕsi litine aimixnet'ŕqui cal xans, ipic'a ti'e'e'moŕtsi anuli, ne', temalliŕe. Ti'e'ma ma to ts'ipic'a. LanDios tixina ac'a lo'eya.

³⁷ Jouc'a ac'a lo'epa cal xans joupa ixpic'epa, ticua: "Ma' aŕejmale'me, aimalajonŕiyacotŕsi iya' lahuats'". Ne', toŕta'a tiyejmale'me, ailopa'a tintsí, aimemalli'me.

³⁸ Iya' cacua: Ac'a lo'eya cal xans noŕecoya lahuats', ŕamalliyacu. Xonca ac'a lo'eya iŕque petŕi aikuilejma, aimemalliyacu.

39 Ma' imaf'i' lipe'ailli' łaca'no' ifiyiya. Ja'ni timanła' lipe'ailli' łaca'no' ux'masquenamma. Tipa'a lane temanecona'ma. Ma le'a ti'ıla' cal xans jouc'a i'huexi łalPoujna Jesucristo.

40 Tama ti'i'ma temalli'me, łaca'no' ja'ni tipajna' quituca' xonca ac'a tuyaico'ma lapajnya. Tołta'a laifmipolhuo' iya'. Cacua: Jouc'a iya' cal Espiritu Santo alcxue laifmipolhuo'.

8

1 Itsiya alpalaico'me lotsufcopa landiosla'. Linca jahuay illanc' ŁanDios lapi'iponga' łalpicuejma'. Alsina' łal'eyacu. Iya' cacua: Tama tipa'a łalpicuejma' ja'ni aimal'nujuaitsila' łalpimaye, ¿te quipenic' łalpicuejma'? Tołta'a ma le'a lunfu'eyołtsi łalpicuejma'. Ja'ni jouc'a al'nujuaitsila' łalpimaye, ja'ni alłoc'ila' xonca alfa'e'moltsi łalpicuejma'.

2 Cal xans nocuapa: “Ne', ne', aixina’”, ilque aikuixina', ma le'a ticua.

3 Cal xans no'epa capic'a ŁanDios, ŁanDios timetsajma ilque cal xans.

4 Alpalaico'me łotejnyacu joupa łitsufcopa lilendiosla', ja'ni ti'i'ma alłe'me o aimi'iya. Iya' cacua: Illanc' joupa alsina' tipa'a anuli ŁanDios. Landiosla' ailopa'a co'eyacu.

5 Linca timana' ilniya lacui'impola' “andiosla’” o “apoujnalá”. Ja'ni fa'a li'a łamats' o jilpe lema'a tama ti'ıla' axpela' ilne landiosla',

6 illanc' tipa'a ma' anuli łalanDios, ilque al'Ailli'. Jahuay lopa'a ilque ixpic'epa ti'ıla', małmana' fa'a li'a łamats' al'ele latentłcocoya ilque. Jouc'a tipa'a le'a anuli łalPoujna, ilque Jesucristo. ŁanDios jahuay lixic'epa ti'ıla', ilque łalPoujna ilanc'epa, lapi'inga' al ts'e łalpitine.

7 Timana' lapimaye aimicuec'eyi. Ticuayi: “Ilniya lan imagen ma' andiosla'. Cal tejua' łitsufcompola' joupa i'ipa i'huexi ilniya.” Pe nonespá tołta'a ja'ni titele łitsufcompola' tixhuełco'me, tines'me: “Aijc'a łal'epa”.

8 ¿Te aga łalłepa lapenufco'monga' ŁanDios? Ja'ni alłele łitsufcompola' landiosla', ¿te aga ŁanDios alłsim'monga' xonca acueca' łalpicuejma'? A'i. Ja'ni aimalłeji, ¿te aga alłsim'monga' xonca al'ijc'a łalpicuejma'? A'i.

9 Tama aixina' tołcuc'eyi ilłta'a, itsiya camilhuo': Tołspic'ele al c'a lonł'eyacu. Aimoluc'uilituf'e'mola' lapimaye petsi aikuilłcueca.

10 Ima' tocuca, oxina' nipajnya tote'ma łitsufcompola' landiosla'. To'hua'ma al juic lo'epa jilpe lixoute' ilque lilendios, tote'ma łitsufcompa. Jilpe muyaipa łopima, ilque aimicueca, aimicua miteja, ticua: “Aimi'iya”. Tixintso' ima' toteja, tipai'i'moxi lipicuejma', ticua'ma: “Ailopa'a tintsı. Iya' jouc'a cate'ma łitsufcompa lilendios.” Ima' ¿ja'ni tołoc'i łopima? A'i.

11 Ima' tocuca, ti'i'ma tote'ma. Łopima aimicueca tołta'a. Ja'ni titela' tixhuełco'ma, tecani'e'moxi. Małque łopima i'huexi Cristo, ilque Cristo itelłcopa lamaya tunł'eł'a'.

12 Tołta'a lonł'epa tołatets'ila' lołpimaye, tołscail'ela' liłpicuejma'. Tołatets'ila' a'i ma le'a lołpimaye, jouc'a tołatets'iyi Cristo.

13 Iya' cacua: Ja'ni łalłtepa tuc'uilituf'e'ma łaipima, aicateconaya iliya.

9

1-3 Jilpe timana' nocuapá: “Ilque Pablo, ¿naitsi ilque?” Iya' catalai'e: ¿Te anuli cal xans aipoujna? ¿Te iya' a'i nin'apóstol? ¿Te aicalummaic' Jesucristo? ¿Te aicaixina' iya' ilque łalPoujna? Imanc' noł'huaiyijmpá Jesucristo, ¿naitsi nu'ipolhuo' Lataiqui'? ¿Naitsi cummepa Jesucristo ti'etsi lanic' jilpiya? ¿Te a'i iya'? Tama tinesyi ocuenaye: “Pablo a'i apóstol, aimi'hua limane”, imanc' aimi'iya mołnesyacu toliya. Imanc' olapenufpá łaitaiqui', ol'huaiyijmpá Jesucristo, tołta'a ŁanDios imuj'ma iya' alinca nin'apóstol.

4 Illanc', ¿te aicalapi'inga' lane malapenufyacu łajtejacu, łalsnayacu lalapi'iyaconga' lapimaye?

5 ¿Te aimi'iya małeyacu anuli to lo'epa locuenaye lan apóstole, jouc'a lipimaye łatPoujna, jouc'a Pedro? Ine iłejma liłpenoye apimaye.

6 Iniya linca tipa'a lane aimi'e'me canic', ma le'a ti'e'me iłe lanic' lepi'ipola' cał'Ailli' Jesucristo. Iya' y Bernabé, ¿te illanc' le'a ailopa'a lane małeyacu tołta'a?

7 Cal soldado, ¿te ti'najtse'ma quituca' łoteja? Linfapa 'uva, ¿te aimiteja li'uva? O no'epola' cuenna lihuacax, ¿te aimixnaya liłteche?

8 Iniya lainespa, ¿te ma' iya' caituca' quipa'e laipicuejma'? Lataiqui' locuxepa ŁanDios, ¿te aimuya'e' tołiya?

9-10 Tołta'a loya'apa licuxepa Moisés, ticua: “Mi'huailsetsufyi lan huacax cal trigo, aimołfi'e'mola' lilepu'nał”. Iłe lataiqui', ¿te ŁanDios ma ti'nujuaitsila' lan huacax? o ¿ał'nujuaitsinga' illanc' nał'epá lanic', iłe lalapi'iponga'? Linca, ał'nujuaitsinga' illanc'. Ał'onłcosponga' to cal xans mepa'ma łemats' petsi lofaya cal trigo, o to cal xans mifusma trigo. Ine tixoc'iyotłsi quileta ti'eyi canic', iłsina' tite'me quiltrigo.

11 Illanc' jilpiya ałfapá Lataiqui', tołiya ac'a loluyalaicoyacu imanc' Locuena Quitine. Itsiya litine, illanc' małmana' fa'a li'a łamats', ¿te ailopa'a calafot'leyacu? ¿Ja'ni aimalapi'iyaconga' ni całtejacu? ¿Te tołsinyi ipime iłiya?

12 Iya' cacua: Ja'ni tolimetsaicola' locuenaye ti'hua tołta'a liłmane, tołtes'mila', ¿te aimalimetsaicoyacongá xonca illanc'? Linca małmana' jilpe illanc' luyalaicoyi lapajnya to aimi'hua łalmane. Ailopa'a całsahue'epolhuo' imanc'. Xonca aipic'a tolihuejle Lataiqui'. Aimolixtule'me.

13 ¿Te aicołsina' te ts'i'ic' loyalaicopá liłpepajnya iłniya no'epá canic' al xoute'? Ine titeji notsufcopá jilpe al xoute'. Ine petsi lotsufcompola' linneja jilpe al altar, małniya titeji iłe lixic'.

14 ŁatPoujna illanc' ixpic'epa ma' anuli tuyalaico'me iłne noya'apá Lataiqui'. Ixplic'epa aimi'e'me ocuena canic'. Muya'ayi Lataiqui' iłniya, liłpimaye tepi'int sola' łotejacu.

15 Iya' linca aicainuyaijma tołta'a. Ni itsiya aicamilhuo': “Imanc' ałtoc'ila’”. A'i. Iya' tixoquei neta culij'ma łalftepa. Ja'ni coła' ti'ila' ituca' lai'ejma' caxhuełco'ma juaiconapa. ¡Najmay ałmał! Iya' caituca' caxpic'e tołta'a lai'ejma'.

16 Linca a'i caituca' laipicuejma' caxpic'e cuya'a'ma Lataiqui'. Iłe lanic' joupá lapi'ipa ŁanDios. Ja'ni aica'ay caxhuełco'ma juaiconapa. Tołta'a a'ijc'a laifnuyaicoya.

17 Ja'ni coła' iya' caituca' aixpic'epa cuya'ała' Lataiqui', aga ał'najtse'ma. Iya' caituca' aicaxpic'e, ma le'a quihuejcocojma iłe lałcuxe'empa. ¿Te cał'najtsecoya?

18 Iya' linca aica'najtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'ela', aicaxa'hue. Tijouła', ¿te tipa'a laifnulijya?

19 Culij'mola' lan xanuc'.

Ailopa'a caipoujna axans. Tama ailopa'a nałcuxeya aicailof'eyoxi. Aixpic'epa ca'nujuaitsola' jahuay. Tołta'a ti'i'ma xonca axpela' laifnulijyacola', iłne napenufyacu Lataiqui'.

20 Iya' ninjudío ai'onłicopoxi to laif'as judío, tetenłcocotsola' iłniya lai'ejma'. Ałquimf'ela', tepenufle Lataiqui'. Itsiya tama aixina' aimalunłu'eya litaiqui' Moisés, iya' ai'onłicopoxi to iłniya naihuejpa' iłe lataiqui'. Cacua: Tołiya lapenuf'ma iya' laifnuya'apa Lataiqui'.

21 Jouc'a aipic'a tepenufle laifnuya'apa petsi aimimetsaicoyi locuxepa ŁanDios, iłne naihuejcopá quilituca' liłpicuejma'. Tołiya ai'onłicopoxi to iłniya. Iya'

hinca aicainihuequi caituca' laipicuejma', quihuejma Cristo. Toliya canant'hi locuxepa ÆanDios.

²² Jouc'a ai'onhcopoxi to lapimaye pe aimicuec'eyi litaiqui' Jesucristo. Cahuay te co'iya metenlcocoyacola' lan xanuc' ni petsi lomana', ocuena ocuena liraza, li'ejma'. Cacia: Tohta'a cunhu'e'mola' hualca ihniya.

²³ Tohta'a laif'epa laipenic', ihe lalapi'ipa ÆanDios. Jahuay lainunxajma' cuya'e' Lataiqui'. Cacia: Ihe Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle ihe al c'a.

²⁴ ¿Te aicoisina' lo'ipola' lan xanuc' lalahuaiyacotsi cainuya? Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu.

²⁵ Ihe pe notsuflaiyacu lofit'lyacu ti'e'moltsi cuenna, ti'ila' acueca' quipujfxi, tulijle lafit'lya. Petsi nolijya tepi'im'me licorona lilanc'ecompa ipela c'ec. Ihe al corona aimixnet'iqui, tetetquemma. Illanc' ja'ni lulijle, lalapi'inyaconga' aimijouya, ti'hua ticohi tijauhuamlaicota.

²⁶⁻²⁷ Cal xans nonespa: “Culij'ma lalahuaiyacotsi cainuya”, itque ac'a tinu'ma, tehuelonge pe locuaicoya. Tohta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma' cal xans notsufaipa lafit'lya tuntafco'moltsi lihmane, tijoula' ma tuntafque lahua'. Itque hinca aimulijya. Iya' cateh'miyoxi. Cacia: Ihta'a laicuerpo ti'ila' quixina' ihe a'i caipoujna. Ma' iya' caituca' cacuxe'moxi al c'a. Ja'ni a'i, ¿te co'iya? Iya' cola' ailopa'a calapi'inya tama nuya'a'ma Lataiqui'. Tope tope capanehuo.

10

¹ Unc'aipimaye, camilhuo' aimolimenc'eco'me li'ipola' lahtatahueló. Jahuay ihniya unxamu'ela' hummahuay lipo'nopa ÆanDios lema'a. Jahuay uyalaico'me laja, ÆanDios ilanc'e'epola' lihpene.

² Ihniya lunxamu'epola' hummahuay, nuyalaicopá laja, tohta'a i'ipola' lixanuc' Moisés. Jahuay ilihuequi itque.

³ Jahuay ihe ma' anuli nitepá la'i, itque hi'huayomma lema'a.

⁴ Jahuay ma' anuli noxnapá laja' lepi'ipola' ÆanDios. Ihe laja' tipayomma lapic hipo'nopa ÆanDios. Ni petsi loyepa lan xanuc' jouc'a ti'hua'ma lapic, tiyeyi anuli. Lapic ma' itque Cristo.

⁵ Jahuay ihniya ÆanDios itoc'i'mola' ma' anuli. A'i jahuay letenlcocopa ÆanDios li'ejma'. Imanapola' jilpe hijul camats'. Tohta'a liteh'mipola' ÆanDios.

⁶ Ihe li'ipola' lahtatahueló ÆanDios a'lonhcong'a' to illanc' la'iyaconga' ja'ni a'ij c'a la'ejma'. Lu'inga': “Tohpo'note lohpicuejma' aimohjanaj'me molihuej'me lixcay to lihuejpa ihniya”.

⁷ Imanc' aimolaxc'onhngolai'mola' landiosla'. Tohta'a li'epa hualca ihe lan xanuc'. Tuya'e' al Paxi Linihingiya ticua:

I'epá lihjuic landiosla', icutsohai'me, itetso'me, ixna'me.

Lijou'ma itsolinanca quixojma cata, i'e'me nixpiya.

⁸ Jouc'a aimoh'noh'mola' laca'no'. Hualca ihe lan xanuc' tohta'a li'epa. ÆanDios iteh'mi'mola'. Anuli litine imana'mola' anuxans fane' mil lan xanuc'.

⁹ Jouc'a aimolahuai'me lah'poujna. Tohta'a li'epa hualca ihniya. ÆanDios umme'mola' lainofat'i. Ihe ima'a'me lan xanuc'.

¹⁰ Jouc'a aimoh'tac'ui'me cajunac' ÆanDios. Hualca tohta'a li'epa. ÆanDios umme'ma lepaluc quema'a, ima'a'mola'.

¹¹ Jahuay ihniya li'ipola' lahtatahueló, ÆanDios a'lonhcong'a' to illanc' la'iyaconga' ja'ni a'ij c'a la'ejma'. Jilpe al Paxi Linihingiya ÆanDios a'isc'ai'inga' illanc' lahmana' ihna'a litiné ma mi'hua mijou'ma li'a lamats'. Lu'inga' aimah'e'me to ihniya.

¹² Toñ nujuaitsa li'ipola' lañtatahueló. Ja'ni tocuá: “Iya' ma quihuequi. Ailopa'a cal'iya”, iya' camihuo': Ne', topo'nola' cuenna. Aimixcai'mo'.

¹³ Itsiya toñtelcoyi ma le'a to lañtelcopa mañmana' fa'a li'a lamats'. LanDios joupa lu'ipolhuo': “Iya' catoc'i'molhuo'”. Toñta'a lo'eya. Iñque aimipaiya lipicuejma'. Ja'ni toñsinyi acueca' ñe loñtelcopa, ja'ni toñesle: “Aimi'iya caixnet'ñconaya”, LanDios timuc'i'molhuo' lonñeyacu. Timuc'i'molhuo' te co'iya moluliyacu. Toñta'a ti'hua toñsnet'ñme.

¹⁴ Maicunc'aipimaye, aimolihuej'me landiosla'. Tolanañtsotñsi nulemma.

¹⁵ Imanc' a'i cunc'amac'ta. Tipa'a loñpicuejma'. Itsiya añquimf'eta' ñta'a laifmiyacolhuo'. Tijouñta' toñspic'ete al c'a lonñeyacu.

¹⁶ Illanc' ninc'apimaye tipa'a lañvaso, jñpe mañsnayi añ nujuaisyi li'epa Cristo. Añs'nañtsi'ñme LanDios, añsna'me al vino lopa'a jñpe al vaso. Mañsnayi al vino jahuay anuli añ nujuaisyi lijuats' Cristo. Mañteji ña'i ñañsquejpa jahuay anuli añ nujuaisyi licuerpo Cristo.

¹⁷ Ña'i ñañsquejpa ti'onñcospa to licuerpo Cristo. Iñque ña'i ma le'a anuli. Toñta'a timuqui tama ninc'xpela' illanc' ma le'a anuli. Iñque anuli ña'i ahualca ahualca añteji jahuay.

¹⁸ Lan xanuc' Israel miteji lixic' litsufcompa jñpe al cuecaj xoute', ti'nujuaisyi ñe al altar pe laipa'ayompa lixic' i'altar LanDios.

¹⁹ Ñinca aica'onñicola' ñalanDios to lilendiosla'. Jouc'a aica'onñicola' lotsufcompola' lilendiosla' to lotsufcopa LanDios.

²⁰ Mane cacua: Lan xanuc' pe aimimetsaicoyi LanDios aimitsufcoyi LanDios, titsufcoyi lontahue. Cacua: Amoñtetso'me anuli lontahue, aimoññejmale'me anuli ññiya.

²¹ Imanc' ja'ni toñsnayi livaso ñañPoujna Cristo aimi'iya moñsnayacu jouc'a liñvaso ññe lontahue. Ja'ni toñtetsoyi jñpe lacui'impa “limesa ñañPoujna”, toñtetsoyi anuli ññe. Aim'iya moñtetsoyacu anuli lontahue jñpe liñmesa.

²² O, ¿ja'ni lahuaiñe ñañPoujna? ¿Ja'ni xonca ti'hua ñañmane?

²³ Ñinca tama jahuay nipajnya añ'e'me, tipa'a laññcocoya jouc'a tipa'a pe aimetentocojma. Tama jahuay nipajnya añ'e'me a'i jahuay mitoc'iyacola' lapimaye.

²⁴ Imanc', aimoñ'e'me loñpic'a coñtuca'. Toñ'e'me ñe lotoc'iyacola' loñpimaye.

²⁵ Locuquimpa laplaza ti'ñma toñnata, toñte'me. Aimoñsueñmot'ñe'me, aimolicuitsuf'me: “¿Te ñe litsufcompola' landiosla'?” Ma le'a toñnatsa.

²⁶ Toñ nujuaitsa: “Li'a lamats' jouc'a jahuay lopa'a i'huexi ñañPoujna”.

²⁷ Lan xanuc' pe aimimetsaicoyi LanDios, ja'ni tijoc'itsolhuo' toñtetsota, ja'ni oñpic'a tonñeñe, ne', tonñe'me. Toñtetsa ñapi'inyacolhuo'. Aimoñsueñmot'ñeta, aimolicuitsuf'ñme: “¿Te ñta'a itsufcompola' landiosla'?” Ma le'a toñtetsa.

²⁸ Ja'ni anuli loñpima timitsolhuo': “Ñta'a itsufcompola' landiosla', aimi'iya moñtejacu”, aimoñte'me. Toñ nujuaitsa loñpima ñimipolhuo' toñta'a. Aimoñscai'e'me ññe ñunxajma'.

²⁹⁻³⁰ Imanc' ñinca aimoñsueñcoyacu, ma' ññe loñpima tixhueñco'ma.

Iya' cacua: Ñinca nipajnya toñte'me. Tijouñta', ¿te co'iya? Loñpima aga tixim'ma a'ijc'a loñepa, tihuotso'ma. Joupa oñs'nañtsi'ipá LanDios, toñteji moñ nujuaisyi LanDios, loñpima aiquixoqui queta, ixtuc'opo'. ¿Ja'ni ac'a ñe li'ipa? A'i.

³¹ Cacua: Ja'ni toñte'me, ja'ni toñsna'me, jahuay lonñeyacu, tonñete ma le'a laññcocoya LanDios. Toñta'a lan xanuc' tines'me: “LilenDios ññiya ma' ac'a lipicuejma'”.

³² Ja'ni ajuñño o ja'ni a'ij juñño, o ja'ni loñpimaye ñefot'ñepola' LanDios, imanc' aimoluc'uilituf'e'mola'.

³³ Tołta'a laif'epa iya'. Ca'nujuaitsila' jahuay laif'as xanuc'. Aicacua: “¿Te caif'eya? Aipic'a cuyaila' al c'a iya'.” Ma caxpic'e, camiyoxi: “İle laif'eya, ¿te tetenłcocojma łaipima?” Aipic'a tuyalaile al c'a laipimaye, tunłul—le İhniya.

11

¹ Tołta'a cainihuequi Cristo. Imanc' lihuejla' iya'.

² Unc'aipimaye, tixoqui neta iya' aixina' aicalimenc'ecojma. Ti'hua ał'nujuaitsi, ma to lałcuxe'epolhuo' tołta'a lon'epa. Tonlihuejyi laimuc'ipolhuo'.

³ Jouc'a aipic'a ti'ila' colšina' Cristo copa'a Nocuxepa cal xans. Cal xans ti'hua limane ticuxe'ma łaca'no', İłque İhipeno. ŁanDios ti'hua limane ticuxe Cristo.

⁴ Cal xans mipalaic'o ŁanDios o mu'iyale lonespa ŁanDios, texijla' İjuac. Ja'ni tetemica İjuac tetets'i Cristo, İłque Nocuxepa.

⁵ Łaca'no' mipalaic'o ŁanDios o mu'iyale lonespa ŁanDios, tetemijla' İjuac. Ja'ni texijla' İjuac tetets'i İpe'ailli', İłque nocuxepa. Ja'ni texijla' İjuac tocomma to İsuaf'pa.

⁶ Ja'ni łaca'no' aimetemijya İjuac, ne', tetec'ela' İjuac. Ja'ni ticua: “A'i, aimalatec'e'ma İaijuac, aimalısuaf'ma, catai'ma lalaic'ata”, ne' tetemijla' İjuac.

⁷ Cal xans mipalaic'o ŁanDios aimetemij'ma İjuac. Cal xans ti'onłcospa to ŁanDios. Timuqui te ts'i'ic' İłque Łilanc'epa. Łaca'no' İtuca', İłque tixhuaicospa İpe'ailli'.

⁸ ŁanDios lolanc'eyacola' lan xanuc' ate'a ilanc'epa cal xans, a'i łaca'no'. İłque łaca'no' aiquipa'e anuli İpecał lolanc'ecoya cal xans. İpa'epa İpecał cal xans ilanc'ecopa łaca'no'.

⁹ ¿Ja'ni łaca'no' ehue'epa quipe'ailli' İjoupa ŁanDios ilanc'epa cal xans? A'i. Cal xans ehue'epa quipeno. İjoupa ŁanDios ilanc'epa łaca'no'.

¹⁰ Toİya ticuicomma tetemijla' İjuac łaca'no'. Timuj'ma a'i micuxeyoxi İłque quituca'. Timuj'ma İpe'ailli' xonca ti'hua limane. Tołta'a tetenłcoco'mola' lapaluc' quema'a jouc'a. İne nahuelojmpá lapimaye lafot'İepołtsi.

¹¹ İya' aicatets'ila' lacał'no'. Cacia: Ticuicomma loquexi', cal xans jouc'a łaca'no'. Cal xans ticuicomma quipeno, łaca'no' ticuicomma quipe'ailli'. Tołta'a lapajnya molihuejyi İałPoujna.

¹² Tołta'a ałmuc'iponga' ŁanDios: Al te'a İpa'apa łaca'no' licuerpo cal xans. İjoupa İmajnlita lan xanuc' İne caipalyomma İlıcuerpo lacał'no'. Jahuay, ma' anuli ŁanDios tepi'ila' İłpitine, axanuc', acał'no'.

¹³ Imanc' coltuca', ¿te colcuapa? ¿Te ja'ni ac'a lo'epa łaca'no' mipalaic'o ŁanDios exiqueya İjuac? ¿Te ja'ni latenłcocojma toİya?

¹⁴ Joupa ołšina' a'İj nuli İlıšans łaca'no' y cal xans. Cal xans ja'ni İtoqui İuaiconapa İjuac, aİquetenłma, alaic'ata.

¹⁵ Łaca'no', ja'ni İtoqui İuaiconapa İjuac, ma' etenłma, i'huáqui ac'a İuaiconapa. İłque İtoqui İjuac ŁanDios epi'İcopa łaca'no' İtipoxc'İxoxi.

¹⁶ Tołta'a İya' laicuapa, İainu'İpolhuo'. Ja'ni anuli aimicueca, ja'ni İtinesla': “Łacał'no' mipalaic'oyi ŁanDios aimetemij'me İİjuac”, cam'i'ma İłque: “İllanc' a'i tołta'a ma'İeyi. Jouc'a aimi'eyi İlapimaye İefot'İepola' ŁanDios ni İpetsi lo-mana'.”

¹⁷ İtsiya capalaico'molhuo' lon'epa pe aicalatenłcocojma. Aicamilhuo': “Ac'a İle loł'ejma”. Munlafot'İeyołtsi aİmołtoc'İyołtsi, aİmołfa'eyołtsi lołpicuejma'. İjoui'ma xonca a'İjc'a loluyalaicopa.

¹⁸ Ate'a cu'i'molhuo' İle lonescompolhuo', ałmimpa: “İlapimaye nomana' İİya' Corinto İefot'İeyołtsi a'İj nuli İİpicuejma', a'İj nuli lonespa”. İya' cacua: Aga al İınca İle İlataiqui' lonescompolhuo'.

¹⁹ İınca aimi'İya mołmajnyacu ma le'a anuli capicuejma'. Ticuicomma tolanajtsołtsi. Toİya ti'huájtola' naİtsi İhniya latenłcocojma ŁanDios.

²⁰ Imanc' lonlafot'lepotsi anuli aicolspic'e mohtetsoyacu Lixmocojma' laPoujna.

²¹ Imanc' aimo'huaicoyi anuli anuli, ma tolteji lo'taic'. Tijoula' anuli lapima tipanehuo tunle'e, locuena timeyoqui.

²² Imanc', ¿te ailopa'a colajut'li? Jilpiya ti'i'ma tohtetsota, to'snata. Xonca o'pic'a tolatets'itsola' lo'pimaye, ilniya jouc'a lefot'lepola' LanDios. Imanc' tolahuelongila' to ninaitsi xanuc', tijoula' ilniya tixinyi calaic'ata juaiconapa.

¿Te caifmiyacolhuo'? ¿Te cami'molhuo': "Ac'a lon'epa"? A'i, aicamiyacolhuo' to'ta'a.

²³ Iya' joupa aimuc'ipolhuo' ile la'mipa laPoujna. Nu'ipolhuo': Lipuqui' licum'me laPoujna Jesús ilque epef'ma anuli la'i.

²⁴ Ix'najtsi'i'ma LanDios, ixquej'ma la'i, timila' ts'ilihuequi': "Ita'a aicuerpo. Cacumoxi, cunhu'e'molhuo'. Ma to'ta'a ton'e'me imanc'. To'squej'me la'i, to'te'me, al'nujuaisco'ma iya'."

²⁵ Lijoupa lixmocopa laPoujna timila' ts'ilihuequi': "Ita'a al vaso, al vino lonango, ile aijuats' laifxcuajaiya. Toliya calinc'i'ma al ts'e cataiqui' lopo'no'ipolhuo' LanDios, imanc' ixanuc'. To'sna'e. Ti'hua ton'e'me to'ta'a. Ma mo'snaya al'nujuaisco'ma."

²⁶ Ma'eyi to'ta'a, ma'teji la'i la'squejpa, ma'snaya al vaso, luya'ayi limayopa laPoujna jilpe lancruz. Ma to'ta'a ma'eyi al'huaijma ticuaiyoconno.

²⁷ Toliya aimi'iya ma'tejacu la'i to nij tintsi ca'i, aimi'iya ma'snayacu al vino to nij tintsi vino. Ja'ni to'ta'a li'ejma' cal xans, ilque tetets'ila' licuerpo jouc'a lijuats' laPoujna.

²⁸ Ai'a to'te'me la'i, ai'a to'sna'me al vino tolimetsaicotsoltsi, te ts'i'ic' lo'ejma', te ts'i'ic' lo'picuejma'. Tijoula' to'tete la'i, to'sna'e al vino.

²⁹ Naitsi notepa la'i, noxnapa al vino, ja'ni aimimetsaijma jilpe licuerpo Cristo, litepa la'i, lixnapa al vino aimitoc'iya. Tite'co'ma lote'l'miya LanDios.

³⁰ Toliya, jilpe pe lo'mana' timana' axpela' lapimaye titafquemmola', axpela' textafquila' o joupa imanapola'.

³¹ Limetsaicotsoltsi, alsintso'tsi te ts'i'ic' la'ejma'. Ja'ni a'ijc'a la'ejma' alsuej'menanca. Tijoula' aimalte'l'miyaconga' LanDios.

³² Ja'ni alte'l'minga' LanDios al'muc'inga' aimeten'ima la'ejma', ipic'a alsuej'menca. To'ta'a aimalacani'eyaconga' to locuenaye naihuejpa' qui'tuca' li'picuejma'.

³³ Unc'aipimaye to'nujuaitsa ile laifnu'ipolhuo'. Litine molafot'leyaco'tsi, to'tetso'me anuli, to'cuaitsa petsi lolafot'leyaco'tsi, to'huaicota ticuaiyunca lo'pimaye, tijoula' to'tetso'me.

³⁴ Lapima lonle'epa juaiconapa, titetso'la' jilpe lejut'l. To'ta'a ac'a toluyalaico'me jilpe lolafot'lepotsi. LanDios aimitel'miyacolhuo'.

Litine cacuaitsi jilpiya al'palaic'oto'tsi xonca. Catalai'etolhuo' jahuay lalicuis'epa.

12

¹ Unc'aipimaye aipic'a ti'ila' colsina' te ts'i'ic' la'eyacu ja'ni cal Espíritu alcuxenga', lapi'iponga' la'picuejma'.

² Imanc' to'nujuaisyi te ts'i'ic' lo'ejma' ilne litiné ma' aimolimetsaicoyi LanDios. Icuxe'molhuo' landiosla' pe aimipalaiyi. Unlihuejco'me ilniya.

³ Ilne litiné aicol'sina' litaiqui' cal Espíritu Santo. Itsiya camilhuo': Cal xans nonespa: "Tecani'la' Jesús", aiminesqui locuapa cal Espíritu Santo. Jouc'a camilhuo': Ma le'a cal xans pe joupa epenufpa cal Espíritu Santo ti'i'ma tuya'a'ma: "Jesús aiPoujna. Ma'que anDios." Ja'ni aiquepenufi cal Espíritu Santo aimi'iya muya'aya to'ta'a.

⁴ Tama ituca' ituca' la'eyacu ma to malapi'inga' cal Espíritu, ailopa'a oquexi' afantsi lan Espíritu Santo, ma' anuli le'a.

⁵ Tama ituca' ituca' la'penic', ihe la'toc'iyacola' la'pimaye, ma le'a anuli la'Poujna.

⁶ Tama a'ij nuli calapi'inga' la'mane, i'que LanDios ma le'a anuli. Ma' i'que lapi'inga' jahuay i'iya. To'ta'a a'paxnenga' jahuay illanc'.

⁷ Cal Espíritu Santo a'muc'inga' la'eyacu anuli anuli illanc'. To'ta'a illanc' ninc'apimaye ti'i'ma a'toc'i'mo'tsi.

⁸ Anuli lapima, cal Espíritu Santo tepi'i'ma tuhual'ma litaiqui' LanDios. Locuena capima, ma'que cal Espíritu Santo tepi'i'ma tuya'a'ma al cueca' ts'ixina'.

⁹ Locuena capima, ma'que cal Espíritu Santo tepi'i'ma ti'huaiyijnla' juaiconapa la'Poujna Jesucristo. Locuena capima, ma'que cal Espíritu tepi'i'ma limane tixal'me'mola' la'fcuallay.

¹⁰ Locuena capima, tepi'i'ma ti'e'la' al cueca' ma to mi'ay LanDios. Locuena capima, tepi'i'ma ti'ila' quixina' lo'xpica'epa LanDios, tu'itsola' lapimaye. Locuena, tepi'i'ma timetsaico'la' ja'ni ma' a'linca cal Espíritu Santo ticuxe anuli lapima o ja'ni ticuxe ocuena 'espíritu, i'que lixcay. Locuena capima, tepi'i'ma tipalaila' ipaijma litaiqui' pe ai'quixina'. Locuena capima, tepi'i'ma ticuejla' ihe lita'iqui' linespa lipima, tu'itsola' locuenaye capimaye.

¹¹ Jahuay i'iya ti'ay cal Espíritu Santo. Ituca' ituca', ma to li'xpica'epa, lapi'inga' la'picuejma' jouc'a la'eyacu.

¹² Anuli al cuerpo linca axpe' mipa'a. Tama axpe' mipa'a licuerpo cal xans a'i oquej fanej licuerpo, anuli le'a. To'ta'a Cristo. Illanc' icuerpo i'que.

¹³ Illanc' ja'ni ninc'ijudío, ja'ni ninc'ocuenaye xanuc', ja'ni fa'a li'a lamats' tipa'a la'poujna o ailopa'a ca'poujna, illanc' nalapolipá a'lon'cosponga' to anuli al cuerpo, ihe icuerpo Cristo. Ma' anuli joupa a'snapá al c'a caja', i'que cal Espíritu Santo la'lapenu'fpa.

¹⁴ Linca, anuli al cuerpo mipa'a axpe', a'i anuli ne'a.

¹⁵ Cal xans ja'ni li'mis timixoxi: "Iya' a'i namane, to'ta'a iya' a'i qui'huexi ihe al cuerpo", ¿te ihe li'mis a'i qui'huexi al cuerpo?

¹⁶ Jouc'a ja'ni lix'mas timixoxi: "Iya' a'i na'u, to'ta'a iya' a'i qui'huexi ihe al cuerpo", ¿te ihe lix'mas a'i qui'huexi al cuerpo?

¹⁷ Ja'ni la'cuerpo pangay ca'u', ¿te co'iya ma'cuejyacu? Ja'ni la'cuerpo pangay cax'mats'i', ¿te co'iya malujuenufyacu?

¹⁸ A'i to'ta'a la'cuerpo. LanDios joupa ixpic'epa lo'eya, ipo'no'ipola' anuli anuli pe lopanc'eya.

¹⁹ Ja'ni a'i co'la' to'ta'a qui'e'e LanDios, ¿pe copa'a al cuerpo? Ailopa'a.

²⁰ Linca axpe' tipa'a lipo'no'ipola' LanDios, tama anuli le'a la'cuerpo.

²¹ Totiya la'u' aimi'iya mimiya la'mane': "Aicaxhuicolhuo'. Ton'tenle'. Iya' caituca' ca'e'ma lanic'." Jouc'a la'juac aimi'iya mimiya'cola' la'mitsi': "Aicaxhuicolhuo'. Ton'tenle'. Iya' caituca' ca'e'ma lanic'."

²² Ji'pe la'cuerpo ticuicomma jahuay lipo'no'ipola' LanDios. I'niya pe to'comma ailopa'a qui'pujfxi, i'ne xonca ticuicomma.

²³ Ji'pe la'cuerpo tipa'a pe aimalimetsaicoyi xonca, ji'na'a xonca a'eyi cuenna. Jouc'a i'na'a petsi ticuicomma temiyaquenni aimalixocoyi i'niya.

²⁴ Petsi xonca latent'coconga' aimasinyi cuanuc', aimalamiyi.

LanDios lilanc'epa la'cuerpo ixpic'epa petsi lopo'no'iyacola' anuli anuli. Ja'ni ipic'a temiyaquenni, ti'enle cuenna, ipo'nopa ma'pe petsi a'e'me cuenna.

²⁵ To'ta'a, ji'pe la'cuerpo anuli aimi'iya mi'lof'eyacoxi, locuena mi'oc'eyacoxi. Jahuay tixinyo'tsi cuanuc', jahuay ti'eyo'tsi cuenna.

²⁶ Ja'ni laɫcuerpo tipa'a anuli titeɫma, jahuay titeɫcoyi jouc'a. Ja'ni anuli tixoqui queta, jahuay tixojma quileta.

²⁷ Toɫta'a imanc', icuerpo Cristo. Anuli anuli imanc' i'huexi iɫe licuerpo.

²⁸ Jahuay nalafot'ɫeponga' ɫanDios lapi'iponga' anuli anuli laɫpicuejma', ituca' ituca' laɫpenic'.

Ate'a ipo'nopola' lan apóstole, iɫne lummepola' Cristo tuya'aɫe Lataiqui'. Lijoupa ipo'nopola' lam profeta, iɫne tuya'ayi lataiqui' lomipola' ɫanDios. Lijoupa ipo'nopola' lomxiye, iɫne tuhuatyi Lataiqui', timuc'iyaleyi. Lijoupa ipo'nopola' iɫne petsi lepi'ipola' liɫmane, ti'e'me ma to lo'epa ɫanDios. Lijoupa ipo'nopola' iɫne petsi lepi'ipola' liɫmane tixaɫ'meɫe lafcualɫay. Lijoupa ipo'nopola' iɫne pe lepi'ipola' liɫpicuejma' titoc'iɫe liɫpimaye. Jouc'a ipo'nopola' iɫne pe lepi'ipola' liɫpicuejma' ticuxe'me liɫpimaye, tu'i'mola' te co'iya mi'eyacu lanic' lepi'ipola' ɫanDios. Jouc'a ipo'nopola' iɫne pe lepi'ipola' liɫpicuejma' tipalaite ipaijma liɫtaiqui'.

²⁹ ¿Te jahuay illanc' ninc'apóstole? ¿Te jahuay ninc'iprofeta? ¿Te jahuay ninc'omxiye? ¿Te jahuay aɫ'eyi al cueca' ma to lo'epa ɫanDios?

³⁰ ¿Te jahuay aɫsaɫ'mela' lafcualɫay? ¿Te jahuay aɫpalaiyi ipaijma laɫtaiqui'? ¿Te jahuay nipajnya aɫcuj'me loya'apa lapimaye nopalaipá ipaijma lataiqui'? A'i. Ituca' ituca' mi'hua laɫmane, ituca' ituca' laɫpicuejma' lalapi'iponga'.

³¹ Imanc' toɫpo'note loɫpicuejma', toɫsahue'ɫe ɫanDios tepi'itsolhuo' al c'a juaiconapa.

Itsiya camuc'i'molhuo' te ts'i'ic' aɫ'ejma' xonca al c'a.

13

¹ Iya cacua: Tama aɫpalai'me liɫtaiqui' lan xanuc' jouc'a liɫtaiqui' la-paluc' quema'a, tijouɫa', ja'ni aimat'ehualeyeyi capic'a, iɫe laɫpalaipa ailopa'a quipenic'. Tocomma ma le'a luna'anga' to latengoɫyi latejma' o latsajnyi loquej latehuaijma'.

² Ja'ni ninc'iprofeta, lu'iyaleyeyi laɫmiponga' ɫanDios, ja'ni aɫcueca' xonca lipime litaiqui' ɫanDios, ja'ni joupa acueca' i'ipa caɫsina', ailopa'a calahue'eponga', ja'ni acueca' aɫ'huaiyijnyi ɫanDios, toɫta'a aɫcuxe'mola' hijualay, iɫniya tiye'me lu'hua, tijouɫa', ja'ni aimat'ehualeyeyi capic'a, ¿te quipenic' iɫiya? Illanc' aɫ'onɫcotonga' to nij naitsi xanuc'.

³ Ja'ni jahuay laɫ'huexi lapi'i'mola' titetsoɫe iɫne petsi aiquiɫ'hueca, ja'ni aɫcu'moɫsi aɫteɫ'mitsonga' acueca', aɫma'atsonga', aɫpi'etsonga' nulemma, tijouɫa' ja'ni aimat'ehualeyeyi capic'a, ¿te quipenic' iɫiya? ɫanDios aimetenɫcocoya laɫ'epa. Ailopa'a calapi'inyaconga'.

⁴ ¿Te caɫ'eyacu laɫ'ejma' ja'ni aɫ'ehualeyeyi capic'a? Maɫ'ehualeyeyi capic'a aɫsnet'ɫ'me juaiconapa jahuay laɫ'e'eyaconga', aɫpalaic'o'mola' al c'a, aimat'eyacola' laic', aimat'nescoyacoɫsi al c'a, aimat—loɫ'eyacoɫsi.

⁵ Aimat'eyacu nixpiya, aimat'eyacu lalatenɫcocoyaconga' illanc' caɫtuca'. Aimalixtulecoyacu, aimat'nujuaisyacu ja'ni a'ijc'a laɫ'eponga'.

⁶ Aimixojya calata ja'ni timenaquila' lapimaye, linca tixoj'ma calata ja'ni laɫpimaye tihuejcoyi al linca cataiqui'.

⁷ Ti'hua aɫ'ela' capic'a, aimat'xojyaconga'. Aɫ'huaiyijm'mola'. Aɫ'huaicotola' ma ti'eɫe al c'a. Jahuay laɫ'eyaconga' ti'hua aɫsnet'ɫ'me.

⁸ Ja'ni aɫ'ela' capic'a, tama itsiya litine o Locuena Quitine ti'hua aɫ'e'mola' capic'a. Iɫe laɫ'ejma' aimijouya. Tijauhuamlaicota quitine toɫta'a aɫ'e'me.

Itsiya litine lam profeta tu'iyaleyeyi lu'ipola' ɫanDios, Locuena Quitine a'i, aimuya'aconayacu toɫta'a. Itsiya litine lapimaye tipalaiyi ipaijma liɫtaiqui', Locuena Quitine a'i, aimipalaiconayacu toɫta'a. Itsiya tocomma tipa'a laɫsina', Locuena Quitine a'i. Aimat'nujuaisyacu iɫiya.

⁹ Itsiya ma le'a a'onlca lałcueca, ma' a'onlca lal'uiponga' ŁanDios, tołta'a lu'iyaleyi.

¹⁰ Locuena Quitine a'i. Jahuay ałsim'me, jahuay lu'i'monga' ŁanDios. Petsi joupa lixhuaita hualca ailopa'a.

¹¹ Ti'i'ma ma to iya' lał'ipa. Iya' maj na'hua, ilne litiné ma to tixpic'eyi laif'as ca'uhuay ma' anuli caxpic'e iya'. Tołta'a laipicuejma', laitaiqui'. Lijoupa lałtojpa aicainihuequi ilne lai'ejma' ma na'hua.

¹² Itsiya afule małcovejyi. Tocomma to lahuelojnyi anuli lahuejma' catejma', ilne lalahuelojmpa tocomma to cua naitsi ipunxahua. Afule qui'huáqui. Locuena Quitine a'i. Ałsim'me acuajmaica. Itsiya ma' a'onlca ałsina', ma' a'onlca ałcuc'eyi. Locuena Quitine a'i. Ma to ŁanDios limetsaiconga' itsiya, ma tołta'a limetsaico'me ŁanDios.

¹³ Linca itsiya y tijauhuamlaicota litine, ti'hua ał'huaiyjm'me ŁanDios, ti'hua ał'huaico'me al c'a, ti'hua ał'ela' capic'a lałpimaye jouc'a ŁanDios. Tama jahuay ilne lał'ejma' aimijouya, tetentłcocojma ŁanDios, ilne mał'ehualey i capic'a xonca tetentłcocojma, ŁanDios tixina ilne xonca al c'a.

14

¹ Tołpo'note lołpicuejma' tonł'etsola' capic'a lołpimaye. Jouc'a tołsahue'ele cal Espíritu Santo tepi'itsolhuo' colmane colpicuejma'. Xonca tołjanajle, tołsahue'ele ti'etsolhuo' profeta, tepi'itsolhuo' lołpicuejma' tolu'itsola' lapimaye laitaiqui' lomiyacolhuo' ŁanDios.

² Łapima nopalaipa ipaijma litaiqui', ilne lapi'ipa cal Espíritu Santo a'i ma quitaiqui', ilque tipalaic'o'ma ŁanDios. Lan xanuc' aimicuec'e'me. Cal Espíritu Santo ticuxe lipicuejma', ilne pe noquimf'epá aimi'iya muhualqueyacu lonespa, aimuhualqueyacu loya'apa.

³ Łapima ja'ni aprofeta, ilque tipalaic'ola' lan xanuc', xonca tifa'ela' liłpicuejma', tixc'ai'ila', tixoc'ila' quileta.

⁴ Łapima nopalaipa ipaijma litaiqui' xonca tifa'eyoxi quituca' lipicuejma'. Cal profeta lopalaipa xonca tifa'ela' liłpicuejma' lipimaye, jahuay ilniya nafolumma.

⁵ Camilhuo': Ja'ni jahuay imanc' ipaijma ipaijma lołtaiqui' tołpalai'me, linca tixoj'ma neta iya'. Xonca tixoj'ma neta ja'ni cola' jahuay unc'iprofeta. Łapima nopalaipa ipaijma litaiqui', ilne lepi'ipa cal Espíritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye, tifa'ela' liłpicuejma'. Ja'ni aimi'iya mimuc'iyacola' loya'apa ilne linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi ilque.

⁶ Unc'aipimaye, cacuaitsi jilpiya, ja'ni capalay pangay ipaijma laitaiqui', łte ja'ni catoc'i'molhuo'? A'i. Ticuicomma cu'itsolhuo' lałmuc'ipa ŁanDios, o cu'itolhuo' laixina', o cu'itolhuo' lałmipa ŁanDios, o camuc'itolhuo'. Ja'ni tołca'etsi, linca catoc'itolhuo'.

⁷ Ihiya al pito o al 'arpa, tama aiquilmaf'i', ja'ni tifus'minłe al pito o tunanłe al 'arpa tocomma to tipalaiyi. Ticuicomma tifus'minłe o tunanłe al c'a. Ja'ni a'i, aimi'iya micuejyacu te loya'apa.

⁸ Tijoc'intsola' lan soldado ticuaiyunca tifuleta, ja'ni a'i munanni al c'a al trompeta, łte ticuec'e'me lan soldado? A'i. Aimicuec'eyacu.

⁹ Jouc'a imanc', ja'ni tołpalaiyi ipaijma lołtaiqui' ilne noquimf'epolhuo' aimi'iya quilsina' te ts'i'ic' loluya'apa. Tocomma to tołpalaic'oyoltsi coltuca', to tołpalaic'oyi łahua' le'a.

¹⁰ Linca, fa'a li'a łamats' tipa'a axpe' quıltaiqui' lan xanuc'. Anuli anuli tipa'a loya'apa.

11 Maɫpalaic'o'moɫtsi ja'ni aicaɫcuc'eyoɫtsi, ¿te iya' latentɫcoco'ma iɫque linespa? O iɫque, ¿te tetenɫcoco'ma iya' lainespa? A'i, aimatsinc'neyacoɫtsi. Caxim'ma iɫque to aine, iɫque aɫsim'ma to naine.

12 Imanc' ma toɫta'a lo'ipolhuo' jilpe.

Ja'ni juaiconapa toɫjanajyi ɫocupa cal Espírítu Santo toɫsahue'ele tepi'itsolhuo' coɫmane, coɫpicuejma' toɫtoc'itsola' loɫpimaye, toɫfa'etsola' liɫpicuejma'.

13 ɫapima nopalaic'opa ɫanDios, ja'ni tipalay ipaijma litaiqui' jouc'a tixahue'eɫa' cal Espírítu Santo tepi'ila' lipicuejma' tu'itsola' lapimaye loya'apa iɫe lonespa.

14 Iya' ma capalaic'o ɫanDios ipaijma litaiqui' lalapi'ipa cal Espírítu Santo, ɫinca tama jilpe ɫainunxajma' aixina' capalaic'o ɫanDios aicaixina' loya'apa laifnespa, toɫta'a aicatoc'ila' laipimaye.

15 ¿Te caif'eya? Capalaic'o'ma ɫanDios ipaijma litaiqui', ma to maɫcuxe cal Espírítu Santo, jouc'a cu'i'mola' laipimaye loya'apa iɫe laipalaic'opa ɫanDios. Cunac'co'ma ɫanDios ipaijma litaiqui', ma to maɫcuxe cal Espírítu Santo, jouc'a cu'i'mola' laipimaye loya'apa iɫe lainunac'copa ɫanDios.

16 Ima', mox'najtsi'i ɫanDios ja'ni ma le'a ipaijma lotaiqui', ¿te co'eya cal xans noquimf'epa, iɫque pe aimihuequi? Aimicuec'eya lofnespa. ¿Te co'iya minesya: “Amén, toɫe ti'ila'”? A'i, aimi'iya.

17 Ima' ɫinca juaiconapa ac'a ox'najtsi'ipa ɫanDios. ɫopima ipanemma ma to mipa'a. Aicofa'e lipicuejma'.

18 Cax'najtsi'i ɫanDios iya' culiquilhuo' imanc'. Capalay xonca ipaijma litaiqui'.

19 ¿Te co'iya? ¿Te ja'ni capalai'ma pangay ipaijma litaiqui' jilpe lalafot'ɫeyopoɫtsi anuli laipimaye? A'i. Tama nipajnya capalaia' imbamaj mil ɫataiqui', iɫe ipaijma litaiqui', xonca aipic'a capalaia' ma le'a amauej ɫataiqui' ma le'a laɫtaiqui'. Toɫta'a aɫcuc'e'ma lapimaye, camuc'ila'.

20 Unc'aipimaye, aimonlihuej'me liɫ'ejma' la'uhuy. Iɫne aiquicuaiya quiliɫpicuejma'. ɫinca ma to mi'eyi lan tsoyay, iɫne pe aimihuejyi lixcay, imanc' jouc'a ti'ila' toɫta'a loɫ'ejma'. Toɫ'nujuaitsa tipa'a loɫpicuejma', toɫspic'ete al c'a.

21 Petsi linilijmpa loya'apa locuxepa ɫanDios ticua:

ɫanDios tuya'e': “Iɫne petsi aimepenufyi laifmuc'ipola', cumme'e'mola' lan xanuc' ocuena quilraza, ituca' quiltaiqui', iɫniya tu'innola' laifnuya'apa.

Tijouɫa', tama tiquimf'e'me ma' anuli tuyalaico'me, aimihuejyacu.”

22 ɫanDios ipic'a timujla' nulemma naitsi iɫne aimi'huaijny. Toɫta'a ummepola' nopalaipá ipaijma litaiqui'. Lummepola' a'i mimujyacu naitsi iɫne no'huaijympá. Lam profeta, iɫne ɫinca timuc'iyaleyi no'huaijympá, a'i petsi aimi'huaijny.

23 Itsiya, ¿te co'iya? Cacia: Petsi lolafot'ɫepoɫtsi anuli, jahuay toɫpalaiyi ipaijma ipaijma loɫtaiqui', iɫe lepi'ipolhuo' cal Espírítu Santo, tijouɫa' titsufɫaie iɫne petsi aimicuec'eyi iɫe loɫ'ejma' o petsi aimihuejcoyi ɫanDios, ¿te cocuayacu? Tines'me: “Iɫne ma' amac'ta”.

24 Ituca' lo'iya ja'ni jahuay imanc' toluya'ayi iɫe lu'ipolhuo' ɫanDios. Tisufaiɫa' anuli pe aimihuejma ɫanDios, o aimihuequilhuo' imanc' lonɫ'ejma', iɫque tiquimf'e'molhuo' anuli anuli imanc' loɫnespa. Loɫtaiqui' titsufai'ma lipicuejma' iɫque cal xans. Toɫta'a tixhuej'menahuo, ti'i'ma quixina' te ts'i'c' li'ejma'.

25 Lemiya jilpe ɫunxajma' ti'huájta. Tijouɫa' texc'onɫquehuo tixpats'huaita ɫamats', tix'najtsi'i'ma ɫanDios, tuya'e': “ɫinca ma fa'a tipa'a ɫanDios”.

26 Itsiya, cunc'aipimaye, ¿te co'iyá? Jilpe molafot'leyołtsi, jahuay imanc' anuli anuli tipa'a lołpalaiyacu. Anuli tunac'co'ma ŁanDios, łocuena tipa'a lomuc'iyacola'lapimaye, łocuena tu'i'mola' lapimaye te ts'i'ic' iłe lu'ipa ŁanDios, łocuena tipalai'ma ipaijma litaiqui', iłe lepi'ipa cal Espíritu Santo, łocuena tipa'a lipicuejma' tuhuał'ma iłe lipaijma lataiqui', tuya'a'ma te loya'apa. Ne', jahuay iłna'a ti'i'ma tonł'e'me ja'ni tołta'a tołtoc'i'mola' lołpimaye, ja'ni tołfa'e'mola' iłniya liłpicuejma'.

27 Ja'ni tołpalai'me ipaijma lołtaiqui', iłe lepi'ipolhuo' cal Espíritu Santo, tołpalaiłe oquexi' afantsi le'a, xonca a'i. Anuli anuli tołpalai'me. Tijouła' anuli łapima tu'i'mola' lapimaye te loya'apa iłe lipaijma lataiqui'.

28 Jilpe, ja'ni ailopa'a anuli no'iyalepa tołta'a, aimołpalaiyacu ipaijma lołtaiqui'. Ma jilpe lołpicuejma' tołpalaic'o'me ŁanDios.

29 Jouc'a lam profeta, tipalai'me oquexi' afantsi le'a, xonca a'i. Locuenaye lapimaye noquimf'epá tixpif'me, ti'ila' quilsina' ja'ni itaiqui' ŁanDios o a'i.

30 Mipalaic'olhuo' łapima ja'ni aprofeta, ja'ni ŁanDios tu'ila' o timuc'ila' łocuena capima nocutsuya jilpe, iłque nopalaic'opolhuo' ti-ch'ixco'ma. Tipalaic'otsolhuo' łocuena capima, tu'itsolhuo' lu'ipa ŁanDios.

31 Tołta'a jahuay lapimaye tołihuic'i'me, jahuay tixpai'i'mola' cunlata. Imanc' unc'iprofeta nipajnya tołcuxe'mołtsi al c'a, tołpalai'me anuli anuli. A'i jahuay mołpalolai'me.

32 Łapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaiła' o ja'ni aimipalaiya.

33 ŁalanDios aimal'eyaconga' lahuoc'aitsołtsi. Iłque alpac'e'enga' lałpicuejma'. Ja'ni imanc', ja'ni ocuenaye lapimaye, ni petsi lolafot'łepołtsi tołta'a li'ejma' ŁanDios.

34 Molafot'leyołtsi anuli aimipalai'me lacał'no'. Aimi'onlıco'mołtsi to lan xanuc'. Tihuejcole. Pe linılıya locuxepa ŁanDios tołta'a tuya'e'.

35 Iłne lałpimaye cacal'no', ja'ni jilpe iłejut'łi małpiya ti'i'ma ticuis'eta liłpe'aillí. Pe lolafot'łepołtsi aimipalai'me lacał'no'. Iłe a'ijc'a, aimetenłma.

36 Imanc' unc'iCorinto, aimolihuejcola' locuenaye lałpimaye lił'ejma'. ¿Te ma imanc' cołtuca' tołcuxe'mołtsi? ¿Te imanc' unc'apoujnalá litaiqui' ŁanDios? ¿Te jilpe quipangoyopa? ¿Te ma le'a imanc' olapenufpa' iłe lataiqui'? ¿Te ma le'a icuaita jilpiya?

37 Łapima nonespa: "Iya' ninprofeta", o "Iya' linca acueca' lalapi'ipa cal Espíritu Santo", timetsaicola' naitsi lalapi'ipa iya' iłe litaiqui' laininił'epolhuo' jifa'a. Iłe a'i caitaiqui', ma litaiqui' lałPoujna Cristo, tołta'a ticuxe iłque.

38 Ja'ni aimimetsaicojma tołta'a iłque jouc'a aimimetsaicom'me.

39 Unc'aipimaye, camiconalhuo' lonł'eyacu. Tołjanajle juaiconapa ti'itsolhuo' to lam profeta. Lapimaye nopalaipá ipaijma liłtaiqui', ne', tipalaiłe, aimołcuanac'e'mola'.

40 Jilpiya lonlafot'leyołtsi tonł'ełe ma latenłcocoya ŁanDios, tołcuxetsołtsi al c'a.

15

1 Unc'aipimaye, itsiya cu'icona'molhuo' te ts'i'ic' loya'apa Lataiqui', małe Lataiqui' lainu'ipolhuo'. Iłe Lataiqui' joupa lolapenufpa, małe lonlihuequi.

2 Ja'ni tolihuejle Lataiqui' lainu'ipolhuo' małe Lataiqui' tunł'u'elhuo'. Ja'ni aimunł'u'eyacolhuo' cola' aicolapenufi Lataiqui'.

3 Laipangopa lainuya'apa jilpe, ate'a nu'ipolhuo' Lataiqui' lainepenufpa, lu'ipa lałPoujna. Aimipolhuo': "Cristo icupoxi tima'anłe, tołta'a liłonc'e'eponga' lałjunac'. Al Paxi Linilingiya joupa uya'apa tołta'a lo'iyá.

4 Lijoupa limanapa, eminnapá. Al fane' quitine imaf'inapa. Al Paxi Linilingiya jouc'a tuya'e' tołta'a.

⁵ Imuj'moxi imaf'i'. Pedro ixim'ma. Lijou'ma ixim'me locuenaye liyej-malepá Cristo.

⁶ Lijou'ma mefot'leyołtsi to amaquej maxnu lapimaye iłne jouc'a ixim'me. Hualca iłniya itsiya ailomana' fa'a li'a łamats', joupa imanapola'. Axpela' ti'hua ts'iłmaf'i'.

⁷ Lijou'ma Jacobo ixim'ma. Lijou'ma ixim'me jahuay lan apóstole.”

⁸⁻⁹ Ijouco'ma iya' aixim'ma, imuj'moxi pe laifpa'a. Litine lixim'me locue-naye ailopa'a al ts'e laipitine iya'. Tocomma afule caipajnconna. Iya' aica'onkicoyacoxi to locuenaye lan apóstole. Iłniya xonca ac'a xanuc'. Iya' caxinyoxi xonca ninaitsi xans. Iya' caituca' aicainepi'iyoxi iłta'a laipenic'. Caxinyoxi a'ijc'a laipicuejma', nihuetsopola' lixanuc' ŁanDios lefot'łepola'.

¹⁰ Łınca, itsiya ituca' lai'ejma'. Tołta'a li'epa ŁanDios, iłque ałpai'ipa iya' laipicuejma', ałtoc'ipa juaiconapa. Tołiya nulijpola' locuenaye lan apóstole. Xonca ai'epa canic'. Cax'najtsi'i ŁanDios, iłque ałtoc'ipa. Łınca a'i iya' caituca' ai'epa tołta'a, acueca' ałtoc'ipa ŁanDios. Tołiya iłe lanic' lai'epa tocomma to ma li'epa ŁanDios.

¹¹ Ja'ni iya', ja'ni locuenaye lan apóstole, ma' anuli Lataiqui' laluya'apa. Małe Lataiqui' lolapenufpa imanc'.

¹² Illanc', ja'ni luya'ayi: “Cristo imaf'inapa, ipayomma pe lomana' limanap-ola”, hualca imanc' łte cołnescopa: “Aimimaf'inayacu limanapola”?”

¹³ Iya' camilhuo': Ja'ni limanapola' aimimaf'inayacu jouc'a Cristo aikuimaf'inghua.

¹⁴ Ja'ni Cristo aikuimaf'inghua, illanc' coła' ma le'a ałpalaiyi, Lataiqui' laluya'apa ailopa'a quipenic'. Ma' anuli, tama oł'huaiyijmpá Jesucristo, iłque ja'ni coła' timanghua aimi'iya mitoc'iyacolhuo'.

¹⁵ Joupa lu'ipolhuo': “Tołe, tołe li'epa ŁanDios, iłque imaf'i'inapa Cristo”. Ja'ni coła' ŁanDios aimimaf'i'iyacola' limanapola' jouc'a Cristo aikuimaf'i'inghua. Illanc' nałnespa li'epa ŁanDios coła' a'ij łınca. Ma le'a ałfel'mipolhuo'.

¹⁶ Łınca ja'ni limanapola' aimimaf'i'inyacola', Cristo a'i quimaf'i'inghua.

¹⁷ Ja'ni Cristo aikuimaf'i'inghua lołjunac' aikuilonge. Tama oł'huaiyijmpá Cristo, ja'ni timanghua, iłque aimi'iya mitoc'iyacolhuo'.

¹⁸ Jouc'a lałpimaye limanapola', tama i'huaiyijmpá Cristo iłne joupa ejac'pola'. Tołta'a li'ipola' ja'ni aikuimaf'inghua Cristo.

¹⁹ Jouc'a illanc', itsiya mał'huaiyijnyi Cristo ałtelcoyi. Ticuaitsi Locuena Quitine, ja'ni aimaluyalaico'me xonca al c'a, łte cał'huaiyijncopa Cristo? Łınca ja'ni aimalmaf'iyacu xonca ninc'icuanuc'la.

²⁰ Łınca, joupa imaf'inapa Cristo. Ticuaihuo litine ŁanDios tefot'łe'mola' limanapola', timaf'i'ina'mola' iłniya. Cristo i'ipa cal te'a iłniya.

²¹ Li'ipa anuli cal xans aikuilhuejma ŁanDios, tołta'a lamaya i'huajcopa. Tołiya ma' anuli i'huajcopola' lamaya jahuay lan xanuc'. Łocuena cal xans ihuejcopa ŁanDios, tołiya tama ałma'monga' ałmaf'i'ina'monga'.

²² Iłque cal xans Adán ixingufcopa lamaya, ma' anuli jahuay lan xanuc' tixingufcoyi tołta'a. Cristo, iłque jouc'a i'epoxi xans, imaf'i'inapa ŁanDios, ma' anuli timaf'i'ina'mola' jahuay.

²³ Łınca, a'ij nuli lo'iyacola' iłne nomaf'i'inyacola'. Cristo joupa imaf'i'inapa, iłque cal te'a petsi iłne lafot'łeyacola' ŁanDios. Tijouła' ticuaicoconno Cristo timaf'ina'me lixanuc'.

²⁴ Tijouła' tixhuaitsi jahuay, Cristo ticu'moxi limane, timi'ma ŁanDios qui'Ailli': “Ma' ima' tocuxela”.

Ate'a tiłonc'ena'mola' liłmane jahuay lan rey, jahuay lincuxepá, jahuay no'huapá liłmane ni petsi lomana'.

25 Cristo ti'hua ticuxe'ma ma miłof'eyołtsi no'epaj laic'. Jahuay iłniya ti'oc'enam'mola'.

26 Tijouła' tiłonc'e'enatsola' liłmane jahuay iłne no'epaj laic', ma le'a tipanehuo lamaya. Ie jouc'a tiłonc'e'ena'ma limane.

27 Tołta'a tuya'e' al Paxi Linilngiya, ticua: "T'oc'enapola' jahuay no'epaj laic'". Ie lataiqui' loya'apa "... jahuay i'oc'enapola'", linca aiminescojma LanDios. Małque LanDios ixpic'epa ti'ila' tołta'a, ti'oc'em'me jahuay, tihuejco'me Cristo.

28 Ticuaitsi litine ti'oc'enle jahuay, tihuejco'me Cristo, małque Cristo li'Hua LanDios ti'oc'ena'moxi. Qui'Ailli' LanDios joupa ixpic'epa jahuay tihuejcołe Cristo. Ti'oc'ena'moxi Cristo, ma LanDios ticuxe'ma, jahuay tihuejco'me.

29 Iya' cacua: Ja'ni aimimaf'iyacu limanapola', ¿te quepo'icompola' iłne napo'impola' muya'ayi liłpuftine liłpimaye limanapola'? Ja'ni iłne imanapola' nulemma, ¿te quipenic' iłe lo'epa liłpimaye ts'iłmaf'i'? ¿Te quepo'icompola' muya'ayi liłpuftine iłne liłpimaye limanapola'? ¿Te quitalai'ecopa tołta'a LanDios?

30 Iya' jouc'a lałejmale itine itine ałtelcoyi, ałcuayi: ¿Te xonca cal'iyaconga'? Ja'ni aimalmaf'inayacu, ¿te calsnel'łcopa tołta'a?

31 Itine itine tocomma to ałma'ma, ałma'a'ma. Cacua: Ma' al linca iłe laifnespa. Iya' tixoqui neta capalaicolhuo' imanc' unc'aipimaye loł'huaiyijmpa Jesucristo. Tołta'a aimi'iya cafel'miyacolhuo'.

32 Ja'ni aimimaf'iyacu limanapola', ¿te capanehuo fa'a liłya' Efeso małfulecoyołtsi iłne ti'onłcospola' to oyac'la quinnejaja? A'i. Najmay cuyaicolal' lapajnya to iłniya nonespá: "Aga mouqui ałmana'monga'. Itsiya, ma małmana', ałtetsołe, ałsnałe al c'a."

33 Imanc' aimołfel'mi'mołtsi. Tolanałtsoltsi iłne nonespá: "Limanapola' aimimaf'iyacu". Al linca lataiqui' lonespa: "Lan c'a xanuc' ja'ni tiyejmalełe lixcay xanuc', jouc'a ti'i'mola' ixcay xanuc'".

34 Tołsuej'menca. Tołpai'ile loł'ejma'. Aimoł'econa'me iłe pe aimetenłma LanDios. Jiłpe timana' iłniya pe aimimetsaicoyi LanDios. ¿Te aimołtaiyi calaic'ata mimana' tołniya?

35 Aga tipa'a anuli nonesya: "¿Te co'iya mimaf'inayacu limanapola'? ¿Te co'iya micuaiconayacu? ¿Te co'iya liłcuerpo? Joupa ihuet'łpa."

36 Catalai'e'ma, cami'ma: "Ima' ailopa'a copicuejma'". Cal fanu' liłfampa ate'a tihuet'łqui, tijouła' tilamma imaf'i'.

37 Iłque cal fanu' liłfampa aimi'onłspa to laifa' lolapa. Ma le'a afanu', ja'ni atrigo o ocuena fanu'. Lolapa ituca' lixans.

38 Ma LanDios ti'e'e tilala' cal fanu', jouc'a tixpic'e te ts'i'ic' lixans. Anuli anuli cal fanu' tilala' ituca' ituca' lixans laifa' lolapa. Tołta'a lo'iyacola' limanapola' nomaf'inayacu.

39 Fa'a li'a łamats' liłpixic' lan xanuc', liłpixic' linneja, liłpixic' lacał'hui, liłpixic' latuye, ituca' ituca' iłna'a.

40 Małmana' fa'a li'a łamats' tipa'a lałcuerpo. Pu'hua locuenaj quitine jouc'a ti'ita ałcuerpo. Lałcuerpo mipa'a fa'a li'a łamats' aimi'onłya pu'hua locuenaj quitine.

41 Cal 'ora, cal mut'ła, lan xamna, aimi'onłspola'. Ituca' ituca' liłsans, liłpepalc'o'. Lan xamna aimi'onłspola'. Axamna axamna ituca' ituca'.

42 Tołta'a lo'iyacola' limanapola'. Litine leminni jiłpe łamats' iłque liłmanapa ti'hua tihuet'łqui. Litine timaf'i'inla' ti'i'ma ituca'. Aimihuet'łconaya.

43 Litine leminni tocomma to ninaitsi cuerpo. Litine timaf'inala' tipai'im'me, ti'huájta ac'a juaiconapa. Litine leminni ailopa'a co'eya. Aimi'iya. Litine timaf'i'inale ti'i'ma acueca' ipujfxi, acueca' ti'e'ma.

⁴⁴ Teminni itque licuerpo lepi'ipa qui'ailli', itque jouc'a axans. Ituca' licuerpo timaf'i'ina'ma, ite lapi'iya LanDios. Tipa'a laŕcuerpo lalapi'iponga' laŕ'ailli', tipa'a laŕcuerpo lalapi'iyaconga' LanDios.

⁴⁵ Al Paxi Linilingiya tipalaijma Adán, itque copa'a cal te'a cal xans. Ticua: LanDios epi'ipa lipitine, "... toŕta'a i'ipa imaf'i'". Ituca' li'ipa itque ŕecui'impa Lijoujma Adán. Itque ai'a tipajnta ailopa'a quicuerpo, ma tipa'a lipitine. Maŕque lapi'inga' laŕpitine.

⁴⁶ Jifa'a li'a ŕamats', ¿naitsi ŕicuai'ma cal te'a? ¿Itque nalapi'iponga' laŕpitine? Ai. Ate'a tipa'a fa'a itque ŕepi'ipa lipitine LanDios, lijou'ma icuai'ma itque nalapi'iponga' laŕpitine.

⁴⁷ Itque Adán copa'a cal xans cal te'a, LanDios ilanc'epa fa'a li'a ŕamats'. Ma amats' ilanc'ecopa. Locuenaj cal xans, itque aŕPoujna, qui'huayomma lema'a.

⁴⁸ Maŕmana' fa'a li'a ŕamats' aŕ'onŕcosponga' to Adán, itque cal te'a ŕatatahuelo, ŕilanc'ecompa amats'. Locuenaj quitine, illanc' ja'ni ixanuc' itque Li'huayomma lema'a, ma' anuli aŕ'onŕcotonga'.

⁴⁹ Maŕmana' fa'a li'a ŕamats' laŕsans ma' anuli Adán, itque ŕilanc'ecompa amats'. Locuenaj quitine laŕsans ti'i'ma ma' anuli to lixans itque Li'huayomma lema'a.

⁵⁰ Unc'aipimaye, iya' camilhuo': Aŕcuaitsa locuenaj quitine ticuicomma ti'itsi ituca' laŕcuerpo. Ma to maŕmana' aimi'iya maŕtsuflaiyacu pe locuxeyopa LanDios. Ita'a laŕcuerpo tijaf'quinghua, tihuet'ina'ma. ¿Te maŕta'a aŕtsuflaicota petsi ailopa'a mijouya, ailopa'a quihuet'ŕqui? Ai. Aimi'iya.

⁵¹ Cu'i'molhuo' lo'iya. Ita'a lataiqui' laifnu'iyacolhuo' lan xanuc' quiŕtuca' aimi'iya quiŕsina'.

Ai'a ticuaiyoconno Cristo, tama hualca illanc' aŕmana'monga', hualca aŕmanecu. Jahuay aŕpai'im'monga' laŕsans.

⁵² Ite laŕ'iyaconga', laŕpai'iyaconga' aimicoŕya. Ma le'a to maŕspot'ŕmi'me laŕ'u', maŕ'huiŕfi'me, joupa aŕpai'imponga'. Toŕta'a laŕ'iyaconga' munanni al trompeta, ite lijoujma luna'apa. Linca tunam'me al trompeta, limanapola' timaf'i'ina'mola', aimihuet'ŕconayacola' liŕcuerpo. Illanc' ja'ni aŕmana' aŕpai'im'monga' laŕsans.

⁵³ Ita'a laicuerpo tijaf'quinghua, tihuet'ŕma, ticuicomma lapi'intsi ocuena caicuerpo, aŕpo'no'entsi ite pe aimijouya, aimihuet'ŕconaya. Ita'a laicuerpo ticuicomma tima'ma. Ipic'a aŕpo'no'entsi locuena pe aimimaconaya.

⁵⁴ Tijouŕa' ti'ita' toŕta'a, ite litine linca ti'i'ma ituca' laŕcuerpo, aimihuet'ŕconaya, aimimaconaya. Toŕta'a tenanŕ'ma lataiqui' linilingiya, ticua: ¡Joupa lulijpá!

Lamaya joupa ejac'pa, aimamaconayaconga'.

⁵⁵ Ma' al linca loya'apa lataiqui' lonespa:

Catalai'e'ma lamaya, cami:

“Limanapola', ¿ja'ni ma toŕta'a tiŕmanemma? Ai.

Ima', ¿ja'ni ti'hua toma'ahualecona'ma? Ai.”

⁵⁶ Linca, mipa'a ita'a laŕcuerpo lixingufcopa lixcay laŕ'epa, ma ti'hua limane lamaya, aŕteŕ'minga', aŕma'a'monga'. Aimi'iya maŕmesyacu: “Ai, aical'aic' quixcay”. Litaiqui' LanDios loya'apa locuxepa, ite lataiqui' aŕcufquina'.

⁵⁷ X'najtse'eya LanDios, laŕPoujna Jesucristo joupa ulijpa, lamaya aimululijyaconga' nulemma. Illanc' naŕ'huaiyijmpá LanDios jouc'a lulijna'me. Toŕta'a lixpicepa LanDios, toŕta'a ti'i'ma.

⁵⁸ Unc'aicapimaye, ja'ni toŕta'a laŕ'iyaconga', ¿te ts'i'ic' laŕ'eyacu itsiya? Cu'i'molhuo': Aimolpai'i'me loŕpicuejma'. Tolihuejle litaiqui' Jesucristo. Aimolcuanac'e'molŕsi. Itine itine tonŕ'e'me lanic', ite lepi'ipolhuo' laŕPoujna, a'ujfxi tonŕ'e'me toŕta'a.

Imanc' noł'huaiyijmpá łáPoujna Jesucristo, mont'eyi ihe lanic' toł'nujuaitsa lo'iyacolhuo' locuenaj quitine. Tołta'a tixojma cunlata tonł'e'me lanic'.

16

¹ Itsiya capalaico'ma al tomí lolafot'leyacu lolumme'eyacola' lołpimaye, ihe jouc'a i'huexi ŁanDios. Ihe nomana' lilya' Jerusalén tehue'ela'. Lapimaye lafołyomma łamats' Galacia joupa ainu'ipola' lo'eyacu. Imanc' ma' anuli tonł'e'le.

² Axamano axamano ticuaiti al te'a quitine, anuli anuli imanc' tolanajle lołtomí. Ja'ni ululijpá acueca' tolanajle acueca'. Ja'ni ululijpá huata, tolanajle huata. Cacuaiłi jilpiya joupa olafot'łepá al tomí. Aimolafot'łe'me aquite'.

³ Cacuaiłi, imanc' toł'huij'etola' lapimaye titaite ihe lolapi'iyacola' ihe lołtoc'icoyacola' jilpe Jerusalén. Iya' capi'itola' quılje'e. Cummetola'.

⁴ Ja'ni ticuicomma ca'huala' jouc'a alejmaleta anuli lapimaye.

⁵ Joupa aixpic'epa cahuejntola' lapimaye nomana' łamats' Macedonia. Tijoułta' cacuaita pe lołmana' imanc'.

⁶ Aicaixina' tojua quitine alcolta pe lołmana'. Aga capanehuo jilpiya cuyaicota łaxita quitine. Tijoułta' cuyaita ni petsi. Imanc' lacanumf'eta cane, alłoc'ita ca'huanta' al c'a.

⁷ Cacua: Ate'a cuyaicota łamats' Macedonia. Tijoułta' cacuaita jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ela' ŁanDios alcolta.

⁸ Jifa'a lilya' Efeso capanehuo tuyaiłta' al juic Pentecostés. Tijoułta' ca'huata pe lołmana'.

⁹ Jifa'a ŁanDios lapi'ipa acueca' canic'. Axpela' ti'huaiyijnyi łáPoujna. Jouc'a timana' axpela' nał'epa laic'.

¹⁰ Ja'ni jilpiya ticuaiti Timoteo, tolapenufle. Aimołhuos'mi'me. Ma to ca'ay lanic' lalapi'ipa łáPoujna, ilque Timoteo jouc'a ti'ay.

¹¹ Aimolatets'i'me, ni anuli imanc'. Tipanni ti'huanłta' tolacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

¹² Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Tonłe'le anuli lapimaye." Aimi'cua mi'huaya. Tipa'a litine mi'hua'ma.

¹³ Aimołsmi'me jilpe lołpicuejma'. Ti'hua tolihuejle Lataiqui'. Aimołpai'i'me lołpicuejma'. Tonł'e'le acueca' łolunxajma'.

¹⁴ Jahuay lonł'eyacu toł'nujuaitsola' lołpimaye, ja'ni tołta'a tołtoc'i'mola' o a'i.

¹⁵⁻¹⁶ Imanc' olimetsaicola' Estéfanos jouc'a lapimaye nomana' lejut'ł. Jilpe łamats' Acaya ihe ate'a i'huaiyijmpá Jesucristo. Ihe quılłuca' ixpic'epá titoc'i'me lapimaye, ilniya jouc'a i'huexi ŁanDios. Ticuicomma imanc' tolihuejco'mola' ilniya, jouc'a tolihuejco'mola' jahuay lapimaye no'epá lanic' juaiconapa, ihe lanic' lalapi'iponga' łáPoujna. Tołta'a caxahue'elhuo' tonł'e'le, caxc'ai'ilhuo'.

¹⁷ Iya' aixhuełcopolhuo' juaiconapa. Itsiya tixoquei neta. Licuaina'me fa'a Estéfanos, Fortunato y Acaico, tocomma to ołcuai'me imanc'.

¹⁸ Ihe liłonc'e'enapa laipixhuejma'. Itsiya aimalsuel'meconayacu iya' imanc'. Imanc' tolimetsaicotsola' ilniya no'epá tołna'a.

¹⁹ Lapimaye lafołyomma jifa'a łamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoquei quileta tinonilhuo'. Ticuaiyi: "Łan xanuc' nomana' Corinto alłpimaye, al'huaiyijnyi anuli łáPoujna Jesucristo".

²⁰ Jahuay lapimaye nomana' fa'a tinonilhuo'. Jahuay imanc' tołnontsołłsi. Tołłuc'otsołłsi lołpeque ma to mituc'o'mołłsi lapimaye, ihe i'huexi ŁanDios.

²¹ Iya' ninPablo canonilhuo'. Ihta'a caituca' niniłcopa laimane.

²² Jiłpe ja'ni tipa'a anuli pe aimi'ay capic'a łalPoujna Jesucristo, tejac'ente iłque cal xans. ¡Maranatha! Ihta'a lohuałquemma: ¡Ima' małPoujna, tohue', to'huanni!

²³ Ti'hua titoc'itsolhuo' jahuay imanc' łalPoujna Jesucristo.

²⁴ Ti'ila' cołsina' ca'elhuo' capic'a imanc' unc'aipimaye, ma' anuli ał'huaiyjnyi Jesucristo. Amén. Tołta'a ti'ila'.

LIJE'E SAN PABLO LOCUENA LINIË'EPOLA' LAPIMAYE LEFOT'LEPOËTSI LIËYA' CORINTO

¹ Iya' ninPablo. Iya' jouc'a ñapima Timoteo lini'elhuo' imanc' lefot'lepolhuo' ÑanDios jilpe liya' Corinto. Jouc'a tixhuele ita'a al je'e ñapimaye nomana' locuenaye quihelotya' ñamats' Acaya, ihne jouc'a i'huexi ÑanDios. Iya' ninPablo, nin'apóstol, alummepa Jesucristo. Toñta'a lixpíc'epa ÑanDios.

² ÑanDios cañ'Ailli', Jesucristo ñapoujna titoc'itsolhuo', tipac'e'etsolhuo' loñpicuejma'.

³ ¡Añs'ñajtsi'ile ÑanDios! Ihque enDios ñapoujna Jesucristo, jouc'a i'Ailli'. Añ'Ailli' jouc'a. Itine itine añ'ñujuaitsinga'. Ihque alanDios, alixoc'inga' calata.

⁴ Ma mañtelcoyi alixoc'inga' calata. Toñta'a lapi'inga' ñapicuejma' lixoc'itsola' quileta ñapimaye mitecoyi jouc'a.

⁵ Ma calihuequi Cristo añtelcoyi, añtelcoyi to Cristo litecopa. Ja'ni juaiconapa acueca' ile ñañtelcopa jouc'a juaiconapa acueca' alixoc'inga' calata Cristo.

⁶ Jahuay ña'iponga' illanc' ma titoc'i'molhuo' imanc'. Ja'ni añtelcoyi ÑanDios alixoc'i'monga' calata. Toñta'a illanc' lixoc'i'molhuo' imanc', jouc'a tolunñul'me. Ja'ni ÑanDios jupa lixoc'iponga' calata, imanc' jouc'a tolixoc'i'moñtsi, tolunñul'me. Toñta'a titoc'i'molhuo' ÑanDios ma moñsnet'ñyi latecoya, ile ñañtelcopa illanc'.

⁷ Illanc' a'i ma le'a añcuayi: Jouc'a imanc' toñsnet'ñme. Añsina' toñsnet'ñme. Ja'ni toñtelco'me to illanc' mañtelcoyi, ÑanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ña' coñsina' te ts'i'ic' laluyalaicopa illanc' mañmana' ñamats' Asia. Jilpe linca añtelcopá. Añsimpá juaiconapa ipime ñañpepajnya. Afule mañ'ommoñaispá. Añcuayi: “Añlopa'a cañpuñfxi. Ma' añmana'monga'.”

⁹ Ñañcuerpo linca añlopa'a quipujfxi. Laluyalaicopá toñta'a ixpic'epa ÑanDios. Añmuc'inga' aimañ'huaiyijm'moñtsi illanc' cañtuca', añ'huaiyijnle ÑanDios. Ihque nipajnya timañ'i'ina'mola' limanapola'.

¹⁰ Alunñu'eponga' ile al cueca' ñañtelcopa, a'i cañmanga'. Ja'ni añtelcoconañe ocuena'ya alunñu'econa'monga'.

¹¹ Imanc' jouc'a locuenaye lapimaye toñsa'huele ÑanDios, toñmile: “Toñtoc'itsola' Pablo jouc'a lipimaye”. Tijouña' añtoc'itsonga' ti'i'ma axpela' lapimaye tix'ñajtsi'i'me ÑanDios. Toñta'a lo'iya ja'ni imanc' unc'xpela' toñsa'hue'me.

¹² Illanc' tixoquei calata añcuayi: Jilpe ñapicuejma' añsina' ac'a ña'ejma'. A'i oque' ñapicuejma', a'i ma le'a mañ'e'eyoñtsi ixanuc' ÑanDios, añlinca lihuejcoyi. Mañ'eyi lanic' lalapi'iponga' ÑanDios aimalihuejyi cañtuca' ñapicuejma'. Toñta'a ña'ejma' ni petsi ña'mana' jouc'a pe loñmana' imanc'. Jilpe loñmana' xonca añ'epá toñta'a.

¹³ Illanc' lalini'epolhuo' aimifel'micolhuo'. Jilpe lu'ilhuo' al linca, toñta'a ñañnespa. A'i quipime lataiqui', ti'i'ma tolihuej'me.

¹⁴ Linca hualca imanc' limetsaicoponga'. Cagua: Limetsaicotsonga' jahuay ma' anuli. Toñta'a, litine ticuaiconanni ñapoujna Jesucristo tixoj'ma cunlata alimetsaico'monga' illanc' oñpimaye, jouc'a illanc' alimetsaico'molhuo' imanc' añpimaye.

¹⁵⁻¹⁶ Iya' ainespa: “Linca lapenufta lapimaye nomana' liya' Corinto”. Toñta'a aixpic'epa ate'a cahuejntolhuo', tijouña' ca'huaña' ñamats' Macedonia. Capainanni ñamats' Macedonia cahuejnconatolhuo'. Tijouña' cahuejntolhuo' imanc' lacanumf'enna cane lotsepa ñamats' Judea. Toñta'a oquemma añsim'moñtsi, iya' imanc' noñmana' jilpe Corinto.

¹⁷ He lainespa: “Cahuejntolhuo”, ¿te ma le'a canesqui? ¿Ja'ni iya' aicaxa'hue LanDios? ¿Ja'ni aicainicuis'e: “¿Te caif'eya?”? ¿Ja'ni iya' caituca' cacuxeyoxi laipicuejma'? ¿Te caxpic'e ca'huała' jouc'a caxpic'e aica'huaya?

¹⁸ LanDios linca tenanti. Illanc' jouc'a aimafel'miyaleyí. Litaiqui' laluya'apa íte a'i cafellaiqueya cataiqui'.

¹⁹ He litaiqui' LanDios tipalaijma Jesucristo, ítque i'Hua LanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua LanDios”, y ocuena quitine ałcuayi: “Cristo a'i qui'hua LanDios”? A'i. Aimi'iya mipai'iyacoxi Cristo. Małque LanDios joupa ímujsa Cristo ma' i'Hua.

²⁰ LanDios joupa lu'iponga': “Tołe, tołe lapi'iyacolhuo”, ítque Cristo ałmuc'inga' ałınca íte lataiqui'. Mał'huaiyijnyi Cristo ítque lapi'i'monga'. Tołta'a tolimetsaico'me acueca' ac'a LanDios, ítque łalpałaicopa illanc' mał'eyi lanic' jilpiya.

²¹ Illanc' imanc' ma LanDios ałfa'eponga' lałpicuejma' mał'huaiyijnyi Cristo. Tołta'a aimalpai'iyacołtsi. Małque LanDios ałpaxneponga'.

²² Nulemma limetsaicoponga' ixanuc'. Lapi'iponga' cal Espíritu Santo, toliya i'ipa calsina' illanc' i'huexi LanDios.

²³ Tama aixpic'epa ca'huała' cahuejntsolhuo', aicai'huac'. Aicaifel'milhuo'. Tołta'a ixina' LanDios, ixina' li'ipa. Iya' aiximpolhuo' cuanuc'. Aines'ma: “Ca'huaico'ma tuyaila' oque' afane' quitine. Ja'ni a'i, cacuaitsi cataletola' íne laipimaye.”

²⁴ Illanc' a'i colpoujnalá. Aimalu'ilhuo': “Tołe, tołe, tolihuejle Jesucristo”. Ma le'a ałtoc'ilhuo' tuluyalaicołe tixojla' cunlata. Ałsina' toł'huaiyijnyi Cristo, ma ti'hua tolihuejle.

2

¹ Iya' aixpic'epa, camiyoxi: “Aica'huaconaya lilya' Corinto. Tołta'a aiquix-tuc'oyacola' laipimaye.”

² Cacia: “Iya', ja'ni cahuos'mitolhuo', ¿naitsi nalixoc'iya neta? Ailopa'a. Ja'ni joupa aihuos'mipolhuo', imanc' aimi'iya malixoc'iconaya neta.”

³ Tołta'a ninil'epolhuo' íte al je'e lainumme'epolhuo'. Cacia: “Tixanu'itsołtsi, tijoula' ca'hua'ma. Tołta'a lixoc'i'ma caineta, aimalapi'iya quixhuejma'.” Cacia: “Ja'ni iya' quixoqui neta, laipimaye jilpe Corinto jouc'a tixoj'ma quileta”. Tołta'a laif'huaiyijncopolhuo' imanc'.

⁴ Iya' ma quinili íte colje'e cajoqui juaiconapa, tic'equi axpe' cainujuay. Li'ipolhuo' imanc' ałhuos'mipa acueca'. Unlejpa łainunxajma'. Laininil'epolhuo' aicaipic'a cahuos'miyacolhuo'. Ma' aipic'a ti'ila' colsina' ca'elhuo' capic'a juaiconapa, tołta'a laininil'epolhuo'.

⁵ Ítque ni'epa aijc'a aicalscái'e iya'. Ixcái'epolhuo' imanc'. Tama tołta'a laifcuapa jouc'a cacia: Ítque aimixingufco'ma ujfxi íte litaiqui', iya' aicatel'miconaya.

⁶ Lanxpela' imanc' joupa olspic'epá loł'eyacu. Joupa ol'epá tołta'a, otel'mipá. Małpe tipanenni.

⁷ Itsiya aimotel'miconame. Tolimenc'e'ecolē lijunac'. Tolixoc'íte queta. Ja'ni a'i, aga xonca tihuotso'ma, tetelquehuo lipicuejma' nulemma, tenaj'moxi xonca.

⁸ Caxc'ai'ilhuo' tołpalaic'olē al c'a, ti'ila' quixina' tonł'eyi capic'a.

⁹ Iya' laininil'epolhuo' íte lołje'e aipic'a lihuejcolā' iya' laicuxe'epolhuo'. Tołta'a lonł'epa. Joupa otel'mipá łolpima. Itsiya aixina' imanc' ałcuc'e iya' laifcuxe'epolhuo'.

10 Camilhuo': Anuli łapima ja'ni toliment'e'ecoyi lijunac', iya' jouc'a quimenc'e'eco'ma lijunac'. Iya' cacua: Petsi łaicuicomma quimenc'e'ecola' lijunac' ma quimenc'e'eco'ma, joupa nimenc'e'ecopa. Tołta'a cai'ecopa ca'nujuaitsilhuo' imanc', ma' anuli li'epa Cristo.

11 Ticuicomma limenc'e'ecole lijunac' łapima. Ja'ni a'i łonta'a Satanás lulij'monga'. Joupa limetsaijma te ts'i'ic' lipicuejma' iłque. Tehuay te co'iya małc'aiłcołeyacu.

12 Litine lai'huapa liłya' Troas joupa aixpic'epa cuya'ata jilpe litaiqui' Cristo, iłe loya'apa al c'a lixp'ic'epa ŁanDios. Łaicuaiti jilpe łamats' linca tipa'a lane ca'etsi łanic', iłe łalapi'ipa łalPoujna Jesucristo.

13 Iya' a'i quixoqui neta. Jilpe Troas ailopa'a łaipima Tito. Iłque łalejmalepa, anuli ał'eyi łanic'. Aiquicuaiya. Iya' caxhuełmot'łe. Aicalcoli. Aixc'ai'ina'mola' lapimaye. Nipanni jilpiya ai'hua'ma łamats' Macedonia.

14 ;X'najtse'eya ŁanDios! Illanc' pe Cristo lapenufponga', ŁanDios joupa alulijponga', i'ipa ałPoujna, lihuejcoyi iłque. Itine itine alejmaleyi. Ni petsi łaltseyacu lan xanuc' ałsinguf'monga' ixanuc' Cristo. Ti'i'ma quilsina' te ts'i'ic' lipicuejma' iłque. Tołta'a tixpic'e ŁanDios.

15 Ma ŁanDios ałłanc'e'enaponga' łalpicuejma', ti'ila' quilsina' lan xanuc' te ts'i'ic' lipicuejma' Cristo. Ja'ni iłne nonłu'eyacola', ja'ni nacaniyacola', ma' anuli ałsingufinga' ixanuc' Cristo.

16 Linca iłne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Iłne aimepi'inyacola' al ts'e quilpitine. Petsi nonłu'enyacola' iłne linca iłsina' Cristo imaf'inapa, tipa'a al ts'e liłpitine.

Anuli cal xans, ¿ja'ni quituca' nipajnya ti'e'ma iłta'a łanic' lał'epa illanc'? A'i, aimi'iya.

17 Illanc' aimaf'eyi to iłne pe a'ij łijca loya'apa litaiqui' ŁanDios. Iłne ti-huants'iyi Lataiqui' y ocuena cataiqui'. Illanc' a'i oque' łalpicuejma'. Ałsina' joupa lapenufponga' Cristo, ŁanDios ałquimf'enga'. Ał'nujuaisyi ŁanDios lummeponga' luya'ale litaiqui'.

3

1 Itsiya, illanc' ¿ja'ni ałpalaicocona'mołtsi al c'a? Linca timana' lapimaye notaipá liłje'e timuc'itsolhuo', tolapenuftsola'. O iłpic'a tołapi'itsola' quilje'e tepenufintsola' lapimaye nomana' ocuena quilya'. ¿Te ticuicomma tołsinłe jouc'a illanc' całje'e? ¿Te tołta'a limetsaico'monga'?

2 A'i. Ma' imanc' ti'onłcospolhuo' to ałje'e. Li'ipolhuo' imanc' tocomma to joupa inilingaita łalunxajma'. Iłe lałje'e jahuay tixhueyi, ti'i quilsina' li'ipolhuo' imanc'.

3 Ja'ni ałcuaita pe lomana' lapimaye aimalmuc'iyacola' całje'e linilcompa atinta, iłe ailopa'a, aicaltaic'. Ma' imanc' ti'onłcospolhuo' to iłe ije'e Cristo łalapi'iponga' illanc', ałmuc'itsola' lapimaye.

Luyaipa quitine ŁanDios inilpa jilpe loque' lapic' litaiqui' locuxepa. Itsiya cal Espíritu Santo, iłque li'Espíritu Łimaf'i' CanDios, inilpa litaiqui' łolunxajma' imanc'.

4 Illanc' ałsina' ma le'a Cristo łapi'iponga' łalpicuejma', tołta'a ał'eyi łanic', iłe łalapi'iponga' ŁanDios.

5 Illanc' całtuca', ¿ja'ni acueca' ti'hua lałmane? ¿Acueca' lał'eyacu? A'i. Illanc' całtuca' ailopa'a cał'eyacu, ma' iłque ŁanDios łapi'iponga' lałmane, łalpicuejma'.

6 Tołta'a nipajnya ał'e'me łanic', luya'ayi Lataiqui', iłe al Ts'e Cataiqui' ŁanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa ŁanDios. A'i tołta'a lałpenic'. Iłe lataiqui' aimi'iya malunłu'eyacongá',

le'a lacani'e'monga'. Illanc' tipa'a laɫpenic' luya'aɫe lo'epa cal Espíritu Santo. Itque lapi'inga' al ts'e laɫpitine.

7 Moisés uya'a'ma ɫataiquí liniliya jilpe lopic'. Tama ite loya'apa Moisés tecani'e'mola' lan xanuc', ɫanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Ite lunts'ifpa, tama aimicoɫya, juaiconapa acueca' tunts'ifqui. Lan xanuc' Israel aimi'iya mi'hua mehuelo-jnyacu, tunlequi liɫ'u'.

8 Illanc' luya'ayi lo'epa cal Espíritu Santo, ite aɫpenic'. ¿Te ja'ni ɫanDios aikuimetsaijma xonca acueca', xonca ac'a ite lanic'?

9 ɫanDios imetsaicopa acueca' ac'a juaiconapa ite lipenic' Moisés, itque luya'apa lataiqui' lacani'eyacola' lan xanuc', imuc'i'mola' tipa'a liɫjunac'. Itsiya ɫanDios, ¿te aimimetsaijma xonca acueca' ac'a lanic' laɫ'epa illanc'? Lataiqui' laluya'apa illanc' ticua: “Ja'ni tolihuejcoɫe, ɫanDios tepenuf'molhuo' to ailopa'a coɫjunac'”.

10 ɫanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' luliɫpá Moisés. Xonca acueca' juaiconapa laɫpenic', xonca ac'a lataiqui' luya'ayi, xonca limetsaico'monga' ɫanDios.

11 Ite lipenic' Moisés, tama aimicoɫya, ɫanDios imetsaicopa, imujpa acueca', ac'a. Lanic' laɫ'epa illanc' jouc'a lataiqui' laluya'apa, ticoɫ'ma, aimijouya. Ocuena cataiqui' xonca al c'a, ailopa'a. Tijouɫa', ¿te ɫanDios aimalimetsaicoy-aconga' illanc' laɫpenic'? Linca xonca limetsaico'monga', timuj'ma xonca acueca' ac'a lanic' aɫ'eyi.

12 Aɫsina' ma toɫta'a ti'e'ma ɫanDios. Toliya, ja'ni aɫpalaic'otsolhuo' o lu'itsolhuo', aɫpalai'me acuajmaica cataiqui'.

13 Illanc' laɫ'ejma' aimi'onɫspa to li'ejma' Moisés. Itque tiju'e lijahua' jilpe hijuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miɫonginghua lonts'ifpa”. Illanc' ailopa'a calamiyacu. Aimijouya illanc' laɫpenic'.

14 Itne lan xanuc' niquimf'epá Moisés aikuilcueca lataiqui' loya'apa itque. Joupa i'ipa ata liɫpicuejma'. Ma toɫta'a itsiya. Tama tixhuef'innila' ite lataiqui' liniɫpa Moisés, itne lixanuc' Israel aimicuec'eyi, tocomma afohue, tocomma ifi'ejma ijahua' jilpe liɫ'u'. Aiquilcina' li'epa Cristo. Itque enant'lipa ite litaiqui' Moisés, lapi'iponga' al Ts'e Lataiqui'.

15 Toɫta'a li'ipola' itne lan xanuc', ma' anuli itsiya aikuilonc'e'ennila' ite lijahua' lopa'a jilpe liɫ'u'. To afohue, aikuilcina'. Miquimf'eyi litaiqui' Moisés aimicuec'eyi.

16 Lataiqui', ite loya'apa li'ejma' Moisés, ticua: “Lipalaic'ohuo'ma ɫaɫPoujna, exijpa li'a, joupa ifonc'epa lijahua' jilpe li'a”. Lan xanuc' Israel jouc'a ti'i'ma tiɫojm'ma ite lijahua'. Cua naitsi itniya ja'ni tipai'ita' lipicuejma' timetsaico'ma ɫaɫPoujna, tipalaic'o'ma itque.

17 Lataiqui' locuapa “... ɫaɫPoujna”, ite tinescojma cal Espíritu Santo. Ja'ni aɫejmaleyi itque cal Espíritu Santo ailopa'a caɫpa'neyaconga', tipa'a lane aɫpalaic'o'me caɫ'Ailli' ɫanDios.

18 Maɫpalaic'oyi ɫaɫPoujna tocomma lahuelojnyi itque, joupa laxi'emponga' laɫpicuejma'. Ailopa'a caɫpa'neyaconga' laɫ'u'. Laɫ'as xanuc' lahuelojntsonga' illanc', tixim'me te ts'i'ic' itque ɫaɫPoujna. Itine itine laɫ'ejma' ti'hua ti'onɫospa to li'ejma' Cristo. Toɫta'a lo'epa ɫaɫPoujna cal Espíritu Santo, itque ti'hua aɫpai'inga' illanc' laɫpicuejma'.

4

1 Illanc' aimalsinyi quixoqui maluya'ayi Lataiqui'. Illanc' caŧuca' aicalfajyołtsi, ma LanDios ixpic'epa, alfajponga', alpaxneponga', lapi'iponga' lałmane, lałpenic'.

2 Illanc' alpo'nopá lałpicuejma' al'ełe ma le'a al c'a. Aimał'eyacu to lo'epa ilne noximpá calaic'ata. Ilne aimuya'ayi te ts'i'ic' lo'epa. Iłsina' aimetenłma. Illanc' aimafel'miyaleyi, ni aimalhuants'iyi Lataiqui' y ocuena cataiqui'. Luya'ayi ma litaiqui' LanDios. Tołta'a ni petsi lałtseyacu lan xanuc' limetsaicotsonga' al'eyi ma le'a lanic' lalapi'iponga' LanDios.

3 Illanc' alpalaiyi al cuajmaica cataiqui'. Petsi aimunłu'enyacola' le'a ilniya aimicuec'eyacu.

4 Iłniya afohue, tołta'a li'e'epola' Satanás. Iłque ilpincuxepa petsi naihuejpa quilluca' liłpicuejma'. Tołiya Lataiqui' aimepalc'o'ila' liłpicuejma'. Iłe Lataiqui' tuya'e' te ts'i'ic' Cristo, ilque ma' anuli to qui'i'ic' LanDios. Ilne aimi'iya mixinyacu tołta'a.

5 Illanc' aimalpalaicoyołtsi. Alpalaicoyi Jesucristo, luya'ayi: "Iłque ilPoujna lan xanuc'". Illanc' al'eyi lanic' lalapi'iponga' Jesús, tołta'a alłoc'ilhuo' imanc', tocomma illanc' olmozó.

6 Lipangopa li'a lamats' LanDios icuxe'ma icua'ma: "Jilpe al muf ti'ila' epalc'o'". Małque LanDios lapalc'o'iponga' illanc' lałpicuejma', limetsaicoyi te ts'i'ic' LanDios. Ipic'a alulif'etsola' lałfas xanuc', ti'ila' quilsina' ilne te ts'i'ic' LanDios. Małque Jesucristo timuc'i'mola' tołta'a.

7 Illanc' linca ma le'a ninc'ixanuc', acueca' lalapi'iponga' LanDios. Lałcuerpo ti'onłcospa to lapixu lilanc'ecompa ixitsqui, ilPoujna i'niłmipa acueca' lipitali. Tołta'a ja'ni lan xanuc' tixinyi acueca' lał'epa ti'ila' quilsina' a'i całtuca' mał'eyi, ilē al cuecaj lo'epa LanDios.

8 Illanc' linca alłantsinga', aicaluxpats'inga' nulemma. Tama aicalsina' te cał'eyacu, ti'hua al'huaiyijnyi LanDios.

9 Tama lan xanuc' alihuetsoquinga', LanDios aimalpo'nonga' całtuca'. Tama alłscai'enga', aimi'iya malulijyaconga' nulemma, ma' almaf'i'.

10 Tołta'a lałłecopa illanc'. Mipa'a fa'a li'a lamats' lałPoujna Jesús ixingufcopa latełcoya jilpe licuerpo, imapa. Jouc'a illanc', ni petsi lałtsepa alłecoyi, tołta'a jifa'a lałcuerpo i'huáqui al ts'e lałpitine lalapi'iponga' Jesús ilmaf'inapa.

11 Cagua: Małmana' fa'a li'a lamats' illanc' mał'eyi lanic' lalapi'iponga' Jesús, itine itine tocomma alma'a'monga', alma'monga'. Tama ti'hua tijaf'que lałcuerpo, tama alma'monga', ma całmaf'i' i'huáqui al ts'e lałpitine lalapi'iponga' Jesús.

12 Tołta'a illanc' lałpepajnya. Illanc' alłsingufcoyi lamaya, imanc' tołsingufcoyi al ts'e lołpitine.

13 Al Paxi Linilingiya tuya'e': "Ai'huaiyijmpa LanDios, tołiya aipalaic'opola' lan xanuc'". Tołta'a illanc' lał'ejma'. Al'huaiyijnyi LanDios, alpalaic'ola' lan xanuc'.

14 Alłsina' lał'iyaconga' ti'i'ma ma' anuli to li'ipa Jesús. LanDios ilmaf'i'inapa Jesús jouc'a almaf'i'ina'monga', lapenufnatonga' jilpe. Illanc' imanc' lapenufnatonga'.

15 LanDios lixpice'epa lo'iya i'nujuais'molhuo' imanc'. Ipic'a xonca tołsinłe te ts'i'ic' litoc'iyalepa. Tijouła' imanc' unc'xpela' tołs'najtsi'i'me LanDios. Tołta'a tixinim'me acueca' LanDios.

16 Illanc' mał'huaiyijnyi LanDios aimalłosponga'. Lałcuerpo linca ti'hua tijaf'que, al ts'e lałpitine lalapi'iponga' Jesucristo aimijaf'que. Iłe lałpitine itine itine tepi'im'me quipujfxi.

17 Latelcopa fa'a xonca juaiconapa acueca' altoc'inga'. Matelcoyi fa'a lulijyi lalapi'iyaconga' pu'hua locuena capajnya. Latelcopa fa'a li'a lamats' aimi'onlya to lalapi'iyaconga' pu'hua. Fa'a aimicoŷya lateŷcoya. Jipu'hua al cueca' al c'a lalapi'iyaconga' LanDios aimijouya lojauhuamlaicoya.

18 Toŷiya jahuay li'huáqui fa'a li'a lamats' aimal'nujuaisyi. Al'nujuaisyi te ts'i'ic' lopa'a jilpe petsi aiqui'huáqui. Jahuay pe ts'i'huáqui aimicoŷya, ti'hua tijou'ma. Petsi aiqui'huáqui, iŷe aimijouya.

5

1 Maŷmana' fa'a li'a lamats' laŷcuerpo ti'onŷcospa to anuli calx'huijma', jilpe lopanc'epa laŷespíritu. Ma metelquenahuo iŷque lix'huijma' tipa'a lejut'l' laŷespíritu, iŷe lalapi'iyaconga' LanDios. Iŷe lajut'l' lopa'a pu'hua lema'a, aiquiŷanc'e lan xanuc'. Aimi'iya metelc'eya.

2 Jilpe laŷpicuejma' aŷsina' alinca tipa'a iŷe lalajut'l'. Toŷiya ma maŷmana' fa'a laŷ'huijma', laŷespíritu afule mixnet'l'qui, aimicua mi'huaicoya tetelquenni iŷe lix'huijma', ipic'a ma' itsiya titsufainatsi lejut'l'.

3 Ti'ila' toŷta'a, laŷespíritu aimi'hualejma' quituca'. Jilpe lejut'l' titsufainata, tipajnta tijauhuamlaicoya.

4 Linca mipa'a laŷespíritu fa'a laŷcuerpo afule maŷnet'lyi, aŷsinyi ipime laŷiyaconga'. Alcuayi: "Aimetelquehuo iŷe laicuerpo. Aimicol'ma quituca' laŷespíritu, titsufaila' nulemma locuena lejut'l'." Ti'ila' toŷta'a aimal'maconayaconga', ti'hua caŷmaf'i'.

5 Ne'. Aixina' almaf'icona'me. LanDios ilanc'e'epa laŷpicuejma', lapenuftonga'. Lapi'iponga' cal Espíritu Santo, toŷta'a al'muc'iponga' alinca almaf'i'inatonga'.

6 Toŷiya tixoqui calata luyalaicoyi lapajnya. Linca mipa'a laŷespíritu fa'a lix'huijma', iŷe laŷcuerpo, aŷsina' lahue'enga', aicallaitŷufconga' laŷPoujna Jesús.

7 Maŷmana' fa'a aimalahuelojnyi te ts'i'ic' mipa'a pu'huanni. Ma' al'eyi linca lataiqui' laluponga'. Toŷta'a luyalaicoyi lapajnya.

8 Cacia: Al'eyi linca lataiqui' laluponga'. Juaiconapa aljanajyi alpo'noŷe laŷcuerpo, al'majntsa anuli laŷPoujna.

9 Toŷiya alŷpic'eyi al'ele al c'a. Tetenŷcocola' laŷPoujna iŷe laŷejma'. Ja'ni al'mana' fa'a li'a lamats', ja'ni joupa alenapá lu'itsonga' laŷPoujna: "Ac'a lo'ejma'".

10 Jahuay alcuainata pe lopa'a Cristo, iŷque aljuez. Jilpe linca ti'huájta acuajmaica te ts'i'ic' laŷpicuejma', laŷejma'. Ti'huájta te ts'i'ic' li'ipa laŷepa anuli anuli maŷmana' fa'a li'a lamats', mipa'a laŷespíritu fa'a lix'huijma', iŷe laŷcuerpo. Ma to laŷepá, ja'ni ac'a o ja'ni a'ijc'a, toŷta'a al'najtse'etonga'.

11 Illanc' lihuejcoyi laŷPoujna. Alŷpic'eyi al'ele al c'a, limetsaicotsonga' laŷfas xanuc', ti'ila' quiŷsina' alinca al'eyi iŷe lanic' lalapi'iponga' LanDios. Maŷque LanDios joupa limetsaiconga', ixina' te ts'i'ic' laŷpicuejma'. Iya' cacua: Jouc'a imanc' aŷsininga', limetsaiconga'.

12 Itsiya, ¿ja'ni ti'hua lu'icona'molhuo': "Illanc' al'eyi lanic' lalapi'iponga' laŷPoujna"? A'i. Ma' alpic'a tixoj'ma cunlata tolu'iyale'me: "Pablo jouc'a liŷejmale alpomxiye". Toŷta'a toŷnes'me ja'ni limetsaico'monga' illanc' lummeponga' LanDios. Jouc'a ti'i'ma toŷtalai'e'mola' iŷne naihuejpá li'huáquila' xonca tetenŷcocola'. Iŷne aimipo'noyi cuenna te ts'i'ic' lunxajma'.

13 Tama alnesconga', ticuayi: "Iŷque Pablo tipalay to lamac'ta", o ticuayi: "Pablo tocomma acueca' quipicuejma'"; iya' cacua: ¿Te co'iya? Ja'ni tocomma to ninc'amac'ta illanc', toŷta'a al'eyi lanic' lalapi'iponga' LanDios. Ja'ni tocomma to acueca' laŷpicuejma' lalapi'iponga' LanDios, toŷta'a al'muc'ilhuo' imanc'.

14 Al'nujuaisyi li'epa Cristo. Iŷque alsimponga' ninc'icuanuc'la, icupoxi tima'anŷe. Maŷnujuaisyi iŷta'a aimi'iya maŷeyacu lalatenŷcocola' conga'. Joupa

itsufaipa lahpicuejma' te ts'i'ic' li'ipa itque Cristo. Limanapa Cristo itque i'najcuf'mola' lihjunac' jahuay lan xanuc'. Toliya tocomma to jahuay joupá imanapola' jouc'a.

¹⁵ I'najcuf'mola' lihjunac' jahuay lan xanuc' tuyalaico'e ituca' lapajnya. Ticuicomma aimicuxeyaco'tsi quilituca', aimihuejyacu quilituca' lihpicuejma'. Tihuejco'e itque limanapa i'najcuf'mola' lihjunac', lijou'ma imaf'ina'ma.

¹⁶ Toliya illanc' lapenufpola' lan xanuc' a'i to qui'ic' litsans, litraza o ja'ni i'hueca o aiqui'hueca. To'tta'a li'ejma' ihniya pe naihuejcopá quilituca' lihpicuejma'. Ja'ni luyaipa quitine to'tta'a lahnescopa Cristo, itsiya a'i.

¹⁷ Itsiya linca ipai'ipa nulemma lahpicuejma'. Cristo lapenufponga', lapi'iponga' al ts'e lahpitine, ipangoconapa lahpepajnya. Al te'a la'ejma' joupá ijoupa. Jahuay i'ipa ats'e. Ma' anuli lo'ipola' jahuay itne lepenufpola' Cristo.

¹⁸ Linca jahuay itiya li'epa LanDios. Itque i'epa lixpice'epa, alitonc'e'eponga' lahjunac', a'ejmale anuli. Toliya umme'ma Jesucristo ticuxoxi, timatsi jilpe lancruz. Ma'que LanDios lapi'iponga' lahmane lu'itsola' lan xanuc': "LanDios aimixtuc'olhuo', tepenuf'molhuo'".

¹⁹ Lu'ila': "Limanapa Cristo jilpe tipa'a LanDios. Jilpe itonc'e'epolhuo' jahuay lopa'nepolhuo' imanc' no'mana' fa'a li'a lamats', imanc' pe aimi'iyá monfejmaleyacu LanDios. Aiquitac'uilhuc' lo'hjunac', itac'uipa Cristo. To'tta'a epi'i'molhuo' lane tonfejmale'e LanDios."

Ma'e lahpenc' lu'itsola' to'tta'a. LanDios lapi'iponga' lataiqui' laluya'apa. He lataiqui' tuya'e': "LanDios aimixtuc'olhuo'. Tepenuf'molhuo'."

²⁰ Illanc' epaluc' Jesucristo. Ma'palaiyi illanc' tocomma to LanDios tixc'ai'ila' lan xanuc'. Luya'ayi, lu'ila': "Cristo lummeponga'. Ahsahue'elhuo': Tofejmale'e LanDios."

²¹ Cristo tama ailopa'a quijunac', LanDios iximpa to ixcay lipicuejma', ite'mipa. Itque Cristo i'onhicopoxi to illanc', i'najtsepa lahjunac'. To'tta'a, ja'ni Cristo lapenufponga', LanDios a'lonhicoponga' to Cristo, ahsininga' to ailopa'a caljunac'.

6

¹ Illanc' LanDios a'eyi lanic' anuli. Ahs'ai'iyaleyí, lu'ila': "Tijoula' titoc'itsolhuo' LanDios aimoluyalaico'me to li'ipa".

² LanDios ticua:

Litine laifxpice'epa catoc'i'mo', ite litine aicuejpo'.

Litine lainespa: Cunhu'eyale'ma, ma'e litine aitoc'ipo'.

Iya' camilhuo': Litine linescopa LanDios "... ite litine", ma' itsiya. Itsiya ti'hua tunhu'eyale.

³ Ma'eyi canic' anuli LanDios aimal'eyacu lixcay. Ahsuayi: "Ja'ni ac'a la'ejma' lan xanuc' aimetets'iyacu lahpenc'".

⁴ Itine itine ahsuayi: "Ti'ila' quilsina' ahinca a'eyi lanic' anuli LanDios". A'ommo'aispá jahuay: Ja'ni ahtelcoyi, ja'ni lahue'enga', ja'ni tocomma ahtants'inga' lapajnya,

⁵ ja'ni ahsinc'ue'enniga', ja'ni ahtats'enniga', ja'ni alahuoc'huaiyininga', ja'ni a'eyi juaiconapa acueca' canic', ja'ni ahtaquinga' cahuí, ja'ni ahsnet'lyi mahjoc'iyi LanDios, jahuay itna'a a'ommo'aispá.

⁶ Aimalfel'miyaleyí. Lahpicuejma', lahtaiqui', la'ejma' anuli le'a. Limet-saiconayi te loya'apa Lataiqui', ahsnet'lyi la'emponga', ahpalaic'ola' jahuay lan xanuc', ahsuayi lapenufpá cal Espíritu Santo, a'ela' capic'a la'as xanuc', ahsnujuaitsila', a'i ma le'a mahnesyi: Ima' ca'ehuo' capic'a.

⁷ Luya'ayi ma' al linca cataiqui', ałmuji al cueca' lo'epa ŁanDios, ał'eyi al c'a, tołta'a ałcuanajcoyołtsi, aluliquila' lalixtuc'oponga'. Tołta'a ałmujiyołtsi ałinca ŁanDios lapi'iponga' lałpenic' lał'epa.

⁸ Ja'ni al c'a luyalaicoyi, ja'ni a'ijc'a laluyalaicopa, ja'ni al c'a ałnesconga', ja'ni a'ijc'a lałnesconga', ja'ni ałminga' cataiqui', ticuayi: "Imanc' toł'fel'miyale", o ja'ni ałpalaic'onga', ałminga': "Tołcuayi ma' al linca",

⁹ ja'ni aimalimetsaiconga' o ja'ni limetsaiconga', ma' anuli ałmujiyołtsi ał'eyi lanic' lalapi'iponga' ŁanDios.

Tama tocomma ji'hua ałmana'monga', jałsintsonga'! ;ma' ałmaf'i! Tama ałtel'minga' a'i calma'anga'.

¹⁰ Tama ałtelcoyi luyalaicoyi tixoqui calata. Tama ailopa'a cal'tomí, acueca' lalapi'ila' lałpimaye. Lapi'ila' Lataiqui' laluya'apa. Tama ailopa'a cal'hueca, linca jahuay ał'huexi.

¹¹ Unc'aipimaye, imanc' nołmana' liya' Corinto, capalaic'olhuo', camilhuo' jahuay lopa'a lałpicuejma'. Itine itine acueca' ał'nujuaitsilhuo'.

¹² Illanc' ailopa'a tintsi. Illanc' jahuay lałunxajma' ałpalaic'olhuo', imanc' a'i.

¹³ Iya' camilhuo': Imanc' jouc'a aimalatets'i'monga', lapenuftsonga' lałtaiqui' lałsc'ai'ipolhuo'. Caxinnilhuo' to ainaxque', tołta'a capalaic'olhuo'.

¹⁴ Iya' camilhuo': Aimol'e'e'mołtsi anuli iłne pe aimihuejcoyi ŁanDios. Iłniya aimitoc'iyacolhuo'.

Ima', ŁanDios joup'a ilanc'e'epo' lołpicuejma', ¿te comuc'iyaco' iłque pe aimihuequi locuxepa ŁanDios? Lipuqui' y litine, ¿te tiyejmale'me?

¹⁵ Cristo y Satanás, iłque łecui'impá Belial, ¿te iłniya anuli liłpicuejma'? Ima' to'huaiyinge ŁanDios, iłque aimi'huaiyinge, ¿te anuli loluyalaicoyacu?

¹⁶ Lejut'Ł ŁanDios y landiosla', ¿te ti'i'ma tixinc'ne'mołtsi? Imanc' ejut'Ł ŁanDios, iłque Łimaf'i' CanDios. Małque ticua:

Pe lomana' iłniya jiłpe capajnta, małpiya ałsim'ma aimaf'i', camuj'moxi iya' linca ilenDios, iłniya aixanuc'.

¹⁷ Tołiya: Tolihuejcołe lomipolhuo' ŁanDios. Iłque ticua:

Tolanajtsołtsi iłne pe aimalihuequi iya', tonłełe aculi'.

Aimoliłoc'olai'me jiłpe pe laıflaijpa, iłe al xujc'a.

Tijouł'a' capenufna'molhuo'.

¹⁸ Imanc' alimetsaico'ma iya' ol'Ailli',

iya' quimetsaico'molhuo' ainaxque' amijcanó, ahuats'la'.

Iya' NanDios, tołta'a laıfcuapa. Iya' jahuay cacuxe.

7

¹ Maicunc'aipimaye, ac'a juaiconapa iłe licuapa ŁanDios, iłe lal'iponga'. ;Lihuejcołe! Ał'etsoltsi limpio. Ja'ni lałcuerpo, ja'ni lałpicuejma', aimalxisc'econa'mołtsi. Ti'ıta' le'a al c'a lał'eyacu. Lihuejco'me ŁanDios. Tołta'a itine itine ti'hua tilajm'ma lałpicuejma', xonca tetenłcoco'ma ŁanDios. Lał'ejma', jouc'a ti'hua tilajm'ma, tijouł'a' ti'onłta to li'ejma' ŁanDios.

² Unc'aipimaye, aimalatets'i'monga', limetsaicotsonga', illanc' olpimaye. Małmana' jiłpe nij naitsi cal'najtsecopa a'ijc'a. Ał'epá ma le'a al łijca. Nij naitsi calpo'nopa pangay pangay. Nij naitsi calfel'mipa.

³ Laıfnespa tołta'a aıcatalelıhuo'. Joup'a aimipolhuo': Itine itine ał'nujuaitsilhuo'. Ja'ni olmaf'i' tixoqui calata. Ja'ni joup'a imanapolhuo' tocomma jouc'a ałmanaponga'.

⁴ Iya' juaiconapa ca'huaiyingilhuo'. Acueca' ac'a laınescopolhuo'. Tama ałtelcoyi tixoqui neta juaiconapa cuyaijma, joup'a lixoc'imp'a neta.

⁵ Aŕcuaitŕa fa'a Ɣamats' Macedonia ti'hua aŕteŕcoyi, aicalunxaqui. Ni petsi lahuelojnyi timana' laŕ'eponga' laic', jouc'a jŕŕpe Ɣalunxajma' aŕsueŕcoyi.

⁶ Eŕnca EanDios lixoc'iponga' calata, ummepa Ɣaŕpima Tito, aŕŕŕmpoŕtsi. Toŕta'a li'ejma' EanDios, ja'ni aŕhuotsoyi lixoc'i'monga' calata. Illanc' tixoqui calata aŕŕŕmpoŕtsi Tito.

⁷ Li'ipa caŕŕŕna' imanc' joupa olixoc'ipa queta Tito, xonca tixoqui calata illanc'. Iŕque lu'iponga': "Lapimaye nomana' liŕya' Corinto juaiconapa tŕjanajyi tixintŕo'. Ixhuej'menamma iŕe li'ipa jŕŕpe, itsiya Ɣinca tihuejco'mo'."

⁸ Iya' lijoupa lainumme'epolhuo' coŕje'e, iŕe laininiŕ'epolhuo', caxhueŕma. Cacia: Iŕe laiŕe'e aga tihuos'mi'mola' juaiconapa lapimaye. Itsiya aicaxhueŕcocongħua. Iŕe laiŕe'e tama ihuos'mipolhuo' a'i nulemma quitaŕc'ilhūo'.

⁹ Iya' tixoqui neta. Eŕnca iŕe laiŕixojma' cata aicalapi'i iŕe laihuos'mipolhuo'. Imanc' joupa oŕsuej'menamma al xujc'a li'ipa jŕŕpe, toŕiya tixoqui neta iya'. Iŕe loŕsuej'menamma tetenŕcocojma EanDios. Toŕiya aiximpa ailopa'a qui'e'epolhuo' laiŕe'e.

¹⁰ Petsi liŕŕihuotsoqueya tetenŕcocojma EanDios Ɣinca ixhuej'menamma li'epa. EanDios tunŕu'e'mola'. Aimipai'iyacu liŕŕicuejma'. Timana' nohuotsopá petsi EanDios aimetenŕcocoja liŕ'ejma'. Iŕne naihuejŕpá quŕtuca' liŕŕicuejma', tejac'em'mola'.

¹¹ Eŕnca i'huáqui joupa oŕsuej'menamma. Itsiya toŕpo'noyi cuenna te ts'i'ic' loŕ'epa. Oŕŕpic'epá oŕŕalai'ecopoŕtsi, olixŕuc'opá iŕque ni'epa lixcay, oŕŕŕmpá axpaiqui' lo'iyacolhuo', juaiconapa toŕjanajyi aŕŕŕntŕoŕtsi, oŕŕpic'epá nulemma toŕŕanutoŕtsi cataiŕui', joupa oŕ'epá liŕca, oŕteŕ'mipá ni'epa lixcay. Joupa aŕmuc'iponga' aicoŕtaic' lajunac', ma le'a anuli jŕŕpe i'epa lixcay.

¹² Iya' jŕŕpe laininiŕ'epolhuo' tama quixtu'hua iŕque ni'epa lixcay jouc'a aiximpa cuanuc' ŕocuena ŕiteŕcopa, xonca aipic'a toŕlimetsaicotoŕtsi te ts'i'ic' loŕŕicuejma', aipic'a toŕmuc'ie EanDios, toŕmujtoŕtsi aŕinca al'nujuaitsinga' illanc'.

¹³ Aŕŕŕmpá toŕta'a lixoc'iponga' calata.

Xonca lixoc'iponga' calata iŕe liŕixojma queta Tito. Imanc' joupa olixoc'ipa queta.

¹⁴ Iya' joupa aimipa Tito: "Laŕpimaye nomana' Corinto ac'a xanuc'. Li-huejco'ma." Itsiya aicaxina' calaic'ata iŕe lainescopolhuo'. Maŕmana' jŕŕpe aŕpalaic'opolhuo' ma le'a al Ɣinca. Jouc'a al Ɣinca iŕe laŕnescopolhuo' aŕmpá Tito. Itsiya toŕta'a i'huáqui, lihuejma.

¹⁵ Itsiya Tito xonca ti'elhuo' capic'a, ti'nujuaitsilhuo' imanc' loŕ'ejma'. Ti'nujuaitsi ac'a olapenuŕpá, aicoŕ—loŕ'e'moŕtsi. Oŕŕpic'epá toŕ'oc'etsotoŕtsi, tetenŕcocoŕa' loŕ'ejma'.

¹⁶ Itsiya iya' tixoqui neta juaiconapa. Aixina' ti'i'ma ca'huaiyŕjm'molhuo'.

8

¹ Unc'aipimaye, itsiya lu'i'molhuo' te ts'i'ic' liŕ'ejma' laŕpimaye naŕoŕyomma Ɣamats' Macedonia. Iŕniya EanDios acueca' liŕaxnepola', eŕi'ipola' liŕŕicuejma' titoc'ie liŕpimaye.

² Iŕne laŕpimaye nomana' Ɣamats' Macedonia tama titelcoyi juaiconapa, tama acueca' tehue'ela', tixoqui quileta efot'ŕepá acueca' al toŕmí tumme'me, titoc'ie liŕpimaye.

³ Ma to ts'i'ŕhueca icupa. Lijou'ma, tama tocomma aimi'iya micuconayacu, icuconapá. Aiquixahue'ennila'. Iŕne quŕtuca' liŕŕicuejma' ixpic'epá ticuŕe.

⁴ Aŕŕahue'eponga' juaiconapa, aŕminga': "Lapi'itsonga' lane jouc'a illanc' aŕtoŕ'itŕola' laŕpimaye, iŕne jouc'a i'huexi EanDios. Illanc' jouc'a alafot'ŕeŕe laŕtomí."

⁵ Illanc' ałmila': "Ne". Ałcuayi lałpicuejma': "İne tefot'le'me liłtomı". Linca, xonca acueca' i'epá. A'i ma le'a efot'lepá liłtomı. Ate'a icu'mołtsi lałPoujna, lijoupa ałmiponga': "Lihuejco'molhuo' imanc". Tołta'a lixpice'epa LanDios.

⁶ Illanc' lałsimpa li'epa lapimaye nomana' lamats' Macedonia ałcuapá: "Lałpimaye nomana' Corinto jouc'a tefot'lele nulemma al tomı locuyacu". Tito joupa ehuejnhuo'molhuo' anulemma. Imihuo'molhuo': "Tołpangołe tolafot'lele al tomı, ile lolapi'iyacola' lołpimaye". Itsiya lumme'econa'molhuo' Tito tipalaic'otolhuo' tolafot'leconle al tomı. Jouc'a timiconatolhuo': "Imanc' joupa ołpangopá tolafot'leyi al tomı, itsiya tołjou'nele ile lonł'epa".

⁷ Imanc' toluliquila' lołpimaye nomana' ocuenaye quiteloıya'. Xonca toł'huaijinyi LanDios, xonca al c'a tołmuc'iyaleyi litaiqui', xonca ołsina', xonca tolihuejcoyi, xonca toł'nujuaisyi LanDios, jouc'a xonca toł'nujuaitsila' loł'as xanuc', tonł'ela' capic'a. Tołta'a olapejpá lataiqui' lałmuc'ipolhuo'. Itsiya camilhuo': "Ne'. Xonca tołtoc'itsola' lołpimaye."

⁸ Aicacuxelhuo'. Aipic'a tołmujtsoltsi ałınca toł'nujuaisyi LanDios jouc'a tonł'ela' capic'a lołpimaye, tohiya canescola' ac'a li'epa lałpimaye nomana' lamats' Macedonia, cu'ilhuo'.

⁹ Imanc' ołsina' li'epa lałPoujna Jesucristo. Mipa'a lema'a jahuay i'hueca, aimehue'e'. Ixpice'epa titoc'itsolhuo'. Ipic'a imanc' jouc'a aimehue'e'molhuo'. I'epoxi to cal xans pe aiqui'hueca. Ipo'nopa ile li'huexi, tołta'a tolapenufta acueca' coł'huexi.

¹⁰ Iya' cacua aimicuicomma cacuxeyacolhuo'. Aicamiyacolhuo': "To-lafot'letsá al tomı". Xonca tetenłma caxc'ai'i'molhuo'. Imanc' linca olulijpola' lapimaye nomana' Macedonia. Ixhuaita anuli camats' lipangopa lolafot'lepa al tomı. Imanc' a'i ma le'a ate'a ołpangopá tolafot'leyi al tomı, jouc'a ate'a ołspice'epá toł'etsa tołta'a.

¹¹ Itsiya tołsuai'nitsa ile lolafot'lepa al tomı. Tołta'a a'i ma le'a tołnes'me: "Ne', ne', joupa ałspice'epá", jouc'a tołanant'li'me ile lołtaiqui'. Ma to ts'oł'hueca tołta'a tołcuta.

¹² Petsi ahuata ts'i'hueca LanDios aimimiya: "Tapi'ıla' acueca". Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta ticu'ma, itque lo'eya tetenłcocojma LanDios.

¹³ Iya' laıxc'ai'ipolhuo': "Tołtoc'itsola' lołpimaye", ¿te ja'ni aipic'a ma le'a ilne lołpimaye xonca al c'a tuyalaicotsa, tijoułta' tehue'etsolhuo' imanc'? A'i. Tołta'a aıcaıpic'a.

¹⁴ Iya' cacua: Jahuay anuli tolyalaıco'me al c'a. Itsiya imanc' aimehue'elhuo'. Lołpimaye aiqui'hueca. Imanc' tołtoc'i'mola'. Tijoułta', mouqui o pitsu, ja'ni tehue'etsolhuo' imanc', ilniya titoc'i'molhuo'. Tołta'a tolyalaıco'me al c'a jahuay imanc'.

¹⁵ Ma to loya'apa al Paxi Linilıngiya tołta'a lo'iyacolhuo': İne nefot'lepá xonca axpe' aıquıpanenni, petsi nefot'lepá huata aıquehue'e'mola'.

¹⁶ Cax'najtsi'i LanDios ipo'no'ıpa lipicuejma' Tito titoc'itsolhuo', tıxc'ai'itsolhuo'. Tołta'a i'ıpa anuli lałpicuejma', iya' y Tito.

¹⁷ İtque linca epenufta lałmıpa: "To'hua'ma, tahuejntola' lałpimaye nomana' liıya' Corinto". İtque li'huapa a'i ma le'a lihuejco'monga' lałsahue'epa illanc'. Małque quituca' ixpice'epa ti'huala'.

¹⁸ Alummeıyi jouc'a ocuena całpıma, tiyejmale'me Tito. Ni petsi lafoıyomma, lapimaye tipalaıcoyi al c'a itque lałpıma. Timetsaıcoyi tuya'e' Lataiqui'.

¹⁹ Lapimaye nafot'lepołtsi lamats' Macedonia i'huıjf'epá itque lałpıma ałejmalele, alacantsa lałtoc'iyacola' lałpimaye pe nahue'epola'. Illanc' całtuca'

aimaleyacu, aimicuicomma. Aipic'a tixinte acueca' ac'a laPoujna, jouc'a alsinintsonga' ac'a la'ejma', alsinintsonga' alinca altoc'ila' laPimaye, aimalipa'ayi al tomí, íe la'hua'ayacu. Ja'ni alpalaicom'monga' a'ijc'a jouc'a tetets'i'me laPoujna.

²⁰ Illanc' alpo'noyi cuenna. Acueca' al tomí, íe lahtaiyacu, tohiya alcuayi: "Alpo'no'me cuenna". Ja'ni a'i ti'i'ma alcu'f'monga', almi'monga': "Imanc' oltepá al tomí".

²¹ Ni petsi lahtseyacu, jahuay la'eyacu, alpo'noyi cuenna, alcuayi: "Alsintsonga' lan xanuc', jouc'a LanDios alsintsonga', al'eyi al c'a".

²² Lummela' afantsi lapimaye, ihniya Tito, jouc'a locuena capima, jouc'a ocuena'ya laPima. Ique laPima jahuay locux'e'empa tixoqui queta ti'e'ma. Tohta'a almuc'iponga' axpe' mi'ay. Itsiya xonca tixoqui queta ti'hua'ma jilpiya, tipalaic'otolhuo' imanc'. Ti'huaiyingilhuo' juaiconapa.

²³ Tito alejmalepá. Ma' anuli al'eyi lanic' lalapi'iponga' LanDios. Iya' ma capanehuo fa'a, íque ti'hua'ma jilpe pe lohmana'.

Loquexi' lapimaye íne ummempola' lapimaye nafolyomma ocuenaye quitelolya', íne linca timujiyi acueca' ac'a laPoujna Cristo.

²⁴ Tolapenuftsola' lam fantsi lapimaye. Tohmuc'itsola' imanc' al'nujuaitsinga'. Illanc' joupa alnescopolhuo' al c'a. Tohmuc'itsola' alinca lahespa. Tijoula' tohta'a ti'i'ma quilsina' lapimaye nafolyomma locuenaye quitelolya', tuya'ata ihniya lummempola'.

9

¹ Tohe laixc'ai'ipolhuo': "Tolapenuftsola' lapimaye". Aicamiyacolhuo' xonca. Joupa olsina' lon'eyacu, tohtoc'i'mola'.

² Imanc' tixoqui cunlata tohtoc'ila' loPimaye. Tohta'a laifpalaicopolhuo'. Joupa nu'ipola' lapimaye nomana' Macedonia, aimipola': "Luyaipa camats' íne lapimaye nomana' lamats' Acaya joupa efot'lepá al tomí. Ma le'a tehue'ela' tummetsa." Licuej'me tohta'a axpela' ihniya icua'me: "Illanc' jouc'a altoc'i'mola' laPimaye".

³ Itsiya cumme'e'molhuo' lam fantsi lapimaye, tixintsolhuo' ja'ni olafot'lepá al tomí. Ja'ni a'i, íe lainscopolhuo' al c'a ti'i'ma ma le'a ataiqui'.

⁴ Luyaicotsa jilpe iya' jouc'a oquexi' afantsi lapimaye lun Macedonia, alcuaita ja'ni aicoljou'ne colafot'le al tomí, linca alsinna calaic'ata. Illanc' joupa alpalaicopolhuo': Joupa olafot'lepá al tomí. Ja'ni aicolafot'le, ¿te imanc' aimolsinyacu calaic'ata jouc'a?

⁵ Tohiya cumme'e'molhuo' lapimaye. Joupa aixc'ai'ipola' lo'eyacu. Íne tiye'me jilpe pe lohmana'. Tu'itolhuo' tohsuai'níe al tomí lolafot'leyacu. Tijoula' ca'hua'ma iya'. Imanc' joupa olpo'nopá cataiqui', tolcu'me acueca'. Ne', tolafot'lehe nulemma. Ja'ni a'i cacuaita iya' ticuicomma caxahue'etolhuo'. Tohta'a aicaipic'a. Aipic'a imanc' coltuca' tolcu'me.

⁶ To'nujuaita: Nofapa ahuata tefot'le'ma ahuata. Nofapa acueca' tefot'le'ma acueca'.

⁷ Ja'ni afule mocu'ma, o ja'ni to'huaijma ticuxe'entso', íe lo'ejma' aimentema LanDios. Cal xans ja'ni tixoqui queta ticu'ma litomí íe lo'epa tetencocojma LanDios.

⁸ Maíque LanDios acueca' nipajnya titoc'i'molhuo'. Jahuay litiné nipa-jnya tepi'i'molhuo' laicuicomma, xonca tepi'i'molhuo'. Tohta'a aimi'i'ma cahue'eyacolhuo'. Tijoula' ti'ila' col'huexi, ti'hua ton'e'me al c'a, ti'hua tohtoc'i'mola' loPimaye.

⁹ Al Paxi Liniñingiya tipalaijma cal xans no'epa íe al c'a, ticua: Tica'nela' li'hueca, titoc'ila' pe lahue'epola'.

Ihe al c'a li'ejma' aimimenc'econyacu.

¹⁰ Lam fanu' lofapa lan xanuc', lepi'ipola' ÆanDios. Ma' anuli la'i lotepa, ÆanDios lepi'ipola'. Ma'que ÆanDios tepi'i'molhuo' ihe lolapi'iyacola' lo'pimaye. Tijoula' xonca acueca' tepi'i'molhuo'. Ja'ni ac'a lon'e'epola' lo'pimaye, xonca al c'a tepi'innolhuo'.

¹¹ Imanc' aimehue'eyacolhuo', ti'i'ma to'otoc'icona'mola' acueca' lo'pimaye.

Lapimaye napenufyacu la'taiyacu illanc', ihe lolapi'iyacola', tix'najtsi'i'me ÆanDios, timuj'me acueca' i'que.

¹² Linca lolapi'iyacola' lapimaye titoc'i'mola', aimehue'econa'mola'. Tijoula' xonca acueca' lo'iya. I'niya lanxpela' tix'najtsi'i'me ÆanDios.

¹³ Lepenuftsa lolapi'iyacola', lapimaye tixim'me acueca' ac'a lo'epa ÆanDios, tix'najtsi'i'me. Tix'najtsi'i'me, imanc' o'ospic'epá to'otoc'itsola'. Tix'najtsi'i'me, a'linca tolihuejcoyi Lataiqui', ihe Litaiqui' Cristo. A'i ma le'a o'nespá: "Lihuejco'me". Tix'najtsi'i'me, imanc' a'i cunc'afts'ile, acueca' to'otoc'ila' i'niya jouc'a jahuay lapimaye.

¹⁴ Tixim'me acueca' lipaxnepolhuo' ÆanDios, ipo'no'ipolhuo' lo'picuejma' to'otoc'itsola'. To'iya ti'nujuais'molhuo' juaiconapa, tixahue'e'me ÆanDios titoc'itsolhuo' jouc'a.

¹⁵ X'najtse'eya ÆanDios, joupá lapi'iponga' i'que xonca acueca'. I'que lalapi'iponga' ÆanDios ailopa'a co'on'coya.

10

¹ Iya' ninPablo caxa'huelhuo' lihuejcotsonga'. To'nujuaitsa li'ejma' la'Poujna Cristo. I'que amanxu. Aiqui'of'eyoxi, i'ommaita li'ejma' lan xanuc'. Timana' jilpe na'nescopa, ticuayi: "I'que Pablo ma'mana' anuli tocomma to ninaitsi xans. Mipa'a ocuena quitya' jilpe lixtuc'onga', lini'enga', a'talenga'. Fa'a a'i."

² Linca ti'i'ma quixtuc'o'mola' hualca nomana' jilpe, i'ne nonespá: "Pablo y li'ejmale tihuejyi ma quitya' li'picuejma'". Caxa'hueconalhuo': Lihuejcotsonga'. To'ta'a aimalixtuc'oyaco'tsi.

³ Iya' camilhuo': Tama ninc'ixanuc' aimalihuejyi caltuca' la'picuejma'. A'i to'ta'a ma'cuanajcoyo'tsi.

⁴ Linca ÆanDios lapi'iponga' la'pa'necoyaco'tsi. A'i to'ta'a mepi'iyacola' lan xanuc' naihuejpá quitya' li'picuejma'. Illanc' xonca acueca' la'mane lalapi'iponga' ÆanDios, a'oc'enatsola' i'ne petsi tocomma aimi'iya muliquinyacola'. Ti'i'ma lulij'mola' nopalaipá, i'niya atsila' hitaiquí,

⁵ jouc'a pe no'of'epo'tsi, nocuapá: "Joupa aixina'". I'ne tetets'iyi ÆanDios, aiquisina' te ts'i'ic' lipicuejma'. Ti'i'ma a'muc'i'mola' timenaquila' i'niya pe noxp'ic'epá lo'eyacu i'ne quitya', tihuejco'e Cristo.

⁶ To'ta'a camilhuo': Lihuejcotsonga' illanc'. Tijoula' ja'ni hualca aimalihuejcoyaconga' alte'l'mitola'. Joupa a'ospic'epá ihe la'eyacu.

⁷ Imanc', ¿te limetsaiconga' le'a to la'ejma' ma'mana' anuli jilpe? Aga timana' jilpiya nocuapá: "Illanc' linca lapenufponga' Cristo". Iya camila' i'niya: "To'ospic'econate imanc' co'tuca' lo'picuejma'. To'ta'a limetsaico'monga' illanc' jouc'a lapenufponga' Cristo, a'i ma le'a imanc'."

⁸ Iya' joupá aimipolhuo': "ÆanDios lapi'iponga' la'mane". Ja'ni capalaiconacona'ma to'ta'a ma' al linca laifnuya'aya. Aicaxinya calaic'ata.

Ihe la'mane lapi'iponga' la'Poujna. I'que ixpic'epa a'otoc'itsolhuo', tifayila' xonca lo'picuejma', aimalajac'eyacolhuo'.

⁹ Cacia: Ihe lainini'l'epola' laipimaye, ¿ja'ni tixpaic'e'mola'? To'iya aimipolhuo': Aimalajac'eyacolhuo'.

¹⁰ Linca jilpiya timana' nocuapá: “Pablo, jilpe lije'e atsila' lataiquí linespa. Mini'l'ma acueca' alcuxenga'. Micuaihuo fa'a alsinyi ni mipalay c'a.”

¹¹ Iya' cacua: Ne', ti'ila' quilsina' ihniya joupa imenajpola'. Ma to muya'e' laje'e laliniipa fa'a, ma' anuli la'eyacu jilpe.

¹² Jilpiya timana' nonescopołtsi al c'a, ticuayi: “Illanc' linca al'eyi lanic' lalapi'iponga' LanDios”. Ihe tehuelojnyołtsi ma quiltuca'. Tołiya tixinyołtsi to lan c'a xanuc'. Illanc' aimi'iya ma' onhiyaconga' to ihniya. Tocomma xonca lan tsila' xanuc'. Ne', tipajnlá'. Ma le'a cacua: Petsi acueca' lipicuejma' aimi'eya to ihniya.

¹³ Illanc' ja'ni alpalaico'mołtsi alspij'me lałtaiqui'. Alpalaico'me li'ipa ma'eyi lanic', ihe lałpenic' lalapi'iponga' LanDios. Ma' ilque LanDios lu'iponga' petsi la'eyacu lanic'. Tołiya całtsecohuo'me pe lołmana', jilpe al'etsa lanic'.

¹⁴ Ja'ni cołá' aicaltsec' pe lołmana', ja'ni cołá' aical'aic' canic' jilpiya, ¿te ti'i'ma cacuxe'molhuo'? ¿Te ti'i'ma camimolhuo': “Lihuejco'monga”? A'i, aimi'iya. Illanc' ainca ninc'itet'la altheshuo'me jilpiya. Jilpe joupa luya'ahuo'me Lataiqui'.

¹⁵ Aimalpalaicoyi lo'epa locuenaye. LanDios joupa ixpicufpa lamats' la'eyoyacu lanic' illanc'. Jilpe al'epá lanic'. Alpalaicoyi li'ipa małpiya.

Alcuayi: Lałpimaye nomana' Corinto ti'hua ti'huaiyijnyi Jesucristo. Ti'ila' xonca acueca' li'huaiyijmpa, xonca limetsaico'monga'. Tołta'a xonca al'eta lanic' petsi LanDios lixpicufpa al'etsa. Aimaltsuflaiyacu locuenaye liłpenic'.

¹⁶ Tijoułá', le'me xonca aculi', a'i ma le'a pe lołmana' imanc'. Le'me petsi LanDios lalumme'eyaconga'. Pu'huanni al'eta canic'. Tijoułá' alpalaico'me ihe lanic' la'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaicołá' al cueca', ne', tipalaicołá' lałPoujna.

¹⁸ Cal xans nopalaicopoxi quituca', ja'ni tinesla': “LanDios alummepa”, ilque aimi'iya mepenufnyacu. Ja'ni LanDios timujla' lummepe, linca ti'i'ma tepenufim'me.

11

¹ Aga capalay to lamac'ta. Imanc' toł'ommołaitsa laifmipolhuo'. Alquimf'ela'. Aixina' toł'ommołaita. Ne', ti'hua toł'ommołaitsa.

² Linca ca'elhuo' capic'a juaiconapa, ihe laipicuejma' joupa lapi'ipa LanDios. Litine imanc' loł'huaiyijmpa Jesucristo aimipa ilque: “Ti'itso' to quilpe'Ailli' ihniya. Tołta'a litine tocuaiicoonanni cacutsola', toxim'mola' to anuli cal c'a cahuats'. Tapenuf'mola' tołta'a.”

³ Itsiya caxhuełma. Ca'nujuaitsi li'ipa Eva, ifel'mipa łainofal, acueca' a'ijc'a lipicuejma' ilque. Cacua: Laipimaye nomana' Corinto aga tifel'mim'mola' jouc'a. Tijoułá' tihuej'me ocuena, a'i le'a Cristo.

⁴ Joupa aiximpolhuo' imanc' loł'ejma'. Ja'ni ticuaitsa jilpe ihe nopalaicopá tocomma ocuenaj Jesús, a'i to lałpalaicopa illanc', o ja'ni mepi'innilhuo' ocuena' espíritu, a'i to joupa lolapenufpa, o ja'ni ocuena cataiqui' loya'apa, a'i to joupa lolapejpa, imanc' tixoqui cunlata tołquimf'eyi, toł'ommołaispá.

⁵ Ihe nomuc'ipolhuo', imanc' tołsinnila' to xonca lan tsila' apóstole. Ihe, ¿ja'ni luliqi iya'? Cacua: A'i.

⁶ Iya' tama a'i nomxi cataiqui', linca LanDios lapi'ipa laipicuejma'. Jouc'a tipa'a laixina'. Aixina' cuhuałma Lataiqui'. Małmana' jilpe tołta'a al'muc'iyaleyi.

⁷ Iya' capa'a jilpe ca'e'eyoxi to ninaitsi xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a ihe laif'epa? ¿Te tołiya latets'ipa imanc'?

⁸ Lai'epa lani'c' jilpe pe lołmana' imanc', lume'e caitomí lapimaye lafołyomma ocuenaye quilelołya'. Tocomma to ca'najtsi'ila' ilne lapimaye, tijoula' catoc'ilhuo' imanc'.

⁹ Capa'a pe lołmana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' liłya' Corinto". Ma' anuli itsiya, tołta'a laifnespa.

¹⁰ He lai'ejma' caxina ac'a. Jahuay łamats' Acaya ailopa'a nałpai'iya laipicuejma'. Laifcuapa tołta'a aicafel'milhuo', iya' quihuequi Cristo.

¹¹ ¿Te caifcuacopa tołta'a? ¿Te ja'ni aica'elhuo' capic'a? ¿Te catets'ilhuo'? A'i. ŁanDios ixina' ca'elhuo' capic'a.

¹² Tama ca'elhuo' capic'a ti'hua ca'e'ma to ca'ay. Tołta'a ałcuanajco'mołtsi iya' y lalejmale. Tołta'a ti'i'ma lałtalai'e'eyacola' ilne pe no'e'epołtsi to lan tsila' apóstole, ilne ti'e'eyołtsi anuli illanc'. Ałmuj'me a'ij linca lonespa.

¹³ Ilne a'i apóstole, pangay infel'miyale. He lani'c' lo'epa aiquepi'ila' ŁanDios. Ma le'a ti'e'eyołtsi. Cristo aicummela'.

¹⁴ ¿Te cołcuapa: "A'i tołta'a mi'i"? Camilhuo': Ti'i. Łonta'a Satanás, qui'huayomma al muf, ilque ti'e'eyoxi to łapaluc quema'a. Ti'e'eyoxi to qui'huayomma pe lopa'a pangay quepalc'o'.

¹⁵ Ja'ni łonta'a ti'e'eyoxi to quepaluc ŁanDios, ilque lo'epa le'a al c'a, linca ma' anuli ti'e'e'mołtsi ilne lumme'pola' łonta'a. Itsiya tołta'a lo'epa, tijoula' ti'najtsi'im'mola' ilne li'epa lixcay.

¹⁶ Camiconalhuo': Ał'ommałtsi. Aimoł'nes'me: "Amac'ta ilque Pablo". O ja'ni tołnesle tołta'a, ne', tołnesle. Le'a ałquimf'ela' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa.

¹⁷ He laifmiyacolhuo' capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi.

¹⁸ Linca axpela' tipalaicoyołtsi ilne quiltuca'. Iya' jouc'a ca'e'ma to ilniya, capalaico'moxi.

¹⁹ Ja'ni capalaijma laipemac'ta aixina' ałquimf'e'ma. Imanc' acueca' juaiconapa cołpicuejma', tołiya tixoqui cunlata toł'ommołaispola' lan mac'ta.

²⁰ Ja'ni ti'e'etsołtsi cołpoujnalá, ja'ni texic'e'etsolhuo' loł'huexi, ja'ni tifel'mitsolhuo', ja'ni ti'e'etsołtsi to lan tsila' xanuc', tetets'ilhuo', ja'ni titaletsolhuo', tuntaf'e'etsolhuo' loł'a, linca jahuay ilna'a toł'ommołaispá.

²¹ Illanc' małmana' jilpe linca ailopa'a tołta'a acueca' całpujfxi. Tołiya, ¿te ałsim'me calaic'ata?

Imanc', ¿te ołpic'a ilne pe nopalaico'połtsi quiltuca'? Ne'. Jouc'a iya' capalaico'moxi caituca'. Itsiya linca capalay to łamac'ta.

²² Ilne ticuayi: "Illanc' linca xonca ixanuc' ŁanDios. Illanc' ninc'hebreo, illanc' ixanuc' Israel, Abraham ałtatahuelo." Ne'. Iya' jouc'a ti'i'ma canesco'moxi tołta'a.

²³ ¿Te ticuayi: "Illanc' ał'eyi lani'c' lalapi'iponga' Cristo, ilque alumme'ponga'"? ¡Ne'! Iya' jouc'a ca'ay lani'c' lalapi'ipa Cristo. (Itsiya capalay to łejac'pa quipicuejma'.) Cacia: Iya' joupa nulijpola' jahuay ilniya. Xonca acueca' canic' iya' lai'epa, xonca ałtats'empa, xonca ałsinc'ue'empa. Axpej ał'ipa tocomma ałma'a'ma, afule nunłupa.

²⁴ Ma to mi'eyi lan xanuc' judío ałsinc'ue'e'ma anuxans quimbamaj pelła. Amaquemma ał'e'empa tołta'a.

²⁵ Afanemma lan xanuc' romano ałsinc'ue'ecom'ma af'ix'ec. Anulemma lipaf'quim'ma capic, ilpic'a ałma'anła'. Afanemma ma caquie łaja if'acai'ma al barco. Anulemma aipanenni anuli quipuqui', anuli quitine jilpe łaja, lijou'ma lipa'ana'ma, lunłu'enapa.

²⁶ Axpe' ca'hua lane, ma cuya'e' Lataiqui', aitelcopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimet-saicoyi LanDios, ja'ni capa'a liya', ja'ni capa'a cal 'ec, ja'ni caquie laja, ja'ni capa'a pe lomana' ihe nonescopotsi "apimaye", y a'i capimaye, ma' anuli catehma.

²⁷ Juaiconapa ca'ay canic', caxina ixoqui, juaiconapa ahaçoti cahuí, axpej ma'i cunle'e, ticuimma caija', juaiconapa caxnet'iqui, aicatesma, juaiconapa a'aiqui, caxina caxita, lahue'e' caipijahua', ailopa'a caifpoxya.

²⁸ Jahuay iliya catehma. Jouc'a itine itine caxhuehma jilpe laipicuejma', aicunxaqui. Ca'nujuaitsila' laipimaye ni petsi lafoiyomma.

²⁹ Anuli lapima ja'ni a'ij cueca' lunxajma', ¿te aicaxhuehma? Linca caxhuehma. Tocomma to ma' anuli a'ij cueca' lalunxajma'. Locuena lapima, ja'ni ic'uilitsuf'empá, ¿ja'ni iya' aikuixtuya? Linca quixtu'hua juaiconapa.

³⁰ Ja'ni ticuicomma capalaicoconaxoxi, ne', capalaicocona'moxi. Aicanesya al cueca' lai'epa iya'. Cuya'a'ma la'ipa, ihe a'e'e to ninaitsi xans, tocomma to ailopa'a caif'eya.

³¹ LanDios ixina' al linca laifnescoyacoxi, ixina' aicafel'miyacolhuo'. Maque LanDios enDios y i'Ailli' laPoujna Jesús. ¡Jahuay itiné tijahuamlaicota a's'najtsi'ite!

³² Luyaipa quitine capa'a liya' Damasco tocomma to aicunhuya. Jilpe ts'ipenic', ique lifajpa cal rey Aretas, ixpic'e'ma cola' a'no'l'ma. Ecaxu'mola' no'epá cuenna lipuerta liya'. Tohta'a aimi'ya quipaya iya'.

³³ Lapimaye a'cus'mi'ma anuli al tsiquihui. Alipa'acom'ma al ventana, lacangim'ma lixpula caita' liya'. Tohta'a lunhu'empa limane cal rey.

12

¹ Tama latets'i'ma ti'hua capalaico'moxi la'ipa iya'. Capalaico'ma ihe laifx-impá jilpe laipicuejma', ihe lahmuc'ipa laPoujna.

² Ma capalaicoyoxi cacua: Tohta'a liximpa anuli cal xans tepenufpa Cristo. Ixhuaita imbamaj malpu' camats' ique cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a lamats', ma le'a lipicuejma' if'ajpa al toncay, aicaixina'. LanDios ixina'.)

³⁻⁴ Aixina' if'ajpa ique cal xans, icuaita pu'hua al toncay pe lacui'impá al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a lamats', ma le'a lipicuejma' if'ajpa al toncay, aicaixina'. LanDios ixina'.) Jipu'hua al toncay, jilpe al Paraíso, icuej'ma tipalquinni. Ihe licuej'ma aimi'ya mu'inyacu. LanDios aiquepi'ila' lan xanuc' tohta'a li'mane, aimuya'ayacu.

⁵ Linca capalaico'ma al cueca' li'ipa ique cal xans. Aicuya'e': Acueca' lai'epa iya'. Cuya'a'ma laitelcopa, a'onlcota to ninaitsi xans.

⁶ Ja'ni aipic'a capalaicoxoxi, ma ti'i'ma, a'i mi'ya camac'ta cataiqui'. Aicafel'miyale'ma. Linca aicapalaicoyacoxi. Aicaipic'a. Cacua: Limetsaico'a ma to ma'sina'. Lahuelojnla' te ts'i'ic' laif'epa, a'quim'eta' laitaiqui'.

⁷ Linca, tama ahmuc'ipa ihe al cueca' juaiconapa, LanDios ipic'a aicalof'e'moxi. Tohta'a lapi'ipa laiftelcopa. Jifa'a laicuerpo ixingufcopa to lanaispa litac. Epi'ipa Satanás limane, ique lume'epa anuli liponta'a luntafla', ti'hua luntafqui.

⁸ Afanemma caxa'hue laPoujna, cami: "Ti'huanla' ique, aimalunfafcona'ma".

⁹ LaPoujna ahmipa nulemma: "A'i. Ma tole tipajnla'. Iya' catoc'i'mo' to'ommaitsi, linca to'ommaita. Ihe pe ailopa'a co'eyacu, xonca timujyi acueca' laimane, acueca' laif'epa."

Tołta'a aicaxa'huecongghua ŁanDios. Itsiya tixoqui neta capenufi iŁe laiftelcopa. Aicatets'i. Ma capalaicoyoxi cacua: Ac'a laifnuyaicopa. Ma catełma caxina acueca' ałtoc'i Cristo, caxingufi al cueca' lo'epa iłque.

¹⁰ Cacua: Tetenłcocola' Cristo lai'ejma'. Tołta'a tixoqui neta capenufi jahuay. Ja'ni ałtafquemma, ja'ni ałmiloqui cataiqui', ja'ni lahue'e', ja'ni lihuetsquinno, ja'ni tocomma atansca laipene, laifnuyaicopa, jahuay capenufi, aicahuos'miyacoxi. Ja'ni ailopa'a caipujfxi, ja'ni aimi'iya ca'eya, Cristo ałtoc'i, ca'e'ma acueca'.

¹¹ Tołta'a laipalaicopoxi. Tocomma nintonno. Imanc' tołtaiyi lajunac'. Nipajnya ałpalaico'ma ac'a, aicołcuac'. IŁne no'e'epołtsi to lan tsila' apóstole, licuaita pe lołmana', ¿te xonca canic' qui'epa iłniya? Łınca aicaluliqui tama iya' ninaitsi xans.

¹² Małmana' anuli jilpe aimatsospa, itine itine ca'enghua lanic' lalapi'ipa ŁanDios. Iłque imuc'ipolhuo' ałınca iya' nin'apóstol. Iłniya iłtiné małque ŁanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'.

¹³ Laitsehuo'ma locuenaye quilelołya', ¿te xonca ac'a lai'ejma' petsi lafołyomma locuenaye lapimaye? Łınca ituca' lai'ejma' pu'huanni, capenufi al tomí lalapi'ipa iłne. Małmana' anuli imanc' ailopa'a cainepenufpa. Caxa'huelhuo': ¡Limenc'e'ecola' iŁe lalimenajpa!

¹⁴ Joupa aixpic'epa cahuejnconatolhuo'. Cacuaicontsi jilpe ti'i'ma afanemma. Ałmajnta anuli aicaxa'hueyacolhuo', aicamiyacolhuo': "Ałtoc'ila'". ¿Te aipic'a loł'huexi? A'i. Imanc' łınca ca'elhuo' capic'a. ¿Te la'uhuay ti'huej'me ił'huexi titoc'iŁe quil'ailli'? A'i. Quil'ailli' łınca ti'huej'ma ił'huexi titoc'itsola' linaxque'.

¹⁵ Iya' to coł'ailli' tixoquij neta cacu'ma jahuay lai'hueca catoc'icotsolhuo'. Cacu'moxi jouc'a. Cacua: Tijoutsu laipujfxi, tunłul—le laipimaye.

Cacua: ¿Ja'ni ca'elhuo' capic'a juaiconapa, tołiya imanc' ahuata le'a ał'ay capic'a?

¹⁶ Ne', toŁe tipajnla'. Jilpe timana' nałnescopa, ticuayi: "Acueca' lipicuejma' Pablo. Mipa'a fa'a tama aiquepenufi tomí ixina' tifel'miyale. Lijou'ma łınca epenuf'ma."

¹⁷ A'ij łınca iŁe iłłtaiqui' iłne nonespá tołta'a. Lainummepola' pu'huanni, ¿te anuli iłniya ifel'mipolhuo'? A'i.

¹⁸ Aixa'huepa Tito ti'huała' tehuejntsolhuo'. Jouc'a nummepa łapima tiyejmaleŁe Tito. ¿Ja'ni Tito ifel'mipolhuo'? A'i. Imanc' joupa ałsimponga' ma' anuli lałpicuejma', lał'epa.

¹⁹ Aga tołcuayi: "Tołta'a ałtalai'e'enga' Pablo y iłejmale, ticuanajcoyołtsi". A'i. Aimalcuanajcoyołtsi. Ałsinyi ŁanDios ałŁuez. Małpalaiyi ał'nujuaisyi Cristo joupa lapenufponga'. Ałpic'a ałtoc'itsolhuo' imanc' laicalpimaye. Ałpic'a ałfa'etsolhuo' xonca lołpicuejma', tołta'a linił'elhuo'.

²⁰ Cacuaitsi jilpiya aipic'a latenłcocotsi loł'ejma', jouc'a imanc' tetenłcocotsolhuo' iya' lai'ejma', aimalixtuc'otołtsi.

Itsiya caxhuełma. Cacua: Laipimaye nomana' liłya' Corinto, ¿te ts'i'ic' muyalaicoyi? ¿Te tifuleyi, o ti'eyołtsi laic', o tixtulemma, o a'ij nuli liłpicuejma', o timiyołtsi cataiqui', o tinescoyołtsi, o tiŁof'eyołtsi?

²¹ O cacuaitsi aga tiłmana' iłne petsi ti'econayi al xujc'a, tixhuicoyi lacał'no', ti'econayi loxahue'epola' liłcuerpo. Ja'ni tołta'a miłmana', łınca ŁanDios ał'oc'eta, ti'i'ma acueca' laipihuotsoqueya. Cajojcumletola' iłne lanxpela' no'econapa al xujc'a. AiquiŁsuej'meya nulemma li'epa lixcay.

13

¹ Cacuaitsi jilpiya pe lołmana' ti'ico'ma afanemma cahuejn-nilhuo'. Cacuaitsi ja'ni tipa'a li'ipolhuo' ticuicomma afantsi, o ja'ni aimi'iya afantsi le'a oquexi', ti'ila' anuli lonesyacu. Tijoula' alsanuta ihiya.

² Cacuaiconsi jilpe ca'eta ma to joupá laimipolhuo' małmana' anuli. Al te'a laitsehuo'ma aicainu'ilhuo' tołta'a. Lihuequi laitsecohuona'ma linca nu'ipolhuo'. Itsiya ma capa'a fa'a cu'iconalhuo'. Cu'ila' ihe ni'epá quixcay, ihe petsi aiquisuej'meya, jouc'a locuenaye pe aimalihuejma, camila': Cacuaiconatsi ja'ni ti'hua ti'econayi nixpiya aiquimenc'e'econayacola'. Cateł'mitola'.

³ Imanc', ¿te ot'huaijma Cristo timuc'itsolhuo' alummepa, alcuxe'e laitaiqui' laifpalaipa? Ne'. Tołsim'me te ts'i'ic' ilque Cristo. Ilque a'i ninaiti xans, acueca' limane ilque.

⁴ Lepałts'ingimpa Cristo lancruz tocomma to ninaiti xans. Limaf'i'ina pa LanDios epi'ipa acueca' limane. Illanc' ts'alihuequi ilque Cristo tocomma to ninaiti xanuc'. Alcuaitsa jilpe alsinnonga' linca almaf'i'. Almuc'itolhuo' acueca' lałmane alapi'iponga' LanDios.

⁵ Imanc' tołsintołtsi coltuca' te ts'i'ic' lołpicuejma'. Tolicuis'etsoltsi imanc' coltuca', ¿ja'ni toł'huaiyijnyi Cristo o a'i? ¿Ja'ni aicołsina' jilpe tipa'a Jesucristo, anuli lołmana'? O, ¿aga ailopa'a, aimoł'huaiyijnyi?

⁶ Iya' cacua: Alsintsonga' illanc' alinca al'huaiyijnyi, aimafel'miyaleyi.

⁷ Jifa'a alsahue'eyi LanDios titoc'itsolhuo', aimoł'econa'me quixcay. Małsahue'eyi tołta'a aimafnesyi: “Lałpimaye tihuejcole lataiqui' lal'ipola' illanc', tołta'a lan xanuc' limetsaico'monga', tines'me: Alinca Cristo lumnepola' ilniya.” Tama aimalimetsaiconyaconga' illanc', alpic'a tonł'ete al c'a imanc'.

⁸ LanDios lapi'iponga' lałmane alłoc'itsolhuo' tolihuejle Lataiqui'. Ja'ni tolihuejcoyi aimi'iya malixtuc'oyacolhuo'.

⁹ Linca tixoquei calata luyalaico'me ja'ni imanc' acueca' lołpujfxi, ja'ni alinca tolihuejyi Cristo. Tama illanc' tocomma to ninaiti xanuc' aimafesmot'leyacu. Alsahue'eyi LanDios ti'ila' tołta'a loł'ejma'.

¹⁰ Tołsanutołtsi nulemma. Ja'ni aimołsanuyacołtsi cacuaiconsi jilpe catale-tolhuo'. Cacua: Aimi'i'ma tołta'a. Tołiya ma capa'a fa'a quinił'elhuo' ilta'a lołje'e. LanDios alapi'ipa laimane cafa'etsolhuo' xonca lołpicuejma', a'i catełc'eyacolhuo'.

¹¹ Cunc'aipimaye, ti'hua tijou'ma laifninił'epolhuo'. Itsiya cu'ilhuo': Tołsanutołtsi cataiqui'. Aimołhuotso'me. Ti'ila' ma' anuli lołpicuejma'. Aimołfuli'i'mołtsi. Ja'ni ti'ila' tołta'a loł'ejma' ma LanDios titoc'i'molhuo', tołmajnta anuli. Małque LanDios lapi'inga' lałpicuejma' al'etsoltsi capic'a, alajmalete al c'a.

¹² Tolu'itsola' lapimaye: “Pablo tinonilhuo'”. Tołtuc'otsołtsi lołpeque ma to mituc'o'mołtsi lapimaye, ilne i'huexi LanDios.

¹³ Lapimaye nomana' fa'a, ilne jouc'a i'huexi LanDios, jahuay ilniya tinonilhuo'.

¹⁴ Jahuay imanc' ti'ila' colłsina': LałPoujna Jesucristo titoc'ilhuo', cal'Ailli' LanDios ti'nujuaitzilhuo', cal Espiritu Santo efot'lepolhuo', tołejmaleyi anuli ilque.

LIJE'E SAN PABLO LINIĒ'EPOLA' LAPIMAYE LEFOT'LEPOĒTSI ŁAMATS' GALACIA

¹ Iya' ninPablo, nin'apóstol, epaluc Jesucristo. Iya' laif'as xanuc' a'i calfaqui ita'a laipenic'. A'i ihniya calumme'e. Małe laipenic' lapi'ipa Jesucristo y ŁanDios cał'Ailli'. Itque ŁanDios imaf'i'inapa Jesús, ipa'anapa pe lomana' limanapola'.

² Iya' jouc'a lapimaye nałmana' fa'a ałnonilhuo'. Linił'elhuo' imanc' unc'ałpimaye nolafot'lepołtsi ni petsi łamats' Galacia. Imanc' ŁanDios efot'lepolhuo'.

³ Ihniya, ŁanDios cał'Ailli' y łalPoujna Jesucristo titoc'itsolhuo', tipac'e'etsolhuo' lołpicuejma'.

⁴ Itque Jesús icupoxi tima'anle. I'najtsepa lał'epa quixcay. Tołta'a lunłu'eponga'. Aimi'iya malulijyaconga' lixcay lopa'a li'a łamats'. He li'epa Jesús ma lixpica'epa ŁanDios, itque ał'Ailli'.

⁵ ¡Lojauhuamlaicoya quitine timetsaiconle anDios! Amén. Tołta'a ti'ila'.

⁶ He lo'ipolhuo' ałspaic'epa. Afule cacuec'e. Imanc' ma quite' tolihuejyi Lataiqui' loya'apa ite al c'a loxpica'epa ŁanDios. Ołsingufco'me Cristo litoc'ipolhuo', ŁanDios ijoc'ipolhuo'. Itsiya tołpo'noyi ŁanDios, aimolejmaleyi. Tolapejyi ocuena cataiqui'.

⁷ He lolihuejpa itsiya tecui'inni: "Ocuena cataiqui' lonłu'eyacolhuo'". A'ij linca ite lecui'impa. He ituca' cataiqui'. Aimi'iya munłu'eyacolhuo'. Ine noya'apá ite "ocuena cataiqui'" ma le'a ilpic'a tepi'itsolhuo' quixhuejma'. Tipai'iyi Lataiqui', ite ma Litaiqui' Cristo.

⁸ Illanc' joupa lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalul'ipolhuo', iya' cacua: "Lacani'etsonga' ŁanDios". Tama apaluc quema'a lu'itsolhuo' tołta'a, ma' anuli cacua: "Tecani'etsi ŁanDios".

⁹ Illanc' li'ipa lu'ipolhuo' tołta'a. Itsiya camiconalhuo'. Imanc' joupa olapenufpá małe Lataiqui'. Ja'ni cua naitsi tu'iconatsolhuo' ipaijma cataiqui': Tecaniłta' nulemma.

¹⁰ Imanc', ¿te colcuayacu? ¿Te cahuela' lan xanuc' limetsaicoła' ca'ay lipenic' ŁanDios? O ¿te cahuy limetsaicoła' tołta'a ŁanDios? ¿Te cahuy latenłcocoyacola' lan xanuc'? Cacua: Ja'ni cahuy tetenłcocotsola' lan xanuc', colá' aica'eya lipenic' Cristo.

¹¹ Unc'aipimaye, ite Lataiqui' lainuya'apa jilpe, a'i quilitaiqui' lan xanuc'. Ma tołta'a ołsina'. Itsiya cu'iconalhuo'.

¹² He litaiqui' aicalu'ic' cal xans. Ni aicalmuc'inno. Małque Jesucristo imujpoxi, alu'ipa.

¹³ Imanc' olcujepá te ts'i'ic' li'ipa lai'ejma' ma cainihuequi lił'ejma' laif'as xanuc' judío. Jihe litiné juaiconapa cateł'mila' lapimaye lefot'lepolá' ŁanDios. Cacua: Tijoutsola' nulemma.

¹⁴ Iya' culiquila' axpela' ite laif'as xanuc' judío nomana' ihniya litiné, xonca nihuejcopa litaiqui' lałmuc'iponga'. Ine linca tihuejyi to mi'eyi lałtatahueló. Iya' xonca nihuejcopa to mi'eyi lałtatahueló.

¹⁵ Linca, ma capa'a licu'u cai'máma', ŁanDios ał'huij'epa. Lijou'ma, tama a'ijc'a laif'epa, ałpaxnepa, ałjoc'ipa.

¹⁶ ŁanDios joupa ixina' litine małmuc'iya te ts'i'ic' h'Hua. Ti'ila' caixina' te ts'i'ic' lipicuejma' itque, cuya'atsi Litaiqui' pe lomana' lan xanuc' a'ij judío. Ixhuaitsi ite litine, ałmuc'ipa h'Hua. Lijoupa aicaipalaic'ola' lan xanuc'. A'ij naitsi cainicuis'epa. Joupa aixina' laif'eya.

¹⁷ Aicai'huac' liŷya' Jerusalén pe lomana' lapimaye, iŷne ate'a i'ipola' apóstole. Ai'huapa łamats' Arabia. Lijou'ma aipainanni, aicuaiyocontsi liŷya' Damasco.

¹⁸ Lixhuaitsi afane' camats' aif'aj'ma liŷya' Jerusalén, cahuejnta Pedro. Aixintsi. Imbamaj maque' quitine ałmajntsa anuli.

¹⁹ Locuenaye lan apóstole aicaixim'mola'. Aiximpa ma le'a Jacobo, iłque lipima łalPoujna.

²⁰ Iŷe laininił'epolhuo' ma' al linca. Aicafellaıque. Tołta'a ixina' ŁanDios.

²¹ Lijou'ma ai'hua'ma łamats' Siria, jouc'a łamats' Cilicia.

²² Jiłpe łamats' Judea lapimaye łefot'łepola' ŁanDios, iŷne lepenufpola' Cristo, aicalimetsaijma.

²³ Ma le'a icuej'me ałnescopa iya'. Tuya'anni: “Iłque Pablo li'ipa lihuetsouingua', ałteł'minga', ipic'a tejac'la' nulemma Lataiqui', iŷe lataiqui' loya'apa: Toł'huaiyjnle Jesucristo. Itsiya małque Pablo tuya'e' Lataiqui'.”

²⁴ Iŷne li'nujuaitsa lał'ipa iya', ix'najtsi'i'me ŁanDios. Ixim pá acueca' lo'epa iłque.

2

¹ Lixhuaitsi imbamaj malpu' camats' aitsehuona'ma Jerusalén. Ałepá iya', Bernabé y Tito, iłque ałtoc'iponga'.

² Nij naitsi xans nałcuxe'epa. Ma ŁanDios ałmipa: “To'huala'”. Tołta'a aitsecohuona'ma. Jiłpiya Jerusalén aixinhua'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij judío, iŷne pe aimimetsaicoyi ŁanDios. Cacua: Lan tsila' lapimaye limetsaicoła' iya', jouc'a timetsaicołe laifnuya'apa. Ja'ni a'i locuenaye lapimaye aga tixim'me to ninaitsi cataiqui' iŷe laifnuya'apa, tetets'i'me. Tijouła' aimipammaiya laipenic'.

³⁻⁴ Linca jiłpe Jerusalén imajm'me hualca pe no'e'epołtsi capimaye. Iŷne itsuflaipá a-ch'ixc'a. Ma le'a tehueyi te co'iya mixinyacu te ts'i'ic' lał'ejma'. Illanc' joup ałsinyołtsi luhuałquem'monga'. Aimalcuxeconayaconga' lataiqui' loya'apa: “Toł'etsołtsi circuncidar, tijouła' tepenuf'molhuo' ŁanDios”. Iŷne pe nalahue'ecoponga', iłpic'a ałcuxe'etsonga' lihuejconate iŷe lataiqui'. Iłpic'a ti'ele circuncidar lałejmale Tito, iłque agriego. Illanc' ałcuayi: “A'i. Tołe tipanenni.”

⁵ Aicalapenufela' liłtaiqui'. Aicalihuejcola' iłniya ni tołta'a.

⁶ Lan tsila' lapimaye nomana' Jerusalén ailopa'a całmipa. (Linca, tama atsila' xanuc' aicaixina' caxpaiqui'. ŁanDios ałsinninga' ma' anuli.) Cacua: Iłniya lan tsila' lapimaye nij tintsi całmic'.

⁷ Limetsaicopa. Ixim'me ma ŁanDios alapi'ipa laipenic', ma to lepi'ipa Pedro lipenic'. Iya' pe lomana' lan xanuc' a'ij judío cuya'e' Lataiqui' loya'apa iŷe al c'a lixpicepa ŁanDios. Cu'ila' lan xanuc' pe aiqui'eyołtsi circuncidar. Pedro tu'ila' lał'as judío, iŷne petsi joup a i'epołtsi circuncidar.

⁸ ŁanDios epi'ipa Pedro limane, ummepa tu'itsola' lan xanuc' judío. Jouc'a alapi'ipa iya' laimane, lummepa cu'itsola' lan xanuc' pe a'ij judío. Tołta'a ma' anuli ninc'apóstole.

⁹ Jacobo, Pedro y Juan ixim'me tołta'a lałpaxnepa ŁanDios, ałsimpa nin'apóstol, ał'not'le'eponga' al c'a całmane iya' y Bernabé. Iŷne lam fantsi ti'onłcospola' to limule' caitał, acueca' titoc'innila' lapimaye, iŷne lefot'łepola' ŁanDios jiłpe liŷya' Jerusalén. Małniya ałmiponga': “Ne', imanc' tolu'iyaleta pe lomana' lan xanuc' a'ij judío. Illanc' lu'i'mola' lał'as xanuc' judío, iŷne joup a i'epołtsi circuncidar.”

¹⁰ Ma le'a ałmiponga', ałsc'ai'iponga': “Toł'nujuaitsola' lan cuanuc'la, iŷne pe ailopa'a quił'hueca”. Iya' linca ma tołta'a laı'ejma'. Tixoqui neta catoc'ila' iłniya.

¹¹ Lijou'ma, małmana' liłya' Antioquía Pedro itsehuo'ma jilpe. İniya łitiné iya' aitale'ma Pedro. Nu'i'ma lijunac'. İncıa tipa'a lijunac'.

¹² Ma' a'i miłmana' lif'as xanuc' judío, iħne lommeyacola' Jacobo, Pedro titetsoyi anuli lapimaye pe a'ij judío. Licuaitsa lummepola' Jacobo, Pedro enaj'moxi pe lapimaye a'ij judío. Aits'itetsocona'me. Ticua: "İħne lan judío ticuayi: Aimi'iya małtetsoyacu anuli pe aiquil'eyołtsi circuncidar. ¿Te ałpalaico'ma iya' ja'ni ałtetsołe anuli?"

¹³ Pedro ixina' te ts'i'ic' Lataiqui' loya'apa iħe al c'a lixpıc'epa ĞanDios. Ma le'a i'epoxi to aiquixina'. Ma' anuli i'epołtsi locuenaye capimaye judío nomana' jilpe. Bernabé jouc'a. Liximpola' liħejma' icupoxi tilecołe, ihuejpola' iħniya.

¹⁴ Iya' aiximpola' aimihuejyi al ĩjca Lataiqui' loya'apa iħe al c'a lixpıc'epa ĞanDios. A'i tołta'a Lataiqui'. Pesti lalafot'leyopołtsi aipalaic'opa Pedro, cami: "İma' tama unjudío aimaihuequi liħejma' lof'as judío, xonca taihuequi to lapimaye a'ij judío. İtsiya, ¿te cofcuxe'ecopola' iħne pe a'ij judío? ¿Te comuc'ico'mola' tihuejle liħejma' lun judío?"

¹⁵ 'İllanc' ninc'ijudío tołe lałmajnlita. İncıa aicalihuequi al xujc'a to iħne pe a'ij judío. İħne pe aimimetsaicoyi ĞanDios aimihuejyi locuxepa.

¹⁶ İllanc' tama lihuejyi locuxepa ĞanDios, iħe liniłijmpa Moisés, ałsina' a'i tołta'a malapenufyaconga' ĞanDios. Lapenuftonga' ja'ni ał'huaiyijnle Jesucristo. Tołiya illanc', tama ninc'ijudío, jouc'a ał'huaiyijmpá Jesucristo. İtsiya ałsina' ĞanDios lapenufinga', ałsinninga' to ailopa'a całjunac'. Aimałnesconayacu: Iya' quihuequi locuxepa ĞanDios, tijouła' ałsim'ma to ailopa'a caijunac'. A'i. Tama lihuejyi locuxepa, ĞanDios aimalınyacu tołta'a, ni illanc' ni locuenaye lan xanuc'.

¹⁷ 'Mał'huaiyijnıy Jesucristo limetsaicoyołtsi ma' anuli to iħniya pesti aimihuejyi locuxepa ĞanDios. Limetsaicoyołtsi a'ijc'a lałpicuejma'. Tijouła', ¿te całnesyacu? ¿Te Cristo ałmınts'eponga' tołta'a lałpicuejma'? A'i. Aimi'iya małnesyacu iłta'a. Li'ipa joupa a'ijc'a lałpicuejma', ma' aicalısina'.

¹⁸ Iya' joupa aiximpa aimi'iya calanc'eyacoxi laıpicuejma'. Aimi'iya canesconaya: Canant'ħi'ma liniłpa Moisés, tijouła' ĞanDios ałsim'ma to ailopa'a caijunac', lapenufta. İtsiya ja'ni capi'ixoxi laıpicuejma', ja'ni capangocona'ma quihuejcona'ma to li'ipa, ma le'a camuj'moxi aicainenant'ħi iħe liniłpa Moisés.

¹⁹ Li'ipa coła' canant'ħi'ma jahuay lataiqui' liniłpa Moisés. Lijou'ma aiximpa aimi'iya canant'ħiya. Małe lataiqui' lacani'epa, ałma'apa. İtsiya ĩncıa aimaf'i', ĞanDios lapi'ipa al ts'e laıpitine.

²⁰ Caxinyoxi joupa lapałts'ingimpa lancruz. Iya' y Cristo lapałts'ingimponga' jilpe. Laıfnuyaıcopa a'i to li'ipa. İtsiya tipa'a al ts'e laıpitine iħe lipitine Cristo. Ca'huaiyinge ĩ'Hua ĞanDios. İłque ał'nujuaispa, icupoxi tima'anħe, i'najtsepa laıjunac'.

²¹ ĞanDios joupa ałpaxnepa tołta'a. Aicatets'ıya iħe al ts'e laıpitine lalapi'ipa. Aıcapo'noya anuli liju'. Ja'ni coła' ti'i'ma lanant'ħi'me nulemma liniłpa Moisés, ja'ni coła' tołta'a ti'i'ma ac'a lałpicuejma', ¿te quıcucoıoxi Cristo? Coła' aıquıcu'moxi."

3

¹ İmanc' unc'aıpımaye nołmana' łamats' Galacia, ¿te qui'ıpolhuo'? Tonł'eyi to ailopa'a cołpicuejma'. Lu'ıłta', ¿naitsi nimınts'epolhuo' lołpicuejma'? ¿Naitsi lifel'mıpolhuo'? İniya łitiné lołquımf'epa Lataiqui', mu'innılıhuo' li'ipa Cristo, tocomma to imanc' ołsımpá iłque lepalałts'ingimpa jilpe lancruz.

² Quicuis'e'molhuo' ma le'a anuli lataiqui', lu'íta': Litine lolapenufpa cal Espíritu Santo, ¿te ts'i'ic' con'epa molapenuf'me cal Espíritu Santo? ¿Te ja'ni o'l'huaiyijmpá Lataiqui', ihe lu'impolhuo'? O ¿te olihuejpa locuxepa Moisés?

³ Lołpangopa lolihuejpa o'l'huaiyijmpá cal Espíritu. Itsiya, ¿te col'huaiyijncopołtsi coltuca' lon'epa? ¿Te colnescopa: “Tołta'a ti'i'ma ixhueya lałpicuejma', lapenuftonga' LanDios”? ¿Te qui'icopolhuo' ma tołta'a to lamac'ta?

⁴ Imanc' lolapenufpa Lataiqui' acueca' ołtelcopá. Itsiya, ¿te quipenic' ita'a li'ipolhuo'? Ja'ni tolihuej'me ocuena cataiqui', cola' aicoltelco'me tołta'a.

⁵ LanDios lepi'ipolhuo' li'Espíritu o i'epa al cueca' pe lołmana', ¿te con'epa imanc'? ¿Te tonlihuejcoyi locuxepa Moisés? O ¿toł'huaiyijnyi Lataiqui' lu'impolhuo'?

⁶ Linca o'l'huaiyijm'me Lataiqui' lu'impolhuo'. Toł'nujuaita li'ipa Abraham. “Iłque i'huaiyijmpa LanDios limipa. Tołta'a LanDios iximpa ac'a xans, to ailopa'a quijunac'.”

⁷ Tołta'a ołsina' naitsi iłne limetsaicopola' LanDios to ixanuc' Abraham, naitsi iłne lepenufpola'. Imetsaicopola' ma le'a iłniya lo'huaiyijmpa to li'huaiyijmpa Abraham.

⁸ LanDios joupa ixina' lo'iya. Ixina' tepenuf'mola' lan xanuc' a'ij judío. Tepenuf'mola' iłne lan xanuc' no'huaiyijmpá. Tixim'mola' to ailopa'a quijunac'. Tołiya ma mehue'e' mi'iya tołta'a, LanDios u'ipa Abraham iłe al c'a lo'iya. Jiłpe al Paxi Linilngiya tuya'e' limipa Abraham. Timi:

Lan xanuc' nomana' jahuay lan nación, ja'ni lił'ejma' ti'onłcospa to lo'ejma' ima',
caxim'mola' to loxanuc', capaxne'mola' jouc'a.

⁹ Tołiya ałsinyi naitsi iłne nopaxneyacola' LanDios to lipaxnepa Abraham. Abraham i'huaiyijmpa limipa LanDios, ipaxnepa. Jouc'a iłniya no'huaiyijmpá tipaxne'mola' tołta'a.

¹⁰ Ituca' lo'iyacola' iłne petsi nonespá: “Quihuejma lataiqui' locuxepa Moisés, tołiya LanDios ałsim'ma ninc'a xans, lapenuf'ma”. Iłniya joupa ejac'pola'. Tołta'a tuya'e' al Paxi Linilngiya ticua:

Ticuicomma tihuejcołe jahuay lataiqui' linilpa jiłpe lije'e Moisés,
ni anuli aimehue'e'ma tenant'ile.

Naitsi iłque aimi'ay tołta'a, tecani'em'me.

¹¹ Acuajmaica ałsinyi, tama lihuejcoyi locuxepa Moisés, a'i tołta'a LanDios małsinyaconga' to ailopa'a całjunac'. Tołiya tuya'e' al Paxi Linilngiya, ticua:

Cal xans no'huaiyijmpa tulijta lipitine,

LanDios iximpa to ailopa'a quijunac', tepenufi.

¹² Litaiqui' locuxepa Moisés aimuya'e': “Cal xans no'huaiyijmpa tulijta lipitine”. Xonca ticua: “Iłne no'epá locuxe'epola', iłniya linca tulijta liłpitine”.

¹³ Ihe lałcuxe'eponga' aicalanant'li. Tołta'a luliłpá lalacani'eyaconga'. Linca aimalacani'eyaconga'. Cristo i'najtsepa lałjunac'. Małque Cristo ecani'empa litine lepałts'ingimpá lancruz. Tołta'a loya'apa al Paxi Linilngiya, ticua: “Cal xans lojunginyacu anuli al 'ec, tecani'em'me”.

¹⁴ Cristo epi'impá lałjunac', ecani'empa. Tołta'a jahuay illanc', ja'ni ninc'ijudío o ja'ni a'i, ti'i'ma lapenuf'me lałpaxneconyaconga'. Ihe linescopa LanDios mipalaic'o Abraham. Jouc'a jahuay ma' anuli petsi nał'huaiyijmpá lapi'inga' cal Espíritu Santo. Tołta'a joupa icupa cataiqui' lapi'itsonga'.

¹⁵ Cunc'aipimaye, itsiya ca'onlıco'mola' lan xanuc' lił'ejma'. Iłne ja'ni joupa icupá cataiqui', tama ma le'a axanuc', ihe lataiqui' tihuejco'me, tenant'li'me. Aimi'iya mipo'noyacu iju'. Aimi'iya metonc'iyacu ocuena cataiqui'.

¹⁶ LanDios mipalaic'o Abraham icupa cataiqui'. Ihe lataiqui' tepenuf'me iłque Abraham y lihuenłe locuaicoya. Al Paxi Linilngiya aiminescola' axpela'

lihuentila'. Tinescojma ma le'a anuli. Mipalaic'o Abraham timi: "Ima' hihuenthuo'...", jilpe tipalajma Cristo.

¹⁷ Linca, lixhuaitsi amalpuj maxnu nuxans quimbama' camats' quipalaic'o Abraham, LanDios u'i'ma Moisés litaiqui' locuxepa. Iya' cacua: Tama tofta'a li'ipa, lataiqui' linilpa Moisés aimi'iya mulijya locuena lataiqui'. Ie litaiqui' LanDios licupa, limipa Abraham, lataiqui' lepi'ipa Abraham aimipaiya.

¹⁸ Linca, ja'ni ahesle: "Lanant'hi'me locuxepa Moisés, tijoula' LanDios lapi'itonga' cal'huexi", ie lahesyacu ocuena cataiqui', a'i litaiqui' licupa LanDios, ie limipa Abraham. LanDios mipalaic'o Abraham aiqumic': "Tanant'hi'a lafcuxe'epo', tijoula' capi'i'mo' co'huexi". Ticua: "Joupa aicupa cataiqui', capi'i'mo' co'huexi".

¹⁹ Tijoula', LanDios ja'ni joupa tofta'a icupa cataiqui', epi'ipa Abraham, ¿te comicopa Moisés locuxepa? LanDios ipic'a ti'ila' quilsina' lan xanuc' te ts'i'ic' lo'epa, ja'ni tetencocojma LanDios o aimetenma. Tohiya ipalaic'oconapa Moisés, u'ipa ocuena cataiqui', ie locuxe'epola' lan xanuc'. U'ipola' te lo'eyacu. Mi'huaicoyi ticuaiyunni lihuentle, ma¿que Cristo, ma ie lataiqui' tihuejco'me.

Ma¿e lataiqui' locuxepa LanDios lapaluc' quema'a uya'apá. Moisés u'icona'mola' lan xanuc'. Fa'a li'a lamats' Moisés i'e'ma canic' to epaluc. Epenuf'ma litaiqui' LanDios, u'icona'mola' lan xanuc'.

²⁰ A'i tofta'a li'epa LanDios litine licupa cataiqui' lepi'ipa Abraham. Jilpe litine aicummaic' quepaluc. Ma¿que LanDios, ilque quituca', icupa cataiqui', epi'ipa Abraham.

²¹ Itsiya, ¿te calhesyacu? Lataiqui' locuxepa LanDios jouc'a lataiqui' licupa, ie lepi'ipa Abraham, ¿te ja'ni tifuli'iyotsti jilna'a lataiqui'? ¡Aimahes'me tofta'a! Lataiqui' locuxepa LanDios aimi'iya mepi'iyacola' lan xanuc' lipitine aimijouya. Ja'ni cola' tihuejconle jahuay locuxepa LanDios, ilque tixim'mola' to ailopa'a quiljunac', tepenufna'mola'. Aimi'iya mihuejyacu tofta'a.

²² Tohiya al Paxi Linilingiya tuya'e' jahuay anuli i'epá a'ijc'a. Tocomma itats'ila', il'huaijma tecanitsola' nulemma. Aimi'iya munhu'eyacołtsi. Tofta'a ma le'a pe no'huaiyijmpá Jesucristo tepi'im'mola' qui'huexi, ma to loya'apa lataiqui' licupa LanDios.

²³ Ai'a ticuaihuo Jesucristo fa'a li'a lamats', ie litaiqui' LanDios locuxepa Moisés ti'hua alcuxeconga'. Tocomma alats'eninga'. Al'huaicopá LanDios almuc'itsonga' naitsi ilque Cal'huaiyijnacu.

²⁴ Itsiya alsina' te ts'i'ic' lipenic' lataiqui' locuxepa Moisés. Ie lataiqui' ti'onlcospa to no'epola' cuenna la'uhuy. Ticuxela' al c'a. Li'ipa, tofta'a lafcuxeponga' litaiqui' LanDios locuxepa. Al'eponga' cuenna ma cal'huaijma ticuaiyunni Cristo, al'huaiyijnle, alsintsonga' LanDios to ailopa'a caljunac', lapenuftsonga'. Ticuaitsi ilque al'huaiyijnle.

²⁵ Itsiya linca al'huaiyijmpá Jesucristo. Ailopa'a cocuena nal'eponga' cuenna. Aimal'onlcospanga' to la'uhuy.

²⁶ Petsi nal'huaiyijmpá Jesucristo illanc' inaxque' cal'Ailli' LanDios joupa altsilojponga'.

²⁷ Jahuay imanc' petsi joupa epo'icompolhuo', ma' i'ipolhuo' anuli Cristo. Jilpe litine, ie lafane lołpijahua' olpo'nonapá anuli liju', olatscocopá Cristo.

²⁸ Tohiya aimolatets'i'mołtsi. Aimohes'me: "Iya' ninjudío, ima' ungriego". Ni mohes'me: "Iya' ninmozo, ima' mapoujna". Ni: "Iya' ninxans, ima' ma le'a maca'no". Tofta'a aimi'iya. Joupa i'ipolhuo' anuli. Epenufpolhuo' ilque Cristo.

²⁹ Ja'ni Cristo epenufpolhuo' imanc' inaxque' Abraham. Tepi'im'molhuo' col'huexi. Tofta'a linescopa lataiqui' licupa LanDios, ie limipa Abraham.

4

¹ Iya' cacua: Łahuac'hua ai'a titoj'ma aimepi'inyacu h'huexi. Tama ticuxe'ma jahuay li'hueca qui'ailli', łahuac'hua ai'a titoj'ma ti'onłcospa to łajmozo.

² Timana' no'epá cuenna łahuac'hua. Ihe ticuxe'me łahuac'hua, jouc'a ticuxe'me h'huexi. Tołta'a loyaicoya ma mi'huaijma ticuaiyunni litine tepi'im'me quimane ticuxeł'a, tepenuf'ma h'huexi. Qui'ailli' joupa ixpic'epa te quitine mi'iya tołta'a.

³ Ma' anuli tołta'a li'ipola' lan xanuc' ai'a ticuaihuo Cristo fa'a li'a łamats'. Ai'a ticuaihuo Cristo ŁanDios ałsimponga' to la'uhuyay. Ałcuxenga', ałsc'ai'inga': "To'etsi iłta'a", o "To'eł'a' iłiya". Lanant'łiyi ma to mi'enni fa'a li'a łamats'.

⁴ Liximpa ŁanDios ixhuaita al 'hora, ummepa h'Hua, ticuaiyunni fa'a li'a łamats'. Ma to mimajnlita la'uhuyay tołta'a lipajnta iłque. Anuli łaca'no' nipo'nopa. Ipajnta ajudío. Li'ailli' tihuejcoyi locuxepa ŁanDios, iłque jouc'a.

⁵ Tołta'a li'ipa ti'najcuft sola' liłjunac' jahuay lan xanuc' naihuejpa locuxepa ŁanDios. Tijouł'a ŁanDios ti'i'ma limetsaico'monga' inaxque', lapi'i'monga' cal'huexi.

⁶ Imanc' ma' anuli imetsaicopolhuo' inaxque'. Tołiya jilpe łolunxajma' tipa'a cal Espíritu Santo, iłque h'Espíritu h'Hua ŁanDios. Tołta'a ałmiyi: "Ima' mai'Ailli'".

⁷ Ja'ni joupa omepenufpa cal Espíritu, ima' a'i cum-mozo. Ima' i'hua CanDios. Ja'ni ima' i'hua tipa'a ło'huexi łapi'iyaco'. Tołta'a lixp'ic'epa, lo'epa ŁanDios.

⁸ Li'ipa aimolimetsaicoyi ŁanDios. Imanc' tolihuejyi iłne landiosla'. Toluyalaicoyi to iłmozó iłniya. Ihe tama tecui'innila' "andiosla'", ailopa'a quilpitine.

⁹ Itsiya tolimetsaicoyi ŁanDios. Xonca cacua: ŁanDios timetsaicolhuo' imanc'. Itsiya, ¿te colpai'icopa lołpicuejma'? ¿Te col'econapołtsi to lam mozó? ¿Te colfi'ecopoltsi lataiqui' locuxepolhuo'? ¿Te colanant'copa to mi'enni fa'a li'a łamats'? Jilpe ailopa'a cotoc'iyacolhuo'. Joupa ołsina' pe copa'a al C'a Cane.

¹⁰ Tonłeyi ocuena cane. Tolimetsaicoyi litiné, lam mut'łá, cal juicoł jouc'a łamats'. Tonł'eyi cuenna iłna'a, tolanant'łiyi.

¹¹ Iya' caxhuełma. Acueca' canic' ai'epa pe lołmana'. Itsiya cacua: Aga ailopa'a quipammaic'.

¹²⁻¹³ Unc'aipimaye, caxa'huelhuo', camilhuo': Imanc' toł'e'etsołtsi to iya'. Iya' joupa aipai'ipa lai'ejma'. Itsiya aicainihuequi lił'ejma' lan xanuc' judío. Xonca quihuequi loł'ejma' imanc'. Imanc' ailopa'a cal'e'epa. Joupa ołsina' lał'ipa jilpe pe lołmana'. Iłe al te'a laitsehuc' ma laicuita jilpe iya' laxtafpa. Tołiya aipanemma, nu'i'molhuo' Lataiqui'.

¹⁴ Linca iłniya litiné ŁanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc quema'a alummepa ŁanDios. Tołta'a tolapenuf'me Jesucristo.

¹⁵ Itsiya, ¿te qui'ipolhuo'? Iłniya litiné tixoqui cunlata alapenuf'ma. Iya' ti'hua ca'nujuaitsilhuo' imanc' loł'ejma'. Juaiconapa ałsimpa cuanuc'. Tocomma tołcuayi: "Coł'a' lipa'a'mola' lał'u', lapi'i'me Pablo".

¹⁶ Itsiya joupa ołpai'ipołtsi lołpicuejma'. Ał'e'e laic'. Ma le'a nu'ipolhuo' al linca, liłjoupa ał'epa laic'.

¹⁷ Linca timana' jilpe nehuepá coł'a' tonłejmalełe anuli. Ihe a'ijc'a liłpicuejma'. Ma le'a iłpic'a tenajtsolhuo'.

¹⁸ Iłpic'a tolihuejtsola' ma iłniya. Linca ja'ni al c'a timuc'i'molhuo', iya' cacua: Ne', tolihuejtsola'. Cacua: Coł'a' timuc'itsolhuo' al c'a. Ti'hua timuc'iconatsolhuo' tołta'a. Coł'a' a'i ma le'a capa'a iya'.

¹⁹ Unc'ainaxque', acueca' aitelco'ma jilpe pe lołmana'. Ma catelma cacua: "Tepenufle iłe al ts'e liłpitine". Ma tołta'a li'ipolhuo'. Itsiya catelcocojma.

Caxhuełma, cacua: “İne laipimaye lun Galacia joupá epenufpá Cristo. Itsiya tocomma a'ij linca ile li'ipola'. Coła' almuc'iconła' acuajmaica ilne alinca epenufpá ilque Cristo. Tijouła' aicaxhuełcoconaya tołta'a.”

²⁰ Cacua: Coła' jilpe caifpa'a. Coła' capalaic'ocona'molhuo' ituca', a'i to itsiya. Itsiya linca caxhuełma. Aimi'iya caxingufyacolhuo' lołpicuejma'.

²¹ Imanc' nołnespá: “Alcuxetsonga' lataiqui' liniłpa Moisés. Alpic'a.” Iya' quicuis'e'molhuo' imanc': ¿Te cołcueca ile lataiqui'? ¿Te ołsina' loya'apa? Tocomma aicołsina'.

²² İe liniłpa Moisés tinescojma li'ipa Abraham. Timana' oquexi' linaxque'. Anuli ilne qui'máma' acriada. Tipa'a lipoujna caca'no'. Aimecuxeyoxi quituca'. Locuena li'hua qui'máma' apoujna, ilque ipeno Abraham.

²³ Łapoujna caca'no' ma le'a ŁanDios ixpic'epa titai'ma. İlque joupá icupa cataiqui' ti'ila' tołta'a. Locuena, ilque licriada, ŁanDios aiquicuc' cataiqui'. Ma le'a itaipa.

²⁴ İne loquexi' lacał'no' ti'onłcospola' to ilna'a loquej cataiqui' ŁanDios lipo'no'ipola' lixanuc'. Agar, ilque cal criada, ti'onłcospa to anuli ilna'a łataiqui'. Ti'onłcospa to lataiqui' ŁanDios lipo'no'ipola' lixanuc', mimana' ilne jilpe hijuala Sinaí. İe lataiqui' liniłpa Moisés. İlque Agar tocomma to quił'máma' ilne petsi naihuejpa ile lataiqui'. İne aimi'hua liłmane. Aimi'iya micuxeyacołtsi quiłtuca'. Mane ti'onłcospola' to lam mozó.

²⁵ İe hijuala Sinaí jilpe łamats' Arabia tecui'inni “Agar”. Agar y Jerusalén, ma to mipa'a itsiya fa'a li'a łamats', ti'onliyołtsi. Jilpe Jerusalén ts'ilpenic' aimixpic'eyi quiłtuca' lo'eyacu. Lataiqui' liniłpa Moisés tocomma to quiłpoujna. İe lataiqui' ticuxela' jouc'a liłxanuc'.

²⁶ Liłya' Jerusalén lopa'a lema'a ituca' lo'ipa. Jilpe aimicuxe tołta'a lataiqui' liniłpa Moisés. İe linca alpiłya'. Tocomma to cał'máma', illanc' inaxque'.

²⁷ Joupá i'ipa ma to loya'apa Liniliŋiya lonescopa liłya' Jerusalén lopa'a lema'a. Tuya'e':

İma' mijuiqui' caca'no', ailopa'a co'hua, jıtxojla' cometa!

İma' tama aicoxina' te ts'i'ic' mipajnta łahuac'hua, jıtonac'la' acueca'!

İma' tama toxinyoxi etets'impo', joupá eca'nicompo', ti'i'ma conaxque' xonca axpela'.

Tołta'a tolijna'ma ilque łejonliyołtsi lope'ailli'.

²⁸ Unc'aipimaye, imanc' ti'onłcospolhuo' to li'hua Sara, ilque Isaac. Licupa cataiqui' ŁanDios, ilque ipajnta. Lataiqui' licupa ŁanDios jouc'a inescopolhuo' imanc'. Tołiya i'ipolhuo' inaxque' Abraham. İlque oł'ailli'.

²⁹ Loquexi' linaxque' Abraham aimiyejmaleyi. Anuli ilniya, cal Espíritu Santo itoc'ipola' qui'ailli' qui'máma'. Tołta'a itaipa qui'máma', ipajnta quił'hua. Locuena a'i. Ma le'a ipajnta axans. İlque i'epa laic' lipima, ihuetsojma. Itsiya tołta'a lo'ipola' ilniya pe cal Espíritu Santo epi'ipola' al ts'e liłpitine. Lił'as xanuc', ilne pe ailopa'a tołta'a liłpitine, ti'eyi laic'.

³⁰ ¿Te co'ıya? ¿Te cocuapa al Paxi Liniliŋiya? Ticua:

Taipa'atsola' łocriada jouc'a li'hua, aimapi'iyacola' lo'hueca.

Lo'hueca tapi'i'ma łocuena lo'hua, ilque li'hua łapoujna.

³¹ Unc'aipimaye, ilta'a lataiqui' alnescoponga' illanc'. Illanc' a'i quinaxque' ilque cal criada. Almana' inaxque' łapoujna caca'no'.

5

¹ Linca, Cristo joupá luhuałnaponga', ipic'a luyalaicołe tołta'a. Tołiya tołpo'nołe lołpicuejma'. Aimolfi'econa'mołtsi liłaiqui' locuxepa Moisés.

² Ałcuc'ela'. Iya' ninPablo camilhuo': Ja'ni ti'e'em'molhuo' circuncidar, ja'ni tołcuayi: “Tołta'a lapenuf'monga' ŁanDios”, tocomma to aimoł'huaiyijnyi Cristo. Iłque aimitoc'iconayacolhuo'.

³ Camiconamolhuo': Iłne petsi no'empola' circuncidar, anuli anuli iłniya ticuxe'ennila' tenant'ile jahuay locuxepa Moisés.

⁴ Imanc' nołnespá: “Ał'e'me locuxepa Moisés, tołta'a lapenuftonga' ŁanDios, ałsim'monga' to ailopa'a całjunac’”, imanc' joupa olanajpołtsi Cristo. Joupa olatets'ipá ŁanDios litoc'ipolhuo', lipaxnepolhuo'. Olatec'e'epołtsi.

⁵ Illanc' a'i tołta'a lałnespa. Joupa ał'huaiyijmpá Jesucristo, cal Espíritu Santo ałtoc'inga'. Tołta'a tixoqui calata ał'huaicoyi ŁanDios ałsintsonga' to ailopa'a całjunac', lapenuftonga'.

⁶ Ja'ni joupa lapenufponga' Cristo ticuicomma ałmujtsołtsi ał'huaiyijnyi, ał'etsołtsi capic'a. Ja'ni ał'emponga' circuncidar, o aical'enninga' circuncidar, ailopa'a co'eya.

⁷ Li'ipa olihuejpa al c'a. Itsiya, ¿te qui'ipolhuo'? Aimolihuejconna al Łınca Cataiqui'. ¿Naitsi nipa'nepolhuo'?

⁸ Iłe lataiqui' lomuc'impolhuo' a'i quitaiqui' ŁanDios, iłque Nijoc'ipolhuo'.

⁹ Tipa'a lataiqui' loya'apa: “Tołhuants'ila' tuca'a łicuxqui cax'e, tijoula' tumfumma jahuay łax'e łolanc'enyacu ła'i”. Al łınca iłe lataiqui'.

¹⁰ Iya' ca'huaiyinge łalPoujna tepi'itsolhuo' lołpicuejma' ałcuc'ela' iłe laifmipolhuo'. Iłque nopa'nepolhuo', ni cua naitsi no'epa, tepi'im'me lijunac', titeł'mim'me.

¹¹ Ticuanni: “Pablo tu'ila' lan xanuc' ti'entsola' circuncidar. Ticua tołta'a ŁanDios tepenuf'mola'.” Aicalnuya'e' tołta'a. Ja'ni tołta'a laifnespa aimal-ihuetsojya. Tama cuya'e': “Toł'huaiyijnle Cristo, iłque łepałts'ingimpa jilpe lancruz”, jouc'a coła' cuya'ala': “Toł'etsołtsi circuncidar”, ailopa'a cał'enya. Aimalixtuc'onya.

¹² Iya' cacua: Lan xanuc' nateł'epolhuo' lołpicuejma', iłne quilituca' titec'e'etsołtsi, ti'etsołtsi capú.

¹³ Unc'aipimaye imanc' nijoc'ipolhuo' ŁanDios, iłque joupa uhuat'epolhuo'. Aimolihuejconayacu lił'ejma' locuenaye lan xanuc'. Łınca, aimołnesyacu: “Joupa luhualquenamma, ca'e'ma to ts'aipic'a”. Xonca tołsintsołtsi to unc'imozó. Tołta'a toł'etsołtsi capic'a, toł'nujUaitsołtsi.

¹⁴ Tipa'a lataiqui' loya'apa:

Ima' to'eyoxi capic'a,

ma tołta'a to'ela' capic'a łof'as xans, naitsi łoftalecufya.

Petsi naihuejcopá iłe lataiqui', iłniya łınca tenant'iyi jahuay locuxepa ŁanDios.

¹⁵ Tołpo'nole cuenna. Ja'ni ti'hua tołfuli'yołtsi, ja'ni ti'hua tołscai'eyołtsi, ma le'a tołajac'e'mołtsi nulemma.

¹⁶ Iya' cacua: Tolapi'ile lane ticuxetsolhuo' cal Espíritu Santo. Tołta'a aimolihuejyacu lołjanajpa cołtuca' lołcuerpo.

¹⁷ Iłe lałjanajpa caltuca' aimi'onłspa to lołjanajpa cal Espíritu Santo. Ituca' ituca' iłna'a, tocomma tifuli'yołtsi. Tołta'a aimi'iya monł'eyacu lołspic'eyacu.

¹⁸ Jouc'a cacua: Ja'ni cal Espíritu Santo ti'huaj'me'elhuo' aimi'onłcospolhuo' to iłne pe ma le'a naihuejcopá locuxepa Moisés. Iłe lataiqui' aimi'iya micuxe-coyacolhuo'.

¹⁹ Petsi naihuejcopá quilituca' lołjanajpa, iłne acuajmaica timujyołtsi lo'epa. Fa'a cu'ilhuo' te ts'i'ic' iłne lo'epa:

Iłne tehueyi quilecal'no', jouc'a lacał'no' tehueyi quilxanuc'. Ti'eyi al xujc'a, ti'eyi nixpiya,

²⁰ Tihuejcoyi landiosla', tilotsocoyołtsi, ti'eyołtsi laic', tifuli'iyi cataiqui', acueca' tijanajyi lixcay, tijaic'oyołtsi lixtulepa, tehueyi quıtuca' ts'ıłpic'a, aimi'eyi anuli liłpicuejma', tenajyołtsi,

²¹ ti'ehualeyı laic', tima'ahualeyı, timeyoquila', ti'eyi nixpiya juicoł. Jahuay tołna'a y nixpiya xonca lixcay ti'eyi.

Joupa nu'ipolhuo' lo'iyacola' iłniya petsi tołta'a lo'epa. Itsiya cu'icona'molhuo', camilhuo': Pesti tołta'a lo'epa aimitsuflaiyacı pe locuxeyopa ĞanDios, ailopa'a quıl'huexi jılpe.

²² Ituca' laipammaiya liłpepajnya iłne petsi naihuejcopá cal Espıritu Santo. İne: Ti'eyołtsi capic'a, tixoqui quileta tuyalaicoyi, cal Espıritu Santo ti'hua tipac'e'ela' liłpicuejma', tixnet'i'me, tipalaic'oyi al c'a lił'as xanuc'.

İne naihuejcopá cal Espıritu Santo aınca lan c'a xanuc'. Tenant'iyi liłtaiqui' lonспа.

²³ İne amanxú, aimi'nof'eyołtsi, ticuxeyołtsi al c'a.

Ja'ni tołta'a lon'epa aimi'ıya mecani'eyacolhuo' lataiqui' locuxepa Moisés.

²⁴ İne pe li'ipola' i'huexi Cristo, joupa iximpołtsi epałts'ingimpola' anuli Cristo. Tołta'a joupa imapa iıe lafane liłpicuejma', iıe ituca' latentıcocoya, lojanajya.

²⁵ Ja'ni cal Espıritu Santo joupa lapi'iponga' al ts'e lałpitine, itsiya ti'ıla' al ts'e laluyalaicoyacı lałpepajnya. Lihuejcołe cal Espıritu Santo.

²⁶ Aimalsim'mołtsi, aimalesco'mołtsi: İllanc' xonca ninc'ic'a xanuc'. Ja'ni alsinyołtsi tołta'a ma le'a lapi'i'mołtsi coyac', aı'e'mołtsi laic'.

6

¹ Unc'aipimaye, ja'ni ołsimpá anuli lałpima nixpiya lo'epa, imanc' petsi onlıhuejcopá cal Espıritu Santo, tołpalaic'ole, tołmuc'iconıe al c'a cane. Tołnanc'ole. Tołpo'noıe cuenna anuli anuli. Aga tehuaiyim'molhuo' jouc'a.

² Maluyalaicoyi lapajnya tocomma ałtaiyi acumta caitay. Camilhuo': Tołtoc'itsołtsi. Tołtac'huetsołtsi łolıtay. Tołta'a aınca tonı'e'me locuxe'epolhuo' Cristo.

³ Pesti nonescopoxi: "İya' xonca limetsaicoła'", ja'ni iłque ninaitsi xans, ma le'a tıfel'miyoxi.

⁴ Anuli anuli timetsaicoxoxi te ts'i'ic' lo'epa. Tołta'a ti'i'ma tixoc'i'moxi queta quıtuca' li'epa. Ti'onlı'moxi quıtuca', aimi'onlıcoyacoxi locuenaye.

⁵ İncı fa'a lapajnya anuli anuli tipa'a litaic'. İe quıtuca' titai'ma. Ocuena aimi'ıya.

⁶ Cua naitsi mimuxejma Lataiqui' titoc'ıla' liłpomxi. Ja'ni tipa'a al c'a li'hueca tepi'ıla' jouc'a.

⁷ İmanc' cołtuca' aimoıfel'mi'mołtsi. İe lofapa cal xans, male tefot'ıe'ma. Aimi'ıya malatets'ıyacı ĞanDios liıpic'epa.

⁸ Pesti no'epá lojanajpa quıtuca' liıcuerpo, tefot'ıe'me, tulij'me ma le'a lamaya. Tołta'a tipammaıspa al cuerpo. Pesti no'epá lojanajpa cal Espıritu Santo, iıne tefot'ıe'me, tulij'me liłpitine aimijouya.

⁹ Aimalesojtonga'. Ti'hua aı'ele ma le'a al c'a. Ja'ni aimalesquemmonga', ticuaiyunni litine liıpic'epa ĞanDios, lafot'ıe'me, lulij'me al c'a.

¹⁰ Toııya iya' camilhuo': Itsiya tocomma to litine cafaya. Aı'ele al c'a. Aııoc'ıtsola' jahuay laı'as xanuc'. Xonca aııoc'ıtsola' laııpimaye no'huaiyijmpá Jesucristo.

¹¹ ¡Tolsıne laıpinila! İncı atııla' iına'a quıniıı iya' caituca'.

¹² İya' aıcahuay te co'ıya metentescoyacola' lan xanuc'. İne petsi locuxenaı'ıpolhuo' toł'etsołtsi circuncidar, iıne iıpic'a tetentescoıtsola' lan xanuc'. İne noxc'ai'ıpolhuo' tołta'a iıpic'a tuyalaicoıe al c'a, aimihuetsoquim'mola'.

Ja'ni tuya'aŕe: “Ma le'a toŕ'huaiyijnle Jesucristo”, ilne il̕sina' tixtuc'om'mola' liŕ'as xanuc' judío. Toŕta'a ti'ninc'iyi lataiqui', tuya'ayi: “Jouc'a tonŕ'etsot̕si circuncidar”.

¹³ Ni ilne no'epoŕtsi circuncidar aimihuejcoyi jahuay locuxepa Moisés. Ilne mane il̕pic'a tinesle: “¡Toŕsinŕe! Ilne joupa lihuejcoponga' illanc' laŕcuxe'epola'. Joupa i'empola' circuncidar. I'empola' quilseña jil̕pe liŕp̕ixic'.” Toŕta'a tixoc'i'moŕtsi quileta.

¹⁴ Iya' aimi'iya quixoc'iyacoxi toŕiya. Ma le'a tixoj'ma neta li'epa Cristo jil̕pe lancruz. Iŕta'a li'a lamats' jouc'a jahuay lopa'a, caxina jouc'a epaŕts'ingimpá jil̕pe lancruz. Ma' anuli iya' lapaŕts'ingimpa, joupa aŕma'ayompa jil̕pe lancruz. Lopa'a li'a lamats' ailopa'a caŕ'e'eya, aicajanaca iŕiya.

¹⁵ Linca, ja'ni joupa i'empolhuo' circuncidar o aiqui'ennilhuo' circuncidar, ¿te co'iya? Xonca t̕cuicomma tepi'int̕solhuo' al ts'e coŕpicuejma'.

¹⁶ Pe naihuejcopá il̕e lataiqui', tipac'e'etsola' liŕpicuejma' LanDios, tixintsola' acuanuc'la. Ma ilne ti'onŕcospola' to lun Israel. Iŕniya al linca ixanuc' LanDios.

¹⁷ Lipangopa itsiya aimats̕uel'miconama. Ma' iya', a'i ilne locuenaye xanuc', jifa'a laicuerpo aitaic' lainepelot'la'. Iŕna'a tuya'ayi ma Jesús aiPoujna, il̕que lummepe.

¹⁸ Cunc'aipimaye, titoc'itsolhuo' laŕPoujna Jesucristo. Toŕsingufle il̕que lopaxnepolhuo' jil̕pe lolunxajma'. Toŕta'a ti'ila'. Amén.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' ÉFESO

¹ Iya' ninPablo, nin'apóstol, Jesucristo alummepa. Toġta'a ixpic'epa LanDios. Iya' quiniġ'elhuo' imanc', unc'aipimaye noġmana' liġya' Éfeso. Imanc' noġ'huaiyijmpá LanDios, i'huexi iġque. Jesucristo joupa epenufpolhuo'.

² LanDios cal'Ailli' y laġPoujna Jesucristo titoc'itsolhuo', tipaxnetsolhuo', tipac'e'etsolhuo' loġpicuejma'.

³ Aġs'najtsi'ġe LanDios, iġque enDios i'Ailli' laġPoujna Jesucristo. Iġque joupa aġpaxneponga'. Cal Espíritu Santo lapi'ingá' jahuary al c'a lopa'a lema'a. Iġe al c'a LanDios tixina joupa i'ipa aġ'huexi illanc' naġ'huaiyijmpá Jesucristo.

⁴ Cacia: LanDios aġpaxneponga'. Ai'a tilanc'e'ma li'a lamats' LanDios aġ'huijfeponga', limetsaicoponga' to joupa lapenufponga' Cristo. Ixpicepa laġ'iyaconga'. Ixpicepa te ts'i'ic' maġsinyaconga' litine lacaxhuoġaitsa jġpe pe lopa'a. Jġpe litine aġmujtoġtsi aġinca i'huexi LanDios. Aġmujtoġtsi joupa i'ipa pangay c'a laġpicuejma', ailopa'a caljunac', acueca' aġ'eta capic'a LanDios.

⁵ LanDios aġ'eponga' capic'a. Toliya ixpic'epa aġ'itsonga' inaxque', iġque ti'ġla' aġ'Ailli'. Ixpicepa toġta'a lapenuftonga' illanc' naġ'huaiyijmpá Jesucristo. Iġe lixpicepa ma letenġcocopa maġque quituca'.

⁶ Toġta'a tixinim'me acueca' LanDios. Aġsininnonga' acueca' laġpaxneponga', acueca' laġtoc'iponga' illanc' lapenufponga' Cristo, iġque i'Hua LanDios lipic'a.

⁷ Iġque li'Hua LanDios joupa lapenufponga'. Toġta'a LanDios limenc'e'ecoponga' lixcay laġ'epa. Aġsimponga' joupa i'najtsempa laġjunac'. Cristo, litine lixcuajaipa lijuats', i'najtsepa. Linca a'i huata iġe laġtoc'iponga' LanDios. Acueca' juaiconapa ac'a laġ'eponga'.

⁸ Acueca' lipicuejma' LanDios. Ixina' lo'eya, lo'epa. Ailopa'a calcuanac'eponga', acueca' laġpaxneponga'.

⁹ Joupa aġmuc'iponga' te ts'i'ic' lixpicepa. Li'ipa tocomma to emiya lataiqui'. Itsiya a'i. Icuaitsi litine letenġcocopa LanDios iġque aġmuc'iponga'.

¹⁰ Aġmuc'iponga' te lo'iyá Cristo, iġe joupa ixpic'epa LanDios. Ma mi'hua menant'ġi litine tixhuaitsi jahuary, ti'hua tuya'am'me iġe lataiqui'. Tijouġa' jahuary tihuejco'me Cristo, jahuary lopa'a lema'a, jahuary lopa'a li'a lamats'.

¹¹ Linca, jahuary tihuejco'me Cristo. Maġque Cristo nalapenufponga'. Toġta'a LanDios aġsinninga' ixanuc', i'huexi. Iġque joupa aġ'huijfeponga' aġ'itsonga' toġta'a. LanDios ja'ni tixpic'eġa' ti'ġla', ma toġta'a ti'i'ma. Iġque tixhuai'ni'ma jahuary lipic'a.

¹² Ipic'a timetsaiconġe anDios. Tixinninġe acueca' lipicuejma' jouc'a lo'epa. Tix'najtsi'ġe. Toliya aġ'huijfeponga' illanc' petsi luyaipa quitine aġ'huaicoyi ticuaiyunni cal Cristo.

¹³ Imanc' jouc'a oġ'huaiyijmpá Cristo. Ate'a oġquimfe pá al Linca Cataiqui'. Maġe Lataiqui' loya'apa iġe al c'a lixpicepa LanDios, tuya'e' te ts'i'ic' monġ'eyacu ja'ni tolunġul'me. Lijou'ma oġ'huaiyijmpá Cristo, LanDios epi'ipolhuo' ġi'Espíritu ma to lijoupa licupa cataiqui' tepi'itsolhuo'. Iġque ġi'Espíritu ġepi'ipolhuo' maġque cal Espíritu Santo. Toġta'a i'huáquilhuo' imanc' ma' aġinca ixanuc' LanDios, i'huexi iġque.

¹⁴ Maġmana' fa'a li'a lamats' illanc' ma' i'huexi LanDios. Tijouġa' lunġu'etsonga', lapenuftonga' nulemma. Joupa aġmuc'iponga' aġinca toġta'a laġ'iyaconga'. Aġmuc'iponga' aimafel'miyaconga'. Toliya lapi'iponga' cal Espíritu Santo. Litine lapenuftonga' timetsaicom'me ma' anDios, acueca' lo'epa.

15-16 Tohiya iya' cax'najtsi'i ÑanDios. Añmimpa: "Ñne lun Éfeso ti'huaiyijnyi ñaPoujna Jesús, ti'eyi capic'a ñipimaye, ñne jouc'a i'huexi ÑanDios". Aimañsospa. Ti'hua cax'najtsi'i. Ma capalaic'o ÑanDios caxahue'e titoc'itsolhuo'.

17 Cacia: Caxahue'e ÑanDios titoc'itsolhuo', tipaxnetsoñhuo' cal Espiritu Santo. Ñque tepi'itsolhuo' coñpicuejma', ti'ña' coñsina' te ts'i'ic' ÑanDios lipicuejma', xonca tolimetsaico'me ñque. Ñque ÑanDios ma' enDios ñaPoujna Jesucristo jouc'a i'Ailli'. Toña'a ñque Jesús imuj'moxi ituca'. Imuj'moxi ma' anDios.

18 Ja'ni tepi'itsolhuo' toña'a loñpicuejma' jouc'a tepalc'o'i'molhuo'. Toña'a a'i ma le'a moñhuaicoyacu tolapenuftsa al c'a, jouc'a ti'i'ma coñsina' te ts'i'ic' lapi'iyacolhuo' ÑanDios. Ti'i'ma coñsina' te ts'i'ic' al cueca' al c'a tolapenufta. Ñe ñinca acueca' ac'a juaiconapa. Ailopa'a co'onñcoya. Ñinca imanc' tolapenufta. Jouc'a jahuary ñniya pe ÑanDios i'epola' i'huexi, tepenufta lapi'iyacola' ÑanDios linaxque'.

19 Jouc'a ti'i'ma coñsina' te ts'i'ic' al cueca' lo'epa ÑanDios. Ti'i'ma coñsina' icueya limane. Toñsinguf'me acueca' titoc'i'molhuo', acueca' tipaxne'molhuo' ma moñhuaiyijnyi.

20 Ñinca, ÑanDios jounpa imujpa acueca' juaiconapa lo'epa. Jounpa i'epa acueca', imaf'i'inaapa Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camane.

21 Ailopa'a co'onñcoya to ñque Cristo. Ñque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuftine. Ja'ni itsiya litine o locuaicoya locuena quitine, mañque Cristo tuliqui jahuary.

22-23 ÑanDios jounpa ixpic'epa jahuary tihuejcoñe Cristo, ñque Incuxepa, ticuxe jahuary. ÑanDios epi'ipa lixanuc', ñne lefot'epola'. Ñque copa'a ñjuac, ticuxela' ñne icuerpo. Jñpe timujyoxi ÑanDios. Ñinca ÑanDios ni petsi tipa'a, timujyoxi. Jñpe lixanuc', ñne icuerpo Cristo, xonca timujyoxi.

2

1 Imanc' ai'a tolapenuf'me al ts'e loñpitine jounpa ejac'polhuo'. Aimonñ'eyi locuxepa ÑanDios. Tonñ'eyi lixcay.

2 Toluyalaicoyi anuli ñne locuenaye xanuc' nomana' fa'a li'a ñamats'. Olihuejco'me ñipincuxepa contahue. Ñne lontahue nomana' jñpe lema'a xonca a'oñca, a'i pe lopa'a ÑanDios, ticuxeyi ñipicuejma' lan xanuc' petsi aimihuejcoyi ÑanDios.

3 ÑanDios añsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya mañ'eyi ñañjanajpa. Lihuejcoyi loñanajpa ñañcuerpo. Illanc' cañuca' añpic'eyi ñañeyacu. Mañmana' toña'a ailopa'a al ts'e ñañpitine. Ma' anuli locuenaye petsi aimihuejcoyi aññmi'monga' ÑanDios.

4 Ñinca, ÑanDios juaiconapa ac'a lipicuejma'. Añsimponga' ninc'icuanuc'la. Acueca' juaiconapa añ'eponga' capic'a.

5 Illanc' ma aimalihuejcoyi, jounpa lañac'epoñtsi. Tama toña'a ñañejma' ñque lapi'iponga' al ts'e ñañpitine. Añmaf'i'inaponga' anuli Cristo. Toña'a ñañtoc'iponga' ÑanDios, ñañpaxneponga', jounpa lunñu'eponga'.

6 Ma' anuli Cristo lacaxunaponga', lipa'aponga' pe lomana' lomanapola'. Ma' anuli ñque añcutsunaponga' jñpe lema'a. Lapenufponga' Jesucristo, tohiya añ'iponga' toña'a.

7 Ticuañtsi Locuaicoya Quitine ÑanDios timuj'ma acueca' juaiconapa añtoc'iponga', acueca' añpaxneponga' illanc' ixanuc' Cristo, lapenufponga' ñque.

8 Cacia: "ÑanDios jounpa itoc'ipolhuo', ipaxnepolhuo', unñu'epolhuo'". Ñinca imanc' aimi'ya molunñu'eyacoñtsi. Ma ÑanDios imetsaicopolhuo' toñ'huaiyijnyi. Toña'a ma' ñque unñu'epolhuo'.

⁹ Linca ailopa'a cal'eyacu, ni illanc' ni imanc'. Aimi'iya mañesyacu: “Joupa ai'epa al c'a, toliya ÑanDios luntu'e'ma. Iya' ninc'a.” Ailopa'a conescoyacoxti tota'a.

¹⁰ Cristo joupa lapenufponga'. Tota'a ÑanDios añanc'e'eponga' lañpicuejma', lapi'iponga' al ts'e lañpitine. Toliya ti'i'ma añ'e'me al c'a. Añ'e'me mañe al c'a lixpicepa ÑanDios añ'eñe. Tota'a ixpicepa luyalaicoñe.

¹¹ Toliya aimolimenc'eco'me te ts'i'ic' lipaxnepolhuo' ÑanDios. Toñnujuaisle te ts'i'ic' li'ipa li'ipolhuo'. Imanc' a'i cunc'ijudío, ituca' loñnación. Aiquetec'ennilhuo' loñpixic'. Tota'a lan xanuc' judío tetets'ilhuo', tecui'ilhuo': “Ñne petsi ailopa'a quiseña, petsi aiqui'ennila' circuncidar”. Ñne lan judío joupa i'empola' circuncidar, joupa etec'empola' liñpixic'.

¹² Ñniya litiné aicunñejmale Cristo. Lan xanuc' Israel imetsaiconnila' ixanuc' ÑanDios, imanc' a'i, imanc' unc'ocuenaye xanuc'. Ñne lun Israel ÑanDios joupa imanconca cataiqui'. Nulemma icupa cataiqui' tepi'i'mola' al c'a. Imanc' aicolapenufi ñe lataiqui'. Ñniya litiné imanc' ailopa'a col'huaicoyacu. Fa'a li'a lamats' ma toluyalaicoyi lapajnya. Aicolimetsajma ÑanDios.

¹³ Itsiya joupa ipaicopa ñe loñpepajnya. Joupa epenufpolhuo' Jesucristo. Li'ipa tocomma to toñmana' aculi', aimi'iya moli—loc'olaiyacu ÑanDios. Cristo joupa ixcuajaipa lijuats' i'ñajtsepa loñjunac'. Tota'a ñloc'ai'epolhuo' ÑanDios.

¹⁴ Mañque Cristo ipac'epa lafuleya. Itsiya illanc' ninc'ijudío jouc'a imanc' a'i cunc'ijudío ma mañmana' anuli. Ailopa'a tintsi. Li'ipa tipa'a lañpa'neponga'. Ñniya litiné aicañejmale, aiqui'ic'. Licupoxi Cristo tepañts'ijnle licuerpo jñpe lancruz, ñque eteñpa ñe lañpa'neponga', ñonc'epa nulemma.

¹⁵ Ñe lañpa'neponga' itaiqui' Moisés licuxepa. Jñpe inñijmpa anuli anuli te ts'i'ic' malihuejcoyacu ÑanDios. Limapa jñpe lancruz Cristo ñonc'epa limane ñe lataiqui'. Itsiya aimi'iya mañpa'neconayaconga'. Imanc' illanc' añ'e'eponga' to anuli cal ts'e xans. Lapi'iponga' al ts'e lañpicuejma'. Tota'a ipac'epa lafuleya.

¹⁶ Itsiya aimañ'econayacoñtsi laic'. Ñe lixcay lañpicuejma' Cristo ima'apa ñe litine lepañts'ingimpa jñpe lancruz. Ma mañsinyoñtsi ituca' ituca' lañpicuejma' aimi'iya mañejmaleyacu ÑanDios. Cristo añ'e'eponga' anuli. Ma añmana' icuerpo ñque. Tota'a añejmale ÑanDios.

¹⁷ Li'huamma Cristo uya'apa joupa ipac'epa lafuleya. I'huamma ti'ña' colñsina' imanc' noñmana' aculi', jouc'a ti'ña' quñsina' petsi xonca ahuejnca ÑanDios, itsiya ailopa'a tintsi. ÑanDios tepenufila' jahuay lan xanuc' ma' anuli.

¹⁸ Ma' ñque Cristo ticu lane añpalaic'ole ÑanDios cañ'Ailli', li—loc'olai'me imanc' y illanc'. Joupa lapenufpá cal Espíritu Santo. Toñiya lapenufinga' ÑanDios.

¹⁹ Itsiya aimi'iya mecui'inyacolhuo' “añe”, o “ñne ocuenaye xanuc’”. Itsiya imanc' illanc', jouc'a jahuay lañpimaye, joupa añ'e'eponga' i'ñuexi ÑanDios. Tipa'a lañpiya' pu'hua lema'a. Ma ÑanDios añ'Ailli'.

²⁰ Ma to lipangopa lo'huaiyijmpa lan apóstole, lam profeta, ma' anuli olpango'me imanc'. Mañe cataiqui' olapejpá.

To anuli cal cueca' capic lipo'nof'impá ñaitañ cajut'ñ, ñque lañpic nolanc'epa lajut'ñ aimecangeya, tota'a lo'onñcospa Jesucristo.

²¹ Petsi lepenufpola' ñque lañPoujna Cristo, ñne ti'onñcospa to anuli al paxi cajut'ñ tilanc'econni apic'. Ñna'a lañpic' tipo'nof'inni anuli anuli pe lo'eya quipenic'. Mañque Cristo, to cal Cueca' Capic, ipulaic' ñaitañ.

²² Jouc'a imanc' lepenufpolhuo' Cristo, tipo'no'innilhuo' pe lonñ'eyacu canic'. Tota'a tilanc'enni lejut'ñ ÑanDios. Jñpe copa'a cal Espíritu Santo, ñque ma' añDios.

3

¹ Itsiya ca'nujuaitsi'ilhuo' iŕe al cueca' lipaxnepolhuo', al cueca' li'e'epolhuo' LanDios. Iya' ninPablo aitoc'i'molhuo' imanc' pe a'i cunc'ijudío. Nu'i'molhuo' naitsi cal Cristo, iŕque Jesús. Iŕe aipenic'. Toliya itsiya aŕtats'iya.

² Joupa oŕsina' toŕta'a laipenic'. LanDios aŕpaxnepa, alapi'ipa laipenic', cuya'aŕa' Lataiqui' ni petsi loŕmana' imanc' pe a'i cunc'ijudío.

³ Oŕsina' ma LanDios aŕmuc'ipa Lemiya Cataiqui'. Iŕta'a coŕje'e joupa niniŕ'epolhuo' oque' afane' lataiqui' lonescopa iŕe Lataiqui' lemiya.

⁴ Moŕsuef'yi iŕe laininiŕ'epolhuo' ti'iŕa' coŕsina' aŕinca cacueca Lemiya Cataiqui', iŕe lonescopa Cristo.

⁵ Luyaipa quitine lan xanuc' aiŕquiŕsina' iŕe lataiqui'. Itsiya LanDios joupa imuc'ipola' li'apóŕtote jouc'a liprofeta, iŕne i'huexi. Cal Espíritu Santo aŕmuc'iponga'.

⁶ Aŕmuc'iponga' te ts'i'ic' lo'iyacolhuo' imanc' a'i cunc'ijudío pe noŕ'epá ŕinca Lataiqui', joupa epenufpolhuo' Cristo. Imanc' illanc', LanDios limet-saiconga' inaxque'. Aŕŕinninga' joupa aŕ'iponga' to anuli al cuerpo. LanDios joupa icupa cataiqui', aŕmiponga' aŕtoc'i'monga' illanc' ninc'ijudío. Itsiya maŕe lataiqui' timilhuo' imanc', ma' anuli aŕtoc'i'monga' illanc' imanc'. Ma' anuli lalapi'iyaconga'.

⁷ Iya', LanDios lapi'ipa laipenic' cuya'aŕa' Lataiqui' loya'apa iŕe al c'a lix-pic'epa LanDios. Aŕpaxnepa, lapi'ipa laipicuejma'. Laŕpaxnepa toŕta'a aixin-guŕ'ma acueca' icueya limane LanDios.

⁸ A'i ca'onŕlicoyacoxi to laipimaye, iŕne jouc'a i'huexi LanDios. Ja'ni anuli iŕniya tixinyoxi aca'hua xans iya' cacua: Iya' ajna'hua capima xonca. Ma LanDios aŕpaxnepa, lapi'ipa laipenic' ca'huaŕa' pe lomana' lan xanuc' a'ij judío, jiŕpe capalaicotsi Cristo, cuya'atsi te ts'i'ic' iŕque lipicuejma'. Linca juaiconapa xonca acueca' ac'a lipicuejma', ailopa'a co'onŕcoya. Aimi'iya micuec'eyacu nulemma.

⁹ LanDios lapi'ipa laipenic' camuc'itsola' acuajmaica Lemiya Cataiqui'. Ti'iŕa' quiŕsina' lan xanuc' te ts'i'ic' menant'hiya Lataiqui' lonescopa. Lipan-gopa lilanc'epa li'a ŕamats', Lemiya Cataiqui' joupa tipa'a jiŕpe lipicuejma' LanDios. Iŕque joupa ixpic'epa lo'eya. Maŕque LanDios ilanc'epa jahuay.

¹⁰ Cacua: LanDios lapi'ipa laipenic'. Toŕta'a tefot'ŕela' lixanuc'. Tixintsa lapaluc' quema'a te ts'i'ic' lipicuejma'. Iŕne lan tsila' capaluc' nomana' lema'a, pe acueca' icueya liŕmane, ticuxeyi jiŕpe, maŕniya itsiya tehuelonginnila' lix-anuc' LanDios lefot'ŕepola'. Mehuelojnyi ti'i'ma quiŕsina' te ts'i'ic' litoc'ipola', lipaxnepola' LanDios lixanuc'. Iŕne lixanuc' anuli anuli ocuena ocuena liŕpicuejma' lepi'ipola' LanDios. Toŕta'a ma quefoŕya timujyi te ts'i'ic' al cueca' lipicuejma' LanDios.

¹¹ LanDios al coŕta ixpic'epa ti'iŕa' quiŕsina' toŕta'a lapaluc' quema'a, toŕiya' lepi'ipa lipenic' Jesucristo, iŕque aŕPoujna.

¹² Cristo joupa lapenuŕfponga'. Toŕta'a tixoqui calata aliŕoc'olaiyi LanDios. Ma maŕ'huaijinyi Cristo aimasueŕmot'ŕeyi, ailopa'a caŕpa'neyaconga'. LanDios lapenuŕfinga'.

¹³ Linca acueca' iŕe lataiqui' laifnuya'apa. Toliya caxa'huelhuo', camilhuo': Aimosueŕmot'ŕeco'me. Aimosnes'me: "Acuanuc' Pablo, acueca' juaiconapa lotelcopa". Aimolpai'i'moltsi loŕpicuejma'. Tol'nujuaisle: Ja'ni coŕa' iya' aicateŕma, coŕa' ailopa'a mipaxneyacolhuo' LanDios.

¹⁴ Ma ca'nujuaitsilhuo' al cueca' lipaxnepolhuo' LanDios, iya' caxc'onŕingay caŕ'Ailli'.

15 Fa'a li'a lamats' lanaxque' mecui'innila' quilitatá "a'ailli'", o mecui'iyotsti tofta'a ilne nomana' lema'a, ¿pe qui'huayomma ille lataiqui' o ille li'ejma'? ¿Te qui'ipa limetsaicopotsi tofta'a? Tofta'a maŕque LanDios ecui'ipoxi.

16 Itque linca ma' anDios. Aimehue'e'. Ixhueya lipicuejma', acueca' icueya limane. Toliya caxahue'e titoc'itsolhuo'. Caxahue'e titoc'itsolhuo' li'Espíritu, ti'ila' acueca' loŕpicuejma', jouc'a tonf'e'me al cueca'.

17 Ja'ni tofta'a lotoc'ipolhuo' itine itine tof'huaiyjm'me cal Cristo, itque tipajm'ma lolunxajma'. Tepi'i'molhuo' colpicuejma' tof'etsotsti capic'a. Tifa'e'molhuo' loŕpicuejma'.

18 Tofta'a aimimajaiqueyacolhuo'. Imanc' jouc'a jahuay lixanuc' LanDios, ilne i'huexi itque, ti'i'ma colsina' nulemma te ts'i'ic' litoc'ipolhuo' LanDios. Ja'ni to'huala' lexpats'qui o lipitoqui li'a lamats', o taimutsi al 'ocay, o tof'ajla' al toncay, ni petsi loftseya aimoxinya Lataiqui' xonca' acueca', ailopa'a.

19 Caxahue'e tolimetsaicole te ts'i'ic' mi'nujuaitsilhuo' Cristo. Linca, aimi'iya moŕcuejyacu nulemma. Juaiconapa acueca' ti'elhuo' capic'a.

Ja'ni tofta'a lotoc'ipolhuo' LanDios ti'hua ti'i'ma ixhueya loŕpicuejma'. Ti'i'ma to lipicuejma' LanDios.

20 Itque LanDios ti'ay al cueca'. Aimi'iya maŕsinyacu nulemma lo'eya. Ja'ni aŕsa'hueŕe o jilpe laŕpicuejma' aŕnesle: "Aipic'a altoc'ila' acueca'", linca xonca acueca' altoc'i'monga'. Tofta'a altoc'inga' cal Espíritu Santo, itque lalapenuŕpa.

21 ¡Maŕque LanDios aŕs'najtsi'ile! Cristo timuqui te ts'i'ic' LanDios lipicuejma'. Ma' anuli timujyi lixanuc' LanDios lefot'lepola'. Amats' amats' ti'i'ma tofta'a. Jouc'a Locuaicoya Quitine ti'hua ti'i'ma, aimijouya. Tofta'a ti'ila'. Amén.

4

1 Iya', ma ca'ay lanic' lalapi'ipa laiPoujna, aŕ'notimpa. Itsiya capa'a aktats'iya. Fa'a caxc'ai'ilhuo' lonf'eyacu. Imanc' joupá ijoc'ipolhuo' LanDios, imanc' ixanuc' itque. Camilhuo': Toŕmujtsotsti ixanuc' LanDios.

2 Aimof'nof'e'motsti. Aimof'talai'otf'e'me LanDios ni moŕtalai'otf'e'mola' lan xanuc'. Toŕsnet'He lo'e'epolhuo'. Amolixtuc'o'motsti, tof'etsotsti capic'a.

3 Cal Espíritu Santo joupá i'e'epolhuo' anuli. Toŕpo'note loŕpicuejma' ti'hua tof'e'motsti tofta'a. Ja'ni aimof'fuleyi linca toluyalaico'me anuli loŕpicuejma'.

4 Illanc' petsi naŕ'huaiyjmpá Cristo aŕ'onŕcosponga' to licuerpo. Itque licuerpo anuli le'a. Anuli cal Espíritu mipa'a jilpe, itque cal Espíritu Santo.

LanDios aŕjoc'iponga' aŕ'huaicoŕe ille lalapi'iyaconga'. Ma' anuli lapi'itonga' jahuay illanc'.

5 Anuli laŕPoujna, ma' anuli lataiqui' laŕ'huaiyjmpa, anuli lalapocopa.

6 Anuli lalanDios, itque if'Ailli' jahuay. Itque xonca cal Cueca', jahuay tix-huai'niyi lixplic'epa, jahuay illanc' aŕmana' pe lipanga.

7 Linca tama jahuay illanc' aŕmana' pe lipanga LanDios a'ij nuli ille laŕpaxneponga'. Ituca' ituca' laŕpaxneponga' Cristo. Itque tixpiqui. Anuli anuli lapi'iponga' laŕpenic'.

8 Tofta'a loya'apa LanDios jilpe al Paxi Linilingiya, ticua:

If'ajnapa lema'a, mif'aguinhua ilecopola' lixanuc', ilne li'ipa litats'ila' joupá ux'masquem'mola'.

Lijou'ma ica'ne'mola' lixanuc' lapi'iyacola', tepenufle.

9 Joupá aŕcuapá: "If'ajnapa". Ai'a tif'aj'ma imumma, imuyomma jilpe al 'ocay li'a lamats'. Lijou'ma if'ajna'ma, icuaita pe lopa'a al te'a.

10 Itque nimumma, nif'ajnapa ma' anuli itque. If'ajnapa lema'a xonca al toncay. Tofta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a lamats', itque tipa'a, ticuxe.

11 Lijoupa lif'ajnapa al toncay lema'a, Cristo epi'ipola' lixanuc' ituca' ituca' lihpenic'. Toŧta'a timana' lan apóstole, timana' lam profeta, timana' lan evangelista, iŧne noya'apá Lataiqui', timana' lam pastor, iŧne no'epá cuenna lihpimaye, timana' lomxiye, iŧne tuhuaŧyi Lataiqui', timuc'iyaleyí.

Jahuay iŧniya Cristo epi'icopola' lixanuc', titoc'itsola' iŧne lefot'lepola' LanDios.

12 Iŧne no'epá laniç' ti'hua titoc'innila' lihpimaye, tifa'ennila' lihpicejma'. Tijouŧa' jahuay lapimaye, iŧne i'huexi LanDios, ti'i'ma pangay c'a lihpicejma', aimehue'eyacola'.

13 Toŧta'a jahuay illanc' naŧ'huaiyimpá Lataiqui', aŧcuc'e'me nulemma loya'apa iŧe Lataiqui', limetsaico'me nulemma te ts'i'ic' lipicejma' li'Hua LanDios. Tijouŧa' aŧnesco'moŧtsi: "Joupa aŧtoja". Iŧe litine laŧpicejma' ti'i'ma pangay c'a, joupa ilajmpa. Cristo mane ac'a lipicejma', aimehue'e'. Jouc'a aimalahue'eyaconga'.

14 LanDios joupa lapi'iponga' iŧne laŧtoc'iponga', aŧmuc'itsonga' lihuejle. LanDios aimicua maluyalaicoyacu maŧ'onŧcoyaconga' to la'uhuy, iŧne lihpicejma' tife'ne'mola' ni cua tintsí cataiqui'. Aimicua maŧfel'miyaconga' lan xanuc' petsi acueca' quixcay lihpicejma'. Imafi' iŧniya, iŧsina' lo'eyacu tifel'miyale'me. Iŧne joupa imenajpola'. Tihuejyi ituca' cataiqui'.

15 LanDios xonca ipic'a lihuejle al Linca Cataiqui'. Maŧ'ela' capic'a laŧpimaye, ma' iŧe Lataiqui' luya'a'me. Toŧta'a ti'hua tilajm'ma laŧpicejma', ti'i'ma pangay c'a, ti'onŧcota to Cristo lipicejma'. Iŧque aŧjuac, illanc' icuerpo.

16 Cristo laŧjuac aŧtoc'enga' illanc' icuerpo. Anuli al cuerpo axpe' mipa'a. Iŧne aimitoqui anuli anuli. Jahuay iŧniya titojyola' pe lomana'. Litornillo lajonŧyopola' jahuay. Toŧta'a tites'miyotŧsi, titoc'iyotŧsi. Iŧiya aŧ'onŧsponga' illanc' icuerpo Cristo. Maŧ'eyotŧsi capic'a aŧtoc'iyotŧsi, alfa'e'moŧtsi laŧpicejma'.

17 Joupa aixc'ai'ipolhuo', aimipolhuo': "Toŧmujtsotŧsi ixanuc' LanDios". Illanc' ninc'apimaye, ma' anuli laŧPoujna. Toŧiya caxc'ai'icona'molhuo', camilhuo': Ma monluyalaicoyi lapajnya aimoŧ'e'me to mi'eyi iŧne petsi aimimetsaicoyi LanDios, iŧne naihuejpa latentŧcocopola' quilituca'. Aimihuejyi latentŧcocopa LanDios.

18 I'ipa muŧ lihpicejma'. Aimicuec'eyi, toŧta'a enaj'moŧtsi LanDios. Joupa ejac'epoŧtsi. Lihpicejma' i'ipa to laŧpic.

19 Aimi'iya mixinyacu calaic'ata. Icupoŧtsi ti'eŧe al xujc'a, ti'eŧe nixpiya. Aimicuayi: "Aimaŧ'econa'me toŧta'a". Ma ti'hua tehueyi xonca nixpiya lo'eyacu.

20 A'i toŧta'a lipalaic'ocompolhuo' Cristo. A'i toŧta'a lipicejma' iŧque.

21 ¿Te aicoŧcueca litaiqui'? O ¿aiquepenufilhuo' iŧque? Maŧmuc'ilhuo', maŧpalaicoyi iŧque Cristo, ¿te aicaŧnesqui al linca?

22 Ai'a ti'i'ma al ts'e loŧpitine tolihuejcoyi coŧtuca' loŧpicejma'. Jiŧniya liŧiné ti'hua tolaŧjac'eyoŧtsi, ti'hua toŧfel'miyotŧsi, toŧjanajyi ton'eŧe nixpiya. Toŧta'a tolihuejyi. Joupa lu'ipolhuo': "Iŧe lonŧ'epa li'ipa, toŧpo'noŧe nulemma".

23 Itsiya tipa'a al ts'e loŧpitine. Cal Espíritu Santo tipa'a jiŧpe loŧpicejma'. Itine itine tolapenufle coŧpujfxi lapi'ipolhuo' iŧque.

24 Toŧspic'eŧe nulemma tolihuejcoŧe al ts'e loŧpicejma'. Iŧe to lipicejma' LanDios tixpic'e ma le'a al c'a, tihuejco'ma ma le'a LanDios, iŧque cal Paxi. Toŧta'a ate'a ilanc'empa lipicejma' cal xans. Iŧque lipicejma' mane ac'a. Ti'onŧcospa to lipicejma' LanDios, iŧque aimifel'miyale.

25 Joupa oŧspic'epá aimoŧfel'miyaleconayacu. Ne'. Moŧpalaic'oyoŧtsi toŧnesle ma le'a al linca. Anuli anuli tipalaic'ola' toŧta'a lipima. Aimoŧfel'miconayacoŧtsi. LanDios joupa lafot'leponga' to anuli al cuerpo. Illanc' ninc'apimaye.

26 Ja'ni olix tulepá aimi'hua molix tule'me. Ai'a tipo'nof'caita cal 'ora tołpac'ete lołpoyac'. Ja'ni a'i ŁanDios aimetenłcocoya ike lonł'epa, tixim'ma a'ijc'a.

27 Ja'ni ti'hua molix tuleyi ma le'a tołapi'iyi lane łonta'a Satanás.

28 Łapima pe jounpa ihuiyipa, ti'hua tinantse, aiminantsecona'ma. Ituca' tixhuico'mola' limane', ti'etsi al c'a lanic'. Tołta'a ti'i'ma ti'huej'ma. Ti'i'ma tepi'i'ma petsi aiqiu'hueca.

29 Aimolnes'me camac'ta cataiqui', ni anuli. Tołspic'ete al c'a lołnesyacu. Tołmi'moltsi: “¿Te cahue'epola' laipimaye?” Lijou'ma tołnesle lataiqui' lofa'eyacola' liłpicuejma'. Xonca ticuec'e'me. Jouc'a ŁanDios tetenłcoco'ma lołnespa. Titoc'i'mola', tipaxne'mola' noquimf'epolhuo'.

30 Ja'ni tołnesle camac'ta cataiqui' tołhuosmi'me cal Espíritu Santo, iłque liłpaxi Espíritu ŁanDios. Aimonł'e'me tołta'a. Imanc' jounpa olapenufpá cal Espíritu. ŁanDios imuc'ipolhuo' imanc' alinca ixanuc'. Tocomma ipo'ninc'e'epolhuo' hisello, iłque olłoujna. Ticuaiti al Cueva' Quitine tepenuftolhuo' nulemma, tuntu'etolhuo'.

31 Ja'ni tipa'a al cuaj jilpe lołpicuejma' tołipa'ale. Aimolixtuc'o'cona'moltsi. Aimolnujuaiscona'me ike li'ipa lolixtulepa. Aimoljaic'o'moltsi. Aimolnesco'moltsi a'ijc'a. Tołspic'ete nulemma aimol'e'cona'me tołta'a. Jouc'a jilpe lołpicuejma' aimolatets'icona'moltsi.

32 Tołpalaic'otsołtsi al c'a, tołtoc'itsołtsi, tolimenc'e'ecotsołtsi. Imanc' lepenufpolhuo' Cristo, ŁanDios jounpa imenc'e'ecopolhuo' lonł'epa. Tołta'a imanc' tolimenc'e'ecotsołtsi lonł'e'epołtsi.

5

1 Camilhuo': Ti'itsolhuo' loł'ejma' to li'ejma' ŁanDios. Tołmujtsoltsi to caiquinaxque' iłque.

2 Itine itine tołnujuaitsołtsi ma to Cristo li'nujuaispolhuo'. Iłque icupoxi tima'ante i'najtsepa lałjunac'. Iłque litsufcopoxi etenłcocopa ŁanDios. Tołiya limenc'e'ecoponga' lał'epa.

3 Imanc' jounpa i'huexi ŁanDios, tołmujtsoltsi tołta'a. Aimolahue'mola' cacal'no'. Aimonł'e'me nixpiya. Ni monł'e'me to lo'epa iłniya petsi ti'hua tijanajyi. Aiminesyi: “Aimal'e'cona'me tołta'a”. Ma ti'hua tehueyi xonca nixpiya lo'eyacu. Imanc' ni mołpalaico'mola' iłniya lo'epa.

4 Aimonł'e'me ni molnes'me al xujc'a. Aimolilotsoco'moltsi. Aimolpalaic'oco'moltsi lołpemac'ta. Iłna'a aimetenłma. Xonca ticuicomma tołs'najtsi'ike ŁanDios.

5 Iłne petsi nahuepá cacal'no', jouc'a petsi axujc'a liłpicuejma', jouc'a petsi ti'hua tijanajyi xonca, malniya ti'onłcospola' to naxc'onłingołaipá lilendiosla', imanc' jounpa olłsina' lo'iyacola'. Nij naiti iłniya notsufaiya pe locuxeyopa Cristo, jilpe locuxeyopa ŁanDios.

6 Lan xanuc' no'epá tołta'a tepi'iyi coyac' ŁanDios. Iłque titeł'mila' iłne lin-cuejlocale. Imanc' aimolfel'mi'moltsi. Aimolquimf'e'mola' nocuapá: “Ailopa'a tints. Tonł'ete ma ts'olpic'a.” Iłne mane tipalołaiyi. A'ij linca lonespa.

7 Jounpa aimipolhuo': Iłne lixcay xanuc' tepi'iyi coyac' ŁanDios. Imanc' aimonł'e'me tołta'a.

8 Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. Lałłoujna jounpa epenufpolhuo', epalc'o'ipolhuo'. Moluyalaicoyi lapajnya tołapalc'o'itsola' locuenaye.

9 Petsi ŁanDios jounpa epalc'o'ipola' liłpicuejma', iłne timuj'moltsi pangay c'a xanuc'. Ti'eyi ma le'a al liłca, tihuejyi al linca.

10 Imanc' tolahueke latentłcocoya ŁanDios, male tonł'ete.

11 Iñe petsi amuf liñpicuejma', lo'epa iñiya ailopa'a al c'a caipammaispa. To iñiya aimon'e'me. Tolanañ'moñtsi. Xonca toñtale'mola', toñmujle a'ijc'a lo'epa.

12 Iñiya juaiconapa axujc'a iñe lo'epa lemiya, ni aimi'iya mañnescoyacu.

13 Ja'ni lepalc'o' tepalc'o'iña' lemiya, iñe ti'huájta, timuj'moxi te ts'i'ic' mipa'a. Toñta'a lo'iya ja'ni añtale'mola' iñe no'epá al xujc'a. Iñe lixcay timuj'moxi te ts'i'ic' mipa'a.

14 Mane lepalc'o' tepalc'o'i'ma lemiya. Toñiya al Paxi Linilingiya tuya'e': Aimi'hua moxmai'ma, tomaf'iña'.

Totsahuenni, taipanni, topo'notsola' lof'as xanuc', iñe no'onñcospola' to li-manapola'.

Tijouña' Cristo tepalc'o'i'mo'.

15 Toñpo'noñe cuenna, moluyalaicoyi lapajnya tolihuejle al c'a. Joupa epi'impolhuo' loñpicuejma', aimoñ'e'moñtsi to lan mac'ta.

16 Iña'a litiné ipime. Ja'ni ti'i'ma tonñ'e'me al c'a, ne' tonñ'eñe. Aimoñ'huaico'me.

17 Aimonñ'e'moñtsi to lan tonno. Ti'iña' coñsina' te ts'ipic'a ñañPoujna. Toñta'a tonñ'e'me.

18 Aimoñsnatsai'me vino. Ja'ni toñsnatsaiyi timeyoj'molhuo'. Tijouña' tonñ'e'me nixpiya. Xonca toñapi'iñe lane cal Espíritu Santo ti'hua micuxelhuo' loñpicuejma'.

19 Toñta'a toñpalaic'o'moñtsi al c'a. Toñes'me lan salmo, lan himno, lan alabanza. Jiñpe toñunxajma' toñunac'me, toñunac'co'me ñañPoujna.

20 Itine itine moñ'huaiyijnyi Jesucristo ñañPoujna, ma moñnesyi iñque lipuftine, toñ'najtsi'iñe ñanDios, iñque oñ'Ailli'. Ja'ni ac'a lo'ipolhuo', ja'ni a'ijc'a, ma' anuli toñ'najtsi'iñe.

21 Imanc' toñcuc'eyi Cristo. Jouc'a toñcuc'etsoñtsi.

22 Imanc' unc'apenoye, anuli anuli tolihuejcoñe toñpe'ailli'. Toñta'a tolihuejco'me ñañPoujna.

23 Ñaca'no' iñpe'ailli' tocomma to ijuac. Toñta'a cal xans ti'onñcospa to Cristo. Il-lanc' nalafot'ñeponga' ñanDios, Cristo añjuac. Iñque alunñu'eponga' illanc' icuerpo.

24 Toñiya lihuejcoyi, añcuxenga'. Ma' anuli ñañpimaye cacañ'no', tucuicomma anuli anuli tihuejcoña' iñpe'ailli'.

25 Illanc' nalafot'ñeponga' ñanDios, Cristo añ'eponga' capic'a. Ma' anuli imanc' cunc'ape'ailli', tonñ'etsola' capic'a loñpenoye. Cristo mañ'enga' capic'a icupoxi tima'anñe, i'najtsepa ñañjunac'.

26 Ipic'a añ'e'etsonga' ma' i'huexi ñanDios. Toñta'a latufc'eponga' ñañpicuejma' iñe litine lalapo'icomponga' aja' mañ'eyi linca litaiqui' ñanDios.

27 Toñta'a añanc'e'enga' ñañpicuejma'. Ti'iña' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', toñta'a lapenuftonga' Cristo, illanc' nalafot'ñeponga' ñanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'iya minesconyacu. Toñta'a añ'onñcotonga', lapenuftonga'.

28 Imanc' cunc'ape'ailli', ma to toñsinyi acuanuc' loñcuerpo, ma toñta'a tonñ'etsola' capic'a loñpenoye. Toñsintsola' acuanuc'la. Cal xans noximpa acuanuc' iñpeno, ma' anuli tixinyoxi acuanuc'.

29 Anuli cal xans, ¿te ja'ni ti'e'maj laic' licuerpo? A'i. Aimi'iya. Añes'miyi ñañcuerpo, añ'eyi cuenna. Ma toñta'a añ'enga' cuenna Cristo, illanc' nalafot'ñeponga' ñanDios.

30 Illanc' icuerpo Cristo. Añ'onñcosponga' to limane', li'mitsi', y tojua mipa'a ñañcuerpo. Anuli ñañpixic', ñañpecañ.

31 Toñiya al Paxi Linilingiya tuya'e':

Cal xans tipo'no'mola' quiñtuca' qui'ailli' qui'máma', tejonñ'i'moñtsi anuli iñpeno.

Īne loquexi' ti'i'mola' ma' anuli, anuli al cuerpo.

³² Aĭnca acueca' ipime ĩe lataiqui'. A'i ma le'a anuli loya'apa. ĩe lataiqui' aĭnesconga' illanc' petsi nalafot'leponga' ĒanDios, illanc' icuerpo Cristo.

³³ Ēinca ĩta'a laifxc'ai'ipolhuo' a'i quipime cataiqui'. Camilhuo': Imanc' jouc'a, anuli anuli, tonĭ'etsola' capic'a loĭpenoye. Ma to tonĭ'eyoĭtsi cuenna imanc' coĭtuca', ma toĭta'a tonĭ'etsola' cuenna ĩniya. Imanc' cunc'apenoye, tolihuejcoĭtsola' loĭpe'aillí.

6

¹ Imanc' unc'a'uhuyay, toĭcuc'etsola' loĭ'aillí. ĩe ac'a cataiqui'. Ma moĭ'huaijnyĭ laĭPoujna ipic'a tonĭ'ele toĭta'a.

²⁻³ ĒanDios ticuxe: “Taihuejco'mola' co'aillí, co'máma'. Totoc'i'mola'.” Jouc'a icupa cataiqui' ticua: “Ja'ni to'eĭa' toĭta'a toyaico'ma al c'a. Ticoĭ'mo' axpe' camats' topajm'ma fa'a li'a ĩamats'.” A'i'a tines'ma toĭta'a ĒanDios ailopa'a quicuapa: “Ja'ni to'eĭa' ĩe laifcuxe'epo' toyaico'ma al c'a”. ĩe lataiqui' al te'a loya'apa toĭta'a.

⁴ Imanc' unc'a'aillí aimolapi'i'mola' coyac' loĭmaxque'. Toĭ'etsola' cuenna, toĭsc'ai'itsola', tolu'itsola' te ts'i'ic' al c'a lo'eyacu. Ja'ni a'ijc'a lo'epa, toĭtaletsola'. Toĭmi'moĭtsi: “ĒaĭPoujna, ¿te co'eya? O ¿te conesya ĩque?” Toĭta'a tonĭ'e'me.

⁵ Imanc' cunc'imozó, tolihuejcoĭtsola' loĭpoujnalá. Tama ĩne oĭ'as xanuc' aimoĭ'nof'e'moĭtsi. Tolahue'me latentcoyacola'. Aimoĭfel'mi'mola', toĭcuc'etsola'. Ma to moĭcuc'eyi Cristo, ma toĭta'a toĭcuc'e'mola' ĩniya loĭpoujnalá. Toĭmi'moĭtsi: “Ma cacuec'e ĩque ĩaĭpoujna tocomma to cacuec'e Cristo”.

⁶⁻⁷ Tama tipa'a loĭpoujnalá fa'a li'a ĩamats' imanc' imozó Cristo, tonĭ'eyi loxpicepa ĒanDios. Toĭiya aimoĭ'onĭico'moĭtsi to ĩniya lo'eyacu canic' ma le'a mehuelongila' ĩĭpoujna. ĩne tifeĭlaiqueyi, aimi'eyi latentcocopa ĩĭpoujna. Imanc' jahuay ĩolunxajma' tixojla' cunlata tonĭ'ele canic', tonĭ'ele latentcocoya ĩaĭPoujna.

⁸ Imanc' joupa oĭsina' lo'iyaya. Petsi no'epá al c'a, ja'ni amozó o ja'ni apoujnalá, maĭe al c'a, acueca' o ahuata, tepi'icona'mola' ĩaĭPoujna.

⁹ Joupa aixc'ai'ipola' lam mozó, ti'ĭta' liĭ'ejma' to lo'iyaya liĭ'ejma' lan c'a mozó. Ma' anuli laifxc'ai'ipolhuo' imanc' unc'apoujnalá. Camilhuo': Ti'ĭta' loĭ'ejma' to lo'iyaya liĭ'ejma' lan c'a capoujnalá. Aimoĭjaic'ocona'mola', toĭsnet'ĩe. Toĭ'nujuaitsa ĩoĭPoujna, ĩque Nopa'a ĩĭpe lema'a. ĩque oĭPoujna imanc' jouc'a ĩniya. Tixinnilhuo' jahuay anuli, ja'ni amozó ja'ni apoujnalá.

¹⁰ Jahuay imanc' camilhuo': Tipangoĭa' ĩtsiya aimitafqueconayacolhuo'. Joupa epenufpolhuo' ĩaĭPoujna, acueca' icueya limane ĩque, acueca' lo'epa.

¹¹ Toĭ'onĭicotsoĭtsi to lan soldado, ĩne ĩsoldado ĒanDios. Toĭpo'notsoĭtsi loĭpa'necoyacoĭtsi, ĩe lapi'ipolhuo' ĒanDios. Toĭta'a toĭcuanajco'moĭtsi, ĩonta'a Satanás aimi'iyaya muliyacolhuo'. Tama juaiconapa a'ijc'a ĩpicuejma', tama tehuay te co'e'eyacolhuo', aimi'iyaya mi'eyacolhuo'.

¹² ĩĭpe lema'a, xonca al 'ocay, timana' lixcay contahue. ĩne icueya liĭmane, ticuxeyi. Ticuxennila' lan tsila' quincuxepa nomana' fa'a li'a ĩamats', ĩne ĩncuxepá petsi amuf ĩĭpicuejma'. Aĭ'onĭiyoyĭtsi cafxi lontahue, a'ĭ laĭ'as xanuc'.

¹³ Toĭiya camilhuo': Tolapenufle jahuay lapi'ipolhuo' ĒanDios, toĭpo'no'itsoĭtsi. Ticuaitsi litine xonca ipime toĭcuanajco'moĭtsi. Aimulijconayacolhuo'. Tijouĭa' lafuleya ti'hua toĭcuanajco'moĭtsi.

¹⁴ Camilhuo': Ate'a toĭpo'no'itsoĭtsi jahuay lapi'ipolhuo' ĒanDios. Tola-caxoĭaĭle, toĭcuanajcoĭtsi. Toĭpo'no'itsoĭtsi jahuay ĩna'a laicuicomma cal soldado. ĩque ipic'a tifi'ecoxoxi. ĩe lohuocopoxi tepi'ĭ ĩĭpujfxi. Imanc' loĭnespa al ĩnca ti'onĭocospa to loĭhuocoyoyĭtsi, lapi'ipolhuo' loĭpujfxi.

Jouc'a tipa'a licoraza. Ma' anuli imanc' tipa'a lołcoraza. He al hijca lonł'epa, tipa'ne lolunxajma'.

¹⁵ Tipa'a lic'ejí, ti'huała' o tecaxla' al c'a. Aimixcaiya, aimipaif'quiya. Jouc'a imanc' tocomma to tipa'a al c'a lołc'ejí. Imanc' Lataiqui' lolapenufpa, iłe tuya'e': "Aimołsueł'mecona'me. LanDios aimixtuc'oconayacolhuo'." He Lataiqui' joupa ifa'epolhuo' lołpicuejma'. Lonta'a Satanás aimipaif'eyacolhuo'.

¹⁶ Jahuay iłna'a cal soldado tixhuico'ma. Jouc'a ticuicomma ti'nołła' li'escudo, tipa'neco'moxi al c'a. Imanc' iłe loł'huaiyijmpa Jesucristo ti'onłcospa to col'escudo. Teca'nitsola' łepof' lonajpola' lixcay conta'a Satanás, iłe loł'escudo tipic'e'mola'. Tijouła' ailopa'a co'eyacolhuo'.

¹⁷ Jouc'a tipa'a liasco, lopa'necopa łijuac. Imanc' moł'nujuaisyi tunłu'e'molhuo' Cristo tocomma to tipa'a lołcasco.

Jouc'a tipa'a loł'espada. He Litaiqui' LanDios, loxhuicopa cal Espíritu Santo.

¹⁸ Camilhuo': Tołta'a tołacaxołaııe, tołcuanajcotsolıısi, ti'hua tołpalaic'ole LanDios. Ti'hua tołsa'huełe titoc'itsolhuo'. Ja'ni tołuyalaicoyi al c'a o a'ijc'a loluyalaicopa, tołpalaic'ole LanDios. Tołmııe lomipolhuo' cal Espíritu Santo. Tołpo'nołe cuenna. Aimixojtolhuo', ti'hua tołpalaic'ole LanDios. Tołsahue'ele titoc'itsola' jahuay lołpimaye, iłne jouc'a i'huexi LanDios.

¹⁹ Mołsa'hueyi tołta'a, tołsa'huełe LanDios altoc'ııa' iya'. Lapi'ııa' laifnesya. Tołta'a ma cuya'e' aimalahue'eya lataiqui'. Tixoj'ma neta cuhuałna'ma Lataiqui'. Lan xanuc' ti'ııa' quıısina' te ts'i'ic' loya'apa iłe lemiya jııpe Lataiqui'.

²⁰ Iya' epaluc Jesucristo. Alummepa cuya'ala' iłe lataiqui'. Petsi ai-quetenłcocola' iłe laifnuya'apa altats'ecopa. Toliya alfi'ecompa atejma'. Cacia: Tołsahue'ele LanDios lapi'ııa' laifnesya. Tołta'a aicaxinya calaic'ata. Ma to ts'ııpic'a LanDios, tołta'a capalaııa'.

²¹ Cacia: Ti'ııa' colıısina' jouc'a te ts'i'ic' iya' laifnuyaicopa fa'a. Toliya ti'hua'ma Tııquico. Iłque łacaipima, ac'a ti'ay lanic' lepi'ııpa łalPoujna, tu'itolhuo' jahuay łal'ııpa.

²² Cumme'ma tu'itsolhuo' te ts'i'ic' małmana'. Tixpai'itsolhuo' cunlata.

²³ LanDios cal'Aııli', jouc'a łalPoujna Jesucristo tipac'e'etsola' liłpicuejma' lapi-maye nomana' jııpiya. Titoc'itsola' ti'entsołıısi capic'a, ti'hua ti'huaiyijnle.

²⁴ Iłne petsi aimipai'ııyołıısi, ti'hua ti'eyi capic'a łalPoujna Jesucristo, LanDios tipaxnetsola', titoc'itsola' jahuay iłniya.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' FILIPOS

¹ Illanc', iya' ninPablo y Timoteo, ał'eyi lipenic' łatPoujna Jesucristo. Itsiya linił'elhuo' imanc' unc'atpimaye nołmana' liłya' Filipos. Imanc' i'huexi Jesucristo. Ma' anuli linił'ela' lołpimaye noxpipá lataiqui' jilpiya, jouc'a lapimaye notoc'impola'.

² ŁanDios cał'Ailli', y Jesucristo łatPoujna, tipaxnetsolhuo', tipac'e'etsolhuo' lołpicuejma'.

³ Ma ca'nujuaitsilhuo' iya' ninPablo cax'najtsi'i ŁanDios.

⁴ Ma capalaic'o ŁanDios aicainimenc'ecolhuo'. Tixoqui neta ti'hua caxahue'e titoc'itsolhuo'.

⁵ Tixoqui neta ca'nujuaitsilhuo' imanc'. Ma colihuejyi Lataiqui' loya'apa loxpicepa ŁanDios tołejmaleyi al c'a. Tołta'a ipangopa lonł'epa małe litine lolapenufpa Lataiqui'. Itsiya ma' anuli tonł'eyi.

⁶ ŁanDios joupá ipangopa tilanc'e'elhuo' imanc' lołpicuejma', ti'ila' ac'a. Iya' ca'huaiyinge ilque. Cacia: Ma ti'hua tilanc'e'elhuo' lołpicuejma'. Ticuaiconanni Jesucristo, ilē al Cueca' Quitine, ti'huájta joupá i'ipa nulemma ac'a lołpicuejma'.

⁷ Aixina' ałınca titoc'i'molhuo' tołta'a ŁanDios. Aicafel'miyoxi. Itine itine ca'nujuaitsilhuo'. Tocomma ałmana' anuli. Tama ałtats'iya ŁanDios ałtoc'i, ałtoc'i ma catalai'ejma Lataiqui', camuqui ma' al linca ilē Lataiqui'. Ałtoc'inga' anuli, iya' imanc'.

⁸ ŁanDios ixina' te ts'i'ic' laipicuejma'. Ixina' ca'nujuaitsilhuo' juaiconapa. Ma to Jesucristo ti'elhuo' capic'a, ma tołta'a iya' ca'elhuo' capic'a.

⁹ Ma capalaic'o ŁanDios caxahue'e titoc'itsolhuo', itine itine ti'etsoltsi capic'a xonca, ti'ila' xonca acueca' lołpicuejma', xonca tołcuc'ele.

¹⁰ Tołta'a aimolapenufyacu jahuay ma' anuli. Ti'i'ma cołsina' petsi al c'a petsi a'ijc'a. Ja'ni tołta'a titoc'i'molhuo' ŁanDios a'i ma le'a monł'e'eyacołtsi, ałınca tonł'e'me pangay al c'a. Aimi'ya mitac'uinyacolhuo' cajunac'. Tołta'a tixim'molhuo' litine ticuaicohuananni Jesucristo.

¹¹ Jilpe litine tołmuj'moltsi ac'a lołpicuejma' lilanc'enapa Jesucristo. Tołmuj'moltsi juaiconapa ac'a lonł'epa mołmana' fa'a li'a łamats'. Tixinim'me juaiconapa ac'a ŁanDios, tix'najtsi'i'me.

¹² Cunc'aipimaye, aipic'a ti'ila' cołsina' te ts'i'ic' li'ipa fa'a. Ma catełma ipammaita al c'a. Xonca axpela' lan xanuc' icuejpa Lataiqui'.

¹³ Jifa'a jahuay lisoldado cal cuecaj quincuxepa, jouc'a locuenaye xanuc', ilšina' te całfi'ecompa ilē cadena catejma'. Ilšina' iya' cuya'e' litaiqui' Jesucristo.

¹⁴ Jouc'a lapimaye nomana' fa'a liłya', ilne no'huaiyijmpá łatPoujna, lałsimpa iya' ałfi'ecompa acadena catejma', xonca axpela' ihniya ipo'no'me liłpicuejma', tuya'ayi Lataiqui'. Aiquilšina' caxpaiqui'.

¹⁵ Linca tilmana' nalixtuc'opa tuya'ayi Lataiqui'. Ihniya mane ał'e'e laic'. Ilpic'a lulijla'. Locuenaye a'i tołta'a lił'ejma'. Ilne tehueyi latentłocopa. Ilpic'a ałtoc'ila'.

¹⁶ Ilne ał'ay capic'a. Ilšina' ma ŁanDios lapi'ipa laimane cuya'ala' Lataiqui'. Limetsaijma tołta'a laipenic'.

¹⁷ Lalixtuc'opa ituca' ilne lił'ejma'. Ilpic'a ti'e'etsoltsi to xonca lan tsila'. Ilne a'ij nuli liłpicuejma'. Aimi'eyi ma le'a lipenic' ŁanDios. Ałsimpa ałfi'ecompa acadena catejma', tehueyi te co'iya mi'eyacu ti'ila' xonca acueca' laiftełcoya.

18 Itsiya, ¿te caifcuaya? Ja'ni ma le'a ti'e'eyo'tsi o ja'ni ma ti'eyi lipenic' LanDios, jahuary ihniya tipalaicoyi Cristo. Toliya iya' tixoqui neta. Linca aicaxhuelmot'leconaya iya'.

19 Imanc' tohsahue'eyi LanDios ahtoc'ila', tohiya itine itine caxingufi hi'Espíritu Jesucristo, lapi'i caipujfxi. Toliya aixina' LanDios ahpaxne'ma, alunhu'e'ma. Tama ti'i'ma la'e'anya ailopa'a cal'iya.

20 Ma capa'a fa'a li'a lamats' aipic'a camuj'ma acuajmaica te ts'i'ic' lipicuejma' Cristo. Cacia: Lahuelojnla' iya' lai'ejma', timetsaicole naitsi ihque Cristo. Linca, tohta'a li'ipa. Cacia: Ti'hua ti'ila'. Ca'huaiyinge LanDios, aixina' ti'i'ma tohta'a. Ja'ni ti'hua capajnl'a o alma'anla', ma' anuli camuj'ma te ts'i'ic' Cristo lipicuejma'. Tohta'a aicataiya calaic'ata.

21 Ma caimaf'i' fa'a li'a lamats' ma le'a Cristo a'cuxe laipepajnya. Ja'ni a'ama', xonca al c'a cuyaico'ma.

22 Linca, ja'ni ti'hua capa'a fa'a li'a lamats' ca'e'ma al c'a xonca. Itsiya, ¿te caifcuaya?

23 Caxhuelma, oque' laipicuejma'. Aipic'a ca'huanla', capajn-nata pe lopa'a Cristo. Jilpe cuyaicota xonca al c'a.

24 Tama tohta'a laipic'a, aixina' xonca ticuicomma capajnl'a fa'a li'a lamats'. Ma capa'a ti'i'ma catoc'i'molhuo' xonca imanc'.

25 Ne', aixina' tohta'a ticuicomma. Toliya cacua: Capanenni fa'a li'a lamats'. Ti'hua al'e'me canic' anuli. Tohta'a xonca tixoj'ma cunlata molihuejyi Lataiqui', xonca tolcuec'e'me.

26 Juaiconapa tixoj'ma cunlata lapenufta cacuaicontsi pe lohmana' imanc'. Tohs'najtsi'i'me Jesucristo.

27 Ma capa'a fa'a ma le'a anuli lataiqui' caxc'ai'i'molhuo', camilhuo': Ti'ila' al c'a lo'ejma'. Toh'nujuaisle tolihuejyi Lataiqui', ile itaiqui' Jesucristo. Tijoula', ja'ni cacuaicontsi cahuejnconatsolhuo' jilpe, o ja'ni ti'hua fa'a caifpa'a, ti'i'ma caixina' imanc' aicolpai'i lo'picuejma', cal Espíritu Santo i'epolhuo' anuli, ma' anuli lo'picuejma'. Ti'i'ma caixina' tipa'a lo'pujfxi, tohp'a'necoyi Lataiqui', ile lataiqui' lo'huaijijmpa.

28 Ja'ni tohta'a lonh'epa, ihne no'epolhuo' laic' aimi'iya mixpaic'eyacolhuo'. Ma mi'elhuo' laic' LanDios timuqui te ts'i'ic' lo'iyacola' ihne. Jouc'a timuc'ilhuo' imanc' te lo'iyacolhuo'. Ihniya tecani'em'mola'. Imanc' tunhu'em'molhuo'.

29 Alinca LanDios ipaxnepolhuo'. Tohta'a a'i ma le'a tol'huaijijnyi Cristo, jouc'a tohtecoyi ma colihuequi ihque. Tohta'a tohsinyi alinca tunhu'e'molhuo'.

30 Imanc' iya' ahtecoyi. Capa'a jilpe ahsimpa laiftehcopa. Itsiya tama aimasina tolcuejyi ma ti'hua cateh'ma.

2

1 Cristo joupa lapenufponga', tohiya ahtc'ai'inga', alixpi'inga' calata mal'enga' capic'a. Cal Espíritu Santo aht'eponga' anuli la'picuejma', aht'nujuaitsila' la'pimaye, ahtsinnila' acuanuc'la.

2 Itsiya camilhuo': Ja'ni tohta'a lo'picuejma', imanc' aimolixtuc'o'mo'tsi, tohtetsotsi capic'a, ti'itsolhuo' anuli lo'picuejma'. Iya' tohiya lixoc'i'ma neta nulemma.

3 Aimolpic'e'me monh'e'me to lo'pic'a. Aimolcua'me: "Ahtsinla' iya' xonca ninc'a xans". Tohtoc'e'mo'tsi. Xonca tolcua'me: "Iya' ninaitsi, ihque laipima xonca ac'a xans".

4 Tolahuele te co'iya mohtoc'iyaco'tsi. Aimolcua'me: "¿Te co'iya catoc'iyacoxi iya' caituca'?"

5 Imanc' lo'picuejma' ti'ila' to lipicuejma' Jesucristo.

⁶ Ai'a tipango'ma li'a lamats', ma tipa'a Cristo. Itque i'Hua LanDios. LanDios qui'Ailli' ma' anuli litsans. Itque Cristo aikuinesqui: "Iya' ma NanDios. Matpe capanehuo."

⁷ Ai' tohta'a licuapa. Itque i'oc'e'moxi, ipai'i'moxi lixans. I'e'e'moxi imozo LanDios, i'onhico'moxi to illanc' ninc'ixanuc'.

⁸ Limuj'moxi axans, xonca i'oc'e'moxi. Ti'hua tihuejcojma LanDios jahuay locuxe'epa. Aiquicuanajyoxi. Icu'moxi tima'anle jilpe lancruz. Ie a'i al c'a camaya, tohta'a loma'acompola' lixcay xanuc'.

⁹ Toliya LanDios if'ac'e'ma xonca al toncay. Epi'i'ma nulemma lipuftine. Acueca' ihe laftine. Xonca acueca' o xonca ac'a laftine ailopa'a.

¹⁰ Tohta'a lecu'ipa LanDios ticua: "Jahuay timetsaicole naitsi itque Jesús. Ihe nomana' lema'a, ihe nomana' li'a lamats', ihe nomana' joupa lemimpola' lamats',

¹¹ jahuay tinesle: Jesucristo aInca aPoujna." Ti'ila' tohta'a tixinim'me acueca' LanDios ca'Ailli', tixinim'me acueca' ac'a lo'epa.

¹² Cristo aInca ihuejco'ma LanDios. Imanc', cunc'aipimaye, jouc'a tolihuejco'me. Ti'hua tolihuejco'me. Toliya LanDios tunhu'e'molhuo'. Tonl'etsoltsi cuenna, acueca' totpaic'ete LanDios. Ti'ila' tohta'a ma matmana' anuli, jouc'a tama ailafpa'a jilpe, tonl'ete ihiya.

¹³ Linca, imanc' coltuca' aimi'iya molihuejcoyacu LanDios. Matque LanDios tilanc'e lohpicejma', timuc'i'molhuo' te ts'i'ic' latencocoya, tepi'i'molhuo' lohpjfxi tonl'ete tohta'a.

¹⁴ Ja'ni ticuxe'entsolhuo', timitsolhuo': "Tonl'ete", tonl'ete nulemma tixojla' cunlata. Aimolixtulecu, aimofuleco'me cataiqui'. Aimotalai'ot'le'me. Aimolcua'me: "¿Te caif'ecoya tohta'a?"

¹⁵ Ja'ni tolihuejle ihe laimipolhuo' ti'i'ma ma le'a ac'a lonl'ejma', aimi'iya micufquinyacolhuo'. Tohmuj'moltsi imanc' inaxque' LanDios. Aimi'onlcoyacolhuo' lof'as xanuc', ihe a'ij hijca lo'epa, etelquemma lihpicejma'. Xonca ti'onlcololhuo' to lan xamna. Mi'i'ma lipuqui' ihiya tulif'eyi pu'hua lema'a.

¹⁶ Tohta'a lo'onlcospolhuo' moluya'ayi, molu'iyaleyi Lataiqui'. Ihe Lataiqui' tuya'e' te ts'i'ic' mulijyacu lihpitine aimijouya. Ja'ni ti'ila' tohta'a lo'ejma', tixoj'ma neta capalaico'molhuo' al c'a ihe litine ticuaiconanni Cristo. Jilpe litine caxim'ma aInca ipammaita laipenic', laitelcopa.

¹⁷ Fa'a li'a lamats' ma ca'ay lipenic' LanDios tipa'a laiftsufcoya. Ihe laiftsufcoya imanc' nolapenufpá Lataiqui' lainuya'apa jilpe. Cami LanDios: "Toxinla', iha'a oxanuc'".

Ja'ni ticuicomma catsufcoxoxi jouc'a, ja'ni ticuicomma alma'anla', ne', tohta'a ti'ila'. Ma mixcuajaiquemma laijuats' cax'najtsi'i'ma LanDios, ca'nujuaistolhuo' imanc' lolapenufpa Lataiqui'. Cami'molhuo': Ac'a ihe lonl'epa.

¹⁸ Imanc' jouc'a tols'najtsi'i'me LanDios, ma' anuli als'najtsi'i'me.

¹⁹ Itsiya ma ca'huaiyinge laPoujna Jesús, cacua: "Lapi'i'ma lane cumme'ma Timoteo". Aimicol'ma ti'huala' pe loimana'. Itque ticuaainanni fa'a alu'i'ma te ts'i'ic' molmana'. Tohta'a aicaxhuelmot'leconaya, tixpi'i'ma neta.

²⁰ Jifa'a ailopa'a cocuena capima lo'onlcoya to Timoteo. Itque linca ti'nujuaitsilhuo'. Ipic'a tuluyalaife al c'a jahuay imanc'.

²¹ Locuenaye nomana' fa'a, ituca' ihe lihpicejma'. Xonca ti'nujuaisyołtsi ihe quiltuca'. Aimi'nujuaisyi Jesucristo lipenic'.

²² Imanc' joupa olimetsajma Timoteo. Itque joupa imujpoxi te ts'i'ic' li'ejma'. Iya' ma to i'ailli', itque to ai'hua, afejmalepa. Al'epá canic' anuli, aluya'apá Lataiqui'.

²³ Toŕiya cumme'ma Timoteo. Cacia: Ate'a ca'huaico'ma caxim'ma te ts'i'ic' laifnuyaicoya fa'a. Tijouŕa' ti'hua'ma iŕque.

²⁴ Tama camilhuo': "Aimicoŕya cumme'ma Timoteo", ca'huaiyinge ŒanDios lapi'i'ma lane iya' jouc'a ca'hua'ma jŕpe pe loŕmana'.

²⁵ Itsiya cummena'ma Epafrodito, ti'huanŕa' jŕpe. Illanc' aŕinca ninc'apimaye. Ma' anuli aŕ'eyi lanic'. Illanc' aŕ'onŕcosponga' to isoldado Cristo. Illanc' aŕfuli'iyi lixcay. Iŕque Epafrodito ŕolapaluc, olummepá fa'a aŕtoc'iŕa', lapi'iŕa' lalahue'epa.

²⁶ Iŕque juaiconapa ti'nujuaitsilhuo'. Ipic'a tixintsolhuo'. Tixhueŕmot'ŕe. Ixina' joupa imimpolhuo': "Extafpa ŕolpima Epafrodito".

²⁷ Œinca extafpa. Coŕa' tima'ma. ŒanDios ixim'ma acuanuc', aikuimac'. Aŕi ma le'a iŕque ixim'ma acuanuc' ŒanDios, jouc'a aŕ'nujuaitsi iya'. Aŕsimpa cateŕma fa'a, toŕiya aŕtoc'ipa. Ticua: "Aimixhueŕmot'ŕecon'a'ma Pablo".

²⁸ Epafrodito ticuaiti jŕpe toŕsinnatsoŕtsi imanc' tixojnata cunlata. Iya' jouc'a a'ij tine caxhueŕmot'ŕeconaya. Toŕiya xonca aipic'a cummena'ma. Cacia: Aimicoŕ'ma. Ti'huanŕa'.

²⁹ Camilhuo': Tolapenufnaŕe ixojma cata. Iŕque jouc'a oŕpima. Ma' anuli toŕ'huaiyjny iŕaŕPoujna Cristo. Tolimetsaicoŕe. Jouc'a tolimetsaicotsola' jahuay iŕne no'onŕcospola' to Epafrodito.

³⁰ Iŕque coŕa' tima'ma. Aiquixina' acuanuc' lipitine, aŕtoc'ipa. Imanc' lumme'epa caitomi. Imanc' aiqui'ic' cunŕouya. Toŕiya Epafrodito ticua: "Iya caituca' catoc'i'ma ŕaipima Pablo".

3

¹ Cunc'aipimaye, itsiya ti'hua ticula'a'ma iŕe coŕje'e. Camilhuo': Toŕ'nujuaisle ŕaŕPoujna li'epa. Toŕta'a tolixoc'i'moŕtsi cunlata. Ma caxc'ai'ilhuo' toŕta'a iya' aicaixina' juisquitine. Imanc' ja'ni tolihuejle iŕe laitaiqui' aimimenajyacolhuo'.

² Caxc'ai'ilhuo': Toŕpo'noŕe cuenna lixcay xanuc', iŕne no'onŕcospola' to lan xujc'a quinnejja. Ticuxe'enai'ilhuo' toliŕuac'etsoŕtsi. Tu'ilhuo': "Toŕ'etsoŕtsi circuncidar, toŕta'a tepenuf'molhuo' ŒanDios". Camicon'a'molhuo': Toŕpo'noŕe cuenna iŕniya.

³ Œi'Espŕitu ŒanDios aŕmuc'inga' te ts'i'ic' malihuejyacu. Tixoqui calata aŕ'nujuaisyi li'epa Cristo. Aimaŕ'nujuaisyi ja'ni latec'emponga' laŕpixic' o a'ŕ. ŒanDios joupa lapenufponga', aŕsinninga' ixanuc'.

⁴ Iya' ŕinca nipajnya canesla': "Joupa latec'empa laipixic'. Aŕ'empa circuncidar." Iŕne pe nocuapá toŕta'a ti'huaiyjny iŕe li'empola' jŕpe liŕpixic'. Ne', iya' nipajnya culij'mola'.

⁵ Iya' laipajntsi lixhuaiti apaico quitine aŕ'enghuo'ma circuncidar. Lai-tatahueló ixanuc' Israel. Benjamín i'hua Israel iŕtatahuelo iŕniya. Lai'aillí a'hebreo, tipalaiyi liŕtaiqui' a'hebreo, iya' jouc'a nin'hebreo. Ma to quilihuequi licuxepa Moisés iŕne lan xanuc' fariseo, iya' jouc'a nihuejpa iŕe laitaiqui', jouc'a ninfariseo.

⁶ Iya' acueca' aijanaj'ma ca'eŕa' lipenic' ŒanDios, toŕiya aiteŕ'mi'mola' lan xanuc' lefoŕ'ŕepola' ŒanDios. Jahuay locuxepa litaiqui' Moisés ainihuequi, jŕpe ailopa'a caijunac'.

⁷ Toŕta'a aiximpoxi ninc'a xans. Cacia: "Iya' canant'ŕi. ŒanDios lapenufi." Lijoupa lainimetsaicopa Cristo aiximpa aimaŕtoc'iya ni anuli laif'huaiyjmpa. Aixpic'epa nimenc'ecopa jahuay iŕiya.

⁸ Ma' anuli itsiya, ti'hua quimenc'ejma, ti'hua caxina aimaŕtoc'iya ni anuli iŕiya. Aimi'iya mi'onlicoya to al cueca' al c'a laŕ'ipa, lainimetsaicopa Cristo. Lainihuejpa iŕque nejac'epa jahuay. Iya' cacia: Tejac'la' nulemma. Iŕiya li'ipa

lalatenłocopa, itsiya caxina to cal cueca' quifuc. Ma le'a aipic'a ałejmale'me Cristo, ilque aiPoujna.

⁹ Cacua: “Ałsinł'a LanDios joupa lapenufpa Cristo”. Aicanesconaya: “Iya' ninc'a xans, canant'li locuxepa LanDios, tołta'a limetsaico'ma”. A'i. Xonca cacua: Ałsinł'a LanDios ca'huaiyinge Cristo, tołta'a limetsaico'ma, lapenuf'ma to ailopa'a caijunac'.

¹⁰ Cacua: Quimetsaicoł'a xonca te ts'i'ic' Cristo lipicuejma'. Caxingufcoł'a fa'a laicuerpo al cueca' li'ipa iłe litine limaf'i'napa LanDios, lipa'anapa pe lomana' limanapola'. Jouc'a caxingufcoł'a te ts'i'ic' litełcopa Cristo. Ma catełma iya' cacua: Lai'ejma' ti'ila' to li'ejma' Cristo mima jilpe lancruz.

¹¹ Cacua: Catełcoł'a. Litine timaf'inłe, titsolinanca limanapola', lapi'inł'a laipitine aimijouya.

¹² Linca, iłe laifpalaicopa aiquenanti. Aicaixingufi jahuay iłta'a. A'i quixhueya nulemma laipicuejma', lahue'e'. Mane ti'hua quipa'e laipujfxi. Cristo joupa ixpic'epa ti'ila' tołta'a laipicuejma'. Tołta'a lahuepa. Icuai'ma pe laifpa'a. Alulijpa. Iya' cacua: “Ne', ti'ila' iłe lixp'ic'epa Cristo”.

¹³ Maicunc'aipimaye, iya' aicacua: “Joupa i'ipa”. Ma le'a cahuy ti'ila'. Aica'nujuaitsi luyaipa li'ipa. Ma capa'a fa'a li'a łamats' ca'onłicoyoxi to cal xans nainupa lane. Iya' ma quinu ca'nujuaitsi lopa'a jilpe lema'a. Ca'nujuaitsi lał'iya tijouł'a laininupa.

¹⁴ Quipa'e laipujfxi, cacua: “Cacula'ał'a. Cajou'ne'ma laipenic', iłe lalapi'ipa LanDios Nopa'a lema'a.” Litine lai'huaiyijmpa Jesucristo, LanDios ałjoc'ipa ca'ela' iłe lanic'. Cajou'neł'a, lapi'ita iłe laifnulijya.

¹⁵ Imanc' iya' ja'ni LanDios joupa lapi'iponga' lałpicuejma', ja'ni joupa ałcuc'epá, ałspic'ele ti'ila' tołta'a lałpicuejma', lał'ejma', to joupa laimipolhuo'. Imanc' petsi ituca' lołpicuejma', ma LanDios timuci' molhuo' te ts'i'ic' al c'a lonł'eyacu, ma to lijoupa lainu'ipolhuo' jilpe laipalaicopoxi iya' lai'ejma'.

¹⁶ Ma le'a cacua: “Ja'ni joupa ałcuc'eyi, ma tołta'a ał'ele”.

¹⁷ Cunc'aipimaye, jahuay imanc' tołspic'ele nulemma lihuejla' iya'. Iya' quihuequi Cristo. Ołsina' lał'ejma' illanc', iya' y laif'as lin'epá canic'. To-lahuelojntsola' iłne no'epá tołta'a. Tolihuejtsola'.

¹⁸ Joupa axpe' ainu'ipolhuo' timana' petsi ituca' lił'ejma'. Itsiya capalaicoona'mola'. Ma ca'nujuaitsila' iłniya cajoqui. Iłne muyalaicoyi lapajnya aimi'nujuaisyi Cristo litełcopa jilpe lancruz. Tocomma ti'eyi laic' lencruz.

¹⁹ Iłne aimunłyacu, tecani'mola' nulemma. Aimihuejcoyi LanDios, mane tihuejcoyi liłcu'u lojanajpa. Aquilina' calaic'ata iłe lił'ejma'. Xonca tixoqui quileta tuyalaicoyi tołta'a. Ma le'a ti'nujuaisyi lopa'a fa'a li'a łamats'.

²⁰ Illanc' ituca' lał'ejma'. Ał'nujuaisyi lałpiłya' lopa'a lema'a. Jilpe ti'huayohuo Nalunł'eyacongá, iłque Jesucristo. Ał'huaicoyi ticuaiyunni.

²¹ Ałpai'i'monga' illanc' lałcuerpo. Małmana' fa'a li'a łamats' ałtełcoyi jouc'a lałcuerpo. Cristo, Nopa'a lema'a, iłque licuerpo i'ipa ituca'. Tołta'a timujyoxi acueca' icueya limane lepi'ipa LanDios. Ti'hua limane ticuxela' jahuay. Jahuay tixinguf'me iłta'a limane, tihuejco'me. Tołta'a ti'i'ma ałpai'i'monga', lałcuerpo ti'ila' to licuerpo iłque.

4

¹ Ma ca'nujuaitsi tołta'a lał'iyaconga', caxc'ai'iconalhuo'. Joupa aimipolhuo' te ts'i'ic' monlihuejyacu lałPoujna Jesucristo. Itsiya camilhuo': Tołpo'nołe lołpicuejma' ti'ila' tołta'a lonlihuejyacu. Ałınca ca'elhuo' capic'a, imanc' illanc' ninc'apimaye. Ca'nujuaitsilhuo' juaiconapa. Litine ticuaicoconanni lałPoujna ałmajnta anuli, łte xonca al c'a lalapi'iya LanDios? Ma' imanc' lixoc'i'ma neta.

² Cunc'aipimaye Evodia y Síntique, camilhuo': Imanc' unc'oquexi', ma' anuli lołPoujna. Itsiya caxa'huelhuo': Tonl'ele ma' anuli lołpicuejma'.

³ Jouc'a ima' macaipima, illanc' alinca ninc'apimaye, al'epá canic' anuli. Itsiya camihuo': Totoc'itsola' ilne lałpimaye cacal'no'. Li'ipa capa'a jilpe lołpiya' ilne laca'no' ma' anuli al'eyi canic', luya'ayi Lataiqui'. Jouc'a lałpima Clemente y locuenaye lalejmalepá al'epá canic' jilpe. Ilniya nałtoc'ipa liłpuftine inilingiya jilpiya al je'e. Ie al je'e inilingiya liłpuftine petsi nolijyacu liłpitine aimijouya.

⁴ Toł'nujuaisle lałPoujna li'epa. Tołta'a tolixoc'i'mołtsi cunlata. Camiconalhuo': Tolixoc'itsołtsi cunlata.

⁵ Tołsintola' acuanuc'la jahuay loł'as xanuc'. Tołta'a tixinim'me ac'a lołpicuejma'. LałPoujna aimicołconaya, ticuaicoconno.

⁶ Aimołsuełmot'le'me ni anulemma. Ja'ni al c'a, ja'ni a'ijc'a lo'ipolhuo', tołsahue'ele LanDios titoc'itsolhuo'. Tołpalaic'ole, tolu'ile lahue'epolhuo', tołs'najtsi'ile.

⁷ Ja'ni tołta'a loł'ejma' ma moł'huaijinyi Jesucristo, LanDios tipac'e'e'molhuo' lołpicuejma'. Aimołsuełmot'leconayacu. Tołta'a aimi'iya małpac'eyacongá lałpicuejma' illanc' całtuca'. LanDios linca nipajnya.

⁸ Cunc'aipimaye, ai'a ticula'a'ma cołje'e caxc'ai'icona'molhuo', cu'ilhuo' te ts'i'ic' moł'nujuaisyacu: Jilpe lołpicuejma' toł'nujuaisle lataiqui' ja'ni al linca, ja'ni aimilosma, ja'ni lonescopa al lijca, ja'ni pangay c'a, a'ij xujc'a, ja'ni latentococoya, ja'ni lonesconyacu al c'a. Toł'nujuaisle lataiqui' pe lonescopa al c'a lonl'eyacu, jouc'a lataiqui' petsi tixoc'i'molhuo' cunlata. Tołmi'me LanDios: "Ałs'najtsi'ihuo' ile lataiqui'". Ma ilniya lałtaiqui' toł'nujuaitsa.

⁹ Tołta'a aimuc'ipolhuo' małmana' anuli jilpe. Joupa ołsina' tołta'a lai'ejma'. Ma' anuli ołcuejpa laifnescopa, ałsimpa laif'epa. Imanc' jouc'a tolihuejle tołta'a. Ma toliya tołmajm'me anuli LanDios. Iłque tipac'e'e'molhuo' lołpicuejma'.

¹⁰ Iya' tixoqui neta cax'najtsi'i lałPoujna. Cami: "Laipimaye nomana' liłya' Filipos joupa ałtoc'iconapa". Linca aixina' imanc' li'ipa aicalimenc'ecojma, ma le'a aiqui'ic' całtoc'i.

¹¹ Iya' lainespa: "Ałtoc'iconapa", aicanescoyoxi nincuanuc'. Iya' ja'ni ac'a capa'a o ja'ni a'ijc'a, tixoqui neta cuyaijma lapajnya. Joupa nepenufpa tołta'a laipicuejma'.

¹² Ja'ni latets'i, ja'ni limetsaicojma, tixoqui neta cuyaijma. Joupa ałmuc'impa tixojco'ma neta ma caxnet'iqui jahuay. Ja'ni tuyaf'la' laifteja, ja'ni cunle'ela', ja'ni acueca' ai'hueca, ja'ni aicai'hueca, lahue'e', ma' anuli tixojco'ma neta.

¹³ Ma cainihuequi Nalapenufpa, nipajnya ca'e'ma jahuay. Małque Cristo lapi'i caipujfxi.

¹⁴ Tama tołta'a canescoyoxi, jouc'a camilhuo': Joupa onl'epá al c'a. Ie lalumme'epa ałmuc'ipa imanc' al'nujuaitsi iya' laiftełcopa fa'a. Ałsingufcoyi anuli.

¹⁵ Ca'nujuaitsi te ts'i'ic' lonl'e'me li'i'ma, ilne litiné lipangopa lolapenufpa Lataiqui'. Lainipayonni jilpe lołpiya' ma capa'a lamats' Macedonia, ca'hua'ma ocuena camats', ma le'a imanc' unc'aipimaye nołmana' jilpe liłya' Filipos, alapi'ipa. Nepenuf'ma lalumme'epa imanc', ile ałtoc'ipa. Locuenaye lapi-maye nafałyomma hilelołya' aicaltoc'i. Tołta'a ołsina'.

¹⁶ Aicuaitsi liłya' Tesalónica, ma capa'a jilpe, imanc' alumme'epa lałtoc'iya. Tołta'a lonl'epa oquemma, a'i ma le'a anulemma.

¹⁷ Linca, ile laipalaicopolhuo' imanc' lałtoc'ipa aica'nujuaisyoxi iya' caituca'. Ca'nujuaitsilhuo' imanc'. Cacia: Ti'hua tuyaf'la' lo'epa al c'a ilne laipimaye. LanDios tixinnola' i'ipa pangay c'a liłpicuejma'.

¹⁸ Jounpa nepenufpa lalumme'epa imanc'. Epafrodito lapi'ipa. It-siya aicalahue'e'. Ailopa'a caifxahue'econyacolhuo'. Aixina' xonca axpe' lai'hueca. He lonl'epa etenlcocopa LanDios. Toco'ma jounpa ohtsufcopá al c'a.

¹⁹ Linca, imanc' jouc'a aimehue'eyacolhuo'. LainenDios tepi'i'molhuo' jahuay. Ique aimehue'e', ixhueya. Imanc' jouc'a ti'hua tixhuai'ni'molhuo', ti'onlcotolhuo' to Jesucristo.

²⁰ Als'najtsi'ile LanDios, ique al'Ailli'. Ni Locuena Quitine aimijouya illanc' lals'najtsi'ipa. Ti'hua limetsaico'me acueca' ique, acueca' ac'a lo'epa. Amén. Totta'a ti'íta'.

²¹ Tolnontsola' anuli anuli laipimaye nomana' jilpe. Ine i'huexi LanDios. Ma' anuli al'huaiyijnyi Jesucristo. Tolmitsola': "Pablo tinonilhuo".

Lapimaye nomana' fa'a pe laifpa'a tinonilhuo'.

²² Jouc'a tinonilhuo' jahuay lapimaye nomana' fa'a liya' Roma, ine i'huexi LanDios. Xonca ti'nujuaitsilhuo', tinonilhuo' lapimaye nomana' lejut'l cal cuecaj quincuxepa César.

²³ Jilpe lolunxajma' tolsingufle lotoc'ipolhuo' laipoujna Jesucristo.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' COLOSAS

1-2 Iya' ninPablo, nin'apóstol, alummepa Jesucristo. Toġta'a ixpic'epa ĒanDios. Illanc', iya' y ħaġpima Timoteo, aliniġ'elhuo' imanc' i'huexi Cristo noġmana' liġya' Colosas. Imanc' alinca unc'aġpimaye.

ĒanDios caġ'Ailli' tipaxnetsolhuo', titoc'itsolhuo', tipac'e'etsolhuo' loġpicuejma'.

3 Aġs'najtsi'iyi ĒanDios, iġque i'Ailli' ħaġPoujna Jesucristo. Maġpalaic'oyi ma' aġ'nujuaitsilhuo' imanc'.

4 Toġta'a ħaġpanc'mecopa laġs'najtsi'ipa ĒanDios iġe litine laġcuejpa imanc' toġ'huaiyijnyi Jesucristo, jouc'a aġcuejpa tonġ'ela' capic'a jahuary lapimaye, iġne jouc'a i'huexi ĒanDios.

5 Anuli toġ'huaiyoyi tepi'intsolhuo' iġe al c'a li'hueca ĒanDios jiġpe lema'a. Toġiya toġ'eyoġtsi capic'a. Imanc' joupa oġsina' tipa'a iġe al c'a lapi'inyacolhuo'. Illanc' lu'ipolhuo' moġquimf'eyi al Ēinca Cataiqui', iġe Lataiqui' loya'apa al c'a lixpic'epa ĒanDios.

6 Iġe Lataiqui' icuaita pe loġmana'. Ma' itsiya tipa'a jiġpe. A'i ma le'a pe loġmana' imanc', icuaita jouc'a ni petsi li'a ħamats'. Ni petsi loya'ampa Lataiqui' ipammaita. Ti'hua tixpe'ela' lan xanuc' naihuejcopá. Al te'a quitine loġquimf'epa Lataiqui' toġta'a li'ipa, ti'hua ti'i. Joupa i'ipa coġsina' te ts'i'ic' loya'apa al Ēinca Cataiqui'. Iġe Lataiqui' inescopa ĒanDios te ts'i'ic' mitoc'ilhuo', mipaxnelhuo' imanc' noġ'huaiyijmpá.

7 Toġta'a limuc'ipolhuo' ħaġpima Epafras. Iġque, illanc' aġ'eyi laniġ' lalapi'imponga'. Aġ'huaiyijnyi Epafras. Litine litsehuo'ma jiġpe illanc' lummpá. Ma' anuli laniġ' lo'epa, iġe lalapi'iponga' Cristo.

8 Maġque Epafras lu'iponga': "Lapimaye nomana' liġya' Colosas, alinca epen-ufpa cal Espíritu Santo. Ti'eyi capic'a."

9 Laġcuejpa toġta'a aġpango'me aġsahue'e'me ĒanDios titoc'itsolhuo' xonca. Aicajsojtonga'. Ti'hua aġsahue'eyi ĒanDios ti'ila' acueca' loġpicuejma', tonġ'eġe ma latentġocoya cal Espíritu Santo. Toġta'a ti'i'ma coġsina' te ts'ipic'a ĒanDios. Aimoġnesyacu: "Iġe laif'epa, ġja'ni ac'a o a'ijc'a?" Aimi'i'ma oque' loġpicuejma'.

10 Loġ'ejma' ti'onġcota to li'ejma' ħaġPoujna mipa'a fa'a li'a ħamats'. Toġta'a toluyalaico'me. Tonġ'e'me ma le'a latentġocoya ĒanDios. Toġmuj'moġtsi imanc' ixanuc' ĒanDios. Tonġ'e'me al c'a. Imanc' joupa oġsina' te ts'i'ic' lipicuejma' ĒanDios, ti'hua tonlimetsaicoyi. Ti'hua ti'i'ma xonca acueca' iġe loġsina'.

11 Monġ'eyi al c'a, ĒanDios titoc'i'molhuo', tepi'i'molhuo' coġpujfxi. Iġque cal Cueca' CanDios juaiconapa acueca' lo'epa. Ti'e'e'molhuo' acueca' ħolunxajma'. Toġta'a toġsnet'Iġe lo'iyacolhuo'. Aimolixtuleyacu, tixoj'ma cunlata toġsnet'I'me.

12 Toġs'najtsi'i'me ĒanDios, iġque i'Ailli' ħaġPoujna Jesucristo. Joupa aġanc'eponga' laġpicuejma'. Toġta'a anuli jahuary lapimaye, iġne i'huexi ĒanDios, aġsufłaita jiġpe petsi lopa'a pangay epalc'o'. Alapi'itonga' cal c'a ħaġ'huexi.

13 Li'ipa, ma luyalaicoyi to iġniya pe amuf liġpicuejma', aiquepalc'o'innila'. Ma' anuli ħaġpincuxepa. Itsiya ituca' aluyalaicoyi. ĒanDios lunġu'eponga'. Ocuena aġcuxenga'. Aġcuxenga' li'Hua ĒanDios, iġque letentġocopa, ti'ay capic'a.

14 Maġque li'Hua ĒanDios aġ'najcufponga' laġjunac'. Toġiya ĒanDios alimenc'e'ecoponga' laġ'epa lixcay.

¹⁵ LanDios, itque i'Ailli' Jesucristo, aici'huáqui. Aimi'iya mixininyacu. Li'hua timuqui te ts'i'ic' qui'Ailli'. Ai'a tilanc'e'ma LanDios lema'a, li'a lamats', lan xanuc', ma tipa'a hi'Hua. Toliya ecui'ipa Cal Te'a.

¹⁶ Jahuay lixic'epa LanDios tilajnlá', hi'Hua ilanc'epa, jahuay lopa'a lema'a, jahuay lopa'a li'a lamats', ja'ni i'huáqui o aici'huáqui. Ine petsi aici'huáquila', ja'ni lo'epa to lan rey, o lan tsila' capoujnalá, o lan tsila' quincuxepá, o ti'hua liłmane, ticuxeyi, jahuay iłniya petsi aici'huáquila' jouc'a petsi li'huáquila', ilanc'epola' hi'Hua LanDios. Matque itPoujna jahuay.

¹⁷ Ai'a tilajm'ma jahuay iłna'a itque tipa'a. Ti'hua limane aimetełqueya lema'a ni li'a lamats' ni lopa'a jilpiya.

¹⁸ Itque copa'a aljuac, illanc', nalafot'leponga' LanDios, icuerpo. Itque itsahue-
namma, ipanamma pe lomana' limanapola', aimimaconaya. Copa'a Cal
Te'a hi'ipa tołta'a. Illanc' licuerpo ma' anuli lał'iyaconga', lapi'iponga' lałpitine
aimijouya. Linca ailopa'a co'onłcospa. Itque xonca cal Cueca', jahuay tuliqui.

¹⁹ Ixhueya lipicuejma'. Tołta'a LanDios etenłcocopa. Ma' anuli liłpicuejma'.

²⁰ Li'ipa, LanDios icuaj'ma lilanc'epa. Tołta'a tocomma tifuli'iyoltsi, aimi-
mana' anuli. Ixplic'epa tipac'ełá' lafuleya toliya ummecopa hi'Hua timayotsi
lancruz, tixcuajaitsi lijuats'. Tołta'a ixanupa lataiqui', joupá iłjimpa. Ticuai-
huo litine jahuay tetenłcoco'ma LanDios. Ja'ni lema'a ja'ni li'a lamats', ma' anuli
tetenłcoco'ma LanDios.

²¹ Li'ipa, jouc'a imanc' aimonłejmaleyi LanDios. Jilpe lołpicuejma' onł'epaj laic'
LanDios. Aicołcueca, onł'epá quixcay.

²² Itsiya a'i. Tonłejmaleyi LanDios. Tołta'a lołpicuejma' lepi'ipolhuo' imanc'
pe noł'huaiyijmpá Jesucristo, itque lima'ampa itełcopa jouc'a licuerpo, jilpe
lipixic', lipecał. LanDios ixpic'epa tixinintsolhuo' ma le'a i'huexi itque. Ix-
pic'epa tixinintsolhuo' joupá i'ipolhuo' pangay c'a lołpicuejma'. Tołta'a aimi-
tac'uinyacolhuo' cajunac', ailopa'a. LanDios tepenuftolhuo' jilpe pe lopa'a.

²³ Tołta'a lo'iyacolhuo' ja'ni ti'hua tonł'e'me linca Lataiqui', iłe loya'apa
lixpic'epa LanDios. Ticuicomma tołfate lołpicuejma'. Tołspic'ete tolihuejle.
Toł'huaicołe iłe al c'a lapi'iyacolhuo' LanDios. Lataiqui' lołcujpa imanc' tinesco-
jma małiya al c'a. Iłe Lataiqui' lołcujpa joupá uya'ampa ni petsi li'a lamats'.
Jouc'a iya' ninPablo cuya'e'. Tołta'a laipenic' lainepenufpa.

²⁴ Itsiya tixoqui neta catełma. Ca'nujuaitsilhuo' imanc'. Cacia: Iłta'a
laiftełcopa titoc'itsola' laipimaye xonca ti'huaiyijnle Cristo.

Illanc' nalafot'leponga' LanDios icuerpo Cristo. Mattełcoyi jouc'a titełma
Cristo. Ma tehue'e' iłe latełcoya. Mattełcoyi panca panca alsuai'niyi iłe latełcoya.
Tołta'a laif'epa itsiya ma caxingufcojma catełma jifa'a laicuerpo.

²⁵ Iya' catoc'ila' lapimaye lefot'lepola' LanDios. Tołta'a lixic'epa itque
LanDios. Ma' itque lapi'ipa laipenic' cuya'ala' Lataiqui' pe lołmana' imanc' a'i
cunc'ijudío. Lummepe cu'itsolhuo' jahuay loya'apa litaiqui' LanDios.

²⁶ Cuhualque lipime cataiqui' loya'apa. Iłe li'ipa luyaipa axpe' camats'
emiya lataiqui'. Lan xanuc' muyalaicoyi liłpepajnya aquilina' lemiya
cataiqui'. Itsiya iłsina'. LanDios timuc'ila' lixanuc', iłne i'huexi.

²⁷ LanDios joupá ixpic'epa ti'ila' quilina' acueca' juaiconapa ac'a loya'apa,
lo'eya, iłe lataiqui' li'ipa lemiya. Iłe Lataiqui' tinescolhuo' imanc' a'i
cunc'ijudío. Imanc' li'ipa aicolimetsaijma LanDios. Itsiya Cristo tipa'a pe
lołmana'. Itque epi'ipolhuo' lołpicuejma'. Toliya toł'huaicoyi tepenuftolhuo'
LanDios, tilaitsufcotolhuo'.

²⁸ Maluya'ayi Lataiqui' alpalacoysi Cristo. Jahuay lan xanuc' lu'ila' te ts'i'ic'
mi'eyacu ja'ni tetenłcocołá' LanDios lo'epa. LanDios alłanc'e'leponga' lałpicuejma',
tołta'a luhualqueyi Lataiqui', alłmuc'ila'. Tijoułá' alłmita LanDios: "Toxintsola'

ihna'a laipimaye, ihna'a lepenufpola' Cristo. Joupá i'ipa ixhueya liipicuejma'. Ailopa'a mehue'ela'."

²⁹ Toliya ca'ay canic' juaiconapa. Joupá aipo'nopa laipicuejma', cacua: Tama catełma catoc'i'mola' laipimaye.

Cristo acueca' altoc'i. Lapi'i caipujfxi. Caxingufi acueca' lo'epa itque.

2

¹ Iya' cacua: Ti'ila' colšina' iya' acueca' ca'nujuaitsilhuo' imanc'. Ma' anuli ca'nujuaitsila' lapimaye nomana' liłya' Laodicea, jouc'a jahuay locuenaye lapimaye petši aicalimetsaijma. Acueca' quihuejnyoxi, caxahue'e LanDios titoc'itsolhuo'.

² Caxa'hue: Tixpi'itsolhuo' cunlata. Tonł'etsoltsi capic'a. Tołta'a ti'i'ma ma' anuli lołpicuejma'. Aimolšinyacoltsi to ihne lan cuanuc'la pe ailopa'a quif'huexi. Tolšim'moltsi to ihne acueca' ts'ih'huca. Tolcuc'e'e me litaiqui' LanDios. Tolapejna'me nulemma lipime cataiqui' li'ipa emipa LanDios.

³ Jiłpe ihe lipime cataiqui' alšinna'me jahuay al c'a juaiconapa. Alšinna'me to jipu'hua acueca' lipitali. Ja'ni lahueyi ti'ila' xonca acueca' ac'a laipicuejma', o lahueyi ti'ila' xonca calšina', jiłpe lataiqui' alšinna'me jahuay ihna'a. Tocomma emiya. Lan xanuc' aimicuec'eyi.

⁴ Laifcuapa tołta'a caxhuełcocolhuo' imanc'. Cacua: Aga tifel'mi'molhuo' ihne petši tocomma to ac'a lopalaipa, ihne iłšina' te ts'i'ic' mifel'miyaleyacu.

⁵ Linca tama aicapa'a jiłpe, tocomma almana' nuli. Tocomma cahue-longilhuo'. Tixoqui neta caxinnilhuo' tolihuejcoyołtsi. Tolmujiyi alinca toł'huaiyijnyi Jesucristo.

⁶ Joupá imuc'impolhuo' naitši itque Jesucristo lałPoujna. Tołta'a olapenufpá. Itsiya camilhuo': Ma' anuli ti'hua tolihuejco'me.

⁷ Imanc' lołpicuejma' joupá ifacaipa Cristo. Itsiya ti'hua toł'nujuaisle itque. Tołta'a ti'hua tołfa'e'moltsi lołpicuejma'. Xonca tolimetsaico'me ma' alinca lataiqui' limuc'impolhuo', małe lataiqui' lolapenufpa. Aimixojyacolhuo'. Juaiconapa ti'hua tołš'najtsi'i'me LanDios.

⁸ Camilhuo': Tolpo'nołe cuenna. Ja'ni a'i aga tileco'molhuo' ocuenaj comxi. Tifel'mim'molhuo'. Ihne no'epá tołta'a tipalaiyi tocomma atšila' cataiqui', ma le'a tipa'ayi quiltuca' liipicuejma'. Tipalaicoyi liłtaiqui' lan xanuc'. Iłpic'a tolihuejle lił'ejma' lan xanuc' nomana' fa'a li'a lamats'. Ihe a'i litaiqui' Cristo.

⁹ Cacua: Cristo aimehue'e. Ma' anDios i'epoxi xans. LanDios y Cristo ma' anuli liipicuejma', ixhueya.

¹⁰ Imanc' joupá epenufpolhuo' Cristo, jouc'a aimehue'elhuo'. Ihne locuenaye lomxiye, ¿te xonca capi'iyacolhuo'? Ailopa'a capi'iyacolhuo'. Lan tsila' capaluc' quema'a tama acueca' icueya liłmane, acueca ticuxeyi, Cristo tuliquila' jahuay. Ticuxela' ihniya.

¹¹ Aimicuicomma mi'enyacolhuo' circuncidar. Cristo joupá epenufpolhuo', tołta'a tocomma joupá i'empolhuo' circuncidar. LanDios tepenuftolhuo'. Linca ailopa'a quetec'elhuo' lan xanuc' lołpoxic'. Imanc' ituca' li'ipolhuo'. Joupá olpo'nopá lołpicuejma', olatec'opá loł'epa a'ijc'a, tołcuanajołtsi loxahue'epolhuo' lołcuerpo, aimolihuejcoyi iłta'a. Jahuay petši lepenufpola' Cristo, ma' anuli li'ipola'.

¹² Lijoupá limapa Cristo emimpa. Imanc' lepo'impolhuo' tocomma emimpolhuo' jouc'a. Lijoupá lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' ol'huaiyijmpá LanDios, tołcuayi: "Joupá imaf'i'ina'pa Cristo, ipa'anapa pe lomana' limanapola'"; tołta'a jouc'a olmaf'i', tipa'a al ts'e lołpitine.

13 Li'ipa, imanc' ti'onłcospolhuo' to limanapola'. Joupá ejac'epolhuo' iłe lonł'epa lixcay. İniya litiné ti'onłcospolhuo' to lan xanuc' pe ailopa'a quılseña. ŁanDios aiqumetsacolhuo' ixanuc'. Mołmana' tołta'a ŁanDios imaf'i'ınapolhuo' anuli Cristo. Łınca imanc' y illanc' limenc'e'ecoponga' jahuay lał'epa a'ijc'a.

14 Aicalihuequi locuxepa ŁanDios, iłe lataiqui' linilijmpa. Tołiya iłe lataiqui' ałcuxeconga', alacani'enga'. İtsiya aimalcuxecoconayaconga'. ŁanDios joupá iłonc'epa, epałts'ingimpa jilpe lancruz.

15 Tołta'a acuajmaica imuj'ma xonca acueca' Cristo. İłque ticuxela' lan tsila' lapaluc' quema'a, iłne no'huapa acueca' liłmane. Li'ipa, iłniya lapaluc' imuc'i'me te ts'i'ic' ŁanDios. İtsiya a'i, tihuejcoyi Cristo.

16 Tołiya aimołsuełmot'le'me iłniya nocuapá: “Aimote'ma iłta'a, aimoxna'ma iłiya”. Ni aimołsuełmot'le'me iłne locuxe'epolhuo'. İłne ticuxe'elhuo' tonł'ełe cuenna litiné, ti'ıla' ajuic, ti'ıla' cal ts'e mut'ła o ti'ıla' itine conxajya.

17 Jahuay iłna'a ti'onłcospa to lipunxahua cal xans. A'ij cuajmaica mimuqui te ts'i'ic' iłe al c'a lapi'iyacola' ŁanDios lixanuc'. İtsiya joupá ałmuc'imponga' te ts'i'ic'. Ma' iłque Cristo cal C'a. İłque a'i cunxahua.

18 Aimolihuejco'mola' pe no'e'epołtsi to ninaitsi xanuc', iłne ti'oc'eyołtsi juaiconapa. İłne naxc'onłingołai'pá lapaluc' quema'a. Ja'ni tolıhuele, imanc' aimoluliyacu al c'a, iłe lapi'iyacola' lixanuc' ŁanDios. Ma tołta'a iłpic'a iłniya. İłne tihuejyi loximpa to al paiyo. Tixinyołtsi acueca' liłpicuejma', timuc'iyołtsi quıltauca'. Lataiqui' lomuc'iyalepa aiqumuc'ıla' cal Espıritu Santo.

19 İłne joupá enajpołtsi Cristo, iłque ałjuac, illanc' icuerpo.

Al cuerpo tama tipa'a limef'la licoyuntura tejonłinala' anuli, ticuicomma hijuac. Ja'ni a'i ailopa'a co'eya. Tołe illanc' licuerpo Cristo, iłque lałjuac ałtes'minga' illanc' icuerpo. Licuerpo ti'hua titoqui, ma to ŁanDios tixpic'e titojla'.

20 Imanc' ja'ni joupá imapolhuo' anuli Cristo, ja'ni tipa'a ituca' lołpitine, ¿te qui'icopa loł'ejma' to lił'ejma' locuenaye xanuc' nomana' fa'a li'a łamats'? ¿Te coluyalaicopa tołta'a? Imanc' tocomma ailopa'a iłe lołpitine. ¿Te colihuejco-copola' iłne locuxe'epolhuo'?

21 Tixc'ai'ılhuo': “¡Aimoł'noł'me iłta'a! ¡Aimołte'me iłque! ¡Aimolıoc'olai'me moł—laf'me jilcu'hua!”

22 İłna'a lonescopa aimicołya. Ti'hua tijaf'quinghua. Locuaicoya quitine ailopa'a. İłna'a lataiqui' lan xanuc' tipa'ayi quıltauca' liłpicuejma'. A'i tołta'a locuxe'epolhuo' ŁanDios.

23 Liłtaiqui' tocomma juaiconapa mixingufyi. Naihuejcopá iłna'a lataiqui' iłne quıltauca' tixpic'eyi textc'onłingołai'me juaiconapa, acueca' ti'oc'eyołtsi, acueca' titeł'miyołtsi liłcuerpo. Tołta'a aimi'eyi lipic'a ŁanDios. İłque ipic'a ał'e'mołtsi cuenna lałcuerpo, ałcuxe'mołtsi al c'a. Ja'ni tolıhuej'me iłta'a ituca' cataiqui' ma le'a tonł'e'me lipic'a lołcuerpo, iłe ticuxe'molhuo' lonł'eyacu.

3

1 Imanc', ja'ni ŁanDios joupá imaf'i'ınapolhuo' anuli Cristo tolahuele lapi'inyacolhuo', iłe lopa'a lema'a. Jilpe tipa'a Cristo ticutsuya al c'a camane ŁanDios.

2 Toł'nujuaisle lopa'a lema'a, a'i lopa'a fa'a li'a łamats'.

3 Imanc' mołmana' a'i to li'ipa. Joupá imapolhuo', i'ipa ats'e lołpitine. Jilpe pe lopa'a ŁanDios tipa'a Cristo imaf'i'. Ma to iłque lipitine, tołta'a lołpitine. Łınca itsiya aicołsina' nulemma te ts'i'ic' iłe lołpitine. Tocomma emiya.

4 Małque Cristo ałpitine. Litine timujxoxi Cristo, imanc' jouc'a jahuay lixanuc' tołmuj'mołtsi. Jilpe litine ałınca tixinnim'me acuajmaica te ts'i'ic' iłe

laɫpitine. Aɫsim'monga' joupá i'epa pangay c'a laɫpicuejma'. Aɫ'onɫcotonga' to Cristo.

⁵ Toɫiya, ma moɫmana' fa'a li'a ɫamats' toɫ'e'moɫsi cuenna. Iɫiya loɫcuerpo toɫcuxele. Tihuejcotsolhuo' loɫmane', loɫmitsi', jahuay iɫe loɫcuerpo. Camilhuo': Aimolahue'mola' cacal'no', aimoɫ'e'me al xujc'a, aimolahuelojm'mola' lacaɫ'no' moɫsuico'mola', aimoɫjanaj'me lixcay, aimoɫ'e'moɫsi to iɫniya petsi aimicuayacu: “Joupa tipa'a”. Iɫne ma ti'hua tehueyi xonca. Ja'ni toɫta'a loɫ'ejma' ɫanDios ti'onɫicolhuo' to iɫniya naihuejpa' locuenaye candiosla'.

⁶ Petsi toɫta'a liɫ'ejma' ɫanDios tixtuc'ola', titeɫ'mila'.

⁷ Li'ipa ailopa'a al ts'e loɫpitine, imanc' tonɫ'eyi toɫna'a. Toɫta'a tonluyalaicoyi lapajnya.

⁸ Itsiya toɫpo'noɫe loɫpicuejma', aimonɫ'econa'me to li'ipa, aimolixtutsai'me, aimolixtule'me, aimolahue'me monɫ'e'mola' quixcay loɫ'as xanuc', aimoɫnesco'mola' a'ijc'a, aimoɫnesc'e'e'mola' cataiqui', aimi'i'ma toɫta'a loɫnesyacu.

⁹ Aimoɫfel'mi'moɫsi. Imanc' aimi'iya moɫ'onɫicoyacotɫsi to li'ipa. Joupa oɫpo'nopá lafane coɫpicuejma'. Oɫpo'nopá li'ejma' iɫiya.

¹⁰ Joupa oɫspic'epá tolihuejle al ts'e loɫpicuejma'. Iɫiya loɫpicuejma' ti'hua tilajmna'ma. Tijouɫa' ti'onɫcota to lipicuejma' ɫanDios. Iɫque Nolanc'enapa al ts'e loɫpicuejma'. Toɫta'a iɫiya laɫpicuejma' aimehue'eya. ɫanDios lipicuejma' aimehue'e'. Toɫta'a ti'i'ma illanc' laɫpicuejma' aimalahue'eyaconga'.

¹¹ Iɫne petsi tipa'a al ts'e liɫpicuejma', aiminesyacu: “Iya' ninjudío, iɫque a'i. Iɫque agriego, ninaitɫi xans.” Aiminesyacu: “Iya' joupa aɫ'empa circuncidar, iɫque a'i. Iɫque ɫanDios aimepenufya.” Aiminesyacu: “Iɫque aiqumuxejma”; o “Iɫque xonca atonno”; o “Iɫque amozo, i'huexi lipoujna”; o “Iɫque ailopa'a quipoujna, quituca' ticuxeyoxi”. Iɫne petsi al ts'e liɫpicuejma' tixim'moɫsi ma' anuli. Xonca ti'nujuaisyi Cristo, iɫque ɫepenufpola' jahuay iɫniya ja'ni ti'huaijinyi.

¹² Imanc' joupa i'huif'epolhuo' ɫanDios. Imanc' i'huexi iɫque, ti'elhuo' capic'a. Toɫiya toɫsintsola' to acuanuc'la loɫpimaye, toɫpalaic'otsola' al c'a, aimoɫ'e'e'moɫsi tsila', aimoɫ'nof'e'e'moɫsi. Toɫsnet'ɫe lo'epolhuo'.

¹³ Aimolixtuc'o'moɫsi. Ja'ni a'ijc'a li'epolhuo', tolimenc'e'eco'moɫsi. ɫaɫPoujna joupa imenc'e'ecopolhuo' lonɫ'epa, ma' anuli tolimenc'e'eco'moɫsi.

¹⁴ Monɫ'eyi jahuay toɫna'a jouc'a tonɫ'etsotɫsi capic'a ma to mi'eyi lapimaye. Toɫta'a lonɫ'epa al c'a tetenɫcoco'ma ɫanDios. Ja'ni aimoɫ'eyacotɫsi capic'a tixim'molhuo' to tehue'elhuo'.

¹⁵ ɫanDios ijoc'icopolhuo' tipac'e'etsolhuo' loɫpicuejma' Cristo. Camilhuo': Toɫmajncote toɫta'a. Maɫta'a lipic'a ɫanDios. Ijoc'ipolhuo' ti'itsolhuo' to anuli cal xans. Ti'onɫcotsolhuo' to anuli al cuerpo. Jouc'a toɫs'najtsi'ite ɫanDios.

¹⁶ Anuli anuli toɫ'nujuaisle litaiqui' Jesucristo. Tolihuejle jahuay. Toɫta'a tepi'im'molhuo' loɫpicuejma' toɫmuc'i'moɫsi. Toɫsc'ai'itsoɫtsi ti'ila' ac'a lonɫ'eyacu. Toɫpalaic'ocotsoɫtsi lan salmo, lan himno, lan alabanza. Imanc' tolapenufyi lotoc'ipolhuo' Cristo. Toɫiya jɫɫpe ɫolunxajma' tolunac'co'me ɫanDios.

¹⁷ Ja'ni toɫpalaiyi, ja'ni tonɫ'eyi canic', jahuay lonɫ'epa, ma monɫ'eyi toɫ'nujuaisle ɫaɫPoujna Jesús lipuftine. Toɫs'najtsi'ite ɫanDios caɫ'Ailli'. Iɫque tepenufta loɫs'najtsi'ipa, toɫ'huaijinyi Jesús.

¹⁸ Imanc' unc'apenoye, tolihuejcotsola' loɫpe'ailli'. Toɫta'a ticuicomma lonɫ'eyacu imanc' noɫ'huaijimpá ɫaɫPoujna.

¹⁹ Imanc' unc'ape'ailli', tonɫ'etsola' capic'a loɫpenoye. Aimoɫcuxenai'mola'.

²⁰ Imanc' unc'a'uhuy, tolihuejcotsola' loɫ'ailli'. Tonɫ'eɫe jahuay loxc'ai'ipolhuo'. Toɫta'a tetenɫma, imanc' noɫ'huaijimpá ɫaɫPoujna.

²¹ Imanc' unc'a'aillí, aimotsc'ai'ot'li'mola' juaiconapa loñaxque'. Ja'ni toñsc'ai'ot'hitsola' aimixnet'lyacu. Titafquecola'.

²² Imanc' unc'imozó tolihuejcotsola' jahuay loxc'ai'ipolhuo' lołpoujnalá nomana' fa'a li'a lamats'. Aimot'onlico'motsti to lan xanuc' petsi oque' lipicuejma'. Iñe ti'e'me canic' ma le'a mehuelongila' liłpoujna. Tijoula' aimi'econayi. Tołspaic'ele ÑanDios. Tołta'a aimotfel'miyacola' lołpoujnalá.

²³ Jahuay lonf'eyacu tixoj'ma cunlata tonf'ele. Toł'nujuaitsa ma molihuejcola' lołpoujnalá, iñe axanuc', xonca tolihuejcoyi lałPoujna.

²⁴ Imanc' joupa ołsina' ti'najtsetolhuo' lałPoujna. Iñque tepi'itolhuo' al lija, tepi'itolhuo' coł'huexi. Imanc', ma Cristo ołPoujna, tolihuejcole iñque.

²⁵ Toł'nujuaitsa: Iñe pe no'epá a'ij lija jouc'a tipa'a lapi'inyacola'. Ma to li'epa ma tołta'a tepi'innola' quiłjunac'. ÑanDios tixinnila' ma' anuli jahuay. Iñe lapoujnalá, ja'ni a'ijc'a lo'epa, jouc'a tepi'innola' quiłjunac'.

4

¹ Imanc' unc'apoujnalá aimolatets'i'mola' lołmozó. Toł'etsotsti lija loł'ejma'. Tołmujtsotsti al c'a lołpicuejma'. Joupa ołsina', a'i ma le'a iñiya jouc'a imanc', tipa'a lołPoujna jilpe lema'a.

² Jahuay imanc' ti'hua tołpalaic'ole ÑanDios, aimixojtolhuo'. Ti'hua tołs'najtsi'ile ÑanDios.

³ Ma mołpalaic'oyi ÑanDios tołsahue'e'me ałtoc'itsonga' illanc'. Lapi'itsonga' lane luya'ałe Lataiqui' ile lopalaicopa Cristo. Linca luyaipa quitine li'ipa emiya, itsiya a'i. Małe lataiqui' caifnuya'apa iya'. Tołiya ał'nołimpa, ałtats'iya fa'a.

⁴ Ja'ni ÑanDios lapi'itsonga' lane luya'ałe, ałınca ca'econa'ma ile laipenic'. Cu'iyale'ma ma' acuajmaica ile lataiqui'.

⁵ Ma mołmana' petsi iñe a'i capimaye, tołspic'ele al c'a te ts'i'ic' lonf'eyacu, lołpalaicoyacu. Itine itine tipa'a al c'a lonf'eyacu. Ne', tonf'ele tołta'a.

⁶ Ma mołpalaic'oyotsti toł'nujuaitsa lałPoujna litoc'ipolhuo', lipaxnepolhuo'. Ti'ila' lołtaiqui' ma latenłcocoya lataiqui', a'i ninaiti cataiqui'. Tołta'a ÑanDios tepi'i'molhuo' lołpicuejma', tołtalai'e'mola' jahuay.

⁷⁻⁸ Cumme'ma Tíquico. Ticuaiti jilpe pe lołmana' iñque tu'itolhuo' te ts'i'ic' laifnuyaicopa. Iñque Tíquico acaipima. Aiquenajyoxi, ti'hua ti'ay lanic'. Ma' anuli ał'eyi lipenic' lałPoujna.

Cacua: Cumme'ma ti'ila' quixina' te ts'i'ic' mołmana'. Tixpi'itsolhuo' cunlata.

⁹ Tíquico tiyejmale'me Onésimo. Juaiconapa ał'huaiyjnyi iñque laalpima. Iñque ołpiłya' xans. Iñe tu'itolhuo' jahuay lo'ipa fa'a.

¹⁰ Tinonilhuo' Aristarco, iya' iñque ałtats'emponga' anuli. Tinonilhuo' Marcos. Iñque ipepo Bernabé. Ołsina' te ts'i'ic' lołpalaic'ocoyacu Marcos. Joupa u'impolhuo'. Ja'ni ticuaiti jilpiya tolapenufle.

¹¹ Tinonilhuo' Jesús, iñque la cui'impá Justo. Petsi lan xanuc' judío no'huaiyjmpá Cristo, ma le'a iñiya lalejmale. Małejmaleyi ał'eyi canic'. Luya'ayi te ts'i'ic' mitsuflaiyacupe locuxeyopa ÑanDios. Iñe lixpi'ipa neta.

¹² Tinonilhuo' Epafras, iñque ołpiłya' xans, imozo Cristo. Acueca' ti'nujuaitsilhuo'. Tocomma joupa tipanno lúnxajma'. Itine itine tixahue'e ÑanDios titoc'itsolhuo', tixhuai'nitsolhuo' lołpicuejma'. Aimotpai'imołsti. Itine itine ti'ila' cołsina' te ts'i'ic' lipic'a ÑanDios, ti'hua tonf'e'me tołta'a.

¹³ Nimetsaijma Epafras li'ejma'. Aixina' acueca' titeł'miyoxi, titoc'itsolhuo' imanc' nołmana' jilpe liłya' Colosas. Ma' anuli ti'nujuaitsila' lapimaye nomana' liłya' Laodicea, jouc'a nomana' liłya' Hierápolis.

¹⁴ Tinonilhuo' Lucas łacalpima, itque lin'ehuale caxi. Jouc'a Demas tinonilhuo'.

¹⁵ Lapimaye nomana' liya' Laodicea, ilne Ninfay lapimaye nafot'lepolti lejut'ł, iniya tołmitsola': "Pablo tinonilhuo'".

¹⁶ Ita'a colje'e tołsuef'itsola' lapimaye. Tijouła' toluyai'ele pu'hua Laodicea. Jouc'a tixhuef'quinta mefot'leyolti lapimaye. Ie lije'e lapimaye nomana' Laodicea, tolahuetsa tołsuef'itsola' lapimaye mefot'leyolti jilpe Colosas.

¹⁷ Tołpalaic'otsa Arquipo. Tołsc'ai'itsa, tołmitsa: "ŁałPoujna joupa epi'ipo' lopenic'. Ti'hua to'ela' ile lanic'. Topo'noła' lopicuejma' tanant'łita'."

¹⁸ Iya' ninPablo canonilhuo'. Tołta'a ma laimane quiniłi fa'a: "NinPablo". Aimalimenc'eco'ma. Ał'nujuaisla' ałfi'iya fa'a.

Titoc'itsolhuo', tipaxnetsolhuo' ŁanDios.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĒTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'āpimaye nolafot'ĒpoĒtsi liĒya' Tesalónica. Imanc' iĒxanuc' caĒ'Ailli' ĒanDios y ĒaĒPoujna Jesucristo. IĒniya joupa epenufpolhuo'.

Titoc'itsolhuo' ĒanDios, tipaxnetsolhuo'. Tipac'e'etsolhuo' loĒpicuejma'.

² Itine itine ma maĒ'nujuaitsilhuo' aĒs'najtsi'iyi ĒanDios. MaĒpalaic'oyi aĒnescolhuo' jahuay imanc'.

³ AĒ'nujuaitsilhuo' te ts'i'ic' loĒ'ejma'. Ma moĒ'huaiyijnyi ĒanDios tonĒ'eyi al c'a. Ma monĒ'ela' capic'a lapimaye toĒtoc'ila'. ToĒsnet'Ēyi jahuay lo'ipolhuo'. ToĒta'a lonĒ'epa ma coĒ'huaijma ticuaiconanni ĒaĒPoujna Jesucristo.

⁴ Unc'āpimaye, aĒsina' ĒanDios i'huif'epolhuo', ti'elhuo' capic'a. Toliya aĒ'nujuaitsilhuo' ma maĒpalaic'oyi ĒanDios.

⁵ Litine laluya'ahuo'me jiĒpe Lataiqui', iĒe loya'apa al c'a lixp'ic'epa ĒanDios, imanc' aĒquimf'eponga' a'i ma le'a illanc' laĒtaiqui', jouc'a oĒsingufco'me lipepaxi cal EspĒritu Santo. Ma maluya'ayi Lataiqui' acueca' aĒ'huaiyijnyi ĒanDios. ToĒta'a oĒsina'. OĒsina' te ts'i'ic' laĒpicuejma'. OĒsina' ma ĒanDios lapi'iponga' laĒpenic' aĒtoc'itsolhuo' imanc'.

⁶ Lijoupa lolapenufpa Lataiqui', ma moĒteĒcoyi juaiconapa, ixoc'i'molhuo' cunlata cal EspĒritu Santo. Tixoqui cunlata tolihuejyi ĒanDios. ToĒta'a aĒ'onĒcosponga' to illanc', jouc'a ti'onĒcospolhuo' to ĒaĒPoujna Jesucristo.

⁷ Lapimaye nomana' jiĒpiya Ēamats' Macedonia, jouc'a nomana' Ēamats' Acaya, jahuay iĒniya ixim'molhuo' ac'a loĒ'ejma'. ToĒta'a oĒmuc'ipola' te ts'i'ic' lo'eyacu lan xanuc' ja'ni ti'huaiyijnyi Jesucristo.

⁸ Imanc' jiĒpe liĒya' Tesalónica ate'a olapenufpá Lataiqui', lijou'ma maĒe Lataiqui' icuaitsi locuenaye ĒiteloĒya' lopa'a Ēamats' Macedonia jouc'a Ēamats' Acaya. A'i ma le'a Ēamats' Macedonia jouc'a Ēamats' Acaya icuaitsi Lataiqui'. Ni petsi lomana' lan xanuc' i'i'ma quiĒsina' imanc' toĒ'huaiyijnyi ĒanDios. Ailopa'a calu'iyacola' toĒta'a.

⁹ MaĒne lan xanuc' lu'inga' li'ipolhuo' iĒniya Ēitiné laĒtsehuo'me loĒpiĒya' Tesalónica. AĒminga': "Ēan xanuc' nomana' Tesalónica epenufpolhuo'. Ipa'i'moĒtsi liĒpicuejma'. Eca'nipá lilendiosla' tihuejcoyi ĒanDios. Itsiya ti'eyi lipenic' ĒanDios. IĒque ma' aĒinca anDios. IĒque a'i quimac', ma' imaf'i'."

¹⁰ Itsiya toĒ'huaicoyi ticuaicoconno li'Hua ĒanDios Nopa'a lema'a. ĒanDios joupa imaf'i'inapa, ipa'anapa pe lomana' limanapola'. Litine ĒanDios timuc'itsola' lan xanuc' lipoyac' aimafel'miyaconga'. Ēi'Hua aĒcuanajco'monga'.

2

¹ Cunc'āpimaye, imanc' oĒsina' te ts'i'ic' li'ipa maĒmana' jiĒpe. Ēinca Lataiqui' laluya'apa i'epa canic'.

² MaĒmana' liĒya' Filipos aĒteĒcopá juaiconapa, aĒmiloquinghuo'monga' cataiqui'. Joupa oĒsina' toĒta'a laluyalaicopa. LaĒcuaitsa loĒpiĒya' aicātsina' caxpaiqui', tama ixtuleconanca jiĒpe. Ma maluya'ayi litaiqui' ĒanDios aĒ'huaiyijnyi. IĒe Lataiqui' tuya'e' iĒe al c'a lixp'ic'epa ĒanDios.

³ Illanc' a'i oque' laĒpicuejma'. AĒ'eyi ma le'a lipenic' ĒanDios. Lu'ilhuo' Lataiqui'. Aimalu'ilhuo' ocuena cataiqui'. Aimalfel'milhuo'.

⁴ Ma ÑanDios joupá lapi'iponga' ñe lañpenic'. Al'huaiyijmponga' luya'ale Lataiqui', toñiya luya'ayi Lataiqui'. Lahueyi tetentcocola' ÑanDios. Aimalahueyi te co'iya metentcocyacola' lan xanuc'. Mañque ÑanDios tixina te ts'i'ic' lañpicuejma'.

⁵ Aimalahueyi cañtomí cola' lapi'itsonga'. Toñta'a aicalapahuilhuo'. ÑanDios ixina' a'i toñta'a lañejma'.

⁶ Jouc'a aimañnesyi: “Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' al'eyi”. Aimañnesyi ñiya, tama ninc'apóstole lummeponga' Jesucristo.

⁷ Aimañpalaic'olhuo' a'ujfxi. Mañmana' anuli añpalaic'olhuo' al c'a. Ma to mipalaic'o'mola' ñaca'no' laiquinaxque' mitoc'ela' ñniya, ma toñta'a añpalaic'olhuo' imanc'.

⁸ Jahuay ñalunxajma' al'epolhuo' capic'a. Toñiya a'i ma le'a lu'ipolhuo' Lataiqui'. Añspic'epá altoc'itsolhuo' xonca. Tixoqui calata añcuayi: “Ñe', aña'atsonga' lalixtuc'oponga', le'a tuyalañe al c'a lañpimaye nomana' Tesalónica”. Ñinca acueca' al'nujuaitsilhuo' imanc'.

⁹ Cacia: Acueca' al'elhuo' capic'a. Toñta'a añmuc'ipolhuo' mañmana' jñpe loñpiya'. Imanc' añpimaye al'nujuaitsinga' lañepa. Al'eyi lanic' juaiconapa, añsospanga'. Ipuqui' itine al'eyi lanic'. Toñta'a lulijyi cañtomí. Añcuayi: “Lañpimaye nomana' ñiya' Tesalónica aimañsa'hueyacola' mañtoc'iyaconga'. Aimañ'e'mola' quipime ñipepajnya.” Toñta'a lañepa ma malu'ñhuo' ñitaiqui' ÑanDios, ñe loya'apa al c'a lixpic'epa.

¹⁰ Imanc' noñ'huaiyijmpá Jesucristo oñsimpá lañejma' mañmana' jñpe. Añsimponga' ma' añinca alihuejyi ÑanDios. Añsimponga' añjca lañepa. Añlopa'a cañtac'uiyaconga' lajunac', aimi'iya mañnesc'eyaconga'. Jouc'a ÑanDios ixina' toñta'a lañejma'.

¹¹ Imanc' oñsina' añpalaic'opolhuo' to cal xans tipalaic'o'mola' ñinaxque'. Alu'ipolhuo': “Ti'ña' ac'a lonñeyacu”. Añixpi'ipolhuo' cunlata, añsc'ai'ipolhuo', añmipolhuo':

¹² “Tetentcocola' ÑanDios loñejma'”. Mañque ÑanDios joupá ijoc'ipolhuo' toñsulfoñaisa pe locuxeyopa, timetsaicotolhuo' ixanuc'.

¹³ Itine itine illanc' jouc'a aññajtsi'iyi ÑanDios ñijoc'ipolhuo'. Imanc' a'i ma le'a añquimf'eponga' ma malu'ya'ayi ñitaiqui' ÑanDios, olapenufpá. Ñe Lataiqui' olimetsaicopá itaiqui' ÑanDios, a'i cañtaiqui' illanc' ninc'ixanuc'. Mañe ñitaiqui' ti'ay canic' jñpe loñpicuejma' imanc' noñ'huaiyijmpá ÑanDios.

¹⁴ Toñta'a imanc' oluyalaico'me to ñne lapimaye nafoñyomma ñamats' Judea luyalaicopa, ñne jouc'a ixanuc' ÑanDios, ñepenufpola' Jesucristo. Oñnet'ñme lo'epolhuo' loñpiya' xanuc'. Toñta'a ñniya loñpimaye nomana' ñamats' Judea ixnet'ñme lo'empola' ñpiya' xanuc', ñne ajuñío.

¹⁵ Ñniya lan xanuc' juñío ima'apá lañPoujna Jesucristo, jouc'a ima'a'me lam profeta, jouc'a alihuetsojponga' illanc'. Aimi'eyi lipic'a ÑanDios, jouc'a tipa'neyi jahuay ññf'as xanuc'.

¹⁶ Jouc'a aimalapi'inga' lane malu'i'mola' Lataiqui' lan xanuc' pe aimimetsaicoyi ÑanDios. Ñne lan xanuc' juñío xonca tetentcocola' aimunñul'me ñniya lan xanuc'. Toñta'a ñne tixhuai'niyi lo'epa lixcay. Tijouñ' aimi'iya mi'eyacu. ÑanDios joupá ixpic'epa titeñ'mi'mola' nulemma, tijou'ne'ma lipoyac'.

¹⁷ Cunc'añpimaye, añinca al'elhuo' capic'a imanc'. Ti'hua al'nujuaitsilhuo', tama aimañmana' anuli. Li'ipa, al quite' mañmana' anuli juaiconapa al'nujuaispolhuo'. Juaiconapa añpic'a añsingonatsoñsi. Lahueyi te co'iya mañcuaiconayacu jñpiya.

¹⁸ Joupá añspic'epá ñe'me. Ma' iya' ninPablo, a'i ma le'a anulemma, oquemma aixpic'epa toñta'a. Lijoupa aiqui'ic'. Satanás añpa'neponga'. Aicañec'.

¹⁹ Linca acueca' ałpic'a ałsingonatsotłsi. ¿Te cołcuapa? ¿Te imanc' ołsina' lał'huaijma? ¿Te ołsina' naitłsi nalixoc'iyaconga' calata'? ¿Naitłsi nomujya ja'ni ipammaita lałpenic'? Linca ma le'a imanc'. Ał'huaicoyi tixininłe tołta'a litine ticuaicoconanni lałPoujna Jesucristo.

²⁰ Imanc' linca tołmuji lipammaita lałpenic'. Imanc' lixoc'inga' calata.

3

¹ Juaiconapa acueca' lałsueł'mecopolhuo'. Icuaitłsi litine aimi'iya małsnet'łconayacu. Ałspic'epá ałmanenca całtuca' liłya' Atenas.

² Ałcuxe'epá Timoteo ti'huała' jilpiya lołpiłya'. Ałmipá Timoteo: “Tofa'etsola' lapimaye liłpicuejma'. Toxc'ai'itsola' ti'hua ti'huaiyijnle Jesucristo.” Iłque Timoteo ałpima, iłejmale ŁanDios. Iłque lipenic' tuya'ala' Lataiqui'.

³ Ałcuayi: “Aimołsuełmot'le'me ni anuli imanc', tama tołtelcoyi”. Imanc' ołsina' ŁanDios joupa ixpic'epa aluyalaico'me tołta'a.

⁴ Małmana' anuli jilpe lołpiłya' lu'ipolhuo' lał'iyaconga'. Ałmipolhuo': “Ałtelco'me”. Ma tołta'a li'ipa. Joupa ołsingufpá.

⁵ Laicuejpa lipangopa lołtelcopa aicaixina' te ts'i'ic' moluyalaicoyi. Caxhuelma, cacua: “Aga Satanás ehuaipolhuo' acueca'. Aga iminscopolhuo' lołpicuejma'. Tijouła', tama acueca' lanic' ał'epá jilpe tijouna'ma jahuay. Aimipanehuo ni tołta'a.” Licuai'ma litine aimi'iya caxnet'łconaya laifxueł'mepa, nummepa Timoteo titsetłsi. Cacua: Tipainanni lu'i'ma ja'ni ti'hua toł'huaiyijnnyi Jesucristo.

⁶ Itsiya icuaina'ma fa'a iłque Timoteo. Joupa itsehuc'oma lołpiłya'. Ałsimpá ac'a lataiqui' iłe lalul'iponga'. Ałminga': “Lałpimaye nomana' Tesalónica ti'hua ti'huaiyijnnyi Jesucristo. Ti'hua ał'enga' capic'a. Itine itine ał'nujuaitłsinga'. Juaiconapa iłpic'a ałsingonatsonga', ma to illanc' ałpic'a ałsingonatsola' ilne.”

⁷ Lałcuejpa tołta'a loluyalaicopa imanc' lixoc'ipołłsi calata. Tama lahue'enga', ałtelcoyi, tocomma ailopa'a tintłsi. Joupa i'ipa całsina' imanc' ti'hua toł'huaiyijnnyi Jesucristo.

⁸ Ja'ni aimipaiyumma lołpicuejma', ja'ni ti'hua toł'huaiyijnnyi Jesucristo, illanc' aimalafqueyaconga'. Ti'i'ma całpujfxi luyalaico'me lapajnya.

⁹ Mał'nujuaitłsilhuo' imanc' ałs'najłsi'iyi ŁanDios. Ałinca imanc' lixoc'iponga' calata juaiconapa. Małpalaic'oyi ŁanDios tixoqui calata ałs'najłsi'iyi tołta'a. Tocomma aimi'iya małsuai'niyacu iłe lałs'najłsi'ipa ŁanDios. Ailopa'a całtaiqui'.

¹⁰ Ipuqui' itine ałsa'hueyi juaiconapa. Ałmiyi: “Lapi'itsonga' lane ałtsecontsa lahuejntola' lałpimaye nomana' Tesalónica”. Ałnesyi: “Moł'huaiyijnnyi Jesucristo te aga tipa'a petłsi aimołcuc'eyi. Ałtoc'itolhuo', ałmuc'itolhuo'.”

¹¹ Iłniya, cał'Aillil' ŁanDios y lałPoujna Jesucristo ałtoc'itsonga'. Lapi'itsonga' lane ałcuaicontsa jilpiya pe lołmana'.

¹² Cał'Aillil' titoc'itsolhuo' imanc'. Illanc' ałinca ał'elhuo' capic'a juaiconapa. Ałsa'hueyi ŁanDios tepi'itsolhuo' lołpicuejma', toł'etsotłsi capic'a juaiconapa. Jouc'a toł'etsola' capic'a jahuay loł'as xanuc'.

¹³ Ja'ni titoc'itsolhuo' tołta'a ŁanDios jouc'a tifa'e'molhuo' lołpicuejma'. Litine ticuaiconanca lałPoujna Jesucristo y jahuay ilne hi'huexi, ŁanDios cał'Aillil' aimetac'ui'iyacolhuo' cajunac'. Timetsaico'molhuo' joupa i'ipa pangay c'a lołpicuejma'.

4

¹ Cunc'ałpimaye, ai'a ticula'ala' ilta'a cołje'e tipa'a xonca laifmiyacolhuo'. Joupa alu'ipolhuo' te ts'i'ic' molihuejyacu ŁanDios. Alu'ipolhuo' te ts'i'ic' monł'eyacu ja'ni tetentłcocola' ŁanDios. Ałinca, ma tołta'a tolihuejyi. Illanc' ał'eyi

lipenic' laŕPoujna Jesús toliya aŕsa'huelhuo', aŕsc'ai'ilhuo': "Ti'ita' xonca ac'a iŕe lolihuejpa".

² Ma to laŕcuxe'eponga' laŕPoujna Jesús, ma toŕta'a laŕcuxe'epolhuo'. Joupa oŕsina' te ts'i'ic' laŕsc'ai'ipolhuo'.

³ Aŕcuxe'epolhuo' tonŕ'eŕe ma lixpijma' ŕanDios. Tolanaŕtsoŕtsi al xujc'a, ti'itsolhuo' qui'huexi ŕanDios. Aimonŕ'e'me to iŕne lan xanuc' pe nahuepá quilecaŕ'no'.

⁴ Jahuay imanc' toŕmuc'itsolŕtsi toŕcuxetsoŕtsi al c'a. Tejonŕi'moŕtsi anuli anuli quipeno. Ma le'a iŕque lipeno tixhuico'ma. Timetsaicoŕa' jouc'a i'huexi ŕanDios. Aimetets'i'ma.

⁵ Aimonŕ'e'me to lo'epa lan xanuc' petŕi aimimetsaicoyi ŕanDios. Iŕne tihuejcoyi ma le'a lojanajpa liŕcuerpo. Iŕniya aimixinyi acuanuc'la liŕpenoye, tixhuicoyi lonaispa liŕpicuejma'.

⁶ Tonŕ'e'me iŕe laifcuxe'epolhuo'. Ni' anuli imanc' metets'i'ma ŕipima ni mifel'mi'ma toŕta'a. Aimolaxic'e'moŕtsi loŕpenoye. Tonŕ'etsolŕtsi cuenna. ŕanDios ti'e'ma ŕijca. Ti'najtse'e'mola' iŕne pe no'epá toŕta'a. Titeŕ'mi'mola'. Joupa alu'ipolhuo' toŕta'a. Aŕsc'ai'ipolhuo' juaiconapa.

⁷ ŕanDios aŕjoc'iponga', a'i maŕ'e'me al xujc'a. Laŕjoc'iponga' joupa aŕsimponga' i'huexi.

⁸ Pe aimalihuejconga' illanc' iŕe laŕsc'ai'ipolhuo' iŕque aimalatets'inga' illanc' ninc'ixanuc', tetets'i ŕanDios iŕque tepi'ilhuo' ŕi'Espíritu Santo.

⁹ Ita'a coŕje'e aimalŕcuxe'eyacolhuo': Tonŕ'etsolŕtsi capic'a lapimaye. Imanc' ŕanDios joupa imuc'ipolhuo' tonŕ'etsolŕtsi capic'a.

¹⁰ ŕinca olihuic'ipá iŕe limuc'impolhuo'. Toŕ'nujuaitsila' loŕpimaye ni petŕi lomana' ŕamats' Macedonia. Toŕtoc'ila'. Itsiya aŕsc'ai'ilhuo', aŕmilhuo': Xonca toŕ'nujuaitsola' loŕpimaye. Xonca toŕtoc'itsola'.

¹¹ Tolahue'me te co'iya moluyalaicoyacu al c'a. Tonŕ'e'me canic'. Anuli anuli, quituca' quituca', ti'e'ma ma le'a lipenic'. Toŕsuicote loŕmane' tonŕ'eŕe canic'. Toŕta'a joupa aŕcuxe'epolhuo'.

¹² Toŕta'a iŕne petŕi aimi'huaiyijnyi ŕanDios tixim'molhuo' ac'a lonŕ'epa. Imanc' jouc'a toluyalaico'me al c'a. Aimehue'eyacolhuo'.

¹³ Cunc'aŕpimaye, ti'ita' coŕsina' te lo'iyacola' iŕne laŕpimaye lijoupa limanapola', iŕne aŕnescopola' "tixmaiŕi". Ja'ni aicoŕsina' lo'iyacola' iŕniya, aga imanc' toŕhuotso'me ma to mi'eyi locuenaye xanuc', iŕne petŕi aiŕqui'huaijma litine lomaf'i'inyacola'.

¹⁴ Joupa aŕ'epá ŕinca li'ipa Jesús. Iŕque imanapa, imaf'inapa, ipanamma pe lomana' limanapola'. Jouc'a aŕcuayi: Litine ŕanDios tummeconata Jesús jouc'a ticuaicu iŕniya limanapola'. Iŕne i'huaiyijmpá Jesús, aŕnescopola' "tixmaiŕi". Toŕta'a laŕ'huaiyijmpa.

¹⁵ Cu'i'molhuo' lo'iya. Ita'a itaiŕqui' laŕPoujna Jesús. Ticuaiconanni Jesús ja'ni ts'aŕmaf'i' o joupa aŕsmaipá, cacua aŕmanaponga', ma' anuli aŕhecona'monga'. Ja'ni aŕmaf'i' aimalŕhecoyaconga' ate'a.

¹⁶ Ticuequim'me ticuxem'me. Ma mija'e' cal Cuecaj Capaluc Quema'a, muna'e' litrompeta ŕanDios, laŕPoujna Nopa'a lema'a timuyohuo. Ticuaiyicononno fa'a li'a ŕamats'. Limanapola' petŕi ni'huaiyijmpá Jesucristo ate'a titsolinacu.

¹⁷ Tijouŕa' illanc', ja'ni aŕmana' jifa'a li'a ŕamats', aŕ'nof'em'monga', aŕtai'monga' ŕummahuay. Illanc' y laŕpimaye ma' anuli aŕtalecufta laŕPoujna mimumma lema'a. Toŕta'a aŕmajnta nulemma anuli laŕPoujna.

¹⁸ Iŕe lataiŕqui' tolu'itsola' loŕpimaye. Tolixoc'itsolŕtsi cunlata.

5

1-2 Cunc'alpimaye, jifa'a cołje'e aimalu'iyacolhuo' al 'hora ticuaiyoconno łalPoujna. Aimi'iya malu'iyacolhuo'. Ite lixpijma' ŁanDios. Aicalsina' ja'ni ahuata o axpe' lahue'epa ałsinte ițe al Cuecaj Quitine. Imanc' joupa ołsina' aimi'iya małnesyacu: "Mouqui o pitsu o łocuena camats' ti'i'ma". Cal namas no'huapa ipuqui' aimuya'e' te 'hora micuaiya lajut'ł. Tołiya micuaiya ițe al Cuecaj Quitine.

3 Minesyi lan xanuc': "Ailopa'a tintsı. Luyalaico'me al c'a"; ma ihniya łitine tixim'me łumla. Łitaipa łaca'no' joupa li'ipa łipumla aikuixinaic' lo'iya. Ma tołta'a tixim'me locuaicoya ițe al cueca' catełcoya. Titeł'mim'mola' nulemma. Aimi'iya munłuyacu.

4 Imanc' cunc'alpimaye aimoluyalaicoyi al muf. Tołta'a, litine aimi'iya mixpaic'eyacolhuo' tama ticuaitsi to micuaita cal namas.

5 Jahuay imanc' joupa epalc'o'ipolhuo'. Ti'onłcospolhuo' to litine. Imanc' illanc' a'i muf łalpicuejma', aimal'onłcosponga' to lipuqui'.

6 Tołiya aimuluyalaico'me lapajnya to iħne noyalaicopá to noxmaipá. Ti'hua ałmaf'ițe. Ałsuicołe al c'a łalpicuejma'.

7 Noxmaipá tixmaiya lipuqui'. Lisnaye timeyoquila' lipuqui'.

8 Illanc', ja'ni ał'onłcosponga' to litine, ja'ni joupa lapalc'o'iponga', ałsuicołe łalpicuejma'. Ałpa'neco'mołtsi, aimalulij'monga' Satanás. Jahuay łalunxajma' ał'huaiyijnle Jesucristo, ał'ete capic'a. Ałpo'note łalpicuejma' ał'huaicołe iłque Nocuaicoya, lunłu'e'monga'.

9 Ma nipajnya ał'huaico'me lunłu'e'monga'. ŁanDios Nał'huijfeponga' ixpic'epa lunłu'e'monga' illanc' nał'huaiyijmpá Jesucristo. Tołta'a aimi'iya małteł'miyaconga'.

10 Małque Jesucristo icupoxi tima'anle, i'najtsepa lałjunac'. Tołiya ițe litine ticuaiconanni ałmajm'me anuli iłque. Ma tołta'a lał'iyaconga' ja'ni ałmaf'i', jouc'a ja'ni tocomma to ałsmaiya, cacua joupa ałmanaponga'.

11 Toł'nujuaitsa iłta'a al c'a lo'iyacolhuo'. Tołta'a tolixoc'i'mołtsi cunlata, tołfa'e'mołtsi lołpicuejma'. Łınca ma tonł'eyi tołta'a. Ti'hua tonł'ete.

12 Cunc'alpimaye, jilpiya pe lołmana' timana' lapimaye no'epá lipenic' ŁanDios. Ihniya tixc'ai'ilhuo', tu'ilhuo' te ts'i'ic' molihuejyacu iłque łalPoujna. Ałsahue'elhuo': Tolimetsaicotsola' ihniya.

13 Tolimetsaicotsola' liłpenic' lo'epa. Toł'etsola' capic'a juaiconapa. Tonłejmalełe al c'a. Aimolfuli'i'mołtsi cataiqui'.

14 Cunc'alpimaye ałsc'ai'iconalhuo': Iħne petsi aimi'eyi canic', tołtaletsola'. Ja'ni titafquemmola', tołpalaic'otsola' al c'a. Petsi ailopa'a quilpujfxi, tołtoc'itsola'. Tołsnet'ł'me lił'ejma' lan xanuc'. Aimolixtuc'o'mola'.

15 Tołpo'note cuenna loł'eyacu. Ja'ni ixcay li'epolhuo' aimonł'econa'me tołta'a, ni anuli imanc'. Tonł'e'me ma le'a al c'a. Ja'ni apimaye, ja'ni ocuenaye lan xanuc', ma' anuli tołtoc'itsola'.

16 Aimolșuełmot'le'me. Itine itine tixojla' cunlata.

17 Moluyalaicoyi lapajnya ti'hua tołpalaic'o'me ŁanDios.

18 Ja'ni al c'a ja'ni a'ijc'a lo'ipolhuo', tołs'najtsi'ițe ŁanDios. Tołta'a lonł'eyacu imanc' noł'huaiyijmpá Jesucristo. Joupa ixpic'epa ŁanDios.

19 Aimolpa'ne'me cal Espiritu Santo. Tolapi'ițe lane ti'eła' ma lipic'a.

20 Aimolatets'i'mola' lołprofeta lonespa.

21 Aimolapenuf'me jahuay lataiqui' lołquimf'epa. Tołspijle. Tolimetsaicole ja'ni al c'a o a'ijc'a.

22 Tolapenufle al c'a. Ja'ni a'ijc'a tołanajtsoltsi. Aimolapenuf'me.

²³ LanDios tipaxnetsolhuo'. Ma itque ti'i'ma tipac'e'e'molhuo' lołpicuejma'. Ti'e'etsolhuo' nulemma i'huexi. Tołta'a, ticuaiyunni Jesucristo tixim'molhuo' pangay c'a lołpicuejma', loł'alma, loł'cuerpo. Aimetac'uinyacolhuo' cajunac', ailopa'a.

²⁴ LanDios ijoc'ipolhuo'. Itque aimifel'miyale. Joupa ipo'nopa cataiqui'. Ma ti'e'ma to joupa laimipolhuo'.

²⁵ Cunc'alpimaye, tołsahue'ele LanDios altoc'itsonga' illanc'.

²⁶ Tołmitsola' lałpimaye nomana' jilpiya: “Tinonilhuo' lałpimaye Pablo, Silvano jouc'a Timoteo”. Tołtuc'otsołtsi lołpeque ma to mituc'oyołtsi lapimaye, itne i'huexi LanDios.

²⁷ Cacuxe'elhuo' tołsuef'le ita'a colje'e petsi lafołyomma lałpimaye. A'i ma le'a iya' caituca' cacuxe'elhuo' tołta'a. Jouc'a ma' anuli tołiya licuxe'epolhuo' itque lałPoujna.

²⁸ LałPoujna Jesucristo tipaxnetsolhuo', titoc'itsolhuo' jahuay imanc'.

LIJE'E SAN PABLO LOCUENA LINIĒ'EPOLA' LAPIMAYE LEFOT'ĒPOĒTSI LIĒYA' TESALÓNICA

¹ Illanc' ninPablo, Silvano y Timoteo aliniĕ'elhuo' imanc' unc'aĕpimaye olafot'ĕpoĕtsi liĕya' Tesalónica. Imanc' iĕxanuc' ĒanDios caĕ'Ailli' y ĕaĕPoujna Jesucristo. Iĕniya joupa epenufpolhuo'.

² ĒanDios caĕ'Ailli' y ĕaĕPoujna Jesucristo titoc'itsolhuo', tipac'e'etsolhuo' loĕpicuejma'.

³ Aicalimenc'ecolhuo' imanc' loĕ'ejma'. Itine itine xonca toĕ'huaiyijnyi ĒanDios, itine itine xonca tonĕ'eyoĕtsi capic'a. Anuli anuli imanc' toĕta'a loĕ'ejma'. Toĕiya aĕs'najtsi'iyi ĒanDios, ticuicomma.

⁴ Maĕ'nujuaitsilhuo' toĕta'a loĕ'ejma' illanc' jouc'a aĕpalaicolhuo'. Maĕpalaic'ola' locuenaye lapimaye lefot'ĕpola' ĒanDios, lu'ila': "Ēaĕpimaye nomana' Tesalónica, mihuetsoquinnila' iĕne ti'hua tixnet'lyi. Tama titeĕcoyi ti'hua ti'huaiyijnyi ĒanDios, aimixospola'."

⁵ Moĕsnet'lyi loĕteĕcopa, ĒanDios tilanc'e'elhuo' loĕpicuejma'. Tijouĕa' toĕtsulfoĕaita pe locuxeyopa iĕque. Toĕta'a timujyoxi ac'a lipicuejma' ĒanDios. Timujyoxi tixpic'e ma le'a al c'a.

⁶ Cacia: ĒanDios tixpic'e al c'a. Ti'ay ma le'a al ĕjca. Ti'najtse'e'mola' iĕniya noteĕ'mipolhuo' itsiya, titeĕ'mi'mola'.

⁷ Imanc' ituca' lo'iyacolhuo'. Itsiya toĕteĕcoyi, tijouĕa' tolunxajta. Ma' anuli lunxajta. Toĕta'a ĕaĕ'iyaconga' litine ticuaiconanni ĕaĕPoujna Jesús. Jiĕpe litine timuj'moxi ĕaĕPoujna to qui'ic'. Iĕque ĕinca juaiconapa icueya limane, toĕiya ticuxela' lepaluc' quema'a. Iĕniya ĕaĕPoujna y lepaluc' timulcu.

⁸ Jiĕpe mimulumma tunaita ĕunga. Jiĕpe litine ti'e'ma al ĕjca. Titeĕ'mi'mola' nulemma iĕniya pe aimimetsaicoyi ĒanDios jouc'a pe aimihuejcoyi Lataiqui', iĕe litaiqui' ĕaĕPoujna Jesucristo.

⁹ Iĕne tepenuf'me liĕjunac'. Tecani'e'mola' nulemma. Aimitsulfoĕaiyacu pe lopa'a ĕaĕPoujna. Jiĕpe lomujyoyacoxi acueca' juaiconapa. Timuj'moxi ma' anDios.

¹⁰ Toĕta'a lo'iya litine ticuaiconanni ĕaĕPoujna. Jiĕpe litine timuj'moxi ma' anDios. Jouc'a aĕmuj'moĕtsi alinca i'huexi iĕquiya. Iĕe litine lahuelojntsonga' jahuay illanc' naĕ'huaiyijmpá ĒanDios, tines'me: "Iĕque Jesús ĕinca apaxi. Joupa ipai'ipola' iĕne." Ēaĕnespa: "... jahuay illanc' naĕ'huaiyijmpá", aĕnescopolhuo' jouc'a imanc', joupa olapenufpá Lataiqui' lalupolhuo'.

¹¹ Aĕ'nujuaisyi iĕe al cueca' al c'a ĕaĕ'iyaconga' jiĕpe al Cueca' Quitine locuaicoya. Toĕiya itine itine aĕsa'hueyi ĒanDios titoc'itsolhuo', ti'hua toĕlihuejle ĒanDios, iĕque ijoc'ipolhuo'. Ja'ni ti'ila' toĕta'a loĕ'ejma' aimixhueĕcoya ĒanDios te quijoc'icopolhuo'. Aĕsahue'eyi ĒanDios ti'ila' acueca' lo'eya. Tenant'ĕiĕa' jahuay al c'a loĕspic'epa tonĕ'eĕe. Tenant'ĕiĕa' jahuay iĕe al c'a lopo'nopa ĒanDios jiĕpe loĕpicuejma' ma moĕ'huaiyijnyi iĕque.

¹² Ja'ni toĕta'a lotoc'iyacolhuo' ĕalanDios y ĕaĕPoujna Jesucristo, lan xanuc' tixim'me acueca' ĕaĕPoujna Jesús, tipalaico'me al c'a. Imanc' epenufpolhuo' ĕaĕPoujna tixim'molhuo' ti'onĕcopolhuo' to iĕque.

2

¹⁻² Cunc'aĕpimaye joupa oĕsina' ticuaicoconno ĕaĕPoujna Jesucristo. Oĕsina' lafot'ĕ'monga', jiĕpe litine aĕmajnta anuli iĕque.

Itsiya caxc'ai'ilhuo', camilhuo': Aga tu'i'molhuo': "Joupa icuai'ma al Cueca' Quitine. Icuaicona'ma laPoujna, cal Espiritu Santo alu'iponga'." O tu'itsolhuo': "Linca icuaicona'ma. Ine Pablo jouc'a liyejmalepa alumme'eponga' calje'e tuya'e' to'ta'a." Ja'ni tu'itsolhuo' to'ta'a, imanc' aimimufc'o'molhuo' lo'picuejma', aimon'e'me linca.

³ Ja'ni to'ta'a tehuele tifel'mitsolhuo', o ja'ni ituca' li'ejma', aimo-lapenuf'e'mola' litaiqui'. To'po'no'e lo'picuejma', aimifel'mi'molhuo'. Ine nonespá to'ta'a infel'miyale, a'i to'ta'a lo'iya micuaiconaya laPoujna. Ate'a lan xanuc' titaleco'me litaiqui' LanDios. Tipai'i'moltsi li'picuejma'. Tihuejco'me ocuena cataiqui'. Tijoula' ti'ila' to'ta'a timuj'moxi anuli cal xans ma le'a ixcay lo'epa. Tetets'i'ma jahuay locuxepa LanDios. Itque aimun'uya, tejac'ma.

⁴ Itque ti'nof'e'moxi. Ti'ay quipilaic' LanDios, jouc'a ti'ela' quipilaic' jahuay lilendiosla' lan xanuc'. Ticua: "Ma le'a iya' laxc'on'ingai'ma". Ti'on'ico'moxi to LanDios. To'ta'a ticutshuai'ma jilpe lixoute' LanDios.

⁵ Imanc', ¿te joupa olimenc'ecopa ile lainu'ipolhuo' ma'mana' anuli?

⁶ Imanc' joupa o'sina' tipa'a lopa'necopa itque lixcay xans. LanDios joupa ixpic'epa litine timuj'moxi itque.

⁷ Itsiya linca ma tipa'a anuli petsi aimalsinyi. Itque ma le'a ixcay lo'epa, tetets'i jahuay locuxepa LanDios. Jouc'a tipa'a petsi ti'hua limane tipa'neco'ma itque. Ti'hua tipa'ne, tijoula' tilojm'ma.

⁸ Tilojnla' itque nopa'nepa, timuj'moxi lixcay xans, itque tetets'i locuxepa LanDios. Itque aimipaneya to'ta'a. Ticuaicoconno laPoujna tifusco'ma, tima'a'ma. Itque cal xans aimixnet'ya ticuaicohuananni laPoujna. Aimi'iya mehuelojnya, tejac'e'ma.

⁹ Ma Satanás lummepa itque lixcay xans. Ma'que Satanás tepi'i'ma acueca' icueya limane. To'ta'a ti'e'ma al cueca'. Lo'eya tocomma to lo'eya ma le'a LanDios. Itque a'i andios, ma' afellaiqueya litaiqui', afellaiqueya lo'epa.

¹⁰ Itque no'epa lixcay tifel'mi'mola' lan xanuc', ine petsi ti'hua tejac'eyo'tsi. Ine aikuilepenufi al Linca Cataiqui'. I'e'me capilaic', to'iya aimun'ulyacu.

¹¹ LanDios ticua: "Tifel'mitso'tsi". Pe lomana' joupa ipo'nopa lafellaiqueya cataiqui', tepenufle ita'a.

¹² To'ta'a tite'l'mi'mola' nulemma ine petsi aiqul'aic' linca al Linca Cataiqui'. Ine petsi xonca ilpic'a lo'epa lixcay, tetets'iyi locuxepa LanDios.

¹³ Imanc' aimi'on'coto'lhuo' to iniya pe natets'ipá LanDios. To'iya als'najtsi'iyi LanDios, ticuicomma. Imanc' unc'alpimaye. LaPoujna ti'elhuo' capic'a. Li-pangopa li'a lamats' LanDios joupa i'huij'ecopolhuo' tun'u'etsolhuo'. Linca tun'u'e'molhuo'. Cal Espiritu Santo ti'hua tilanc'e'e'molhuo' lo'picuejma', ti'itsolhuo' ma i'huexi LanDios. To'ta'a lo'iyacolhuo' ma molihuejcoyi al Linca Cataiqui'.

¹⁴ Litine lo'quimf'epa Lataiqui' lal'ipolhuo', LanDios ijoc'ipolhuo' toluyalaico'e to'ta'a. Tijoula' to'cuxeta anuli laPoujna Jesucristo.

¹⁵ To'iya, cunc'alpimaye, to'po'no'e lo'picuejma', tolihuejco'cona'me lataiqui' la'muc'ipolhuo'. Ja'ni illanc' ca'tuca' alu'ipolhuo', ja'ni lini'epolhuo' ita'a co'je'e, ma' anuli ile lataiqui', tolihuejco'e.

¹⁶ Titoc'itsolhuo' iniya laPoujna Jesucristo y LanDios. LanDios, itque cal'Ailli', al'nujuaisponga', ixpic'epa altoc'itsonga'. To'iya lixpi'iponga' calata nulemma. Itsiya aimalsue'mot'leyi te ts'i'ic' ma'iyaconga' Locuaicoya Quitine. Alsina' lapenuftonga'.

¹⁷ Ja'ni to'sue'mot'leyi, LanDios tixpi'itsolhuo' cunlata. Ma mon'eyi al c'a o mo'palaic'oyi al c'a tifa'etsolhuo' lo'picuejma'.

3

1 Cunc'alpimaye, ai'a tícula'a'ma ilta'a colje'e, tipa'a laifmiyacolhuo': Tohsahue'ele LanDios altoc'itsonga'. Tohta'a aimipa'necoyacu litaiqui' LanDios. Ma to imanc' jounpa olapenufpá, olimetsaicopá ma' itaiqui' LanDios, tohta'a tepenuf'me, timetsaico'me lan xanuc' nomana' locuenaye hileloña'.

2 Tohsahue'ele LanDios alcuanajcotsonga', amalulij'monga' ihne pe limin-scopola' lipicuejma', ihne pe no'epá lixcay. Ai' jahuay mi'huaiyijnyi Jesucristo to la'huaiyijmpa.

3 Ilique la'Poujna linca aimifel'miyale. Tifa'e'molhuo' lo'picuejma', ticuana-jco'molhuo'. Tohiya aimi'i'ma co'eyacolhuo' lixcay conta'a.

4 Illanc' al'huaiyingilhuo'. Alcuayi: "Ihne lapimaye nomana' Tesalónica jouc'a ti'huaiyijnyi la'Poujna. Tohiya ti'eyi to la'sc'ai'ipola', ti'hua ti'e'me."

5 La'Poujna ti'hua tilanc'e'etsolhuo' lo'picuejma', xonca tohsingufle lo'epolhuo' capic'a LanDios. Titoc'itsolhuo' ti'hua tohsnet'l'me ma to ilque Cristo lixnet'upa. Aimixojtolhuo'.

6 Cunc'alpimaye: Aimonlejmalecona'me ihne lapimaye pe aimi'eyi canic', petsi nohuinajpola'. Tolanajtsoh'tsi ihniya. To'po'notsola' quiltuca'. Illanc' epaluc' la'Poujna Jesucristo, tohta'a la'sc'ai'ipolhuo'. Lo'epa ihne nohuinajpola' a'i to illanc' jounpa almuc'ipolhuo'.

7 Imanc' jounpa ohsina' lonl'eyacu. Imanc' al'onhtsonga' to illanc' la'ejma'. Illanc' malmana' jilpiya aimathuinaquina'.

8 Aimalsa'hueyi caltejacu. Ipuqui' itine al'eyi canic', alte'miyoh'tsi, alcuayi: "Malmana' lipitya' lapimaye nomana' Tesalónica, aimixingufco'me ihniya".

9 Linca tipa'a la'mane. Nipajnya alsahue'etsolhuo'. Aicalcuac'. Xonca alpic'a almuc'itsolhuo' lonl'eyacu, al'onhtsonga' to illanc' la'ejma'. Tonl'e'me lanic' ma to illanc' la'epa.

10 Malmana' jilpe lo'pitya' ma'sc'ai'ilhuo' lu'ilhuo': "Petsi aimicua mi'ay canic', aimitetso'ma".

11 Itsiya alcuejpa' lonescompolhuo' imanc', ticuayi: "Ihne lapimaye nomana' Tesalónica, hualca tihuinaquila'. Aimi'eyi canic'. Ma le'a tiyelocoyi, tehuelojnyi lo'epa locuenaye."

12 Illanc' epaluc' Jesucristo alcuxe'ela' ihniya no'epá tohta'a, alsc'ai'ila': "Aimoneloco'me le'a, tonl'ele canic'. Tohta'a to'na'me coltuca' cola'i."

13 Cunc'alpimaye, ja'ni tonl'eyi canic', ja'ni tohta'a toluyalaicoyi lapajnya, tonl'eyi al c'a. Aimixojtolhuo'. Aimo'pai'i'moh'tsi lo'picuejma'. Aimo'nes'me: "Aimi'ya ca'econaya tohta'a".

14 Ja'ni anuli lo'pima aimihuejma' lahtaiqui' lalini'epolhuo' ilta'a colje'e, tolimetsaicotsa naitsi ilque. Aimonlejmalecona'me. Tolanajtsoh'tsi. Ilique tixinla' calaic'ata, tixhuej'menanni.

15 Linca aimonl'e'me capilaic'. Ilique olpima. Tohs'ai'i'me, tolu'i'me: "Aimo'econa'ma tohta'a".

16 Ma le'a la'Poujna ti'i'ma alpac'e'e'monga' la'picuejma'. Ma tohta'a ti'e'etsolhuo' imanc'. Itine itine tipac'e'e'molhuo' lo'picuejma'. Tohmajnle al c'a, aimoh'sueh'mot'lecona'me. Pe loh'mana', jahuay imanc', tohmajnle anuli la'Poujna.

17 Iya' ninPablo caituca' laimane quinili fa'a laipuftine. Tohta'a locula'acoya jahuay laiye'e laifnumme'epola' lapimaye. Imanc' y locuenaye capimaye ti'ila' coh'sina' ma' aije'e.

18 La'Poujna Jesucristo ti'hua titoc'iconatsolhuo' jahuay imanc'.

LIJE'E SAN PABLO AL TE'A LINIŁ'EPA TIMOTEO

¹ Iya' ninPablo, nin'apóstol, epaluc Jesucristo. ŁalanDios y łapPoujna Jesucristo alfajpa iłiya laipenic'. Małque ŁanDios Łalunłu'eponga'. Illanc' joupa lapenufpá Jesucristo, tołta'a alsina' ma' alinca alunłu'ena'monga' nulemma.

² Quinił'ehuo' cumTimoteo. Ima' ma' ai'hua. Lihuequi iya'. Ma' anuli lihuejyi Jesucristo. ŁanDios cał'Ailli' y Jesucristo łapPoujna titoc'itso'. Ti'nujuaitso', tipac'e'etso' lopicuejma'.

³ Małmana' liłya' Éfeso aimipo': "Ca'huahuanła' łamats' Macedonia. Ima' topanenni fa'a liłya' Éfeso. Toxc'ai'i'mola' nomuc'ipá łapimaye. Tomitsola': Aimolmuc'i'mola' ituca' cataiqui'.

⁴ Aimolquimf'e'mola' lan xanuc' loya'apa, ilne mane tipalaicoyi petsi a'ij linca. Aimolquimf'e'mola' ilne nonescopá liłpuftine liłtatahueló." Ilne lonescopa aimijouya. Petsi noquimf'epá iłiya lataiqui', ¿te ti'i'ma quilsina' te ts'i'ic' lixp'ic'epa ŁanDios? A'i. Ma le'a ti'hua tixhuełcoyi, ticuayi: "¿Pe copa'a al Linca Cataiqui'? ¿Te ts'i'ic' iłiya?" Ticuicomma ti'huaiyijnle ŁanDios, ti'ete linca litaiqui'. Tołta'a timetsaico'me te ts'i'ic' lixp'ic'epa ŁanDios.

⁵ Ilne petsi alinca naihuejcopá locuxepa ŁanDios ti'eyołtsi capic'a. Ilne joupa i'ipola' ac'a liłpicuejma'. Aimi'nujuaisyołtsi ilne quiltuca', ti'nujuaitsila' liłpimaye. Jiłpe liłpicuejma' ilnsina' ŁanDios joupa imenc'e'ecopola' li'epa. Tołta'a aimi'econayacu al xujc'a. Ma ti'huaiyijnny ŁanDios, a'i ma le'a minesyi.

⁶ Petsi aimihuejyi tołta'a ilne joupa ecanujpá al C'a Cane. Mane tipalołaiyi. Ilne loya'apa aimitoc'ila' liłpimaye.

⁷ Ticuayi: "Illanc' linca ninc'omxiye. Almuc'iyaleyi ma locuxepa ŁanDios, ilne lataiqui' linilijmpa Moisés." Ilne ma le'a tipalołaiyi. Ni aiquilsina' te ts'i'ic' locuxepa ŁanDios.

⁸ Illanc' aicalatets'iyi ilne lataiqui' linilpa Moisés, alsinyi ac'a cataiqui'. Le'a cacua: Ilne lomxiye ticuicomma ti'ila' quilsina' tuhuałc'ete ilne lataiqui'. Timuc'iyalete ma to ts'ipic'a ŁanDios.

⁹ Ticuicomma ti'ila' quilsina' naitsi ilne nahue'epola' tiquimf'ete litaiqui' Moisés. Aimehue'ela' ilne lataiqui' ilne petsi ŁanDios joupa epenufpola', petsi joupa iximpola' to ailopa'a quiljunac'. Ilniya joupa ilnsina' te ts'i'ic' locuxepa ŁanDios. Ticuicomma timuc'intsola' lan xanuc' petsi aimihuejcoyi locuxepa ŁanDios, ilne lincuejlocale. Timuc'intsola' petsi natets'ipá ŁanDios, ilne no'epá al xujc'a. Timuc'intsola' petsi lixcay liłpicuejma', ilne tixhuełcoyi ma le'a iłiya lopa'a fa'a li'a łamats'. Timuc'intsola' petsi noma'apá quil'ailli', quil'máma'. Timuc'intsola' noma'apá liłf'as xanuc'.

¹⁰⁻¹¹ Timuc'intsola' petsi nahuepá quilecał'no', petsi noxhuicopá liłf'as xanuc' to cacal'no', petsi no'nołpá liłf'as xanuc' ticuj'me, petsi nofelłaiquepá, petsi aimentant'iyi lataiqui' locupa, petsi no'epá nixpiya. Ticuicomma timuc'intsola' jahuay no'epá lixcay, pe aimihuejcoyi Lataiqui' loya'apa lixp'ic'epa ŁanDios. Ilne Lataiqui' tixc'ai'iyale ma le'a al c'a, tuya'e' te ts'i'ic' ŁanDios liłpicuejma'. Ilne tixoqui queta alunłu'enga'. Małe Lataiqui' lapi'ipa iya', al'huaiyijmpa cuya'ala'.

¹² Cax'najtsi'i Jesucristo łapPoujna. Ilne alłoc'ipa, alapi'ipa laipicuejma'. Cami: "Cax'najtsi'ihuo' ima' al'huaiyijmpa, lapi'ipa laipenic'".

¹³ Li'ipa, iya ixcay capalaijma ilne Cristo. Cateł'mila' lixanuc', camiloquila' cataiqui'. Ilniya liłiné aicainihuequi Jesucristo. Tołiya aicainimetsaicola'

lixanuc' Jesucristo, aicaixina' ja'ni ixanuc' ÑanDios o a'i. Tołta'a ÑanDios aicalaca'ni'e.

¹⁴ Juaiconapa acueca' lałpaxnepa lałPoujna. Lijoupa lainepenufpa Jesucristo jilpe linca ai'huaiyijmpa ÑanDios, ca'ela' capic'a lapimaye.

¹⁵ Tipa'a lataiqui' ma' al linca loya'apa. Tepenufle jahuary lan xanuc'. Ite lataiqui' tuya'e': "Jesucristo icuaiyoco'ma jifa'a li'a lamats' tunłu'etsola' no'epá lixcay". Jilpe loya'apa "... tunłu'etsola' itne no'epá lixcay", jouc'a iya' ałnescojma. Iya' xonca nixcay xans, ailopa'a nalulijya.

¹⁶ Itne petsi no'huaiyijnyacu, Jesucristo ipic'a timuc'itsola' te ts'i'ic' lipicuejma'. Ti'ila' quilsina', tama acueca' juaiconapa liłjunac', Cristo tepenuf'mola'. Tepi'i'mola' al ts'e lipitine aimijouya. Tołta'a ate'a ałsimpa nincuanuc'. Ałsnet'łpa iya' lai'ejma'.

¹⁷ ¡Ałs'najtsi'ite ÑanDios cal Rey! Ałs'najtsi'ite aimijouya licuxejma', aimimaya, aiqui'huáqui. Ma quituca' anDios. Ma le'a iłquiya nipajnya texc'onlingolai'me. Ma le'a iłque timinłe: "Ima' manDios". Ma tołta'a lo'iya, aimipaiya. Tołta'a ti'ila'. Amén.

¹⁸ Mai'hua Timoteo, ÑanDios joupa imetsaicopo', epi'ipo' lopenic'. Itsiya caxc'ai'ihuo': Ma to'ela' jilhiya lanic'. To'nujuaitsi linespa lapimaye noya'apá lixpicepa ÑanDios, lałmiponga': "Ti'ela' Timoteo lipenic' ÑanDios". Itsiya taipa'ala' lopujfxi, taihuejla' ÑanDios.

¹⁹ Ti'hua to'huaiyinge Jesucristo. To'nujuaitsi imenc'e'ecopo' lo'epa lixcay. Aimo'econa'ma. Petsi aimi'nujuaisyi limenc'e'ecomola' li'epa, aiquilcuac', itne ti'econayi lixcay. Aimi'hua mi'huaiyijnyi Jesucristo. Joupa ejac'epołtsi.

²⁰ Tołta'a li'ipola' Himeneo y Alejandro. Itne iya' joupa aicupola'. Nepi'ipa lane Satanás titełmitsola'. Tihuic'ite aimetets'icona'me Jesucristo.

2

¹ Itsiya caxc'ai'i'mo'. Ate'a camihuo': "Toxc'ai'itsola' lapimaye nafoljomma jilpiya, tomitsola': Imanc' mołpalaic'oyi ÑanDios toł'nujuaitsola' loł'as xanuc' ni petsi lomana'. Tołsahue'ele ÑanDios titoc'itsola', tepi'itsola' lahue'epola'. Ja'ni joupa epi'impola' tołs'najtsi'ite ÑanDios.

² Toł'nujuaitsola' lan rey jouc'a jahuary ts'itpenic'. Tołsahue'ele ÑanDios titoc'itsola' ilniya. Tołta'a aimalpa'neyaconga', luyalaico'me al c'a, aimalšuełmot'leyacu, al'e'me ma latentłcocoya ÑanDios, aimal'eyacu nixpiya.

³ Ja'ni tołta'a tołsa'hueyi ÑanDios linca tonł'eyi al c'a. Ite lonł'epa tetentłcocojma ÑanDios Ñalunłu'eponga'."

⁴ Iłque ipic'a tunłul—le lan xanuc' ni petsi lomana'. Ipic'a ti'ila' quilsina' te ts'i'ic' al linca Cataiqui' loya'apa.

⁵ Tipa'a ma le'a anuli ÑanDios. Jouc'a tipa'a ma le'a anuli lałPaluc. Iłque ti'i'ma tipalaic'o'ma ÑanDios jipu'hua lema'a. Tixahue'e ałtoc'itsonga' illanc' ninc'ixanuc'. Jesucristo alaPaluc, jouc'a axans.

⁶ Iłque icupoxi tima'anłe. I'najtsepa lałjunac' illanc'. Jouc'a i'najtsepa liłjunac' lał'as xanuc' ni petsi lomana'. ÑanDios joupa ixpic'epa te quitine tuya'atsa ite li'ipa. Joupa icuai'ma al 'hora. Lataiqui' illanc' lalı'ipola' lan xanuc' tuya'e' ite li'epa Cristo.

⁷ Ma tołta'a laipenic' lalapi'ipa ÑanDios. Iya' nin'apótol cuya'e' ite lataiqui'. Iya' laifnescopoxi al linca. Aicafel'miyale. Alummepa ca'huala', camuc'itsola' lan xanuc', itne petsi aimimetsaicoyi ÑanDios.

⁸ Aipic'a tipalaic'ołe ÑanDios lan xanuc' ni petsi lafot'leyołtsi lapimaye. Ilniya ja'ni al c'a lo'epa, liłmane' lo'nof'epa tetentłcoco'ma ÑanDios. Mipalaic'oyi ÑanDios, aimixtule'me jilpe lipicuejma', aimifuleco'me cataiqui'.

⁹ Jouc'a aipic'a ti'ila' ac'a li'ejma' lapimaye cacal'no'. A'i metej'moltsi juaiconapa. Aimicol'i'moltsi milanc'e'me juaiconapa li'juac, ma mipo'noyi jilpe li'oro, ma mixc'uininc'iyi li'june' aperla. Aimehue'me juaiconapa lipitali quipijahuati. Aimines'me: "Alahuelojntsonga' lan xanuc'". Ti'ila' li'pijahuati ma latencocoya LanDios. Jilpe li'picuejma' tijanajle ti'ete al c'a.

¹⁰ Laca'no' naihuejpa LanDios ticuicomma timujtsołtsi mi'eyi al c'a. Aimimuc'iyale'me te ts'i'ic' li'pijahuati, ja'ni ac'a o a'i.

¹¹ Laca'no' miqumf'e nomuc'iyalepa, ma tiquimf'eta'. Aimitalai'e'ma. Tihuejcola'.

¹² Iya' a'i capi'ila' lane laca'no' mimuc'inyacola' lan xanuc' ni micuxenya-cola'. Ma tiquimf'ete.

¹³ LanDios ate'a ilanc'e'ma cal xans, ilque Adán. Lijou'ma ilanc'epa laca'no' Eva.

¹⁴ Tama loquexi' aiqulihuequi locuxe'epola' LanDios, ma le'a Eva ifel'mimpa. Adán a'i. Tohiya camilhuo': Laca'no' aimimuc'i'me lan xanuc', aimicuxe'me.

¹⁵ Ihniya laca'no' itaic' li'junac'. Ti'hua tixinyi lumla litine mipo'no'me li'naxque'. Tama tołta'a lo'ipola' ti'i'ma tunłul'me. Ticuicomma ti'hua ti'huaiyijnle LanDios, ti'hua ti'etsola' capic'a lapimaye, ti'hua timetsaicotsoltsi ma' i'huexi LanDios, tenajtsołtsi al xujc'a, ti'hua ti'ete al c'a. Ja'ni tołta'a li'ejma' tunłul'me.

3

¹ Ticuayi: "Pe ts'ipic'a ticuxetsola' lipimaye, ac'a lanic' ile lojanajpa lo'eya". Iya' cacua: Al linca lataiqui' ihya.

² Tohiya ticuicomma anuli lapima petsi joupa imetsaicompa ac'a xans, ts'anuli quipeno, ticuxeyoxi ac'a, ac'a lipicuejma', a'i caxpennaiqui, tepen-ufila' lapimaye jilpe lejut'ł, tepi'ila' lomanc'eyacu. Jouc'a ticuicomma ts'ixina' lomuc'iyalepa. Ja'ni tołta'a li'ejma', ilque linca ti'i'ma ticuxe'mola' lipimaye.

³ Aimofaj'ma lapima ja'ni tixnatsay o limfule o tixtumma. Tofaj'ma lapima ja'ni tixnet'ł'ma, ja'ni tipalaic'ola' al c'a lipimaye. Aimofaj'ma ja'ni ipic'a tulijla' quitomí.

⁴ Ja'ni ticuxela' al c'a nomana' lejut'ł, ja'ni linaxque' tihuejcoyi, aimi'eyi nixpiya, ilque tofaj'ma.

⁵ Lapima petsi aiquxina' micuxeyacola' nomana' lejut'ł, ¿te ti'i'ma ti'e'mola' cuenna lipimaye, lefot'lepola' LanDios? A'i. Aimi'iya.

⁶ Ticuicomma łofajya i'ipa axpe' camats' quihuequi Jesucristo. Ja'ni quite' mihuequi aga tines'ma: "Iya' xonca nincueca". Tijoułta' ma' anuli Satanás tecani'em'me.

⁷ Ja'ni lan xanuc' petsi aimimetsaicoyi LanDios timetsaicoyi ac'a xans ti'i'ma tofaj'ma. Ja'ni a'i tinesco'me cataiqui', tijoułta' lapima tic'aiłquehuo ma to ts'ipic'a Satanás.

⁸ Ma' anuli lapimaye notoc'iyacu li'pima micuxeyale. Ja'ni aimilotsoyi, ja'ni ma' anuli liłtaiqui', a'i oque', tofaj'mola' ihniya. Aimofaj'mola' ja'ni tixnatsolaiyi ni ja'ni ts'ipic'a tulijle quitomí.

⁹ Ite Lataiqui' lalapenufpa illanc' ticuicomma ticuec'ete lipime xonca jouc'a tihuejle lataiqui'.

¹⁰ Ai'a tofaj'mola' taimetsaicotsola' te ts'i'ic' li'ejma' jouc'a li'picuejma'. Ja'ni alinca ac'a xanuc' tapi'itsola' quipenic'. Titoc'ile li'pima ma micuxela' lapimaye.

¹¹ Laca'no' notoc'iyacu jouc'a ticuicomma petsi ac'a li'picuejma', aimix-ahualeyi, ticuxeyoltsi al c'a, tenant'iyi liłtaiqui', aimifellayqueyi.

¹² Lan xanuc' notoc'iyacu ticuicomma anuli anuli ti'ila' li'peno, a'i oquexi' afantsi. Ticuicomma ticuxentsola' al c'a li'naxque' y jahuay nomana' lilejut'.

¹³ Ihe notoc'iyacu, acueca' ihe lanic' lo'eyacu. Ja'ni tixhuai'nihe li'penic', li'pimaye timetsaico'me. Ihe quilituca' timetsaico'mo'tsi a'linca ti'huaiyijnyi Jesucristo.

¹⁴ Iya' cacua aimac'olconaya fa'a. Ca'hua'ma jil'pe. A'sintso'tsi. Ma capa'a fa'a quini'ehuo', cu'ihuo' lof'eya.

¹⁵ Tijoula', ja'ni a'col'ma fa'a joup'a i'ipa col'sina' te ts'i'ic' lonf'eyacu, ima' y lapimaye nomana' jil'piya. Imanc' ixanuc' LanDios, ma'que Limaf'i' CanDios. Ma' il'que efot'lepolhuo', ipo'nocopolhuo' toluya'ate al Linca Cataiqui'. Ipo'nocopolhuo' toni'ete cuenna ihe Lataiqui', to'sinte aimipai'im'me, aimimuc'iyale'me ituca'.

¹⁶ Linca acueca' ipime Lataiqui' lalihuejcopa illanc'. Ihe lataiqui' tipalaijma Cristo, tuya'e':

I'que i'epoxi xans, icuai'ma fa'a li'a lamats'.

Cal Espíritu Santo imetsaicopa pangay c'a lipicuejma'.

Lapaluc' quema'a ehuelojmpá.

Pe lomana' ihe petsi aiqulimetsaijma LanDios, jil'piya uya'ampá te ts'i'ic' li'ipa, li'epa il'que.

Fa'a li'a lamats' i'huaiyijmpá,

pu'hua lema'a epenufina'pa, imetsaicopa anDios.

4

¹ Cal Espíritu Santo joup'a inespa lo'iya, ticua: "Ticuaitsi lijoujma quitine lan xanuc' aimihuejconayacu al Linca Cataiqui'. Tiquimf'e'me locuapa locuenaye lan espíritu, ihe nofellaiquepá. Tihuej'me lomuc'iyalepa lontahue."

² Ihe petsi naihuejpa' ituca' cataiqui' ti'e'eyo'tsi to lan c'a xanuc'. Ticuayi: "Illanc' a'muc'iyaleyi al Linca Cataiqui'". Ma le'a ticuayi to'ta'a, tifel'miyaleyi. Ni aimimetsaicoyo'tsi ixcay lo'epa. Joup'a iminscopa li'picuejma', i'ipa capeme, aimixingufcoyi.

³ Ticuayi: "Timajnle quilituca' lan xanuc'. Jouc'a laca'no' timajnle to'ta'a. Aimejonhi'mo'tsi." Jouc'a ticuayi: "I'ta'a o jilu'hua aimo'te'me. LanDios aimepi'ilhuo' lane." Ihe nonescopá to'ta'a tinescoyi ma lilanc'epa LanDios. Ja'ni al'huaiyijmpá, a'cuc'eyi al Linca Cataiqui', LanDios ipic'a a's'najtsi'ile, a'te'le.

⁴ Jahuay lilanc'epa LanDios ma ac'a. Ailopa'a calatets'iyacu. A's'najtsi'ile LanDios, a'te'me.

⁵ Litaiqui' LanDios joup'a lu'iponga' ac'a lilanc'epa LanDios. Ja'ni a'sahue'ete il'que tipaxne'ma la'tejacu.

⁶ Ja'ni to'ta'a lo'fxc'ai'iyacola' lapimaye a'linca to'e'ma lipenic' Jesucristo. Tomuj'moxi te ts'i'ic' litoc'empo'. Tomuj'moxi joup'a imuc'impo' te ts'i'ic' Lataiqui' lalihuequi', te ts'i'ic' al c'a lomuc'iyalepa. Tomuj'moxi ma ti'hua taihuequi.

⁷ Tipa'a lataiqui' ti'on'cospa to litaiqui' laca'no' joup'a itojnapola', ihe lataiqui' tipa'ayi quilituca' li'picuejma'. A'ij linca lataiqui', tuya'e' nixpiya. Aimapenuf'ma ni aimoquimf'e'ma. Xonca taipa'ala' lopujfxi tanant'ila' locuxepa LanDios.

⁸ Ja'ni taipa'ala' lopujfxi pe lafil'ya tepi'im'mo' lofmulijya. Ja'ni taipa'ala' lopujfxi tanant'ila' locuxepa LanDios xonca acueca' tolij'ma. LanDios joup'a icupa cataiqui'. Toxim'ma al c'a mopa'a fa'a li'a lamats' jouc'a Locuena Quitine toxinna al c'a.

⁹⁻¹⁰ Ticuayi: "Toliya al'eyi lanic', lipa'ayi acueca' la'pufjxi, a'te'l'miyot'si. Joup'a al'huaiyijmpá LanDios, il'que Limaf'i' CanDios. Ma le'a il'que ti'i'ma

tunlu'e'mola' lan xanuc' ni petsi lomana'. Añinca lunlu'e'monga' illanc' petsi joupa añ'huaiyimpá." Ìle lataiqui' tuya'e' al ñinca. Tepenufle jahuay lan xanuc'.

¹¹ Ima' toxca'i'itsola' lapimaye jilpe nomana'. Tomuc'itsola' laifmipo', ìle lainini'epo'.

¹² Tama mamijcano aimetets'i'mo', ni'anuli. Topalaila' al c'a, to'ela' al c'a, to'etsola' capic'a lopimaye, tanant'ñila' lopenic' jahuay, tanajxoxi al xujc'a. Ja'ni lapimaye tihuejhuo' toñta'a lo'ejma' ìne jouc'a ti'i'ma al c'a li'ejma'.

¹³ Ca'hua'ma pu'hua, cahuejnto'. Ma mopa'a cotuca' ti'hua toxhuef'itsola' lapimaye litaiqui' ÌanDios, ti'hua toxca'i'itsola', tomuc'itsola'.

¹⁴ To'nujuaitsola' liñtaiqui' pe noya'apá lixpicejma' ÌanDios. Ìñiya uya'apá, imi'me lan ts'ilaj capimaye: "Timoteo ti'ela' lipenic' Jesucristo. Toñpo'nof'ìle loñmane' hjuac." Jilpe litine ÌanDios epi'ipo' lopicuejma', to'ela' lipenic'. Itsiya aimatets'i'ma lepi'ipo' ÌanDios. To'ela' lanic'.

¹⁵ Topo'notsi cuenna ìle lainini'epo', aimaimenc'eco'ma. To'etsi ma to laixc'ai'ipo'. Toñta'a ti'hua ti'i'ma xonca al c'a lopicuejma'. Jahuay lapimaye tixim'mo' ìle li'ipo'.

¹⁶ Ti'hua taicuis'exoxi ja'ni ac'a lo'ejma', ja'ni ac'a lofmuc'iyalepa. Toñta'a tonlu'e'moxi jouc'a tunlu'me ìne noquimf'epo'.

5

¹ Anuli hitojpa xans aimotale'ma, topalaic'o'ma al c'a, ma le'a tomiña'. Taimetsaicoña' to co'ailli'. Lof'as camijcanó, taimetsaico'mola' to copimaye.

² Litojpola' cacal'no' taimetsaico'mola' to co'máma'. Lahuats'la taimetsaico'mola' to copimaye cacal'no'. Aimopalaic'o'mola' quixcay cataiqui', aimailotsojnco'mola' cataiqui'. Jahuay ìñiya, aimotale'mola', le'a tomi'mola'.

³ Tomitsola' lapimaye nomana' jilpiya: "Toñtoc'itsola' lam potsateya cacal'no', ìñiya petsi ma' añinca quiltuca'".

⁴ Anuli cal potsate caca'no', ja'ni timana' linaxque' o linietó, titoc'ìle ìñiya. Ate'a ti'ele al c'a quiltuca' liñpimaye. Tihuic'ìle titoc'ìle quif'ailli', quif'máma'. Toñta'a lipic'a ÌanDios, tetentma.

⁵ Iya' cacua: Cal potsate caca'no' petsi joupa i'huaiyimpa ÌanDios, mipa'a quituca' ja'ni ìlque ti'hua ti'huaiyinge, ipuqui' itine tipalaic'o'ma ÌanDios, tixahue'e'ma titoc'ìla'. Ja'ni toñta'a li'ejma' ìlque añinca apotsate.

⁶ Timana' ocuenaye lam potsateya cacal'no' ituca' li'ejma'. Ìne tehueyi te co'iya muyalaicoyacu al c'a liñpitine. Tehueyi liñpinoxma cata. Toñta'a, tama ìñmaf'i', ÌanDios tixinnila' to limac'la, to nenajpoñtsi ÌanDios.

⁷ To'itsola' lapimaye laifmipo'. Tomitsola': "Tolihuejle ìle lañmiponga' lañpima Pablo". Ja'ni ti'ele toñta'a locuenaye lan xanuc' aiminescoyacu a'ijc'a.

⁸ Lapimaye ticuicomma titoc'intsola' liñxanuc'. Lapima xonca titoc'i'mola' nomana' lejut'ñ. Ja'ni aimi'eyi toñta'a, acueca' a'ijc'a li'ejma', aimihuejyi Lataiqui' loya'apa ìle al c'a lixpicepa ÌanDios. Petsi aimimetsaicoyi ÌanDios ìñiya titoc'innila' liñxanuc'.

⁹ To'itsola' lapimaye: "Cal potsate caca'no' petsi aiquixhuaiya afane' nuxans ñemats', aimoliniñjnc'e'me lipuftine. Toliniñjnc'eta lipuftine ja'ni loxhuaiya afane' nuxans ñemats', ja'ni imajmpá ma le'a anuli lipe'ailli', aiquehuaic' ocuenaj xans,

¹⁰ ja'ni imetsaicompá i'epa al c'a, ja'ni ac'a itoc'epola' linaxque', ja'ni epi'ipola' lejut'ñ tunxac'ele noyepá al culi' cane, ja'ni epac'epola' liñmitsi' lipimaye, ìne jouc'a i'huexi ÌanDios, ja'ni itoc'ipola' notelcopá, ja'ni itine itine tehuay te co'iya mi'eya al c'a. Ma le'a toñniya toliniñjnc'etsola' liñpuftine."

11 Lam potsateya cacal'no' petsi aikuixhuaiya afane' nuxans hilemats' aimolinijnc'e'mola' lipuiftine. Ihe tipango'me ti'e'me lipenic' Cristo, tijoula' tixojtola', ticuanaj'moltsi, tijanaj'me temallicona'me.

12 Ate'a ticuayi: "Ne' ne', linijnc'ela' laipuiftine, ca'e'ma ma le'a lipenic' Cristo". A'ij linca locuapa. Aimentant'hiyacu. Tijanaj'me temallicona'me, tijoula' titai'me lajunac', tipo'no'me ile lipenic' Cristo.

13 Ihe laca'no' lijoupa lolinijmpola' lipuiftine tihuinaj'mola'. Aimi'eyacu canic', ma le'a tehuengaleta ajut'í ajut'í. Xonca lixcay ti'e'me, tixahuale'me, tehuelaifyi, tehuejmaleyi lif'as cacal'no', tipalaiyi lataiqui' aimententma.

14 Iya' cacua: Temalliconle lam potsateya cacal'no' petsi aikuitoquila'. Tixingon-na'me quinxaque', ti'e'me cuenna hilejut'hi. Ja'ni to'la'a lo'epa naix-tulepá aimi'ia minesyacu: "Xinla', ixcay lo'epa ihe laca'no' petsi nepenufpá Cristo".

15 Timana' hualca lam potsateya cacal'no' joupa ipo'nopá al C'a Cane, tihuejcoyi lonta'a Satanás. Toliya laifcuapa: Lapimaye lam potsateya temalliconle.

16 Lapimaye cacal'no' ja'ni timana' lipimaye apotsateya titoc'intsola'. Aimines'me: "Ihe lapimaye titoc'ile laipima". Linca titoc'im'mola' lam potsateya cacal'no' petsi ma quituca'.

17 Lapimaye litojpola', ihe noxpijpá lataiqui', ja'ni al c'a ti'eyi lipenic', xonca timetsaicontsola', xonca ti'najtse'entsola'. Xonca timetsaicontsola' to'la'a petsi no'epá lanic' tuya'ayi o timuc'iyaleyi Litaiqui' LanDios.

18 To'la'a tuya'e' al Paxi Linilingiya, ticua: "Cal huacax mi'huailiqui cal trigo, titela'. Aimof'i'e'me lipu'nal." Jouc'a tuya'e': "Cal xans no'epa lanic' ticuicomma ti'najtsente".

19 Ja'ni anuli ticufla' hitojpa capima noxpijpa cataiqui', ja'ni tuya'ala': "Ihe i'epa quixcay", ima' aimoquimf'e'ma nonespa to'la'a. Ja'ni oquexi' o afantsi lapimaye tu'ihuo': "Illanc' alsina' ma i'epa lixcay, alsimpá li'epa", jilpe linca toquimf'e'mola'.

20 Petsi no'epá lixcay toxc'ai'itsola' pe lefo'ya lapimaye. To'la'a tixpailjtsola' lapimaye noquimf'epá, aimi'eyacu lixcay jouc'a.

21 Iya' cacuxe'ehuo': To'ela' ile laifnu'ipo'. To'nujuaitsola' naitsi ihe nahuelojmpo', ma'niya LanDios, Jesucristo y lapaluc' quema'a li'huijf'epola' LanDios. Aimocua'ma nulemma: "Ihe a'ijc'a li'epa". Ate'a ti'ila' coxina' te qui'ipa. Tijoula' to'ela' ma to laimipo'. Ni aimocua'ma: "Ihe itojpa xans, tixpic'e lataiqui', aimi'ia cate'imiya". Ima' to'ela' al hijca.

22 Ja'ni topo'nof'i'ma lomane' hijuac anuli lapima, ticuxetsola' lipimaye, ate'a ti'ila' coxina' te ts'i'ic' lipicuejma', li'ejma' lapima, tijoula' topo'nof'i'ma lomane'. Ja'ni a'i, aga ti'e'ma' quixcay lapima pe joupa opo'nof'ipa lomane', to'la'a ima' jouc'a ojunac'. Aimoxisc'e'moxi to'la'a.

23 Aimoxnacona'ma ma le'a caja'. Itine itine textafhuo'. Toxna'la' tutani laj vino. Ti'ina'ma locu'u.

24 Iya' camihuo': Timana' petsi aimi'ia memiyacu lixcay lo'epa. Tama ihe quituca' aimuya'ayi te ts'i'ic' lo'epa, aimico'ya ti'i'ma coxina', taimetsaico'mola' ixcay xanuc'. Ocuenaye xonca ilsina' mifellaiqueyi. Tocomma ac'a xanuc', tijoula' timuj'moltsi ituca', taimetsaico'mola' a'ijc'a lipicuejma'.

25 Ma' anuli lo'ipola' no'epá al c'a. Hualca tocomma a'ijc'a xanuc', tijoula' taimetsaico'mola' ac'a lipicuejma'. Ja'ni ac'a lo'epa li'ejma' cal xans, ihe aimi'ia memiconayacoxi li'ejma', ticuaita litine ti'huajnata.

6

¹ Lapimaye amozó, petsi lihpoujna i'nampola', tixpaic'ete lihpoujna ticuec'ete. Ja'ni tohta'a ti'e'me lapimaye, lan xanuc' tixim'me ac'a lanDios, aimetets'iyacu litaiqui' lomuc'iyalepa.

² Petsi lihpoujnalá apimaye, aimi'onkico'moltsi, xonca ticuec'entsola'. Timet-saicontsola' lihpoujnalá jouc'a ti'huaiyijnyi LanDios, ma' anuli ti'ela' capic'a ilque. Ima', cumTimoteo, tomuc'itsola', toxc'ai'itsola' tohta'a.

³⁻⁴ Tohta'a loya'apa litaiqui' lihpoujna Jesucristo, ille ma le'a ac'a Cataiqui'. Ja'ni lihuejcoyi ille lomuc'iyalepa, al'e'me ma latenlcocopa LanDios. Petsi ituca' lomuc'iyalepa ailopa'a quilsina', joupa i'ipola' amac'ta, ille quituca' i'e'epoltsi to lan tsila' lomxiye. Ma le'a tifulecoyi cataiqui', ita'a o ille litaiqui' aiqulpic'a, tixtuleyi. Tijoula' petsi naihuejpa tohta'a ihniya ti'eyoltsi laic', tixtuc'oyoltsi, tinescoyoltsi, jilpe lihpucuejma' ticufcoyoltsi a'ijc'a.

⁵ Ti'hua tifuli'iyoltsi, aimi'eyi anuli lihpucuejma'. Ille lan xanuc' lihpucuejma' joupa etelquemma, aimi'iya mixpic'eyacu al c'a, tihuejyi lafellaiqueya cataiqui'. Ticuayi: "Lihuejle LanDios, tohta'a lulijle acueca' tomí".

⁶ Ai, toliya aimi'iya malcuayacu. Ti'ila' lalapi'iyaconga' o aicalapi'i'monga', ma' anuli aimatsuelmot'leyacu. Ja'ni ma lihuejcoyi LanDios, joupa i'ipa acueca' lalulijnapa.

⁷ Lamajnlita fa'a li'a lamats' ni tohta'a aicaltaic'. Amatsonga' jouc'a ni tohta'a aimataiyacu.

⁸ Ja'ni tipa'a latejacu jouc'a lalpijahuati lalpo'noyacu, linca tixoj'ma calata, aimalanajyacu xonca, aimatsuelmot'leconayacu.

⁹ Pe ts'ilpic'a tulijle acueca' al tomí, a'ijc'a muyalaicoyacu lapajnya, tehuiyim'mola' acueca', tic'aicoltecu, tihuej'me lihpemac'ta, tohta'a tehueyi latecoya. Petsi naihuejcopa tohta'a li'ejma', ille aimunhulyacu, tocomma quituca' tunxalac'ila', tijoula' tejac'mola'.

¹⁰ Al te'a ilpic'a tulijle acueca' tomí, tijoula' ti'e'me lixcay. Tohta'a li'ipola' hualca, ille nojanajpa quitomí, enajpoltsi al C'a Cane. Ille quituca' ite'l'mipoltsi, i'ipa acueca' lihpixhujma'.

¹¹ Ima', cumTimoteo, to'ay lipenic' LanDios, topo'nota' lopicuejma' aimahuej'ma ille lixcay cane. Toxpice'ela' to'econa'ma al c'a, to'econa'ma ma latenlcocopa LanDios, ti'hua to'huaiyijnla', ti'hua to'etsola' capic'a lapimaye, ti'hua toxnet'la' jahuay, aimaxtu'ma, aimo'e'moxi moyac'.

¹² Ima' joupa mepenufpa Cristo, ti'hua taihuequi litaiqui'. Itsiya taipa'ala' lopujfxi tolijla' al c'a. Tohta'a tepi'inno' lopitine aimijouya. Ma tohta'a ijoc'icopo' LanDios, tepi'itso' lopitine. Ille joupa oximpa litine onespa: "Ne', iya' nihuequi Jesucristo". Ille litine miquimf'ehuo' axpela', ima' aicoxina' calaic'ata.

¹³ Itsiya caxc'ai'ihuo', aimehuelojnhuo' lan xanuc', tehuelojnhuo' LanDios, ilque timaf'i'ila' jahuay. Jouc'a tehuelojnhuo' Jesucristo, ilque jouc'a aiquitaic' calaic'ata, ac'a litalai'e'epa Poncio Pilato, u'ipa al linca.

¹⁴ Caxc'ai'ihuo': Ma ti'hua co'huaijma ticuaiconanni lihpoujna Jesucristo, taihuejcola' litaiqui' locuxe'epo'. Ja'ni ima' minnahuejcopa, tixinim'me ma le'a ac'a litaiqui' Jesucristo. Aiminesc'eyacu, aimicuayacu a'ijc'a ille litaiqui' Jesucristo.

¹⁵ LanDios joupa ixina' jale litine ticuaicoconno Jesucristo. Ma to lixpice'epa LanDios, ma tohta'a ti'i'ma. Ilque LanDios jahuay nipajnya ti'e'ma. Ilque xonca acueca' Incuxepa, ma ilque ticuxe jahuay. Ilque linca apaxi, tixoqui queta. Ilque aRey, ticuxela' jahuay lan rey. Ilque aPoujna, ilhpoujna jahuay lapoujnalá.

¹⁶ Ma le'a ilque aimimaya. Pe lopa'a tipa'a pangay quepalc'o', acueca' laxpaiqui' ille lepalc'o', aimi'iya miloc'huaiyacu. Ilque nij naitsi nahuelojmpa,

aimi'iya mehuelojnyacu. Ma tołta'a łalanDios, łque xonca cal Cueca', xonca icueya limane. Tołta'a timetsaicolę lan xanuc', ti'hua timetsaicona'me aimijouya litine. Ma tołta'a ti'ıla'. Amén.

¹⁷ Toxc'ai'itsola' lan xanuc' pe ts'it'hueca acueca'. Tomitsola': "Aimont'e'e'mołtsi to lan tsila' xanuc'. Aimolatets'i'mola' lołpimaye. Aimolcua'me: Ai'hueca juaiconapa acueca'. İta'a linca altoc'i'ma laifnuyaicoya laipitine. Imanc' aicolšina' ja'ni ticol'ma loł'hueca o ja'ni aimijucoya. Xonca toł'huaiyijnle ŁanDios. İque itine itine lapi'inga' jahuay lalahue'eponga'. İpic'a tixojla' calata itsiya, aimalsuelmot'le'me."

¹⁸ Jouc'a tomitsola' lan xanuc' pe ts'it'hueca: "İma' o'hueca juaiconapa. To'ęła' juaiconapa al c'a. Aimi'i'mo' mafts'ile. Totoc'itsola' lopimaye pe nahue'epola'.

¹⁹ Ja'ni tołta'a lof'eya aimixpaic'eyaco' Locuena' Quitine. Ti'i'mo' coxina' tipa'a lo'hueca jipu'hua, tepi'inno' nulemma al ts'e lopitine."

²⁰ CumTimoteo, joupa epi'impo' lopenic'. To'ęła' al c'a. Al c'a tomuc'iyaleła' Lataiqui', ile loya'apa lixpıc'epa ŁanDios. İniya limpalaipá aimo'onłico'moxi. Topo'no'mola' quiltuca', aimoquimf'e'mola'. İne ailopa'a quimuc'iyalepa, lonespa ma le'a laipa'apa quiltuca' liłpicuejma', ti'hua tifulecoyi cataiqui', ma micuayi: "İllanc' alsina'". A'ij linca locuapa, aiquıłsina'.

²¹ Petsi naihuejcopá İniya joupa imenajpola'. Aimihuejconayi Lataiqui' illanc' lał'huaiyijmpa.

ŁanDios titoc'itsolhuo' jahuay imanc'.

LIJE'E SAN PABLO LOCUENA LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. Toġta'a lixic'epa ĒanDios. Iya' nin'apóstol laifnuya'apa ticua: “Ja'ni toġ'huaiyjnle Jesucristo, tepi'im'molhuo' al ts'e loġpitine aimijouya”.

² Quiniġ'ehuo' coje'e, ima' cumTimoteo. Ima' ai'hua aipic'a. ĒanDios caġ'Ailli' y Jesucristo ġaġPoujna, titoc'itso', ti'nujuaitso', tipac'e'etso' lopicuejma'.

³ Iya' cax'najtsi'i ĒanDios, ilenDios cai'ailli' jouc'a lai'ahueló. Iġniya ihuejcopá, ma' anuli iya' quihuequi jahuay laipicuejma'. Cacia: Cax'najtsi'i ĒanDios. Itine ipuqui' ma capalaic'o ca'nujuaishuo' ima', caxa'hue ĒanDios titoc'itso'.

⁴ Ca'nujuaishuo' ojojpa. Toġiya juaiconapa aipic'a caxingontso', toġta' tixoj'ma neta.

⁵ Ca'nujuaishuo' ma' al ġinca mepenufpa Jesucristo. Toġta'a epenufpa ate'a ġo'ahuela Loida jouc'a co'máma' Eunice. Iġne a'i ma le'a mi'e'eyoġtsi, al ġinca ihuej'me Jesucristo. Iya' cacua ima' jouc'a taihuequi.

⁶ Toġiya camihuo': Tomaf'i'ixoxi. Iġe litine laipo'nof'ipo' laimane' ġojuac, ĒanDios epi'ipo' lopicuejma' to'eġa' lanic' lepi'ipo'. Itsiya aimixojto'.

⁷ Aimixpaij'mo'. Cal Espíritu Santo, ġalapi'iponga' ĒanDios aimal'e'eyaconga' maġsinyacu calaic'ata. Cal Espíritu lapi'iponga' laipicuejma' aġ'eġe al cueca', aġ'etsola' capic'a laġ'as xanuc', aġsc'ai'itsola' al c'a.

⁸ Itsiya camihuo': Ti'hua topalaico'ma ġaġPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma ġaġPoujna, toġiya aġ'noġpa, aġtats'iya. Ja'ni toya'a'ma Lataiqui', loya'apa iġe al c'a lixic'epa ĒanDios, ma toġeġco'ma. Toxpiceġa' aġteġcoġe anuli. ĒanDios, iġque No'epa al cueca', tepi'i'mo' copujfxi toxnet'ġa'.

⁹ Maġque ĒanDios lunġu'eponga', aġjoc'iponga' lanajtsoġtsi lixcay, aġ'itsonga' i'huexi ĒanDios.

Ai'a tilajm'ma li'a ġamats' ĒanDios aġpalaicoponga', ticua: “Iġniya Jesucristo tepenuf'mola'. Iya' catoc'i'mola', capaxne'mola'.” ĒanDios aiġui'huaijma mixinya te ts'i'ic' laġ'eyacu, ja'ni ti'ġa' al c'a o ti'ġa' lixcay. Ma quituca' ixic'epa aġtoc'itsonga', aġpaxnetsonga'.

¹⁰ Itsiya jounpa aġsina' ma' al ġinca iġiya lixic'epa ĒanDios. Iġque jounpa aġtoc'iponga', aġpaxneponga'. Cristo, iġque Ēalunġu'eponga', jounpa imujpa toġta'a. Licuai'ma fa'a li'a ġamats' ulij'ma lamaya, aġpo'no'iponga' litaiqui', iġe lataiqui' laluya'apa. Luya'ayi: “Cristo tepi'ilhuo' al ts'e loġpitine aimijouya. Aimimaya-colhuo' nulemma.”

¹¹ Ma' iġe Lataiqui' cya'e', camuc'ila' lan xanuc', toġta'a laipenic', iya' nin'apóstol.

¹² Tama cateġma aicaxhueġmot'ġe. Aicaixina' calaic'ata. Quimetsaijma naitsi iġque ġai'huaiyjmpa, ca'huaiyinge ĒanDios. Jounpa aicupoxi ticuaita limane. Aixina' aġ'e'ma cuenna. Ticuaitsi al Cuecaġ Quitine alapenufna'ma.

¹³ Iġe laimipo' ac'a lataiqui', aimeteġquila'. Jounpa oxina' toġta'a lataiqui' lainu'ipo'. Al c'a mepenuf'ma iġiya laitaiqui', o'epa capic'a juaiconapa. Toġta'a lopicuejma' lepi'ipo' Jesucristo. Itsiya to'nujuaisla' te ts'i'ic' iġiya lataiqui'.

¹⁴ Acueca' al c'a iġe lopenic' lepi'ipo' ĒanDios, iġque ti'huaiyjnhuo' to-muc'iyaleġa' al c'a iġe Lataiqui'. Ne', toġe to'eġa', aimopai'i'ma. Cal Espíritu Santo ġalapenufpa illanc' naġ'huaiyjmpá Jesucristo, iġque titoc'i'mo', aġmana' anuli iġque.

¹⁵ Ima' joupa oxina' aicalimetsaicoconghua lapimaye nomana' lamats' Asia. Toŧta'a laŧ'e'epa Figelo y Hermógenes.

¹⁶ Onesíforo ituca' li'ejma'. Iŧque ti'hua lixoc'i neta. Tama aŧtats'iya, aŧfijncompa acadena catejma', ma' aŧejmalepá. Aiquixina' calaic'ata. Iya' caxa'hue laŧPoujna titoc'itsola' lixanuc' Onesíforo.

¹⁷ Cacia: Onesíforo aiquixina' calaic'ata. Licuai'ma fa'a liŧya' Roma ti'hua lahuay. Aiminesqui: "Aimi'iya cahuejnya Pablo, aicaixina' pe lopa'a".

¹⁸ Maŧmana' lipiŧya' Éfeso aŧtoc'ipa juaiconapa. Toŧta'a oxina'. Caxa'hue laŧPoujna titoc'ila'. Ticuaitsi al Cuecaj Quitine laŧPoujna aimecani'e'ma.

2

¹ Mai'hua Timoteo, aimitafqueco'. Ti'hua taihuejcoŧa' Jesucristo. Toŧta'a LanDios ti'hua titoc'i'mo', tepi'i'mo' copujfxi.

² To'nujuaisla' te ts'i'ic' laimipo' iŧe litine lolafot'ŧepoŧtsi imanc', ima' y lanxpela' lapimaye. Iŧe litine nu'ipo' te ts'i'ic' loŧmuc'iyaleya. Iŧe lataiqui' tomuc'i'mola' lapimaye loŧ'huiŧ'eyacola'. To'huiŧ'e'mola' petsi ac'a naihuejpa', petsi joupa epi'impola' liŧpicuejma' timuc'iyaleŧe, iŧniya timuc'icona'mola' lapimaye.

³ Fa'a cateŧma. Jiŧpe ima' aimi'iya moyaicoya ma le'a al c'a. Totelco'ma jouc'a. Ma to mixnet'ŧyi lan soldado ima' jouc'a toxnet'ŧtsi. Cristo ticuxehuo', taihuejcoŧa'.

⁴ Mifule cal soldado aiminesya: "¿Te caifnuyaicoya al c'a lapajnya?" Ai. Joupa ipo'nopa lipicuejma' ti'ela' ma le'a latentococopa lipincuxepa.

⁵ Ma' anuli lo'epa lan xanuc' nocuicalepá laipa'apa caŧxi. Iŧne ma tihuejcoyi lataiqui' locuxepola'. Ja'ni aimihuejma, aimulijya lapi'inyacu.

⁶ Cal xans no'epa canic', tefot'ŧe laipammaispa jiŧpe lamats', iŧque ti'i'ma cal te'a tite'ma laŧot'ŧepa.

⁷ Topo'noŧa' cuenna lataiqui' laifmipo'. LaŧPoujna tepi'i'mo' loŧpicuejma' tocuec'ela' taihuic'ila' jahuay.

⁸ To'nujuaisla' li'ipa Jesucristo, iŧque lipajnta fa'a li'a lamats' ibisnieto cal rey David. Lijoupa limapa, LanDios imaf'i'inapa. Toŧta'a loya'apa Lataiqui' iŧe laifnuya'apa, iŧe lataiqui' tuya'e' al c'a lixpica'epa LanDios.

⁹ Timana' petsi aimetenococola' iŧe lataiqui' laifnuya'apa. Toliya cateŧma itsiya. Al'onhiconno to lixcay xans, aŧŧel'minno. Tama iya' aŧfi'empa, litaiqui' LanDios aiquifiŧiya. Iŧiya lataiqui' tuya'aleyŧi, tepenuŧyi.

¹⁰ Iya' ma caxnet'ŧqui jahuay ca'nujuaitsila' lapimaye iŧne lo'huiŧ'epola' LanDios. Cacia: Ma mi'huaiŧijnyi Jesucristo iŧniya jouc'a ti'ila' quiŧsina' tunŧu'ela', ti'ila' quiŧsina' aŧinca tilaitsufcotola' LanDios, timetsaicotola' nulemma ixanuc'.

¹¹ Al linca lataiqui' loya'apa:

Ja'ni joupa aŧmanaponga' anuli Cristo, jouc'a aŧmaf'i'im'monga', anuli aŧmajnta pu'hua.

¹² Ja'ni aŧsnet'ŧe to lixnet'ŧpa Cristo, jouc'a aŧcuxeta anuli.

Ja'ni aimalimetsaicoyi, jouc'a aimalimetsaicoyaconga'.

¹³ Ja'ni aimaf'eyŧi linca, LanDios tenant'ŧi'ma litaiqui', aimafel'miyaconga'.

Ja'ni joupa icupa cataiqui' aiminesya: "Iŧe lataiqui' a'i caicuac".

¹⁴ Laitaiqui' laifmipo' ima' to'icona'mola' lapimaye nomana' jiŧpiya. Aimimenc'eco'me lataiqui'. Tomitsola': "Toŧ'etsolŧtsi cuenna. LaŧPoujna tehue-longilhuo', ixina' te ts'i'ic' loŧ'ejma'. Aimont'e'e'molŧtsi to iŧniya petsi ja'ni aiquiŧpic'a o aimetenococola' anuli lataiqui' tixtulecu. Petsi toŧta'a liŧ'ejma' aimuyalaicoyacu al c'a. Jouc'a pe noquimf'epá timints'ela' liŧpicuejma'."

¹⁵ Ima' cumTimoteo, tahueła' latenłcocoya ŁanDios. Timitso': "Iya' nimet-saicohuo' ac'a lo'epa". Al c'a to'ela' lanic' lepi'ipo' ŁanDios. Toxpijla' al c'a al Linca Cataiqui'. Tomuc'iyaleła' tołta'a. Ja'ni tołta'a lof'epa, litine tacaxingaitsi ŁanDios aimoxinya calaic'ata.

¹⁶ Aimonłejmale'me petsi juaiconapa nopalaipá. Iłne ailopa'a quilmuc'iyale, lonespa tipa'acoyi quiltuca' liłpicuejma'. Iłne ti'hua ti'e'e'mołtsi xonca lixcay xanuc', xonca aimihuejconayacu ŁanDios.

¹⁷ Lomuc'iyalepa iłniya ti'onłcospa to al cuana. Tetelquiyaleyi, tima'ahualeyi. Tołta'a lomuc'iyalepa Himeneo y Fileto.

¹⁸ Iłne joupá imenajpola'. Aimihuejconayi al Linca Cataiqui'. Ticuayi: "Ja'ni joupá lapenufpá al ts'e lałpitine, tocomma to joupá ałmaf'i'iponga'. Tijouła' ałmatsonga' ailopa'a xonca. ŁanDios aimatmaf'i'iyaconga'." Iłniya lomuc'iyalepa timenac'ila' lapimaye, hualca aimihuejconayi to li'ipa.

¹⁹ Petsi ŁanDios ifa'epola' liłpicuejma' aimi'iyá mimenac'inyacola'. Iłne linca i'huexi ŁanDios. Tołta'a loya'apa lataiqui', ticua: "LałPoujna timetsaicola' naitsi iłne lixanuc'". Jouc'a tuya'e': "Iłne pe nocuapá: ŁanDios aiPoujna, aimi'econa'me al xujc'a, tipalunca nulemma lixcay cane."

²⁰ Al cueca' cajut'ł tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a lapixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lanic'.

²¹ Tołna'a lapimaye. Łapima ja'ni tenajxoxi lixcay, ti'onłcospa to al c'a capixu, tetenłcoco'ma liPoujna, iłque timetsaico'ma i'huexi. Iximpa joupá ilanc'e'empa lipicuejma'. LaPoujna litine tixpic'ela' ti'ela' al c'a tepi'i'ma łapima lipenic', iłque ti'e'ma tołta'a.

²² Ima' aimaihuej'mola' lof'as camijcanó lił'ejma'. Iłne tihuejco'me lojana-jpa iłne quiltuca' liłpicuejma'. Ima' topo'noła' lopicuejma' taihuejla' al lija, ti'hua to'huaiyijnla' ŁanDios, ti'hua to'etsola' capic'a lapimaye. Tonłejmalełe lapimaye nojoc'ipá lałPoujna Cristo, iłne naihuejcopá, aimolixtuc'o'mołtsi.

²³ Aimonłejmale'me petsi nofulecopá lamac'ta cataiqui'. Petsi tołta'a lił'ejma' ma le'a tixtuc'o'mołtsi, tifuli'i'mołtsi.

²⁴ Łapima no'epa lipenic' lałPoujna aimifuli'i'mola' lipimaye. Iłque tipalaic'o'mola' al c'a jahuary lapimaye, timuc'i'mola' al c'a. Ja'ni ti'ela' a'ijc'a anuli lipima, iłque pe no'epa lipenic' ŁanDios aimixtuc'o'ma.

²⁵ Panca panca tixc'ai'i'mola' iłne pe aimihuejcoyi. Aimijaic'o'mola'. Aga ŁanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'.

²⁶ Tołta'a tilanc'e'ena'mola' liłpicuejma'. Aimimanecu petsi lic'aiłpola' łonta'a, tuntul'me. Iłque łonta'a joupá li'e'epola' to lixpice'epa, i'nołpola', itats'epola'.

3

¹ To'nujuaisla', tocuec'ela' lo'iyá lijoujma quitine. To'nujuaisla' ti'i'ma ipime lapajnya.

² Lan xanuc' ti'e'mołtsi capic'a ma le'a quiltuca', tixim'me acuanuc' liłtomí, tipalaico'mołtsi acueca' al c'a, tetets'i'me lił'as xanuc', tinesc'e'me cataiqui'. Aimicuec'eyacu lił'aillí, aimix'najtsi'iyacu iłne pe notoc'ipá. Ti'i'ma ma lixcay liłpicuejma'.

³ La'aillí liłnaxque' aimi'eyacołtsi capic'a. Aimimenc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a.

⁴ Ticufquim'mola' loyejmalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' liłpicuejma'. Aimicuaispa quilpic'a ŁanDios, xonca iłpic'a lixojma cata.

⁵ Iñe tama ti'hua texc'onlingolaiyi joupa etets'ipá ËanDios, aimihuejcoyi. Xonca tihuejco'me lojanajyacu jilpe lihpicejma'.

Aimaihuej'mola' iñe lan xanuc'. Aimonfejmale'me, tanajxoxi.

⁶⁻⁷ Lan xanuc' li'ejma' to laifmipo' iñe ma infel'miyale. Tehueyi te co'iya mitsuflaiyacu lajut'li. Jilpiya tifel'mi'me laca'no' petsi aimixpic'eyi lihpicejma'. Iñiya laca'no' itaic' acueca' quijunac'. Tihuejcoyi ni tintsi cataiqui', iñiya lataiqui' petsi iñiya quiltuca' tijanajyi, tixinyi tetencoccola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Ëinca Cataiqui'.

⁸ Iñiya lan xanuc' petsi ituca' lomuc'iyalepa ti'onlcospola' to Janes y Jambres. Iña'a loquexi' ipa'ne'me litaiqui' Moisés. Toña'a li'ejma' iñiya lomxiye, tipa'neyi litaiqui' ËanDios. Iñe iminscola' lihpicejma'. Joupa imujpołtsi aimi'huaiyjny ËanDios, ilque aimimetsaicola'.

⁹ Ëinca, itsiya tocomma ti'hua tulijyi. A'i. Aimi'ya mulijconayacu. Iñe Janes y Jambres imetsaicompolá lihpemac'ta. Ma' anuli timetsaicom'mola' iñiya lan xanuc' lainscopola'.

¹⁰⁻¹¹ Ima' a'i toña'a lof'epa. Joupa mepenufpa litaiqui' laifmuc'iyalepa. Toña'a taihuequi. Ima joupa alsimpa lai'ejma', alsimpa te ts'i'ic' laifxpic'epa, alsimpa te ts'i'ic' lai'huaiyjmpa ËanDios. Alsimpa aikuixtumma, alsimpa ca'ehuale capic'a ma to ca'ay capic'a ËanDios. Alsimpa caxnet'łqui jahuay ma lahuenno al'enta' quixcay. Alsimpa laiftełcopa, alsimpa te ts'i'ic' lainuyaicopa jilpiya lilełya' Antioquía, Iconio y Listra. Alsimpa lahuenno, lihuetsoquimpa. Ëinca lałPoujna alunł'epa jahuay iñiya.

¹² Itsiya camihuo': Petsi joupa nepenufpá Jesucristo, ixpic'epá tihuejco'me ËanDios, iñiya Ëinca tehuem'mola', ti'entsola' quixcay.

¹³ Lixcay xanuc' jouc'a linfel'miyale jahuay iñiya ti'e'mołtsi xonca axujc'a xanuc'. Ti'hua tifel'miyale'me, ti'hua tifel'mi'mołtsi.

¹⁴ Ima' cumTimoteo joupa omihuc'ipa Lataiqui', joupa o'epa Ëinca. Ti'hua taihuejla' toña'a, aimanaj'moxi. Ima' oxina' naitsi iñe limuc'ipo' ile Lataiqui'. Omimetsaicola' ac'a lihpicejma'.

¹⁵ To'nujuaisla' lomuyaicopa. Maj ma'hua omimetsaicopa al Paxi Linilingiya. Iñe liniliya Ëinca ti'hua tepi'ihuo' lopicuejma', tunł'e'mo'. Toña'a ti'i'mo' ja'ni ti'hua to'huaiyinge Jesucristo.

¹⁶ Iñe al Paxi Linilingiya lan xanuc' aikuilipa'e quiltuca' lihpicejma'. Ma minilyi, li'Espíritu ËanDios timuc'ila' te lainilyacu. Toñiya ile a'i ninaitsi cataiqui', mane itaiqui' ËanDios. Ja'ni tomuc'itsola' lapimaye, ja'ni toxc'ai'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' ËanDios taipa'a'ma lofmuc'iyacola'.

¹⁷ Toñiya ma mo'ey lanic' lepi'ipo' ËanDios ti'i'ma to'e'ma al c'a. Ma' o'hueca litaiqui' ËanDios ailopa'a quehue'epo'. Ac'a ti'i'ma totoc'i'mola' lapimaye.

4

¹ Itsiya caxc'ai'ihuo', camihuo' lof'eya. To'nujuaitsola' ca' Ailli' ËanDios y Jesucristo lałPoujna, iñe tehuelojnhuo'. LałPoujna ticuaiyunni ticuxela' timuj'moxi iljuez jahuay lan xanuc'. Ja'ni ts'ilmaf'i', ja'ni joupa imanapola', jahuay tixim'me toña'a.

² Camihuo': Ti'hua toya'ala' Lataiqui'. Ti'hua to'ela' lanic' lepi'ipo' ËanDios. Aimocua'ma: "Aimi'ya". Toxc'ai'i'mola' lapimaye, topalaic'o'mola', ti'ila' quiltsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. Toña'a taixpi'i'mola' quileta. Topalaic'otsola' al c'a. Panca panca tomuc'itsola'.

³ Iya' camihuo' ti'hua tomuc'itsola'. Ticuaihuo litine lan xanuc' aimicuayacu. Ti'e'me laic' al c'a lomuc'iyalepa. Quiltuca' tehue'me quilpomxiye, iñe

latenɬcocoyacola'. Tefot'lem'mola' axpela' lomxiye. Iɬpic'a tiquimf'ele ituca' ituca' cataiqui', aimicuaicospa quipic'a nulemma.

⁴ Al Linca Cataiqui' tetets'i'me. Iɬ aimiquimf'eyacu, ti'e'moɬtsi ataɬpe. Xonca iɬpic'a tiquimf'ele ni tintsɬ cataiqui' loya'apa lan xanuc'.

⁵ Ima' aimoxhueɬmot'le'ma. To'huijla' lopicuejma'. Toxnet'Ha' jahuay lateɬcoya. To'eɬa' lopenic' iɬe lepi'ipo' LanDios. Toya'ala', tomuc'iyaleɬa' Lataiqui'.

⁶ Iya' aixina' aimalcoɬya fa'a li'a lamats'. Tocomma ma' itsiya tic'equi laijuats', catsufcoyoxi LanDios. Ma le'a lahue'e' aɬma'anla'.

⁷ Jounpa nipa'apa laipujfxi, jounpa nulijpa. Aijou'nepa laipenic', iɬe lanic' lalapi'ipa LanDios. Lataiqui' lai'epa linca, maɬe Lataiqui' ti'hua ca'ay linca, ti'hua cuya'e'.

⁸ Itsiya, ¿te xonca caif'huaicoya? Linca pu'hua tipa'a lalapi'inya. Ticuaitsi al Cuecaj Quitine aɬ'najtsɬeta ɬaɬPoujna, iɬque cal Cuecaj Juez, aɬijca lo'epa. Iɬque alimetsaicota lai'epa al c'a. Ai ma le'a iya'. Limetsaicotonga' jahuay petsi aɬ'huaicoyi ticuaiconanni Cristo. Tixoj'ma calata lapenufta.

⁹ Ima' cumTimoteo, aimicoɬto' jilpiya. To'huanni, aɬsim'moɬtsi.

¹⁰ Demas jounpa i'huanapa, aɬpo'nopa fa'a caituca'. Iɬque aiquicuac' mi'hua miteɬcoconaya. Xonca ipic'a tuyaicoɬa' al c'a capajnya fa'a li'a lamats'. I'huapa liɬya' Tesalónica. Crescens i'huapa lamats' Galacia. Tito i'huapa lamats' Dalma-cia.

¹¹ Caluca' aɬmana' fa'a iya' y Lucas. Tahueɬa' Marcos. Toleconni fa'a. Iɬque aɬtoc'i'ma. Aɬ'e'me lipenic' LanDios.

¹² Tiquico jounca ailopa'a. Nummepa liɬya' Éfeso.

¹³ Ima' litine to'huanni aɬtaic'uenanni laipoxa laipo'nopa liɬya' Troas, lejutɬ Carpo. Aɬtaic'ue'enni jounca ɬaije'e, iɬne lilanc'ecompa ixmi. Iɬne xonca ticuicomma.

¹⁴ Alejandro, iɬquiya linlanc'ot'lepa tixhuijma acobre, iɬque aɬ'e'epa juaiconapa quixcay. Iɬe lixcay ɬaɬ'e'epa, nuli ti'najtsi'ina'ma ɬaɬPoujna.

¹⁵ To'exoxi cuenna iɬquiya cal xans. Aimo'huaiyijm'ma. Juaiconapa aɬpa'neponga' illanc' laɬtaiqui'. Aimicuaicospa quipic'a.

¹⁶ Ate'a laɬjoc'impa catalai'e'etsola' petsi laɬcufpa, nij naitsi laɬtoc'ipa. Laɬejmale inulna'me, aɬpo'nopa caituca'. Caxahue'e LanDios timenc'e'ecotsola' iɬta'a laɬ'e'epa.

¹⁷ Tama iɬniya aɬpo'nopa caituca' aicalpo'nohua ɬaiPoujna Jesús. Iɬque aɬtoc'ipa, lapi'ipa caipujfxi. Ixpica'epa ti'hua cuya'ala' Lataiqui', caxhuai'niɬa' iɬe laipenic'. Ni petsi lomana' lan xanuc' pe aimimetsaicoyi LanDios, ti'ila' quilsina' te ts'i'ic' Lataiqui'. Tama tocomma jounpa aɬ'noɬpa calxmu, aɬma'a'ma, aɬtejn-na'ma, LanDios lunɬu'epa. Ti'hua ca'eɬa' lipenic'.

¹⁸ Laɬ'e'epa lan xanuc' aimalulijya. ɬaɬPoujna Nopa'a lema'a ti'hua lunɬu'e'ma. Aɬ'econa'ma cuenna. Aɬmajnta anuli iɬe litine tixinim'me locuxeya. Ma' iɬque timetsaiconɬe anDios. Tix'najtsi'inɬe itsiya litine jounca Locuena Quitine. Toɬta'a ti'ila'. Amén.

¹⁹ Tomitsola' Priscila, Aquila, jounca lixanuc' Onesíforo: "Pablo tinonghuo".

²⁰ Erasto ipanemma liɬya' Corinto. Trófimo textafque. Aipo'nopa liɬya' Mileto.

²¹ Aimicoɬto' jilpiya pe loɬpa'a. To'huanni ai'a ti'i'ma ɬaxita quitine. Tinonghuo' Eúbolo, Pudente, Lino, Claudia, jounca jahuay lapimaye nomana' fa'a.

²² Ti'ila' coxina' ɬaɬPoujna Jesucristo tipa'a pe loɬpa'a. LanDios titoc'itso', tipaxnetsolhuo' jahuay imanc'.

LIJE'E SAN PABLO LINIŁ'EPa TITO

¹ Iya' ninPablo ca'ey lałcuxe'epa LanDios. Iya' nin'apóstol, epaluc Jesucristo, itque lummepa. Lummepa pe lomana' li'huijf'epola'. Iñiya tepenufle. Ti'ila' quilsina' te ts'i'ic' al Linca Cataiqui'. Tihuejcofe LanDios.

² Ti'ila' quilsina' LanDios tepi'i'mola' liłpitine aimijouya. Ai'a tilanc'e'ma li'a lamats' LanDios inespa: “Capi'i'mola' laixanuc' liłpitine aimijouya”. Ma' alinca tołta'a lo'epa LanDios, itque aimi'iya mifellaiqueya.

³ Icuapa: “Ticuaisi litine laixpic'epa, camuc'i'mola' laixanuc' ite laitaiqui' lainespa”. Joupa icuai'ma itta'a litine. Iya' cuya'e' lataiqui' linespa LanDios. Itta'a aipenic'. Itque LanDios Lalunhu'eyacongá lapi'ipa itta'a laipenic', alcuxe'epa ca'ela'.

⁴ Iya' ninPablo quinił'ehuo' ima' cumTito. Illanc' ninc'oquexi' al'huaiyijnyi Cristo. Toliya ima' ai'hua. LanDios cal'Ailli' y Jesucristo Lalunhu'eyacongá tipaxnetso', titoc'itso', tipac'e'etso' lopicuejma'.

⁵ Laipo'no'mo' jilpiya lamats' Creta nu'i'mo' lof'eya. Aimi'mo': “Jifa'a tipa'a lahue'epa. Aiquifaquila' lapimaye litsilojpola' xanuc', itne tixpic'e'me lataiqui'. Ima' tofaj'mola'. Iya' itya' petsi lafołyomma lapimaye, ima' tofajtola' itne litsilojpola' xanuc'.” Tołta'a laimipo'. Itsiya ma to'ela'.

⁶ Ima' tofajtola' itne limetsaiconnila' ac'a xanuc'. Iñiya ts'anuli quilpeno, itne ts'itnaxque' naihuejcopá locuxepa LanDios. Tołta'a aiminesyacu lan xanuc': “Itque cal xans linaxque' aimihuejcoyi, ti'eyi nixpiya”.

⁷ Lapimaye litsilojpola' xanuc' ti'e'me cuenna lixanuc' LanDios, toliya ticuicomma tofajtsola' petsi limetsaiconnila' ac'a xanuc'. Aimofaj'ma petsi ma le'a quituca' tixpic'e lipicuejma'. Jouc'a aimofaj'ma laixtumma, ni loxnatsaipa, ni linfule, ni lonesya: “Culijco'ma caitomí”.

⁸ Tofaj'ma petsi laixojpa queta tepenufla' lipimaye quiyouyomma aculi', tepi'ila' quilejutł tunxajle. Tofaj'ma itque petsi letentococopa al c'a a'i lixcay, petsi aimilosma, ti'ay al hijca, tenaj'moxi al xujc'a, tihuequi LanDios, timuj'moxi ma' i'huexi LanDios, ticuxeyoxi al c'a.

⁹ Tofaj'ma petsi ti'hua tihuequi lataiqui' limuc'impa, ite lataiqui' aimifellaique. Tołta'a ti'i'ma tu'i'mola' lapimaye. Timi'mola': “Tołta'a tuya'e' Lataiqui'. Tołcuc'ele.” Jouc'a titalai'e'mola' lan xanuc' pe aimihuejcoyi LanDios. Timuc'i'mola' a'ij linca lonespa.

¹⁰ Itsiya timana' axpela' lan xanuc' aimihuejcoyi locuxe'empola'. Itne tipalaicoyi quiltuca' liłpicuejma'. Tifel'miyaleyi. Itne linfel'miyale xonca axpela' itniya axanuc' judío.

¹¹ Ticuicomma ti-ch'ixc'entsola'. Itne ilpic'a tulijle quiltomí, toliya timuc'iyaleyi pe aimetenłma. Timana' lajutłi petsi jahuyay lapimaye naihuejcopá LanDios joupa imenac'impola' liłpicuejma'.

¹² Anuli cal xans acueca' ts'ixina', hipajnyota jilpe lamats' Creta, icuf'mola' lipiyya' xanuc', ticua: “Itna'a laixanuc' nomana' Creta infel'miyale, ailopa'a quilpicuejma', ti'onłcospola' to linneja, intetsopá, ahuiye”.

¹³ Ma' al linca linespa itque cal xans. Ma tołta'a lił'ejma' itniya nomana' Creta. Toliya toxc'ai'itsola' a'ujfxi lapimaye nomana' jilpiya. Tomitsola': “Aimolihuej'me ite lixcay cane. Tolihuejle al Linca Cataiqui'.

¹⁴ Aimolquimf'e'mola' loya'apa itne lan xanuc' judío. Aimolihuej'me locuxe'epolhuo' itniya. Ihiya litaiqui' tipa'acoyi quiltuca' liłpicuejma'. Tetets'iyi al Linca Cataiqui'.”

¹⁵ Petsi joupa li'ipola' limpio li'picuejma', i'ne tixinyi ac'a jahuay lipo'nopa LanDios jifa'a li'a lamats'. Ituca' li'picuejma' lan xanuc' pe aimihuejcoyi Jesucristo. I'niya a'ij limpio li'picuejma', tixinyi jahuay axujc'a.

¹⁶ Micuayi: "Alimetsaicoyi LanDios", ma'ne ti'eyi lixcay, ti'eyi pe aimeten'ama LanDios. I'ne ixcay li'picuejma', incuejlocale, aimi'iya mi'eyacu al c'a.

2

¹ Ima' conTito, aimomuc'iyale'ma to lomuc'iyalepa i'ne lan xanuc'. Pangay c'a litaiqui' Jesucristo. Petsi naihuejpa' i'ne litaqui' jouc'a ti'ete al c'a. To'ta'a tomuc'itsola'.

² Momuc'ila' litsilojpola' xanuc' tox'c'ai'itsola', tomitsola': "Imanc' to'cuxetso'tsi al c'a. Aimolilotso'me. To'cuc'ete Lataiqui', to'lihuejle. Ton'etsot'si capic'a, imanc' unc'apimaye. Aimixojtolhuo', to'ommo'ait'sa jahuay lo'iyacolhuo'."

³ Momuc'ila' litsilojpola' laca'no' tox'c'ai'itsola', tomitsola': "Imanc' no'paic'epa' LanDios ti'ila' ac'a lo'ejma'. Aimosahuale'me. Aimosnatso'ai'me vino. To'muc'iyale'ete al c'a.

⁴ To'tsc'ai'itsola' anuli anuli lo'f'as cacal'no' petsi ts'atesca quilemats', to'mitsola': To'ela' capic'a lo'pe'ailli', to'etsola' capic'a lonaxque'.

⁵ Aimailotso'ma. Tanajxoxi lixcay. To'e'ma cuenna lomejut'. Tonanc'otsola' lopimaye. Taihuejco'la' lo'pe'ailli'. Ja'ni aimo'ay al c'a lan xanuc' tines'me: Ah, a'ijc'a litaiqui' LanDios."

⁶ Momuc'ila' lamijcanó, tox'c'ai'itsola', tomitsola': "To'cuxetso'tsi al c'a".

⁷ Ima' cumTito jouc'a to'ela' al c'a. Tixintso' to'ta'a lo'f'epa tihuej'mo' to mo'ay. Tomuc'iyale'la' al lijca Lataiqui'. I'ne acueca' cataiqui', to'ta'a tomuc'iyale'la', a'i to ninait'si cataiqui'.

⁸ Momuc'iyale ti'ila' ma le'a ac'a lo'fpalaiya, to'ta'a i'ne petsi aimihuejcoyi aimi'iya minesyacu: "I'ne axujc'a cataiqui'". Tama i'pic'a a'nesco'tsonga', aimi'iya ma'nescoyaconga'. Tixim'me calaic'ata.

⁹ Toxc'ai'itsola' lam mozó, i'ne li'nampola', tomitsola': "Taihuejco'la' lo'poujna. To'ela' jahuay locuxe'epo'. Aimotalai'ot'he'ma.

¹⁰ Aimaminai'ma ni to'ta'a. To'liya ti'huaiyijm'mo' lo'poujna. Ja'ni ima' ac'a lo'ejma', lan xanuc' tixim'me ac'a juaiconapa litaqui' lo'fmihuejpa. I'ne litaiqui' LanDios Lalun'u'eponga'."

¹¹ LanDios joupa a'muc'iponga' ac'a lipicuejma'. Ni petsi lomana' lan xanuc', LanDios ipic'a titoc'itsola', tun'u'etsola'.

¹² Illanc' inaxque' ca'f'ailli' a'isc'ai'inga', a'tel'minga'. To'ta'a a'muc'inga' aimalihuej'me lo'janajpa la'picuejma', to mihuejyi i'ne pe aimimetsaicoyi LanDios. A'muc'inga' alihuejle ma latencocopa LanDios. Ma'mana' fa'a li'a lamats' a'spic'ete al c'a, a'ete al lijca, lihuejco'le LanDios.

¹³ Ma luyalaicoyi to'ta'a a'nujuaisyi te ts'i'ic' i'ne al cueca' al c'a la'iyaconga'. Ma le'a a'huaijma timujxoxi Jesucristo Lalun'u'eyaconga'. Ji'pe litine timuj'moxi ma' anDios. To'ta'a a'sim'me te ts'i'ic' i'ne cal Cuecaj CanDios.

¹⁴ Jesucristo mipa'a fa'a li'a lamats' ai'quicuanajyoxi. I'cupoxi i'najtsepa jahuay la'junac' petsi aicalihuequi locuxepa LanDios. To'ta'a a'e'eponga' limpio, ma' i'huexi, ma' ixanuc' Jesucristo. Lapi'iponga' la'picuejma' tixojla' calata a'ete al c'a.

¹⁵ Fa'a loje'e nu'ipo' lo'eyacu lapimaye nomana' ji'piya. Ima' tox'c'ai'itsola', tomitsola' to'ta'a. Ja'ni cua nait'si ocuena qui'ejma', totale'la'. Aimixpaij'mo', tipa'a lomane. Ti'ila' ac'a lo'fcuapa, lo'f'epa, aimetets'i'mo' ni' anuli.

3

¹ Tomitsola' lapimaye: “Imanc' aimolimenc'eco'me laɲmipolhuo'. Tolihuej-cotsola' lan tsilaj xanuc' iɲe nocuxepolhuo', jouc'a tolihuejcotsola' ts'iɲpenic'. Ja'ni ticuxe'ennilhuo' tonɲ'eɲe lanic', ja'ni ac'a lanic', tixoj'ma cunlata tonɲ'eɲe.

² Nij naitsi moɲnesc'e'me cataiqui'. Aimolfuli'i'me cataiqui'. Toɲsnet'He, aimoɲtalai'ot'le'me. Ti'ila' toɲta'a lonɲ'eyacu ni petsi loɲtseyacu.”

³ Al coɲta illanc' laɲ'ejma' ti'onɲcospa to liɲ'ejma' lan xanuc' petsi aimimet-saicoyi LanDios. Ailopa'a caɲpicuejma', aicalihuejma, aɲfel'mimponga', lihuejcoyi lalatenɲocoponga' laɲjanajpa. Luyalaicoyi lapajnya aɲ'e'ela' laic' laɲ'as xanuc'. Lahueyi te co'iya maɲ'e'eyacola' lixcay laɲ'as xanuc'. Laɲ'as xanuc' aɲaiquina', illanc' jouc'a aɲaiquila' iɲniya.

⁴ Tama toɲta'a laɲ'ejma' LanDios Lalunɲ'eyacong'a' imuj'moxi. Imujpoxi ac'a lipicuejma', ti'nujuaitsila' jahuay lan xanuc'.

⁵ Aɲsimponga' ninic'icuanuc'la. Tama aical'aic' al c'a, lunɲ'eponga'. La-pajponga', lapi'iponga' al ts'e laɲpitine. Cal Espíritu Santo aɲanc'e'enaponga' laɲpicuejma'.

⁶ Aicalcuanac'enga' cal Espíritu Santo. Lijoupa lixhuai'nipa lipenic' Jesu-cristo Lalunɲ'eponga', LanDios tixoquei queta lapi'iponga' cal Espíritu.

⁷ LanDios ipic'a aɲtoc'itsonga', lapenuɲtsonga' to ailopa'a caɲjunac', aɲ'itsonga' inaxque'. Ipic'a aɲ'huaicoɲe locuenaj capajnya aimijouya petsi aɲaɲsufcotonga', toɲiya lapi'iponga' cal Espíritu Santo.

⁸ He lataiqui' ma' al linca.

Joupa aimipo' loɲxc'ai'iyacola' lapimaye nomana' jɲɲpiya. Aipic'a ti'hua toxc'ai'itsola' iɲe naihuejcopá LanDios. Toɲta'a tipo'no'me liɲpicuejma' tix-pic'e'me ti'e'me ma le'a al c'a. He lainu'ipo' ac'a cataiqui'. Cacia: Lan xanuc' tihuejcoɲe, tijouɲa' jahuay iɲniya tuyalaico'me al c'a.

⁹ Timana' lan xanuc' noɲfulecopá lamac'ta cataiqui'. Tepauyi liɲtatahueló, tixhuej'meyi axpela' liɲpuɲtine. Tifulecoyi lataiqui' licuxepa Moisés, tixtuleyi, tifuleyi. Iɲe mane tipaloɲaiyi. Toɲta'a aimitoc'iyaleyi. Ima' aimapenuɲ'ma liɲtaiqui', tanajxoxi.

¹⁰ Anuli laɲpima ja'ni tihuequi ituca' cataiqui' a'ij linca, tomitsi: “Ima' timenajhuo’”. Ja'ni aimicuec'ehuo' tomiconsi. Tijouɲa' ja'ni aimicuec'ehuo' aimoɲɲejmalecona'me. Aimaimetsaico'ma to copima.

¹¹ Petsi naihuejpa' toɲta'a joupa iminscopola' liɲpicuejma'. Titai'me liɲjunac'. Tecani'eyoɲsi quɲituca'. Iɲniya ima' taimetsaico'mola' te ts'i'ic' liɲpicuejma', aimoxim'mola' acuanuc'la.

¹² Cumme'e'mo' Artemas o Tíquico. Anuli iɲniya ticuaitsi jɲɲpiya, aimicoɲ'mo', to'huaɲa' liɲya' Nicópolis. Jɲɲpiya capajnta iya' cuyaicota laxita quɲitine.

¹³ Ima' pe loɲpa'a tahueɲa' te co'iya motoc'iyacola' lomxi Zenas y Apolos. Tapi'itsola' laicuicomma. Tiyete al c'a liɲpene. Aimehue'e'mola'.

¹⁴ Tomuc'itsola' jɲɲpiya laɲxanuc', iɲniya nepenuɲpa' Cristo. To'itsola': “Itine itine tonɲ'eɲe al c'a. Toɲtoc'itsola' loɲpimaye, iɲe lahue'epola’.” Ja'ni toɲta'a lo'eyacu aimi'onɲiyacola' to lamats' petsi aimipammaispa.

¹⁵ Lapimaye jifa'a nomana' tinonghuo'. To'itsola' lapimaye nomana' jɲɲpiya: “Pablo tinonilhuo’”. Iɲe jouc'a tihuejyi al Linca Cataiqui', toɲiya aɲ'enga' capic'a.

LanDios titoc'itsolhuo' jahuay imanc'.

LIJE'E SAN PABLO LINIË'EPA FILEMÓN

¹ Iya' ninPablo, iya' i'huexi Jesucristo, alfi'ecompa acadena catejma'. Illanc', iya' y łapima Timoteo, alini'ehuo' umFilemón, ima' ałpima. Ima' jouc'a illanc' ał'eyi lipenic' Jesucristo.

² Jouc'a alini'ehuo' ima' małpima caca'no' Apia. Ma 'anuli alini'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Itque ałcuxenga' to całCapitán. Jouc'a lini'ela' lapimaye nafałyomma lomejut'ł umFilemón.

³ ŁanDios cał'Ailli' y łapoujna Jesucristo titoc'itsolhuo', tipac'e'etsolhuo' lołpicuejma'.

⁴⁻⁶ Alminno: “Filemón ma' al linca ti'huaiyinge łapoujna Jesucristo, ti'ela' capic'a lapimaye, itne jouc'a i'huexi ŁanDios”. Totiya ma capalaic'o ŁanDios, itque ainenDios, cax'najtsi'i, ca'nujuaishuo' ima' umFilemón. Cami ŁanDios: “Cax'najtsi'ihuo', Filemón timujyoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acuajmaica jahuay al c'a lalapi'imponga'. Tołta'a tixinim'me acueca' łapoujna Jesucristo, tixinim'me ac'a lo'epa itque.”

⁷ Maipima Filemón, iya' camihuo': Ałcuejpá lof'epa ima'. Totiya illanc' ixocumma calata. Alu'imponga' ima' to'ela' capic'a lixanuc' ŁanDios, micuaita lomejut'ł, tapenufila'. Iniya tunxac'eyi, tuyalainayi tixoqui quileta.

⁸ Itsiya caxa'huehuo' to'ela' xonca. Linca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'.

⁹ Iya' ninPablo joupá ałtojpá xans, alfi'ecompa acadena catejma', iya' i'huexi Jesucristo. Ja'ni ima' ał'ay capic'a, to'ela' ma to laifxa'huepo'.

¹⁰ Caxa'huehuo' tapenufnałá' itca'a łai'hua Onésimo. Ma calfi'iya fa'a, aipalaic'ocopa łapoujna Jesucristo. Totiya i'ipa ats'e lipepajnya itca'a Onésimo, cacua: “Itque ai'hua”.

¹¹ Li'ipa, itca'a aiqiu'ic' quitoc'ihuo'. Itsiya linca ipaicopa. Iya' ałtoc'i. Ima' jouc'a titoc'ito' jilpiya.

¹² Itsiya cummenghua, ticuainatsi pe lofpa'a. Itca'a łai'fnummenapa ti'onłcospa to łainunxajma'. Tapenufnałá'.

¹³ Iya' cuya'e' Lataiqui', ite loya'apa al c'a lixic'epa ŁanDios. Totiya ał'nołcompa, alfi'enzo. Ima' aimi'iya mocuaiya małtoc'iya. Iya' nipajnya canes'ma: Tipanenni Onésimo, ałtoc'i'ma.

¹⁴ Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpice'ma, aicacuxe'ehuo'. Toxpice'ela' ima' conFilemón. Iya' aimi'iya cacuxe'eyaco' to'ela' ite al c'a. Ima' cotuca' toxpice'ma lof'eya.

¹⁵ Tama oque' afane' quitine ima' ejac'yopa lomane Onésimo, iya' cacua tołta'a ixpic'epa ŁanDios. Itsiya tipainahuo. Ticuainatsi jilpe, ima' tapenufnałá' nulemma.

¹⁶ Tapenufnałá'. Itsiya a'i ma le'a comozo, itca'a opima. To'ela' capic'a juaiconapa. Iya' linca ca'ay capic'a. Ima' opoujna, xonca to'ela' capic'a. Imanc' unc'oquexi' itsiya ma' anuli lołpoujna.

¹⁷ Iya' camihuo': Ja'ni ma' ałinca ima' ałejmalepá, ja'ni ima' alimetsaijma anuli lołpicuejma', ma to malapenufi iya' tołe tapenufnałá' Onésimo.

¹⁸ Ja'ni inantsejpo' o itaiyinc'ehuo', tapulijnla', tainiłła', tonesla': “Ita'a, Pablo ałtaiyinc'e”.

¹⁹ Iya' caituca' quinili: "Iya' ninPablo ca'najtse'ena'mo'". Ima' altaiyinc'e lomulijcopa lopitine, ile al ts'e lopitine lepi'ipo' LanDios. Aicamiyaco' al'najtse'eta' ile lopitine. Linca aimi'iya ma'najtse'eya. Ma le'a caxa'huehuo': Tapenufnala' Onésimo.

²⁰ Maipima Filemón, aimocuanaj'moxi. Ninc'oquexi' al'huaiyijnyi Jesucristo. To'nujuaisla' la'e'eponga' laPoujna. To'ta'a to'e'ma ma to laifxa'huepo'. Tijoula' aicaxhueconaya.

²¹ Iya' ca'huaiyijnhuo' juaiconapa. Cacua: "Laipima Filemón lihuejco'ma, ti'e'ma to laimipa. Ti'e'ma xonca." To'hiya iya' quini'ehuo'.

²² Jouc'a camihuo', caxa'huehuo': Lapi'ita laifpanc'eya. Aixina' imanc' to'lsa'hueyi LanDios altoc'ila'. To'hiya cacua: LanDios lux'masna'ma. Lapi'i'ma lane cacuaitsi pe lo'mana'.

²³ Tinonghuo' Epafra, ilque iya' altats'eninga' anuli, lihuejyi anuli Jesucristo.

²⁴ Jouc'a tinonghuo' Marcos, Aristarco, Demas y Lucas. Al'eyi anuli lipenic' laPoujna Jesucristo.

²⁵ Jesucristo titoc'itsolhuo', tipaxnetsolhuo' lo'picuejma'.

AL JE'E LINIŁ'EMPOLA' LAPIMAYE LUN HEBREO

¹ Luyaipa quitine, ŁanDios ipalaic'o'mola' lam profeta. Axpe' ipalaic'ocona'mola'. Axpe' li'ejma' timuc'itsola'. Imuc'i'mola' te ts'i'ic' lipicuejma'. Ine lam profeta u'i'me, lałtatahueló iquimf'e'me liłtaiqui'.

² Ina'a litiné ma mi'hua mijoujma li'a lamats' ŁanDios jounpa ałmuc'iponga' nulemma te ts'i'ic' lipicuejma'. Imujpoxi. Ma hi'Hua ŁanDios timuqui te ts'i'ic' lipicuejma' ŁanDios.

ŁanDios jounpa ifaquimpa hi'Hua ticuxela' jahuay, jahuay ti'ila' i'huexi. Jouc'a epi'ipa limane tilanc'ela' li'a lamats', lema'a, jahuay lopa'a. Ma tołta'a li'epa.

³ Cal'Ailli' ŁanDios temiyoxi jilpiya petsi acueca' juaiconapa epalc'o'. Aimi'iya małsinyacu. Li'Hua acuajmaica ałmuc'inga' te ts'i'ic' ŁanDios. Cal'Ailli' ŁanDios y hi'Hua ma' anuli mimana'. Li'hua timuqui ma' al linca ŁanDios i'Ailli' ilque.

Acueca' icueya limane hi'Hua ŁanDios. Tixpic'e aimijou'mola' lamats' lema'a jahuay lopa'a. Tołta'a aimijoucola'. Litine tinesla': "iIxhuaita!", jahuay tijouna'ma.

Małque hi'Hua ŁanDios aliłonc'e'eponga' lałjunac', alatufc'e'eponga'. Lijoupa li'epa tołta'a icutsainapa jilpe al c'a camane cal Cueca' CanDios Nopa'a al toncay lema'a.

⁴ Tołta'a imetsaicom'me acueca'. Ulijpola' lapaluc' quema'a. Ine lecu'i'impola' "lapaluc'", ilque a'i. Xonca acueca', xonca ac'a ike lecu'i'impala ilque, ma' ipuftine.

⁵ Lipalaic'opa ŁanDios anuli lapaluc' quema'a, łte aga limipa: "Ima' ai'Hua. Itsiya quimetsaicohuo', iya' o'Ailli'?" O lipalaicopa lapaluc', łte luya'apa: "Iya' i'Ailli', ilque ai'Hua"? A'i.

⁶ ŁanDios mipalaic'o' hi'Hua, ilque łacui'impala Cal Te'a, ti'nujuaitsi litine tum-mecona'ma li'a lamats', ticua:

Texc'onłingolaile jahuay lapaluc' quema'a.

⁷ Lipalaico'mola' lapaluc' quema'a tuya'e':

ŁanDios ixpic'epa lepaluc' quema'a ti'onłcospola' to łahua'.

Ine epaluc' no'epá lipenic', ixpic'epa ti'onłcospola' to lipal' cunga.

⁸ Lipalaico'ma hi'Hua ŁanDios tuya'e':

Locuxejma manDios, aimijouya.

Ma al łijca lo'ejma', al łijca tocuxe.

⁹ Ima' mihuequi al łijca, tetenłcoco'huo'.

Petsi aimihuejyi to'ela' laic' li'ejma',

tołiya manDios, xonca ifac'epo' łomenDios, xonca imetsaicopo'.

Jounpa mulijpola' lopimaye.

Tołta'a i'e'epo' tixojma meta juaiconapa.

¹⁰ Jouc'a tuya'e':

Lipangopa li'a lamats' ma ima', manDios, opo'nopa ike li'a lamats'.

Ma' ima' olanc'epa lema'a.

¹¹ Linca lema'a tijouna'ma, ima' a'i.

Ima' topa'a tijahuamlaicota, ti'hua topa'a.

Lema'a ti'hua tijaf'que, ti'i'ma ma to lo'iya lotsamalo.

¹² Ma to cal xans tijuis'ma lipuquiya, tołta'a tołjuis'ma lema'a, tipaico'ma.

Ima' a'i mopai'iyacoxi, aimijouya lopitine.

¹³ LanDios, ¿te aga imipa anuli lapaluc quema'a: “Tocutshuai'ma jifa'a al c'a camane. Topanehuo fa'a, iya' mi'hua culiquila' lo'epo' laic'. Tijoula' ima' tocuxena'mola'.”? Tofta'a LanDios limipa ma le'a li'Hua.

¹⁴ Ituca' lapaluc' quema'a. Jahuay ihniya tama ihmafi' ailopa'a quicuerpo. Jilpiya lema'a ti'eyi lanic' lepi'ipola' LanDios. Ique tummela' titoc'intsola' lixanuc', ihne nonhu'eyacola'.

2

¹ Linca xonca acueca' Lalunhu'eyaconga'. Lapaluc' quema'a aimi'ontpola' to ique. Tohiya ticuicomma xonca aipo'no'me cuenna, xonca lihuejco'me lataiqui' laluponga'. Ja'ni a'i lunas'mim'monga' ocuena cane.

² Luyaipa quitine lapaluc' quema'a uya'apá litaiqui' LanDios. Ite Lataiqui' aimi'ia mipai'inyacu. Tofta'a lan xanuc' no'epá nixpiya, pe aimihuejcoyi, epi'im'mola' lijunac'. Al ijca itel'mim'mola'.

³ Itsiya illanc', LanDios joupa amiponga' lunhu'e'monga' nulemma, ja'ni latets'ite, ¿te aimatel'miyaconga'? Linca xonca atel'mi'monga'.

Lataiqui' laluponga' te ts'i'ic' malunhu'yacu, ite lataiqui' laPoujna Jesucristo uya'apa ate'a. Lijou'ma pe niqumf'epá aluponga' illanc'. Imuj'me ma' al linca ite lataiqui'.

⁴ Jouc'a LanDios ihinc'i'ma litaiqui'. Imuj'ma a'i itaiqui' lan xanuc'. Ma muya'ayi litaiqui', LanDios imuj'moxi acueca' icueya limane. Jilpe i'e'ma acueca' to aimi'ia mi'eyacu lan xanuc'. Petsi nepenufpá lataiqui' cal Espíritu Santo ipaxnepola', epi'ipola' anuli anuli lipicuejma' ma to loxpicepa LanDios.

⁵ Joupa ahespá lo'ia. Tijou'nem'mola' lema'a li'a lamats'. Ti'ila' ats'e jahuay, a'i lapaluc' quema'a micuxeyacu jilpe. Joupa ixpic'epa LanDios.

⁶ Tohiya jilpe al Paxi Linilingiya anuli mipalaic'o LanDios ticua:

Ima', ¿te cal'nujuaiscoponga' illanc' ninc'ixanuc'? ¿Te caltoc'icoponga'?

⁷ Ipe litine holanc'epa cal xans omepi'ipa acueca' limane, ti'onlcospa to ima', manDios.

Ma le'a lapaluc' quema'a ni huata xonca atsila'.

⁸ Tomi cal xans: “Tocuxe'ma lailanc'epa, jahuay tihuejco'mo”.

LanDios licuapa: “... jahuay tihuejco'mo”, jilpe tuya'e' ailopa'a petsi aimalcuec'eyaconga' illanc' ninc'ixanuc'. Alcuxe'me jahuay. Itsiya a'i tofta'a maluyalaicoyi. A'i jahuay malihuejconga'. Ailopa'a tofta'a calmane.

⁹ Linca alsinyi Jesús, ique icueya limane tofta'a. Ique i'epoxi xans. Mipa'a fa'a li'a lamats' ihne “... lapaluc' quema'a ni huata xonca atsila’”. Itsiya ique ticuxe jahuay. Lijoupa limapa, imaf'ina, LanDios i'najtse'epa nulemma. Imetsaiconapa i'Hua, ma' anDios.

Li'epoxi xans ique ixingufcopa lamaya, tunhu'etsola' lan xanuc' cua naitsi lihraza, ni petsi lomanc'eyacu. Tofta'a lixpicepa LanDios. Ique al'nujuaisponga', ipic'a altoc'itsonga'.

¹⁰ Malque LanDios aPoujna jahuay. Jahuay ticuxe. Pangay c'a lipicuejma' jouc'a ac'a lixpicejma'. Ipic'a timetsaicotsola' axpela' inaxque'. Ipic'a ti'onlcotsola' to li'Hua, ique Jesús. Tohiya ticua: “Ate'a titelcola' ique Lonhu'eyacola'. Tijoula' al cuajmaica quimetsaico'ma ique ai'Hua. Quimet-saico'ma joupa ixhuaita lipenic' li'a lamats'.”

¹¹ Cacia: “LanDios timetsaico'mola' to linaxque’”. Ti'i'ma timetsaico'mola' tofta'a. Jesús ti'hua tilanc'e'e'mola' lipicuejma' ihne lixanuc', tenajtsołtsi nulemma al xujc'a. Jesús y lixanuc' ma' anuli quif'Ailli', ique LanDios. Tohiya Jesús li'Hua LanDios tinescola “aipimaye”. Aimetets'ila'. Tixoqui queta tinescola' tofta'a.

12 Tołta'a loya'apa al Paxi Liniñingiya. Tuya'e' linespa Cristo lipalaic'opa ÑanDios, ticua:

Pe lomana' laipimaye cuya'a'ma lopuftine.

Petsi lalafot'leyoyacołtsi cunac'co'mo'.

13 Jouc'a tuya'e':

Iya' ca'huaiyijm'ma ÑanDios.

Jouc'a tuya'e':

¡Tolsin! Ma fa'a ałmana', iya' jouc'a lanaxque', iñe lalapi'ipa ÑanDios.

14 Illanc' inaxque' lan xanuc', tipa'a lałpixic', lałjuats'. Jouc'a Cristo i'epoxi xans, tipa'a lijuats', lipixic'. Tołta'a itsufco'moxi tima'an!e. Iñonc'e'epa limane nocuxepa lamaya, iłque Satanás.

15 Ux'masnapola' pe noyalaicopá lapajnya to litats'ila', tixpaic'eyi lamaya.

16 Licuai'ma Cristo aimitoc'ila' lapaluc' quema'a. Joupa ałsina' icuaicoco'ma titoc'itsola' lan xanuc', iñe ixanuc' Abraham, iłque iłtatahuelo.

17 Toliya ticuicomma ti'exoxi ma' anuli to lipimaye, ti'onłcotsola' to iłniya. Tołta'a tixim'mola' acuanuc'la. Ac'a ti'e'ma iñe lanic' lepi'ipa ÑanDios, iñe lipenic' cal Cuecaj Ca'Ailli'. Ipac'epa lipoyac' ÑanDios, iñonc'e'epola' liłjunac' iñe lixanuc'.

18 Mipa'a fa'a li'a łamats' Jesús mitełma ixingufco'ma lahuaicompa. Toliya ti'i'ma titoc'i'mola' lixanuc', iñe noxingufcopá lahuaicompola'.

3

1 Unc'aipimaye, imanc' jouc'a i'huexi ÑanDios. Iłque Nopa'a lema'a ijoc'ipolhuo' tołcuaitsa jilpiya pe lopa'a. Itsiya caxc'ai'ılhuo', camilhuo': Tołnujuaisle Jesucristo, małque lałCuecaj Ca'Ailli' ÑanDios łummepa. Aimolimenc'eco'me li'ejma' Jesús, iłque Lał'huaiyijmpa.

2 Jesús ac'a li'epa lanic' lepi'ipa ÑanDios. Tołta'a ti'onłcospa to Moisés. Iłque jouc'a ac'a li'epa lanic' lepi'ipa ÑanDios jilpe lejut'ł.

3 Iñca Jesús tuliqúi Moisés, imetsaicompa xonca acueca'. Moisés le'a anuli cal xans nolojmay lixanuc' ÑanDios, iñe lecu'i'impola' "lejut'ł ÑanDios". Ituca' Cristo. Iłque nilanc'epa lajut'ł, aPoujna.

4 Łajut'łi, anuli anuli, tipa'a naitsi ticuxe'ma jilpe, iłque tixpic'e tilanc'en!e lajut'ł. Małque ipoujna. Ma ÑanDios aPoujna jahuary, iłque nilanc'epa.

5 Moisés iñca ac'a li'epa lanic' jilpe lejut'ł ÑanDios, ti'onłcospa to cal mozo no'epa lanic' lepi'ipa lipoujna. Jahuary li'epa Moisés imuj'ma te ts'i'ic' lo'iya. Iñe ÑanDios tuya'a'ma.

6 Ituca' Cristo. Iłque i'Hua ŁaPoujna Cajut'ł. Ticuxela' lixanuc' ÑanDios. Ja'ni aimal'pailinamma ni małspailij'monga' illanc' ixanuc' ÑanDios. Ticuicomma tixojla' calata ał'huaiyijnle iłque. Ałnesle: Ałinca lunłu'ena'monga'.

7 Ticuicomma tonlihuejco!e loya'apa cal Espiritu Santo. Iłque tuya'e':

Itsiya ja'ni ÑanDios tipalaic'olhuo' tołquimf'e!e.

8 Aimi'i'ma ata łolunxajma'.

Tołta'a i'e'me lincuejlocale xanuc' mimana' pe ailopa'a quıłya', ehuaıyoł'me ÑanDios.

9 Mi'hua oquej nuxans camats' ixim'me laif'epa jilpe pe ailopa'a quıłya'.

Iya' ma NanDios, iñe lołtatahueló lahuaıyoł'pá, ticuayi: "ÑanDios, ¿ja'ni ti'e'ma to lałmiponga'?"

10 Toliya iya' nixtunni, iñe lan xanuc' li'epa aicalatentłcocojma.

Cacua: Aiquiłcuc'e laicuxe'epola', timenaquila', aimalihuequi.

11 Iñe lan xanuc' lapi'ipa coyac', ai'epa jurar.

Aimipola': "Aimołtsuflaiyacu łamats' lainepi'ipolhuo', aimolunxajyacu jilpe".

12 Unc'aipimaye: Tołpo'nołe cuenna. Tonlihuejle Limaf'i' CanDios. Aimi'i'ma a'ijc'a lołpicuejma', ni anuli imanc'. Petsi no'eya tołta'a, aimi'eya linca limipa Limaf'i' CanDios, tipaino cane.

13 Itine itine tołsc'ai'itsołtsi ma mimilhuo' LanDios: "Itsiya ałquimf'eła". Ja'ni a'i, aga hualca imanc' tolihuej'me lixcay cane, tołta'a tołfel'mi'mołtsi, ti'i'ma ata łolunxajma'.

14 Ja'ni ti'hua ał'huaiyijnyi jahuay lałpitine, ja'ni aimalpai'iyacu lałpicuejma', ałinca joupapapenufpá Cristo.

15 Toliya tuya'e':

Itsiya ja'ni LanDios tipalaic'olhuo', tołquimf'ełe.

Aimi'i'ma ata łolunxajma' to li'epa iłne lincuejlocale xanuc'.

16 ¿Naitsi iłne niquimf'epá LanDios, lijou'ma i'e'epołtsi lincuejlocale xanuc'? Tołta'a li'ipola' jahuay iłniya lipa'apola' Moisés jilpe łamats' Egipto.

17 ¿Naitsi iłne nepi'ipá coyac' LanDios oquej nuxans camats'? Małniya lan xanuc', iłne ni'epá quixcay. Iłne epi'impola' liłjunac', imapola' jilpe łamats' pe ailoapa'a quilya'.

18 ¿Naitsi iłne lipalaic'opola' LanDios iłe litine li'epa jurar, limipola': "Aimołtsuflaiyacu łamats' lainepi'ipolhuo', aimolunxajyacu jilpe"? Tołta'a lu'ipola' lan xanuc' petsi aiqulihuejma'.

19 Jilpe ałsina' te ts'i'ic' liłpicuejma' iłne lan xanuc'. Iłniya aiqul'iaic' linca limipola' LanDios, toliya aiqul'itsuflaic' łamats'.

4

1 Itsiya LanDios tuya'e': "Tołtsuflai'me, alunxaj'me anuli". Iya' camilhuo': Ałpo'nołe cuenna juaiconapa. Ja'ni a'i, aga tixinim'mola' a'ijc'a liłpicuejma' anuli oquexi' imanc'. Tijoułta' aimi'iyamitsuflaiyacu.

2 Aimi'i'molhuo' to li'ipola' iłniya lan xanuc', ni anuli imanc'. Illanc' ma' anuli iłniya lu'imponga': "LanDios tepi'i'molhuo' al c'a". Iłe lataiqui' lu'impola' iłniya aiquitoc'ila'. Aiqulihuequi limipola' LanDios. Ma le'a tiquimf'eyi.

3 Illanc' ja'ni lihuejyi litaiqui' LanDios, iłe lataiqui' lałmiponga', linca ałtsuflaita, alunxajta. Iłe lonxajya LanDios lonescopa jilpe petsi tuya'e':

Iłne lan xanuc' lapi'ipa coyac', ai'epa jurar.

Aimipola': "Aimołtsuflaiyacu, aimalunxajyacu anuli".

Linca, LanDios joupapaxajpa. Ilanc'epa li'a łamats', tołta'a ijou'nepa lanic'.

4 Tipa'a liniliya loya'apa li'ipa lixhuaita acamts'us quitine. Inescopa lihuequi litine. Ticua:

Lixhuaita acamts'us quitine, icuaiti lihuequi litine LanDios unxajpa.

Joupa ijou'nepa lo'eya.

5 Locuena liniliya ticua:

Aimipola': "Aimołtsuflaiyacu, aimalunxajyacu anuli".

6 Tołta'a li'ipa. Lan xanuc' niquimf'epá ate'a aiqulihuequi limipola' LanDios. Aiquitsuflaic'. Tijoułta', ¿te co'iya? Litaiqui' LanDios aimipaicoya. Iłque tipalaic'o'mola' locuena, timi'mola': "Tołtsuflaita".

7 Tołe li'ipa. Luyaiconapa axpe' camats', LanDios inescoconapa "itsiya". Tuya'e': "Ma mi'i itsiya litine lan xanuc' nipajnya ałquimf'e'ma, lihuejco'ma". Jilpe lije'e David LanDios tuya'e':

Itsiya, ja'ni LanDios tipalaic'olhuo', tołquimf'ełe.

Aimi'i'ma ata łolunxajma'.

8 Linca Josué itsufai'epola' lixanuc' jilpe łamats' lepi'ipola' LanDios. Ni iłniya aiqulunxaqui nulemma. Toliya LanDios ipalaicoconapa ocuena quitine.

9 Tipa'a petsi lixanuc' LanDios titsuflaita tunxajta nulemma. Jilpe aimijouya litine conxajya.

¹⁰ Linca tipa'a Anuli joupa ulijpa lonxajya. Joupa itsufaipa jilpe. Joupa ixhuai'nipa lipenic'. Tunxajyi anuli LanDios.

¹¹ Lipa'ate cafxi. Añesle: Lulij'me lonxajya. Alunxaj'me anuli LanDios. Ja'ni a'i, aga lihuej'me li'ejma' ihniya petsi aimihuejcoyi limipola' LanDios. Aima'e'me tohta'a. Ni anuli illanc'.

¹² Aimi'iya malatets'iyacu linespa LanDios, iñe lataiqui' laluponga'. Linespa LanDios imaf'i' cataiqui'. Acueca' lo'epa. Ti'onlcospa to al cutsilo oquej lipix'ay. Iñe litaiqui' LanDios xonca lo'epa. Ailopa'a lopa'neya. Texi'e'mo' lopicuejma', lomunxajma'. Jilpe lopicuejma', lomunxajma' ti'huájta xonca icu'u. Litaiqui' LanDios timuj'ma te ts'i'ic' lopicuejma', lofjanajpa.

¹³ Petsi lilanc'epa LanDios ailopa'a quemiyoxi. Mehuelonge LanDios jilque tixina jahuay acuajmaica. Tocomma ailopa'a quipoxa. Tohta'a li'ejma' łalanDios. Małque Łałtalai'eyacu Lijoujma Quitine.

¹⁴ Illanc' joupa ał'huaiyimpá Jesús. Aimałpai'i'mołtsi łalpicuejma'. Jesús li'Hua LanDios if'ajnapa lema'a. Itsufaipa pe lopa'a LanDios. Iñque Jesús ałCuecaj Ca'Ailli', lihuejco'me.

¹⁵ Aimałnesyacu: “ŁałCuecaj Ca'Ailli' aikuixina' te ts'i'ic' laluyalaicopa illanc' ninc'ixanuc”. Ixina'. I'ipa xans. Tohta'a ehuiyimpa to malahuaiyininga' illanc'. Ma le'a aikuiaic' quixcay.

¹⁶ Ja'ni tohta'a li'ejma' iñque łalCuecaj Ca'Ailli' Nopa'a lema'a, ¿te całpaic'eyaconga' małjoc'iyacu LanDios? A'i. Tipa'a lane. Ałjoc'i'me LanDios. Jilque łalJuez ac'a łalpalaic'oyaconga', ałsim'monga' ninc'icuanuc'la, ałtoc'i'monga'.

5

¹ Li'ipa, cal cuecaj ca'ailli' lifajpa LanDios ti'onlcospola' to lipimaye. Jouc'a axans. Tepi'inni limane tipalaic'ola' LanDios. Tinescotsola' lipimaye. Tixahue'ela' titoc'itsola'. Iñque cal cuecaj ca'ailli' tepi'i'ma LanDios łotsufcoya. Tiłonc'e'etsola' liłjunac' lipimaye.

² Iñque łal'ailli' tixim'mola' acuanuc'la lipimaye, ihniya pe ailopa'a quilsina' o timenaquila'. Timetsaicoyoxi jouc'a axans. Ixina' aikuixhueya lipicuejma', jouc'a ti'i'ma timenaj'ma.

³ Tołiya a'i ma le'a mitsufco'ma LanDios tiłonc'e'etsola' lipimaye liłjunac'. Titsufco'ma LanDios tiłonc'e'ela' iñque liłjunac' jouc'a.

⁴ Anuli cal xans a'i quituca' mepi'iyacoxi tohta'a quimane. Aiminesya: “Iya' ca'e'moxi cal cuecaj ca'ailli’”. A'i. Ma LanDios tepi'i'ma lipenic'. Tohta'a li'ipa Aarón, iñque cal te'a cal cuecaj ca'ailli'.

⁵ Ma' anuli li'ipa Cristo, iñque łalCuecaj Ca'Ailli'. Iñque a'i quituca' quifajyoxi. Ma LanDios Nifajpa. Małque LanDios imipa:

Ima' ai'Hua, itsiya quimetsaicohuo', iya' o'Ailli'.

⁶ Jouc'a uya'acona'ma, ticua:

Ima' ma'Ailli', ti'onlcospo' to Melquisedec.

Jouc'alemma i'ipo' ma'Ailli'.

⁷ Cristo mipa'a fa'a li'a łamats' titelma. Tijoqui ułfxi. Tinu łujuay li'u'. Tijoc'i LanDios, iñque nipajnya tunłu'e'ma, aimima'ma nulemma. Tixahue'e titoc'ila'. Ihuejcopa LanDios qui'Ailli'. Tołiya LanDios iquimf'epa, icuej'ma.

⁸ Tama i'Hua LanDios ihuic'i'ma te ts'i'ic' mihuejcoya. Ma mitelma ihuic'i'ma tohta'a.

⁹ Lijoupa lixhuaita lihuic'ipa, LanDios epi'ipa limane, tunłu'e'mola' nulemma jahuay pe naihuejcopá.

¹⁰ LanDios imetsaiconapa Acueca' Ca'Ailli'. Timi: “Ima' ma'Ailli' to Melquisedec”.

¹¹ Tipa'a axpe' ti'i'ma laɬpalaicoyacu Melquisedec. Itsiya aimi'iya. Imanc' aimi'iya muluhuaɬqueyacu iɬe lataiqui' xonca ipime. Jounpa i'ipa ata loɬpicuejma'. Aicoɬcueca.

¹² I'ipa axpe' camats' colapenufi litaiqui' LanDios. Ticuicomma toɬmuc'itsola' ocuenaye xanuc'. Aimi'iya. Oɬpic'a timuc'icona'molhuo', tu'icona'molhuo' litaiqui' LanDios petsi a'i quipime. Imanc' ti'onɬcospolhuo' to lapilmi noxnápá ma le'a aleche. Iɬne aimi'iya mitejacu ɬoteja.

¹³ Pe ts'ipic'a ma le'a aleche aimi'iya mepenufya lataiqui' loya'apa te ts'i'ic' al hijca lipicuejma' LanDios, ti'onɬcospa to ɬapími'.

¹⁴ Petsi lijoupa litojpola', iɬniya linca titeji ɬotejacu. Iɬne coɬta tixhuicoyi liɬpicuejma'. Jounpa iɬsina' timetsaico'me te ts'i'ic' lataiqui', ja'ni ac'a o ja'ni a'ijc'a.

6

¹⁻³ Lipangopa laɬhuaiyijmpa Jesucristo aɬ'onɬcosponga' to la'uhuay. Aɬmuc'iponga' lataiqui' petsi aiquipime. Jounpa lapenufpá lataiqui' loya'apa: "Ailopa'a conɬeyacu, aimi'iya molunɬu'eyacoɬtsi. Toɬsuej'menca. Toɬ'huaiyijnle LanDios." ¿Te aga aɬmuc'icona'monga' toɬta'a? A'i. Jounpa aɬmuc'imponga' te ts'i'ic' maɬeyacu ja'ni LanDios limetsaico'monga' jounpa latufc'e'emponga'. Aɬmuc'imponga' te ts'i'ic' locuajmaispa lo'epa lapimaye, iɬne mixpayof'me liɬmane' liɬjuac liɬpimaye. Jounpa aɬmuc'imponga' lo'iyacola' limanapola'. Iɬne timaf'ina'me. LanDios cal Juez tu'i'mola' nulemma te ts'i'ic' lo'iyacola'. Jahuay iɬta'a aɬsina'. Jounpa aɬmuc'imponga'. Ticuicomma ti'hua aɬtojtsonga', ti'ila' xonca acueca' laɬpicuejma'. Alihuic'iɬe xonca. Ja'ni LanDios aɬtoc'itsonga' ma' aɬinca aɬ'e'me toɬta'a.

⁴ Cacia alihuic'iɬe xonca. Lan xanuc' pe LanDios jounpa ulif'epola' aimi'iya mimuc'iconayacola' lataqui' limuc'impola'. Iɬne jounpa ixingufpá te ts'i'ic' al c'a lalapi'iponga' LanDios, ma' anuli lapimaye ixingufpá lipaxnepola' cal Espíritu Santo,

⁵ iximpá ac'a cataiqui' iɬe linespa LanDios, iximpá al cueca' lo'epa LanDios itsiya litiné. (Li'ipa inescompola' iɬna'a litiné, ecui'impá "locuaicoya quitine".)

⁶ Iɬniya ja'ni tipailiconamma, aimi'iya mixhuej'meconayacu, tama timuc'iconatsola'. Iɬne quiltuca' tepalts'ijnconayi lencruz li'Hua LanDios, lan xanuc' titalunts'eɬe, tetets'inɬe.

⁷ Anuli ɬamats' lixnapa ɬacui petsi axpe' licui'epa, ja'ni tix'najtsi'i ɬacui, jilpe tila'ma cal fanu', tipammaita. Tite'me lan xanuc' ni'epá canic'. Iɬque ɬamats' linca tetenɬcocojma LanDios, tipaxne'ma.

⁸ Ja'ni jilpe ɬamats' titoqui ma le'a ɬitac' jouc'a acua quitonqui pe aimitejnyacu, iɬque ɬamats' ailopa'a quipenic', timujyoxi a'ijc'a camats'. LanDios ticuaj'ma, tijouɬa' tipi'em'me nulemma.

⁹ Unc'aipimaye, tama capalaicola' toɬta'a iɬniya petsi lajac'yacola', aicalpalaicolhuo' toɬta'a imanc'. Aɬcuayi: Laɬpimaye, iɬne a'hebreo, xonca al c'a tuyalaico'me, iɬne tunɬu'em'mola'.

¹⁰ LanDios ac'a lipicuejma', aɬijca lo'epa, aimimenc'ecoya al c'a lonɬ'epa imanc'. Ixina' tonɬ'eyi capic'a, toɬiya oɬtoc'ipola' loɬpimaye, iɬne jouc'a i'huexi LanDios, ti'hua toɬtoc'ila'.

¹¹ Linca tixoxi cunlata toɬtoc'ila' loɬpimaye, itsiya aɬsc'ai'ilhuo', aɬmilhuo': Jouc'a toɬpo'noɬe loɬpicuejma' aimolimenc'eco'me te ts'i'ic' loɬ'huaijma. Imanc' jounpa oɬsina'. Aimolcuayi: Aga ti'i'ma o aimi'iya. Moɬ'huaicoyi ticuaicohuannani Jesucristo itine itine ti'hua toɬ'nujuaisle toɬta'a.

¹² Ja'ni tołta'a tołpo'no'me lołpicuejma' aimicuiya colahuí. Tonlihuej'mola' lił'ejma' petsi ti'hua ti'huaiyijnyi ŁanDios, tixnet'łyi. Iłne linca titsuflaita petsi ŁanDios tepi'itola' ma to joupa lu'ipola'.

¹³ Litine lepi'ipa cataiqui' Abraham, ŁanDios i'epa jurar, icuaj'mi'moxi. Xonca cal cueca' ailopa'a, tołiya ŁanDios icuaj'mi'ma lipuftine.

¹⁴ Timi Abraham:

Iya' ca'ay jurar, camihuo': Łinca capaxne'mo', ca'e'mo' quilitatahuelo axpela' lan xanuc'.

Aimopaneya cotuca' ima', timajnlita coxanuc'.

¹⁵ Abraham lepenufpa litaiqui' ŁanDios limipa, ti'hua tixnet'łqui. Lijou'ma iximpa li'ipa ma to linespa ŁanDios.

¹⁶ Lan xanuc' ti'etsa jurar ticuaj'mi'me lipuftine petsi loxima xonca acueca'. Ja'ni joupa i'epá jurar aimi'iya micuanac'eyacu litaiqui', tenant'hi'me.

¹⁷ Ma tołta'a li'epa ŁanDios, i'epa jurar. Iximola' acuanuc'la lixanuc' Abraham, iłne nonescopola' jilpe litaiqui' limipa Abraham. Ipic'a nulemma ti'ila' quilsina' ŁanDios aimipai'i lipicuejma'. To lonespa, ma tołta'a lo'eya.

¹⁸ ŁanDios ja'ni joupa epi'ipa cataiqui', ja'ni joupa i'epa jurar, aimi'iya mipai'iya linespa, aimafel'miyaconga'. Tołta'a li'epa ti'ila' calsina' tenant'hi'ma litaiqui'. Itsiya aimi'iya małnesyacu: ¿Te lapi'i'monga' ma to laluponga' o a'i? Tixoqui calata ti'hua ał'huaicoyi ałłaitsufcotonga' pu'huanni. Joupa li—loc'oláipá ŁanDios, ałsahue'epá lunlu'etsonga'.

¹⁹ Mał'huaiyijnyi tołta'a ŁanDios, tocomma to joupa ałłaitsufcoponga'. Tocomma to joupa ałmana' anuli małpe lopa'a ŁanDios. Aimalaca'ni'eyaconga'. Aimi'iya.

²⁰ Jilpiya joupa itsufaipa Jesús. Iłque łal'huaj'meponga'. Illanc' ałenc'eyi, ałcuaita. Jesús i'ipa cal Cuecaj Ca'Ailli'. Ti'onłcospa to Melquisedec, aimexic'e'enyacu lipenic'.

7

¹ Iłque Melquisedec arey Salem, e'ailli' ŁanDios Nopa'a xonca al toncay lema'a. Litine Abraham lulijpola' lan rey pe naixtuc'opá, lipainanni italecuf'mołtsi Melquisedec. Iłque ipaxne'ma Abraham.

² Abraham pe lenajpola' lexic'enapola' lan rey, amaxnu amaxnu ipa'a'ma imbama' epi'i'ma Melquisedec.

Iłque Melquisedec lipuftine tuhuałquemma ticua “cal Łijca Rey”. Lecui'impá “aRey Salem”. Iłe ticuajmaispa: Cal Rey łopac'epa lafuleya.

³ Iłque jouc'alemma i'ipa a'ailli'. Ailopa'a qui'máma' ni qui'ailli'. Jouc'a quitatahueló ailopa'a. Aimi'iya minesyacu: “Jilpe litine ipangopa lipitine”. Jouc'a aimi'iya minesyacu: “Jilpe litine ijounapa lipitine”. Ti'onłcospa to łi'Hua ŁanDios.

⁴ Łinca acueca' xans Melquisedec. Tołta'a łaltatahuelo Abraham imetsaicopa. Epi'ipa locuaiya quimane, iłe xonca al c'a lexic'enapola' lan rey.

⁵ (Litaiqui' Moisés aimicuxe mepi'inyacola' micuaiya quılmane lan xanuc' ja'ni ocuena quılraza.) Linca linaxque' Leví, iłne nepenufpá liłpenic' to a'ailli', icuxe'empola' ti'najtsi'i'me lan xanuc' to loya'apa litaiqui' Moisés linilijmpa. Linaxque' Leví y lan xanuc' no'najtsi'impola' apimaye. Anuli liłtatahuelo, iłque Abraham.

⁶ Melquisedec y linaxque' Leví a'i capimaye. Tama ituca' liraza Melquisedec, Abraham epi'ipa locuaiya quimane. Melquisedec ipaxnepa Abraham, małque Abraham pe joupa epenufpa lataiqui' licupa ŁanDios.

⁷ Tołta'a ałsinyi Melquisedec xonca acueca' xans. Tołiya ipaxnepa Abraham. Cal xans xonca acueca' tipaxne'ma łocuena pe aijcueca'.

⁸ Jifa'a li'a lamats' petsi napenufpá locuaiya quimane ma' axanuc' nomayacola'. Al Paxi Liniñingiya lonescopa Melquisedec tuya'e': "Itque ti'hua timaf'i".

⁹ A'i ma le'a Abraham nepi'ipa Melquisedec locuaiya quimane, jouc'a Leví epi'ipa. Małque Leví łapenufya locuaiya quimane lapi'iyacu lipimaye.

¹⁰ Litine litalecuf'mołtsi Abraham y Melquisedec tama aiquipanga Leví tocomma to tipa'a jilpe. Abraham ti'i'ma itatahuelo Leví, itaic' cal fanu'.

¹¹ Aarón y lif'as ca'aillí, ilne ixanuc' Leví, acueca' liłpenic'. Ilne ja'ni tołta'a aimi'eyacu canic', liłpimaye aimi'iya mihuejcoyacu litaiqui' Moisés, ilne locuxepa ŁanDios. Tama juaiconapa ac'a liłpenic', tołta'a aimi'iya mixhuai'niyacu nulemma jahuay lixplic'epa ŁanDios. Ja'ni ti'i'ma tixhuai'ni'me nulemma, łte quipicucioya ti'ila' ocuena ca'Ailli' lo'onłcويا to Melquisedec a'i to Aarón?

¹² Linca, ja'ni tiłonc'e'em'mola' liłmane lixanuc' Leví, ilne no'epá canic' a'aillí, liłf'as xanuc' aimi'iya mihuejyacu to li'ipa litaiqui' Moisés locuxepa, ticuicomma tipai'inte.

¹³ Lataiqui' loya'apa: "Ima' ma'Ailli' to Melquisedec", ilne lataiqui' aiminescojma anuli cal xans i'hua Leví. Tinescojma anuli petsi ni anuli quipima qui'aic' canic' a'ailli'.

¹⁴ Tinescojma łalPoujna. Itque lipajnta li'a lamats' hitatahuelo Judá, a'i Leví. Tołta'a jahuay ilsina'. Moisés aiquicuxe, aimi'eyi lanic' to a'aillí linaxque' Judá.

¹⁵ Xonca acuajmaica alšinyi ti'i'ma ituca' lalanant'iyacu licuxepa Moisés. Itsiya ti'ay lanic' a'ailli' ilque lo'onłcospa to Melquisedec, a'i to Aarón.

¹⁶ Itque a'Ailli', a'i pe lifajcompa cal xans lihuequi licuxe'empa. Itque ti'hua imaf'i', lipitine aimijouya. Tołiya ifaquimpa a'Ailli'.

¹⁷ Ma ŁanDios tuya'e' ti'hua imaf'i', ticua:
Ima' ma'Ailli', ti'onłcospo' to Melquisedec, jouc'alemma i'ipo' a'Ailli'.

¹⁸⁻¹⁹ Lataiqui' locuxepa ate'a tuya'e': "Ti'itsola' a'aillí linaxque' Leví". Petsi naihuejpá ilne lataiqui' ilne aimi'iya mixhuai'niyacu nulemma lixplic'epa ŁanDios. Ilne lataiqui' ailopa'a quipujfxi, aimi'iya mi'eya canic'. Tołiya ilojn-napa. Lijou'ma ŁanDios icupa cataiqui' ticuaihuo ła'Ailli', ilque xonca' ac'a lanic' lo'eya. Ja'ni al'huaiyijnyi ilque alinca li—loc'olaiyi ŁanDios.

²⁰ Locuenaye la'aillí, ilne ixanuc' Leví, lepenufpa liłpenic' ailopa'a ni'epa jurar. Jesús ituca' i'ipa.

²¹ Lepenufpa lipenic' ŁanDios i'epa jurar, timi:
Iya' NanDios, aicupa cataiqui', aicapai'iya laipicuejma'. Camihuo': "Ima' ma'Ailli', ti'onłcospo' to Melquisedec, jouc'alemma i'ipo' a'Ailli'".

²² Ilne li'epa jurar ŁanDios timuqui xonca ac'a lataiqui' ŁanDios lopo'no'iyacola' lixanuc'. Ifac'epa Jesús łala'Ailli' ti'ila' calsina' ŁanDios tenant'li'ma ilne litaiqui'.

²³ Lifaquimpola' lixanuc' Leví ti'etsa lanic' a'aillí, ilne li'ipola' axpela'. Timala' anuli titsufaitsi locuena ti'etsi lanic'. Tołiya ticuicomma axpela'.

²⁴ Jesús aimimaya. Ti'hua imaf'i'. Itque lipenic' ocuena aimi'eya. Małque Jesús a'Ailli' jouc'alemma.

²⁵ Tołta'a tunłu'e'mola' nulemma naimetsaicopá ile'Ailli', mi'huaiyijnyi tiłoc'olaiyi ŁanDios. Itque Jesús ille'Ailli' ti'hua imaf'i', ti'hua tixa'hue ŁanDios titoc'itsola' lixanuc'.

²⁶ Illanc' ninc'ixanuc' ticuicomma tołta'a łalCuecaj ca'Ailli'. Itque linca ihuejco'ma ŁanDios, aiqui'aic' quixcay, ailopa'a quijunac'. Itsiya a'i mipa'a petsi lan xanuc' no'epá quixcay, joupa enaquiya. Joupa if'ac'empa xonca al toncay lema'a.

²⁷ Locuenaye lan tsila' ca'aillí ticuicomma ate'a tiłonc'e'entsola' ilniya liłjunac'. Tijoułta', tiłonc'e'e'me liłjunac' lan xanuc'. Itine itine titsufcoyi ŁanDios.

ŁaŁCuecaj ca'Ailli' a'i, iŁque anulemma itsufcopoxi ŁanDios, toŁta'a iŁonc'e'enapola' nulemma liŁjunac' lixanuc'.

²⁸ Litaiqui' Moisés locuxepa ticuxe tific'entsola' lan tsila' ca'aillí ma le'a axanuc' pe naimenajpola', tima'mola'. ToŁta'a li'ipa ate'a. Lijou'ma ŁanDios i'epa jurar, ifajpa ocuena ca'Ailli', iŁque ma li'Hua. Mipa'a fa'a li'a lamats' ixhuai'nipa nulemma lipenic'. ToŁta'a limetsaicopa ŁanDios, ilaitsufconghua nulemma jiŁpe lema'a.

8

¹ IŁe laŁnespa xonca tipalaijma laŁCueca' ca'Ailli', tuya'e' te ts'i'ic' iŁque. Joupa if'ajnapa lema'a icutshuaipa al c'a camane ŁanDios, iŁque cal Cueca' CanDios Nopa'a lema'a.

² Itsufainapa maŁpe pe lopa'a ŁanDios, jiŁpe xonca al paxi. JiŁpe ti'ay canic' a'Ailli'. Lejut'Ł a'i lajut'Ł lilanc'ecompa ijahua', lipo'nopa anuli cal xans. A'i. Lejut'Ł jiŁpiya mane ejut'Ł ŁanDios. IŁque lipo'nopa.

³ Fa'a li'a lamats' lifaquimpa cal Cueca' ca'Ailli' iŁque titsufco'ma ŁanDios, tima'a'mola' linneja, titsufco'mola'. ToŁta'a lipenic'. Cristo, ja'ni ti'ila' cal Cueca' ca'Ailli' ticuicomma coŁa' titsufco'ma jouc'a.

⁴ Łınca, ja'ni coŁa' tipa'a fa'a li'a lamats', iŁque a'i ca'ailli'. Fa'a timana' la'aillí titsufcoyi ŁanDios, tihuejcoyi locuxepa Moisés.

⁵ JiŁpe lo'eyopa canic' iŁniya a'i maŁpe copanc'epa ŁanDios. IŁe lilejut'Ł ma le'a ti'onŁcospa to lopanc'epa ŁanDios. Ti'onŁcospa to lipunxahua lejut'Ł ŁanDios. ToŁiya, litine lolanc'eya Moisés lajut'Ł lolanc'ecoya ijahua', ŁanDios timi:

Iya' joupa ai'onŁcospa lainejut'Ł, aimuc'ipo' jiŁpe lijuala.

Ma toŁta'a tolanc'e'ma, jahuary anuli.

⁶ Illanc' laŁCueca' ca'Ailli' xonca ac'a lipenic'. IŁque aŁcuai'esponga' lataiqui' xonca ac'a, iŁe al ts'e cataiqui' ŁanDios laŁpo'no'iponga' illanc' ixanuc'. IŁe lataiqui' tipalaijma lalapi'iyaconga' ŁanDios, iŁe xonca al c'a.

⁷ Li'ipa, lixanuc' ŁanDios ihuej'me lataiqui' lipo'no'ipola' ate'a. Ja'ni toŁta'a tixhuai'ni'me jahuary lixplic'epa ŁanDios coŁa' aimaŁpo'no'iyaconga' ocuena cataiqui'.

⁸ Łınca, aimixhuai'niyacu toŁta'a. Ma ŁanDios timuqui tehue'e' iŁe al te'a cataiqui', iŁe lipo'no'ipola' lixanuc', toŁiya ticua:

Iya' NanDios, NaPoujna, cacua:

Ticuaihuc litine capo'no'icona'mola' cataiqui' laixanuc', iŁe al ts'e cataiqui'.

IŁne laixanuc' ixanuc' Judá, jouc'a ixanuc' Israel.

⁹ IŁe al ts'e cataiqui' laifpo'no'iyacola' a'i maŁe lataiqui' laipo'no'ipola' liŁtatahueló

iŁe litine ainexat'le'epola' liŁmane, ainipa'apola' jiŁpe lamats' Egipto.

IŁne aiqui'aic' laicuxe'epola' etets'ipá laitaiqui' laipo'no'ipola', toŁiya neca'nicopola'.

¹⁰⁻¹² TijouŁa' capenufcona'mola', capo'no'icona'mola' cataiqui' iŁniya ixanuc' Israel.

Iya' NanDios, iya' NaPoujna,

jiŁpe liŁpicuejma' capo'no'i'mola' laitaiqui' laifcuxe'epola',

quini'f'e'mola' jiŁpe liŁunxajma',

iŁniya nulemma limetsaico'ma iya' ilenDios, iya' quimetsaico'mola' aixanuc'.

JiŁpe litine liŁpiŁya' xanuc' o liŁpimaye, aimiminyacola': "Ima' taimetsaicola' ŁanDios".

Jahuary iŁne limetsaicona'ma.

Ti'ila' xonca aca'hua o ti'ila' xonca acueca', jahuary limetsaicona'ma.

Tama aiquilihuequi laitaiqui' iŁe laicuxe'epola', caxim'mola' acuanuc'la,

aica'nujuaisconaya li'epa quixcay, ni anuli.
Tohta'a laitaiqui' capo'no'i'mola' laixanuc'.

¹³ He linespa LanDios: “Capo'no'i'mola' al ts'e cataiqui'”, timuqui joupá i'ipa cafane al te'a cataiqui' lipo'no'ipola'. He li'ipa cafane, aimi'econaya canic', aimipanehuo.

9

¹ Al te'a cataiqui' lipo'no'ipola' LanDios lixanuc' ihe lataiqui' icuxe'mola' la'aillí. Tu'ila' lo'eyacu mi'eyi lanic' lepi'ipola' LanDios. Ihe la'aillí i'e'me lanic' jilpe lajut'í ilanc'ecompa ijahua'.

² He lajut'í lexpats'qui tijujnya licortina. Lehuoc'ocojma ihe al cortina tipa'a lacui'impa “al Paxi Cajut'í”. Jilpe tipa'a al candelero acaitsi lipepalc'o'. Jouc'a tipa'a al mesa, jilpe tipo'nof'ya la'í i'huexi LanDios.

³ Lixpula' al cortina tipa'a ocuena cajut'í ihe lacui'impa “Xonca al Paxi Cajut'í”.

⁴ Lajut'í tipa'a lopi'eyompa incienso, lilanc'ecompa a'oro. Jouc'a tipa'a licaxax, lilanc'ecompa a'ec ijui'icoya a'oro. He al caxax lecui'impa “Licaxax litaiqui' LanDios lipo'no'ipola' lixanuc'”. Jilpe al caxax tipa'a lapixu lilanc'ecompa a'oro. Jilpe lapixu ti'nico al maná. Jouc'a jilpe al caxax tipa'a lif'ix'ec Aarón, ihe lenef'pa quipela. Jouc'a tilmana' lapic' linilingiya litaiqui' LanDios lipo'no'ipola' lixanuc'.

⁵ Al caxax ipo'nof'impa laxma lecui'impa “Petsi LanDios tixinnila' acuanuc'la lixanuc'”. Jilpe, iju' iju', tecaxolanna oquexi' lan querubine lilanc'ecompola' a'oro. Ihe litxala' tunxahue'eyi laxma. Nolojmay ihniya imuj'moxi LanDios. Limuj'moxi ti'onłcospa to lummahuay tepalc'o'i juaiconapa. Itsiya aimi'iya malpalaiconayacu ihna'a lopa'a jilpe lajut'í. He lajut'í xonca al Paxi Cajut'í.

⁶ Jilpe al Paxi Cajut'í lijoupa lilajmpa jahuay, itine itine titsulfolaiyi la'aillí, ti'eyi lanic' lepi'ipola' LanDios.

⁷ Lixpula' al cortina, jilpe lajut'í xonca al Paxi, titsufai'ma quituca' cal cueca' ca'aillí. A'i itine itine mitsufaiya jilpe cal cueca' ca'aillí, ma le'a anulemma amats' amats' titsufai'ma. Itaic' lijuats' quinnejá titsufco'ma LanDios. Tohta'a LanDios timenc'e'eco'ma limenajpa cal cuecaj ca'aillí, jouc'a timenc'e'eco'mola' laimenajpola' lipimaye.

⁸ Ma mi'ay tohta'a cal Espíritu Santo tuya'e': “Ma mipa'a ihe al te'a cajut'í lopa'a lehuoc'ocojma al cortina, LanDios aimu'ila' acuajmaica te ts'i'ic' micuaiyacu jilpe lajut'í xonca al Paxi, ma pe lopa'a LanDios”.

⁹ He lo'epa luyaipa quitine ma le'a ti'onłcospa to lo'eya LanDios, ihe lałsimpa itsiya. Ihe notaipá lotsufcoyacu, ja'ni inneja loma'anyacola', ja'ni ocuenaye lotsufconyacu, tijoula' titsufcotsa ti'hua tixhuełcoyi. Ihe lotsufcopá aimi'iya mipac'e'eyacola' liłpicuejma'.

¹⁰ Ihe ma le'a tenant'iyi, ti'eyi cuenna te ts'i'ic' lotejacu, loxnayacu. Tepo'iyoltsi to lu'ipola' LanDios, tijoula' ixim'moltsi alimpio ma le'a jilpe liłcuerpo, liłpicuejma' a'i. Tohta'a lihuej'me mi'huaicoyi LanDios tipo'no'itsola' al Ts'e Cataiqui', tipai'ita' jahuay.

¹¹ Itsiya joupá i'ipa. LanDios ipo'no'ipola' lixanuc' al Ts'e Cataiqui'. Cristo joupá imujpoxi lałCuecaj ca'Aillí, iłque lapi'i'monga' xonca' al c'a.

La'aillí no'epá lanic' fa'a li'a lamats', li'ipa tipa'a lilejut'í lilanc'ecompa ijahua'. LałCuecaj ca'Aillí xonca ac'a lejut'í. Xonca ixhueya. Iłque lejut'í aiquiłanc'e lan xanuc', aimi'onłcospa to lopa'a fa'a li'a lamats'.

¹² Litsufcompa iłque jouc'a ituca'. Locuenaye lan tsila' ca'aillí, litsufłaiipa lajut'í xonca al Paxi, itaic' lijuats' quinnejá, ihe achivo jouc'aanaxque

huacax. ŁaŁCuecaj ca'Ailli' a'i. Ituca' litaic' iŁque. Itaic' ma lijuats', toŁta'a itsufainapa nulemma lajut'Ł xonca al Paxi, iŁe lopa'a lema'a. ToŁiya ŁanDios imetsaicopa joupa i'najtsepa laŁjunac', aimi'iya malacani'eyacongá'.

¹³ Luyaipa quitine tijuitsafinnila' liŁjuats' lan toro, lan chivo. Jouc'a tijuitsafinnila' laja', iŁe ilanc'ecompa łepi Ła'hua huacax caca'no' lijoupa litsufcompa ŁanDios, łipi'empa. Lijoupa li'empola' toŁta'a iŁne lan xanuc' ixim'mola' alimpio jilpe liŁcuerpo.

¹⁴ Łınca itsiya lijuats' Cristo xonca acueca' lo'epa. IŁque aimi'onŁcospa to iŁne linneja litsufcompola'. Cristo aimija'f'que lipitine, aimi'iya mima'anyacu nulemma. MaŁque quituca' jilpe lipicuejma' ixpic'epa titsufcoxoxi. Lijoupa itsufcopoxi.

ŁanDios joupa inespa: “ŁaŁtsufcoya ti'ila' ac'a quinneja petsi a'i quicuana, nij tinsi qui'ic”. Ma toŁta'a Cristo. Pangay ac'a lipicuejma'. Lijuats' latufc'enga' lałpicuejma'. Li'ipa aŁsueŁcoyi, aŁcuayi: “¿Te lacani'e'monga' ŁanDios?” Itsiya a'i. Itsiya to e'aillí ŁanDios aŁ'e'me lanic' lalapi'iponga' ŁanDios, iŁque Łimaf'i' CanDios.

¹⁵ Cristo, lijoupa litsufcopoxi ŁanDios, itsufaipa lajut'Ł xonca al Paxi, lopa'a lema'a. ToŁta'a iŁque aŁCuecaj ca'Ailli', aŁcuai'esponga' ŁanDios, illanc' pe nalapenufpa al Ts'e Cataiqui'. IŁe lataiqui' aŁpo'no'iponga' illanc' ixanuc' ŁanDios.

Litsufcopoxi Cristo jouc'a i'najtsepa liŁjunac' petsi aikuil'aic' licuxe'epola' ŁanDios. Aikuil'aic' loya'apa jilpe al te'a cataiqui' lipo'no'ipola' lixanuc'.

TijouŁa' jahuay lijoc'ipola' ŁanDios tepi'i'mola' to joupa limipola'. MaŁque ŁanDios tilaitsufcotola' nulemma.

¹⁶ Petsi lan xanuc' inefocopa tucuicomma tima'anŁe linneja titsufcoŁe ŁanDios.

¹⁷ Ja'ni tima'anŁe linneja tipanecohuo lataiqui'. Ma quimaf'i' linneja łoma'anyacu nipajnya tipai'i'me lataiqui'. Ja'ni joupa ima'ampá linneja aimi'iya mipai'inyacu lataiqui'. Joupa ifayipa.

¹⁸ ToŁta'a mi'enni lepenufim'me al te'a cataiqui' lipo'no'ma ŁanDios. Lan xanuc' ima'a'me linneja, ixcuajaiquenni liŁjuats'.

¹⁹ Ate'a Moisés u'i'mola' ataiqui' ataiqui' te lixpica'epa ŁanDios lo'eyacu. Lijou'ma i'noŁ'ma cal orégano, ifi'icoya unxali cocui lana. LiŁjuats' lanaxque' huacax y lan chivó lima'ampola' lohuants'ipa aja' iŁac'eco'ma cal orégano. Lijou'ma ijuitsijm'ma al je'e lainiŁijnya litaiqui' ŁanDios lipo'no'ipola' lixanuc'. Ijuitsijm'mola' jouc'a lan xanuc', jahuay iŁniya.

²⁰ Mi'ay toŁta'a timila': “IŁta'a lajuats' tifyi'ma litaiqui' ŁanDios lipo'no'ipolhuo”.

²¹ Jouc'a ijuitsijm'ma lajut'Ł lilanc'ecompa ijahua' y jahuay lo'nico jilpiya, iŁiya loxhuicoyacu la'aillí no'epá lipenic' ŁanDios.

²² Jilpe litaiqui' Moisés locuxepa tocomma jahuay tijuitsijnle cajuats'. Ja'ni a'i, aimi'iya mimenc'e'econyacoŁa' lan xanuc' li'epa.

²³ Ima'a'me linneja la'aillí, itsufco'me liŁjuats', toŁta'a i'i'ma limpio iŁiya lilanc'epa lan xanuc'. Jahuay iŁe lilanc'epa lan xanuc' ma le'a timuqui te ts'i'ic' lopa'a lema'a. Lopa'a jilpe tucuicomma ituca' lotsufcoya, iŁe xonca al c'a.

²⁴ ToŁiya Cristo aikuitsufaic' al Paxi Cajut'Ł lilanc'epa lan xanuc'. Jilpe lajut'Ł mipa'a li'a łamats' ma le'a ti'onŁcospa to lajut'Ł lopa'a lema'a. Cristo itsufaipa ma pe lopa'a ŁanDios. Jilpiya tipa'a itsiya. Timujuyoxi cal Cuecaj ca'Ailli'. Ti'hua tixa'hue ŁanDios aŁtoc'itsonga'.

²⁵ Lijoupa litsufaipa jilpiya Cristo aimitsufcoconyacoŁi. Fa'a li'a łamats' cal cuecaj ca'ailli' amats' amats' ti'hua titsufay lajut'Ł xonca al Paxi. Itaic' liŁjuats' quinneja a'i ma quituca' lijuats'.

²⁶ Ja'ni cola' toŧta'a li'epa Cristo cola' ti'i'ma axpe' mitsufcoyacoŧi. Lipan-gopa li'a lamats' cola' jouc'a tipangoco'ma iŧe lotelcoya Cristo, itsiya cola' ti'hua titeŧma. Ai toŧta'a li'ipa.

Iŧna'a lijoucola' quitine Cristo imuj'moxi fa'a li'a lamats'. Itsufcopoxi LanDios, liŧonc'e'eponga' laŧjunac'. Toŧta'a li'epa anulemma. Aimi'econaya.

²⁷ LanDios joupa ixpic'epa lo'iyacola' lan xanuc'. Ixplic'epa tima'mola' anulemma, tijouŧa' maŧque LanDios cal Juez tu'itola' te ts'i'ic' muyalaicoyacu.

²⁸ Jouc'a Cristo imapa anulemma, itsufcopoxi LanDios, itaipa liŧjunac' ax-pela' lan xanuc'. Litine timujcona'xoxi aimitaiconaya laŧjunac'. Joupa i'epa toŧta'a. Iŧe litine tunŧu'e'mola' lixanuc', iŧne ti'huaicoyi ticuaicoconno.

10

¹ Litaiqui' Moisés locuxepa a'i cuajmaica muya'e' te ts'i'ic' xonca al c'a lapi'iyacola' LanDios lixanuc'. Jiŧpe laŧsimpa tocomma to ipunxahua. Mi-huejcoyi iŧe lataiqui' lan xanuc' aimi'iya minesyacu: “Joupa ainenant'ŧipa lixplic'epa LanDios”. Amats' amats' ti'hua titsufcoyi ma' anuli.

² Iŧne notsufcopá ja'ni nulemma enant'ŧipá, ¿te ti'hua titsufco'me? Ai. Ja'ni ixingufcopá joupa iŧonc'e'enapola' nulemma liŧjunac', ja'ni joupa i'ipola' limpio, aimitsufconayacu.

³ Iŧsina' aiŧuiŧonc'e'enila' nulemma liŧjunac'. Amats' amats' ti'nujuaisyi li'epa lixcay. Amats' amats' tima'annila' linneja.

⁴ Liŧjuats' linneja lima'ampola', iŧne lan toro y lan chivo, aiŧiŧonc'e'eyacola' nulemma liŧjunac' lan xanuc'. Aimi'iya.

⁵ Toŧiya licuai'ma fa'a li'a lamats' Jesucristo timi qui'Ailli':

Aicaŧcuxe'e catsufcoyaco' linneja lima'ampola', ni ŧocuena caiftsufcoyaco'.

Lapi'ipa iya' laicuerpo catsufco'moxi.

⁶ Iŧne petsi noxingufcopá liŧjunac', ja'ni titsufcoyi linneja lima'ampola' lopi'empola', o ja'ni titsufcoyi liŧjuats' linneja, ima' aiŧuetenŧcocohuo' nulemma iŧna'a lotsufcopo'.

⁷ Iya' lainepenufpa laicuerpo aimipo':

“Ne', fa'a capa'a.

Jiŧpe al je'e linŧiya aŧpalajma iya' laif'eya, toŧta'a ca'e'ma.

Aicuaicoco'ma ca'eŧa' lofxpic'epa ima' manDios.”

⁸ Cristo linespa toŧta'a ate'a ticua: “Linneja lima'ampola' o ŧocuena laiftsufcoyaco' a'i toŧta'a caŧcuxe'e. Jouc'a linneja lopi'empola' o liŧjuats' linneja lotsufcopa iŧne petsi loxingufcopa liŧjunac', a'i toŧta'a catsufcoyaco'. Aicaŧcuxe'e. Iŧna'a lotsufcopo' aiŧuetenŧcocohuo' nulemma.”

⁹ Ti'hua tipalaic'o LanDios timi: “Aicuaicoco'ma ca'eŧa' lofxpic'epa”. Cristo minesqui toŧta'a ipo'nopa iju' iŧe al te'a lataiqui', iŧe locuxe'epola' lan xanuc' titsufcoŧe LanDios. ŧocuena litaiqui' loya'apa: “Aicuaicoco'ma ca'eŧa' lofxpic'epa”, iŧe linca joupa ifayipa.

¹⁰ LanDios ixpic'epa aŧ'itsonga' ma i'huexi iŧque. Toŧta'a aŧ'e'eponga' Cristo litine licupa licuerpo, itsufcopoxi nulemma.

¹¹ Locuenaye ca'ailli itine itine ti'eyi lanic' lepi'ipola' LanDios. Titsufcoyi linneja ma to licuxe'epola' titsufcoŧe. Iŧna'a lotsufcopa aimi'iya miŧonc'e'eyacola' liŧjunac' lan xanuc'.

¹² Ituca' li'epa laŧCuecaj ca'Ailli'. Iŧque itsufcopoxi ma le'a anulemma. Toŧta'a iŧojmpa nulemma laŧjunac'. Lijou'ma icutsingai'ma al c'a camane LanDios.

¹³ Micutsu jiŧpe al c'a camane LanDios i'huaijma ticuaitsi litine ticuec'eŧe naixtuc'opá. I'huaijma timetsaicole Incuxepa.

14 Aimitsufconayacoxi. Joupa itsufcopoxi nulemma. Lixanuc' joupa i'e'epola' i'huexi LanDios. Ti'hua tilanc'e'ela' li'picuejma'.

15 Cal Espíritu Santo jouc'a lu'inga' to'ta'a. Ate'a ticua:

16 Tijoula' capenufcona'mola' capo'no'icona'mola' cataiqui'.

Jilpe lilunxajma' capo'no'i'mola' laitaiqui' laifcuxe'epola'.

Quini'e'mola' jilpe li'picuejma'.

17 Lijou'ma ticua:

Lixcay li'epa petsi aiqulihuequi laitaiqui' laifcuxe'epola' aica'nujuaisconaya, quimenc'eco'ma nulemma.

18 Petsi joupa limenc'e'ecopola' lixcay li'epa, ilne aimitsufconayacu. Joupa ilojm-ropa li'junac'.

19 Unc'aipimaye, itsiya aimasuehmot'leconayi. Jesús joupa itsufcopoxi LanDios, itsufcopa lijuats'. Tohiya tixoqui calata ti'i'ma altsuflai'me jilpe Xonca al Paxi pe lopa'a LanDios, al'palaic'o'me ilque.

20 La'pene itsiya ituca', imaf'i'. Cristo litsufcopoxi licuerpo, LanDios exi'epa nulemma la'fluicoyacu jilpe Xonca al Paxi. Lijahua' lojujnya joupa ilojm-ropa.

21 Illanc' ixanuc' LanDios juaiconapa acueca' lala'Ailli'.

22 Tohiya aimasim'me calaic'ata, tixojma calata laxc'on'ingotai'me LanDios. Joupa aljuitsijmponga' illanc' la'picuejma', aimasuehmot'lecoyacu la'junac', joupa ilojmpa. La'cuerpo lapo'imponga' al c'a caja'. Itsiya a'i oquej la'picuejma'. Alsinoyotsi ma latufnaponga'. Ti'i'ma aliloc'otai'me LanDios illanc' caltuca', al'palaic'o'me ilque.

23 Joupa aluya'apá: Al'huaijny LanDios, ilque lun'u'e'monga'. Aimalpai'i'motsi la'picuejma'. Ti'hua al'huaijny. Ilque joupa icupa cataiqui', aimi'ya mipai'ya. Ma to linespa to'ta'a lo'eya.

24 Lahuefe te co'ya ma'nujuaisyacula' xonca la'pimaye, ti'ila' xonca axpe' la'epa al c'a.

25 Ilne lapimaye pe aimefot'leconayotsi aimalihuej'me li'ejma'. Lafot'le'motsi alixpi'i'mola' quileta la'pimaye. To'sinyi ticuaihuo al Cuecaj Quitine, tohiya xonca to'po'no'le lo'picuejma' tonl'ele to'ta'a.

26 Illanc' petsi joupa alsina' te ts'i'ic' al Linca Cataiqui', ja'ni xonca al'pic'a al xujc'a cane, ja'ni ti'hua al'econa'me lixcay, ticuaiti al Cuecaj Quitine alsim'motsi joupa lacaniponga'. Ille li'epa Cristo litsufcopoxi, aimalilonc'e'eyaconga' la'junac'.

27 Ma le'a al'huaico'me lapi'intsonga' la'junac'. Acueca' caxpaiqui' ile la'tel'minyaconga'. Alsingufco'me to'lunga lipoyac' LanDios. Ma to lojou'neyacola' naixtulepá, ma' anuli aljou'ne'monga' illanc' ja'ni aimalihuejcoyacu.

28 Li'ipa, cal xans netets'ipa litaiqui' Moisés, pe aici'aic' locuxe'epa, tite'l'mim'me. Ti'ila' oquexi' afantsi joupa ixingopá li'u' lixcay li'epa, tijoula' aimixininyacu cuanuc', tite'l'minte.

29 Itsiya, ¿te aimite'l'minyacu xonca petsi netets'ipa Cristo, tocomma to i'huailetsufpa li'Hua LanDios? Jouc'a lijuats' Cristo etets'ipa, iximpa to ninaiti cajuats'. Ille lijuats' Cristo lixcuajaicopa tifayila' nulemma al Ts'e Cataiqui' lipo'no'ipola' LanDios lixanuc'. Ma'le lajuats' i'e'epa cal xans ma' i'huexi LanDios. Ilque pe netets'ipa Cristo inesc'epa cataiqui' cal Espíritu Santo, ilque Notoc'iyalepa. Linca xonca acueca' lo'ya ilque cal xans.

30 Limetsaicoyi Nocuapa:

Ma' iya' icueya laimane ca'e'ma al hijca.

Iya' ca'najtse'e'mola' pe no'epá lixcay.

Jouc'a ticua:

ŁanDios copa'a iŁjuez lixanuc'.

³¹ Łınca aimalulijyacu iŁque Łimaf'i' CanDios. Acueca' axpaiqui' iŁque. Acueca' lo'eya.

³² Imanc' joupa oŁmujpoŁtsi toŁ'huaiyjnyi Jesucristo. Aimolimenc'eco'me loluyalaicopa. Ti'hua toŁ'nujuaisle li'ipolhuo'. IŁniya litiné ma quite' ŁanDios epalc'o'ipolhuo'. JiŁne litiné oŁsnet'l'me al cueca' lateŁcoya. AicoŁpai'i loŁpicuejma'.

³³ IŁniya litiné toŁteŁcoyi mixoconnilhuo' loŁ'as xanuc', mi'ennilhuo' lixcay, mimiloquihuo' cataiqui'. Jouc'a toŁteŁcoyi ma miteŁcoyi toŁna'a loŁpimaye.

³⁴ OŁ'e'e'moŁtsi anuli loŁpimaye litats'empola', jouc'a toŁteŁcoyi, tunlequi łolunxajma'. Mexic'elhuo' imanc' loŁ'huexi, tixoqui cunlata tolihuejyi Jesucristo. Aicolixtuc'ola'. ToŁ'nujuaisyi tipa'a loŁ'huexi xonca al c'a. IŁe aimi'iya mexic'enyacolhuo'.

³⁵ Joupa i'ipa coŁsina' ŁanDios tepi'i'molhuo' xonca al c'a. Aimolatets'i'me. Ja'ni ti'hua toŁ'huaiyjnyi acueca' al c'a ti'najtse'e'molhuo'.

³⁶ Ne'. Ti'hua toŁsnet'l—le. ToŁta'a tonl'e'me lixpıc'epa ŁanDios. Tepi'i'molhuo' al c'a. Joupa icupa cataiqui'.

³⁷ JiŁpe al Paxi Linilingiya tuya'e':

Le'a huata tehue'e', ma icuaico'ma Nocuaicoya.

³⁸ Cal xans naŁ'huaiyjmpa tulijta lipitine aimijouya.

Aiximpa to ailopa'a quijunac', capenufi.

Ja'ni tipai'inla' lipicuejma' aimalatenŁcoconaya.

³⁹ Łınca, a'i toŁta'a laŁ'ejma'. AimaŁpailiconamma. Aimalacani'enyaconga'. Ti'hua aŁ'huaiyjm'me ŁanDios. IŁque lunŁu'e'monga'.

11

¹ Ja'ni aŁ'huaiyjnyi ŁanDios, ¿te ts'i'ic' laŁ'ejma'? MaŁ'huaiyjnyi tixoqui calata aŁ'huaicoyi ŁanDios lapi'itsonga' pe joupa aŁmiponga': "Capi'i'molhuo'". AimaŁnesyi: "¿Aga lapi'i'monga' o aimalapi'iyaconga'?" MaŁ'huaiyjnyi tama axpe' aimi'iya maŁsinyacu, pe ŁanDios joupa icuapa: "Tipa'a", aŁsina' ma tipa'a.

² ToŁta'a luyalaicopa laŁtatahueló. ToŁiya al Paxi Linilingiya tipalaicola', inescopola' al c'a.

³ MaŁ'huaiyjnyi ŁanDios aŁsina' te ts'i'ic' li'ipa lilanc'epa lema'a, li'a łamats', jahuay lopa'a. Ai'a tilanc'e'ma ŁanDios lema'a y li'a łamats' aiqui'huáqui colanc'ecoya, ailopa'a. ŁanDios ma le'a icuxepa ti'ila'. Lijoupa, ma toŁta'a li'ipa.

⁴ Abel mi'huaiyinge ŁanDios, litsufcopa ac'a itsufcopa. Caın, ipima Abel, ŁanDios aiquetenŁcocojma litsufcopa. Mi'huaiyinge Abel, ŁanDios iximpa iŁque ac'a xans, epenufpa litsufcopa. Mi'huaiyinge ŁanDios, ima'ampa. ToŁiya tama joupa imanapa tocomma to ti'hua tipalay.

⁵ Enoc mi'huayinge, ŁanDios iŁonc'enapa fa'a li'a łamats'. ToŁta'a aiquixina' lamaya. ŁanDios ilecona'ma, aiquixingona'me. AŁsina' Enoc i'huaiyjmpa ŁanDios. Al Paxi Linilingiya tuya'e': "Mipa'a li'a łamats' Enoc etenŁcocopa ŁanDios".

⁶ Petsi aimi'huaiyjnyi, iŁniya li'ejma' aimetenŁcocoya ŁanDios. Cal xans naxc'onlingaiya ŁanDios ticuicomma ti'ila' quixina' tipa'a ŁanDios. Jouc'a ti'ila' quixina' ŁanDios tepi'i'ma al c'a ja'ni tehueŁa'.

⁷ Noé mi'huaiyinge ŁanDios, ilanc'epa al arca. ŁanDios joupa u'ipa Noé te ts'i'ic' lo'iya. Tama ailopa'a tintsi, Noé aiquetets'i limipa ŁanDios. IŁhuejcopa, ilanc'epa al arca, unŁu'epola' lixanuc'. Noé mi'ay toŁta'a imuj'ma a'ijc'a liŁpicuejma' locuenaye lan xanuc', iŁne nomana' li'a łamats' iŁniya litiné. ŁanDios imetsaicopa ti'huaiyinge Noé. Epenufpa to ailopa'a quijunac'.

8 Abraham mi'huaiyinge, ihuejcopa licuxe'epa LanDios. Ique ijoc'ipa Abraham tipanni, ti'huanla' locuena camats' tepi'ita. Ie lamats' Abraham aikuixina'. Ni aikuixina' pe lopa'a. Ma' ipanamma, i'huanapa.

9 Icuaitsi jilpe lamats' linescopa LanDios, aiquepenufi nulemma. Mi'huaiyinge ipajmpa jilpe to lin'huaya. Ipajmpa lejut'i ilanc'ecompa ijahua'. Ma' anuli toliya lipajmpa Isaac, ique i'hua Abraham. Jouc'a ma' anuli lipajmpa Jacob i'hua Isaac. Ilniya i'huaico'me LanDios tepi'itsola' nulemma quilemats', ma to limipa qui'ailli'.

10 Mipa'a tola'a Abraham ixnet'l'ma. I'huaijma ticuaitsi anuli liya' xonca lifayiya lajut'hi. Jilpe liya' lajut'hi aimi'onlayacola' lajut'hi lilanc'ecompa ijahua'. Ie liya' LanDios ixpic'epa te ts'i'c' mi'ya, ique lilanc'epa.

11 Sara mi'huaiyinge LanDios, epenufpa lipujfxi, i'ipa quinnay. LanDios joupa icuapa: "Sara tipo'no'ma qui'hua". Ticua Sara: "LanDios aimifel'miyale. Linca ti'i'ma." Tola'a li'ipa. Tama joupa itojpa caca'no', Sara ipo'nopa hi'hua.

12 Tola'a anuli cal xans i'ipa quilitatahuelo axpela' lan xanuc'. Ique tama tocomma to joupa imanapa i'epa hi'hua. Ijou'ma i'ipola' axpela' lixanuc'. Aimi'ya mixhuej'meyacola'. Ti'onlcospola' to lan xamna nomana' lema'a, o cal cuixa lopa'a lema' caja.

13 Jahuay ilniya, litine lima'mola', ma ti'huaiyijnyi LanDios. Ilniya aiqiluliqui linescopa LanDios mimila': "Capi'i'molhuo". Ilniya ma ti'onlcospola' to nahuejlojmpa. Ihe afule mixinyi al c'a lopa'a aculi'. Tixoqui quileta ticuayi: "Linca, ma tipa'a. Juaiconapa ac'a jiliya lalapi'iyaconga'." Ma mi'huaiyijnyi LanDios ticuayi: "Illanc', ma' aluyalaicoyi fa'a li'a lamats'. Al'onlcosponga' to lin'huaya."

14 Lonespa tola'a alinca ti'huaiyijnyi LanDios. Acuajmaica timujyoltsi tijanajyi ticuaitsa jilpiya mane lipiya'.

15 Ihe aimi'hua mi'nujuaisyi i'ie lamats' lipalyonamma. Ja'ni cola' i'nujuais'me, ja'ni ixhueico'me, LanDios cola' timuc'i'mola' te ts'i'ic' mi'eyacu mipailiyacu.

16 Ihe a'i tola'a li'e'jma'. Tijanajyi ticuaitsa pu'hua lema'a, petsi xonca al c'a. Toliya LanDios aiqetets'ila' i'ne lixanuc'. Tixoqui queta tecui'iyoxi: "Iya' NanDios, ilenDios ilniya laixanuc'". Ma' ique lilanc'e'epola' lipiya' lopa'a pu'huanni.

17-18 Abraham mi'huaiyinge LanDios, ihuejcopa licuxe'epa litine lehuaicopa. Titsufco'ma cal nuli hi'hua, ique Isaac. Ai'a tipajnta Isaac LanDios joupa u'ipa Abraham, timi: "Ique lo'ya lo'hua Isaac ti'i'ma quilitatahuelo lan xanuc' petsi laimetsaiconyacola' to loxanuc'". Abraham, tama joupa i'epa linca i'ie limipa LanDios, aiqicuanac'e hi'hua, ique Isaac. Cola' lotsufcoya.

19 Ticua: "LanDios ti'i'ma timaf'i'ina'mola' limanapola'. Timaf'i'ina'ma lai'hua." Ma mima'aya hi'hua, LanDios imuc'ipa tipa'a jilpe anuli cal mo'. Ique cal mo' Abraham ima'apa, itsufcopa LanDios, a'i hi'hua. Toliya Isaac ti'onlcospa to cal mo' lima'apa qui'ailli'. Abraham lepenufnapa hi'hua iximpa to LanDios joupa imaf'i'ina'pa. Tocomma i'ipa to linespa Abraham.

20 Isaac mi'huaiyinge LanDios, ipaxne'mola' linaxque', ilniya Jacob y Esaú. Ai' ma le'a ipaxne'mola', jouc'a u'i'mola' te ts'i'ic' lo'iyacola'.

21 Jacob mi'huaiyinge LanDios, mima ipaxne'mola' loquexi' linieto, i'ne linaxque' José. Mipaxnela', i'ie loya'apa, a'i lonespa quituca' lipicuejma', tuya'e' ma lixpice'epa LanDios. Mi'huaiyinge LanDios, ummejc'oyoxi lipaluc, ic'omma'ima, tix'najtsi'i LanDios.

²² José mi'huaiyinge ÆanDios, tixhuainatsi lipitine, ipalaic'o'mola' lipimaye, ìne jouc'a ixanuc' Israel. U'i'mola' te lo'iyacola'. Tuya'e' tipalnacu jìlpe ìamats' Egipto. Icuixe'e'mola' lo'e'eyacu lipécal.

²³ Qui'ailli', qui'máma' Moisés, mi'huaiyijnyi ÆanDios aimixpailiquila'. Aiquilihuequi litaiqui' licuxe'eyalepa cal rey nocuxepa Egipto. Lixim'me juaiconapa ac'a ìahuac'hua, emi'me afane' mut'la. Aimima'am'me.

²⁴ Moisés mi'huaiyinge ÆanDios, lijoupa litojpa, aimimetsaicoyoxi to inieto cal rey Faraón. Aimicua, tama itoc'epa ì'hua caca'no' cal rey.

²⁵ Ticua: “Ja'ni aimetenlcocoya ÆanDios laif'eya, tama cuyaico'ma al c'a ma capa'a li'a ìamats', ìe laixojcopa neta, aimico'ya”. Totiya ixpic'epa tite'cola' to lixanuc' ÆanDios mite'coyi.

²⁶ Tama cal rey Faraón, ìque nocuxepa Egipto, acueca' al c'a lapi'ya Moisés, ìque aiquicuac'. Ixina' xonca ac'a loyaicoya ja'ni lan xanuc' tetets'ìe. Xonca ipic'a ti'huaicola' ÆanDios ti'najtse'ela'. Mite'coyi to'la'a lixanuc' ÆanDios ma'anuli Cristo tite'coyi, ìque ì'Huij'epa ÆanDios.

²⁷ Mi'huaiyinge ÆanDios, Moisés ipanni jìlpe ìamats' Egipto. Aimixpaic'e lipoyac' cal rey. Tama aiqui'huáqui ÆanDios, tocomma to Moisés tehuelonge. Totiya ixnet'ì'ma jahuay.

²⁸ Mi'huaiyinge ÆanDios, icuxe'epola' lixanuc' tima'anle lam mot'ì, tijuitsi-jnle lajuats' lìpuerta. To'la'a tuyaico'la' ìpaluc quema'a, noma'ayacola' lan tet'la lanaxque' camijcanó, ìne lun Egipcio. Ailopa'a co'e'eyacola' lixanuc' Moisés.

²⁹ Moisés jouc'a lixanuc', mi'huaiyijnyi ÆanDios jìlpe Æunxali Caja, ete'nuf'moxi ìaja i'ì'ma lane, uyalaico'me nolojmay. Icuaitsa lan xanuc' egipcio, jouc'a itsulfo'laime ìpic'a tuya'la'ìe jìlpiya. Aiqui'ic'. ìaja inutse'mola', unxalac'mola'.

³⁰ Lan xanuc' Israel mi'huaiyijnyi ÆanDios, acaitsi quitine ipaiyummij'me lìya' Jericó. Jìlpe lixpula' leti'icoya quìya' ipaiyummij'me. Tijou'la' acamts'us quitine, lihuequi litine ecangenni leti'icoya lìya'.

³¹ Rahab, ìaca'no' ìitepa licuerpo, mi'huaiyinge ÆanDios epenufpola' loquexi' lan xanuc', ìniya nicuaicota tehuelojm'me ìamats'. Totiya un'fu'ma ìaca'no'. Lun Israel litsuf'laime Jericó ima'a'me lan xanuc' nomana' jìlpiya, ìne petsi aiquilihuequi ÆanDios. Rahab aiquima'a'me.

³² Itsiya, ¿te xonca caifnesya? Mi'huaiyijnyi ÆanDios jouc'a i'e'me al cueca' ìne Gedeón, Barac, Sansón, Jefté, David, Samuel jouc'a lam profeta. Aimi'ommaispa capalaicoyacola' li'epa anuli anuli ìniya. Axpe' alco'ì'ma.

³³ Locuenaye, mi'huaiyijnyi ÆanDios tulijyi lan tsilaj quincuxepá jouc'a lìxanuc'. Locuenaye ticuxeyaleyì hijca. Locuenaye epenuf'me ìe al c'a limipola' ÆanDios lapi'iyacola'. Locuenaye mimana' nolojmay lanxmuhua ti'huaiyijnyi ÆanDios, to'la'a ailopa'a qui'e'e'mola'.

³⁴ Locuenaye, mi'huaiyijnyi ÆanDios ipac'e'me lipoyac' ìunga. Ailopa'a qui'e'e'mola' ìe ìunga. Locuenaye un'ul'me, aimima'acom'mola' acutsilo. Locuenaye, joupa itafquemmola' epenuf'cona'me lìpujfxi. Locuenaye, acueca' li'epa mifuleyi naixtulepá. Locuenaye, ihuescufi'me lan xanuc' nofulepá, ìne ocuena quìtraza.

³⁵ Laca'no' mi'huaiyijnyi ÆanDios, ìne lìxanuc' limapola', epenufna'me joupa imaf'ì'ìnapola'. Locuenaye ixnet'ì'me mite'ì'minnila' juaiconapa, ima'am'mola'. Aicun'lu'eyo'ìtsi, aiquìlcuac'. ìpic'a tulijnatsa lapajnya xonca al c'a, timaf'ì'ìnatsola' ÆanDios Locuaicoya Litine.

³⁶ Locuenaye, ite'co'me mitalunts'ennila' o muntafquim'mola' o mifi'econnila' acadena, itats'em'mola'.

³⁷ Locuenaye ima'acom'mola' apic', ehuiyim'mola'. Ma quimaf'ila' etequim'mola' onca liŕcuervo, ima'acom'mola' acutsilo.

Locuenaye, mi'huaiyijnyi LanDios tiyelocoyi itatsma lipixmij moŕ o lipixmi chivo. Acueca' lahue'epola', titeŕcoyi, juaiconapa acuanuc'la.

³⁸ Iñiya xonca lan c'a xanuc'. Toŕiya liŕ'as xanuc' aimi'ya mimetsaicoyacola', etets'im'mola'. Ine, ma mi'huaiyijnyi LanDios, inulnapá, tiyelocoyi petsi ailopa'a quiŕya'. Jouc'a tiyelocoyi lijualay. Tiŕmana' huns'eja' o lipihuo camats'.

³⁹ Jahuay iñiya, tama LanDios imetsaico'mola' ti'huaiyijnyi, aiquiluliqui linescopa LanDios, iŕe lapi'iyacola' lixanuc'. Ni aiquiŕsina' te ts'i'ic'.

⁴⁰ LanDios joupá ixpic'epa luyalaico'me xonca al c'a illanc'. Ixplic'epa ti'ila' caŕsina' te ts'i'ic' lapi'iyacola' lixanuc'. Li'ipa, iñiya aiquiŕsina'. Ti'hua mehue'ela' mi'huaicoyi aŕ'huaiyijnle illanc'.

12

¹ Ine laŕpimaye joupá imuj'moŕtsi ni'huaiyijmpá LanDios. Tama joupá iyenapá timana' anujnca, canumicay pe laŕmana' illanc', lahuelonginga'. Axpela' iñiya. Itsiya, ¿te co'ya? Ticuicomma aŕpo'note laŕpicuejma' luliŕta iŕe lalapi'inyacongá'. Aŕ'itsonga' to iŕne lainulpá. Ine iŕic' tinul'me, aimitaiyacuj cumta copa'neyacola'. Jouc'a illanc', laca'ni'me laŕpa'neyacongá', aimalihuej'me al xujc'a lopa'a laŕpicuejma', aŕsnet'ŕ'me jahuay la'iyaconga'.

² Ti'hua aŕ'nujuaitsa Jesús li'ejma'. Maŕque Jesús aŕmuc'iponga' te ts'i'ic' maŕ'huaiyijnyacu LanDios. Iŕque nulemma i'huaiyijmpa LanDios, aiquipai'i lipicuejma'. Iŕque aŕtoc'i'monga' ti'hua aŕ'huaiyijnle, tijouŕa' LanDios alunŕu'e'monga'. Jesús i'nujuaitsi lo'ya jilpe lema'a. Toŕiya ma iteŕcopa lepaŕts'ingimpa lancruz. Tama iximpá to lixcay xans aiquixim'moxi acuanuc'. Ticua: “Jipu'hua lema'a tixoj'ma neta cuyaicota”. Itsiya joupá ulijpa. Ticutsuya al c'a camane LanDios cal Cuecaj Quincuxepa.

³ Camilhuo': Toŕ'nujuaitsa Jesús te ts'i'ic' luyaicopa, liteŕcopa. Toŕ'nujuaisle lixnet'ŕpa ma mi'e'eyi acueca' quixcay iñiya lan xanuc' pe aimihuejcoyi LanDios. Toŕta'a aimixojyacolhuo', ti'hua toŕ'huaiyijm'me.

⁴ Imanc' lolipa'apa caŕxi tolulijle al xujc'a, ¿te oŕscuajaipa loŕjuats'? A'i toŕta'a qui'ilhuo'.

⁵ Tocomma joupá olimenc'ecopa loya'apa al Paxi Liniŕingiya. Jilpe LanDios tixc'ai'ilhuo'. Toŕta'a la'ailli' mixc'ai'i'mola' linaxque'. LanDios ticua:

Mai'hua, topo'noŕa' lopicuejma' tapenufla' laifmuc'ipo' iya' oPoujna.

Ja'ni cu'itso', aimitafqueco'.

⁶ Petsi laif'epola' capic'a camuc'i'mola' toŕta'a iya' iŕPoujna.

Petsi lainimetsaicopola' ainaxque' cateŕ'mila'.

⁷ LanDios aimixtuc'olhuo'. Toŕsnet'ŕe lo'ipolhuo'. Ma to la'ailli' timuc'ila' linaxque' toŕta'a timuc'ilhuo' LanDios.

⁸ Jahuay linaxque' LanDios timuc'ila', titeŕ'mila'. Ja'ni aimoŕxingufcoyi toŕta'a mimuc'ilhuo' LanDios, imanc' a'i quinxaxque'. Iŕque aiquimetsaicolhuo', ocuena coŕ'ailli' imanc'.

⁹ Li'ipa maŕmana' ninc'a'uhuyay la'ailli' aŕteŕ'minga'. Aicalixtuc'ola'. Tama le'a axanuc' limetsaicopola' toŕta'a icueya liŕmane. Lapajnya fa'a li'a ŕamats' lapi'iponga' iñiya. LanDios caŕ'Ailli' Nopa'a lema'a tepi'ila' jahuay liŕpitine. Xonca ticuicomma limetsaicoŕe iŕque. Toŕta'a lapi'i'monga' laŕpitine aimijouya.

¹⁰ Ine laŕ'ailli' nomana' fa'a li'a ŕamats', iŕe licueya quiŕmane aiquicoŕi. Tama icueya liŕmane aimi'hua maŕcuxeyaconga'. Tijouŕa' aŕtoŕtsonga' aimi'hua maŕteŕ'miyaconga'. Ine ma to licuapa liŕpicuejma' toŕta'a laŕteŕ'miponga'. Caŕ'Ailli' Nopa'a lema'a ituca' li'ejma'. Ipic'a luyalaicoŕe al c'a, a'i ma le'a fa'a li'a

lamats', ticua: “Toluyalaicotsa al c'a Locuenaj Quitine jouc'a”. Ixpíc'epa ti'ila' nulemma pangay c'a laɓpicuejma', ma to lipicuejma' LanDios.

¹¹ Linca matteɓ'minga' a'i mixoqui calata, aɓsinyi acumta lapajnya. Matteɓcoyi aɓsnet'lyi. Tijoula' lihuic'ite ti'i'ma ac'a laɓpicuejma'. Aɓpac'em'monga' laɓpicuejma'.

¹² Toɓiya camilhuo': Ja'ni itafquemmolhuo' aimoluyalaicona'me toɓta'a. Loɓmane', loɓmitsi' toɓapi'itsola' liɓpufxi.

¹³ Ma tolihuejle litaiqui' LanDios. Toɓta'a petsi lo'onɓcospola' to lan coxo, iɓne petsi afule miyeyi, iɓniya jouc'a tihuej'me, aimejac'eyacu al c'a cane.

¹⁴ Toɓo'note loɓpicuejma' toɓejmalele al c'a loɓpimaye, jahuay iɓniya. Tolahueɓe te co'iya monɓ'eyacu ti'ila' pangay c'a loɓpicuejma'. Ma le'a iɓniya pe toɓta'a liɓpicuejma' tixinna'me caɓ'Ailli' LanDios.

¹⁵ LanDios ti'hua titoc'ilhuo'. Toɓ'etsotsi cuenna, ni anuli menaj'moxi. Ni anuli mi'i'moxi to lixcay quitamqui, tixhueɓ'mi'molhuo'. Iɓque lipommaya titaɓ'molhuo', nij naitsi nonɓuya.

¹⁶ Ni' anuli mi'i'moxi innahuepa cacal'no', ni mi'i'moxi to cal xans Esaú. Iɓque ehue'ma ma le'a lopa'a fa'a li'a lamats'. Iɓque Esaú cal te'a timi lipepo: “Lapi'ila' iɓe loɓfecopa, cate'ma iya'. Caɓ'ailli' tipaxne'mo' ima', iya' nin te'a aimalɓaxne'ma.” Toɓta'a etets'i'ma lopaxnecoya qui'ailli'. Xonca ipic'a titetsoɓa', tama ma le'a anulij pime.

¹⁷ Joupa oɓsina' li'ipa. Lijou'ma, Esaú ipic'a qui'ailli' tipaxneɓa', timetsaicoɓa' to cal te'a qui'hua. Aimi'iya. Ixhueɓmot'le'ma juaiconapa, ijoj'ma. Aimi'iya mipai'iya. Joupa i'ipa.

¹⁸ Imanc' moli—loc'oɓaiyi LanDios aimolacaxhuoɓanna lehuoc'ocojma liɓjuala ma le'a amats'. Jiɓpiya tecaxhuoɓanna lixanuc' Moisés. Iɓe liɓjuala tocomma tipi, ixim'me acueca' lipaɓ cunga. Ixim'me acueca' cummahuay, amuf le'a, juaiconapa ti'hua lahua'.

¹⁹ Jiɓpe icuej'me tifus'minni al trompeta. Icuejpa anuli tipalay, tixc'ai'ila'. Lan xanuc' noquimf'epá iximpá acueca' caxpaiqui', tixahue'eyi aimi-palaic'ocona'mola'.

²⁰ Lataiqui' loxc'ai'ipola' iximpá juaiconapa acueca' cataiqui'. Ticua: “Tama anuli linneja ti'huaɓsijnla' liɓjuala tima'aconɓe apic’”.

²¹ Jouc'a Moisés iximpa acueca' caxpaiqui' iɓe lehuelojmpa jiɓpe. Ticua: “Tiyu laicuerpo”.

²² Imanc' joupa oli—loc'oɓaipá liɓjuala Sión jiɓpe liɓya' Jerusalén lopa'a lema'a, lipiɓya' LanDios Limaf'i'. Jiɓpe lefot'leyoɓtsi lapaluc' quema'a tixoqui quileta. Juaiconapa axpela' iɓniya, aimi'iya mixhuej'menyacola'.

²³ Oli—loc'oɓaipá pe lomana' jahuay lixanuc' lefot'ɓepola' LanDios jiɓpe lema'a. Maɓpiya iɓpiɓya'. Ma to cal te'a qui'hua tepenuf'ma li'huexi lapi'iya qui'ailli' ma toɓta'a iɓniya tepenuf'me li'huexi lapi'iyacola' LanDios.

Oli—loc'oɓaipá pe lopa'a LanDios, iɓque iɓjuez jahuay lan xanuc'. Oli—loc'oɓaipá pe lomana' liɓ'espíritu lan c'a xanuc' ni'epá al liɓca, iɓniya nulemma i'ipa pangay c'a liɓpicuejma', ailopa'a quehue'epola'.

²⁴ Joupa oli—loc'oɓaipá pe lopa'a Jesús iɓque Naɓcuai'esponga' LanDios illanc' nalapenufpa el Ts'e Cataiqui', iɓe lataiqui' aɓpo'no'iponga' illanc' ixanuc' LanDios. Jiɓpe loli—loc'oɓaiyopa tocomma tipalaic'o LanDios liɓjuats' lixcuajaipa Jesús, iɓe laɓjuitsijmponga'. Loy'apa aimi'onɓspa to luya'apa lijuats' Abel, iɓque Caín li'ma'apa. Xonca ac'a loya'apa lijuats' Jesús.

²⁵ Itsiya toɓo'note cuenna. Aimolatets'i'me Nopalaic'opolhuo'. Lipalaipa fa'a li'a lamats' aicunɓul'me pe netets'ipá lixc'ai'ipola', iteɓ'mim'mola'. Itsiya

itque tipalay pu'hua lema'a. Ja'ni latets'ite, ja'ni aimalihuejcoyi, ¿te aga lunhu'e'monga? Linca xonca acueca' alte'mi'monga'.

²⁶ Li'ipa, mipalay LanDios tife'ne li'a lamats'. Małque LanDios ticua: “Xonca al cueca' ti'i'ma”. Tuya'e':

Cafe'necona'ma lamats', tifenna nulemma.

Tifenna a'i ma le'a li'a lamats', jouc'a tifenna lema'a.

²⁷ He lataiqui' “nulemma”, ticuajmaispa lo'eya LanDios. Itque tife'nela' lilanc'epa tiłojm'ma. Tijoula' petsi aimi'iya mife'nemyacu, tipanehuo.

²⁸ LanDios jounpa ixpic'epa atcuxeta anuli. Jiłpe aimi'iya mife'nemyacu. Aimalihonc'e'eyaconga' licueya lamane. Tołiya ats'najtsi'ite LanDios, tołta'a tetentcoco'ma laxc'onłingolai'me. Malaxc'onłingolaiyi ał'nujuaitsa te ts'i'ic' LanDios. Itque apaxi, acueca' axpaiqui'. Lihuejco'me.

²⁹ Aimalimenc'eco'me: ŁalanDios ti'onłcospa to łunga lopi'eya al xisca.

13

¹ Imanc' ti'hua tonł'etsoltsi capic'a to capimaye.

² Aimolimenc'eco'me lonł'e'eyacola' pe noyepá cane locuaiyumma. Tolapenuftsula'. Aimixojtolhuo'. Pe tołta'a no'epá epenuf'me lapaluc' quema'a. Linca, lepenufimpola' aiqui'ic' quilsina' ja'ni apaluc' quema'a.

³ Toł'nujuaitsola' litats'ila'. Tołsingufcole to itats'ennilhuo' jouc'a. Toł'nujuaitsola' lołpimaye notelcopá. Imanc' jouc'a tipa'a lołcuerpo. Anuli ihniya tołsingufcole al tilca.

⁴ Ja'ni onlamallipá tonł'ele ma le'a al c'a. Tonł'etsoltsi cuenna. Aimonł'e'me nixpiya. Pe nahuepá cacał'no' o nołecopá ocuena cacał'no', ihniya titeł'mi'mola' LanDios cal Juez.

⁵ Aimonł'e'me to lan xanuc' ts'ilpic'a xonca quiltomí. Tetenłcocotsolhuo' ite loł'hueca itsiya. LanDios timihuo': “Aicapo'noyaco' cotuca', aicacanujyaco”.

⁶ Tołiya tixoqui calata ałnes'me: “ŁaiPoujna LanDios atłoc'i'ma. Iya' aimalšpaiqui. ¿Te cal'e'eya lan xanuc'?”

⁷ Aimolimenc'eco'mola' lołpomxiye, itne nimuc'ipolhuo' litaiqui' LanDios. Toł'nujuaisle te ts'i'ic' lijoucopa liłpepajnya fa'a li'a lamats'. Itne imaco'mola' mi'huaiyijnyi LanDios. Tołta'a ti'ila' imanc' lonł'ejma'. Jouc'a ti'hua toł'huaiyijnle LanDios.

⁸ Jesucristo aimipai'iyoxi. Tsumjma, itsiya, locuaicoya quitine, ma' anuli lipicuejma'.

⁹ Imanc' ti'hua toł'huaiyijnle Jesucristo. Aimolihuej'me ocuena ocuena cataiqui' pe aimi'onłspa to limuc'impolhuo'. Ti'hua tolıhuej'me lataiqui' limuc'impolhuo'. Mał'huaiyijnyi LanDios ma itque atłoc'inga', ałfa'enga' lałpicuejma'. Tołta'a aluyalaico'me al c'a. Ja'ni lihuejle lataiqui' loya'apa te ts'i'ic' lałtejacu, te ts'i'ic' aimaltejacu, a'i tołta'a malfa'eyacołtsi lałpicuejma'. Itne petsi naihuejpa ite lataiqui' ma' anuli mimanemma, aimi'i'ma xonca al c'a liłpicuejma'.

¹⁰ Illanc' lał'altar ituca'. Aimi'onłspa to ite al altar li'ipa lipajmpa jiłpe lajutł' lilanc'ecompa ijahua'. Itne naihuejcopá to li'eyompa jiłpe lajutł' lilanc'ecompa ijahua', aimi'iya mitejacu lopa'a lał'altar.

¹¹ Li'ipa, mipa'a lajutł' lilanc'ecompa ijahua', cal cuecaj ca'ailli' itai'ma liłjuats' quinnejaja, titsufai'e jiłpe Xonca al Paxi. LanDios liximpa ite lajuats' imenc'e'eco'mola' lan xanuc' al xujc'a li'epa. Itne linnejaja aimitejnyacu. Ti'hua'annila' jiłpe limuc'o' pe a'ij pangiya. Jiłpe tipi'enspola'.

¹² Tołta'a jouc'a Cristo i'hua'am'me lema quilya'. Jiłpe itelco'ma, itsufco'ma lijuats', ał'e'eponga' ixanuc' LanDios.

¹³ ¡Lihuejle Cristo! Aimalihuej'me li'epa jilpe lajut't lilanc'ecompa ijahua'. Altelcole to Cristo litełcopa. Latets'intsonga' jouc'a.

¹⁴ Jifa'a li'a łamats' lałpilya' tijou'ma. Al'huaicoyi, aljanajyi locuaicoya locuena lałpilya'.

¹⁵ Mał'huaiyjny Jesúš jouc'a altsufco'me ŁanDios. Illanc' lałtsufcoyacu a'i quinnejá. Altsufco'me lałtaiqui'. Itine itine als'najtsi'i'me ŁanDios, ilque łalanDios.

¹⁶ Ai' ma le'a ataiqui' tolihuejle ŁanDios. Ton'ele al c'a. Tołtoc'itsola' lołpimaye. Tolapi'itsola' ja'ni tehue'ela'. Ti'ila' tołta'a lon'epa tetenłcocojma ŁanDios. Tocomma to tołtsufcoyi.

¹⁷ Tolihuejle lomuc'ipolhuo' lołpomxiye. Ine ti'eyi cuenna łol'alma. İksina' ŁanDios ticuis'etola', timitola': “¿Te o'epa al c'a ile lanic' lainepi'ipo?” Imanc' tołcuc'etsola' ilne lołpomxiye. Tołta'a tixoqui quileta ti'e'me lanic'. Ja'ni aimołcuc'ela' tixhuelmot'le'me ilniya. Tijoula' imanc' jouc'a aimoluyalaicoyacu al c'a.

¹⁸ Tołsa'huele ŁanDios altoc'itsonga'. Joupa alspic'epá al'ele ma le'a al c'a, tołta'a aimalsuelmot'leyi. Ailopa'a tintsi.

¹⁹ Camiconá'molhuo': Tołsa'huele ŁanDios altoc'ila'. Tołta'a aimalcolconaya fa'a. Caculaconata jilpe pe lołmana'.

²⁰ Litsufcopoxi lałPoujna Jesucristo, lijuats' lixcuajaipa ilinc'ico'ma lataiqui' ŁanDios lipo'no'ipola' lixanuc'. İle lataiqui' joupa liłinc'ipa aimipaiya, ma tipa'a. ŁanDios liximpa Jesúš lixcuajaipa lijuats', imaf'i'inapa if'ac'enapa lema'a. İlque i'ipa cal Cuecaj lałPoujna, illanc' imot't. Małque ŁanDios alpac'e'enga' lałpicuejma'.

²¹ Caxa'hue titoc'itsolhuo' tołsuai'nile jahuay al c'a lon'epa. Tołta'a tolanant'li'me lixplic'epa ŁanDios. Mał'huaiyjny Jesucristo ma tołta'a lo'epa ŁanDios. Altoc'i'monga' al'ele ma le'a latenłcocopa ilque.

¡Jahuay litiné timetsaiconle anDios! ¡Texc'onłingołai'me ma le'a ilque!

Amén. Tołta'a ti'ila'.

²² Cunc'aipimaye, caxa'huelhuo' tolapenufle laifxc'ai'ipolhuo'. Ai axpe' cataiqui' ile laininil'epolhuo'.

²³ Ti'ila' colšina' te ts'i'ic' li'ipa lałpima Timoteo. İtsiya aiquitats'iya. Joupa ux'masquinnapa. Ja'ni ticuaiyunni ma capa'a fa'a ale'me, alejmale'me, alsinnolhuo'.

²⁴ Lołpomxiye jouc'a lołpimaye jilpiya nomana', tołmitsola' iya' canonnila'. İne no'huaiyjmpá Cristo jouc'a i'huexi ŁanDios. Lapimaye nomana' łamats' Italia jouc'a tinonnilhuo' imanc'.

²⁵ ŁanDios ti'nujuaitsilhuo', titoc'itsolhuo'.

Tołta'a ti'ila'. Amén.

LIJE'E SANTIAGO LINIŁ'EPOLA' LAPIMAYE

¹ Iya' ninSantiago ca'ay lipenic' ŁanDios y łalPoujna Jesucristo.

Quinił'elhuo' imanc' unc'aipimaye, imanc' inaxque' łaltet'ła xanuc', iniya limbamaj coquexi' linaxque' łaltatahuelo Israel. Itsiya tołmana' ni petsi lołca'nepołtsi.

² Unc'aipimaye, ja'ni tołsinłe ipime lapajnya iya' camilhuo': Aimołsuełmot'le'me. ;Tixojla' cunlata!

³ Imanc' joupā ołsina' lo'epa ŁanDios. Iłque tehuaiyilhuo', ti'ila' cołsina' ja'ni toł'huaiyijnyi o a'i. Ja'ni toł'huaiyijnyi tołsnet'ł'me lo'ipolhuo'.

⁴ Tijoułā' aimixojtolhuo', ti'hua tołsnet'ł'cona'me. Tołta'a ŁanDios tix-huai'ni'ma, ti'e'e'ma pangay c'a lołpicuejma'. Aimehue'econayacolhuo' lołpicuejma'.

⁵ Anuli imanc' ja'ni tinesla': "Ahuata laipicuejma'", cami'ma iłque: Tox-ahue'ełā' ŁanDios tepi'itso' lołpicuejma'. ŁanDios a'ı całtsile. Ma tixoqui queta ticu. Aimixtuc'ola' pe noxa'huepā.

⁶ Jahuay lołpicuejma' toxa'huełā', to'huaiyijnla' ŁanDios. Aimones'ma: "¿Ja'ni ti'i'ma o aimi'ıya?" Petsi tołta'a li'ejma' ti'onłcospa lołpicuejma' to łaja mi'hua'e łahua'. Tummay łahua'. Ti'huałā' pu'hua, texa'uhua fa'a. Ma ti'hua tifenna.

⁷ Aimines'ma iłque: "Iłe laıfxahue'epa ŁanDios lapi'ı'ma". A'ı. Aimepi'ıya.

⁸ Cal xans petsi oque' lołpicuejma', ma ti'hua tipai'ıyoxi.

⁹ Anuli łapima ja'ni ailopa'a qui'hueca, tixojla' queta tix'najtsi'ila' ŁanDios. Iłque tixina acueca' ts'i'hueca. Timetsaijma.

¹⁰ Petsi tixoqui queta ti'nujuaitsi al cueca' li'huexi, ŁanDios tixina to aiqui'hueca. Ti'onłcospa to cua naitsi lipa' lopa'a jipu'hua limuc'o'. Aimicołya.

¹¹ Linca iłne lipa' aimixnet'ıyi. I'huáquila' juaiconapa ac'a. Tijoułā' tif'ajla' cal 'ora, lipinu' tipi'e, tıjułı lipela, lipipa' tecangemma łamats'. Ate'a i'huáqui ac'a, mijou'ma tejac'a. Tołta'a tuyaico'ma petsi ts'i'hueca acueca'. Muyaicojma lapajnya ma ti'hua tejac'eyoxi.

¹² Cal xans noxnet'łpa lahuaıpa, iłque linca tuyaijma al c'a. Tijoułā' lahuaiy-ımpa, ŁanDios timetsaicota. Tulijnata nulemma lipitine aimıjouya. Tołta'a joupā licupa cataiqui' ŁanDios, tepi'ı'mola' pe no'epā capic'a.

¹³ Anuli imanc' ja'ni tixingufcojma lahuaıpa aimines'ma: "Ma ŁanDios ummepa iłe lalahuaıpa. Ca'ełā' lixcay." ŁanDios lołpicuejma' ailopa'a quıxcay. Iłque ailopa'a comıya: "To'ełā' lixcay".

¹⁴ Iłne pe jıłpe liłpicuejma' timıyołtsi: "To'ełā' lixcay", iłne ma quıłtuca' tıjana-jyi ti'ełe tołta'a. Iłe lixcay lopa'a liłpicuejma' tıfel'mıla', ti'hua'ala' lixcay cane.

¹⁵ Tıtojla' lixcay lopa'a liłpicuejma', ti'e'me tołta'a. Tijoułā' ja'ni ti'hua ti'eyi lixcay, ma tejac'e'mola'.

¹⁶ Maıcunc'aipimaye, aimımenaj'molhuo'.

¹⁷ Ma jipu'hua lema'a lumme'eninga' jahuay al c'a. Iłe lalapi'ıponga', jıłpe qui'huayomma juaiconapa ac'a, ailopa'a tıntsi. Małque cał'Aılli' ŁanDios lumme'enga'. Jıłque nilanc'epa lepalalc'o' nomana' lema'a. Iłne lepalalc'o' tipai'ıyi liłpepalc'o'. Ti'i'ma huata, ti'i'ma acueca' lapalc'o'ınga'. Jouc'a tipıloyı. Mıf'acai'ma cal 'ora, ałpo'nonga' lunxahua, limufc'o'. A'ı tołta'a ŁanDios. Iłque aıquipaiya, ma' anuli tipa'a. Aimıpılo, ipuqui', itine alulıf'enga'.

¹⁸ Małque ŁanDios i'epa ma to lixpıc'epa iłque quıtuca'. Jıłpe lałpicuejma' ifapa al Linca Cataiqui'. Tołta'a lapi'ıponga' al ts'e lałpitine, ał'e'eponga' inaxque',

itque cal'Ailli' LanDios. Al'onkcosponga' to inna'a lafot'lenyacu ate'a, lotsufcoyacu LanDios ai'a ticuaihuo litine cafot'leya. Ticuaiyunni al Cueca' Quitine tixinim'me jahuay lilanc'epa LanDios i'huexi itque. Illanc' joupá a'e'eponga' to'ta'a. Illanc' ma' i'huexi LanDios.

¹⁹ Maicunc'aipimaye, to'ta'a joupá o'sina'. To'liya jahuay imanc', anuli anuli, to'po'note lo'picuejma', to'quim'ele al c'a. Ai'a to'palai'me to'spic'e'me te ts'i'ic' mo'palaicoyacu. Aimolixtulecu.

²⁰ Li'poyac' lan xanuc' aimipammaispa. Aimi'iya mi'eyacu to'ta'a al c'a latenkocoya LanDios.

²¹ To'liya, to'po'note lo'picuejma' aimon'e'cona'me al xujc'a. Li'ipa, acueca' olatets'ipo'tsi, juaiconapa o'epo'tsi laic'. Itsiya aimo'e'cona'me to'ta'a. Tolana'j'mo'tsi nulemma jahuay inna'a lixcay. Aimo'nof'e'mo'tsi. Tolihuejle lataiqui' lifayipa jilpe lo'picuejma'. To'ta'a ile lataiqui' tunhu'e'molhuo' nulemma.

²² Imanc' tolihuejle lataiqui', ton'ele to loya'apa. A'i ma le'a mo'quimf'e'me. Ja'ni ma le'a to'quimf'eyi, ma to'fel'miyot'si. A'i to'ta'a molunhulyacu.

²³ Anuli lapima noquimf'epa lataiqui', ja'ni aimihuequi ti'onkospa to cal xans mehuelonge lahuejma'. Jilpe tehuelonge li'a, te ts'i'ic' lixans.

²⁴ Tijoula' tixinla' li'a, ti'hua'ma, timenc'eco'ma te ts'i'ic' lixans, ile lijoupa liximpa.

²⁵ Ticuicomma a'i to'ta'a mixhue'me litaiqui' LanDios. Jilpe tipa'a lataiqui' la'cuxeponga' illanc' pe joupá luhualquenam'monga' la'epa a'ijc'a. Ile Lataiqui' aimehue'e'. Cal xans noxhuepa al c'a ile lataiqui' jouc'a tepequi, itque aimimenc'ecoya loquimf'epa. Mi'ay to'ta'a tixoqui queta tuyaico'ma.

²⁶ Ja'ni anuli imanc' timiyoxi: "Iya' linca nihuequi LanDios", tijoula' aimicuxe al c'a lipa', itque tifel'miyoxi. A'i mihuequi LanDios, ma le'a tinesqui.

²⁷ Ilne nahuejmpá lecaniya jouc'a lampotsateya notekopá acueca', pe no'epo'tsi cuenna, aimixis'meco'mola' ile lixcay lopa'a fa'a li'a lamats', iniya ma ti'eyi latenkocopa LanDios, itque cal'Ailli'. Itque tixim'mola' ac'a lilihuequi.

2

¹ Unc'aipimaye, ja'ni tolihuejyi litaiqui' la'poujna Jesucristo, itque ma' an-Dios, aimolatets'i'mola' hualca lo'pimaye. Ma' anuli to'palaic'otsola'.

² Iya' cacua: Imanc' ma mefot'leyot'si, ja'ni titsulfolaile oquexi' lan xanuc', anuli lipuf'c'ihue itaic' li'anillo a'oro, juaiconapa ac'a lipijahua'. Locuena ailopa'a qui'hueca. Ijoutsoqui laquipijahua'.

³ ¿Te ts'i'ic' mo'palaic'oyacola'? ¿Te ituca' ituca' lo'palaic'oyacola'? Itque ts'ipo'nohua ac'a lipijahua', ¿te to'imi'me: "To'huanni fa'a. Tocutshuaila' al c'a"? Tijoula' locuena, itque pe ailopa'a qui'hueca, ¿te to'imi'me: "Ima' tacaxla' jihu'hua, o tocutshuaila' lainitas laifpo'nof'ipa lai'mitsi'?"

⁴ Linca, ja'ni to'ta'a lon'epa to'lmujyot'si oquej lo'picuejma'. To'ta'a ton'eyot'si to lan juez. Ti'onkcospolhuo' to lan juez petsi aimixpic'eyi al c'a, a'ijc'a ilne li'picuejma'.

⁵ Unc'aipimaye, alquimf'ela' laifmiyacolhuo'. ¿Ja'ni aico'sina' nait'si ilne pe aiquil'hueca? Fa'a li'a lamats', ilne pe aiquil'hueca i'huijf'epola' LanDios. Itque i'huijf'epola' ti'huaiyijnle. To'ta'a ainca tepenufta qu'il'huexi. Tepi'innola' qu'ilmane ticuxeta. LanDios joupá icupa cataiqui' tepi'itola' to'ta'a ilne petsi no'epá capic'a.

⁶ To'ta'a liximpola' LanDios ilne pe aiquil'hueca. Imanc' a'i to'ta'a mo'sinnila'. Jilpe lafo'lyom'molhuo' joupá olatets'ipá pe aiquil'hueca.

Ilne pe ts'il'hueca, ¿te aimicuxenai'ilhuo'? ¿A'i ma'niya texat'ulhuo', lo'hua'apolhuo' jilpe pe lopa'a cal juez?

⁷ Imanc' joupa ecui'impolhuo': Ixanuc' Cristo. Ite Laftine xonca al c'a. ¿Te itne pe ts'it'hueca aiminescoyi a'ijc'a ite Laftine?

⁸ Ina'a litaiquí LanDios lafcuxe'eponga', ite al cueca' xonca tuya'e': "Ima' to'eyoxi capic'a, ma tofta'a to'eta' capic'a lof'as xans, cua naitsi loftalecufya".

Ja'ni joupa otspic'epá tolanant'li'me ite lataiqui', ne', joupa otspic'epá tonf'e'me al c'a.

⁹ Tijoula', ja'ni ituca' ituca' tofpalaic'oco'mola' lapimaye, a'ijc'a ite lonf'eyacu. Aimolihuejyi loya'apa lataiqui' lafcuxeponga'. Mafta lataiqui' tecani'elhuo'.

¹⁰ Linca tucuicomma lihuejcofe jahuay lataiqui' lafcuxeponga' LanDios. Ja'ni a'i, tama ma le'a anuli lataiqui' aimalihuejcoyi, tipa'a lafjunac'.

¹¹ LanDios ticuxe: "Aimoxhuico'ma lipeno lof'as xans". Jouc'a ticuxe: "Aimoma'ahuale'ma". A'i oquexi' candiosla' nocuapá tofta'a. Nonespa ma' anuli LanDios. Tofta'a, tama aimoxhujma lipeno lof'as xans, ja'ni toma'ahuale aicomihuequi LanDios locuxepa. Tipa'a lojunac'.

¹² Illanc' petsi joupa luhualquem'monga' laf'epa a'ijc'a, jilpe Lataiqui' tipa'a lafcuxeponga'. Mafta lataiqui' timuj'ma ja'ni ac'a o a'ijc'a laf'ejma'. Toliya camilhuo': Ja'ni tofpalaite, ja'ni tonf'ete, ti'ita' to locuxe'epolhuo' ite Lataiqui'.

¹³ Itne pe aimixiñyi cuanuc', acueca' titef'minnola'. Petsi tixiñyi cuanuc' tuyaicota al c'a.

¹⁴ Cunc'aipimaye, ja'ni cal xans tinesla': "Ca'huaiyinge LanDios", tijoula' aimihuejma, ¿te quipenic' ite linespa? ¿Te itque cal xans tuntu'ma ts'i'ejma' tofta'a? Itque ma le'a ataiqui' ti'huaiyinge.

¹⁵⁻¹⁶ Iya' cacua: Ja'ni anuli imanc' tipalaic'ola' al c'a lapima axans o aca'no' pe ailopa'a quipijahua' ni coteja, ja'ni timila': "Ne', to'huanla', aimoxhuelmot'lecona'ma. Toxmainatsi afunca, totetsotsi al c'a", tijoula' aimepi'i, aimitoc'i muyaijma lapajnya. ¿Te quipenic' ite limipa?

¹⁷ Ma' anuli lof'huaiyijmpa LanDios. Ja'ni ma le'a tof'cuayi: "Ca'huaiyinge", tijoula' aimolihuejyi, ¿te quipenic' ite lofnespa "ca'huaiyinge"? Ite lofnespa tocomma to imac' cataiqui'. Aimipammaispa.

¹⁸ Ja'ni tofta'a lof'ejma' ti'i'ma timim'molhuo': "Ima' to'huaiyinge, iya' quihuejma. Ne', tama ailopa'a cof'epa al c'a, afmuc'ita' lof'huaiyijmpa. Tijoula' iya' camuc'i'mo' laifnihuejcopa. Tofta'a afsim'ma ca'huaiyinge."

¹⁹ Ima' tonesqui: "Aixina' tipa'a ma' anuli LanDios, itque ca'huaiyinge". Ne'. Ma' ac'a ite lofnespa. Jouc'a lontahue ifsina' tofta'a. Itne tiyula' tixpailiquila'.

²⁰ Ima' conxans, tocomma ailopa'a copicuejma'. Ja'ni ma tocuca: "Ca'huaiyinge", tijoula' aimaihuejma, ite lof'huaiyijmpa ailopa'a quipenic'. Aimitoc'iyaco'. ¿Te aicoxina' ita'a?

²¹ ¿Te qui'ipa laftatahuelo Abraham? ¿Ja'ni itque ma le'a ines'ma: "Ca'huaiyinge LanDios"? ¿Tofta'a LanDios iximpa to ailopa'a quijunac', epenufpa? A'i. Abraham jouc'a i'epa al c'a. Ihuejcopa LanDios limipa. Li'hua cuftine Isaac, ipo'nof'ipa jilpe al altar, titsufcola' LanDios.

²² Jilpe toxina li'ipa: Ma mi'huaiyinge LanDios, Abraham ihuejcopa. I'epa to limipa. Tofta'a itinc'ipa linespa. Imujpa ti'huaiyinge LanDios.

²³ Tofta'a enanfta al Paxi Linilingiya loya'apa: "Abraham i'huaiyijmpa LanDios, tofta'a iximpa to ailopa'a quijunac', epenufpa".

Toliya Abraham ecui'impa: "Ts'itejmale LanDios".

²⁴ Tofta'a tofsinyi te ts'i'ic' li'ejma' cal xans pe LanDios tixim'ma to ailopa'a quijunac', tepenuf'ma. Itque cal xans a'i ma le'a ticua: "Ca'huaiyinge LanDios". Jouc'a tihuejma, ti'e'ma ma locuxe'empa.

²⁵ Ma' anuli li'ipa laca'no' Rahab, itque titejyoxi licuerpo. Itque jouc'a i'epa al c'a. Epenuf'mola' loquexi' lan xanuc', itne icuaitsa tehuelojnle fa'a lalamats'.

Lijou'ma ummena'mola' tiyente ocuenaj cane. Aimixim'me itne no'ehualepá laic'. LanDios imetsaicopa ite li'epa Rahab. Iximpa to ailopa'a quijunac', epenufpa.

²⁶ Al cuerpo, ja'ni ailopa'a quipitine, joupa imac'. Ailopa'a co'epa. Ma' anuli itne ni'huaiyimpá pe nonespá: "Ca'huaiyinge LanDios", tijoula' aimihuejcoyi. Ite lonespa tocomma imac' cataiqui'.

3

¹ Unc'aipimaye, jahuay imanc' aimoimuc'iyale'me. Ti'ete oquexi' afantsi le'a. Ja'ni ninc'omxiye xonca ipime ite laipenic'. Ja'ni limenajtsonga' xonca atel'mi'monga' LanDios.

² Linca itque pe aimimenaca ailopa'a. Axpe' malimenaquina' jahuay anuli. Pe nopalaipa ma le'a al c'a, ja'ni aimimenaca tofta'a, itque linca ac'a xans, ixhueya lipicuejma'. Itque ticuxeyoxi al c'a.

³ Laihuale atpo'no'ila' litco anuli al freno catejma'. Tofta'a lihuejcongá, atpai'e'mola' laihuale jahuay litcuerpo.

⁴ Jouc'a lam barco itaic' aca'hua catejma' o aca'hua c'ec lipuftine atimón. No'hua'apa al barco, ja'ni ipic'a ticuxela' al barco, tife'ne'ma ite al timón. Tijoula', tama acuecaj barco o tummetsai hujfxi cahua', tihuejco'ma no'hua'apa. Ti'hua'ma petsi ipic'a itque.

⁵ Jouc'a laipa, tama aca'hua ti'i'ma tinesco'moxi acueca', lo'epa. Cagua: Laca'hua cunga acueca' cal 'ec' tunai'i.

⁶ Tofta'a laipa ti'onlcospa to lunga. Jahuay al xujc'a lopa'a fa'a li'a lamats' ti'i'ma tines'ma laipa. Tofta'a tixis'me'ma jahuay laicuerpo. Lunga nopa'a al muf tunai'i laipa. Tijoula' tunai'i'ma jahuay lopa'a hijuahua, ti'hua'ma xonca aculi'. Ailopa'a cunhuya.

⁷ Jahuay linneja nomana' fa'a li'a lamats' ocuena ocuena lit'ejma' o lipicuejma', jouc'a lacat'hui, jouc'a lainofat'l, jouc'a nomana' jitpe laja, lan xanuc' joupa imanxuc'empola', ti'hua timanxuc'eyi.

⁸ Ituca' laipa. Aimi'iya mimanxuc'enyacu. Aimihuejma. Ti'hua ti'ay al xujc'a to loxpiceya. Imanna lafxi camaya.

⁹ Laipa a'ij nuli le'a lo'epa. Malpalaiyi ats'najtsi'iyi LanDios, itque cal'Ailli', atsucoyi laipa. Ma' anuli atsucoyi laipa atcuajcola' laf'as xanuc', itne jouc'a hilanc'epola' LanDios, ti'onlcospa to itque.

¹⁰ Ite lats'najtsi'icopa LanDios, ma' anuli laicuajcopola', quipalyomma jitpe laico.

Unc'aipimaye, tofta'a aimetenlcocojma.

¹¹ Jitpe laipalyomma laja', ma'pe tipayomma ma' anuli caja'. ¿Te tipahuo oque' laja', al ni'i laja' jouc'a al cua caja'? Ai, aimi'iya.

¹² Unc'aipimaye, al 'ec' icux, ¿te ti'as'ma aceituna? O al 'ec' uva, ¿te ti'as'ma 'icux? Ai, aimi'iya. Tofta'a ma' anuli ti'i'ma laja'. Jitpe lipayomma al cua caja' aimi'iya mipayoya al ni'i caja'.

¹³ Jitpe pe loimana', ja'ni tipa'a nonespa: "Iya' xonca ts'aipicuejma'. Linca aixina'." Ne'. Ti'ila' itque ac'a li'ejma', ti'ela' al c'a. Timujxoxi ts'ipicuejma', aimi'e'e'moxi le'a.

¹⁴ Ja'ni acua' lo'picuejma', ja'ni tonlahueyi tolulijtsoltsi, aimolixoc'i'moltsi cunlata. Ja'ni tofta'a lo'ejma', aimolihuejcoyi al Linca Cataiqui', ma le'a tofel'miyaleyi.

¹⁵ Ja'ni tofta'a lo'picuejma', a'i LanDios mepi'ilhuo'. Ite ma' itpicuejma' locue-naye lan xanuc' nomana' fa'a li'a lamats', itne nahuepá quituca' lojanajpa. Ite lipicuejma' ti'onlcospa to lipicuejma' lonta'a Satanás.

¹⁶ Ja'ni ti'eyoŋtsi laic', tehueyi tulijtsoŋtsi, mijou'ma tifuli'i'moŋtsi, ti'e'moŋtsi nixpiya.

¹⁷ Iŋne pe LanDios lepi'ipola' liŋpicuejma', iŋne ailopa'a quixcay liŋpicuejma'. Toŋiya aimifuli'iyotŋtsi, aimixtuc'oyacoŋtsi. Tihuejcoyoŋtsi, ma tixinyoŋtsi acuanuc'la, ti'eyi mane al c'a, titoc'iyotŋtsi, ma' anuli liŋpicuejma', tepenufyotŋtsi, ma' aŋinca lan c'a xanuc' iŋne, a'i mi'e'eyotŋtsi le'a.

¹⁸ Iŋne pe lo'eya xonca pangay c'a liŋpicuejma', ticuicomma ti'ila' ac'a liŋ'ejma' ma' itsiya. Iŋne aimehuoc'aiyoŋtsi, ma tipac'eyi lafuleya.

4

¹ Imanc' tolixtuc'oyoŋtsi, toŋfuli'iyotŋtsi, ¿naitŋtsi nomuc'ipolhuo' toŋta'a? Linca ailopa'a nomuc'ipolhuo' toŋta'a. Imanc' coŋtuca' toŋjanajyi xonca toŋhuejle, toŋta'a toŋfuli'iyotŋtsi.

² Tama acueca' toŋjanajyi, aimolulijyi iŋe loŋjanajpa. Mijou'ma toŋma'ahualeyi, toŋ'eyoŋtsi laic', tolixtuc'oyoŋtsi, toŋfuli'iyotŋtsi. Aicoŋsahue'e LanDios, toŋta'a aimolulijyi iŋe loŋjanajpa.

³ Imanc' moŋsahue'e'me aimepi'ilhuo'. Aimoŋsahue'eyi al c'a. LanDios joupá ixina' loŋ'eyacu. Ja'ni tepi'itsolhuo' loŋsahue'epa toŋsuico'me ma coŋtuca' ts'oŋpic'a.

⁴ Imanc' ti'onŋcospolhuo' to lacaŋ'no', tama namallipá tihuejnaiyi xanuc'. Imanc' oŋpo'nopá loŋpe'Ailli', iŋque ma LanDios. Ma moŋcuayi: “Aŋejmaleyi LanDios”, toŋjanajyi lopa'a fa'a li'a ŋamats'. Jouc'a tolihuejyi coŋtuca' loŋpicuejma', to iŋne pe aimimetsaicoyi LanDios. Ma toŋfuli'iyi LanDios. ¿Te aicoŋsina' iŋta'a? Cal xans ja'ni tixpic'eŋa' tihuejla' to iŋne pe aimimetsaicoyi LanDios, ja'ni tixpic'eŋa' tiyejmaleŋe iŋniya, iŋque ti'ej laic' LanDios, aimi'iya miyejmaleyacu.

⁵ Al Paxi Liniŋgiya ticua: “Cal Espiritu Santo ŋaŋpo'no'iponga' LanDios jilpe ŋalunxajma', iŋque Espiritu aŋ'enga' cuenna juaiconapa, aŋsininga' ma i'huexi LanDios”.

¿Te coŋcuapa a'ij linca iŋe lataiqui'? O ¿coŋcuapa ma le'a ataiqui'?

⁶ Linca illanc' caŋtuca' aimi'iya malihuejyacu. Ma le'a LanDios xonca aŋtoc'inga', to tuya'e': “Pe no'nof'e'epoŋtsi, LanDios tipa'nela'. Lam manxu, iŋne no'oc'epoŋtsi, LanDios titoc'ila'.”

⁷ Toŋiya camilhuo': Toŋ'oc'etsotŋtsi, tolihuejcoŋe LanDios. Toŋpa'neŋe ŋonta'a Satanás, tijouŋa' tinuna'ma iŋque. Tipo'no'molhuo' coŋtuca'.

⁸ Toli—loc'oŋaŋe LanDios, tijouŋa' iŋque tiŋoc'ai'molhuo'. Imanc' nonŋ'epá a'ijc'a aimonŋ'econa'me toŋta'a. ¡Tolapajle loŋpicuejma'! Ja'ni oque' loŋpicuejma', ja'ni loŋpic'epa lixcay jouc'a al ŋijca, tonŋ'eŋe anuli loŋpicuejma'. Toŋta'a ti'i'ma pangay c'a loŋpicuejma'.

⁹ Toŋsueŋcoŋe juaiconapa, toŋsingufcoŋe loŋpixhuejma'. Toŋjolijle. Tolatec'oŋe iŋe loŋpioxjma cata, toŋsingufcoŋe loŋpihuotsoqueya. Aimoŋsim'me mafca ŋolunxajma'. Toŋsinŋe acueca' calaic'ata.

¹⁰ Tonŋ'oc'etsotŋtsi LanDios, tijouŋa' iŋque ti'nof'e'molhuo'.

¹¹ Cunc'aipimaye, aimoŋnesco'moŋtsi a'ijc'a. Pe nonescopá liŋpimaye o tecani'eyi, iŋne tetets'iyi lataiqui' laŋcuxeponga'. Ima' ja'ni tatets'i iŋe lataiqui' laŋcuxeponga', aimanant'li lataiqui', joupá o'epoxi unjuez.

¹² Tipa'a ma' anuli ŋaŋjuez, iŋque lapi'iponga' lataiqui' laŋcuxeponga'. Iŋque ti'i'ma tunŋ'eyale'ma, ti'i'ma tejac'eyale'ma. Ima' aimi'iya macani'eya ŋopima. ¿Te ima' unjuez?

¹³ Aŋquim'eŋa' imanc' noŋcuapá: “Itsiya o mouqui le'me iŋe liŋya'. Jilpiya aŋmajnta anuli camats'. Aŋcucaleta, aŋ'najualeta, aŋ'eta canic'. Toŋta'a luliŋta caŋtomí.”

¹⁴ Iya' camilhuo': Imanc' aicołsina' te ts'i'ic' mi'iya mouqui. ¿Te ts'i'ic' lołpitine? Imanc' ti'onłcospolhuo' to łummahuay. Iłque łummahuay ti'huaspa ahuata aimicoli, tejac'inghua.

¹⁵ Ticuicomma tołcuale: “Ja'ni ŁanDios łalPoujna ipic'a ti'hua almajnle, al'e'me iłe o iłta'a”.

¹⁶ Itsiya ma le'a toł—lof'e'eyołtsi. Tołiya tuluyalaicoyi lapajnya tixoqui cunlata. A'ijc'a iłe lonł'ejma'.

¹⁷ Camilhuo': Cal xans ts'ixina' te ts'i'ic' al c'a, tijoułta' aimi'ay, iłque tipa'a lijunac'.

5

¹ Alquimf'ela' imanc' ts'ol'hueca juaiconapa. ¿Tołjolijle! ¿Tołja'ale! Juaiconapa al cueca' tołtelco'me.

² Ticuaihuo litine tołsim'me joupa iminscopa łol'hueca. Łacaca joupa enai'ot'lenapá lołpijahua'.

³ Loł'oro, lołplata tołsim'me joupa unxilaipa. Iłque łunxilaic' timuqui lixcay lonł'epa. Almana' łitiné lecui'impa lijoucola'. Imanc' ti'hua tolafot'łeyi coł'oro, cołplata. Łınca iłque łunxilaic' titeja latejma', ma tołta'a łunga tite'molhuo' lołpixic'.

⁴ Iłe lołtomí tija'e, ticuxecolhuo'. Iłe ma iłtomí lołmozó, iłne i'e'me canic' łitiné lefot'łe'me jilpe łolamats'. Imanc' aicoł'natse'ela'. Iłne ni'epá łanic' tija'ayi. Joupa iquimf'epola' ŁanDios, małque ŁanDios ticuxe jahuay.

⁵ Imanc' oluyalaicopá juaiconapa xonca al c'a. Oł'epá nixpiya. Ołfunc'epołtsi, tołsinyi mafca łolunxajma'. Ti'onłcospolhuo' to loma'anyacola' linneja.

⁶ Olacani'e'mola' lan lijca xanuc', ołma'apola'. Iłne aikuicuanajyołtsi.

⁷ Tołta'a lo'ipolhuo' imanc' unc'aipimaye. Camilhuo': Tołsnet'łe. Ticuaihuo łalPoujna. Toł'nujuaisle li'ejma' lin'eya nic' jilpiya hilemats'. Ti'huaico'me litine cafot'łeya. Iłsina' ja'ni tipammaitsi ticuaicota acueca' quilpic'a. Tołta'a ti'hua mixnet'łyi. Ti'huaico'me ticuiłta', tijoułta' ti'huaicocona'me ticuiconłta'.

⁸ Imanc' ticuicomma jouc'a tołsnet'łe tołta'a. Tołfa'etsołtsi talay łolunxajma'. Joupa ticuaihuo łalPoujna.

⁹ Unc'aipimaye, aimołtac'ui'mołtsi lajunac'. Tołta'a aimitac'uinyacolhuo' jouc'a. ¿Tołsinłe! Cal Juez joupa icuai'ma, ma tipa'a jilpe al puerta.

¹⁰ Unc'aipimaye, toł'nujuaitsa li'ejma' lam profeta, iłne nuya'apá litaiqui' łalPoujna. Iłne ma mitełcoyi tixnet'łyi.

¹¹ Łınca, petsi joupa nixnet'łpá alnescola', alcuayi: “Ac'a li'ejma' iłne. Joupa ulijnapá.” Joupa ołsina' te ts'i'ic' li'ejma' Job. Iłque ixnet'łpa juaiconapa. Jouc'a ołsina' te ts'i'ic' li'e'epa ŁanDios lijoupa lehuai'impa. Jilpe tołsinyi a'ij ta łunxajma' łalPoujna. Iłque juaiconapa tixinyale acuanuc'la.

¹² Unc'aipimaye, xonca tołpo'nołe cuenna, aimoł'e'me jurar. Aimołnes'me: “Mixinnale lema'a”. Ni mołnes'me: “Mixinnale li'a łamats’”. Aimołnes'me nij tintsí cataiqui' tołna'a. Ja'ni tołnes'me: “Ne, tołta'a”, ma le'a tołnesle: “Ne', tołta'a”. Ja'ni tołnes'me: “A'i”, ma le'a tołnesle: “A'i”. Aimoł—lof'i'me cataiqui'. Tołta'a aimecani'enyacolhuo'.

¹³ Pe lołmana', ja'ni anuli titełma, tixahue'ela' ŁanDios titoc'ıłta'. Ja'ni anuli tixoqui queta, tunac'cołta' ŁanDios, tix'najtsi'ıłta'.

¹⁴ Ja'ni anuli textafque, tijoc'itsola' litsilojpolá capimaye, iłne nołxpijpa lataiqui'. Ticuaita iłne pe łonouya łafcuana, małpiya tijoc'ıłe ŁanDios. Ti'huaf'i'me caceite łafcuana ma minescoyi lipuftine łalPoujna.

¹⁵ Hne mijoc'iyi LanDios ti'huaiyijnyi, ticuayi: “Linca tixał'mena'ma”. Tołta'a tipammaispa ile loxa'huepa. Lafcuana tunłu'ma. ŁałPoujna tixał'mena'ma. Tama joupá i'epa lixcay, LanDios imenc'e'ecopa ile li'epa, tixał'mena'ma.

¹⁶ Unc'aipimaye, ja'ni onł'epá lixcay tolu'inatsołtsi. Tołsahue'ete LanDios titoc'itsolhuo'. Tołta'a tixał'mena'molhuo'.

Ja'ni cal łijca xans tixa'huełá' LanDios, acueca' tipammaispa.

¹⁷ Cal profeta Elías al'onłcosponga', ilque jouc'a ma le'a axans. Ilque ijoc'i'ma LanDios. Ixa'hue'ma aimicui'ma. Lijou'ma aikuicuc'. Icoł'ma afane' camats' y onłca aikuicuc'.

¹⁸ Lijou'ma ijoc'icona'ma, ixa'huecona'ma. Jilpe lema'a i'huayonni laja'. Icu'i'ma jilpe łamats'. Łaifa ilapa.

¹⁹⁻²⁰ Unc'aipimaye, petsi anuli imanc' ifel'mimpá joupá ux'maspa al Linca Cataiqui', ja'ni łocuena łapima tinanc'onłá', titsufai'econala' al C'a Cane, ti'ila' quixina' joupá i'epa al c'a.

Łapima nonanc'onaiya tołta'a pe a'ijc'a no'epa, tunłu'e'ma łipima. Ilque ni'epa a'ijc'a aimejac'ya, tama acueca' li'epa aimitac'uinyacu lajunac'.

LIJE'E SAN PEDRO AL TE'A LINIŁ'EPOLA' LAPIMAYE

¹ Iya' ninPedro, nin'apóstol, epaluc Jesucristo. Canonilhuo' imanc' ixanuc' ŁanDios, imanc' pe aimołmana' łolamats', joupa olaca'nepołtsi. Imanc' nołmana' łamats' Ponto, jouc'a nołmana' łamats' Galacia, jouc'a nołmana' łamats' Capadocia, jouc'a nołmana' łamats' Asia, jouc'a nołmana' łamats' Bitinia, canonilhuo' quinił'elhuo'.

² Li'ipa lipangopa ŁanDios cal'Ailli' joupa ixina' lo'eya, joupa ixpic'epa i'huijf'epolhuo' imanc'. I'huijf'epolhuo' ti'itsolhuo' mane i'huexi ŁanDios. Tołta'a ti'ay cal Espíritu Santo. ŁanDios i'huijf'epolhuo' tolihuejcole. I'huijf'epolhuo' ti'itsolhuo' limpio. Tołta'a ti'ay lijuats' lixcuajaipa Jesucristo jilpe lancruz.

Caxa'hue ŁanDios ti'hua titoc'itsolhuo', ti'hua tipac'e'etsolhuo' lołpicuejma'. Caxa'hue tołta'a tipaxnetsolhuo' juaiconapa.

³ Ałs'najtsi'ile ŁanDios, enDios, i'Ailli' łatPoujna Jesucristo. Iłque ŁanDios juaiconapa ac'a lipicuejma', ałsimponga' ninc'icuanuc'la juaiconapa. Tołta'a lapi'iponga' al ts'e lałpitine. Tixoqui calata al'huaicoyi Locuena Quitine, jilpe aimijouya al ts'e lałpitine. ŁanDios joupa imaf'i'ina' Jesucristo, ipa'anapa pe lomana' limanapola'. Tołiya ałsina' ma' anuli ałmaf'i'ina'monga'.

⁴ Jilpe tepi'itolhuo' col'huexi pe aimiminscoya, pangay al c'a. Ma to mipa'a aimipaicoya. Iłque loł'huexi ma ŁanDios i'huca pu'hua lema'a.

⁵ Tepi'innolhuo' imanc' noł'huaiyimpá ŁanDios. Ma moł'huaiyijnyi ŁanDios ti'elhuo' cuenna, icueya limane ti'eł'a tołta'a. Tunł'u'e'molhuo'. ŁanDios joupa ixina' te ts'i'ic' malunł'eyacongá', joupa ilajmpa jahuay. Ticuaitsi lijoujma quitine ałmuc'i'monga'.

⁶ Ma' moł'nujuaisyi iłe lo'iyacolhuo' toluyalaicoyi tixoqui cunlata. Aga itsiya ticuicomma tołtełcole, tołtełcoyi ma mehuaiyinnilhuo' acueca', iłe lołtełcopa aimicołya. Ticuaitsi Lijoujma Quitine tołsim'me joupa uyaipa.

⁷ Ja'ni tehuiyinnilhuo', iłta'a lo'ipolhuo' ti'onłcospa to lo'ipa al 'oro. Iłe al 'oro tixhuicoyi ma le'a fa'a li'a łamats'. Tama aimicołya nulemma, tehuiyinni, tuyaijma łunga, jilpe tipi'e al xisca, tipanehuo mane al c'a 'oro. Iłe lał'huaiyijmpa, ŁanDios aimi'onłcojma to al 'oro, xonca ipitali, aimijouya ni Locuena Quitine. Tijouł'a lahuaiyintsonga' ałmuj'me ma' ałınca al'huaiyijnyi ŁanDios. Ticuaiyinni Jesucristo ŁanDios ałmi'monga': "Onł'epá al c'a". Limetsaico'monga' joupa i'epa pangay c'a lałpicuejma', limetsaico'monga' ixanuc', lapenuftonga' nulemma.

⁸ Imanc' tama aicolahuelonge Jesucristo, tonł'eyi capic'a. Jouc'a itsiya litine tama aimolahuelojnyi, toł'huaiyijnyi. Tołta'a łınca tixojma cunlata, ni aimi'iya moluya'ayacu te ts'i'ic' lołpinoxjma cata. Iłe lo'onłcospa to jipu'hua lema'a liłpinoxjma cata.

⁹ Tołta'a ma' itsiya tipammaispa loł'huaiyijmpa, ŁanDios tunł'u'elhuo'.

¹⁰ Cacia: "ŁanDios tunł'u'elhuo'". Lam profeta nomana' luyaipa quitine inesco'me ŁanDios lotoc'iyacolhuo', lopaxneyacolhuo' imanc'. Ipo'no'me cuenna, ehue'me, ti'hua ehue'me,

¹¹ ticuec'ełe limipola' łi'Espíritu Cristo nopa'a jilpe liłpicuejma'. Iłque cal Espíritu u'i'mola' titelco'ma cal Cristo, tijouł'a acueca' al c'a tuyaicota. Iłne lam profeta ipo'no'me cuenna iłe lu'ipola', tixhuj'meyi, tehueyi, ticuayi: "¿Te quitine ti'i'ma? ¿Te co'iya mi'iya tołta'a?"

¹² Li'Espíritu Cristo jouc'a imuc'ipola' ti'ila' ihiya linescopa aimimajnyacu ihiya lam profeta. I'ipa quilsina' ma' imanc' tolcuec'e'me acuajmaica ihe lataiqui', a'i ihiya. Ihe lam profeta lipalaicopa mahe lataiqui' loya'apa ihe al c'a lixpice'pa LanDios, ihe Lataiqui' joup'a uya'ampá pe loimana'. Ihe nu'ipolhuo' tohta'a lepi'ipola' lihmane cal Espiritu Santo hummempa lema'a. Lapaluc' quema'a ihsina' juaiconapa acueca' ihe lataiqui'. Ticuayi: "Illanc' jouc'a cola' alcuec'ele".

¹³ Toliya, imanc' ja'ni joup'a olapenufpá Lataiqui', totpo'note nulemma lohpicejma' tolcuxetsołtsi al c'a. Itine itine tolnujuaisle lo'iyacolhuo' litine ticuaicoconno timuj'moxi Jesucristo. Ihe litine linca tołsinguf'me acueca' juaiconapa lipaxnepolhuo' LanDios.

¹⁴ Itsiya imanc' tolihuejcoyi col'Ailli' LanDios, toliya aimi'icona'me loł'ejma' to li'ipa. Ihiya litiné imanc' aimolimetsaicoyi LanDios, tolihuejyi ma lołjanajpa coltuca'.

¹⁵ Cal Paxi LanDios joup'a ijoc'ipolhuo' tolihuejle. Ihe pangay c'a lipicejma', lo'epa. Ti'ila' lonł'ejma' to ihe li'ejma'. Tonł'ele ma le'a al c'a.

¹⁶ Al Paxi Linilingiya ticua: "Iya' NanDios, NinPaxi. Ca'ay ma le'a al c'a. Imanc' jouc'a tonł'ele al c'a."

¹⁷ Imanc' molpalaic'oyi LanDios ja'ni tołmle: "Mai'Ailli'", totpo'note cuenna. Ihe ma' anuli tixinnila' lan xanuc', ja'ni ts'ih'hueca ja'ni ailopa'a quih'hueca. LanDios aJuez. Tixina te ts'i'ic li'epa lan xanuc', tohta'a titeł'mi'mola' o aimateł'miyacola'. Imanc' tołspaic'ele. Ma molmana' fa'a li'a lamats' tolihuejcole.

¹⁸ Imanc' joup'a ołsina' te li'ipa litine li'najtsempa lołjunac'. Jiłpe litine tonł'eyi nixpiya. Toluyalaicoyi lapajnya tonł'eyi ma to mi'eyi lonł'ailli', tolihuejyi lomuc'impolhuo'. Li'najtsempa lołjunac' licumpa a'i lopa'a fa'a li'a lamats'. Aiquicuc' tomí aplata, ni a'oro.

¹⁹ I'najtsecopa ma lijuats' Cristo, ihe lo'onłcospa to łaca'hua mol pangay c'a, ailopa'a tintsí. Ihe lajuats' xonca juaiconapa acueca' lipitali.

²⁰ Ai'a tilajm'ma li'a lamats' LanDios ixpic'epa tohta'a lo'eya Cristo. Ti'hua ticolí, aiqui'ic'. Icuaitsa iłna'a litiné lecu'i'impá lijoucola', linca Cristo imujpoxi, icuaicoco'ma fa'a li'a lamats' tipaxnetsolhuo' LanDios.

²¹ Cristo joup'a epi'ipolhuo' lohpicejma', tonł'eyi linca li'epa LanDios himaf'i'inapa Cristo, hipa'anapa pe lomana' limanapola', himetsaicopa li'epa, epenufnapa nulemma pu'hua lema'a. Tohta'a toł'huaijny LanDios, toł'huacoyi tepenuftolhuo'.

²² Imanc' itsiya a'i colihuequi al xujc'a capicejma', tolihuejcoyi al Linca Cataiqui', tohta'a joup'a i'ipa ac'a lohpicejma', alimpio. Ti'i'ma tonł'e'mola' capic'a lołpimaye. Itsiya camilhuo': Ne'. Tonł'etsoltsi capic'a, toł'ujuaitsołtsi talay łolunxajma', a'i ma le'a ataiqui'.

²³ Imanc', LanDios joup'a epi'ipolhuo' al ts'e lołpitine, tocomma to ołmajnliconna. Ihta'a al ts'e lołpitine aimi'onłspa locuena lołpitine. Ihe ti'hua tijou'ma. Ihta'a a'i, aimijouya. Tohta'a li'e'epolhuo' lolapenufpa litaiqui' LanDios. Ihe imaf'i' cataiqui'. Aimi'iya miłonc'enyacu.

²⁴ Tohta'a loya'apa al Paxi Linilingiya, ticua:

Lan xanuc' ti'onłcospola' to hitamqui c'ec.

Tama juaiconapa ac'a i'huáquila', etejyołtsi, jahuay ihta'a ti'onłcospa to lipipa' hitamqui c'ec.

¡Tolsinle! Joup'a ijulpa hitamqui c'ec, lipipa' ecangemma nulemma.

²⁵ Litaiqui' łalPoujna a'i tohta'a lo'iya, ihe litaiqui' aimecangemma.

Mahe lataiqui' u'impolhuo' imanc', ihe lataiqui' loya'apa al c'a lixpice'pa LanDios.

2

¹ Ja'ni tipa'a al ts'e lołpitine jouc'a ti'ila' al ts'e lołpicuejma'. Aimol'econa'mołtsi lixcay. Aimofel'miconam'oltsi. Tolihuejcole, aimol'e'e'mołtsi le'a, aimol'econa'mołtsi laic', aimol'nescona'mołtsi.

² Imanc' joupá ołmajnliconna, ti'onłcospolhuo' to lan ts'e capilmi. Toł'ełe colpic'a lołheche, pangay al c'a leche. Tites'mi'molhuo', ti'ila' quipujfxi al ts'e lołpitine. Tołta'a tunłul'molhuo'. (Iya' laifnescopa “lołheche”, canescojma litaiqui' LanDios.)

³ Linca tołta'a tonl'e'me ja'ni joupá ołsingufpá te ts'i'ic' łalPoujna, ilque pangay c'a.

⁴ Ti'hua toli—loc'olai'me pe łecui'impa “Limafi' Capic”. Lan xanuc' linca iximpá to ninaitsi capic, etets'ipá. LanDios ituca' iximpa. Ilque i'huijf'epa, imetsaicopa xonca ac'a.

⁵ Imanc' jouc'a ti'onłcospolhuo' to łapic', ilne ts'ilmaf'i'. Ja'ni toli—loc'olai'me łalPoujna, LanDios tipo'no'molhuo' anuli anuli pe latentłcocoya, ti'i'molhuo' epic', tixhuico'molhuo' tilanc'eco'ma lejutł, ille lixoute'. Tixim'molhuo' to e'aillí LanDios. To e'aillí tipa'a lołtsufcoya LanDios. Tołpo'no'me lołpicuejma' tołcu'mołtsi. LanDios timetsaicolhuo' toł'huaiyijnyi Jesucristo, tołta'a tetenłcoco'ma lołtsufcopołtsi, tepenuf'molhuo'.

⁶ Al Paxi Liniñgiya tuya'e' LanDios lonescopa ilque Łapic, ticua: ¡Tolsinle! Jilpe liłya' Sión cafa'ma anulij cal Cueca' Capic, ilque łopo'nof'inyacu łaital.

Ilque łapic ma' iya' ai'huijf'epa, caxina juaiconapa ac'a, xonca acueca' lipitali. Pe no'huaiyijmpá ilque łacui'impa Łapic, małniya aimixinyacu calaic'ata, aiminesyacu: “LanDios alfel'mipa”.

⁷ Ja'ni toł'huaiyijnyi Cristo, “... ilque łacui'impa Łapic”, LanDios timetsaicotolhuo'. Locuenaye lan xanuc' ituca' lo'iyacola'. Ilne pe aimihuejcoyi, tixinyi Cristo to “... łapic łetets'ipa nolanc'epá lajutł”. Jouc'a tixim'me joupá i'ipa łapic xonca łaicuicoya. Ilque “... łapic xonca tilanc'e łaital, aimecangeya lajutł”.

⁸ Jouc'a tixinguf'me to “... łapic łoc'ui'eyacola' lan xanuc’”. Jilque cal cueca' capic tixcai'e'mola'. Aimihuejcoyi Lataiqui', tołiya tixcai'e'mola'. Joupá ixpic'epa LanDios ille loyalaicoyacu.

⁹ Imanc' LanDios joupá i'huijf'epolhuo', i'epolhuo' e'aillí, anuli tołcuxeta. Tixinnilhuo' to anuli al nación apaxi, ma' i'huexi. I'e'epolhuo' ma' ixanuc'. Tołta'a li'e'ecopolhuo' tołuya'ałe, tołmujtsoltsi te ts'i'ic' al c'a lipicuejma', li'ejma' LanDios.

Małque LanDios ijoc'ipolhuo' mipa'a pangay muf lołpicuejma'. Ilque epalc'o', ulif'epolhuo' lołpicuejma'. Ołsimpá juaiconapa ac'a ille lepalc'o'.

¹⁰ Li'ipa, imanc' a'i quixanuc' LanDios, itsiya ma' ixanuc'. Li'ipa, LanDios ixtuc'opolhuo', itsiya a'i. Joupá iximpolhuo' unc'icuanuc'la, itoc'ipolhuo', ipaxnepolhuo'.

¹¹ Maicunc'aipimaye, caxa'huelhuo', cu'ilhuo': Aimolihuej'me lafane colpicuejma'. Ille ma tipa'nelhuo', tijouła' aimolihuejyacu LanDios. Toł'nujuaisle: Ma le'a tolyalaicoyi jifa'a li'a łamats', aimicołyacolhuo'.

¹² Tołmana' petsi lan xanuc' aimimetsaicoyi LanDios. Ma molihuejcoyi LanDios tinescolhuo' a'ijc'a. Camilhuo': Ti'ila' mane ac'a loł'ejma', ma latentłcocoya. Tołta'a tehuelojm'molhuo' monł'eyi al c'a. Tijouła' ticuaitsi litine timujxoxi jilpiya LanDios, ilne timetsaico'me ma' anDios.

¹³ Ma' moł'nujuaisyi łalPoujna tolihuejcotsola' lincuxepá, ilne nomana' fa'a li'a łamats'. Ja'ni cal rey, ilque xonca cal cuecaj quincuxepa,

¹⁴ ja'ni pe lifajpola' cal rey, tolihuejcotsola'. Iłniya łommepola' titeł'mintsola' petsi no'epá lixcay, jouc'a tixoc'innila' quileta petsi no'epá al c'a.

15 Camilhuo': Tolihuejcsotsola' lincuxepá. Tołta'a tonł'e'me lipic'a ŁanDios, tonł'e'me ma le'a al c'a, toł-ch'ixc'e'mola' lan tonno petsi aikuilcucueca.

16 Tama imanc' a'i quıl'huexi loł'as xanuc' nomana' fa'a li'a łamats', aimołnes'me: "Ailopa'a nałcuxeya, ca'e'ma nixpiya". A'i. Xonca tolihuejco'me ŁanDios locuxe'epolhuo'. Ma' itque ołPoujna.

17 Jahuay ts'itpenic' tolimetsaicotsola'. Nij naitsi colatets'iyacu. Ti'hua monł'e'ela' capic'a lapimaye, ti'hua tulummoc'ole ŁanDios, ti'hua tolihuejcołe cal rey.

18 Imanc' unc'imozó: Tolihuejco'me locuxe'epolhuo' lołpoujnalá. Tolihuejcsotsola' jahuay itniya. Ja'ni lan c'a xanuc' petsi aimixtuleyacu, ja'ni a'ijc'a liłpicuejma', ma' anuli tolihuejcsotsola'.

19 Ma molihuejcoyi ŁanDios, ja'ni tołtełcoyi tama ailopa'a conł'epa, ti'ila' cołsina' ti'najtse'molhuo' małque ŁanDios.

20 Ja'ni tołsnet'lyi lontafpolhuo' ma mołtełcoyi cołtuca' lołjunac', ¿te ŁanDios tixinnilhuo' xonca ac'a loł'ejma'? A'i. Monł'eyi al c'a, ja'ni tołsnet'lyi miteł'milhuo', linca ŁanDios tixim'molhuo' xonca ac'a loł'ejma', ti'najtse'molhuo'.

21 ŁanDios ijoc'ipolhuo' tołtełcołe tołta'a. Ma tołta'a litełcopa Cristo lepi'impa lałjunac'. Tołta'a ałmuc'iponga' te ts'i'ic' al c'a ał'e'me. Alihuejle Cristo.

22 Cristo aiku'iaic' quixcay. Aiquinesqui lafelłaiqueya cataiqui'.

23 Limilojpá cataiqui' aimimiconala' tołta'a. Mitełma, aimitalai'e. Epi'ipa quimane ŁanDios, itque copa'a cal Juez No'epa al łijca.

24 Jiłpe lancruz lilanc'ecompa a'ec, itaic' lałjunac'. Ma quituca' licuerpo ixingufcopa liteł'mimpa. Tołta'a lunł'u'eponga' lał'epa lixcay, ite lixcay lijoupa lacani'eponga'. ŁanDios lapi'iponga' al c'a lałpicuejma', tołta'a tipa'a al ts'e lałpitine. Li'ipa, imanc' extafpolhuo' cajunac'. Lixcai'empa Cristo, itque itełcopa lołjunac'. Tołta'a ŁanDios ixal'menapolhuo'.

25 Li'ipa, imanc' ti'onłcospolhuo' to lam mot'ł, itne tiyelocoyi ni cua petsi loxpicepa. Itsiya a'i tołta'a loł'ejma'. Joupa ołpailinamma, olimetsaicopá lałPoujna. Itque ti'elhuo' cuenna, aimejac'yacolhuo'.

3

1 Iya' aimipolhuo': Ja'ni unc'imozó tolihuejcsotsola' lołpoujnalá. Itsiya cu'ilhuo' unc'acał'no', ma' anuli tolihuejcołe lołpe'aillí. Tołta'a, tama itniya aimihuejcoyi Lataiqui' ti'i'ma tolulij'mola'. Aimołsc'ai'iyacola', ma le'a loł'ejma' tolulijco'mola'.

2 Tixim'molhuo' joupa olanajpołtsi lixcay. Tixim'molhuo' tolihuecoyi itne lołpe'aillí.

3-4 Imanc' unc'acał'no', aimolatej'mołtsi, aimołsuełmot'le'me te ts'i'ic' lołhualfi'mołtsi lołjuac o te cołpo'noyacu lołjune' a'oro o te cołpo'noyacu xonca al c'a cołpijahua'. Jahuay ite loximpa lan xanuc' ti'hua tijou'ma, aimicołya. Imanc' tipa'a loł'adorno petsi aiku'ihuáqui ni aimijouya, ite al ts'e lołpitine. Ma moluyalaicoyi amanxu a'i coyac'la, tołmuji al c'a lołpicuejma'.

5 Tołta'a lił'adorno lam paxi cacal'no' no'huaiyijmpá ŁanDios nimajmpá luyaipa quitine, itne tihuejcoyi liłpe'aillí.

6 Tołta'a li'ejma' Sara. Itque ihuejco'ma Abraham, timi: "Maipoujna". Imanc' jouc'a i'ipolhuo' to inaxque' Sara. Itque oł'máma' ja'ni tonł'eyi al c'a, ja'ni aimołsinyi caxpaiqui'.

7 Imanc' unc'ape'aillí, aimolimenc'eco'me, itne lołpenoye ahuata liłpufxi. Toł'nujuaitsola' tołta'a, tołmajm'me al c'a. Joupa aimipolhuo': Ni' anuli mołatets'i'me. Jouc'a lołpenoye, aimolatets'i'mola'. Tolimetsaicola', itne ma' anuli

imanc' tipa'a al ts'e lołpitine. ŁanDios ma' anuli tepi'itolhuo' loł'huexi. Ja'ni toł'nujuaitsila' tołta'a aimi'iya mipa'neyacolhuo', ti'i'ma tołpalaic'o'me ŁanDios.

⁸ Jahuay imanc' camilhuo': Toł'etsotsi anuli lołpicuejma'. Ja'ni lołpimaye titełcoyi, imanc' jouc'a tołsintsołtsi to tołtełcoyi. Toł'etsola' capic'a jahuay lapimaye, tołpalaic'otsotsi al c'a, aimoł'e'mołtsi acueca' lołpicuejma'.

⁹ Ja'ni a'ijc'a li'empolhuo', aimoł'e'cona'mola' jouc'a. Ja'ni timilhuo' cataiqui', aimoł'miconamola' tołta'a, xonca tołmi'mola': "ŁanDios tipaxnetsolhuo'". Imanc' joupá ołsina' ŁanDios ijoc'icopolhuo' tipaxnetsolhuo'. Tołta'a oł'huexi lapi'iyacolhuo'. Tołiya camilhuo' tołmi'mola': "Tipaxnetsolhuo' ŁanDios".

¹⁰ Al Paxi Linilngiya tuya'e':

Imanc' ja'ni tetentocotsolhuo' lapajnya, ja'ni toluyalaicołe al c'a, camilhuo': Tołcuxele tołpał, aimołpalai'me quixcay. Jiłpe lołco aimipahuo lafelłaiqueya cataiqui'.

¹¹ Aimoł'e'cona'me quixcay, tonł'ełe al c'a.

Tolahuełe te co'ya mołpac'eyacu loyac', tijouła' tołpo'nołe lołpicuejma' tolihuejle tołta'a.

¹² ŁałPoujna tehuelongila' pe no'epá al łijca, tiquimf'ela' mixa'hueyi.

Pe no'epá quixcay, jouc'a tixinnila', tixtuc'ola'.

¹³ Ja'ni tixoquei cunlata monł'eyi al c'a, ¿naitsi no'eyacolhuo' quixcay? Aimi'iya.

¹⁴ Ja'ni tołtełcoyi tama ałijca lonł'epa, linca toluyalaicoyi al c'a. ŁanDios tipaxnelhuo'. Aimołsuelmot'le'me. Ine notel'mipolhuo' aimi'iya mixpaic'eyacolhuo'.

¹⁵ Toł'nujuaisle Cristo jiłpe lołpicuejma'. Iłque ołPoujna. Tołhanc'e'e'mołtsi lołpicuejma'. Tołta'a tołtalai'e'me naicuis'eyacolhuo'. Tołtalai'e'me nomiyacolhuo': "¿Te capi'inyacolhuo'?" Aimolixtulecu. Aimolatets'i'me naicuis'eyacolhuo'.

¹⁶ Jiłpe lołpicuejma' joupá ołsina' te ts'i'ic' latentocopa ŁanDios. Ti'ila' ma tołta'a lonł'ejma'. Linca timana' pe nonescopá colihuequi Cristo. Tinescoyi a'ijc'a. Iya' camilhuo': Ma moł'huaiyijnyi Cristo ti'hua tolihuejcołe. Tołta'a tixim'me calaic'ata inel'linfel'miyale.

¹⁷ Aimołnes'me: "Ał'ełe al c'a, ał'ełe a'ijc'a, ma' anuli ałtełco'me". Cacia: Xonca al c'a luyalaico'me ja'ni ał'eyi al c'a, tama ałtełcoyi, ja'ni tołta'a tixpic'e ŁanDios.

¹⁸ Tołta'a lilełcopa Cristo. Iłque ailopa'a quijunac'. Ma lałjunac' itaif'pa. Iłque cal Łijca Xans. Illanc' a'ij łijca lał'epa. Iłque i'najtsepa lałjunac'. Tołta'a aliłoc'huai'iponga' ŁanDios. Jiłpe lancruz ima'ayompa, ŁanDios epi'iconapa lipitine.

¹⁹ Ipo'no'ma licuerpo jiłpe al pu'hua. Itsehuo'ma pe lomana' nomanapola', inel'itats'ila'. Jiłpe uya'atsi Lataiqui'.

²⁰ U'i'mola' inel'pe aimihuejcoyi ŁanDios. Ma milanc'e Noé al arca ŁanDios tixnet'iqui lił'ejma' inel'lincuelocale. Aiquitel'mila'. Lijou'ma, ma le'a lam paico lan xanuc' nitsulfołaipá al arca aicunxalac'ila'. Inel'lam paico unł'u'e'mola' laja', jiłpe texpef'que al barco.

²¹ Tołta'a ŁanDios ti'onłicojma lalapo'imponga' laja'. Oluyalaico'me jiłpe laja' jouc'a olunłulpá imanc' noł'huaiyijmpá Jesucristo, iłque łimaf'i'inapa ŁanDios, ipa'anapa pe lomana' nomanapola'. Jiłpe malapo'ininga' a'i ma le'a quepaqueya lałcuerpo. Ałjoc'iyi ŁanDios latufc'e'etsonga' lałpicuejma', ti'ila' calsina' joupá liłonc'e'eponga' lałjunac'.

²² Jesucristo, małque ał'huaiyijnyi, joupá if'ajnapa lema'a, ticutsu al c'a camane ŁanDios. Jiłpe lapaluc' quema'a, tama acueca' ti'hua liłmane, acueca' micuxeyi, jahuay iniya nomana' pu'hua tihuejcoyi Cristo.

4

¹ Cristo mipa'a fa'a li'a lamats' itelco'ma. Imanc' jouc'a to'po'no'e lo'picuejma', ma mo'mana' fa'a li'a lamats' to'telco'me. To'spic'ele to'ta'a. Tijoula' aimi'iya mo'pai'iyacu lo'picuejma'. Linca, ticutomma atelco'e, to'ta'a tetec'om'me nulemma la'epa a'ijc'a.

² Ja'ni to'po'no'me to'ta'a lo'picuejma', ma mo'mana' fa'a li'a lamats' aimi'iya molihuejyacu lo'janajpa locuenaye xanuc'. Ma co'mafi' tolihuej'me LanDios lo'pic'epa.

³ Iya' cacua: Joupa ixhuaita lon'epa a'ijc'a. Axpe' camats' ton'eyi ma latentocopola' lo'f'as xanuc', i'ne pe aimimetsaicoyi LanDios. I'niya litine ton'eyi al xujc'a, tolanant'liyi lixcay lo'janajpa, timeyoquilhuo', ton'eyi cal juico' pe juaiconapa a'ijc'a, tonlafot'eyo'tsi lo'f'as xanuc', to'snayi, jouc'a tonlaxc'on'ingota'iyila' landiosla'. Xonca acueca' quixcay i'ne lon'epa.

⁴ Itsiya lo'f'as xanuc' pe aimimetsaicoyi LanDios, ai'quicueca te co'ipolhuo'. Tixinnilhuo' ituca' lo'ejma'. I'niya ti'hua tixis'mecoyo'tsi ma mi'eyi acueca' nixpiya. Imanc' a'i. To'liya tinescolhuo' a'ijc'a lon'epa.

⁵ I'ne titalai'eta cal Cuecaj Juez. I'que joupa ixpic'epa lo'eya. Petsi no'epa a'ijc'a, ja'ni ts'i'mafi', ja'ni joupa imanapola', ma' anuli tite'l'mi'mola'.

⁶ To'liya u'impola' nomanapola' Lataiqui' loya'apa i'ne al c'a li'xp'ic'epa LanDios. Tepenufle al ts'e quilpitine, i'ne locuya LanDios, tama joupa i'napola' to mi'ila' lan xanuc' ts'i'taic' cajunac', imanapola'.

⁷ Joupa icuaico'me lijoucola' quitine. Jahuay tijou'ma, aimico'lya. To'liya to'suico'e lo'picuejma', to'cuxe'mo'tsi al c'a, ti'hua to'joc'i'me LanDios.

⁸ Aimolimenc'eco'me, ti'hua ton'e'cona'mo'tsi capic'a. I'ne xonca al c'a capicuejma'. Petsi lapimaye ti'eyo'tsi capic'a, tama jil'pe timenaquila' acueca', aiminescoyaco'tsi, aimi'nujuaiscoyacu li'epa li'pimaye, tama a'ijc'a. Timenc'e'eco'mo'tsi.

⁹ Tolapenuftsola' lo'pimaye lo'ajut'li. To'tes'mitsola'. Aimosim'me acuanuc' lolapi'ipola'.

¹⁰ Jahuay imanc', anuli anuli, ituca' ituca', LanDios epi'ipolhuo' lo'picuejma' o lo'mane. Epi'icopolhuo' to'toc'its'o'tsi. Itsiya to'suico'e al c'a lepi'ipolhuo' LanDios, to'toc'its'o'tsi.

¹¹ Ja'ni epi'ipo' lo'picuejma' toya'ala' o tomuc'iyale'la', i'ne lo'fmuya'aya ti'ila' mane litaiqui' LanDios, to'ta'a topalaila'. Ja'ni tipa'a lopenic' to'toc'itsola' lapimaye, toxahue'ela' LanDios titoc'itso' ima', to'toc'itsola' al c'a. Jahuay lon'epa ton'ele al c'a. Ja'ni to'ta'a tolihuejyi Jesucristo tixinim'me acueca' LanDios.

Ma' i'que anDios. I'que xonca ti'hua limane. To'ta'a timetsaico'e lan xanuc'. Ti'hua timetsaiconame aimijouya. Ma to'ta'a ti'ila'. Amen.

¹² Maicunc'aipimaye, ma moluyalaicoyi lahuaicompolhuo', mo'singufcoyi umla late'coya, aimo'suelmot'le'me, aimo'nes'me: "¿Te cal'icoponga' to'ta'a?" To'cuc'ele i'ne lo'ipolhuo'.

¹³ Xonca tixojla' cunlata. Ma mo'telcoyi toluyalaicoyi to luyaicopa Cristo, to lite'copa i'que. To'ta'a tixoj'ma cunlata juaiconapa jil'pe litine ticuaiyunni Cristo, timuj'moxi ma' anDios.

¹⁴ Imanc' ma molihuejyi Cristo, ja'ni timinnilhuo' cataiqui', linca toluyalaicoyi al c'a. LanDios tipaxnelhuo'. Li'Espiritu titoc'ilhuo', xonca timuc'ilhuo' naitsi i'que Cristo.

¹⁵ Linca petsi tima'ahualeyi o tinantseyi, o ti'eyi lixcay, o titsufiy'o'tsi lo'epa locuenaye lan xanuc', i'ne jouc'a tite'coyi, tite'l'minnila'. Imanc' a'i to'ta'a mite'l'minyacolhuo'.

16 Ja'ni titeł'milhuo' ma molihuejyi Cristo, aimołsim'me calaic'ata. Xonca tołmuj'mołtsi ałınca olihuequi Cristo. Tołta'a tołmuj'me acueca' ŁanDios.

17 Camilhuo': Tołmujle acueca' ŁanDios. Joupa icuai'ma litine ŁanDios tipango'ma titeł'mi'mola' lixanuc'. Ja'ni tipango'ma pe lałmana', ¿te co'iyacola' petsi aimihuejcoyi Lataiqui' loya'apa iłe al c'a lixpıc'epa ŁanDios?

18 Ja'ni afule malunłul'me illanc', tama ałijca lał'epa, ¿te co'iyacola' petsi aimihuejcoyi locuxepa ŁanDios, iłne tetets'iyi? ¿Petsi comanc'eyacu iłniya?

19 Tołiya camilhuo': Imanc' monł'eyi loxpıc'epa ŁanDios, ja'ni tołtełcoyi, toł'huaiyijnle ŁanDios. Iłque ti'e'molhuo' cuenna lołpitine. Iłque ałłanc'eponga', aimalatets'iyaconga'. Ma ti'hua tonł'e'me al c'a.

5

1-2 Tołta'a laifsc'ai'ipolhuo' jouc'a imanc' litsilojpolhuo' xanuc' nołspijpá lataiqui'. Iya' jouc'a nitojpa xans. Mitełma Cristo capa'a, aiximpa. Ticuaiti litine timuj'moxi ma' anDios, iya' jouc'a capajm'ma, limetsaico'ma.

Camilhuo' imanc' litsilojpolhuo' xanuc': Tonł'etsola' cuenna lołpimaye nomana' jilpe. Iłne ixanuc' ŁanDios. To iłpoujna motł' ti'ela' cuenna limotł', tołta'a tonł'e'mola' cuenna lapimaye. Tixoj'ma cunlata tonł'e'me iłe lołpenic'. Aimołcua'me: "Iłe aipenic', ticohuala' ca'e'ma". Ni mołcua'me: "Tołta'a culij'ma caitomi". Ma tołpo'nołe lołpicuejma' tołtoc'itsola' lołpimaye.

3 Imanc' epi'impolhuo' lołpimaye tonł'etsola' cuenna, a'i mołcuxenai'mola'. Tołmuc'i'mola' jahuay lapimaye al c'a lonł'ejma'. Tołta'a iłne jouc'a tihuej'me al c'a.

4 Ticuaiti litine timuj'moxi cal Cueva' caPoujna motł', iłque timetsaiconnolhuo' ac'a lonł'epa lołpenic'. Tepi'innolhuo' lolulijyacu. Tołmajnta anuli Cristo aimijouya.

5 Imanc' cunc'amijcanó, jouc'a tipa'a lonł'eyacu al c'a. Tołihuejcotsola' litsilojpolhuo' xanuc' nołspijpá lataiqui'. Łınca jahuay imanc' unc'apimaye. Ti'onłcotsolhuo' to lam mozó, tołtoc'itsoltsi. Petsi no'nof'epołtsi, ŁanDios tipa'nela'. Lam manxu, iłne no'oc'epołtsi, ŁanDios titoc'i'mola'.

6 Itsiya ja'ni tołsingufyi acumta limane ŁanDios, xonca toł'oc'e'mołtsi. Ticuaiti litine loxpıc'epa ŁanDios, ma' iłque ti'nof'e'molhuo'.

7 Ja'ni tołsingufyi ipime lapajnya, ja'ni tocomma to acueca' ołtaic' łolitay, tołpo'nołe lixaye lałPoujna. Iłque aimimenc'ecoyacolhuo'. Ti'hua ti'nujuaitsilhuo'.

8 Tołspic'ete al c'a lołpicuejma'. Tołcuxe'mołtsi al c'a. Tołpo'nołe cuenna. Ti'hualejma naixtuc'opolhuo', iłque łonta'a Satanás. Ti'onłcospa to calxmu. Tija'e' tumle'e. Tehuay naiti łoma'aya, tite'ma nulemma.

9 Tołpa'nełe iłque Satanás. Ma mi'hua molihuejyi Lataiqui', iłe loya'apa lixpıc'epa ŁanDios, łonta'a aimi'iyá mimenac'iyacolhuo'. Toł'nujuaisle lo'ipola' lołpimaye, iłniya jouc'a nomana' fa'a li'a łamats'. Iłne tualaicoyi nuli to imanc'. Ma' anuli tołtełcoyi ma mixhuaispa lołtełcopa.

10 ŁanDios itine itine ałtoc'inga', ałpaxnenga'. Imanc' petsi noł'huaiyijmpá Jesucristo, ŁanDios joupa ijoc'icopolhuo' tołcuaita pe lopa'a. Ate'a tołtełco'me, tama tocomma to ahuata łitiné, tijoula' tilaitsufcotolhuo', timetsaicotolhuo' nulemma imanc' ixanuc'. Tołmajnta aimijouya.

Małque ŁanDios tilanc'e'e'molhuo' lołpicuejma', ti'ila' ma le'a al c'a. Tepi'i'molhuo' cołpicuejma' tołihuejle, aimolanaj'mołtsi, tepi'i'molhuo' xonca cołpujfxi, tifayi'molhuo'.

11 Ma ŁanDios xonca icueya limane, tołta'a timetsaicom'me. Ti'hua timetsaicom'me aimijouya. Ma tołta'a ti'ila'. Amén.

¹² Jifa'a tipa'a lãpima Silvano, tinili ilta'a colje'e. Cumme'ma ti'huala' titai'ma colje'e, ticuai'etolhuo'. Itque caxina to cal c'a capima. Ca'huaiyinge.

Ita'a colje'e a'i quitoqui, oque' afane' cataiqui' le'a. Jifa'a aixc'ai'ipolhuo', nu'ipolhuo' te ts'i'ic' lahtoc'iponga', lãpaxneponga' LanDios. Aimolanaj'mołtsi.

¹³ Lãpima caca'no' nopa'a liya' Babilonia, tinonilhuo'. Itque jouc'a imanc' i'huijf'epolhuo' LanDios. Ma' anuli tinonilhuo' lai'hua Marcos.

¹⁴ Tołnontsołtsi, tołtuc'o'mołtsi lołpeque. Tołta'a tołmuc'i'mołtsi tonł'eyołtsi capic'a.

Tipac'e'entsolhuo' lołpicuejma' jahuary imanc' petsi joupa epenufpolhuo' Cristo.

LIJE'E SAN PEDRO LOCUENA LINIŁ'EPOLA' LAPIMAYE

¹ Iya' ninSimón Pedro, imozo Jesucristo. Iya' nin'apóstol, epaluc Jesucristo. Jifa'a quinił'elhuo' colje'e imanc' noł'huaiyijmpá ŁanDios cał'Ailli' y Jesucristo Łalunlu'eponga'. Ihe ma' alijca li'ejma', tołta'a epi'ipolhuo' lołpicuejma' toł'huaiyijnle. Imanc', illanc' ma' anuli lał'huaiyijmpa. Ma' anuli Lataiqui' lalapi'iponga' illanc' jouc'a imanc'.

² Ma mi'hua molimetsaicola' ŁanDios y Jesús lałPoujna, ti'ila' colłsina' acueca' titoc'ilhuo', tipaxnelhuo'. Xonca ti'ila' colłsina' tipac'e'elhuo' lołpicuejma'.

³ ŁanDios ilque ma' anDios, acueca' ac'a li'ejma', aljoc'icoponga' lihuejle. Iłque limane xonca juaiconapa acueca'. Aimi'onłspa lałmane illanc' ninc'ixanuc'. Joupa lapi'iponga' jahuay laicuicoya al ts'e lałpitine. Aimalahue'eyaconga'. Lapi'iponga' lałpicuejma' ał'ełe ma le'a latentłcocoya ŁanDios. Ma molimet-saicoyi ŁanDios tołsinguf'me ilta'a.

⁴ Mipa'a tołta'a lipicuejma', li'ejma' ŁanDios icupa cataiqui'. Ihe lataiqui' licupa acueca' cataiqui', juaiconapa ac'a. Jilpe lu'iponga' te ts'i'ic' lalapi'iponga'. Imanc' nolapenufpá ihe lataiqui' jouc'a ti'hua tilanc'e'e'molhuo' lołpicuejma', ti'onłcota to al c'a lipicuejma' ŁanDios. Jifa'a li'a łamats' lan xanuc' tijanajyi lixcay. Ihe lojanajpa tijou'nela' ihe liłpitine, tejac'e'mola'. A'i tołta'a mi'iyacolhuo', joupa unlu'empolhuo'.

⁵ Linca, ŁanDios acueca' li'epa, acueca' lepi'ipolhuo'. Imanc' jouc'a tipa'a lonł'eyacu. Aimolnes'me: "Ailopa'a caif'econaya". Tołmaf'ile. Ma monł'eyi linca litaiqui' ŁanDios jouc'a ti'ila' ac'a lonł'ejma'; mipa'a ac'a lonł'ejma' jouc'a tołcuc'e'le;

⁶ ma mołcuc'e'eyi jouc'a tołcuxe'molłsi al c'a; ma mołcuxeyolłsi al c'a jouc'a tołsnet'l'me lo'ipolhuo'; ma mołsnet'lyi jouc'a tonł'e'le latentłcocoya ŁanDios;

⁷ ma monł'eyi latentłcocoya ŁanDios jouc'a tonł'etsola' capic'a lapimaye; ma monł'ela' capic'a lapimaye toł'nujuaitsola' jahuay loł'as xanuc'.

⁸ Ja'ni tołta'a lonł'ejma', ja'ni toluyalaicoyi monł'eyi tołta'a, alinca ti'hua tolimetsaicoyi xonca Jesucristo, ilque alPoujna. Aimi'onłyacolhuo' to ihe nocuapá: "Joupa ai'huaiyijmpa ŁanDios. Ailopa'a caif'econaya."

⁹ Iłque petsi aimi'ay to lainu'ipolhuo' ti'onłcospa to cal fo'. Aimixina al culi'. Luyaipa quitine acueca' ixis'mepoxi li'epa quixcay. Itsiya joupa imenc'ecopa litine lepac'empa. Litine ŁanDios liximpa alimpio imenc'ecopa.

¹⁰ Tołiya cunc'aipimaye, tołmaf'ile. ŁanDios joupa ijoc'ipolhuo', joupa i'huif'epolhuo'. Toł—linc'ile ihe li'epa ŁanDios. Ja'ni tonł'eyi lainu'ipolhuo' aimejac'yacolhuo'.

¹¹ Tołcuaita petsi aimijouya licuxejma lałPoujna Jesucristo. Jilpe tixoj'ma cunlata tołtsuflaita.

¹² Cacia: Ticuicomma tonł'e'le to lainu'ipolhuo'. Tołiya joupa aixpic'epa ti'hua ca'nujuaits'i'itolhuo' iliya lataiqui'. Aiacua: Aicolłsina'. Linca, joupa ołsina' lainu'ipolhuo'. Joupa imuc'impolhuo' al c'a al Linca Cataiqui', tolihuejyi.

¹³ Ma mipa'a łai'espíritu fa'a laicuerpo, ilca'a łaix'huijma', iya' cacia ca'e'ma al c'a, camaf'i'i'molhuo'. Ma ca'nujuaits'i'icona'molhuo' lainu'ipolhuo'.

¹⁴ Tijouła' capo'noła' nulemma laicuerpo aimi'iya ca'nujuaits'i'iconayacolhuo'. Aixina' aimicołya małmaya. LałPoujna Jesucristo joupa lu'ipa.

15 Jouc'a cacua: Tijoula' ałmała' iya', imanc' ti'hua toł'nujuaitsa laifnu'ipolhuo'. Totiya capi'i'moxi caipujfxi, cahuay te co'iya catoc'iyacolhuo', tołta'a aimolimenc'ecoyacu.

16 Illanc' joupā lu'ipolhuo' te ts'i'ic li'epa, lo'eya łāPoujna Jesucristo. Lu'ipolhuo' acueca' ti'hua limane itque. Lu'ipolhuo' ticuaiyoconno. Ihe łāłtaiqui' a'i ma le'a całtaiqui' illanc'. Illanc' joupā ałsimpā limujpxoxi cal Cueca'. Ma łā'u' lahuelojmpā.

17 Malahuelojnyi łāPoujna, ŁanDios imetsaicopa, epalc'o'ipa acueca' lipepalc'o'. Jiłpe ałcuj'e'me tipalay ŁanDios, itque cal Cueca' juaiconapa. Małque tuya'e': "Iłca'a ai'Hua, juaiconapa caipic'a, latenłma lipicuejma".

18 Ihe łataiqui' lopalaipa ałcuj'e'pā ma co'huayomma lema'a. Łācuj'e'pā tołta'a ałmana' cal paxi quijuala ałejmale Jesucristo.

19 ŁanDios jouc'a lapi'iponga' liłtaiqui' lam profeta, tołta'a xonca ał'huaiyijnyi Cristo. Ihe liłtaiqui' tocomma to lepalc'o' lolif'epa jiłpe petsi pangay muf. Ticuicomma tołpo'nołe cuenna ihe łataiqui', tolihuejle. Tijoula' jiłpe łolunxajma' tołsinguf'me titsahuehuo cal Xamna Quili'ejma, ihe tuya'e': "Joupā icuaico'ma litine". Tołsinguf'me acueca' epalc'o'ipolhuo' lołpicuejma'.

20 Xonca ticuicomma ti'ila' cołsina' te ts'i'ic' liłtaiqui' lipalaipa lam profeta. Aimipa'acoyi ihe łataiqui' liłpicuejma'.

21 Ni anulemma quilspic'e quiltuca' te ts'i'ic' loya'ayacu. Ihe lam paxi profeta uya'a'me ma le'a lu'ipola' ŁanDios. Cal Espiritu Santo ujfxi icuxe'mola' jiłpe liłpicuejma'.

2

1 Li'ipa pe limajmpā lan xanuc' Israel jouc'a imajmpā locuenaye profeta. Ihe a'i cummela' ŁanDios, mane infel'miyale. Pe lołmana' imanc' jouc'a ti'i'ma tołta'a. Ticuaicu lomxiye ts'itpic'a tifel'mitsolhuo'. Timuc'i'molhuo' ituca' cataiqui', ihe mane tejac'eyale. Ihe tetets'iyi liłPoujna, itque joupā i'najtsepa liłjunac'. Tołta'a tejac'eyołtsi. Litine mejac'eyacola' aimicołya.

2 Łınca, axpela' tihuej'me. Ti'e'me nixpiya to lo'epa ihe linfel'miyale. Tołta'a tinesc'em'me al Łınca Cane.

3 Ihe lomxiye mane itpic'a tulijle quiltomí. Quiltuca' liłpicuejma' tipa'a'me łataiqui' lopalaayacu, coła' tifel'mitsolhuo'. Łınca, axpe' camats' ti'hua ticue ihe loteł'miyacola'. Tama ticołi ma ti'huaijma. Tijoula' tecani'e'mola' nulemma.

4 Cacua: Tecani'e'mola'. Łınca ni quimenc'e'econnila' lapaluc' quema'a, ni'epā quixcay. Ecajm'mimpola' al pu'hua al muf. Jiłpe i'huequimpola' ticuaitsi litine titeł'mim'mola'.

5 Jouc'a a'i cunłu'e li'a łamats' li'ipa al te'a. Ni quimenc'e'ecola' li'epa lan xanuc' limajmpā. Ma le'a unłu'e'mola' apaico lan xanuc'. Anuli Noé jouc'a locuenaye lan caitsi. Itque Noé uya'a'ma: "ŁanDios ałijca lo'epa". Locuenaye lan xanuc' pe aimihuejcoyi ŁanDios, ihe ima'a'mola' laja', litine licui'ma łāxpaiqui' cacui.

6 Jouc'a ecani'e'mola' liłelołya' Sodoma y Gomorra. Ipi'e'mola' nulemma. Ipanenni ma le'a api'. Jiłpe tama joupā i'ipa, ma ti'hua timuqui te ts'i'ic' lo'iyacola' ihe petsi aimihuejcoyi ŁanDios.

7 Łınca, unłupa Lot. Itque ac'a xans, iximpa ipime lapajnya jiłpe liłya' petsi nixpiya lo'epa lan xanuc' pe aimihuejcoyi locuxepa ŁanDios.

8 Lot ałijca xans, mipa'a liłya' Sodoma itine itine iximpola' lo'epa lan xanuc' pe aimihuejcoyi ŁanDios. Iquimf'e'mola' lonespa. Itque al c'a lipicuejma' aimetenłma loximpa, loquimf'epa. Tocomma to quiltuca' titeł'miyoxi.

9 Ihiya li'ipa ałmuc'inga' te ts'i'ic' li'ejma' łāPoujna. Itque ixina' lo'eya. Pe nohuejcopā, tama tehuaiyingila', tunłu'e'mola'. Locuenaye pe a'ij liłca lo'epa,

ituca' lo'iyacola'. Iñiya ti'huequila' mitełcoyi, ti'huaicoyi ticuaitsi litine timit-sola' te ts'i'ic' lo'iyacola'.

10 Pe a'ij lija lo'epa, iñe no'epá ma lojanajpa lafane capicuejma', tixis'meyołtsi tołta'a, tetets'innila' lincuxepá nomana' lema'a, xonca titeł'mi'mola'. Iñe lixcay xanuc' aimixpailiquila', ma quilituca' tixpic'eyi liłpicuejma'. Tetets'innila' lan tsila' lapaluc' quema'a. Tinescoyi a'ijc'a.

11 Lapaluc' quema'a, iñe xonca lan tsila' juaiconapa, tama xonca acueca' liłpujfxi, aimicufquinnila' iñiya no'epá quixcay. Aimija'ayi, aimu'iyi ŁanDios, aimimiyi: “Tołta'a, tołta'a lo'epa iñe lan xanuc’”.

12 Iñe lixcay xanuc' aimicuec'eyi. Ti'onłcospola' to linneja petsi ailopa'a quilituca' jma'. Imajnlicota ti'nołintsola' tima'antsola'. Iñe tama aiquilsina' lonescopa ti'hua tipalaicoyi, tetets'iyi. Ma mi'eyi iłta'a lixcay tecani'em'mola' nulemma.

13 Tołta'a lolijyacu. Ti'najtse'em'mola' iñe pe a'ij lija lo'epa.

Iñe ma tetenłcocołtsi quilituca'. Mane tehueyi lopa'a fa'a li'a łamats', iñe aimicołya, ti'hua tijou'ma. Aiquilsina' calaic'ata, tama infel'miyale. Tixoqui quileta titsuflai'me pe lołmana'. Tołtetso'me anuli jilpe lołjuic. Iñe ma le'a tixis'meco'molhuo', timints'e'e'molhuo' lołjuic.

14 Tehuelaifinnila' lacał'no'. Ja'ni aimetenłma ŁanDios ti'hua ti'eyi tołta'a, aimixospola'. Tifel'minnila' petsi a'i quifayiya liłpicuejma'. Aimicuayi: “Joupa ixhuaita”. Ti'hua tijanajconayi. Ihueyipá tołta'a lił'ejma'. ŁanDios joupa icuajpola'.

15 Iñe joupa enajpołtsi al Łijca Cane, ejac'pola'. Tihuejyi li'ejma' Balaam i'hua Beor. Iñque ticua: “Aiquihuejcoya ŁanDios. Tołta'a culij'ma caitomí. Al'najtse'ma.”

16 Iñque ma' aimihuejma ŁanDios italempa, imuc'im'me a'ijc'a li'ejma'. Łiburro, inneja aimi'iya mipalaiya, ipalai'ma to cal xans. Tołta'a etequenni lipemac'ta cal profeta Balaam.

17 Pe naihuejpa li'ejma' Balaam ti'onłcospola' to al pu'hua caja' joupa ijulpa. Ti'onłcospola' to łummahuay ti'hua tinulyi mi'hua łahua' juaiconapa. Iñque łummahuay aimicui'e. Joupa ilanc'empa petsi locuaiyacu iñe lan xanuc'. Jilpe ailopa'a quepalc'o', pangay muf.

18 Liłtaiqui' lopalaipá iñiya atsila' juaiconapa. Aimi'iya muhualc'enyacu. Tifel'miyaleyi, tu'iyaleyi: “Ailopa'a tintsí. Iñe niłpiya lołjanajpa, ne', tonł'e'me.” Tołta'a timinnila' tifel'minnila' iñe petsi al quite' enajpołtsi lił'as xanuc' laimenajpola'.

19 Lomxiye nocuapá: “Tolihuejle lałtaiqui'. Tołta'a aimi'iya micuxenya-colhuo’”, a'ij liñca iłta'a lonempa. Małniya aimicuxeyołtsi quilituca'. Mane tihuejcoyi lixcay lopa'a jilpe liłpicuejma', iñe ticuxela'. Cal xans pe joupa uliquimpa ti'onłcospa to cal mozo. Iñe locuxepa tocomma to ipoujna. Tołta'a cacua: Aimicuxeyołtsi iñe.

20 Petsi joupa imetsaicopá lałPoujna Jesucristo Łalunłu'eponga', joupa enajpołtsi lixcay lopa'a fa'a li'a łamats', ticuicomma ti'hua tihuejle al c'a. Ja'ni titsuflaiconale lixcay cane, ja'ni tulijconatsola' nulemma iłta'a lixcay, acueca' a'ijc'a lo'iyacola'. Liñca, tama al te'a a'ijc'a lo'iyacola', itsiya xonca acueca' lo'iyacola'.

21 Iñe coła' aiquilimetsaijma al C'a Cane. Tołta'a aij tine lo'iyacola'. Iñe ma' imetsaicopá iñe Lane, lijoupa ipailinamma. Etets'ipá al Paxi Cataiqui' locuxepola', iñe li'ipa lepenufpa.

22 Li'ipola' to minesqui lataiqui', ti'onłcospola' to: “Cal tsiqui joupa icuaicona'ma petsi linajhuo'ma, titeconghua”. Jouc'a tuya'e': “Łijna mijou'ma mepo'im'me timelfaconghua łixitsqui”. Ma' al łınca loya'apa iłe lataiqui'.

3

1 Maicunc'aipimaye, joupa ninił'epolhuo' anuli lołje'e. Itsiya quinił'elhuo' ocuena colje'e. Ihiya loque' lołje'e ma' anuli cu'ilhuo'. Imanc' joupa i'ipa ac'a lołpicuejma', a'i ma le'a moł'e'eyołtsi. Quinił'econalhuo' caxc'ai'ilhuo' tołsuicołe al c'a iłe lołpicuejma'.

2 Camilhuo': Toł'nujuaisle litaiqui' lam paxi profeta, ihiya lataiqui' linespa luyaipa quitine. Toł'nujuaisle jouc'a lataiqui' licuxepa łafPoujna, iłque Łalunł'eponga'. Małe litaiqui' łafPoujna joupa lu'ipolhuo' iłne lan apóstole icuaitsa pe lołmana'.

3 Xonca ticuicomma toł'nujuaisle lo'iya lijoucola' quitiné. Ihiya łitiné ticuaicu lintaluntseyale. Titaluntse'me ma mi'eyi lixcay lojanajpa iłne quilituca'.

4 Tines'me: “Joupa icumpa cataiqui' ticuaihuo cal Cristo, timuj'moxi fa'a li'a łamats'. Aiqui'ic' tołta'a. Joupa imanapola' łatatahueló. Ailopa'a qui'ipa. Ma to mipa'a litine lilanc'empa li'a łamats', ma' anuli ipanemma.”

5 Iłne nonespá tołta'a aiquił'nujuaitsi te li'ipa. Ma quilituca' i'epá imenc'ecopa. Li'ipa timana' lema'a jouc'a li'a łamats'. Jiłe łamats' ipayonge laja'. Małe laja' titoc'i łamats' aimetełquehuo. ŁanDios ma linespa, tołta'a i'ipa.

6 Małe laja', iłe lopa'a al 'ocay quema'a jouc'a iłe al toncay, etełpa li'a łamats'. Łamats' imanna caja'.

7 Lema'a jouc'a li'a łamats' łalsimpa itsiya, tiłmana' ił'huaijma locuaicoya łunga, tipi'em'mola'. Litaiqui' lonespa ŁanDios ti'huejc'ela' ticuaitsi al Cueca' Quitine. Jiłe Litine cal Juez titeł'mi'mola' lan xanuc' petsi aimihuejcoyi, tejac'e'mola'.

8 Maicunc'aipimaye, xonca toł'nujuaisle iłca'a lataiqui': Ja'ni ti'ila' imbamaj maxnu camats', ja'ni ti'ila' ma le'a anuli quitine, łafPoujna tixina'ma ma' anuli.

9 Łınca timana' nocuapá: “Joupa uyaiconapa litine. ŁanDios aimi'eya to licuapa.” A'ij łınca lonespa iłniya. Ma ticuaitsi litine lixic'epa ŁanDios, łafPoujna tenant'li'ma litaiqui' lijoupa licupa. Aimicołcoconaya. Iłque tixinnilhuo' unc'icuanuc'la. Ipic'a jahuay tixhuj'menanca al xujc'a lo'epa. Aimixpic'e mejac'eyacola'. Ticua: “Ni' anuli mejac'ya”.

10 Ma' alınca ticuaihuo iłe al Cueca' Quitine lecui'impá: Litine łafPoujna. Cal namas no'huapa ipuqui' aimuya'e', aimu'iyale'ma: “Mouqui o pitsu cacuaita”. Tołta'a ticuaihuo al Cueca' Quitine. Iłe litine ma muna'e' juaiconapa, lema'a tejac'ma. Łepalałc'o' nomana' lema'a acueca' tepat'łnatola', tijana'mola'. Ma' anuli li'a łamats', łunga tipi'e'ma jouc'a jahuay lilanc'empa lopa'a jilpe.

11 Tołta'a tejac'na'mola' jahuay łalsimpa itsiya.

Ja'ni tołcuc'eyi iłe lo'iya, tołspic'e'me tolimetsaicotsołtsi ma' i'huexi ŁanDios, tolyualaico'me tołta'a. Tonł'e'me ma latenłcocoya ŁanDios.

12 Tixoqui cunlata toł'huaico'me locuaicoya al Cueca' Quitine, timujxoxi ŁanDios. Ja'ni tonł'eyi latenłcocopa ŁanDios, iłe Litine aimicołya locuaicoya. Ticuaitsi jiłe Litine lema'a tunaita, tija'ma. Iłe łunga juaiconapa tepat'łnatola' łepalałc'o', tołta'a tija'mola'.

13 Illanc' jouc'a imanc' ał'huaicoyi a'i ma le'a tipitsola' lema'a y li'a łamats'. Xonca ał'huaicoyi ti'ila' ma to loya'apa litaiqui' ŁanDios licupa. Ał'huaicoyi ti'ila' al ts'e lema'a, ti'ila' al ts'e li'a łamats'. Jiłpiya ti'e'me ma le'a al łijca.

14 Cunc'aipimaye, ja'ni toł'huaicoyi tołta'a lo'iya, tołmaf'ile, tołpo'nołe lołpicuejma' ti'ila' ac'a loł'ejma'. Tijouł'a' ticuaiconanni łafPoujna aimołsuełmot'łeyacu. Iłque tixim'molhuo' ailopa'a colxis'mecoyołtsi.

¹⁵ Toł'nujuaisle te cocolcopa łalPoujna. Iłque ti'hua tixnet'łqui. Aimixtuc'ola' nulemma pe no'epá lixcay. Ticua: “Tunłu'entsola' axpela”. Ma tołta'a u'ipolhuo' łacalpima Pablo jilpe lołje'e linił'epolhuo'. Jilpe imuj'moxi acueca' lipicuejma' lepi'ipa ŁanDios.

¹⁶ Pablo jahuay łije'e ma' anuli tinescojma lo'iya. Jilpe łije'e tipa'a łataiquí acueca' ipime, afule małcuec'eyi. Iłne lan xanuc' pe a'ij cueca' quilpicuejma', aiquilmuxejma, aiquifayiya lilpicuejma', ilne aiquilcueca litaiqui' Pablo, xonca tixnic'eyi. Ma' anuli aimuhuałyi locuenaye łataiquí liniłijmpa jilpe al Paxi Liniłingiya. Ma mi'eyi tejac'e'mołtsi.

¹⁷ Imanc' unc'aipimaye, joupa ołsina' ilē lo'iya. Tołpo'nołe cuenna. Ja'ni tetentcocolhuo' laimenac'iyale cataiqui', tołpai'i'mołtsi lołpicuejma' tama itsiya joupa ifayipolhuo'. Tileco'molhuo' pe aimihuejcoyi locuxepa ŁanDios.

¹⁸ Imanc' a'i mi'i'molhuo' tołta'a. Xonca ti'hua tolapenuf'me lotoc'ipolhuo', lopaxnepolhuo' łalPoujna Jesucristo, ilque Łalunłu'eponga'. Ti'hua tolimet-saico'me, tołta'a xonca tolihuej'me.

Ma' ilque anDios, itsiya tołta'a mipa'a, tijauhuamlaicota ma anuli mipa'a. Tołta'a ti'ila'. Amén.

AL TE'A LIJE'E SAN JUAN LINIŁ'EPOLA' LAPIMAYE

¹ Lipangopa jahuay, itque tipa'a. Illanc' joupá ałquimf'epá lałpalaic'oponga', joupá ałsingopá lał'u', lahuelojmpá, limetsaicopá naitsi itque. Lałmane' joupá ał'not'e'epá limane'. Illanc' maluya'ayi, ałpalaicoyi itque łacui'impá: Lataiqui'. Itque Lataiqui' imaf'i'. Lipitine aimijouya. Małe litine tepi'iyale.

² Itque imujpoxi. Illanc' joupá ałsimpá, luya'ayi, lu'ilhuo' imanc' te ts'i'ic' lipitine pe aimijouya. Itque petsi aimijouya lipitine tiłmana' anuli qui'Ailli' ŁanDios, imujpoxi, ałsimpá.

³ Itsiya jouc'a lu'ilhuo' imanc' te ts'i'ic' lałsimpa, lałquimf'epa. Ja'ni to-lapenuf'me ite lałtaiqui' ałınca ałejmale'me. Illanc' ałejmale ŁanDios cał'Ailli' y Jesucristo, itque li'Hua ŁanDios. Imanc' jouc'a ti'i'ma tonłejmale'me tołta'a.

⁴ Ałcuayi: Tenanłta' laıxojcopa calata. Tołiya ałinił'elhuo' itta'a cołje'e.

⁵ Jesucristo joupá lu'iponga' laluya'ayacu. Itsiya cu'ilhuo' imanc', ticua: "ŁanDios lipicuejma' pangay epalc'o', aılopa'a quıxcay".

⁶ Tołiya, ma małnesyi: "Illanc' ałejmale ŁanDios", ja'ni ti'hua ał'eyi quıxcay a'ij łınca ite lałnespa. Ałfelłaiqueyi.

⁷ Pe lopa'a ŁanDios jıłpiya pangay epalc'o', aılopa'a quıxcay. Ja'ni tołta'a lałpepajnya, ałınca ałejmale lałpimaye. Tijoułta', ja'ni a'ijc'a lał'epa aimalmanecu nulemma. Lıjuats' lixcuajaipa Jesucristo li'Hua ŁanDios ti'hua alapac'enga'.

⁸ Aimi'ıya małnesyacu: "Iya' aıcai'aic' quıxcay. Aılopa'a caijunac'." Ja'ni tołta'a ałnesyi ałfel'mıyołtsi. Al Łınca Cataiqui' aıquitsufaıc' lałpicuejma'.

⁹ Ja'ni ałmiyi ŁanDios: "Łınca, tipa'a laıjunac'", itque limenc'e'eco'monga' itna'a lał'epa. Lapac'e'monga' al xujc'a. Tołta'a li'ejma' ŁanDios. Itque ti'e'ma ma to linespa. Ti'e'ma al łıjca.

¹⁰ ŁanDios joupá lu'iponga': "O'epa quıxcay". Ja'ni ałcuayi: "Aıcai'aic' quıxcay", lıtaiqui' aıquitsufaıc' lałpicuejma'. Tocomma to ałcuayi: "ŁanDios infel'mıyale".

2

¹ Imanc' unc'ainaxque' itta'a caıfninił'ecopolhuo' cołje'e aimoł'econa'me lixcay. Ja'ni limenajpponga', ja'ni joupá ał'epá lixcay, jıłpe pe lopa'a cał'Ailli' ŁanDios tipa'a Jesucristo Nałtalai'ecoponga'. Itque aılopa'a quıjunac', ma' ałıjca li'epa.

² Itque i'najtsepa lałjunac'. Tołta'a ipac'epa lipoyac' ŁanDios. I'najtsepa lałjunac', jouc'a i'najtsepa liłjunac' jahuay lan xanuc' nomana' ni petsi li'a łamats'.

³ Ja'ni ał'eyi lałcuxe'eponga' ŁanDios, ałsına' ałınca limetsaijma.

⁴ Pe nocuapa: "Nımetsaijma ŁanDios", tijoułta' aımi'ay locuxe'epa, itque cal xans fıfelłaique. Al Łınca Cataiqui' aıquitsufaıc' lipicuejma'.

⁵ Ja'ni ał'ele lałcuxe'eponga' ŁanDios, ałınca ał'eyi capıc'a itque. Tołta'a ałsına' ŁanDios lapenufpponga'.

⁶ Pe nocuapa: "Iya', ŁanDios lapenufpa", ticuıcomma ti'ıta' li'ejma' to li'ejma' Cristo.

⁷ Maıcunc'aıpımaye, itta'a laıninił'epolhuo', laıfxc'ai'ıpolhuo' a'ij ts'e cataiqui'. Imanc' joupá ołcuejpá lataiqui', olapenufpa jıłpe litine loł'huaiyijmpa Jesucristo. Małe lataiqui' cu'ilhuo', caxc'ai'ilhuo' itsiya.

⁸ Ite lataiqui' laıfxc'ai'ıpolhuo' jouc'a canescojma to ats'e cataiqui'. Tołta'a imuj'ma Cristo. Uya'apa mıpa'a fa'a li'a łamats'. Ma' anuli tołmujiyi imanc'.

Li'ipa pangay muf loꝓicuejma', itsiya a'i. Fa'a li'a lamats' ti'hua tuyaijma al muf, lepalc'o' jounpa ipangopa tepalc'o'iyale. He lataiqui' a'lnca epalc'o'.

⁹ Pe nonespa: "Iya', lepalc'o' alulif'e", tijoula' ja'ni ti'ay quipilaic' lipima, a'ij linca ille linespa. Lipicuejma' tipanemma muf.

¹⁰ Naitsi no'epa quipic'a lipima ilque linca aimenajyoxi lepalc'o', ailopa'a cuc'uilitufeya.

¹¹ Pe no'epa quipilaic' lipima ilque lipicuejma' amuf. Toſta'a tuyaijma lapajnya. Aiquixina' te ts'i'ic' lipene lo'huapa. Aiquixina' pe cotseya. Al muf lopa'a lipicuejma' i'e'epa afo'.

¹² Imanc' unc'ainaxque', LanDios jounpa imenc'e'ecopolhuo' lo'epa lixcay, imetsaicopolhuo' olihuequi ilque lecu'i'empa Jesucristo. Toſiya quiniſ'elhuo' ilta'a coſje'e.

¹³ Imanc' unc'a'aillí, olimetsaijma ilque Nopa'a lipangopa li'a lamats'. Toſiya quiniſ'elhuo' ilta'a coſje'e. Imanc' unc'amijcanó, jounpa olulijpá lixcay xans, ilque lonta'a. Toſiya quiniſ'elhuo' ilta'a coſje'e.

Imanc' inaxque' LanDios, jounpa olimetsaicopá coſ'Ailli'. Toſiya quiniſ'elhuo' ilta'a coſje'e.

¹⁴ Imanc' unc'a'aillí, olimetsaijma ilque Nopa'a lipangopa li'a lamats'. Toſiya quiniſ'elhuo' ilta'a coſje'e. Imanc' unc'amijcanó tipa'a loꝓujfxi. Jounpa olapen-ufpá litaiqui' LanDios. He lataiqui' copa'a loꝓicuejma'. Jounpa olulijpá lixcay xans, ilque lonta'a. Toſiya quiniſ'elhuo' ilta'a coſje'e.

¹⁵ Cunc'aipimaye, aimoſjanaj'me moluyalaico'me to lan xanuc' nomana' fa'a li'a lamats', ilne naihuejpá quilituca' liꝓicuejma'. Aimoſjanaj'me lopa'a fa'a. Naitsi ti'onſicoyoxi toſniya o tijanaca toſna'a, ilque aimi'ay capic'a LanDios, xonca ti'ay capic'a lopa'a fa'a li'a lamats'.

¹⁶ Lan xanuc' pe aimimetsaicoyi LanDios ilne ticuxeyoſtsi quilituca'. A'ijc'a lojanajpa ihniya. Tehuelojnyi, tijanajyi. Tinescoyotſi xonca ac'a liſ'hueca, xonca' ac'a lo'epa. He liſ'ejma' aiqui'huayoya LanDios. Ilque aimimuc'iyale toſta'a. He il'ejma' liſ'as xanuc' nomana' li'a lamats'.

¹⁷ Ilca'a lamats' aimicoſya. Ti'hua tuyaipa. Jouc'a tijouna'ma jahuay lojana-jpa ihniya pe aimimetsaicoyi LanDios. Petsi no'epá lixpicejma' LanDios, ihniya aimijouya liſpitine.

¹⁸ Cunc'ainaxque' camilhuo': Jounpa icuai'me lijoucola' quitiné. Jounpa oſcujepá limimpolhuo': "Ticuaihuo cal Anticristo. Ilque naixtuc'opa cal Cristo." Itsiya timana' axpela' lan anticristo. Toſiya aſsina' jounpa icuai'me hijoujma quitiné.

¹⁹ Ilne lan anticristo enajpoſtsi, aſpo'noponga' caſtuca'. Tama li'ipa aſejmalepá, ilne a'i capimaye. Ja'ni apimaye coſa' aſmana' anuli itsiya. Jounpa aſpo'noponga' caſtuca'. Toſta'a aſmuc'iponga' te ts'i'ic' liꝓicuejma' ihniya. Tama anuli lalafot'lepoſtsi timana' petsi ituca' liꝓicuejma', a'ij nuli illanc'.

²⁰ Imanc' a'i to ihniya. Cal Paxi li'Hua LanDios jounpa ipaxnepolhuo'. Epi'ipolhuo' cal Espíritu Santo. Toſta'a ti'i'ma toſcuc'e'me jahuay litaiqui' LanDios, aimoſnesyacu: "Aicaicueca".

²¹ Itsiya ma quiniſ'elhuo' coſje'e aicacua: "Ilne laipimaye aiquilimetsaijma al Linca Cataiqui'". A'i. Jounpa oſsina' al Linca Cataiqui' te ts'i'ic'. Oſsina' te ts'i'ic' loya'apa petsi naihuejpá al Linca Cataiqui'. Ihniya aimuya'ayacu lafellaiqueya cataiqui'. Aimi'iya.

²² ¿Naitsi ilque noya'apa lafellaiqueya cataiqui'? Ilque noya'apa toſta'a ticua: "Jesús, ilque a'ij Cristo. A'i ilque munſu'eyale." Petsi nocuapa toſta'a copa'a cal Anticristo. Ilque tetets'i caſ'Ailli' LanDios, jouc'a tetets'i li'Hua LanDios.

²³ Petsi natets'ipá hi'Hua ca'Ailli' LanDios, nocuapá: “Itque a'ij Cristo”, iñiya aiquirepenufi ca'Ailli' jouc'a. Petsi naimetsaicopá hi'Hua, nocuapá: “Itque linca aCristo”, iñiya joupa epenufpá ca'Ailli' LanDios jouc'a.

²⁴ Imanc' aimolihuej'me ocuena cataiqui'. Lipangopa lo'huaiyijmpa Jesucristo olapenufpá al Linca Cataiqui', tipanenni iñe lataiqui' jilpe lo'picuejma'. Mipa'a iñe lataiqui' jilpe lo'picuejma' aimolanajyacoltsi hi'Hua ca'Ailli' LanDios, ni aimolanajyacoltsi ca'Ailli' LanDios.

²⁵ Cristo joupa icupa cataiqui'. Icuapa: “Capi'i'mola' li'pitine aimijouya”. Iñe la'pitine lapi'i'monga' ja'ni aimalanajyołtsi.

²⁶ Tołta'a laininiñ'epolhuo'. Capalaicola' iñiya pe ts'i'pic'a tifel'miyalele.

²⁷ Imanc' ituca' lo'picuejma'. Cristo joupa ipaxnepolhuo', olapenufpá cal Espíritu Santo. Tołta'a aimicuicomma comxi mimuc'iyacolhuo'. Itque pe lepi'impolhuo', jahuay timuc'ilhuo'. Itque timuc'iyale al linca. Aimifel'miyale. Cristo joupa imuc'ipolhuo'. Aimolanaj'moltsi itque.

²⁸ Cunc'ainaxque', itsiya camilhuo': Aimolanaj'moltsi Cristo. Tołta'a ticuaiconanni itque aimalsinyacu calaic'ata. Tixoj'ma calata limetsaico'me.

²⁹ Imanc' ołsina' te ts'i'ic' li'ejma' LanDios. Itque ti'ay ma le'a al hijca. Ja'ni tołta'a ołsina', jouc'a ołsina' te ts'i'ic' li'ejma' petsi alinca inaxque' LanDios. Iñe jouc'a ti'eyi al hijca.

3

¹ Juaiconapa acueca' a'leponga' capic'a ca'Ailli' LanDios. Alacui'iponga': “Inaxque' LanDios”. Ma' alinca illanc' inaxque' LanDios. Locuenaye lan xanuc' nomana' fa'a li'a lamats' aicalimetsaiconinga' tołta'a. Aimi'iya. Iñe aimimetsaicoyi LanDios.

² Maicunc'aipimaye, itsiya alsina' illanc' inaxque' LanDios. Tama tołta'a alsina', aicalsina' te ts'i'ic' mi'iya lalsans, la'picuejma' tipaicotsi pu'hua. Aicalmuc'inninga'. Linca litine timujxoxi LanDios alsim'me itque ma to qui'ic'. Iñe lalsina' almuc'inga' alsim'moltsi pangay c'a la'picuejma' ma to lipicuejma' itque. Ja'ni a'i cola' aimalsinyacu to qui'ic'.

³ Iñe petsi jouc'a no'huaiyijmpá tołta'a, jahuay iñiya, tenaj'moltsi lixcay, ti'i'moltsi limpio, to LanDios pangay limpio lipicuejma'.

⁴ Ja'ni aimalihuejcoyi LanDios locuxepa, iñe la'epa ma' ixcay. Jahuay lo'epa ja'ni a'i to micuxe LanDios, iñe ma le'a ixcay.

⁵ Imanc' joupa ołsina' te quicuaicoco'ma Jesucristo fa'a li'a lamats'. Icuaioco'ma liñonc'e'etsonga' la'epa lixcay. Jouc'a ołsina' itque linca aiq'ic' quixcay.

⁶ Tołta'a petsi aimenajyołtsi Cristo, pe joupa lepenufpola', iñiya aimi'eyi lixcay. Petsi no'epá lixcay iñe aimimetsaicoyi Cristo. Aiquil'sina' te ts'i'ic' lipicuejma'.

⁷ Imanc' unc'ainaxque', tołpo'nole cuenna. Tołta'a aimifel'miyacolhuo'. Iñe petsi no'epá al hijca ma le'a iñiya lan hijca xanuc'. Iñe lipicuejma' alijca to al hijca lipicuejma' LanDios.

⁸ Petsi no'epá lixcay iñiya ixanuc' lonta'a Satanás. Lipangopa li'a lamats' itque Satanás joupa ixcay lo'epa. Li'Hua LanDios icuaicoco'ma fa'a li'a lamats' tejac'ela' iñe lo'epa Satanás, aimal'econa'me tołta'a.

⁹ Petsi alinca inaxque' LanDios iñe aimi'eyi lixcay. Jilpe lipicuejma' LanDios joupa ifapa Litaiqui'. Joupa epi'ipola' al ts'e li'pitine. Tołta'a aimi'iya mi'econayacu lixcay.

¹⁰ Tołta'a ti'i'ma tolimetsaico'mola' lan xanuc' te ts'i'ic' lipicuejma'. Iñiya quilituca' timuj'moltsi ja'ni inaxque' LanDios, ja'ni inaxque' lonta'a. Petsi

aimi'eyi al hijca iñe a'i quinaxque' ÑanDios. Jouc'a petsi aimi'eyi capic'a lihpimaye a'i quinaxque' ÑanDios.

¹¹ Lipangopa loñ'huaiyijmpa Jesucristo u'impolhuo' toñta'a. Ixc'ai'impolhuo': "Añ'etsoltsi capic'a".

¹² A'i toñta'a li'ejma' Caín. Itque i'hua ñonta'a. Ñonta'a lo'epa ma le'a al xujc'a. Caín ima'apa lipima. ¿Te quima'acopa? Lipima ac'a li'ejma', Caín li'ejma' ixçay. Toñta'a ima'apa lipima.

¹³ Cunc'aipimaye, lan xanuc' petsi aimimetsaicoyi ÑanDios tama ti'ennilhuo' capilaic', aimoñsueñmot'ñecona'me.

¹⁴ Illanc' añ'eyi capic'a lahpimaye, toñta'a añsinyi lapi'iponga' al ts'e lahpitine ÑanDios. Li'ipa, anuli locuenaye lan xanuc' lajac'ponga'. Itsiya a'i. I'ipa ituca' lahpējajnya. Petsi aimi'eyi capic'a lihpimaye, iñe ñinca ailopa'a al ts'e lihpitine, ejac'pola'.

¹⁵ Naitsi no'epa laic' lipima, itque inma'ahuale. Linma'ahuale ailopa'a al ts'e quihpitine.

¹⁶ Illanc' joupa añsina' te ts'i'ic' lañ'eyacu ja'ni añinca' añ'ela' capic'a lahpimaye. Cristo mañ'enga' capic'a icupoxi tima'anñe. Toñta'a lunñu'eponga'. Illanc' jouc'a añcutsoltsi, añcuanajcotsola' lahpimaye.

¹⁷ Cal xans ts'i'hueca, loyaicopa lapajnya ja'ni tixinñta' lipima tehue'e, ¿te co'eya? Ja'ni aimixina acuanuc', aimitoc'i, itque cal xans ¿ja'ni toñta'a ti'ay capic'a ÑanDios? A'i. Aimi'ay capic'a.

¹⁸ Imanc' unc'ainaxque', camilhuo': He mañ'ehualeyi capic'a aimi'i'ma le'a ataiqui'. A'i ma le'a añnes'me: "Ca'ela' capic'a". Añinca añ'etsola' capic'a. Añtoc'itsola' lahpimaye.

¹⁹ Toñta'a añpac'e'e'moñtsi lahpicuejma'. Aimañsueñmot'ñeconayacu, aimañmiconayacoñtsi: "¿Te iya' i'hua ÑanDios o a'i?" Ti'i'ma cañsina' joupa ifapa al ñinca Cataiqui' jilpe lahpicuejma'.

²⁰ Tijouñta' ja'ni añsueñmot'ñecona'me, ja'ni añmiconam'oñtsi: "¿Te iya' i'hua ÑanDios o a'i?", jouc'a añ'nujuaitsa xonca ixina' cal Cueva' CanDios. Itque ixina' jahuay lañ'epa. Ixina' jahuay lopa'a jilpe lahpicuejma', ñalunxajma'.

²¹ Maicunc'aipimaye, ja'ni aimañsueñmot'ñeyi toñta'a, ja'ni añsinyoñtsi añinca illanc' inaxque' ÑanDios, tixoj'ma calata añpalaic'o'me ÑanDios.

²² Tijouñta' pe lañsahue'epa itque lapi'i'monga'. Añsim'monga' lihuejcoyi lañcuxe'eponga'. Tetenñcocojma lañ'epa.

²³ Añcuxe'eponga' añ'huaiyijnle hi'Hua, itque Jesucristo. Jouc'a añcuxe'eponga' añ'etsoltsi capic'a. Ma' anuli toñiya lañcuxe'eponga' Jesucristo.

²⁴ Ja'ni alihuejcoyi ÑanDios locuxepa, aimalanajyacoñtsi ÑanDios. Jouc'a ÑanDios aimenajyacoñxi, luyalaico'me anuli. Añsinguf'moñtsi tipa'a cal Espiritu Santo, itque ñalapi'iponga' ÑanDios. Toñta'a añsim'me aiquenajyoxi ÑanDios. Añsim'me luyalaicoyi anuli.

4

¹ Maicunc'aipimaye, aimonñ'e'mola' ñinca jahuay lam profeta nocuapá: "Iya' cuya'e' lalupa cal Espiritu Santo". Toñpo'noñe cuenna. Ti'ñta' coñsina' ja'ni umme'epola' ÑanDios o a'i. Itsiya fa'a li'a ñamats' timana' axpela' linfel'miyale. Joupa ummempola' ti'ñe toñta'a.

² Imanc' joupa oñsina' te ts'i'ic' lonespa pe noya'apá lomipola' hi'Espiritu ÑanDios. Iñe ticuayi: "Jesús aCristo. I'epoxi xans. Icuai'ma fa'a li'a ñamats'."

³ Petsi aimimetsaicoyi toñta'a Jesús, iñe aimuya'ayi lonespa hi'Espiritu ÑanDios. Iñe tu'iyaleyi loya'apa hi'espíritu cal Anticristo. Imanc' joupa oñcuejpa

ticuaihuo itque cal espíritu. Camilhuo: “Joupa icuai'ma. Tipa'a fa'a li'a lamats'.”

⁴ Imanc' unc'ainaxque', joupa olulijpola' ihniya lam profeta. Ine aimi'iya mifel'miyacolhuo'. Imanc' joupa olapenufpá li'Espíritu LanDios. Itque xonca acueca'. Lonta'a nopa'a li'a lamats' aimi'onlcospa.

⁵ Ine linfel'miyale profeta ti'onlcospá to lif'as xanuc' nomana' li'a lamats'. Ma' anuli lipicuejma', lopalaipa. Totiya lif'as xanuc' tiquimf'eyi, tihuejcoyi.

⁶ Illanc' inaxque' LanDios ituca' laipicuejma'. Petsi ilimetsaijma LanDios, inelalquimf'enga'. Petsi a'i quinaxque' LanDios, inelaimalquimf'enga'. Tofta'a alsina' naitsi inel noya'apá al Linca Cataiqui'. Alsina' naitsi noya'apa a'ij linca.

⁷ Maicunc'aipimaye, al'etsoltsi capic'a. Ma LanDios alapi'icoponga' laipicuejma' al'etsoltsi capic'a. Naitsi no'epa capic'a, itque linca i'hua LanDios, imetsaijma LanDios.

⁸ LanDios ti'nujuaitsila' jahuay lan xanuc', aimi'elaj laic'. Totiya ja'ni cal xans aimi'nujuaitsila' lif'as xanuc', ja'ni ti'ela' laic', itque aiqumetsaijma LanDios.

⁹ LanDios almuc'iponga' ma' alinca al'nujuaitsinga'. Ummepa li'Hua, itque cal Nuli. Ummepa quicuaicoco'ma fa'a li'a lamats', lapi'itsonga' al ts'e lapitine.

¹⁰ Ja'ni alinca al'e'mola' capic'a lapimaye, ticuicomma al'nujuaitsola' ihniya, ma to LanDios al'nujuaitsinga' illanc'. Li'ipa aimal'nujuaisyi LanDios. Malniya litiné itque al'nujuaisponga', ummepa li'Hua. Itque li'Hua i'najtsepa lajunac', ipac'epa lipoyac' LanDios.

¹¹ Maicunc'aipimaye, ja'ni tofta'a al'nujuaisponga' LanDios, illanc' jouc'a al'etsola' capic'a lapimaye. Ticuicomma al'etsola' capic'a.

¹² LanDios ni naitsi niximpa. Ja'ni al'eyoltsi capic'a jouc'a al'eyi capic'a LanDios. Tofta'a itque tipa'a pe lamana', aicalanajyołtsi.

¹³ LanDios joupa lapi'iponga' li'Espíritu. Totiya alsina' alapenufponga', alsina' lapenufpá itque.

¹⁴ Illanc' joupa alsimpá li'epa cal'Ailli' LanDios. Itque ummecopa li'Hua tunlu'etsola' lan xanuc' nomana' ni petsi fa'a li'a lamats'. Tofta'a luya'ayi.

¹⁵ Petsi nonespá: “Jesús ma' i'Hua LanDios”, ihniya joupa epenufpá LanDios. LanDios epenufpola'.

¹⁶ Joupa i'ipa alsina' LanDios al'enga' capic'a. Alsina' al'nujuaitsinga'. LanDios pangay c'a lipicuejma', ti'nujuaitsila' jahuay lan xanuc', aimi'elaj laic'. Petsi no'epá capic'a inel aimi'eyi laic'. Inel linca LanDios epenufpola', aiquenajyoxi. Pe lomana' jilpe tipa'a LanDios, tuyalaicoyi anuli.

¹⁷ Ja'ni al'eyi capic'a aimal'spaic'eyacu locuaicoya al Cueva' Quitine. Ma malmana' fa'a li'a lamats' alsinyoltsi ninc'ihijca, al'onlcosponga' to Cristo, itque copa'a cal Lijca.

¹⁸ Ja'ni al'eyi capic'a ailopa'a cal'spaic'eyaconga'. Ma mal'eyi capic'a laxpaiqui' aimi'iya mipa'neya laipicuejma'. Ja'ni alnesyi: “Aga lateł'mi'ma LanDios”, tocomma to LanDios altel'minga'. Malnesyi tofta'a almujoyoltsi aiqixhueya laipicuejma', lahue'enga'. A'i tofta'a mal'eyi capic'a.

¹⁹ LanDios al'nujuaisponga', al'eponga' capic'a, toftiya illanc' jouc'a al'eyi capic'a.

²⁰ Petsi nocuapa: “Iya' ca'ay capic'a LanDios”, ja'ni ti'ay quipilaic' lipima, itque no'epa itta'a infel'laiquepa. Ja'ni aimi'ay capic'a lipima petsi lahuelojmpa, itque jouc'a i'hua LanDios, ¿te ti'i'ma ti'e'ma capic'a LanDios, itque petsi aimehue-longe? A'i. Aimi'iya.

²¹ Malque LanDios joupa al'cuxe'eponga' lał'eyacu, alminga': “Naitsi no'epa capic'a LanDios jouc'a ti'ela' capic'a lipima”.

5

¹ Petsi no'huaiyijmpá Jesús, nonespá: “Ítque cal Cristo”, íhne linca inaxque' LanDios. Ítque epi'ipola' al ts'e liłpitine. Petsi lepi'impola' al ts'e liłpitine ti'eyi capic'a LanDios quíł'Ailli'. Ma' anuli ti'eyi capic'a liłpimaye, íhne jouc'a inaxque' LanDios.

² Ja'ni al'eyi capic'a LanDios, ja'ni al'eyi ma to lałcuxe'eponga', tołta'a alsina' al'nujuaitsila' lałpimaye, al'eyi capic'a.

³ ¿Te ts'i'ic' ma'eyacu capic'a LanDios? Al'ełe ma to lałcuxe'eponga', tołta'a al'e'me capic'a LanDios. A'i quipime íhne lałcuxe'eponga' LanDios.

⁴ Illanc' linca inaxque' LanDios ja'ni ítque lapi'iponga' al ts'e lałpitine. Alulijyi lixcay lopa'a fa'a li'a lamats'. Toliya alsinyi a'i quipime lałcuxe'eponga'. Illanc' inaxque' LanDios, ¿te ts'i'ic' malulijyacu lixcay lopa'a fa'a li'a lamats'? Ma ma'huaiyijnyi LanDios tołta'a alulij'me.

⁵ ¿Naitsi ítque nolijpa lixcay lopa'a fa'a li'a lamats'? Petsi no'huaiyijmpa Jesús, nocuapa: “Jesús ma i'Hua LanDios”, ítque tuliqui.

⁶ Jesús mipa'a fa'a li'a lamats' epo'icom'me aja', ixcuajaipa lijuats'. A'i ma le'a epo'icom'me aja', epo'icom'me aja' jouc'a ixcuajaipa lijuats'. Tołta'a alsina' małque Jesús aCristo, hi'Hua LanDios. Ma' anuli loya'apa cal Espíritu Santo. Ítque tuya'e' ma le'a al linca.

⁷ Jiłpe lema'a timana' afantsi tuya'ayi: “Jesús i'Hua LanDios, aCristo”. Íhniya comana' cał'Ailli' LanDios, jouc'a Jesús, ítque łecui'impá “Litaiqui' LanDios”, jouc'a cal Espíritu Santo. Íhne lam fantsi ma' anuli LanDios.

⁸ Fa'a li'a lamats' timana' afantsi nonescopá Jesús, tuya'ayi naitsi ítque, ma' anuli loya'apa. Cal Espíritu Santo, ítque anuli, laja' lepo'icompa Jesús, íhne i'ipa oque', lijuats' lixcujaipa, íhne i'ipa afane'.

⁹ Ja'ni al'huaiyijm'me loya'apa lan xanuc', ¿te aimal'huaiyijnyacu loya'apa LanDios? Linca ítque loya'apa xonca acueca'. LanDios joupá inescopa al c'a ítque hi'Hua. Tołta'a luya'apa LanDios, al'huaiyijmpá.

¹⁰ Petsi no'huaiyijmpá Jesús joupá epenufpá íhne luya'apa LanDios. Petsi aimi'eyi linca LanDios íhne linescopa hi'Hua, íhniya joupá etets'ipá licuapa LanDios, iximpá to infel'miyale, aimi'eyi linca LanDios linescopa hi'Hua.

¹¹ Pe nał'huaiyijmpá alsina' al linca luya'apa LanDios. Alsina' lapi'iponga' al ts'e lałpitine aimijouya, małe lipitine Jesús hi'Hua LanDios.

¹² Petsi joupá nepenufpá hi'Hua LanDios, íhniya tipa'a al ts'e liłpitine. Ja'ni aiquirepenufi hi'Hua jouc'a ailopa'a al ts'e liłpitine.

¹³ Tołta'a laininił'epolhuo' imanc' noł'huaiyijmpá Jesús, ítque hi'Hua LanDios. Cagua: Ti'íła' colšina' joupá olapenufpá lołpitine aimijouya.

¹⁴ Mał'huaiyijnyi LanDios alsina' ti'i'ma alsahue'e'me altoc'itsonga' o alsahue'e'me lapi'itsonga' lalahue'eponga'. Ałsa'hue'me aimalsinyacu calaic'ata. Ja'ni íhne lałsahue'epa tetentłcocojma alsina' alquimf'enga'.

¹⁵ Ma małsa'hueyi, ja'ni alsina' alquimf'enga' jouc'a alsina' joupá altalai'eponga', joupá lapi'iponga' lałsahue'epa.

¹⁶ Anuli imanc' ja'ni toxim'ma łopima lo'epa aimetenłma LanDios, ja'ni íhne lo'epa ti'i'ma timenc'e'ecom'me, toxa'hueła' LanDios, tołta'a tepi'i'ma lipitine. Linca tipa'a lixcay lacani'eyacola' lan xanuc'. Aimi'iya mimenc'e'ecoyacola' no'epá tołta'a. Íhne ti'hua titai'me liłjunac', tejac'em'mola'. Aicamilhuo': Tołsa'huełe timenc'e'ecotsola'. A'i. Aimi'iya.

¹⁷ Lan xanuc' ja'ni aimihuejcoyi LanDios ítque ixim'mola' ixcay lo'epa. Ixim'mola' titaiyi cajunac'. Tipa'a íhne lixcay lo'epa ti'i'ma timenc'e'ecom'mola'. Tipa'a petsi aimi'iya, tejac'em'mola' nulemma.

¹⁸ Ałsina' petsi ŁanDios lepi'ipola' al ts'e liłpitine ilne aimi'hua mi'econayi lixcay. Ilne tipa'a al ts'e liłpitine lepi'ipola' ŁanDios. Iłe al ts'e liłpitine ti'ela' cuenna. Tołiya ailopa'a co'e'eyacola' łonta'a. Iłque ma' ixcay lipicuejma'.

¹⁹ Ałsinyołtsi illanc' inaxque' ŁanDios. Iłque lapi'iponga' lałpitine. Petsi aimimetsaicoyi ŁanDios, iłque lixcay conta'a ti'hua ticuxela'.

²⁰ Jouc'a ałsina' te ts'i'ic' li'epa hi'Hua ŁanDios. Iłque icuai'ma fa'a li'a łamats'. Lapi'iponga' lałpicuejma'. Tołiya limetsaicoyi ŁanDios, iłque ma' anDios. Ja'ni lapenufponga' hi'Hua ŁanDios, iłque Jesucristo, ma' anuli lapenufponga' ŁanDios. Iłque ma' anDios, aimijouya lipitine. Ja'ni limetsaicoyi tołta'a jouc'a lapi'inga' al ts'e lałpitine aimijouya.

²¹ Imanc' caxinnilhuo' to cainaxque', tołta'a camilhuo': Toł'etsołtsi cuenna. Ti'hua tolıhuejco'me iłque petsi ałınca anDios. Tołta'a aimonlıhuejyacu lan-diosla'.

LOCUENA LIJE'E SAN JUAN LINIĒ'EPÁ ĽIPIMA CACA'NO'

¹ Iya' nitojpa xans. QuiniĒ'elhuo' ima' maipima caca'no' jouc'a lonaxque'. Ima' i'huijf'epo' ĽanDios. Ma' anuli lihuejcoyi al Ľinca Cataiqui', toĽiya ca'elhuo' capic'a. A'i ma le'a iya' ca'elhuo' capic'a. Jahuay lapimaye petsi limetsaicopá al Ľinca Cataiqui' jouc'a ti'elhuo' capic'a.

² Ľe al Ľinca Cataiqui' joupá ifayiya laĽpicuejma'. Aimi'iya malifonc'e'enyaconga'. Lihuejcoyi Lataiqui' toĽiya aĽ'elhuo' capic'a.

³ Ma malihuejcoyi al Ľinca Cataiqui', ma maĽ'ela' capic'a laĽpimaye, ĽanDios caĽ'Ailli' y Jesucristo Ľi'Hua ĽanDios aĽtoc'i'monga', aĽ'nujuais'monga', aĽsim'monga' nin'icuanuc'la. AĽpac'e'e'monga' laĽpicuejma'.

⁴ Juaiconapa tixoqui neta aixim'mola' lonaxque' tihuejcoyi al Ľinca Cataiqui'. Ma to caĽ'Ailli' ĽanDios laĽcuxe'eponga' aĽ'ele, ma toĽta'a ti'eyi Ľniya.

⁵ Maipima caca'no', Ľsiya tipa'a laifxahue'eyacolhuo'. Ľe laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonĽ'ele ma to joupá laĽcuxe'eponga'. Al coĽta aĽquimf'epá Ľta'a lataiqui'. Ľsiya caxa'huelhuo', caxc'ai'Ľlhuo': Ľllanc' ninc'apimaye, aĽ'etsoltsi capic'a.

⁶ Ja'ni aĽ'eyi laĽcuxe'eponga' ĽanDios, ĽiĽpe Ľinca aĽ'eyoĽtsi capic'a. Joupá oĽquimf'epá toĽta'a. Al coĽta icuxe'empolhuo' te ts'i'ic' loluyalaicoyacu lapa-jnya. Ľxc'ai'impolhuo': "TonĽ'etsoltsi capic'a".

⁷ Ja'ni tonĽ'eyoĽtsi capic'a ti'hua toĽihuejco'me toĽta'a al Ľinca Cataiqui'. Ja'ni tonĽ'eyoĽtsi capic'a aimifel'miyacolhuo'. Timana' axpela' Ľinfel'miyale joupá aĽpo'noponga' caĽtuca'. Tiyelocoyi fa'a Ľi'a Ľamats'. Ľne Ľinfel'miyale aimi'eyi Ľinca Jesucristo i'huamma fa'a Ľi'a Ľamats'. Aimi'eyi Ľinca i'epoxi xans, ticuayi: "Aimi'iya mi'eya toĽta'a". Ľne nocuapá toĽta'a Ľxanuc' cal cueca' quinfel'miyale Ľecui'impá: cal Anticristo.

⁸ Ľmanc' tonĽ'etsoltsi cuenna. Ti'hua toĽihuejco'me Ľe laĽmuc'ipolhuo' ĽiĽpiya. AimoĽpai'i'moltsi. ToĽta'a toĽulij'me nulemma lapi'iyacolhuo' ĽanDios.

⁹ Petsi no'epoĽtsi omxiye, ja'ni aimihuejconayi lataiqui' Ľimuc'iyalepa Jesucristo, Ľne aimiyeyi anuli ĽanDios. Petsi ti'hua tihuejcoyi Ľimuc'iyalepa Jesucristo, Ľne aimenajyoĽtsi, tiyeyi anuli caĽ'Ailli' ĽanDios. Jouc'a tiyeyi anuli Ľi'Hua, Ľque Jesucristo.

¹⁰ ĽiĽpe lolajut'Ľ ja'ni ticuaitsi petsi ituca' lomuc'iyalepa, a'i Ľe Ľimuc'iyalepa Jesucristo, aimolapenuf'me lolajut'Ľ. AimoĽnom'me to coĽpima.

¹¹ Ja'ni tonona to copima ima' to'onĽico'moxi to Ľquiya. Tocomma to ima' jouc'a Ľxcay lof'epa.

¹² Ti'hua tehue'e' laifnu'iyacolhuo'. Ľsiya aimi'hua quiniĒ'eyacolhuo'. Cacia: Cahuejntolhuo', aĽsinnoĽtsi. AĽpalaic'otoĽtsi, iya' imanc'. ToĽta'a ten-anĽ'ma laĽpixoĽma cata.

¹³ Tinonghuo' Ľinaxque' Ľopima caca'no'. Ľque jouc'a i'huijf'epa ĽanDios.

LOCUENA LIJE'E SAN JUAN LINIĒ'EPÁ ĽIPIMA GAYO

¹ Iya' nitojpa xans. Quiniĕ'ehuo' ima' unGayo macaĽpima. Ma' anuli lihuej-coyi al Linca Cataiqui', toĽiya ca'ehuo' capic'a.

² Maipima, jounpa aixina' ti'hua taihuequi. Iya' caxa'hue ĽanDios titoc'itso', toyaicoĽa' al c'a lapajnya fa'a li'a Ľamats', aimi'i'mo' cocuana.

³ Licuai'me fa'a ĽaĽpimaye iĽne inesco'mo' al c'a. Ticuayi: Ľinca omihuequi al Linca Cataiqui', tomuĽyoxi tipa'a iĽe Ľataiqui' ifaiyiya ĽiĽpe loĽicuejma'. Li'ipa caixina' toĽta'a tixoqui neta iya'.

⁴ Ja'ni aĽminĽa': "Ima' lonaxque' tihueĽyi al Linca Cataiqui'", iĽe Ľataiqui' Ľalu'impa lixoc'i'ma neta juaiconapa. Ailopa'a caĽminya mixojya neta xonca.

⁵ MacaĽpima, ima' tomuĽyoxi aĽinca taihuequi Ľataiqui'. Totoc'ila' ĽaĽpimaye noyepá aculi' lane.

⁶ Malafot'ĽeyoĽtsi fa'a, iĽne ĽaĽpimaye nitsehuo'me ĽiĽpiya, licuainanca alu'iponga' iĽe loĽ'epa. Alu'iponga' te ts'i'ic' loĽ'epola' capic'a. Linca to'ay al c'a ma motoc'ila' lapimaye, tapi'ila' lahue'epola'. ToĽta'a tetenĽcocojma ĽanDios.

⁷ IĽne ipo'nopá ĽiĽpiya', tiyeyi tuya'ayi naitsi Jesús, iĽque Ľecui'impa cal Cristo. Ľan xanuc' petsi aimimetsaicoyi ĽanDios, ja'ni coĽa' tepi'intsole' quĽtomí iĽne aiquirepenufi. ToĽe liĽ'ejma'.

⁸ Illanc' iĽpimaye ticuicomma aĽtoc'itsola' no'epá toĽta'a. Ticuicomma Ľapi'itsola'. ToĽta'a aĽtoc'i'mola' ti'hua tuya'atsa al Linca Cataiqui'.

⁹ Jounpa niniĽ'epola' lapimaye lafoĽyomma ĽiĽpiya loĽpiya'. ĽiĽpe tipa'a Diótfrefes. IĽque aimalapenufinga' ĽaĽsc'ai'ipola' lapimaye. Ma' iĽque ti'eyoxi cal te'a. Ipic'a ticuxetsola' lapimaye.

¹⁰ Cacuaitsi ĽiĽpe capalaic'ocotola' lapimaye lo'epa iĽque. ĽiĽpe iĽque aĽpalaiconga' a'ijc'a. Ai maĽe le'a co'epa. Xonca acueca' lixcay ti'ay. Aimepenufila' lapimaye nocuaispá ĽiĽpiya. Lapimaye nomana' ĽiĽpe ticuxela', timila': "Aimolapenuf'mola' iĽne nocuaispá". Pesti nocuapá: "Ľapenuf'mola'. Ľpic'a", iĽque Diótfrefes tixtuc'o'mola' acueca', timi'mola': "TonĽente. AimoĽtsuflaiconame pe Ľalafot'ĽeyopoĽtsi."

¹¹ Macaipima, aimo'onĽico'mola' to iĽne no'epá lixcay. To'onĽicoxoxi petsi ac'a lo'epa. Ja'ni ac'a lo'epa, iĽque Ľinca i'hua CanDios, ĽanDios ummepa. Pesti ixcay lo'epa iĽque aiquiremetsaijma ĽanDios, aiquirexina' te ts'i'ic' li'ejma'.

¹² Minescoyi Demetrio jahuay ticuayi: "IĽque ac'a xans". Ma to loya'apa al Linca Cataiqui' ma toĽta'a li'ejma' Demetrio. Jouc'a illanc' fa'a aĽcuayi: "Demetrio ac'a xans". Illanc' aimafelĽaiqueyi, aĽcuayi ma le'a al Ľinca. ToĽta'a oxina'.

¹³ Tehue'e' axpe' laifmiyaco'. Itsiya aiquireniĽ'eyaco'.

¹⁴ Cacua: AimaĽcoĽya fa'a. Ca'hua'ma. Cacuaitsi ĽiĽpe aĽsinnoĽtsi. Ľpalaic'otoĽtsi iya' ima'.

¹⁵ AimoĽxhueĽmot'Ľe'ma.

ĽalimetsaicoyoĽtsi nomana' fa'a tinonghuo'. Ima' tomitsola' anuli anuli ĽalimetsaicoyoĽtsi nomana' ĽiĽpiya: "Juan tinonghuo'".

LIJE'E SAN JUDAS LINIŁ'EPOLA' LAPIMAYE

¹ Iya' ninJudas ca'ay lipenic' łaiPoujna Jesucristo. Santiago aipima. Quinił'elhuo' imanc' lijob'ipolhuo' ŁanDios.

Cał'Ailli' ŁanDios ti'elhuo' capic'a, Jesucristo ti'elhuo' cuenna.

² Itine itine xonca tołcujle ti'nujuaitsilhuo' ŁanDios, xonca tołcujle tipac'e'elhuo' lołpicuejma', xonca tołcujle ti'elhuo' capic'a.

³ Unc'aipimaye, iya' joupa aipo'nopa laipicuejma', cacua: Quinił'e'mola' laipimaye. Ite cołje'e coła' cu'icona'molhuo' te ts'i'ic' munłu'enyacolhuo'. Linca ma' anuli lalunłu'enyaconga' illanc' imanc'.

Itsiya aiximpa ticuicomma quinił'e'molhuo' ituca' cołje'e. Ticuicomma caxc'ai'i'molhuo' tolipa'ale caxxi tołcuanajcole litaiqui' ŁanDios. Imanc' joupa olapenufpá iłe Lataiqui', oł'huaiyijmpá, ołsimpá te ts'i'ic' mipa'a. Małe lataiqui' ŁanDios ipo'nopa nulemma tepenufle, ti'ełe cuenna jahuay iłne petsi i'huexi ŁanDios.

⁴ Camilhuo': Ticuicomma tonł'ełe cuenna, tołcuanajcole litaiqui' ŁanDios. Jiłpe pe lołmana' ihuants'ipołtsi lan xanuc' iłne ituca' liłpicuejma'. Linca ate'a a'i mu'iyacolhuo' tołta'a. Jiłpe al Paxi Linilingiya joupa inescopola' iłniya lan xanuc'. Joupa uya'apa aimunłu'enyacola', tejac'em'mola'. Iłne aimihuejcoyi ŁanDios locuxe'epola'. Iximpoltsi joupa itoc'ipola', ipaxnepola' ŁanDios. Iximpoltsi joupa unłulpá. Iłne ti'hua ti'eyi nixpiya. Ticuayi: "Aimalacani'enyaconga". Tołta'a tetets'iyi cal Cuecaj Quincuxepa, iłque cal Nuli Quincuxepa. Jouc'a tetets'iyi łaiPoujna Jesucristo.

⁵ Imanc' joupa ołsina' jahuay li'ipa luyaipa quitine. Itsiya ca'nujuaits'i'i'molhuo' li'epa ŁanDios. Iłque ipa'a'mola' lixanuc' jiłpe łamats' Egipto, unłu'epola', aikuima'annila' lin'ehuale laic'. Lijou'ma iłne pe lipa'apola' petsi aikuil'huaiyinge, ecani'epola'.

⁶ Jouc'a toł'nujuaitsa li'ipola' lapaluc' quema'a. Iłne incuxepá, ipo'no'me liłpenic' lepi'ipola' ŁanDios. Ipalyonca petsi ŁanDios joupa ixpic'epa timajnlę. Iłne lapaluc' quema'a ŁanDios i'huequila' joupa ifingiyicola' acadena catejma', aimi'iya mits'alqueya. Jiłpe petsi lomana' ja'ni tehuelojnlę al toncay tixim'me amuf. Jiłpe ti'huaicoyi ticuaiyunni al Cuecaj Quitine. ŁanDios tepi'i'mola' liłjunac'.

⁷ Jouc'a toł'nujuaitsa li'ipola' liłelołya' Sodoma y Gomorra jouc'a liłelołya' lomana' anujnca. Lan xanuc' nomana' iłniya liłelołya' ixhuico'moltsi liłcuerpo ma mi'eyi al xujc'a. Jouc'a i'e'me a'i to joupa ixpic'epa ŁanDios. Ihuej'me ocuena 'ejma'. Tołta'a ti'onłcospola' to iłne lixcay lapaluc' quema'a. Li'ipola' iłne liłelołya' ałmuc'inga' lo'iyacola' iłne petsi no'epá lixcay. Iłne liłelołya' ŁanDios itel'mico'mola' unga. Jiłe łunga aimipijya.

⁸ To li'epa iłne lixcay xanuc' mimana' jiłpe liłelołya' Sodoma y Gomorra, ma tołta'a ti'eyi iłna'a lixcay xanuc' iya' laifnescopola' iłta'a lołje'e. Iłne jiłpe liłpicuejma' tijanajyi ti'ełe lixcay. Mijou'ma tixhuicoyołtsi liłcuerpo mi'eyi al xujc'a, tixis'mecoyołtsi tołta'a. Jouc'a tetets'innila' lincuxepá nomana' lema'a. A'ijc'a tinesconnila' lan tsila' lapaluc' quema'a.

⁹ Cal cuecaj łapaluc' quema'a, iłque Miguel, ni tołta'a mipalaic'o' łonta'a Satanás. Iłque Miguel ixina' lo'iya licuerpo Moisés. Satanás ituca' lipicuejma'. Ipic'a tilecoła'. Iłne tipalaic'oyołtsi. Miłfuli'yołtsi cataiqui' Miguel ixim'ma caxpaiqui', aikuimiloqui cataiqui' Satanás. Ma le'a timi: "Titaletso' łaiPoujna".

¹⁰ Iłne lixcay xanuc' laifpalaicopola' aimixpailiquila'. Tama aikuil'cuedca, aikuil'sina' te ts'i'ila' iłne lan tsila' capaluc' quema'a, tetets'iyi, tinescoyi. Iłne

ti'onłcospola' to linneja petsi ailopa'a quılıpicuejma'. Linca tama inneja tipa'a lojanajpa. Tołta'a ihniya, ti'hua tixhuai'niyi lojanajpa. Tołta'a ma quılıtuca' tecani'eyołtsi.

¹¹ Linca, juaiconapa a'ijc'a lo'iyacola' ihniya. Ihne tihuejyi Caín lipicuejma'. Imenajpola' to Balaam. Ipo'nopá lılıpicuejma' tulijle quılıtomí. Tołta'a aimihuejyi ŁanDios. Ti'onłcospá to Coré. Li'ipa, ilque timiloquila' cataiqui' petsi no'epá lılıpenic' lepi'ipola' ŁanDios. Ilque Coré ejac'pa. Ihniya jouc'a tejac'mola'.

¹² Ihne lixcay xanuc' ti'onłcospá to lix'ay capic quemiya. Jılıpe tixcai'e'molhuo'. Imanc' tolafot'leyołtsi, tołtetsoyi anuli, tołta'a tołmujoyołtsi apimaye. Mimana' ihniya lołpaxi juic tixis'me'me, aimetenłcocoya ŁanDios. Jılıpe ihne xanuc' titetsoyi, tixnayi, aimixpailiquila'. Ma quılıtuca' ti'eyołtsi cuenna. Ti'onłcospola' to hıjuł cummahuay tummetsai łahua'. Ti'onłcospola' to cal 'ec' micuaita litine caxita tocomma tıjułyi, ailopa'a quılı'as. Tocomma to aiquimaf'ila'. A'i ma le'a tocomma aiquimaf'ila', alinca joupa imapola', joupa iyaxquimpola'.

¹³ Ihne lixcay xanuc' ti'onłcospá to loyc' quılısilo caja petsi pangay quico' to axujc'a quifuc. Aiquılısina' calaic'ata, ti'hua timujyi lo'epa lixcay. Ti'onłcospola' to lan xamna laipalumma lılıpene, ihne aimepalc'o'iyaleyı. Tıyeyı petsi lomanc'eyacu nulemma, ilpe al muf. Małpe copa'a lılıpanga.

¹⁴ Jouc'a Enoc inescopola' ihne lixcay xanuc'. Tipanc'nicola' Adán, ilque cal te'a łatatahuelo, ilque Enoc ixhuaicota acaitsi. Enoc uya'apa lo'ıya, ticua:

ıAłquım'ela' laıfnuya'aya!

Aiximpa licuai'me łalPoujna y lam paxi quepaluc' quema'a, ihniya juaiconapa lanxpela'.

¹⁵ ŁalPoujna icuai'ma timuj'moxi cal Cuecaj Juez, timuj'moxi ilJuez jahuay lan xanuc'.

Ihne petsi aimihuejcoyi ticuf'mola'.

Ticuf'mola' jahuay li'epa, jahuay lıpalaiıpa.

Ticuf'mola' li'epa nıxpiya, ihne petsi aimihuejcoyi, petsi aimixpailiquila'.

Ihne lixcay xanuc' petsi aimihuejcoyi, jouc'a ticuf'mola' limılojpa ŁanDios lan tsila' cataiquı.

¹⁶ Ihne lixcay xanuc' pangay tipalołaicoyı. Ticuayı: "Ihe a'i caıpic'a". Aimıma-jncoyı quıxoıma cata. Lojanajpa ihne quılıtuca' ma il tihuejyi. Tipalaiyi lan tsila' cataiquı juaiconapa. Pe latentłcocopola', ma le'a ihniya tipalaic'onnola' al c'a. Ticuayı: "Ilque alıoc'i'ma".

¹⁷⁻¹⁸ Unc'aıpımaye, imanc' aimolihuej'mola' ihniya. Toł'nujuaitsa lılıtaıquı' lan apóstole, ihne epaluc' łalPoujna Jesucristo. Ihne imıpolhuo' lo'ıya. Imıpolhuo': "Ti'ıla' lıjoucola' quıtıné ticuaıcu lintaluntseyale xanuc'. Lojanajpa ihne quılıtuca' ma il tihuejyi, aimihuejcoyi ŁanDios."

¹⁹ Ihne tıfel'mınnıla' lapımaye, tenaquınnıla'. Tıhıuejyi lojanajpa ma quılıtuca' lılıpicuejma'. Aıquılepenufı cal Espıritu Santo.

²⁰ Imanc', unc'aıpımaye, aımonı'onlı'mołtsı to ihniya. Imanc' joupa oł'huayıımpá al Paxı Cataıquı'. Ti'hua tołpalaic'ole ŁanDios to mu'ilhuo' cal Espıritu Santo. Toııya tıfayı'molhuo' lołpicuejma'.

²¹ Ma moł'huaıcoyi ticuaıcoıhuananı łalPoujna Jesucristo, ti'hua toł'nujuaitsa lo'epolhuo' capıc'a ŁanDios. Tonı'etsołtsı cuenna aimolanaj'mołtsı. Tołta'a, ticuaıcoıhuananı ilque łalPoujna tıxım'molhuo' unc'ıcuanuc'la. Ilque lıpitıne aımııouya, imanc' jouc'a aımııouya lołpitıne.

²² Lapımaye petsı oquej lılıpicuejma' tołsıntsola' acuanuc'la.

²³ He petsi to joupa ejac'pola' tolahuetsola', tolunŭ'etsola', aimiye'me ŭnga. Locuenaye, tama toŭsim'mola' acuanuc'la, jouc'a toŭsim'me laxpaiqui'. Aimoli—loc'ai'e'moŭtsi. Toŭsintsola' joupa ixis'mecopoŭtsi jouc'a ŭpjuhuali.

²⁴ ¡Aŭ'najtsi'ŭe LanDios! Ma' ŭque xonca ti'hua limane. Nipajnya ti'e'molhuo' cuenna, toŭta'a ma tolihuej'me. Nipajnya ti'e'molhuo' tolacaxhuoŭaita pe lopa'a. Toŭta'a ti'i'ma ŭe litine timujxoxi te ts'i'ic' mipa'a. He litine tix-inim'molhuo' pangay c'a loŭpicuejma', ailopa'a tintsi. Tixoj'ma cunlata juaiconapa.

²⁵ ¡Aŭ'najtsi'ŭe cal Nuli CanDios, ŭque Lalunŭ'eponga'! Toŭta'a lipenic' lepi'ipa ŭaŭPoujna Jesucristo. Ma' ŭque anDios, ŭque xonca cal Cueca', xonca ticuxe, xonca ti'hua limane. Ai'a tipango'ma tilanc'em'me li'a ŭamats' toŭta'a mipa'a. Ma toŭta'a mipa'a itsiya. Ma anuli mipa'a tijauhuamlaicota ticuaitsi Locuenaj Quitine. Toŭta'a ti'ŭa'. Amén.

LIJE'E SAN JUAN LINIŁPA LIMUC'IPA JESUCRISTO

¹ Jifa'a tuya'e te ts'i'ic' ŁanDios limuc'ipa Jesucristo. Limuc'ipa te lo'iya. Aimicołya ti'ila' tołta'a. ŁanDios quimuc'icopa Jesucristo timuc'itsola' lixanuc'. Małque Jesucristo ummepa łepaluc. Timi: “To'huala' pe lopa'a łaimozo Juan. Hque ti'ay łanic' łainepi'ipa. To'itsi, tomuc'itsi, ile łalmuc'ipa ŁanDios.”

² Iya' ninJuan aininiłpa jifa'a jahuay laiximpa. He ma' itaiqui' ŁanDios, luya'apa Jesucristo.

³ Lataiqui' łaininiłpa jifa'a tuya'e te ts'i'ic' lixpice'epa ŁanDios. Tixoqui queta łapima noxhuef'iyacola' lipimaye iłta'a al je'e. Jouc'a łapimaye noquimf'eyacu, iłniya naihuejcoyacu, tixoj'ma quileta iłniya. ŁanDios tipaxne'mola'. Aimicołya. Ti'i'ma to łiniłjmpa fa'a.

⁴ Iya' ninJuan quinił'elhuo' imanc' aipimaye nołmana' lan caitsi quilełoya'. Imanc' ixanuc' ŁanDios, iłque efot'łepolhuo'. Tolafot'łeyołtsi jilpe łopilełoya'.

ŁanDios timilhuo': “Capaxne'molhuo', catoc'i'molhuo', capac'e'e'molhuo' łopıcuejma”. Hque ŁanDios li'ipa ma tipa'a, itsiya tipa'a, ma' anuli iłque łocuaiya.

Ma' anuli timilhuo' lan caitsi Espıritu, łehuoc'ocoyołtsi locutsuya ŁanDios Łałcuxeponga'.

⁵ Jouc'a timilhuo' Jesucristo. Hque tuya'e ma le'a al łınca. Hquiya imapa, imaf'inapa, aimimaconaya. Tołta'a i'ipa iłpima iłniya petsi jouc'a timaf'ina'me. Hque cal Te'a łimaf'inapa tołta'a. Ticuxela' lan tsilaj quincuxepá nomana' fa'a li'a łamats'.

Jesucristo ał'enga' capic'a. Ixcuajaipa lijuats', i'najtsecopa lałjunac'. Tołta'a aluhuaıłponga' lixcay lał'epa, ile ałfi'eponga'.

⁶ Ał'eponga' ixanuc' ŁanDios Łałcuxeponga', iłquiya' i'Aılli' Jesucristo. Ał'eponga' e'aıllı ŁanDios, ał'eyi lipenic'.

Hque Jesucristo ma' anDios. Ma' iłque ticuxe jahuay. ¡Ma tołta'a ti'ila'! Amén.

⁷ ¡Tołsınte! Hque icuaico'ma jouc'a łummahuay. Tixim'me iłniya lixcai'epá jouc'a jahuay lan xanuc'. Hne petsi naihuejpa' quıtuca' liłpicuejma' tijolij'me caxpaiqui'. Ticuis'e'mołtsi: ¿Te cał'iyaconga'?

Ne'. Ma tołta'a ti'ila'. Amén.

⁸ Minescoyoxi lałPoujna ŁanDios ticua: “Iya' cacui'iyoxi A, cacui'iyoxi Z. Jahuay iya' aıpangopa, jahuay iya' cajou'ne'ma. Iya' capa'a itsiya, li'ipa ma' anuli capa'a, ma' iya' laıfcuaiya. Aılopa'a cał'onłcoya, jahuay cacuxe.”

⁹ Iya' ninJuan ołpima, ma' anuli lihuejyi Jesús. Ma' anuli ałtełcoyi. Imanc' illanc' ma' anuli ixanuc' Łałcuxeponga', iłque Jesús. Małmana' fa'a li'a łamats' ma' anuli ałsnet'lyi imanc' illanc'.

Iya capa'a jifa'a al isla Patmos. Ałixtuc'opa, alummepa jifa'a al isla. Ałixtuc'opa łainuya'apa łitaiqui' ŁanDios, łainu'iyalepa naitsi iłque Jesucristo.

¹⁰ Fa'a łamats' Patmos icuaitsi al domingo, ile łitine lacui'ımpa “Itine lałPoujna”, cal Espıritu Santo ałcuxe iya' laıpicuejma'. Jilpe laıxpula' aıcuej'ma ałpalaic'o. Ujfxi tipalay. Ti'onłcospa to mıfus'mim'me anuli al trompeta.

¹¹ Ałmi: “Iłta'a lołxımpa tainiłjnla'. Topu'nijnla' jilpe loje'e. Tijoula' tomme'etsola' łopimaye iłta'a al je'e. Hne nafot'łepołtsi lan caitsi quilełoya' lomana' łamats' Asia. Tomme'etsola' łapimaye nafot'łepołtsi liłya' Éfeso, jouc'a nafot'łepołtsi liłya' Esmirna, jouc'a nafot'łepołtsi liłya' Pérgamo, jouc'a nafot'łepołtsi liłya' Tiatira, jouc'a nafot'łepołtsi liłya' Sardis, jouc'a nafot'łepołtsi liłya' Filadelfia, jouc'a nafot'łepołtsi liłya' Laodicea.”

12 Cagua: “¿Naitsi itque natpalaic'opa?” Aipai'e'moxi. Aixim'ma acaitsi lan candelero lilanc'ecompa a'oro.

13 Jilpe nolojmay lan caitsi candelero tipa'a anuli ti'onlcospa to cal xans. Itoqui lipijahua' ticuaispa mane li'mitsi'. Lofi'ecopa lunxajma' a'oro.

14 Lijuac afujca, ti'onlcospa to al moł, o ti'onlcospa to cal nieve. Li'u' ti'onlcospa to lipał cunga.

15 Li'mitsi' tepalc'o'i, ti'onlcospa to mipi'em'me latejma' ite acobre lopi'empa. Lipalaijma cacueca to muna'e', to axpe' panay.

16 Jilpe al c'a quimane ti'nołi acaitsi lan xamna. Lico tipamma litoqui cutsilo oque' lipix'ay juaiconapa ix'aic'iya. Li'a ti'onlcospa to cal 'ora micuaita menac'o, tepalc'o'i juaiconapa.

17 Laiximpa tołta'a iya' ninJuan atspajjma juaiconapa. Necangenni li'mitsi' to joupa atmapa. Itque atspayaf'pa al c'a quimane. Atmi: “Aimixpaij'mo'. Iya' NinTe'a. Iya' NiJoujma. Lipangopa lema'a li'a lamats' ma capa'a. Tijou'mola' ma' anuli capajm'ma.

18 Ma' iya' NanDios, Nimaf'i'. Iya' linca' atma'apa, atmapa. Itsiya atsinla', ma' aimaf'i'. Aimatmaconaya. Iya' cacuxe lamaya, cacuxe pe lomana' limanapola'.

19 ”Joupa aimuc'ipo' naitsi iya' capalaic'ohuo'. Tołiya tainiłta' loximpa, topu'nijnla' loya'apa itiya, jouc'a tainiłta' lo'iya.

20 ”Itniya lan caitsi lan xamna loximpola' jilpe al c'a caimane, jouc'a itniya lan caitsi candelero loximpola' aicoxina' te loya'apa ite loximpa. Itne lan caitsi lan xamna ti'onlcospola' to lilepaluc' lapimaye łefot'łepola' LanDios, itne nafot'łepołtsi lan caitsi quilełołya'. Lan caitsi candelero ti'onlcospola' to lapimaye nafot'łepołtsi jilpe lan caitsi quilełołya'.

2

Itta'a itje'e lapimaye nomana' litya' Éfeso

1 ”Ima' tainił'etla' hilepaluc lapimaye nafot'łepołtsi jilpe Éfeso. To'itla': ‘Tipalaic'ohuo' itque ts'i'nołila' lan caitsi lan xamna jilpe al c'a quimane. Itque no'huapa nolojmay lan caitsi candelero. Itque timihuo':

2 Quimetsaicohuo' te ts'i'ic' lof'epa. Aixina' to'ay laipenic', toxnet'łqui jahuay lo'ipo'. Toxina ipime lapajnya jilpe pe lomana' lixcay xanuc'. Joupa oxingupola' pe nonescopołtsi: Illanc' ninc'apóstole. Itne a'i apóstole. Joupa oximpola' mane infel'miyale.

3 Tama toxina ipime lapajnya, at'nujuaitsi iya', ti'hua toxnet'łqui, aikuixojhuo'.

4 Linca tipa'a lof'epa aimalatenłma. Al te'a at'epa capic'a juaiconapa. Itsiya a'i. Xonca aijtine ma'ay capic'a.

5 Camihuo': Tocomma acueca' mecangemma. To'nujuaitsi lo'ejma' al te'a. Toxhuej'menanni. Itne lo'epa li'ipa to'econła'. Ja'ni aimoxhuej'menamma aimatcołya cacuaiconno ma pe lofpa'a. Quilełonc'e'e'mo' locandelero. Aimipajinconaya pe lopa'a.

6 Linca tipa'a al c'a lof'epa. Pe lecui'impola' lan nicolaita to'ay copilaic' lo'epa itniya. Iya' jouc'a ca'ay capilaic' lo'epa.

7 Naitsi nocuejpa tiquimf'etla' ite lataiqui' loya'apa cal Espiritu Santo ma mipalaic'ola' lapimaye itne ixanuc' LanDios, itque łefot'łepola'. Małniya lapimaye nafolyomma lan caitsi quilełołya'. Naitsi nolijya capi'i'ma lane titeta li'as al 'ec lopa'a nolojmay łequeya LanDios. Itne łequeya łecui'impala' al Paraíso. Naitsi noteja ite li'as aimimaya nulemma.'

Itta'a itje'e lapimaye nomana' litya' Esmirna

⁸ "Jouc'a tainil'ela' hilepaluc lapimaye nafot'lepolti Esmirna. To'ila': 'Fa'a tipa'a laifnespa iya' ninTe'a, niJoujma. Iya' alma'apa, almapa, aimaf'inapa, itsiya aimaf'i'.

⁹ Iya' quimetsaicohuo' te ts'i'ic' lof'epa, te ts'i'ic' loftełcopa, te ts'i'ic' lopepa-jnya. Aixina' ailopa'a co'huexi fa'a li'a lamats'. Tama ailopa'a co'huexi caxinghuo' acueca' o'hueca. Jouc'a aixina' te ts'i'ic' lonesc'epo' lan judío nocuapá: Ma' illanc' ixanuc' LanDios. Ihe a'i quixanuc' LanDios, mane lefot'lepola' Satanás.

¹⁰ Linca xonca totełcocona'ma. Aimixpaij'mo'. Lonta'a joupa ixpic'epa lo'eya. Hualca lopimaye tummem'mola' lacarza, tehuai'im'mola'. Imbama' quitine titełcota. Ima' ti'hua lihuejla'. Tama timitso': Alma'a'mo', aimopai'i'moxi lopicuejma'. Tijoula' quimetsaico'mo' i'hua cal Cuecaj Rey. Capi'icona'mo' lopitine aimijouya.

¹¹ Naitsi nocuejpa tiquimf'ela' ile lataiqui' loya'apa cal Espíritu Santo ma mipalaic'ola' lapimaye, ihe ixanuc' LanDios, ilque lefot'lepola'. Mañiya lapimaye nafolyomma lan caitsi quilelołya'. Naitsi nolijya aimimaconaya. Ihe al Cueca' Camaya ailopa'a co'e'eya ilque.'

Ita'a itje'e lapimaye nomana' litya' Pérgamo

¹² "Jouc'a tainil'ela' hilepaluc lapimaye nafot'lepolti Pérgamo. To'ila': 'Fa'a tipa'a laifmipo' iya' ts'ai'hueca laicutsilo oque' lipix'ay ix'aic'iya.

¹³ Iya' quimetsaicohuo' te ts'i'ic' lof'epa. Nimetsaijma te ts'i'ic' jilpe lofpa'a. Jilpe ma ticuxe Satanás. Aixina' ima' ti'hua lihuequi, ti'hua al'huaiyinge, aicoménajyoxi. Jilpe petsi ticuxe Satanás ima'ampa łopima Antipas, ilque ma' alinca uya'a'ma laitaiqui', u'iyale'ma naitsi iya'. Jilpe litiné aiquixpaijhuo', aicopai'i lopicuejma'.

¹⁴ Linca tipa'a oque' afane' lof'epa aimalatenłcocojma. Tolafot'leyolti anuli lan xanuc' ituca' lomuc'iyalepa, li'ejma' ituca'. Ihe lan xanuc' tihuejyi litaiqui' Balaam, ilque imuc'i'ma Balac lo'eya ja'ni tuc'uilitufemola' lan xanuc' Israel. Tołta'a ihe lan xanuc' Israel ite'me lixic' joupa itsufcompola' landiosla', jouc'a ehue'me lacał'no'.

¹⁵ Ma' anuli tolafot'leyolti iñiya petsi lecu'i'impola' lan nicolaita.

¹⁶ Camihuo': ¡Toxhuj'menni! Ja'ni a'i aimalcołya, cacuita pe lofpa'a. Cafuli'icotola' iñiya lan xanuc'. Caxcai'ecotola' ita'a laicutsilo laipayomma laico.

¹⁷ Naitsi nocuejpa tiquimf'ela' ile lataiqui' loya'apa cal Espíritu Santo ma mipalaic'ola' lapimaye, ihe ixanuc' LanDios, ilque lefot'lepola'. Mañiya lapimaye nafolyomma lan caitsi quilelołya'. Naitsi nolijya capi'i'ma lane titeła' la'i LanDios łocupa, łacui'impal cal maná. Ilque lemiya ca'i, locuenaye xanuc' aiqulsina' pe lopa'a ilque cal maná. Ilque nolijya capi'i'ma jouc'a cal fujca capic. Ilque łapic tinitijnya al ts'e caftine. Naitsi łapenufya cal fujca capic ilque linca timetsaico'ma liniliya ile al ts'e caftine, locuenaye aimixinyacu.'

Ita'a itje'e lapimaye nomana' litya' Tiatira

¹⁸ "Tainil'ela' hilepaluc lapimaye nafot'lepolti litya' Tiatira. To'ila': 'Fa'a tipa'a laifnespa iya' i'Hua LanDios. Iya' lai'u' ti'onłcospa to łipał cunga, lai'mitsi' ti'onłcospa to mipi'em'me łatejma' ile acobre.

¹⁹ Iya' quimetsaicohuo' te ts'i'ic' lof'epa. Aixina' to'ehuale capic'a, aixina' loftoc'iyalepa, aixina' toxnet'łqui jahuay lo'ipo'. Aixina' li'ipa o'e'ma al c'a. Itsiya xonca acueca' al c'a lof'epa.

²⁰ Linca tipa'a lof'epa aimalatenłcocojma iya'. Jilpe tapi'i' lane łaca'no' Jezabel, ilquiya inescopoxi aprofeta. Ticua: Cuya'e' linespa LanDios. Ilque mimuc'ila'

laixanuc' tifel'mila', toŧta'a iŧne tehueyi lacaŧ'no', titeji lixic' joupa itsufcompola' landiosla'.

²¹ Iya' joupa ai'huaicopa tixhuej'menanni lo'epa nixpiya. Aiquixhuej'meya. Aiquicuac'.

²² ¡Toxinŧa! Acueca' cateŧ'mi'ma ŧaca'no', ti'i'ma quicuana. Tipanehuo jilpe lihualfa, aimi'iya mitsahueya. Iŧque ŧaca'no' lo'epa ti'onŧcospa to lan xanuc' Israel li'epa. Iŧne li'ipa enajpoŧsi hilenDios, ihuej'me landiosla'. Jilpe pe loŧpa'a, petŧi aimixtuc'oyacu iŧque ŧaca'no' lo'epa, iŧniya cateŧ'mi'mola' acueca'. Toŧta'a laif'e'eyacola' iŧniya ja'ni aimixhuej'menammas, ja'ni aimimetsaicoyi lixcay lo'epa iŧquiya ŧaca'no'.

²³ Linaxque' ŧaca'no', iŧne ts'ilihuequi, cama'a'mola' nulemma. Toŧta'a limetsaico'ma iya' jahuay lapimaye ni petŧi laŧoŧyomma. Ti'i'ma quilsina' naitŧi iya', iya' linca caxina te ts'i'ic' cal xans lipicuejma'. Petŧi xonca lemiya iya' caxina. Ma to lonŧ'epa toŧta'a ca'najtse'e'molhuo' anuli anuli.

²⁴ Imanc' unc'ocuenaye noŧmana' jilpe liŧya' Tiatira, ituca' laifmiyacolhuo'. Imanc' aicolihuequi lomuc'iyalepa ŧaca'no'. Aicolapenuŧi lataiqui' lacui'impa: Lataiqui' ipime xom. Iŧe ma litaiqui' Satanás. Imanc' joupa oŧsina' te ts'i'ic' licuxe'empolhuo', ailopa'a xonca caifcuxeyacolhuo'.

²⁵ Ma le'a camilhuo': Imanc' joupa olapenuŧpá Lataiqui'. Ma tolihuejle. Aimolanaj'moŧŧi. Tama iya' ailaifpa'a ti'hua lihuejla', cacuaiconno.

²⁶ Naitŧi nolijya, naitŧi jahuay lipepajnya ti'hua ti'ay lalatenŧcocoya iya', iŧque capi'i'ma limane ticuxe'mola' locuenaye xanuc', iŧne petŧi aimimetsaicoyi LanDios.

²⁷ LanDios ujfxi ticuxe'mola' iŧniya lan xanuc'. Ti'onŧcotola' to lapixu. Tepaco'mola' anuli lapaluc ilanc'ecompa atejma'. Ti'em'mola' epi' epi'. Toŧta'a laimane joupa alapi'ipa cai'Ailli', ma toŧta'a limane capi'i'ma cal xans nolijya.

²⁸ Jouc'a capi'i'ma cal xamna quili'ejma'.

²⁹ Naitŧi nocuejpa, tiquimf'eŧa' iŧta'a lataiqui' loya'apa cal Espíritu Santo ma mipalaic'ola' lapimaye, iŧne ixanuc' LanDios ŧefot'ŧepola'. Maŧniya lapimaye naŧoŧyomma lan caitsi quileloŧya'.

3

Ita'a iŧje'e lapimaye nomana' liŧya' Sardis

¹ "Tainiŧ'eŧa' hilepaluc lapimaye naŧot'ŧepoŧŧi liŧya' Sardis. To'itŧa': 'Fa'a tipa'a laifnespa iya' ts'ai'hueca lan caitsi li'Espíritu LanDios, jouc'a ai'noŧila' lan caitsi lan xamna. Iya' quimetsaicohuo' te ts'i'ic' loŧ'epa. Ticuanni ima' omaf'i'. Iya' caxingufhuo' joupa imapo'.

² Ima' tomaf'i'ixoxi, topo'noŧa' cuenna. Tofaxoxi lopicuejma', to'econa'ma al c'a. Ja'ni a'i, aimi'iya mo'econaya. Jahuay lo'epa aixina' ailopa'a quetenŧcocojma LanDios, ni anuli. Jahuay lo'epa tehue'e'.

³ Camihuo': To'nujuaitŧi te ts'i'ic' lataiqui' lomepenuŧpa, iŧe joupa oquimf'epa. Taihuejla'. Toxhuej'menni. Ja'ni aimopo'nohuo cuenna iya' cacuaihuo to micuaihuo cal namas no'huapa lipuqui'. Toxim'ma ŧaxpaiqui'.

⁴ Linca jilpe Sardis timana' oquexi' afanŧŧi loxanuc' aiquixis'mecoyoŧŧi. Iŧne mane afujca lipijahua'. Latenŧcocojma. Le'me anuli.

⁵ Naitŧi nolijya tipo'no'im'me al fujca lipijahua'. Lipuŧtine tipanehuo jilpe al je'e petŧi linilŧingila' lipuŧtine iŧne limaf'ila'. Aicatufc'eya lipuŧtine. Pe lomana' cai'Ailli' y lepaluc' quema'a iya' cu'itola': Iŧque cal xans toŧta'a lipuŧtine, linca lihuequi.

⁶ Naitsi nocuejpa, tiquimf'ela' ile lataiqui' loya'apa cal Espíritu Santo ma mipalaic'ola' lapimaye ilne ixanuc' LanDios, ilque lefot'lepola'. Mañiya lapimaye nafolyomma lan caitsi quitelotya'.

Ita'a ilje'e lapimaye nomana' litya' Filadelfia

⁷ "Tainil'ela' hilepaluc lapimaye nafot'lepołtsi Filadelfia. To'ila': 'Fa'a tipa'a laifnespa iya' ninLinca, nimPaxi. Iya' ai'hueca liyahui cal rey David. Iya' ti'hua laimane caxi'e'ma, tijoula' ailopa'a noxnifcoya. Jouc'a ti'hua laimane caxnifco'ma, tijoula' ailopa'a naxi'eya.

⁸ Iya' quimetsaicohuo' te ts'i'ic' lof'epa. Aiximpo' ile litine, tama a'ij cueca' lopujfxi, ma ti'hua taihuejcojma laitaiqui'. Ima' aicoménajyoxi, ti'hua lihuequi. Tołta'a jilpe lopilya' ainexi'epa anuli al puerta. Ite al puerta ailopa'a noxnifcoya.

⁹ Alcuejla', cu'ilhuo' laif'eya. Joupa' aixpic'epa lo'iyacola' ilne lefot'lepola' Satanás, ihniya infel'miyale judío, ilne lonespa a'ij linca. Tinesyi: Ma le'a illanc' ixanuc' LanDios. Ihniya a'i quixanuc' LanDios. Ilne ticuaita pe lofpa'a, text'onlingolai'mo' jilpe lo'mitsi'. Timetsaico'mo' iya' ai'epo' capic'a.

¹⁰ Ima' linca oxnet'łpa, omihuequi laitaiqui' lałpalaicopa iya' laixnet'łpa. Tuya'e' toxnet'łha' jouc'a. Tołiya ca'e'mo' cuenna ticuaitsi al cueca' catełcoya locuaicoya. Ite latełcoya tixingufco'me lan xanuc' nomana' ni petsi li'a lamats', tehuai'i'mola'.

¹¹ ¡Alcuejla'! Iya' aimalcołya, cacuaicoconno. Ima' tipa'a ts'o'hueca, ile lainepi'ipo'. To'e'ela' cuenna. Ja'ni a'i aimimetsaiconyaco' ima' i'hua LanDios, ilque cal Cuecaj Rey.

¹² Naitsi nolijya capo'no'ma nulemma jilpiya lixoute' lainenDios. Jilpe ti'onłcota to limula joupa lifayipa. Małpe al xoute' tipanehuo, aimipaya. Ilque cal xans quiniłinc'e'ma afane' laftine. Quiniłinc'e'ma lipuftine lainenDios. Quiniłinc'e'ma lipuftine lipilya' lainenDios, iliya lilya' al ts'e quilya' Jerusalén laimuyoya lema'a pe lopa'a lainenDios. Jouc'a quiniłinc'e'ma al ts'e laipuftine.

¹³ Naitsi nocuejpa, tiquimf'ela' ita'a lataiqui' loya'apa cal Espíritu Santo ma mipalaic'ola' lapimaye ilne ixanuc' LanDios, ilque lefot'lepola'. Mañiya lapimaye nafolyomma lan caitsi quitelotya'.

Ita'a ilje'e lapimaye nomana' litya' Laodicea

¹⁴ "Tainil'ela' hilepaluc lapimaye nafot'lepołtsi litya' Laodicea. To'ila': 'Fa'a tipa'a laifnespa iya'. Iya' ninAmén. Całinc'i jahuay loxpíc'epa LanDios. Iya' cuya'e' al linca, aica'eyoxi ma le'a laipicuejma'. Jahuay LanDios lixpíc'epa tilanc'ente ma' iya' aipangopa, ailanc'epa.

¹⁵ Iya' quimetsaicohuo' te ts'i'ic' lof'epa. Aixina' lo'ejma'. Ma' afule malihuequi. Iya' ca'onłcicohuo' to laja' a'i quinu' a'i quitinuhua.

¹⁶ Ca'onłcicohuo' to laja' huata caquinu'. Tołta'a caxits'ehuo', aicaxnet'łconaya, canajcuf'mo'.

¹⁷ Tocua: Iya' ai'hueca. Acueca' ile lainulijpa, ailopa'a calahue'epa. Ima' aicoxina' te ts'i'ihuo'. Ima' a'ijc'a juaiconapa lofmuyaicopa. Ima' uncueca' cuanuc', ailopa'a co'hueca, ima' umfo', tocomma um-mila.

¹⁸ Cu'ihuo' lof'eya: To'nała' iya laifcujpa. To'nała' co'oro joupa ipi'empa lipifuc, ma ipa'ampa lungu. Tołta'a ti'i'mo' ts'o'hueca. To'nała' copijahua', ile al fujca lopijahua', topo'noła'. Tołta'a aimi'iconaya cum-mila. Aimotaiya calaic'ata. To'nała' comefxi, tomet'łila' lo'u', tijoula' al c'a tahuetsale'ma.

¹⁹ Jahuay laif'epola' capic'a, ja'ni ixcay lo'epa, iya' catale'mola', caxc'ai'i'mola', tipai'tsołtsi li'ejma'. Ti'ete al c'a. Tołta'a camilhuo' anuli anuli imanc': Toxpíc'ela' lihuejla' al c'a. Toxhuej'menanni li'ipa lo'ejma'.

²⁰ ¡Aicuejla! Joupa aicuai'ma, caja'e' fa'a al puerta. Cal xans naŋquimf'eya iya' laifpalaipa, laxi'eta' al puerta, iya' catsufai'ma jilpe lejut'l, aŋsmoco'me nuli.

²¹ Naitsi nolijya capi'i'ma lane aŋcutsolai'me fa'a pe laifcutsuya, aŋcuxe'me nuli. Iŋque lo'iya ti'i'ma to iya' laŋ'ipa. Iya' ate'a ainulijpa, lijoupa aicutsingaipa pe locutsuya cai'Ailli', aŋcuxeyi.

²² Naitsi nocuejpa, tiquimf'eta' ita'a lataiqui' loya'apa cal Espiritu Santo ma mipalaic'ola' lapimaye iŋne ixanuc' LanDios, iŋque ŋefot'ŋepola'. Maŋniya lapimaye lafoŋyomma lan caitsi quitelotya'." "

4

¹ Lijoupa laŋmipa toŋta'a aiximpa jilpe lema'a tipa'a al puerta exiya. Aicuejcona'ma aŋpalaic'o. Iŋque lopalaipa ti'onŋcospa to mifus'mim'me al trompeta. Iŋque aŋmi: "Tof'acunni. To'huanni fa'a. Camuc'i'mo' lo'iya. Iŋe laifmuc'iyaco' al linca, ma ti'i'ma."

² Maŋpe 'hora aixingufcopa cal Espiritu Santo aŋcuxe jilpe laipicuejma'. Jilpe lema'a aiximpa lexpats'qui li'nofquiya. Jilpe tipa'a al 'asiento acueca' to liŋ'asiento lan rey. Iŋe al 'asiento tipa'a naitsi nocutsafya.

³ Iŋque Nocutsuya li'a tocomma mane epalc'o', to lepalc'opa lapic' liŋpuftine ajaspe y acornalino. Jilpe lexpats'qui li'nofquiya canumicay tipa'a lupaje. Iŋe lupaje tepalc'o'i axhuaica to lepalc'opa lapic' cuftine esmeralda.

⁴ Aixim'mola' anuxans malpu' lan tsilaj asiento. Ticutsafcolanna anuxans malujxi' lan tsilaj xanuc' noxpijpá lataiqui'. Lexpats'qui li'nofquiya lopa'a nolojmay iŋniya. Iŋne anuxans malujxi' lan tsilaj xanuc' afujca liŋpijahua'. Jilpe liŋjuac anuli anuli itaic' licorona ilanc'ecompa a'oro.

⁵ Jilpe lexpats'qui li'nofquiya tixcafi, tipalolaiyi, tuna'e'. Lihuec'ocojma lexpats'qui li'nofquiya tunaqui acaitsi lepalalc'o', iŋne lan caitsi li'Espiritu LanDios.

⁶ Lihuec'ocojma lexpats'qui li'nofquiya tipa'a tocomma to laja lilanc'ecompa apulu, al c'a vidrio cuftine acristal. Iŋe al vidrio ti'i'ma tixim'ma acajm'maica. Pe lopa'a lexpats'qui li'nofquiya, iŋniya lam malpu' qui'esquina, nolojmay jilpe aixim'mola' amalujxi' lam paxi quinneja. Iŋne imanna ca'u'. Iŋne liŋspula' jouc'a liŋcu'u imanna pangay ca'u'.

⁷ Cal te'a linneja ti'onŋcospa to calxmu. Locuena ti'onŋcospa to cal toro. Locuena'ya li'a ti'onŋcospa to li'a cal xans. Locuena'ya ti'onŋcospa to cal cuecaj cui laiypa.

⁸ Lam malujxi' quinneja anuli anuli tipa'a acamts'us lixala'. Iŋniya liŋxala' imanna pangay ca'u'. Jilpe lixpula' quixala' lijuihuay tipa'a pangay ca'u'. Jouc'a licu'u quixala' tipa'a pangay ca'u'. Iŋniya linneja aimixospola'. Itine ipuqui' tuya'ayi:

"Apaxi, apaxi, apaxi laŋPoujna LanDios, iŋquiya cal Cuecaj Rey, jahuay ticuxe.

Li'ipa ma tipa'a, itsiya tipa'a, ma' anuli iŋque locuaiya."

⁹ Iŋniya lam malujxi' quinneja toŋta'a lopalaicopa LanDios. Timetsaicoyi anDios, timetsaicoyi cal Cueca'. Tix'najtsi'iyi maŋquiya Nocutsuya jilpe lexpats'qui li'nofquiya. Iŋquiya ti'hua imaf'i', aimimaya.

¹⁰ Mipalaiyi toŋta'a iŋniya linneja, lan nuxans malujxi' lan tsilaj xanuc' noxpijpá lataiqui', text'onŋingolaiyi lamats' ehuoc'oco'me Nocutsuya jilpiya lexpats'qui li'nofquiya. Iŋquiya imaf'i', aimimaya. Tipa'ayi liŋcorona, tipo'noyi maŋpe huejnca lexpats'qui li'nofquiya. Timiyi Nocutsuya jilpe:

¹¹ "Ma' ima' maŋPoujna, ma' ima' malanDios.

Ma' ima' jahuay nipajnya to'e'ma.

Ailopa'a cocuena caŋnescoyacu toŋta'a, aimi'iyia.

Ima' olanc'epola' jahuay.

Al te'a ailopa'a, ma' ima' oxpic'epa ti'ita', oxpic'epa tilanc'em'me.”

5

¹ Aixim'ma anuli al je'e ijuisquiya i'no' ma al c'a quimane ilque Nocutsuya jilpe lexpats'qui li'nofquiya. Ihe al je'e inilingiya jilpe licu'u jouc'a lixpula', acaitsi cal sello enantsi'icoya.

² Aixim'ma anuli cal cuecaj capaluc quema'a, tipalay ujfxi, ticua: “¿Naitsi ti'i'ma tits'al'ma lan sello, tuxpalaif'ma lunts'iquiya al je'e?”

³ Ailopa'a nots'alya lan sello, muxpalaif'ya al je'e. Ni jilpe lema'a ni li'a lamats' ni al 'ocay camats'.

⁴ Aijoj'ma juaiconapa. Ailopa'a noxpalaif'ya al je'e mixhueya, ni mehuelo-jnya. Ni anuli mi'ia.

⁵ Anuli ihniya lan tsilaj xanuc' alpalaic'opa, almi: “Aimojoj'ma. Toxinla', jifa'a tipa'a ilque lecu'i'impal calXmu. Cal te'a hitatahuelo cuftine Judá. Ilquiya Judá jouc'a itatahuelo David. Ilque lecu'i'impal calXmu joupal ulijpa. Tothta'a ti'i'ma tits'al'ma lan caitsi sello, tuxpalaif'ma lijuisquiya al je'e.”

⁶ Aixim'ma anuli La'huaj Moł tecaxu jilpiya. Ilque ti'onłcospa to la'huaj moł lima'ampa, hitsufcompa LanDios. Tecaxu mane ehuoc'ocojma lexpats'qui li'nofquiya. Lijuihuay timana' lam malujxi' lam paxi quinnejal jouc'a lan nuxans malujxi' lan tsilaj xanuc'. Ilque La'huaj Moł tipa'a acaitsi tipecala, acaitsi li'u'. Ihe li'u' lan caitsi li'Espiritu LanDios, joupal ummempola' tiyele ni petsi li'a lamats'.

⁷ La'hua Moł i'hua'ma, i'no' ma lijuisquiya al je'e, ihe li'no' ma al c'a quimane ilque Nocutsuya jilpe lexpats'qui li'nofquiya.

⁸ Lijou'ma li'nołpa al je'e La'huaj Moł, epatshuolai'me lam malujxi' lam paxi quinnejal jouc'a lan nuxans malujxi' lan tsilaj xanuc', tummoc'oyi La'hua Moł. Ihniya lan tsilaj xanuc' anuli anuli tipa'a li'harpa jouc'a itaic' litaza lilanc'ecompa a'oro, imanna lipac'ec, ihe locuajmaispa loxahue'epa lixanuc' LanDios, ihniya i'huexi LanDios.

⁹⁻¹⁰ Ihe lan tsilaj xanuc' ats'e lonac'copa. Litaiqui' tuya'e':

“Ima' joupal ima'ampo', otsufcopa lojuats', o'najtsepa liłjunac' lan xanuc' ni petsi liyoyomma.

Ihe lan xanuc' ituca' ituca' litaiqui', ituca' ituca' liłpiya', ituca' ituca' lihnación. O'epola' ixanuc' łalanDios, ilque cal Cuecaj Rey.

O'epola' a'aillí, mepi'ipola' liłmane, ticuxeta li'a lamats'.

Totiya icueya lomane, o'nołpa lijuisquiya al je'e, ti'i'ma tots'al'ma lisello.”

¹¹ Lijou'ma aixim'mola' axpela' lapaluc' quema'a. Ihniya timana' canumicay lan tsilaj xanuc' petsi al canumicaica lam paxi quinnejal, ihniya linnejal tecaxhuolanna lam malpu' qui'esquina lexpats'qui li'nofquiya. Tothta'a lexpats'qui li'nofquiya lopa'a nolojmay jahuay ihniya. Axpela' axpela' ihniya lapaluc' quema'a nomana' jilpiya. Aimi'ia moxhuj'meyacola'. Aicuej'ma tipalquinni.

¹² Tipalaiyi ujfxi, ticuayi:

“La'hua Moł, ilque ima'ampa, itsufcompa, małque ti'i'ma tepenuf'ma la'labanza.

Ilque nipajnya ti'e'ma jahuay, jahuay i'hueca, ailopa'a cahue'epa, xonca acueca' lipicuejma', ailopa'a nolijya tołta'a.

Ilque xonca ipujfxi, xonca timetsaicom'me, timetsaicoyi al Cueca' Xonca.

Ilque ma' anDios.

¡Ats'najtsi'ile!”

¹³ Lijou'ma aicuej'mola' tipalquinni jahuay ts'ihmaf'i' lilanc'epola' LanDios. Iñiya nomana' lema'a, nomana' li'a lamats', nomana' al 'ocay lamats', nomana' laja. Ni petsi ticuayi:

“Ais'najtsi'ife itque Nocutsuya lexpats'qui li'nofquiya, alimetsaicote cal Cueca' Xonca.

Itque ma' anDios, jahuay ticuxe.

Ma' anuli ais'najtsi'ife La'hua Moł.

Tijauhuamlaicota litine tołta'a ti'ila'.”

¹⁴ Lam malujxi' lam paxi quinneja ticuayi: “Tołta'a ti'ila'. Amén.”

Lan tsilaj xanuc' exc'onłingolai'me, tummoc'oyi Nocutsuya lexpats'qui li'nofquiya, jouc'a tummoc'oyi La'hua Moł.

6

¹ Iya' cahuelonge, aixim'ma La'hua Moł lits'al'ma anuli iñiya lan caitsi sello. Aicuej'ma tipalay anuli itne lam malujxi' lam paxi quinneja, tocomma to muna'a'ma. Ticua: “iTo'huanni!”

² Lijou'ma aixim'ma joupa icuai'ma anuli cal fujca caihuala. Locutsafya laihuala i'nołi lomf'ants'. Epi'im'me licorona, ipanni tulijcale. Linca ti'hua tulijcalecona'ma.

³ La'hua Moł lits'al'cona'ma locuena sello, aicuej'ma tipalay locuena itne lam malujxi' lam paxi quinneja. Ticua: “iTo'huanni!”

⁴ Icuai'ma locuena caihuala. Itque laihuala ma' unxali. Itque locutsafya epi'im'me limane ti'e'ma tifulele lan xanuc' nomana' li'a lamats', tima'a'mołtsi anuli anuli. Epi'im'me juaiconapa itoqui licutsilo.

⁵ Lijou'ma La'hua Moł its'al'cona'ma locuena sello. Tołta'a i'ipa afane' lan sello lits'al'pola'. Aicuej'ma tipalay locuena itne lam malujxi' lam paxi quinneja. Ticua: “iTo'huanni!”

Aixim'ma icuai'ma łumi caihuala. Itque locutsafya laihuala i'nołi calxpicołma.

⁶ Aicuej'ma tocomma tipalquinni jilpe nolojmay pe lomana' itne lam malujxi' lam paxi quinneja. Ticuayi: “Linca ti'i'mola' huata cal trigo, lan cebada. Tiłof'ma liłpitali. Anuli kilo cal trigo lipitali lolijpa anuli quitine cal xans. Afane' kilo lan cebada lipitali lolijpa anuli quitine cal xans. Timanecu lan oliva laipamma caceite, jouc'a lan 'uva laipamma al vino. Iñiya aimomints'e'mola'.”

⁷ Lijou'ma La'hua Moł its'al'cona'ma locuena sello. Tołta'a i'ipa amalpu' lan sello lits'al'pola'. Aicuej'ma tipalay locuena quinneja, ticua: “iTo'huanni!”

⁸ Aixim'ma icuai'ma łefouc'o laihuala. Tocomma ailopa'a quijuats'. Itque locutsafya laihuala lipuftine Lamaya. Ihuequi anuli cuftine Hades. (Tołta'a lecu'i'impajilpe pe lomana' lamizhua.)

Itque locutsafya laihuala epi'im'me limane ticuxe'ma hualca li'a lamats'. Petsi petsi ticuxe'ma hualca. Ni petsi locuxeya itque tima'a'mola' lan xanuc'. Hualca tima'aco'mola' acutsilo. Hualca tima'aco'mola' cumemma. Hualca tima'aco'mola' al cuana. Locuenaye tima'a'me lan ximalo quinneja.

⁹ La'hua Moł its'al'cona'ma locuena sello. Tołta'a i'ipa amaque' lan sello lits'al'pola'. Aixim'mola' lił'alma lapimaye nimanapola'. Iñiya nepenufpá litaiqui' LanDios, uya'a'me, ihuej'me ite litaiqui'. Tołiya ixtuc'om'mola', ima'am'mola'. Iñiya lił'alma timana' al 'ocay jilpe al altar. Ite al altar ti'onłcospa to al altar petsi titsufcoyi LanDios.

¹⁰ Iñiya tija'ayi ujfxi, ticuis'eyi, timiyi LanDios: “Ima' małPoujna, illanc' omozó. Ima' umPaxi, ima' unLinca, aimofel'miyale. ¿Te ti'hua ticoł'mo'? ¿Te aimal—linc'iyaconga'? ¿Te aimoteł'miyacola' itne nałma'aponga'? Itne jouc'a lił'as xanuc' nomana' li'a lamats', ma' anuli lił'ejma'.”

¹¹ Anuli anuli ihniya nopalaijá tohta'a, umim'mola' afujca lihpjahua'. Timila': "Tehue'e' huata. Tí'hua tulunxajle. Tixhuai'ni'mola' lohpimaye, ihniya jouc'a imozó LanDios lihpoujna. Ihniya jouc'a tima'am'mola'. Tijoula' tima'antsola' linca cateh'mi'mola' ihne ninma'ahualepá, jouc'a ihniya nima'apolhuo' imanc'."

¹² Aixim'ma La'hua Moñ its'alcona'ma locuena sello. Tohta'a i'ipa acamts'us lan sello lits'alpola'. Ife'ne'ma acueca' cunanto. Cal 'ora i'i'ma umi umi, tocomma to lijahua' mipo'noyi nohuotsopá. Litojpa mut'la i'i'ma cunxali to lajuats'.

¹³ Lan xamna nomana' lema'a ecangolencia lamats'. Ihe li'ipola' lan xamna ti'onlcospa to lo'iya h'as 'icux mi'hua'ma ujfxi cahua', tife'ne hmané al 'ec, laxhuaica qui'as tecangolecu.

¹⁴ Lema'a ijuis'moxi to anuli al je'e, ijuisquim'me, ejac'e'moxi. Lijualay jouc'a lamats' isla, jahuay ihniya ihonc'em'me. Ailopa'a quipaneya pe lopa'a al te'a.

¹⁵ Li'ipa tohta'a jahuay lan xanuc' inulna'me. Emi'moñtsi lunts'ejay, jouc'a emi'moñtsi lijualay pe lopa'a lan tsilaj capic'. Ihne lan xanuc', ja'ni lan rey nocuxepá fa'a li'a lamats', ja'ni lan tsilaj xanuc', ja'ni lan tsilaj soldado nocuxepá lih'as soldado, ja'ni lan xanuc' ts'ih'hueca acueca', ja'ni acueca' quihpufxi, ja'ni notahuaicopá tipa'a lihpoujnalá, ja'ni ailopa'a quihpoujna, jahuay ma' anuli emi'moñtsi.

¹⁶ Tipalaic'oyi lijualay jouc'a lan tsilaj capic', timiyi: "Tonlacangolencia, alamitsonga'. Aimañsim'monga' ihque Nocutsuya jilpe lexpats'qui li'nof'quiya. Aimañtel'mi'monga' La'hua Moñ. Ihque ixtunni.

¹⁷ Joupa icuai'ma al Cuecaj Quitine. Ihne nulemma timuj'me lihpoyac'. ¿Te naitsi noxnet'lya?"

7

¹ Lijou'ma aixim'mola' amalujxi' lapaluc' quema'a tecaxolanna jilpe lam malpu' quiju' lamats'. Ihniya tipa'neyi lahua', aimitsufai'ma ni anuli quiju' lamats'. Aimi'hua'ma cahua' lamats'. Aimi'hua'ma cahua' aja. Aimi'hua'ma, aimifenna ni anuli al 'ec.

² Aixim'ma icuaico'ma ocuena capaluc' quema'a. Ihque tif'aqui pe laipammaiyomma cal 'ora. Itaic' lisello Limañ'i' CanDios. Tijoc'ila' lam malujxi' capaluc' quema'a, ihniya petsi joupa epenufpá lihmane timints'ele lamats', jouc'a timints'ele lopa'a jilpiya. Timints'ele aja jouc'a lopa'a jilpiya. Tipalaic'ola' ujfxi,

³ timila': "Toñ'huaicole. Aimoñmints'e'me lamats' ni lopa'a jilpiya. Aimoñmints'e'me ni anuli al 'ec. Ate'a lunanc'i'mola' cal sello hilepali ihniya no'epá lipenic' LanDios, ihque lihpoujna. Tijoula' toñtel'mi'mola' locuena' xanuc'."

⁴ Lijou'ma aicuej'ma tojua mimana' ihniya nepenufpá cal sello. Ixhuaitisola' amaxnuj coquej nuxans malujxij mil lan xanuc'. Lihatahueló ihniya inaxque' cal xans Israel.

⁵ Ihniya lunanc'impola' quilsello, limbamaj coquej mil ihne lihatahuelo cuftine Judá. Locuena'ye imbamaj coquej mil lihatahuelo cuftine Rubén. Locuena'ye imbamaj coquej mil lihatahuelo cuftine Gad.

⁶ Locuena'ye imbamaj coquej mil lihatahuelo cuftine Aser. Locuena'ye imbamaj coquej mil lihatahuelo cuftine Neftalí. Locuena'ye imbamaj coquej mil lihatahuelo cuftine Manasés.

⁷ Locuena'ye imbamaj coquej mil lihatahuelo cuftine Simeón. Locuena'ye imbamaj coquej mil lihatahuelo cuftine Leví. Locuena'ye imbamaj coquej mil lihatahuelo cuftine Isacar.

⁸ Locuena'ye imbamaj coquej mil lihatahuelo cuftine Zabulón. Locuena'ye imbamaj coquej mil lihatahuelo cuftine José. Locuena'ye imbamaj coquej mil lihatahuelo cuftine Benjamín.

⁹ Lijou'ma aixim'mola' axpela' lan xanuc' efoŷya jilpiya. Axpela' juaiconapa, aimi'ya moxhuej'meyacola'. Ilniya quiyouyomma jahuay lan nación lomana' li'a lamats', jahuay hileloŷya'. Ituca' ituca' litatahueló, ituca' ituca' litaiqui'. Ilniya tecaxingoŷanna tehuelojnyi lexpats'qui li'nofquiya, tehuelojnyi La'huaŷ Moŷ. Afujca itoqui litpijahua', il'noŷi litxanghue.

¹⁰ Tipalaiyi ujfxi, ticuayi:

“ŁanDios, Nocutsuya jilpe lexpats'qui li'nofquiya, jouc'a La'hua Moŷ, ma' ilniya aluntu'eponga'.”

¹¹ Jilpe lexpats'qui li'nofquiya, canumicay, timana' jahuay lapaluc' quema'a jouc'a lan tsilaj xanuc', jouc'a lam malujxi' lam paxi quinneja. Ilniya ix-pats'colenca ilimetsaijma ŁanDios.

¹² Ticuayi:

“Toŷta'a ti'ila', amén.

Ma' łalanDios limetsaico'me cal Cueca', ma' ilque almi'me:

'Ima' oxina' jahuay, ima' malanDios, ats'najtsi'ihuo',

ima' unCueca' Xonca, jahuay ti'i'ma to'e'ma, ima' xonca opujfxi, ima' aimopai'iyoxi.

Itsiya litine jouc'a locuaicoya quitine, toŷta'a mopa'a.'

Toŷta'a ti'ila', amén.”

¹³ Anuli ilne lan tsilaj xanuc' alicuis'epa, almi: “Ilniya lan xanuc' afujca itoqui litpijahua', ¿naitsi ilne? ¿Petsi quiyouyomma?”

¹⁴ Aitalai'e'e'ma, cami: “Maipoujna, ima' oxina’”. Ilque almi'ma: “Ilniya lipalyomma al cueca' cateŷcoya. Epajcopa litpijahua' lijuats' lixcuajaipa La'huaŷ Moŷ. Toŷta'a i'ipa afujca litpijahua', aicunxalaic'.

¹⁵ “Toŷiya itsiya tecaxingoŷanna tehuelojnyi lexpats'qui li'nofquiya pe łocutsuya ŁanDios.

Ilne itine ipuqui' ti'eyi lipenic' ŁanDios jilpe lipaxi quejut'ł.

Timanecu anuli ŁanDios, ilque Nocutsuya li'nofquiya, ilque ti'hua ti'e'mola' cuenna.

¹⁶ Aimunle'econayacu, aimicuiconaya quilja'.

Cal 'ora aimipi'econayacola', aimixinyacu ni toŷta'a quinu'.

¹⁷ La'hua Moŷ, ilque Nopa'a nolojmay laquiju' lexpats'qui li'nofquiya,

ilque ti'e'mola' cuenna, tixinnola' to imot'ł, ilque ilPoujna.

Tileco'mola' petsi laipayomma laja', iliya laja' tepi'ila' litpitine aimijouya.

ŁanDios tetufc'ena'mola' lilujay ilne lixanuc', aimijojconayacu.”

8

¹ La'huaŷ Moŷ its'alcona'ma hijoujma sello. Joupa its'alpola' lan caitsi sello. Lijou'ma jilpiya lema'a i-ch'ixco'mola'. Icoŷ'ma to nolojmay 'hora.

² Aixim'mola' acaitsi lapaluc' quema'a. Ilniya tecaxoŷanna tehuelojnyi jilpe pelopa'a ŁanDios. Ini'im'mola' acaitsi litrompeta. Anuli anuli i'noŷi litrompeta.

³ Icuaiyunnı ocuena capaluc' quema'a. Ecaxingai'ma jilpe al altar pe lopi'eyompa lipac'ec. Ille al altar ehuc'ocojma lexpats'qui li'nof'quiya. Łapaluc' quema'a i'noŷi lopi'ecompa lipac'ec, lilanc'ecompa a'oro. Epi'im'me acuecaj lipac'ec. Lepi'im'me tipi'eŷa' ma mixa'hueyi ŁanDios ilniya i'huexi. Ilne noxa'huepá, litaiquí ilniya jouc'a lipac'ec łopipa, tif'ajyomma jilpe al altar lilanc'ecompa a'oro.

⁴ Łapaluc' quema'a mejuaf'i'ma lipac'ec licuxis tif'aqui, jouc'a tif'aqui litaiquí lixanuc' ŁanDios, ilne noxa'huepá.

⁵ Lijou'ma łapaluc' quema'a i'noŷ'ma lopi'ecompa lipac'ec, ima'ne'ma cun-suac' lopa'a jilpe al altar, eca'ni'ma jilta'a lunsuac', ecangolencia lamats'. Lijou'ma tunalequi, tija'anni, tuxcuafi, ife'ne'ma inu'ma łunanto.

⁶ Lan caitsi lapaluc' quema'a, ihniya petsi anuli anuli tipa'a litrompeta, i'no' me litrompeta, tuna' me lan caitsi.

⁷ Cal te'a lapaluc quema'a tunay litrompeta. Iyuj'ma hi'ay cacui, jouc'a lunga ihuants'i cajuats'. Itque hi'ay cacui itel'mi'ma lamats'. Lamats' jouc'a cal 'ec' etelnufila' afane'. Anuli ipina'ma, tipanemma oque'. Laixhuaica pajac ipina'ma.

⁸ Locuenaj lapaluc quema'a tunay litrompeta. Tocomma to anuli hijuala lonajpa i'nijm'maitsi laja. To'ta'a anuli parte laja i'i'ma cajuats', oquej parte a'i.

⁹ Jilpe laja ts'ihmaf'i' nomana' jilpe lajuats' caja imana'mola'. Nomana' jilpe al c'a caja timanemma ihmaf'i'. Ma to'ta'a ejac'pola' lan tsilaj barco lomana' laja.

¹⁰ Locuena lapaluc quema'a tunay litrompeta. Joupa i'ipa afantsi nunapa. Anuli cal cuecaj xamna ecangenni lema'a. Itque cal xamna tunaqui, tocommma oli, ecangaf'caita cal panay jouc'a petsi laipayomma lajay. Tipa'a petsi licajm'maitsi, petsi a'i. (To'ta'a ja'ni anuli al pana' ixim'ma lonajpa, timanemma oque' cal panay petsi aiqixim'me to'ta'a.)

¹¹ Itque cal xamna cuftine Acuaj Ajenjo. (La'hua c'ec ajenjo, itque acuá juaiconapa.) Ni petsi lechangaf'caita lonajpa cal xamna, laja' i'ipa acuá to ajenjo. Lan xanuc' lixna'me al cua caja' imana'mola'.

¹² Locuenaj lapaluc quema'a tunay litrompeta. Joupa i'ipa amalujxi' nunapa. Luna'apa litrompeta iminscom'mola' cal 'ora, cal mut'la, lan xamna. Cal 'ora tocommma etelnufila' afane', anuli aiquepalc'o'. Jouc'a cal mut'la etelnufila' afane'. Anuli aiquepalc'o', oque' epalc'ola'. Jouc'a lan xamna, ja'ni anuli aiquepalc'o' oque' ti'hua tepalc'ola'. To'ta'a ma micoli litine amalpuj hora i'ipa pangay muf. Ma' anuli lipuqui'. Tipa'a amalpuj hora joupa imufc'opa, aiquepalc'ola' cal mut'la ni lan xamna.

¹³ Lijou'ma aixim'ma anuli cal cui tiyu lema'a. Tiyu malpe pe lo'iyoya cal 'ora menac'o. Aicuejpa loya'apa, ticua: "Aijc'a lo'iya, aijc'a lo'iya, aijc'a lo'iya. Linca acuanuc'la lan xanuc' nomana' li'a lamats'. Muna'me litrompeta locuenaye lam fantsi lapaluc' quema'a acueca' juaiconapa lo'eyacola' lan xanuc', acueca' tite'co'me."

9

¹ Locuena lapaluc quema'a tunay litrompeta. Joupa i'ipa amajxi' nunapá. Aiximpa anuli cal xamna joupa ecangeyomma lema'a icuai'ma li'a lamats'. Itque cal xamna epi'impá liyahui al cuecaj pu'hua cuftine al Abismo. Jilpiya timana' lontahue.

² Exi'e'ma al cuecaj pu'hua. Lijoupa lexi'epa tif'aqui hipicuxis ti'on'cospa to hipicuxis al cueca' capa. Itque hicuxis tipa'ne cal 'ora, imufc'o' li'a lamats'.

³ Malpe hicuxis ticalumma lan xa'mut'l. Ni petsi li'a lamats' icuaiyunca ihniya lan xa'mut'l. Epi'impola' li'lane ti'ete to lo'epa linnaispo lomana' li'a lamats'.

⁴ U'im'mola': "Ma le'a to'tel'mitsola' lan xanuc' petsi aiqultaic' hilepali lisello LanDios. Al pajac, jouc'a laxhuaica lilapola, jouc'a cal ec', aimote'el'mi'mola' ihna'a."

⁵ To'ta'a ihniya lan xa'mut'l epi'impola' li'lane tite'mile lan xanuc' petsi aiqultaic' hilepali lisello LanDios. Lan xa'mut'l aimima'a'me, ma tite'el'mi'me. Amaque' mut'la ti'hua tite'el'mi'me lan xanuc', tummi'i'me hilitac'. Anuli anuli ihniya lipitac tumlej'ma to lipumla lipitac linnaispo.

⁶ Ihniya litiné lan xanuc' notelcopá to'ta'a tehue'me te co'iya mimayacola'. Aimixinyacu. Aimi'iya mimayacola'.

⁷ Ihniya lan xa'mut'l ti'on'cospola' to laihuale joupa itats'empola' tiye'me lafuleya. Itaic' hajuac tocommma acorona lilanc'ecompa a'oro. Li'a ti'on'cospa to li'a cal xans.

⁸ Liñjuac ti'onłcospa to liñjuac lacał'no', liñ'ay ti'onłcospa to li'ay calxmu.

⁹ Itaic' liñcoraza tocoma to lilanc'ecompa atejma'. Liñxala' tuna'e' to lona'apa axpej carro minul'me, to mexat'lu'me lai huale tinulyi tifuleta.

¹⁰ Tipa'a liñpo ti'onłcospa to lipo linnaipo, itaic' lipitac titeł'mico'me lan xanuc'. Ti'hua titeł'mi'me lan xanuc' amaquej mut'ła.

¹¹ Tipa'a liñrey ticuxela'. Iñque epaluc al cuecaj pu'hua. Lipuftine ataiqui' hebreo ticua: Abadón. Ataiqui' griego ticua: Apolión. Iñ laftine lohualquemma tuya'e': Iñque tejac'eyale.

¹² Tołta'a lilełcopa lan xanuc' lunapa litrompeta łapaluc quema'a, iñque cal majxi. Tehue'e' locuenaye oquexi' łapaluc' quema'a tunate litrompeta, titełcocona'me lan xanuc'.

¹³ Locuena łapaluc quema'a tunay litrompeta. Joupa i'ipa acamts'us nunapá. Aicuej'ma tipalquinni. Iñ lataiqui' qui'huayomma jilpe lam malpu' liju' al altar lilanc'ecompa a'oro, iñya al altar ehuoc'ocojma pe lopa'a LanDios.

¹⁴ Tipalaic'o łapaluc quema'a ts'i'noli litrompeta, iñque cal camts'us, timi: "Tox'mastsola' lam malujxi' capaluc' quema'a iñne lifingolila' jilpe al cuecaj pana' cuftine Éufrates".

¹⁵ LanDios joupa ixpic'epa tej hora, te quitine, te mut'ła, te camats' tux'mas'mola' iñniya łapaluc' quema'a. Iñne ti'huaicoyi. Itsiya joupa ixhuaita al 'hora. Ux'masquim'mola' tima'antsola' lan xanuc'. Aimima'anyacola' jahuay. Petsi tima'a'me anuli timanecu ts'iłmaf'i' oquexi'.

¹⁶ Iñne łapaluc' quema'a timana' liñsoldado ilenafcolaic' lai huale. Uya'am'me tojua mimana', aicuej'ma. Timana' oquej maxnu millón.

¹⁷ Tołta'a lałmuc'ipa LanDios. Aixim'mola' lai huale jouc'a nocutsafcolanna. Iñniya iñjojma liñcoraza. Timana' liñjojma liñcoraza unxali to łunga, jouc'a petsi liñjojma umi azul, jouc'a liñjojma ata'enca to łazufre. Liñjuac lai huale toco'ma to liñjuac lanxmuhua. Liñco tipamma cunga, quicuxis, jouc'a łazufre.

¹⁸ Iñ laipayomma liñco lai huale, iñniya łunga, licuxis jouc'a łazufre ima'a'mola' lan xanuc'. Pe lima'am'me anuli timanecu oquexi' ts'iłmaf'i'.

¹⁹ Iñniya lai huale liñpo tipa'a liñjuac to liñjuac łainofal. Iñ liñjuac tipa'a liñco ticaconnila' lan xanuc'. Tołta'a acueca' lo'epa iñna'a liñco quilpo, titeł'miyaleyi juaiconapa.

²⁰ Lan xanuc' lomanemma ts'iłmaf'i', iñniya petsi aikuima'ala' łunga ni licuxis ni łazufre, iñniya aikuilsuej'meya li'epa. Aiquilnesqui: "Al'epa a'ijc'a. Añanc'epola' lalandiosla'." Iñne lan xanuc' ti'hua tihuejyi lontahue. Ti'hua text'onłingolaiyi landiosla' lilanc'ecompola' a'oro, aplata, abronce, apic o a'ec. Iñna'a lacui'impola' landiosla' aimi'iya mixinyacu, aimi'iya miquimf'eyacu, aimi'iya miyeyacu.

²¹ Jouc'a ti'hua tima'ahualeyi, ti'hua tilotsocoyołtsi, ti'hua tehueyi quilecał'no', ti'hua tinantseyi. Iñne aikuilsuej'meya li'epa tołta'a.

10

¹ Aixim'ma ocuena capaluc quema'a, xonca ipujfxi, timuyomma lema'a. Iju'icoya cummahuay. Tipo'nof'iya liñjuac anuli lupaje. Li'a ti'onłcospa to cal 'ora tunts'ifqui. Li'mitsi' tocoma to liñpał cunga to munaj'ma al puc'o c'ec.

² I'noli limane to la'hua je'e uxmalai'f'quiya. Al c'a camane li'mis tecaxc'o łaja, lipoxa camane qui'mis tecaxu łamats'.

³ Ipalai'ma ujfxi tocoma to mija'a'ma calxmu. Lipalai'ma jouc'a una'a'mola' lan caitsi quetumi.

⁴ Luna'apola' lan caitsi quetumi coła' quinił'ma loya'apa iłniya. Aicaininiłi. Aicuej'ma tipalay anuli nopa'a lema'a. Ałmi: "Aimainiłijm'ma linespa lan caitsi letumi. Aimo'itola' lan xanuc'."

⁵ Lijou'ma łapaluc quema'a, małque łaiximpa tecaxc'o łaja tecaxu łamats', i'nif'ma al toncay al c'a quimane, enas'ma lema'a.

⁶ Icuaj'mi'ma lipuřtine Łimař'i' CanDios, iłque aimimaya, małque Nilanc'epa lema'a y jahuay lopa'a jilpiya. Jouc'a ilanc'epa li'a łamats', łaja y jahuay lopa'a. Ticua łapaluc quema'a: "Aimicołconaya.

⁷ Ai'a tuna'a'ma litrompeta lijoujma capaluc quema'a, iłque cal caitsi, ti'i'ma to loya'apa lemiya cataiłqui' iłe lonescopa lixpıc'epa ŁanDios. Iłe lataiłqui' ŁanDios jounpa u'ipola' liprořeta, iłniya no'epá lipenic' iłque liłPoujna."

⁸ Iłque tipalay jilpe lema'a jounpa aicuej'ma tipalqui. Małque ałpalaic'oconapa, ałmi: "To'huała'. To'nołta al je'e loxmalaif'quiya jilpe limane łapaluc quema'a, iłque tecaxc'o łaja tecaxu łamats'."

⁹ Ai'huaħuo'ma. Cacuaitsi pe lopa'a łapaluc quema'a, cami: "Ałni'ila' la'hua je'e". Ałmi: "To'nołta', totela'. Moteja toxim'ma ani'i to al cujua. Ticuaitsi locu'u ti'i'ma acuá."

¹⁰ Ai'noł'ma la'ħuaj je'e lopa'a limane łapaluc quema'a. Ai'nico'ma laico, aite'ma. Laico i'i'ma ani'i to al cujua. Lijou'ma lainuc'ma laicu'u i'i'ma acuá.

¹¹ Lijou'ma ałmim'ma: "Toya'acona'ma loxpıc'epa ŁanDios. Tonesco'mola' lan xanuc' ituca' ituca' iłelolıya', ituca' ituca' liłnación, ituca' ituca' liłtaiłqui'. Jouc'a topalaico'mola' axpela' lan rey."

11

¹ Ałnim'ma al jaxa to al 'ec loxpıjcompa. Ałmi: "Totsahuenni. Toxpıjta lipaxi quejut'ł ŁanDios. Toxpıjta jouc'a jilpe al altar lopi'eyompa lipac'ec. Toxħuej'metola' jilpiya laxc'onłingolanna.

² Łipuna jilpe lipaxi quejut'ł ŁanDios aimoxpıjta. Łuna a'ij paxi, iłe ił'ħuexi locuenaye lan xanuc'. Iłniya tetets'i'me al Paxi Quilıya', ticuxenai'i'me lixanuc' iłe liłya' oquej nuxans coquej mut'ła.

³ Oquexi' laixanuc' łapalaicopa iya', capi'i'ımola' quilmane tuya'a'me laitaıłqui'. Tipo'no'me liłpijahua' umi. Imbamaj coquej maxnu afanej nuxans quitiné tuya'a'me al cueca' laixpıc'epa ca'e'ma."

⁴ Iłniya ti'onłcospola' to loque' lan 'ec' olivo, jouc'a ti'onłcospola' to loque' lepalc'o' lacaxolanna pe lopa'a ŁanDios iłque aPoujna jahuay li'a łamats'.

⁵ Ja'ni naitsi tixpıc'eł'a' tixcai'etsola' iłniya loquexi' lan xanuc', tipahuo cunga liłco, iłque ĩlunga tima'a'ma no'eya lixcay. Tołta'a titeł'mim'mola', tima'am'mola' petsi naıxtuc'opá.

⁶ Iłniya loquexi' lan xanuc' epi'impola' liłmane teti'i'me lema'a, aim-icuiconaya. Łitiné muya'ayi iłiya lixpıc'epa ŁanDios, muya'ayi lo'eya, jahuay iłne liłtiné aimicuiconaya. Jouc'a epi'impola' liłmane tipai'ıłe łaja', ti'ila' ajuats'. Jouc'a titeł'miłe łamats', tepi'ınłe ni tıntsi cuana. Iłniya, litine tixpıc'ełe ti'ełe tołta'a, ti'i'ma ti'e'me, tijouł'a' ti'econa'me.

⁷ Iłniya loquexi' nopalaicopá Jesucristo, tijou'nela' loya'apa ticuaiħuo cal Cuecaj Quinneja łapayomma al cuecaj pu'hua lacui'ımpa al Abismo. Iłe ĩinneja tifule'ma, tulij'mola', tima'a'mola'.

⁸ Liłcuerpo timanecu jilpe łaneya al Cuecaj Quilıya'. Jilpe liłya' jouc'a tecui'inni liłya' Sodoma, o łamats' Egipto. Lixanuc' lił'ejma' ti'onłcospa to lił'ejma' lan xanuc' nimajmpá liłya' Sodoma jouc'a łamats' Egipto. Małpiya liłya' jouc'a ima'a'me łalPoujna, epałts'ijmpa lancruz.

⁹ Jilpiya timana' lan xanuc' quiyoyomma ni petsi li'a łamats', ituca' ituca' liłtataħueló, ituca' ituca' liłtaiłqui', ituca' ituca' liłnación. Iłniya lan xanuc' afane'

quitine y onlca tehuelojnyi ihniya nomapola'. Ticua: "Aimalapi'iyacola' lane meminyacola".

¹⁰ Lan xanuc' nomana' li'a lamats' tixoc'iyotssi quileta. Ti'eyi lijuic, tepi'iyotssi. Ticuayi: "Joupa imapola' ihniya loquexi' lam profeta. Aimaltel'miconayaconga'. Aimalmiconayaconga': Tofta'a lixplic'epa LanDios."

¹¹ Tijoutsi lam fane' quitine y onlca LanDios imaf'i'ina'mola' ihne loquexi' nomapola', ecaxolconame. Petsi nehuelojmpá ixpailij'mola' juaiconapa.

¹² Ihne loquexi' limaf'i'ina'polo' icuej'me tipalay ujfxi pu'hua lema'a, timila': "Toftajcunca fa'a". Ma mehuelojnyi naixtulepá anuli hummahuay if'ac'e'mola' lema'a.

¹³ Mañe 'hora inu'ma acueca' cunanto. Eteñufipa liña' imbama'. Anuli ecan-genni. Iñque ñunanto ima'a'mola' acaitsij mil lan xanuc'. Petsi nomanemma ts'ihmaf'i' ihniya ixpailij'mola' juaiconapa. Imetsaicoco'me ma' acueca' LanDios Nopa'a lema'a.

¹⁴ Tofta'a litlecopa lan xanuc' luna'apa litrompeta locuena lapaluc quema'a, iñque cal camts'us. Tehue'e' locuena'ya lapaluc quema'a tuna'aña' litrompeta, titeicocona'me lan xanuc'. Ñe lo'iya aimicoña.

¹⁵ Locuena lapaluc quema'a tunay litrompeta, iñque cal caitsi. Jiñpe lema'a tipalaiyinni ujfxi, ticuayi:

"Itsiya i'ipa, itsiya ñalanDios y ñiCristo ticuxeyi jahuay li'a lamats'. Cristo ti'hua ticuxe'ma, aimijouya locuxeya."

¹⁶ Lan nuxans malujxi' lan tsilaj xanuc' nomana' lehuoc'ocojma LanDios ticutsoñana. Anuli anuli ticutsu lipexpats'qui li'nofquiya, jahuay ihniya ixpats'olai'me, imetsaico'me LanDios cal Cueca' Xonca.

¹⁷ Timiyi:

"Ima' manDios, ima' malPoujna, ima' xonca uncueca', tocuxe jahuay.

Ima' ma' itsiya topa'a, topa'a li'ipa.

Itsiya aña'ñajtsi'ihuo', ima' añmuc'iponga' acueca' lomane, tocuxe jahuay.

¹⁸ Lan xanuc' pe aiquimetsaicohuo' tixtuc'ohuo', icuai'ma litine toteñ'mi'mola'. Limanapola' tefot'ñe'motssi pe lofpa'a ima' iñjuez, tepi'i'mola' liñjunac'.

Jouc'a lam profeta ihne ni'epá lopenic' ima' iñPoujna, tapi'i'mola' lolijyacu.

Ma' anuli tapi'i'mola' loxanuc' ihne o'huexi ima', mañe petsi naihuejcopo' tapi'i'mola' lolijyacu.

Ja'ni lan tsocay, ja'ni lan tsilaj xanuc', tapi'i'mola' lolijyacu.

Petsi neteña lamats' toteñ'mi'mola' tejac'em'mola'."

¹⁹ Exi'em'me al Paxi Lugar pu'hua lema'a pe lopa'a LanDios. I'huáqui jiñpiya al caxax. Jiñpe al caxax ipo'nompalapic' linilingiya lataiqui' lixplic'epa LanDios lo'eyacu lixanuc'. Mañe 'hora ipango'ma tixcaflay, iquimf'em'me tipalquinni, tunalequi. Inu'ma ñunanto. Juaiconapa icui'ma qui'ay cacui.

12

¹ Lijou'ma i'huátsi jiñpe lema'a acueca' y axpaiqui'. Jiñpe imaxcaita anuli ñaca'no', ijui'icoya hiñpepañ cal 'ora. Cal mut'ña tipa'a al 'ocay li'mitsi'. Lijuañ tipa'a licorona imbamaj coque' lan xamna.

² Innay ñaca'no'. Joupa tumlec'o, tipo'no'ma ñi'hua. Tija'e'.

³ Lijou'ma i'huátsi jiñpe lema'a ocuena'ya acueca' caxpaiqui'. Ipiya tipa'a anuli cal cuecañ coyac' quinnejaja to cal cuecañ caimu. Tipa'a ñixala'. Linnejaja cuftine cal Dragón. Iñque cal dragón unxali to ñunga. Tipa'a acaitsi hiñjuac, imbama' hiñpecala'. Lijuañ tipa'a acaitsi lan tsocay quicorona.

⁴ Lipo textat'ñucola' lan xamna nomana' lema'a. Afantsi lan xamna textat'ñuhua anuli. Teca'ñila' lamats'.

Cal dragón ecaxingai'ma ñaca'no' nopo'noya qui'hua. Tipajntsi ñi'hua tite'ma.

⁵ Łaca'no' umof'ma. Ipajntsi ħ'hua amijcano. Ĩque ticuxe'mola' lan xanuc' nomana' li'a łamats'. Ipujfxi ticuxe'mola'.

Li'hua łaca'no' exic'e'empa, ilecom'me al toncay lema'a pe lopa'a ŁanDios, ilecom'me jilpe pe lopa'a lexpats'qui li'nof'quiya.

⁶ Łaca'no' inu'ma pe ailopa'a quilya'. Jilpe ŁanDios lilanc'epa lopanc'eya. Tipajnta imbamaj coque maxnu afanej nuxans quitine. Jilpe tites'minna.

⁷ Lijou'ma jilpe lema'a aixim'ma lipango'ma al cuecaj cafuleya. Cal cuecaj capaluc quema'a cuftine Miguel y lif'as capaluc' quema'a jouc'a cal dragón y lipontahue tifuli'iyot̃si.

⁸ Cal dragón y lipontahue ailopa'a quijpujfxi, aiculij'me. Ĩpiya lema'a aimimajnconayacu.

⁹ Ipa'am'me jilpiya cal cuecaj dragón, łainofał nopa'a al te'a. Ĩque łecui'impa loque' lipuftine: Łonta'a, jouc'a Satanás. Tifel'mila' lan xanuc' ni petsi nomana' li'a łamats'. Ĩne cal dragón y lipontahue eca'nim'mola', icuaitsa li'a łamats'.

¹⁰ Aicuej'ma tipalquinni ujfxi jilpiya lema'a, ticua:

“Ĩsiya linca imuj'moxi nulemma łalanDios, małque Łalunłu'eponga', Ĩque acueca' lo'epa, ticuxe.

Jouc'a ħiCristo imuj'moxi icueya limane.

Joupa eca'nimpa łonta'a Satanás, ticufquila' lapimaye.

Ipuqui' itine tipalaic'o ŁanDios, ticuxecola'.

¹¹ Ła'huaj Moł joupa ixcuajaipa lijuats', tołta'a lapimaye joupa ulijpá.

ŁanDios aiciquimf'e lonescopola' łonta'a.

Joupa ilaitsufcola' Ĩne nuya'apá litaiqui',

ĩne aiciquixim'me acuanuc' Ĩlipitine, icu'mołtsi, ima'am'mola'.

¹² Tixojla' cunlata jahuay imanc' nołmana' lema'a, jilpiya ailopa'a łonta'a y lipontahue.

Linca ituca' lo'iyoya łamats' y łaja.

Jilpiya ti'i'ma acueca' latełcoya, łonta'a joupa imumma,

juaiconapa tixtu'hua, ixina' ahuata ticol'ma.

¹³ Cal dragón liximpoxi joupa ecangemma, tipa'a li'a łamats', ipango'ma ihuejtsoj'ma łaca'no', Ĩque nipo'nopa łamijcano.

¹⁴ Ipo'no'im'me łaca'no' oque' łixala' to łixala' cal cuecaj cui, tiyułta' pe lopanc'eya, jilpiya pe ailopa'a quilya'. Jilpe tites'minni afanej y onłca camats'. Łainofał aimixinya.

¹⁵ Lixpula' łaca'no' inacafipa caja' łainofał, tocomma acuecaj pana', ticua: “Ĩiya al pana' nulemma tinus'ma łaca'no'”.

¹⁶ Łamats' itoc'i'ma łaca'no'. Epanni łamats', inuc'ma laja' laipamma lico łainofał.

¹⁷ Cal dragón, ixtuc'o'ma łaca'no'. I'hua'ma ehuet̃sola' locuenaye linaxque' łaca'no', Ĩne nocuec'epá locuxepa ŁanDios, tuya'ayi litaiqui' Jesús, ihuej'me Ĩque.

¹⁸ Cal dragón ecaxhuai'ma łema caja.

13

¹ Aixim'ma anuli cal cuecaj coyac' quinneja ipamma jilpe łaja. Tipa'a acaitsi ħjuac, imbama' lipecala'. Lipecala' timana' imbama' lan tsocay corona. Anuli anuli ħjuac inilingiya anuli laftine. Ĩne laftine tetets'iyi ŁanDios.

² Ĩque cal cuecaj coyac' quinneja łaixim'ma ti'onłcospa to cal tigre. Li'mitsi' ti'onłcospa to li'mitsi' cal oso, lico ti'onłcospa to lico calxmu. Cal dragón łacaxuya łema caja epi'i'ma acueca' quimane cal cuecaj coyac' quinneja. Tepi'i' lane ti'i'ma ti'e'ma al cueca', a'ujfxi ticuxe'ma.

³ Aixim'ma cal cuecaj coyac' quinneja anuli hjuac tocomma imac', to ima'acompa acutsilo. Lijou'ma lixcaipa ixatconapa, imaf'inapa ihiya hjuac. Jahuay lan xanuc' nomana' li'a lamats' ticuayi acueca' li'ipa cal cuecaj coyac' quinneja, tihuejyi.

⁴ Texc'onlingolaiyi cal dragón, itque lepi'ipa limane cal cuecaj coyac' quinneja. Jouc'a texc'onlingolaiyi cal cuecaj coyac' quinneja, ticuayi: "Ailopa'a co'onlcoya cal cuecaj quinneja. Aimi'iya muliyacu."

⁵ Cal cuecaj quinneja epi'im'me lane tipalaila' atsilaj cataiquí, tinesla' latets'icopa LanDios. Epi'impa lane ticuxe'ma oquej nuxans coque' mut'la.

⁶ Ipango'ma inesc'e'ma LanDios. Tetets'i lipuftine LanDios, tetets'i pe lopa'a LanDios, tetets'ila' nomana' jilpe lema'a.

⁷ Epi'impa lane tifuli'itsola' lixanuc' LanDios, ihniya i'huexi LanDios, tulij'mola'. Epi'im'me limane ticuxetsola' jahuay locuenaye lan xanuc', ilne ituca' ituca' litatahueló, ituca' ituca' litaiqui', ituca' ituca' linnación.

⁸ Ihniya lan xanuc' nomana' ni petsi li'a lamats' texc'onlingolai'me cal cuecaj quinneja. Ihniya petsi naxc'onlingolaiyacu lipuftine aiqunihingiya lije'e La'huaj Moł. Itque La'huaj Moł lilajmpa li'a lamats' tocomma to joupa ima'ampa, itsufcompa.

⁹ Naitsi nocuejpa tiquimf'eła' lataiqui' loya'apa:

¹⁰ "Ja'ni joupa ixpic'empa titats'entso' o tima'aconto' acutsilo, ma titats'enno', tima'aconno' acutsilo".

Mitelcoyi tołta'a ilne petsi i'huexi LanDios, ihniya timujyoltsi ti'huaiyijnyi LanDios, tixnet'l'me.

¹¹ Aixim'ma ocuena cal cuecaj coyac' quinneja, tipayomma lamats'. Tipa'a oquej lipecala' to lipecala' la'huaj moł. Tipalay to cal dragón.

¹² Tipa'a acueca' limane to limane cal te'a' cal cuecaj coyac' quinneja. Mehuelonge cal te'a' quinneja ma' anuli lo'epa locuena. Ticuxela' nomana' li'a lamats' texc'onlingolai' cal te'a' cal cuecaj coyac' quinneja, itque lixatconapa lixcaipa, imaf'inapa.

¹³ Timuc'ila' lan xanuc' al cueca' lo'epa. Tijoc'i' tecangenni lunga lema'a, ticuaiyunni lamats'.

¹⁴ Lijoupa lepi'icompalimane ti'eła' al cueca'. Tołta'a ti'ay ma mehuelonge lif'as quinneja. Tifel'mila' lan xanuc' nomana' li'a lamats'. Timila': "Tołhanc'ele anuli lolandios, ti'onlcota to itque cal cuecaj coyac' quinneja. Itque ima'acompa acutsilo, ijou'ma imaf'ina'ma."

¹⁵ Ilanc'epá ilendios. Lijou'ma epi'impa limane locuenaj cal coyac' quinneja timaf'i'ila' ilendios, tipalaila', ticuxela'. Ticua: "Petsi aimexc'onlingolaiyi cal cuecaj coyac' quinneja tima'antsola'".

¹⁶ Locuena quinneja ticuxe'ela' jahuay lan xanuc' tepenufle quilseña al c'a quilmane o hilepali. Ticuxe ti'e'entsola' jahuay lan xanuc', lan tsocay jouc'a lan tsila', petsi ts'il'hueca jouc'a petsi aiqul'hueca, petsi ailopa'a quilpoujna, ti'eyi canic' quiluca', jouc'a lam mozó ilne tipa'a lipoujna. Ma' anuli ipo'ninc'e'em'mola' quilseña.

¹⁷ He litseña tepi'ila' lane ti'na'me, ticuj'me. Petsi ailopa'a quilseña aimi'iya mi'najacu, aimi'iya micujyacu. He al seña ipuftine cal coyac' quinneja o linúmero.

¹⁸ ¡Tołcuc'e! Naitsi itque ts'ipicuejma' tixhuj'mela' linúmero cal cuecaj coyac' quinneja. He al número inúmero xans, a'i quinúmero LanDios. Acamts'us maxnu afanej nuxans camts'us, 666, ilne linúmero cal cuecaj coyac' quinneja.

14

¹ Lijou'ma aixim'mola' Ła'hua Moł jouc'a anulij maxnu oquej nuxans malujxij mil lan xanuc' tecaxhuołanna jilpe hijuala cuftine Sión. Ihe lam maxnu oquej nuxans malujxij mil lan xanuc' tinilijnya hilepali iłtaic' lipuftine Ła'huaj Moł jouc'a lipuftine qui'Ailli'.

² Aicuej'ma jilpe lema'a petsi lonapa lił'harpa. Aicuej'ma tuna'e' juaiconapa to mipahuo laja' axpe' cal panay o to muna'a'ma łetumi.

³ Ihe petsi nonapá lił'harpa timana' jilpe lehuoc'ocojma' lexpats'qui li'nof'quiya, lehuoc'ocojma' pe lomana' lam malujxi' lam paxi quinneja, lehuoc'ocojma' pe lomana' lan tsilaj xanuc'. Jilpe tunac'yi al ts'e canción, ituca'. A'i jahuay lan xanuc' mihuic'iyacu iłiya al ts'e canción. Tihuic'i'me ma le'a lam maxnu oquej nuxans malujxij mil lan xanuc', ihe li'napola' ŁanDios, i'epola' ixanuc'.

⁴ Ihe aiqulixis'mecoyołtsi, aiqulihuequi lacał'no'. Ti'onłcospola' to lamijcanó, ma tihuejyi Ła'huaj Moł ni petsi lotseya. I'nampola', joupa ixanuc' ŁanDios. Aimi'onłspola' to locuenaye lan xanuc' nomana' li'a łamats'. ŁanDios jouc'a Ła'huaj Moł epenuf'mola' to cal te'a hipammaita litsufcompa.

⁵ Iłniya aimifel'miyaleyi. Tinesyi ma le'a al linca. Ailopa'a quiljunac'.

⁶ Aixim'ma anuli łapaluc quema'a tiyu małpe locuaiya cal 'ora ti'ila' menac'o. Iłque tuya'e' Lataiqui' loya'apa iłe al c'a lixpicepa ŁanDios. Małe Lataiqui' aimipaicoya. Tuya'e' ticuejle jahuay lan xanuc' nomana' ni petsi li'a łamats'. Ihe lan xanuc' ituca' ituca' liłnación, ituca' ituca' liłtatahueló, tipalaiyi ituca' ituca' liłtaiqui', ituca' ituca' liłpifełołya'.

⁷ Łapaluc quema'a tipalay ujfxi, timila': "Imanc', tolimetsaicołe ŁanDios. Tołmife: Ma' ima' cotuca' manDios. Joupa icuai'ma litine, tipango'ma lipenic' cal Cuecaj Juez. Iłque ilanc'epa lema'a, li'a łamats', laja, jouc'a ilanc'epa laipayomma łajay. ¡Tolaxc'onłingotaile!"

⁸ Ihuequi łocuena capaluc quema'a ticua: "Al cuecaj quilıya' Babilonia joupa ecangemma nulemma etełquemma. Liłya' ti'onłcospa to lixcay caca'no', tifel'mila' lan xanuc' ni petsi liłnación. Ihe lan xanuc' tihuejyi to lamac'ta quisnaye. Linca ŁanDios joupa iteł'mipa liłya'."

⁹⁻¹⁰ Tihuequi łocuena capaluc quema'a, lo'icoya afantsi. Tipalay ujfxi, ticua: "Lan xanuc' joupa exc'onłingotaipá cal cuecaj coyac' quinneja jouc'a cal imagen lilanc'epa lan xanuc'. Iłque cal imagen lo'onłcospa to iłque linneja. Małniya lan xanuc' nexc'onłingotaipá tołta'a iłtaic' hilepali o liłmane quılseña. Iłniya a'i munłu'enyacola'. Tixim'me ma tixtuc'ola' cal Cuecaj CanDios. Aimixinyacola' acuanuc'la. Titeł'mico'mola' ipał cunga y azufre. Lam paxi capaluc' quema'a jouc'a Ła'huaj Moł tixinim'mola' mitełcoyi. Aimitoc'inyacola'.

¹¹ Iłpiya lotełcoyopa iłe łunga lipicuxis ti'hua tif'aqui, aimipica łunga. Petsi notełcopá jilpiya aimunxajyi, ipuqui' itine ti'hua titełcoyi. Tołta'a titełco'me petsi naxc'onłingotaipá cal cuecaj coyac' quinneja, jouc'a naxc'onłingotaipá cal imagen, iłque lo'onłcospa to iłque linneja. Małniya lan xanuc' epenufpá liłseña, iłe linúmero cal cuecaj coyac' quinneja."

¹² Linca lixanuc' ŁanDios, ihe li'huexi, ituca' lo'eyacu. Ihe tihuejcoyi locuxepa ŁanDios, ti'hua ti'huaiyijnyi Jesús.

¹³ Aicuej'ma anuli tipalay jipu'hua lema'a, ałmi: "Tainiłła' laifmipo': Itsiya ipangocopa tixoj'ma quileta jilhe limanapola' mi'huaiyijnyi łatPoujna Jesús." Cal Espíritu Santo ticua: "Al linca locuapa. Ihe aimi'econayacu canic'. Tunxajyi. ŁanDios ti'nujuaitsila' al c'a li'epa mimana' li'a łamats'."

¹⁴ Ma cahuelonge aixim'ma anuli cal fujca cummahuay. Jilpe hummahuay ticutsafya anuli ti'onlcospa to cal xans. Ilpe lijuac itaic' licorona ilanc'ecompa a'oro. Limane inic' li'hoz juaiconapa ix'ay.

¹⁵ Locuenaj capaluc quema'a quipayonni al paxi quejut'l LanDios. Tipalay ujfxi. Tipalaic'o locutsafya hummahuay, timi: "Ilpe lamats' tacanc'ola' lo'hoz. Tatejla' cal trigo. Cal trigo lopa'a li'a lamats' joupa unta'amma, ixhuaita litine cafot'leya, tatejla'."

¹⁶ Locutsafya hummahuay tecanc'o' li'hoz, tetequi cal trigo lopa'a jilpiya li'a lamats'.

¹⁷ Ipanni locuena capaluc quema'a qui'huayomma al paxi quejut'l LanDios, ile lajut'l lopa'a lema'a. Jouc'a inic' li'hoz juaiconapa ix'ay.

¹⁸ Locuena capaluc quema'a ipanni jilpe pe lopa'a al altar. Ilque lapaluc quema'a ticuxe lunga. Tipalay ujfxi, tipalaic'o lif'as capaluc quema'a, ilque inic' li'hoz. Timi: "Tacanc'ola' lo'hoz, ile ix'ay. Tatejla' fixcala' uva lopa'a jilpe li'a lamats'. Joupa imajpa."

¹⁹ Lapaluc quema'a tecanc'o' li'hoz jilpe li'a lamats'. Tetequi ilne fixcala' uva, tefot'le lan uva, ti'nij'mi jilpiya al cueca' loxojyoya, tipa'am'me lijya'. Jilpiya loxojyoya timuj'ma lipoyac' LanDios.

²⁰ Tipa'a lema quilya' petsi loxojyoya lan uva. Ilpe i'huailejyompa. Ipanni lajuats' to al cuecaj pana'. Lipitoqui linu'ma ihya lajuats' tixhuaispa anulij mil acamts'us maxnu estadio. (Ihya al estadio loxpijcopa lan xanuc' mimana' ihya litiné. Anulij mil acamts'us maxnu lan estadio tixhuaispa to oquej maxnu malpuj nuxans paico lan kilómetro.) Lipiculhuo ilpe lajuats' tuntsac'aispa litco laihuale.

15

¹ Aixingona'ma ile al cueca' caxpaiqui' jilpe lema'a. Timana' acaitsi lapaluc' quema'a itaic' lan caitsi catecoya. Ilne lijoucola' latecoya. Tijoutsola' ihna'a latecoya, LanDios joupa ixhuai'nipa lipoyac'.

² Aixim'ma tocomma to laja ilanc'ecompa apulu ihuants'i' cunga. Ilpe laja lilanc'ecompa apulu tecaxolanna lan xanuc' nulijpa' cal cuecaj coyac' quinnejá. Ilne aikuexc'onlingolai'me cal imagen lilanc'epa lan xanuc', ilque ti'onlcospa to linnejá. Ilne aikuiltaic' quilseña. Ille al seña inúmero cal cuecaj coyac' quinnejá. Tuya'e' te ts'i'ic' lipuftine. Iltaic' lit'harpa lepi'ipola' LanDios.

³ Tunac'yi ihya lunac'pa Moisés, ilque i'epa lipenic' lipoujna LanDios. Ille al canción ma' anuli licanción La'huaj Mol. Timiyi LanDios:

"Acuecaj y axpaiqui' lof'epa ima' malanDios.

Ima' malpoujna, ima' unCuecaj, tocuxela' jahuy lan xanuc'.

Ima' to'ay ma le'a al c'a, ma le'a al hijca.

⁴ ¿Ja'ni tipa'a petsi aimixpaic'eyaco'?

¿Ja'ni tipa'a petsi aimixinyaco' unCuecaj, ima' manDios?

Ailopa'a.

Linca ma' ima' cotuca' umPaxi, omujpoxi ac'a, ahijca lofxpic'epa.

Jahuy timetsaicoco'mo', texc'onlingai'mo'."

⁵ Lijou'ma aixim'ma jilpe lema'a exiya al Paxi Lugar pe lopa'a LanDios. Jilpe ti'onlcospa to li'huac'empa lan tsilaj capic' linilingimpola' lataiquí loya'apa locuxepa LanDios.

⁶ Jilpe al Paxi Lugar ipalunca acaitsi lapaluc' quema'a. Ilne lan caitsi lapaluc' quema'a epi'impola' litmane tite' mim'mola' lan xanuc'. Litpijhua' lilanc'ecompa alino afujca, aicunxalaic'. Tipa'a ts'ihfi'ejma lilunxajma', ilanc'ecompa a'oro.

⁷ Anuli lam malujxi' lam paxi quinneja tepi'ila' lan caitsi capaluc' quema'a quiltaza lilanc'ecompa a'oro. Ihe lan taza imanna lipoyac' LanDios. Ihe Eimaf'i' CanDios, aimimaya. (Tixcua'ale anuli anuli lan taza lan xanuc' tixim'me lipoyac' LanDios.)

⁸ Lipalumma lapaluc' quema'a jilpe al Paxi Lugar, LanDios imuj'moxi ma' anDios, imuj'moxi acueca' lo'epa. Toliya al Paxi Lugar imantsi quicuxis. Ma mite'l'minnila' lan xanuc' lan caitsi lapaluc' quema'a, aimi'iyia mitsulfaiconay-acu jilpe.

16

¹ Aicuej'ma tipalquinni ujfxi jilpe al Paxi Lugar. Timila' lan caitsi capaluc' quema'a: "Tonlele. Toluhuale lohtazá ihe imanna lipoyac' LanDios. Tołscujajitsa jilpe li'a lamats'."

² Cal te'a capaluc quema'a ipanni, ixcuajajitsi ilpe lamats'. Lan xanuc' ts'iltaic' liseña cal cuecaj coyac' quinneja, mañiya nexc'onlingoñaipá cal imagen, ilque ti'onłcospa to ñinneja, ñniya i'i'mola' quilehui, etefcai'itsola' quixcay cahui acueca' cumla.

³ Locuena capaluc quema'a tixcuajay ixcua'fipa laja. Laja i'i'ma cajuats', tocomma to ñimac' xans lijuats'. Jahuay nomana' jilpe laja ima'mola'.

⁴ Locuena capaluc quema'a ixcua'mipa cal panay jouc'a laipayomma lajay. Jilpiya cal panay y lajay i'i'ma cajuats'.

⁵ Aicuej'ma tipalay lapaluc quema'a nocuxepa lajay, timi:

"Ima' manDios, ima' topa'a itsiya, topa'a li'ipa.

Ima' alijca lof'epa, alijca tote'l'mila' lan xanuc'.

⁶ Ihe nima'apá loxanuc' o'huexi.

Ima'a'me loprofeta nuya'apá lofxcpic'epa.

Ixcai'e'me loxanuc', ic'ejai'epa liłjuats'.

Ima' o'epa hijca, laja' joupá ipaicopa, i'ipa cajuats'.

Iñiya tixnañe ñiya lajuats'."

⁷ Aicuej'ma tipalquinni jilpiya al altar. Timiyi LanDios:

"Ima' manDios, ima' alPoujna.

Mane ac'a lof'epa, mane alijca tote'l'miyale."

⁸ Locuena capaluc quema'a ixcua'fipa cal 'ora. Tołta'a cal 'ora tipi'e'mola' lan xanuc' to mipi'ennila' lunga.

⁹ I'i'ma quinu' juaiconapa, ipi'e'mola' lan xanuc', emix'mola'. Lan xanuc' inesc'e'me quixcay cataiqui' LanDios. Timetsaicoyi ma' ilque ticuxe'e tite'l'mintsola' tołta'a. Aimisuej'memma, ni mimiya LanDios: "Al'epá quixcay. Ima' manDios, ima' unCueca'."

¹⁰ Locuena capaluc quema'a, ilque cal majxi, ixcua'fipa pe lopa'a cal cueca' coyac' quinneja micutsuya ticuxe. Petsi locuxeyopa imufc'o'ma, i'ipa muf juaiconapa. Lan xanuc' jilpe nomana' titełcoyi juaiconapa. Aimixnet'lyi. Titeji hiłpał.

¹¹ Tixinyi acueca' cumla, acueca' tite'l'mila' lilehui. Tołiya tinesc'eyi quixcay cataiqui' LanDios. Aimisuej'memma, ti'hua ti'eyi quixcay.

¹² Locuena capaluc quema'a, ilque cal camts'us, ixcua'fipa ilpe al cuecaj pana' cuftine Éufrates. Ixnaj'ma laja'. I'i'ma to lane. Iłpiya tiye'me lan tsilaj rey naipalyomma liyuf'ma 'ora.

¹³ Lijou'ma aixim'mola' afantsi lan talcúe. Iñiya ontahue. Anuli cal tacue ipanni lico cal dragón. Locuena ipanni lico cal cuecaj coyac' quinneja. Locuena ipanni lico cal profeta nofelñaiquepa. (Ihe cal profeta copa'a locuena cal cuecaj coyac' quinneja.)

¹⁴ Hne lontaꠘcue ontahue. Epi'impola' liꠘmane ti'ele al cueca'. Tupalumma, tiyeyi ni petsi li'a lamats', tefot'hela' lan rey. Ticuaiti al Cuecaj Quitine iꠘne lan rey tifuli'i'me LanDios. Ma' iꠘque cal Cuecaj Ts'ipenic'.

¹⁵ “¡Toꠘcuejle! Litine aimaꠘhuaijma lan xanuc' iya' cacuaihuo. Ma to micuaihuo lin-nantsepa toꠘta'a iya' cacuaiya. Al c'a lo'iya cal xans ja'ni ti'hua timaf'i', ja'ni aimipa'e lipijahuah. Cacuaitsi iya' tixoj'ma queta iꠘque. Ja'ni a'i, ja'ni tixmay, tixim'ma calaic'ata, tixinguf'moxi to amila.”

¹⁶ Lontahue efot'lem'mola' lan rey petsi cuftine Armagedón. Toꠘta'a lipuftine ataiqui' hebreo.

¹⁷ Locuenaj capaluc quema'a, iꠘque cal caitsi, ixcua'fipa lahua'. Lijou'ma tupalquinni ujfxi jiꠘpe al Paxi Lugar. Tupalquinni ma jiꠘpe lexpats'qui li'nof'quiya, ticua: “Joupa ixhuaita”.

¹⁸ Tixcaflay, tunalequi, tija'ayi, inu'ma acuecaj cunanto. Lan xanuc' nomana' li'a lamats' aiꠘquilsina' ni anulemma toꠘta'a cunanto.

¹⁹ Lamats' petsi lilajnyopa al cuecaj quiꠘya' epanni. I'i'ma afane'. Lan tsilaj quiꠘloꠘya' lan nación ecangenni, eteꠘquenni nulemma. He al cuecaj quiꠘya' cuftine “Al Cuecaj Babilonia”, LanDios i'nujuaiti lixcay li'epa jiꠘpiya. Aiꠘquimenc'ejma. Ticuxe'ela' lan xanuc' tixnaꠘe lopa'a ihiya litaza, tixnaꠘe lipoyac' LanDios. Tama aimicuayi, LanDios tixnai'i'mola'.

²⁰ Jahuay lamats' isla ejac'pola', aits'ihuájtsola' ni anuli hijuala.

²¹ Iyuj'ma acueca' qui'ay cacui. Anuli anuli li'ay cacui lipicumta oquej nuxans kilo. Ecangaf'caitsola' lan xanuc'. Hne ixingufco'me acueca' juaiconapa iꠘe lateꠘcoya, tohiya inesc'e'me quixcay cataiqui' LanDios.

17

¹ Icuai'ma pe laifpa'a anuli lapaluc quema'a. Iꠘque anuli iꠘne lan caitsi hiluhuaic' liꠘtaza. Alpalaic'o'ma, aꠘmi: “Eꠘpá. Camuc'ito' lo'iya laca'no' xonca cal xujc'a, maꠘque nocutsafya jiꠘpe laja. LanDios titeꠘmi'ma.

² Lan tsilaj rey nocuxepá li'a lamats' ihuej'me laca'no'. Ihuej'me jouc'a lan xanuc' nomana' ni petsi li'a lamats'. Tijanaj'me juaiconapa, i'ipola' camac'ta to lisnaye.”

³ Iya' i'huapa laipicuejma'. Lapaluc quema'a aꠘ'hua'e petsi ailopa'a quiꠘya'. Iꠘpiya aiximpa laca'no' ticutsafya cal cuecaj coyac' quinneja. Iꠘque linneja unxali. Jahuay licuerpo inilingiya laꠘtiné. Hne laꠘtiné tetets'iyi LanDios. Tipa'a acaitsi hijuac, imbama' hiꠘpecala'.

⁴ Lipijahua' laca'no' unxali cumi jouc'a unxali. Tipa'a lila'acoyoxi ilanc'ecompa a'oro jouc'a apic' acueca' lipitali, jouc'a aperla. Limane i'noti anuli al taza lilanc'ecompa a'oro. Ihiya al taza imanna jahuay al xujc'a, iꠘe lo'epa iꠘque cal xujc'a caca'no', imanna jahuay laxits'epa.

⁵ Lepali inilingiya lipuftine, iꠘe ticua: “Iya' ninBabilonia. Nincuecaj quiꠘya'. Iya' iꠘ'máma' jahuay laca'no' no'epá quixcay, iꠘ'máma' jahuay iꠘniya petsi no'epá laxits'epa LanDios.” He linilingiya emiya cataiqui'. Ticuicomma tuhuaꠘc'inle.

⁶ Aixim'ma imeyojpa laca'no'. Iꠘque ima'apola' lixanuc' LanDios, iꠘne i'huexi. Ima'apola' ts'ilihuequi Jesús, noya'apá litaiqui'. Ixnapa liꠘjuats'.

Laixim'ma laca'no' aꠘspaijma juaiconapa. Aines'ma: “¿Te cocuajmaispa iꠘe laiximpa?”

⁷ Lapaluc quema'a aꠘmi: “¿Te coxpaijcopo'? Iya' cuhuaꠘc'e'e'mo' iꠘe lemiya cataiqui'. Cami'mo' te ts'i'ic' lo'onꠘcospola' laca'no' y cal cuecaj coyac' quinneja ts'itaic' acaitsi hijuac, imbamaj hiꠘpecala'.

⁸ ”Joupa oximpa cal cuecaj coyac' quinneja. Maꠘque copa'a luyaipa quiꠘtine, itsiya ailopa'a, ticuaiconno, tif'ajyohuo al cuecaj pu'hua lacui'impá al

Abismo. Tijoula' tima'am'me nulemma. Lan xanuc' nomana' li'a lamats' tixim'me linneja locuaiconaya. Ique nopa'a luyaipa quitine, itsiya ailopa'a. Tixim'me laxpaiqui'. Tohta'a ti'i'mola' ilne petsi liptuftine aiqunilingiya al je'e. Ie al je'e petsi linilingiya liptuftine pe napenufpá al c'a liptitine aimijouya. Lilajmpa li'a lamats' ilna'a laftiné joupa inilingiya jiliya al je'e.

⁹ "Pe ts'ac'a lipticuejma' ilne ticuec'e'me laifmipo'. Lan caitsi lijuac linneja, ilne acaitsi lijualay. Ipe ticutsafya laca'no'. Lan caitsi lijualay jouc'a ti'onlcospola' acaitsi lan rey.

¹⁰ Ilniya lan rey, amajxi' joupa ilonc'empola' micuxeyi. Anuli ticuxe itsiya. Locuena ticuaihuo, ticuxe'ma. Ique locuxeya aimicoŷa.

¹¹ "Cal cuecaj coyac' quinneja nopa'a luyaipa quitine, itsiya ailopa'a, ticuaiconno, ilque ocuenaj rey, cal paico. Tijoula' ticuxete ilne lan caitsij rey, ilque ticuaihuo, ticuxe'ma. Tijoula' tejac'ma nulemma.

¹² "Limbamaj quecala' loximpa, ilne locuenaye lan rey. Ilniya aiquirepenufi locuxeyacu, tepenuf'me. Ilne y cal cuecaj coyac' quinneja tepi'im'mola' liłmane. Ticuxe'me to anuli 'hora. Aimicoŷacola'.

¹³ Ilne lan rey, anuli lipticuejma'. Tixpic'e'me, ticuayi: 'Aimałcuxeyacu illanc' całtuca'. Tołiya timetsaicom'me cal cuecaj quinneja. Tihuejcom'me ilque.'

¹⁴ "Tijoula' jahuay ilniya tixtuc'o'me, tifule'me La'huaj Moł. Ique La'huaj Moł ilPoujna jahuay lapoujnalá, ilRey jahuay lan rey. Tołiya tulij'mola' laixtuc'opá. Petsi noyemalepá, joupa ijoc'ipola', i'huijf'epola', ilniya aimenajyacołtsi, ti'hua tiyemaleyi."

¹⁵ Lapaluc quema'a alpalaic'ocona'ma, almi: "Łaja loximpa pe locutsafya laca'no', ilniya ti'onlcospa to lanxpela' xanuc', ituca' ituca' linación, lopalaipa ituca' ituca' liłtaiqui'.

¹⁶ Cal cuecaj coyac' quinneja jouc'a limbamaj quecala' loximpa ilne tixtuc'o'me lixcay caca'no'. Tetets'i'me, texic'e'me limane, tipo'no'me quituca', amila. Tehuaitsoj'me lipixic', tite'me. Tipi'e'me lipecał.

¹⁷ "Ma ŁanDios nicuxepola' lipticuejma' ilne limbama' lan rey. Tohta'a i'e'me loxpicepa ŁanDios, ihuejco'me cal cuecaj coyac' quinneja. Ique ticuxela'. Tijoula' tenanła' jahuay loya'apa litaiqui' ŁanDios, loyac' quinneja aimicuxeconaya. (Ma mehue'e' menanłi loya'apa litaiqui' ŁanDios, ti'hua ticuxe ilque loyac' quinneja. Tijoula' tenanła' aimicuxeconaya.)

¹⁸ "Łaca'no' loximpa ti'onlcospa to al cuecaj quiłya', ilne liłya' incuxepa, ticuxela' lan rey nomana' ni petsi li'a lamats'."

18

¹ Lijou'ma aixim'ma locuena capaluc quema'a imuyonni lema'a. Acueca' apaxi ilque. Epalc'o'i'ma jahuay li'a lamats'.

² Acueca' y axpaiqui' lipalai'ma. Ipalai'ma ujfxi, tuya'e': "Joupa ecangemma, i'ipa camats' al cuecaj quiłya' Babilonia! Itsiya ailopa'a xanuc' ilpiya, timana' ma le'a lontahue.

Iłpiya timana' lan xujc'a contahue, timana' lan xujc'a cacał'hui naiyulpá, ilniya pe lan xanuc' textits'eyi.

³ Luyaipa quitine tixoqui quileta lan xanuc' quiyouyomma lan nación tiyeyi tıtsulfołaiyi jilpe al cuecaj quiłya'.

Iłiya liłya' ti'onlcospa to quixcay caca'no', i'e'mola' lan xanuc' camac'ta to lisnaye.

Lan rey nomana' li'a lamats' tihuejyi liłya' to mihuejyi lixcay caca'no'.

Nocualepá ti'najnufyi locujyacu, ticujconayi ulij'me acuecaj quił'huexi."

⁴ Aicuej'ma locuena tipalay pu'hua lema'a, timila' lixanuc' ŁanDios:

“Imanc' aixanuc' tolipalunca jilpiya liya'.

Ja'ni aimolipalumma toni'e'me lixcay to lo'epa ilpiya.

Tijoula' imanc' jouc'a lan xanuc' nomana' jilpe liya' titei'mim'molhuo' anuli.

⁵ Axpe' camats' ti'eyi juaiconapa lixcay.

Ile lilepaxcay i'ipa to anuli cal cuecaj quijuala, icula'apa icuaita lema'a.

Itsiya linca, LanDios aimilonc'e'eyacola' liljunac'.

⁶ Iliya liya' ma to li'e'epolhuo' imanc' to'i'e'econtsa xonca.

Ile lixcay li'epa, totpai'icone oquemma.

Ihuants'i lixcay loisnapa, imanc' tohuants'i'me xonca lixcay loxnaya.

⁷ Iliya liya' i'epoxi to acuecaj caca'no', ilque nipajmpa ac'a, tenant'li jahuay lojanajpa.

Itsiya imanc' toitei'mile juaiconapa, tixinta' acuecaj cumla, tixhueicoa', tijojla'.

Luyaipa quitine ticua: 'Jifa'a cacutsu, cacuxe to cal cuecaj quincuxepa.

Iya' a'i nimpotsate, jouc'a aimaliya toita'a.

Aicaxhueicoya ni cajojya, ni anulemma.'

⁸ Ile linespa aikuixpic'e LanDios, toliya icuaico'ma lateicoya.

Ile litine jilpe liya' lan xanuc' tixim'me lamaya, tixim'me lumemma, tixhueimot'le'me, tijojhualque'me.

Lipal cunga tipi'e'ma nulemma liya', ti'i'ma capi', tejac'e'ma.

Tipa'a acueca' lipujfxi laPoujna LanDios, ilque Notei'miya ile liya'."

⁹ Lan rey nomana' li'a lamats' tixim'me tif'aqui licuxis mepi liya'. Luyaipa quitine ilne lan rey ac'a lomajmpa jilpe al cuecaj quilya'. To cal xujc'a caca'no' ilque liya' tepi'ila' lojanajpa. Itsiya ilniya tijolijyi, tija'ayi.

¹⁰ Tecaxo'yi aculi'. Tixpailiquila'. Lunga tipi'enni jiliya liya', timiyi:

“¡Babilonia, ima' uncuecaj quilya'!

¡Ima' mujfxi quilya'!

Joupa ixcaiyolpo', uncuanuc', aikuicoi loteicoya.

Tijoula' ma le'a to anuli 'hora joupa etelquemmo'."

¹¹ Nocucalépa nomana' li'a lamats' jouc'a tijolijyi, tixhueicoyi acueca' quihuotsoqueya. Itsiya, ¿naitsi no'najá ts'itai'c' ilniya? Ailopa'a no'najá. Joupa etelquemma liya'.

¹² Ilniya nocucalépa itai'c' al 'oro, al plata, lapic' acueca' quipitali, jouc'a lam perla. Itai'c' al c'a quijahua' al fujca, jiliya cuftine lino, jouc'a lijahua' ummangaic' unxalcumi jouc'a unxali. Jouc'a itai'c' lijahua' aseda. Itai'c' al c'a c'ec, tujuej c'a, itai'c' lilajncopa amárfil, itai'c' lilajncopa al c'a c'ec acueca' quipitali, itai'c' lilajncopa abronce, lilajncopa atejma', itai'c' lilajncopa lapic cuftine mármol.

¹³ Itai'c' cal canela, jouca' lupá c'ec lojuepa c'a, jouc'a lipa' c'ec, jouc'a licat'la al 'ec cuftine mirra, jouc'a al 'ec cuftine olíbano. Itai'c' al vino, laceite, jouc'a cal 'harina trigo, jouc'a lan trigo. Itai'c' lam mot'í, jouc'a locuenaye quinnejá. Jouc'a itai'c' laihuale, itai'c' lan carro jouc'a lilexanuc' joupa i'nampola'. Jouc'a itai'c' locuenaye lan xanuc' ticuj'me.

¹⁴ Nocucalépa timiyi liya':

“Ile lofjanajpa aimapenufconaya, jahuay al c'a loftepa joupa ailopa'a.

Al c'a lopijahua', jahuay lola'acoyoxi, joupa ejac'pa nulemma, aimoxingonaya.”

¹⁵ Nocucalépa jouc'a no'najualepá ilne nolijpá juaiconapa jilpe al cuecaj quilya', ilniya tecaxo'layi aculi'. Tixpailiquila' lunga. Tipi'enni liya'. Tijolijyi, tixhueicoyi acueca' quihuotsoqueya.

¹⁶ Ticuayi:

“Ay, acuanuc' ita'a al cuecaj quilya'.

Li'ipa i'huáqui to łaca'no' letejyoxi al c'a, lipijahua' ilajncopa lan c'a quijahuati,
to al fujca quijahua' cuftine lino.

Jouc'a ilajncopa lunxałcumi quijahua', jouc'a lunxali quijahua'.

Ipo'no'ma hila'acoyoxi ilajncopa a'oro, ilajncopa apic' acueca' quipitali, jouc'a
lam perla.

¹⁷ Icol'ma ma le'a anulij hora liteł'mim'me.

Luyaipa quitine acueca' h'hueca, itsiya joupa ijounapa.”

Tecaxołanna aculi' lan xanuc' nocuxepá liłbarco, jouc'a noyepá lam barco,
jouc'a jahuay no'epá canic' jilpe łaja.

¹⁸ Lixim'me licuxis pe ilpe lepipa al cuecaj quiłya' tija'ayi, ticuayi: “¿Te tipa'a
acueca' quiłya' lo'onłcospa to iłiya al cuecaj quiłya'? A'i. Ailopa'a co'onłcoya.”

¹⁹ Tija'ayi, tijolijyi, tixhuełcoyi acueca' quihuotsoqueya. Tejuaf'iyoltsi capi'
liłjuac'. Ticuayi:

“Ay, acuanuc' juaiconapa jiliya al cuecaj quiłya' Babilonia.

Luyaipa quitine acuecaj tomí tipa'a jilpiya.

Liłpoujnalá jilne lam barco loyepá łaja tulijyi juaiconapa.

Jilpe liłya' ti'naji liłtaic' liłbarco.

Itsiya joupa ejac'pa; ma le'a anuli 'hora icol'ma liteł'mimpa.

²⁰ ¡Tixojla' cunlata imanc' nołmana' lema'a!

Imanc' ixanuc' ŁanDios, imanc' unlihuequi Jesús,

imanc' unc'iprofeta noluya'apá loxpicepa ŁanDios,

jahuay imanc': ¡Tixojla' cunlata!

Joupa etelquemma al cuecaj quiłya', ilpe liłya' iteł'mipolhuo',

itsiya ŁanDios iteł'miconapa, i'epa łajca li'e'epolhuo'.”

²¹ Anuli cal cuecaj capaluc quema'a ipulaf'ma cal cuecaj caxpehui capic,
ecajm'mi'ma łaja, ticua:

“Iłque cal cuecaj capic nulemma necajm'mipa łaja, if'acaipa, aimipajnconaya,
aimixingonayacu.

Ma tołta'a etelquemma al cuecaj quiłya' Babilonia, if'acaipa, aimipajnconaya.

²² Luyaipa quitine jilpe liłya' tunayi lił'harpa, tunac'liyi, tifus'miyi liłflauta,
tifus'miyi liłtrompeta.

Itsiya a'i, ilpiya aimunaconayacu.

Luyaipa quitine ilpiya timana' lan xanuc' acuecaj liłpicuejma', tilanc'eyi al c'a.

Itsiya a'i, ilpiya aimixingonayacu ni anuli cal xans ts'ipicuejma'.

Luyaipa quitine jilpe ticuequinni hilepic molino, titaijyi lan trigo.

Itsiya a'i, joupa i-ch'ixcopa, aimicuejconayacu.

²³ Luyaipa quitine jilpe ulif'iya epalałc'o' łajut'li.

Itsiya a'i, i'ipa pangay muf, jilpe aimulif'iconaya, ni anuli lepalc'o'.

Luyaipa quitine jilpe tixoqui quileta tipalaic'oyołtsi, temalliyi, ti'eyi liłjuic.

Cal xans tipalaic'o' lipeno, łaca'no' tipalaic'o' hipe'ailli'.

Itsiya a'i, aimicuejconayacu tołta'a, aimipalaic'oconayołtsi.

Luyaipa quitine ipalunca jahuay li'a łamats', tiłcuaiyumma jilpiya lan tsilaj
xanuc' nocucalepá, ticujyi liłtaic'.

Itsiya aimi'econayacu tołta'a.

Ima' cumBabilonia, to cal bruja tofel'mila' jahuay lan xanuc' nomana' li'a
łamats'.”

²⁴ Ilpe al cuecaj quiłya' Babilonia ixim'me lixcuajaiquemma liłjuats' ilne lam
profeta, lixcuajaiquemma liłjuats' lixanuc' ŁanDios, ilne i'huexi ŁanDios. Ma
jilpe liłya' ixim'me jouc'a lixcuajaiquemma liłjuats' jahuay noma'ampola', ilne
lan xanuc' naihuejpá ŁanDios. Ilpe liłya' itaiyinge lajunac'.

19

¹ Lijou'ma aicuej'ma tipalaiyi ujfxi axpela' lan xanuc' pu'hua lema'a, ticuayi:

“¡Aleluya! ¡X'najtse'eya łałPoujna ŁanDios! İtque joupá ulijpa.

Timetsaiconłe anDios, ma le'a itque cal Cueca', itque quituca' nipajnya ti'ay.

² No'epá quixcay a'i munłu'enyacola',

ŁanDios titeł'mi'mola', ałijca titeł'mi'mola', aimuyaipa xpijma.

İtsiya joupá iteł'mipa łaca'no' no'epa acuecaj quixcay.

Ni petsi li'a łamats' iyu'iyalepa lipixcay qui'ejma', itac'uiyalepa ti'ele tołta'a.

İma'apola' lixanuc' ŁanDios pe no'epá lipenic'.

ŁanDios joupá iteł'mipa łixcay caca'no', ipai'iconapa li'e'eyalepa.”

³ Tinesconayi:

“¡Aleluya! ¡X'najtse'eya łalanDios!

Liłya' ti'hua tipi, aimipica, ti'hua tif'aquí lipicuxis.”

⁴ Lan nuxans malujxi' lan tsilaj xanuc' noxpijpá lataiqui', jouc'a lam malujxi' lam paxi quinnejá, exc'onłingolai'me ŁanDios Nocutsuya pe li'nof'quiya. Ticuayi:

“Amén, tołta'a ti'ıta'.

¡Aleluya! ¡X'najtse'eya ŁanDios!”

⁵ Tipamma lataiqui' pe lopa'a li'nof'quiya, timila' lan xanuc':

“Jahuay imanc' nonł'epá lipenic' ŁanDios łolPoujna, imanc' nołsimpá acueca' ŁanDios,

ja'ni unc'atsocay xanuc', ja'ni unc'atsilaj xanuc',

ıtixojla' cunlata, tołs'najtsi'ıte ŁanDios!”

⁶ Aicuej'mola' tocomma to juaiconapa axpela' lan xanuc' tipalaiyi. Aicuej'ma lopalaipa tocomma to ti'nixma axpe' caja', tocomma tunalequi juaiconapa. Ticuayi:

“¡Aleluya, x'najtse'eya ŁanDios!

İtque ałPoujna, ticuxela' jahuay, ma le'a itque ałRey, ma le'a itque ticuxe.

⁷ ıtixojla' calata alunac'lıte!

Ałmıte: ‘Ma' ima' manDios’.

İtsiya ijuic Ła'huaj Moł, ilejma lipeno.

İtque łahuats' joupá imetsaicompa, ailopa'a quehue'e'.

⁸ Joupá epi'impá lipijahua' juaiconapa tunts'ifqui, ıte alino afujca.

Tołta'a liłpijahua' lepi'impola' petsi i'huexi ŁanDios,

ıniya mimana' li'a lamats' i'epá al c'a.”

⁹ Łapaluc quema'a ałmi: “Tainııta': Ti'e'eta' juic Ła'huaj Moł, tilecola' lipeno. İxoıma quileta lan xanuc' liıoc'impola' ıııya al juic.” Jouc'a ałmi: “Al ıınca laımıpo'. Maııya itaiqui' ŁanDios.”

¹⁰ İya' cola' nexc'onłingai'ma łapaluc quema'a. İtque ałmi: “Aı. Aımo'e'me tołta'a. Ma' anuli lałpenic' iya' ima' jouc'a lopımaye noya'apá litaiqui' Jesús. Taxc'onłingaiıta' ma le'a ŁanDios. İllanc' naluya'apá litaiqui' Jesús, jahuay nınc'ıprofeta, ałmuc'ınga' cal Espıritu Santo.”

¹¹ Aıxingonapa exıya lema'a. Jııpe tipa'a anuli cal fujca caıhuala. İtque łenafcaic' łaihuala cuftıne: İtque Aımixospa. İtque Noya'apa al ıınca. İtque mıteł'mıla' lan xanuc' ti'ay al ııjca, jouc'a ałıjca tıfulıcojma.

¹² Li'u' tocomma to ııpał cunga. Łıjuac tipa'a axpe' corona. Jııpiya tıniııjnya lipuftıne. İtque ıınca ticuec'e ıııya laftıne, locuenaye aımicuec'eyı.

¹³ İpoxqui unxali lipijahua', ummanc'ecompa ajuats'. İtque ipuftıne: Litaiqui' ŁanDios.

¹⁴ Axpela' itejmale, itne nomana' lema'a, lif'as soldado. Ilenafcaic' jouc'a lan fujca caihuale. Itpo'nohua lipijahua' ilajncopa al c'a quijahua' cuftine alino. Ihiya lijahua' afujca juaiconapa, tunts'ifqui.

¹⁵ Lico tipamma al cuecaj cutsilo juaiconapa quix'ay, tixcai'eco'mola' lan xanuc' nomana' li'a lamats'. Acueca' ipujfxi ticuxe'mola'. Timuc'i'mola' lan xanuc' lipoyac' LanDios, itque cal Cuecaj Ts'ipenic' Nocuxepola' jahuay, ixtupa. Titehmi'mola', ti'huailletsuf'mola' to mi'huaillequi'me lan uva, tipa'anni lijya'.

¹⁶ Lipijahua' jouc'a litungu li'mis inihingiya lipuftine ticua: Iya' xonca cacuxela' jahuay lan rey. Iya' itPoujna jahuay lapoujnalá.

¹⁷ Aixim'ma anuli lapaluc quema'a tecaxijnya pe lopa'a cal 'ora. Tipalaic'ola' jahuay lan tsilaj cacat'hui miyulyi nolojmay lema'a. Timila': "Tonhouyunca. Tolafot'letsołtsi petsi LanDios lo'eyopa licuecaj juic.

¹⁸ Tołtele lipixic' lan rey jouc'a lipixic' lincuxepá soldado, jouc'a lipixic' lan soldado, jouc'a lipixic' laihuale jouc'a lipixic' lilenafcaic'. Tołtele lipixic' jahuay lan xanuc'. Ja'ni quiltuca' nocuxepołtsi, ja'ni lipoujnalá ticuxela', ma' anuli tołtele lipixic'. Tołtele lipixic' lan tsocay, lan tsila' jouc'a."

¹⁹ Aixim'mola' cal cuecaj coyac' quinneja y lan rey nomana' li'a lamats', jouc'a litsoldado. Joupa efołumma tifuli'i'me lenafcaic' cal fujca caihuale, jouc'a tifuli'i'mołtsi lisoldado.

²⁰ Inołim'me cal cuecaj coyac' quinneja jouc'a liprofeta nofel'miyalepa. Itque liprofeta li'ipa epi'impa quimane cal cuecaj coyac' quinneja ti'ela' al cueca'. Tołta'a ifel'mi'mola' pe nepenufpá lisello cal cuecaj coyac' quinneja. Itne lan xanuc' exc'onłingołai'me cal imagen, itque lo'onłcospa to linneja. Itne loquexi', ma quilmafi', i'nij'mim'mola' al cuecaj capa imanna cunga, tipi łazufre.

²¹ Lenafcaic' quipihuala pe łaipaiyomma lico al cuecaj cutsilo, tima'ala' locuenaye lixanuc' al cuecaj coyac' quinneja, tima'acola' itiya al cutsilo. Lan tsilaj cacat'hui naiyulpá lema'a titejn-nila' lipixic'. Ti'hua titeji tixhuaitsola'.

20

¹ Aixingo'ma ocuena lapaluc quema'a. Timuyomma lema'a. Inic' liyahui al cuecaj pu'hua. Jouc'a limane inic' al cuecaj cadena catejma'.

²⁻³ Lapaluc quema'a ti'nołi cal dragón, itque łainofat nopa'a al te'a, łacui'impa Łonta'a Satanás. Ifi'e'ma. Inij'mi'ma al cuecaj pu'hua. Tipajnla' imbamaj maxnu camats'. Italinc'i'ma cal sello. Aimipahuo cal dragón. Aimifel'miconayacola' lan xanuc' nomana' li'a lamats'. Tixhuaitsi limbamaj maxnu camats' tux'masquim'me huata.

⁴ Aixim'ma axpe' lan tsilaj asiento. Nocutshuołanna jilpiya epi'impola' litmane ticuxete. Itne aikuexc'onłingołaic' cal cuecaj coyac' quinneja, aikuexc'onłingołaic' cal imagen lo'onłcospa linneja, aikuilepenufi lisello linneja, aikuinilingiya lilepali ni litmane. Itniya naihuejpa Jesús, noya'apá litaiqui' LanDios, tołiya ima'ampola'. Tama ima'ampola', lit'alma imafi'. Timana' pe lopa'a Cristo. Imbamaj maxnu camats' anuli Cristo ticuxeyi.

⁵ Itniya lan tet'ła łimafi'inapola'. Tijoułta' limbamaj maxnu camats' locuenaye limanapola' timaf'ina'me.

⁶ Tixoqui quileta lan tet'ła łimafi'inapola'. Itne linca ixanuc' LanDios, i'huexi itque, aimimaconayacola' oquemma. Lamaya aimima'aconayacola' nulemma. Itne e'aillí LanDios, e'aillí Cristo, ti'eyi lipenic'. Limbamaj maxnu camats' tiyejmale'me Cristo, ticuxe'me anuli.

⁷ Tixhuaitsi limbamaj maxnu camats' tux'masquim'me Satanás. Jilpe lifingiya tif'ajnahuo, tipahuo.

⁸ Ni petsi li'a lamats' ti'hua tifel'mila' lan xanuc', lan nación, itne pe aimihuejyi LanDios.

Lan xanuc' lacui'impola' Magog, nocuxepola' lacui'impola' Gog, Satanás tefot'lela' tifule'me. To axpe' cal cuixa lopa'a lema caja, tohta'a axpela' itniya, aimi'ya mixhuej'menyacola'. Tifule'me.

⁹ Tipalyomma ni petsi li'a lamats'. Icuaiyunca pe lefoya lixanuc' LanDios. Jilpe al cuecaj quiya' pe ts'ipic'a LanDios, maŕpe lomanc'epa lixanuc', if'em'mijpá. Aiximpa ilpe ecangemma cunga lema'a, tipi'ela'. Joupa i'ipola' capi' lan xanuc' pe aimicuec'eyi LanDios.

¹⁰ Cal Satanás nifel'miyalepa, i'nij'mim'me al cuecaj capa imanna cunga, tipi lazufre. Maŕpe lapa ti'nij'minni, joupa i'nij'mimpola' cal cuecaj coyac' quinneja jouc'a hiprofeŕa hinfel'miyale. Itine ipuqui' tixinŕe acuecaj cumla. Aimijouya lateŕcoya, ti'hua ticoli.

¹¹ Lijou'ma aixim'ma anuli al cueca' quexpats'qui li'nof'quiya afujca. Aixim'ma naiti jilpe locutsuya. Lema'a y lamats' aimi'ya micoŕyacola' pe lopa'a jilque, tejac'mola'. Aimixinconayacola'.

¹² Aixim'mola' limanapola', lan tsila' y lan tsocay. Tecaxoŕanna jilpiya. Lan je'e pe linilingiya li'epa joupa uxpalaifquimpa. Ilpe aixim'ma locuenaj je'e uxpalaifcona'me. Jilpe inilingiya lilpuftine petsi nepenufpá lilpitine aimijouya. Cal Juez tixhue lan je'e linilingiya li'epa limanapola'. Lijou'ma timila' lo'iyacola'.

¹³ Ilne lomanapola' nomana' laja ipalyonca. Jouc'a ipalunca petsi cuftine Hades, petsi Lamaya ummepola'. Limanapola', ma' anuli to li'epa, ti'i'ma lo'iyacola'. Tohta'a lomipola' cal Juez.

¹⁴ Jilpiya al cuecaj capa imanna cunga ti'nij'minnila' Lamaya jouc'a ille al lugar cuftine Hades.

¹⁵ Jilpe al cuecaj capa imanna cunga, ti'nij'minnila' jouc'a jahuay petsi aiqunilingiya lilpuftine jile al je'e. Iniya petsi ninilingiya lilpuftine, pe joupa nepenufpá lilpitine aimijouya, aiqui'nij'minnila'.

21

¹ Aixim'ma al ts'e quema'a y ats'e lamats'. Ailopa'a caja. Lomana' itsiya lema'a y li'a lamats' joupa ejac'pola'.

² Aixim'ma al Paxi Quiya', ille al ts'e Jerusalén imuyomma lema'a pe lopa'a LanDios. Ihiya al cuecaj quiya' etejyoxi juaiconapa al c'a, ma to metej'moxi lahuats' namaneya, litine tilecola' ilpe'ailli'.

³ Aicuej'ma anuli tipalay, ilque lopa'a jilpe lexpats'qui li'nof'quiya. Tipalay ujfxi, ticua:

“¡Toxinla', icuaico'me LanDios y lixanuc', itsiya timajm'me anuli!

LanDios tines'ma: ‘Ilne linca aixanuc', iya' ilenDios’.

Ilque hilenDios aimecanujyacola' quiluca'.

⁴ LanDios tetufc'ena'mola' lilujay lixanuc', aimijolijconayacu.

Ilpe litine aimi'ya camaya, tijouna'ma nulemma.

Aimixhueŕmot'leconayacu, aimijolijconayacu, aimiteŕconayacu cumla.

Ti'ila' tohta'a joupa ipaicopa jahuay.”

⁵ Nocutsafya lexpats'qui li'nof'quiya ticua: “¡Toxinla'! Ca'e'econghua ats'e.” Alpalaic'opa, almi: “Tainihjnla' laifmipo' itsiya. Al linca laitaiqui', aimipaicoya.”

⁶ Ti'hua alpalaic'o, almi: “Joupa enantpa jahuay laimipo'. Iya' al'onŕcospa to lainila cal A, jouc'a al'onŕcospa to lainila cal Z. Iya' aipangopa jahuay, iya' jouc'a cajou'ne'ma jahuay. Pe laicuipa quija' iya' cuhui'i'ma quija', tixnala' petsi laipayomma laja', ille lapi'ya lipitine aimijouya. Aica'najtsi'ya, ma le'a cuhui'i'ma tixnala'.

⁷ “Cal xans nolijya, tohta'a ti'i'ma, tohta'a tepenuf'ma. Ilque ai'hua, iya' enDios, aicacanujya.

8 Ituca' lo'iyacola' pe notaipá calaic'ata, iñe aimalihuequi. Jouc'a ituca' lo'iyacola' pe aimat'huaiyinge, jouc'a iñiya lan xujc'a xanuc', jouc'a noma'ahualepá, jouc'a nahuepá quilecal'no', jouc'a lam brujo, jouc'a naxc'onlingoñaiipá lilendiosla', jouc'a linfel'miyalepá. Jahuay iñiya tepenuf'me lapi'iyacola'. Tecajm'mim'mola' al cuecaj capa imanna cunga, tipi lazufre. Toñta'a lo'iyacola' pe nomaconayacola' oquemma.”

9 Jiñpe lema'a lan caitsi capaluc' quema'a liluhuaic' liñtaza, iñe imanohila' lan caitsi lijoucola' cateñcoya, anuli iñiya lapaluc' quema'a añpalaic'o, añmi: “To'huanni. Lepá. Camuc'ito' ñahuats' namaneya. La'huaj Moñ tileco'ma.”

10 Lijou'ma aixim'ma to i'hua'ma laipicuejma', añeco'ma al toncaj anuli cal cuecaj quijuala itoqui. Aixim'ma al Paxi Quiñya' Jerusalén timuyomma lema'a pe lopa'a ñanDios.

11 Iñta'a liñya' epalc'o'. Lipepalc'o' mañe lipepalc'o' ñanDios. Ma to munts'ifqui ñapic acueca' quipitali, ma toñe tepalc'o'i al Cuecaj Quiñya', tunts'ifqui to ñapic cuftine jaspe, cangufca i'huáqui.

12 Canumicay liñya' tipa'a cal cuecaj quitoqui caitañ. Iñiya ñaitañ tipa'a imbamaj coque' lipuertá. Jiñpe cal puertá tecaxoñanna lapaluc' quema'a, anuli anuli al puerta. Iñpe cal puertá inilingiya liñpuftine limbamaj coquexi' linaxque' cal xans Israel, iñe lañtatahueló. Apuerta apuerta tipa'a lipuftine.

13 Iñpe ñaitañ lehuoc'ocojma laipammaiyomma cal 'ora tipa'a afane' cal puertá. Lehuoc'ocojma lo'huayomma ñujñxi cahua' tipa'a afane' cal puertá. Lehuoc'ocojma lo'huayomma ñahua' quema caja tipa'a afane' cal puertá. Lehuoc'ocojma lo'acaiyopa cal 'ora tipa'a afane' cal puertá.

14 Iñpe liñpitañ liñya' itsahuecomma imbamaj coque' lapic'. Anuli anuli ñapic tiniñijnya anuli lañtine. Liñpuftine iñe limbamaj coquexi' lan apóstole, iñe ts'ilihuequi La'huaj Moñ.

15 Lapaluc quema'a ñañpalaic'o'ma itaic' loñpijcompa. Tocomma al ñaj-jaxa, ilajncopa a'oro. Tixpijta iñpe liñya' jouc'a lipuertá, jouc'a liñpitañ.

16 Liñya' ma' anuli lipitoqui lipexpats'qui. Lapaluc quema'a tixpicufi liñya'. Lixpicufpa imbamaj coquej miñ estadio. Liñya' lipitoqui, li'nofquiya, lipexpats'qui ma' anuli lixpicufpa. Iñe limbamaj coquej miñ estadio ixhuaisi to oquej miñ, oquej maxnu kilómetro.

17 Tixpicufi ñaitañ ma to mixpicufyi lan xanuc', ma toñe tixpicufi lapaluc quema'a. Iñque ñaitañ tixhuaispa anuli maxnu oquej nuxans malpu codo. (Tocomma to afane' nuxans y amaque' metro.)

18 ñaitañ ilajncopa ñapic cuftine ajaspe. Liñya' ilajncopa a'oro xonca al c'a. Tunts'ifqui to al pulu lepaquiya.

19 Pe lipanc'micopa liñpitañ liñya' i'huáqui ac'a juaiconapa, ilanc'empa al c'a. Iñpiya timana' imbamaj coque' lapic', acueca' ipitali iñiya lapic'. Cal te'a capic ajaspe, lihuequi azafiro, locuena a'ágata, locuena a'esmeralda,

20 locuena asardónica, (iñque a'onix), locuena acornalina, locuena acrisólito, locuena aberilo, locuena atopacio, locuena acrisoprasa, locuena ajacinto, lijoujma capic a'amatista.

21 Limbamaj coque' lipuertá ilajncopa aperla. Anuli anuli lipuerta ilajncopa anuli cal perla. Al cuecaj cane liñya' ilajncopa a'oro xonca al c'a. Tunts'ifqui to lepaquiya al pulu.

22 Iñpiya aicaixim'ma xoute'. Ailopa'a. Iñpiya liñya' tipa'a ñañPoujna ñanDios, ticuxe jahuay. Lan xanuc' text'onñingolaiyi ñanDios, text'onñingolaiyi La'huaj Moñ.

23 Ni cal 'ora ni cal mut'ña aimepalc'o'i liñya'. Aimicuicomma. Ma ñanDios lipepalc'o' tepalc'o'i, La'huaj Moñ jouc'a epalc'o'.

²⁴ He lipepalc'o' ilpe liya' tepalc'o'ila' lan nación, tiyele al c'a lan xanuc'. Iłpiya liya' tiłcuaispa lan tsila' quincuxepá nomana' li'a łamats'. Iłtaic' cal cueca' quił'huexi tipo'nota jilpe.

²⁵ Cal puertá timanemma exiliya. Ilpe pangay quitine. Aimimufc'o'. Ailopa'a quipuqui', aimixnif'miya cal puertá.

²⁶ Ilpe tiłcuaispa lan xanuc' quiyouyomma jahuay lan nación. Tiłcuai'espera al cueca' quił'huexi, jahuay al c'a li'hueca.

²⁷ Jilpe titsulfaiyi ma le'a lan xanuc' linilingiya liłpuftine lije'e Ła'huaj Moł, ile al je'e petsi linilingiya liłpuftine pe nepenufpá liłpitine aimijouya. Aimitsufaiya jilpiya petsi aimetenłma ŁanDios. Jouc'a aimitsufaiyacu pe no'epá al xujc'a, ni nofel'miyalepá.

22

¹⁻² Łapaluc quema'a ałmuc'i'ma al pana'. Jilpe al pana' a'i quijuel laja', tunts'ifqui to lepaquiya al pulu. Al pana' tipayomma lexpats'qui li'nof'quiya pe lomana' ŁanDios y Ła'huaj Moł. Tinu al cuecaj cane liya'. Jahuay noxnapá jile laja' ti'hua ts'ılmaf'i'. Łema łema al pana' tipa'a al 'ec. Notepá hi'as ile al 'ec tepenufyi liłpitine aimijouya. Amut'la amut'la al 'ec ti'atsi. Tixhuaitsi anuli camats' joupa i'aspa imbamaj coquemma. Afxi lipela, tixał'mela' lan xanuc' nomana' lan nación.

³ Jilpe tipa'a ma le'a letenłcocopa ŁanDios. Licuajquimpa ailopa'a. Małpe liya' tipa'a lexpats'qui li'nof'quiya pe lomana' ŁanDios y Ła'huaj Moł. Lan xanuc' naimetsaicopá ŁanDios to quiłPoujna, ilpiya ti'eyi lipenic', text'onlingołaiyi pe lopa'a.

⁴ Tehuelojnyi li'a Ła'huaj Moł, lipuftine tinilijnya lilepali.

⁵ Ilpe ailopa'a quipuqui'. Aimicuicomma quepalc'o', ni lepał 'ora ni ocuena quepalc'o' to lapalc'o'ipa łamats'. LiłPoujna, ilque ŁanDios, tepalc'o'ila'. Lixanuc' ticuxe'me, aimijouya liłcuxejma.

⁶ Łapaluc quema'a ałmi: “Al linca jile lataiqui' laifmipo'. Ma tołta'a ti'i'ma. ŁanDios, ilque hiłPoujna lam profeta, alummepa iya' epaluc. Ałmuc'ipa lo'iya. Lixanuc' no'epá lipenic', ŁanDios ipic'a ti'ila' quilsina' ile lo'iya.”

⁷ “iToxinła! Aimałcołya. Ma cacuaihuo. Tixoqui queta naitsi nopo'nopa cuenna loya'apa ŁanDios, ile litaiqui' linilingiya fa'a ilta'a al je'e.”

⁸ Iya' ninJuan joupa aicuejpa ilniya łataiquí, joupa aiximpa li'ipa. Tołiya nexc'onlingai'ma li'mitsi' łapaluc quema'a, ilque łalmuc'ipa tołta'a, ile joupa ninilpa fa'a al je'e.

⁹ Łapaluc ałmi: “A'i. Aimo'e'ma tołta'a. Jahuay al'eyi lipenic' łalPoujna ŁanDios, ima' jouc'a lapimaye lam profeta, jouc'a no'epá cuenna lominiłijmpa fa'a ilta'a al je'e. Taxc'onlingaila' ŁanDios.”

¹⁰ Jouc'a ałmi: “Iłta'a al je'e aimoxpats'ijm'ma lisello. Jifa'a tinilijnya lixp'epa ŁanDios. Itsiya aimicołya, ma ti'i'ma.

¹¹ Cal xans latenłcocopa lixcay lo'epa, ti'hua ti'econła' lixcay. Cal xans latenłcocopa al xujc'a lo'epa, ti'hua ti'econła' al xujc'a. Cal xans latenłcocopa al c'a lo'epa, ti'hua ti'econła' al c'a. Cal xans pe i'huexi ŁanDios ti'hua tihuejla' ŁanDios, aimenaj'moxi.”

¹² “iToxinła! Aimałcołya. Cacuaicoconno. Lan xanuc' to lo'epa, ma' anuli tepenufcona'me. Cacuaiyunni, lan c'a xanuc' tepenuf'me al c'a. Lixcay xanuc' tepenuf'me lixcay.

¹³ Iya' al'onłcospa to łainila cal A, jouc'a al'onłcospa to łainila cal Z. Aipangopa jahuay, jouc'a jahuay cajou'ne'ma. Iya' ninTe'a jouc'a niJoujma.”

¹⁴ Tixoj'ma quileta petsi joupa epajpa liłpijahua', ËanDios tixim'mola' limpio. İniya tepi'i'mola' liłmane titele hi'as al 'ec lapi'iyacola' liłpitine aimijouya. Titsuflai'me cal puertá, timajnta jilpe al Paxi Liłya'.

¹⁵ Ëuna timana' lan xujc'a xanuc' lo'onłcospola' to lan tsilqui. Jouc'a timana' lam brujo, jouc'a pe nahuepá quilecal'no', jouc'a noma'ahualepá, jouc'a pe naxc'onłingołaipá lilendiosla', jouc'a pe natets'ipá al linca, jouc'a linfel'miyale.

¹⁶ “Iya' ninJesús nummepa łainepaluc. İle lailaiqui' lomuc'impo' cu'ila' jahuaylapimaye lolafot'łepołtsi. Iya' lanef'epa cal rey David, ilque aitatahuelo. Iya' capalc'o'i acueca', tołta'a lacui'impa ninXamna Quiłic'ejma'.”

¹⁷ Cal Espíritu Santo jouc'a Ëipeno cal Moł timiyi: “ıTo'huanni!”

Naitsi nocuejpa ille lailaiqui' jouc'a timiła': “ıTo'huanni!”

İmanc', ja'ni ticui conłja', toliłoc'olaiyunca. Laja' lapi'iyacolhuo' lołpitine aimijouya, tołsnale. İle laja' tepi'im'molhuo', aimi'najtsi'inyacolhuo'.

¹⁸ Lailaiqui' liniliya fa'a al je'e ma' itaiqui' ËanDios, tuya'e' lixpıc'epa. Iya' camilhuo' jahuay imanc' nołquimf'epá: Aimolatonc'i'me. Ja'ni tolatonc'i'me ËanDios xonca' titeł'mi'molhuo'. Titeł'mi'molhuo' to linilingiya jilta'a al je'e, ille tuya'e' lixpıc'epa ËanDios.

¹⁹ Jouc'a aimoliłonc'e'me anuli lailaiqui'. Ja'ni toliłonc'e'me anuli jilta'a lailaiqui' ËanDios tiłonc'e'e'molhuo' lapi'ipola' lixanuc', ille loya'apa ilta'a al je'e. Tołta'a aimepi'inyacolhuo' lane mołtejacu hi'as jile al 'ec lapi'ipola' lan xanuc' liłpitine aimijouya. Aimołsulıaiyacu al Paxi Quiłya'.

²⁰ Lailaiqui' liniliya fa'a al je'e itaiqui' Nopalaipa itsiya, ticua: “Łinca cacuaiy-oconno. Aimalcołya.”

Amén. Tołta'a ti'ila'. İma' maiPoujna Jesús: ıTo'huanni!

²¹ ËalPoujna Jesús mouqui mouqui titoc'itsolhuo' jahuay imanc'. Amén. Tołta'a ti'ila'.